

近代中國史料叢刊第二十五輯

沈 雲 龍 主 編

劉武慎公（長佑）遺書  
首卷  
奏稿

龍繼棟編

文海出版社印行

中華民國五十七年九月初版

近代中國史料叢刊第二十五輯

精裝：十冊  
定價：新臺幣



版權所有

主編者：沈雲龍

發行人：李振華

出版者：文海出版社  
臺北縣永和鎮中興街99巷8號

郵政劃撥戶第二七八四號  
電話九二一二六五九號

印刷者：美明美術印刷廠

經銷者：全省各大書局  
臺北市康定路二〇二號

內政部登記證內版台業字第〇八〇〇號

聖本本道  
人進進道

聖本本道  
人進進道

劉武愼公遺書首卷目錄

劉武愼公全集卷一

上諭三道

諭賜祭文二首

御製碑文一首

國史本傳

禮部奏請

予謚摺

閣鈔

湖南巡撫代遞遺疏摺

湖南巡撫覆奏查明子孫片

卷之三十一 金

廣西巡撫請建祠摺

江西巡撫請建祠摺

湖南巡撫奏請新甯建祠摺

湖南巡撫奏立功地方建祠摺

雲貴總督請建祠摺

神道碑 待刊

墓誌銘 待刊

總目

光緒十三年八月十四日內閣奉

上諭前任雲貴總督劉長佑持躬端謹辦事老成由拔貢生效  
力戎行勦辦廣西江西湖南湖北安徽等省賊匪迭著戰功  
洵擢監司旋膺疆寄歷任兩廣直隸雲貴總督於地方事宜  
盡心籌辦克稱厥職前因患病準其開缺回籍調理茲聞溘  
逝軫惜殊深劉長佑著加恩照總督例賜卹任內一切處分  
悉予開復應得卹典該衙門察例具奏該故督有無子嗣著  
卞寶第查明具奏候旨施恩用示篤念蓋臣至意欽此





光緒十四年 月十二日內閣奉

上諭卞寶第奏查明劉長佑子孫遵旨覆陳等語前雲貴總督  
劉長佑之子通判劉思謙著加恩以同知用伊孫光祿寺署  
正劉繩武著加恩以主事用欽此

西	暦								

光緒十四年正月二十九日內閣奉

上諭李秉衡奏已故撫臣戰功卓著遺愛在民請建立專祠一摺前雲貴總督劉長佑在籍病故業經降旨賜卹該故督於咸豐同治年間兩任廣西巡撫勦辦賊匪所向克捷殲除夥匪綏靖邊疆其於地方各事宜興利除弊亦能殫心經理洵屬勛勞懋著遺愛在民加恩着在廣西省城建立專祠以彰蓋績該部知道欽此



諭賜祭文

朕惟雲興衡嶽應時生敵愾之材星落瀟湘盡瘁失折衝之  
選溯武功於曩日吉協師貞緬政績於當年寵頒異命允備  
飾終之禮宜優設奠之恩爾原任雲貴總督劉長佑直清勵  
品篤棊攄忱早登拔萃之科遂切從戎之志墨磨盾上運籌  
於量沙聚米之時錐脫囊中草檄在鞠旅陳師之會劉太尉  
順昌之捷大都功出書生謝冠軍淝水之勳屢說策由謀主  
經畧既欽其偉績鶚薦頻登朝廷亦嘉乃殊勛鴈班屢晉吳  
頭楚尾疊奏膚功陳臬開藩恆邀心簡既而櫟槍盡掃盤石  
重安荷

先朝特達之知畀開府封圻之任雖梟匪之縱橫未靖暫失機宜而狼氛卒殄滅無遺深堪嘉尚迺移旌於薊北旋建節於滇南露湛九霄風清六詔一路有福星之頌四郊興甘雨之歌方圖治以宣猷忽積勞而邁疾俯俞靜攝冀得早痊暫免馳驅長資倚任而乃壺頭瘴癘馬援之矍鑠都非峴首淒涼羊祜之風流不再淪殂遽告悼惜良深加異數以酬庸念壯猷而賜奠悉蠲除夫往咎仍延賞於後昆於戲精爽猶存百戰壯旂常之色恩榮永被千秋流拒鬯之芳惟爾有靈尙其歆受

諭賜祭文

躬膺重寄籌謀悉本乎忠忱禮尙殊施崇報難忘乎偉績蓋  
論功以經邦爲大而眷舊以錫奠爲隆爾原任雲貴總督劉  
長佑柱石勛高棟梁望重遺艱投大慰

深宮宵旰之廛戮力同心定全局安危之策歷始終而勤事爲中  
外所交推茲當

歸政之期特重

酬庸之典沛

鴻施於此日溯駿烈於當年

溫綉優頒嘉筵式錫食俎豆升香之報煥旂常載績之光於戲聚

米量沙猶憶長操勝算陳羞設醴允宜藉答殊勛靈而有知  
爾其來格



御製碑文

朕惟經文緯武端資柱石之臣崇德報功式煥絲綸之色而況受

三朝之知遇尤宜沛九陛之榮施實紀青珉恩頒紫誥爾原任雲  
貴總督劉長佑賦質剛方持躬謹懋榮分貢樹早躋司鐸之  
班暢曉戎機時切請纓之志上攻心之妙策攄豹畧而兵下  
三吳呈繫頸之奇謀展龍韜而威申兩楚佐裴度功成淮蔡  
繼開平底定和滁勤訓練則士無二心著聲威而獨當一面  
卒使長江鐵鎖難當玉濬樓船滿地金戈莫抗太真羽扇薦  
章屢上懋賞頻仍以牧令而存陟監司由臬藩而晉躋開府

竚狼氛於江漢翠羽榮加權虎節於封圻丹綸寵錫每依北  
斗爲畿輔保障之良是式南邦慰滇黔雲霓之望乃以因公  
負咎旋爲久病交侵效班超之乞身慨廉頗之垂老朕加恩  
宥將篤念耆年憫厥勤勞俯俞調攝胡引疴之未久竟奄逝  
之遽聞箕尾雲封歎忠魂之不返旄頭星殞知毅魄以如生  
爰推卹後之恩用錫易名之典諡曰武慎表厥生平於戲馬  
鬣風懷雁戶切甘棠之念龍綸日麗螭碑增幸樹之輝式勒  
貞珉永垂冊府

劉長佑列傳

劉長佑湖南新甯人道光二十九年拔貢生咸豐二年粵賊犯長沙長佑率團練防堵勦瀏陽土匪平之海保知縣三年平衡山安仁土匪以同知直隸州知州用

賞戴花翎尋奉檄援江西解泰和城圍擢知府畱江西補用五年湖南巡撫駱秉章疏請畱長佑軍勦湖南賊六年正月郴桂賊平敘功以道員用時江西賊復熾

詔飭長佑迅赴袁州一帶相機進剿二月復萍鄉

賞按察使銜三月克瀘溪進規袁州敗賊鳳凰山下遣同知蕭啟江復萬載五月賊糾黨來犯長佑親然大礮殲執旗賊目

賊卻走遣同知曾國華復新昌上高袁州賊棄城遁進逼  
臨江合長圍困之七年八月偽翼王石達開竄峽江踞羅  
坊長佑遣總兵普承堯同知劉坤一馳剿戰失利賊突入  
大坪墟長佑恐腹背受敵乘賊築壘未定夜襲之賊潰走  
追至黃岡與諸軍合擊連獲大捷論功

上嘉其不避艱險奮勇決戰

賞齊普圖巴圖魯名號十二月復臨江殲賊酋張發紀

賞布政使銜八年七月賊竄廣豐長佑撥兵扼瀘溪率全軍駐新  
城賊出黃土關戰卻之又敗賊於熊村呂公嶺等處賊走  
南豐於甘家隘踞險拒守長佑乘夜直薄隘口麾軍衝入

賊殲焉江西邊境肅清巡撫耆齡疏稱長佑謀勇兼備戰功最多

命軍機處記名遇江西道員缺出請旨簡放九年三月回勦郴桂賊解永州圍

諭免選道員遇按察使缺出由軍機處題奏八月石達開竄廣西襲桂林駱秉章檄長佑偕道員蕭啟江赴援九月授廣西按察使十月遷布政使長佑馳抵全州擊賊於永福十二月規柳州克之連復柳城十年閏三月擢廣西巡撫四月遣軍攻慶遠破之六月石逆撲思恩長佑調軍堵禦擊敗之八月遣副將鄒世堂破石達開於興安十一年正月遣

道員劉坤一勦柳州土匪陣斬匪首伍聲揚餘黨就撫七月調水陸軍會勦潯州艇匪焚其船划平烏江口賊壘遂復府城磔逆首陳開貴縣賊首黃金義投誠復叛遣廣西按察使蔣益澧擒斬之餘黨殲除殆盡同治元年賊陷杭州長佑檄蔣益澧率師援浙以潯州爲餉源所出親督弁兵防勦奏入

**溫諭** 衰勉時南甯逆首吳淩雲襲踞太平府並陷養利州檄左江道吳德徵等復之五月長佑師次平樂擒逆首譚吉兆毀蓮塘賊卡六月進軍潯州連破麻風坳平田諸隘賊走貴縣荔浦逆首張皋友陷陽朔飭道員易元泰復之閏八月

擢兩廣總督九月勦平貴縣南岸進復修仁十月飭易元泰會克桂嶺礮臺鄭金華軍破武樂蒙垌伏賊移擊登龍橋賊卡戰大捷十一月遣遊擊郭承鳳等扼龍巖敗黃逆疏陳所部楚軍交布政使劉坤一接統赴任廣東會張錫珠宋景詩降而復叛近

畿騷然十二月調直隸總督

命由海道刻日起程赴直准酌帶舊部員弁以資臂助二年二月至天津卽赴衡水大營視師並陳布置大概情形得

旨該督久歷戎行聲威頗著直隸馬步軍將及萬人如申之紀律布以方略定能所向有功至所陳治兵籌餉其源皆出於察吏

洵爲探本之論直隸吏治廢弛清釐整飭自當積漸爲之不求速效不恤人言方能有所裨益該督惟有殫竭心力無所顧慮朝廷亦斷不爲遙制也長佑練勇五千選馬隊二千挑練營兵三千爲援剿之師三月敗賊東鹿陣殲張錫珠四月

命督辦直隸山東河南三省交界地方剿匪事宜旗綠防剿弁兵均歸節制參將王恩第與宋景詩交通長佑斬以徇宋景詩踞劉貫寨甘官屯以偪臨清長佑議調山東按察使丁寶楨軍扼東昌防賊東竄直隸軍由西北渡河力剿杜賊北犯上嘉長佑老成持重籌畫深中肯綮六月率按察使王榕吉軍於館陶部署諸軍偪甘官屯丁寶楨及總兵保德後至我軍



戰不利

上聞報以師屢愆期顯屬號令不齊

救嗣後兩省員弁如有觀望不前不遵調度者從嚴參辦毋得姑容八月科爾沁親王僧格林沁劾保德丁寶楨擁兵堂邑擅擬受宋逆降並劾長佑督勦遲延長佑亦自請議處坐降一

級調用

詔改降三級留任九月敗賊張秋鎮陣殲賊目楊殿一宋景詩僅

以身免十月三省漸就肅清請撤銷督辦

允之十二月遣署提督訥欽援甯夏三年九月以永定河流北徙

八九兩汛淤墊議於柳坨挑挖引河其舊有河形之處設

法疏濬由天津溝入海四年五月僧格林沁戰歿曹州賊  
麇聚鄆鉅濮范句結河套股匪德州恩縣復有馬賊應之  
長佑以下游河防空虛飭副將崔福泰等自開州八公橋  
至山東張秋鎮分營扼要嚴密防堵

上嘉其調度得宜不分畛域並以張秋爲黃運交匯之區

詔與山東巡撫閻敬銘籌備礮船豫杜賊船北渡閏五月因曹州  
伏莽煽動飭屬仿行堅壁清野法七月奉天馬賊突入喜  
峰口復竄出鐵門關長佑以疏防轄境下部議五年正月  
偕兼管順天府府尹萬青藜等會籌試墾稻田疏言海河  
東北岸縱四十餘里橫六十餘里土脈肥饒惟間有鹽鹵

若開渠引水時其緒蓄節宣可一律化爲沃壤擬先開環渠一道西起邢家沽而北而東南出海河長二十七里中開洩水渠一道自北而南亦通海河長十一里渠旁約可墾稻田五百餘頃需工銀八千餘兩官爲籌辦令墾戶按年交納水利歸償工費爲續行推廣之用

### 詔實力

試行八月議覆御史汪朝榮條陳整頓長蘆鹽務請規復永平七屬官運設汛緝私下部議行時擒匪竄近濮范南岸謀搶渡長佑馳赴大名擊敗之收復范縣舊城並沿河圍寨十月奏覆直隸分練六軍營制並請增廣二軍下部議行六年滄州梟匪張六糾黨劫慶雲鹽山甯津南皮各

鹽場長佑派兵勦捕餘孽向隆平東南竄逸七月復奏匪黨被勦竄過滹沱河岸人數加多更向東北狂竄

詔切責長佑調度乖方大負委任交部嚴議議上

命改爲革職畱任十一月匪黨增至千餘日漸北趨由涿州竄擾

永清霸州

詔褫長佑職交署總督官文差遣責令帶隊自效十二月長佑親

赴前敵督戰勦除匪黨殆盡因請回籍遣撤楚勇官文入

告

賞三品頂帶

命管帶所部弁勇回湖南本籍妥爲安置尋擒首任桂賴汝洸伏

誅

上以長佑一體有功

賞二品頂帶十年四月授廣東巡撫六月調廣西巡撫時越南逸匪竄擾關外不靖長佑奏言荒服之寇可近擊而不可遠追邊隘之師能協防而不能越躡誠以窮追則必深入後路或致空虛越躡則必添兵餉需倍形竭蹶應如何相機援撥以安內攘外之處見與督臣瑞麟悉心商度粗有端倪擬過梧州時函約提臣馮子材會商儻未便暫離卽飭營務處各員詢商妥辦

上韙之十月以越南從化府陷於賊調軍進剿克之十一年正月

破滯滯陣擒匪首何三餘黨悉平七月撤兵入關分軍搭  
捕思南太鎮暨北流岑溪股匪十二年關外白苗句結匪  
首黃崇英竄撲越南保樂州擾近鎮安派兵擊走之並略  
定越南太原北甯十三年三月貴州上下游軍務底定

上以長佑協濟黔餉不分畛域

敕部優敘光緒元年黃崇英糾黨再犯保樂長佑飭軍分擊淦台  
社平那畹各匪巢先後攻拔同文土州暨茶平等城寨斬  
黃崇英於河陽越南賊平十一月擢雲貴總督三年尋甸  
回匪王發有等突入昆明州屬焚掠老玉屯長佑飭知州  
王履亨會防營圍擊平之七年疏陳病狀

諭曰劉長佑久膺疆寄辦事實心朝廷深資倚任當勉力從公  
以副委任八年三月再疏引疾並請

陞見復

諭曰雲貴地方緊要該督任事有年素稱得力將應辦事宜認  
眞整頓不必來京所請開缺毋庸議五月

詔來京十二月以病

賞假兩月九年復請開缺回籍就醫

允之十三年卒事

聞

諭曰前任雲貴總督劉長佑持躬端謹辦事老成由拔貢生效

力戎行勦辦廣西江西湖南湖北安徽等省賊匪疊著戰功  
洵擢監司旋膺疆寄歷任兩廣直隸雲貴總督於地方事宜  
盡心籌畫克稱厥職前因患病准其開缺回籍調理茲聞溘  
逝軫惜殊深劉長佑著加恩照總督例賜卹任內一切處分  
悉予開復應得卹典該衙門察例具奏該故督有無子嗣著  
卞寶第查明具奏候旨施恩用示篤念盡臣至意尋

賜祭葬

予謚武慎十四年

允廣西巡撫李秉衡之請於廣西省城建立專祠十月復  
命於新甯縣建立專祠十五年正月



慈禧端佑康頤昭豫莊誠皇太后歸政追念前勞  
命賜祭一壇子思詢甘肅候補知府思謙二品廕生通判用孫繩

武光祿寺署正



禮部謹

奏爲請

旨事光緒十三年八月十四日內閣奉

上諭前任雲貴總督劉長佑持躬端謹辦事老成由拔貢生效  
力戎行勦辦廣西江西湖南湖北安徽等省賊匪營著戰功  
存擢監司旋膺疆寄歷任兩廣直隸雲貴總督於地方事宜  
盡心籌辦克稱厥職前因患病準其開缺回籍調理茲聞溘  
逝軫惜殊深劉長佑著加恩照總督例賜卹任內一切處分  
悉予開復應得卹典該衙門察例具奏等因欽此欽遵鈔出  
到部臣等查定例內開一品官病故

恩予卹典者給與全葬銀五百兩一次致祭銀二十五兩

遣官讀文致祭應否予諡請

旨定奪凡有子諡者內閣選擬諡號工部給碑價銀三百五十

兩本家自行建立祭文碑文交翰林院撰擬不予諡者祭

文交內閣撰擬等語今前任雲貴總督劉長佑病故欽奉

諭旨加恩照總督例賜卹照例給與全葬銀五百兩一次致祭

銀二十五兩

遣官讀文致祭祭文交該衙門撰擬其應否予諡之處伏候

欽定恭候

命下臣部行文各該衙門遵照辦理爲此謹

奏請

旨奉

旨著予諡欽此

欽此

五十四 加ノ名ノノ

十ノ

內閣鈔出前任雲貴總督劉長佑謚號奉  
 硃筆圈出武慎欽此

計開謚法

折衝禦侮曰武剛強以順曰武  
 小心克勤曰慎夙夜敬畏曰慎





湖南巡撫臣卞寶第跪

奏為在籍大員病故代遞遺疏仰祈

聖鑒事竊前任雲貴總督劉長佑於光緒九年赴都

陸見因病奏請開缺奉

上諭準其開缺回籍調理俟病痊後仍著來京陸見欽此茲於

光緒十三年六月二十五日在湖南新甯縣本籍病故據

該家屬稟報將劉長佑遺摺呈請代奏前來伏查劉長佑

由拔貢生於咸豐元年隨同前安徽撫臣江忠源帶勇剿

賊廣西轉戰湖南江西湖北安徽等省五年經前撫臣駱

秉章奏委募勇勦辦本省股匪赴援江西九年擊退石達

劉長佑奏摺

開大股髮逆永寶解圍追勦人粵游保記名按察使是年  
九月補授廣西按察使升布政使歷任廣西巡撫兩廣總  
督同治二年調補直隸總督六年因梟匪滋擾一案部議  
革職是年十二月蒙

賞給三品頂戴旋蒙

賞給二品頂戴十年補授廣東巡撫調廣西巡撫光緒元年補  
授雲貴總督九年六月因病開缺回籍調理醫治數年迄  
未痊愈該故總督任直隸總督時臣官順天府尹其事三  
年深知其廉正忠勤整飭吏治迨起用爲雲貴總督該故  
總督感

恩圖報倍矢精勤兵燹之餘力求培養軍民愛戴邊徼綏安在籍養疴猶時以

國事爲念忠悃始終如一茲聞溘逝實堪悼惜謹將該故總督遺摺一件附摺呈遞伏乞

**皇太后**

皇上聖鑒訓示謹

奏奉

硃批另有旨欽此



湖南巡撫臣卞寶第片

光緒十四年五月二十二日具奏

再臣前準吏部咨開內閣鈔出光緒十三年八月十四日

奉

上諭前任雲貴總督劉長佑持躬端謹辦事老成由拔貢生效力戎行勦辦廣西江西湖南湖北安徽等省賊匪迭著戰功洵擢監司旋膺疆寄歷任兩廣直隸雲貴總督於地方事宜盡心籌辦克稱厥職前因患病準其開缺回籍調理茲聞溘逝軫惜殊深劉長佑着加恩照總督例賜卹任內一切處分悉予開復應得卹典該衙門察例具奏該故督有無子嗣着卞寶第查明具奏候旨施恩用示篤念蓋臣至意欽此欽遵

當卽行查去後茲據署新甯縣知縣張葆連申據該家屬呈稱劉長佑長子思詢道銜甘肅候補知府因目疾請假回籍調理現在尙未就痊次子已故三子思謙二品廕生考試二等奉

旨以通判用四子思訓兵部候補郎中出繼堂叔長偉爲嗣有孫九人長孫繩武附貢生報捐光祿寺署正次孫永漑附生餘俱年幼所有查明故總督劉長佑子孫謹附片覆陳伏乞

聖鑒謹

奏

護理廣西巡撫臣李秉衡跪

奏爲已故前任撫臣戰功卓著遺愛在民請建立專祠以順

輿情恭摺籲懇

恩施仰祈

聖鑒事竊據廣西紳士在籍二品頂戴浙江補用道靳邦慶翰

林院編修曹馴庶吉士周璜廣東試用道王錫誥三品銜

湖南補用知府易鳳儀等以前任廣西撫臣升任雲貴督

臣劉長佑功德在粵臚列政績呈請奏建專祠等情前來

臣查該督臣劉長佑以湖南拔貢生投筆從戎立功數省

士民謳思不輟而粵民之愛戴尤深溯自咸豐九年七月

髮匪偽翼王石達開由湖南敗竄廣西境內擁眾十餘萬  
劉長佑以記名按察使奉

命率所部楚勇越境援剿是時偽國宗石鎮吉先以別股撲圍省

城石達開自率大股分踞義甯永福爲之犄角城內所恃  
惟前任布政使蔣益澧所部一軍賊燄既張人人惴恐劉  
長佑率八營馳抵靈川審機應敵急擣義甯之賊攻其必  
救賊遂不戰而退城圍立解先是咸豐二年髮逆圍困省  
城劉長佑由籍募勇來援已解城圍一次至是實爲桂林  
二次解圍粵西自金田構逆以來賊匪蜂起其大股盤踞  
城池者柳州則有馮常陳戊養潯州則有陳金剛修仁則



有張高友蔓衍句結不可爬梳各屬州縣城池十陷八九此外著名首匪尙以數十計荆榛徧地民無一日安枕加以兵單饑絀艱苦萬狀劉長佑統算兼籌力持危局桂林解圍之後遂督所部進窺柳郡是年九月奉

旨補授廣西按察使旋升布政使仍留營調度諸軍先後克復雒

容柳城等縣並復柳州府城於是各處團練皆得隨營自效是時匪首陳戊養結黨屯於柳城縣屬修築土城勢甚猖獗象州潯州艇匪數百艘乘風上竄與該匪聯爲一氣悉眾圍困郡城劉長佑派各營分路掩擊連破堅巢並焚賊艘郡城圍解象州城池亦督團克復十年四月在營次

拜升授廣西巡撫之

命回省接篆維時石達開大股竄踞慶遠府城四出分擾遂檄慶  
遠知府榮林督所屬漢土文武團練分道圍擊斃匪數千  
進薄城下克之石逆遣眾往攻思恩南甯等府及百色廳  
城擾及泗城府皆檄飭地方文武督團擊退既而石逆後  
旗部眾糾合土匪竄擾羅城融縣及永甯州屬三隍等處  
派員弁督勇擊走之賊左旗大股隨後踵至復派軍駐防  
義甯永福各要隘賊乃分股橫竄靈川縣屬潭下圩距省  
城五十里當率在城官紳嚴密守禦賊不敢犯七月二十  
五日賊目張志公等數十人皆獻偽印詣營乞降安撫其

眾派令隨同勦賊由是左旗後旗兩股皆敗竄湖南而桂林全境肅清匪首陳金剛久踞賀縣分擾平樂昭平等縣賊巢林立蔣益澧統率湘軍迭破堅巢清平樂昭平境地劉長佑復奏派統領湖南防軍駐紮江華之候選道劉嶽昭越境協勦與蔣益澧分道夾擊收復賀縣城是時梧州土匪羅華觀等踞該府下郢等處窺伺府城乃令蔣益澧移師進擊會合東省水師勦撫兼施肅清沿河一帶而柳州縣屬之悍匪句結石達開散匪益以潯江艇匪大小十餘股水陸蔓延劉長佑分遣諸將以次勦撫於是柳州全境亦就肅清旣而石達開散股賊目彭大甚等自懷遠

翻山闌入湖南綏甯城步等縣分擾武岡新甯楚省移書告急劉長佑遂於咸豐十年十月親自督師出省至龍勝廳規畫形勢飭派副將李士恩等率勁旅赴援新甯城自由龍勝沿邊出全州部署完備而回當是時石逆散股各起東奔西竄我軍節節兜剿賊勢窮蹙降者甚眾惟石逆尙踰伏竄州派員會商署思恩府徐引調集勇練分頭進攻將竄城克復乘勝追剿石逆身受重創率其餘孽仍竄楚境從此右江一面乃獲安旣又飭派湘楚各軍會同東省水師激勵團練先後克復潯州府及貴縣橫州各城殲除巨逆陳開招撫逆首郭礮溪等潯梧兩屬漸臻安定

左江匪首吳凌雲久踞南甯土忠州咸豐十年八月分黨襲陷太平府繼陷養利州城土屬地方盜藪充斥劉長佑遙授機宜派左江練勇攻克各土屬四百餘村遂將太郡養利兩城收復其荔浦縣屬蓮塘逆首張高友竄踞修仁陽朔兩城遣布政使張凱嵩候選道易元泰率副將陳友勝等分兵進擊皆復之同治元年春閒匪首黃三句串匪目梁贊等及各處潰匪眾約數萬圍犯潯州府城急派都司蔡其昌率扒船馳赴堵剿又派署右江道蔣澤春統新募南甯六營繼進元年四月親率五營出省赴潯州督師迭克堅巢招撫賊目多名被脅數十村同時就撫黃逆之

勢遂孤時已奉

命擢兩廣總督仍暫留潯調度既屢奉

廷寄催赴新任乃派員總理營務由潯東下自去粵後各匪雖  
以次蕩平而地方伏莽猶多或結黨攻勦或尋仇慘殺悉  
著名兇悍同治十年劉長佑再來撫粵先後派撥營勇及  
地方文武兵團以次勘定又有李青澁以渠魁投誠保至  
遊擊猶懷貳志設計誘至省垣訊而誅之是時提督馮子  
材駐師龍州勦辦竄擾越南股匪函商審機定策將越匪  
次第勦滅留營分駐以固邊圉其戰功卓著靖寇安民者  
如此至於整飭吏治激勵團防安戢土司懲創姦宄勤課

蠶桑舉凡興利除弊之事不可殫述又嘗籌款修建桂山書院舉行孝廉月課改建鎮安府考棚以便士子赴試大有造於粵西伏查軍興以後凡有戰功卓著遺愛在民者奏請於立功地方建祠無不仰蒙

俞允劉長佑先後撫粵多年靖寇安民輿情愛戴經該紳等呈請建祠報享理合臚奏陳請合無仰懇

天恩俯準於廣西省城建立已故前任廣西撫臣升任雲貴總督臣劉長佑專祠以順輿情出自

鴻施謹會同兩廣總督臣張之洞恭摺具

奏伏乞

正德六年三月

皇太后

皇上聖鑒訓示謹

奏

三十一



江西巡撫臣德馨跪

奏爲已故樞督重臣功績在江士民思慕不忘請

旨在於江西省城建立專祠以順輿情恭摺仰祈

聖鑒事竊據江西在籍紳士前漕運總督蘇鳳文頭品頂戴前

河道總督梅啟照太子少保頭品頂戴前雲南布政使宋

延春翰林院庶吉士徐兆瀾等呈稱已故大學士左宗棠

於咸豐十年以四品卿襄辦兩江軍務惟時粵逆分數大

股竄犯江西僞忠王李秀成圍玉山廣豐廣信其廣東另

股賊匪陷河口興安德興婺源等處左宗棠領軍至江旣

克德興婺源明年正月與霆軍會剿僞堵王黃文金於鄱

陽之洋塘三戰皆捷遂復鄱陽等六縣而偽侍王李世賢自金陵突圍而出號眾十餘萬驟入鄱陽樂平浮梁景德鎮列圍二百餘里破我景德鎮防軍凶燄尤張左宗棠憑樂平縣城浚濠自衛而密伺賊瑕縱擊一月六捷斬馘二萬賊始鼠浙計半年中縱橫策應七百餘里堵侍二酋恃其桀黠志在必得江西而卒不能深入則左宗棠之力爲多也正追侍酋聞池州賊目劉官方復陷建德蔓及鄱陽時前兩江總督曾國藩以鄱陽若失腹地仍危飛咨還救旣復建城旋迎擊闖賊賴裕新於德興大創回竄乃分軍留守景德鎮自駐婺源解祁休之圍爲江皖全局計迨與

曾國藩定議援浙念饒廣爲皖浙要衝仍分軍徽祁備警  
同治初年堵逆再竄鄱陽與江軍合殄之三年僞溥王譚  
逆踞南豐僞康王汪海洋踞東鄉許灣僞侍王李世賢踞  
崇仁宜黃皆逼近省垣欲爲金陵巢逆退步左宗棠檄浙  
軍入城助守隨與江軍分克崇仁宜黃諸城金陵已拔羣  
賊上竄浙軍復移駐撫州爲省城捍衛及四年秋汪海洋  
竄龍南信豐定南等廳縣浙軍馳驅千里會邀截擊合江  
閩粵諸軍蹙賊入嘉應州殲焉後督兩江值光緒八年大  
水撥銀二萬兩分賑江右災黎更令瀕水圩隄多植梧桐  
以護之此則該故大學士左宗棠之始終大有造於江西

者也至己故雲貫總督劉長佑於咸豐三  
撫江忠源軍次九江五月賊由金陵沂湖  
城旌旗蔽江泰和安福土匪復起應之時  
兵燹人心大震劉長佑衝賊馳入登陣守  
援賊百計環攻一日轟塌城垣數丈悍酋  
垂危因然火藥向缺口傾拒隨圯隨築守  
軍至以次平定蓋枕戈待旦者已九十餘  
皖鄂兩省賊擇近肆擾四五兩年江西淪  
州縣幾無完土六年正月劉長佑自籍率  
與同知蕭啟江分道來援時逆酋石達開

黃玉崑等先後竄踞臨江瑞州等府廣東股匪破吉安府城僞豫王胡以眈踞袁州府城亦皆石逆死黨撫建官軍屢遭挫衄省城孤懸一日數警湘道梗阻文報久不相通劉長佑慷慨誓師眾爭告奮五月戰克萍鄉軍聲大振尋會克分宜其袁州府城賊勢益衰十一月朔遂克郡城踰月新喻亦克乃集清江新喻兩邑正紳辦理團練並設局轉餽俾進取無後顧虞七年二月師次清江太坪墟距臨江府三十里方將大舉羣賊麕至約爲互援楚軍數血戰眾寡輒不敵二十日賊大股分隊撲營死傷相繼並及幕僚藥彈且盡戰益不支劉長佑矢死不卻當陣引佩刀自

裁時前兩江總督臣劉坤一充營務處強奪懋勉之始退  
次分宜適湖南餽饟藥至整軍復進賊列陣石崗鋪以待  
軍士憤恨激厲勇氣百倍賊悉敗回臨江郡城故寬廣賊  
重加高固急切不能得下六月瑞州府城已克遂調繼果  
營來以爲犄角八月撫州吉安援賊大至連營三十餘里  
劉長佑見事亟乃虛建旗幟壁中盡師出鬪環顧諸將曰  
今日非破敵無生矣大呼陷陣所向披靡遂北至黃岡賊  
皆獸散城賊援潰氣奪困以長濠遂克時十二月初九日  
也蓋自初攻至是凡八閱月當時有目擊者迄今每述其  
決蓋乘勝之狀莫不感慨奮興而回念進深援絕經營竭

蹶之形神又未嘗不太息流涕也西路旣通隨卹難民製  
守具通商除姦獎勵出力紳耆表揚節烈婦女民氣一新  
布置甫定卽東渡克新淦進規撫州屏蔽省垣是時逆氛  
猶熾戰事無虛月八年撫州建昌兩府相繼平定石逆在  
閩復糾崇安賊黨旁擾鉛山玉山廣豐諸縣省東再警劉  
長佑移軍新城瀘谿重扼杉關遏其回竄然後石逆望絕  
遠遁楚軍於是冬凱旋夫以三千餘卒當數十萬強寇奪  
還郡縣十有餘城拯民水火身屢瀕死而不顧卒致全省  
遂獲肅清其忠義勛烈實堪與左宗棠並傳不朽今哲人  
已逝遺愛難忘伏見有功於地方者皆得呈請建祠以伸

崇報理合分別臚列事實合詞呈懇請

奏建專祠等情前來臣伏查故臣左宗棠劉長佑立功江西  
偉烈奇勛皆有可考今因輿情愛戴呈請

奏乞

恩施相應據情上請合無仰懇

天恩俯準在江西省城建立已故大學士臣左宗棠已故雲貴  
督臣劉長佑專祠春秋由地方官致祭列入祀典以順輿  
情之處出自

聖主鴻施謹會同兩江督臣曾國荃合詞恭摺具

奏伏乞



皇太后

皇上聖鑒訓示謹

奏

光緒十四年四月十七日奉

旨着照所請該部知道欽此



湖南巡撫臣王文韶跪

奏爲已故大員功德在人鄉閭感慕懇請捐建專祠以順輿情恭摺仰祈

聖鑒事據湖南布政使孫翼謀詳據署新甯縣知縣張葆連詳據舉人鄧善源拔貢鄧家瑜等聯名呈稱已故原任雲貴總督劉長佑由道光己酉科拔貢出身效力戎行游陟兼圻當逆匪李沅發之變劉長佑與今乞養在籍之兩江總督劉坤一徒步赴府城告急一面糾集鄉兵先合城圍殲除首逆撲滅餘黨是爲立功名之始咸豐初同邑江忠源督師東下劉長佑參謀帷幄巡撫駱秉章知其忠勇檄帶

楚軍轉戰各省五年率師回鄉值粵逆攻縣城七晝夜劉長佑方駐軍東安聞警星馳與賊遇於城東之石橋村發官嶺親冒矢石鏖戰瀕危卒能驅賊出境城賴以安九年粵匪石達開大股竄入楚境號稱百萬復從全州犯縣劉長佑自營城外東南嶺以固城根而以所部截擊於南鄉之新寨村大飄坪五里圳立發家財懸賞激勸將士旬日之間七獲大捷斬馘數千賊始不敢窺城復分兵守武岡拔寶慶賊始竄走十年石逆分股由粵復竄縣境時劉長佑巡撫粵西諭縣無備督軍追至龍勝飭派翟國彥鄔世堂兩營間道回援賊已先一日圍城旋經擊退縣中由此

高枕無憂逮後援勦各省厯膺疆寄

聖主酬庸至優極渥惟念劉長佑書生戎馬疊保孤城推其捍衛桑梓邑人咸感再生迄於歸田修書院創義田捐賓興重經學其所以誘掖後進培養風俗爲士林師表仍與壯年講學時無異一朝怛化闔邑悲思念本邑江忠源與劉長佑同事江忠義鄧子垣皆出其門下或殉節城亡或積勞病故或臨陣捐軀均荷

特恩在本籍建立專祠春秋祭祀劉長佑雖時勢不侔而公忠體

誠之心則一可否援以爲例請於本籍建祠崇祀等情前來

升任撫臣卞寶第未及核奏交到臣覆查無異相應據  
情奏懇

天恩可否俯如所請於原任雲貴總督劉長佑原籍新甯縣地  
方準其捐建專祠春秋官爲致祭以昭忠盡而順輿情出  
白

鴻慈理合恭摺具陳伏乞

皇太后

皇上聖鑒訓示謹奏

光緒十四年九月二十五日奉

硃批著照所請禮部知道欽此

湖南巡撫臣王文韶跪

奏爲已故大員有功原籍地方懇請援案建立專祠以順輿情恭摺仰祈

聖鑒事竊據在籍前兵部左侍郎郭嵩燾前山東巡撫陳士杰聯名呈稱竊惟捍災禦患歷時而事蹟常昭崇德報功奉祀而馨香永協仰惟

國家酬庸之典實洽臣民感舊之忱原任雲貴總督劉長佑籍隸新甯以拔貢生隨同故安徽巡撫臣江忠源募勇馳援桂林省城時賊竄出粵境江忠源屢次攔頭截擊該故督實左右之其尤有功湖南大局在蓑衣渡一戰賊出全

州劫擄民船蔽湘水而下江忠源卽馳赴永州上游之襄  
衣渡伐巨竹及木株排截江路全力扼拒連槍伏岸擊之  
擲火彈燒賊船賊因捨船竄道州其時方在五月湘水大  
漲湖南省城正在折輒填築省垣使賊乘流下竄四五日  
可達城防竟無準備至今湘人歌誦不忘其功賊目蕭朝  
貴首先率數千人竄撲省城江忠源躡賊蹤追至相度天  
心閣地勢卽踞川立營蕭朝貴悉眾來爭江忠源截力堵  
擊該故督卽乘其時修築營壘踰時壘成遂共擊賊敗之  
踰日和春等營始次第至並倚天心閣營接續聯絡故論  
湖南守城之功江忠源與該故督爲最鉅咸豐五年江忠



源殉難廬州該故督護其喪歸新甯適廣東賊朱逢英陷東安該故督以東安新甯唇齒相依卽率所部遣歸之師馳擊之復其城賊聞道趨圍新甯知縣張士寬閉城力守該故督馳同擊賊圍始解時郴州久陷巡撫駱秉章檄該故督往援屢敗賊降賊首崔大光復其城九年石達開陷桂陽縣該故督適自江西率所部撤勇歸巡撫駱秉章卽飭以所部赴援賊連陷宜章興甯郴州桂陽州勢張甚該故督轉戰郴桂之交旋躡賊祁陽道州再復東安城賊直趨寶慶該故督率所部追擊會賊出巒山該故督馳回新甯拒守又分軍援武岡因與諸軍合援寶慶擊石逆達開

走之計該故督立功省分以江西廣西爲最多直隸雲南亦皆著有戰蹟惟此兩年中廣東賊及石達開大股竄擾郴桂永寶一帶該故督適歸轉戰奔馳未嘗稍息而勦賊必力躡賊必先所至撫循百姓畧無騷擾郴桂人民感之至深前經新甯原籍呈請建立專祠實因兩次保全縣城民心有不能忘其於省城及郴桂等處宜有春秋俎豆之報可否援案準於立功地方建立專祠由地方官春秋致祭在小民追思戰蹟事愈久而難忘知

聖人垂念勞臣

恩屢頒而不惜所有一應建祠經費由職等倡率紳民設法捐

辦呈請具奏前來臣覆查無異相應據情奏懇

天恩可否援案准予立功地方建立專祠由地方官春秋致祭以昭忠蓋而順輿情出自

鴻慈理合恭摺具陳伏乞

皇上聖鑒訓示謹

奏

光緒十五年十月十八日奉

旨著照所請該部知道欽此

五ノ五

五

廣西巡撫臣沈秉成跪

奏爲建祠工竣請

旨列入祀典恭摺仰祈

聖鑒事竊準部咨內閣鈔出光緒十四年正月二十九日奉

上諭李秉衡奏已故撫臣戰功卓著遺愛在民請建專祠一摺

前任雲貴總督劉長佑在籍病故業經降旨賜卹該故督於

咸豐同治年間兩任廣西巡撫勦辦賊匪所向克捷殲除伏

莽綏靖邊疆其於地方各事宜興利除弊亦能殫心經理洵

屬勲勞懋著遺愛在民加恩著在廣西省城建立專祠以彰

蓋績該部知道欽此欽遵到部相應移知道遵照辦理等因咨

行到廣經臣飭行欽遵辦理去後茲據善後局司道詳稱當經商同紳士在於省城麗澤門內採得官地一段籌款興工建造祠宇已於光緒十四年十月二十五日落成製造劉長佑牌位官紳公奉入祠應請列入春秋祀典等情前來臣查地方設立專祠例得列入祀典今遵

旨建立前任撫臣劉長佑專祠業經落成相應奏明請

旨勅下禮部將廣西省城劉長佑專祠列入祀典由地方官春秋致祭以彰蓋績理合會同兩廣總督臣張之洞恭摺具

奏伏乞

皇上聖鑒訓示謹

奏

光緒十五年五月十二日奉

硃批著照所請該部知道欽此

欽定大清會典事例

卷一百一十五

Blank page with vertical lines.



雲貴總督 臣王文韶跪

奏爲已故督臣功德在民懇請援案建立專祠據情恭摺具

陳仰祈

聖鑒事竊據雲南省城紳士分發廣東補用道李光翰分省補用知州萬徵徽分省補用知縣胡景賢候選知縣高慧光舉人揀選知縣金漢青尹文光等呈稱光緒二年前總督岑毓英丁憂開缺廣西巡撫劉長佑奉

旨升授來滇維時滇中大亂初平隱患猶伏回逆杜文秀餘黨李潮蘇開先等乘間竊發寇永昌踞騰越以及順甯雲州土豪悍卒相繼肆起迭陷城池劫餘灰燼復將燎原劉前

督遣將調兵分路進剿軍令嚴肅人人用命用能殲渠復城撫其餘黨迤西遂以大定此下車建功之始亦安危之一大轉機也先是杜逆倡亂大理三迤郡縣蹂躪過半迨禍亂既平而瘡痍徧地彫敝情形不堪言狀劉前督蒞任一以休養生息爲治從容靜鎮德威並用飭紀整綱以端士習鋤強扶弱以正民風治師以律而將士驕悍之習除率屬以廉而官吏貪酷之風革凡此默運潛移之妙用實爲久長安治之要圖其他辦理江防綏靖土族殲彝甸教匪平昭通土寇諸凡功績奏牘具存大抵軍興之際非岑前督無以靖戎氛而事定之餘非劉前督無以培元氣追

思教養之功彌切馨香之報可否援照湖南廣西成案據情奏請於雲南省城建立專祠由地方官春秋致祭以伸愛戴等情具呈前來臣查劉長佑由拔貢生起家軍旅積功薦歷封圻其治軍治民所著勲績自在

聖明洞鑒之中而其爲治正在軍務肅清之後餘孽未淨之時百廢待興予遺望治該故督學有根底性本篤誠救敝扶衰不動聲色考其政績誠有深入人心而歷久不泯者光緒十四五年臣再任湘撫曾據該故督原籍長沙新甯郴桂等處士民先後籲請於立功地方建立專祠均經臣據情代奏仰蒙

特旨照請在案此次接閱滇省紳士公呈復經咨查廣西去後旋據巡撫張聯桂覆稱廣西省城先於光緒十三年奏准建祠有案是滇民之思慕不忘情殷報享亦具有不能自已之忱合無仰懇

天恩俯准於雲南省城建立已故總督劉長佑專祠由地方官春秋致祭以順輿情而彰臣節出自逾格

鴻慈除咨部查核外謹會同雲南撫臣譚鈞培恭摺陳請伏乞皇上聖鑒訓示謹

奏

光緒十八年 月 日具奏 奉

硃批着照所請禮部知道欽此

Table with multiple columns and rows, mostly blank.

卷之二

劉武慎公遺書三十卷

首卷一冊

奏稿二十一卷

稟牘四卷

尺牘二卷

官書一卷

詩文遺事一卷

劉武慎公遺書





皇清誥授光祿大夫兵部尙書兼都察院右都御史雲貴總督  
予謚武慎劉公行狀

聖清受命二百餘載緝熙桃被隆極而貽迺有妖徒搢乎八桂  
天子命將徂征弗燿厥燄湖湘豪傑投袂焱起號曰楚軍楚軍  
助伐聞天下然其規模實權輿新甯故安徽巡撫忠烈江公忠  
源首倡義旅踵而大之者今雲貴總督武慎劉公也公諱長佑  
字子默號蔭渠先世居江西安福縣明初遷新甯與兩江總督  
劉公坤一同族而異派其居廬前後相綴新甯故僻邑鮮達宦  
今節鉞焜耀出一門世尤豔之呼爲隔牆兩總督云曾王父諱

儒禹府學增生妣馮氏李氏王父諱世貴國學生妣李氏  
曾氏父諱時華從九職銜妣鄭氏三世皆以公貴

累贈光祿大夫妣皆夫人初公公父光祿公家貧賈異縣以養親  
久之貲貨稍溢輒獨所贏助縣官急嘗掉舟賑益陽水災活百  
人藁葬數百人雖鄉里豪猾皆稱劉翁善人矣光祿公有四子  
公居長次長佐長伸長健公生而嚴重不苟言笑然近之則坦  
坦和易亦不喜爲崖岸年十七補學官弟子道光二十九年登  
己酉拔萃科學使梁公同新奇其貌語幕客竊從戶牖窺之公  
軀幹脩偉面黧如鬆瞻視異常人幕客皆賀少時雅與江忠烈

公善忠烈既誅妖人雷再浩其餘黨李沅發乘歲稔嘯聚萬人陷新甯公徒跣走寶慶上變制府聞公名檄率鄉團擊賊躡之黔粵境公以書生領兵自此始也忠烈謁選京師亟稱之湘鄉曾文正公國藩曾公夙奇忠烈比公入都相見大悅以爲二人者皆戡亂之材然江君尤當以節義終後竟如其言公赴

廷試報罷丁父母憂歸里時洪秀全倡亂金田大學士賽尙阿公視師廣西檄忠烈募楚勇五百以從咸豐二年洪酋圍桂林副都統烏蘭泰戰死湘楚大震忠烈先假還新甯謂公曰事急矣吾不能不赴難君必助我乃增募七百人合前軍千二百人

同趣桂林營城東鷓鴣洲當是時督師賽公駐陽朔提督向公榮任城守提督余萬清總兵和春秦定三經文岱音德布侍衛開隆阿等皆壁城外援師逾二萬逡巡莫敢先發忠烈入城白事賊覬楚軍少且新造易撼突出犯我公開壁逆擊士無不一當百搏之城南大花橋由是以勇畧知名頃之桂林解嚴賊走湖南公隨忠烈拒之蓑衣渡火其艦八月賊攻長沙公說忠烈壁南門天心閣與和春據要害禦之論功獎教諭賊旣破武昌據金陵忠烈憤諸將帥坐失機不樂東征湘帥張公亮基令留防湖南是冬公隨忠烈擊瀏陽徵義堂會匪戮其魁周國愚獎

候選知縣三年春張公權兩湖總督召忠烈拔湖北公留瀏陽時曾文正以侍郎治軍長沙趣公往謁王壯武公龔用諸生領湘勇三百公領楚軍五百會攻衡山常甯土匪悉破平之忠烈至湖北促公東徇通城蒲圻會師黃州七月楚軍援南昌公分兵克泰和累獎同知江西候補知府忠烈已拜巡撫安徽之命則引軍趣廬州賊圍之數重公偕江忠濬率千人馳援壁城西五里墩阻賊弗能達乃募死士挾白鏹油燭縋城入以濟軍十二月廬州陷忠烈發憤投水死四年正月公募人入賊中負骸出遂以楚軍隸提督和春公圍攻廬州明年公謀歸忠烈喪

輿櫬過黃安民團疑之欲啟視棺公出示符牒眾益譁或呼曰棺啟矣公憤躍入池幾不生於是眾皆歎曰劉公長者歸其所掠公既閒關還新甯而廣東寇陷東安楚軍將江忠淑戰不利湘帥駱文忠公秉章檄公統其眾自是公爲特將賊中往往指目劉家軍矣八月克東安公策賊且分走新甯倍道驅之初戰敗績再擊再殲之新甯圍解十月會王壯武克郴州獎擢道員六年春移駐醴陵時江西八郡五十餘城皆陷愚民多輸貲糧款賊曾軍孤懸南康閒羣寇環伺驛路阻弗通有

詔湖南巡撫募兵往援而江西帥奏調公軍疏屢上於是湘帥

駱公檄公率同知蕭啟江合五千人赴之公度賊勢盛法當先取袁州扼形勝則東北可援瑞臨南可援吉安乃攻萍鄉克之進壁袁州西門持數月不下他賊餉遺袁州鹽貨輒遣軍要奪賊困憊自相猜其黨李能通款於我開門納軍十一月克袁州留兵戍之

詔加按察使銜三品封典公自將徇分宜收新喻檄蕭啟江會臨江七年二月進屯太平墟墟左林木茂密諸將狃常勝列營相屬先是有黑雲如幔覆壘上公至營頗咎諸將失地利已而吉安援寇大至縱橫二十餘里以驍騎抄我軍營中火起諸將

士多死軍敗壞不可遏公下馬卧地引佩刀自裁營務處劉坤一掖之上馬曰此非公死所也既出濠復自投於地親軍數人曳之行乃退保新喻明日退分宜分宜三縣士民聞敗皆曰楚軍爲吾故輕死爭運糧械濟之擔負者數千人諸敗軍聞民團助義則皆自愧恥爭走來歸軍勢復振而湘帥復遣江忠義率千人來助別遣王壯武將二千人出義寧公既率啟江圍臨江掘長濠自固賊眾五倍我人人自危而僞翼王石達開糾黨二十萬來援前鋒已薄太平墟多攜婦女散居村落田隴閒候騎言其狀眾頗懼坤一獨躍起曰賊眾我寡待其大至且腹背



受敵今乘其未定擊之破其前鋒則眾志攜矣此天假我急擊不可失公以爲然乃約啟江會戰乘夜銜枚布橫陣廣數里天且明大霧迷濛賊不辨我軍多少遽出迎戰楚軍故以火箭收隊賊見火箭紛起輒鳴鉦回營公聞鉦聲麾軍大進賊自相蹂部將江忠義李明惠乘勝逐之燒其壘四十七援賊皆返奔是時湘軍疊克江西郡縣湖北援軍復湖口賊餒寢衰於是臨江寇謀反正其黨遲迴未決乃謀突圍走諸將議合圍蹙之公曰彼逃死耳急之且致力以覆我乃缺圍張兩翼驅之遂復臨江詔賞齊晉圖巴圖魯布政使銜當是時公部不滿八千頻克大

郡破賊數十萬聲威甚盛鄉民貳賊者爭自拔倚官軍爲固於是大府爭欲致公爲將京朝官交章論公功明年秋擊賊建昌七戰皆捷江西帥耆齡公奏留公部爲江西軍

詔軍機處記名遇江西道員缺出請簡公屯撫州未幾士卒患疫率其半歸湖南九年正月石達開自福建還走江西道南安犯郴永楚邊皆警公甫班師湘帥駱公檄募舊部擊賊永州大破之解散萬人

詔以按察使記名四月石酋圍寶慶眾號三十萬連營百里分黨掠旁近邑於是東安祁陽武岡新寧衡州皆被寇湖南水陸

援師近四萬聚屯寶慶湘帥以公爲總統而鄂帥胡文忠公林翼復遣李勇毅公續宜將五千人來援檄圍師悉聽續宜節度六月公方扼釀溪作浮橋謀由城北乘虛襲賊部將江忠義席寶田皆拊髀大喜以爲破賊可翹足待而李公新來詣公壁商方略亦欲渡釀溪北擊時城中僅五日糧賊亦苦食罄期三日必破我公乃約李公渡浮橋前擊頻下其七壘諸援軍乘之賊大潰乘夜引去寶慶解嚴是役李公功第一然湘人尤多公之善讓云七月公敗賊東安石酋已南走廣西圍桂林公帥八千人赴援師次靈川巡撫曹公澍鍾促入衛省城公策援師赴省

賊且搗虛還走靈川塞我運道若由靈川徑攻義寧則桂林之圍自解乃單騎謁巡撫白其狀未幾賊果解圍走義寧陷慶遠時布政使蔣果敏公益澧與學政議軍事不合論劾降道員朝廷益嚮用公九月授廣西按察使逾月擢布政使進軍攻雜容圍柳州羣盜多降十年正月克柳州

詔賞三代一品封典艇匪自春涉夏數來侵犯湘粵餉皆不至公督飢軍力戰卻之閏三月拜廣西巡撫益澧爲按察使自洪楊倡亂土酋揭竿踵起其桀者崔昌陳戊養據柳州陳開黃鼎鳳據潯州范亞音據容縣張高友陳金剛據平樂修仁其他慶

太思南泗鎮諸屬大股數千人少或數百人省城聲教阻絕監  
司守令遙擁虛號不之官或潛匿村堡藉鄉團自衛大府度力  
不能盡誅則假招撫羈縻之奸民亦利假官爵脅愚氓倏兵倏  
賊不可究詰公既受巡撫事以爲欲拯民生當清吏治欲平土  
匪當興水師乃揀愾強項之吏稍寬以文法俾鋤姦暴安善  
良奏蠲逋欠錢糧數十萬禁兵團驛騷科斂綜覈關卡出入汰  
其已甚者於是商貨流通釐稅增倍遣募湖南廣東水勇造戰  
艦扒船上下游擊廣西水師自斯盛矣是夏蔣軍屢破陳金剛  
於平樂進圍賀縣湘帥遣知府劉嶽昭會攻賀縣克之土酋陳

保犯雒容公遣李明惠擊殺之而石酋踞慶遠賴裕新犯思恩武緣河池輒爲民團所敗乃遣黨分數道窺黔楚其左旗後旗眾猶四五萬七月左旗出靈川犯桂林公檄部將鄔世堂回守省城候卒頗言賊黨攜貳思東歸公張諭招撫其酋張志功等乞款公輕騎出城受之畱三千人昇志功自効餘眾悉資遣之而後旗復爲李明惠所破奔義寧公復遣鄔世堂躡之道州賊喪亾略盡時石賴兩酋尙擁眾數萬據武緣掠遷江南寧公檄左江道吳德徵等擊破之斬馘萬人賊走忻城掠興業陷北流土寇吳淩雲陷太平殺知府劉作肅而陳戊養據太平塞我南

道柳州軍不克進公乃奏以記名按察使劉坤一總統楚軍擊陳戊養於太坪分兵渡河攻忻城九月石酋復犯南寧武緣掠賓州上林宣化土寇李靛率百艇犯永淳吳德徵等擊走之忻城遷江賊掠來賓馬平宜山天河融江入永寧坤一明惠躡之賊陷綏寧城步湖南復擾十月公赴全州督師遣軍扼賊於武岡新寧閒屢破之賊走東安道州零陵公還桂林增遣李士恩等助攻太坪以張志功所部赴梧州會廣東軍攻下郢破走之蔣軍復敗之竹洞英洞賊奔潯州十一月坤一進攻柳城四十八峯盜魁皆降陳戊養亦乞撫於是柳梧皆定是冬貴州獨

山敗匪走融縣入湖南十一年正月檄坤一北躡賊灌陽會湖南軍夾擊破之而石酋餘黨復自貴州定番還犯慶遠南丹三月艇匪犯象州坤一還擊於馬皮墟三戰三捷是月公兼權提督五月蔣軍復潯州別將擊破定番賊於灌陽賊酋余明善率萬人歸誠公檄左江道蘇鳳文撫定之於是羣賊剗除略盡石酋崎嶇奔命不復振矣六月公部克賓州七月克平南石酋益踉蹌西走銳意犯黔蜀於是貴縣橫州宣化土酋皆反正九月石酋閒行趨懷遠坤一遮擊於楚邊江忠義自武岡出要之賊乃走黔陽道沅州趨浦市而東公檄坤一疾行趨沅州會楚黔



軍躡擊之十一月蔣軍破土寇於貴縣藍田賊或降或遁同治  
元肇正月遣軍復羅白土縣二月復太平府是時蔣益澧擢浙  
江布政使劉坤一授廣東按察使李明惠補永州鎮

朝廷以廣西事緩皆促之任而土寇時時竊發潯梧閒楚軍無  
宿將公乃自將討賊先遣副將鄭金華屯潯州右江道蔣澤春  
南勇繼之道員易元泰屯蓮塘四月師次平樂距元泰營百里  
適天雨霧公輕騎從百人走山徑六七十里窈冥不見人既至  
元泰等皆驚喜士氣自倍遂破賊馬嶺毀其木城五月公進駐  
潯州土匪數萬壁城外掘長濠拒我公分軍扼鳳凰山洋江橋

以水師巡守南北江六月叛酋黃鼎鳳自貴縣來援偏師襲鳳凰山後公親督諸軍擊走之艇匪入東津水師自官江橫鐵鎖拒之七月部將戴盛寬等破賊於平田嶺燬十餘壘賊分走覃塘龍山我軍進逼貴縣之大墟且勦且撫賊黨多散降九月拜兩廣總督劉坤一爲廣西布政使接統公軍時公猶在潯州搜捕羣盜多所斬禽

朝旨以廣州交涉外族且高州寇燄熾促公赴鎮十二月公至廣州受印未而月有

詔浮海入覲二年正月移直隸總督當是時山東馬賊張錫珠

等竄擾畿輔逆蹤慄遯日蹙數百里追師不能及河朔姦民藉寇勢煽脅鄉愚反側譎張官吏莫敢訶詰而捻酋張總愚賴汝光橫行齊豫閒其地率瀕黃河欲投鞭北渡者屢矣

上稔知公起兵閒諳行陣乃以南門鎖鑰付之然公習楚軍其偏裨皆畱南中僅孳儻從八人以往比道上海與蘇帥李公鴻章謀募親軍三百以副將陳飛熊領之倉猝亦未就也

上廑念畿疆聞公已至天津則大喜趣赴前敵期旦夕滅賊署總督崇厚公方駐威縣三月公至衡水受印卽率馬步親軍進威縣時東匪已竄深州總兵徐廷楷等自滹沱躡之另股竄廣

平提督恆齡總兵姜國仲夾擊敗之公策賊且還走山東乃率  
臬司王榕吉出下堡寺扼臨清之尖莊賊果大至公親督洋鎗  
隊擊走之於時賊旗分爲五分掠畿南公還至廣平會僧軍將  
蘇克金等敗賊平原賊走德州渡運河而北公親敗之曲周其  
酋楊鵬嶺等迎馬首降散遣千人留三百人令誘擒餘匪自贖

四月

詔督直隸山東河南三省勦匪事公疏論東昌匪巢林立習亂  
成風而內黃滑濬毘連大名爲畿輔屏障乃以臬司王榕吉會  
山東文武治其黨羽道員祝壇會河北鎮道練兵防守誅降人

王恩第殲張錫球於陣賁楊鵬嶺等勒降眾繳兵械騾馬遣之  
歸農其桀驁者駢首以徇於是東匪五旗皆盡直隸肅清公履  
任纔三閱月耳未幾宋景詩叛山東公率軍館陶討之時溽暑  
積潦盈途秫稽叢密賊匿不出乃畱王榕吉三千人屯館陶七  
月自渡臨清而南以堂邑空虛奏飭山東巡撫移營東南期夾  
擊公親督軍刈禾而進令提督鄭魁士江長貴誘賊入伏抄擊  
敗之賊馬猶二三千焚掠諸村堡我軍分隊番擊陣斬數百人  
時僧王已破淄川教匪移駐清平之魏灣相距七十里公輕騎  
往講約期會戰八月僧軍由柳林進公親至新集逼賊巢七八

里連敗之灘上崗屯賊狂走萃冠僧軍馬隊躡之乃走開州我軍邀擊於井店敗之遂從濬縣渡衛河另股百人走南樂殲焉而恆齡蘇克金已破寇開州西北殲步賊殆盡馬賊亦爭渡衛河詐稱官軍一晝夜奔三百里至曲周我軍皆落其後公方遣將北嚮賊復折而東南逼德州公馳突冀州武強獻縣景州閒往來策應僧軍助之賊不得喘息九月擒賊目楊澱於大名東股匪平而西股朱登峰屢逼保定我軍生獲之送僧營獻捷於是直境復靖惟宋景詩易裝南遁與皖捻合初公議建直隸練軍其法就制兵三萬揀精壯者聚處訓練增其口糧仿湘軍制

五百人爲一營五營爲一軍軍置馬隊五百將領以南人習戰陣者充之凡設七軍分爲七屯用資拱衛備征調

上可其奏會侍郎薛公煥請設直隸四鎮鎮各萬人戶部下其議公乃試行之諸行省練軍自此興矣是時羣盜殄滅河朔粗安十一月公回保定始親吏事三年正月入

觀

上慰勞之促令回鎮公以直隸吏治廢弛度支奇絀乃清積案以恤民釐鹺綱以裕課修河隄以代賑買戰馬汰客兵以整軍節餉又以游民出口謀生久恐流爲盜賊邊牆頽圯請飭將軍

都統嚴稽查杜隱患一時百廢粲然具舉官民稱便四年二月  
擒匪掠尉氏中牟侵黃河邊公急檄大名鎮道抽兵防河募民  
舟駕礮守水口三月擒由考城定陶竄曹州東北宋景詩率馬  
賊二千聲言回堂邑直邊皆警公駐軍威縣四月至大名擒徇  
開長南岸沿河窺覘遂犯東明是月僧王追賊曹州中伏薨擒  
酋牛洪張總愚陳大濬賴汶光宋景詩等麇集水套結鄆城土  
匪馬步十餘萬自曹州北至濮范東至鉅野嘉祥西至東明定  
陶蔓延數百里河北大震公策張秋最衝要宜設重兵遏賊北  
渡咨山東帥閻公敬銘移軍守之閻公慌賊眾已由東昌馳回



濟南張秋者黃運合流處也河狹水淺迤東李連橋魚山滑口處處可渡公見東兵不設守急遣總兵陳濟清自壽張移屯張秋時侍郎崇厚公防景州公偕至張秋勘形勝崇公循河而東公循河而西始於開州造礮船黃河水師自此起公之創水師也或謂黃流激急遷徙靡常所帆船往來非便比成軍舟楫輕捷逐水性高低駕駛如飛北人驚爲創見公與崇公言今捻聚濮范鄆城之間若北扼黃河東扼運河圈而蹙之待伏秋汎至賊馬阻水弗能騁必自斃惜諸帥不能如約其後肅毅伯李公平捻卒用此策閏五月捻匪回竄皖境直東解嚴公回大名增

設西路水師募清淮水勇開以沿河舟工乘大溜練習出入驚濤急漩中俾忘其險六月擒匪竄歸德陳州西趨鞏洛公撥礮船馬隊西巡河壩當是時

天子有事

山陵總督布政使率州縣除治橋道葺

行宮待

幸而關外馬賊闖入喜峰口掠遷安遵化玉田薊州逼近

東陵公急遣兵捕治禽誅數十人賊遁出鐵門關乃分軍屯邊牆要害搜之至八溝八月擒竄通許考城沿河隄侵東明入長

垣南境總兵姜國仲渡河擊敗之公方至遵化查  
蹕道飛檄大名東西防軍巡守河壩移黑龍江馬隊南扼濮范  
而選精騎數百輔以步兵遮護

蹕道南九月

乘輿謁

定陵奉安禮成

上侍

兩宮

皇太后還京初

啟鑿時中外頗以馬賊爲疑

召問其狀公奏稱勿虞至是

行仗不驚

上嘉之公既回省以京東空虛分兵屯榆木嶺三屯營令馬勇  
巡薊州玉田提督徐廷楷駐遷安指麾之十一月奉天馬賊竄  
朝陽公親督軍禦之至三屯營遂自遷安冷口歷臨榆九門口  
闕牆柵濠塹其不如式者更爲之諸關隘如臨榆之義院撫寧  
之界嶺遷安之冷口並增兵屯防其他諸小口皆設守焉五年  
正月馬賊竄吉林伯都訥奉直解嚴二月擒首張總愚逼犯汴

梁候騎至東明長垣涉淺搶渡水師擊卻之三月總愚走鄆城  
踞梁山賴汶光牛洪自中牟趨朱仙鎮賊騎或數百或數千分  
掠壽張張秋開州東岸陳濟清等督水師屢擊敗之賴牛遂與  
總愚合踞范縣舊城銳意北渡公親至大名督戰陳濟清等敗  
賊劉隄余承恩等收復舊范縣羣捻南走曹縣四月公與大學  
士曾公山東帥閻公會沈家口議劃地防河自范縣下至張秋  
東阿隸山東防於是直軍稍稍息喙差免奔命矣時提督劉公  
銘傳屢擊破張賴巨股羣捻走徐州公益增設礮船以曾公前  
閱黃河水師謂足深恃也六月公因病乞罷

不月  
三  
詔給假三月九月假滿請

觀

詔不許時總理各國事務衙門有變通直隸練兵之議

朝旨限半年試行公抗疏論辨語頗激切

上優容之仍令依所議行六年春復求入

觀適神機營大操

詔令隨王大臣校閱事畢

召見公奏神機營紀律陣法外軍所不及然臣愚以爲宜參用  
久歷行陣者佐之

上違其言是時捻股分爲二任桂賴汶光奔突齊豫楚皖閒號曰東捻肅毅伯李公鴻章駐山東討之張總愚自河南擾秦晉號曰西捻恪靖伯左公宗棠駐陝西討之五月東捻竄新鄭許州至長垣竹林口水師擊敗之遂由戴廟渡運河東走青州公以爲賊竄運東宜集數省兵力嚴扼運河而以精銳驅之一隅彼北阻於河東阻於海必就斃於青齊數郡之間

詔下諸疆臣行之先是公以黃河北徙請築開州金隄捍河朔用帑銀二十萬修治之因代賑撫而畿疆旱暵成災復請粟十萬石銀二十萬賑之於時鹽山靜海梟匪乘機竊發煽誘饑民

劫掠州縣山東教匪應之保定津河諸屬邑皆騷動梟匪者燕齊大猾販私鹽爲姦利其來已久聚輒數百千人公方南赴河防而轄境大擾

詔令先其所急乃檄前藩司唐訓方屯齊河臬司張樹聲屯張秋與東豫軍共圖擒匪而自將討梟匪七月公至正定梟匪已屢挫於安平晉州境遂由廣平竄臨清邱縣遣軍躡之山東而總兵劉雲鶴先以失機禡職發憤追之館陶力戰死之其部將劉在嶽亦死公親歷藁城獻縣覘匪所嚮匪由威縣走廣宗任縣勢將北趨乃急赴新河扼其東北八月梟匪越滹沱擾無極



復北 承恩 信餘 城 上以 詔總 嚴還 將縱 之河

曲周匪復入直境掠鉅鹿寧晉趙州樂城官軍常不及寇乃以步兵分布衝要揀馬勇二千與之馳逐是月東捻自膠河逸出黃防戒嚴梟匪奔山東乞款於提督傅公振邦誅其酋吳培基等羣盜復叛公在威縣督軍梟匪乘虛北走數日至安肅定興劉景芳等馬步躡之乃竄固安雄縣繞掠霸州京師頗震十一月有

詔摘去頂戴已而革職以大學士官文代爲總督

命下十餘日而梟匪平

上念公前勞

賞三品頂戴行次德州而東捻平

加賞二品頂戴七年四月公歸新寧公之去直隸也率楚勇二百行糧不給道出金陵曾文正餽銀三千濟之及還長沙輿服樸陋儉從寥落人不識爲達官公故宅濱濱水旁有菓園古樹合抱者數十株公子思詢購而垣之依樹爲屋蒔花養魚其中公額曰遂園其室曰省齋嘗自謂鋒鏑餘生自分死疆場今乃獲放歸偃息林泉非夙昔所敢望

聖恩大矣用以勗其子孫未三年而有巡撫廣東之

命同治十年四月也六月公道桂林赴鎮桂林之民老弱相攜

焚香望拜於道既至廣州受印甫兼旬移廣西巡撫

詔司廣西地方遼闊南太泗鎮尤爲盜賊淵藪其近越南邊境  
匪徒叛服靡常馮子材勦辦越南竄匪劉長佑當與和衷共濟  
迅速藏功先是粵東西姦民出關劫掠越南官兵不能制我軍  
於是有河陽安邊之役及悍酋吳終伏誅而蘇邕漢復起蘇邕  
漢者亦粵人流寓越南曾充夷練者也九年秋大軍凱旋邕漢  
乘虛襲踞諒山

詔提督馮子材進軍龍州於是我軍復有牧馬長慶之役邕漢  
懾

中朝兵威乞撫於兩廣帥瑞麟公而自踞廣安用厚貲招納亡命其情反側公既視事與瑞公銳意主勦時匪首鄧建新擾水東曾亞日竄北寧諒江襲破上林社七月總兵劉玉成圍上林匪窮乞降獲曾亞日等四百餘人玉成察其叵測駢誅之九月玉成會廣東軍攻克舊街勝兵抵海寧匪散亡過半其酋蘇幘漢匿靈山寺諸軍圍之幘漢奔東興爲廣東將雷秉剛所禽檻送廣州梟誅公以越南東路漸靖檄劉玉成西赴太原會攻瓊山北山奏言論越南大局則宜直擣河陽一勞永逸然河陽距關二千餘里窮兵勞費討捕爲難應令該國自行攻勦今擬芟

蕩海陽太原卽迴師列戍以固藩籬則可分助越之眾協勦黔苗抽出關之兵先清土莽蓋是時慶遠黔防方亟藤縣土寇何先體踞滿村黃三梁挽踞金屯河池土寇黃有仁等踞鎮南各崗而永寧四十八峩連寇伍挽竄擾柳城其他南寧思恩各屬無名嘯聚者不可勝數公雖檄道府牧令掩捕誅禽然旋歿旋集不能絕故鯁鯁以強本輕末出萬全爲言十月副將陳得貴遊擊李揚才克越南從化府遂會劉玉成克通化白通十一月擊破瓊山北山匪巢十一年正月復敗匪於三星山禽其酋何三寧挽於是東潮寧諒所轄皆平二月劉玉成等攻克斯立左

變躡之至宣光白苗境海太肅清公以太原幅員延長夷匪憑其險阻易怨以變乃檄劉玉成屯戍鎮撫而咨越南國王遣兵換防久之越兵無一至者而法郎西領事涂普義領火輪四艘入河內聲言雲南提督檄購軍火假道赴滇越南官阻之陳得貴時駐太原札南官放行其營弁陳有貴復與夷民鬩鬪誣其劫餉脅之以兵越南官以聞公大愕劾論陳得貴等褫職逮訊因念將領侵侮外藩久暴兵非計益決意旋師畱精銳四千人待越南接戍時思恩鎮安太平西隆諸郡州暨鬱林之北流梧州之岑溪羣盜卵育其中公悉遣兵芟刈之境內粗安乃令道

員覃遠璉周歷邊隘葺城堡申關禁杜內外姦民往來勾結時  
匪酋黃崇英猶踞越南河陽結白苗攻保樂擾我鎮安邊夷匪  
劉六等踞蘇街相犄角十二年春公檄關內外軍擊之夷苗皆  
遁因密奏越南貧弱版章日蹙法國蠶食於濱海黎裔虎視於  
橫山桶岡則白苗跳梁尙奔則黃酋雄踞近聞該國君臣輸欵  
法人黃崇英受職黎裔雖係道聽之言亦係意中之事臣竊謂  
黎裔爲患越南受之法國爲患不僅越南受之今欲拯敝扶衰  
必須大舉深入若合兩粵之力寬以數年之期步步設防節節  
進剿庶交夷可期復振而他族不至生心否則惟有慎固邊防



嚴杜句結而已黎裔者越南故王黎維禔裔也是時防越諸軍  
尙八千人公檄劉玉成引軍北還以六營屯關外諸隘四營屯  
歸順龍州而令覃遠璉督八營將佐分駐關內遠璉自率親兵  
兩營往復巡徼七月提督馮公至自龍州於是越南諸軍皆罷  
十月法人攻陷河內黃崇英等乘機襲太原山西姦民響應北  
甯戒嚴先是涂普義假販軍裝與崇英暱約期肆擾其公使請  
於總署有安參將將遊粵西公嚴拒之而越南君臣日夜騰書  
乞援使相望於道乃令劉玉成統關外十營進太原爲左軍覃  
遠璉因憂罷令道員趙沃統其十營分布鎮安爲右軍法酋見

王師大出輒與越南議和聲言越地匪多願擊西師會勦是時  
越將劉永福屢破黃崇英於河陽又與法人戰河內法人患之  
此所謂黑旗之軍也法酋既畏我軍屯高諒扼羣賊東竄之路  
而黃崇英敗後遁匿河陽爲劉永福所隔與河內聲息不相聞  
故謬言與越南會勦招納羣盜冀懈我師且閒離中外

朝廷早訶其詐公亦策之審矣十三年五月

詔以會勦難深信終恐羣匪被攻內犯飭總督巡撫嚴爲備公  
曰越官能勦匪者莫如劉永福越匪宜亟勦者莫如黃崇英若  
徇法人之意則必勦劉而撫黃越能聽乎法人之創爲此議意

在撤我粵軍而報河內之役令越南自絕於中國耳乃益飭官軍進攻頃之劉玉成破白苗於保樂白苗者黃崇英黨也於是法計稍紕自河內退師移輪艘於左金港詭言待涂普義而暗迫越官諷劉永福讓河路以通舟永福聲勢甚盛視西師蔑如也十月公閱兵至南寧防軍統將謁商邊事時黃崇英尙伏河陽遣其黨陳亞水攻保樂築壘城外期必克周建新陸之平鄧志雄分掠高平諒山爲崇英聲援越南王屢乞出師其統督黃繼炎以千人備嚮導公乃令趙沃劉玉成赴之光緒元年二月趙沃右軍由欖欄渡河其前鋒克同文同文者洞奔也進攻淦

台白苗見

王師旌旗輒棄巢遁沃悉招撫之爲助苗大感悅願內應遂攻底定黃崇英遣千人來援沃擊走之三月克底定陳亞水跳沃令苗酋備竹梯攻襄安克之時劉玉成左軍敗賊於白通陣殛鄧志雄諒山亦靖惟餘陸之平周建新游弋北寧太原而劉永福已進兵河陽崇英屢爲所挫越南國勢漸振法人稍稍斂戢矣公策黃酋已窮促趙沃進圖河陽檄劉玉成左軍出北大會之河陽與安邊隔一水毘連雲南公咨雲貴帥岑公毓英出師防邊崇英聞

王師且至喉周建新拒左軍陳亞水守猛法而自領悍黨當右軍憑險立寨冀堅守老我師五月沃軍克淦直進薄河陽崇英親出迎戰沃遣將敗之崇英復約陸之平出崑崙來援右軍躡擊敗之於是進攻猛法陳亞水惶懼乞內應佯走安邊副將莫雲成躡之崇英適在安邊憑巢開礮忽見望樓豎官軍幟乃擁眾出奔而河陽故巢亦遍易右軍幟守賊皆降於是安邊河陽同日蕩平中外稱快沃益下令緝黃崇英七月禽之芳杜社越民苦崇英荼毒爭欲嚮割之諸將或欲獻俘公檄趙沃就地寸磔并其妻子駢戮之沃之下猛法或言洋人匿河陽造火器及

破河陽獲法匠摩囉哆七人哀辭乞命沃悉縱還時劉玉成左軍亦破賊於通化白通禽周建新於虔陽磔之九月公檄左右軍會攻者巖十月克之其酋陸之平遁於是宣光河陽金沙江上下肅清先是奉議來賓貴縣姦民蠢動黔匪復掠柳州公移關外十營討之及者巖克乃悉凱撤左右軍入關分屯鎮安太平於是越南諸軍復罷公之再撫廣西也務與民休息奏蠲災區錢糧緩諸例貢嚴禁私鑄以恤商賈又以其閒課蠶桑改兵制雖懸軍絕域而餉不加匱司庫積銀一百數十萬兩自兵亂以來廣西所未有也是年滇邊野番殺洋人瑪加理英吉利公

使証於

朝語連署總督岑公

上以公負時望習邊情十二月拜雲貴總督二年四月至貴州受印奏曰臣於洋務非所素習然責無可辭不得不預爲防慮雲南五金並產洋人覬覦已久特借瑪加理事反覆挑撥以肆要求今若製機器開採則利由自取權不人操夫藩維不固莫禦外侮之侵兵甲不修難爲小邦之庇今緬甸接壤於印度越南割地於法人彼自立之未能豈維屏之能寄臣擬簡練精兵扼咽喉之地備戰守之資爲外藩近接聲援爲中國資其捍衛

則洋人覬覦之心或當稍斂

上嘉勉之五月公抵雲南省城自成豐中葉滇中寇亂相仍回番夷苗所在蜂起

朝廷方憂東南未暇問荒遠大吏計無所出輒聽將領料民爲兵饋餉資之閭閻於是豪酋驕將習爲跋扈徵糧派丁威福自已至戕總督巡撫而莫能誰何他尋讎殺吏無論矣及滇亂旣平諸弁猶狃故智飛揚恣肆怒則叫讐不受節度大府稍稍裁抑之輒擁眾爲變先是永昌李朝叛已就撫矣而妖人王道士竊踞蓋達自言幻術能禦鎗礮愚民多惑之蘇開先者已保參



將職藉索餉誘練軍謀亂陷踞騰越王道士與之合逆燄益張於是順寧雲州土豪悍卒乘機肆起踞城池殺守令永昌降人應之迤西大擾公策騰永順寧毘連緬甸漢夷雜居久則句結益眾乃檄署提督楊玉科率師往討道員陳廷珍副之閏五月副將李應舉克雲州賊併入順寧順寧賊聞官軍至亦棄城走躡之雪山箐禽其酋高顯而李朝窺犯永昌爲提督和耀曾所殛餘黨解散六月楊玉科陳廷珍攻騰越克之蘇開先王道士皆伏誅公飭諸路搜治逋寇段式虎等百數十人悉戮之迤西平公以上練反覆難馴奏令提督胡中和募楚勇千人自川來

滇副將文明迪楚勇五百人自粵來滇其餉由四川來廣協餉  
供之故事雲南額兵挑人練軍者十之七悉給全餉赴征調其  
老弱汰存底營者十之三月餉緩七發三文武吏率以不敷防  
守爲請公乃裁兵就餉減額兵之半而以五成兵數餉給之別  
畱練軍十二營備調遣歲增銀僅十餘萬而全省軍制煥然改  
觀無憂饑匱矣是時瑪加理讎成英人約於雲南設埠通商  
詔下其議公奏曰雲南山川深阻種人獷悍成性剽掠行旅本  
地紳練恃眾橫行挾制官長上下猜忌法令不行萬一防護不  
及致有同於前案或更甚於前案其有害於雲南一隅猶小其

有撓於中夏全局甚大且洋人知前案難辦有免其既往之議知後患難防有保其將來之議臣恐滇省官民於已往者不以爲倖免而以爲得計將來者不引爲前鑒或敢於效尤洋人通商意在圖利亦斷無不思遠害之理應俟三五年內外官民稍稍安定遣員商辦

上善其議是冬四川巴蠻掠昭通總兵全祖凱遣兵渡金沙江擊之盡燒其船巴蠻遁回巢時昭通之大關鎮雄之伐烏關土匪並起公檄全祖凱悉破平之迤東皆靖而廣南那雞寨有積匪數百踞口硃肆搶殺飭寶靈知縣李賓擊走之殲其酋王喜

三年四月騰越逸匪許雙貴擾隴州之崩竜總兵謝景春擊破之公之初至滇也諸驕將猶擁重兵頑梗鴟張官民含詢隱忍未敢頌言其非及楊玉科移廣西右江鎮胡中和履提督任公用兵部議武職例應迴避本省者率以兼轄之貴州量移之諸武職亦以平昔斂怨多懼仇讐甘心願徙他省避禍於是豪率並解兵符牧令稍得行其法監司郡守始敢覈吏治矣公以滇事漸定自夏徂秋屢疏引病乞罷

優詔慰畱凡休沐五月而後視事四年春騰越徼外土目耿榮高等爭地相殺結回夷三千攻陷耿馬公遣將討之耿榮高降

七月臨安納樓土族普保極等爭襲搆兵阿迷蒙自開化土匪響應其酋楊阿幅踞田心謀襲阿迷城於是廣南彌勒邱北皆擾公遣道員許繼衡率練軍討之九月繼衡薄田心破其壘數十楊阿幅伏誅餘黨走開化官軍復敗之馬塘拔難民數千儂回夷猺皆就撫而他股在廣南者復爲練兵所敗於是彌勒邱北諸匪皆遁匪首普雲沈開科等誅殛殆盡普雲者阿迷夷人與蒙自楊阿幅初約起事者也沈開科者儂夷種始與普雲倡亂已就款撫而時服時叛三渠旣殲羣盜瓦解矣十二月阿迷逸匪起安平同知潘英章等襲破於涼水井五年正月進克三

光馬毛諸寨擒匪首黃春鄭小安皆普雲黨也公以臨郡無事檄許繼衡等等撫輯繼衡乃自臨安赴納樓促諸頭目上糧納款且散回眾禁燒殺土族普保極等率老弱歸誠羣回聞風乞款繼衡悉資遣之於是臨安開化廣南皆平自騰越蘇開先之亂其黨劉寶玉逃之野山野山者在滇緬之交爲華夷甌脫其夷自爲君長不隸於羈屬劉寶玉糾野貫十三種及蓋達擺夷伏羅坤山時出劫掠公患其害行旅將捕之適緬甸遣官詣騰越持圖說上騰越官弁約由野山通道列戍官弁寢其事公曰此必英人之所嗾也英人議通商久矣吾雖不爲彼用亦當有

以固吾圉乃檄熊昭鏡親赴騰越召諸土司野貫申禁約其屯  
練田租之已失者復之墩卡弩手之未補者補之因囑土司誘  
擒劉寶玉於干崖誅之諸野夷皆解散閏三月公以述職屆期  
請入

覲

詔弗許六年正月永昌夷匪掠保山檄騰越練軍屢擊破之匪  
首龍保赴怒江死八月公赴迤東迤南閱營伍十一月赴迤西  
前後賞罰獎劾有差自道光末不行此典者三十年於茲矣七  
年三月公因衰病乞休

詔曰劉長佑久膺疆寄辦事實心朝廷深資倚畀仍當勉力從公以圖報稱七月公復乞骸歸里

上復慰留之時法人窺越南東京佯稱捕盜增召兵船將道紅江達雲南通市

詔滇粵備邊公以爲欲援越南宜先復琉球欲制法人宜先討日本乃奏曰自西人通商日本始從諸國之後設公司於滬上遂侵臺灣滅琉球英法諸國相視不發

國家旣釋倭人而不誅則有以知中國之好安而惡戰旣不問滅琉球之罪則必不問滅越南之罪故法人遂憚然自肆翦我



籓籬闕我門戶今若及法師未出東京未破之時先討日本以復琉球則時雨之師足以下俘囚之涕九伐之法足以懾逆夷之心是不戰而存越南也及此時而不日本之討坐待越南之亡則英法俄美又將窺我之瑕因利乘便同時并舉則不惟滇粵之憂而欲求如今日之但謀東征亦不可得也故臣以爲寢兵禍大不如急征患小也

旨 畱中十一月

詔復詢弭釁安邊之策公謂法夷自據嘉定六省以來越南四境皆有商埠教堂脅其君臣漁其財利已非一日取越與否非

有甚異其所以處心積慮者乃在通商雲南與其既吞越境爲  
守邊之計不如乘其始動爲弭釁之謀滇粵三省與越接壤東  
西幾二千里叩關造釁莫可端倪要害與共勞費殊甚若自三  
江口以至海陽東西僅數百里以中國兵力爲之禦敵東京兵  
聚而力省以視防守滇粵之邊勞逸懸殊請以廣西兵二萬爲  
中路廣東雲南各以萬人相犄角廣東之兵自欽連而入雲南  
之兵出洮江而東別以輪船守廣南順化港口斷其首尾法人  
必無自全之理又力言劉永福可禦寇請

密諭越王給其兵食

一切相報皆由心造

外官株連頗眾或勸公半途引疾歸公曰吾蒙  
聖恩起用十餘年未趨

闕廷若畏絳議而避之違夙昔戀

主之忱且增羣疑而重在事諸人之禍如

清問垂及當獨引爲已咎耳九年四月至都比

召見

上詢邊事甚悉

語不及軍需案於是中外有以窺

上信公之深矣公稽首訴衰疾乞開缺

上許之滇案既結

詔鑄三級七月南行十一月還新寧公內行純篤平生以不逮  
祿養遇父母忌日則流涕終夕朔望必親祭墓雖毫不輟也每  
晨起屏人端坐焚香秉燭讀易數篇卽戎馬惚惚未嘗廢書在  
官以廉率下所得祿賜輒以恤戰士助公家急不一嘗省出入  
以其贏置田贈族充邑中賓興資而自奉極薄宴居惟布衾繭  
裘食蔬肉數盂而已性仁而恭接寮屬雖雜職微弁必假辭色  
俾盡其言領兵三十年未嘗誅將佐然諸偏裨憚若嚴父無敢  
犯約者尤務掩人過失人亦以此不敢欺公公之再起也

上慮其慈柔貽誤

寄諭以勿過寬厚相誠公覆奏曰臣自問無可過人故常失之過寬自愧未能化人故常失之過厚至於是非之辨邪正之分苟爲見聞所及亦不自欺其心以上欺

君父

上乃悅公生於嘉慶二十三年十一月十九日薨於光緒十三年六月二十五日春秋七十明年四月十六日葬城東二十里木雞塘龍頭山夫人李氏孝慈恭敬戚郇取則先公十五年薨於廣西春秋五十有五子五人長思詢道銜署涼州知府後公

一年卒次思詣縣學增生二品蔭生

特用通判先公三年卒思謙二品蔭生

特用通判思訓光緒丙子科舉人兵部郎中雲騎尉世職出爲公從弟長偉後長偉官千總從曾文正戰靖港歿於陣者也思謹縣學附生先公十五年卒於廣西女三人長適臨桂龍繼棟

同治壬戌

恩科舉人戶部主事次適同邑李馨德縣學附生廣西候補通判次適武岡鄧國琬州學附生孫繩武原名永淇府學附生光祿寺署正永漑府學附生永濱縣學附生五品銜候選州判永

滇永清永滢永沅永濟女孫七人曾孫鶴慶鴻慶女曾孫三人  
公之薨也湖南巡撫卞公寶第以遺疏聞

上軫悼

優詔褒卹

予謚武慎蔭其子思謙同知孫繩武分部主事廣西江西雲南  
諸行省士民思公功德籲建祠奉祀

詔如所請嗚呼飾終之典隆矣光緒十四年九月東湖王定安  
謹狀



劉武愼公奏稿

劉武愼公全集二

卷之一目錄

附陳粵西軍情片

廣西巡撫謝恩疏

兵增餽絀片

收復慶遠疏

蔣軍進攻賀縣片

勦辦柳州艇匪疏

克復賀縣疏

請還蔣益澧原銜片

正位之身  
展緩鄉試疏

石逆入黔餘匪尙留粵境疏

橫州軍情片

石達開餘黨竄近桂林勦撫兼用疏

南甯禦賊情形片

柳州解圍獎卹疏

勦辦石黨由柳進攻疏

展緩越南例貢疏

石達開黨回竄湖南督軍追勦疏

梧州下郢軍情片

由營回省陳報軍情疏

請畱蔣益豐片

梧州下邳廓清疏

卷之二

二

附陳粵西軍情片

咸豐九年十一月十六日藩司謝

恩

再臣來自草茅罔識機要管見所及竊爲我

皇上陳之伏查粵西現在情形有不得不亟行勦辦者臣請就  
民情言之粵西連年被賊百姓流亡轉徙久不聊生其有田廬  
墳墓之難移家室妻子之相累所在集團築堡耕戰兼資遇大  
股賊則閉壘自守遇小股賊則開壁擊之數有斬獲然被賊圍  
爲賊破者亦紛紛見告矣誠於此時督兵勦賊則各團必多踴  
躍願爲前驅若再事遷延賊於今日攻某堡明日破某堡則各  
團解體而賊得以脅誘將來勦辦更覺爲難且粵民向來土客  
不和近緣練團料丁壯備器械藉禦賊之名爲私鬪之計苟有

小忿輒互相攻劫其不勝者甚至以賊爲援其地方無官莫知  
忌憚有官亦不能禁止恐頑梗之習成將轉而爲賊矣惟有率  
以擊賊旣可得其力又可息其爭賊平之後爲之置官吏明政  
刑庶可消亂於未萌也又請就賊情言之自湖南援兵相繼入  
境石逆竄匿一隅本地土匪因而震恐或率眾遠颺或輸誠納  
款此亦機有可乘之時也若頓兵養寇不獨土匪之奔竄者仍  
肆披猖投順者復懷反側且使石逆養精蓄銳將來竄黔竄蜀  
鋒不可當如令留踞粵中句合諸匪則粵不能獨支卽吳楚亦  
將多事大局不可復問矣臣所謂不可不亟爲勦辦者此也獨  
是粵西兵饑兩絀勦辦殊非易事粵地多山西南一帶路徑歧

出生兵不悉形勢深入爲難粵地多瘴夏秋之時疾疫繁興外  
兵不服水土久留輒病各勇旣視爲畏途矣加以地方貧瘠無  
事之時丁糧關稅所入不敷所出賊匪肆擾以來工商失業田  
土荒蕪不惟丁糧無處徵收卽穀米亦難籌辦各勇經年血戰  
而口糧積欠饑苦不堪醫藥無資死亡相繼欲其飽騰用命豈  
不難哉粵西連年用兵卒無成效者非調度不善守戰不力皆  
由兵少不足辦賊饑艱不能贍軍致已得之城而復棄已窮之  
寇而緩追勢成燎原遂難收拾耳而以臣今日事勢尤有爲難  
者往年止有本地積匪今年又加以石逆大股前奉  
諭旨追剿石逆之蕭啓江一軍已調回鄂而石逆黨羽仍蔓延

慶遠一帶也慶遠與柳州勢若唇齒石逆方藉柳賊以為蔽臣  
 兵攻柳州難保柳賊不倚石逆以為援即令石逆志竄黔蜀不  
 暇返顧而臣克柳之後欲追石逆則潯州象州之賊無人勦辦  
 勢必日張若移兵南向則石逆從容出境矣且恐各逆互為句  
 引以相牽制臣兵顧彼失此必至左支右吾至於永安賀縣之  
 賊聞臣兵出柳州日益披猖現以所留蔣益澧之勇防之未知  
 能堵勦否此今日用兵之尤難也往日粵省饑項雖艱尚有梧  
 州釐金每月約得銀二萬餘兩概歸蔣益澧提用現在土匪梗  
 塞河道釐金日形減少矣往年尚有湖南協濟饒銀每月二萬  
 兩今年湖南被賊竄擾兵增饒絀臣部原由湖南發給之饒尚



欠數萬此後未審能否協濟况往年止有蔣益澧一軍今則加以臣軍需饟增倍此今日籌饟之尤難也夫用兵之難臣當激勵將弁聯絡團練穩紮穩打且勦且防務期次第殲除仰慰宸廑惟籌饟一事臣在戎行難於兼顧已稟請撫臣委右江道臣華日新署理印務籌辦勇糧第以粵西現在拮据情形斷難供億十分之一伏乞恩施逾格飭催各省協濟饟銀依限起解來粵以應急需庶兵力有餘而饟源漸裕矣謹冒昧附片具陳伏乞

聖鑒謹奏



廣西巡撫謝

恩疏

咸豐十年四月二十六日

奏為叩謝

天恩並

臣

由營回省接印日期恭摺仰祈

聖鑒事竊

臣

於咸豐十年四月初三日在柳州營次准兵部咨

行三月十三日軍機處交出內閣奉

上諭署廣西巡撫曹澍鍾著即馳驛前往四川辦理軍務廣西

巡撫著劉長佑補授欽此

臣

當即恭設香案望

闕叩頭祇謝

天恩伏念

臣

才識庸愚未諳政治以湖南拔貢效力軍營疊沐

殊恩頻叨

異數上年九月赴粵援剿即蒙

聖慈高厚畀以陳臬開藩重任數月以來經前撫臣指授方略在城司道悉心籌謀臣得勉力行閒藉免顛蹶然涓埃未報兢惕方深迺復渥荷

溫綸補授廣西巡撫念非常之

寵遇實倍切夫悚惶查廣西賊氛未靖民困待蘇兵方議增餼且益絀以臣禱昧大懼弗克勝任茲准前撫臣曹澍鍾以赴川在卽函催回省當將營務妥爲部署一面檄委提督銜記名總兵李明惠補用知府席寶田等暫爲代辦卽一面檄催總理營務按察使銜卽選道劉坤一卽選道江忠義二員由湖南馳來接統各營臣業於本月十五日由營回省二十二日接印視事

其現在應行籌辦事宜亦經前撫臣指示詳明頗有端緒臣惟當勉竭愚忱督同在城在營文武各員講求吏治整飭戎行仍應察看軍情緩急往來調度以次戡除積匪撫輯災黎藉紓宸廑於萬一除以前在柳勦賊獲勝情形業由前撫臣彙奏外所有微臣感悚下忱並由營回省接印日期理合恭摺具奏叩謝

天恩伏乞

皇上聖鑒謹 奏



兵增饟絀片

咸豐十年四月二十六日

再臣草茅下士仰蒙

聖恩擢授封圻重任夙夜循思末由圖報惟現在廣西情形仍有不能不爲我

皇上縷析陳之者粵省連年賊寇縱橫百姓流離轉徙不安其生間有築寨固守差可自保然田野益蕪廬舍爲墟死於鋒鏑凍餒之下者亦不少矣而自石逆入境以來流毒千里破大小村寨凡千數百計官兵應援不及益肆猖狂至賊過之後地方無官彈壓則又受虐於團總之貪暴被戕於土客之仇殺日朘月削莫有底極此生民之困也邊遠殘破之區官吏路不得通

多寄會城其得通者城池街宇蕩然無存官吏依附莊寨仰鼻  
團總莫能有爲卽奮然有爲者事權旁分動形掣肘且或整理  
未及賊又乘之前功頓棄心力旋隳至不肖之員有事徒求規  
避無事則便私圖因循廢惰日甚一日大吏以地方糜爛之餘  
差遣乏人不能盡加振策此吏治之壞也臣以爲今日之廣西  
欲拯民生當先清吏治欲清吏治當先平寇賊查廣西諸賊如  
賀縣陳金剛修仁張高友稔惡多年患在肘腋此外滿金科陳  
戊養陳寶蔡四王三劉八等著名首匪以數十計聚眾或二三  
千人或千餘人或數百人不等皆屯據巖寨或攻掠城邑急則  
相合緩則分處並爲地方之害臣仰仗



天威宣布

聖德權緩急審輕重或勦或撫當可次第收功惟艇匪聚黨尤  
眾稔惡尤深實爲廣西心腹大患蓋廣西中貫兩江經二千里  
與東南大江無異艇匪以潯州爲老巢分擾梧州梧州尙有師  
船抵禦柳州上下無一師船以陸兵擊水賊用力多而成功少  
故柳州雖克艇匪乘漲復來臣此次由太平回援柳州大小十  
餘戰殺賊不下千餘解散脅從亦以千計然於賊艇仍未一律  
掃除也江面不清慶太思南泗鎮六府數十州縣與省城聲氣  
頓隔地方之安危政治之得失舉非大吏所能主持何怪土匪  
蠢起千百爲羣不可撲遏耶石逆股匪回翔遊移於宜山思恩

河池東蘭各屬屢爲黔粵土練所敗昨於本月十一十二十三  
等日由宜山分股折入忻城土縣欲由橫水河南渡想該逆喪  
敗以來入黔不能入楚不敢窺蜀本志或亦潛消默奪矣臣本  
追石逆入粵旦夕未敢忘之徒以江面未清臣提兵西渡艇匪  
必梗其後土匪乘之將有首尾受制之虞石逆狡詐前逃死慶  
遠時固揣知艇匪可恃以此一帶水爲藩蔽也故治水師實爲  
今日要務惟艇匪船堅礮利人習戰鬪非得力水師仍於事無  
濟前經撫臣曹澍鍾咨商督臣勞崇光請派粵東水師前來會  
勦粵東軍務方亟且河道尙梗一時恐難撥派前來現在柳州  
匪首馮常疊經痛勦船隻黨羽喪失甚多屢見詬於潯逆不敢

復歸老巢臣已多設閒謀擬購匪自數人收其船隻爲以賊攻  
賊之用並一面在省選派將弁招募水勇如江面稍清臣卽進  
躡石逆期爲東南除此大患事竣之後卽可以得力水師自柳  
州順流而下進取潯州一有得手廣西全局活動饒糈亦漸可  
自謀矣臣之所慮者省西而柳慶恃臣部爲之廓清東而平梧  
恃蔣益澧一軍爲之楛柱前議蔣益澧進克下郢卽駐梧州以  
圖潯賊臣恐潯賊非旦夕可平而修仁賀縣一有騷動省城兵  
單臣必移師回救根本前功坐棄關係全局非輕臣擬飭蔣益  
澧疏通下郢河道仍駐平樂以爲桂林聲援並可商同湖南廣  
東防兵會剿賀縣股匪東路兵力旣紓修仁之賊亦無難於殄

聖正惟公全集卷之二  
滅矣至廣西軍饑萬難久在

聖主洞鑒之中今兵方日增饑且日絀所有隨時仰給者僅湖  
南廣東兩省在撫臣駱秉章素顧大局苟饑稍充必可通融  
辦理即督臣勞崇光親歷此閒苦況亦必力濟要需無如廣西  
諸軍積欠已久需款甚鉅杯水之助莫救車薪而近日柳郡營  
勇不服水土病疫繁興醫藥無資困苦更甚伏望

聖慈再賜飭催山陝川各省遵照

前旨速籌協濟俾士馬共慶飽騰羣黎早出水火邊隅要地不  
致時廛

宸懷臣無任顙懇感悚之至謹附片陳明伏乞

睿鑒謹 奏

臣等謹將  
欽此



收復慶遠疏

咸豐十年五月二十一日

奏爲官兵收復慶遠府城逆匪潰竄現飭跟蹤追剿及柳州各路防剿情形恭摺仰祈

聖鑒事竊逆匪石達開屯踞慶遠分竄賓州百色泗城各處迭

經前署撫臣曹澍鍾陳奏在案臣前在藩司任內奉

命督軍追剿因潯州艇匪復犯柳州回師援剿未得進兵赴慶當卽出示宣播

德威解散脅從賊中感懼多思潰散又因缺乏糧食四出剽掠日益窮蹙臣嚴督慶遠文武厚集團練堅壁清野隨在截殺殲賊數千名至數百名不等並飭將分竄思恩河池各匪先行掃

除翦其支蔓旋據該府榮林會督文武團紳進攻思恩擒斬賊  
目余姓等八百餘名救出被擄男婦三百餘人餘匪由五洞逃  
竄又經該署縣王宗海堵擊俘戮甚眾賊奔羅城三防各處時  
河池州保平九墟一帶土匪王秀求等乘機竊發竄入那地南  
丹各土州及東蘭州地面焚劫土田州賊匪梁三等亦竄踞東  
蘭州之鳳凰關經該漢土文武會合團練痛剿擊散而逆目賴  
裕新卽賴剝皮先在宜山羅城天河各鄉攻陷村寨數十處經  
該三縣局紳陳豐玉等聯團力拒先後三十餘仗屢挫賊鋒該  
逆敗入天河北鄉復自宜山轉出思恩矛南地方榮林聞報督  
軍馳至該處派團總譚受益等乘其竄紮未定連夜分路進剿



該逆猝不及防四散逃退追殺賊匪千餘名奪獲騾馬旂械無數賴逆兇惡爲諸賊冠得此大創羣匪喪膽榮林乘勝卽會合署河池州涂開元大集練勇分七道疾圍河池該匪不支棄寨潰走各勇奮力截擊陣斬千餘人生擒數十名就地訊明正法脅從人等及各處土匪紛紛薙髮來歸軍威大振謀報慶遠逆匪震恐自相殘殺多向賓州潛遁榮林當率勇練由西路前進署宜山縣況逢春天河縣高鴻儒永定土司韋秉鈞等各帶團練由北路前進四月十八日榮林自懷遠鎮渡河遇賊於獨山塘擊斃二千餘名況逢春等亦沿途轉戰斃賊千餘人十九日會師臨城該匪等開門出走由南路逃逸官軍追逐數十里殲

擒賊匪多人當將郡城收復差探石達開擁眾混逃前隊已過  
賓州地界後隊出忻城土縣思練一帶沿途多有伏賊接應訊  
據獲犯供稱石逆欲暫紮賓州再定趨向等情由該府等稟報  
前來臣查該逆石達開屬聚慶遠分股蔓擾節節爲團練控扼  
進退靡騁滇黔道阻又未能遂其窺蜀本謀茲自慶遠窮奔賓  
州叢爾一區豈能久留勢必他竄臣竊按地形計之或繞越南  
甯由橫永折入廣東或仍往百色泗城別謀詭遇該逆罪惡貫  
盈蹤跡叵測亟應前攔後襲及早殄滅臣所部楚勇八千人現  
駐柳州及雒容柳城各屬防勦喫緊不能越顧且觸暑積勞軍  
多患病無可抽撥蔣益澧進兵賀縣正當得手亦萬難移動臣

通盤籌計左牽右掣不勝焦灼現已咨行左右江鎮及南甯百色泗城各地方文武嚴督兵勇團練分投扼要實力堵截毋使奔突一面飛咨廣東雲南各督撫臣調派兵勇沿邊偵防兜擊如賊至南甯並請兩廣督臣飭令高廉各鎮道就近率師援應以期合而殲旃至柳州艇匪先經句結太平土匪分撲東泉等處並自潯州添來賊艇登陸築壘希圖分我兵力阻我糧運節經記名總兵李明惠江西補用知府席寶田陞用總兵翟國彥副將蕭榮芳等督勇攻擊焚踏銅鼓嶺瓦窰坪等處賊營多座斃匪無數餘仍逃遁回艇適羅城逆匪經團練擊退其賊目又與石逆有隙不能復合遂全竄融縣蔓及永甯州三隍各處柳

州水陸各匪復暗相糾邀眾號數萬分至東泉太坪欲入雒容以撓我軍後路並於柳郡北路之雀兒山西路之羅沙等處分築營壘梗我聲援自四月二十八日至五月初十一日李明惠等各路出擊多所斬獲屢挫賊鋒惟以備多力分兵疫又作致茲餘孽尙稽顯誅現在前撫臣曹澍鍾增募楚勇陸續抵省臣當派革職副將謝永祜管帶陽勇一千名由永甯州三隍一帶確探賊蹤取道前赴東泉又令從九張寶鑑遊擊劉竹田等管帶桂勇五百名自省馳赴雒容均會同李明惠等合力勦洗仍一面商催司道速籌經費選募水師由雒容繼進以資控制一俟柳州全境廓清卽移師賓州跟勦石逆不敢稍事玩弛

白 工 牌 結 册 云



蔣軍進攻賀縣片

咸豐十年五月二十一日

再蔣益澧一軍前經曹澍鍾 奏明由平樂進勦梧州下郢土

匪合圖潯州又因賀縣賊匪陳金剛四出滋蔓請

旨飭調湖南候選道劉嶽昭等駐紮江華防兵就近入粵勦辦

並擬令左江道署鹽法道事蘇鳳文統帶增募湘勇馳赴賀縣

會合辦理在案時賀匪分股竄擾昭平平樂郡縣戒嚴蔣益澧

師次平郡復飭先行撲掃當派縣丞吳光春都司周廷彩管帶

水師道勇馳援昭平而自率湘勇由平樂二塘前進攻破鶴村

陶村各處賊巢逆首陳永秀盧海列營畫眉嶺部眾迎拒蔣益

澧陣於樸全嶺督軍奮擊大敗之又追至猿猴墟青塘五桿冲

英家村銅鼓墟連戰克捷賊奔公會墟挖濠築壘竭力堅守昭平之匪亦經吳光春等擊散退回公會勢甚鴟張蔣益澧勵將士分道並進該匪蜂擁出戰遊擊劉樹元被槍墜馬仍躍起衝殺各軍爭先逐北縱火焚踏各村賊壘攻入墟內跟追二十餘里殲斃偽兵部尙書安定侯王鼎新左翼都統平靖侯尤坤樹將軍黃明總兵何昌等及夥黨約共二三千名生擒數百人奪獲馬匹器械無數平樂昭平兩縣均就廓清蔣益澧以下郢賊匪未靖阻礙課餉誠宜遵照 奏案還師移剿但大兵一撤賊必繼出仍爲平郡餘禍且恐扼我梧軍後路不得不乘此機勢迅圖剿克謀報該匪等潰後大股屯聚沙田陳金剛親帶悍



賊並調來開建懷集富川賀縣各股匪勢將復振蔣益澧率軍進攻五月初二日營於大灣嶺賊傾隊出撲陳金剛張益設燾立馬高坡指揮礮石如雨中及蔣益澧帽頂幸未入骨蔣益澧親執桴鼓參將陳友勝高連陞遊擊劉文彬等當先分投鈔擊軍士呼聲動天勇氣百倍槍礮之後繼以刀矛步步逼進並施擲火箭火彈延燒賊寨茅棚烈焰彌漫賊遂驚潰官軍長驅大進追擊於馬峯再及於馬井道石先後斃賊二千餘人陣斬偽鎮國公黃三元偽將軍四名生擒二百餘人獲械不計其數陳金剛聚集殘眾分紮鵝塘墟點燈寨西灣黃田各處蔣益澧進駐芳林扼賊總口派劉文彬等連拔鵝塘墟及頭頂寨丹竹村

澁田村劉清亮等攻克點燈寨其西灣賊目尙義黃田賊目包  
禮安張際明遣使撫諭投誠立功自贖尙義卽集所部千餘人  
將陳金剛派踞西灣之廣肇悍匪三百餘名盡行殺斃率眾前  
往黃田包禮安張際明內應放入殲賊二百餘人生擒僞指揮  
陳仲都督梁志號雷林佐領溫潤等七十三人解送大營訊據  
供稱陳金剛自沙田敗後黨惡逃散欲再糾開建等處夥匪來  
賀死拒等情當此事機所在稍縱卽逝聞不容髮蔣益澧卽於  
五月初八日進軍茶庵圖爲長圍疾攻迅復縣城稟報前來臣  
查陳金剛陷踞賀縣久稽戡定實爲楚粵兩省肘腋之患蔣益  
澧謀勇兼資此次出師以來所向有功洵屬非常奮勉似克收

破竹之效臣現飛咨湖南撫臣及札劉嶽昭刻速統帶防軍赴  
賀協勦以益兵力並蔣益澧加意慎重務臻妥速俟賀縣事竣  
卽赴下郢勦辦所有曹澍鍾增募湘勇臣已派赴永甯雜容用  
助堵勦賀縣軍務漸紓毋庸再飭蘇鳳文前往謹附片具奏  
伏乞

聖鑒訓示謹 奏



勦辦柳州艇匪疏

咸豐十年六月十七日

奏爲柳州水陸賊匪迭經擊敗潰退現在分別勦辦恭摺仰祈  
聖鑒事竊照柳州艇匪勾結太坪土匪及石逆散竄融縣股匪  
分股撓擾經臣添派革職副將謝永祐管帶陽勇由永甯州進  
從九品張寶鑑管帶桂勇由雒容進均會同總兵李明惠等合  
力勦洗於五月二十六日奏報收復慶遠府城摺內陳明在  
案查該艇環泊郡河陸路則列營雀兒山羅沙沙埠等處欲入  
東泉雒容截我後路糧道臣密飭諸軍妥爲部署先掃旱匪翦  
其支蔓五月二十三日李明惠督軍進攻雀兒山斃賊頗  
多並奪獲騾馬器械等件十四日夜縱火襲破賊壘擒斬數百

名餘悉奪路混逃又沙埠之賊突撲東泉亦經駐防之精捷正  
前各營奮力擊退大獲勝仗賊死傷以千計時艇匪百餘隻放  
下三門江紮踞平地雙井等村旱賊陳保亦竄至高巖十六日  
會撲碓容縣西門該處新楚後營鄭學德新勝營黃義德等分  
隊截出兩面夾擊擒斬並逼入河內溺斃者無算賊大潰敗各  
團練隨處兜擊亦有斬獲陳保收集餘匪旋攻長沙楓木各村  
李明惠派軍會同團長張應彪馳往合剿陳保中槍墜馬當卽  
斬取首級並於身上搜獲偽建安公銀印一顆該匪爲柳州積  
年巨魁在陣伏誅士氣百倍餘匪喪膽狂走自相踐踏及追殺  
傷斃約共一千數百人郡河艇匪震懾陸續下竄洛垢江口又

爲沿河各  
榮芳挑選  
該匪退下  
蕭榮芳分  
燒馬鹿山  
無數餘悉  
殲之於桐  
所有陸路  
瓦窰一帶  
復折回融

據獲犯供稱欲由桂林沿邊竄歸湖南江西散夥等情臣已飛  
 咨湖南撫臣及札寶慶永州靖州各府屬文武預為嚴防一面  
 因勢利導遣使攜帶告示直入賊中曉諭投誠以資解散並添  
 調勁勇前往會合李明惠等實力兜剿務將該逆並太坪各匪  
 迅速悉數洗蕩毋許稍任蔓延至石達開前竄賓州探報部落  
 離散分竄上林南甯各處亟應刻速殲除祇以柳州軍務尙多  
 牽掣臣夙夜焦思跋前疐後不勝悚惕一俟兵力稍紓即當分  
 撥馳剿現聞潯州艇匪復增益而來誠恐糾合餘燼再行竄柳  
臣仍挑募水師前往雒容相機控扼凡此近日事機辦理似稍  
 得手惟徂暑從征軍多疫病而饑需不繼尤為籌措維艱臣惟



有與在事文武殫竭心力以冀次第綏靖謹恭摺由驛具奏  
伏乞

皇上聖鑒訓示謹 奏



克復賀縣疏

咸豐十年六月十七日

奏爲楚粵兩省官軍會剿克復賀縣恭摺仰祈

聖鑒事竊照賀縣賊匪陳金剛分股四擾蔣益澧督率湘勇自平樂連次擊敗進兵縣城並飛催湖南候選道劉嶽昭統帶防軍馳赴合剿經臣於五月二十一日附片具奏在案時陳金剛收合餘黨並添集開建懷集悍匪奔回賀縣沿城增築賊寨又於河東街挖濠建壘互相犄角爲背城死拒計五月初九日蔣益澧率師由茶庵循河西進紮十里坪軍其北門賊乘列營未定悉眾來迎并自河東涉淺分濟鈔出我軍之左副將銜參將劉文彬當先奮擊殲斃執旗匪目多人賊勢稍卻劉文彬躍

馬衝突深入重地該匪四面攢刺劉文彬揮刀連殺二賊自亦身中數槍被戕隕命蔣益澧親督都司王佐朝游擊劉清亮參將王月亮陷陣殺入所向披靡當將劉文彬屍身奪回副將高連陞參將陳友勝游擊熊建益等分道鏖戰斃匪數百各路賊皆潰退我軍方始安營午後賊又悉眾撲至濠邊各營施放槍礮轟斃步騎前鋒無數繼以短兵出擊復殲七八百人查點守備譚文海亦受傷陣亡王佐朝等各負重傷初十日該匪伏匿不動蔣益澧以十里坪之右有谷曰二界羊腸小徑可鈔出茶庵度賊必詭謀偷越截我後路隨密派高連陞劉清亮等各統所部馳回茶庵伏於山左右俟賊至突擊之十一日偵知賊

果潛股往襲茶庵並自城中河東出隊分撲大營蔣益澧預飭士卒縱橫迎勦河東賊扼於半渡梟水逃回城賊被殲甚眾亦卽敗走其出茶庵之賊經高連陞等邀擊擒斬六百餘名奪獲馬匹火藥旗械多件追至二界而還查該匪屬集縣城河東必須重圍合攻庶易得手蔣益澧當商劉嶽昭疾趨河東並遣黃新春等管帶練勇迎於蓮塘以爲聲援比劉嶽昭於五月初九日統帶參將李金暘王永章周達武李復勝都司李盛貴守備孫均之從九品王翔等分率所部八營各勇自江華白芒拔營進發十一日次於黃田撫諭望高栗頭源五鞏水等處賊目譚積亮向二李五稅等均棄卡領眾投誠賊聞劉嶽昭兵至十四

日分股前往蓮塘沖嶺一帶欲圖據山守險黃新春等迎敵適李金陽等馳至縱兵奮擊大破其眾追奔逐北殲擒二千餘人連日大雨水漲暫行休息十五日平明進軍敵樓嶺賊以萬餘人大舉逆戰右路王翔陳健勳先遇賊敵鏖戰逾時互有殺傷劉嶽昭急撥親兵以馬隊助之賊始分竄入卡左路李金陽等結爲疊陣更番衝突王永章周達武親放劈山礮連環轟擊中路孫均李復勝乘勢分撲劉嶽昭自後策應圍分陣合者五六次賊遂大潰縮入河東街伏屍棄械如鱗謀報陳金剛大股悉聚河東蔣益澧議搭浮橋濟師而河水盛漲屢造未就隨伐木紮筏二十六日派王月亮高連陞等率五營勁勇渡河會合楚

軍進攻劉嶽昭偵賊設伏東塔乃密授各將機宜比賊分路擁來我軍前隊詐退以誘之王月亮等伺賊撲近出襲其後前隊回戈夾擊賊眾錯愕被殲無算東塔伏賊悉爲李金暘周達武等所殲各軍乘勝填濠齊進將街外各壘盡行踏破賊拒木柵死守劉嶽昭分道圍之乘夜施放火毬火箭延燒街之東偏傾陷數丈火光燭天我軍一擁而入賊眾倉皇逃逸自相踐踏及殲斃溺河者不可勝計是時蔣益澧督軍攻賊拔其沿邊寨卡二十七日子刻我軍緣梯以登賊開南門出走先後擒斬偽將軍盧高僞都督安平侯何亞現僞兵部尙書靖西伯梁義僞指揮陸泗源王亞仁李子新等及夥匪二千餘人隨會劉嶽昭入

城克復賊由開建懷集一帶逃竄王月亮等跟蹤追  
竹梅花塘山心等處殲其後隊千餘人餘匪去遠沉  
然無處採辦糧食未能再進查看賀境業已廓清勅  
回楚蔣益澧暫留鎮撫一面整飭部伍取道移勦下  
等稟報前來臣查陳金剛起於廣東北江竄擾楚南  
邊巨寇茲復久據賀縣四出滋蔓蔣益澧劉嶽昭臣  
轉戰數旬得以一鼓收復實屬懋著勤勞惟該首匪  
老巢尙稽就戮現在劉嶽昭還備楚防蔣益澧進攻  
機之至重勢難越境窮追臣已飛咨督臣勞崇光  
縣並札懷集文武確探賊蹤分投撲掃以期盡殄餘



昭一軍應由湖南撫臣駱秉章呈明勞績奏請

恩獎外所有蔣益澧軍中副將高連陞等奮勇血戰在事最爲出力相應先行擇尤開列清單恭呈

御覽可否仰懇

天恩分別鼓勵以昭激勸出自

聖主逾格鴻施此外文武員弁兵勇容臣詳細查明彙案奏

請獎敘至副將銜花翎參將劉文彬前隨羅澤南李續賓從征江鄂嗣偕蔣益澧入粵身經百戰屢立軍功實爲將佐中不可多得之員茲以衝鋒殺賊陷陣身亡深堪憫恤仰懇

賞照總兵例從優賜卹并於賀縣建立專祠守備譚文海請照

都司給卹以慰忠魂謹恭摺由驛具奏伏祈  
皇上聖鑒訓示謹奏

請還蔣益澧原銜片

咸豐十年六月十七日

再降補道蔣益澧經前撫

臣

曹澍鍾

奏蒙

恩准帶勇由平樂進剿大小數十戰身先士卒所向披靡擒斬賊目攻克賀城實屬倍常奮勉可否籲懇

天恩賞還布政使原銜出自

逾格鴻慈

臣

爲激勵人才起見理合附片

奏明伏候

聖訓謹 奏



展緩鄉試疏

咸豐十年六月二十五日

奏爲廣西軍務未竣本年尙難補行鄉試籲請再行展緩仰祈

聖鑒事恭照本年

萬壽欽奉

諭旨特開慶榜嘉惠士林著於九年八月舉行

恩科鄉試欽此欽遵當經前陞任撫臣勞崇光查明上年賊匪

未靖難於依限辦理又廣西上屆壬子戊午兩科文武鄉試亦

尙未補行 奏請將九年己未

恩科鄉試展至十年秋間舉辦並將壬子科鄉試歸併己未

恩科舉行戊午科展至十一年辛酉科歸併辦理以昭詳慎欽

奉

硃批均照所請行禮部知道欽此茲屆本年補行之期臣查柳州慶遠兩府及平樂府屬之賀縣業經以次克復地方漸就綏戢惟逆匪石達開尙竄在賓州潯梧各府軍務均未全竣不特道途梗阻邊隅士子跋涉維艱臣與在省司道軍書旁午亦覺不遑兼顧其場中供事多員更屬無可調派臣會同各官紳再四籌維實尙未便補行據藩司張凱嵩臬司華日新會詳前來相應仰懇

天恩俯准將本年應補行九年己未

恩科鄉試展至來年秋閒補行仍將壬子科歸併辦理其來年

辛酉正科及戊午一科展至十二年 奏請特開一科舉辨以

光

大典謹會同兩廣總督臣勞崇光廣西學政臣張正椿恭摺具

奏伏乞

皇上聖鑒訓示謹 奏





石逆入黔餘匪尙留粵境疏

咸豐十年七月初一日

奏爲逆匪石達開前隊闖入黔境後隊尙留思恩府屬一帶餘匪敗竄融懷地方現均督飭嚴行截剿恭摺仰祈

聖鑒事竊臣於咸豐十年六月二十一日承准軍機大臣字寄咸豐十年六月初七日奉

上諭昨因曾望顏奏石逆欲由貴州犯蜀請飭署貴州提督田興恕由酉秀赴綦江敘永分投進剿當因貴州省垣危急劉源灝請令田興恕赴省救援恐一時未能分身諭令察看情形稍鬆田興恕再行前往本日據劉長佑奏收復慶遠府城一摺已明降諭旨令該撫將出力人員查明保奏矣惟石逆大股分陷

永甯廣順等處據曾望顏言之鑿鑿而該撫則稱該逆由慶遠  
竄赴賓州未定所向自係探報較遲或該逆前隊已擾及永甯  
等處而該逆尙留賓州均未可定四川地方殷富逆匪垂涎已  
久但能於粵省多除一匪卽於黔蜀均屬有益著劉長佑督飭  
將士乘此聲威較振之時迅速圍剿勿令竄入川省其已竄黔  
界之匪并飭該將士等實力追剿與黔省官軍夾擊爲要另片  
奏賀縣獲勝情形其出力之道員蔣益澧已降旨賞加鹽運使  
銜該撫仍當飭令認真督剿毋得再蹈前轍再前據劉長佑奏  
越南請示貢期當諭令於來年六月以前到京昨復據勞崇光  
奏報諭令於明年六月上旬抵京如有梗阻再由該督會同該

撫具奏現在粵省軍務未平著劉長佑於今年冬閒察看情形倘彼時道路尙有梗阻卽據實具奏候旨將此由六百里諭令知之欽此遵

旨寄信前來

臣

查石逆上年自桂林潰竄後麇聚慶遠分陷各

屬本年正月分股趨犯南甯思恩兩府屬竄至百色廳經前撫臣曹澍鍾彙情陳奏在案慶遠以西距省千餘里賊股滋蔓沿途阻塞該處各文武稟報繞由貴州行走非數月不能至省臣與曹澍鍾疊次派人往探未得確音又因柳州艇匪土匪多所牽掣勢難閒道進兵自收復慶郡該逆南竄賓州上林各處經臣於六月十七日具奏擊退柳州賊匪摺內附片陳明拜

發後接據署右江鎮富順等稟報石逆於二月十四日遣其僞大小國宗石鎮吉石鎮常石鎮發石鎮全並逆甥黃貴生等率眾數萬直撲百色廳城該署鎮富順會同百色廳同知陶兆恩督率遊擊馬東旭等激勵兵練悉力固守連挫賊鋒署鎮安府知府興福鎮安協副將瑞保凌雲縣余萼銜亦各引軍來援該逆開挖地道二月二十七日及三月初二日兩次用地雷轟塌城垣十餘丈蜂擁而入該文武預於城內開濠豎柵比督兵練奮力迎拒殲匪數千人賊始卻退旋經該鎮等出示解散脅從射入賊營隨有黃觀碧等逃出訊知該匪等因攻城不下自相猜忌殘殺該鎮等乘其內變益多縱反聞十五日四面出戰連

焚賊壘十數座該匪敗潰死者不可勝計生擒賊目郭炳文等七十餘名奪獲糧食器械無算沿途各土司團練復隨處追殺十六日石鎮常逃至塘茶村經團總李汝昭用槍戳斃石鎮吉黃貴生率黨折回慶遠路過安定亦經該土司截擊設伏擒獲盡殲其眾解送思恩府訊明正法梟示石達開之弟石達德先亦爲思恩府擒斬逆目僞宰制曾廣依等復率眾數萬闌入泗城余萼銜會同署遊擊楊致英馳回守禦大小數十戰殲擒僞職曾生大等數千名曾廣依遂自泗城走西林西隆一帶滇黔兩省兵練隔紅水江防堵四月初七日該匪乘夜紮筏偷渡竄赴貴州興義府地界復撲雲南廣南府城等情曾望顏所奏石

逆大股分陷永甯廣順等處自係曾廣依等各匪臣得報稽遲以致前未奏及不勝悚惕現據署思恩府知府徐引稟稱石逆由慶遠竄出各股匪於五月初旬往撲該府城及武緣縣城當經督率各團練迎敵殺賊不少等情前來臣竊按石逆詭譎經過之處必分其黨爲數路每路復分爲數起使官軍力不及防此次曾廣依入黔後石逆尙踞慶遠逆黨賴裕新等陷河池思恩各州縣力撲南丹土州欲由此分道入黔經該土州莫樹棠團紳王汝弼等集團堵截殺斃逆黨前後不下數千名賴逆等勢不能支乃折回慶遠石逆遂率而南蓋欲繞道思恩出泗城尋曾廣依原路趨黔以窺蜀也仰蒙

聖明垂訓但能於粵省多除一匪卽於黔蜀均屬有益臣奉

命討賊不能滅此朝食上紓

宸廑跪誦之下惶慄實深已飛飭慶遠府榮林思恩府徐引等  
聯絡聲威迅速分別跟蹤圍剿并飭百色泗城各文武厚集勇  
練扼要嚴密防截暨會合滇黔兩省連界文武加緊備禦務期  
實力殲除絕其奔越一面酌撥將士設法馳往追剿仍請

旨飭下四川雲貴各督撫臣遴派勁旅沿邊控制夾擊以杜該  
匪續行竄入迅掃賊氛其前自羅融竄入永甯州境股匪查係  
石逆後旗部眾因內亂殺其宰制余忠扶遂推朱逆爲首背石  
逆東走欲取道回江西各旗賊亦有從之者沿途復收合土匪

號稱卷正十五巢十練堵印十一帶世堂面飛有竄克復



天恩效用感奮愧惕矢圖報稱茲復祇承

寵命錄其微勞

賞加鹽運使銜以示鼓勵凡在臣工莫不起舞激勸除臣已飛飭該道欽遵查照仍遵

旨交相助勉飭令認真督勦斷不敢再蹈前轍稍自怠弛其越

南國貢期臣恭奉

諭旨當卽照會該國王擇於來年正月初五日開關六月以前到京查該使臣自太平府入關向由南甯潯州梧州水路來省現在各府軍務未竣如各路官軍進勦得手屆期應可平定臣

謹遵

卷一百一十一

三

旨於冬閒會同督臣勞崇光察看情形或正站已通或酌量改道妥行籌辦具奏以仰副

聖主柔懷遠人之至意再查偽國宗石鎮吉自八年在福建與石逆分股竄陷廣東湖南沿邊各州縣至桂林始與石逆會合在賊中最為獷悍石鎮常石達德皆該逆親信子弟凶惡異常據各路稟報均以次就戮實足禡賊膽而振軍威所有此次逆匪攻撲思恩百色泗城各處經各該文武官紳戮力守禦殲匪擒渠均屬著有勞勩可否容臣擇尤彙入克復慶遠案內酌量保獎以勵將來出自逾格

鴻慈謹恭摺由驛具奏伏乞

皇上聖鑒訓示謹奏

大清宣統元年

三月



橫州軍情片

咸豐十年七月初一日

再據鬱林直隸州鄒德瀆稟稱在西山地方籌勦容縣股匪接據探報石逆分股萬餘於六月初一日由橫州渡江竄至博合墟土狗墟寨墟等處聲稱欲入鬱林又有另股約二萬餘人竄至州屬興業縣賀屋村揚言假道他往容匪潯匪亦四出滋擾現在竭力堵勦等情前來臣查橫州興業皆與廣東廉州毗連誠恐該逆取道趨東亟應合力兜擊以杜奔竄除飛飭鄒德瀆會督文武厚集兵練分投截勦并飛移廉州文武會合夾攻毋任竄蔓外理合附片陳明伏乞

聖鑒訓示謹 奏



石達開餘黨竄近桂林勦撫兼用疏

咸豐十年八月初四日

奏爲石逆餘黨數萬分路竄由附省地方現在調回各起兵練戰守兼籌勦撫并用恭摺具奏仰祈

聖鑒事竊臣於咸豐十年七月初一日曾將石逆前隊闖入黔境後隊尙留思恩府屬餘黨竄回融懷地方現均督飭兵練嚴行截勦各情形恭摺奏報在案嗣據謀報石逆餘黨先後踵至約三萬人前起竄至小龍勝後起尙在板欖墟小龍勝路通龍勝廳亦可通貴州湖南板欖墟路通融縣亦可通永甯義甯山徑分歧防勦不易比飭副將鄔世堂參將陳周典縣丞李道立等各率勇防勦義甯屬之廟江潯江兩路知縣黎定人遊擊

劉竹田各帶勇防勦永甯屬之瓦審蒲田兩路并飭各屬官紳就地集團助堵初五六等日賊前起竄斗江後起亦悉竄白藁永甯之防稍紓龍勝之事方急因調黎定人一營由永甯馳赴龍勝復以遊擊歐陽繼盛營勇益之時古宜主簿潘思義會同團紳榮順章等扼河而堵賊不得渡乃悉眾來爭適湖南防兵參將江忠朝派遊擊李連昌率勇數百馳來助勦賊死傷頗多夜遁大羅次日分股擾及冷水沖大鴉界等處距義甯境祇數十里鄔世堂等會督兵練擊走之十三日黎定人歐陽繼盛先後至龍勝探悉賊由大羅竄三門卽各率勇馳往掩擊盡破賊巢各團勇大噪從之殺賊二百餘名奪獲賊馬二匹追至大羅



而還十五日黎定人等復由三門分道進勦直撲大羅賊悉驚退追殺里許馬隊賊自山沖截出楚勇哨長守備歐陽振翼力戰陣亡歐陽繼盛率勇突出黎定人亦馳來援應賊始退回十六日大羅賊竄瓢里偵知龍勝兵練堵守甚嚴乘夜繞赴馬嶺界該處瑤練力抵不住賊遂竄平水畹田鄔世堂陳周典等星夜由義甯馳赴中營墟天將曙李道立帶勇百餘人巡哨司門前歐陽繼盛自龍勝折回亦至該處正在擇要駐堵賊由小路蜂擁而來該各勇悉力抗拒槍礮齊施斃賊不少旋有騎馬賊數百人分兩路鈔出中路賊來亦眾遊擊李鳳魁中槍落馬各勇上前搶救屍首賊大隊攢刺傷亡弁勇四十餘人歐陽繼盛

且戰且退力已不支鄢世堂陳周典等督勇馳至當將該匪擊退并生擒賊匪二名十八日賊復大至依山結陣鄢世堂等各率勇橫陣平岡環施槍礮該匪欲前仍卻相持至晚始各收隊臣得報時知賊前隊必謀他竄計以後隊牽制我軍且勇僅二千餘人斷難分堵而省城內外亦無重兵十九日遂令鄢副將等各營暫撤回省用固根本緣此賊自東泉瓦窰敗衄後志在奪路竄越湖南迨板欖斗江楚軍旣阻之於前粵兵復乘之於後沿途團練又節節邀截乃改計分道並出牽綴兵勇冀得乘虛以窺省垣其由板欖回竄永甯一股係石逆後旗約七八千人經團紳姚宏緒等督團截勦敗之於三隍又敗之於喇哈

十七十八等日圍撲雒容縣屬之中渡該處團總黃趾麟督練  
守禦斃賊頗多記名總兵李明惠復撥東泉營勇前往援剿大  
獲勝仗賊走黃冕查黃冕爲柳州入省大路該匪悉眾竄踞實  
能斷我聲援李明惠恐追之太急賊必竄逼省垣又恐太坪股  
匪伺隙出擾勢難兼顧一面將勇調回東泉一面飛函商請進  
止臣以所見尙屬周密屬令由柳州洛垢酌撥數營馳赴黃冕  
相機進剿復函去後探報畹田股匪半由中營墟橫竄靈川七  
都查係石逆左旗其頭隊已至潭下墟距省祇五十里臣卽商  
督在城文武速籌守備幸各官紳固多熟手一晝夜而城上布  
置儘有可觀學臣張正椿藩司張凱嵩臬司華日新署鹽法道

蘇鳳文右江道王華封代辦提督事務梧州協副將王海清  
州協副將明順暨紳士候選知府王恩祥等復日夜巡防其  
嚴密至二十三日先後調回防勇環紮城外藩司張凱嵩以  
中兵練尙少又添調東南各鄉練勇千餘人均陸續入城兵  
旣厚人心益固先是疊訊賊供知此股匪黨因背石逆欲回  
陵臣曾遍發簡明告示準其投誠並令擒賊持回轉相解散  
十四日果有長髮賊目衛輝應隨同探勇赴轅投誠並將各  
目率眾就撫立功贖罪稟詞呈驗臣細詢情形尙無狡詐仍  
諭釋回二十五日該匪頭目偽武衛軍正統戎周志公魯子  
丙五旗偽大軍略觀天豫鄭忠林偽渠帥黃周親承宣姚盛

總領周元宵劉一順等數十人同赴營前乞降其部眾悉至離城二十里之廟塘墟臣輕騎出城察看虛實該各頭目伏地請罪各獻偽印當即宣布

德意許以立功自贖無不感愧涕零臣入城後商同學臣張正椿暨司道各員一面督飭城上兵練照常守禦即一面委員候補府鳳貴陸用知縣劉長景游擊楊廷桂郭承璋等前赴廟塘墟逐加點驗旋據各委員回稱該投誠部眾實有壯丁七千餘人疲弱者三千餘人騾馬三百餘匹均經薙髮結辮並由軍需總局給發腰牌號補及旗幟等件二十九日臣令參將陳周典遊擊郭承璋各率勁勇帶同張志公等部眾數千人馳往靈川

列代真身合集卷一

三

興安追剿左旗股匪出隊後接到李明  
後旗賊尙踞黃冕分擾理定舊街一帶  
成親督追剿二十五日追至理定該匪  
李正植等奮力追殺約斃賊三四百名  
者無數是夜該匪竄至永福城外之五  
後隊卽於路旁築卡抵禦李正植率軍  
連環轟擊賊始出卡狂奔我軍追至五  
截擊約殺斃溺斃賊匪千餘人李明軍  
植陳本熾等帶三營勇悉力跟追自泰  
州同日又據李正植稟報該三營勇追

路擒斬甚眾餘匪悉竄義甯縣境各等語前來因思此股賊匪  
疊經挫敗自應乘勢殲除是夜五鼓傳令城外各營出隊四成  
飭副將鄔世堂候選員外郎蔣本蓉知縣黎定人從九李道本  
等督率前往與柳州各營合力窮追並知會湖南防兵相機夾  
擊不令餘孽再有蔓延至投誠部眾人數逾萬其留營隨勦者  
固宜籌發資糧卽遣散回籍者亦應酌給路費雖經商同司道  
竭力籌辦無如軍餉萬分支絀每慮力不從心又查投誠人民  
多隸江西安徽湖北湖南各省茲旣自拔來歸未便令其失所  
除現委署鹽法道蘇鳳文督辦遣散並由臣分別造冊行文各  
該原籍及經過地方查照辦理外應請

聖旨通飭各省督撫轉飭各屬州縣遇有投誠人民回籍悉令安居復業勿復追究從前並懇

飭下沿途經過省分查給口糧酌撥兵役護送出境以廣皇仁所有石逆餘黨分路竄近省城阻隔柳軍現在調回兵練戰守兼籌撫卹並用各情形理合恭摺由驛具奏伏乞

皇上聖鑒訓示遵行謹奏



南甯禦賊情形片

咸豐十年八月初四日

再該逆石達開前自慶遠潰赴武緣並分股竄走橫州興業各地方文武隨處截勦月餘以來道路梗阻未接續稟探報石逆及賊目賴裕新尙盤踞武緣城外遣眾往攻南甯府城屯於北門六月二十四五六等日及七月初一日迭經官兵擊敗仍復死抵未退該府城郭堅固革職留署左江道吳德徵在任年久曉暢軍務深得民心應可力圖戰守臣所部省會柳州各軍現在分道撲掃未能馳往勦洗已飛咨督臣飭令鄰郡廉州等府就近會合援應兼扼入東之路又據慶遠府稟報前竄黔省逆股被勦潰散餘匪勾結土匪攻陷獨山州緊逼慶遠誠恐復行

回竄亦經嚴飭防堵臣查該逆自上年來粵擁眾數十萬勢極  
滋蔓茲所在殲勦悍賊梟魁擒戮殆盡餘匪亦多逃亡似此愈  
散愈蹙窺蜀之謀應亦無所施技可期以次蕩除謹附片具  
奏伏乞

聖鑒訓示謹 奏

柳州解圍獎卹疏

咸豐十年九月初四日

奏爲遵

旨保 奏仰祈

天恩獎敘以昭激勸事竊柳州府城居粵省西隅之中形勢最爲扼要自潯匪竄踞以來與各股土匪互爲犄角往來援應大肆披猖上年石逆由桂林奔慶遠亦深恃柳州以爲藩蔽藉定喘息方臣進勦雒容之時正石逆假道柳州之時柳匪本不從石逆而勢不能不拒官軍故西至柳城北至雒容水陸各隘均爲柳匪所據我軍節節進勦仍須步步設防幸各兵勇踴躍用命克復雒容旋拔洛垢由是東泉鯉巖以次襲破直逼城下盡

絕外援期月之內攻克柳郡隨收柳城首逆崔昌馮添喜等悉數就戮餘匪敗竄潯郡曾經前撫臣曹澍鍾奏報奉

上諭出力員弁兵勇及陣亡將士卽著曹澍鍾查明分別奏請

獎卹該部知道欽此撫臣曹澍鍾當卽恭錄行知到臣遵卽宣

示各營將士感荷

皇仁歡呼鼓舞咸思乘勝直趨慶遠以圖石逆嗣因太坪股匪擾出東泉阻我進取之途並爲後顧之患當由柳州分軍轉戰而前正在得手象潯股匪水陸並進圍撲洛垢營壘逼攻柳州府城臣督各勇分起回援盡破賊壘立解城圍該艇匪猶復分泊對河勾結土匪依水築營並邀同石逆餘黨分出東泉雒容

均經各勇先後擊退陣斬首逆陳保並招降周德楊五張士安黃小德各股匪約七八千人象潯股匪仍卽敗竄計自上年十月進軍柳州將及一載在事文武大小百餘戰厯著勤勞且入夏以來軍中病疫甚多饑瘠又歉常有忍飢力疾鏖戰竟日者其情形尤堪惻念茲據各營呈齋勞績清冊前來臣逐一詳核恭繕清單敬呈

御覽其兩次力戰解圍並節次擊敗各起賊匪實屬著有微勞未便令其淹抑謹一併酌量附保伏乞

天恩加以鼓勵庶兵氣愈揚而軍心愈奮矣至陣亡及在營病故員弁均請照例分別

賜卹以作士氣而慰忠魂所有遵

旨保奏各緣由謹據實開單陳奏伏乞

皇上聖鑒訓示施行謹奏

勦辦石黨由柳進攻疏

咸豐十年九月初四日

奏爲逆匪石達開餘黨自桂林竄潰分別勦撫廓清該逆大股  
尙紮武緣現在督飭各軍由柳州進攻恭摺仰祈

聖鑒事竊照逆匪石達開自慶遠潰往武緣其背散餘黨數萬  
人欲回江西湖南先竄融縣永甯州七月內自龍勝廳等處越  
出義甯縣附近省垣經臣調派兵勇分投截擊並環城設防旋  
據賊目張志公等率眾投誠餘匪奔逸當飭各軍窮追於八月  
初四日恭摺具奏在案查該匪一爲左旗一爲後旗左旗先  
走興安縣經該署縣榮志城守汛把總蔣顯敷擊敗竄至全州  
灌陽縣交界之麻子渡楊梅山等處全州知州葉葆元預令候

補守備唐應瑞管帶壯勇出屯咸水地方會合恩建二鄉團練  
邀截獲勝賊趨灌陽黃牛市該署縣錫敬督團追勦賊由紅石  
源小路翻山竄往湖南永明江華道州各處後旗賊至大溶江  
爲投誠新勇所邀死傷甚眾於八月初四日竄至興安該縣榮  
志與蔣顯敷率勇迎戰該匪判死拒撲衝入縣城蔣顯敷褻創  
陣亡榮志受傷墜馬爲賊擁去時副將鄒世堂員外郎蔣本蓉  
等督軍疾追遇賊便斫該匪足無停趾亦向麻子渡紅石源狂  
奔唐應瑞錫敬等夾擊先後殲擒數千人奪獲輜重馬匹無算  
鄒世堂等追至道州該匪已爲楚師所破分別勦撫殆盡振旅  
而還惟榮志傳已殉難尙無實落現飭確切查明核辦桂林全



境肅清撤防所有投誠人等經委員署鹽法道蘇鳳文等分起遣遞回籍尙挑留精銳三千餘名分爲五營卽以該頭目張志公等管帶籌給衣糧使之隨營自效誠恐人數尙多心志未定臣與司道等熟商擬以千餘人調赴蔣益澧處隸湘勇以千餘人隸臣楚軍以分其勢而安反側至該逆石達開及賴裕新等擁眾數萬尙在武緣先是莫擾遷江爲該代理縣曾春昂擊敗並據探報遣黨往攻南甯府城疊經左江道吳德徵左江鎮色克精阿督率兵練奮擊死傷萬餘該匪復分撲遷江之良塘忻城土司之七崗似益窮蹙靡騁亟應前攔後躡合圍掃除臣所部楚軍營於柳州自克復郡城後復擊退艇匪援剿各股竄逆

中間疫癘盛行勇多患病不得不略爲休息現計桂林柳州賊氛漸靖可以並力專注內惟柳城太平土匪梗我進剿石逆中道首當一鼓殄滅雒容江口爲潯匪窺竄柳州要地亦應分兵嚴防按察使銜卽選道劉坤一久歷戎行才略勝臣十倍素爲軍中信服臣飭令馳赴柳州大營統率全師會同記名總兵李明惠整飭部位相機規畫一面攻取太平蕩平南路一面分兵渡河由間道進屯忻城土司一帶號召慶遠思恩兩府各漢土文武團練進攻石逆以冀制其死命其柳郡地面暫令副將蕭榮芳督率赫勇留守並委員前赴湖南打造戰船礮位挑募水勇管駕來粵駛赴江口駐守卽爲進剿潯匪之用又蔣益澧一

軍亦大半患疫亟須裁汰更募兼以開建懷集餘匪竄入賀縣  
邊界留資鎮撫現據稟報部署一切即日移師赴梧會攻下郢  
賊匪疏通河道以安商旅而裕餼課並准督臣勞崇光添派各  
勇委署肇羅道劉式恕統帶來西會剿臣已飛催進兵如速得  
手即可進規潯州並斷石逆東竄之路此現籌分途剿辦之情  
形也臣竊思廣西目下局面較有起色惟增添軍伍籌給糧餼  
經費更形竭蹶當此事機所在不敢稍爲貽誤綜計楚營欠餉  
已至四十萬之多蔣益澧一軍亦不下二十餘萬此外各款更  
無可擘劃各勇待哺嗷嗷實難望其飽騰臣與司道夙夜圖維  
莫名悚惕除湖南廣東四川等省未解粵餉由臣就近咨催外

查山西陝西奉撥協饒蒙

恩旨飭催尙各欠解銀八萬兩該二省距粵較遠運解似屬爲難湖北釐源豐旺可否於該省應解皖饒內酌撥若干就近解濟粵西卽以山陝應解粵西之饒查照湖北酌撥銀數就近抵解皖省一轉移閒似於協濟饒運較爲便捷如蒙

恩准伏乞

飭部酌量抵撥庶軍糧得資接濟而士卒亦當踴躍用命矣興安城守營把總蔣顯敷臨陣捐軀殊堪憫惻應懇

天恩優給卹典此次在事出力人等均著有微勞可否容臣擇尤請獎出自逾格

鴻慈謹恭摺由驛具奏伏乞  
皇上聖鑒訓示謹奏



展緩越南例貢疏

咸豐十年九月二十一日

奏爲越南國使臣入貢察看道路尙有梗阻遵

旨據實具奏仰祈

聖鑒事竊

臣前奏越南國王阮福時以辛酉年

示何時進關一摺承准軍機大臣字寄咸豐十年

日奉

上諭劉長佑奏越南正貢屆期據呈請旨並可不

年底到京各等語越南國上屆應進例貢因內地

令緩至下次兩貢並進來年復屆貢期既經該國

若再行展緩轉不足以示懷柔所有越南國貢使

年六月以前到京呈進貢物不必俟至歲底惟廣西軍務未平  
尚須繞道行走應如何早行開關俾該貢使等得以如期抵京  
卽著劉長佑酌度情形辦理將此諭令知之欽此當經臣定期  
於來年正月初五日早行開關照會該國王遵照嗣准軍機大  
臣字寄咸豐十年六月初七日奉

上諭再前據劉長佑奏越南請示貢期當諭令於來年六月以  
前到京昨復據勞崇光奏報諭令於明年六月上旬抵京如有  
梗阻再由該督會同該撫具奏現在粵省軍務未平著劉長佑  
於今年冬閒察看情形儻彼時道路尙有梗阻卽據實具奏候  
旨將此由六百里諭令知之欽此經臣於七月初一日具奏



截勦逆匪石達開摺內陳明擇定開關日期遵

旨於冬閒會同督臣勞崇光察看情形妥行籌辦又准督臣勞

崇光咨移附片 奏請將該國丁巳辛酉兩屆例貢仍行展緩

統俟地方一律肅清再行飭知補進欽奉

硃批已有旨令該使臣於明年六月上旬抵京如仍有梗阻再

由汝會同該撫具奏欽此恭錄知會前來臣查越南國貢使進

京向由太平府入關由南甯潯州梧州等府水路來省現在太

平沿邊一帶土匪尙熾梧潯南甯各處正在用兵臣催督進勦

迅期以次掃蕩第節節攻堅計非數月中所能悉就廓清瞬息

開關正站旣形梗阻而石逆竄在武緣所有思恩慶遠二郡陸

道又難改繞道行且各屬地方疲敝沿途一切支應亦慮無從措辦事關外藩典禮必須慎重將事以肅體制而示柔懷設入關之後致生枝節或已經到關始令折回似覺轉多窒礙臣與督勞崇光悉心察看情形再四函商意見相同萬不得不籲請展緩辦理合無仰懇

天恩可否將越南國丁巳辛酉兩屆例貢展俟軍務平靖再飭補行呈進恭候欽奉

諭旨卽飛咨該國王遵照謹據實恭摺由驛具奏伏乞  
皇上聖鑒訓示謹奏

石達開黨回竄湖南督軍追剿疏

咸豐十年十月十五日

奏爲石逆續起餘匪回竄湖南臣現赴義甯龍勝督軍追剿恭

摺仰祈

聖鑒事竊照逆匪石達開離散賊目張志公等前率眾來省投誠另股潰入湖南道州等處分別勦撫廓清其石逆自南甯敗走分撲遷江縣及忻城土司各地方經臣遴飭按察使銜卽選道劉坤一馳赴柳州統率臣所部楚師規畫勦辦於九月初四日恭摺由驛具奏在案旋據署左江道吳德徵稟報石逆及賴裕新先分三股擁眾二萬餘人圍攻南甯府城初以馬隊衝突官軍據險要擊無從馳逞繼又於東西兩門開挖地道城中

預掘深溝注水以遏之地道傾陷斃賊無數該匪復環築木柵  
圖爲久困之計該道激勵兵勇大集各團壯練內外夾攻縱火  
焚寨殲擒賊匪十餘名餘悉竄回武緣該代理縣周暄督飭各  
路團練分股圍擊殲擒賊匪多名匪黨屯紮不住由賓州上林  
縣等處四散分竄賴裕新復率數千人翻山闌入宣化縣之四  
塘五塘勾結土匪李青靛黃文華等攻陷八九塘村落欲行再  
犯南郡又糾約潯州艇匪陳開等駛船百餘隻上攻永淳縣蘇  
梁張各村經該道飭令該縣軍功孫仁廣督率勇練截擊擒斬  
數百人奪獲賊艇十三隻餘悉退回下游該道現於水陸要隘  
嚴行守禦一面相機進剿務期盡殲醜類其竄在遷江忻城者

爲賊目彭大甚朱衣點等約眾數萬亦與石逆背離旋由柳州  
府屬之來賓馬平慶遠府屬之忻城宜山天河沿邊剽掠竄至  
融縣各該地方文武團練節節兜截殲斃數千人並自賊中逸  
出難民七八百人訊據供稱彭大甚等實欲逃回湖南江西其  
石達開蹤迹極爲詭秘現在混入何處未能得實查自融縣走  
懷遠歧通湖南綏甯城步及貴州古州等州縣如出永甯州龍  
勝廳卽可直趨桂林臣當卽飛咨湖南貴州江西各撫臣豫爲  
戒備乃該匪等尙敢勾連土匪屯踞板攬一帶擾近永甯臣以  
此起匪數尙多各團練勇自衛其地備分力單必得重兵以臨  
之隨飭劉坤一自柳營派軍扼其後一面抽撥數營令記名總

兵李明惠統帶取道桂林馳赴迎截據稟行抵義甯距省六十里又據諜報該匪探知大軍進剿悉由懷慶斗江奔竄沙宜青林界闌入綏甯分擾城步縣境武岡新甯各州縣均形喫緊查湖南寶靖一路現祇卽選道江忠義精捷勇一軍兵力尙單不敷勦辦亟應由粵跟追出境前攔後襲合而殲旃惟楚軍從征年餘士多疲病劉坤一現甫整飭一新而糧餼萬分支絀征調維艱尤須加意撫慰臣當於十月初三日由省親至義甯行營點驗激勵並與李明惠等面籌機宜旋因李明惠患病留醫接據江忠義馳函呼助又迫不可待遂親督各勇進赴龍勝廳派令由閒道入楚相機會勦擬事竣旋師融縣掩擊各股土匪以

冀一鼓蕩平所有臣署日行事件現委藩司張凱嵩代行代印  
省垣人心靜謐并屬會督在事文武妥慎照料臣俟布置定妥  
約計半月即可返署謹恭摺由驛具奏伏乞  
皇上聖鑒訓示謹奏





梧州下郢軍情片

咸豐十年十月十五日

再梧州下郢等處土匪羅華觀等擄搶行旅大爲釐課軍饟之患蔣益澧所部湘勇現自賀縣拔營進軍石橋會合督臣勞崇光委署肇羅道劉式恕署廣西提督臣潘慶督率東省水陸兵勇及梧州各起壯勇並各鄉團練聯師夾剿該匪復糾導賀縣逸賊陳金剛帶領餘匪攔入蒼梧縣多賢沙頭一帶又勾結潯州艇匪上竄藤縣希圖掣我兵力接據探報該道等分投奮擊連得勝仗辦理已頗順手臣查石逆股眾現薄南甯其潯州及橫州永淳各郡邑尙久稽戡定均亟應一氣掃蕩現飭蔣益澧等迅速悉力攻克俟下郢事竣卽會合楚師疾取潯州進靖南

聖訓恒公全集卷一

三

邕以冀次第廓清謹附片具奏伏乞  
聖鑒訓示謹奏

由營回省陳報軍情疏

咸豐十年十一月初八日

奏爲

微臣

由營回省日期並各路軍務情形恭摺仰祈

聖鑒事竊石逆散股彭大甚等擁眾數萬人自懷遠竄回湖南  
經臣抽撥所部楚軍於十月初三日由省親赴義甯縣行營督  
飭由龍勝廳入楚會剿當於十月十五日恭摺具奏在案旋  
准署湖南撫臣翟誥咨該匪竄陷綏甯城步調撥各路兵勇水  
陸兜擊飛請派軍越境協剿並據探報賊已進撲武岡分擾新  
甯臣先飭陞用副將李士恩卽補副將鄭金華等督帶正中等  
四營勁旅馳赴武岡新甯適中之處會合湖南卽選道江忠義  
一軍相機夾擊該匪驚聞援軍踵至復分道趨東安又自東安

分走道州零陵密邇廣西全州灌陽均須戒備臣當由龍勝沿邊出全州之西延大埠頭遙督各軍躡蹤追襲復添派候選知縣黎定人劉長景管帶正前營選鋒營赴楚歸江忠義調遣所有江忠義從前留粵之精捷中左兩營亦卽撤歸統領以益兵力伏查該匪殘潰之餘等於弩末惟恃其人眾志在冒死衝突回奔江皖現在楚省勇練節節控扼若江西再以重兵防擊應可悉數殲除臣因省中軍書叢集楚粵交界一帶部署已定隨自全州於十月二十二日旋署沿途查察團練整肅居民均極安謐探聞石逆達開自南甯敗退後竄至貴縣龍山寨勾結土匪黃三等相爲犄角未知確否臣昨在軍中體訪該逆蹤跡

實未及彭逆股內現已密加確探設法掩擒以除大憝而絕後患柳州太坪土匪以陳戊養廖明盛爲首惡文成標劉結黃上林潘得林等各股附之臣前派按察使銜卽選道劉坤一接統楚師威行軍肅文成標等震懾密求投誠廖明盛與眾相乖自揣無處暫容因殺黃上林來歸其實心懷叵測罪難擢數劉坤一當卽設策誅之遣使撫諭諸匪均各感畏聽命惟陳戊養負隅死拒亟應厚集兵力一鼓掃蕩副將李士恩等正中四營現屯邊境情形稍紓擬卽撤調回柳協勦竊接近省諸部事機漸順惟接據泗城府凌雲縣知縣余萼銜具報太平府城於八月初七日爲土匪吳凌雲等攻陷署知府劉作肅死難其餘同城

文武不知實落等情道遠多梗所有如何失事緣由尙未接據  
該屬文武稟報已咨行左江鎮道飛速查明會督勦辦第南甯  
爲逆股賴裕新等牽掣誠恐不遑兼顧省垣相去千里現亦無  
兵可撥此外梧州鬱林各處軍務皆尙未完竣臣環顧彷徨莫  
名悚惕惟有催督蔣益澧劉坤一諸軍迅速分投力勦一俟得  
手卽由潯邕步步進兵毋許稍事怠延謹恭摺由驛具奏伏  
乞

皇上聖鑒訓示謹奏

誌

再臣培

欽差大

西入時

聯兵共

省情形

民弗聊

貴縣之

匪攔搶

奏明以

制機不可縱復委署肇羅道劉式恕領兵以益之接據該道等稟報分道進攻該匪句結賀縣逸賊陳金剛潯州艇匪陳開等悉力抗拒我軍四面合圍正當喫緊是蔣益澧一軍勢誠未可遽撤且潯郡久爲艇匪所踞太平復遭賊陷此外梧州府屬之岑溪容縣南甯府屬之橫州永淳思恩府屬之賓州上林皆淪於賊中平樂府屬之修仁荔浦永安密邇省垣亦尙有土匪未靖凡此滋蔓斷非僅臣所部楚勇可以獨力戡除誠使蔣益澧劉坤一梧柳兩路勤辦得手卽飭合兵疾掃潯州進擒石逆以收破竹之效然後經營南太分靖諸邑廣西大局庶幾仰仗天威得期肅清若蔣益澧全師一動楚軍孤立事機殊難措手



臣與在省司道文武再四悉心籌維曾國藩之奏係謂廣西已就蕩平始行陳請自不得不按照情形從緩征發除飛咨曾國藩查照外相應瀝情縷陳請旨將蔣益澧一軍暫仍留粵剿辦一俟軍務稍紓卽行酌量調撥以免貽誤謹附片具奏伏乞

聖鑒訓示謹奏



梧州下郢廓清疏

咸豐十年十二月十六日

奏爲梧州下郢賊匪剿捕廓清現飭蔣益澧等進收潯州仰祈  
聖鑒事竊照梧州土匪羅華觀等連年勾結潯州艇匪竄撲府  
城并沿河攔搶行旅蔓延紛擾臣飭令蔣益澧自賀縣移師進  
剿督臣勞崇光復派卸署肇羅道劉式恕等管帶東勇馳赴梧  
州會同署廣西提督潘慶釐卡委員補用道桂林府知府吳鎬  
梧州府知府劉楚英等督率廣東水師及梧州各起勇練合力  
剿辦經臣節次臣奏明在案該匪羅華觀起於下郢嗣結土匪  
潘庸以四萁爲大巢憑恃險阻屯集黨眾又分紮三堡莫洞竹  
洞各村倚爲屏障水路白下郢墟倒水木格節節盤踞益以貧

匪陳金剛餘黨分處竄附並約潯匪駛泊梧城下游之戎墟人  
和等處以圖牽制我軍蔣益澧劉式恕等會議水陸並進蔣益  
澧率湘勇自竹洞以攻其後劉式恕等督舟師及各營勇取下  
郢以攻其前查下郢賊巢距梧城三十里戎墟匪艇距梧城亦  
祇三十里故欲進取下郢必先擊退潯匪而該匪狡詐異常我  
軍舉動每豫偵知適封川有警潘慶與吳鎬等密商揚言調撥  
水師赴援卽飭參將黃威梁喬千總利輝等分督戰艦十月十  
一日寅刻加槳飛掉平明卽抵戎墟該匪猝不及防倉皇抵禦  
我軍奮勇環攻轟沈匪艇三十餘隻奪獲匪艇四十二隻大小  
礮百數十尊擊斃溺斃賊約千餘人餘匪登岸逃竄又經吳鎬

等飭令縣丞蔣上治等帶領道勇及戎墟同知文廷琛督率團紳分投兜截殲擒殆盡人和以下艇匪悉數遁去先是督臣所派候選衛守備陶昌培分發四川參將黃清廣東三江協都司馮樹屏賓州營守備陶茂鳳等營於下郢河口會合蔣上治等道勇與賊連戰獲勝劉式恕調撥開建縣投誠之范幹挺封養等統帶所部義勇隨同代理梧州協副將劉松芳進攻竹洞亦多擒馘惟該匪負隅拒守未能深入劉式恕等稟商潘慶派督水陸各軍乘勝馳赴下郢十月二十四日分五路進攻該匪七八千人四面迎敵守備李運榮率道勇由中路梟水渡河槍礮兼施首先攻破下郢墟柵蔣上治盧緯黃清等繼進焚燒賊營

四座殲斃悍匪多名進紮墟後鳳凰山印亭濠邊各路蔣上治等追至三堡該匪另股由墟東鈔出直撲印亭新營蔣上治等督勇還擊三堡內復突出賊眾尾襲卽補府經歷陸晟祖奉議州州判沈士奎督率端勇潮勇千總利輝守備劉桂亭各率水師合力接仗該匪大潰統計踏破賊寨八所斃匪二千餘名生擒三十四名奪獲旗械無算二十五日三堡賊目胡得廣率眾來撲李運榮蔣上治等分投擊退二十六日進窺塔村賊據山凹徧布木椿竹釘環施槍礮子如雨驟李運榮黃清等親冒矢石用稻草填路而入斬擒旣多賊猶轉鬪李運榮之弟已革遊擊李運絡來營探兄裏創血戰各勇鼓噪從之盡焚賊巢餘匪

悉竄四堡該處東南爲莫洞竹洞北爲四蕪山徑曲折周武益  
難吳鎬等嚴行控扼以待蔣益澧會攻時蔣益澧師次石橋臣  
派候選員外郎蔣本蓉管帶投誠之張志公等忠勇一千五百  
人歸併統領進駐蠶村由該處至竹洞羊腸鳥道險峻異常蔣  
益澧遣軍探治路徑籌備餼糧步步拔營沿途深林絕巘捫藤  
附葛猿攀而上或蛇伏而行十一月初二日齊抵竹洞嶺背距  
賊巢一衝之隔該匪乘我立營未定傾眾來撲蔣益澧卽率副  
將陳友勝謝永祐蔣本蓉等分督湘軍忠勇列陣迎之并於山  
巔樹林中徧插旌旗以壯聲勢該匪見大兵環布相顧錯愕蔣  
益澧親執桴鼓催督各軍自高坡壓下謝永祐與參將熊建益

直擣中堅陳友勝與遊擊賀常林副將王月亮高連升左右橫擊殲擒賊匪千人該匪挫衄向莫洞而逃守寨匪黨亦經劉松芳范幹挺等奮力夾擊紛紛敗竄蔣益禮卽會師攻入竹洞度地安營初三日進薄莫洞該匪三千餘人開柵迎戰我軍槍礮頻施賊卻復前王月亮等策馬陷陣短兵相接劉松芳復率義勇繼之賊勢披靡各勇縱火焚其重柵登將該洞拔克共殲擒一千數百名奪獲牛馬米穀器械無數餘匪四散奔逸封川縣知縣張樹蕃委員王錫恩督帶修泰鄉團練堵截多有擒斬范幹挺等跟追直至塔村與梧軍會合時已革前署梧州府知府陳瑞芝自募潮勇稟經督臣飭令來營隨勦亦於是日同至塔



村初四日蔣益澧派義勇黃新春等爲前驅陳友勝等率湘勇  
攻三堡之前蔣本蓉率忠勇攻其後蔣益澧自督親兵與參將  
劉清亮遊擊王佐朝等四路策應該匪悉眾萬餘憑險抵拒高  
連升從旁道盤折先登用劈山礮轟斃執旗賊目數人諸軍疾  
呼擁上匪眾隨卽驚怯黃新春陳友勝等併力廝殺蔣本蓉又  
自後攻截踏破賊壘多座殲賊三千餘名生擒二百九十一名  
大獲全勝餘匪全竄四夔堅築卡寨礮臺廣布竹籤人馬難行  
探止兩處隘口可以稍通出入蔣益澧以賊勢已蹙亟應一鼓  
掃平勿使停喘當卽激勵將士於初五日四鼓造飯黎明出隊  
分繞嶺脊而進辰刻齊抵四夔對港山巔密派蔣本蓉黃新春

等統帶忠勇義勇潛至四萁之上攻其不備該匪不虞大軍迅至卽出賊六七千人分執紅黑二色旗幟飛渡小港來迎又於頭層柵外列黃旗賊數千羅華觀立馬山口督陣蔣益澧見逆鋒甚銳傳令諸將乘賊半濟奮勇衝突該匪中槍著礮者不計其數賊隊大亂返奔過港各軍追赴對嶺蔣上治等亦率道勇來會羅華觀坐馬中礮倒地各賊救起敗入頭柵大軍砍倒柵門施擲火箭火蛋攻入二柵殲賊甚多該匪開放大礮死拒三柵時近黃昏始收隊回營是日蔣本蓉乘虛襲入山左亦將附近被脅諸村分別勦撫潘庸震懾遣人詣營乞降蔣益澧陽許之以懈其心密約劉式恕等進兵會擊初七日黎明蔣益澧督

軍馳抵三層柵外擊散守卡各匪斫柵擁入連破第四第五賊寨直出四婁潘庸營於嶺頭守禦尙密各勇大呼奮擊殺賊千餘名立將該壘踏平潘庸翻山逃遁吳鎬蔣本蓉劉松芳黃清陳瑞芝各軍分投逐北殲匪不可勝計生擒四百九十二名賊巢悉行掃盡所遺牲畜米穀輜重分賞諸軍歡聲雷動四婁已平訊據獲犯供稱陳金剛先已率黨分遁羅華觀亦向倒水一帶逃去蔣益澧復派蔣本蓉王月亮等會同吳鎬陶昌培等分督水陸各軍追至倒水木格各處勦撫兼施沿河一帶旋就肅清羅華觀僅率殘股奔投潯匪其思蒲埔沙田大王雙橋等處土匪均經代理梧州協劉松芳封川縣張樹蕃等督率勇練逐

一掃捕并由梧州府劉楚英督同蒼梧縣整飭保甲團練招集流亡妥行撫戢蔣益澧吳鎬仍商派李運榮等管帶道勇千總利輝等分撥水師沿江保衛商船藉資巡緝用裕饒課潘庸匿於五堡山谷蔣益澧遣劉清亮等密往擒獲據供自願設法執獻羅逆藉以自贖蔣益澧念其投誠真切暫准免死飭令隨營一面移師梧州會商潘慶等規復潯郡稟報前來臣查該匪羅華觀屯踞下郢四夔句結潯州艇匪連年撲犯梧州並攔河截搶日益披猖實爲腹地巨患茲蔣益澧會同潘慶劉式恕等督率東西兩省文武兵勇深入險阻水陸夾剿得以悉數掃蕩洵屬備著勤勞現在該逆竄併潯州應卽乘此兵威迅圖撲滅臣

已咨行潘慶蔣益澧等刻速簡派部伍密察情形自藤縣平南  
長驅直入劉坤一統領楚師勦辦柳城融縣各匪不日蕝事臣  
並飭其由柳江濟師進圍石逆兼可相機會攻潯州第時值嚴  
寒軍餼匱竭將士枵腹單衣萬分艱苦臣不勝蒿目疚心惟有  
設法激勸隨時督催不敢稍任意玩所有此次勦辦下郢勞勩  
最著各員謹先開列清單恭呈

御覽可否仰懇

天恩分別獎敘以示鼓勵其餘在事出力文武員弁勇練容臣  
逐一詳查月行陳請謹恭摺具 奏伏乞

皇上聖鑒訓示謹 奏

臨桂李樹森  
南陵胡永福  
同校

劉武慎公奏稿

劉武慎公全集三

卷之二目錄

土司擒解賊渠片

柳州水陸肅清疏

勦辦獨山潰匪片

太平養利失守現飭勦辦疏

捐輸紳民請獎疏

近日軍情片

旌卹殉難紳民片

兼署廣西提督謝恩疏

水師擊敗艇匪片

桂林肅清疏

蔣軍剿匪屢勝請催協餉片

梧柳兩軍進剿潯匪疏

思恩剿撫土匪及克復賓州片

克復潯州疏

請獎出力道員片

潯州陳逆就擒石逆上竄疏

石逆竄楚撥軍會剿疏

縷陳粵西軍務餉需疏



收復橫州片

派軍赴辰截擊石逆疏

克復養利州疏

招撫貴縣股匪片

卷之二十一  
考索

土司擒解賊渠片

咸豐十年十二月十六日

再石達開悍黨爲國宗石鎮吉逆甥黃貴生等前撲百色廳城經各兵練擊敗折回慶遠路過安定爲該土司潘梧所擒稟請解送思恩府訊明正法當經臣於七月初一日具奏官軍攻剿百色等處逆匪獲勝摺內陳明在案旋據署思恩府知府徐引稟報據該土司遣子潘承烈將石鎮吉黃貴生及同獲之僞宰制陳于麟押解到府查得該犯等均係首要巨魁情罪重大初因賊氛喫緊擬卽在府正法以免疎虞茲道路稍通由該署府督同潘承烈解省究辦前來臣隨督同司道親提研審據該犯供認先同石達開擾犯江南江西各省嗣自福建與石達開

分股竄陷廣東湖南沿邊各州縣直至桂林皆石鎮吉爲首石  
達開後由寶慶來會潰赴慶遠石鎮吉復分踞賓州趨攻百色  
致被擊敗擒獲等情不諱實屬罪大惡極立應明正典刑當卽  
恭請

王命將該犯等綁赴市曹凌遲處死以彰

天討萬眾環觀同聲稱快惟臣前奏未及聲敘明晰殊屬疎  
漏相應請

旨交部議處所有該犯等解省審辦緣由謹附片具奏伏乞  
聖鑒訓示謹奏

柳州水陸肅清疏

咸豐十一年二月初十日

奏爲柳州水陸悉就肅清現卽移師進剿石逆並會攻潯匪恭摺仰祈

聖鑒事竊柳州土匪陳戊養盤踞太平文成標劉結潘得林等分屯牛嶺海龍山等處以附之另有艇匪梁珊李大保出沒融縣一帶肆行勾擾臣前派按察使銜卽補道劉坤一接統楚軍規畫勦辦文成標等震懾密求投誠并計殺渠魁黃尙林廖鳴盛二名惟陳戊養尙負隅死拒經臣於上年十一月初八日具奏由營回省日期摺內附陳在案嗣劉坤一進軍柳城知諸匪各懷感畏復遣使剴切撫諭多布反閒並整飭部伍逼紮太平

陳戊養自知援絕勢孤傾心悔懼遣其黨龔保成及弟陳士養赴營乞降劉坤一恐懷狡詐斥絕不准以覘其虛實次日陳士養復來哀懇並請往招梁珊以自贖情詞真切劉坤一始許令帶罪效力陳戊養當卽先獻礮械次籍戶口迎大軍入太坪居民箠食壺漿歡聲雷動時梁珊李大保聞陳逆已降驚懼欲遁劉坤一急令龔保成陳水官招之仍於沿江江西岸節節設防梁珊等慮爲陳戊養所賣尙在猶豫守備劉元請隻身前往開諭梁珊等遂隨之出並籍上其大小戰船四十四隻大小銅鐵礮六十二尊民船三百五十隻壯丁一千四百名老弱婦女二千口均經委員逐加點驗分別遣留仍令梁珊李大保分領戰船

隨同我軍水師暫泊江口用助堵剿潯匪此外文成標等亦屢請投誠劉坤一以該黨較眾一面出示招撫一面移師渡河派候選知府易元泰分營繞赴融縣搜捕梁珊等竄散餘匪派記名總兵翟國彥等前赴文成標等牛嶺海龍山受降遙與易元泰相應以備其變由是西岸被脅各村及文成標等皆雍集來迎計遣散男婦三千餘名挑留精壯一千五百餘名呈繳槍礮刀矛各數百件所有大小賊巢盡行拆毀又雒容縣屬四十八弄匪首伍聲揚憑恃險隘撫叛無常劉坤一派都司潘忠實設法誘出密伏團勇在途殺之各弄匪徒相率就撫柳州全境肅清由營具稟前來臣查陳戊養文成標梁珊伍聲揚等各率黨

眾互爲聲援所在滋蔓柳州各屬及桂林慶遠毗連州縣被其  
擾害不獲安居者將近十年臣上年進軍柳州亟圖石逆祇以  
該各股匪不時出沒牽綴兵力致多梗阻茲幸勦撫兼施各土  
酋或授首軍前或束身歸命水陸大小十餘股男女數萬人以  
次解散安插洵足蘇民困而廣

皇仁惟石逆達開尙踰伏賓州句結土匪黃三等希圖抗拒臣  
前委思恩府徐引代理慶遠協都司郭承修會督勦辦並密授  
機宜令其激勵鄉團招撫土匪務在掩擒去後接據徐引稟報  
自上年冬月督集各練分路進剿屢獲勝仗因該逆盤踞村寨  
守衛甚嚴兵練力單未能卽克臣正擬飭劉坤一撥勇前往詎



貴州獨山潰匪自慶遠竄越柳州復疾走桂林狂奔湖南劉坤一督軍追剿現次道州界上一俟凱撤回粵卽當移師馳赴賓州迅殲大憝至蔣益澧駐兵梧州規復潯郡因糧饟不繼親赴廣東面稟督臣勞崇光籌商協濟所有署提督潘慶原統東省水師亦改派李揚陞接管計程應均抵梧臣現已飛催進攻並委員前赴湖南捐辦船礮派運同銜卽選教授鄒漢章及湖南已革補用同知張濟遠等選募水勇八百名管駕來粵會同劉坤一陸勇由象州進趨潯州期與蔣益澧乘勢夾擊刻速蕩平此次劉坤一勦撫柳州各股積匪尙屬妥協著有微勞可否賞加布政使銜出自逾格

天恩謹恭摺具奏伏乞

皇上聖鑒謹奏

# 勦辦獨山潰匪片

咸豐十一年二月初十日

再貴州獨山州逆匪本石達開散股上年十二月田興恕督軍進攻潰圍而出賊首黃姓等擁眾二萬餘人闖入慶遠府屬南丹土州一帶欲圖回竄江楚臣先飭該府文武督率兵勇圍練節節設備截勦均有斬獲該匪繞出柳州羅城直趨融縣劉坤一派候選知府易元泰升用副將黃仲慶分督六營楚勇扼賊於長安鎮東墟正月十三日賊悉眾由上游搶渡黃仲慶督同遊擊潘忠實守備劉元等迎擊擒殺騎馬悍賊及夥賊百數十名易元泰率勇目黃義德黃德藻等截其後隊又殲溺數百人奪獲器械子藥多件賊奔白蠟山易元泰等連夜追及賊眾驚

亂向永甯州遁走十四日正在栗母墟造飯黃仲慶劉元等跟至分路掩殺前臨山澗該匪多棄輜重撲水混竄千總宋明亮率勇首先過澗逐北賊以大隊回馬力拒該勇背水抵敵劉元黃義德等後軍繼進大呼奮擊賊死傷甚眾敗走浪溪我軍連日窮追復戰於龍廟芒洞牛河金竹坳各處先後斃賊數百名生擒偽總制賀何貴先鋒陳太和李有和等數十人救出被擄百姓數百名餘匪望風狂奔由古嶺墟竄向義甯北路密邇省垣臣接據諜報料其必出靈川一帶北走楚南當於省城嚴行戒備飛咨湖南撫臣及行沿邊各府州縣文武豫爲防範一面飭調劉坤一再由柳州調撥數營親督來省赴靈川兜剿并派

教授鄒漢章帶四板礮船十餘隻用助堵截賊知我軍兩路并進改趨龍勝行至丁嶺界爲該處兵練所遏折回晚田由靈川葉落界翻出興安劉坤一得報派督四營前往司門前邀擊二十七日甫至該處築營賊前隊已到各軍列陣抵禦斃賊頗多其後隊又爲易元泰等所乘紛紛踵集麇至日晡賊以馬隊二千騎從虎子口涉淺過河鈔出我軍之後已革知府潘家馥卽補副將李士恩督勇血戰互有傷亡適黃仲慶與遊擊楊廷桂等率勇大至賊判死奪路而走劉坤一正督催全軍追追二十八日接據柳州探報黔省定番州復有股匪竄至南丹潯州艇匪亦上竄象州當令易元泰帶同劉元黃義德等各營轉回柳

聖訓卷之二

州以資防剿劉坤一仍親督李士恩黃仲慶等四營由灌陽縣尾去現次湖南道州界上如楚軍迎剿於前粵軍躡攻於後此股餘孽當可盡數殲除謹附片具奏伏乞

聖鑒訓示謹奏

太平養利失守現飭勦辦疏

咸豐十一年三月十二日

奏爲太平府被匪闖入現飭左江鎮道勦辦仰祈

聖鑒事竊

臣

前據泗城府凌雲縣知縣余萼銜具報太平府城

於八月初七日爲土匪吳凌雲等攻陷署知府劉作肅死難其

餘同城文武不知實落等情當經咨行左江鎮道查辦於上年

十一月初八日具

奏

臣

由營回省日期摺內陳明在案嗣接

准左江鎮色克精阿咨該鎮駐紮上思州督勦賊匪接據代理

新太協中軍都司黃耀麟稟稱十年八月初七日夜隴羅土匪

吳凌雲突分黨眾暗襲太平府城署太平府知府劉作肅遇害

妻女四口一同自盡其子并代理崇善縣事左州學正蔣應奎

卸永康州事西隆州州同馮應鏞均被執赴隴羅不知生死惟  
該都司及署新太協多祿同住城中尙無被擾等情到鎮查該  
匪吳凌雲屯踞南甯土忠州隴羅村出沒滋擾爲南太一帶積  
久渠魁茲復分黨襲陷太郡實屬罪大惡極惟自上思至太平  
道途梗阻節節皆賊該鎮兵單餉絀勦捕維艱現擬密調兵練  
先擣隴羅破其巢穴再行相機進攻規復郡城等情臣正咨行  
勦辦繕摺具奏聞復據署左江道吳德徵稟報逆匪石達開  
竄在賓州武緣一帶勾結土匪迭窺南甯該道竭力防禦不能  
片刻遠離色克精阿因經費兵力未集尙稽進勦探報該逆吳  
凌雲於隴羅太郡設備固守多祿等初因有兵通賊故均無恙



迨後逼令蓄髮不從十月內將多祿黃耀麟及千總李爲梁並  
劉作肅被擄次子劉家鳳均行戕害又邀同右江土酋甘大等  
由安平太平各土屬一路焚殺直犯養利州該代理州吳章湘  
把總梁萬雄會督壯練迎擊於大嶺圩斃賊數百人奪獲旂幟  
礮械無算正在相持閒該處距州城二十餘里詎吳凌雲乘閒  
潛派股匪黃八大等夤夜疾趨十月二十九日丑刻撲入州城  
吳章湘等馳回援救奮勇力戰身受多傷後隊賊來益眾只得  
退保龍英土州再行調練進攻該匪復派夥黨凌光澈等分窺  
上思州破踞遷隆土司署上思州王雲昭調撥團紳磨現瓊黃  
文清等帶練馳往會同該土官黃繼統圍剿黃文清當陣礮斃

凌光澈並殲擒多名餘匪死踞該崗不出該道現督各漢土文武激勵紳民分投撲埽務期次第殄除前來臣查南太兩府地方連年賊匪紛擾所在殘破糜爛已極祇以是處用兵不遑兼顧該匪敢於連陷郡邑戕殺將士不勝髮指現在左江賊氛四逼該鎮左右牽掣情勢誠多棘手色克精阿已因患病由臣勞崇光奏令回旗調理委新太協副將陳之翰前往接署茲欽

奉

諭旨廣西左江鎮總兵著二海清補一查該鎮係梧州協副將臣現咨催刻卽赴任并飭陳之翰往新太協均會同吳德徵及署太平府世圻迅速妥行籌勦俟蔣益澧劉坤一等進兵潯

州思恩勇可抽調卽行分撥前赴會辦署太平府知府加知府  
銜龍州同知劉作肅遇害死事深堪憫惻仰懇

天恩敕部照知府陣亡例議卹以慰忠魂其妻女四口同時殉  
難子亦被戕一門節義可嘉容俟查明姓氏另請

旌表署新太協副將揀發參將多祿代理新太協中軍都司上  
思營千總黃耀麟千總李爲梁陷賊兩月如何被脅戕害尙屬  
得諸探報容俟切實查明另行照例請卹并確查蔣應奎馮應  
鏞及其餘同城各員弁下落分別辦理代理養利州知州吳章  
湘把總梁萬雄在外勦賊致被該匪偷掩入城雖事出不虞究  
屬疏於防範該員等回援力戰身受多傷尙知愧奮現當勦捕

奏  
卷二  
喫緊之際一時亦乏員接替相應請

旨將吳章湘梁萬雄先行革職仍暫畱本任責令戴罪克復事竣再核明功過分別查辦謹會同兩廣總督臣勞崇光恭摺具奏伏乞

皇上聖鑒訓示謹 奏

捐輸紳民請獎疏

咸豐十一年三月十二日

奏爲遵旨確查捐輸經費紳民分別請獎恭摺先行復奏

仰祈

聖鑒事竊

臣

承准軍機大臣字寄咸豐十一年正月二十五日

奉

上諭御史吳祖昌奏廣西潯梧各府城被圍時城內紳民捐餉不下數萬兩因城陷後官紳殉難捐餉無從詳報其餘各府州縣捐輸有至今未得執照并有未經報部者請飭廣西巡撫勒限清釐造報給予獎敘并請仿照加廣中額學額章程辦理等語潯梧各府納民捐輸經費雖城陷後亦應查明請獎以資鼓

舞其餘捐輸各紳民尤當趕緊詳報覈計獎勵不得歷時太久  
致有遺漏著劉長佑飭令地方官將各紳民近年捐項未經詳  
報者迅卽查明勒限造報卽行奏請獎敘如查有不肖官吏侵  
吞捐款亦卽據實參奏其捐輸釐金兩款如已集有成數并著  
援照部定章程奏請加廣學額中額至所稱平南桂平等處辦  
團劣紳劉彥文等有無貽患地方情形並著該撫嚴密確查懲  
辦毋稍姑容原片著鈔給閱看將此由五百里諭令知之欽此  
遵

旨寄信前來伏查廣西連年賊匪紛擾軍餉支絀各紳民戮力  
捐眷協濟仰蒙

聖恩優渥准予核減成數議敘官階并加廣中額學額凡有血氣莫不鼓舞奮興溥梧兩府爲本省大郡前此賊匪圍攻文武軍民交相固守力竭被陷其時城中士庶自必不乏捐輸但檢查案帙事前未據該府縣稟報迄今數年亦并無紳民呈請以致湮沒不彰臣現在行司飛飭梧州府知府劉楚英署溥州府知府浚昆督飭各紳民逐一詳細查明務期無濫無遺迅速開報卽行 奏請獎敘其餘各屬紳民捐輸經費或繳官司助餉或就團練供支凡捐資較厚出力最著者節次彙入請獎團練案內予以議敘並照籌餉事例歸入捐案核給官階此外遵例報捐官生上兌之後均隨時給予執照實收分別 奏咨閒有

未得執照未經報部者或因執照不敷給發或捐數舛錯駁查或委員出省勸捐彙報稍遲迭經藩司照案清釐查催現飭勒限三個月將近年捐項未經詳報者統行趕緊辦理仍通覈成數分別奏請加廣學額中額以昭激勸其各團練中又有按屋按田公簽經費自行挑練募勇保衛地方之項其數既屬零星分計不敷獎敘而同爲急公應俟事竣確核情形月行酌量鼓勵俾臻周溥臣竊維捐輸釐金兩款收支繁雜爲請獎大端不肖官吏易於影混滋弊惟有督同藩司嚴申詰誥明察密訪如有侵吞重情立即據實參辦不敢稍事輕縱至該御史所奏平南劣紳劉彥文等辦理團練有無貽害地方一節此案平南



縣桂平局團總舉人劉彥文衛安局團總廩生黃榜元平日辦團擊賊不無藉團恣暴之處署平南縣知縣羅綱亟圖整飭速將劉彥文黃榜元執斬並與省局紳士郎中唐岳互訐受賄妄殺經前署撫臣曹澍鍾將羅綱唐岳一并奏參革職審辦欽奉

諭旨交藩司張凱嵩認真研訊定擬具奏並著臣一體稽查因道途梗阻尙未提齊全案人證來省嗣接署縣何謹順稟報於上年十二月二十九日到任該縣羅綱忽於正月初一日夜在寓自戕其情事殊涉可疑臣現飭張凱嵩會同按察使華日新飛飭署潯州府凌昆督同該縣何謹順詳悉查察將勘驗各情

填格取結錄供通報一面催提原案人等及羅綱家丁親屬赴  
省再行研審實情分別按擬究辦謹恭摺先行具奏伏乞  
皇上聖鑒訓示謹奏

近日軍情片

咸豐十一年三月十二日

再貴州獨山州潰匪奔粵竄楚劉坤一督同遄追因黔省定番  
州復有股匪竄至慶遠府南丹土州潯州艇匪亦分股上竄象  
州當經分兵回防一面仍咨湖南道州約會楚師夾攻經臣二  
月初十日由驛附片具奏在案嗣該匪折竄永明江華及賀  
縣沿邊一帶全走廣東連山劉坤一由永明縣境整隊還省其  
南丹股匪經該土州并河池集練堵擊已竄回貴州荔波惟潯  
州艇匪未退現飭劉坤一部署進剿并分營前赴賓州迅擒石  
逆以除大慙至蔣益澧前赴廣東稟請督臣籌濟軍餉昨據稟  
報於二月初八日自廣東省起程回梧臣亦飛催進兵潯州兩

聖武愷至身以卷二

路會勦俾速得手謹附片具奏伏乞  
聖鑒訓示謹奏

旌卹殉難紳民片

咸豐十一年三月十二日

再臣准軍機大臣字寄咸豐十一年正月二十一日內閣奉  
上諭御史吳祖昌奏請將殉難紳民婦女查明旌卹一摺廣西  
省各府州縣被擾最久該紳民等辦理團練或禦賊傷亡或不  
屈自盡卽應隨時查辦以彰忠節而勵人心著該撫仿照湖北  
廣東等省設立總局派委官紳查明殉難事蹟由該撫分別奏  
請旌卹至鬱林州城被圍禦賊傷亡紳民一并查明具奏欽此  
臣查廣西賊匪紛起十年以來全省均遭竄擾各地方紳民志  
切同仇戮力捍禦其中效死捐軀及不屈自盡者所在多有深  
堪嘉憫節經前撫臣隨時奏請

聖正性心三集卷二  
恩施議卹并將死事兵勇紳民聚本處鄉里建祠普祀以表忠  
節惟查辦不無疏漏而舉報亦有朦混臣謹遵

旨督同藩臬兩司通飭各道府州縣迅卽督率各團紳就地確  
切查明詳細彙冊申送不得遺濫仍由司設立總局派委官紳  
遍加採訪備列殉難事蹟分別奏請旌卹所有鬱林州及各  
府屬死事傷亡人等一併趕緊彙辦以仰副

聖主勵節褒忠至意謹先附片具奏伏乞

聖鑒訓示謹奏

兼署廣西提督謝 恩疏

咸豐十一年三月二十七日

奏爲陳報

微臣

兼署提督日期恭摺叩謝

天恩仰祈

聖鑒事竊

臣

接准吏部兵部咨咸豐十一年正月二十四日奉

上諭廣西提督著劉長佑兼署欽此伏念

臣

一介儒生率軍討

賊仰蒙不次

殊施昇以巡撫重任夙夜冰兢恆虞隕越茲復欽承

恩命兼署提督撫衷悚惕報稱愈難查廣西提督駐紮柳州前

委梧州協副將王海清代辦現在王海清奉

旨補授左江鎮總兵該處勦辦南甯太平賊匪萬分緊要

臣當

卽咨移速赴新任委以齎送提督印信來省祇於三月初二日

恭設香案望

闕叩頭接印兼署所有一切營務容俟逐加考察分別辦理至  
柳州爲提督重鎮臣暫未能分身前往卽選道劉坤一統領楚  
軍不日由柳移師前進候補副將蕭榮芳管帶煉勇志同軍尙  
駐柳州現飭會督提標五營參游就近查察彈壓臣當隨時整  
飭期免怠弛恭摺具奏伏乞  
皇上聖鑒訓示謹奏



水師擊敗艇匪片

咸豐十一年四月初三日

再潯州艇匪上竄象州圖窺柳郡劉坤一自楚還軍部署進剿  
經臣於三月十二日附片奏明在案拜發後接據協領楚軍  
記名總兵翟國彥統帶焯勇志同軍留防柳州副將蕭榮芳等  
稟稱賊首馮康梁贊羅成杜棋等率水陸悍黨數千人由武宣  
竄至象州攻破橫橋各村經代理象州知州王錦署城守汛千  
總曹冠斗集團擊退該匪復駛艇數百隻上竄雒容縣運江江  
口欲犯柳州臣先派水師守備洪日高五品軍功李大保教授  
鄒漢章分帶戰船橫江守禦翟國彥與副將鄭金華率正中副  
中新果各營陸勇蕭榮芳調撥志同軍先後馳往列岸夾攻三

登五十一卷之二  
月初七日該艇匪連檣大進直撲水軍洪日高李大保奮勇迎  
勦開放大礮擊沈巨艇數十隻轟溺數百人餘匪敗退復自下  
游上岸奔攻陸軍各勇整隊出敵又殲斃多名是夜該艇移泊  
懸崖險處薄我右岸各營而於高嶺頻施槍礮以一股潛渡大  
河包我水師之後一股分撲左岸各營牽我策應之師翟國彥  
與洪日高等率水陸諸軍四面奮擊鄭金華設伏邀之斃賊無  
數首匪馮康羅成中礮身死梁贊打折一足各匪紛紛潰退初  
九日匪仍悉隊登岸鏖戰逾時又爲我軍所創始放艇遁回象  
州等情稟報前來臣查此次該匪糾集上竄意在阻遏大兵進  
攻潯思勢甚猖獗在事水陸將備連戰擊退並殲傷渠魁尙屬

奮勉得手水師尤爲得力臣當賞給銀兩以示鼓勵另行擇尤  
彙獎現在劉坤一已抵柳營會商翟國彥等卽由象州水陸進  
剿一面分兵馳赴思恩賓州計擒石逆蔣益澧亦自梧州於三  
月二十五等日調撥各軍拔營由戎墟藤縣進取潯州臣并  
咨催碣石鎮總兵李揚陞統領東省水師會合并發梧州甫就  
粗安仍由蔣益澧分兵鎮戢以免後顧之虞至象州藤縣以上  
賊匪充斥尙須節節剷除而饒需不繼尤臣所深慮惟有督率  
妥籌期於長驅疾埽一鼓奏功揀發知州吳蘭芳貴州進士前  
於咸豐九年四月十四日在署昭平縣知縣任內聞訃丁生母  
憂卸事交代回省派隨蔣益澧帶勇打仗得力現仍從征潯州

聖正惟公之三集卷二  
相應仰懇

天恩俯准暫畱該營差遣俟軍務稍竣卽飭領咨回籍守制合  
併陳明謹附片具奏伏乞

聖鑒訓示謹奏

桂林肅清疏

咸豐十一年五月二十九日

奏爲黔省定番股匪沿楚入粵經臣調撥勇練防剿兼施餘匪

悉數就撫桂林全境肅清恭摺 奏明仰祈

聖鑒事竊定番股匪亦係石逆散黨自本年正月竄至南丹因

河池州一帶防堵嚴緊折回荔波臣於 奏報獨山股匪摺內

附陳在案旋據懷遠等縣稟報三月二十三、四等日該匪由湖

南通道縣竄出懷遠古宜鎮該鎮主簿劉世楨卽督練勇會同

劉坤一撥防戰船迎頭堵截賊不得前改由上游涉淺西渡徑

走融縣懷遠交界之大羅村又爲團練所挫四月十一、十二等

日冒雨翻山竄踞義甯縣周田墟該縣李世椿暨龍勝廳通判

潘保泰督集犛練節節截殺斃賊二三百名生擒八九十名并奪獲驃馬十餘匹查周田墟離義甯城五十里義甯距省只六十里臣當商同司道督率在城兵勇添調團練加意巡防并飭劉坤一由柳州抽撥楚勇四營派記名總兵翟國彥管帶來省適蔣益澧派弁自湖南續招湘勇千人亦同時趕到該匪聞官軍四集卽由義甯北路遁向靈川六七都地方翟國彥偵知由甘棠渡過河掩擊殲賊數十人該匪回旗轉鬪互有損傷臣親赴甘棠渡行營面授機宜仍回省加派兵勇前往連日大雨該匪紮筏由灘江東走我勇出隊追殺多名因無船未能繼渡翟國彥卽率師從溶江繞赴興安二十五日湖南記名道江忠義

派參將江忠朝等帶精捷勇五營由全州前進與翟國彥會於興安縣城二十六日分左右兩路兜剿該匪自土橋突出各勇分投迎擊賊死傷甚眾猶以馬隊判死來衝忽大雨如注我軍槍礮皆濕該匪乘勢前奔狂趨界首江忠朝恐其徑竄湖南聞道折回道州控扼翟國彥與副將鄒世堂仍率所部跟追疊有斬獲五月初四日翟國彥選勁勇二百餘人乘夜往斫賊營殺守卡賊數十人乘間逸出難民百餘人該匪驚懼次早由界首渡河而東并斷橋以拒追兵初七日溪水陡長賊不能前進分紮麻子渡炭蓬嶺一帶全州知州葉葆元派紳士張啟勳唐端清蔣裕斌會督各鄉練丁數千人迭出邀擊該匪首尾不顧紛

紛潰奔各練丁奮力廝殺斃賊千餘人生擒百餘名奪獲騾馬  
器械無算餘匪悉向灌陽縣遁去該縣陳如金先派訓導陸士  
元把總陳斯通於古嶺頭黃泥沖集團堵守初十日斃賊二三  
百名生擒二十名十一日張啟勳等率全州勇練追至陳如金  
復督同截殺斃溺斃賊匪約千餘人該匪勢蹙欲從蔣家嶺  
竄道州因聞楚境防兵厚集復回灌境之文村翟國彥鄒世堂  
等初在界首阻水亦率勇繼至賊益震懾偽丞相余成義遣其  
黨張順政丁賢發等赴營投誠并請於中舉事先誅首逆余明  
富等以獻臣當飭陳如金翟國彥查看虛實妥爲辦理十八日  
我軍出隊列陣賊中大噪俄有數十騎飛奔前來下馬羅拜獻



出賊酋余明富等首級舉眾乞降鄒世堂與勇目鄒鎮藩等親入賊陣查看屬實遂收其軍械分別撫戢馳稟前來臣查該匪人數逾萬必須妥爲安插解散當飭署鹽法道左江道蘇鳳文前赴灌陽設局安撫分別遣留并與總局司道商定照上年七月招撫張志公等章程除酌留若干隨營立功外餘俱查明原籍分起資送仍先咨明各原籍及所過各省督撫查照資送安置用廣

皇仁伏念此股逆匪自黔竄楚復由楚入粵其意實欲循前匪舊路奔赴江西合股滋擾經各勇練或追或截疊予痛懲力竭計窮悉眾歸順不獨粵西北路仍就肅清卽湖南江西可免蹂

躡此皆仰仗

天威勇練用命得使巨匪洗心向化咸與維新臣辦理之餘不勝惕幸所有在事出力官紳人等可否容臣擇尤彙案酌保出自逾格

鴻施謹將黔匪入粵勦撫事竣各情形據實繕摺由驛具奏伏乞

皇上聖鑒訓示謹奏

蔣軍勦匪屢勝請催協饗片

咸豐十一年五月二十九日

再蔣益澧部署湘勇自梧州規復潯郡因梧州高穩一帶尙有餘匪伏莽爲後顧之患當派副將謝永祜參將李運絡等分軍勦撫攻克祖庵上根瀟等處賊巢進兵大案詎下郢首匪羅華觀先逃潯州復糾眾萬餘竄入泰坪墟欲圖回踞下郢蔣益澧復調知府蔣本蓉副將陳友勝等督率忠勇湘勇馳往堵勦四月初四日軍抵東觀村該匪六七千人蜂擁來撲我兵列陣迎擊殲賊千餘生擒一百二十一名游擊周廷瑞縣丞劉祺暉裹創血戰各勇亦有傷亡初五日黎明乘勝直擣泰坪墟該匪猝不及防卽時攻拔羅華觀竄赴中車添集潯州匪艇八十餘號

屯於新村水陸犄角阻我圖潯要路蔣益澧又加派副將王月亮等前往先將艇隻擊退下游其中車及沿岸賊壘仍憑河死守蔣本蓉等繞由大波進薄該匪悉眾渡河邀截王月亮鄭忠林身受礮傷猶復督軍衝殺賊始披靡奔潰殲溺無數現在蔣益澧親督兵勇進抵濠江乘勢勦辦並俟東省碣石鎮李揚陞所部水師到齊卽行會趨潯州至劉坤一楚軍初由柳州江口調集各營剋期赴潯會勦旋因定番州股匪竄至桂林經臣抽調數營前來并飭江口各營暫緩進紮現在潯州艇逆尙出沒象州河面踞馬皮墟爲總口扼我南道劉坤一督率副將鄭金華等進擊三戰皆捷賊仍遁歸石龍劉坤一定由馬欄麻子灘

分道進兵餘營同水師自運江繼發臣益以志同軍左右兩營  
 隨同征調並委署右江道蔣澤春襄辦防勦事宜伏查梧州甫  
 就粗安大兵一動仍須妥籌防守臣前委辦理梧州釐局桂林  
 府知府吳鎬督臣勞崇光派委卸署肇羅道劉式恕會同蔣益  
 澧將潯梧等處軍務同心籌辦茲據蔣益澧畱撥道勇扒船交  
 該道等及梧州府知府劉楚英節制調遣柳州軍事臣飭令管  
 帶赫勇志同軍總兵銜卽補副將蕭榮芳專司督理劉坤一亦  
 酌畱義新等營分屯柳郡洛垢等處似可相爲維制逆匪石達  
 開勾結土匪竄伏賓州上林一帶臣密遣員弁就地籌辦計擒  
 購致未敢頃刻去懷當此各路勦辦喫緊之際兵勇未能議裁

而地方凋敝額徵正雜賦稅十不及一軍實萬分匱竭劉坤一楚軍月需餼銀五萬餘兩先由湖南支給咸豐九年十一月楚省酌議月撥銀二萬兩其不敷銀三萬兩經戶部於十年四月內奏明於廣東溢坦變價項下指撥協濟中間虛懸數月已無著銀二十餘萬兩嗣準東省兩次解過銀六萬兩楚省協餼截解至十年六月餘銀迭次咨催委提兩省均以經費支絀迄未撥解總計楚營勇糧積欠至六七十萬兩各勇衣食不給紛來乞領徒以空文撫戢其勢岌岌難支此外蔣益澧一軍亦月需餼銀四萬五千兩除由督臣批歸東省軍需局每月撥發銀二萬兩外其餘不敷銀兩與從前積欠及焯勇志同軍各月餼

悉應由西省設法籌撥臣與司道仰屋咨嗟惟藉捐輸釐課兩端稍爲接濟前經 奏派廣東候補道羅勳並委員分赴湖南各省廣行勸捐所有本省各屬釐金遴員分投設卡抽收誠恐不肖官吏侵漁滋弊或苛擾病民查有右江道王華封篤實忠勤綜理精細臣現委令總司督辦其梧州釐卡爲來源要區原辦局員吳鎬派襄軍務查有思恩府知府趙元模明幹端謹當經派往接辦凡此窮揆苦索究屬杯水車薪仍應請

旨飭催廣東湖南各督撫臣迅將奉撥協饟務於難中設法湊解來西庶士馬可望飽騰勦辦當易得手再據蔣益澧詳報該道前赴廣東籌饟道出新會縣據該縣候選道陳焯之首先捐

助軍餽制錢一萬七千串已呈繳到營撥作勇糧支銷似此踴躍報效捐輸巨萬誠屬非常急公相應仰懇

天恩俯准將該員陳焯之賞加按察使銜以昭激勸謹附片具奏伏乞

聖鑒訓示謹 奏



梧柳兩軍進剿潯匪疏

咸豐十一年七月初七日

奏爲梧柳兩軍近日進剿潯匪并調撥兵勇會剿荔浦股匪恭摺仰祈

聖鑒事竊

臣

於五月二十九日曾將剿撫定番股匪及將蔣益

澧劉坤一分由梧柳進軍獲勝各情形由驛馳

奏在案茲據

蔣益澧稟稱四月十七等日逆首羅華觀等復糾潯州艇匪八

十餘艘由濠江駛上五屯所新村一帶扼守中車防我規潯要

路該司先派候選知府蔣本蓉率副將王月亮謝永祜陳友勝

等由秦坪墟進擊新村艇匪見我軍驟至退往五屯堅守不出

王月亮等卽督各勇離中車里許瀕河而陣該逆先於下游搭

有石橋突出悍匪六七千名過橋來撲王月亮鄭忠林躍馬衝入賊隊手刃執旗賊目二名該逆登時潰敗人擁橋斷落河溺死者不下六七百名沿河賊壘概行平燬我軍乘勝渡河直擣賊柵遂於五月初三日襲破中車陳友勝等率勇移駐秦坪墟以防羅逆回竄仍分飭謝永祐高連升等由思排移勦楊崗盡燬其賊壘殺賊約三百人餘皆向坡頭大寨而逸我軍緣崖直上乘勝追勦復殺賊三百餘名生擒三十餘名坡頭大寨賊壘一律埽平參將李運絡攻撲賊柵被礮中傷右腳越日殞命適報潯州艇匪三百餘艘并陸賊數千由大黃江下竄蔣益澧親統大營約會廣東碣石鎮總兵李揚陞督帶師船於五月十五

日由梧拔營水陸并進十六日行抵戎墟其附近之羅容古薩等村久被股匪李積惠佔踞勢甚披猖十九日派副將劉清亮候選知縣劉開勳等進剿羅容村巖背廟二處該逆依險拒敵圍攻竟日互有損傷二十日卯刻蔣益澧親督各勇用大礮轟倒巖背廟甍牆一角各勇爭先撲柵立將廟內賊匪三百餘名悉數殲除二十三、四等日復於羅容村左右徧置大礮晝夜轟擊破其礮臺五座二十六日李揚陞親督師船二十餘艘并派候補都司潘耀揚管帶安勇前來助剿因飭本旗湘勇梟水過濠撲近賊柵遊擊王茂林守備殷名山千總謝篤之中礮陣亡革職守備王東林手刃守柵賊二名各勇奪門擁入殺賊無數

餘悉竄往古薩新利等處羅村一帶已無賊蹤當將善後事宜稍加布置卽於六月初一日拔營直驅平南此湘勇近日進剿之情形也復據劉坤一稟報該匪自江口擊敗後退竄象州我軍埽平運江賊巢乘勝移營進紮麻子灘該處河道險阻實爲柳州關鍵且水陸各軍至此更易聯絡該道乃分調五營交副將鄭金華管帶由馬皮墟進襲石隴賊巢沿途被脅人民上下近百里皆薙髮來歸六月初八日賊艇百餘艘欲上麻子灘當督候補教授鄒漢章等出隊迎擊用火箭射燒賊艇大小三隻餘悉退泊下游初十日賊眾數千分撲兩岸早營賊艇數十艘亦揚帆直上該道督各勇分投拒戰斃賊三百餘名水師營總

李德全親然大礮擊沈賊艇二隻水陸之賊同時奔潰時鄭金華率從九李循性等已將石隴賊巢襲破該匪進退失據連日圍撲附近村寨經游擊李正植都司廖國安等率勇援剿先後斃賊百餘名各營閒有傷亡二十二日賊邀紅水河老碼數千并糾石隴土匪逕抵灘下該道嚴督各勇於兩岸添築礮臺並飛檄鄭金華分兵由馬皮墟出巖村以圖牽制次日艇匪先將旱碼渡過北岸旋分大小艇各數十隻泊於岸下水師開礮擊之中其先鋒大艇二隻賊多落水兩岸礮臺連環轟擊餘艇死傷更多悉退灘下其頭目虎頭仔率眾再舉大艇十數隻連檣并進排開大礮沙礮皆飛各勇伏岸施放擡槍正中艇面賊多

迎槍而倒北岸旱賊四五百人一花旗一青旗一白旗分路來  
援該道令營總姚世文等率左右翼與白旗賊對陣青旗賊亦  
悉眾來助李正植率勇橫截賊後掩殺數十名各勇鼓噪從之  
兩旗賊皆返奔花旗賊馳來策應復爲鄭金華所敗約殺賊三  
百餘名二十三日賊復分撲旱營鄭金華等各率親兵開壁逐  
之大股賊從嶺上吶喊馳下我軍屹立不動適各團練亦至奮  
起直前賊皆披靡其不及登艇者悉就殲獲是夜四鼓賊分股  
潛伏義勇德安勇營後天甫明其大股隨由嶺背兩路擁至游  
擊陳本熾手然大礮擊斃先鋒賊三名賊勢稍卻義勇德安勇  
發鼓出隊未及交鋒營後伏賊吶喊來助適劉安清黃仲慶等

橫衝其陣賊隊遂亂縮向嶺上時南風大作賊艇悉沿南岸銜尾而上洪日高等嚴陣待之其頭艇賊目將大礮倍貫子藥火發礮裂自斃甚多我軍兩岸懽呼開礮夾擊餘艇急退灘下兩岸旱賊度難復逞隨即縮退各勇追過灘下斃賊約六百名奪獲賊艇十餘隻二十五夜三更水陸股匪相率遁去連日各營勇陣亡十三名受傷一百二十名探悉此股賊目係虎頭仔張大口等因僞平潯王陳逆責令力扼我軍攻潯之路幸連日苦戰大創而去其黨逃至江口薙髮者不下數百人現在桂平武宣各紳民均請集團助剿從此兵威大震不獨此股不能復逞卽潯州巢穴想不難刻日掃平總兵翟國彥等前飭督率楚勇

追賊灌陽招撫事竣不日亦可撤回與劉坤一會兵東下進取潯州此楚軍近日進剿之情形也至荔浦逆首張高友係自五年聚黨屯集蓮塘分踞永安修仁各屬連年撥兵進剿輒負隅抗拒且屢以就撫爲緩兵之計今年春夏閒四出劫掠攻陷荔浦永安完善堡砦並窺伺陽朔高田一帶平樂郡城戒嚴時定番竄匪尙未就撫臣飭代辦平樂協副將候補游擊陳培桂督同本營千總陳致祥永安團紳莫世伸等就地籌備經費新募志成勇六百人會同各團練丁由永安進剿平樂府知府方炳奎督飭代辦荔浦縣黃逢年率所部府勇與各團練由荔浦進剿臣并委□□教諭韋編等由省局給貲新募壯勇五百名與



右營候補守備阮士成往督荔浦西北團練以助之惟荔浦北路逼近陽朔無兵堵禦因派已革知府潘家馥原管桂字勇一營又益以劉坤一派來追賊之元字勇一營由陽朔督集團練進扼高田均由臣給與免死印牌令其勦撫兼施迅圖綏靖旋據方炳奎稟稱四月初十等日張逆統眾攻破荔邑東鄉之紅巖堡天鵝堡南鄉長治堡北鄉三籠堡所掠牛物穀米絡繹解回蓮塘千總陳致祥督勇潛往西路之龍豆村截其歸路用伏兵繞出賊前殺賊無數盡奪輜重當將長治堡收復黃逢年率府勇與紳士邱世森等集團會勦亦將紅巖天鵝各堡收復餘黨紛紛逃潰由淶水轉竄以甲村圍攻山寨橋頭等處陳培桂

由永安分撥兵練星夜赴援該匪力不能支乘夜潛逃並將淶水以下各村收復先後拔出難民數百人我軍回至職思堡正擬進攻官寨張逆親督悍賊二千餘人復來攻撲勢較凶橫陳致祥黃逢年韋編等各督勇練迎擊礮斃騎馬賊目二名殺斃賊黨百餘名投水死者無算該匪勢蹙於十三日突圍而遁各勇跟蹤緊追復擒斬數十名探悉張逆已被礮傷小腿轉回蓮塘陳培桂與代理永安州李廷楷暨紳士莫世熙姚受爵等督率兵練由古天堡步步進剿於五月初一二等日攻克永安之文墟龍定下陽何村等處殺賊百數十人奪獲旗幟器械一百餘件救回難民男婦三百餘名至初五日又收復銅盆州尾西

河三處斬獲甚多餘黨由新鄉退竄回巢永安東西北三鄉已一律肅清現尙約同昭平縣沈芬所派練勇七百名會攻南鄉之黃村計在翦除分股以便圍剿渠魁等語伏查該匪積年猖賊此次荔永數十村寨旬日之間次第收復辦理尙爲順手但匪勢雖窮根株未絕終必貽患且該匪與潯州大股聲息相通蓮塘東北可通桂林平樂西南亦可通象州藤縣若不及時剿平不但桂平二郡不無肘腋之患卽蔣益澧劉坤一兩軍均有後顧之憂現在灌陽投誠黔匪經署鹽法道蘇鳳文分起遣散外尙收畱新勇千餘人編列成營派令副將鄧世堂等帶赴平樂臣已商同司道勉籌經費酌發軍裝飭由荔浦前往助剿張

逆并委記名道桂林府知府吳鎬暫往統領以一軍政而專責  
成此永安荔浦各路進剿之情形也惟正值溽暑晴雨不常軍  
中時有疾疫而又口糧不繼此支彼絀焦灼莫可名言臣惟有  
盡心拊循多方激勵俾水陸諸軍同心戮力刻期收復要郡翦  
滅羣凶以仰副

聖主綏靖邊陲之至意參將李運絡因傷身死游擊王茂林守  
備殷名山千總謝篤之臨陣捐軀均堪憫惻相應籲懇

天恩敕部照陣亡例議卹以慰忠魂所有近日各處勦辦情由  
謹會同兩廣督臣勞崇光恭摺由驛具奏伏乞

皇上聖鑒訓示謹奏

思恩勦撫土匪及克復賓州片

咸豐十一年七月初七日

再逆匪石達開竄伏賓州上林各屬臣與司道商委文武官紳就近設法勦辦節經附奏在案茲據署思恩府徐引稟報上林積匪李錦貴賓州謝必魁均可結石逆分出劫掠該署守推誠開諭已將謝必魁招撫歸團惟李錦貴怙惡不悛與石逆合攻武緣大山團潰走上林復率眾數千往撲三里堡該署守調集勇練分途援勦擒斬偽宰輔陳姓等四五百人李錦貴旋伏冥誅其黨解散該署守乘勝進攻賓州偽官朱進久屢戰皆北勢已不支適黎村積匪宋扶捍糾合附近十數村土匪前赴救援石達開亦派呂姓賊目帶悍賊二千餘人分攻安城武上各

團以圖牽制該署守督飭團紳陸生蘭周志德及謝必魁等分  
投防勦並剴切出示招安各村土匪翻然改悔薙髮歸團獨宋  
扶捍與磨大楊社福等恃眾負隅石逆益悉眾前來屯紮龔村  
盧村等處蔓延數十里勢頗鴟張該署守商同游擊郭承修代  
辦賓州知州陳廷玉及武緣團紳韋殿邦等添調壯練絕其糧  
道四面合圍以困之臣先在省得報并知附從石逆之貴縣賊  
匪黃三宣化賊匪李青靛等皆有投誠之意查得已革同知陳  
瀚素有膽畧熟悉思恩南甯一帶情形當卽派赴賓州會同徐  
引等籌辦勦撫該革員行抵武緣商同團紳林源海挑集勁練  
三千人至賓協勦時黃三已回貴縣隨遣廩生陶榮光撫諭李

青靛情願率眾投誠誘擒石逆魁黨賴裕新以自贖正在布置  
閒詎石逆畏窮蹙潛於六月初九日夜乘閒竄往貴縣徐引  
等克復州城督練追襲一面搜捕餘匪安戢難民稟報前來臣  
伏念石達開窮凶極惡日久稽誅臣夙夜籌維不勝惶惕茲該  
逆勢成弩末斷不敢任其死灰復然現在飛飭潯州府及貴縣  
文武會合徐引陳瀚等迅速確探賊踪嚴行擒勦其南甯之橫  
州鬱林之興業廣東廉州之靈山合浦均與貴縣毘連蔣益澧  
劉坤一進兵潯州亦相距不遠并卽咨行各路一體實力堵截  
勿使奔逸漏網務期元凶授首邊圉全清用稍仰副  
宸廑此次在事出力官紳練勇由臣查記勞績俟殲擒石逆後

欽定四庫全書  
聖訓卷之二  
三  
彙行恭懇

天恩量予獎勵所有剿辦石逆招撫土匪及收復賓州各情由  
謹附片陳明伏乞

聖鑒訓示謹 奏



克復潯州疏

咸豐十一年八月初六日

奏爲梧柳水陸諸軍克復潯州郡城恭摺馳 奏仰祈

聖鑒事竊 臣於七月初七日曾將梧柳各軍進剿潯匪獲勝情形具 奏在案茲據蔣益澧稟報該司進駐平南後初八日逆匪萬餘由塔腳田隴分路來撲副將王月亮王佐清急出迎擊該司與候選知府蔣本蓉親督中軍繼之三面夾擊共斃賊千餘名初九日賊復分撲各營勢甚兇悍補用游擊王佐朝奮勇當先各勇繼進賊判死抗拒王佐朝中槍陣亡蔣益澧親督馬隊衝入賊陣高連陞等各率所部分路鈔截斃賊七百餘名生擒三十五名奪獲旗幟三百面次早該逆復聚大股潛伏樹林

意在乘我不備。五月亮率勁旅，偃息旗鼓，從林後襲之。賊大驚潰，各營乘勢夾擊，約獎賊千餘名。二十三日，該逆於烏江口築大壘六座，阻我進兵要路。適廣東碣石鎮總兵李揚陞督帶水師，直抵丹竹，遂卽商會。勦至十四日辰刻，城河匪艇二百餘艘順流駛下。烏江口賊壘亦出隊萬餘人，蜂擁前來。該司親執桴鼓，督飭各軍分路迎勦。遙見舟師，均於燕子磯下銜尾停泊。逆艇大小四百餘艘，飛駛直進。舟師開礮擊沈先鋒賊船數號。後隊扒艇猶冒死衝突。李揚陞親督藍底船上，前力戰時值東風大作，火蛋火包接續拋擲。適中逆艇火藥櫃內煙焰漲天，頃刻間該逆片帆無存，浮屍蔽江而下。約獎賊二千餘名並

奪獲賊船二百餘號生擒賊一千餘名餘匪梟水上岸復經劉清亮高連陞等各率湘勇與李揚陞所派安勇大直勇及附近各團練沿岸截擊擒斬幾盡并將各賊壘登時燬平十五日辰刻潯州近城團紳來營稟報城中匪黨屢被官軍痛剿一日數驚多有逃亡該司一面函約李揚陞劉坤一兩軍馳來會剿卽一面催督各營將卒長驅大進於十六日辰刻抵潯署桂平縣張保光督同團紳李春三馮啟善等率練丁七千餘名及李揚陞舟師前隊均先後同抵城下該逆見大兵雲集開城欲遁各勇練乘勢攻撲分投勦洗街巷屍首枕藉遂於是日克復潯郡生擒僞知府一名僞將軍檢點十五名僞校尉五名奪獲輜重

牛馬器械無數并搜獲原失潯州府銅印一顆同日據劉坤一稟報潯逆自麻子灘大敗後餘匪退竄紅石勒馬一帶旬結土匪周十二等擁眾數千復圖上竄該道當飭副將鄭金華候選知府易元泰陞用副將黃仲慶都司廖國安等於初五日率十營勇由東西兩岸接勦而前並派洪日高李德全等各撥得力戰艇相繼進發初七日甫至紅石地方該匪悉眾來拒欲圖報復鄭金華易元泰等督同各勇奮起迎擊賊眾披靡死傷相望惟扒艇百餘艘猶揚帆直上洪日高等伺至灘頭連發三十觔大礮各艇檣摧舵折紛紛下竄我軍乘勝追勦水陸斃賊七八百名時署右江道蔣澤春由來賓縣督團繼至該匪度不能支

周十二與其黨劉亞剛謝玉先等二千餘人赴營投誠均進雍  
髮歸團並畱精壯二百人以爲攻潯鄉導潯郡上游一律肅清  
訊據降賊供稱僞平潯王陳開因屢經敗衄現在分股扼紫勒  
馬以防楚軍其大股盡趨平南誓決死戰等語該道以機會可  
乘比卽函知蔣益澧李揚陞嚴爲準備遂於初九初十等日督  
催各勇進趨勒馬至十一日鄭金華易元泰等進至距勒馬數  
里地方該匪已望風潰奔正擬進躡賊跡直逼潯郡探報石逆  
達開已由賓州窮竄貴縣之大墟該處離潯州祇數十里離武  
宣亦祇百餘里劉坤一恐該逆乘虛竄向柳慶撓我後路旋卽  
傳令各營穩紮勒馬紅石一帶以防竄越仍令易元泰挑選勁

勇會同團總李華英等速集壯練圍襲潯州十五夜探報潯逆大股連日爲李揚陞蔣益澧所破賊眾紛紛混逃次日易元泰等急督前隊楚勇及附近團練直抵潯郡隨同各軍當將城池克復各等語前來旋據李揚陞及團紳李春三等函稟亦大畧相同伏思逆首陳開盤踞潯郡前後七年上窺柳慶下伺梧平竊號稱尊窮凶極惡久爲全粵大患此次水陸大舉蔣益澧由梧州進勦靖蕩平藤劉坤一由柳州進勦肅清象武兩路節節深入各極三百餘里之遙又得李揚陞舟師分投進勦盡奪賊船仰仗

天威一鼓收復實爲大快人心現查陳逆曾否被殲其餘黨是

否與石逆合股尙未據各軍探報前來臣與督臣勞崇光已飛  
飭蔣益澧劉坤一督同該府縣官紳將潯州一切善後事宜妥  
爲辦理并卽相機追捕務在淨絕根株肅清全境所有在事出  
力文武冒暑力戰均各著有微勞相應先行擇尤開列清單敬

呈

御覽仰懇

天恩俯賜獎敘此外員弁兵練容再會同督臣勞崇光查明核  
保其陣亡游擊王佐朝及守備張先富外委鄧新鑑力戰捐軀  
均堪憫惻籲懇

飭部議卹以慰忠魂謹會同兩廣總督臣勞崇光恭摺由驛具

奏伏乞

皇上聖鑒訓示謹 奏



請獎出力道員片

咸豐十一年八月初六日

再鹽運使銜廣東候補道羅勳上年由廣東帶勇防剿賀縣股匪與蔣益澧互爲聲援嗣又分撥礮船十餘號隨同蔣益澧攻破下郢均資其力今年三月臣因各省協饟久停撥解各軍窮苦異常曾經奏請以該道在廣東勸捐接濟六月內劉坤一督軍進剿潯匪正當喫緊以口糧不繼幾有譁潰之虞適該道解到捐項銀二萬餘兩并輸助三板戰船十五號洋裝大礮三十六尊劉坤一一軍藉得暫免飢潰所向有功節次擊破賊船尤深得該道洋礮之力似此敵愾同仇深明大義洵非尋常勞績可比應懇

天恩將鹽運使銜廣東候補道羅勳交軍機處記名遇有鹽運使缺出請

旨簡放出自逾格

鴻慈臣爲激勵人才起見謹會同兩廣督臣勞崇光恭摺附奏伏乞

聖鑒訓示謹奏

潯州陳逆就擒石逆上竄疏

咸豐十一年九月二十二日

奏爲潯州陳逆就擒石逆被剿上竄現督兵練各路堵剿疊獲勝仗恭摺馳報仰祈

聖鑒事竊潯州府城於七月內官軍收復石逆達開自六月內敗走貴縣及兵勇乘勝勦辦各情由經臣會同督臣勞崇光先後奏報在案查首逆陳開被追勢蹙欲邀石逆共拒官軍旋聞石逆竄至大墟爲楚軍所阻始率殘卒乘舟上駛將由貴縣潛遁橫州甫至大灘適蔣益澧營中委紳卽選知縣陳璠帶勇踵至與團總賴聯桂購辦內應設計誘擒并其黨張安陳見成等五人縛送潯郡督臣勞崇光以各營勇分投搜剿尙在喫緊

檄飭蔣益澧將該逆首就地寸磔毋庸解省致有疏虞遠近民人聞之稱快時貴縣匪首黃全義擁眾數千尙踞縣城卽選知府蔣本蓉率湘勇及各團練備紮環攻斬獲雖多匪猶負固迨聞陳開就戮城中震懾日有逃亡蔣益澧乃多繕招撫告示令其於進攻之際射入城中黃全義得示悔懼卽於城上豎立白旗乞恩就撫蔣本蓉察其情詞真切隨派將弁入城受降並卽收其軍械籍其丁壯附近被脅百姓均各薙髮歸團此蔣益澧督軍追賊密派官紳擒斬陳逆并招撫貴縣股匪收復城池之大概情形也石逆初因陳逆乞援亦欲久踞大墟與爲犄角嗣聞潯逆棄城劉坤一楚軍已由勒馬西渡乃棄大墟退至龍山

該處山谿甚險路徑多歧劉坤一派副將鄭金華率楚勇九營就近會督團練三面進攻連破數寨樊匪甚夥石逆恐被圍剿乘夜遁去復經各勇追殺百數十名旋據生擒賊供潯州餘匪窮無所歸陸續奔附石逆合計不下三萬人聞欲取道柳慶竄出湖南等語劉坤一以柳慶喫重商畱候選知府易元泰帶勇三營駐防武宣自率水陸各勇馳回堵截比至穿山汛該逆偵知柳郡有備分由小路晝夜奔馳署提標參將蕭榮芳派千總高應禮伏兵六塘截殺賊匪百餘名其大股竄向融縣水東地方正在搭橋欲渡劉坤一率楚軍紮至浮石已出賊前該逆度難飛越乃於西岸沿紮寨柵並乘夜趕搭浮橋十三日把總李

德全率戰船駛至連開大礮賊悉伏岸不動水勇乘勢欲拆浮橋以灘高水涸船不得近該逆遂悉眾涉淺紛來奪船適劉坤一派游擊陳本熾督隊繼至上下夾擊賊仍縮退十四日卯刻石逆悉眾東渡結陣徐行精銳在前輜重在後計必撲營奪路直趨甯甯劉坤一堅壁示弱伺賊漸近麾軍出擊該逆稍卻復前轉戰頗厲我軍幾不可支劉坤一策馬挺矛直衝賊陣各將士鼓噪前進刺斃悍賊數十人賊眾大潰石達開回馬督戰受創落馬卽補都司洪福齊上前擒搏身受數槍登時倒地各勇冒死搶護石逆竟得逸去是日傷斃賊匪近千人奪獲槍礮百餘件騾馬數十匹並擒斬僕射指揮軍師等僞官十數名梟水

淹獎者無算餘悉退紮西岸此劉坤一督軍堵剿石逆於融縣  
浮石截賊獲勝之大概情形也伏念潯州久爲賊藪如陳逆與  
石逆黨結力併爲禍必烈茲幸仰仗

天威陳逆就戮不但潯州各屬易於廓清卽南太各郡股匪亦  
皆聞風震驚不難掃蕩臣已諄飭蔣益澧乘勢分營剿捕并設  
法廣爲招徠該司威望素著爲賊所憚今復渥荷

恩命簡授西臬益當悉力勦辦盡掃賊氛至石達開久困西粵  
前此不遠遠颺實因潯郡未復兵力難到又以團練日集黨眾  
日離未敢遽圖他竄嗣得潯州餘孽爲之羽翼又伺水陸各勇  
尙在潯州遂欲乘閒狂奔再肆猖獗茲得劉坤一浮石之戰兇

鋒大挫賊膽皆寒而各屬團練又經添委官紳督同堵截該逆進退失據當可就此剿滅不致再有蔓延惟石達開蓄計他竄若改由懷遠繞赴貴州再覓上年彭逆竄楚舊路則劉坤一部楚勇勢不能攔賊之頭臣已飛飭湖南貴州各省沿邊設防豫備會剿萬一石逆未能在粵剿滅仍當督飭楚勇全軍越境跟追誓必殲厥渠魁仰慰

聖廑其有此次擒獲陳逆出力紳團謹擬彙入克復潯州案內從優請獎合併聲明謹恭摺具 奏伏乞

皇上聖鑒訓示謹 奏



石逆竄楚撥軍會剿疏

咸豐十一年十月十六日

奏爲石逆被剿勢蹙乘閒由懷遠界上竄楚境現經撥軍馳往會剿恭摺馳奏仰祈

聖鑒事竊石逆達開自龍山敗遁因潯州餘匪陸續奔赴復肆披猖劉坤一沿途截剿復於融縣浮石連獲大捷逆勢乃蹙於奏報潯州陳逆就戮摺內業經陳明在案該逆因大將坡受傷落馬被死黨掖之得脫遇敵必嚴爲整備防我衝突九月十五日賊復大至依山列陣懸亘數里劉坤一望其後隊甚整知精銳在後戒各營不得輕進石逆於嶺上鳴螺展旗麾眾更番來撲我軍伺其來則擊之去亦不追賊死傷甚多自相驚亂

悉退嶺下劉坤一料其氣竭傳令出擊諸道并進斃賊數百人賊亟斂眾越嶺而遁十六日賊來益眾於大將坡外遙遙列陣潛以數千人由左路數十里繞出我營之後劉坤一先覘知之撥四營分守大贏姚婁兩坳之險賊逕來奪坳槍礮逆擊而上其鋒甚銳我軍以高臨下槍礮難施乃令各勇運石擊之鏖戰至晡賊始敗退我軍追至蒙崗而還是日約殺賊百餘名該處山徑分歧劉坤一慮賊悉銳攻我之後乃以六營守前路之大將坡復益六營同守大贏姚婁兩坳是夜石逆果調後隊新附各股悉數渡河十七日卯刻卽分道來戰先趨大贏坳爲我軍亂石擊退繼趨姚婁坳副將李正植等各率所部力戰賊死傷

甚眾勢已不支忽分股由小路繞出浮石襲我營壘劉坤一恐營中有失令各營結陣徐退賊眾乘之將至嶺下李正植然礮擊殺大旗賊數人賊隊稍卻劉坤一令游擊陳本熾五品軍功周德等各將銳卒奮力撲去李正植復率眾繼之賊大敗走我軍追過嶺後回營方賊力攻姚叟坳時前路之賊亦乘勢來攻大將坡各營直逼長溝總兵翟國彥督令各營勇環施槍礮賊多應聲而倒死屍相枕隨卽敗退是日兩路約殺賊五六百名我軍亦有傷亡日晡忽據探報賊多退至西岸計由上游長安墟渡河牽制我軍乘夜狂奔劉坤一與翟國彥籌商部分各勇於十八日五鼓移營一由四頂出三隍一由瓦窰出永甯以資

截勦石逆知兩路難於飛越遂改計他竄先以大隊分撲四頂  
瓦窰兩處而自率死黨卽由板欖小道徑趨懷遠邊境越青林  
界入湖南其四頂瓦窰之賊旋經我軍擊敗又知石逆已過板  
欖亦於次日循路竄去沿途團練襲殺頗多劉坤一星夜派總  
兵鄭金華副將李士恩李正植等率領各營取道西延小路繞  
赴截勦縷晰稟報前來臣伏查石逆踰伏賓貴原欲併結陳逆  
以逞其志因爲楚軍所截陳逆就戮遂藉潯州餘孽潛蓄竄楚  
之謀該逆兇狡善戰乘虛溷逃是其故智臣意其必循彭逆竄  
楚舊路先已飛咨湖南撫臣毛鴻賓沿邊設防豫備會勦劉坤  
一楚軍因行糧不足當派鄭金華等先率六營由西延馳往截

擊該司往來督戰舊疾復作在省暫就醫藥一面部署各營領  
給行糧繼進截勦務飭會殲大憝不令再有蔓延謹恭摺由驛  
具奏伏乞

皇上聖鑒訓示謹奏



縷陳粵西軍務饒需疏

咸豐十一年十一月十一日

奏爲縷陳粵西現在軍務及饒需支絀情形并蔣劉兩臬司暫  
難卽赴新任恭摺馳 奏仰祈

聖鑒事竊石逆達開屢經劉坤一擊敗勢蹙潛由閒道奔竄楚  
疆先派總兵鄭金華帶領六營老勇馳往截剿劉坤一因病畱  
省暫就醫藥仍卽飭令部署各營領給行糧繼進會剿臣於十  
月十六日馳 奏在案旋因荔浦張高友股匪偵知楚軍越境  
追剿石逆乘閒四出攻掠村寨勢甚猖獗屢經平樂府官紳請  
兵援剿時劉坤一病尙未愈因派原辦楚軍營務候選道易元  
泰接統新老楚勇十二營前往剿辦仍一面飭催劉坤一酌帶

營勇馳赴武岡綏甯一帶會同江忠義一軍及鄭金華各營相機進剿石逆查該逆尙屯靖州屬境必因楚粵官軍扼其前路未敢長驅計將折入黔省由松桃銅仁一帶以窺四川若乘此時合楚黔粵三省兵力殲此大憝則死灰不致復燃也至潯州各屬自逆首陳開就擒黃全義復叛被戮桂平武宣平南粗就安謐惟貴縣積匪黃三及黃聯義等盤踞村寨蔣益澧現督兵勇設法搜捕猶難剋日收功而由潯州以南如南甯太平兩府屬大小股匪尙不下十餘起潯州以東如梧屬之岑溪容縣亦均有股匪互爲犄角出沒於北流藤縣之間雖經各屬官紳集團堵禦而顧此失彼賊勢仍張祇望貴縣軍務速蒞蔣益澧兵



勇足資分撥當可次第圖之故以今日廣西大局而論著名之  
匪大半就殲被陷之城以次告克得賢守令及時振作似無難  
漸致又安然大患甫平人心未固而又稽誅餘孽負固猶多非  
有大兵分段掃蕩駐境鎮壓仍難望其廓清顧籌兵先須籌餉  
現在湘楚兩軍及分駐平梧水陸各勇二萬有奇各府州縣就  
近添募之勇不在此數總計每月口糧需十餘萬兩潯州未復  
以前廣東每月議撥湘軍餉銀二萬兩專係爲勦潯之用現在  
各勇旣不能遽議裁撤則經費必須力籌各州縣歷年被賊蹂  
躪財盡民窮通省錢糧每歲徵解之銀不過舊額十之一二何  
能贍軍且各省原撥協饒本年內僅湖南撥解銀二萬餘兩其

他廣東四川兩省未解分釐本省出項僅梧州平樂桂林各卡釐金約計每月可收二三萬兩卽全數撥歸勇餉猶屬杯水車薪況軍裝鉛藥均於此項取給挹注之餘更形拮据於此而欲接濟軍食必求疏通饑源潯梧爲兩粵要道素稱財富之區現惟梧州河道尙無梗阻潯州甫經收復兩岸餘匪未盡驅除商旅不能暢行釐稅終無起色現擬以畱粵楚勇控勦平樂修荔之匪以湘勇全軍控勦梧州岑容南甯橫永之匪倘得水陸通暢商民復業釐稅稍有改觀軍餉庶有裨益若太平地處邊陲勞師遠涉需餉浩繁且湘楚兩軍兵力不敷分撥暫擬責成地方文武就近徵募督同團練相機勦辦一俟潯梧各屬股匪次

第翦除仍當分軍進剿以期一律肅清臣通籌全局夙夜焦思  
惟有與各司道極力圖維不敢稍形疏懈仍望湖南廣東各省  
查照原撥協款隨時接濟庶三軍免飢潰之虞而邊境有綏安  
之日矣至新授臬司蔣益澧前經札催回省接任嗣查該司督  
辦貴縣各起土匪正在喫緊且容縣各屬望援甚切亦須及早  
進兵應俟該處軍務稍鬆卽當催令赴任又劉坤一新奉  
簡放廣東臬司之

命現在赴楚追剿石逆如辦理就緒亦卽飭將經手事件逐一  
清釐趕赴新任合併陳明臣謹會同兩廣督臣勞崇光恭摺馳  
奏伏乞

皇朝通志卷之二十一  
皇上聖鑒訓示謹奏

臣

收復橫州片

咸豐十一年十一月十一日

再橫州逆首郭磻溪甯稅等自聞潯郡克復陳開伏誅舉城時切驚惶皆無固志蔣益澧因勦辦貴縣土匪尙未蕪事乃派隨營之刑部主事梁炳漢督同監生賴聯桂首民梁芝芬等管帶義勇馳往該州相機勦撫九月十一日軍次清江坑代理橫州蔡達卿帶練來會約期進勦探聞郭磻溪畏威願撫惟僞城守甯稅欲圖抗拒梁炳漢乃飭梁芝芬密購閒諜持諭入城招允郭磻溪糾黨內應一面督率勇練水陸圍攻均有斬獲十五日梁炳漢蔡達卿并賴聯桂等各率勇練四面攻撲施放火箭入城延燒房屋數處賊眾分投撲救郭磻溪卽率死黨乘機喊殺

鑿正世公三集卷之二  
突開東門接應時甯稅尙在督戰聞內變已作僅率數百人由南門出城奔赴上游涉淺狂遁梁芝芬等督率水勇追剿斬馘數十人郭磻溪親赴軍前跪求免死梁炳漢等察其就撫情真於十七日收其器械籍其丁壯遂於十八日收復城池其附近之桃榔巴耿等村亦均聞風歸撫由蔣益澧稟報前來臣伏查橫州自被郭磻溪據城肆擾左江河道節節梗塞茲蔣益澧派令梁炳漢等會同該州剿撫兼施數日之內卽將城池收復辦理尙爲應手郭磻溪據城數載本屬罪不容誅現據內應開城率眾就撫其情尙有可原應請從寬免死以勸其餘仍飭梁炳漢等窮追甯稅黨羽悉數殄滅務盡根株善後一切責成該州

妥速籌辦此次在事出力人等著有微勞可否容臣查明彙入  
薄州克復案內擇尤請獎以示鼓勵出自

天恩謹附片由驛具奏伏乞

聖鑒訓示謹奏





派軍赴辰截擊石逆疏

咸豐十一年十二月十八日

奏爲石逆竄楚探由沅州懷化等處直趨浦市現飭總兵鄭金華率勇馳赴辰州截擊并飭臬司劉坤一督同相機會剿恭摺  
覆 奏仰祈

聖鑒事竊

臣

於咸豐十一年十月十六日由驛

奏報石逆被

剿勢蹙乘間由懷遠界上竄入楚境撥軍馳往會剿一摺茲於  
咸豐十一年十二月初五日奉

旨已有旨欽此同日承准議政王軍機大臣字寄咸豐十一年  
十一月十一日奉

上諭石逆由廣西竄入楚界雖由粵西剿辦窮蹙希圖竄逸亦

由皖鄂逆匪屢次敗衄暗糾石逆句結粵西股匪冀擾楚界牽制我師其心計甚爲狡獪自應合力痛剿以杜詭謀田興恕既派成應洪帶隊駐紮楚黔邊界卽著飭令會同毛鴻賓派出各軍并江忠義所帶兵勇相機會剿劉長佑所派臬司劉坤一等截剿獲勝卽飭令越境追剿不使回竄如此三面夾擊聲威聯絡石逆旣進退失據其餘黨必可窮蹙潰散務當和衷會商聯爲一氣斷不可此追彼退使該逆得以乘閒竄逸是爲至要將此由六百里各諭令知之欽此遵

旨寄信前來等因承準此仰見

聖謨廣運

燭照無遺臣跪讀之下莫名欽悚伏查該逆由青林界竄入楚境臣先派總兵鄭金華等率領六營由西延小道馳往截擊並催劉坤一部署各營繼赴武岡綏甯一帶會同楚省官兵相機進剿已於十月十六十一月十一等日兩次奏報軍務摺內陳明在案嗣聞該逆延及長安堡麻龍一帶距靖州會同通道并黔省黎平府屬均不甚遠江忠義由武岡督軍進剿商畱鄭金華所部暫紮武岡防賊南竄兼爲後路策應旋報賊走黔陽臣正在飭催會擊準湖南撫臣毛鴻賓咨會該逆已由沅州懷化等處直趨浦市勢將竄伺辰州臣復飛札劉坤一督同鄭金華所部馳赴該州截擊並扼回竄寶慶之路現在黔兵大隊駐

紫楚黔邊界毛鴻賓派出各軍暨江忠義所部各勇皆以全力制勝該逆雖極狡獪自不難剋日成擒因念楚黔粵西唇齒相依安危與其當此會剿喫緊之際

聖主眷懷南服

訓誨周詳臣以本省各匪未靖不克多撥兵勇繼進遙征惟有諄飭劉坤一等迅督原派在楚各營會同楚黔官兵奮力圖功滅此朝食以期上紓

宸廑除將咨商勦辦情形隨時奏報外所有石逆探趨浦市現在飛飭會軍截勦緣由謹恭摺由驛覆奏伏乞

皇上聖鑒訓示謹奏

克復養利州疏

同治元年正月十七日

奏爲太平軍務疊飭左江鎮道遴派官紳攻復養利漢土各屬  
現在乘勝圖取郡城恭摺 奏祈

聖鑒事竊太平府城被逆匪吳凌雲等攻陷署府協劉作肅多  
祿等死難養利州城復相繼失守臣於咸豐十一年三月十二  
日 奏報在案該逆吳凌雲屯踞土忠州隴羅老巢恃險負隅  
僞稱王號久爲南太巨患自陷太郡後派僞元帥羅品沆踞守  
與馱樸九岸匪巢互爲犄角該處濱臨大河艇匪上下游奕又  
與對岸之土江州羅白土縣匪穴聲息相通彼此援應時復分  
竄四出上屬地方淪陷殆盡臣日夜焦思先擬俟潯州軍務告

威撥勇赴援比因橫承未通且自上思以至太平節節皆賊兵  
方稍薄進取極難計惟就地激勵官紳廣爲號召果能得力用  
命則事半功倍迭經咨行左江鎮道安籌會辦去後旋據署左  
江道吳德徵稟報派委卸代宣化縣朱騰偉督同藍翎主簿張  
世顯藍翎把總郭昌龍雇募精勇千五百名由新甯州渡河先  
勦新村之賊以通道路一面遴委團紳同知銜候選吏目周平  
瑞州同銜陸良瑞等備糧集練分道攻取養利各城六月初四  
日師次新村殺賊無算初五日朱騰偉等分督壯練恢復附近  
賊踞之碧記等三十餘村張世顯帶勇八百名渡過北岸會合  
陸良瑞乘勝攻克永康之那隆伏廖等村並收復左州屬被陷

之二百餘村土漢民人一律薙髮歸團陸良瑞於二十三日親入左州安撫周平瑞帶領壯勇攻克太平土州之懶墟卽由萬承土州直趨養利之大嶺代理州吳章湘由龍英土州督集練丁約會周平瑞等連日攻勦踞城賊匪擒斬頗多賊棄城他遁復經兵練四路截殺擒獲匪黨黃啟鼇等七十餘名起獲養利州印吏目鈴記各一顆匪首樊三李隴常乘閒逃逸卽於二十七日收復養利州城所有州屬被陷各鄉村亦陸續收復接據吳德徵稟報因養利左州均距匪巢不遠若無勁兵駐守難免旋得旋失當卽札委周平瑞陸良瑞帶勇分駐彈壓防賊回竄並據署上思州王雲昭稟報該州督飭團紳磨現瓊暨遷隆土

尚黃繼統等於六月初九初十等日先後收復遷隆土崗及州  
屬被陷之貧靈汪淋等村賊俱被擊潰散又據代理甯明州黎  
書籍稟報督飭州城團總趙秀溪思州土官黃政業並明江思  
陵各團紳練於七月十二三等日先後收復思州及海淵板棍  
思陵欽嘉板藏什八各村寨並攻破忠州之蕾徐匪巢首匪梁  
守厚竄回府城又據安平上龍兩土官及局紳盧鈞燮農效忠  
稟報會集漢土各團籌費起練收復馱棉欽波各村墟進紮土  
地墟及壺關外之門頭村以圖恢復郡城吳德徵等接報因署  
太平府世圻路梗不能到任現當軍威已振人心思奮卽據各  
官紳所請札委朱騰偉就近代辦府事以便號召各團其新太



協副將亦由該鎮札委上思營都司唐紹杰先行代理俾資調遣官兵共圖克捷該鎮道會商布置派張世顯會同代理新甯州陳雲卿督率康良安良兩團壯練籌備經費攻擣隴羅老巢密約忠州團總李如蘭從中舉事又派周平瑞陸良瑞陸紹孫等厚集養左兩州壯練分攻九岸馱樸兩巢並委己革龍州照磨朱濂往商周平瑞調取隆安扒船截賊接應兼通我軍糧運一面飛飭甯明明江團練佯攻江州圍取郡城對河之金匱墟其正路則派朱騰偉會同候選同知吳潤牲候選知縣王榮冠候選府經歷車凌武管帶壯練由新甯步步爲營出岳河越羅白土縣站躡金匱墟會合甯明明江安平上龍各路壯練進逼

太郡該逆援絕糧盡將不戰而自克矣該鎮道等分派已定飛飭漢土各屬就地籌捐經費一面由南郡竭力籌辦陸續接濟以期無誤軍行據該鎮道稟報前來臣伏查吳逆攻陷太郡戕官據城漢土各屬地方久被淪陷毒餒彌漫幾至無可措手茲該鎮道經臣迭次咨行遴派在事官紳朱騰偉等募勇籌費分道進攻先後克復養利漢土各屬而村寨聞風響應同時收復至數百處之多現在節節進攻力籌恢復該官紳等同伸義憤自不難掃穴犁庭用彰

天討除臣現復諳切激勵務使迅奏膚功滅此朝食不準稍涉鬆勁外所有攻復養利各屬進取太郡情形謹會同兩廣督臣

勞崇光恭摺由驛具奏伏乞  
皇上聖鑒訓示謹奏

卷之二

三

招撫貴縣股匪片

同治元年正月十七日

再貴縣踞城首匪黃全義經蔣益澧派委候選道蔣本蓉率勇環攻乞恩就撫臣於咸豐十一年九月二十一日奏報潯州陳逆就擒摺內陳明在案該匪就撫後復萌叛志經蔣益澧計擒正法其弟黃聯義遂率死黨竄踞登隴橋負隅抗拒蔣益澧親往督勦時有覃塘首匪黃三與下郢漏網首匪羅華觀合夥恐登隴橋被官軍擊破匪等勢孤乃力爲黃聯義應援十一月初二日黃三率黨竄至藍田村外逼抗大軍蔣益澧督飭各營將佐分道迎擊並派參將鮑得揚率勇由第六村大路包鈔該匪因山腳平坡之賊均已退敗復添悍賊千餘直向鮑得揚一

路奔撲鮑得揚挺矛躍馬衝入賊隊刺殺賊目三名賊勢稍卻各勇呼噪大進該匪敗竄回柵鮑得揚率勇追至柵邊礮傷左額角登時陣亡落馬適副將劉清亮等接應兵至奪回屍身乘勢合擊賊卽棄柵退守蘇村及第五等村我軍截殺數百名此各營奮擊獲勝及參將鮑得揚中礮陣亡之實在情形也蔣益澧知該匪覬覦藍田村已非一日若不以全力堵守萬一蔓延郭北我軍後路堪虞隨調副將熊建益紮營藍田村並調記名總兵高連陞副將劉清亮二營及副湘中左兩營得力勇丁橫紮藍田大路連營扼堵一面調集勇練開挖水溝洩放登隴橋塘水並築長圍以斷外援接濟從此水塘日涸該匪黃聯義險

要已失窮迫萬分該司因獲覃塘賊探據供黃三前見示諭久  
有就撫之心祇以羅華觀敗竄入夥從中間阻以致遲疑未決  
該司以黃三負嵎已久必須勦撫兼設法解散免致該匪等  
彼此固結急難肅清當卽購覓間諜往諭黃三計擒羅逆立功  
贖罪並飭團紳候選知縣陳璠密札開導曉以利害該匪就撫  
之心益切羅華觀窺破黃三有意投誠恐遭擒殺卽於十一月  
二十日率死黨數百逃往永淳黃三遂遣覃塘耆老來營痛切  
陳詞稟請歸團免罪該司恐該匪反覆無常或作緩兵之計因  
命各營嚴兵以備一面遣陳璠率同耆老馳往相機招撫黃三  
等一經陳璠聞諭卽時薙髮並願遣散黨羽酌帶練丁進取永

卷之二  
三  
瀆計擒羅逆以自贖陳璠察其情詞懇切回營面稟隨卽會同  
都司蔡其昌候選知縣魏光邴馳往安定章程分別安插該匪  
等歡躍聽命卽於二十九日將派紫藍田之眾及覃塘各黨羽  
逐一調齊由陳璠填給免死印牌安爲遣散並飭該首民黃三  
酌挑練丁一千五百名定於同治元年正月由陳璠督帶往勦  
永瀆逆匪所有覃塘礮械均已呈繳來營登隴橋內賊匪正在  
引領望救忽聞黃三就撫援絕計窮卽於十二月初一日夜由  
河邊判死突出四散逃竄該司已豫派蔣本蓉高連陞熊建益  
等在途暗伏嚴密堵截登時斃賊數百名餘匪放槍回拒一面  
鼻水奔逃高連陞被飛子中傷左頰熊建益被飛子中傷左臂



均仍與參將曹魁甲等沿途追剿又斃匪百餘名該司聞礮聲不絕添派記名總兵王月亮副將何萬華等各率營勇直撲匪巢當將登隴橋攻拔該匪黃聯義是否竄遁抑已在途殲斃尙無實在下落該司親往察看地勢撥勇駐守所有貴縣登隴橋覃塘等處均已一律肅清由該司稟報前來臣查黃三久踞覃塘巢堅黨眾且與羅華觀合夥爲登隴橋股匪聲援以致軍務諸形掣肘今該司遴派候選知縣陳璠親入匪巢將其全股招撫遂使羅逆自危先遁登隴橋之賊亦因援絕而奔我軍收拔賊巢四路截殺貴境全清辦理頗爲應手黃三頻年肆擾本屬罪無可逭今旣向化投誠臣已如該司所請飭陳璠帶赴永瀆

督令剿賊贖罪一面飭令該縣將投誠之眾照章安插並將善後事宜妥速籌辦參將鮑得揚中礮陣亡深堪憫惻相應請旨敕部議卹以慰忠魂所有此次出力人等可否彙入潯州案內請獎以示鼓勵出自

天恩蔣益澧仰承

簡命已於十二月二十八日回省接印擬將署內應辦事件妥為料理仍應馳赴軍營督剿各匪疏通左江河道以期全境廓清除陳璠督剿永瀆情形另行奏報外所有招撫黃三股匪攻拔登隴橋緣由謹會同兩廣督臣勞崇光由驛附片具奏伏乞

聖鑒訓示謹奏

臨桂李樹森  
南陵胡永福  
同校

劉武慎公奏稿

劉武慎公全集四

卷之三目錄

部署蔣軍赴浙疏

潯貴伏莽蠢動現籌防剿疏

舉行鄉試疏

督軍赴潯剿賊疏

克復太平進擣隴羅疏

到潯籌辦防剿疏

潯梧剿匪獲勝疏

請催廣東湖南協饟片

收復陽朔疏

潯州平樂勦撫情形疏

請飭江忠義來粵西片

連破貴縣賊巢疏

潯軍疊勝收復修仁疏

遵旨籌辦疏

攻克武樂蒙垌疏

交卸撫篆疏

部署蔣軍赴浙疏

同治元年二月十一日

奏爲臬司奉命簡授浙藩遵旨催令統帶所部赴浙助剿

先將部署起程情形恭摺仰祈

聖鑒事竊臣於同治元年正月二十二日承准議政王軍機大

臣字寄正月初四日奉

上諭左宗棠奏浙江全局已壞亟應設法挽救廣西臬司蔣益  
澧任事勇敢本有願率所部助左宗棠剿賊之意劉長佑亦擬  
派副將戴盛寬挑勇丁五百名助剿蔣益澧已簡授浙江布政  
使著劉長佑催令統帶所部挑募勇丁數千名並飭副將戴盛  
寬速帶所募一營星速前赴左宗棠軍營以當一路蔣益澧整

聖正惟公全集卷之三十一  
裝經費已諭令勞崇光籌給矣將此由六百里加緊諭知欽此  
遵

旨寄信前來臣跪讀之下謹悉東南大局上廬

宸衷全浙軍情待援孔亟凡有血氣莫不欲籌兵助剿共濟時  
艱當卽恭錄轉行飭催飛速遵辦查蔣益澧於上年臘底回省  
接印原擬將緊要事件妥爲料理仍赴軍營督辦以通左江河  
道臣於正月十七日奏報招撫黃三收拔登隴橋匪巢摺內

陳明在案茲該司仰承

恩命補授浙江布政使

聖諭諳諳飭催督率所部馳赴左宗棠軍營以當一路其應需



整裝銀兩並荷

天恩體恤飭督臣勞崇光由東籌給蔣益澧固當聞

命星馳而戴盛寬營勇現經調歸該司統帶亦應催令隨同倍道起程稍紓

聖廬因念粵西久爲賊藪九年石逆入境賊燄益張經臣舊部楚勇與蔣益澧湘勇分投勦辦全局漸有轉機然各屬之伏莽尙多沿邊之逋寇不少雖或率眾投誠或望風斂跡而根株未絕覬覦時萌至於潯州爲三江重鎮自陳逆竄踞後各處土匪恃爲根基卽石逆在粵亦倚爲藩蔽上年湘楚兩軍由梧柳轉戰而前又益以督臣勞崇光所派水師併力進勦始獲克復城

池方冀乘此兵威水陸並進近而平南貴縣之餘匪易於搜剔  
遠而南甯之橫永梧州之容岑以及太平府屬各股積匪亦無  
難次第蕩平乃楚軍回柳截剿石逆隨至湖南水師亦因缺餉  
撤回東省祇蔣益澧一軍留駐潯州防剿兼資雖橫貴以次收  
復其情形正關緊要現在全軍撤動必須另撥兵勇馳往更戍  
庶免他虞而臣舊部楚軍於上年冬月派出七營交記名總兵  
鄭金華帶赴湖南會剿石逆其餘悉歸卽選道易元泰統帶進  
剿荔浦張高友股匪查張逆一股距省較近負固最久不於此  
時痛加剿洗勢必滋蔓難圖昨據易元泰稟我軍逼紮蓮塘賊  
情已蹙計將傾巢出竄而西南兩路可通潯柳深以兵力不敷

堵截爲虞適鄭金華率原撥楚勇自湖南回粵當飭由鹿寨前  
赴修仁以資堵剿亦冀迅除此股得移楚勇全軍與蔣益澧一  
軍合力遠征廓清全境今湘軍急需過發潯防又不可弛而現  
駐修荔之楚勇亦難分撥臣籌思再四焦灼正深商據藩司張  
凱嵩與蔣益澧議請就地增募新勇三千人遴員管帶赴潯換  
防臣以現在兵力兼顧爲難已飭該司等勉籌經費速爲增募  
惟是從新選練尙需時日乃調原駐柳州之志同軍千餘人令  
記名總兵蕭榮芳就近帶赴修仁而以鄭金華赴修助剿之六  
營楚勇改由鹿砦先赴潯州暫資鎮守俾蔣益澧湘勇得以迅  
速撤回其新勇選練成軍相繼進發該處足敷防剿自不致有

顧彼失此之虞矣第潯州距省約千餘里計鄭金華六營抵潯  
湘軍撤動約時必需兼旬且據蔣益澧稟稱各營撤回時尙須  
逐加整頓而東省奉撥整裝銀兩及舊欠該營協濟之款該司  
現定親往催領卽由東省取道湖南會合全軍督率前進庶免  
委解等候之煩此亦實在情形臣惟當飭催該司妥速料理不  
令稍滯師期也所有遵

旨飭催現在撥勇接替部署起程情形謹會同兩廣督臣勞崇

光恭摺由驛覆 奏伏乞

皇上聖鑒訓示謹 奏

潯貴伏莽蠢動現籌防勦疏

同治元年三月十七日

奏爲潯貴伏莽乘閒蠢動平樂軍情亦形喫緊現在籌辦防勦暨催湘軍赴浙各情恭摺仰祈  
聖鑒事竊陞任臬司蔣益澧奉

命簡授浙藩前奉

寄諭飭催統帶所部馳赴左宗棠軍營以當一路臣欽遵催令飛速料理並以粵西伏莽尙多根株未絕潯貴情形緊要湘軍調浙酌派總兵鄭金華先帶六營楚勇馳往換防一面將蔣益澧部署起程情形於二月十一日恭摺覆奏在案蔣益澧先於上年臘底輕騎回省其臬司遺缺欽奉

諭旨以蘇鳳文補授已於二月二十二日在省接印蔣益澧所部湘軍因赴浙緊急未候鄭金華楚軍到潯其前隊已陸續拔營進省前次貴縣覃塘首匪黃三經蔣益澧派員招撫率眾投誠約隨官軍恢復永淳以自贖乃蔣益澧回省後湘軍撤調楚軍未及其散黨乘閒蠢動句串登隴橋潰匪及大口扒之眾分竄來賓南泗及象州石隴潞江一帶並欲挾制黃三肆其猖獗鄭金華之勇原駐修仁因俟續撥之志同軍到防始拔營前進不免稍有稽遲前議增募新勇三千人雖據委員陸續挑募由臣遴派署右江道蔣澤春統率而新募之卒正在選練未能刻日進發臣接據潯貴文武稟報已派都司蔡其昌管帶藍底扒

船十一號督率水勇取道府江馳往協防一面飛催鄭金華督勇倍道前進會同該處文武團練妥籌防剿所有蔣益澧湘軍後隊因被潯貴士民堅留以待楚軍之至計期鄭金華早到卽可拔營來省臣現飭該司星夜整頓剋日起程以期仰紓

聖慮至副將戴盛寬營勇本係由新果勇內撥出一營令其帶赴左宗棠軍前聽候調遣嗣因蔣益澧奉

命援浙戴盛寬因病回籍尙未來營臣已將駐荔之果勇三營改歸湘軍赴浙助剿戴盛寬到時自可毋庸隨赴浙江現在荔浦張高友股匪迭據統領楚軍候選道易元泰稟報已督各營進紮青山剿辦正當喫緊其修仁會剿事宜已飭記名總兵蕭

榮芳督帶志同軍四營會商辦理惟恭城龍圍革生周永年聚眾潛通荔匪為該縣紳民所擒其弟周永興等恃所居搖山險峻遂糾土匪模糊三獠目馮文廣等四出焚擾蓮塘之賊恃為犄角亦遂分股竄擾馬嶺一帶我軍分投截剿多有斬獲該匪始敗竄回巢恭荔相距不遠誠恐兩地勾結互相應援則軍務定形牽制臣現添撥楚勇千人趕赴平郡相機進止俾資策應伏查潯州收復未久其地據梧郡上游實為通省饟源所繫蓮塘股匪切近省門尤為肘腋之患臣一俟蔣益澧起程赴浙即酌量平潯軍務緩急親督楚軍前往剿辦以期將士用命地方早就廓清仰副



聖主綏靖邊陲之至意所有現在籌辦防剿及飭催湘勇起程緣由謹先會同兩廣總督臣勞崇光恭摺由驛具奏伏乞皇上聖鑒訓示謹奏

卷之二

二

舉行鄉試疏

同治元年四月初十日

奏爲廣西本年壬戌 恩科及戊午科文武鄉試請 旨歸併  
展限兩月舉行恭摺仰祈

聖鑒事竊

臣

接准禮部咨咸豐十一年十月二十六日內閣

奉

上諭爲政以得人爲首務我朝

列聖御極建元均於三年大比之外特開鄉會兩科廣羅俊彥  
今朕纘承大統宜遵成式嘉惠士林著於同治元年舉行鄉試  
恩科二年舉行會試恩科用副朕作育賢才至意該部知道欽  
此又在禮部咨廣西戊午辛酉兩科鄉試該撫奏請展至明年

特開一科歸併辦理欽奉

諭旨允准在案明年舉行同治元年壬戌

恩科鄉試該省能否依限舉行考官赴省有無繞道之處請

旨飭令體察情形奏明辦理奉

旨依議欽此先後咨行前來臣查廣西上屆戊午辛酉兩科文

武鄉試因賊氛未靖奏明展緩於本年特開一科歸併舉行

嗣後欽奉

諭旨於本年舉行

恩科鄉試邊隅士子莫不同深感戴鼓舞奮興自應如期辦理  
惟平樂蓮塘股匪爲省門肘腋之患現在易元泰督軍進紮青

山勦辦喫緊潯貴伏莽因湘楚兩軍換防之際水陸頗形蠢動各屬士子齊團捍衛遠難輕去其鄉臣前於三月十七日奏報軍務摺內聲明俟蔣益澧赴浙後卽親赴平潯督軍勦辦現在部署擇日起程往返計須數月而藩司等隨時籌運糧餉軍火督辦團防諸務繁重若依期備辦科場殊覺不遑兼顧臣與該司等再四籌商惟有酌量變通請將場期展限兩月庶可從容辦理本年八月有閏雖展兩月尙不過遲據藩司張凱嵩臬司蘇鳳文會詳前來相應仰懇

天恩俯准將本年壬戌

恩科文闈鄉試展至九月初旬舉行武闈鄉試展至十一月初

金通性公全集卷三  
旬舉行並請將戊午一科歸併辦理以光

大典其辛酉一科擬請歸於下屆甲子科併辦用昭慎重所有  
考官自京來粵沿途安靖毋庸改道行走廣西積敝之區一切  
科場經費極形掣肘臣惟督同藩司損益舊章妥籌辦理謹會  
同兩廣總督臣勞崇光廣西學政臣張正椿恭摺由驛具奏  
伏乞

皇上聖鑒訓示謹奏

督軍赴潯剿賊疏

同治元年四月初十日

奏為湘軍由粵分起啟程浙江藩司赴東領餉臣督軍赴潯辦各日期恭摺仰祈

聖鑒事竊臣於三月十七日曾將粵西各屬調派防剿暨催湘軍起程情形由驛奏報在案嗣於三月二十八日承准議政王軍機大臣字寄同治元年三月初八日奉

上諭左宗棠奏調軍赴浙尚無確耗請飭催發給經費俾得遄速啟行等語據稱蔣益澧一軍積欠之饟非兩廣總督速為清給難以成行劉培元募勇經費非湖南巡撫速為發給亦難集事現在左宗棠援剿浙江軍情喫緊調遣需員必須蔣益澧劉

培元各帶所部趕到方可分投布置若因饟項缺乏不能前進將來耽延貽誤咎將誰屬著劉長佑卽飭蔣益澧趕緊拔隊前行其整裝銀兩及舊欠該營協濟之款著勞崇光迅爲籌辦俟該司到粵照數發給催令星速前進毋稍遲延將此由六百里各諭令知之欽此遵

旨寄信前來臣欽遵飭催蔣益澧督勇起程並咨兩廣督臣勞崇光籌備饟項去後茲據蔣益澧稟稱駐潯湘軍先後撤回省城業經粗爲整頓已於四月初一初五等日由粵拔營取道湖南以期迅速該司亦卽於初八日親赴廣東催領舊欠協饟及整裝銀兩等情臣諄飭該司兼程赴東一俟領取行糧卽速由



樂昌回湘督催所部湘勇剋期赴浙協助援剿以冀仰慰

聖懷伏念潯州新復驟減重兵人心不無搖動且黃三散黨勾結登隴橋潰匪及大口扒等之眾蔓延滋擾爲害地方臣因該府爲通省饑源所繫擬於蔣益澧起程赴浙後親督楚軍赴潯勦辦前於三月十七日奏報軍務摺內陳明在案現在鄭金華所部楚勇六營蔡其昌所帶戰船十一隻雖已先後到潯署右江道蔣澤春新募南勇六營亦已由省繼進約計水陸兵勇足資守禦第環潯各屬均有積匪聲勢聯絡聚合靡常百姓圖保身家多被逼脅自非厚集兵力固結團防戰守兼資勦撫並用地方難望肅清臣現新募親兵兩營加撥楚勇三營並酌帶

臣標弁兵百餘名定期本月十五日親督出省由平樂梧州赴  
潯相機勦辦現在桂林全境安謐省中巡防守衛事宜已飭在  
城司道團紳認真料理荔浦修仁軍務亦經諄飭易元秦蕭榮  
芳會商妥辦並由藩司張凱嵩就近督同辦理以速成功至  
督軍在潯距省一千餘里所需一切餼糈經費飭令該司會商  
軍需總局隨時籌解以資接濟臣署日行事件卽委該司代行  
代印其提督印務亦擬會商督臣遴員代辦臣得一意軍中籌  
辦勦撫事宜仰副

聖主綏靖邊陲至意所有遵催湘軍分起啟行蔣益澧赴東領  
餉及臣親督兵勇赴潯各日期謹先會同兩廣督臣勞崇光由

驛具奏伏乞

皇上聖鑒訓示謹奏



克復太平進擣隴羅疏

同治元年四月二十一日

奏爲調派官紳壯練克復太平府城現飭乘勝攻擣隴羅老巢  
恭摺仰祈

聖鑒事竊太平府城被逆匪吳凌雲等攻陷署府協劉作肅多

祿等死難

臣

前經咨行左江鎮道遴派官紳朱騰偉等等費募

勇攻克養利漢土各屬並同時收復村寨數百處

臣

以該處軍

威已振人心思奮飭催該官紳等乘機進取恢復太郡業於正

月十七日由驛

奏報在案該逆吳凌雲屯踞土忠州隴羅老

巢僞稱延陵王號襲陷太郡後在城內建造僞宮五鳳樓派逆

子吳亞終僞軍師謝幗貞僞元帥羅品洸等踞守自官紳攻復

養利各屬該逆知我軍必乘勝進取遂令羅品洸出駐壺關嚴  
爲守備署左江道吳德徵會商左江鎮王海清調派官紳同知  
銜候選知縣朱騰偉等分道圖取郡城上年九月朱騰偉帶領  
親軍五百名先往太屬查看進兵路徑時署太平府世忻亦由  
歸順前赴該處督同上龍紳士盧鈞燮等集練進紮歌波等墟  
連破壺關外逆柵五座賊恃金匱江羅等處援應閉關不戰欲  
老我師吳德徵得報以城逆藉馱樸九岸爲犄角對河金匱墟  
爲糧道隴羅江州爲聲援非分兵牽制斷其援助接濟進剿終  
難得手乃催調代理新甯州知州陳雲卿署上思州知州王雲  
昭及候選縣丞王毓龍會督兵練攻剿隴羅老巢代理永康州

知州蘇政祥同知銜候選吏目周平瑞州同銜陸良瑞分督勇  
練進剿馱樸九岸匪巢朱騰偉會同候選同知吳潤牲藍翎主  
簿張世顯及新甯各團紳練由南岸進剿江州羅白以取金匱  
並令約會太屬漢土兵練由北岸環攻郡城復派新甯州舉人  
候選知縣王榮冠等分赴各屬籌糧接濟陳雲卿奉委馳抵忠  
州會督該土官黃增榮等紮營東門墟王雲昭亦會營派撥外  
委林鎮國清安練總黃澤宏帶領兵勇二千餘人紮營西長地  
方與東門墟兵練遙爲聲勢截賊赴太要路維時蘇政祥督練  
進紮那隆墟周平瑞陸良瑞進紮伏廖岳侶等墟均離馱樸九  
岸不遠兩處逆黨因被我軍牽制日夕備防不能赴郡助守署

太平府世所駐營安平土司之崙澤村正在調集各團約期進  
勦適朱騰偉等督率壯練亦由渠舊兩翼並進勦撫兼施先後  
收復勞村等四十三村羅白土縣被脅各村亦紛紛聞風歸撫  
本年正月朱騰偉進勦江州屬之渠香村該處係通金匱要路  
逆子吳亞終等在城恐斷糧運派逆目陳六保等率眾前往拒  
敵壯目黃洽梁本成陣斬陳六保乘勢追殺斃賊數十名溺河  
死者無算小華等數十村均卽乞恩求撫練總黃澤宏先赴土  
思州會同土官黃政業將被陷地方次第收復旋分壯直抵逐  
卜會同安平上龍土官李秉圭趙汝燮局紳盧鈞燮等先後恢  
復盤馬等數十村直逼壺關黃澤宏又親督練丁由豬頭沙渡



河約會朱騰偉於二月十二日攻破金匱墟殺賊甚多探聞城  
逆驚惶紛紛逃遁朱騰偉督飭壯練紮筏渡河十三日卯刻世  
忻派撥官弁督同黃澤宏等攻打壺關僞元帥羅品洸受傷昇  
入內城黃澤宏率練乘之當將僞帥府焚燬南岸壯練乘勢渡  
河會合黃澤宏等之練四面圍攻逆子吳亞終僞軍師謝幗貞  
猶率悍賊登城環施槍礮張世顯督同各練冒險直前愈進愈  
逼暗然手礮擊中謝幗貞倒地城逆大亂黃澤宏與局紳農效  
忠王士林等帶練由西北兩門攻入朱騰偉吳潤牲等均各督  
練由南門攻入共斃逆匪數百名生擒數十名追逐落河死者  
無數在城起出黃緞繖蓋旗幟多件及僞印二十餘顆將僞宮

五鳳樓概行拆燬太郡城池卽於是日克復逆子吳亞終先率死黨負僞帥羅品洸由東門水竇乘亂下船逃遁我軍追至瀨湍河邊轟沈賊船兩隻溺賊多名餘賊逃入岳萌百淶賊巢由該道稟報前來臣伏查太郡地處極邊自被吳逆攻陷漢土各屬悉淪於賊攻勦幾難措手該鎮道等經臣迭次咨行遴派官紳朱騰偉等等費募勇分道進攻竟能勦撫兼施連復村寨數百處力拔堅城其不避艱險無閒初終洵屬不可多得第太郡城池雖復而隴羅老巢未經攻拔元惡吳凌雲尙稽授首其馱樸九岸等處亦未一律勦平距郡皆不甚遠現在軍威大振賊膽已寒臣已飛飭該道等激勵在事官紳壯練益加奮勉務期

掃穴擒渠一面將善後事宜妥速籌辦以靖邊圉所有此次在  
事出力官紳均屬著有微勞可否仰懇

天恩容臣查明擇尤彙請獎敘以示激勸出自

逾格鴻慈除將進剿逆巢情形另行奏報外合將官紳克復

太郡緣由謹會同兩廣總督臣勞崇光恭摺由驛具奏伏乞

皇上聖鑒訓示謹奏



到潯籌辦防勦疏

同治元年六月初四日

奏爲督軍抵潯遵旨籌辦防勦及沿途查辦軍情恭摺陳

仰祈

聖鑒事

臣

於四月初十日奏報浙江藩司蔣益澧湘軍由粵起

程摺內曾將親督兵勇赴潯勦辦日期聲明在案五月二十日

潯州營次承准議政王軍機大臣字寄同治元年四月二十六

日奉

旨另有旨同日欽奉

上諭劉長佑奏湘軍分起啟程浙江藩司蔣益澧赴粵東領餉

並親督軍赴潯一摺另片奏請捐輸各員請獎已明降諭旨將

伍紹棠等獎敘矣前因浙江軍情喫緊諭令劉長佑催飭蔣益  
澧一軍迅速赴浙茲據奏稱該藩司業經將湘軍粗爲整頓由  
粵拔營並親赴廣東催領協饜等語著劉長佑卽飭令該藩司  
於廣東領取行糧後迅速督催所部湘勇剋期赴浙並咨照勞  
崇光將該藩司行糧饜項寬爲籌備趕緊給發俾利遄征至潯  
州新復之後驟撤重兵誠恐人心不無搖動且尙有散匪蔓延  
滋擾自應妥爲勦辦一律肅清該撫擬親督兵勇由平樂梧州  
赴潯所籌甚合機宜前派之總兵鄭金華等現已先後到潯卽  
著劉長佑督飭各軍戰守兼施勦撫並用將潯州一帶伏莽廓  
清卽行回省綜理一切該撫素來辦事認真諒必不負委任也

再摺內所稱三月十七日摺報並未見到是否驛遞遺失因何  
遲延著一並查明具奏將此由五百里諭令知之欽此遵  
旨寄信前來等因欽奉之下仰見

睿慮周詳不遺遠邇並荷

綸言策勵感佩莫名竊

臣

原擬四月十八日由省起程旋因由

湖南新募親兵未能到齊所需行糧亦未籌備展至二十一日  
始獲成行二十三日舟次平樂接據副將戴盛寬稟報帶勇進  
至恭城紮營蓮花墟正在示期進剿龍圍逆首周昌秀率黨來  
營乞降惟模糊三周永興尙懷疑懼伏巢未動當派周昌秀等  
持諭招撫該逆面從心違經都司鄭連升誘而殺之其黨張友

生等百數十人畏罪潛逃竄至白馬寨及富川之粟田等處戴  
盛寬督隊追剿將要路截阻該逆仍竄回龍圍都司鄭連升把  
總黃政球等復將龍圍柵卡焚燬擒殺匪黨數十名餘匪潰散  
各村現飭恭城縣令劉兆觀督催附近團練嚴加搜捕以靖地  
方查模糊三卽譚吉亮句通已殺土匪周永年之父周昌秀其  
弟周永興聲言復仇集眾千餘人與蓮塘張逆互爲犄角所幸  
發速禍淺剿撫並用不至蔓擾地方恭城民人同爲稱快二十  
六日又據候選道易元泰稟報蓮塘股匪前次分擾馬嶺灘頭  
等處曾經派隊會督團練分投截剿斬擒頗多救回難民百餘  
人奪獲牛豬米鹽等物該匪自是不敢復越荔江我軍乘勢進



紮七里坪連日接仗獲勝踏平賊壘數座又攻破三窖木城奪  
獲槍礮旗幟器械多件現在移營逼紮修仁環攻桂嶺賊巢其  
副將蕭榮芳一軍由修仁三排轉戰而前現亦紮進石牆該匪  
屢次往撲營壘均經該將督勇擊走惟蓮塘周圍二十餘里環  
立寨柵險固異常其西南一面地接搖山該搖人久被張逆煽  
惑暗通接濟現擬設法招撫使搖人向化則張逆更易剿除等  
語臣於二十八日帶親兵百餘人由平樂親赴易元泰軍中察  
勘蓮塘地勢面授機宜並傳集各營將弁逐加賞勞越宿回平  
察勘永安昭平一路現尙無兵堵禦誠恐該匪被勦狂竄阻隔  
府江因調署平樂副將陳培桂帶勇數百於永昭界上擇要駐

欽定四庫全書  
卷之三  
禁並飭署昭平知縣王政令督練助堵此平樂各屬防剿之大  
概情形也先是平梧交界木格地方有匪首蘇沅章等嘯集數  
百人欲阻河道經署梧州府趙元模督同州判蔣上治游擊利  
輝水陸兵勇奮力擊退府江上下安謐如常臣經過該處查知  
蘇逆尙踞大岸仍令蔣上治留勇駐防並候撥兵相機會剿至  
蒼梧所屬大坡等村與岑藤兩縣及廣東西甯縣境毗連有股  
匪莫石戍張華沈等率黨三千餘人攻破村堡十餘處適署右  
江道蔣澤春督軍過梧商留南勇兩營帶同團練於四月二十  
七日由戎墟進剿殲匪百餘名該匪回竄大坡時南勇以潯事  
緊急旋即調去臣仍飭代辦梧州副將劉松芳帶兵堵禦一面

札調戴盛寬於龍圍事竣後移營赴梧會同進剿以杜蔓延初十日由梧泝流而西濱江各處民皆復業團練尙屬齊整惟藤縣金雞自良股匪出沒無常疊經代理知縣陳延齡督集團練會同游擊胡益志都司何元鳳外委梁元等水陸兵勇悉力防剿該匪勢漸斂戢此梧州郡屬防剿各匪之大概情形也潯州之匪惟黃三一股最多而悍上年就撫後仍踞覃塘老巢自蔣益澧回省接任旋即奉調撤兵赴浙該逆雖未出巢而其黨梁大口扒羅華觀等各率眾數千分出擄劫勢甚披猖總兵鄭金華先抵潯郡分營駐紮官橋扼賊來路四月十六日出隊迎剿擒斬髮匪二三百名軍威頗振詎大口扒陳朝光等糾聚土匪

裏脅村團至數萬眾之多聲稱欲攻潯州時蔣澤春一軍尙在  
中途鄭金華因兵力過單米糧無出調營回守郡城該逆黨旋  
赴距城三里之鳳凰山下燒燬民屋築壘二座郡城內外人心  
驚惶五月初一日五鼓鄭金華督同副將李士恩等選隊出戰  
賊不及防當將兩壘踏平賊退八九里仍於嶺頭村紮營十餘  
座初六日蔣澤春帶南勇抵潯初十日會同鄭金華分三路出  
隊未甚得手臣得報兼程前進於十八日辰刻始抵潯州查看  
郡城三面臨水一面近山當派水師防守南北兩江以通糧道  
並酌撥各營兵勇登城防守遴委官紳分段稽查十九日督同  
蔣澤春鄭金華兩軍紮營鳳凰山洋江橋一帶並卽出示解散

脅從士氣民心頗形鼓舞二十四五兩日親督各軍分道攻剿更番迭戰傷斃賊黨二三百名賊鋒已挫日來伏巢不出計在糾集橫永岑容各匪分出牽制昨據探報有匪首蒙富率眾數千人竄踞南岸下灣墟距郡城五十里經臣督飭候補直隸州知州董寶書帶同良勇貴勇新字營水勇及附近團練擊走之此潯州先後防剿之大概情形也伏查潯屬各匪向來分踞南北江岸劫掠爲生上年水陸兵勇分道並進克復潯城該匪等均各退伏村寨視黃三之動靜爲進止而黃三自知罪大禍極未能遽離巢穴總令該黨乘閒出擾亦欲視各匪之勝負以定從違現在兩江上游均爲匪阻並聞黃三尙在小河打造扒船

意  
在  
乘  
漲  
下  
竄  
絕  
我  
糧  
運  
臣  
一  
面  
親  
督  
各  
軍  
務  
將  
嶺  
頭  
村  
匪  
巢  
剋  
日  
勦  
平  
一  
面  
分  
營  
會  
同  
團  
練  
由  
濛  
墟  
石  
龍  
相  
機  
夾  
擊  
俟  
桂  
平  
全  
境  
無  
賊  
卽  
當  
督  
催  
蔣  
澤  
春  
鄭  
金  
華  
兩  
軍  
次  
第  
勦  
辦  
務  
絕  
根  
株  
惟  
饑  
糈  
萬  
分  
支  
絀  
軍  
中  
口  
食  
不  
敷  
雖  
經  
飭  
催  
省  
局  
速  
籌  
解  
濟  
仍  
望  
廣  
東  
湖  
南  
兩  
省  
查  
照  
部  
撥  
協  
饒  
酌  
量  
撥  
解  
庶  
兵  
食  
兼  
足  
防  
勦  
不  
致  
曠  
持  
臣  
受

恩深重不敢畏難惟有謹遵

聖訓認真辦理以冀肅清疆圉仰慰

慈廑所有督軍抵潯籌辦防勦及沿途各屬軍情理合恭摺具  
奏再三月十七日拜發摺報因何遲延之處謹俟查明覆奏

合併聲明伏乞  
皇上聖鑒謹奏

皇清宣統元年





潯梧勦匪獲勝疏

同治元年七月初十日

奏爲督軍勦辦潯匪疊獲勝仗及平梧各路勦撫情形恭摺仰祈

聖鑒事竊臣於六月初四日曾將督軍抵潯日期及鄭金華蔣澤春兩軍築營進勦情形由驛奏報在案伏查該逆大口扒卽梁贊周倉康卽周康等自我軍紮出洋江橋後均有退志詎黃三與黃聯義由貴縣派來黨眾數千約會各逆於初三日分路出撲官軍營盤鄭金華蔣澤春督隊迎擊該逆復從鳳凰山頂擁出千餘人計圖鈔襲適督親軍出城策應山頂之賊轉旗西向合攻蔣澤春前路三營管帶恩勇都司何元鳳管帶南

勇從九黃趾麟把總張俊邦依濠列陣擊斃逆黨甚多猶復冒死不退臣當派副將鄭長希縣丞李道本等各率勇從旁截擊逆黨死傷益眾始奔竄回巢臣以該逆既經痛剿技窮計絀亟應乘勢進攻初六日卯刻蔣澤春一軍從右路進鄭金華一軍從中左兩路進臣督左右翼親兵與馬隊繼之各勇撲近賊巢槍礮環施逆黨大亂洶洶欲潰適村中出賊十數騎飛奔入營趣眾出戰我軍佯退數十武復併力撲出刺斃逆黨二百餘名並殲斃逆目黎大雲甘兒孫二名餘悉退伏巢內我軍圍攻直至申正忽大雨如注乃撤隊回營初八十二兩日各營出隊攻勦賊惟憑柵放槍不敢離巢一步鄭金華等以圍攻寨柵多傷

精銳請於營前開鑿長濠以便分營襲賊後路適久雨盛漲至十九日長濠工竣遂派副將李士恩率楚勇兩營由北路繞襲平田沿途團練隨從前進當將平田賊營圍住擒斬逆黨數名午後風雨交作不能進攻乃駐軍麻風坳以扼之該逆恐平田不守將由嶺頭鋪分股往援鄭金華偵知其情督同各勇數路並出該逆悉眾列陣柵前對施槍礮副將李正植把總張俊邦縣丞李光舒訓導鄧在鏞等率勇猛撲傷斃逆黨無數至二更後始各收隊先是有逆目蒙富等帶匪千餘人竄踞南岸下灣地方經臣遊派候補直隸州知州董寶書督新募良勇貴勇兩營及官江團練馳往堵剿該逆望風先遁被各勇追殺十餘名

嗣聞黃三造有戰船陸續山東津將合蒙富股匪水陸並進謀危郡城當派刑部主事梁炳漢都司蔡其昌督帶大小扒船二十餘號進泊官江用鐵練橫流攔截並飭董寶書所部兩營與蔣澤春撥去南勇一營分紮西南兩岸互爲應援匪艇由是不敢下竄三十日嶺嶺鋪之賊在河岸修築礮臺蔣澤春會同鄭金華選銳出擊並令都司周開泰帶三板礮船數隻從旁轟之該逆傾巢來拒均經各勇擊退斃賊數十人我勇亦閒有傷亡七月初一日副將戴盛寬因龍圍事竣奉調帶勇來潯臣以嶺頭鋪賊情旣蹙飭令前赴麻風坳會同李士恩相機進紮冀收夾擊之功旋據稟報該營於初四日由麻風坳紮至磨甸山

口逆黨冒雨馳來窺營勢殊猖獗戴盛寬等急率各勇從營後分頭鈔出殺斃賊五六十名比因營壘粗就未敢窮追初六日李士恩戴盛寬各督營勇進攻賊巢該逆列隊溪畔冒死抵禦游擊夏永寬都司李興發千總黃建勳等躍馬過溪直陷賊陣各勇鼓譟從之當將平田古城賊營四座概行踏燬並攻破各村賊館十餘處約殺賊三四百名生擒一百餘名奪獲旗幟槍礮馬匹甚多並救出難民男婦三百餘口餘匪半逃貴縣半回嶺頭各團練原陷賊中者同時舉旗截殺復斃賊數十名是日鄭金華等亦於卯刻出隊至嶺頭更番搦戰該逆甫前仍卻意在往救平田各巢比至未正鄭金華因雨撤隊平田各巢已破

羣賊因之喪膽臣當飭鄭金華蔣澤春等各選奮勇乘夜往撲嶺頭各集三更後各營奮勇銜枚前進潛伏柵前一聞號令紛擲火器賊營十四座同時火起逆黨紛紛混逃鄭金華督催大隊追至離營四十里之羅容山天色將曙該逆猶欲據險轉鬪參將陳本熾何流恕游擊胡時鵬等率馬隊親兵從山後鈔出殺斃悍賊數名該逆退至獨流江爭渡落水淹斃無算時大雨不止乃整隊而還約計擒斬逆黨四五百名奪獲大小槍礮百餘件馬十數匹餘匪悉向貴縣逃去臣現飭鄭金華蔣澤春整頓各營剋日分途進剿並派候選道張榮組整飭團練遏賊窟逃自茲民心益固士氣益奮此股餘孽當不難次第驅除至荔

浦張高友股匪自候選道易元泰督軍進逼蓮塘該逆每從閒道分股出擾前竄永福寨沙之匪經易元泰會同副將蕭榮芳各撥營勇擊敗回巢擒斬不少頃據易元泰稟報該匪復分千餘人由馬嶺竄出陽朔肆行劫掠臣已嚴飭該道撥勇截剿去後旋據布政使張凱嵩稟亦已於附近各團催調得力壯練防剿兼施該司饒有識略必能就近督辦不致蔓擾也又蒼梧大坡山股匪經梧州府督飭鹽提舉蔣上治管帶道勇會同代辦梧州協劉松芳於六月初十日攻破寨柵數處殺賊頗多餘匪竄回廣平老巢蒼梧地方現就安謐又藤縣金雞艇匪久爲民患前據蔣澤春請委都司何元鳳會同代理藤縣陳延齡前往

招撫現均薙髮繳械並挑留精壯三百人在該首民嚴金等帶隨潯州官軍立功自贖用廣

皇仁伏念臣督軍駐潯將近兩月雖疊獲勝仗盡破賊巢而小醜未除實深慚悚惟有勉竭鶩懦迅掃殘氛以期仰慰

聖慮所有此次各軍將弁勇練冒暑鏖戰勤苦異常可否由臣查記勞績事竣彙案酌保之處出自

天恩至楚勇哨長都司何本勝擬保游擊拔補都司劉安清守備尹善保均在潯州嶺頭鋪打仗陣亡管帶楚勇參將唐榮全參將曹光文都司銜守備陳希琛均在荔浦修仁打仗陣亡又五品銜候選通判蔣和玉咸豐十一年十月在融縣堵剿石逆



打仗陣亡該各員弁隨征日久歷著勤勞先後力戰捐軀深堪  
憫惜應懇

恩准飭部從優議卹以慰忠魂理合恭摺具 奏伏乞

皇上聖鑒謹 奏



請催廣東湖南協餉片

同治元年七月初十日

再廣西用兵最久籌餉較難早在

聖明洞鑒之中今年蔣益澧一軍奉調赴浙在省索補欠餉臣以浙省待援甚急當飭司局極力搜括除提取各色部照庫收捐抵外實措補現銀三萬八千兩廣西軍餉祇恃每月釐金二三萬兩因湊撥此項遂致在粵各軍應給口糧不免懸閣加以新募營勇月餉逾萬益覺難於支持查湖南奉撥協餉銀每月二萬兩合計欠解銀四十餘萬兩廣東奉撥協餉銀每月三萬兩合計欠解銀八十餘萬兩屢次咨催守催撥解甚屬寥寥在湖南廣東挹注頻勞勢原難於徧給而廣西軍務未竣若非鄰

省協濟深恐致廢前功臣與司道計窮思極惟有仰懇  
天恩飭催廣東湖南兩省於奉撥廣西協餼按月酌量籌解俾  
濟當前之急冀收未竟之功出自

皇上逾格

鴻慈謹附片 奏懇伏乞

聖鑒訓示謹 奏

收復陽朔疏

同治元年八月初三日

奏爲官軍收復陽朔應將防範不力知縣撤任查辦及潯州各軍近日進剿各情形恭摺仰祈

聖鑒事竊荔浦張高友股匪經候選道易元泰督軍進逼蓮塘復分股由馬嶺竄出陽朔臣於七月初十日奏報剿辦潯匪獲勝摺內陳明在案旋據署陽朔縣忠慶稟報六月十七日探悉張逆分股擾及高田比卽督團前往堵禦十八日辰刻忽有匪黨假充營勇闖入縣城請速撥兵援剿等語查該匪竄踞陽朔意圖攔截省城河道牽制我軍不得併攻蓮塘當飛飭藩司張凱嵩調集附近營勇團丁分投扼要堵剿並飭易元泰派撥

兵勇約會夾擊至七月二十日接據張凱嵩稟稱該匪在縣城外修築牆柵並紮筏搭橋計謀久踞節經移行留粵補用副將陳友勝在籍候選道唐啟蔭候補守備盧爵迅督水陸勇練剋日進攻並約同易元泰與平樂府知府方炳奎派來兵勇一體兜剿初五至初七等日各軍分路攻剿連獲勝仗傷斃匪黨頗多初九日該匪率眾往攻鷓鴣巖村寨陳友勝唐啟蔭等由白沙督隊截擊易元泰派候補將潘忠實率武生于允中軍功李雲梯等各勇由穿巖矮山馳來會剿匪眾敗退回城時陽朔縣忠慶督同團紳千總楊國庸等帶領練丁由古座塘進攻盧爵及把總黃政球等各率兵勇由河邊進攻該匪復出城拒敵

陳友勝潘忠實會督各勇擊斃悍賊多名餘悉縮退至酉刻我  
 軍圍攻益急賊勢難支卽開西城逃走各勇跟踪追剿至高田  
 一帶擒斬二百餘名奪獲槍礮器械無算查此次匪黨闖入陽  
 朔縣城經藩司張凱嵩募勇調團會督易元泰方炳奎等剋期  
 收復尙屬奮勉所有出力官紳弁兵容俟查明彙案酌保惟該  
 縣忠慶先事未能防範咎無可辭臣現飭張凱嵩將忠慶先行  
 撤任並會同按察使蘇鳳文查明如何失守實在情形再行詳  
 辦至潯屬股匪經官軍分路追剿盡數竄回貴縣分踞登隴橋  
 及覃塘龍山各老巢現派鄭金華蔣澤春各軍由石龍鎮龍進  
 紮貴縣大墟地方所有沿途村寨被脅民人業經解散歸團惟

附近大墟數里之龍安巖嶺尾村羅松等處尙有土匪負固不服足爲官軍後路之虞頃據鄭金華稟嶺尾羅松土匪已經副將李士恩候補直隸州知州董寶書分別剿撫其龍安一股經副將戴盛寬督同千總雷克先等出隊攻擊因巖寨險固尙須各軍齊集設法圍攻俟剿平此股庶可一意進規貴縣直擣覃塘龍山各巢又探得匪艇數十號退泊貴縣上游鯉魚港港流數十里徑通覃塘現派刑部主事梁炳漢都司蔡其昌等帶領扒船進泊東津一面約會陸軍相機進剿務期迅速蕩平紓聖主眷念邊疆之至意所有收復陽朔及進剿貴縣各情由謹會同兩廣督臣勞崇光恭摺由驛具奏伏乞



皇上聖鑒謹奏



潯州平樂勦撫情形疏

同治元年閏八月初十日

奏爲潯州平樂各軍勦撫情形恭摺具 奏仰祈

聖鑒事竊臣於八月初三日曾將收復陽朔縣城及潯州官軍

進剿情形由驛 奏報在案查潯州餘匪敗回貴縣仍各踞老

巢互爲犄角圖拒官軍而龍安巖地尤險固又爲官軍進取貴

縣必由之路其距巖匪首黃狗兒卽黃開志林單眼卽林漢朝

各擁眾數百人素與黃三同惡署右江道蔣澤春總兵鄭金華

先後督軍進紮大墟該匪屢次出撲均經各勇擊退入巖旋有

長髮數人奔赴鄭金華營前陳請投誠臣慮攻堅需時有稽進

取飭鄭金華姑允所請八月初六日副將李士恩移營巖前黃

開志卽率其黨雍髮出巖正在點驗安插適黃三派登隴橋及水寨匪黨二千餘人由東山來援原萊東華之良勇以眾寡不敵退至武樂墟林漢朝卽懷觀望託病不出時武樂墟請兵甚急因飭鄭金華派副將鄭長希等帶楚勇四營馳往堵剿蔣澤春戴盛寬亦各派隊助之該匪望風而退仍回水寨登隴橋我軍以林漢朝尙踞龍巖距巖十數里水寨東山均有股匪負固未便移營跟剿次日蔣澤春等商派隊伍往攻龍巖並令黃開志率降眾爲鄉導詎林漢朝猶復憑險抗拒槍礮齊施矢石雨下傷我前隊多人戴盛寬等仍率勁勇冒險逼攻歷一晝夜破其木柵數道奪取大礮二尊殲其悍賊數十名該匪死拒石闌

自知勢孤援絕仍密託黃開志代懇投誠臣接據鄭金華等稟報當以該匪狡猾異常令其就計殺之旋據蔣澤春戴盛寬與幫辦營務候選知縣胡希瑗等往復稟商現在各起土匪震懾兵威咸思就撫不若暫緩林逆一死藉釋羣疑俟其出巖尙可察看情偽徐爲處置臣查所議尙合機宜准將林漢朝股匪一體招安卽飭各營進圖水寨東山頃報我軍於初二初三兩日進紮雙鳳橋逢嶺村鄭金華令林漢朝往諭水寨東山各匪均願薙髮歸團臣仍飭蔣澤春等分別勦撫並令署潯州府覃遠璉於大軍後路整頓團防以便一意進取貴縣直擣覃塘至南岸桐心姚新昌股匪與容縣范逆亞音平南大坡覃逆亞稅同

惡相濟久爲桂平平南及鬱林各屬之患今年六月內乘勢出  
擾匪目李彩隆等相率附從勢殊猖獗白石團舉人黃獻錦等  
赴營請兵當飭署桂平縣張增祥帶府縣練丁百餘名並派參  
將陳本熾遊擊胡時鵬都司朱長發帶親兵三百餘名於八月  
初二日前往剿辦李彩隆原踞石馬大沖兩村因兵練到後日  
夜圍攻復向姚新昌處邀來悍賊千餘人於村外嶺頭分築營  
壘力圖抗拒臣得報復派縣丞李光舒訓導鄧在鏞帶親兵四  
百餘名會同張增祥及黃獻錦等各練亦於石馬村前逼紮五  
營疊次出隊攻剿該匪近依寨柵開礮抵禦互有損傷至八月  
十七日該匪繞赴上鳩村旁依山築營欲撓官兵後路李光舒

陳本熾等會督兵練悉力擊退斃賊三四十名隨即派撥親兵築營山上自是我軍聲威更壯該匪接濟漸多阻塞遂於十八日悉眾出巢列陣左右山上志在死鬪張增祥鄧在鏞朱長發等督隊分投迎敵鏖戰逾時該匪甫卻復前適臣添派參將何流恕守備鄧善槐帶馬步親兵二百餘人馳至併力衝擊該匪紛紛敗退回巢旋據探報該匪節節痛斫心膽已寒本日姚逆偽將軍覃八身受重傷其黨死傷百餘人現在皆有退志等語次日我軍乘勢攻撲匪果堅伏不出惟見石馬大沖各村環豎白旗聲稱就撫歸團李光舒等恐其計在緩兵環攻益急匪眾堅伏如初至酉刻收隊李彩隆之叔隻身奔來持稟哀求細察

情詞甚爲迫切始給諭回村至三十夜姚逆派來匪黨乘柵他遁李彩隆等卽於次早親赴軍前伏地請罪張增祥鄧在鏞當卽剴切開諭並商派朱長發等人村查看無不感激再生其附近之上下盧兩村久爲匪踞亦同時退去都合木根等處皆聞風向化稟請歸團已飭令張增祥督同團紳將善後事宜熟籌妥辦並酌留練勇以資彈壓如能被脅各村次第招撫將來撥兵進剿姚逆規取容縣當易奏效又探得潯州敗匪有分股駕艇上竄橫州之信臣現在整頓水師並由廣東添製大扒船數隻概交原帶梧江三板巡船廣東水師營參將利輝統帶以資熟手一俟陸師進屯貴縣卽飭令泝流而上相機剿辦以冀



肅清南江其北江上游尙有零匪設卡打單商旅往來多有不便亦經酌撥扒船委員帶往會同武宣官紳集團剿捕現已略有端緒此潯州各軍近日剿撫之實在情形也蓮塘張高友分股自陽朔敗退後竄踞荔浦大地及龍村玉敏鐵爐公賴等處計在阻絕軍糧牽制兵力藩司張凱嵩移催副將陳友勝帶勇千人由鐵帽嶺一路進剿截賊回竄陽朔之路並飭平樂府方炳奎商同署平樂協陳培桂督勇千人由水西山口進剿截賊出擾平樂之路候選道易元泰派參將潘忠實都司胡定高把總李雲梯楊子吉等各率營勇由大沖大嶺上下車公正祠等處前來會剿並扼賊歸蓮塘之路疊據稟報該匪因各軍並進

復由閒道擾及陽朔之安定堡經陳友勝率勇擊退斃賊多名  
隨即進扼布猷寨陳培桂督催都司黃新春把總黃政球等之  
勇與易元泰所派各營約會夾擊先破王敏張家寨繼克鐵鑪  
公賴等村前後多所斬獲該匪悉歸大地龍村兩巢八月十四  
至二十四五等日各軍逼紮圍攻該匪伏巢不動二十六夜初  
更陳培桂派把總陳廷暄黃政球等各率奮勇會同易元泰所  
派楚勇陳友勝所帶南勇前往攻勦移時大地村內火起匪眾  
開闢走向龍村各勇追至復於龍村焚燬擒斬百數十人奪獲  
器械不少餘匪翻山奔赴連嶺又據副將蕭榮芳稟由石牆督  
軍轉戰而前現抵修仁老關門俟將前路賊巢攻破始能會合

楚軍各等語臣已飛飭各軍分投跟剿並令易元泰與副將蕭榮芳激勵兵勇及時會攻蓮塘此平樂各軍剿辦荔匪之實在情形也伏念平潯軍務均關緊要臣責無旁諉固不敢顧一隅而忘全局亦不敢虧一篑而廢前功昨准湖南巡撫臣毛鴻賓來咨已臣奏派前署貴州巡撫臣江忠義督軍赴粵援剿如能剋日成行先辦荔匪庶兵力不虞牽制卽全境可望廓清也所有潯州平樂各軍近日剿撫情形謹會同兩廣總督臣勞崇光恭摺具奏伏乞

皇上聖鑒謹奏

Table with 10 columns and 1 row. The table is mostly empty, with some faint markings in the rightmost column.

--	--	--	--	--	--	--	--	--	--

請飭江忠義來粵西片

同治元年閏八月初十日

再閏八月初四日前摺繕就承准議政王軍機大臣字寄同治元年七月二十八日奉

上諭毛鴻賓奏粵黔賊勢日張調派兵勇出境援剿一摺粵西潯州等處之賊自蔣益澧移軍赴浙後又復煽動恭城荔浦等匪黨從而生心勢將復熾曾經諭令劉長佑認真剿辦據該撫奏到督軍抵潯業將恭城逆匪譚吉亮誘殺破燬龍圍蓮塘進攻桂嶺梧賊蘇沅章等勢漸斂戢惟黃三逆黨分投出竄復經諭令劉長佑簡率平桂等處兵勇將分竄各股匪督飭蔣澤春鄭金華等軍奮力攻剿矣茲據毛鴻賓奏粵逆張高友久踞

蓮塘官軍疊勦未甚得手並分黨數千竄出陽朔恐劉長佑督軍赴潯後路饑運爲賊斷絕全州灌陽又復時有土匪竊發擬令江忠義率所部入粵掃蕩陽朔平樂各匪俾劉長佑得專力潯州所籌甚合機宜且能顧全大局於鄰省毫無畛域之見惟江忠義昨已寄諭毛鴻賓飭令赴黔署理提督篆務自難復令赴粵著毛鴻賓卽飭江忠義迅速前赴貴州提督署任粵省軍情緊要毛鴻賓所籌越境助勦之處極中窾要如湖南在籍臬司陳士杰記名道趙煥聯等均可酌量就近派往卽著妥爲籌畫並著劉長佑仍督粵軍與楚省官軍聯絡籌商將陽朔恭城梧潯等匪分合攻勦易元泰等與蓮塘之賊相持已久究竟是

否得力務須實力稽查責其成功毋任玩延欽此同日又准議政王軍機大臣字寄同治元年八月初三日奉

上諭劉長佑奏督軍勦辦潯匪疊獲勝仗及平梧各路勦撫情形一摺據稱逆匪黃三等援應潯城分撲官軍營盤鄭金華蔣澤春督隊迎擊斃賊甚多適副將戴盛寬帶勇到潯該撫令赴麻風坳會同李士恩進勦踏毀賊營四座攻破各村賊館十餘處鄭金華等亦攻破平田嶺頭各賊巢該逆退至獨流江向貴縣逃去本日已明降諭旨將官弁練勇勞績存記事竣彙保並將陣亡之都司何本勝等從優議卹矣劉長佑到潯兩月疊獲勝仗屢破賊巢惟匪首大口扒及黃三等均未就擒仍恐句結

爲患著卽督飭鄭金華等分帶兵練勉日進剿將貴縣等處竄  
匪一律削平無任一名漏網至所稱荔浦張高友股匪及前竄  
永福寨沙之匪經道員易元泰等擒斬不少該匪復分千餘人  
由馬嶺竄出陽朔肆行劫掠劉長佑已飭該道撥勇截剿藩司  
張凱嵩亦調團防勦等語蓮塘踞匪旣經責成易元泰等勦辦  
何以任令分股竄擾著卽嚴飭該道等就地殲除勿任再事延  
蔓蒼梧匪竄廣平並著劉松芳等實力勦除毋留餘孽前據毛  
鴻賓奏派兵越境援勦已令將陳士杰趙煥聯等酌量派往著  
劉長佑卽行催提俟楚軍到後會合勦辦務將蓮塘等處踞匪  
次第削平以副委任藤縣金雞艇匪據稱已派委員弁前往招



撫隨營立功著飭該帶兵官嚴加管束隨時察看以期得力另片奏請催廣東湖南協餉本日已寄諭勞崇光等迅速報解矣將此由六百里諭令知之欽此遵

旨寄信前來各等因欽奉之下仰見

聖慮周詳無任感佩伏查荔浦張高友股匪自五年竄踞蓮塘其巢穴險固路徑叢雜連年派兵剿辦訖未成功今年四月

臣

督軍赴潯道經平樂親至易元泰軍中察看情形該各營均已紮近蓮塘賊勢漸覺斂戢惟接連修仁永安兩面多係搖山向爲該匪往來接濟之路已札飭副將蕭榮芳由寨沙一路步步進紮剿撫兼施並派平樂協陳培桂帶勇數百名由新墟一路

擇要堵剿時恭城土匪經副將戴盛寬帶勇剿辦將次蕺事而  
潯州軍情較爲喫重臣遂一意南下嗣據稟報張逆分股竄出  
鹿寨復竄陷陽朔縣城實出意料之外臣曾嚴飭易元泰速撥  
營勇會同各路勇練將該匪先後擊退入巢均經奏報在案  
至易元泰進軍荔浦久與賊持復任其分出滋擾咎實難辭臣  
屢欲改派統領未得其人緣駐荔一軍臣舊部楚勇現祇五營  
其餘皆係新撫之眾現值勦賊喫緊驟易生手撫馭頗難茲欽  
奉諭令實力稽查遵當嚴切申飭責以成功仍一面慎選幹  
員或接統全軍或幫同督帶以期得力易元泰如再不知感奮  
稍涉玩延惟有據實奏參斷不敢稍爲徇隱也第蓮塘之賊

掠獲既多防守必密非添調得力兵勇恐難破其巢穴更難保其不復滋擾地方前准湖南撫臣毛鴻賓咨以勑匪分出滋擾有礙廣西全局 奏派前署貴州撫臣江忠義率所部來粵援勦在毛鴻賓素顧大局固深悉粵西兵力動多牽掣不憚移師遠涉裹糧赴援又以江忠義與臣共事最久所部前在粵西甚爲得力如蒙

恩準必能迅速收功臣當經備咨迎催並專差齎商推進止該署撫以義不容辭許以來粵助勦各軍聞之跂盼良殷臣並擬俟楚師入粵即將易元泰所部咨歸江忠義節制以資整頓而一事權茲欽奉

諭令江忠義赴黔署理提篆陳士杰趙煥聯酌量派往援剿臣  
遵卽備文馳往催提並飛飭易元泰各軍俟楚師到後卽會合  
勦辦去後因念陳士杰已告終養必不肯越境赴援趙煥聯現  
駐省城總理各路營務亦未必能剋期來粵而現在荔匪均已  
退回蓮塘似宜及時悉力會勦較易得手臣再四籌維合無籲  
懇

天恩飭令江忠義暫緩赴黔仍來粵西總統諸軍督勦各匪出  
白

逾格鴻慈江忠義所部各營近在寶靖必能剋期入粵計日收  
功臣仍一意督催蔣澤春等各軍迅速進勦俟貴縣餘孽一律

削平卽速回省就近督軍會剿各匪以仰慰

聖主軫念邊陲之至意再竄踞廣平股匪經署梧州協劉松芳  
與候選州判蔣上治合兵追剿尙屬得手嗣因廣東封建等處  
土匪滋事蒼梧實爲近鄰調蔣上治帶勇前往防堵現在封川  
事已平息當飭梧州府趙元模仍催蔣上治前赴廣平會剿務  
期盡掃殘氛其藤縣金雞就撫之眾業經派隨蔣澤春軍營尙  
聽約束謹會同兩廣總督臣勞崇光附摺具奏伏乞  
聖鑒訓示謹奏



連破貴縣賊巢疏

同治元年九月初五日

奏爲潯州官軍連破貴縣賊巢楚軍前隊由陽朔合兵進剿荔  
匪各情形恭摺仰祈

聖鑒事竊

臣

於閏八月初十日曾將潯州平樂兩路軍情由驛

奏報在案查自大墟至貴縣城約五十里沿途數十村寨聲言  
就撫其實皆閉閘固守並未雍髮署右江道蔣澤春升用副將  
敷盛寬進軍雙鳳橋始將附近之大樂中樂新祥白鶴等村分  
別勦撫記名總兵現署潯州協鄭金華由逢嶺進軍東博亦將  
附近之東華東山土寨等村次第招安惟離貴縣十餘里旺嶺  
水寨棉村江口等村地險黨眾實爲積年賊藪蔣澤春與營務

處候選知縣胡希瑗正在辦理招撫黃三恐失屏蔽由登隴橋  
分黨助守各村十四日蔣澤春與戴盛寬各率勇進攻旺嶺該  
匪出村迎敵當被我軍槍斃數名餘悉退伏村中憑牆開礮各  
勇圍攻逾時登隴橋復擁出大股來援鏖戰良久匪始退去是  
日鄭金華一軍在東博港架搭浮橋尙未進剿蔣澤春等分顧  
各路力難專攻旺嶺該匪遂於嶺後加築大壘一座至十六日  
鄭金華紮過東博港署參將利輝督同主事梁炳漢都司蔡其  
昌各師船亦泊東博港口臣以各村未平有礙我軍進取飭催  
蔣澤春與戴盛寬專攻旺嶺鄭金華與利輝專攻水寨旋據稟  
報十八日蔣澤春派守備傅義祿千總張邦俊帶勇進攻旺嶺



中左兩路派都司何元鳳守備翁  
匪戴盛寬派都司李興發遊擊彭  
賊壘該道等仍各自率親兵分途  
壘紛施火器斃匪甚多餘眾潰出  
十名時傅義祿率健勇亦將中路  
擒斬約百餘名追至沙江橋奪獲  
十餘名搜獲偽印數顆棉村匪黨  
團同日鄭金華派副將鄭長希遊  
春派出之從九黃趾麟千總雷克  
背參將李昌連游擊鄧在倫都司

與梁炳漢蔡其昌水師會攻江口東興兩村該總兵與副將李士恩及都司蔣啟綱由中路進攻寨前各卡隊出距寨里許江口東興兩村有匪數百人馳來迎敵水師營連開大礮匪卽退向村旁各勇直前撲之當將兩村踏燬多所斬擒餘皆奔赴水寨鄭金華等揮軍追逼寨卡環攻五時之久受傷多名卒未得手次日鄭金華一面移營進紮寨前一面約同蔣澤春戴盛寬各派勁勇四面猛攻該匪死守寨中急切難下收隊後乃挑選精銳申明賞罰督令乘夜襲攻適有匪目甘茂性自寨中潛出因首民黃開志轉懇投誠鄭金華商同營務處李士恩胡希瑗准免其死復啖以利使爲內應二更後甘茂性由營回寨我勇

踵至寨側焚其寮棚齊聲吶喊槍礮環施俄而寨中火起數處  
匪眾慌亂開闢混逃各勇分投追截殺賊百數十名生擒四十  
餘名內寨頭蘇送求一名奪獲槍礮刀矛無算各等語現在蔣  
澤春等各軍乘勢進紮離城數里之沙江橋並飭利輝水師全  
軍駛上合攻登隴橋進取貴縣探聞黃逆仍思分股一由大嶺  
渡河出橋墟一由龍山繞道出大墟以撓官軍後路臣仍令蔣  
澤春等酌撥營勇紮過南岸與署潯州府覃遠璉會圍堵禦令  
縣丞李光舒等帶親兵一營進紮大墟與署桂平縣張增祥會  
圍堵禦該逆計無復出當可聚而殲諸至北河土匪設卡打單  
層見疊出以致商民受累釐稅停收前委縣丞許志圻會同在

籍副將陳超宗等督團勦辦河面將次疏通惟大鹿灘一股約數百人馬瀨一股約百餘人仍然抗拒因派守備何迺堅帶水師後營會同代理武宣縣應念修前往會勦頃據許志圻等稟稱閏八月十三十八兩日會督水陸勇練已將大鹿馬瀨匪卡踏平斃匪數十名內匪首楊亞仁一名奪獲扒船三隻武宣以下河道肅清臣仍飭該各官紳整頓團練以除內姦兼防貴縣竄匪此潯州水陸各軍進勦獲勝連破賊巢及疏通武宣河路之實在情形也荔浦張逆分踞大地一股自八月二十六夜敗回蓮塘經候選道易元泰預撥營勇會同代理荔浦縣黃逢年所帶團練於附近蓮塘要路設伏截擊擒斬匪黨數十名奪獲

資糧不少該匪忿甚於閏八月初二初三等日分路出撲易元  
秦營盤均經各勇奮力擊退初三日夜該逆復分股二千餘人  
由小路繞出高田初五日擾及臨桂六塘墟肆行劫掠省城亦  
爲戒嚴易元泰得報卽派副將黃仲慶督三營勇聞道出六塘  
派參將潘忠實督兩營勇由高田出白沙仍連夜派勇暗襲蓮  
塘以圖牽制於初六夜襲破雙江巖殺賊多名時署貴州提督  
江忠義派候選直隸州知州陳鳴志帶來精捷營勇五營已抵  
桂林經藩司張凱嵩商催該牧會同副將陳友勝所帶南勇於  
十一日進紮良豐墟該匪偵知我軍大至悉眾退至遇龍橋十  
三日陳鳴志陳友勝等由六塘督隊追及黃仲慶潘忠實與團

總楊國庸等分出邀截均有斬獲賊遂乘夜竄入蓮塘又匪目蘇沅章何先拔等率眾千人自上年竄踞永安州屬陳村陶江等處與張逆互爲聲援今年三月內該匪擾出昭平木格一帶經官軍擊敗仍退踞陳村並蔓擾班瀾嶺坪等處爲平南藤縣邊境之患署平樂協陳培桂與平樂府方炳奎商派生員李聯芳往諭何先拔雍髮歸團相機內應並密諭平藤兩縣附近各團出練助剿遂將班瀾嶺坪數村同時攻破張高友由蓮塘派悍賊數百馳來救援何先拔等復會團擊走之蘇沅章亦由陳村向蓮塘遁去先後收復十餘村擒斬匪黨約百餘名由陳培桂及平藤各團稟報前來此楚軍前隊由陽朔會兵進剿荔匪

及剿撫永安竄匪之實在情形也查張逆分股雖經擊退回巢難保不復圖他竄困我兵力茲幸楚軍前隊進至荔浦其後隊亦在日內由江忠義親督前來似此軍威大震賊膽益寒合力圖之必易得手惟疊次欽奉

諭旨飭令江忠義前赴貴州提督署任臣實不勝悚惶之至伏念貴州軍務喫緊上煩

聖廑因事擇人臣何敢冒昧籲留不顧大局第江忠義一軍業經出境會剿粵省軍民同聲相慶似未便遽行撤回卽令湖南撫臣毛鴻賓另派一軍更代協剿而於粵省情形不熟與粵中各軍又不相習恐難迅速收功臣於前月附片乞留江忠義暫





潯軍疊勝收復修仁疏

同治元年十月初三日

奏為潯州官軍分路進剿連破貴縣南岸賊巢楚軍進至荔浦會剿獲勝收復修仁縣城各情形恭摺仰祈

聖鑒事竊

臣於九月初五日曾將貴縣荔浦兩路軍情由驛

奏報在案查貴縣黃逆白水寨旺嶺敗竄後招集黨羽力守登龍橋面橋一帶環築礮臺兼以三面臨水可容扒船來往其地實為形勝時督帶楚軍副將戴盛寬等進紮沙江逼近賊營臣當飭令會商署右江道蔣澤春記名總兵署潯州協鄭金華水師營參將利輝等會攻龍橋此地得手則貴縣隨復覃塘老巢俱可迎刃而解旋據稟稱初六日卯刻各軍分頭並進直逼

賊營該匪開柵迎敵並列扒船排開大礮戴盛寬督同遊擊鄭連陞李興發等鏖戰逾時始將中路賊眾擊退將澤春鄭金華亦各督隊由左右兩路悉力衝擊賊皆縮退入巢被我軍擊斃數十人奪獲槍礮軍械各數十件攻至日晡始各收隊先是探悉黃逆因官軍漸次逼近計將分股從南北兩岸撓我後路臣於前次摺報內亦經聲明在案詎該逆於初五夜見各軍逼紮沙江輒敢由龍山賊巢分股二千餘人圍攻鄭金華臣大墟兩營並句結龍巖新撫之林漢朝謀為內應臣所派親兵一營甫抵新村為賊所阻鄭金華亦以前路攻勦正在得手未能派隊回援而大墟兩營戰守兼資傷亡不少又以食盡援絕於初

六夜退紮鎮龍時南岸之賊亦竄踞陸村橫嶺一帶我軍糧運  
幾至不通辦理支應局候補府彭瑄與署潯州府覃遠璉建議  
分營移紮南岸臣當飭蔣澤春鄭金華各營穩紮沙江鄭金華  
分帶三營勇紮過南岸蘇灣地方並飭利輝水師分泊兩岸以  
便聯絡聲勢十二日鄭金華知會北岸各軍出隊進攻登龍橋  
自率三營隊伍由南岸進勦陸村利輝亦派扒船駛上蘿葡灣  
預備助勦適該匪悉眾欲來撲營倉皇迎敵我軍奮勇直前賊  
眾潰退奔入陸村及大嶺新屋各村時水勇亦皆登岸重重圍  
攻施放火箭噴筒霎時三村火起燒死各匪不計其數餘悉突  
圍溺逃各勇跟追十餘里擒斬百數十人其北岸登龍橋出賊

十餘亦經戴盛寬與都司何元鳳等擊退十三日謀出敗出蒙  
富等復邀宋區二死黨二千餘人竄回橫嶺陸村澁村一帶連  
夜築成五壘鄭金華以該逆連營犄角南岸水陸各勇不敷分  
勦商派候補同知孟繼琮署貴縣知縣何謹順督集東津橋墟  
練丁數百人臣復添調候選縣丞梁俊德勇千人約定十七日  
分途進攻屆期鄭金華派都司蔣啟綱周德參將李昌連從九  
鍾志高等分左右中三路而進賊由村中蜂擁而來判死拒敵  
相持時許有賊目持偽令旗揮馬隊數十騎由右路衝來周德  
等奮力迎擊立將逆目蒙富打落馬下奪騎馬十餘匹其左路  
悍賊亦被李昌連等連斃偽先鋒及騎馬賊數人餘眾紛紛敗

入壘中蔣啟綱等率中隊環攻賊壘紛擲火器壘中火起賊仍不動藍翎千總張連勝首先衝入身受數傷猶挺矛殺賊並生擒二名各勇乘勢擁進立將各壘踏平賊仍竄向各村維時利輝飛飭水師前營三板長龍共十餘號駛至蘿菴灣牽制貴縣之匪不敢過河並飭左右兩營撥勇二百名登岸助勦主事梁炳漢都司蔡其昌督之轟斃賊匪頗多適梁俊與武舉梁廷材等督各練勇亦到三面圍勦賊復棄村而逃各勇追至香江共擊斃溺斃二三百人擒賊四十餘名獲馬三十餘匹旗幟槍械百餘件自是陸村橫嶺一帶並無賊蹤矣嗣據鄭金華稟報陸村敗匪盡竄三坪其高嶺蒙崗塘表嶺尾等村皆係團練並非

甘心從賊今聞大軍壓境均願薙髮歸團當卽允其所請一面商調梁俊所帶德勇暨東津橫嶺各練與利輝水師各營於十九日會勦三坪鄭金華督勇首先撲入賊眾猝不及備望風而靡各團練爭先進墟殺賊多名詎蒙富率逆黨千餘忽由墟後鈔出槍礮齊施團勇少卻經把總廖其揚羅景崧等率勇迎擊陣斬長髮十數人賊始敗去時土嶺逆目宋區二股匪猶與李昌連等相持未退蔣啟綱督勇衝突所向披靡該逆敗轉土嶺仍與蒙富會隊轉戰把總何恪通等率馬步親兵馳往策應各團練及德勇同時回擊賊乃大潰竄入上宋下宋等村軍功黃亞忠等率橋墟練丁從福華村截出會合各勇追至下宋村邊

陣斬百餘人生擒長髮七名焚燬胡根下嶺奇龍福華賊村共  
十餘處由是三坪以上一帶亦無賊蹤候補副將李士恩督前  
次退紮鎮龍兩營會合署桂平縣張增祥所帶雲勇衛安勇與  
戴盛寬等進攻登龍橋時每日出隊以分賊勢遞有斬擒九月  
二十二日黎明左右進兵齊抵甘村出其不意將該村撲燬燒  
斃賊匪無算餘眾奪路狂奔又為各勇截擊斬取首級二十五  
具生擒十三名奪獲擡礮小槍十五桿救出被脅男婦百餘名  
至收隊時大墟之賊馳來應援復經李士恩與參將何流恕率  
勇擊退現在署潯州府覃遠璉捐募陸川勁勇六百餘名由鎮  
龍前往會勦署梧州府趙元模派候選直隸州知州蔣上治帶

道勇六百餘名由沙江前往會勦頃報龍山竄匪疊受痛創已於二十七夜遁去戴盛寬蔣上治等率勇追擊多所斬擒臣仍飭營務處補用道張榮組候選知縣胡希瑗馳赴各營往來籌商以期數路並進迅掃殘氛此潯州官軍水陸並進攻破陸村三坪甘村等處賊巢之實在情形也荔浦張逆敗回蓮塘修仁一帶堅守不出候選道易元泰經臣奏請摘去頂戴頗知愧奮於閏八月二十八日會同湖南精捷營候選直隸州鄧子垣陳鳴志各率所部分道進勦易元泰先派新勝果勝結字彪字各營攻取張飛廠新中副左集安各營攻取紅廟嶺派奇勝綏靖兩營擇要埋伏義勝秀字兩營相機接應并派正左正右兩



營列隊樂仁山腳以遏蓮塘援賊均於四更出隊由副將黃仲慶參將楊秀琪督同前進天未曙卽乘間攻破呂村一帶賊壘大小五座共殺賊八十名生擒十餘名奪獲旗幟槍礮等項無算餘匪向修仁縣城蓮塘各老巢奔避其鄧子垣陳鳴志一軍由荔江坪轉戰而前亦殺賊百餘名燒燬賊村十餘處至日晡始各收隊回營二十九日黎明陳鳴志等復率所部隊伍會合易元泰各勇分三路攻取奇勝綏靖兩軍首先衝上紅廟山頂該匪施放槍礮我軍稍卻易元泰鄧子垣令親兵用劈山礮轟擊并嚴督各勇奮力進攻副將權光燦武生于允中千總龔繼昌率勇直前把總李雲梯參將李祥松李玉書等督各勇鼓譟

從之該匪開柵欲逃我軍業已破入燬其木城逃脫之匪不過十餘名其嶺腳蘇山嶺張飛廠各賊壘亦同時克取餘匪逃潰易元泰當令各勇一面移駐所奪賊壘一面率勇進剿又將橫水嶺牌坊腳梓潼觀等處擊破該匪盡向修仁縣城退竄我軍乘勢跟追該匪閉城不及經易元泰陳鳴志等揮軍齊上搶關殺入斃賊多名餘由南門奔潰遂將修仁縣城收復時蓮塘桂嶺共出匪二千餘人馬隊三十餘騎分途來援易元泰陳鳴志等令各勇嚴陣以待賊甫近前奮出擊之旋即敗去我軍追至桂嶺而還由該道等稟報前來查荔浦楚粵各軍連日攻剿陣斬匪黨數百名生擒百數十名踏平賊壘共十餘處并收復修

仁縣城辦理尙屬得手臣當飭各軍移營逼紫攻取桂嶺老縣各巢以通西路蕭榮芳一軍方可會勦蓮塘頃據報稱易元泰各營於九月二十三等日會同楚軍攻擊老縣桂嶺連獲勝仗擒斬甚夥其竄出永安零股亦經署昭平縣潘保泰集團擊退此楚粵各軍合勦荔匪踏平賊巢克復修仁縣城之實在情形也臣查蓮塘張逆屢經挫敗其黨必多攜貳似尙易於掃除署貴州提臣江忠義能否來粵督勦其所部精捷勇五營現駐荔浦會勦得力此時實難遽撤致弛事機至貴縣逆匪現雖辦理得手而黃逆老巢尙未掃平署右江道蔣澤春因病回省所部南勇一軍現尙乏員接統臣若遽赴新任恐難以維繫眾心

幸荷

聖謨深遠洞悉軍情臣已遵催新授藩司劉坤一先來潯州暫為統帶該司熟悉軍務必能妥為調度仰慰

慈厪至此次畱防大墟兩營雖因兵單糧絕退紮鎮龍其營官遊擊鄧在倫都司夏永寬均有應得之咎相應請

旨將該二員翎頂摘去仍畱營差遣以觀後效合並陳明所有潯州各軍連破南岸賊巢楚粵兩軍會剿荔匪克復修仁縣城各情形理合恭摺具奏伏乞

皇上聖鑒謹奏

遵 旨籌辦疏

同治元年十月初三日

奏爲遵

旨籌辦各情恭摺具 奏仰祈

聖鑒事竊 臣於九月二十二日在潯州軍營承准議政王軍機大臣字寄閏八月二十六日欽奉

上諭昨因勞崇光督辦釐金信任非人經吏部議以降三級調用當經降旨允准令劉長佑補授兩廣總督張凱嵩升授廣西巡撫並因劉坤一前在廣西尙能帶兵升補廣西藩司矣惟劉長佑尙在馳赴潯州剿匪正當得手若遽赴新任恐致軍心懈怠本日已催劉坤一速赴粵西張凱嵩在粵年久於吏治頗稱

嫻熟能否出省帶兵或司道提鎮中有才堪調度者著劉長佑酌派一員令其統帶該督卽馳赴粵東接印聞該省捐釐事務勞崇光辦理失宜悉爲官吏中飽地方愈形彫弊該督於到任後悉心講求認真整頓一切弊端嚴行革除庶饌源有出而商旅不擾方爲妥善該省鹽務浸灌湖南等處銷路甚廣而課項愈絀歷年奏銷延不造報廢弛情形甚屬可惡並著劉長佑盡心整理毋爲貪吏侵蝕粵東爲各國通商之地遇有交涉事件尤當迅速辦理歷年以來該省大吏因其事涉外國置若罔聞遂成今日之勢該督於外國交涉事件自應隨到隨辦如可准行者卽予准行有窒礙者據理駁斥總期不亢不卑信義相與

方可辦理得宜無所牽掣愈得以盡心地方振興庶務高州軍務並陽春縣土客互鬪之案何以尙未肅清卽著劉長佑嚴飭在事員弁迅速勦辦如前此辦理未協卽行從嚴參辦粵省吏治聞多廢弛該督務當於屬吏中留心訪察如賢能稱職者立登薦牘其闒茸貪污者卽行參劾斷不可稍涉瞻顧該督仰邀知遇不數年間擢任兼圻務當益矢忠勤於地方利弊盡心籌辦毋負朝廷異數之恩將此由六百里諭令知之欽此等因承准此仰見

皇上天恩委任至專

訓誡至詳感佩之忱倍增惶悚伏查廣西現在軍務以平樂之

荔浦潯州之貴縣爲較重平樂一路自楚師入境聲威頗振如蒙

恩准署貴州提臣江忠義前來督辦當易收功惟潯州一路先後調集勇練將近萬人非得熟悉軍務大員前來統帶誠恐軍心不一有廢前功新任撫臣張凱嵩接綜庶務暫難出省帶兵司道提鎮才堪調度者亦難其選現蒙

皇上洞鑒以劉坤一尙能帶兵催令速赴粵西該司深荷主知自當益加奮勉臣現督飭貴縣各軍併力進勦冀速蕝事一面行催劉坤一先來潯州接統各軍臣得一意馳赴新任至廣東一切情形仰蒙



聖訓肫肫於捐務釐務鹽務軍務及外國通商事務要之以察  
吏用人責備綦嚴遵循敢懈竊念高州軍務及陽春土客一案  
尙係廣東本省癰疥之患惟捐釐與鹽課實京外各饒所出並  
爲今日要圖而各國通商事宜交涉甚繁關係較重辦理尤難  
盡善臣自分迂疏歷練猶淺自奉  
新命早夜徬徨懼弗勝任然疊受

朝廷異數之

恩尙值年力有爲之候事無難易惟矢樸忠容俟到任後悉心  
體察實力講求凡事之利弊人之賢否謹當切實縷陳恭請  
訓示以期盡除積弊仰慰

宸廡除專弁齋摺恭謝

天恩並將起程赴任日期續行陳報外所有現在遵

旨籌辦各情謹先繕摺具奏再臣於廣西巡撫任內尙有應

行清理交代事件擬俟劉坤一抵潯州時臣或輕騎馳回桂林

或張凱嵩暫來梧州會商妥辦一切合併聲明伏乞

皇上聖鑒謹奏

攻克武樂蒙垌疏

同治元年十一月初十日

奏爲貴縣官軍攻克武樂蒙垌等處及荔浦楚粵各勇進剿老縣貴嶺各巢獲勝情形恭摺仰祈

聖鑒事竊臣於十月初三日曾將貴縣荔浦兩路軍情陳明在案查貴縣黃逆勾結龍山股匪被剿宵遁仍畱悍賊千餘人踞守武樂與龍巖互爲應援又屢次分股竄入棉村石腳及南岸蒙垌宋村一帶計圖分我兵力阻我糧運副將戴盛寬候選直隸州知州蔣上治等疊次率勇分攻棉村登龍橋該兩處逆匪一味堅伏殊難得手十月初五日戴盛寬蔣上治會剿登龍橋商派縣丞王麟等率南勇列隊郭北牽制棉村戴盛寬親率

海字營蔣上治親率上字中營由中路進並派績字營由左路  
進上字右營由右路進該逆分出迎敵當被我軍前隊槍斃數  
十名追至橋邊其塘內匪艇施放大礮橋內礮臺亦子落如雨  
我軍環施槍礮相持時許該逆馬隊數百匹由左路衝出包至  
上字營後該營合力衝殺賊馬少卻戴盛寬正在力取登龍橋  
因賊馬隊又鈔中路之後當卽分兵兩路抵敵並自率親兵衝  
入賊陣用洋槍斃賊多人該副將腿受矛傷曾不少卻適上字  
營從中截擊復斃賊馬數騎餘始奔退橋內我兵亦有傷亡是  
日副將李士恩督率楚勇及馬隊親兵由雙井村進攻武樂墟  
時龍巖匪黨數百人欲往救援經署潯州府覃遠璉於半途擊

退隨卽率勇會同李士恩各營攻撲武樂破其前柵殺賊數十名奪獲槍礮十數件因而收隊至十七日天始晴覃遠璫率練勇進駐新村以扼龍巖副將陳友勝李士恩及都司朱長發趙明義等率馬步各勇進紮潘村正在築營逆眾二千人由武樂分路撲來我軍各畱隊三成修築營壘餘悉分頭迎敵先開劈山礮擊斃當頭騎馬賊目數名逆猶力拒鏖戰多時趙明義率馬隊親兵從後路鈔出朱長發率礮隊親兵繼之斃悍賊五六十名賊遂同時敗走我軍追至墟口擒斬無算以營壘未就始傳令收隊十八日龍巖石腳各出悍賊數百人將從龐村往援武樂覃遠璫李士恩督同游擊鄧在倫趙明義帶馬步各隊擊

走之日午回營密約前路沙江橋各營於十九日會攻武樂屆期遊擊胡高志鄭連陞都司何元鳳各率奮勇由水路進抵武樂渡頭卯刻出隊攻克蜂子嶺賊巢陳友勝李士恩等隊至中途時忽大雨未及會勦二十日辰刻出隊陳友勝率湘勇馬步各隊由右路進都司鄭宗崑朱長發趙明義各率礮隊馬隊與覃遠璉練勇由中路進副將李正植李士恩等率楚勇由左路進甫抵墟口該逆蜂擁迎敵惟左路賊眾且悍李士恩因見右路過單商派朱長發等馬礮各隊往助並派副中營楚勇列陣中路以防竄逸正鏖戰間賊馬百餘騎從右路鈔來陳友勝身先眾勇直陷賊陣所部鼓噪從之立斃悍賊數十名中右兩路

之賊同時奔潰趙明義率馬隊親兵協同湘勇追剿十餘里惟左路逆目劉茂順率眾數百奔回武樂墟場時胡高志何元鳳守備翁長春等各率營勇亦將墟後之賊擊退會合李士恩各軍將附近逆村及墟口木柵數重悉行燒燬僅畱土屋數座前後設有礮卡該逆仍判命拒守我勇圍攻至晚受傷多名陳友勝李士恩等令各勇暫退里許該逆卽開柵潛遁被各勇截殺數十名生擒十數名自相踐踏拋棄器械不少各勇追至石腳而還是役約斃賊二百餘名斬獲首級六十餘顆奪獲馬十餘匹救出被脅男婦三百餘口先是營務處候選知縣胡希瑗函約後路潘村各營於是日率勇夾攻武樂並約署潯州協鄭金

華參將利輝水陸各營亦於是日進勦登龍橋戴盛寬蔣上治率勇分撲棉村樟村一帶至是鄭金華親率兩營楚勇渡河列陣先令小隊誘敵該逆由登龍橋擁出逆戰都司易明恩帶後營勇進攻右路都司蔣啟綱帶中營勇進攻左路遊擊張宏本把總廖其揚領左右哨親兵進攻中路都司蔡其昌率水勇登岸幫同親兵齊開大礮斃賊數十名奪馬數匹該逆冒死抵拒鄭金華復撥馬隊徐士成等由右路岡邊鈔入利輝率水勇親兵由左路鈔入中營楚勇由中路馳至南斗村立將賊柵焚燬賊遂驚潰追至塘邊水師各營駛上紅廟施放大礮擊中賊船淹斃甚眾時戴盛寬會商副將鄭長希督各營楚勇由左路進



攻棉村縣丞黃趾麟率南勇由中路進攻石腳村蔣上治督上  
字中左兩營由右路進攻樟村比將棉村石腳村攻破斬獲頗  
多惟上字勇攻入樟村正追逐間武樂潰匪數百人馬百餘匹  
由小樂堂一帶竄出蔣上治督隊衝殺身受重創猶復手刃數  
賊旋以坐馬被戕倒斃所部勇丁亦多傷亡尋卽遇害戴盛寬  
等馳往策應始將該匪擊退又據探報前竄橫州之梁漢一股  
經團練打退復回貴縣竄踞南岸之蒙垌湖表上宋各村與懷  
北土匪葉亞九勾結滋擾鄭金華於二十四五兩日派鄭長希  
帶中軍楚勇渡河與參將鄭學德都司周德等各帶所部分路  
進剿並調縣丞梁俊團總楊廷才姜應璠等各率練勇助之該

逆棄村爭渡我軍從後追殺奪獲槍礮旗幟多件生擒髮逆十七名梟渡淹斃者不計其數葉亞九股匪千餘人亦經署貴縣知縣何謹順設法招撫懷北一帶亦就肅清現飭梁俊等駐紮竹埠防其再渡南岸以便會攻貴縣此潯州各軍連日攻克武樂蒙垌各村之實在情形也荔浦張逆現分股盤踞老縣桂嶺山京等處經候選道易元泰督勇進紮紅土嶺逼近賊巢十八日挑派奮勇乘夜暗襲詎匪守禦嚴緊未能攻入旋將椅列村襲破殺賊十餘名餘匪奔竄十九二十等日復派隊進攻老縣該逆負固不出督帶湖南精捷勇候選知府鄧子垣候選直隸州知州陳鳴志移營橫水嶺易元泰派營務處副將黃仲慶與

參將楊秀琪潘忠實率同各營勇五更出隊擇地設伏併先約  
鄧子垣陳鳴志派隊策應天將曙各營正在築壘該逆由老縣  
桂嶺及榕村謝村各路傾巢而出勢甚凶猛我軍分途接仗力  
戰踰時前隊佯敗誘賊稍近伏勇齊起轟擊斃賊八十餘名二  
十七日復約鄧子垣陳鳴志會勦老縣該逆排陣而來各營擺  
列槍礮連環施放先斃執大旗賊目二名餘眾回巢死守至十  
月初一日老縣逆目夏祥吉桂嶺逆目沈亞春率黨千餘來撲  
集安營山京逆目胡元農亦率黨千餘來撲精捷營當派都司  
張士安傳諭各營堅壁守禦復調黃仲慶把總李雲梯楊子吉  
等各率營勇由左路往援游擊王政坤黃義德把總文成標率

勇由右路往援賊見兩路援軍大至遂漸卻退黃仲慶等乘勢奮擊賊相率敗走精捷營亦出壁截擊共斃賊百數十人又據代理平樂府張銑稟報九月二十三日該逆分股竄至離郡二十里龍窩地方經該守派防府之安捷勇登時擊退二十五日賊復往攻桂山巖易元泰督飭駐防山口之後營楚勇與灘頭之義勇前往援剿小有斬獲餘仍退回蓮塘其竄出昭平一股亦經代理昭平縣潘保泰會同管帶水師守備蕭楚斌督團擊退斃賊不少至副將蕭榮芳一軍爲老縣股匪所阻不能會剿蓮塘十月初一初二二等日畱約精捷營夾攻附近賊巢頗有斬獲併招出難民一百八十餘家均令薙髮造冊歸團駐紮

王子那谷等村以資守禦此荔浦楚粵各勇連日勦辦桂嶺老縣等處之實在情形也臣查蓮塘逆匪原恃巢穴深固山徑紛歧足以疲我兵力自湖南精捷營入境會勦軍威較振賊黨亦寒然其勢愈窮其計更狡仍須防勦並用庶無他虞茲署貴州提臣江忠義奉

旨飭催赴黔勦辦其所部精捷五營自未便強爲羈留臣與新任撫臣張凱嵩商之再四擬俟湖南撫臣另派一軍來粵更換庶可調撤赴黔至貴縣黃逆經官兵分途攻勦亦欲穩據各巢以老我師然南岸業已肅清後路堵禦亦極嚴密祇俟天氣晴霽水陸各軍即可剋期進紮會勦臣惟當商同新撫臣張凱嵩

及新授藩司劉坤一親度機宜激勵將士以期廓清邊境仰慰宸廑至知府銜候選直隸州知州蔣上治前在廣西屢著戰功十月內由梧州奉調來潯助剿貴匪每戰必先賊眾憚之茲因乘勝追剿受創陣亡深堪慟惜查該員於克復潯州案內擬保知府花翎可否請照道員從優議卹以慰忠魂之處出自

天恩所有貴縣官軍攻克武樂蒙垌等處及荔浦楚粵各勇進剿老縣桂嶺各巢獲勝情形謹會同新任撫臣張凱嵩恭摺具奏再臣於十月二十四日已將廣西巡撫關防委員護送晉省此次摺封借用貴縣印花合併聲明伏乞

皇上聖鑒謹 奏

交卸撫篆疏

同治元年十一月初十日

奏爲由營送交巡撫關防及現擬交代軍務赴東接任各日期

恭摺 奏陳仰祈

聖鑒事竊臣於十月初三日具 奏遵

旨籌辦各情摺內曾經陳明擬俟新授藩司劉坤一到潯後仍回桂林交代或約新任撫臣張凱嵩來梧會商嗣查張凱嵩新綜庶務未便離省而劉坤一交卸臬任由東起程沿途風雨多阻到潯亦需時日臣因於十月二十四日謹將廣西巡撫關防由營封固委候補道張榮組齎送回省俾新撫臣張凱嵩得早任事當派隨征弁兵百名護之以昭慎重仍一面飭催劉坤一

兼程來潯臣得交代軍務一意赴任茲劉坤一於十一月初二日抵潯據稱潯州距省較遠該司接辦軍務與臣在營情形小異尙須晉省謁見新任撫臣面商一切始能接辦等語臣查該司所請亦係實情應准其暫赴桂林臣藉得將應與撫臣張凱嵩面商諸事交該司縷悉轉達免致往復需時惟潯州各軍接統之員臣不得不暫緩交代而疊奉諭旨飭赴新任又未敢稍涉遷延現已切屬該司星馳晉省就商妥協隨即回潯按日計程約在十二月初旬定可入營接辦而臣由潯州前赴廣東順流駛下較爲捷便計十二月中旬亦可接任不至再有遷延至於廣東交涉外國事件臣到任後惟



當恪遵

聖訓誠信相與斷不敢稍涉大意上煩

慈廛所有由營送交巡撫關防及現擬交代軍務赴東接任各  
日期理合恭摺具奏再臣現照新銜刊刻木質關防暫資行

營蓋用合併聲明伏乞

皇上聖鑒訓示謹奏

臨桂李樹森  
南陵胡永福  
同校

劉武愼公奏稿

劉武愼公全集五

卷之四目錄

貴縣橫州勦撫情形疏

覆陳廣西股匪並起程赴任疏

兩廣總督謝恩疏

晏端書仍署廣東巡撫片

航海北上疏

直隸總督謝恩疏

由津赴營疏

調員赴營片

名  
歷  
下  
情  
片

明定城守章程片

請調馬隊片

調員整飭吏治餉需片

在途接任疏

各軍勦賊獲勝疏

開東長以團代賑疏

永定河凌汛安瀾疏

分軍勦匪獲勝並籌防北路疏

請覓各省協餉片

覆陳股匪情形片

責成統將片

北路肅清乘勝截剿疏

萃寇民團通賊片

直境南北肅清疏

遵旨覆陳片

宋景詩暫應羈縲片

餘匪渡河北竄疏

越境獲勝疏

高邑知縣優卹片

欽定四庫全書

五十四卷之二

覆陳總兵伊綿阿參款疏

秦聚奎死事情形片

王恩第正法片

貴縣橫州剿撫情形疏

同治元年十二月初一日

奏爲貴縣各軍分路進剿獲勝及橫州剿撫各情形恭摺具

奏仰祈

聖鑒事竊

臣

於十一月初十日曾將貴縣荔浦兩路軍情由驛

奏報在案查貴縣黃逆股匪自武樂敗回仍據嶺底藍田各巢阻我進取正議俟天霽會剿探報該逆將由香江渡河窺伺木格橋壩謀截糧道當飭記名總兵鄭金華督催懷北首民葉應時率新撫之眾數百名併邀同橫州博合團軍功方清鄭恩福等集練堵守瓦塘禁船北渡詎香江土匪秦七勾引石罈匪黨數百屯紮香江以爲黃逆內應十一月初四日葉應時等會合

各團擊走之溺水死者近百人奪獲旗幟器械無算時黃逆率賊目蒙富黃年二并匪黨數千已由下棍村渡河鄭金華當派副將李士恩督率營勇會同府經歷梁俊所部德勇由福華村截出各團練復從後路擊之該逆腹背受敵旋即遁去初七日副將陳友勝由河村拔營進抵沙江會商副將戴盛寬游擊胡高志都司何元鳳等各軍於初九日移紮石腳初十日會攻嶺底賊巢出二千餘人分路來迎我軍槍礮齊施賊眾死傷不少屢卻仍前陳友勝戴盛寬等各率奮勇分道鈔擊立斃悍賊數十名奪獲刀矛旗幟多件該匪敗退入柵雲字營參將黃興發績字營守備姜正友南勇營守備翁長春策馬爭先直



逼嶺底柵門生擒匪黨數  
坐馬並槍傷姜正友左顯  
黃逆見我軍逼紫老巢公  
竄大墟適臣先派游擊郭  
總湯振廷李翰輝等集練  
璉與都司趙明義朱長發  
初二日該逆悉眾出擾我  
餘皆翻山逃竄郭承鳳渠  
墟焚燬賊糧臺一座殺賊  
村一律雞髮歸團自是

人分赴游擊利輝林柏兩處乞就招撫臣已飭令該游擊等密屬各逆目從中舉事如能立功悉準投誠并卽飭催陳友勝戴盛寬從九黃趾麟等各營進屯嶺底藍田絕賊往來要道相機逼攻覃塘其鄭金華一軍除撥營會圍堵守南岸外餘皆移過木筆村會同利輝水師并勦登龍橋以圖規復貴縣又前因梁漢股匪上竄橫州曾飭從九張邦熙等會同官紳齊集壯練將賊擊敗退回貴縣惟查該州村落連年被擾脅從頗多比經給發免罪印牌令其設法解散先後據謝墟飄竹廣嶺泮塘周地塘三十餘村首民生員陳宜壽零儒剛武生楊增邦陳紹基甘宏兆等率眾雜髮劄印營前呈繳戶口清冊及黃逆所給偽印

悔罪投誠由署橫州訓導馬英造與張邦熙等稟報前來覆查情詞懇切似應準其歸順以廣

皇仁當飭該訓導等妥爲安撫并令會商靈山縣千總會遠輝等將南鄉石井校椅等處土匪翦除一面集團調練督率該首民從上游進攻三里覃塘使黃逆股匪不能竄越庶可聚而殲諸<sub>臣</sub>督軍數月未收全功早夜以思莫名惶愧然黃逆之勢已蹙其黨多離我軍分道逼攻各團練並起來助諒此小醜無難立予殲除<sub>臣</sub>赴任在卽惟當將一切機宜妥交劉坤一審酌辦理并嚴飭帶勇各將弁一意進剿不得因新舊交代稍涉玩延其荔浦修仁近日軍情應由新撫<sub>臣</sub>張凱嵩馳報外所有貴縣

各軍分路進剿獲勝及橫州剿撫各情形理合會同廣西撫臣

張凱嵩恭摺具奏伏乞

皇上聖鑒謹奏

覆陳廣西股匪並起程赴任疏

同治元年十二月初一日

奏爲遵奉

諭旨據實陳明廣西通省現有股匪地方及交代潯州軍務起程赴任日期恭摺具奏仰祈

聖鑒事竊

臣

於十一月二十四日在潯州營次承准議政王軍

機大臣字寄同治元年十月二十七日奉

上諭劉長佑奏潯州官軍連破貴縣南岸賊巢及會同楚軍收復修仁縣城並接奉寄諭遵籌辦理情形各一摺覽奏均悉貴縣股匪疊被官軍水陸並進攻破陸村三坪甘村等處是軍務較有起色惟該處地當衝要黃逆老巢尙未掃除著劉長佑張

凱嵩嚴飭該鎮道等實力攻勦剋期殄滅毋任日久遷延其蓮塘股匪地險人多尤應趁此楚軍會勦之時迅圖攻克以清積年巨患著該督等懍遵前旨飭易元泰等會合進勦不准稍有粉飾粵東督撫俱未到任勞崇光現今赴黔劉長佑自當迅赴新任以資統率卽著嚴催藩司劉坤一剋期赴潯以便將軍務面行交卸該督兼轄廣西務飭劉坤一迅將黃道殲除節節掃蕩至粵西股匪除平樂潯州兩處外其餘尙有若干處併著該督等據實分晰具奏劉長佑於履任後將前諭辦理各件竭力整頓毋得徒託空言致負委任將此由五百里諭令知之欽此

遵

旨寄信前來承準此伏查廣西現在軍務實以平潯兩處爲重  
平樂張逆久踞蓮塘昨經候選道易元泰等會同楚軍勦撫兼  
施將次蕺事已由新任撫臣張凱嵩馳報在案潯州黃逆今年  
七月敗回貴縣分踞登龍橋覃塘墟各老巢現經記名總兵鄭  
金華等分道逼攻尙屬得手亦經臣另摺具報矣此二股賊數  
較多地勢尤險仰賴

皇上德威除去張逆則平樂無事而桂梧兩郡並臻安謐再能  
勦除黃逆則潯州無事而黔鬱兩江可望肅清此外著名積匪  
如梧州容縣有范亞音一股南甯永淳有孫仁廣一股太平永  
康有吳凌雲一股皆各聚眾數千不時出擾附近州縣臣自咸

豐九年入粵以來督軍追剿石逆奔走未遑又因剿辦柳州潯州及賀縣下郢各匪兵力有限未能兼顧雖經督飭各處官紳集練堵剿然力難持久卒鮮成功臣今年督軍赴潯原擬俟貴縣事竣卽派署右江道蔣澤春分領一軍由北流進剿容縣並飭鬱林紳士籌費集練以資臂助而自督各軍卽由橫州水陸並進約會左江鎮道以次廓清南太等處不圖黃逆糾集死黨分踞各巢相持至今有志未逮至於各屬邊境零星土匪或摸村劫寨或勒贖打單要皆乘勢出擾聚散無常如能將各股積匪殄除餘可不撲自滅此平樂潯州以外尙有股匪未及剿辦之實在情形也臣在廣西任內日以廓清全境爲期遇有剿撫



事宜無不與張凱嵩等熟商妥辦今復得劉坤一接統臣軍該  
撫臣與該藩司識畧素優情形熟悉定能將臣任內未竟各事  
次第舉行臣現有兼轄之責尤當隨時商屬和衷共濟速將現  
有股匪一律蕩平以仰慰我

皇上廑懷南服之至意至臣疊奉

諭旨飭赴新任現已遵催劉坤一剋期來潯以便當面交代昨  
準撫臣張凱嵩來函劉坤一能否於十二月初旬趕到潯州尙  
難預定臣籌思再四未敢久延適臣奏奉來粵以道府用王承  
澤於十一月初旬抵潯該員饒有膽識辦事認真已派令總理  
營務現在各軍進逼賊巢辦事宜均尙就緒臣定於十二月

初三日由潯起程屆期劉坤一尙無來潯之信卽將軍務暫交王承澤會督辦理并卽切屬帶兵各將及凡在事員弁益加奮勉無閒始終臣起程後如在梧州得遇劉坤一尙能面交一切也惟臣材質庸愚重任難勝撫粵三年已多負疚今廣東事務繁鉅十倍廣西圖報涓埃更虞不逮容俟到任後體察情形商酌緩急當遵

聖訓實力籌辦各件斷不敢稍託空言所有遵

旨據實陳明廣西現有股匪地方及交代潯州軍務起程赴任日期理合恭摺具奏再臣舊部親兵五百名願隨赴東聽候調遣現值高州股匪分竄羅定西甯等處臣擬將該親兵一營

帶赴肇慶府擇要駐紮藉資防堵臣仍  
併陳明伏乞  
皇上聖鑒謹 奏



兩廣總督謝

恩疏

同治元年十二月二十六日

奏爲恭報

微臣

接篆任事日期叩謝

天恩仰祈

聖鑒事竊

臣

前在潯州軍營欽奉

恩命補授兩廣總督

當將軍務交廣西布政使劉坤一接辦

臣

於十二月初三日自潯州起程恭摺

奏報在案隨於是月十

四日由水路行抵粵東省城接準暫署督

防鹽政印信及

王命旗牌文卷委員齎捧前來

臣當卽望

闕叩頭祇領任事伏念

臣

猥以庸材仰叨

殊遇不數年間擢任兼圻感

高厚之鴻施愧涓埃之未報兩粵接鄰黔楚控引江閩南界重洋北連五嶺事繁責重素稱難治之區近者高羅一帶軍務未平肇郡土客仇釁相尋亦未解散籌餉徵兵在在均關緊要以洋務時有交涉鹽務已成積疲尤須善與羈縻力求整頓臣惟有懷遵

聖訓將地方利弊盡心籌辦至釐捐一事經晏端書督辦數月以來商民極爲安帖臣當會同時加督察以裕餉源又前此逆匪黃金龍等欲圖聚眾滋事經前督臣勞崇光訪聞拏辦餘黨尙多在逃臣現督飭地方文武認真查緝辰下附省各處安堵如常堪以仰紓

宸廡其潯州勦匪事宜臣本有兼轄之責自應隨時妥爲商辦  
務期殄滅逋寇以靖邊陲一切辦理情形臣次第奏

聞恭求

訓示除另行具疏題報外所有微臣接篆任事日期並感激  
下忱理合繕摺叩謝

天恩伏乞

皇太后

皇上聖鑒謹奏





晏端書仍署廣東巡撫片

同治元年十二月二十六日

再廣東巡撫先經前督臣勞崇光兼署勞崇光前往貴州查辦事件其兩廣總督奉

旨著晏端書暫行署理當經勞崇光將廣東巡撫關防一併移交晏端書兼署臣初到粵東於地方吏治民情一時未能詳悉若兼綰兩篆誠恐力有未逮晏端書在粵半年有餘情形較爲熟悉且新任撫臣黃贊湯不久即可抵任臣與晏端書面商仍將巡撫印務交其接署相助爲理所有一切事宜自當隨時妥爲商酌以期和衷共濟仰慰

慈廑是否有當理合附片 奏明伏乞

聖訓卷之五  
聖訓卷之五

奏

航海北上疏

同治二年正月二十四日

奏爲恭報

微臣

卸事起程日期仰祈

聖鑒事

臣

於同治二年正月十五日承準議政王軍機大臣

字寄同治元年十二月二十日奉

上諭劉長佑前奏劉坤一已到廣西此時諒將潯州軍事交其統帶前赴兩廣總督之任刻下有緊要事件劉長佑著卽趕緊來京由廣東北上海道甚爲便捷劉長佑接奉此旨卽可乘坐海船剋日起程以期迅速兩廣總督前已有旨令晏端書暫行署理該省軍務事件著責成崑壽妥爲辦理將此由六百里各諭令知之等因欽此伏念臣以草茅下士效力戎行不數年間

聖正慎公三集 卷四  
仰荷

天恩畀以兼圻重任感深

覆幬願切瞻依祇緣職守所羈未克入覲

夫顏藉申孺慕茲者欽奉

諭旨航海北上計日即可抵京得以泥首

宮門跪聆

聖訓聞

命之餘實深踴躍欣忭之至臣於上年十二月十四日到兩廣

總督新任迄今甫閱月餘經手事件尙屬無多現在趕緊清釐

卽於二十四日將總督關防及鹽政印信移交晏端書接收臣

定於二十八日起程由海道北上除將辦理軍務鹽務一切情形分晰具摺陳明並另行恭疏 題報外所有微臣卸事起程各日期並欣忭下忱理合恭摺具 奏伏乞

皇太后

皇上聖鑒謹 奏

列代重人臣國不

三



直隸總督謝

恩疏

同治二年二月二十三日

奏爲恭謝

天恩並將起程日期遵

旨先行馳奏仰祈

聖鑒事竊

臣

於同治二年正月二十六日承准議政王軍機大

臣字寄同治元年十二月二十七日欽奉

上諭前已寄諭令劉長佑趕緊來京並令該督卽由海道行走以期迅速現因直隸地方軍務未竣總督文煜等遷延諱飾種種貽誤本日明降諭旨業將文煜等分別革職治罪劉長佑補授直隸總督未到任以前令崇厚暫行署理矣劉長佑接奉前旨諒必能剋日起程並著於舊部帶兵員弁中擇其尤爲得力者酌量選帶數員一同前來以資臂助劉長佑定期起程卽著

先行馳奏以慰廛系等因欽此跪誦之下感悚交深伏查臣前於正月十五日接奉

寄諭令由海道北上當將經手事件趕緊清釐於二十四日交卸督篆定於二十八日登舟起程業由驛具奏在案茲復欽

奉

溫綸昇以畿輔重任受

恩愈重報稱愈難瞻顧旁皇罔知所措而臣所雇海船二十七日即行放洋前經議定搭載行李一切俱已登舟仍即於次日乘坐北上以期迅速至臣舊部帶兵員弁多在廣西湖南一時未能抽調其帶赴廣東之勇五百名於交卸督篆時俱已遣撤



回南倉猝啟行無從酌量調派應另行開具應調員弁銜名  
奏明請

旨所有臣欽奉

上諭趕緊起程赴京日期及感激下忱理合恭摺由驛馳奏

恭謝

天恩再此摺係在輪船繕辦行抵天津借用天津道關防發遞  
合併陳明伏乞

皇太后

皇上聖鑒謹奏



由津赴營疏

同治二年二月二十三日

奏爲欽遵 寄諭由天津定期赴營恭摺仰祈

聖鑒事竊 臣於二月二十日申刻行抵大沽二十一日正在料理行裝由陸路進京適准署理三口通商大臣董恂來咨恭錄上諭如劉長佑業已抵境卽傳旨令其迅速來京陛見面授機宜欽此遵卽於二十二日五鼓由大沽起程午刻至鹹水沽又准董恂來咨恭錄二十一日欽奉

上諭劉長佑行抵津沽卽著董恂傳旨令其毋庸來京卽由天津迅速前往崇厚軍營接直隸總督之任辦理軍務並著將到津及赴營日期速卽奏來以慰殷盼欽此伏念畿輔重地現當

軍情緊急自應迅速赴營接辦未敢稍涉稽延惟是臣於直隸地方情形未熟與各士卒又不相習前過上海所挑親兵三百名因軍裝未備來尙需時而事勢所迫既不獲持重以養威則措置之間恐亦難刻期以奏效籌思再四實切戰兢臣原冀跪聆

聖訓諸有遵循並籲懇

奉天恩準調馬步兵勇及文武員弁庶得徐爲整飭迅掃狂氛今

諭令迅速赴營接辦軍務惟有殫竭心力相機辦理以期勉酬恩遇仰慰

宸廑現定期二十五日由津起程一面會商董恂並飭運司克  
明天津道李同文籌備饗項酌派員弁隨同前往仍乞

聖明指授機宜無任惶悚待

命之至除俟到營接任後如何辦理情形隨時 奏報外所有  
行抵天津遵

旨赴營日期合先恭摺具 奏伏乞

皇上聖鑒謹 奏

皇正竹之三年

五

調員赴營片

同治二年二月二十三日

再臣奉寄諭飭於舊部帶兵員弁擇其尤爲得力者酌量選帶數員仰見

皇上畱心將才權衡扼要之至意臣前所部各軍得力將領如

江忠義蔣益澧劉坤一席寶田皆值廣西浙江安徽等處攻剿

緊急之時萬難撤調遠行致誤大局惟查湖南永州鎮總兵李

明惠廣西補用副將陳友勝補用參將楊秀琪隨臣征戰有年

勇敢樸實屢著戰功現尙無經手軍務事件已由臣札飭各募

楚勇五百名由廣東乘坐輪船馳赴天津以期迅速其口糧路

費應由湖南廣東籌備應付核實開報臣由廣東開行沿途大

風顛頓二月初九日始抵上海與江蘇撫酌派副將陳飛熊參將張九元都司唐有百名隨臣前往口糧路費並已由撫臣李訓練事宜容臣到保定後察看情形再行隸吏治因循廢弛積弊已深欲整飭軍務其源而臣身任軍旅所有辦理營務製造宜亦在在需人經理誠恐臨事周章委任查有四品卿銜內閣中書郭崑燾廣西道州府知府蔣超伯前任廣東潮州府知府員蔣春元廣東候補府陸心源廣西候補



隸州知州任應庚湖南候選同知李樹藩皆懋著才志穩實幹  
練臣所素知鹽提舉銜候選知縣鄧瑤候選縣丞方溶益候選  
訓導周朝祐候選從九馬樹楨皆安詳謹飭才品兼優現皆在  
安慶軍營可以就近調派應請

旨飭下各省督撫迅速飭令永州鎮總兵等募勇馳赴直隸並  
飭郭崑燾等隨營幫辦事件使臣得收指臂之助出自  
皇上天恩謹附片具奏伏乞

聖鑒謹奏



瀝陳下情片

同治二年二月二十三日

再此時軍務籌兵籌餉二者皆處萬難之勢臣位任封疆自揣愚庸淺陋毫無知識然竊觀東南各省所有稍能自立者良以籌兵籌餉聽從區畫猶能各極其才力之所至不致有所牽掣直隸爲畿輔重地委任愈重而人之責望亦愈深如臣猥劣能否辦有起色實不敢以自信而艱難籌畫又不敢稍涉遷就以避嫌怨若令指摘紛繁使臣瞻顧旁皇不得一措其手足則臣之咎日大而軍務亦將日久而愈不可爲臣查籌兵之法一曰整飭營務一曰召募鄉勇一曰舉行團練數者皆一語而已攬全局窮年而難收實功籌餉之法一曰清釐額課一曰汰除浮

費一日推廣捐輸數者皆未事而先斂怨端稍得而紛傳巨款局外之議論難語當境之艱難虛擬之規模迥異臨時之事局臣涖任日淺兼無知人之明足以周悉情偽惟有勉竭駘驂殫心盡力欲整頓地方必以講求實政爲先欲講求實政必以加意人才爲本治兵籌餉其源皆出於察吏直隸吏治廢弛已極清釐整飭動多棘手要當積漸爲之不求速效不恤人言庶可稍竭愚忱徐圖補救萬一自訟臣才無能裨益時艱責重望輕臨事而懼不敢不先瀝下情陳其梗概伏乞

皇上聖鑒謹 奏

明定城守章程片

同治二年二月二十三日

再臣更歷戎事十有餘年以爲禦賊當以城守爲先用數百民  
兵守一城而有餘聚眾萬勁旅取一城而不足軍興以來賊所  
至殘破無有堅城一經該逆踞守窮年累歲竭力攻圍多耗兵  
力賊勢所以日至猖獗實由官兵不能講求城守之故臣查直  
隸州縣各城形勢皆極壯闊城外房屋無多賊勢仰攻不敵官  
軍之俯擊應請明定守城章程使各府州縣有所倚據而不致  
先期引遁實爲制賊之本計臣請練募五千人自成一軍再得  
馬隊二千人各營兵挑存三千人分途布置各府縣有警隨時  
抽調馳援總以堅守一月爲限一月後而官兵不至者準聽棄

聖正... 卷之三  
城不加苛責賊至卽遁者斬城守未逾月不待援而棄城遁者  
論罪庶使地方官知援兵之必至而有所恃以自全懼刑戮之  
必加而有所懾以自固其於整頓軍務殲除盜賊之略似亦稍  
有裨益應請

飭下部議毋拘守成例使託辭引避者得以自全堅守被陷者  
反無以自解人人知城守之爲重盜賊之平庶幾有冀愚昧之  
見伏乞

聖裁謹 奏

請調馬隊片

同治二年二月二十三日

再臣聞直隸山東河南等省盜賊橫行積有年歲騎馬持槍縱橫馳騁漸至旬結日眾釀成巨愍值營務廢弛之時一經堵擊輒至奔潰而賊勢遂以日張臣所部楚軍可以出入山險而不足以及馳驅廣漠以與騎馬之賊相拒於平原曠野其勢先有所不敵應請

旨調撥吉林黑龍江馬隊一千名或蒙古哲里木昭烏達馬隊一千名酌派幹員統帶必使其力足以與賊相持而後可徐籌攻勦之方現在科爾沁親王僧格林沁軍營各項馬隊均稱得力可否就近先撥一千名歸臣調遣之處出自

聖正情文合集卷四

皇上天恩謹附片奏明請

旨

三



調員整飭吏治饒需片

同治二年二月十三日

再廣東記名運司羅勳精明強幹有總覈之才廣東候補道段  
詰久歷戎行氣局開展并因事經署兩廣督臣晏端書奏參臣  
在廣東未久與該員等接見數次才具尙見優長徒以年少氣  
盛不利人口若竟與廢棄轉非

朝廷所以愛惜人才之意直隸吏治凋敝已久在多求強明果  
決之員遇事整飭以求挽回積習應請

飭令羅勳段詰二員隨臣前赴直隸體察情形但於吏治饒需  
稍有裨益卽由臣酌量奏明請

旨軍事以人才而理人才以培養而成愚昧之見是否有當伏

祈

聖鑒謹奏

在途接任

奏爲恭報微

臣

聖鑒事竊

臣

於

機大臣字寄同

上諭劉長佑自

懷直隸大順廣

南宮等各州縣

堵剿該匪已由

處襲渡河岸竄

河馬隊千人嗣

重刊公案表

鑑正惟公之集 卷四  
三  
飭馬步各軍趕過甯晉向東南追剿殊恐此賊未經痛剿所至  
又復蔓延畿南密邇京師北路之防尤要第僅將賊驅逐出境  
直東交界地多平行運河一衣帶水挖濠築壘亦難恃以爲固  
賊蹤往來剽疾必得痛加剿洗迅將全股殄滅方足以警凶頑  
而靖畿輔劉長佑久歷戎行聲威頗著到營後察看賊情地勢  
將直省現有馬步各軍將及萬人申之軍律布以方略定能所  
向有功膚功迅奏該督所奏治兵籌餉其源皆出於察吏洵爲  
採本之論直隸吏治廢弛清釐整飭自當積漸爲之不求速效  
不恤人言方能有所裨益該督到任總當盡其心力慎毋有所  
顧慮致多牽掣朝廷亦斷不爲一切遙制也僧格林沁勦辦毫

擒已將張落刑等巨逆擒戮殆盡昨已飭令酌帶馬步各隊北來先剿直東之賊倘能迅至更可商同調撥剿辦奏功山東臨清一帶節經譚廷襄奏聞派兵調圍堵剿應令如何設法兜擊隨時知照譚廷襄併力辦理該督自津起程後何日到營查悉軍務如何辦理情形仍著迅速具奏將此由五百里諭令知之欽此遵

旨寄信前來等因伏地跪讀仰荷

聖明詳示機宜俯加策勵欽奉之下感悚莫名臣於是日由津

起程至三十日行次獻縣探聞東匪因被官軍追剿復分股由

曲周清河一帶竄至深州冀州交界地方臣即趕緊前進於三

月初二日巳刻抵衡水縣適署督臣崇厚亦以追勦至衡晤商一切得以粗悉軍情初三日崇厚將

欽頒直隸總督關防及長蘆鹽政印信各一顆並

王命旗牌等件委員賚送前來臣當在衡水縣署恭設香案望

關叩頭拜篆接任訖隨據候補道劉策先廣平府知府余承恩

等稟報該員等於初一日會同總兵王佐臣帶隊繞出賊前初

二日辰刻在深州屬趙家莊迎頭攔截匪眾錯愕折向正南我

兵奮勇追至滏陽河殺斃賊匪二百餘名奪獲車十數輛騾馬

五十餘匹適署提臣恆齡亦帶領馬隊由南路而來賊見兩路

夾擊轉向正西奔竄我軍跟蹤追至東鹿所屬之智邱村時已

暮夜諸軍稍息仍當整隊窮追等語查此次股匪所竄東北雖經悉數截回難保不復圖他竄疲我兵力亟須痛加勦洗免致蔓延臣接任後一面咨行各軍激勵將士速籌兜勦一面馳赴威縣軍營察看賊情地勢粗爲部署亦卽酌帶馬步小隊會督勦辦臣初膺重任責備綦嚴惟當恪遵

聖訓盡其心力以期廓清畿輔仰慰

宸廑除到營後另將辦理詳細情形續行奏報外所有微臣在途接任日期及現在勦辦大概情形合先由驛恭摺具奏伏

乞

皇太后

鑒正惟公  
皇上聖鑒  
謹奏

三



各軍剿賊獲勝疏

同治二年三月十一日

奏爲到營後督飭各路官軍剿賊獲勝及現在籌辦情形恭摺  
仰祈

聖鑒事竊臣前於本月初四日在衡水縣行次曾將接篆日期  
及剿辦大概情形奏報在案拜摺後一面行催各軍悉力追剿  
一面多派弁兵四出偵探隨將前署督臣崇厚所帶追剿之馬  
步小隊整頓啟行於初六日馳抵威縣大營查該逆股匪自滏  
陽河敗竄之後因我兵併力窮追又復南北分竄其北竄一千  
餘人經通永鎮總兵徐廷楷記名總兵王佐臣候補道劉策先  
等嚴督兵勇沿途兜擊該匪斂險狂奔於初四日搶渡滹沱河

北我軍追及乘其半渡槍礮齊施斃賊甚多奪獲大車十餘輛馬數十匹賊即敗竄至深州屬之新莊等村我軍跟蹤渡河於初五日未刻督率海口營都司鄧啟元等繞至北面向南兜剿該匪仍復列隊抵禦我軍勇氣百倍將賊衝爲兩斷斃賊六七百名生擒僞先鋒李俊一名軍前正法奪獲騾馬二百餘匹大礮一尊槍刀旗幟多件餘匪六七百名奪路南奔逸當因我軍歷三晝夜未得稍息祇得暫行收隊其南竄一股於初八日竄至廣平縣屬小張固地方經署大名鎮總兵姜國仲等帶領隊伍由肥鄉縣屬之集山馳往迎擊甫至郝家莊地方該匪分股來撲該鎮兵力較單初被圍困比經飭令兵勇施放噴筒火

箭奮力攻擊轟斃賊匪一百餘名該匪勢不能支退向陳固崔家莊一帶該鎮督率開州協都司崔福泰等激勵兵勇節節追殺四十餘里共斃賊三百餘名內有黃衣紅衣騎馬賊目四名奪獲擡礮二十六桿刀矛旗幟一百餘件該匪奪路奔竄適署提督臣恆齡督帶馬隊由廣平縣屬之李家莊等處追壓前來賊因兩路夾攻判命來撲當經恆齡督令營總訥勒亨額等直前奮擊追至成兒寨地方又殲斃賊七八百名內有手執綠旗賊目一名奪獲旗槍多件騾馬多匹由各該提鎮咨稟前來先是探報該匪敗竄魏家莊計將由平固店下堡寺一帶竄回老巢臣當與臬司王榕吉籌商飭令開州知州楊詠春長源縣知

縣易煥書帶領所調清豐團勇駐紮平固店地方以資截剿  
於初八日與臬司王榕吉督帶洋槍隊及馬步小隊由下堡寺  
馳至山東臨清州屬之尖莊地面察看地勢冀可就近調撥各  
軍相機剿辦戌刻探悉廣平敗匪復爲恆齡馬隊及姜國仲楊  
詠春等兵勇所促分股數百人奔回河東其大股仍竄打兒寨  
一帶距尖莊僅十餘里當卽分撥馬步小隊於初九日寅刻由  
兩路鈔擊並督洋槍隊繼之該匪分股來撲我軍開放槍礮斃  
賊數十名馬步小隊鼓噪上前復殺賊數十名生擒數名奪獲  
器械騾馬不少該匪輒向東北狂奔乘騎迅疾現已選派文武  
各員弁管帶兵勇馳往截剿其徐廷楷等由深州新莊等村擊

敗股匪現據該鎮道稟稱於初九日在南宮清河界上斃賊三  
四百名奪獲騾馬百餘匹旗槍百餘件餘眾竄向甘集偵知該  
匪竟與打兒寨敗走之賊合爲一股臣已飭催徐廷楷劉策先  
等迅率所部與威縣派出之隊合力兜截並卽咨行署提督臣  
恆齡暨姜國仲余承恩等各軍由西路前來截剿如能就此殄  
滅洵屬大快人心第恐該匪勢窮又復分股旁竄撓我兵機查  
直省地勢平行便於奔突兵甫合而賊分兵旋分而賊合瞬息  
變動號令頻更彼此紛馳聲息多隔均非制勝之道其尤可慮  
者稽察有所難周恇怯者難免無諉過攘功之弊督責旣不容  
緩勇敢者亦將有筋疲力倦之虞臣接任後密審周咨昨復親

履行陣察看情形實深焦灼之至現與臬司王榕吉及已革知縣王蘭廣將直南地勢繪圖帖說計道里之遠近村落之稀密與夫此賊疊次往來之熟路擬就現在各軍分撥數營扼紮各處遇賊便擊以專責成並令彼此聯絡足以隨時策應不得稍存觀望仍商派馬步勁旅二三隊視賊所向悉力跟剿如此則賊勢立窮當可聚而殲之仰慰

聖廬俯蘇民困至徐廷楷劉策先等此次督率兵勇截回北竄股匪疊獲勝仗擒斬頗多其營中出力文武員弁由

臣

先行存

記俟直境肅清再行

奏懇

恩施所有到營後各路擊賊獲勝及現在籌辦情形理合會同

署提臣恆齡恭摺由驛馳奏伏乞

皇太后

皇上聖鑒謹奏





開東長以團代賑疏

同治二年三月十三日

奏爲籌撥開東長三州縣應需賑銀擬請援案變通以團代賑  
毋庸另籌賑卹恭摺 奏祈

聖鑒敕部立案事竊查接管卷內開州東明長垣等三州縣上  
年被水成災七八九分各村莊應賑極次貧民貧士經前督

文煜 奏奉

恩旨允准普賑一個月並半個月口糧聲明所需賑銀委實難  
籌議請或酌量撫卹或照例普賑或仍以團代賑應飭道就近  
體察情形覈實議覆再行 奏明覈辦在案當經飭司移道委  
查並復節次催飭去後茲據布政使石贊清詳稱開州東明長

垣等三州縣介在口以後災歉頻年邊防最關緊要湖等以郡城逼近時卽以賑銀作爲軍災因彼時軍書空擲節籌議改賑爲奉諭旨允行隨時國帑銀二萬餘兩失所辦理洵稱妥

水成災七八九分各村莊極次貧民戶口應需普賑一月並半月口糧米折銀數已據先後委查摺報計開州應需米折共銀二萬三千四百一十一兩七錢四分五釐東明縣應需米折共銀二萬一千一百六十兩二錢三分長垣縣應需米折共銀六千九百四十二兩二錢一分八釐五毫統計該三州縣應需米折共銀五萬一千五百一十四兩一錢九分三釐五毫既經大名道飭令大名府委員前往會同各該州縣體察情形以開東長等三州縣地方逼近賊氛團練防禦實爲目前要務請照咸豐十年成案將應撥賑銀作爲團費以團代賑毋庸再籌賑卹惟該三州縣上年秋禾被災之後風鶴頻驚貧民避難遷徙在

所必有卽使隨查隨放尙恐不無遺濫況現已東作方興更得  
傭趁自贍諒待賑窮黎斷不及原查之數所有各該州縣摺開  
戶口應需賑銀似當覈實撥發方期無濫無遺第民瘼攸關何  
敢遽議覈減而當茲

國計維艱之際司庫籌撥各路軍營協饗以及本省軍務饗需  
在在均關緊要顧此失彼亦非統籌全局之道是此案賑卹旣  
須實惠普沾更須稍節糜費惟有因時量爲變通方臻妥實議  
請由司酌撥實銀三萬兩卽日委員解交大名道兌收分撥開  
州銀一萬四千兩東明縣銀一萬兩長垣縣銀六千兩儘數作  
爲團練經費以團代賑毋庸另籌賑需如稍有不敷仍飭各屬

在於原辦團練案內自行籌畫辦理至該三州縣被災貧士口糧米折銀兩應請一律停放以歸畫一如此變通辦理庶司庫動款稍資節省而各該州縣賑務團防亦可一舉兩得等情據各該州縣詳由府道咨司請 奏前來前署督臣崇厚未經覈奏卸事移交到臣覆覈無異所有酌議開州東明長垣等三州縣應需賑銀擬請援案變通以團代賑並籌撥銀兩委解緣由除據詳咨明戶部外理合恭摺具 奏伏乞

皇太后

皇上聖鑒敕部立案施行謹 奏



永定河凌汛安瀾疏

同治二年三月十三日案自此至公去任永定河皆報安瀾疏不具刊

奏爲恭報永定河凌汛安瀾仰祈

聖鑒事竊查接管卷內據永定河道徐繼鏞稟稱本年凌汛屆期派委文武員弁分駐要工往來防護冰泮之後河水迭次增長自八九尺至一丈四五尺不等南岸之南上南下南二南三南四南五南六並南七大堤等汛北岸之北下北三北四上下北五北六等汛或河流頂衝或溜勢側注埽段紛紛蟄陷其並無埽工之處因風力過猛鼓盪漚勢撞擊灘坎遂致刷坍多處甚有潰及隄埧者情形尤覺喫重當卽督率文武員弁動用料物隨時趕緊搶廂並添下埽段一律保護平穩茲於二月十六

日全河冰凌融化淨盡水勢暢消蘆溝橋現存底水七尺四寸  
兩岸石土隄埽等工悉臻穩固稟報安瀾請 奏前來到前署  
督臣崇厚未及覈辦卸事移交臣除飭該道督率廳汛員弁  
加意巡防並將應辦歲修及疏濬事宜實力趕辦以禦伏秋汛  
漲外所有永定河凌汛安瀾緣由理合循例恭摺具 奏伏乞

皇太后

皇上聖鑒謹 奏



分軍剿匪獲勝並籌防北路疏

同治二年三

十七日

奏爲分軍剿匪獲勝並籌防北路情形恭摺仰祈

聖鑒事竊臣於三月十一日將到營後督飭各軍剿賊獲勝

籌辦情形恭摺馳報因樂城道路偶梗經趙州將摺遞回旋

改由東道馳遞在案伏查該匪於甘集合股後因官兵兜剿

急又復分爲兩股一由隆平甯晉一帶向西北竄逸一由平

雞澤一帶向南路奔逃臣當與臬司王榕吉籌度機宜相察

勢竊以滹沱河爲天設之險而當北路之衝該匪前曾偷渡

經通永鎮總兵徐廷楷等督兵截回而賊蹤飄忽無定仍應

兵駐守以嚴北路之防當飭調到之熱河及提標官兵各五

名馳赴深州東鹿正定一帶分隊扼紮逐日往來巡哨並委候  
補知縣翟文光前往號召鄉團會同防禦時徐廷楷由東鹿追  
賊至廣宗喘息未停疲乏已極乃先撥清豐團馬隊及游擊湯  
繼揚帶領王榕吉所部山西勇候補直隸州知州劉錫穀帶領  
順勇並署游擊邱瑞祥帶領原駐威縣之省標兵二百名景勇  
五百名由鉅鹿一帶追躡西北賊蹤去後適提臣恆齡接準臣  
咨由山東館陶分撥副都統薩薩布翼長海羣各帶馬隊來至  
威縣隨卽商催前進會同徐廷楷由冀州一帶繞至西北攔頭  
遏截冀收夾擊之功其南竄股匪當派開州知州楊詠春長垣  
縣知縣易煥書帶領清豐團勇由平鄉一帶追勦時河東另有

馬賊二百餘人乘間竄出署大名鎮總兵姜國仲由館陶折回將該匪追殺過半餘悉奔赴平鄉臣仍飭該總兵會同廣平府知府余承恩由曲周前進相機剿辦旋據余承恩稟初十日南竄股匪在平鄉縣屬之五花第二町地方竄擾該守督隊由東路進守備常開運等由西路進行至塔子橋適與賊遇先以槍礮環攻該匪敗卻我軍奮力疾進繼以刀矛共斃賊四五十名生擒九名奪獲綠旗三桿槍矛二十餘件十三日姜國仲探知南股竄匪在元城縣屬絲莊村盤踞令都司崔福泰等由村西進擊該總兵在村東截其去路用火攔堵該匪列隊衝擊我兵槍礮齊施刀矛並進斃賊一百六十三名匪眾冒火奔突兵勇

施放槍礮斃賊二十餘名搜獲三十二名餘匪仍向南奔竄追至黃金隄該匪馬步大隊分爲六股衝擊我軍槍礮連環噴筒火器齊放勇氣百倍自卯至午鏖戰四時之久斃賊一百六七十名奪獲騾馬八十四匹擡槍二十四桿烏槍十五桿刀矛旗幟一百餘件十四日楊詠春易煥書於商家路鄭莊見賊二千餘人蜂擁而上該牧等帶領鄉團嚴陣以待賊分三路來撲我軍開放槍礮擊斃騎馬紅衣賊目四名賊黨百數十名其後隊仍不稍卻正相持間突出悍賊百餘繞向我軍陣後團長馬學孟等各帶練勇怒馬入陣賊勢披靡我軍分作兩翼槍礮如雨其斃賊五百餘名生擒十一名奪獲賊馬十匹槍礮旗幟多件

兵勇閒有傷亡賊卽敗去又據劉錫毅等稟十一日探聞西北股匪竄入高邑縣境該縣知縣畢世榕會同營弁齊團出城迎擊因眾寡不敵以致畢世榕等臨陣遇害該牧等催隊趕到賊已先遁十二日該匪竄至樂城縣南十里鋪經署游擊邱瑞祥千總杜明利等帶隊馳至奮力鈔擊斃賊二百餘名奪獲器械多件該匪復向西竄各等情臣已嚴飭各軍並咨催恆齡薩薩布馬隊分道並進趕緊繞至西北向南痛加剿洗第該匪既不負隅據守復不轉戰相持甫得探報確蹤倏又分馳旁竄必須分紮步隊以逸待勞再行厚集馬隊跟蹤追剿乃可制其死命日昨南竄之匪當經姜國仲余承恩等擊敗走至黃金隄猶欲

折向東北比至商家路鄭莊卽爲楊詠春等所敗折向王家莊  
又爲常開運等所敗是其明驗也現准親王僧格林沁咨稱已  
派副都統蘇克金管帶馬隊千名於初九日自皖毫起程由河  
南衛輝前進探賊迎勦該親王亦於是日統帶全軍由山東濟  
甯一帶北來臣愚以東省伏莽雖多而畿輔尤關緊要亟應  
先其所急已將近日賊竄情形咨呈該親王冀其先赴直境一  
鼓殲除以期迅奏膚功早紓

聖念除查明高邑縣知縣遇害情形再行具奏外理合將分軍  
勦匪獲勝並籌防北路各緣由謹會同署提督臣恆齡恭摺由  
驛馳奏伏乞

皇太后

皇上聖鑒謹 奏





請兌各省協餉片

同治二年三月十七日

再查馬步兵勇餉乾前署督臣崇厚奏明續撥之長蘆運庫鹽筋復價銀四萬兩通商大臣衙門洋藥釐捐二萬兩業已委解到營計敷三月分支用現準

欽差大臣親王僧格林沁咨會統帶馬步全隊移營北來已於本月初九日起程不日即可到直兵數益增需餉愈多且添製軍火器械備辦鍋帳一切有必不容緩之要需卽有萬不能省之用款亟應預爲籌撥以資接濟查直隸司道各庫連年撥解本省外省軍餉早已動墊一空支絀情形久邀

聖鑒而上年冬閒東匪滋事以來復又籌撥銀十餘萬兩現據

藩司來稟續又籌備銀三萬兩聽候提用均係移緩就急於無  
可籌畫之中勉爲設措此後饒需委實無可動撥伏念直隸拱  
衛京師現值軍務未平關係較重查廣東福建湖南湖北江西  
山西等省雖亦連年辦理軍務庫款同一艱窘第以大局緩急  
而論亦不得不酌量撥濟其衛 畿疆合無仰懇

聖恩俯念直隸軍需緊要

敕下該督撫等自四月起無論何款廣東江西每月各撥銀一  
萬兩湖南湖北每月各撥銀七千兩福建山西每月各撥銀六  
千兩按期委員解直以濟要需爲數無多所關甚鉅該各督撫  
力維大局諒不至視爲泛常惟各省相距道路遠近不一解運

亦尙需時如蒙

俞允所有粵閩協撥饒銀臣擬函商通商大臣崇厚轉商英法

二國領事官於天津通商貿易資本內就近匯兌廣東銀四萬

兩福建銀二萬兩臣當咨照該二省由藩庫文到撥給其湖南

等省協饒仍由驛路解直俾無缺乏臣爲軍饒急需起見謹附

片具陳伏乞

聖鑒訓示謹 奏



覆陳股匪情形片

同治二年三月十七日

再臣承準議政王軍機大臣字寄欽奉

上諭賊匪股數有幾每股若干人數其由某處竄至某處者股匪係何人爲首均著詳細查明具奏等因欽此遵查現據拏獲被裹之王成仲等供稱該匪先後渡河者共計五股黃旗頭目張錫珠該匪於二月十三日在曲周平固店迤南韓村與官兵接仗身中七箭帶傷逃逸復於二十七日在肥鄉縣地方被官兵擊斃其子張豁子亦經山東拏獲現在趙麻子卽趙立德仔爲黃旗頭目藍旗係姚泰來紅旗張玉懷黑旗程順書綠旗楊四卽楊鵬山傳聞楊四業經山東官兵誘擒其兄楊鵬嶺現爲

是旗頭目其竄隆平甯晉趙州高邑欒城一帶者乃趙麻子姚  
秦來張玉懷三股其竄平鄉雞澤曲周元城黃金隄一帶者乃  
程順書楊鵬嶺二股至每股賊數若干委因匪蹤旋分旋合加  
以沿途裹脅每股或一二人至數百騎不等伏查起事爲首  
之張錫珠久經殲斃前因查無確據未敢率行具陳昨據平鄉  
縣監生郝進元投稱該監生被裹賊中於二月二十七日目覩  
張錫珠已被官兵擊斃所供情形與前獲各犯無異似無虛飾  
理合附片覆 奏伏乞

聖鑒謹 奏

責成統將片

同治二年三月十七日

再臣維治眾之方先明分數用兵之要貴  
看直省兵力本不為薄賊眾亦不為強而  
者良由倉猝徵調雜湊成軍部曲未分散  
進止行營復騷擾不堪號令雖嚴責成無  
速奏蕩平臣再四籌商倍增焦慮擬就現有  
齡所部馬隊及京營兵丁自成一軍外其餘  
使王榕吉署通永鎮總兵徐廷楷署大名鎮  
府知府余承恩統之並派王榕吉總理全  
營翼長候補道劉策先幫辦營務仍同徐

員或識略過人或忠勤不懈皆能爲臣臂助整頓戎行且兵弁  
旣歸統率則將領之責無可辭將領各守專司則兵弁之心有  
所懾而臣仍視督率之勤怠戰陣之勇怯遞定功過之等差以  
期上下相維彼此交警人皆思奮士盡爭先庶可迅掃妖氛肅  
清畿甸愚昧之見是否有當謹附片具陳伏乞

聖鑒訓示謹 奏



北路肅清乘勝截剿疏

同治二年三月二十六日

奏爲北竄股匪全數兜回北路已就肅清復經親督各軍乘勝截剿殆盡餘匪渡河軍務漸有起色恭摺奏祈

聖鑒事竊臣於三月十七日曾將分軍剿匪獲勝並籌防北路

情形恭摺馳報當查北路股匪已竄至欒城縣十里鋪一帶與南股賊匪相去五六百里意在分我兵力使難兼顧當與臬司王榕吉籌商機宜先將南路布置周密以逸待勞俾其計無可施遂飭游擊吉中阿一營駐紮張官寨已革參將王恩第一營駐紮安兒寨候補參將劉祺一營駐紮房兒寨並派游擊湯繼揚會同開州知州楊詠春長垣縣知縣易煥書各領所帶練勇

駐紮平谷店仍飛飭總兵姜國仲知府余承恩各帶所部兵勇  
往來馳擊遏其北竄以孤北股之勢又因連接大名府縣及南  
樂縣稟報忽有另股東匪乘南路團勇北來擾及元城南樂一  
帶遂飭清豐團勇速回大名顧其本境本月十三四五六日先  
後接據北路各軍稟報該匪竄至欒城迤北經劉錫穀等繞前  
截擊折而東竄游擊邱瑞祥先期馳赴欒城會同該縣詹作周  
齊團設伏出其不意奮力截擊該匪驚惶莫措向東南奔竄適  
徐廷楷一軍由東北冀州趕到該匪猶敢列陣相拒我軍槍礮  
齊施斃賊百數十名正鏖戰聞提臣恆齡所派副都統薩薩布  
翼長海羣等馬隊同時趕至合力痛勦復斃賊二百餘名賊勢

披靡向南敗竄當飭臬司王榕吉於十七日統帶洋槍隊並山西勇馳赴威縣東北迎頭截擊期於兩面夾攻臣於次日帶領親兵並劄調肥鄉縣知縣楊毓枏甯晉縣知縣過錦雲隨同馳抵香城固村該匪遙見我軍迤邐向西南遠竄遂卽督同該臬司星夜由曲周一路跟追於二十日馳抵廣平府據劉策先余承恩稟稱南股賊匪被勦窮蹙匪首程順書李汝光悔罪乞降情願隨營殺賊立功自贖等情臣思若輩反覆無常未可稍從寬典致貽後患惟正當追勦喫緊之際若竟遽予斥絕勢必與截回各股賊匪互相救援轉致兇焰益張當密諭該道府多方設法暫爲羈縻俟各股匪殲除淨盡再爲分別區處旋據探報

回稱截回股匪已由西南邯鄲荷曹一帶折而西北其勢又將  
北竄深恐前功盡棄遂於二十一日五更齊隊由廣平府督同  
臬司王榕吉由閒道繞出賊前直抵沙河縣城南正值該匪由  
南而北當卽督飭總兵春霖開放洋礮斃賊二三十名該匪膽  
敢鈔我後路復飭知縣張植初激勵山西奮勇與肥鄉練勇用  
擡礮回擊賊始驚潰署順德府知府李朝儀亦帶勇由北趕至  
乘勢進追復斃賊三十餘名因天色已晚收隊赴城駐紮二十  
二日寅刻我軍整隊欲行聞正南二十里外礮聲不絕比至裕  
綈店始知王佐臣及薩薩布海羣等所帶馬步各軍因奉臣催  
調先後趕至臨洺關迤南遇賊接仗斃匪甚多該匪始竄正南

繼復折而向東臣恐其又回東北會同提臣恆齡飭令徐廷楷  
等由南包剿臣由東北南和平鄉曲周一帶斜從北面兜擊該  
匪被剿狂奔直趨東南河岸我軍併力截擊擒斬尤多奪獲車  
輛馬匹無算該匪且戰且渡由尖莊東北之蔣家莊傅家莊等  
處悉數渡河本應催督諸軍刻卽渡河直擣巢穴惟河東捻教  
各匪尙多若非將河西布置妥密勢必彼剿此竄現與臬司親  
赴河干周歷察看酌調馬步各軍齊赴沿河駐紮並分飭河沿  
州縣遵照前定章程剋期挑築濠牆力圖守禦一俟辦理就緒  
卽當知會山東撫臣各選精銳會同剿洗期於一鼓殲除仰慰  
聖廑所有北路肅清並乘勢截剿殆盡餘匪渡河緣由謹會同

皇正德公全集卷四

提臣恆齡恭摺由驛馳

奏伏乞

皇太后

皇上聖鑒謹 奏

五

萃寇民團通賊片 同治二年三月二十六日

再臣接奉寄

諭桑阿鎮係賊匪老巢前於秦聚奎帶兵剿捕時童穉婦女皆  
執木掀掃箒揚土助賊聲勢非痛加剿洗不足以警凶頑而正  
人心著確切查明如果屬實卽行派兵力加掃除以靖逆氛而  
除後患等因欽此伏查東省萃堂冠館之間賊巢林立臣於到  
營後遍加訪察不獨桑阿鎮一處爲然誠如

聖訓若非痛加剿洗必致仍貽後患旬餘以來百計圖維仰賴  
聖主洪福始將南北各股殲除殆盡餘匪復竄回河東正宜及  
時分兵渡河爲掃穴犁庭之計第念東省教匪自咸豐十一年

聚眾滋事蔓延十餘州縣匪首之多以萃冠爲最鄉愚百姓或被煽惑或被脅從初猶未盡甘心繼則習爲故常安之若素良莠幾無以分求其能自拔集團禦賊者一縣曾不數村一村曾不數人地方官無兵無勇力不足以制之亦不得不隱忍遷就祇求其不來攻城劫獄卽引以爲幸甚至催納錢糧差役尙有藉重匪首之日誠以民之畏賊甚於畏官也今各股賊匪回竄東境如仍聚集一處猶可併力夾擊若竟散歸各縣各村甲長旣不敢舉報地方官復從而諱飾之偷安旦夕率報肅清恐大兵將無用武之地矣一經凱撤賊必復起山東一日不靖畿輔一日不安爲害伊於胡底臣聞堂邑之柳林團不肯從賊



尙能殺賊各匪皆與之爲仇誓欲破其團而後快該團已幾成  
孤立之勢應請

旨飭下山東撫臣於大兵進剿之日卽飭柳林團隨營助剿導  
引前路必能指賊所在搜殺無遺亦不至玉石俱焚妄殺良民  
總期淨絕根株不畱餘孽方爲全策新任山東撫臣閣敬銘忠  
果正直臣所素知定能不存意見共圖廓清也是否有當理合  
附片密陳伏乞

聖鑒訓示謹 奏

卷之四十五

四

直境南北肅清疏

同治二年三月二十日

奏爲直境南北現就肅清謹將籌辦防堵並越境進剿情形恭摺奏祈

聖鑒事竊臣於三月二十六日業將各匪殲除殆盡餘匪潰回河東緣由具奏發摺後卽與總兵徐廷楷臬司王榕吉馳抵尖莊一帶河干布置防守時值風燥天旱河水淺落不及馬腹未足據以爲險卽前次挑築之濠牆亦半爲風沙所偃不足以資限制計惟有乘勢進逼視賊所向以剿爲防庶免日久又復蔓延遂卽一面派撥兵勇分段巡防一面挑選精銳訂期渡河適值親王僧格林沁續派馬隊一千名經蘇克金管帶於二十八

益正慎公身卷四  
日到臣行營當與面商機宜屬其即日渡河由西北一路進兵  
署提臣恆齡先經駐紮臨清擬即由東北一路前進臣仍飭催  
總兵徐廷楷姜國仲各帶所挑精壯步隊由館陶小灘兩路前  
進期與馬步相輔而行分道合攻直擣巢穴並查有堂邑之柳  
林團孤立河東志切同仇臣已密飭該團長俟大軍壓境即率  
眾導其先路視賊所在盡力接殺如山東再有官軍兩面夾擊  
庶不至此勦彼竄臣與臬司王榕吉往來河岸既可相機策應  
亦可將乞降之眾就近彈壓暫施羈縻俟河東勦辦得手再行  
察看情形請  
旨遵辦總期盡絕根株仰慰

聖主廓清畿輔之至意所有迭次出力員弁兵勇容俟臣查明  
策懇

恩施以昭激勸理合會同提臣恆齡由六百里先行馳奏伏乞  
皇太后

皇上聖鑒訓示謹 奏



遵 旨覆陳片

同治二年三月二十日

再臣正繕奏間承準議政王軍機大臣字寄同治二年三月二十六日奉

上諭張之萬奏請飭撥天津炸礮著劉長佑崇厚迅速查明天津新鑄炸礮解交河南張之萬軍營並以山東李成餘黨竄入淄川僧格林沁一軍不得不先將淄匪掃除再行移師赴直惟現在直隸股匪恐其日益蔓延劉長佑身膺疆寄責無旁貸著卽就現有兵力認真攻剿等因欽此跪讀之下感悚莫名伏念臣更慙戎行仰沐

聖恩畀以畿疆重任值此時艱倍深兢惕兼以履任伊始人地

諸多生疏祇有遇事訪求悉心體察藉收集思廣益之助旬餘  
以來仰賴

皇上福庇已將南北股匪兜剿殆盡現當越境進剿之際臣惟  
有與臬司王榕吉殫竭血誠激勵將士奮勉圖功並隨時與僧  
格林沁籌商辦理斷不敢稍涉鬆懈致負

聖主特達之知除天津炸礮由臣咨明通商大臣崇厚迅速遵  
照辦理外理合附片具奏伏乞

聖鑒謹奏



宋景詩暫應羈縲片

同治二年三月三十日

再承準議政王軍機大臣字寄同治二年二月二十四日奉  
上諭宋景詩等降眾前經崇厚譚廷襄請令隨同剿賊自效並  
續加招集人數頗多宋景詩等由陝回東不受多隆阿調遣並  
聞沿途騷擾誠恐狼子野心仍懷反側此時雖尙在東境與直  
省軍營聲息相通著劉長佑到營後悉心體察並酌量應剿應  
撫抑應暫爲羈縲如何控御之處妥爲籌定具奏辦理等因欽  
此臣到營後遵查宋景詩名雖投誠心殊叵測其黨眾分隸直  
東各營騷擾地方固所不免而窺伺詭計尤屬難防此輩不除  
誠爲肘腋之患惟此時東匪敗竄河東官軍跟蹤追剿宋景詩

自知情罪難宥必已疑懼不安若遽加以兵彼將與各匪共謀抗拒分出滋擾兵力有所不逮轉恐滋蔓難圖臣與臬司王榕吉再四籌商仍不得不暫爲羈縻以孤賊勢而紓兵力一俟河東官軍將敗竄股匪驅除淨盡再當體察情形妥爲辦理是否有當理合附片陳明伏乞

聖鑒訓示謹 奏

餘匪渡剿河北竄疏

同治二年四月初三日

奏爲餘匪東渡剿河又圖北竄現復督飭兵勇防剿兼施恭摺  
奏祈

聖鑒事竊臣於三月三十日將直境肅清以勦爲防情形由驛  
馳奏當催馬步各軍先後分路渡河旋據總兵徐廷楷稟報該  
匪潰回河東後因官兵追急不敢歸巢竄由東昌府南七集村  
偷渡剿河直至茌平縣地面焚掠等語查茌平係南北通衢距  
直東交界之德州景州一帶不遠該匪詭計百出難保不由齊  
河恩縣北竄前準山東撫臣閻敬銘來函該撫已於三月十三  
日由晉啟行計程當在景德之交因聞德州民團陳冠甲等志

切同仇最爲齊整已飛咨該撫臣就近飭調迎剿一面飛調天津道李同文親督該管府州厚集練勇民團扼要堵截並飛飭前往滹沱河北之熱河古北口官兵一千名星夜馳赴景州一帶會同地方文武擇要駐紮賊至迎頭截擊以遏竄越提臣恆齡副都統蘇克金所帶馬隊業經過河亦由臣咨催繞從東北前進期於聲勢聯絡相機兜剿去後四月初一日謀報該匪復由在平竄至高唐州迤北之朱莊一帶其爲再圖北犯無疑恆齡與蘇克金馬隊分由冠縣堂邑馳往追剿能否繞出賊前尙未可知臣當飭臬司王榕吉於館陶行營商催徐廷楷余承恩等各率所部由南岸折向東北視賊所在悉力截剿臣亦卽親

率勇隊由西岸前赴臨清清河一帶相機調度藉資策應惟東  
境萃冠各屬伏莽尙多西南河岸防堵仍未可稍疏已商留王  
榕吉周歷督查務臻周密所有餘匪東渡剿河又圖北竄現在  
督飭兵勇防剿兼施各情形理合會同提臣恆齡由六百里馳  
奏伏乞

皇太后

皇上聖鑒謹 奏



越境獲勝疏

同治二年四月十二日

奏爲官軍越境獲勝餘匪渡河南竄復經督兵截擊逆首畏罪  
率眾輸誠恭摺 奏祈

聖鑒事竊

臣

於四月初三日將餘匪東渡劄河又圖北竄現督

飭兵勇防剿兼施情形由驛馳奏發摺後

臣

卽親率兵勇由尖

莊西岸馳抵臨清州城據河東探報總兵徐廷楷知府余承恩

等行抵夏津縣屬之玉里長屯地方因係黑夜鄉團誤疑爲賊

互有殺傷現在折回州境等語正查詢開又據西路報稱賊匪

竄至平原縣迤北之王灣地方經副都統蘇克金薩薩布海羣

成保等馬隊追及斃賊甚多該匪連夜狂奔由德州老君堂一

帶乘我兵勇未到偷渡運河分爲兩股向故城南宮一帶回竄  
等語臣料該匪必由威縣曲周復竄西北當卽飛飭臬司王榕  
吉酌撥防河兵勇向西南一路邀截臣卽親督大名鎮標步隊  
暨肥鄉開州長垣練勇從東南一路逆擊之初六日午刻行至  
曲周李家寨西北適遇該匪列隊而來我軍排開大礮當將賊  
隊衝爲兩斷署大名鎮美國仲署天津鎮春霖開州知州楊詠  
春肥鄉縣知縣楊毓楫各率兵勇分股奮擊擒斬悍賊數十名  
奪獲騾馬數十匹該匪前隊忽折而北旋有步賊數十人迎面  
匍匐口稱乞降臣見其半係難民暫止開放槍礮詢以賊目爲  
誰據稱首逆楊鵬嶺等均願悔罪投誠臣思該匪前隊旣折而



北後面恆蘇兩軍又未知曾否尾至倘再窮追勢仍北竄曷若就其乞降暫施羈絆遂諭令先將馬匹器械交出方準投誠該匪等唯唯聽命時因天晚暫行收隊初七日辰刻據該匪首楊鵬嶺並賊目張光亭戴九李榮等陸續繳出刀矛四百餘件騾馬五百餘匹因游擊潘永春都司邱瑞祥唐建勳解赴臣營交納所有脅從悉爲遣散尙餘夥賊三百名詢皆籍隸華冠不敢回家情甘隨營立功贖罪等語伏查該匪楊鵬嶺等罪大惡極反覆無常應卽立正典刑惟先後投誠之宋景詩程順書等相距不遠倘因乞降被戮羣起驚疑轉無以安反側祇得暫留軍營派令都司唐建勳等妥爲照管其由西南逸出之匪詢係張

王懷所領亦經臬司王裕吉督同總兵徐廷楷廣平府余承恩等由東南臨清趕上從旁截擊斃賊百數十名該匪奔至趙家圈一帶乘間渡河而竄初八日巳刻翼長蘇克金海羣副都統薩薩布等先後來營面商一切意見相同該翼長蘇克金因奉親王僧格林沁札調迫欲回軍助勦苗練適臣亦欽奉

諭旨未敢強留蘇克金卽於初九日五鼓統帶馬隊南旋現在直境雖就肅清惟河東伏莽尙多仍須及時控勦相應請

旨飭下山東撫臣閻敬銘或親至莘冠一帶或遴委明幹大員會同查辦並將善後事宜妥爲布置務使根株盡絕醜類悉殲以仰慰

聖主除惡務盡之至意除咨呈親王僧格林沁山東撫臣閣敬  
銘外所有此次出力員弁兵勇容臣查明彙案保奏理合會同  
署提臣恆齡先行由六百里恭摺馳奏伏乞

皇太后

皇上聖鑒謹奏



高邑知縣優卹片

同治二年四月十二日

再高邑縣知縣畢世榕帶勇出城剿賊陣亡前經奏蒙  
聖鑒並聲明查明遇害情形再行具奏茲臣查得二月十一日  
賊匪竄逼高邑縣境該縣城垣久經坍塌畢世榕會商外委鎖  
慎言號召鄉團曉以利害激以義忿率同紳勇馳赴東鄉堵剿  
行至破塔村遇賊接仗斃匪多名匪眾抗拒畢世榕身先士卒  
指揮團勇截剿致被矛傷前肋等處猶復策馬馳擊手執洋槍  
斃賊三名復被槍子中傷胸膛迨至力竭不支罵賊仍不絕口  
又被刀傷咽喉立時陣亡外委鎖慎言亦奮不顧身上前禦敵  
身受七十餘傷同時遇害屍身均已尋獲被害情形甚慘均屬

忠烈可嘉相應請

旨將同知直隸州用高邑縣知縣畢世榕照知府陣亡例外委  
鎖慎言照守備陣亡例

敕部從優議卹再畢世榕勇往殺賊力戰捐軀縣境賴以保全  
閭邑士民同聲感泣並請

旨準於死事地方及該故員原籍各建專祠將鎖慎言暨戰歿  
紳勇兵丁人等一併附祀以慰忠魂據司道會詳前來理合附  
片具 奏伏乞

聖鑒訓示謹 奏

覆陳總兵伊綿阿參款疏

同治二年四月十六日

奏爲已革大名鎮總兵伊綿阿被參各款遵旨嚴審定擬具  
奏恭摺仰祈

聖鑒事竊查接管卷內前署督臣崇厚欽奉

諭旨伊綿阿縱賊搶掠到處逗遛前已有旨將該員革職交文  
煜審辦著崇厚卽將該員被參各款嚴切訊明具奏等因欽此  
欽遵當經前署督臣札委大名道祝塏按照所參各款先行就  
近查訊去後旋據該道祝塏訊明並取具該革員伊綿阿親供  
詳覆前來前署督臣未及覈辦卸事移交到臣正在查案親提  
覆訊覈辦間欽奉寄

諭著劉長佑將秦聚奎死事情形再行詳查並著將伊綿阿等兵不救情形嚴切查明據實奏請懲辦以肅軍律毋稍徇隱因欽此除前署大名道秦聚奎死事情形以及秦福泰並隨

蒯遐齡等暨兵勇人等陣亡業經

臣另片覆奏請

旨建祠分別專祀附祀議卹外所有前督

臣文煜原參已革

名鎮總兵伊綿阿各情

臣親提到營逐款研鞫如原參該總

前與大名道秦聚奎同出勦賊該道奮勇捐軀該鎮竟全師

恙其退縮已可概見一節訊據該革員供稱上年十一月初

日賊由徐村渡河後該革員在張官寨途次秦聚奎差人邀

金灘鎮面商機宜初六日馳赴金灘鎮該革員以調到兵勇



以防勦兼顧商令秦聚奎駐紮金灘以防直隸門戶該革員親自帶隊進勦秦聚奎以直東軍務吃緊防勦是其專責必欲分路進兵屬令該革員於初八日由大場進兵秦聚奎由白塔集前進初九日該革員在焦莊出隊行抵馬橋繞越賊前自東南向西北進攻約三里許有土岡一道賊在岡西列成八隊該革員卽督飭清豐縣團長馬學孟並所部兵勇分頭迎擊槍礮齊施自已至申慶戰四時之久追勦二十餘里殺賊四五百名生擒王占林等四十餘名均在軍前正法時已昏暮撤隊至焦莊查點我軍陣亡兵勇二十五名受傷者十餘人正在差探秦聚奎勝負適遇隨同秦聚奎打仗之提標兵二名始知失利陣亡

等語是該革員係與秦聚奎分路進剿當秦聚奎陣亡時該革  
員在焦莊一帶與另股賊匪接仗獲勝且所部弁兵團勇既有  
傷亡當非虛捏覈其所供打仗情形尙非退縮亦屬可信又原  
參十二月十一日前督臣文煜在衡水行營接見該鎮是日賊  
在冀州城東十七八里外該鎮由冀來衡如果馳擊何致任令  
他竄其遷延更覺可疑一節據該革員供稱十二月初十日行  
至冀州西南十餘里地方見賊邊馬隨督隊殺賊十餘名獲馬  
四匹賊向東北奔竄追至冀州天時已晚遂駐該處探悉賊在  
冀州東北二十餘里鋪上村盤踞十一日卯刻起隊跟追辰刻  
至孫家椅子地方賊已向南奔竄正在催隊追剿之際接奉前

督臣文煜照會飭令督帶所部兵勇星夜由新河東鹿一帶徑赴行營聽候調遣即回隊進行復奉前督臣兩次派弁持令催調並言前督臣已抵衡水催遣速行謁見委係奉調前往實非遷延不進等語調閱原奉照會印文覈與該革員所稱奉調赴營聽候調遣之供相符又原參十二日派令自衡水起行十三日賊由棗強之崔母等村竄至陽莊是日各路兵勇早到惟該鎮最後始到十五日專弁赴前敵查探各路兵勇均已追及賊匪交仗仍係該鎮最後始到一節據該革員供稱奉調赴衡水謁見後十二日由衡水拔營南追往返一百餘里較之由冀州徑向南追者遠近懸殊故到亦不能不有先後十三日即趕

大清高宗純皇帝實錄卷三十三

七

上知府余承恩游擊阿洪阿升任順德營游擊姜國仲等於是夜會合進攻殺賊二百餘名奪馬十餘匹生擒二十餘名有前督臣委弁戎姓持令督陣可證十五日黎明起隊辰刻追至趙莊知賊已向西南逃竄各隊跟追約行里許該革員因見該處西北數里外有小白旗三隊約數千人恐係賊隊鈔襲我軍之後隨飭都司崔福泰將隊紮住派馬勇栗秀德前往偵探知係本處鄉團往返查探遲到刻餘是日酉刻追至賀釗地方姜國仲差人來言各隊均須赴威縣糧臺領饗屬該革員先行跟追次日追至尖莊賊欲渡河我軍追及與賊接仗斃賊二百餘名適侍衛益謙謙禧等趕到助剿賊復向西南竄去十五日委因

偵探遲到刻餘十六日仍趕赴各隊之前並非退縮有侍衛益謙等可證等語查覈該革員所供十二日由衡水拔營距賊較遠故與各軍到有先後十五日行至趙莊里許見有旗幟未知是賊是團派勇查探是以遲到刻餘是遲延尙屬有因又原參內由衡水到冀州一路村民被伊綿阿兵勇搶掠紛紛攔輿控訴一節據該革員供稱統帶大名官兵六百四十名開州兵二百名勇一千餘名屢經嚴飭帶兵將弁勇目等嚴行約束恪守營規到處公買公賣不許強取民間物件違者定按軍法又因兵勇並無帳房晚間駐紮非一處所能容止相距或一半里二三里不等當恐耳目難周每日派弁巡查其中偶有一二兵勇

以覓食爲名動取民物者除原物追還外將該兵勇輕則插耳  
箭遊營重則立時正法並查有土匪冒充兵勇搶掠隨時拿獲  
正法者三十八名有在永年縣曲陌村正法者二名係該縣謝  
恕眼見實無縱令搶掠情事並據供稱兵勇口糧皆由糧臺支  
放各隊自行請領卽間遇饟需未到向各處借領者莫不知會  
糧臺隨時扣除實不敢任意開銷亦不敢留賊自重等語覆加  
研鞫矢口不移詳加採訪亦復相同臣查該革員雖非有意遷  
延退縮及縱令兵勇搶掠情事惟身任專閫大員於本轄汛地  
當賊匪搶渡過河旣不能遏截竄路迨到處紛擾又不能迅速  
撲滅辜

恩溺職咎無可辭相應請

旨將已革大名鎮總兵伊綿阿發往軍臺效力以示懲儆惟據  
善大名府知府長啟詳稱據大名元城開州清豐並山東濮州  
觀城等州縣紳民團長等先後赴府具呈以伊綿阿於咸豐十  
一年間到任後正直東省教匪捻匪騎馬賊匪連年竄擾伊綿  
阿督帶兵勇扼要堵禦並會同升任大名道王榕吉帶兵追擊  
不避艱險河北一帶實賴伊綿阿保障之功等語詢之王榕吉  
據稱與伊綿阿共事年餘深知其所部兵勇紀律嚴明每遇追  
剿賊匪身先士卒並無退縮尙爲鎮將中得力之員臣復察訪  
輿論僉謂伊綿阿現雖因公獲咎而向來聲名尙好且在直東

勦匪歷有年所情形熟悉可否仰懇

天恩將伊綿阿畱營效力贖罪以觀後效而順輿情倘再不知奮勉卽當奏請從重治罪斷不敢稍事寬容理合恭摺具奏

伏乞

皇太后

皇上聖鑒訓示謹 奏



秦聚奎死事情形片

同治二年四月十六日

再臣前奉寄

諭著劉長佑將秦聚奎死事情形再行詳查及軍功秦福泰等同時陣亡各情一併查明奏請議卹等因欽此臣查前署大順廣道秦聚奎勦賊陣亡大概情形業經前督臣文煜奏報在案茲臣覆加詳查上年十一月初九日秦聚奎探得賊匪張錫珠等由館陶竄回冠縣當卽督率兵勇馳赴冠縣桑阿鎮地方與賊接仗身先士卒力遏兇鋒不意逆風大作身股伏匪乘風而至秦聚奎親揮兵勇奮力堵禦殺賊多名旋被賊用刀矛砍刺落馬迭受多傷腦漿迸出登時陣亡被害情形甚爲慘烈是日

隨同陣亡者尙有花翎知府用候補直隸州知州贊阜  
蒯遐齡又候補縣丞蔡玉麟六品軍功秦福泰六品藍  
楊連升涿州營外委陳得順拱極營外委丁文炳良鄉  
翁殿一提標左營經制外委李慶錫右營外委陳禧並  
手隨從人等當賊匪蜂擁抗拒之時該員弁人等均各  
身督隊衝殺因眾寡不敵同時遇害尋獲屍軀俱受名  
嘉憫伏查秦聚奎已奉

特恩照道員例從優議卹惟該故道親臨行陣殺賊捐  
勇血誠紳民至今感惜應請

旨准於死事地方及該故道原籍各立專祠以順輿情

節並請

旨將花翎知府用候補直隸州知州贊皇縣知縣蒯遐齡照知府陣亡例

敕部從優議卹候補縣丞蔡玉麟六品軍功秦福泰六品藍翎把總楊連升外委陳得順丁文炳翁殿一李慶錫陳禧均請

敕部照陣亡例從優議卹並與戰沒兵勇隨從人等均於秦聚奎專祠附祀再查有直隸州用候補知縣張維型經前臬司孫治派委偵探賊蹤察度地勢擇要設伏行至曲周縣侯村地方突遇賊眾罵賊不屈登時遇難亦屬忠烈可嘉數與陣亡無異應請一併

鑒正州公案卷四  
敕部照陣亡例從優議卹並附祀秦聚奎專祠以慰忠魂據司  
道會詳前來除查明陣亡兵勇驃手家丁楊珍等六十五名先  
行開具花名咨部照例議卹餘飭詳查續報外理合附片具  
奏伏乞

聖鑒訓示謹 奏

王恩第正法片

同治二年四月十六日

再臣承准議政王軍機大臣密寄

上諭前因王恩第通賊屢經諭令文煜崇厚將王恩第訊明正法嗣據崇厚奏稱所部人數甚眾未便輕動請暫緩等語王恩第心甘從逆罪不容誅豈可令其倖逃法網著仍遵屢寄諭旨將王恩第通賊之事訪查明確斟酌辦理務當不動聲色密益加密等因欽此臣於到營以後卽密加訪查王恩第賦性跋扈廣集黨與不特私通賊匪並縱容勇丁到處擄掠誠如聖諭罪不容誅祇因到任伊始又當勦匪喫緊之際不得不稍有所待四月十三日陳飛熊所帶弁勇到營臣左右有人呼應

較靈當將王恩第傳喚來營乘其不及防備叱令跪伏聽宣  
諭旨並歷數其通賊擾民罪狀該革員俯首無詞遂傳令在於  
軍前卽行正法一面飭令臬司王榕吉總兵徐廷楷將其所部  
勇丁妥爲遣散並出示曉諭免其查究俾各安心回里理合附  
片具奏伏乞

聖鑒謹奏

臨桂李樹森同校  
南陵胡永福

劉武慎公奏稿

劉武慎公全集六

卷之五目錄

遵籌三省剿匪事宜疏

誘擒首匪擇尤請獎疏

直東肅清撤留兵勇疏

請飭崇厚督饟片

楚軍由豫北來片

請留蘆鹽復價疏

海防兵勇饟需片

覆陳練軍營制疏

馬隊難以抽調片

出境進圖元惡疏

擒獲姚秦來片

請撥還津海關稅銀疏

進勦宋金詩迭挫賊鋒疏

輕敵員弁摘頂片

賊情狡悍相機勦辦疏

親督各軍剋期大舉疏

拏獲匪首正法片

會奏勸辦米捐疏



請飭東撫移營夾擊疏

徵收糧租仍舊搭鈔疏

督軍迭獲勝仗疏

揆捕近畿馬賊片

宋逆被勦南竄疏

宋逆乘閒西竄疏

敗賊竄直請旨議處片

督軍追截賊奔東南疏

宋逆折回東境疏

敗賊折向南奔現仍防勦兼籌疏

孝正の公の御書

Blank manuscript page with vertical lines.

遵籌三省剿匪事宜疏

同治二年四月十六日

奏為遵旨籌辦直東豫三省交界地方剿匪事宜先將大概情形恭摺仰祈

聖鑒事竊臣於四月十一日欽奉

上諭劉長佑著督辦直隸山東河南三省交界地方剿匪事宜所有三省交界地方旗綠各營官弁及防剿兵勇均歸節制欽此同日復承准議政王軍機大臣字寄奉

上諭唐訓方奏蒙城力戰卻賊苗逆分踞潁上等縣戕官據城圍攻壽州現復句變髮逆大舉合圍六安臨淮兵單饒絕情形請飛飭南北軍迅速赴剿一摺本日已明降諭旨令劉長佑督

辦直東豫三省交界剿匪事宜所有折由桂平等處北竄之賊仍著督飭恆齡等會合各軍繞前夾擊殄除淨盡王榕吉祝瓚均係素嫻軍旅著劉長佑督飭於交界地方襄辦防剿以資臂助等因欽此

臣聞

命之下悚惶倍深伏查直東豫三省交界之區當以黃河為斷西南彰德衛輝懷慶三府雖不盡與直境接壤以河北視之則皆畿南之門戶也自咸豐三年髮逆竄越而後頻年以防河為急務復因河道迤邐千數百里防範難周歷蒙

欽派防河大臣以專責成其大名所轄之長垣開州東明等處河道南接蘭考東接濮范在在均須嚴防前曾設有防兵一千

名沿河練勇一千五百名如果糧饟無缺統帶得人濟以團練足資防禦至彰衛懷三府向有河北鎮道專司巡防自河南撫臣嚴樹森奏明河防改歸地方更屬責無旁貸究竟分防兵勇若干布置是否周密尙須查察兼之內黃滑濬等處與大名最爲切近連年土匪蠢動深虞患生肘腋大名道祝塏於河南情形較熟擬卽派令前往會同河北鎮道督飭各屬集團練兵期於緩急有備若東南之曹州緊與東明毗連係捻匪出沒之區所屬之濮州范縣濱臨黃河港汊紛歧久爲姦匪淵藪每遇南捻北犯導引勾結皆出其中曹州一鎮實爲南北咽喉重地必須鎮守得人方有以靖內匪而弭外寇其東北則東昌所屬之

莘縣冠縣堂邑館陶以及臨清邱縣一帶匪巢林立連年聚眾  
爲亂相率從風良莠幾於莫辨地方官之庸懦者隱忍諱飾固  
不免養癰貽患操切者辦理不得其宜又激之生變因而直隸  
之廣平曲周清河等處均被其煽惑故必山東安而後畿輔卽  
安臣到營以來節經親督官軍痛加剿洗仰賴

皇上天威數日之內張玉懷授首於前王恩第伏誅於後載路  
歡聲驚喜相告洵足以張軍威而紓眾憤所難者南北蔓延十  
餘州縣伏莽尙多勢不能盡殺乃止兼之降卒叛將雜處其間  
宋景詩之包藏禍心尤爲東直切膚之患日盼

欽差大臣僧格林沁來直與山東撫臣閻敬銘到任冀可透商

機宜併力收拾爲一勞永逸之策今僧格林沁旣返旆南征閩敬銘又疾趨淄川不遑西顧刻下東省邊境所有應勦應撫及一切善後事宜急須閩敬銘遴委文武明幹大員前來交界地方實力整頓臣一面飭委臬司王榕吉前往會辦庶可以早就廓清署提臣恆齡現住臨清暫示鎮壓一俟直境布置就緒臣卽親身周歷直東豫三省交界各郡縣查看地方情形視時事之緩急與兵勇之多寡以及文武官員之果否相宜逐一體察如有不能得力者卽由臣咨商各該撫臣及早更換總期和衷共濟畛域不分仰副

聖主統籌全局永固畿疆之至意所有遵

旨籌議三省防剿大概緣由理合恭摺具奏伏乞

皇太后

皇上聖鑒謹奏



誘擒首匪擇尤請獎疏

同治二年四月十六日

奏爲誘擒怙惡首匪立處極刑用快人心並將迭次出力員弁先行擇尤保 奏叩懇 恩施恭摺仰祈

聖鑒事竊臣於四月十三日將官軍越境獲勝餘匪渡河南竄復經督兵截擊逆首畏罪率眾投誠緣由由驛馳 奏查渡河東竄餘匪其爲首卽張玉懷與姚泰來等咸豐十一年間各股教匪被勦窮蹙均赴勝保軍營乞降惟該匪張玉懷始終怙惡不肯投誠同治元年十月間張錫珠率眾倡亂該匪係其同族首先懲懲迨張錫珠被官兵陣斬後卽將所領匪眾併爲已有所到焚掠較他股尤甚本年三月初該匪率眾竄渡滹沱河意

圖北犯若非官兵兜剿得力爲害曷可勝言罪大惡極莫此爲甚臣與臬司王榕吉通永鎮徐廷楷商及慮該匪被剿遠颺志圖復逞也當飭都司唐建勛密諭楊鵬嶺將該匪誘擒來營訊據供認前情不諱當派王榕吉將該匪首張玉懷綁赴市曹極刑處死以快人心而申

天討並示諭被脅餘匪如能悔罪歸農從寬免究該降首楊鵬嶺投營數日卽能誘擒巨惡張玉懷足見安心投誠應請天恩免其治罪予以自新之路又查此次剿撫兼施擒斬首逆其尤爲出力在事迭次出力旗綠各營員弁兵勇可否由臣擇尤開單彙請獎勵之處均候

聖裁除咨親王僧格林沁並咨明山東撫臣外理合會同提臣  
恆齡恭摺馳奏伏乞

皇太后

皇上聖鑒謹奏



直東肅清撤留兵勇疏

同治二年五月初二日

奏爲直東交界現就肅清酌將兵勇分別撤留並仿照南省營制及時選練以資防剿恭摺仰祈

聖鑒事竊照東竄餘匪自張玉懷伏誅後所餘五六百人四散混逃經各兵勇分路截殺有竄至聊城縣地面者亦經東省兵團兜殺幾盡直東沿河一帶現無賊蹤投誠之程順書楊鵬嶺等前經諭令在於臨清地境分起安插並密飭該各頭目就探堂邑伏匪動靜設法自效一面派員將其部眾覆加點驗情愿歸農者遞籍管束仍前桀驁者立斬徇軍續據繳出馬八十餘匹舊藏礮位十餘尊查其情形頗知畏懼臣仍謹遵疊次

諭旨隨時察看妥辦斷不敢敷衍目前再維用兵之道貴乎因  
時制宜各營兵勇經前督臣文煜崇厚先後調撥一萬五六千  
名現與臬司王榕吉逐加考核分別撤留以節糜費所留兵勇  
中不乏奮勇爭先之眾惟營制未定以之禦教匪則有餘以之  
禦南捻恐不足而且鈴束無具卽紀律難明宿村索饗積習相  
沿尤非安內攘外之道臣愿事戎行轉戰數省所恃以戰勝攻  
取者固由士卒之用命亦實營制之合宜臣到營時正值進剿  
喫緊未敢遽議更張現在局勢稍紓講求宜急適新任兩淮鹽  
運使郭嵩燾因副將陳飛熊帶勇來直附寄兩江督臣曾國藩  
所定湘軍營制臣審酌南北情形量爲變通一面飭催軍需總

局行營糧臺製備鍋帳鏟等件一面分飭各營照式遵辦其  
有不足額數者飭令召募成營派候選道黎獻等逐日督同操  
練臣復親身指授其間約計月餘可望一律齊整大名道祝境  
日昨來營臣與之籌商一切均尙能中窾要現飭束裝前赴直  
豫界上約會河北鎮道妥爲布置東境則俟撫臣閻敬銘派委  
明幹大員到來當飭臬司王榕吉前往會辦臣俟一切稍能就  
緒卽親赴交界各州縣周歷通籌以期仰副  
聖主先事籌防有備無患至意至堂邑伏匪鼠首兩端意將觀  
變而動臣已函商山東撫臣閻敬銘調令率眾前往助勦淄川  
以觀其向背此時親王僧格林沁尙未南下如該匪應調前往

當可設法圖之並卽密約提臣恆齡將馬步各隊豫爲布置  
該匪意存負固卽當相機勦辦以祛近憂理合會同提臣恆齡  
恭摺由驛馳奏伏乞

皇太后

皇上聖鑒訓示謹奏



請飭崇厚督饒片

同治二年五月初二日

再籌兵必先籌饒此時直隸情形籌饒尤難於籌兵臣初抵天津曾以籌饒之道不外清額課汰浮費廣捐輸三端附摺奏明早邀

慈鑒迨至威縣軍營細詢饒源所在爲之茫然因而有廣東湖南各省酌撥協濟之請其時已拮据萬狀幾不可支所恃前署督兵部侍郎崇厚身歷其閒洞悉艱苦又以畿甸關係根本不憚設法兌撥解濟臣營益以藩運道三庫湊解各款暫免匱乏迄今直境稍安似可撤兵節饒稍爲休息而

聖謨廣遠方謂東豫兩省軍務未竣畿輔未能卽安不以臣爲

不才復

命督辦三省交界剿匪事宜並派臬司王榕吉大順廣道祝壇相助爲理臣愚昧之見亦以東豫兩省爲直省屏蔽近憂遠慮

誠不可不先事綢繆前月十六日已將大概情形 奏奉

諭旨飭遵在案惟是軍饑之難更有不得不上煩

聖廩者地糧旣入不敷出鹽課亦有絀無盈饒源無從開矣兵有宜裁亦有宜增員不可宄亦不可無饒之流更無可節矣捐輸早成弩末釐金近復停抽各省撥款緩急又不可恃則籌饒之術亦幾窮矣而現在汰畱之兵與新募之勇及原調後起楚軍約計已一萬二三千人加以各軍馬隊每月共需銀八九萬

兩軍務久暫難定深恐竭蹶立形臣受

恩深重力所能辦不敢畏難現與王榕吉祝墜等再四籌商同  
深焦慮合無仰懇

天恩飭令侍郎崇厚督辦直省軍餉事務速議何項可撥何款  
可籌與臣會銜奏明請

旨遵辦庶幾饟糈有著再由藩運各庫隨時湊款解濟臣更得  
一意籌辦剿匪事宜該侍郎練達精詳能顧大局而天津又爲  
財用流通之區必能挹注得宜源源接濟臣爲練兵剿匪籌饟  
艱難起見是否有當伏候

聖裁謹附片陳明伏乞

欽定四庫全書

卷三

聖鑒謹奏

楚軍由豫北來片

同治二年五月初二日

再臣接奉寄

諭茲據晏端書等奏查湖南省至廣東省水陸計程二千餘里  
加以由海赴津駛行各口又無定期程途實形紆折等語卽著  
毛鴻賓飭令李明惠等統帶所部徑由楚豫取道北上並著劉  
長佑行文催提李明惠等迅赴直省以資攻剿等因欽此竊維  
由海赴津程途紆折需費浩繁臣前由上海分撥陳飛熊一軍  
乘坐海船飲食諸多不繼各勇頗形疲乏今李明惠等各軍人  
數較多航海尤爲不易度其業經在途未會更議正籌慮聞欽  
奉前因查由湖南永州府以道我楚經蘇汴省入直隸長垣縣

境探赴臣營尙爲捷便除分咨楚豫撫臣並飛飭李明惠等率所部趨程北上外理合附片陳明謹奏

請留蘆鹽復價疏

同治二年五月十七日

奏為軍餉絀乏請仍留蘆鹽復價並酌撥洋藥釐捐恭摺會陳  
仰祈

聖鑒事竊照長蘆鹽筋復價一款上年因辦理海防經臣崇厚

會同前督臣文煜奏請留為天津海防經費仰蒙

諭旨允準上年冬閒前督臣文煜接準戶部來咨指撥長蘆復

價銀十萬兩復經臣崇厚會同文煜奏請仍留海防作為練

兵巡防兵餉並聲明請將山陝欠解協撥海防月餉改解部庫

奉

旨戶部議奏欽此嗣準部咨議令仍將指撥復價分限報解並

令查明已未完徵收數目分晰造報旋經飭據長蘆鹽運使查明復價一款按年勻攤雖有十七八萬兩因連年各路被擾加以河道淺涸未能及時領運商力疲累難支現計實在徵完者每年不過十二三萬兩除陸續解支外截至本年四月止僅存銀二萬二千餘兩等情臣等溯查長蘆添徵復價係自咸豐八年間海口添募新兵經親王僧格林沁前督臣瑞麟會議奏明作為新兵口糧之用並非解部之款即如上年辦理天津海防山陝協餉未能解濟全恃復價銀兩隨時提充防餉嗣臣崇厚署理督篆正值勦匪喫緊將海口防兵先後調營征勦復經兩次提解復價七萬兩前來臣劉長佑督勦直境東匪甫經



告蕝復奉

命督辦三省交界勦匪事宜雖將原調兵勇分別撤留現計馬步兵勇尙有一萬四五千入久暫未可豫期饟需已形支絀直隸藩庫本係入不敷出節經該司勉力籌解十餘萬兩此後司庫情形實已無可那解臣等往返函商亦知京饟攸關何敢置而不顧惟臣劉長佑軍營饟源匱乏幾難支持所請協饟道路遠近不一未足恃爲緩急籌維再四惟有仰懇

天恩俯念三省防勦緊要仍將蘆鹽復價一款免其提解留於本省作爲軍營月餼藉資挹注再臣等會查天津徵收洋藥釐捐上年計徵收銀三萬餘兩均經奏撥海防支用本年所徵銀

兩擬請一併解充軍餼由臣崇厚陸續集數解濟稍事補苴臣  
等籌商意見相同謹合詞恭摺具奏伏乞

皇太后

皇上聖鑒訓示謹奏

海防兵勇饑需片

同治二年五月十七日

再查天津海防兵勇除經陸續調赴軍營外現在畱津尙有大沽協馬步官兵一百七十餘員名通永鎮馬步官兵五十餘員名均係分駐郡城並海口等處稽查彈壓並輪換分派赴軍營往來偵探又練勇五百餘員名現以一半在津巡緝彈壓一半現隨天津道李同文在景州一帶防堵又北塘兩岸礮臺礮位並稽查海口船隻出入通永鎮官兵八十餘員名天津地方五方雜處人情浮動並有西洋官商在津尤須認真彈壓北塘地方安設大礮數十尊亦必須畱兵在礮臺看守此項兵勇本在海防額內經臣等細心籌商酌量分畱以重防守其應需饑乾

津貼自應照章給發每月需銀三千餘兩仍須在上年原奏海防籌款案內之鹽飭復價洋藥抽釐並津郡釐捐等款項下隨時籌撥由天津道督飭天津府認真經理按月支發以昭核實理合附片具奏伏乞

聖鑒謹奏

覆陳練軍營制疏

同治二年五月十七日

奏爲遵將辦理營制詳細情形開具清單恭摺具陳仰祈

聖鑒事竊臣於五月初二日曾將直東交界肅清酌將兵勇分別撤留並仿照南省營制及時選練以資防勦緣由恭摺馳奏欽奉

上諭練兵之道南北情形不同總在因時制宜期於盡善著卽就南省營制量爲變通趕緊辦理一面將辦理詳細情形先行具奏等因欽此臣惟節制之師行必成陣止必成營而欲明陣法必先定營制此不易之理也直省營務廢弛所收練勇又多臨時召募旗幟不分隊伍易亂鍋帳不備號令難齊故或百人

爲一營或二三百人爲一營亦有多至八九百名千數百名爲一營者分道揚鑣各不相顧其少者常苦於分而不能合其多者又苦於合而不能分一旦猝遇強敵更番轉戰動至數萬或數十萬不等而欲使之以寡敵眾以少勝多其勢必有所不能今以南省營制考之五百人爲一營營有官官有貳有親兵是爲中哨餘分爲前後左右四哨哨有官有長有正旗每哨列爲八隊隊有長有副旗護勇伙勇異其名鍋帳鍬鏃備其用每營前後爲正左右中爲奇自爲起伏自爲救應分之則爲五合之可爲一由一營以至五營爲一軍仍以分哨之制分立營名可以隨時調動有奇正相生首尾相應之用而又旗幟分其色號

補別其目使之一目了然雖數十營不致相混惟南省山川險隘利用短兵北方地勢平衍宜施火器則擡槍之用不能不多於南省也南人肩挑擔負習爲勞苦北方車載馬馱素耽安逸則長夫之用不能不易以車輛也此南北情形不同所宜量爲變通者也臣現與臬司王榕吉親督各營編定隊伍講明號令無論新舊兵勇逐日操練漸有改觀祇俟新製旗幟鍋帳等件稍可備用卽當審擇地勢安營結陣加意講求總期斟酌盡善一律齊整斷不敢徒託空言所需軍饌已咨商通商大臣崇厚在於天津關稅及各款項內酌爲籌撥謹當隨時會奏請旨遵行一面仍飭藩司石贊清設法措辦源源接濟以期無誤

名正也

事機所有辦理營制詳細情形謹開單會同提臣恆齡恭摺由

驛馳 奏伏乞

皇太后

皇上聖鑒訓示謹 奏



馬隊難以抽調片

同治二年五月十七日

再臣承準議政王軍機大臣字寄於五月十四日奉

上諭張之萬奏河南急需馬隊請酌撥以利追剿著劉長佑審度情形將成保等所部馬隊酌撥數百馳赴山東以便僧格林沁於得力馬隊內抽調數百名派員帶往等因欽此伏查成保薩薩布所統京營馬隊均隨提臣恆齡駐紮臨清州河岸臣因西路空虛屢次商提臣恆齡將薩薩布所帶馬隊移紮館陶地面以顧西路尙未準該提督分撥前來旋奉

諭旨以宋景詩不軌情形亟宜早爲撲滅令卽知會恆齡蘇克金等軍定期會合實力進剿臣已將降匪日益凶悖亟須兩省

第正惟公自集 卷五  
會勦緣由恭摺密陳在案連日復據宋景詩稟請應調隨勦並  
稱馬步已有五六千名之多雖其狡詐未可遽信惟現值籌勦  
喫緊之際誠如

聖諭何能輕議抽調 臣現已咨商親王僧格林沁如淄川營中  
另有得力馬隊可撥卽當咨會成保薩薩布將所統京營馬隊  
速撥數百名前赴山東否則恆蘇兩軍中斷難抽調恐於直東  
大局有礙理合附片具陳伏乞

皇上聖鑒謹 奏

出境進圖元惡疏

同治二年五月二十九日

奏爲全軍出境進圖元惡仍須兩省夾擊以遏分竄恭摺仰祈  
 聖鑒事竊臣於五月十四日曾將降賊日益狂悖亟應會勦各  
 緣由密摺馳奏旋奉

上諭宋景詩狼子野心負隅自固萬無姑容之理丁寶楨所部  
 兵勇不過千餘人即使進紮東昌臨清亦不足以遏狂寇僧格  
 林沁聲威素著若能移營東昌進扼東南兩路不但可以遏賊  
 東竄且於恆齡蘇克金各馬隊發縱指示呼應較靈畿疆重地  
 關繫緊要惟當謀定後動斷不可草率從事致貽後患等因欽  
 此仰見

聖謀遠慮慎重周詳遵卽飛咨商辦嗣準僧格林沁咨覆淄川  
踞匪圍攻正在喫緊斷難移動令卽會合署提督恆齡蘇克金  
等所帶馬隊力籌進剿究竟東昌一路作何防禦尙未準東撫  
閻敬銘知照前來想亦除丁寶楨一軍之外別無可撥至恆齡  
一軍久已移駐臨清薩薩布成保各起馬隊亦早經恆齡調赴  
臨清蘇克金所帶馬隊遠駐阜城距臣營四百餘里援應頗難  
其西南西北及正西各路與直豫晉相爲密邇均無馬隊可備  
緩急以臣現練兵勇鼓行而前如該逆敢於迎敵或仍前負隅  
勦辦均易於得手特慮其乘虛遠竄轉爲流寇正未可量其所  
至東南兩路臣前次奏請

飭派丁寶楨帶勇前來

聖諭尙慮其不足以資遏截今并此而無之其空虛可慮更不待言惟事機所迫已成騎虎之勢且秋禾日益茂密再遲更難於用兵爲今之計惟就現有兵力殫竭臣力爲之一面飛咨蘇克金速由北路移營前進一面咨會恆齡等馬隊由臨清之東西兩路渡河包剿臣與臬司王榕吉策勵諸軍於五月二十九六月初一初三等日督同前進分布於臨清之尖莊館陶之馬頭及南館陶一帶河口擇要安營相機進剿並劄飭大順廣道祝壇已革大名鎮伊綿阿選調兵勇及得力鄉團由小灘冠縣一路聯絡聲勢節節進逼又冠縣知縣孫善述膽識素優亦令

召可靠團勇隨營助剿卽作鄉導山東署臬司呼震曹州鎮總  
兵保德現既奉委在東昌堂邑一路籌辦防剿責無旁貸業經  
密劄飭令親督兵勇會合夾擊並調集運河以東各州縣鄉團  
分布沿河嚴防竄越復由臣營懸立重賞以鼓士氣仍請  
旨飭下山東撫臣催派丁寶楨所帶楚勇星夜前來以固東路

藩籬倘能仰賴

天威一鼓成擒正非祇山東一省之幸也所有督同全軍剋期  
渡河剿辦各緣由理合由六百里馳奏伏乞

皇太后

皇上聖鑒訓示謹奏

擒獲姚泰來片

同治二年五月二十九日

再前東匪竄擾直境分列五旗頭目曾經遵

旨查明覆 奏在案查首匪張錫珠張玉懷楊鵬嶺程順書等  
或已伏誅或經就撫惟藍旗頭目姚泰來在逃未獲該匪自咸  
豐十一年倡亂倖逃法網上年復與張錫珠張玉懷同謀叛亂  
尤爲怙惡狡黠未可再任稽誅臣與臬司王榕吉迭經密飭各  
營及地方官嚴密緝緝俾免遠颺復逞茲據題奏鹽運使劉策  
先道員用廣平府知府余承恩密派守備常開運候補知縣余  
沛恩等訪得該匪蹤迹設法誘至曲周縣城西馬步村地方不  
動聲色派隊擒獲解送臣營訊據供認迭次糾黨竄擾直境因

張玉懷伏誅隨即逃匿茲復潛來河西意圖勾結致被誘擒等情不諱伏查該匪迭次倡亂罪不容誅當派員弁將該匪首姚泰來綁赴市曹凌遲處死洵足以申國法而快人心除出力各員弁應請彙入前次勦撫案內從優保獎以示鼓勵外理合附片具陳伏乞

聖鑒謹奏



請撥還津海關稅銀疏

同治二年五月二十九日

奏爲軍需緊要請將江海關欠解免稅單銀撥還濟饑恭摺會

陳仰祈

聖鑒事竊臣等前奉寄

諭浙東軍饟何項可撥何款可籌著卽迅速妥議具奏等因

欽此業將直隸軍饟萬分支絀情形並請畱蘆鹽復價洋藥釐

捐緣由會同奏蒙

俞允伏查臣劉長佑奉

命督辦三省交界勦匪事宜月饟所需本省旣無巨款可籌協  
饟又難按期解至且籌防籌勦久暫難以豫期今以五六兩月

計之勉力按羅已屬萬難敷衍若不亟爲籌濟實慮飢潰堪虞  
臣等迭次函商現就通省而論天津爲通商海口臣崇厚經管  
戶海兩關似可量爲籌撥第以每歲所入不及粵海江海十之  
一二前因直隸軍需緊要經臣崇厚將戶關徵存上年稅銀五  
萬七千餘兩奏明儘數湊解在案海關自開辦以來所收現  
銀以之採辦銅筋業已不敷甚鉅惟查南省各口欠解免稅單  
銀截至現年四月共□三十三萬有奇內除署通商大臣李鴻  
章奏覆撥濟南省軍餉十二萬兩請俟軍務稍平再行還解外  
尙欠二十一萬餘兩曾經總理各國事務王大臣奏準咨行江  
蘇撫臣照數解還現在直隸本省需餉孔迫自應先其所急仍

請解充軍餼以衛畿疆而資補助相應請

旨敕下江蘇撫臣自五月起由上海稅釐項下每月撥還欠解

津海關免稅單銀二萬兩按月籌解直隸軍營以濟要需臣等

往返酌商意見相同謹恭摺會 奏伏乞

皇太后

皇上聖鑒訓示謹 奏



進剿宋景詩迭挫賊鋒疏

同治二年六月十三日

奏爲進軍防剿迭挫賊鋒現飭嚴遏竄越剋期再舉恭摺具

奏仰祈

聖鑒事竊惟宋景詩叛逆顯著理難姑容業經

臣將全軍出境

進圖元惡仍須兩省會合夾擊緣由恭摺馳

奏與新授藩

司王榕吉於初四日帶親兵馳抵館陶城外安營駐紮相度機  
宜因思降首程順書李汶光戴九等三名屢謀叛逆凶狡異常  
若不設法及早殄除仍恐其與宋景詩暗相勾結當密派候補  
道劉策先委用道丁守存計調到營明正其罪在於軍前梟示  
所部降眾分別遣散以絕內患初五日酉刻探得逆黨劉厚德

聖正惟公全集 卷五  
楊塾一等率領逆眾在於臨清南岸窺探意圖乘夜搶渡經臣  
飛飭通永鎮徐廷楷候補總兵王佐臣候補參將蔣希夷熱河  
營總協領瑞興等各率所部防河兵勇隨同署提臣恆齡在於  
臨清各口岸嚴密防範初六日子刻該匪膽敢率眾撲犯由臨  
清之劉家口頭闡歇馬亭三里鋪等處吶喊搶渡我軍憑河堵  
禦槍礮齊施斃賊數十名落水淹斃者甚眾署提臣恆齡於天  
明後復督兵乘勝渡河追殺十餘里隨即在車園南廠等處分  
隊駐紮並將浮橋搭架以通軍行初七日東省臬司丁寶楨來  
營謁見經臣面授機宜因所帶楚勇僅千餘名令其連夜趕回  
堂邑會同署曹州鎮保德督同署冠縣知縣孫善述各帶兵勇

嚴防東南一面咨會提臣恆齡定期進剿初八日寅刻各營出  
隊分三路前進署大名鎮姜國仲廣平府知府余承恩由東南  
進候補副將崔福泰肥鄉縣知縣楊毓楫已革總兵吳再升由  
東北進鄭家口游擊湯繼揚候選知縣張植初湖南候補參將  
吳永敖由正東進復商派前浙江提督臣鄭魁士通永鎮徐廷  
楷督同前進荊州副都統薩薩布亦率馬隊繼之又因大雨時  
行道路恐多紆折經臣諭令各隊齊赴清水鎮地方探明恆齡  
馬隊進紮處所再行會合前進午刻行抵清水鎮卽有該逆馬  
隊百餘騎向前迎拒我軍勇氣百倍當將賊隊擊退直逼甘管  
屯賊巢鄭魁士徐廷楷商令諸軍四面環攻該逆膽敢開放大

礮冒死抵拒我軍連放洋礮並劈山礮將賊巢圍牆轟塌數處  
斃賊多名因該處附近賊巢林立恐至天晚遇伏難於抵禦諸  
軍陸續撤隊甫行里許復有馬賊千餘分兩路衝來我軍亦分  
兩路回頭迎擊斃賊百數十名賊勢稍卻遂用捲簾法挨次收  
撤該匪膽敢分股由高梁地內繞出我軍後路新集各勇未經  
戰陣猝爲賊乘均有傷亡總兵姜國仲知府余承恩副將崔福  
秦等激勵諸軍由閒道繞過賊前連放擡槍小槍並炸礮洋礮  
該匪力不能支紛紛敗竄斃賊約二百名生擒七名奪獲槍刀  
旗幟四十餘件二鼓後撤隊回營接準恆齡函稱是日卯刻出  
隊沿途搜剿而前是以未能會合臣料該匪兩次被剿凶鋒已



挫難保不窮而思竄現已飛飭大名道祝壇護天津鎮春霖已  
革總兵伊綿阿暨沿河各員弁嚴加防範一面咨商署提臣恆  
齡定期再進以期盡殲醜類所有進軍防剿迭挫賊鋒現飭嚴  
邊竄越剋期再舉緣由理合會同署提督臣恆齡恭摺由六百  
里馳奏伏乞

皇太后

皇上聖鑒謹奏



輕敵員弁摘頂片

同治二年六月十三日

再初八日出隊進剿軍威甚壯賊膽先寒如各路馬步兵勇同時並進不難擒渠埽穴一舉收功惟值晴雨不時秋禾滿地且河東賊巢所在皆是臣察看情形明知剋期會剿難免參差因切屬各將士須於離營二十里外整隊以待如探得恆齡一軍業經前進亦須節節接剿而前誠以迭奉

聖訓未敢草率從事也乃各將士不及探明恆軍進止遇賊即擊直逼賊巢環攻逾時仍未得手雖屬勇於殺敵而輕進之咎均有難辭惟念其於撤隊之時賊眾突出尙能回旗力戰將賊擊敗自應籲懇

天恩免其置議至山東候選知縣張植初湖南候補參將吳永  
教貪功輕敵隊伍又不整齊以致傷亡勇丁多名相應請  
旨飭將該二員先行摘去翎頂以示薄懲倘再不能得力卽當  
從嚴參辦斷不稍事姑容是否有當謹附片具 奏伏乞  
聖鑒訓示謹 奏

賊情狡悍相機勦辦疏

同治二年六月二十日

奏爲賊情狡悍官軍限於時地驟難得手現仍加意嚴防相機勦辦恭摺仰祈

聖鑒事竊維宋景詩凶險性成負隅自固雖進軍防勦屢挫賊鋒無如該逆詭詐多端乘此大雨時行高禾滿地益以逞其桀驁之氣自初八日進勦後臣兩次派隊設伏時以遊騎誘使出巢冀可乘勢掩擊乃該逆深匿不出卽出亦不追忽於十一日辰刻潛至堂邑縣屬之趙田莊攻撲署冠縣知縣孫善述回勇營盤經臬司丁寶楨督勇應援將該逆擊退其狡謀尤爲可惡迭準提臣恆齡來函以賊情叵測西北防務最關緊要請以全

力嚴遏竄越酌撥得力步隊二三千並炸礮數尊前赴臨清會  
合所部馬隊節節接勦俟將該匪驅入寨中然後以分防之兵  
進而合圍等語臣與新授藩司王榕吉籌商再四以刻期會勦  
仍慮參差該提臣屢次函商似非毫無把握且所部馬隊係隨  
親王僧格林沁戰勝攻取最稱勁健之兵非新招勇隊未經戰  
陣者可比若輔以得力步隊節節接勦而前不難制其死命遂  
先後撥給大名天津暨提標官兵二千四百名帶去炸礮二尊  
又新定營津勇五百名合諸成保薩薩布海羣各馬隊共馬步  
五千有餘恐該匪之聞風思竄也復飛飭沿途各口岸弁兵小  
心防守務使密益加密十三日提臣恆齡先率馬隊馳抵距賊

巢二十里之李官莊駐紮侍衛益謙總兵王佐臣姜國仲提標中營參將音登布守備葛開泰等各率步隊於十四日齊至李官莊臣於十五日派令總兵徐廷楷副將崔福泰知府余承恩等由館陶出隊至崔家莊潘兒莊一帶遙爲聲勢兼扼西竄之路嗣準恆齡咨稱馬步各軍於是日午刻進至黎兒莊距賊五六里因該處高粱過密道路積水泥窪在在皆是而先期知會之山東臬司丁寶楨署曹州鎮保德及柳林團練均未見到傳令暫行撤隊突有馬賊千餘從高粱地內衝出我軍分兩路迎擊槍箭齊發斃賊數十名已將東口賊隊壓下中路尙在相持詎由西邊突出馬賊千餘將我軍包鈔提臣恆齡奮力抵敵衝

出重圍海羣成保薩薩布各馬隊不及應援卽紛紛敗走傷亡  
兵丁多名步隊向前抵禦開放槍礮斃賊頗多賊始稍卻旋經  
大股馬步賊匪分三路撲來步隊亦不能支向北潰退兵勇傷  
亡多名姜國仲一軍先令撤退尙屬齊整惟因賊匪壓下遺失  
炸礮一尊晚間撤回臨清車營地方等語查宋景詩雖極狡悍  
其黨究係烏合之眾如肯遠離巢穴列隊迎拒我軍兵力足以  
滅此而有餘乃以積潦在塗高粱蔽野便彼埋伏不利軍行而  
該逆於近巢一帶情形較熟尤得伺我軍之進止出沒其間若  
急切與爭必致徒傷精銳爲今之計惟有嚴防竄越速整戎行  
一面咨商親王僧格林沁將蘇克金所步馬隊調赴臨清與恆



齡合隊駐紮並飭保德丁寶楨各營進紮柳團附近地方俾兵團互相援應統俟各軍整頓完備布置周詳擬用滾營法挨次輪轉前進將附近高粱全行砍伐期逼賊巢而止庶幾盡殲醜類不虞蔓延提臣恆齡此次本有應得之咎惟其平日本屬驍勇每戰必先相應仰懇

天恩從寬免議倘再不知奮勉卽當從嚴參辦至副都統成保海羣有無策應不力應否劾議之處俟咨呈親王僧格林沁查辦除陣亡員弁兵勇查明彙案請卹外理合由六百里恭摺馳奏伏乞

皇太后

欽定四庫全書  
皇上聖鑒訓示謹 奏

親督各軍剋期大舉疏

同治二年七月初二日

奏爲分股防剿迭有斬擒現擬親督馬步各軍滾營進紮剋期大舉恭摺仰祈

聖鑒事竊

臣

於六月二十日將賊情凶悍官軍限於時地驟難

得手現仍加意嚴防相機進剿情形恭摺馳奏仰蒙

聖諭優容諄諄訓誡跪聆之下感悚莫名當經恭錄飛咨提

恆齡翼長蘇克金並傳知臬司丁寶楨總兵保德暨遠近各軍

務各激勵將士振刷精神以期仰副

高厚於萬一一面嚴飭沿河口岸員弁兵勇晝夜梭巡勿稍疏

懈六月二十四日據探報馬賊數百名在於館陶縣屬之灘上

村對岸窺伺意圖搶渡當派參將邱  
往該處會同都司張得祿列隊堵禦  
槍礮齊施斃賊數十名淹斃數名受  
徑渡始行退竄二十五日復有馬賊  
家莊一帶窺探擄掠總兵徐廷楷率  
於高粱地內出其不意截斃賊二十  
奪獲賊馬九匹刀矛多件其餘尖莊  
數十成羣往來奔突意在北竄均經  
縣熊存翰督飭兵勇分段堵截屢有  
大營河口與提臣恆齡翼長蘇克金

我軍仍分兩路兵力轉形單薄且晴雨無定臨時既未便更改彼此遂不無觀望兼以高禾茂密各軍咫尺不能相及甚至兵誤爲賊賊疑爲兵倉猝之間易致驚惶失措六月初八以及十五日之戰往往所誤在此臣等悉心商酌分進莫若合攻擬於本月初七八等日由臣親督精壯步隊馳赴臨清與恆齡蘇克金馬隊會合用滾營法步步輪轉進紮隨將高禾節節芟刈俟距賊巢稍近再行大舉合圍東南兩路已飛飭丁寶楨保德各帶兵勇進紮柳林團附近地方該團相距賊巢祇十二里且於路徑最熟屆期督團齊進聲勢亦易聯絡至西北防務尤爲喫重業經添派員弁兵勇分駐河沿合力堵禦並切屬新授藩司

王榕吉大名道祝增往來查察督飭巡防總期密益加密以資  
捍衛而扼竄越臣與恆齡蘇克金意見相合復商之江長貴鄭  
魁士王榕吉徐廷楷等謀慮僉同一俟布置妥協再由臣嚴定  
賞罰期於有進無退斷不敢意存謙讓專事寬和以致重煩  
聖廛所有官軍分投防剿迭有斬擒現擬親督馬步各軍滾營  
進紮剋期大舉緣由理合會同提臣恆齡恭摺馳奏伏乞

皇太后

皇上聖鑒訓示謹奏

拏獲匪首正法片

同治二年七月初二日

再直東交界逸匪甚多曾經分飭嚴密按拏母任再圖句結嗣據大順廣道祝塏稟查有匪首陳占奎卽陳六籍隸元城縣上年句結邯鄲縣教首王守清妄立僞號聚眾起事當將王守清獲辦該犯脫逃自東匪張錫珠滋事復聚黨與擾害地方密派守備連九皋等於五月初八月初十等日將該犯暨夥匪連平王謹田湖共四名誘至大名均卽擒獲訊認與王守清謀逆並結黨竄擾不諱當卽分別凌遲斬梟又據鉅鹿縣知縣石元善稟六月初一日派經團長田清泰王振海等訪得上年迭蒙奏奉

諭旨飭拏之匪首駱洛順卽駱成遜潛至廣宗縣境密往兜拏該匪膽敢拒捕圖脫經田清泰等協力擒獲訊認迭次騎馬持械搶劫屬實解經飭派委用道忠廉訊明正法梟示又查咸豐十一年山東館陶邱縣一帶土匪蠢動蔓延直境係教匪孫全仁石天雨馮洛盛石夢齡等首先倡亂其石天雨等經署大名鎮姜國仲於本年三月十一日督率兵勇在於陣前擒斬茲通永鎮徐廷楷派弁於六月初八日將孫全仁誘擒解營提訊供認十一年率眾攻陷邱縣等處城池本年四月投歸宋逆六月初一日出探官兵消息意圖勾結爲宋逆接應等供不移當於軍前極刑處死以昭炯戒除拏獲各匪出力員弁兵勇分別另



請獎敘外謹附片陳明伏乞  
聖鑒謹 奏



## 會奏勸辦米捐疏

同治二年七月初二日

奏爲軍饑絀乏籌款維難擬設局勸辦米捐接濟軍食謹將酌議章程開具清單恭摺會陳仰祈

聖鑒事竊維用兵之要裕饒爲先濟饒之方儲糧爲急臣劉長佑奉

命督辦三省交界剿匪事宜前將饑絀情形

奏蒙

諭旨飭撥閩粵等省月籌協饒並由臣崇厚會籌撥款各在案無如各省協饒遠近迴殊未能按期解至而會籌撥款惟請撥之蘆鹽復價洋藥釐捐月得一萬有奇此外實無現款可以恃爲緩急本省藩運各庫皆已動墊一空無可勻撥思欲奏請部

鑿正惟公自多  
名二  
釀又以同一艱窘之時未敢遽陳請益  
臣劉長佑軍營自五六  
兩月以來屢經告匱各營兵勇幾至枵腹荷戈若不預籌接濟  
無論停兵待饑飢潰堪虞大局所關隱憂實甚  
臣等籌思再四  
往返函商惟有推廣捐例勸辦米捐尙可以廣招徠而資軍食  
查直隸自軍興以來頻歲勸捐輸將幾徧欲期踴躍從事自應  
酌議變通庶或有濟且亦不敢有減於京銅局與天津現開米  
局稍事兩歧致使徒有勸捐之名而無收捐之效除京銅局準  
捐各條一律照辦外謹酌擬推廣章程十條繕具清單恭呈

御覽如蒙

俞允並請

旨飭部速議迅將各項空名執照頒發來直臣等卽先率同司道以爲之倡臣崇厚捐米二千石臣劉長佑捐米二千五百石

臣等受

恩深重不敢仰邀議敘並據新授藩司王榕吉捐米一千五百石調任湖南藩司石贊清捐米一千石清河道錫祉捐米七百五十石口北道振麟捐米五百石候補道保定府知府范梁宣化府知府李培祐各捐米二百五十石其餘各道府廳州縣均令普律捐輸一面劄飭藩司督同保定府在於省城設局勸捐以期稍事補苴再此次直隸議開米捐係爲三省防勦緊要接濟軍食拱衛畿疆起見所議變通各條外省不得援以爲例

仍俟三省交界軍務事竣卽行奏請停止合併陳明是否有當  
謹恭摺會 奏伏乞

皇太后

皇上聖鑒訓示謹 奏

請飭東撫移營夾擊疏

同治二年七月十六日

奏爲督軍進紮防剿均關喫緊請

飭山東撫

臣

移營東南以

厚兵力而資夾擊恭摺具

奏仰祈

聖鑒事竊

臣

於七月初二日將官軍分投防剿迭有斬擒現擬

親督馬步各軍滾營進紮緣由

奏奉

諭旨欽遵在案初八日親督廣平府知府余承恩肥鄉縣知縣

楊毓楫已革總兵吳再升副將陳飛熊崔福泰並都司陳定升

等各帶所部練勇於初九日馳抵臨清隨卽渡過南岸在於南

廠車營一帶分隊進紮並商派署湖北提

臣

江長貴爲前隊總

統前浙江提

臣

鄭魁士爲後隊總統與提

臣

恆齡翼長蘇克金

朝夕晤商聲氣聯絡連日飭令臨清州知州彭垣督催鄉民將附近一帶高粱趕緊刈穫因距城十里外時有邊馬往來鄉民畏而裹足遂飭各營派隊數成前赴十里外遙爲列隊遠近居民漸次還集日內即可安營其館陶營盤現畱兵勇三千人諳屬新授藩司王榕吉通永鎮徐廷楷督同照舊駐紮以資防剿初十日午刻該逆偵知臣已督軍赴臨突出馬賊數百名直撲河干意在乘虛搶渡適徐廷楷赴北路巡查未回藩司王榕吉激勵將士沿河列隊開放連環槍礮斃賊數十名徐廷楷聞信趕回帶隊進擊復斃賊二三十名賊始敗退臣因河道縣長添派天津海口營官兵新定營練勇移紮大營河口及姜家莊一



帶並商派副都統成保帶領所部馬隊會同候補道劉策先在  
於尖莊以東臨清以西各口岸督同巡查以期密益加密連接  
山東臬司丁寶楨來稟於七月初一日在於劉家莊許家灣等  
處與賊接仗殺賊百數十名奪獲馬匹旗幟多件惟查所帶楚  
勇僅祇千名現均分駐柳林范寨各國其保鎮所帶兵勇又須  
留防堂邑東南一帶兵力實形單薄等語臣思淄川現經收復  
山東撫臣閻敬銘聞已由淄旋省臣越境防鞫原不敢稍分畛  
域惟東南地面遼闊直軍力難兼顧恐有疏虞可否請  
旨飭令撫臣閻敬銘親統得力馬步移營堂邑以顧東南並與  
臣軍兩面夾擊以期迅速收功再查蘇克金恆齡兩軍月需饌

至正世么台少  
銀一萬數千兩現值進勦喫緊之時臣悉力兼籌實有未逮應

請

飭山東撫臣作速籌款就近解濟蘇臣兩軍月饟庶於全局有裨理合會同提臣恆齡恭摺由驛馳奏伏乞

皇太后

皇上聖鑒訓示謹 奏

徵收糧租仍舊搭鈔疏

同治二年七月二十五日

奏爲統籌直隸庫款大局徵收糧租勢難停止搭鈔擬請仍照舊章徵收支放恭摺具奏仰祈

聖鑒事竊

臣接準戶部議覆前署督

臣崇厚奏籌議直隸庫款

大局一摺以直隸鈔票既經停放所請地糧仍按銀九票一徵收之處礙難準行並令於一切放款應發五成實銀之外酌量加增以資辦公等因當經行司遵照去後茲據布政使石贊清詳稱據保定府知府范梁會同各府並四路廳六直隸州具稟以地糧搭鈔其勢萬難停止擬請仍照舊章徵收支放等情該司復細繹上年十一月戶部議停鈔票案內聲明各省均有搭

收鈔票解部之項徒資官吏之倒換而於疏通鈔票之法毫無裨益除甘肅一省並無應解京餼之款搭放鈔票由該督自行酌量辦理外其直隸河南山東四川等省皆停止搭收鈔票等語是部議專爲有裨京餼起見如甘肅省並無應解京餼原有準其酌量辦理之語又議覆御史陳廷經條奏案內請將直隸徵收地糧旗租一律全徵實銀以杜官吏抵換營私之弊其餘一切雜稅應否如該御史所奏仍按銀九票一徵收應由該督體察情形報部覆辦等因查直隸自咸豐四年行用鈔票以來本與各省情形不同各省皆收放一律出入均平並無畸重畸輕之患直隸因係缺額之區未用鈔票以前皆賴部撥鄰省銀

二三十萬兩不等藉以協濟旋因度支告匱惟賴鈔票一項多  
放少收爲彌補缺額之款以免重煩部撥是直隸之搭用鈔票  
有益於庫款已有明證初行鈔票之時放五收三出納已未能  
一律旋又改爲放五收一更有多寡不均之患蓋州縣於領回  
之鈔無銷售之路惟賴此糧租項下搭收一成鈔票藉資挹注  
是以咸豐十年兩次奏奉戶部議覆令將歲徵糧租仍照舊章  
以銀九票一徵收務使鈔票一項上下流通以濟實銀之不足  
不得再有壅滯之說擅議變更奏奉

諭旨允準欽遵在案是直隸於鈔票一項實有萬難驟停之勢  
若欲停止鈔票必須於未行鈔票之前全行改發實銀方足以

資辦公然司庫更難周轉卽請更言其詳蓋直隸自咸豐二年軍興以來支發各路大營糧臺以及供應兵差等項截至六年冬底共動用實銀二百二十萬三千餘兩票銀四十二萬八千餘兩內惟山西河南等處撥解實銀三十八萬九千五百兩其餘實銀一百八十一萬三千餘兩票銀四十二萬八千有奇皆由司庫動款籌墊並未奉部撥還歸款其自七年至今又閱七載奉調征防之兵無歲不有協濟各營之饗催檄頻仍計墊發又不下百數十萬兩以致庫款更形短絀欠發本省各營俸饗及各州縣應領辦公之項爲數甚鉅若再於各項放款全發實銀不特前後所墊各款實銀數百萬兩旣須由部撥還以後亦

須仍請協撥銀五六十萬兩以資接濟恐非所以仰體時艱此  
庫款不能周轉者一也直隸司庫從前每歲如額徵收尙不敷  
本省支用現因地方多故大名府所屬開東長一帶黃水爲患  
頻年賑卹此外各屬水旱偏災停徵蠲緩連年遞增加以閭閻  
彫敝民力未紓積欠日多以致每年停緩欠解銀至六七十萬  
兩不等較前已減三分之一上年冬閒復值東匪竄擾直境省  
南郡縣慘遭蹂躪今歲徵收恐難及半卽或全徵實銀亦所增  
無幾而一切放款卽照舊章銀鈔並用亦屬入不敷出此庫款  
不能周轉者又一也直隸行用鈔票已閱十年原奉部定章程  
鈔票與實銀現錢無異收放一律第因搭用成數無定大抵收

鑒定世公三集卷之三  
少放多以致鈔價日賤但州縣於初行鈔票之時本無軒輕互相交抵迨後亦間有按時價折算者未能盡一今若一旦停止鈔票收放皆無所用則各州縣所抵欠款盡歸無著既難責令賠補又未便就款開除此鈔票礙難停止者一也近年州縣差務之重供億之繁百倍於前每遇兵差到境無不羅掘一空或移緩就急或那東掩西報銷之後復因司庫支絀無可給發以致愈欠愈多不能歸款州縣未必甘心那移實由於筋疲力盡雖百計彌縫亦難免終於虧空其格於成例暗中賠累不能造報者又多於例銷之數困苦情形不堪殫述卽非有驛之區而緝捕團防亦在在需用今若將各州縣應領之鈔票一概停發



不令抵  
停止者  
心浮動  
非辦公  
支貽誤  
局有關  
國帑未  
票一項  
雜稅等  
無濟於  
到式真

直而各州縣應領之票亦可次第撥扣以免漸成鉅虧如謂民間完納錢糧零星花戶居多其勢不能不交納錢文恐例定鈔價重於銀價儘可酌量變通除整宗大戶仍令自行搭交外其畸零小戶不能搭鈔者計銀價在四千以下卽按當時銀價合錢徵收不得逾實銀之數如有額外浮收從嚴參辦似於民間無所損折如謂徒滋官吏倒換等弊殊不知州縣搭解鈔票皆係鈐用司印非收之民間卽領之司庫亦無所謂倒換況地糧爲本省動支無關解京與甘肅省情形無異於部庫無絲毫之損而司庫實賴此轉移至旗租係解部之款前議改徵全銀實緣部議專爲有益京饒起見且民佃租種小戶居多非比地糧

實有大戶可以搭完鈔票者是以遵照部文議請改徵實銀以期有益於京饒況完銀完鈔民間照舊折錢視爲固然無所用其疑惑如謂徵收兩歧或將旗租一項亦請照銀九票一徵收以歸畫一值此時勢孔棘內外臣工皆當盡心竭力虛衷體察互相維持其利小弊多者固當設法以求全而有利無害者亦難因噎而廢食當此百源皆涸挹注無方直隸行用鈔票無煩部撥無礙京饒實有裨於

國計無損於度支若必執一而論竊恐上下交困百弊叢生將來再圖挽救已成尾大不掉之勢且司庫少收一成實銀可多放數成鈔票鈔票短絀可以詳請戶部製撥尙易爲力設實銀

不敷則點金乏術必致拮据堪虞是以不嫌再三瀆請初非欲  
市恩於屬員實欲藉以少資周轉補救萬一等情詳請具奏前  
來臣悉心查覈該司所詳均屬實在情形統籌全局事處萬難  
合無仰懇

聖恩俯準將直隸糧租仍照咸豐十年奏定章程按銀九票一  
徵收一切放款遵照歷次奏準章程支發不必另議加增以期  
節省而維大局謹會同兼管順天府府尹臣萬青藜順天府府  
尹臣林壽圖合詞恭摺具奏伏乞

皇太后

皇上聖鑒敕部覈覆施行謹 奏

督軍迭獲勝仗疏

同治二年八月初一日

奏為督軍滾營進逼迭獲勝仗防剿較為得手恭摺具 奏仰

祈

聖鑒事竊 臣於七月十六日曾將督軍進紮防剿喫緊情形

奏奉寄

諭欽遵在案二十日卯刻 臣親督同提 臣叵齡江長貴鄭魁士

翼長蘇克金帶同總兵姜國仲副將崔福泰知府余承恩及調到管帶景勇參將劉祺等所部兵勇前赴臨清南岸之舊縣地方挑築營壘正在興工卽有賊馬千餘向前衝突意在撓我進取當派步隊五成列陣迎敵而以馬隊分兩翼包鈔該逆知我

有備向高禾茂密處退竄我軍乘勢追擊斃賊五六十名因趕築新壘未便窮追至晚營壘告成姜國仲等卽於次日拔營進紮一面飭令臨清州彭垣督催鄉民隨同官兵將新壘附近高禾逐層芟穫二十三日卯刻臣復與江長貴鄭魁士親督已革總兵吳再升都司陳定邦肥鄉縣知縣楊毓相各帶所部練勇赴舊縣前數里于家樓地方添築新壘該逆馬步千餘名又來撓我提臣恆齡翼長蘇克金率馬隊擊走之二十四日吳再升等拔營進紮探知賊必復來蘇克金密派副都統常善保率所部馬隊伏於樹林密處晌午該逆馬步分三路來撲勢頗兇悍江長貴鄭魁士督飭步隊且前且卻誘賊漸近新壘連開洋礮

炸礮該逆退避不及死傷頗多常善保馬隊聞礮馳出鈔擊該逆欲退不能紛紛潰竄蘇克金恆齡各率大隊乘勝追擊約斃賊百數十名奪獲旗幟器械多件馬十餘匹該逆竄至尖莊對岸調馬橋一帶意圖搶渡經護天津鎮總兵春霖督率防河弁兵槍礮齊施復斃賊二三十名又據山東臬司丁寶楨稟該逆分股屢撲柳林團均經兵練合力守禦迭有斬擒二十七日江長貴鄭魁士督同姜國仲余承恩等復於江家村地方趕築新壘距于家樓約六七里賊馬馳至營旁窺伺余承恩率小隊向前迎擊賊卽返奔二十八日辰刻江長貴鄭魁士甫經督催各營移駐新壘該逆馬步二三千分路馳來距營均祇里許東西

南三面村莊均有邊馬放火烟爛蔽空勢尤猖獗江長貴鄭魁士親督各營步隊分出迎擊恆齡蘇克金等馬隊亦先後馳至督親兵列陣于家樓相機策應該逆進退飄忽甫經馬隊壓下又復衝突如故知府余承恩都司高振海等各率奮勇直前逼擊先將步賊格斃多名該逆馬隊撲來又經連放大小槍礮並京營火箭轟斃尤多賊勢不支始行退竄復有馬賊四五百名由西南繞出意在鈔襲我軍後路副將陳飛熊率親兵直前截擊並與楊毓柙同開劈山大礮賊始縮退各兵勇乘勝追殺復斃賊百數十名因前路高粱尙密未便窮追是日自辰至未更番迭戰共斃賊二三百名生擒十二名奪獲器械旗幟百餘



件現據探報該逆仍在四外糾集黨眾以求復逞臣已密飭前路各營堅壁以待商派馬隊分駐附近村莊伺其深入再予痛剿並飭催通永鎮總兵徐廷楷新授藩司王榕吉山東曹州鎮總兵保德臬司丁寶楨各率所部兵勇相機出擊以分賊勢惟該逆狡猾異常一經懲創勢必急圖旁竄亦經飛飭王榕吉與大名道祝塏候補道劉策先督飭沿河員弁兵勇嚴密防守勿稍疏懈江長貴鄭魁士仍一面率同姜國仲等各營將前路高粱節節芟除滾營進逼以期及早合圍臣受

恩深重當此時勢艱難之際斷不敢稍涉再延致糜精饟惟地重畿輔亦不敢草率急功致任竄越貽患所有督軍滾營進

通迭獲勝仗防勦較爲得手臣山謹會同提臣恆齡恭摺由六  
百里馳奏再逆首程順書實係於六月初七日在館陶營次伏  
誅此次保德所稟竄匪程順書一節查該匪程順書之兄程敬  
書現與宋逆爲黨當屬譌傳合併覆陳伏乞

皇太后

皇上聖鑒謹 奏

搜捕近畿馬賊片

同治二年八月初一日

再臣接奉寄

諭附近畿甸地方騎馬賊匪肆行搶掠著劉長佑揀派幹員分投各處認真搜緝並嚴督該地方文武設法捕拏等因欽此臣跪誦之餘不勝惶悚祇以現在臣與臬司並提臣恆齡均經督師出境深慮鞭長莫及恐致顧此遺彼惟有嚴飭文武各員設法密捕以期仰副

聖主除暴安良之至意遵已嚴飭天津道李同文署通永道卞寶書口北道振麟霸昌道德林分赴各該管地方督率文武往來梭巡嚴密查拏並揀派臣標遊擊黨霖馳赴保定府深易冀

定一帶候補遊擊王斌馳赴遵化州永平府等處天津磚河營  
遊擊劉景芳馳赴天津河間兩府屬設法搜捕務將各匪及窩  
家等悉數擒獲以靖盜氛謹附片具陳伏乞

聖鑒謹奏

宋逆被剿南竄疏

同治二年八月十三日

奏爲宋逆被剿南竄謹將連日按逼並現籌防截情形恭摺具奏仰祈

聖鑒事竊

臣

於八月初一日曾將官軍滾營逼賊屢獲勝仗防

剿較爲得手緣由 奏奉寄

諭僧格林沁馳抵東昌更有統屬劉長佑閻敬銘激勵將士恪遵調度等因欽此欽遵在案初三日僧格林沁由水陸進駐清平縣屬之魏家灣地方在臣營東南七十里卽飛調恆齡蘇克金各起馬隊暨防守北路之提標津標海口熱河等營官兵同赴東路臣於初七日親赴魏家灣面商機宜並請剋期會合進

勦仍須馬步聯絡庶可同心奏功臣回營後與江長貴鄭魁士督同前敵各軍滾營再進時賊分股尙踞李廣莊穴牆安礮以圖抵禦初八日我軍整隊進至莊前賊馬百餘匹馳來衝突知府余承恩已革總兵吳再升開礮擊之當斃執旗馬賊一名餘匪竊入村內開礮抗拒我軍槍礮齊施並擲放火彈火箭賊不能支悉由村後向高粱密處逃去余承恩等卽於該處築營安紮適聞僧格林沁續將西北駐防之洋槍隊全數調去恐涉空虛遂卽飛飭新授藩司王榕吉在於館陶防兵內勻撥防護以補其缺嗣準僧格林沁咨擬由柳林團進兵令卽嚴防西南河岸臣前敵各營係在賊巢正北遂於初九日與江長貴鄭魁士

親督諸軍進遷向西南兜紮探知僧格林沁馬隊於柳林村西  
遇賊接仗獲勝臣督飭各軍接勦而進沿途馬賊紛紜來撲均  
經兵勇擊退初十日又復督催兵勇一鼓作氣進紮新集一帶  
距賊巢僅七八里據王榕吉稟稱是夜有馬步賊匪在灘上村  
乘船搶渡經遊擊湯繼揚把總再起等語河轟擊斃賊甚多並  
奪獲船隻暨火彈火包多件餘賊潛遁臣料該匪被勦勢蹙必  
將旁竄正在督隊再進冀可合團兜勦旋準僧格林沁咨稱舒  
通額等已追至岡屯迪北總兵王佐臣春霖等步隊先後趕到  
立將趙塔頭等處占住令卽親率所部各營移紮西南扼要防  
守又接營務處翼長傳知飭調總兵徐廷楷姜國仲及參將邱

瑞祥所部兵丁定於十一日午刻齊赴塔頭大營聽候調遣等語臣以各軍既經逼近賊壘卽宜及此進取因於十一日卯刻親率各營將士分路並進詎該逆已知勢難固守乘夜南竄莘冠之交當準僧格林沁專弁知會已派馬隊跟蹤追剿仍屬嚴防西南一帶勿任竄越經臣飛調徐廷楷迅統所部前往小灘鎮一帶扼要駐守一面飭令大名鎮道馳赴南樂清豐邊境督率兵勇民團迎頭攔截力遏西竄之路並飛調豫省河北鎮道迅統所部兵勇會集滑濬內黃等縣團勇在於直豫交界地方擇要堵禦免致蔓擾應請

旨飭下河南撫臣飛催前進伏查該匪現均馬隊飄忽靡常微



特西南宜加嚴防卽西北正北兩面亦難保不被勦回竄除將沿河各口岸照常布置外臣仍俟天氣晴霽親督兵勇馳赴冠館附近一帶相機追截總期與僧格林沁一體聯絡防勦並籌斷不敢稍存意見致滋貽誤所有宋逆被勦南竄及官軍連日接逼並現籌防截情形理合由六百里恭摺馳奏伏乞

皇太后

皇上聖鑒謹 奏



宋逆乘開西竄疏

同治二年八月二十日

奏爲宋逆被馬隊擊敗乘開西竄謹將親督步隊分道堵截情形恭摺仰祈

聖鑒事竊

臣

於八月十三日曾將宋逆南竄及現籌防剿情形

由驛馳報在案是日酉刻接據冠縣稟報以宋逆於十二日竄近該縣附近地方請撥兵援剿前來當派知府余承恩副將崔福泰肥鄉縣知縣楊毓枏已革總兵吳再升等帶隊馳往因大雨連綿至十四日始得東渡旋聞僧格林沁親督馬隊已至冠縣臣慮該逆望風西竄卽飭余承恩等各營於冠縣城西王段地方駐紮以備截剿十五日卯刻臣復親督候選道黎獻副將

陳飛熊參將邱瑞祥候選知縣張植初等各營由館陶繼進迭  
接冠縣探報僧格林沁亦於是日寅刻督軍進剿賊悉敗向東  
南臣飭各營移駐冠縣以南擬即進趨觀城扼賊西竄戌刻探  
悉宋逆被剿勢窮已由朝城折向觀城是夜月明如晝慮其狂  
奔小灘龍王廟一帶即督各營三更出隊馳往邀截比至小灘  
賊蹤杳然各營傳餐畢仍整隊南嚮以圖迎擊酉刻至西福集  
距觀城約三十餘里探勇回報宋逆冒充官隊於十六日寅刻  
竄至開州邊境之清河頭該處兵練併力堵禦斃賊多名該逆  
度不得渡繞由開清邊界之北倉潛行西竄等語臣一面飛飭  
大名鎮道各率兵勇馳往截剿一面親督各營由西福集繞出

南樂並由南樂馳赴河南內黃扼賊去路旋接大名鎮道姜國仲祝塏稟報賊被馬隊追及判命狂奔已至河南濬縣境內臣查濬縣在內黃之西南相距約七十餘里南可以渡黃西可以渡衛我軍若由內黃進剿其勢必落賊後且賊果渡衛必越臨漳西北之防尤關緊要因調各營分由龍王廟汜河觜冒雨西渡適有敗匪百餘人竄近南樂縣屬之元村集當飭該縣張保秦與開州知州楊詠春會督兵團悉數殲擒並斬賊目張殿元一名訊據擒賊供稱宋逆大股本日在井店被馬隊擊敗後已由濬縣西渡衛河等語十八日辰刻營次大名卽派余承恩楊毓枏陳飛熊各隊星夜馳赴臨漳署湖北提督江長貴督同崔

福泰吳再升張植初等各營馳赴臨洺關並派通永鎮總兵徐  
廷楷率督鎮兩標兵丁及正定官兵由小灘繞赴順德府一帶  
以備邊防兼資後勁仍密飭余承恩等行至臨漳如賊未西渡  
卽帶隊出境視賊所向前往迎擊江長貴徐廷楷各隊亦卽相  
繼前進與余承恩等合力兜剿不得株守一隅其姜國仲祝瑄  
所部兵勇仍飭暫駐開清一帶嚴防回竄一面探聽賊若西渡  
衛河卽可由濬縣大石橋一路跟追而前與余承恩等各軍收  
夾擊之力臣暫駐大名府部署一切察看何路喫重仍卽親赴  
行陣督飭防剿至僧格林沁馬隊日夜跟剿迄無定向臣率步  
隊日行不過百里微特聲勢難於聯絡卽信息多不得通惟當

勤探賊蹤相機防勦以期迅殲醜類嚴杜蔓延所有宋逆西竄  
及臣親督兵勇堵截情形理合恭摺由驛馳奏伏乞

皇太后

皇上聖鑒謹奏





敗賊竄直請 旨議處片

同治二年八月二十日

再正繕摺聞據探報敗賊約千人十七日經馬隊追及由濬縣  
晁渡衛河仍冒充官兵於十八日竄入臨漳成安一帶當卽飛  
飭藩司王榕吉督兵馳赴鉅鹿參將劉祺馳赴正定並催前派  
各軍遶出賊前迎頭截剿以防北竄恆齡蘇克金馬隊聞已由  
內黃取道追剿臣亦經馳函請其暫緩尾追閒道出順德一帶  
向南迎擊較易收功至臣布置未能周密致敗賊復竄直境相  
應請旨將臣交部議處其署大名鎮總兵姜國仲大名道祝壇  
所部兵勇先經調赴南樂清豐一帶該鎮道等冒雨前進十五  
日行抵南樂十六日聞賊西竄馳赴清豐賊已由開州竄過豫

聖正惟公在矣  
卷五  
境雖均尙未到防亦屬咎有應得併請  
旨交部議處理合附片具陳伏乞

聖鑒訓示謹 奏

督軍追截賊奔東南疏

同治二年八月二十八日

奏爲賊竄直境東北經臣親督步軍分路追截拆奔東南現籌

合力防剿恭摺具奏仰祈

聖鑒事竊臣於八月二十日曾將宋逆乘閒西竄旋由臨漳竄

入直境及官軍分道追截情形奏奉

諭旨訓誡周詳並荷

天恩優容逾格欽奉之下感愧莫名二十日酉刻續據知府余承恩副將陳飛熊知縣楊毓楫張植初等稟報我軍於十九日馳抵魏縣舊城探知該逆已由成安竄入邯鄲縣境並擾及永年縣之南橋地方余承恩等星夜馳至賊復北竄曲周境內計

一晝夜狂奔三百里提臣江長貴督同副將崔福泰已革總兵  
吳再升遊擊蔣希夷等督隊趕至曲周通永鎮總兵徐廷楷由  
小灘督隊趕至安寨均在該逆之後當經臣飛咨僧格林沁暨  
翼長恆齡蘇克金迅督馬隊向北兜截臣率小隊於二十一日  
卯刻由大名啟行取道廣平曲周馳回威縣中途迭接探報該  
逆由平鄉竄鉅鹿經知縣石元善督團截剿斃賊十餘名奪馬  
數匹該逆遂奔向隆平偵知余承恩等隊至平鄉又乘夜折向  
東北至二十一日午刻闖入新河縣城訓導張重貌把總姜鴻  
德巷戰陣亡知縣鄧銘善亦受重傷經練勇救護得免該逆並  
於城外徧貼偽示有欲赴京訴冤等語臣聞報之下不勝驚愕

一面飛催江長貴徐廷楷余承恩各軍分由冀州衡水馳往追  
剿一面咨請僧格林沁速飭恆齡蘇克金馬隊由西北繞出賊  
前並令大名鎮總兵姜國仲大名道祝壇各率兵勇隨之新授  
藩司王榕吉原派督帶參將張九元遊擊湯繼揚等各營赴鉅  
鹿防剿因奉僧格林沁劄調赴堂邑大營面諭事宜至二十三  
日始帶隊抵威臣以我軍後路尙須布置令王榕吉暫駐威縣  
卽於二十四日會同鄭魁士親督參將邱瑞祥及張九元湯繼  
揚等各營取道南宮冀州二十五日戌刻兼程抵衡水探報該  
逆於二十二日竄至武邑該縣知縣婁道南因縣城坍塌日久  
難以守禦帶練出城迎剿詎該匪分股撲入縣城劫放獄犯並

搶去由天津運庫撥解臣營饗銀二萬兩委員鹽大使祿祥力  
護饗鞘被戕陣亡婁道南帶勇折回援勦賊已向阜城竄去等  
語臣查武邑阜城爲東北大道可以直撲河間東竄天津西竄  
保定在在均關緊要正焦慮閒接準江長貴函報該提督率同  
崔福泰等已由武邑馳出富莊驛徐廷楷已由武強出小範鎮  
余承恩等已由阜城交河出東光之秦村地方距賊祇數十里  
時恆齡蘇克金馬隊尙未趕到臣慮該逆乘閒復竄西北遂由  
衡水武強馳抵獻縣以便兼顧二十六日戌刻於武強營次接  
據余承恩等稟報我軍進至大屯擒獲落後零賊數名訊供宋  
逆定計北犯因各路官兵追截甚急始折向東南二十三日又

經阜城縣督圍截擊死傷多名紛紛由東光霞口渡河適臣派出緝拏馬賊之署磚河營遊擊副將劉景芳率馬勇踵至殲其後隊匪黨十餘名奪馬數匹餘悉向東光一帶竄去該守等隨卽拔隊東渡相機跟剿等語臣以該逆狡詐異常仍須防剿並籌庶免竄越一面督催徐廷楷卽由泊鎮渡河徑赴東光與余承恩等分投跟剿並商催江長貴迅督吳再升崔福泰等繞赴滄州一帶步步追兼扼回竄東北之路一面飛咨僧格林沁暨山東撫臣閻敬銘速撥馬步兵勇由德州臨清等處迎頭截勦並飭王榕吉督同現由僧格林沁調回各營官兵分赴棗強南宮清河威縣擇要駐紮以資夾擊兼扼賊由景州回竄西北

之路臣仍卽由獻縣前赴景州一帶就近策應各軍共除窮寇

以期早清 畿甸仰慰

聖廑所有督軍分路追截賊奔東南及現籌防勦各情形理合

恭摺由驛馳奏伏乞

皇太后

皇上聖鑒謹 奏



宋逆折回東境疏

同治二年九月初六日

奏爲宋逆折回東境分股狂奔直軍追截獲勝現仍分籌防剿  
恭摺仰祈

聖鑒事竊

臣

於八月二十八日將賊竄直境東北經步軍追截

折奔東南現籌合力防剿情形

奏奉

諭旨欽遵在案嗣據吳橋縣稟報該逆於二十五日竄至該縣  
溝店堡等處經鄉團抵禦互有傷亡因聞官軍數路追至折向  
德州邊臨鎮一帶狂奔等語一面飛飭余承恩等各營向南跟  
追冀與東軍合力夾剿一面函屬江長貴徐廷楷各軍分駐滄  
州吳橋暫緩窮追以防回竄

臣

由獻縣阜城移駐景州初一日

據探報敗匪竄至夏津縣  
戴家灣潛渡閘河回竄老  
名向高唐州東北竄去同  
三十日卯刻由恩縣整隊  
該匪分股回竄商同副將  
部在於村外列隊以待該  
槍礮齊施斃賊七八十名  
至小港口該匪紛紛爭渡  
名奪獲騾馬百餘匹刀矛  
官屯前楊莊楊和暢字樣

各等語臣慮其西渡派令遊擊湯繼揚參將張九元各帶所部  
練勇馳赴油房鄭家口會同清河故城各鄉團沿河駐守以防  
偷渡並飛咨提臣江長貴會同徐廷楷督飭各軍由滄州吳橋  
一帶迎剿以扼西北一路旋據探報該逆由德州東南竄向平  
原陵縣交界與吳橋甯津邊境相連又慮其復由東光舊路竄  
渡臣於初二日督同鄭魁士姜國仲等帶隊折回阜城準備堵  
禦並飛催護天津鎮總兵春霖帶領洋槍隊馳回天津限初五  
日趕到以備通商大臣崇厚籌防之用初三日承準親王僧格  
林沁咨稱宋逆竄渡開河添派舒通額等馬隊追剿於初一日  
由堂邑莘縣追至朝城之袁莊地方該逆竄向西南一帶難保

不搶渡衛河折而北竄仍令嚴防等語臣思東北敗匪僅止三百餘騎提臣江長貴與徐廷楷所部各營足敷防剿河閒爲東北要路已飛調遊擊蔣希夷一營在彼駐紮德州至吳橋一帶又經飛飭參將劉祺將所部景勇馳往助剿可無北顧之慮遂飭余承恩等由德州西渡取道棗強南宮分紮邯鄲成安永年曲周威縣一帶相機防剿以逸待勞並飭新授藩司王榕吉就近飛調湯繼揚張九元各營在於館陶尖莊一帶嚴防其龍王廟上下游各口岸仍責令大名道祝塏督飭所部馬步豫勇會集鄉團實力巡防豫省滑濬等縣亦經嚴飭河北鎮道會督兵勇擇要駐紮加意防堵弗再貽誤致干嚴參臣於初四日由阜

城移駐衡水以爲東西各軍聲援並可相機調度迅殲餘孽捍  
衛畿疆所有宋逆折回東境分股狂奔直軍追截獲勝並分籌  
防剿緣由謹繕摺由驛馳奏伏乞

皇太后

皇上聖鑒謹 奏



敗賊折向南奔現仍防剿兼籌疏 同治二年九月十五日

奏為敗賊窮竄分合靡常經兵團截擊折向南奔現仍防剿兼

籌恭摺具 奏仰祈

聖鑒事竊 臣於九月初六日將宋逆回竄東境分股狂奔直軍

迎截獲勝情形 奏奉寄

諭並於初七十三等日欽奉初五初十等日

上諭三道仰荷

宸懷洞鑒

指授機宜跪誦之餘莫名欽服惟賊因被剿勢窮狂奔益疾倏  
分倏合聚散靡常或西或東飄忽無定宋逆於戴家灣自率千

劉七真及全長

臣

眾潛渡開河其黨楊澱一糾數百人回竄恩縣八月三十日經  
廣平府余承恩等截擊該匪不支奪路回奔祇以我軍俱屬步  
隊追之弗及且該逆冒東官裝以致鄉團不分兵賊節節阻滯  
遂卽暫駐德州適準山東撫臣閻敬銘咨會已派都司楊通廉  
守備郭大勝等馬步各隊一千數百名前來迎勦臣以此股殘  
匪爲數無多旣經東省撥兵勦辦遂欽遵

諭旨照飭通永鎮總兵徐廷楷參將劉祺等扼守吳橋甯晉景  
州邊境以逸待勞仍可與東軍約會兜鈔以收夾擊之效並承  
準親王僧格林沁以宋逆復由朝城竄向西南咨會嚴防當飭  
余承恩等由德州馳赴邯鄲成安永年曲周一帶擇要分紮因



料該逆被馬隊跟追勢必狂奔計程已難趕到遂令取道棗強南宮以備探蹤遏截復由六百里飛飭河北鎮道在於直豫交界之濬滑等處擇要防堵並將駐紮鄭家口油坊鎮之遊擊湯繼揚參將張九元各軍調赴館陶尖莊以扼西南又於河開景州獻縣等處分兵駐守以固東北乃楊澱一股匪初一日復自恩縣竄至吳橋經徐廷楷齊隊進剿卽歷甯津邊境折向山東德平臨邑一帶竄逸初七日晚該逆於山東武城縣夾馬營偷渡運河初八日由故城西南竄入棗強縣大營等村沿途圍練開有斬擒其西路股匪於九月初二日竄至觀城開州毗連地方被馬隊追擊西竄景店署開州知州任凱會營督帶練勇截

剿斬擒多名奪獲馬匹器械多件餘匪竄至滑縣屬之大寨任  
凱趕至正在整隊聞該匪倏又分爲二股一股約四五百名向  
西逃竄經恆齡等馬隊追之一股僅二百餘人竄至開州太平  
店該處多被黃水積淹該匪梟水攜乘船隻向東駛逸任凱率  
勇兜剿施放大礮擊沈賊船六隻奪獲四隻擊殺及溺斃者多  
名生擒數十名奪獲槍礮十一件賊馬百餘匹餘船三隻約有  
賊四五十名向濮州一帶竄去仍飭實力追剿並令濮州一體  
兜拏其自大寨向西竄匪適河北鎮道均未在防以致該匪於  
初三日由濬縣渡河向西北湯陰彰德一帶奔逸河北鎮總兵  
楊長春遇賊於彰德府城東南之張官屯未及接仗初四日該

匪由臨漳傳屯偷渡漳河歷成安永年鷄澤竄至曲州邊境經  
該縣會同都司陳定邦帶領所部出隊截擊該匪見兵卽遁僅  
被礮斃數名生擒一名據供朱景詩已於開州太平莊地方率  
黨百餘人乘船逃逸等語初八日竄至鉅鹿縣地方適恆齡余  
承恩等馬步各軍相繼趕到該匪聞大兵追至復又分遁一股  
於初八日由南宮竄至棗強縣屬之卷子鎮與楊澱一潛合向  
南奔逸已飭南路兵勇併力跟追並咨會山東撫臣派兵邊截  
一股約二三百名由甯晉新河北竄恆齡等躡踵而進緣子牙  
河故多乾涸滹沱河水勢亦小處處可以褰裳而涉臣經先期  
調撥署大名鎮總兵姜國仲馳往防堵適遇分竄新河股匪該

署鎮未知前路賊已分竄就近鈔截致被牽制尙未到防該匪  
遂於藁城邊界之辛莊搶渡而北臣於初十日戌刻偵知當卽  
飛飭姜國仲迅由深澤督隊前行遊擊蔣希夷由高陽相機並  
進並豫派省標兵五百名出紫西路大吉店一帶臣親率小隊  
督同鄭魁士由衡水星夜趨行取道深州安平博野鈔出北路  
該匪沿途未敢停留歷深州祁州邊界十一日竄至定州之大  
辛莊迤西清風店等處因知我軍鈔前復折向新樂伏城驛由  
藁城西北渡滹沱南竄因念該匪亡魂窮寇乘隙奔突到處擄  
掠騾馬更換乘騎日夜未遑我軍步隊勢難追及馬隊稍資餵  
飼亦每落其後現臣暫駐方順橋一面嚴飭各地方官齊集鄉

團互相警備並加撥兵勇駐紮河間獻縣深州正定一帶聯團扼守以固北路一面酌派步軍分投游擊仍咨會東豫各撫臣派撥得力將弁帶兵扼守邊界以資夾勦弗任餘燼復然並欽遵

諭旨解散脅從刊刻謄黃遍貼曉諭以期仰副

皇上法外施仁罪誅元惡之至意所有敗賊窮竄分合靡常迭經兵團截擊折向南奔現仍防勦兼籌各緣由謹恭摺由驛馳奏伏乞

皇太后

皇上聖鑒謹奏

臨桂李樹森同校  
南陵胡承福

劉武愼公奏稿

劉武愼公全集七

卷之六目錄

楚軍在葉擊捻片

降級畱任謝 恩疏

兵圍截剿兼獲巨欸疏

料價抵餉片

直境無賊撤畱兵勇疏

覆奏軍報不符片

遵籌直隸全局練兵募勇以重畿輔疏

請撤督辦三省剿匪事宜疏

軍務已竣遵旨回省疏

江長貴仍回皖南片

撥捕餘匪疏

奏報回省日期疏

整頓吏治營伍片

覆陳練兵募勇疏

遵籌北路剿匪事宜疏

兵饟按成撥放疏

停止捆運疏

額請陞見疏



遵催訥欽進軍疏

恭報回省日期疏

楚軍行糧請勿抵作協饟片

馬隊馳赴順屬會拏馬賊疏

武職養廉以銀七票三支放疏

開東長修隄以工代賑疏

裁勇節饟疏

游民出口請飭將軍都統稽查片

復價循舊分撥兵饟片



[REDACTED]

合附片具陳伏乞

聖鑒謹奏

降級留任謝恩疏

同治二年九月十五日

奏為恭謝天恩仰祈

聖鑒事同治二年九月初一日內閣奉

上諭前因僧格林沁奏直隸總督劉長佑剿賊遲延當經一併

交部議處茲據奏稱劉長佑例應降一級調用等語劉長佑著

加恩改為降三級留任等因欽此臣跪誦之下惶悚難名伏念

臣奉

命督辦剿匪事宜未能將宋逆股匪迅就殄除由臣調度無方

正深負罪仰荷

聖慈不加嚴譴部臣議上復蒙

列代真公三長

加恩改爲降三級留任聞

命自天感悚無地臣惟有勉竭愚忱督飭將士迅將敗匪剿除

以期稍贖愆尤仰答

高厚鴻慈於萬一所有微臣感激下忱謹繕摺叩謝

天恩伏乞

皇太后

皇上聖鑒謹 奏

兵團截剿敗賊兼獲巨愍疏

同治二年九月二十二日

奏爲敗賊紛竄經兵團截剿殆盡兼獲巨愍現仍分路搜捕迅殲餘孽恭摺馳奏仰祈

聖鑒事竊臣於九月十五日將敗賊窮竄經兵團截擊南奔兼籌防勦情形 奏奉

諭旨嗣後務將何股賊首何人竄由何路一一偵探確實分別開載等因欽此欽遵在案查宋逆被剿勢窮始欲牽制我軍分股旁竄繼則棄眾潛遁餘黨各不相顧遂至旋分旋合飄忽靡定其黨之最著名者一爲楊澱一一爲朱登峯一爲劉厚德其餘程敬書岳金聲諸賊目亦各分道狼奔每股約二三百人以

至百餘人或數十人不等要皆亡魂窮寇逃死不遑而已楊澱一著名悍賊前於六月初八十五等日與官軍接仗冒死衝鋒以致兵勇傷亡不少其兇狡性成較宋逆尤甚自宋逆由戴家灣偷渡闡河該逆膽敢分股向東北回竄歷恩縣吳橋甯津折向德平臨邑至武城縣屬之夾馬營潛渡運河復由故城西南竄至棗強卷子鎮與西股程敬書潛合後又復分竄南宮邱縣館陶一帶臣於無極縣途次據大名府知府長啟大名縣知縣劉傑元城縣知縣費瀛稟稱十三日辰刻馬賊二百餘騎竄至該縣石槽坊地面經該府縣會同守備連九皋知州項桂輪縣丞潘政鈞等帶勇截擊斃賊五六十名生擒首逆楊澱一及賊



目熊振清等五名訊據楊逆供與宋逆係屬表親前隨宋逆倡亂赴勝營投誠屢保至都司花翎去冬自陝逃歸仍領馬隊與官軍迭次接仗等情不諱該府縣等因距臣營較遠恐有疏虞遂將該逆並同獲之熊振清等於訊明後卽行正法將首級解赴新授藩司王榕吉行營查驗屬實其逆黨岳金聲率敗匪百餘騎向西北威縣一帶逃竄參將張九元遊擊湯繼揚率隊擊之折向西奔十五日至任縣隆平交界適廣平府知府余承恩聞信趕到督同該縣等四面圍剿該匪情蹙乞降當將賊目岳金聲正法其餘欽遵

諭旨分別遣散並將馬匹器械全數收繳此東股楊澱一經兵

團先後勦辦之實在情形也朱登峰嘯聚馬賊數百爲宋逆助  
欲宋逆渡開河後恐爲馬隊所躡喉令向西折而北竄以遂其  
渡黃潛遁之計該逆遂與程敬書等由滑濬湯陰彰德臨漳等  
處渡衛漳兩河而北歷成安永年雞澤以至鉅鹿因恆齡余承  
恩馬步追及遂分程敬書一股折向東北棗強屬之卷子鎮與  
楊澱一潛合後又復分竄廣宗曲周至肥鄉東張堡村候補知  
府段廣瀛率大名道祝塏部勇夜襲其營斃賊甚多餘卽潰散  
朱登峰則自鉅鹿甯晉歷藁城而渡滹沱直至定州屬之大辛  
莊等處因恆齡舒通額馬隊跟追甚急臣亦親督步隊繞出西  
北該逆始折向新樂及正定之伏城驛仍由藁城渡河而南臣

沿途迭據探報恆齡舒通額擊之於趙州柏鄉縣知縣莊士全  
截之於中魯村任縣知縣張光藻沙河縣知縣黃鶴飛曲周縣  
知縣王延桂均各帶團截剿迭有斬擒該逆於十六日竄至邱  
縣館陶之楚家莊一帶十七日晚間由西南之安淨村渡河東  
竄所餘馬賊無多大名道祝塏隨恆齡舒通額馬隊跟蹤追剿  
計可及早殲擒此西股朱登峰北竄南奔之實在情形也至劉  
厚德之兇悍異常與宋逆楊澱一無異其狡詐尤甚於朱登峰  
據獲賊訊供有謂其與宋逆潛逃者有謂其於搶船渡黃時爲  
開州團勇格殺者傳聞異詞殊難憑信現據大名曲周廣平等  
縣稟報時有零星馬賊或四五十至七八十騎不等往來奔逸

避兵而行難保該逆不隱藏其內總兵李明惠等帶楚勇千五百名現已行抵廣平經臣飛飭該總兵探明賊蹤由西南節節接勦並會同知府余承恩知縣楊毓枏等分路鈔截遇賊卽擊務期淨絕根株勿留餘孽臣於十五日與提臣鄭魁士自方順橋啟行南進親歷正定藁城無極晉州東鹿等縣查看滹沱沿河水勢派鄭魁士督同副將崔福泰率所部開勇駐甯晉游擊蔣希夷率所部豫勇駐藁城會同正定官兵嚴防竄越並派署大名鎮總兵姜國仲帶兵千人移駐順德臨洺關一帶扼要設防兼資接捕其河間獻縣一帶前已加撥兵勇咨會署提臣江長貴總兵徐廷楷督同駐守並派參將劉祺率勇紮於景州以

固北路臣於二十日仍回衡水駐紮以備相機調遣再宋逆由開州太平莊搶船而渡經署開州知州任凱率勇兜剿餘船三隻向濮州一帶駛去查濮州與范縣毗連張秋是其下游該逆乘黃水泛溢順流駛下以故追之莫及現已飛咨山東河南撫臣飭屬嚴拏合併陳明所有敗賊分竄經兵團截剿殆盡兼獲巨愍並飭分路搜捕各緣由理合由驛馳奏伏乞

皇太后

皇上聖鑒謹 奏



料價抵饗片

同治二年九月二十二日

再臣前因軍饗支絀 奏奉

諭旨飭撥河南省月籌協饗當經欽遵恭錄咨會並委員催提  
去後旋於六月間準河南撫臣撥解銀四千兩前來伏念臣營  
待饗久殷全賴協撥之款按時接濟稍可支持茲查長蘆運庫  
徵解豫省河工料價一款現存實銀一萬兩擬飭提解來營抵  
撥該省欠解協饗既免往復籌解而於軍饗急需亦得藉資挹  
注除咨明河南撫臣並飭運司遵照外是否有當謹附片具陳  
伏乞

聖鑒謹 奏





直境無賊撤畱兵勇疏

同治二年十月初五日

奏爲親歷按查直境已無賊蹤現將兵勇分別撤畱妥籌善後  
恭摺仰祈

聖鑒事竊

臣於九月二十八日將朱登峰股匪悉數殲除緣由

會同親王僧格林沁具摺馳報在案僧格林沁卽於是日由大名起程赴豫臣因大名屬之開東長三州縣係與豫省毗連不可不豫爲防範當經切屬大名道祝塏將所部豫勇千五百名妥爲分布並不時親往巡查以防竄越一面札調署大名鎮總兵姜國仲將所部官兵一千名由順德臨洛關防所撤回郡城以重操防臣於次日派藩司王榕吉帶領全定營練勇由廣平

肥鄉一路接查自率小隊由成安邯鄲取道永年曲周一帶周  
歷訪察沿途接見地方文武屬令嚴飭各鄉地保認真接拏並  
明定賞罰取具甘結送查以期淨絕餘孽免貽後患迭據各營  
及各屬稟報續獲賊目邱得勝李得成程來書並夥賊葛登幅  
梁兆玉等二百八十餘名訊明後均卽就地正法並據知府余  
承恩稟稱前次羈留岳金聲股匪除查出被裹愚民遞籍保釋  
外其餘匪夥一百六十四名均於九月二十六日悉數斬首梟  
示以昭炯戒又接探報匪目程敬書亦於十月初二日在山東  
館陶縣地方拏獲惟在逃之首逆宋景詩據山東平陰縣稟報  
接獲賊目薛法起等供稱該逆改穿藍布棉襖冒充孔姓乘馬

向山路逃逸等語臣已飛咨山東撫臣閻敬銘飭屬嚴密訪拏務獲懲辦初三日回至威縣因念軍興以來先後選調兵勇不下萬餘名現因全境已無賊蹤自應分別撤留以節糜費除游擊蔣希夷等所部豫勇八百名擬卽欽遵

諭旨咨送河南撫臣張之萬酌留備剿外其餘兵勇擬挑選精壯三千名與臣先後奏調來直之楚勇二千名共兵勇五千名擇要分布勤加操練以期有備無患惟因軍餉短絀微特應留兵勇將來籌款維艱卽應撤各營積欠亦復不少尙須設法籌給始能帖然遣散至直隸營務廢弛亟應力求整頓爲久遠善後之計容俟臣悉心妥籌另摺縷陳所有親歷按查直境已無

聖訓慎公全集

卷六

乞賊蹤現將兵勇分別撤畱妥籌善後各緣由理合恭摺馳奏伏

皇太后

皇上聖鑒謹奏

覆奏軍報不符片

同治二年十月初五日

再臣接奉寄

諭茲據張之萬奏賊由開州進窺滑濬楊長春探蹤迎勦九月初三日賊竄滑境楊長春由彰郡帶兵行抵郡南之張官屯遇賊揮軍進擊立即壓退並於初四等日督隊至楊家新莊及臨漳之南駱村一帶迭加勦賊追賊出境直至直隸肥鄉縣之李林鋪王安堡而還等語與劉長佑前奏情形迥不相符著劉長佑張之萬均各確切查明據實奏聞等因欽此遵查前因宋逆失巢狂竄經臣奏奉

諭旨飭令河北鎮道駐紮直東豫交界之滑濬地方以資扼截

當卽分飭遵照祇因賊騎飄疾奔突靡常該鎮道未及先期到防九月初九日據楊長春稟報初三日自彰德府督隊行抵郡南之張官屯探有馬賊四五百騎正在前面三四里外紛竄號令士卒排隊前進趕至伍村內有賊馬百餘騎瞥見我軍卽向東北狂奔等情在案伏查該鎮道等遇賊未及接仗尙非防剿不力實因窮寇狂竄彼騎我步每致追之弗及至該總兵等督隊至楊家新莊及臨漳之南駱村直隸肥鄉縣李林鋪王安堡各情形緣臣親督各軍追剿東路股匪復由衡水鈔出北路行營並無定所往來文報輾轉駁回嗣於十五日拜發前摺後甫據該總兵及河南安陽縣金寶符等稟報前來查察無異茲欽

奉飭查謹附片覆奏伏乞  
聖鑒謹 奏





遵籌直隸全局練兵募勇以重畿輔疏

同治二年十月十日

奏為遵籌直隸全局擬請抽練營兵酌募勇丁以重畿輔而資

捍衛恭摺覆 奏仰祈

聖鑒事竊

臣

承準議政王軍機大臣字寄同治二年六月初一

日奉

上諭前因侍郎薛煥奏請籌餉練兵當令戶部議奏茲據奏稱

薛煥奏請於直隸設立四鎮每鎮練兵一萬洵屬目前急務等

因復承準議政王軍機大臣字寄同治二年八月十四日奉

上諭茲據毛鴻賓覆陳直隸添設四鎮增兵四萬其中管帶招

募約束之難籌餉之不易或於劉長佑新募之勇畧增其數所

籌不爲無見等因欽此臣竊思經邦之要居重始可馭輕整武  
之方廣募不如簡練直隸爲畿輔重地廣袤數千里地勢平衍  
無險可守現在直境雖已肅清四方尙形多故苗逆謀叛於東  
南回匪蠢動於西北江南之髮逆猶存豫省之捻氛尙熾若非  
有可恃之兵何以重畿輔而防外患惟查直隸兵額除駐防各  
營不計外綠營各標約計四萬有奇較之海疆各省爲數尙少  
以視腹地各省爲額已多祇因饑多扣欠將鮮勤能虛額旣多  
游手不少故一經征調得力爲難禮部侍郎臣薛煥深知畿輔  
籌防之宜重鑒於各省綠營之廢弛議請添設四鎮持論固屬  
正大然馭兵不易籌餼尤難誠有如兩廣督臣毛鴻賓所陳者

今欲籌款於藩庫則平日之欠饟已久安能更議增添欲求協濟於各省則暫時之撥款尙難安能按年接濟臣再四思維廣爲商榷欲求兵皆可用饟不徒糜惟有抽練營兵酌募勇丁之一法擬先於各標中揀選精壯步卒一萬二千五百人馬兵二千五百人以五百人爲一營五營爲一軍每軍配以馬隊五百分爲前後左右中五軍惟步戰兵原額不敷挑選馬兵雖多馬匹半已倒斃擬以馬兵改補步兵足以省經費而昭核實再增練精勇五千名一千馬隊四千步隊或募楚勇或卽本省挑選分爲兩軍共爲七軍其營官將官各以曾經戰陣膽識兼優者爲之不拘資格先於省垣訓練訓練旣成再行擇要分駐擬於

省垣駐一軍河間駐一軍正定駐一軍大名駐一軍威縣駐一軍宣化駐一軍天津駐一軍無事勿弛有警則調其餘守兵責成該將官如常訓練無得因此廢弛至於饜精亦宜從厚蓋枵腹不可以從公薄養難期其厚報古者百金之士十金之士其技既不等於常人其廩亦宜異於庸眾今雖未便變更成例格外加增亦未可再行折欠致滋藉口擬將選練之兵按銀九票一放給口分馬兵之草豆銀兩亦如之如有征調照前署督崇厚奏定章程酌加津貼以示體恤其原額不中選練各軍仍照部章銀七票三支放亦當按月發給不再拖欠惟直省歲征二百五六十萬兩平時尚入不敷出賴外省協濟三十萬兩以

資周轉若又增兵增餼又將何以爲計部臣所稱練兵必先籌  
餼誠不易之論也惟外省之協餼不能不撥本省之庫項亦不  
可不亟加整頓先責成藩司將各州縣虧空嚴行清釐再於燒  
鍋棉花等項以及天津獲鹿商賈輻輳各口岸試辦釐捐雖所  
獲無多亦屬不無小補至原奏所稱固本軍餼責之十八省督  
撫持論甚爲允當惟瘡痍省分自顧不遑卽號爲完善之區亦  
各日形支絀臣竊以爲與其多派而徒有其名不如少派而嚴  
責其實擬於廣東釐捐項下每月提銀一萬兩江蘇江西福建  
兩湖山東山西四川河南各省每月提銀各五千兩其餘各省  
應免籌濟卽臣到任時指撥各省協餼亦一概停止惟此次擬

撥之饒擬請與京饒搭解部庫由部撥解直隸藩庫如有遲延  
照貽誤京饒律議處如此則兵額畧增兵力可用無事不虞其  
滋擾有事可以備折衝雖然有治人無治法得其人而法固因  
人以興不得其人而法且與人俱敝今欲整頓營伍非得深明  
大義膽識兼長之將領委以指臂固不足以圖功非得實心實  
力才品兼優之文員共資襄贊亦未易以集事臣仰荷

高厚深恩畀以畿疆重任自當通籌全局不敢稍涉具文擬俟  
布置稍妥再當親赴各屬簡閱抽練並隨時隨地畱意人材以  
期相與有成而有備無患仰副  
皇上整兵經武之至意所有遵籌直隸全局募勇練兵緣由先

行恭摺覆奏再僧格林沁奏稱專倚南方勇丁恐一經示弱日  
久輕視北方足見大臣謀國慮遠思深惟自古將臣之用兵必  
有舊時部曲誠以情意素孚易收指臂之效也故廉頗思用趙  
人戚繼光必用浙人卽近來僧格林沁用兵亦以蒙古馬隊尤  
爲得力臣由書生以團練殺賊謬膺重寄所與立功非臣親黨  
卽臣鄰里故不必盡用楚軍不能不酌用楚軍合並附陳是否  
有當伏乞

皇太后

皇上聖鑒訓示謹

奏





請撤督辦三省剿匪事宜疏 同治二年十月十八日

奏為直東豫交界現已肅清請撤去督辦三省交界剿匪事

宜以重畿輔而專責成恭摺仰祈

聖鑒事竊臣一介書生從戎江粵仰荷

文宗顯皇帝特達之知擢昇疆寄涓埃未報惶悚方深上年復

荷

皇太后

皇上天恩補授兩廣總督到任未久拜航海來京之

命時事緊要未敢稍遲欽奉

上諭得補直隸總督臣祗攜一子三僕束裝登舟越兩旬抵津

御覽

七

欽遵

諭旨馳赴軍營是時張錫珠勢尙燎原臣申嚴約束更易號令旬月之間勦撫兼施肅清直境仰仗

皇太后

皇上天威非臣之愚智慮所能及也五月閒復拜三省交界勦匪之

命自慚愚昧益切悚惶因思用兵之道貴出萬全宋逆狡獪爲心豺狼成性久隸勝保軍營深知我軍虛實非張錫珠等可比且有親率逆眾叩

關籲寬之謠直省地勢平迤無險可扼設非布置周密曠其狡

計致令游騎擾及畿甸上貽

君父之憂下負生民之望臣雖至愚不能不顧慮及此且其時王恩第等半與賊通其餘各軍皆係步隊蘇克金恆齡馬隊非不精強臣資淺望輕不足以資督率兵志有之先爲不可勝以待敵之可勝且屢奉

諭旨嚴防北竄不敢不妥爲布置鄭重出之然猶以約戰愆期中更小挫逮乎激勵將士軍聲復振移軍臨清滾營漸逼並密飭馬頭小灘各軍相機並進該逆自知釜底遊魂斷難久稽顯戮日思搶渡復擾畿疆自六月以後衛河二百餘里幾於無地不防無日不擊士眾奮興迭有擒斬直境藉以稍安因而節節

爲營一意進禁至七月二十三二十六二十八等日屢戰獲勝  
賊漸退縮老巢適親王僧格林沁由東昌移師魏灣調集馬步  
各軍剋期進剿聲威大震乃一戰之後賊眾膽落棄巢四竄  
親督步隊分道追截一月有餘日不遑食夜不遑寢追有不及  
追之勢防亦有不勝防之虞各步卒固已踵穿趾裂卽蘇克金  
等馬隊亦皆力竭筋疲幸而亡魂窮寇奔突無心前截後攔漸  
臻殲滅今雖首逆稽誅而各路股首朱登峰楊澱一岳金聲程  
敬書等先後斬擒淨盡此皆仰仗

皇太后

皇上天威更非臣之愚智慮所能及也惟念臣束髮從戎未嘗

稍甘退縮乃此次受任以來亦思竭誠盡智而籌防籌勦寸效  
毫無若猶不自揣量罔顧名實縱中外臣工不加指摘臣清夜  
捫心何以自安況吏治營制均須整頓河南撫臣張之萬山東  
撫臣閻敬銘皆一時物望所歸足以各固疆圉以臣督辦三省事  
無裨實用轉恐直省諸事兼顧爲難應請撤去臣督辦三省事  
宜以專責成此後豫東交界地方如有必須會辦事宜斷不敢  
畏難苟安稍分畛域所有請撤去臣督辦三省交界勦匪事宜  
緣由理合恭摺由驛馳奏伏乞

皇太后

皇上聖鑒訓示謹 奏



軍務已竣遵

旨回省疏

同治二年十一月初二日

奏爲畿輔軍務已竣現將酌留兵勇妥籌分布遵

旨回省辦

理地方事宜恭摺仰祈

聖鑒事竊

臣

前因直境漸就肅清請留兵勇五千名奏奉

俞允在案因念宋逆在逃東直交界地面伏莽猶復不少當派  
藩司王榕吉前赴臨清冠館一帶會同山東候補道明新督飭  
接捕妥議善後事宜候補道博多宏武會同大名道祝塏督飭  
各委員分赴廣平曲周等縣實力搜捕據先後稟報搜捕夥賊  
多名訊明後卽行就地正法已革總兵吳再升遊擊蔣希夷管  
帶馬步豫勇八百餘名領給軍裝行糧於十月二十一日啟程

前赴河南聽候張之萬調遣又因宋逆祖籍河南聞其親族之在原籍者尙多難保不逃往潛匿已由藩司王榕吉密飭籍隸河南之都司劉玉堂前往購線密拏伏查軍興以來標兵之奉調來營者不下五六千名除熱河提標正定大名天津等標兵已先後遣撤外尙餘通永及督標兵一千五百名皆從征日久頗形勞苦不得不暫令休息況兵雖遣而仍存勇一散而難聚臣再四籌酌概予截撤歸伍至現在撤存各勇除藩司王榕吉所部小隊五百名俟接捕完竣卽行撤遣外其餘儘先道余承恩原帶練勇一千名副將崔福泰撤存勇丁五百名總兵李明惠副將陳飛熊等管帶楚勇二千一百名合之大名道祝塏舊



募豫勇一千五百名共練勇五千餘名經臣分布開東長及廣平威縣衡水河間等處頗足以資捍衛至畿輔東西大道時有騎馬賊匪出沒搶掠各州縣力不能制以致路劫之案層見迭出不可不力爲整頓臣現已將各營馬勇選留精銳膘壯共二百名派委員弁分赴大道各州縣會同營汛往來搜緝期於有犯必獲並已嚴飭各州縣清查保甲按剔窩主務令淨絕亂萌提督鄭魁士來營數月遇事奮勉頗資臂助現以舊傷觸寒舉發軍務亦經告竣咨請代懇

天恩回籍調養可否伏候

聖訓飭遵至臣抵任以來凡吏治營伍鹽法河渠雖經督飭文

武隨時整頓究因軍書旁午戎馬奔馳積壓仍復不少欽遵  
諭旨定於初八日起程回省以便趕辦地方一切應辦事宜所  
有畿輔軍務已竣現將酌留兵勇安籌分布緣由理合由驛馳  
奏再已革總兵伊綿阿留營數月頗知愧奮現因冬令戒嚴直  
境邊界一帶不可不嚴爲防範該革員於大名地方最爲熟習  
現今幫同大名鎮道實力巡防籍資周密可否仰懇  
天恩暫準留防之處出自

逾格鴻施伏乞

皇太后

皇上聖鑒訓示謹 奏

江長貴仍回皖南片

同治二年十一月初二日

再臣迭奉

上諭江長貴能否勝任隨時察看具奏等因欽此臣因該暫署提督到任未久是以尙未具奏現據暫署直隸提督湖北提督江長貴咨稱竊長貴在湖北提督任內以兩喪未葬請假六個月假滿仍回安徽軍營經兩江督臣曾國藩代爲具奏仰蒙俞允在案假期未滿本年正月奉

旨來直聽候

簡用旋奉

旨暫署直隸提督惟念長貴轉戰廣西兩湖江皖各省身受數

十傷當此時事多艱斷不敢卽思引退雖安徽舊部暫委署皖南鎮總兵唐義訓兼轄而直東賊氛已淨南省軍務尙殷兼之生長南方於北方水土不習以致舊瘡時發可否代奏請

旨開暫署直隸提督之缺仍赴安徽軍營俾免隕越而圖報稱等情前來臣查提督江長貴轉戰六省身受多傷屢著戰功最繫皖楚士民之望自抵直以來雖南北情形不同該提督統帶兵勇往來追賊申嚴約束頗資臂助現在直省軍務已竣該提督不敢以水土不艱舊瘡微發卽思退避仍請回皖南軍營藉圖報稱亦屬出於至誠惟事關提督大員應否

俯允所請

聖心自有權衡臣不敢妄擬所有暫署直隸提督咨請可否開  
缺仍回皖南軍營緣由理合據情代奏至鄖陽鎮總兵訥欽與  
江長貴孰爲優劣之處容俟訥欽到省後再行察看具奏合併  
陳明伏乞

聖鑒訓示謹 奏



按捕餘匪疏

同治二年十一月十四日

奏陳按捕餘匪情形恭摺仰祈

聖鑒事竊

臣

前因直東股匪雖靖餘匪竄伏尙

司王榕吉周厯直東交界各府會同大名道祝東道明新嚴督所屬清查保甲實力按捕去後壇等先後稟報臨清館冠三州縣拏獲首從匪約千餘名大名廣平各縣官紳及由營派出員二百餘名元城縣屬之齊固團長革生錢洛文興羅清訓趙合全等始則窩藏股首程敬書在送過河尤爲罪大惡極經大名道祝壇拏獲訊

爲團長通賊者戒曲周縣匪犯張琴書宋玉陳希文等均倖著  
名教匪充當賊目或與宋逆結爲兄弟或與官兵迭次打仗旋  
因宋逆敗竄俱仍逃回潛匿天主教中冀圖漏網經曲周縣王  
延桂拏獲訊明正法各等情前來臣又以投誠逆目楊鵬嶺屢  
降屢叛罪不容誅前此暫爲羈縻藉可誘擒黨羽今宋逆遠竄  
羣醜悉除該逆目無論有無反側未可再事姑容亦密飭王榕  
吉將其正法並梟首莘冠地境以儆兇頑至山東濮范館冠一  
帶久爲盜藪與直省大名廣平府屬州縣犬牙相錯匪蹤出沒  
不常若稍存姑息易致餘燼復然仍嚴飭交界各屬及屯防各  
營隨時隨地嚴密巡緝總期匪徒無從溷迹有犯悉數殲除以



仰副 朝廷弭盜安民之至意至此次蕘事雖遲實由宋逆狡  
獪異常半年以來諸將士往來堵截以步追馬艱苦倍常尙能  
繞道兜擒屢殲股首頗著勞績各州縣團練於賊匪過境時截  
殺按擒亦多出力合無仰懇

天恩準由臣彙入前案擇尤酌保之處出自

逾格鴻施所有按捕餘匪情形謹恭摺具奏伏乞

皇太后

皇上聖鑒訓示遵行謹 奏



奏報回省日期疏 同治二年十一月十四日

奏爲 臣抵省日期恭摺具 奏仰祈

聖鑒事竊照省南一帶分撥兵勇巡防按捕 臣已布置完竣於

初八日起程回省當將辦理情形並起程日期奏報在案茲 臣

於初十日行抵省城沿途接見地方文武復將按捕餘匪力行

保甲等事面諭遵辦一路查看麥苗播種甚廣民情亦俱安帖

現在苗逆業已授首省南派防兵勇應否裁撤亦須酌量情形

次第辦理至 臣於今年正月仰邀

恩命擢任畿疆竊幸瞻就有期遵循罔越比至天津卽奉馳赴

軍營之

諭五月內直南平靖復奉

命督辦三省交界勦匪事宜

聖慮方長愚忱益結現在軍務告竣亟思趨覲

闕廷前月二十一日又奉卽行回省之

諭惟相距封篆以前爲日無幾一切地方應辦事宜亟須趕緊  
清釐謹擬俟諸事辦有就緒卽行具摺請

覲跪求

恩訓藉申瞻仰依戀之忱所有臣抵省日期理合恭摺具奏

伏乞

皇太后

皇上聖鑒謹奏

臣等謹將...

...



整頓吏治營伍片

同治二年十一月十四日

再直隸吏治營伍均多廢弛而所以廢弛之故非一朝一夕所致謹將大概情形先爲

皇上陳之地方之治亂係乎守令之賢否守令之賢否視乎上官之激揚數年以來仕途稍雜流品漸淆風氣頹靡日甚一日賢能者既不屑營求闕冗者又率思倖進將循資按格以用人捐班之花樣翻新拔委之班次尤濫則循資固未必得人將不拘成格以用人或奔競以爲能或請託以求進則破格亦難期無弊甚或閱歷既熟情面尤多獎進非人諸多遷就於是顧名思義之人少背公徇私之人多假養勇派差爲肥己之資以諱

盜縱役爲安身之計迨乎有事難資保障此吏治廢弛之情形也我朝兵制甚嚴養兵極厚惟年來庫款支絀欠饑尤多既有枵腹之虞自難責以時勤訓練況領兵將弁未必盡得其人而又委署紛紛鮮克久任不肖者惟知扣食空糧遇事推卸有志者卽思整頓亦恐呼應不靈甚至視操防爲應酬之事藉查緝爲調劑之差一經有事安能得力此營伍廢弛之情形也臣不忍以不肖待州縣惟有破除情面整躬率屬冀挽泄沓之積習亦不敢以苛刻待士卒惟有抽調簡練時其糧饌莫裕武備於平時抑臣更有進者設官所以牧民而民與官情睽地隔賴有賢明紳士維持其際俾下情得以上達上意可以下孚直省



紳士賢者以干預爲嫌出而與官相見者非借官勢以陵民卽恃民衆以制官故抗糧抗差往往而有臣旣諳飭各守令悉心體察務得輿情仍出示訪求公正紳士諮以利弊考其得失以期共維政教永奠畿疆所有臣擬整頓吏治營伍大概情形理合附片陳明伏乞  
聖鑒訓示謹 奏

Table with 10 columns and 1 row. The table is mostly blank, with some faint vertical lines and a small mark in the second column from the right. The right edge of the table contains vertical text.

--	--	--	--	--	--	--	--	--	--

Vertical text on the right edge: 卷之四

覆陳練兵募勇疏

同治二年十一月二十四日

奏爲覆陳抽練營兵酌募勇丁章程並現擬選練情形恭摺仰

祈

聖鑒事竊臣承準議政王軍機大臣字寄同治二年十月十九

日奉

上諭據奏遵籌直隸抽練營兵酌募勇丁以重畿輔一摺所籌均屬周妥惟所稱選兵練勇共成七軍分駐七處未據聲明係屬暫爲畿輔防勦起見抑卽爲長遠之策如爲長遠之策則各營添設將弁改立營伍所選之兵係由何處挑練那移一切章程尙須詳細妥籌等因欽此仰見

聖謨廣運訓示周詳跪誦之餘莫名欽佩查臣前奏選練兵勇共成七軍各情皆因勢而利導無添設改易之煩祇酌盈而劑虛無紛紜更張之慮敬爲

皇上陳之直省幅幘遼濶要隘本多謹繹我朝營汛之制基臣帑星羅當日因地制宜極爲周密何人斯何敢另有改立伏查直隸額設督河提鎮四標而鎮標有七除秦甯馬蘭兩鎮各有典守河標專司防河不便調動外其餘各標約計兵丁三萬有奇惟欲普律訓練悉成勁旅固非旦夕可期值此疲敝之餘經費又形支絀祇能酌量抽調逐漸差操故臣擬於天津鎮標抽練二千五百人爲天津之一軍宣化鎮標抽練二千五百人

爲宣化之一軍督標抽練二千五百人爲省垣之一軍大名鎮標抽練二千五百人爲大名之一軍正定鎮標原額不及三千精壯恐不敷挑選擬於準畱之五千勇丁中酌撥千人附益之以成正定之一軍其河間一軍卽於天津鎮所轄之河間協標挑選五百人以勇丁二千附益之成河間之一軍威縣一軍專以勇丁爲之其駐防處所兵則悉照原汛勇則五百爲隊於威縣河間正定附近州縣鄉鎮擇要分駐此臣前奏所謂七軍分駐七處之章程也近年來各省征調頻仍除出征而外存畱本營之兵餼糈未及以時給發操防漸弛相見無時當其無事兵與兵不相識將與兵不相知及乎有事勝不相讓敗不相救固

其宜矣思救其弊而聯絡之莫善於五百人爲營之法查各鎮所轄或七八營或五六營不等一營或千餘名或三四百名不等每鎮挑選營官五員卽於營官所轄之兵儘數挑選不足則於附近非所轄營汛中挑選附益之如出征之例但歸節制而不必改立營汛十日一小操一月一大操小操則聚於營官駐紮之所大操則會於鎮將駐紮之所無事各守各汛有事則聚而聽調不過畧爲那移無庸改立營伍此臣前摺所謂五百人爲一營二千五百人爲一軍之章程也前議募勇五千原爲饜竭兵疲裁汰改募非剋期可致不能不爲此暫時權宜之計本擬照楚勇章程以二千五百人爲一軍其統領以文職之道府

武職之提鎮爲之五百人爲一營其管帶以州縣或參游以下爲之俟各路平定地方安謐卽行撤遣若照標兵規制勢必改定營汛添設將弁不獨需費不貲難持久遠轉失恪遵

定制之意至提標通永兩標兵丁

臣

亦擬各挑練二千五百人

俟有可觀卽以備補勇丁駐紮之所無事則仍守各汛有事則號稱精兵如是始可將勇全行遣撤此

臣

前奏所謂酌募勇丁

之章程也惟

臣

前奏各情原因股匪雖平苗逆稽誅捻氛尙熾

故爲此畱勇操兵之圖以備緩急如果饑糈充足則軍容壯盛原不嫌精益求精以昭武備茲幸

天威遠震苗逆伏誅直省邊境一

律肅清畿輔防務固不敢稍

涉疏虞而樽節度支洵亦當時急務現在司庫不充請撥各省  
協饒尙屬虛懸非但楚勇擬撥捕完竣卽行遣撤或調赴他省  
卽本地勇丁亦可陸續散遣從前所議分爲七軍分紮七營酌  
量抽調畱勇操兵之說似應再加斟酌隨時察看情形分別辦  
理總之思患豫防要在審度時勢漸爲轉移就向有之兵力原  
定之饒需勤與講求量爲資助較之繁征廣募難易懸殊但使  
將領得人自收日新月異之效營伍足恃可免朝募夕撤之煩  
頃與署提臣訥欽及藩臬兩司再四籌商擬先就臣標及提標  
兩處仍照抽練章程按營酌定數目籌給本營應得月饒認真  
訓練冀成勁卒俟有效驗其餘各標悉照辦理仍由臣釐定賞



罰功過章程通行遵守務收實效斷不準稍涉懈弛至直省原  
 額馬匹本屬不少惟自軍興以來大半調赴江皖楚豫各省加  
 以經費不敷未能隨時買補現存營馬無多前此馬賊橫行兵  
 不能制未必不由於此又臣於接見各鎮將時查詢各標庫存  
 軍裝器械諸多缺失其平時未能實力操練亦非無因應如何  
 籌款買補製備之處容臣督飭藩司熟籌辦理以仰副朝廷  
 經武整軍之至意所有臣抽練營兵酌募勇丁章程並現擬辦  
 理緣由謹具摺覆奏再臣前挑畱臚壯馬勇二百名內楚勇  
 一百名參將劉琪原帶景州勇七十名其餘三十名皆各營撤  
 存之勇現派得力員弁分起管帶往來巡緝俟明春防捕稍鬆

卽行分別遣散合併陳明伏乞

皇太后

皇上聖鑒訓示謹 奏

遵籌北路剿匪事宜疏

同治二年十一月二十四日

奏爲遵旨會籌北路緝匪事宜恭摺仰祈

聖鑒事竊臣欽奉

上諭衛榮光奏請嚴緝北路竊匪各摺片所奏不爲無見著照條陳各節悉心酌覈分別試辦等因欽此仰見

宸謨廣運綏靖郊圻之至意當卽恭錄咨商去後卽據河南撫臣張之萬畱稱河北鎮道以及舉行保甲各事宜已由該撫嚴切責成至原奏所稱於直東豫三省連界地方擇一久歷戎行之員作爲統領之處因直隸較爲切近與臣會議辦理臣維三省交界地方大而鎮道小而守令營汛各有責成並非無官管

轄之區若添設總統勢必互相推  
年以來捻氛雖熾幸有黃河一縱  
境教匪倏平倏發往往起於山甫  
交界之區推原其故曹州鎮向在  
河南濟東道遠駐省垣兗沂道遠  
稍隔地方官吏互相姑息以致沿  
曲爲彌縫以鄰爲壑直省地勢平  
無險可防無要可扼緩之則豕突  
而不可蹤迹故爲畿輔防維起目  
之煽動更難臣再四思維莫如

道河 隔則 諭旨 閩敬 鎮道 督辦 資彊 銘所 閩敬 查戶 副式

更虛應故事所有會商北路緝匪事宜緣由謹恭摺具奏伏

乞  
皇太后

皇上聖鑒訓示謹奏

兵饗按成撥放  
奏爲各營兵饗擬分

祈

聖鑒事竊查藩庫每年  
宗而兵饗卽出自地糧  
連年兵差經費繼而  
欽差大臣僧格林沁日  
先儘軍營動支以致久  
積欠饗銀每營多寡不  
續籌撥舊欠甫放新欠

四籌思勢難立時清理臣以現在直隸軍務已竣正宜及時挑選精壯勤加訓練而饜需不繼責效殊難如將欠發兵饜仍舊按季挨次補放則現練之兵一時尙難得饜因思各營兵丁或有事故或已斥革現在各營當差者未必悉係原欠饜銀之人欲求操防得力總以現時饜需爲重其舊欠饜銀亦未便久稽不給致使向隅臣與藩司籌商擬請自同治三年春季爲始凡發兵饜均發現季饜銀八成舊欠饜銀二成庶訓練得以認真而動款亦可周轉其所欠饜銀卽令各營於奏銷案內分晰造明報部查核據藩司王榕吉具詳前來理合恭摺具奏伏乞皇太后



皇上聖鑒訓示謹 奏

臣等謹將前奉 諭旨

臣等

TABLE OF CONTENTS									

停止捆運疏

同治三年正月初十日

奏爲豫省委員捆運鹽劬實於蘆綱有礙謹瀝陳  
旨卽行停止仍將料價等銀飭司分別撥解恭摺  
聖鑒事竊臣接準戶部行咨議覆河南撫臣張之  
鹽商欠解豫省應發東河料價息銀屢催未完擬  
十萬引由豫省籌措運本委員分運至長蘆各懸  
奏之正雜各款解交長蘆候撥其餘外支之項一  
一半畱豫抵作長蘆應解料價所得餘利撥補軍  
岸招商有人仍歸長蘆行運豫省毋庸攬越等因  
旨依議欽此咨行到臣當經轉飭遵辦去後茲據

克明詳稱查蘆鹽行銷豫省引地虛懸日久尙未一律招商今奉部議定令河南委員捆運蘆鹽十萬引前赴各懸岸銷售自應遵辦然就該處情形而論不特有害於蘆綱抑亦無裨於豫省不得不詳細陳之查蘆屬河南引地五十二州縣內安陽等二十六處有商認辦該司設法招覓上年接續請認者鄭州等九處官商捆運者淮甯等六處包額捆運者長葛陽武等二處實在懸岸僅止祥符密縣沈邱許州禹州臨潁郟城滑縣通許等九處內有一二處現已有人稟認尙未覈定又如滑縣通許係上年新參之岸亦可不致久懸卽按九處懸岸額引計之除去減停共五萬一千三百九十五引今捆運十萬引分赴九處

售賣以一岸而銷兩年之鹽勢必不行無論課款未能限交餘利未能必得恐成本亦歸懸宕難以卽時收回本欲藉微利以濟軍需轉因辦票鹽而耗庫款此無裨於豫省之實在情形也且豫省連年被擾銷路大滯認辦各商盡皆竭力支持捆運之處更屬異常竭蹶該司目擊時艱悉心整頓節經出示招商已據先後請認鄭州等九處正期運道通行岸地安靜或可漸有起色接續認充若經豫省委員捆運則懸岸不能盡銷必致浸灌他處該委員挾勢行私在所不免商人勢難抵禦是未認者既難招徠已認者恐皆倒歇況京商滯引多賴豫省暢岸通融代銷今無可周轉亦將疲累難支紛紛退辦伏查咸豐十一年

間前

欽差大臣勝保奏請招商榷運經部議覆票商惟利是圖貪多務得設使隨地灑賣侵佔有商引地則長蘆全局掣動將以何策挽回等語係洞中利弊之言如謂運鹽十萬包可添十萬包之課誠於國計不無小補第商人因此告歇則懸課不止此數欲益反損更恐該委員於應交課款延欠不完卽如從前商運官銷案內豫省各員至今尙欠課本銀五萬餘兩屢經催提仍未解到是其明徵迨至商歇課懸將來京饒奉饒以及本省軍需從何籌措貽誤之咎又將誰歸此有害於蘆綱之實在情形也該司職司榷務具有天良當此國用支絀之時多運一

分之鹽卽多得一分之課固不敢稍存推諉致缺度支亦何敢  
緘默不言有誤大局應請將河南委員捆運之案 奏請停止  
仍由司廣招殷商分起認辦並飭令捆運之處多多領運以濟  
民食而顧 國課至河南軍需緊要前奉部議行令仿照河東  
成案由長蘆籌解銀二萬兩現已遵照部限於上年年內先籌  
銀一萬兩請由豫省委提俾資接濟所有每年應解料價銀兩  
亦當按限比追源源解往斷不稍任延欠詳請覈 奏前來 臣  
查豫省懸岸除已招商及有人捆運外實在懸岸現止九處額  
引不過五萬餘道尙因銷路阻滯招商爲難今委員捆運前往  
豈能暢銷其浸灌他處引地勢所不免商人受浸灌之累銷滯

刑部重刊公集卷之六

三

課懸紛紛倒歇必致課款日形短絀雖現奉部議長蘆懸岸如招商有人仍歸長蘆行運然有商認辦之岸旣因浸灌致有退歇之虞其無商懸岸更難設法招徠相運之舉實於蘆綱有礙自應飭令運司將欠解料價嚴行比追勒限清釐豫省軍需遵照部定二萬兩之數按期撥解所有豫省委員相運蘆鹽請旨卽行停止臣爲保衛頽綱起見是否有當理合恭摺具奏

伏乞

皇太后

皇上聖鑒訓示謹

奏



額請

陸見疏

同治三年正月初十日

奏為

微臣遵

旨籲請

陸見恭摺具

奏仰祈

聖鑒事

臣

於同治二年十一月十八日欽奉

上諭劉長佑現已回省所有地方善後一切應辦事宜著卽認真率屬妥籌辦理俟有就緒再行奏請來見候旨遵行等因欽此遵卽督同司道先將要件妥籌趕辦月餘以來善後事宜均有端緒積存案牘漸次清釐各標抽練之兵章程已定各路留防之勇巡緝亦勤省城於上年臘月得雪兩次今年正月初七

日得雪尤深省外各州縣先後稟報亦均渥沛祥霽或二三寸  
或五六寸不等麥苗滋長民氣亦極爲安謐臣擬於開印後趨  
叩

闕廷籲求

宸訓庶幾遵循有自藉伸瞻戀之忱如蒙

恩準謹當刻日起程入都申

覲署中日行事件委藩司代行代拆招解各案飭臬司循舊代  
勘俟回省後覆核其緊要事件仍包封遞送行次隨時辦理所

有微臣擬請

陛見緣由謹先繕摺具奏伏乞

皇太后

皇上聖鑒訓示謹奏



遵催訥欽進軍疏

同治三年正月初十日

奏爲遵

旨商催取道進軍情由恭摺覆 奏仰祈

聖鑒事竊

臣

於同治二年十二月十一日承準議政王軍機大

臣字寄十二月初十日奉

上諭訥欽一軍曾否起程定於何時進取著劉長佑與該署提督妥商卽日拔營前進如由朔州等處進發可以遄行卽無庸取道草地設由口外行走卽飛咨沈桂芬該署撫當派委員隨同訥欽行營籌備柴薪豆草口糧源源接濟不得有誤師行是爲至要等因欽此又於十二月二十日承準議政王軍機大臣

登正慎公全集卷六  
字寄十二月十九日奉

上諭訥欽前奏已於十二日由保定起程馳赴宣化卽著迅速前進點齊所調各兵趕赴朔平歸化一帶確探賊蹤妥籌勦辦並著劉長佑將該署提督一軍糧餼軍火源源接濟毋令缺乏欽此竊查德勒克多爾濟等所奏直隸官軍取道口內口外遲速難易情形最爲明晰臣於日前奏報遵調官兵赴甘防勦摺內擬俟行抵歸化再行請

旨辦理亦實慮及取道口外芻糧難繼有誤師行也茲欽奉前因遵卽恭錄咨商署提臣訥欽請卽由宣化取道朔州保德一帶相機徑趨甯夏沿途州縣既有供支約計程途尤爲便捷頃

接訥欽咨稱擬由宣化府點驗所調官兵後分起仍赴朔平歸化地方確探前途賊蹤若何情形如應進趨甯夏並由何處改道前進再爲由驛馳奏並卽飛咨等語因念綏歸地方輿連甯夏實爲晉省北路屏蔽亦係直省西路藩籬訥欽一軍原係以勤爲防自應察看賊情以定進取之路所需糧餼軍火業經寬爲籌撥足利遄征此後無論由何路進軍仍須設法籌解不令缺乏除一面咨催訥欽於點驗成軍後迅速前進並俟該軍行抵歸化酌定進止卽由行營馳報外理合將遵

旨商辦情由恭摺覆奏伏乞

皇太后

聖訓公全集

皇上聖鑒謹奏

臣等謹將



恭報回省日期疏 同治三年二月初八日

奏爲恭報 微臣 回省日期仰祈

聖鑒事竊 臣 遵

旨至京叩覲

天顏仰荷

聖恩兩次

召見

訓誨周詳感激之下尤深欽佩 臣 於二月初一日跪

安後初三日束裝出京初六日到省沿途察看麥苗芄茂民情

安謐洵堪仰慰

宸懷臣現將應辦事件次第經理惟有恪遵

聖訓殫竭愚忱隨事認真力求整頓以期仰答

高厚鴻慈於萬一所有微臣回省日期理合恭摺具奏伏乞

皇太后

皇上聖鑒謹奏

楚軍行糧請勿抵作協饟片

同治三年二月二十八日

再臣上年奏調湖南永州鎮總兵李明惠副將陳濟濤楊秀

琪等募勇一千六百餘名由海道來直助剿所需行糧奉

旨由湖南廣東等省籌給嗣由署兩廣督臣晏端書奏請將此

項楚勇改由陸路來直所需資糧仍歸該省與湖南籌撥均蒙

恩準飭遵在案茲準湖南撫臣咨會撥給李明惠等行資等銀

二萬一千二百餘兩奏蒙抵作應解直隸協饟等因竊思前

項行資銀兩奏奉

諭旨應由廣東湖南兩省籌給之款與協饟兩不相侔自各省

協饟延未解到直隸應放各款皆虛懸以待盼望甚殷且查此

起楚勇由楚抵直沿途用過銀兩約三萬有餘若俱抵作協饗則前此待放之日悉歸無著而現在派援留防各起兵勇饗事愈益難支相應請

旨飭下廣東湖南兩省督撫仍遵前奉

諭旨將前項楚勇行資量力分籌照數撥還俾協饗行糧各清各款或卽

飭廣東撥還銀二萬兩湖南撥還銀一萬兩以符前署粵督晏端書原奏而較之由海來直所需行資尙省數倍在兩省籌撥亦非易事於直隸軍饗所裨實多由總局司道具詳前來除咨會兩廣督臣湖南撫臣照數撥還並將積欠協饗補解外謹附

片陳明伏乞  
聖鑒訓示謹  
奏

Table with 10 columns and 1 row. The table is mostly empty, with some faint markings in the rightmost column.

--	--	--	--	--	--	--	--	--	--

馬隊馳赴順屬會拏馬賊疏

同治三年三月初七日

奏爲遵

旨酌撥得力馬隊馳赴順屬會合勦捕並分飭前派巡道各員撥勇擇要堵拏以杜竄逸恭摺覆 奏仰祈

聖鑒事竊 臣承準議政王軍機大臣字寄同治三年三月初四

日奉

上諭順天府奏特參疏防搶案之州縣一摺據稱懷柔順義固安通州各州縣先後有馬賊結隊成羣攜帶洋槍弩弓銅礮器械搶掠過客銀兩拒傷各州縣捕役兵丁多人外委孫環亦被賊扎傷民團亦被拒傷等語卽著迅速各派幹員督帶兵役務

將此股馬賊協力兜拏無任漏網不準視同尋常捕務遷就了事等因欽此遵

旨寄信前來

臣

查馬賊爲目前鉅害屢飭各屬員弁無分畛域

實力查拏原冀匪蹤盡絕地面肅清乃昨據順義等縣稟有馬賊拒傷勇役搶去號衣現向東南竄逸等情因查東南係河天二府所屬壤地該處素多馬賊出沒雖經臣派出馬勇緝獲多犯以後漸臻靜謐惟恐此股馬賊穿用搶去號衣假冒查道兵勇溷跡入境勾引蔓延不得不預防其漸當經照札天河鎮道各府並飛飭駐巡東南大道之永州鎮總兵李明惠等嚴督兵勇暨飭補用總兵劉景芳督帶所部馬勇前赴天津迤西河關



迤北一帶地方會督縣營一體協力嚴密兜拏在案茲欽奉前  
因臣遵復照會護天津鎮春霖派撥長於緝捕員弁管帶得力  
馬步二百名馳赴順屬會同順天府尹派撥兵勇並各地方營  
縣探明匪蹤分路嚴拏一面飭派總兵李明惠劉景芳加撥幹  
練馬勇在於順屬交界處所一律堵拏並飛飭派巡西道之副  
將張九元遊擊唐有章等分督幹勇設法防捕該馬賊行蹤剽  
疾此拏彼竄貽患滋深此次派出各起兵勇務使不分疆界隨  
地殲滅以期淨絕根株臣忝膺疆寄弭盜安良責無旁貸自當  
督飭嚴拏悉數殲除斷不敢視同尋常捕務遷就了事上煩  
聖廑除飛移順天府尹多撥兵勇會合勦捕外所有酌撥得力

馬隊馳赴順屬會勦馬賊並分飭前派巡道各員撥勇擇要堵  
拏緣由理合恭摺覆 奏伏乞

皇太后

皇上聖鑒訓示謹 奏

武職養廉以銀七票三支放疏

同治三年三月十七日

奏爲武職養廉請照文職以銀七票三支放俸資辦公恭摺具奏仰祈

聖鑒事竊據署布政使李鶴年呈稱直隸文職養廉前因捐款日增辦公不敷 奏請自同治二年春季起按銀七票三支放經部議準奏奉

諭旨依議欽此咨行遵照在案伏查武職各官養廉均按銀票各半搭放惟秦甯馬蘭二鎮并所屬各營因有守護

陵寢之責

西陵承辦事務衙門奏準改按銀七票三支發繼又改爲八成

實銀今文職養廉奉部議準按照銀七票三支給所有武職養廉銀同爲辦公之資自應照案辦理第其中有由軍營糧臺就近支領者亦有因奉調遠征已將積欠養廉具領清楚者情形不同若照文職之案亦自同治二年春季爲始則紛紛找撥難免牽濶除泰甯馬蘭二鎮仍照奏定原案辦理外其餘各營武職養廉擬自同治三年春季起改按銀七票三支發以昭畫一其三年以前舊欠銀兩仍照銀票各半支給俾與已領者不致兩歧等情詳請具 奏前來 臣覆覈無異理合恭摺具 奏伏

乞  
皇太后

皇上聖鑒訓示 謹奏

Blank manuscript area with vertical lines.

Vertical text on the left margin.

Vertical text on the left margin.

金正惟公之集

三

開東長修隄以工代賑疏

同治三年三月十七日

奏爲開州等三州縣應修隄埝經費難籌擬請將撫卹銀兩改爲以工代賑恭摺具奏仰祈

聖鑒事竊

臣承準議政王軍機大臣字寄同治二年十二月十

九日奉

上諭譚延襄奏統籌黃河下游現行地勢擬請濬支渠以減漲水培土埝以衛農田一摺據稱自咸豐五年河南蘭陽汛北岸潰決由直隸之長垣東明開州至山東之濮州范縣壽張橫穿運河過張秋鎮入大清河而直抵利津海口其間經行之數十州縣被災輕重不等應先將開濮兩州之金隄趕緊堵築其濮

范與荷澤比鄰之史家隄亦一併堵築並將舊有土埝加高培厚擇緊要處設法接修而後逐漸布置等語所籌自係實在情形著劉長佑閣敬銘按照該署河督所奏嚴飭該管道府督令各州縣趁此冬春水小源微將可以施工之處趕緊勸令分投興辦以資保衛並會同譚廷襄妥籌辦理等因欽此遵

旨寄信到臣當經移咨山東撫臣暨署東河督臣籌辦一面行

司飭委候補同知李鼎等馳往大名會同該管道府查勘在案計已次第勘估惟定於何時動工興修尙未稟復伏查開州東明長垣三州縣被豫境黃水浸灌總因上有來源下少去路各處舊有隄埝疊被衝刷殘缺以致田廬連年水淹據目下情形



而論自以培修堤埝爲要策春長無事水小源微正宜及時興築查河道北徙開州情形最重長垣次之東明又次之就工程大小約估牽計須銀三萬餘兩庫儲支絀勢難籌此鉅款不得不斟酌權宜挹彼注茲先其所急因思開東長三州縣上年被水案內業經 奏準撥給銀三萬兩改賑爲撫溯查從前遇有災歉每於青黃不接之時籌辦城工隄工俾災民得以力作餬口原有以工代賑之例此次工程正爲軫念災黎保衛田廬起見更非別項工程可比目前田功未興災民尙無所事若令墮工力作按月給予儲值數口之家藉可以資養贍所有前經 奏準撥給撫卹銀三萬兩擬請改作以工代賑庶幾慎重經費

無賴月籌刻下節逾清明開工已不爲早亟宜先將經費發往  
以便興辦惟地糧不敷支發先在司庫旗租項下借撥實銀三  
萬兩飭委候補知府沈燮同徑行解往開州雖河道情形開州  
與長垣東明不同但原案係屬撫卹今改以工代賑少壯者固  
可備趁度日其老弱鰥寡無依者轉不得均沾實惠未免向隅  
且與原案不符擬將前項銀三萬兩按開州東明長垣三州縣  
各先酌撥八成銀八千兩共銀二萬四千兩以作工用其餘二  
成共銀六千兩暫存開州仍令該三州縣查明老弱鰥寡無依  
不能工作者準其於此二成銀內酌量支領散給作爲撫卹倘  
有餘贖仍查明該三州縣內工費如尙不數量加添補如此一

轉移間既於要工有裨而災黎亦無虞失所據調任布政使王  
榕吉具詳前來理合恭摺具 奏伏乞

皇太后

皇上聖鑒訓示謹 奏



裁勇節餼疏

同治三年四月二十五日

奏為酌裁防勇以節餼需恭摺仰祈

聖鑒事竊臣上年十月間 奏奉

俞允酌西勇丁五千餘名分防布置聲明隨後體察情形分別

遣散今年正月臣入都

陛見復蒙

慈訓周詳

諭令暫緩遣撤維時署提臣訥欽奉

命援甘先後調出精兵三千名存營精壯無多甫經抽練急切  
難恃自未便驟議裁撤邇來直境救安鄰氛寢息陝西著名之

蘇家溝等處回巢業經多隆阿攻克勢成破竹訥欽一軍亦已由秦直趨甯夏江甯將軍都興阿現又奉

旨馳赴定邊足以遏其竄越邊防暫可無虞臣簡選各標官兵

現得七千人馬匹器械雖未齊備而規模既定操練有資臣隨

時督催並委員分往查看俾各將弁咸知振作行將日異而月

不同第念籌兵固屬要圖節饒亦宜並計要在權其輕重因時

制宜所有前項畱防勇丁經臣先後裁撤一千名茲擬將記名

總兵陳飛熊所帶楚勇五百名先行撤遣並將大名道祝壇所

帶豫勇亦裁去五百名以節糜費臣薦畿輔重任惟當計出萬

全現存勇丁三千餘名仍令照常操練加意巡防以彌征兵之

缺或俟陝豫軍務告竣或俟訥欽凱撤旋營卽當奏請全行遣  
撤總期兵歸實用饜不虛糜所有酌裁防勇緣由是否有當理  
合恭摺具 奏伏乞

皇太后

皇上聖鑒訓示謹 奏





游民出口請飭將軍都統稽查片

同治三年四月二十五日

再臣維靖地方必先弭奸宄攘外患尤貴肅邊防直隸環衛京畿毗連數省編查保甲嚴緝馬賊皆當時急務現已通飭遵行並遴委員弁分往查察矣惟查北界邊牆廣延千里大小關隘雖有駐兵稽查日久難免疏懈且長城坍塌處所不少單騎獨行易於偷越巡察尤難比年山東曹州等府水患爲災多有游民出口謀生直隸滄青各處亦有同往者始以刨挖黃耆爲由漸因飢寒流爲盜賊甚至結夥成羣乘馬持械遇便劫掠出沒靡常從前馬賊之來多由乎此蓋緣口外地方遼闊蒙古游牧之區氍帳草房所在皆有該匪等強借棲身良蒙不敢驅逐

且有供其飲食者而貪利窩留之弊亦恐不免及地方官偵知往捕此拏彼竄道路紛歧莫可蹤迹其中回民尤多向來販買牲畜通習蒙語往來最稔甘肅回匪雖去邊牆甚遠而由草地處處可通將來被勦窮感難保不勾結爲患不可不早爲之所除由臣嚴飭沿邊地方文武各員畱心盤詰外相應請

旨飭下熱河察哈爾綏遠城歸化城山海關密雲等處將軍都統轉飭所屬官兵一體認真稽查勿令奸宄溷迹以遏亂萌愚昧之見是否有當謹附片具奏伏乞

聖鑒訓示謹奏

復價循舊分撥兵餉片

同治三年五月初七日

再現準戶部咨開長蘆春撥冊造復價一款查上年十一  
前臣尙辦勦匪事宜長蘆復價原應解交十一月以後臣  
停撤舊撥協饒則復價一款卽不應再解今長蘆春撥冊  
稱解銀一萬兩作爲上年十一月月餉核與臣自行  
之案不符應令將各省解到練兵經費撥還復價銀一萬  
撥等因奏奉

諭旨依議欽此咨行到臣伏查復價一款本係親王僧格  
前署督臣瑞麟奏明作爲天津海防經費臣於上年五月  
同三口通商大臣崇厚奏準暫爲軍營月餉飭據運司每

撥銀一萬兩解營湊用嗣軍務完竣臣將兵勇分別遣撤仍畱  
五千名擇要分布以備不虞於上年十月間奏奉

諭旨遵行當將各省協餼奏請停止其復價一款因畱防兵勇  
戶饟無出勢難停解惟洋槍礮隊已由營撤回天津經崇厚提  
取復價支用運司議請以五千兩解歸海防以五千兩解省支  
發防兵月饟不敷之款另行籌撥復經臣與崇厚函商飭準照  
辦在案現在畱防兵勇一時未能全撤所有復價銀五千兩應  
請循舊撥解至固本軍饟係爲練兵增饟及補製器械之需各  
省解到者寥寥不敷支用尙費籌畫實未能撥還復價報部撥  
用茲據總局司道具詳前來除咨明戶部外理合附片具奏

伏乞

聖鑒再長蘆春撥冊內奉部行查其餘各款已札飭運司並咨  
崇厚查明分別奏咨合并陳明謹 奏

臨桂李樹森  
南陵胡永福  
同校

劉武慎公奏稿

劉武慎公全集八

卷之七目錄

遵派楚軍赴皖片

遵旨巡緝邊牆片

旗民交產變通辦理疏

楚勇撤回湖南片

校閱宣化等鎮營伍疏

分撥投誠士卒諸多窒礙疏

查閱秦甯等鎮營伍疏

團紳仇殺傷官派兵往拏疏

平毀團寨嚴緝逃紳片

查閱提標等處營伍疏

校閱天津各處營伍疏

疏濬永定河下游片

暫設釐卡濟饟疏

請飭提鎮到任片

楚豫固本軍饟撥解僧營片

永定引河工竣疏

訪獲鄰境匪首疏

校閱省標營伍疏



災歉州縣分別調劑疏

請催鎮將赴任酌調武職疏

請於潯柳建昭忠祠片

籌防豫捻疏

安置凱撤將士疏

請獎擊獲鄰匪員弁疏

衛河釐捐還難裁撤疏

清釐命盜案件疏

開具軍需簡明清單疏



遵派楚軍赴皖片

同治三年六月初六日

再臣前奉寄

諭飭令議裁之陳飛熊一軍五百名迅速赴皖北地方歸喬松年調遣等因欽此當卽轉行欽遵一面飭由軍需總局籌給贖糧俾利遄行該記名總兵陳飛熊卽於五月十一日督帶楚勇五百名由衡水縣拔隊起程取道山東前赴皖北茲據軍需總局暨該總兵先後詳稟前來除飭將給發過行糧軍裝由總局彙冊詳請咨部暨安徽撫臣查照外所有該總兵赴皖起程日期理合附片奏聞伏乞

聖正惟公在集卷十  
聖鑒謹奏

遵旨巡緝邊牆片

同治三年六月初六日

再於五月三十日承準議政王軍機大臣字寄二十九日奉  
上諭前因劉長佑奏邊牆地方遼闊請飭嚴查姦究諭令麒慶  
等認真拏辦茲據麒慶奏稱查禁之法務須不分畛域口外地  
方遼闊邊內文武所轄溢出邊牆外百十餘里不等盜賊竊發  
往往鞭長莫及如本月初間平泉州屬六溝等處有馬賊二十  
餘人搶掠派兵追拏該匪已從邊牆偷入匪蹤剽疾請飭協力  
兜拏以靖地方等語邊外地皆空曠此拏彼竄自係該匪慣技  
若非各該地方官同心按捕則互相誘卸盜賊仍得來去自如  
殊非整飭捕務之道著萬青藜卞寶第麒慶阿克敦布德勒克

多爾濟劉長佑沈桂芬桂成慶春連成嚴飭所屬官兵於邊牆  
內外一帶聯絡聲勢互相巡緝一處有賊則附近該處之地方  
官卽當會同查拏務獲究辦毋得稍分畛域致令該匪遠颺此  
外尙有沿邊應防處所並著劉長佑沈桂芬查明地界咨會各  
該地方官協同緝捕一體防範以清盜源麒慶所稱回民雜處  
中國久已相安若以句結甘肅叛回爲疑豫相逆億是猜嫌先  
啟於上官恐非開誠布公潛消反側之道等語所奏不爲無見  
應如何不動聲色暗中嚴防之處著萬青藜卞寶第麒慶阿克  
敦布德勒克多爾濟劉長佑沈桂芬桂成慶春連成妥籌辦理  
將此各諭令知之欽此遵

旨寄信前來等因承準此仰見

皇上肅清邊界籌慮至周臣當卽轉行欽遵嚴密巡緝伏查邊牆關隘布置防兵

定制本極周密祇緣承平日久漸至懈弛兼有坍塌缺處所稽察難周當茲經費支絀若議興工修葺添設巡防二者均屬不易再四思維惟有欽遵

聖訓由臣等隨時督飭各該地方文武不動聲色嚴加盤詰但緝姦宄無問漢回但靖地方無分畛域如該文武員弁果能盤獲馬賊巨盜由臣等立予保奏懇

恩逾格獎勵儻有疎縱匪犯被他處拏獲訊由該管關口偷逸

或別經發覺均卽照例嚴參其有藉端擾累行商亦必治以應  
得之罪期勸懲之必行庶奸宄之易戢加一分認真自收一分  
實效至臣前奏聲敘訪察情形原可不必宣布竊以逆億之心  
不可有而豫防之心不可無是在臣等自握機宜畱心查察除  
由臣密派委員查明地界咨會山西撫臣轉飭協同防緝外擬  
請  
旨密諭各該大臣分飭照舊嚴緝馬賊出之鎮靜無事聲張以  
仰副  
皇上綏靖閭閻之至意再臣擬秋間出省先往宣化一帶巡閱  
營伍於各關隘大概情形仍可順道查看屆時再當循例恭摺



奏請合先陳明所有遵

旨籌辦緣由是否有當謹附片具奏伏乞

聖鑒訓示祇遵謹奏



# 旗民交產變通辦理疏

同治三年六月初六日

奏爲旗民交產章程擬請變通辦理恭摺具 奏仰祈

聖鑒事竊照同治二年四月準戶部咨議覆御史裘德俊奏請仍準旗民交產一摺鈔奏內開咸豐二年會議令順天直隸等處悉準旗民交產照例稅契升科奏奉

諭旨準行嗣因弛禁後各州縣首報升科者甚屬寥寥而盜賣隱佔之案層見疊出雖有升科之名並無納賦之實復於咸豐九年奏請規復舊制仍禁民人典買旗地遵奉在案茲據御史裘德俊以旗籍生計艱難請復旗民交產之例應請準如所奏順天直隸等處旗地無論老圈自置亦無論京旗屯居及何項

民人俱準互相買賣照例稅契升科一切章程照案辦理庶旗  
民有無均可相通於八旗生計不無裨益等因奉  
旨依議欽此咨行到臣當經飭司通行各屬遵辦在案嗣據調  
任布政使王榕吉呈稱據前署清苑縣知縣朱浦稟稱遵卽出  
示剴切曉諭並傳集鄉地子限查報乃各村民人置買旗產互  
相捏飾匿不稅契升科聞有屯目社書稟出某村某戶隱種旗  
地數畝或數十畝若據稟紛紛傳質人數眾多未免擾累因思  
咸豐二年弛禁後查辦升科一無成效此次準令旗民交產奉  
文日久查辦仍無頭緒其藉端生事之輩反得有所藉口而肆  
其指控案牘日見繁多糧租毫無實濟利未能興弊不堪舉與

其徒法而不能行曷若變通辦理使農田酌議不必責成鄉地人等案畝查造畫清地無論遠年近年卽以同治三年爲期按人自赴州縣呈明地段畝數有原契者檢時查照章程分別酌定應徵糧銀數目卽發旗產契尾給領收執毋庸等候覆勘再不許差役下鄉藉端勒索亦不煩弓手人銀按季造報俟一律報完彙入旗產奏銷故違逾限延不呈報一經查出或被告發以隱匿不報之罪如此酌量變通旣與原

鑾正惟立全集卷一  
可速收實效至咸豐二年查辦案內閒有已經報出地畝尙未  
議定科則旋即奉文停止此時若仍令按年補徵未免向隅况  
九年以前民欠糧銀曾有奉豁明文此項事同一律應請即以  
此次查辦爲始統自同治三年起徵以紓民力等情由司具詳  
經臣咨部覈覆旋準戶部咨覆此案章程酌量變通應由臣  
奏明辦理等因即經飭據前署布政使李鶴年覆覈具詳請  
奏前來臣查民人既準置買旗地自應照例稅契升科未便任  
令隱匿延不首報該司等所議變通辦法係爲稅契升科不致  
有名無實起見擬請準如所議分別辦理謹恭摺具奏伏乞  
皇太后

皇上聖鑒敕部嚴覆施行謹 奏





楚勇撤回湖廣片

同治三年七月初八日

再臣於四月內 奏撤陳飛熊楚勇五百名曾經聲明將李明惠等所部三營仍駐原處以資鎮防在案伏查此起楚勇畱駐畿南實因直省出征之兵多未歸伍抽練之兵驟難成軍藉以補不足備不虞也茲幸鄰氛盡息伏莽全消抽練標兵日有起色此起楚勇畱之固足以資鎮防撤之亦可以節餼糈且各勇咸思自效久戍尙非所甘而遠隔鄉關思歸亦所不免臣籌商再四現在江皖餘孽未除湖廣邊防猶緊擬請將李明惠等三營楚勇全數撤回湖廣由督臣官文察看湖北湖南防勦緩急酌量調遣如全楚無事卽就近裁撤歸農均候

聖慈裁示祇遵再直省現在抽練標兵亟須久經戰陣曉暢戎  
機之員共圖整頓所有管帶雲字營楚勇總兵陳濟清可否留  
於直隸以資臂助之處出自

天恩理合附片具奏伏乞

聖鑒訓示謹奏

校閱宣化等鎮營伍疏

同治三年七月初八日

奏爲恭報起程前赴宣化等鎮校閱營伍出省日期仰祈  
聖鑒事竊照同治二年輪應查閱直隸省營伍之期欽奉  
諭旨派臣校閱臣於本年三月閒先將考校過省標營伍情形  
具奏聲明提鎮等標弁兵另行奏明親往校閱在案臣現  
將應辦要件逐加清釐擬於七月二十日自省起程前往宣化  
鎮提標暨通永等鎮順道挨次校閱並將各標抽練精壯認真  
考驗凡兵技之優劣將備之勤惰隨時據實具奏分別勸懲  
至沿邊關隘現已派員分往查勘臣經過各處仍當熟審情形  
會督辦理以仰副

聖主整飭營伍慎重邊防至意臣公出後臬司招解之案以及  
日行公事飭委布政使鄭敦謹代勘代行藩司詳送驗看人員  
卽委按察使李鶴年代驗如有緊要事件仍包封送臣行次覈  
辦所有臣起程出省閱伍日期理合恭摺具奏伏乞  
皇太后

皇上聖鑒謹奏

分撥投誠士卒諸多窒礙疏

同治三年七月十九日

奏爲遵議分撥投誠士卒諸多窒礙情形恭摺覆陳仰祈

聖鑒事竊臣於本月十二日承準議政王軍機大臣字寄同治

三年七月十一日奉

上諭據御史陳廷經奏江浙投誠士卒宜妥爲安置卽如直隸原設有大名鎮近遇宋景詩紛竄徽兵調將幾及二年而後竣事山東原設有兗州鎮兵額無多教匪起事已逾數年蔓延滋甚該二省宜再增兵額以資分布等語各營兵額原有定制大名兗州兩鎮地處扼要兵力是否足資調遣現在江浙軍務漸次肅清投誠士卒亟應分撥安置以資鈐束著劉長佑閻敬銘

悉心體察情形如該二鎮宜酌添兵額或卽以此項勇丁撥往  
防守之處卽著妥議具奏原摺均著摘錄鈔給閱看將此由四  
百里各諭令知之欽此遵

旨寄信前來等因欽奉之下伏念軍興以來賊縱滋蔓雖多狂  
悖亦有脅從我

皇上如天之仁疊頒

恩旨寬其既往予以自新凡有投誠概行免死遂使普天赤子  
同慶更生自當妥爲安置毋使失所然查原奏所稱大名鎮宜  
酌增兵額卽以此項勇丁撥往防守之處臣就直隸現在情形  
細加體察則實有窒礙難行者謹將管見所及爲我

皇上敬陳之直隸原設兵額爲數四萬有奇卽如大名鎮標亦逾三千以外而近遇有事尙煩徵調者非兵額之不多實由兵力之不齊而兵力之不齊究由兵餉之不足臣於上年奏請抽練營兵一萬二千五百名卒以庫款空虛未曾如數抽練今若於原額之外酌議增添則餉精難籌仍恐有名無實大名界連東豫本爲捻教各匪出沒之區臣現畱祝壇所帶豫勇千名亦因巡防緊要起見然勇可以隨時撤畱究非若兵額一增卽爲定制也且大名兵額就令議增約計安置降卒亦屬無幾而此等降卒久陷賊中半皆游惰但令各歸故鄉責復舊業心有所繫勢自易安今驅之數千里之外必皆內蓄危疑餉足則猶易

羈縻饒缺則更虞反側縱皆感戴

皇仁萬不至有他慮而南北異習水土非宜如臣上年所調舊

部楚勇來直將近一年風土人情猶有未便況以新撫之眾冀

遷地之良臣未見其可也臣愚以為籌備鎮防計遽添新兵何

如酌加舊饒為安置降卒計強驅異地何如暫給歸貲臣前在

江西湖南廣西等處帶勇勦賊所收降眾多者一二萬人少亦

五六千人或自願回籍立予放歸或暫準畱營陸續裁撤均給

以路費護牌委員分途押送交各該管地方官妥為安插後亦

未聞另有他變今茲江浙投誠士卒其有籍可歸者莫不有父

母妻孥之念量給川資自易散遣其或原籍凋殘暫難復業者



現值餘氛敗竄江皖等省尙在用兵各路統兵大臣謀畧素著  
威望久孚將其分派各營雜而用之善爲撫之自足以懾其桀  
驁之氣而安其歸順之心俟其原籍復元大功告竟再行陸續  
裁撤分別入伍歸農以廣

皇仁而戢眾志是否有當理合恭摺覆 奏伏乞

皇太后

皇上聖鑒訓示謹 奏



查閱泰甯等鎮營伍疏

同治三年八月初八日

奏爲查閱泰甯宣化鎮屬及順道考校涿州良鄉拱極昌平鞏華各營伍情形恭摺仰祈

聖鑒事竊臣於七月二十日由省起程二十一日至泰甯鎮查看隊伍整齊器械亦備惟該鎮標屬駐守

陵寢差務較繁各弁兵技藝未及抽調徧閱已由臣照會鎮臣

麟翔擇期調營考校據實送核二十二日單騎至紫荆關查看邊牆間有坍塌形勢實爲雄險亦經切飭駐關將備設法補葺加意操防次日仍取道易州前赴宣化經過涿州良鄉拱極昌平鞏華各營逐加考校昌平鞏華營較爲可觀良鄉拱極次之

涿州又次之查涿州良鄉拱極三營本隸督標地當衝要因差廢操由來已久臣於此次考校後將各備弁分別功過容俟回省調同覆考再行核辦道出居庸歷岔道懷來各營其官兵先經鎮臣冷慶抽調赴郡候閱畱守弁兵無多且器械不齊遂亦未加考校至八月初二日抵宣化各營官兵齊集臣先令抽練馬步兵丁合演新陣仍令未入抽練兵丁照演舊陣其分合部曲進止步伐均尙嚴明齊整連日按冊考校各兵擡槍鳥槍中靶均在六分以上馬步弓箭亦在五分以上惟刀矛花法太多無裨實用現飭該鎮酌派精壯弁兵十數名赴省學習將來轉相傳授各項技藝可望一律精熟復將各營將備依次考校核

計弓箭中靶亦在五分以上其中有弓馬稍生及專操協操不力者均卽記過記責勒限練習此外技藝較優各官兵俱經當場獎賞記功拔缺以昭激勸伏查宣化爲九邊鉅鎮兵力素強近因饜糈不充器械缺失營伍頗形廢弛第各將士久沐朝廷深恩厚澤亦皆具有天良一經酌給資糧犒具器械已勃然有鼓舞奮興之勢竊謂兵可百年不用不可一日不備而況近衛畿輔遠控諸邊如宣化營伍尤宜力圖整頓以重屏藩現署鎮臣冷慶忠直性成不辭勞怨故能申明紀律驟然改觀臣仍向該鎮及各將備諄切誠勉並屬署口北道博多宏武照臣新定章程按期會同看操均不得因校閱已過稍形懈怠以冀

仰副

聖主修明武備慎重邊防至意所有臣查閱泰甯宣化鎮屬及順道考校涿州良鄉拱極昌平鞏華各營伍情形理合恭摺具奏伏乞

皇太后

皇上聖鑒訓示再張家口獨石口兩協兵丁業經抽調來鎮一體校閱其該處邊界亦經派員前往查勘臣於初七日卽由宣化起程赴古北口校閱合併陳明謹奏

團紳仇殺傷官派兵往拏疏

同治三年八月初八日

奏爲團紳率眾仇殺致斃人命並拒傷縣令現在派員帶兵往拏先行恭摺具奏仰祈

聖鑒事竊據清豐縣知縣王學乾稟報本年七月初六日夜一更時分突有一百餘人搶劫城內同成號錢鋪錢布等物並將團紳馬學孟之子馬德容等毆傷捆去鋪夥三人逃逸經該縣督同典史追至西門獲犯孫葵張鳳岐等驗明被搶形迹將孫葵等嚴押等情臣接閱之下當經飛飭大名鎮道酌帶弁兵速往查拏去後旋據大名道祝塏以業飭大名府李朝儀馳往查明孫葵係丁憂在籍知縣孫懷珍之子孫懷珍與馬學孟挾嫌

互控孫葵因馬學孟延不赴案探知是日在同成號錢鋪赴席  
率眾往拏起衅詎馬學孟事後復率領多人將在押之孫葵張  
鳳岐殺傷身死經該縣王學乾親出彈壓亦被將左骹槍札致  
傷旋卽出城現經該道與大名鎮姜國仲各帶兵勇同往彈壓  
相機拏辦等情稟報前來臣查馬學孟前因帶團殺賊累保花  
翎以都司補用理宜安分守法感奮自效乃輒挾孫葵等糾眾  
往拏毆傷伊子之嫌膽敢乘其在押尋仇報復致斃二命復拒  
傷縣令種種妄爲實屬目無法紀亟應嚴拏懲辦以儆兇頑相  
應請

旨將花翎補用都司馬學孟先行斥革以便獲案究辦至孫葵



首先尋衅其父孫懷珍曾否知情故縱及有無同行助勢情事除再確查另行覈辦一面仍飭該鎮道等務將馬學孟等悉獲稟辦外理合恭摺具陳伏乞

皇太后

皇上聖鑒謹 奏



平毀團寨嚴緝逃紳片

同治三年八月初八日

再臣續據大名道祝塏稟稱奉札後當即會同大名鎮姜國仲督帶鎮標並留防馬步兵勇前往清豐縣相機捕拏行抵南樂探得馬學孟所糾匪眾漸已四散祝塏即於二十日夜派撥馬隊前往圍拏復親督步隊繼之馬學孟聞風逃逸祝塏進抵該寨搜獲火藥及槍礮多件當即派員會同該縣等督率附近居民將該寨平毀一面分派馬步隊追捕據報竄逸無蹤現已派弁訪緝飛知豫省府縣一體嚴拏等情稟覆前來臣伏查馬學孟仇殺傷官實屬罪大惡極現既潛逃未獲亟應設法訪拏以期迅獲免致遠颺除仍飛飭大名鎮道等酌派幹練弁兵分路

訪緝並查拏匪黨訊明懲辦一面飛咨河南山東各撫臣飭屬一體嚴拏外理合附片具奏伏乞  
聖鑒謹奏

查閱提標等處營伍疏

同治三年八月二十五日

奏爲查閱直隸提標通永鎮及密雲順義通州各營伍情形據實恭摺具奏仰祈

聖鑒事竊

臣

於八月初八日會將閱過泰甯宣化兩鎮及涿州

良鄉拱極昌平鞏華各營伍情形

奏報在案嗣於十二日抵

古北口署提

臣

徐廷楷調本標官兵齊集校場

臣

先閱大陣

及弓馬並擡礮鳥槍其陣勢嚴整雖不及宣化而分合進止

屬合法馬隊熟習又視宣化有其過之弓箭槍礮中靶亦均在

六分以上

臣與署提

臣

將技藝較優操防較勤各官兵從優給

賞記功以示鼓勵其有技藝較生年力尙強者亦卽從重記

記革勒限學習俾知懲儆至口外河屯八溝三屯各營均隸提  
標計程較遠臣已咨商提臣前往代閱卽於十六日由古北口  
轉赴蘆臺經過密雲順義通州各營亦經逐加考校分別勸懲  
內惟通州協營器械旗幟較爲完備操演舊陣亦有可觀第合  
計槍礮不及五分與密雲順義無甚軒輊臣已嚴飭各該將備  
加意訓練以重操防十九日由通州起程至二十一日抵蘆臺  
查悉該護鎮祇調到官兵七百餘名其山永協抽練官兵並未  
行調臣當就現到各營官兵悉心查閱所演新陣大致整齊官  
兵弓箭計在五分以上惟號令不甚嚴明雜技多循習套槍礮  
中靶不及四分卽經當場訓飭並將專操協操各員弁暫行摘

頂記革以觀後效其山永協抽練及未入抽練官兵現委永平府知府延福就近查閱俟稟覆到日再行覈辦伏查古北口與蘆臺地方控扼山海形勢均爲喫重近來馬賊多由古北口潛入爲患自提臣徐廷楷接署後布置巡防賊蹤稍爲斂迹然邊牆坍塌太多到處防維殊非易事臣昨於校閱之暇親歷附近各關口與提臣徐廷楷防守禦塞克通阿悉心講求其附近著名關口務須督飭弁兵認真查緝不準稍滋弊端卽邊遠口隘堪通人馬之處亦須設法堵遏併派得力弁兵嚴定賞罰梭織巡防至蘆臺東南兩面舊有壕牆足資防範距鎮三十里又有營城礮臺曩歲駐兵邊寇曾著明效第恐日久坍塌修整爲難

臣已切屬該護鎮暨甯河縣令務須督同紳民隨時修整用固藩籬臣現定於二十四日由蘆臺前赴天津校閱該鎮營伍擬事竣後督同永定河道並天津霸昌通永各道順赴永定河工次察看情形妥商辦理即可取道新雄以回保定除再分別具奏外所有查閱直隸提標通永鎮標及密雲順義通州各營伍實在情形理合恭摺具奏伏乞

皇太后

皇上聖鑒訓示謹奏



校閱天津各處營伍疏

同治三年九月初八日

奏爲查閱天津鎮屬官兵暨洋槍隊蘆團練勇完竣順道考校  
新雄營伍及回省日期恭摺 奏報仰祈

聖鑒事竊

臣

於八月二十五日曾將閱過直隸提標通永鎮及

密雲順義通州各營伍情形

奏報在案拜摺後卽日行抵天

津各營官兵暨洋槍隊蘆團練勇齊集校場

臣

當會同三口通

商大臣

臣

崇厚以次校閱陣式其標兵部曲之分合步伐之進

止一律嚴整尙不亞於宣化而洋槍隊較爲純熟團勇亦甚整

齊至官弁弓箭中靶鎮屬暨兩協各營均在五分以上管帶洋

槍礮隊暨靜海營均在七分以上兵丁弓箭中靶鎮標在五分

聖正慎公全集卷一  
以上協屬在六分以上擡烏槍中靶鎮標在四分以上協屬在  
五分以上團勇亦如之藤牌刀矛則與各鎮不相懸殊當與崇  
厚覈其優劣分別賞罰並存記功過用示勸懲伏查天津地方  
五方雜處人多浮動所屬滄青吳光一帶地處海隅毘鄰東省  
或指爲馬賊窩藏之所或向係鹽梟出入之區彈壓稽查在在  
均關緊要近經崇厚會督鎮將講求操防地方尙稱安謐臣昨  
於校閱之餘復傳集各營大小員弁親加切屬務須及時整頓  
加意訓練以資控鎮而固屏藩臣於二十八日由津起程督同  
永定河道並天津通永霸昌各道順道查看永定河工現將履  
勘商辦情形另行附片陳請

示遵九月初二日道出新城縣順閱新雄營伍官弁弓箭中靶  
 尙在五分以上兵丁則不及五分烏槍竟不及二分皆係因差  
 廢操與同隸督標之涿州良鄉各營如出一轍當經嚴飭認真  
 振作並將督操不力將弁分別記過記革勒限練習俟限滿覆  
 考如無長進卽當據實嚴參臣遂於初三日回省現將緊要事  
 件復加清理年內能否再赴省南各鎮俟審酌情形隨時奏報  
 所有查閱天津鎮屬營伍暨洋槍隊蘆團練勇完竣順道考校  
 新雄營伍回省日期謹會同三口通商大臣臣崇厚恭摺具  
 奏伏乞

皇太后

皇正位之在身  
皇上聖鑒訓示謹奏

三

## 疏濬永定河下游片

同治三年九月初八日

再永定河北七工以下從前所設北八北九兩汛早經裁汰該處係下口尾閘無工之所近年因河勢日形北徙而鳳河爲河水去路近亦淤墊過高致倒漾之水浸灌隄外村莊頻爲民患本年東安縣屬之孟東等村亦經被淹會與府尹臣卞寶第往覆函商亟思設法疏濬茲臣親往查勘情形與永定河道徐繼鏞暨霸昌道德林通永道范梁天津道李同文悉心籌議於柳坨地面挑挖中洪築壩堵截北流引溜歸入舊有大河形之處自柳坨至張坨馬家場胡家房等處將河形展寬挑深入又光二光魚壩口天津溝達津入海形勢極順臣已飭該道徐繼鏞

擄節估計工需會同署藩司李鶴年設法籌款興辦查每年秋  
汛安瀾後防汛出力各員歷經

奏蒙

恩施量予獎勵現因河流北徙籌議疏濬仍須檄委各汛員分  
段承挑本年防汛出力各員擬請緩俟下口各工一律告成再  
行擇其始終出力又能擄節經費之員

奏懇

天恩分別給獎庶使在事各員咸知觀感益思奮勉圖功於全  
局實有裨益謹附片具

奏伏乞

聖鑒訓示謹 奏

暫設釐卡濟饑疏

同治三年九月二十日

奏為勇糧籌撥維艱擬仍暫設釐卡以濟饑需恭摺具奏仰

祈

聖鑒事竊據總局司道詳稱直隸省為缺額之區統計歲入錢糧本屬不敷所出自連年辦理軍務以來征調頻仍需用愈煩支絀愈甚一切情形久在

聖明洞鑒之中現雖全境肅清地方俱臻安謐惟大名府屬界連東豫素為捻教各匪出沒之所緝匪防姦最關緊要上年大順廣道祝壇由豫募勇一千五百名在於所屬一帶防範巡緝本年五月閒經臣酌量裁撤五百名以節經費仍留豫勇一千

名藉資巡防體察情形現尙未便裁撤惟月需勇糧雜支等項  
爲數猶鉅雖有晉省協撥防河經費一款而不敷之數籌畫維  
艱伏查大名府屬有衛河一道由河南內黃縣過直入山東館  
陶縣境爲豫省商賈糧艘經過之區舟楫往來絡繹不絕同治  
元二年間曾經前任副都統遮克敦布在於衛河適中之小灘  
鎮龍王廟設卡抽收百貨釐捐以助餉糈係該營自行委員辦  
理雖未咨明直省第細加訪察商情並無窒礙通年盈絀牽計  
每月約可抽收實銀一千兩有奇現在路道疏通商船較多抽  
收自期踴躍擬請仍在大名府屬之小灘鎮龍王廟一帶扼要  
設卡抽收百貨釐捐所收銀兩專爲支放豫勇口糧以濟防河



經費之不足於籌撥饑需實有裨益等情詳請具 奏前來 臣  
正在覈辦聞接準部咨直隸之天津山東之煙臺等處釐捐應  
準酌畱其餘一律停止等因自應遵照辦理豈可再議抽釐第  
查天津釐務捐辦有年漸形荒薄上年 臣與通商大臣 臣崇厚  
遴委官紳力求整頓約計每月所入亦僅敷本處練勇口糧及  
各項經費實不能分濟省南畱防勇饟而衛河釐捐前經遮克  
敦布辦有成效商民相安蓋緣該處係直東豫三省毘連商賈  
往還每有無籍之徒藉端索擾地方官防範稍疏商民卽受其  
累至抽釐爲數甚微而委員常川駐紮一切外來之擾不禁自  
絕故商情亦所樂從且因畱防勇糧暫作權宜之計一俟防勇

聖恩俯準仍於大名府屬之小灘鎮龍王廟一帶扼要暫行設  
卡抽釐以濟饟糈如蒙  
難何敢作此冒昧之請實因勇難遽撤籌饟維艱合無仰懇  
籌商如果大名防勇即可裁撤或司庫稍可周轉籌饟不致爲  
遣撤卽行停止更不至妨礙商民臣與署藩司李鶴年等再四

俞允卽由省遴委賢員前往會同大順廣道祝塏詳慎妥辦不  
得假手胥役致滋弊端臣仍隨時稽查如果商情未協或所抽  
貨釐於事無濟卽行停止總期有益於饟無擾於民其一切抽  
收章程飭司道妥爲酌議詳辦理合恭摺具奏伏乞

皇太后

皇上聖鑒訓示謹 奏

臣等謹將前奉 諭旨 欽此 遵即 查辦 在案 茲將 辦理 情形 繕摺 具奏 伏乞 皇上 聖鑒 訓示 謹 奏

臣等



請飭提鎮到任片

同治三年九月二十七日

再臣前遵

諭旨出省校閱營伍業將考校過提標並宣化通永天津秦甯等鎮官兵情形具奏在案惟查整頓營伍訓練兵技必須實任人員認真經理庶幾責有攸歸易收實效至提鎮大員統轄各營責成尤重查直隸提督一缺甫奉

上諭以劉銘傳補授其天津鎮總兵安勇正定鎮總兵婁雲慶宣化鎮總兵宋國永均在軍營至今尙未到任此外參游都守等官管帶官兵前赴各省防剿未經撤回遇有缺出卽由軍營揀員陞補俱未來直赴任現在仰仗

聖訓卷之二十一  
天威金陵克復其餘小醜次第蕩平直隸整飭營伍操防緊要  
除現赴甯夏等處帶兵各員毋庸議外合無仰懇

聖恩敕下兵部行文江南江北各路統兵大臣將直隸營員酌  
量撤回飭令赴任以重職守理合附片具 奏伏乞

聖鑒訓示謹 奏

楚豫固本軍餉撥解僧營片

同治三年十月初二日

再現據總局司道李鶴年等會詳接準山東糧臺總局移開以  
欽差大臣親王僧格林沁統帶大兵駐紮皖楚豫三省交界  
地方勦辦髮捻各逆其糧餉必須源源接濟令將直隸省欠解  
同治二年七月以前協餉先行籌撥銀十萬兩委解河南陳州  
府山東糧臺交納仍按月籌解銀三萬兩以清舊欠而供支應  
等因伏查直隸省應行協濟親王大營軍餉自上年七月間蒙  
親王奏明白八月起暫行停解至本年二月奉部行文仍行籌  
撥復經陸續撥解數批該署司李鶴年於八月杪到任後復又  
籌借銀一萬兩委員解往交納茲準山東糧臺移咨前因若藩

庫稍可周轉斷無不竭力圖維以應急需無如旗綠各營俸饟積欠纍纍陝甘軍營協饟亦不能不設法籌解所有欠解親王大營協饟統籌十數萬兩殊覺爲難況山東糧臺現在河南陳州府地方相距直省較遠卽使按月撥解沿途轉運未免節節耽延亦難期應時接濟自應變通辦理以歸簡捷而免遲誤查湖北省自同治二年四月起至十月止欠解直隸協饟銀四萬二千兩已奏準免解應毋庸議外其應解固本軍饟截至本年九月止共欠銀五萬兩又河南省欠解直隸上年協饟銀八千兩亦已咨部覆準免解外其應解固本軍饟截至本年九月止共欠銀六萬兩均係 奏撥之款應請兌撥就近批解親王軍



營抵充直隸應解協餉如此一轉移閒既免彼此遠道運解之煩而親王大營軍餉亦可隨時提支撥用會詳請 奏前來臣查直隸應解僧格林沁軍營協餉未能按月解清致多積欠自應迅速籌撥惟藩庫萬分支絀委屬實在情形楚豫兩省現有應解直隸固本軍餉共銀十一萬兩該二省相距大營較近自應就近撥解以抵直隸應解協餉俾應急需直隸藩庫如有可以籌撥之款仍當隨時撥解除咨呈僧格林沁並移湖北河南各撫臣查照外理合附片具 奏伏乞

聖鑒訓示謹 奏



永定引河工竣疏

同治三年十一月初七日

奏爲永定河下口挑挖引河工竣大壩合龍河流復歸正道恭摺具奏仰祈

聖鑒事竊臣前因永定河下口河流北徙去路淤墊致倒漾之水頻爲民患卽經親往查勘與永定河道徐繼鏞暨通永霸昌天津等道籌議挑挖中洪飭令估計工需會同前署藩司李鶴年籌款興辦先將大概情形奏奉

諭旨知道了欽此轉行遵照在案伏查永定河係挾沙而行水性趨向靡定時南時北必得溜走中洪方可直注鳳河由津達海溯查下口地面寬廣四五十里志書載明所以寬廣之故係

爲散水勻沙任其蕩漾北岸北七工以下從前尙有北八北九  
兩汛自嘉慶十一年及道光四年因河流全向南趨無須修守  
經前任督臣先後奏明裁汰該處早已無工無汛乃近年來河  
勢北趨鳳河淤墊以致尾閘無工處所倒漾水繞越浸灌東安  
縣屬之孟東等三十餘村連年被水亟應設法疏導以除水患  
查北岸達鳳河之區淤墊高仰水無去路必須於河身另擇舊  
有河形之處從新挑挖引溜南趨方可除倒漾之病而全行疏  
濬非經費數十萬不可當此庫藏支絀之時焉能籌此鉅款本  
年春間臣與府尹臣卞寶第往返商飭令永定道派員查勘  
因節省經費擬於吉安屯試行挑挖引溜乃有武清縣無知愚

民馬兆鳳等聚集多人赴工次求緩當經出示曉諭並遴委諳練河務之候補同知直隸州陸慎言赴工會同查勘旋以大汛將臨趕辦不及詳請緩至秋後再行勘議復有武清縣紳民楊冠瀛等赴都察院具呈擬請改挖天河身稱爲萬全之計咨交府尹臣札飭通永道范梁訊辦並由臣飭令霸昌道德林與該道范梁帶同楊冠瀛等履勘天河身係在南隄之外若挖天河身水勢必直走大清河定將大清河淤墊其患更大且又須培築舊南隄身仍歸鳳河經費甚鉅尙恐難禦水勢該紳民等自認冒昧出具切結存案並據永定河道徐繼鏞等查明下口地方從前因河流改道小民佔居日久相沿漸成村落乾隆年間

奉有

諭旨嚴飭地方官諭令遷徙不得與水爭地致礙河流

聖訓煌煌志書具載馬兆鳳等赴工求緩及楊冠瀛等赴京呈請改挖天河身之舉皆因圖佔下口河身淤地竟忘爲應讓河流之區臣於八月杪親詣工次督同永定河道徐繼鏞通永道范梁霸昌道德林天津道李同文詳加查勘如在吉安屯引溜尙須疏濬鳳河亦非數十萬金不可惟有在於北六工以下之柳坨地面挑挖引河引溜歸入舊有大河形之處計自柳坨至張坨二十餘里再由張坨至胡家房止有二十餘里展寬挖深入又光二光魚壩口天津溝達津入海蓋天津溝以下鳳河通

暢並無淤墊形勢極順且係咸豐九年以前正河實爲善全無  
弊臣卽出示剴切曉諭一面飭令永定河道徐繼鏞力求撙節  
覈實估計堵築大壩挑挖引河溝工所需料物夫工土方共估  
銀四萬一千餘兩現在下游無工之處全溜日往北趨不特與  
上游各工有礙並爲全局攸關所擬挑挖引河堵截北趨實爲  
必不可緩之工故雖經費爲難勢亦不能不辦仍不敢率請帑  
項惟有飭令該司道暫行借墊設法歸補卽於九月初八日大  
壩開工由永定河道徐繼鏞與委員陸慎言親駐工次督率文  
武員弁認真趕辦復經府尹臣卞寶第檄委候補知縣石衡赴  
工幫同稽查示諭居民一體遵照嗣據該道徐繼鏞具稟原估

工段挑挖  
房以下由  
二三里又  
五里魚壩  
八里餘雖  
令一律辦  
之長者卽  
係全局何  
口籌思至  
將胡家房



水勢自必暢達順流卽遇伏秋大汛盛漲出槽亦斷不致久淹  
爲患等情稟經檄飭妥爲辦理茲已一律工竣該道徐繼鏞逐  
段勘丈均係按照原估挑挖承辦各員並無草率偷減情事卽  
將兩壩慎重進占因連日風雨河水陡長三尺探量壩前水深  
一丈四尺有餘兩壩均形喫重該道厚集土料加廂搶護一面  
將引河頭所畱土壘啟放溜勢直射引河暢流而下壩前之水  
立平遂卽層土層料併力搶堵於十月十七日卯時合龍臣派  
委候補道柏春馳往查勘大壩堵合悉臻鞏固溜勢直走引河  
形勢極爲暢順該道柏春復會同徐繼鏞前赴下游葛漁城胡  
家房天津溝一帶詳加履勘因抽挖長溝水勢下注勢若建瓴

等情稟覆前來臣查下口北徒不特民田有害且爲全河攸關  
工程實爲緊要現經責成該道徐繼鏞籌議疏濬剋期竣事使  
全河復歸正道辦理尙屬妥速除飭將未盡事宜並此項工需  
實用實銷數目另行覈辦外理合恭摺具奏伏乞

皇太后

皇上聖鑒謹奏

訪獲鄰境匪首疏

同治三年十一月十七日

奏爲訪獲鄰省匪首提府審辦恭摺具陳仰祈

聖鑒事竊前承準議政王軍機大臣字寄同治三年八月初九

日奉

上諭閻敬銘奏逃匪蘇洛坤句結直隸清豐縣逆團馬三黑聚眾滋事現在辦理情形一摺著劉長佑查明蘇洛坤等犯現在逃匿何處不分畛域務將逃犯按名弋獲等因欽此遵

旨寄信到臣遵卽飛飭直東交界各屬不分畛域嚴密查拏務將各匪首速獲究辦以除後患茲據曲周縣知縣王延桂稟報奉札後當卽懸賞購線設法查拏去後旋於十一月初一日據

縣屬呈孟村紳士王錫田以訪得匪首蘇洛坤潛逸平鄉現已  
誘至伊村請速往拏等情王延桂因值屆門考試當卽密派丁  
役隨同帶勇各委員馳往捕拏適山東館陶等縣派出丁役亦  
先後趕到隨同將蘇洛坤卽蘇崑崗擒獲送縣提訊該匪初甚  
狡展迨反覆研鞫始據供稱伊係山東朝城縣人與清豐團馬  
學孟相好伊原在本村爲首築圍保守嗣被官兵打破圍子將  
伊子殺害各自逃竄本年七月初聞馬學孟曾遣人送信屬伊  
傳帖聚眾與孫葵團寨尋毆復仇不意眾未聚齊卽被訪緝各  
散等語究其從前何處與官兵接仗有無焚掠殺傷情事一味  
顛頑堅不吐實請核辦等情臣查該犯蘇洛坤卽蘇崑崗係紅

旂匪首惡迹昭著據稱前無謀爲不軌顯係狡供避就惟該縣距省較遠未便提省審辦致有疏虞自應由府就近提究務得確供盡法懲治以昭炯戒除仍飛飭嚴拏各匪黨務獲究報並飭廣平府提犯嚴審另行稟辦外所有訪獲鄰省匪首提府審辦緣由合先恭摺具奏伏乞

皇太后

皇上聖鑒謹奏

卷之三十一

三十一

校閱省標營伍疏

同治二年十二月十五日

奏爲校閱省標營伍情形恭摺具 奏仰祈

聖鑒事

臣

於秋閒出省巡閱秦甯宣化通永天津等鎮及提

標各營伍情形先後具

奏在案九月閒回署後省標秋操正

應校閱

臣

於十月二十七日起連日將

臣

標前後左右保定城

守等五營將弁認真考校其技藝較優操防較勤各員分別記

功記拔內有弓馬稍生者均卽記過記革勒限練習俾知儆惕

至五營兵丁除出師外其餘存營暨

奏明抽練之兵分日調

集教場配隊合操所演速戰陣式並

臣

新添之兩翼三才五形

各陣步伐進止均尙嚴整較前可觀大小銅礮及擡槍鳥槍分

打套打疏密相閒舉止平穩約計各槍中靶均在五成以上弓箭中靶亦在六成以上其餘藤牌刀矛參習楚勇各式俱尙靈活便捷臣於各弁兵中擇其出色者例賞之外優加獎賞並給頂記功技藝生疏者勒練覆考如無長進卽行斥革其專操幫操各官訓練不力者亦先予記過以示懲儆臣仍隨時督飭各將備實力訓練以期技藝精強悉成勁旅仰副

聖主整飭戎行之至意所有校閱省標秋操情形理合恭摺具奏伏乞

皇太后

皇上聖鑒謹 奏



災歉州縣分別調劑疏

同治三年十二月二十四日

奏爲查明本年秋禾災歉各州縣來春應需分別調劑恭摺

奏祈

聖鑒事竊

臣

承準議政王軍機大臣字寄同治三年十月初三

日奉

上諭本年直隸東安等縣被水已分別加恩緩徵酌減差徭小民諒不至失所惟念來春青黃不接之時民力未免拮据著傳諭體察情形如有應行接濟之處卽查明據實覆奏務於封印以前奏到候朕於新正降旨加恩等因欽此仰見我

皇上念切民依有加無已莫名欽服伏查本年東安元城大名

等三縣二麥被水奏奉

諭旨將上忙新舊糧租等項緩至本年秋後啟徵並酌減差徭以紓民力嗣據武清等四十一州縣先後稟報秋禾被水被旱被雹隨飭該管道府廳州親往查勘除河間阜城正定藁城饒陽等五縣被水被雹甚輕無礙收成同各州縣原報勘不成歉各村莊已將應辦差徭酌量減免足資體卹毋庸另議調劑應徵本節年糧租穀豆等項照常徵收以供支解其餘秋禾災歉之武清等三十六州縣均經 奏懇

聖恩將應徵糧租分別蠲緩帶徵並將開州東明長垣三州縣成災七八九分村莊貧民貧士查照近年成案改賑爲撫其應

需撫卹銀兩卽於司庫地糧項下動撥責令該管道府嚴飭各地方官易錢貫申覈實散放務使實惠及民各村沖塌房間仍照歷年成案毋庸給予修資以資樽節奉

旨允準在案

皇仁浩蕩至渥極優凡屬災黎無不同聲臚頌復以青黃不接之時民力未免拮据仰蒙

垂詢應否接濟遵卽恭錄

恩旨轉飭遵辦茲據藩司唐訓方移行該管道府廳州查明擬議詳請具 奏前來 臣查本年秋禾災歉之武清等三十六州縣內開州東明長垣等三州縣係連年水淹與偶被災歉者不

明代真... 卷之二

三

同其被災貧民本處地畝無可播種撫卹銀兩散放完竣尙可  
另圖餬口之計來春是否不致乏食應否加賞口糧或應如何  
撫卹均難豫計應請仍照上年成案俟屆期察看情形再行覈  
實查辦庶免糜費惟各州縣地畝旣被災歉民力拮据且於來  
春二月卽當開徵新賦屆期若與成熟村莊應納錢糧一律並  
徵民力實形竭蹶卽勘不成災歉收三四分各村莊如彼時新  
舊並徵民力亦有未逮均須分別酌加調劑以示體卹合無仰

懇

聖恩俯準將開州東明長垣東安唐縣豐潤等六州縣成災五  
七八九分各村莊應納同治四年春徵新賦一切正雜糧租緩

至同治四年秋後啟徵其開州東明長垣東安唐縣豐潤等六州縣歉收三四分各村莊應納同治四年春徵新賦正雜糧租緩至同治四年麥後啟徵以紓民力又武清寶坻薊州大城望都完縣東鹿景州東光天津青縣靜海南皮鹽山晉州永年元城大名玉田深州南河雞澤肥鄉武強安平滄州慶雲廣平衡水吳橋等三十州縣歉收三四分各村莊應徵本節年糧租並深州連年積歉之高古莊等三十村莊民欠節年糧租等項除同治四年新賦照常徵收外應請將各該州縣原緩至同治四年麥後啟徵歉收四分村莊應徵本節年糧租以及歉收三分村莊應徵節年糧租米豆竈課同河淤海防經費儲備軍餼等

項地租暨出借倉穀等項併緩至同治四年秋後啟徵以廣  
阜仁至各州縣災歉村莊貧民來春青黃不接之際如有缺乏  
種糧或市積糧價昂貴宜借宜糶在於本處常義二倉穀內動  
支如本處倉穀不敷卽由鄰封協撥倘本處與鄰封均無倉穀  
可動再行由司籌議出借折色隨時察看情形分別覈實辦理  
至津軍廳應徵葦漁課納糧地畝內有坐落天津武清二縣地  
方者如有應行接濟之處仍歸入該縣等被歉村莊內一併查  
辦所有本年秋禾災歉各州縣來春應需接濟分別查議緣由  
理合會同兼管順天府府尹臣萬青藜順天府府尹臣卞寶第  
合詞恭摺覆奏伏乞

皇太后

皇上聖鑒訓示謹奏

卷之三

三



請催鎮將赴任酌調武職疏

同治四年二月初二日

奏爲練兵設防在在需人再懇 飭催直隸實缺鎮將速赴本任並請酌調軍營凱撤武職大員來直委用恭摺具 奏仰祈 聖鑒事竊查整飭營伍慎固封疆非責任大員不足以專責成非知兵熟手亦難以資臂助 於三年九月內曾以直隸實缺鎮將各員多在軍營應請酌調回任奏奉

諭旨飭行欽遵在案迄今數月僅山西揚州兩處撤回都守數人而各鎮協實缺大員仍未回任自係軍務未竣之處藉資熟手未便調回 應就現在武職中激勵裁成選擇委任俾無曠懸第查直隸現在武職多係揀發人員於營中尋常差務固所

優爲於練兵設防事宜殊少諳習且署缺與實缺事權雖一久  
暫有分在署缺者不必盡存推諉之心而時經更動營務之廢  
弛已多如臣奉

諭抽練標兵年餘以來雖稍有起色究緣鎮將各員不皆知兵  
能戰之才半爲署理護理之缺以致選練修繕諸事尙未能一  
律整齊臣實無時不深焦慮茲復遵

諭飭調得力之兵豫籌防堵兼備策應竊計各鎮協中謀勇俱  
優緩急可恃之將實屬寥寥念之尤爲可慮直隸爲畿輔重  
地臣謬膺疆寄治軍綏境是其專責不得不據實直陳再懇  
天恩飭催直隸實缺鎮將各員速回本任如實係統帶兵勇現

當防剿喫緊之處未能即時赴任可否請

旨飭下兩湖督臣官文兩江督臣曾國藩江西撫臣沈葆楨各

於現撤諸軍內查有膽識過人戰功卓著之記名鎮將酌保數  
員 奏明發往直隸由臣分別差委隨時酌量請

旨補用之處均候

聖裁臣為練兵設防需人起見理合恭摺具 奏伏乞

皇太后

皇上聖鑒訓示謹 奏

皇朝通志卷之九

九

請於潯柳建昭忠祠片

同治四年二月初二日

再臣前在廣西潯柳等處勦辦水陸各匪維時軍鮮宿糧其地尤多瘴疫各將士往往忍饑出戰力疾隨征其艱苦情形匪可言狀雖各郡以次收復羣醜悉就殲除而約計前後陣歿傷亡及病故之員弁兵勇不下數千人復以道路險遠經費艱難裹屍歸葬者百中不過一二臣每念及寢食難安現在廣西軍務更爲得手全境漸就肅清可否請

旨飭將楚湘各軍死事員弁兵勇在於潯州柳州兩郡建祠合祀並令地方官春秋致祭以慰忠魂之處出自逾格

天恩如蒙

俞允臣當與廣西撫臣張凱嵩暨浙江藩司蔣益澧廣西藩司  
劉坤一等捐廉修建理合附片陳明伏乞  
聖鑒訓示謹 奏

籌防豫捻疏

同治四年二月初二日

奏爲遵

旨籌防豫捻大概情形恭摺具奏仰祈

聖鑒事竊臣於正月二十二日承準議政王軍機大臣字寄

同治四年正月二十一日奉

上諭逆匪賴文洸張總愚等擾及尉氏直隸山東兩省與豫邊  
在在毘連該逆鋌走靡常大順曹單一帶更恐有宋景詩餘匪  
入境勾結著劉長佑閻敬銘卽酌派得力之員帶兵駐紮嚴密  
防堵毋令渡河而北山東藩司丁寶楨前有旨令來京陛見此  
時無論已未起程及行抵何處著劉長佑閻敬銘飭令迅速回

東帶兵嚴防本境要隘毋令賊蹤擾及完善各該督撫等均當先事豫防防兵之外均須派有後路策應之兵無論賊蹤竄近何省均可與僧格林沁追兵務相夾擊以殄寇氛而固邊圉將此由六百里各諭令知之欽此遵

旨寄信前來等因遵卽飛飭大名鎮總兵姜國仲大順廣道范梁酌調抽練標兵暨防河練勇先赴毘連豫東沿河地方擇要防堵一面商同省局司道豫調勁兵精選壯勇以資策應並一面通籌饟精修繕軍械以備急需旋據范梁姜國仲會稟轉據開州長垣等州縣營汛探得河南鄭州中牟一帶均有賊蹤卽經飛飭各該牧令將大河以南船隻一律提回北岸一面趕緊



集團分赴河岸扼要巡防並由營派撥官兵在彼駐紮與國勇  
聯絡聲勢互相應援仍多派偵役確探賊蹤如果竄近直境卽  
當隨時飛報相機堵剿等情據此臣查此起擒匪雖係殘敗之  
餘竄多兇悍死黨一經追剿難保不分股狂奔而黃河東北地  
勢平衍一經闖入深恐防不勝防連日接據探報該匪被剿東  
奔西突尙無定蹤並聞宋逆景詩亦在其內該匪狡猾異常誠  
如

聖諭恐有餘匪入境句結尤爲直東兩省隱患除再嚴切責成  
大名鎮道督飭兵勇會同山東河北兵團協助防堵並密飭大  
廣所屬州縣與臣派出員弁嚴密查拏餘匪以杜句結外臣仍

察看情形該匪如有窺渡之意卽當親督各起兵勇馳往策應

期與僧格林沁追兵前後夾擊務殄餘孽仰慰

宸厯所有遵

旨籌防豫捻大概情形理合先行恭摺具奏再據開縣稟報山東藩司丁寶楨已於正月二十五日由獻縣折回東省合併陳明伏乞

皇太后

皇上聖鑒謹奏

安置凱撤將士疏

同治四年二月初二日

奏爲遵

旨敬陳管見恭摺仰祈

聖鑒事竊

臣

於正月十四日奉到

寄諭以江西撫

臣

沈葆楨奏照錄督糧道段起條陳安置凱撤

勇丁事宜暨安徽撫

臣

喬松年奏請將此項人員歸標學習奉

旨飭下各路統兵大臣各直省督撫彙同妥議具奏並將原稟

原摺鈔給閱看欽奉之下仰見我

皇上體恤將士收攬人材至意如

臣

愚昧何裨

高深謹就管見所及敬陳於左軍興以來轉戰萬里各營將士

隨征有年均從出死入生之中積功累保受秩有差今因東南  
底定凱撤歸農籌所以安插之法如江西督糧道段起所陳委  
曲詳明慮患周至使於各員回籍之後能照官階籌給銀米實  
足以示

朝廷寬大之恩而收日後指臂之用惟此時凱撤提鎮以至都  
守等官爲數眾多旣非若例定之缺有額可稽爲時久遠又非  
若當差之員有期可計現在殘破之區創夷未復完善之地筋  
力已疲釐捐有年望撤爲急餘氛未淨需餼猶繁顧欲併此遣  
撤之眾盡與參養之貲誠有如

聖諭所云爲費甚鉅亟應先事籌畫方可次第辦理

聖慮深遠尤諸臣之所當細繹而熟籌者也夫人當艱險備嘗  
之後莫不欲求休息之時今幸大功告成凱歌同唱遣撤各員  
中如舊有田園或薄餘薪水數畝之產足以養贍室家一命之  
榮足以誇耀閭里卽使補缺無期其又誰肯實爲厲階以自外  
生成其實在無業可歸艱於謀食者則安徽撫臣喬松年歸標  
學習之請似爲得之惟僅指立功暨原籍省分而言尙覺爲途  
較隘取數無多現在各省疆臣莫不以講求武備爲急務其營  
制未復者選練操防固需熟手卽營制仍舊者修繕教演亦資  
將材如由原保大臣暨原籍督撫將此項人員於立功暨原籍  
省分之外各就附近省分分別 奏請咨送歸標並準各省督

聖訓卷之三十一  
撫於該各員原籍及原保大臣處酌量咨調隨時 奏明俾已  
奉調送者皆有樂於自效之志卽未奉調送者亦不至遽存自  
棄之心以廣登進而資造就似亦安置之一法也至參養之說  
則仍請俟各大臣督撫妥議覆陳恭候  
聖裁愚昧之見是否有當伏乞

皇太后

皇上聖鑒訓示謹 奏

請獎拏獲鄰匪員弁疏

同治四年二月十二日

奏爲拏獲鄰省逆首及夥匪多名按律懲辦並酌保原拏出力之文武員弁懇 恩量予獎勵恭摺奏祈

聖鑒事竊 臣前據曲周縣訪獲山東匪首蘇洛坤卽蘇崑崗因供詞狡展飭令廣平府就近提究並將獲犯大概情形先行覆奏奉

旨辦理尙屬妥速卽著飭令該府嚴訊確供盡法懲治其餘匪黨仍著嚴拏務獲究辦欽此當卽欽遵札飭該府遵照並飭嚴拏各匪黨務獲一併究辦去後茲據廣平府知府楊毓枬以督飭曲周縣知縣王延桂會同帶勇遊擊常開運縣丞石文英已

革前任雞澤縣知縣高樹庠並山東館陶等縣派出兵役暨紳士王錫田於上年十一月初一日拏獲蘇洛坤之後究出夥匪姓名飭令跟蹤追緝於十一月十一十四等日復據王延桂會同帶勇千總王一清郝文鳳續獲匪黨李孝山卽李學山靳宗漢胡元志三名並據廣平縣知縣楊汝爲協獲龐三保一名二十五日又據王延桂協同高樹庠緝獲王四王卽王養正趙成二名先後解府提同研鞫據蘇洛坤卽蘇崑崗供認籍隸山東朝城縣向習白蓮教曾於咸豐十一年間起意謀逆自爲紅旗頭目帶領招集人馬先後攻破山東莘縣陽穀直隸廣平等縣城池劫掠倉庫焚燬衙署占踞莘縣城內後被官軍克復敗竄



潛蹤伏匿至上年七月閒復聽從馬學孟卽馬三黑句結聚眾  
謀反伊遂傳帖糾人定期前往因被官兵勦捕逃散屬實又訊  
得李孝山等分隸曲周館陶臨清肥鄉等州縣均習白蓮教李  
孝山斬宗漢於咸豐十一年各投教匪隨同攻城拒敵官軍胡  
元志龐三保俱投蘇洛坤隊中殺人擄搶不記次數龐三保隨  
同攻陷廣平縣城後與李孝山斬宗漢等均被官軍擊敗逃散  
王四王於十一年十月趙成於同治元年正月先後投入教匪  
姚太來隊中隨同作反到處劫掠屢與官兵接仗被擊逃竄二  
年五月內王四王復投宋景詩隊中管帶人馬被勦潰散歸入  
臨濟州小蘆村天主教內隱藏二年七月閒李孝山斬宗漢胡

元志趙成俱聽從蘇洛坤傳帖入夥謀反或聞事已敗露不敢前往或被官兵勦捕先行逃回趙成復夥劫山東冠縣南關染坊布疋錢文一次龐三保王四王二犯此次並未聽糾入夥再三究詰均各矢口不移查蘇洛坤卽蘇崑崗先曾起意謀逆招集人馬攻陷城池劫掠倉庫焚燬衙署至三處之多被勦窮蹙敗竄逃匿後復聽從馬學孟勾結糾眾謀反實屬罪大惡極應照謀反大逆陵遲處死律凌遲處死李孝山卽李學山斬宗漢胡元志龐三保王四王卽王養正趙成六犯各投教匪或隨同攻城打仗或沿途搶掠殺人亦屬罪不容誅應各照謀叛不分首從皆斬律擬斬立決從重加擬梟示等情錄供稟由總局司

道覈明具詳前來臣查蘇洛坤等均係梟獍餘生豈容稍稽顯戮卽經批飭就地正法旋據報已將該犯等分別凌遲斬梟訖並將首級解赴各犯事地方懸竿示眾以彰國法而快人心惟查前準吏部奏定章程各省獲盜人員如係舉發巨案拏獲著名大盜勞績與戰功無異請予破格獎勵應準指定應陞官階專摺保奏免其送部引

見今此案蘇洛坤本係漏網渠魁李孝山等亦係著名逆黨近復與馬學孟勾結爲患若不及早殲除誠恐乘機譟起復成燎原之勢乃該府縣等懸賞督緝會同各員弁於兩月內將該逆首及夥匪多名剋期擒獲得以盡法懲辦較之破獲巨盜尤爲

出力未便沒其微勞自應量予鼓勵以昭激勸合無仰懇  
天恩俯準將首先督緝之道銜廣平府知府楊毓枬請交部從  
優議敘及獲犯尤爲出力之同知銜曲周縣知縣王延桂以直  
隸州知州在任候補儘先補用遊擊常開運請免補遊擊以參  
將用候補縣丞石文英俟補缺後以應陞之缺陞用儘先千總  
王一清郝文鳳均請加守備銜捐職從九品王錫田請加六品  
銜並請將隨同協獲之廣平縣知縣楊汝爲交部議敘皆出自  
逾格鴻慈至協同獲犯之已革前任雞澤縣知縣高樹庠因係  
失守城池案內革職應歸另案核辦再上年館陶縣柴家堡起  
事之時東省破獲夥犯多名此次緝獲蘇逆又經東省遣派勇

役會拏所有東省出力人員並請

敕下山東撫臣擇尤保奏以示鼓勵除仍飭嚴拏馬學孟及其餘各匪黨務獲究辦外所有獲犯訊辦緣由並酌保員弁理合

恭摺具奏伏乞

皇太后

皇上聖鑒訓示謹奏



衛河釐捐遽難裁撤疏

同治四年二月二十三日

奏爲查明衛河釐捐商賈均屬樂輸防勇未可裁撤不敷勇糧仍請抽釐接濟恭摺奏祈

聖鑒事竊臣前因大名防勇未能裁撤勇糧不敷籌畫維艱奏請於大名府屬衛河適中之小灘龍王廟暫行設卡抽收釐捐以助餉糈於上年九月間奉

旨著照所請戶部知道欽此當卽欽遵行司並飭大順廣道妥爲辦理旋準部咨衛河設卡爲防勇未撤支給口糧起見倘商民不免滋累亦當爲之籌及且該處與臨洺關相近恐致此盈彼絀於關稅有礙行令督飭大順廣道再就現在地方情形通

盤籌畫前項豫勇應否留防不敷勇糧能否月籌衛河釐局是  
否有利無弊並於臨洺關稅務果否妨礙悉心妥議專案奏咨  
覈辦等因奏奉

諭旨依議欽此咨行到臣即經轉飭大順廣道覈議去後旋據  
該道范梁稟覆仍請抽收釐捐接濟勇糧臣復飭總局司道再  
行酌覈妥議茲據該司道唐訓方等會詳龍王廟設卡抽收百  
貨釐捐商賈照章樂輸並無阻撓蓋以衛河有此防勇往來巡  
哨匪類聞風屏迹貨船悉獲暢行故地面商情相安無事畿南  
界連東豫伏莽尙多卽如宋景詩馬學孟等均未就擒加以開  
東長一帶徧地災黎撫綏彈壓稍失其宜卽滋萌孽比因逆匪



賴文兆張總愚被追窮竄欽奉

諭旨在於大廣一帶嚴密設防體察情形前項練勇一時斷難裁撤惟月需勇糧雜支等項爲數較多庫款支絀籌畫維艱不能不藉此釐捐以資接濟該司道會同覈議明知釐捐一事可暫而不可常然就目下情形通盤籌畫實屬有益於饑無害於民應請仍準辦理俟撤勇之後再行撤局以重巡防再小灘鎮自被擾之後地方蕭條現未設卡所有釐局僅龍王廟一處至龍王廟距臨洛關甚遠且臨洛關向無應徵稅課卽衛河上下游鄰近地方亦無關稅不致有此盈彼絀之虞詳請覆奏前來臣覆加查覈該司道所詳委係實在情形大名防勇一時遽

難裁撤勇糧不敷無可另籌既據查明抽收釐捐商民相安無事應請仍遵前奉

諭旨於龍王廟設卡抽釐以濟饑需仍飭大順廣道督同委員妥爲經理不使稍滋弊端一俟防勇裁撤卽行停止理合恭摺具奏伏乞

皇太后

皇上聖鑒訓示謹奏

清釐命盜案件疏

同治四年三月初四日

奏爲未結命盜案件亟須清釐現飭各屬趕緊訊辦完結以後務遵例限審解不準逾違恭摺具奏仰祈

聖鑒事竊訟獄爲民命所關固宜倍加慎重而聽斷乃有司專責尤貴力戒因循是以定例州縣審辦命盜各案均有一定限期卽各上司審勘核轉亦皆有分限不容逾違近年直隸省因辦理軍需不特州縣支應防堵事務紛繁難免顧此失彼卽各上司提勘轉解亦實有未能兼顧之勢臣仰承

恩命於同治二年三月初三日蒞任正值軍務倥傯馳驅一載未克旋省迨公回後查有前督臣移交未經具題命盜等案

至五百餘起之多加以臣辦理軍務一年舊案未清新案又起  
頭緒繁多一時難以清釐前經 奏明展限一面督承漏夜趕  
辦並添募書手陸續繕本先後恭疏具 題迄今雖有眉目而  
未結者尚須嚴催趕辦且其中人犯有由前督臣提審或飭委  
藩司清河道代勘者有情罪未符駁回覆審者有道路遙遠免  
其覆解僅飭臬司確核另行具招者因繕辦 題本向循成式  
以致扣限聲敘未能畫一並恐內有具 題後人犯先有事故  
者此雖於案中情罪無關出入正恐相沿日久愈難清釐臣現  
在逐案復加稽核一俟查明分別咨部扣除並飭所屬以後不  
得襲用故套以昭核實目下地方肅清州縣於撫字催科之外

可以專心清理積案臣已札飭臬司李鶴年通飭各屬此後承  
審命盜案件及自理詞訟無論原審接審委審之員悉照定例  
依限審辦分別解勘完結如有案涉懸虛犯供狡展要證外出  
實難依限審結者準其切實聲明先行詳咨展限倘有先未咨  
展查明何官承審遲延隨案附參以杜積壓之弊惟近來各州  
縣狃於積習誠恐以前未經詳審之案尙多一旦責令依限辦  
理勢必懼干參處轉啟諱匿消弭之弊且新舊交錯仍難保無  
叢脞之虞然不明示限制又不足以祛積弊而振頹靡臣再四  
籌思所有以前未結之案應令據實開報分別勒限審擬詳解  
如查有無故拖延易結不結者仍照例參處此外如輾轉接審

或證佐未齊遲延有因者仰懇

天恩寬其既往責令趕緊清釐審結並請自同治四年正月  
起以後報官獲犯之案作爲新案務令承審委審接審各員恪遵  
定例依限審解不準再有稽延藉詞扣展臣仍督飭臬司認真  
考覈各該牧令如有怠玩廢弛積壓不辦以致人犯久羈囹圄  
及拖累無辜者卽當隨時據實嚴參以仰副

聖主整飭紀綱欽恤庶獄之至意是否有當理合恭摺具  
奏  
伏乞

皇太后

皇上聖鑒訓示謹 奏

開具軍需簡明清單疏

同

奏爲勦辦直東股匪支應軍需  
旨開具簡明清單恭摺具奏仰  
聖鑒事竊臣前準戶部咨開同  
上諭戶部奏請將軍需報銷變  
有定例章程惟近來用兵十餘  
多有若責令照例辦理不特虛  
之門而且支應稍有不符於例  
帥宣力行閒甫邀恩錫旋迫追  
照所請所有同治三年六月以

案準將收支款目總數分年分起開具簡明清單奏明存案免其造冊報銷此係朝廷破格施恩各路統兵大臣各省督撫具有天良務須督飭糧臺委員核實開報不得因有此旨任意影射浮冒並著嚴禁勸捐歸補名目及私設釐卡等弊等因欽此又準部咨同治三年八月二十日奉

上諭開單存案事屬創始其中款目繁多應如何分年分起核實開報之處著該大臣督撫等各就實在情形先行妥議章程具奏等因欽此伏查同治元年十一月間股匪張錫珠等竄擾直東一帶前任臬司孫治管帶兵勇馳往勦捕並奉

旨派撥神機營馬隊官兵一千名來直會勦所有饟需等項由



藩司派員支應嗣奉

諭令前督臣文煜親往督辦二年正月三口通商大臣臣崇厚奉

旨署理督篆接辦防剿事務 奏明截留黑龍江熱河提標等

營官兵並添調津標洋槍隊又陸續選舉各起馬步勇丁來營

調遣卽在威縣設立糧臺支應軍需迨臣自南來直於二年三

月閒到營接任正值匪勢猖獗之時督帶兵勇實力征剿將張

錫珠等股匪殲除又因宋景詩在臨清甘官屯等處築圩收集

逃匪四出滋擾臣奉

命督辦直東豫三省交界剿匪事宜挑留馬步兵勇移營進逼

並會合親王僧格林沁官兵分投勦辦卽將大名防河兵勇調  
歸行營助勦大名原設之直東糧臺裁撤歸併威縣糧臺並設  
立分局派員隨營支應二年十月間直境一律肅清所有隨勦  
兵勇 奏明分別遣撤留防其威縣糧臺與各路隨營分局均  
行裁撤先將各營兵勇名數及起止日期 奏報一面造具花  
名細冊咨部查核正在設局督飭委員將收支各款核實造報  
欽奉前因遵卽轉行總局司道遵照伏查軍需報銷一事仰蒙  
聖主洞燭隱微力除積弊飭將收支總數開單奏報免其報銷  
實爲破格

恩施臣敢不認真稽查力求核實竊思此次直隸軍需用款以

兵勇糧餉爲大宗兵饗有例可循自應照例辦理惟勇則臨時調募多寡久暫不一向照海防章程一律日支制錢二百文臣前因饗項支絀不得不設法撙節是以將隨同征勦之勇查照海防章程每名日支制錢二百文其在防勇糧量爲酌減每名日支制錢一百六十文投效勇糧每名日支制錢一百五十文投誠隨營降眾每名日給飯食制錢一百文均照市價以錢數合銀支銷至一切製造採買軍火器械以及需用車輛雜支等項飭令實用實銷如無實據者卽行開除不準支銷以杜浮冒查直隸此次軍需與各省情形有別似無須另議章程具奏茲據總局司道具詳飭據該委員等逐款句稽查辦完竣分年

分起開具簡明清單呈由該司道核明詳請具奏前來臣按  
款覆核計自同治元年十一月閒前任臬司孫治統帶兵勇出  
省勦辦起至二年十月底裁撤糧臺止共支發隨營文武委員  
並各營官兵鹽糧馬乾以及調募隨征馬步暨專咨報部之在  
防投誠各勇口糧共銀六十七萬五千九兩零又製造軍火器  
械旗幟號衣羅鍋帳房並採買洋槍洋藥戰馬冬衣及卹賞兵  
勇挑挖營盤沿河各處濠溝暨步隊兵勇運送一切車價盤費  
各官支用養廉並給發各局書役心紅紙張等款共實用銀一  
十三萬八千兩零查糧臺共收到藩庫撥解並各處協饗及捐  
輸等項銀八十一萬七千三百八兩零除支發各款外計餘贖

銀四千二百九十七兩零應由糧臺提還司庫歸款理合恭摺  
具奏並將收支款目總數分年分起開具簡明清單恭呈  
御覽伏乞

皇太后

皇上聖鑒謹奏

臨桂縣志卷之四

三

臨桂李樹森同校  
南陵胡承福同校

劉武慎公奏稿

劉武慎公全集九

卷之八目錄

擒竄東境定期出省疏

覆陳馬步兵勇名數片

督軍威縣布置防堵疏

添調兵勇巡防疏

籌解甯夏兵餉片

獎敘上忙全完州縣疏

賊回東境酌籌防剿疏

賊逼黃河邊防緊要疏

正惟公全集  
卷之八  
統兵大臣陣亡疏

賊漸東竄添兵嚴防疏

征兵支給實銀片

接濟陳國瑞餽械片

扼賊北犯以衛畿輔疏

由晉採礮片

請建周灝專祠疏

南岸賊匪折渡運河疏

賊由汶上東竄片

會奏北岸河防疏



會同崇厚分查河防疏

請飭豫晉合力防河片

日給船夫飯銀片

賊匪南竄督造礮船疏

劉陳械鬪片

淮勇乘輪船抵津疏

京饟改撥別省疏

防務已鬆撤留各軍疏



擒竄東境定期出省疏

同治四年三月十二日

奏爲豫擒擾及東境現在催調兵勇定期出省督辦恭摺具

奏仰祈

聖鑒事竊查豫省擒逆前次擾及尉氏中牟等處

臣已遵

旨飛飭大名鎮道酌調抽練標兵暨防河練勇先赴毘連豫東沿河地方擇要防堵並將辦理情形奏報在案嗣據續探該匪被勦窮蹙已竄楚北邊界當以賊蹤雖遠而鋌走靡定仍須實力嚴防迭飭該鎮道妥爲布置遠加偵探一面飭調宣化通永天津正定各鎮卽於抽練標兵內共派出二千一百名

臣標

五營抽練兵內共派出一千名均卽整理裝費聽候調遣並遴

得肅強縣知縣李秉衡涿州營守備李惠英飭各募勇五百名以資策應本月初八初九等日迭據大名鎮總兵姜國仲大順廣道范梁及各州縣探報賊匪回竄鄆陵趨考城曹縣於初五日由定陶向曹郡東北一帶分股狂竄傳聞有捻首山東荷澤縣人郭秉鈞亦在其內該鎮道各督兵勇分駐開州長垣東明三州縣屬境仍派出得力將弁及各州縣牧令分領礮船礮隊在於各河口扼要巡防以顧入直門戶並可與濮范等州縣兵團遙爲聲援防備均尙周妥又據探聞宋逆景詩由確山被官軍擊敗後帶領馬賊約二千人分股疾趨並聲言欲回堂邑報復前仇僧格林沁全軍跟蹤緊躡初五日前敵馬隊已至定

陶曹縣等情臣查開東長雖與豫境相接然有黃水漫  
紛歧一經兵勇駐守尙可杜其偷越惟山東濮范連界  
鎮本屬黃運合流之處河面甚狹船隻亦多卽係該逆  
渡故道且黃河穿運後水已歸槽下流處處可渡倘或  
疏一被偷渡則必闖入觀朝冠莘館邱等州縣與直隸  
清豐大名元城肥鄉曲周威縣廣宗清河棗強故城景  
犬牙相錯地勢平行無險可扼而賊騎旣多尤慣於分  
以疲我師必須厚集兵力布置周密方可杜其北竄兼  
之功臣已催調兵勇擬卽日內先赴廣平府察看情形  
果欲東渡擬仍駐軍威縣一帶籌辦防堵該處爲直南

地於開東長等處可以兼顧而與東省官軍亦可聯絡臬司李鶴年饒有識略現飭總辦營務如須分兵堵截仍可隨時相機調派正在具奏聞本日承準軍機大臣字寄同治四年三月初十日奉

上諭河南賊匪日向北趨曹州單縣定陶城武荷澤鄆城鉅野金鄉濟甯均有騎馬賊匪直隸東明長垣一帶與曹考接壤劉長佑前次備調之各起兵勇著卽調赴大名等處嚴爲防備如須出省布置並著酌度情形妥爲辦理此股賊匪是否有宋景詩在內著僧格林沁閣敬銘查明具奏將此由六百里加緊各諭令知之欽此遵

旨寄信前來臣復查現據探報此股賊匪卽有宋景詩在內聲  
言欲回堂邑與柳林團尋仇如果屬實則其意在偷渡勢所必  
然河防尤爲緊要臣已飛咨山東撫臣妥速籌防一面飛飭各  
路兵勇星夜趨程並與省局司道籌撥饟需一俟稍有就緒卽  
於十六十八兩日與臬司李鶴年先後出省相機籌辦嚴查內  
地土匪以杜勾結並派兵勇不分畛域分出巡防期與僧格林  
沁追兵及東省官軍互相策應實力夾擊盡殲醜類仰慰  
宸懷除俟行抵廣平體察情形如何辦理之處另行奏報外  
理合恭摺具奏伏乞  
皇太后

皇上聖鑒再臣督兵出省後署內一切公文事件卽飭藩司唐訓方代拆代行合併陳明謹奏



覆陳馬步兵勇名數片

同治四年三月十二日

再此次欽奉

寄諭直隸現存馬步共有若干名數遇便奏聞等因欽此臣查直隸營伍廢弛已非一日兼之歷年征調缺額甚多且軍裝不齊器械不全馬匹短少均須逐項製備上年奏明在於各標抽練精兵二萬五千人於應發七成饟銀外酌加實銀二成鈔票一成以恤兵艱而作士氣嗣因饟需不足各省固本協饟解到寥寥先在臣標抽練馬步兵一千四百名提標同大名鎮各一千三百名宣化鎮一千二百名天津鎮一千零八十名通永鎮九百八十名正定鎮七百五十名共先後抽練馬步兵八千

零一十名由省局製備槍礮刀矛弓箭號衣等件按名給領並刊發新陣圖說及練陣說略分飭各營認真演習按兩月委各道府會同校閱一次分別賞罰報臣備查均已訓練成軍此次所調兵內大名鎮挑選抽練兵一千名同大順廣道范梁所募勇一千名廣平府知府楊毓柑原帶壯勇五百名續募壯勇五百名以上共兵勇三千名飭赴大廣所屬各要隘防堵又調宣化鎮抽練兵六百名通永天津正定三鎮各五百名及臣標一千名共二千一百名又飭棗強縣知縣李秉衡及守備李惠英各募練勇五百名以上共兵勇三千一百名由臣督帶出省分布防勦應需廩給口糧馬乾等銀卽照征兵例及厯辦防勇成

案照數支給如賊果東渡兵力不敷分布由臣再爲酌量調撥並飭各州縣勸辦團練協力助防計各標尙存抽練兵三千九百一十名同原額兵丁留於各該處巡防彈壓以備不虞正定大名二鎮營伍上年未及校閱臣出省後如軍務稍鬆卽就近將各鎮營伍認真校閱分別考驗務使悉成勁旅臣仍當盡心籌畫俟饟需稍充器械製齊再飭各標加數抽練務期饟不虛糜一兵得一兵之用以仰副

聖主設兵衛民綜核名實之至意理合附片具奏再抽練標兵八千一十名內共馬兵七百一十名因經費支絀所需戰馬未能如數購備計自上年由局籌款陸續買給之馬配陣操練

聖鑒訓示謹奏  
祇得三百餘匹現均調隨前往以資巡防合併陳明伏乞

督軍威縣布置防堵疏

同治四年三月二十三日

奏為督軍行抵威縣遵將布置防堵大概情形恭摺具 奏仰 祈

聖鑒事竊 臣於三月十二日曾將督軍出省日期並擬由廣平 進駐威縣各緣由 奏奉

諭旨飭遵在案十六日正在整理起程接據大名鎮道稟報探 得該匪由東平竄至魏家廟地方勢將北渡等語比以魏家廟 東岸卽係東昌府屬相距直南較近遂卽飛調天津通永兩鎮 官兵共一千名取道河間馳赴景州暨調廣平府知府楊毓枬 棗強縣知縣李秉衡練勇共一千名就近馳赴威縣並調 臣與

通商大臣崇厚原派管帶馬勇副將劉景芳參將劉祺共增募馬勇百餘名分巡景州吳橋故城清河一帶以壯聲勢而杜窺伺臣與臬司李鶴年卽於十七十八兩日率督標官兵改由深州冀州徑赴威縣速籌防勦二十日行抵安平欽奉

寄諭直隸與東境毘連劉長佑現經出省卽飭派出各軍妥籌扼擊不得稍涉大意二十二日行抵南宮復奉

寄諭直東一帶現有兵勇尙恐不敷分布著劉長佑於現調兵勇外速行添調扼要分布如遇賊匪竄至東昌臨清一帶卽行赴境會合東省兵勇迎勦各等因欽此仰見

宸謨廣運慎重畿疆至意遵再檄飭大名鎮道仍前布置益加

嚴密並飛催原調各起兵勇刻日赴防以備相機調遣臣與李鶴年於二十一日二十二日先後抵威旋接各路探報該匪由濟南竄向平陰肥城又復回竄東平東阿屬境僧格林沁業經督飭各軍跟蹤追剿等語查平陰東阿均距黃河南岸不遠該匪輾轉其間計圖北竄已可想見山東現有大軍前截後追自可無虞偷渡第賊情狡猾分合靡常往往分股牽制官軍而另股潛奔他境且由山東濟南曹州至河北衛輝懷慶瀕河屬境處處可渡在在須防更難保不復西馳以圖北竄伏讀兩次諭旨廡念河北一帶尤徵

聖慮周詳莫名欽佩臣與李鶴年悉心商度擬俟各起兵勇到

齊先酌撥一二營前赴元城南樂擇要駐紮以備冠縣朝城一路兼爲西北防軍策應其東北一路原派天津通永兩鎮之兵合駐景州以備德州恩縣一路計日內定可到防惟地廣兵單現復遵

旨添調海口六營兵五百名飭赴吳橋駐紮與天津通永官兵就近互爲策應威縣爲直南適中之地西南與館陶邱縣毘連東南與臨清夏津毘連擬派楊毓柙所部練勇駐紮曲周地面派署宣化鎮總兵冷慶所部標兵暨李秉衡練勇駐紮清河地面兩路相距威縣均祇數十里足成犄角之勢臣與李鶴年仍察看緩急或分路策應或越境迎勦隨時督同辦理以期仰慰



聖廛除俟確探賊情如何防剿及應否添調兵勇之處續行馳報外所有督軍行抵威縣布置防剿大概情形合先恭摺由驛具奏伏乞

皇太后

皇上聖鑒再臣督兵所過地方先經徧貼簡明告示民皆安堵無驚查看四野雨澤頗霑麥苗滋長農情尤深欣慰合併陳明謹奏



添調兵勇巡防疏

同治四年四月十二日

奏為添調兵勇督飭巡防並偵探賊蹤現在籌辦情形恭摺具

奏仰祈

聖鑒事竊臣於三月二十三日將馳抵威縣布置大概情形奏

奉

諭旨欽遵轉飭並先於三月二十六日欽奉

寄諭以直東一帶兵力尙恐單薄著劉長佑遵奉前旨於現

調兵勇外再行添調扼要屯紮俟賊蹤竄近即著嚴飭防兵迎

頭攔擊等因欽此仰見

宸謨周至燭照靡遺跪誦之餘曷勝欽佩伏查直省之天河兩

河

府屬與山東之武城夏津恩縣陵縣德平樂陵陽信海豐各州  
縣互相接壤大順廣三府屬與山東之邱縣館陶莘縣朝城觀  
城濮州曹縣荷澤定陶臨清等處均屬交界袤延千餘里無險  
可扼在在宜防設將在營兵勇全數分布邊境該逆或乘間北  
犯則我軍皆落其後且備多力分非於適中之地留重兵以資  
應援亦恐未能遏狂寇之衝突誠如

聖諭總宜厚集兵力以剿為防一面自固藩籬方為妥善臣現  
於威縣城內留駐兵勇一千餘名於附近威縣之曲周清河屬  
境共駐兵勇二千餘名均可臨時調集親督前往為各路應援  
惟開東長防軍距威較遠又飭副將崔福泰新募壯勇五百名

益以原調大名練兵五百名駐防元城縣屬小灘地方兼  
東長防軍策應並咨署提臣徐廷楷在於抽練兵內選備  
名聽候調遣前據探報親王僧格林沁督兵追勦逼賊南  
與臬司李鶴年悉心籌度竊慮賊情狡猾馳突靡常未敢  
鬆懈且探得山東聊城縣積匪王振聲月前在沙鎮傳帖  
雖經該守令訪拏正法其餘黨尙未盡除難保不散匿鄰  
方潛滋爲患因一面添調游擊張得祿等查道馬勇百餘名  
爲游兵分出偵邏並將先後到防兵勇分起調操講求戰陣  
作士氣而揚兵威一面咨商管帶留防直東馬隊前副都統  
安統率所部在於東境沿河一帶扼要駐紮會合東軍協力

防並將前路賊聖正惟公自  
沁四月初六日  
官軍趕至正欲  
東南而逸等語  
擊豕突狼奔趨  
慮若擾突沂葛  
飭各營帶兵官  
卽督率防兵臨  
仍隨時體察情  
患除俟續探賊

督飭巡防及偵探賊蹤現在籌辦情形理合恭摺由驛具奏  
伏乞

皇太后

皇上聖鑒謹奏

Table with 10 columns and 1 row. The text in the rightmost column is partially legible as '...'. The rest of the table is empty.

									...
--	--	--	--	--	--	--	--	--	-----



籌解甯夏兵餼片

同治四年四月十二日

再臣承準軍機大臣字寄同治四年三月十六日奉

上諭都興阿等所部各軍攻剿甯夏正在喫緊直隸援剿官兵  
既多缺額應解饌需復欠至數月之多著劉長佑飭令古北口  
提督於提標內挑選官兵三百名配齊帳房軍裝器械選派得  
力將弁管帶迅速赴甘肅花馬池軍營並著該督將應解協饌  
按月如數撥解積欠月饌著併掃數補解迅速採買堅實大白  
纊布二萬疋大藍纊布五千疋青布二千五百疋運解都興阿  
軍營等因欽此遵卽咨會署提臣徐廷楷於提標內挑選年力  
精壯技藝嫻熟官兵三百名配齊軍裝器械慎選得力將弁管

鑒正也  
帶剋日起程迅速前往以資助餉並飭據總局司道查明同治  
二年奉調援剿甯夏官兵三千名所需口糧應以三年正月到  
營之日起支截至本年三月分止共應解餽銀一十五萬七千  
五百兩已陸續由本省司庫並晉省劃撥共解過銀六萬五千  
兩計尙欠解銀九萬二千五百兩內除晉省應解劃撥固本軍  
餽銀五萬五千兩實計直省僅欠解銀三萬七千五百兩祇因  
籌解僧格林沁軍餽撥濟各路軍火兼之目前本省辦理防務  
均屬刻不可緩之需司庫實係萬分支絀羅掘殆盡惟有隨時  
酌量解濟以期均無貽誤茲該司道於本年地糧項下動撥一  
月餽銀一萬零五百兩內扣除晉省劃撥固本月餽銀五千兩

歸入本款支解餘銀五千五百兩發交翁同書派來提饒之把  
總郝如麟外委高奎領解回營其布疋現飭設法籌款採辦另  
行委解由該司道具詳前來除分咨外理合附片陳明伏乞  
聖鑒謹 奏



獎敘上忙全完州縣疏

同治四年四月十五日

奏爲查明經徵本年上忙錢糧額銀掃數全完各州縣請  
旨分別獎敘以昭激勸恭摺具 奏仰祈

聖鑒事竊照直屬州縣應徵錢糧例限二月開徵五月完半原  
不準絲毫蒂欠惟自咸豐三年省南經賊竄擾之後軍務頻仍  
疊次勸辦團練各處多資民力迄今未盡復元催科一事操之  
過急不免滋生事端聽其自完又致互相觀望若非寬相濟  
民信相孚難期輸將踴躍前因司庫屢次籌辦軍需動墊一空  
全賴各屬徵解錢糧藉供支應當於本年正月間通飭各州縣  
果能首先全完必當優予獎勵倘逾限不完或完不足數亦必

立予參辦茲據布政使唐訓方查明鹽山等州縣陸續報解全  
 完截至三月中旬為止共三十餘州縣分別核議詳請 奏獎  
 前來 臣查各該州縣於經徵地糧自奉通飭後均能振刷精神  
 設法催科及早報解掃數實近年來未有如此奮勉者自應分  
 別獎勵以昭觀感除額征在五千兩以下全完各州縣由外另  
 行酌獎外計額徵在五千兩以上至一萬五千兩以上報解全  
 完共二十四州縣內額徵在一萬兩以上首先於二月內報解  
 全完之署鹽山縣知縣王福謙擬請  
 賞加知州銜又署甯晉縣事饒陽縣知縣寶森擬請  
 賞加隨帶一級又額徵在五千兩以上次先於二月內報解全

完之同知直隸州用正定縣知縣朱靖旬擬請

賞加運同銜又額徵在一萬五千兩以上三月內報解全完之

署深州直隸州知州候補知府王啟曾冀州直隸州知州瑞慶

棗強縣知縣李秉衡曲周縣知縣王延桂等四員均擬請

賞加隨帶一級又額徵在一萬兩以上三月內報解全完之任

縣知縣張光藻藁城縣知縣陳金式署饒陽縣事贊皇縣知縣

李傳徽元氏縣知縣王啟俊鉅鹿縣知縣方汝翊署南和縣知

縣衛憲等六員均請

旨交部從優議敘又額徵在五千元以上三月內報解全完之

署趙州直隸州知州候補知府段廣瀛青縣知縣劉傑平山縣

知縣王恩照威縣知縣溥福行唐縣知縣高建勳吳橋縣知縣  
陶治安獲鹿縣知縣劉嘉祥署靜海縣知縣宋淵涇前署廣宗  
縣知縣李鵬展平鄉縣知縣蘇性內邱縣知縣段晴霞等十一  
員均請

旨交部議敘再署定興縣事阜平縣知縣德成將應徵本年上  
忙旗租銀一萬二千餘兩滿城縣知縣陳載應徵本年上忙旗  
租銀五千六百餘兩亦均掃數全完實屬催科得力德成擬請  
賞加隨帶一級陳載擬請

旨交部議敘似此分別辦理庶催科得力者知所觀感自必益  
加奮勉除將各屬未完糧銀飭司再行勒限嚴催俟限滿查明



未完銀數另行擇尤參辦外理合恭摺具奏伏乞

皇太后

皇上聖鑒訓示謹奏

欽此



賊回東境酌籌防剿疏

同治四年四月二十日

奏為賊蹤回竄東境酌籌防剿情形恭摺具奏仰祈

聖鑒事竊臣於四月十二日將添調兵勇偵探賊蹤現辦緣由

奏奉

諭旨欽遵在案臣緣大名開東長等州縣與東省曹單毘連防

務亦關緊要正擬親往察看本月十八日接據各路探報並準

山東撫臣閻敬銘咨以賊匪自贛榆竄入東境晝夜狂奔十五

日已竄至汶上縣趨向濟甯東平等因臣查該逆既竄東平則

臨清東昌一帶喫重若遽赴開長恐致鞭長莫及是以暫緩起

程當卽飛咨駐紮東阿縣魚山防河之前副都統定安督率所

部在張秋李連橋相機堵剿並與臬司李鶴年商度先派游擊  
張得祿等管帶馬勇百餘名大名鎮道抽撥馬勇百餘名由濮  
范以至壽張瀕河一帶梭織邏巡藉張聲勢一面派定隊伍如  
探聞賊欲渡黃卽行馳往沿河會合東軍迎剿以期有備無患  
茲於十九日接據偵探員弁稟報並定安畱稱該逆於十六日  
已刻由開河袁家口等處折渡運河向西南奔竄河東已無賊  
蹤總兵陳國瑞亦於是日午刻馳抵東平州境跟蹤追剿等語  
是西路大名開長等處防務較重臣一面飛飭大名鎮道督率  
所部兵勇號召鄉團嚴防河岸並飭副將崔福泰分隊由小灘  
馳往協同堵禦臣亦酌帶省標正定營官兵各五百名親赴大

名開長等處相機督辦其威縣清河曲周景州一帶屯駐兵勇  
卽留臬司李鶴年會督署通永鎮總兵陳濟清署宣化鎮總兵  
冷慶廣平府知府楊毓枏東強縣知縣李秉衡等嚴密巡防隨  
時訓練臣查北方地勢平行無險可扼此股賊匪騎多步少馳  
突靡常剽掠爲生其行愈速而我軍進止務循紀律晝夜追勦  
食息未遑卽如科爾沁博多勒噶台親王僧格林沁之軍自豫  
追勦入東而至江南馳驅數千里未得少休人馬之疲乏已可  
想見轉瞬高粱茂密賊情詭譎易於潛伏勦辦更難得手直隸  
平原曠野現調各軍尙覺防備難周而畿疆重地又未便悉  
眾遠出致有腹內空虛之虞因思黃河爲天設之險若於北岸

設兵攔截該匪勢難偷渡直隸濱河之開東長各州縣臣已責令各地方官齊集團練會合官軍周歷巡防其豫省濱河各處已迭奉

諭旨飭令河南撫臣督飭河北鎮道帶兵防堵自己布置周妥該處民情現尙安謐各該文武與大名鎮道時通聲息更可互爲應援惟東省所轄河道較長加之北岸地方伏莽未盡必須兵勇駐紮以禦外侮而消內患刻下逆蹤西竄河東一帶防務較鬆臣現咨商山東巡撫閻敬銘酌撥官軍駐紮北岸並選派明幹大員督同沿河各州縣集團募勇以資堵禦而重河防如有緩急臣仍派隊馳往策應會合勦辦斷不敢稍分畛域致誤

事機所有賊蹤回竄東境酌籌防勦情形理合恭摺由驛馳

奏伏乞

皇太后

皇上聖鑒訓示謹 奏





賊逼黃河邊防緊要疏

同治四年四月二十七日

奏爲賊蹤竄逼黃河南岸邊防緊要謹將遏擊籌辦緣由恭摺  
馳奏仰祈

聖鑒事竊臣於本月二十日將賊蹤回竄東境親赴大名察看  
防務並飭臬司李鶴年等仍駐威縣會督留駐各軍嚴密巡防  
各緣由奏奉

諭旨在案臣於二十二日馳抵大名郡城接據大名鎮道來稟  
暨各路探報賊匪自十七日由東阿南竄濮州荷澤范縣屬境  
攻陷民圩數處盤踞肆掠開州長垣東明所轄沿河南岸各村  
莊均有邊馬游駛其欲渡河竄北亦可想見且難保不故作南

下之勢牽制我師而以另股自上下游乘閒偷渡賊情詭譎在  
在宜防當卽飛咨留防直東前副都統定安轉飭東省管帶礮  
船參將周森藻等並所部馬隊於壽張濮范水陸各要隘加意  
巡防又聞洛河船隻甚多從前髮逆北犯係由該處擄船駛渡  
並經飛咨河南撫臣吳昌壽飭將現泊船隻挽入上流仍一面  
嚴檄大名鎮道暨開州長垣東明各牧令選調鄉團添備礮船  
協同官軍竭力堵禦一面飛催續調大名標兵五百名馳赴長  
垣並調駐紮小灘之副將崔福泰游擊占禮治管帶兵勇一千  
名星夜進駐清豐開州往來游巡藉資策應俱已先後到防現  
查山東撫臣閻敬銘業已出省赴東昌籌辦防剿直隸東南一

路情形較鬆已商同臬司李鶴年將原駐各起兵勇移向正南  
迤西地面以作聲援並飛咨署提臣徐廷楷飭令備調標兵五  
百名卽速赴防以實腹地茲據大順廣道范梁稟報二十三日  
有馬賊四五百名分竄開州康屯河口保安集黃河南岸裹脅  
民人試水深淺經該處駐防千總李殿邦楊殿楹等開放連環  
洋礮擊斃逆匪十餘名內有手執白旗賊目一名賊甫卻退又  
據署東明縣知縣張連瑞稟稱賊匪連日在縣境東北各村游  
駛並於二十二日有馬賊二三百人攻撲該縣北門經該縣會  
同在城文武員弁督率紳團登陴守禦分隊出城奮擊傷賊二  
三十名該逆旋卽退逸各等情臣復嚴飭大名鎮道星速撥兵

策應並以該縣孤懸黃河南岸與北岸聲勢未能聯絡又經照會曹州鎮就近相機援應伏查直隸地勢平行無險可扼自應厚集兵力嚴防河岸以固藩籬第增兵卽須增餉當此經費萬分支細之際苟可從緩不得不撙節籌維且直隸各標兵丁除此次在防及疊次出征外存營精壯亦實無可多調正深焦慮茲於二十四日欽奉

寄諭

俯念直隸地廣兵單邊防緊要飭令直隸提督劉銘傳卽於所部勇丁內挑選精銳數千名迅速帶赴直隸與臣會商分布直東交界地方嚴密扼防應給餉需卽由吳棠李鴻章閻敬銘迅

速籌款豫行撥給並以直隸帶兵需人飭令宣化鎮總兵張詩

日馳赴臣營聽候調遣仰見

聖慮周詳優加體恤跪誦之下感悚交縈微特地方得資保衛

臣亦藉收指臂之助除慄遵

寄諭督飭各文武暨在防兵勇盡力防勦不敢稍涉大意並恭

錄

諭旨咨催劉銘傳迅速率師剋期北上會辦外謹將賊蹤逼近

黃河南岸邊防緊要遏擊籌辦緣由理合恭摺由驛五百里馳

奏伏乞

皇太后

御覽

皇上聖鑒訓示謹 奏

統兵大臣陣亡疏

同治四年四月三十日

奏爲賊勢猖獗統兵大臣力戰陣亡現在激勵防軍嚴密堵禦  
並擬請簡派重臣接辦援剿緣由恭摺馳奏仰祈

聖鑒事竊

臣

於本月二十七日將賊匪竄逼黃河南岸邊防緊

要酌籌防剿情形具

奏在案

臣

因開長防務緊要正擬親往

督辦並咨明豫東各撫

臣

以期聯絡聲勢合力嚴防相機迎剿

詎於二十七日接據差弁自山東曹州探稟科爾沁博多勒噶

台親王僧格林沁於二十四日在曹州府城西北四十餘里高

莊集逃南與賊接仗先勝後挫僧格林沁未見回營等語方深

疑慮當經派委得力員弁渡河確探一面嚴飭沿河帶兵各官

加意嚴防茲於二十九日卯刻準幫辦軍務浙江處州鎮總兵陳國瑞函稱二十四日在曹州府西境會合各隊隨同僧格林沁與賊接仗被賊衝動全軍帶隊各官均各分散該總兵身騎俱受重傷衝出重圍欲探僧王所在時勢不能只得暫投附近民寨收集潰眾移時整隊復與追賊接戰轉敗為勝又據曹州鎮總兵保德稟稱僧格林沁二十四日與賊接仗失利力竭陣亡已將遺骸擡至曹州郡城撫視身受八傷該地方文武謹備棺衾妥為含殮各等因旋據差弁回報情形相同臣聞信之餘望南揮涕悲憤交深伏思僧格林沁以心膂重臣忠勇無匹督兵十餘年所向克捷迭拔名城屢殲巨寇恩威所播婦孺咸知



茲親率師旅往來追勦奔馳萬餘里未遑喘息乃以奮不顧身授命疆場不特軍心渙散卽直東豫各士失屏蔽更恐所在伏莽乘機蠢動現在賊勢鳴張時竄開長等處固形喫重張秋一帶尤覺空虛並據山縣孫善述來稟山東撫臣閻敬銘以省垣喫重於一幸縣拔隊前赴東昌布置防務回顧省城等語現在尙未接準來咨臣查直境自開長至景州一帶袤延連東省在在宜防閻敬銘如果回省東路未免空虛部兵勇不敷分布卽調度策應亦難周到實有鞭長臣一面激勵沿河各防軍暨各州縣整齊團練合力

催宣化兵進紮開州東路之柳下屯騰出正定兵一營移紮濮州之古雲集會同東省派防同知劉時霖等各營嚴密防守一面諄飭臬司李鶴年署通永鎮陳濟清勤發偵探嚴爲準備如東路有警卽會督天津海口官兵及直字左右營勇赴景州一帶相機堵截相應請

旨飭催提

臣

劉銘傳刻速移師兼程前進毋再遲延並請

飭下通商大臣崇厚派員統帶洋槍隊會同天津道酌帶蘆團練勇馳赴景州駐防以壯聲勢現接據各路探報該匪直從開州南岸延紮濮范迤東地面臣若遽赴開長相距東路更遠擬仍暫駐大名以資調度現已咨催前副都統定安馳回東境在

於濮范一帶巡防並咨商閩敬銘分撥重兵迅  
臣仍飭原派游騎沿河飛探賊蹤何路緊要卽  
 以期首尾相顧至僧格林沁所部諸軍新潰之  
 集已由臣飛咨總兵陳國瑞查明僧軍帶隊各  
 集免滋他虞再查此股逆匪不下二三萬之眾  
 文洸死黨數千名本係髮匪餘孽極爲兇悍非  
 以挫兇鋒而洩忿憾臣身任封圻責無旁貸惟  
 難周設使該匪渡河蔓擾震動京師於大局  
 思維未敢隱忍不言致蹈重咎現在兩江督臣  
 軍深知賊情亦最爲賊所畏憚刻下江南底定

李鴻章聲威久著足資捍衛擬請

旨飭下曾國藩迅速統師北上援剿並請就近

簡派重臣統帶馬步大隊分赴河間正定一帶扼要駐紮以固  
京師門戶除將總兵陳國瑞保德函稟一併咨送軍機處備查  
外所有賊勢猖獗統兵大臣力戰陣亡現在激勵防軍嚴密堵  
禦並擬請

簡派重臣接辦援剿緣由理合恭摺由驛六百里馳 奏伏乞  
皇太后

皇上聖鑒訓示謹 奏

## 賊漸東竄添兵嚴防疏

同治四年五月初二日

奏爲賊蹤漸向東竄現添派兵勇不分畛域分布嚴防護將籌辦緣由恭摺 奏祈

聖鑒事竊

臣

於四月三十日將賊勢猖獗現在激勵防軍嚴密

堵禦各緣由恭摺馳

奏在案當即飛飭防軍嚴加堵禦遴委

幹練員弁分投確探茲據各路偵探並山東冠縣知縣孫善述

等先後稟稱逆匪於二十六七等日分竄鄆城范縣一帶裹脅

滋擾漸向東趨又據東昌府知府曹丙輝稟稱山東撫

臣

閻敬

銘因賊自濮范東竄於二十九日自東昌馳回濟南豫辦省防

又據聊城縣知縣鄭紀略稟報賊在濮范黃河南岸一帶掠寨

襄夫日甚一日水套村莊從賊者甚多漸有竄向東北之勢所  
有原派駐防河干兵一千名現調回省以資防守壽張一帶僅  
贖候補同知劉時霖等帶勇七百五十名甚屬空虛並據探報  
二十七日浙江處州鎮總兵陳國瑞收集餘隊在曹州附近地  
方與賊接仗獲勝各等情分稟前來臣查濮范一帶伏莽甚眾  
現值官軍新挫匪眾盤踞日久其意可知且水套河汊紛歧難  
保無藏匿船隻勢難按查淨盡更恐潛謀濟渡爲患非輕下游  
山東濮范至壽張縣屬張秋鎮一帶頗覺空虛而張秋爲黃運  
合流之處河面旣窄水勢復淺當此軍務喫緊未敢稍分畛域  
若拘泥前議遙爲策應恐有緩不濟急之勢應將策應之隊先

行調赴河干協同防堵茲擬自開州八公橋起至山東張秋鎮止沿河北岸節節分兵駐紮以期聲勢聯絡而昭周密臣已飭令副將崔福泰管帶直字中營壯勇五百名駐紮開州屬之八公橋署游擊王得魁署都司郝靜管帶省標兵一千名駐紮開州屬之清河屯署宣化鎮總兵冷慶管帶標兵六百名駐紮開州屬之者河寨正定游擊古禮治管帶標兵五百名駐紮山東濮州屬之古雲集廣平府知府楊毓相督同都司高振海管帶武安軍五百名駐紮山東范縣屬之道口游擊常開運管帶武安軍五百名駐紮范縣棗強縣知縣李秉衡管帶直字左營壯勇五百名駐紮山東壽張縣屬之蓮花池署通永鎮總兵陳濟

清管帶標兵五百名駐紮山東壽張縣涿州營守備李惠英管帶直字右營壯勇五百名駐紮壽張縣屬之張秋鎮並派游擊張得祿唐有章等管帶馬勇五百餘名往來哨探以通聲息其開州八公橋迤西歷長垣至豫疆交界地方飭令大名道范梁原帶練勇一千名署大名鎮總兵姜國仲原帶練勇一千餘名分要駐紮督飭協同豫東兩省派防各軍不分晝夜實力巡防如遇匪蹤搶渡立即互相應援實力堵擊又飭隨營效力南樂縣武舉盧國彥添募堪以禦敵熟悉路徑壯勇二百名作爲鄉導派委親信員弁會同往來哨探隨時密查駐防兵勇分別勤惰以加勸懲仍出示曉諭防河各鄉團聯絡官軍互相援應俾



收眾志成城之效臣俟督催各軍進紮河岸分布妥當卽親率  
小隊馳赴開州駐紮就近調度查黃河水勢近日稍長溜勢湍  
激非艦筏不能游駛渡人尙易渡馬尤難旣經星羅棋布處處  
設防該匪縱有窺伺之心似難偷越惟黃河北岸雖已力圖兼  
顧而張秋東南一帶運河必須嚴防方免竄越除飛咨山東撫  
臣閻敬銘督飭藩司丁寶楨兵嚴扼並飛咨河南撫臣吳昌  
壽派隊由南岸出奇截擊以賊勢使該匪首尾不能兩顧第  
景州一帶距臣營較遠設使該匪乘隙渡河我兵悉成尾追之  
勢當經飭調派防清河縣屬油坊鎮之天津海口六營官兵一  
千名移紮景州並令候補副將劉祺在該州選募壯勇五百名

尚恐兵力未厚正深籌慮茲於五月初一日欽奉

寄諭簡派通商大臣崇厚統帶洋槍隊官兵馳赴畿南與會  
商駐紮嚴防擬卽咨商該大臣添調天津鎮標兵數百名一併  
統帶起程以壯聲勢而資鎮壓仍飭催原調提標官兵六百名  
迅速馳赴威縣聽候調遣並蒙

簡派協辦大學士兩江督臣曾國藩自江南進駐山東直隸提

督劉銘傳星速統兵來直江甯將軍富明阿馳赴臣營會商防

務添調吉林黑龍江精壯馬隊一千名以資攻勦仰見

宸算精詳倍加感奮指日大兵雲集合勦兜圍大張撻伐蠢茲

羣醜不難一鼓殲除臣仍激勵諸軍會合鄉團勤探密防斷不

敢因添調重兵稍涉鬆勁以期仰慰

聖廬至總理營務處臬司李鶴年現有籌商要務文檄往返有稽時日擬卽飭調來營藉收臂助除恭錄

諭旨飛咨江甯將軍富明阿欽遵查照外所有賊蹤漸向東竄添派兵勇不分畛域分布嚴防現在籌辦緣由理合恭摺由驛五百里馳 奏伏乞

皇太后

皇上聖鑒訓示謹 奏



征兵支給實銀片

同治四年五月初二日

再<sup>臣</sup>帶兵出省分布防剿應需廩給口糧馬乾等銀前經奏明  
卽照征兵例及歷辦成案照數支給伏查上次所調大廣官兵  
應支口糧曾經前署督<sup>臣</sup>崇厚奏明無論在三百里內外一律  
支給實銀免搭鈔票奉

旨允準在案此次所調大名鎮標開州協標暨各營練兵分駐  
河岸晝夜巡邏刻無休息物值既均昂貴銀價又復低賤將士  
苦累口食難敷惟有仰懇

恩準援照上屆成案無論相距本營在三百里內外一律案照  
征兵口糧支給實銀免搭鈔票以示體恤除咨部查照外謹附

片具奏伏乞

聖鑒謹奏

接濟陳國瑞餉械片

同治四年五月二十二日

再科爾沁博多勒噶台親王僧格林沁力戰陣亡正以所部各軍潰散爲虞亟宜收集拊循茲準浙江處州鎮總兵陳國瑞函稱現已移駐曹州府城招集馬步各隊數千名以期重振軍威滅此朝食惟口糧旣無所出軍火器械亦俱無存商撥前來臣思該總兵素日驍勇異常現雖失律猶能收集潰眾立志殺賊以期收效桑榆且僧營兵勇傷亡已屬不少賸此數千人如不趕緊接濟恐致飢迫無歸不得不量爲周濟惟臣營月餉本屬不敷勢難再爲籌撥只得就近在於大名府屬各縣徵存地糧項下提湊銀一萬兩並籌備擡槍一百桿鳥槍二百桿配齊火

藥鉛丸設法運交該總兵以資應用理合附片陳明伏乞

聖鑒謹 奏



扼賊北犯以衛畿輔疏

同治四年五月初六日

奏爲賊匪盤踞句結時圖竄渡必須添調重兵嚴扼北犯再圖進剿以鎮人心而衛畿輔恭摺馳陳仰祈

聖鑒事竊臣於五月初二日將賊蹤漸向東竄添調兵勇不分畛域分布嚴防籌辦緣由恭摺具奏茲於初四初五等日迭

奉

上諭欽遵在案臣連日探得該逆大股現在山東鄆城縣之方家廟荷澤縣之趙家樓鉅野縣之太平集一帶邊馬南至曹州府城北至濮范沿河東至鉅野嘉祥交界處所西至東明定陶各邊界周圍數百里皆爲賊踞每日早晚有邊馬沿河窺探或

泗水入河套滋擾或手抱馬頸鳧水試渡又於濮州汜河蘆葦  
中接去民船數隻均經在防官兵團勇隨時遏擊賊始遁回並  
經開州盤獲假扮難民混入北岸之姦細潘心芳趙相二名東  
明縣拏獲邊馬安得功等四名長垣縣拏獲賊探于成等四名  
均經訊明正法又探有砍伐樹株搬運櫟木排造船筏之事種  
種詭譎情形不可殫述其爲蓄志北犯不卜可知臣竊慮儗軍  
初潰兵民不免驚惶設防日久人心易生懈怠屢經嚴飭在防  
將弁激勵士卒無分雨夜實力堵截並購覓民船多隻派兵分  
駐往來巡防又遴委候補直隸州知州劉錫毅馳赴開州長垣  
南樂清豐等處剴切勸導撫慰鄉團協力防守伏思體國衛

民原不可稍分畛域而審時度力亦不可不權其輕重臣出省時卽以直隸地勢平闊防邊不若防河之足恃與軍中僚屬將佐籌商已熟祇以腹地無兵別無策應遲之又久未敢決行嗣奉

寄諭飭令劉銘傳統兵來直崇厚督帶洋槍隊馳赴畿南與臣

會商辦理其時山東撫臣闕敬銘適已回省壽張濮范一帶未

免空虛直東唇齒相依不能不通籌兼顧於是始決計悉眾進

駐河干現自直隸長垣以至山東張秋一帶布置犄角端倪雖

賊屢來窺伺均經擊退然使大股麇集數路並進在防兵勇各

守河口一時不能策應而後路又別無攔截之軍設想情形必

須再得劉銘傳一軍來直會籌防勦庶幾緩急可恃至山東兵力固不甚厚以之扼守運河似尙易爲力迭奉

寄諭飭催江南水師赴東防勦此時計可入運聞詹啟綸張曜宋慶等軍亦經國瑞調赴濟甯陳國瑞郭寶昌等收集士卒又均在東境戰或不足守則有餘如果嚴扼運河則省城自可無慮頃接閣敬銘來函已奏請以劉銘傳一軍於東平汶上扼要嚴防是東路運河之防仍責之於劉銘傳而直隸防軍旣多出省萬一曾國藩兵自南來賊以全力北犯直隸防軍與劉銘傳一軍俱成尾追之勢貽誤實非淺鮮且慮陳國瑞等或因前此之挫急欲復仇或知有應得之咎懼加嚴譴見劉銘傳生力兵

至卽商催會勦而閻敬銘目覩地方被害或亦不欲以緩戰爲言臣竊謂劉銘傳所部兵勇不過數千人遠道馳來未經休息未悉情形遽與國瑞等進軍求戰萬一小有動搖卽曾國藩繼至亦難奏功日昨奉

諭諄飭添調大同宣化官兵

臣敬體

聖意是以劉銘傳一軍旣留山東防勦直隸仍須增兵方資捍衛臣實感佩莫名伏查大同距直較遠其兵能否得力尙未可知且亦緩不濟急宣化鎮與古北口兩處本可再調練兵數百人臣以其地近邊塞切須鎮防未敢再議加調現惟飭催承恩速來可以招集舊部奮勇千人計成軍尙須時日至崇厚統

鑿正惟之  
帶洋槍隊千餘人合之原調津海標官兵千餘人亦僅可備景  
德一路之防腹地空虛仍恐顧彼失此再四思維莫名焦慮惟  
有仰懇

天恩仍飭劉銘傳迅速督帶所部進紮黃河北岸直東界上會  
籌防剿北路藩籬益固東路壁壘增新謀成後戰但得稍挫兇  
鋒則軍威立振以後剿辦必易得手使賊不敢再萌北渡之念  
更可由臣抽撥二三千人隨同劉銘傳進剿刻下曹州各屬蹂  
躪不堪已成賊藪度時量力如不能操必勝之權莫如先保完  
善之區再圖次第剿辦是則事易而功倍不難殄此逆氛也至  
黃河水性挾沙溜勢湍急與大江運河迥不相同其水手僅能

挽渡於駕駛礮船之進止尙須先行試練臣已飭令大名道范梁會督署宣化鎮冷慶副將崔福泰開州知州楊詠春等先行各覓船十數隻駐兵巡防一面練習開礮以資利用所有臣營兵勇名數另行開具清單恭呈

御覽臣謹將賊匪盤踞勾結時圖竄渡必須添調重兵嚴扼北犯再圖進剿以鎮人心而衛畿輔緣由恭摺由六百里馳

奏伏乞

皇太后

皇上聖鑒訓示再大學士祁寯藻奏保堪以差委人員如楊毓相劉錫穀李秉衡已調營帶勇督團段廣瀛余承恩亦經先後

列代真公卷長

奏留其餘劉秉琳等皆係直隸出色之員或委署地方或在省  
當差如營中再有需人之處均可酌調合併聲明謹 奏



由晉採磺片

同治四年五月初六日

再查直隸省硫磺向僅昌平州一處設有磺廠招商採煉咸豐四年閒因所產硫斤日形短少開採不易商人賠累逃避屢飭招商無人承辦此外別無產磺之區比年以來疊奉

諭旨撥解江南及慶陽等處火藥加以本省需用所有磺斤按羅馨盡查咸豐九年閒辦理海防前督臣恆福以山西太原府屬所產之磺潔淨可用曾奏準由晉省採辦淨磺十萬斤解直應用所需磺價即由該省照例報銷在案現值直隸防務喫重製備軍火並應造慶陽火藥等項需磺甚殷據總局司道唐訓方等詳請援案具奏前來合無仰懇

聖恩俯念軍火緊要飭下山西撫臣飭屬迅速採辦淨礦十萬  
斤委員分批解直以應急需至所需礦價銀兩照案由晉先爲  
籌墊事竣照例核實報銷理合附片具奏伏乞  
聖鑒訓示謹奏

請建周灝專祠疏

同治四年五月初十日

奏爲已故知縣民情愛戴籲請捐建專祠以隆報祀恭摺具奏仰祈

聖鑒事竊據布政使唐訓方按察使李鶴年會呈稱據正定縣知縣朱靖旬詳稱據該縣紳士商民高明堂等聯名呈稱前任正定縣知縣周灝貴州貴筑縣進士在任時公正廉明愛民如子其興學校勸農桑拯窮黎除強暴一切善政不可殫述咸豐三年八月逆匪攻陷臨洺關數日之內連陷沙河隆平柏鄉趙州樂城等州縣直逼正定彼時人心惶惑危在旦夕幸賴周灝清查保甲勸辦團練申明大義誓與死守人心鎮定由是四鄉

# THE UNIVERSITY OF CHICAGO

[The remainder of the page contains a series of horizontal lines, likely representing a table or a list of items, but the content is illegible due to the low resolution and high contrast of the scan.]

練鄉勇章程一一勒石使實心實政遠近共聞庶感慕私忱稍  
盡萬一等情該縣覆查無異由府呈道咨司核明會詳請 奏  
前來臣查已故正定縣知縣周灝素著循聲輿情愛戴且曾捍  
大患有功於民茲該紳士等情願在正定縣地方爲周灝捐建  
專祠藉伸報德之忱似應準如所請以順輿情而資觀感理合  
恭摺具 奏伏乞

皇太后

皇上聖鑒訓示遵行謹 奏



南岸賊匪折渡運河疏

同治四年五月十三日

奏爲南岸賊匪疊經官軍遏截又復折渡運河現籌抽撥兵勇分路協防緣由恭摺馳奏仰祈

聖鑒事竊臣曾將賊匪盤踞句結時圖竄渡必須添調重兵嚴扼北犯各情形具奏茲於本月十二日欽奉

諭旨飭令浙江處州鎮總兵陳國瑞交臣調遣查前據該總兵函稱收集所部因傷病居多未能得力已飭伊子陳振邦馳赴徐州一帶招募新勇數千名以備攻剿該總兵銳意殺賊復仇屢次來函慷慨激昂臣窺其意趣恐未肯北渡助防至已革總兵郭寶昌與陳國瑞素不相愜若郭寶昌奉

旨拏問所部更涉猜嫌亦未必能爲所用臣現恭錄

諭旨飛飭欽遵如果賊自汶上復竄東北卽當催令由曹郡移營渡河以扼北路提臣劉銘傳已據咨報於五月初八日自徐州拔營北進現在行抵何處尙無確信伏查該匪竄踞濮范鄆城之閒如能將黃運兩河嚴加扼守勿使竄逸轉瞬伏汎大至徧地汪洋賊當自困計時各路大兵星羅雲集此股餘孽可以聚殲臣因直疆曠闊亟圖扼此天險以爲憑依設法派隊出境分布黃河北岸力籌兼顧一面奏明飛咨山東撫臣閻敬銘督飭藩司丁寶楨帶兵嚴扼運河以期共保無虞並飭令各段防軍均各添募水勇多備礮船用資巡防該匪於五月初六日黎



明廣集於開州文畱對岸村中有數百人臨河試水鳧渡經副將崔福泰督率所部開礮轟擊數名賊隊稍卻該副將選派哨官守備馬興魁等帶奮勇隊乘船駛至南岸直擣賊隊該匪後股猶敢抗敵經馬興魁督隊迎擊施放洋槍賊向東南狂奔該副將因兵力太單且恐該匪東擊西竄河防緊要未便窮追該匪復於濮州南岸搶渡經該地方文武及在防兵團擊退奪獲旗幟等件又於范縣南岸假扮難民意圖混渡經廣平府知府楊毓枏督同遊擊高振海等盤獲姦細一名並擊獲豎旗匪目王廷瑞一名會同范縣訊明供認從賊豎旗糾眾不諱卽經正法並據長垣縣知縣王蘭廣稟報賊匪分股竄至縣屬牛家集

正德十三年冬十月  
以北東明集地方滋擾經團總牛豫章等齊集鄉勇出寨迎擊  
賊向東北竄去救出難民數百人奪獲賊馬二匹等語臣原擬  
俟續調各軍到防親往督辦河防適通商大臣崇厚函約日內  
前來大名會商事宜因派臬司李鶴年先赴開州一帶查察茲  
據大名道范梁並管帶直字右營練勇涿州守備李惠英先後  
稟報探得該匪於初八日由汶上縣屬袁路口徑渡運河自己  
至西始竣臣查該匪既經渡運濟甯現有重兵扼紮似難飛越  
東去誠恐折向東阿東平等處則自張秋黃水穿運迤東李連  
橋魚山滑口等處較爲喫重聞該省現未設兵處處可渡在在  
堪虞且賊蹤飄忽詭計多端難保不佯作東行復折西竄是東

路之備刻不容緩西路之防仍未可鬆現擬將派防開濮一帶  
兵勇抽調二三千名分赴東阿齊河等處協同東軍一體嚴防  
惟賊騎剽疾誠恐緩不濟急臣一面飛咨暫護

欽差大臣已革杭州將軍國瑞暨山東巡撫臣閻敬銘趕緊就

近籌防以扼北犯茲因賊已東趨景德威縣一帶防務喫重亦

經飛致崇厚到景後暫緩前來臣卽馳赴威縣仍與崇厚會商

妥辦倘東路防務緊要卽將駐景兵勇先調赴大清河北岸協

同東兵防河以資厚集至省城防守事宜臣出省時曾經札飭

藩司唐訓方會督總局道府並五營將弁操兵練勇以備不虞

昨奉

廷寄遵卽恭錄傳知欽遵辦理在案茲據該司稟稱現在認真操練加意稽查並籌添募壯勇加築護城濠牆修備軍械儲積糧食等事尙屬周備祇以在防兵勇日增需餽更繁雖經藩司悉心籌畫無如庫款支絀籌撥維艱正深焦慮茲蒙宸算周詳俯念畿防緊要分別籌催闔營將士聞之無不同聲鼓舞感荷

天恩實無旣極臣惟有督飭各軍振刷精神力圖奮勉務期愼益加愼以慰

聖廬所有南岸賊匪疊經官軍遏截賊復折渡運河現籌抽撥兵勇分路協防緣由理合恭摺由驛五百里馳奏伏乞

皇太后

皇上聖鑒訓示謹奏



賊由汶上東竄片

同治四年五月十二日

再正在封摺間接準山東撫臣閻敬銘咨稱該逆於初八日由汶上袁口渡運東竄張秋以東之北岸河防尤關緊要等因當卽加札飛催副將劉祺營勇暨天津河口兩營官兵迅速由景州拔隊馳赴茌平齊河一帶分駐協防一面飭催臬司李鶴年卽日由開州督同候補副將崔福泰棗強縣知縣李秉衡各勇隊並署都司郝靜所部省標官兵馳回大名隨赴景州聽候調遣一面飭催廣平府知府楊毓枬卽日率所部武安軍由范縣防所徑赴張秋會督原駐該處之遊擊張得祿守備李惠英等馬步各勇相機扼堵臣於拜摺後卽率小隊聞道赴景與崇厚

會商東路防勦事宜其西南防務卽責成大名鎮道與署宣化  
鎮總兵冷慶督同兵團仍前守禦毋任稍形鬆懈理合附片陳  
明伏乞

聖鑒謹 奏



會奏北岸河防疏

同治四年五月十七日

奏爲馳抵威縣會籌防務現擬先後同赴東昌察看北岸河防情形力圖扼守益固畿疆各緣由恭摺具陳仰祈

聖鑒事竊臣於五月十二日在大名營次奏報開道馳赴景州

與臣崇厚會商一切啟程後於十四日行抵威縣適臣崇厚亦

於十五日由臨清州前來臣等當卽會晤公同商酌現在賊已

渡運張秋鎮迤東大河北岸形勢喫重齊河距濟南不遠當有

重兵扼守現查東省並無成營之兵成隊之勇防務實屬空虛

自應隨機應變通力合作爲固守河干之計誠以直東交界地

勢平行與其遠處設防不知近處扼守憑茲天險以遏寇氛惟

在平齊河一帶河岸繇長雖有天津海口等三營兵勇調赴在  
平駐紮而兵力尙形單薄不足以嚴堵禦現今情勢緊急臣等  
斷不敢稍分疆界擬卽一面咨會東省撫臣派撥兵勇激勵民  
團一面飛札護天津鎮總兵春霖將洋槍隊官兵迅速由景馳  
赴在平聽候調撥並派廣平府知府楊毓枬所部原駐道口之  
隊移駐壽張通永鎮總兵陳濟清所帶原駐壽張之通永鎮標  
官兵移駐張秋直字右營勇隊移駐李連橋又將副將崔福泰  
棗強縣知縣李秉衡所部各勇及省標官兵調赴大名相機進  
止臣等亦卽由威縣先後啟程取道臨清等處馳赴東昌察看  
沿河形勢應如何分營屯紮節節設防以期鞏衛 神京容俟

馳抵東昌府後會商妥籌另摺奏陳所有臣等會籌防務擬借  
赴東昌力圖扼守各緣由理合恭摺由五百里馳奏伏乞

皇太后

皇上聖鑒謹奏



會同崇厚分查河防疏

同治四年五月二十五日

奏爲會同馳赴東昌由張秋鎮分循河岸查勘防務臣現抵開州督備礮船並擬赴長垣一帶巡視防軍仍卽回駐大名相機調度謹將辦理緣由恭摺由驛具陳仰祈

聖鑒事竊臣於本年五月十七日在威縣營次將會同崇厚擬赴東昌等處察看沿河防務各情形 奏奉

諭旨並於本月十九二十一等日疊奉

廷寄均各欽遵復奉

飭派神機營教練精兵二千名駐紮河間爲崇厚後路聲援仰

蒙

聖訓周詳指示方略跪聆之下欽佩莫名臣與崇厚熟商此起  
官兵即可於景德交界之處擇要駐紮以固畿疆門戶兼爲  
東路聲援臣自威縣拜摺後於十八日卽偕崇厚輕騎減從兼  
程而行十九日馳抵東昌接見該府曹丙輝據稱逆匪仍在嘉  
祥汶上一帶游奕大河以北尙稱靜謐旋抵張秋會同崇厚親  
歷河干察看形勢崇厚擬卽循河而東徑達齊河臣亦卽於次  
日起程循河而西歷壽張縣之蓮花池范縣之道口濮州之馬  
陵古雲集入直境開州之耆河寨柳下屯清河屯而至州城查  
看各段分布兵勇停泊礮船聲勢尙能聯絡前調赴沿河南樂  
清豐各紳團亦均尙整齊臣復量加獎賞以昭激勸惟中流水

勢較深其支流漫水長落靡定水退盡屬淤泥深不載舟淺難  
駐足防河兵勇尙須添備船隻安設礮位鼓楫中流愈昭嚴密  
現在督飭大名道范梁暨開州知州楊詠春候補知州項桂輪  
等多僱民船權宜改作一面鳩工新造務期船堅礮利永固河  
防漕臣吳棠所撥礮位水勇臣已遴委妥員馳赴濟甯迎提惟  
運河間多乾涸陸路密邇寇氛礮質笨重運解尤宜妥慎現飭  
委員偵探賊情設法轉運或先將水勇迎提來直其礮位不妨  
暫存濟甯臣仍飛飭臬司李鶴年暨總局司道將存儲各處大  
小礮位酌撥解營並經崇厚面稱天津尙存三四百觔銅鐵礮  
三十餘尊一併提解前來分撥應用臣詳加體察北岸河防前

經撥兵分段駐守加以增募新勇數營兵力較厚巡警倍嚴該  
逆自難飛渡且江蘇撫臣李鴻章奏派常鎮道潘鼎新管帶  
淮勇十營航海來直亦經檄委候補道蔭德泰赴津會同天津  
鎮道照料迎護並飭經由州縣分備車船妥爲供送想不日卽  
可來營又準山西撫臣來咨總兵余承恩已定期啟程其胞弟  
候選同知余沛恩早抵大名經臣札飭先行招集舊部一俟該  
總兵到直卽可計日成軍浙江處州鎮總兵陳國瑞來函現赴  
嘉祥一帶相機截勦擬卽飭令暫紮曹州一帶扼賊之衝與提  
臣劉銘傳一軍前截後追牽制賊勢臣尙須赴長垣一帶查看  
河防然後回駐大名相機調度茲據各路探報該逆於十八九



等日分股回竄金鄉嘉祥經陳國瑞等截擊擒斬多名復由嘉祥遁至鄆濮一帶匪蹤飄忽磨定益當加意巡防臣仍隨時會商崇厚激勵在防兵團互相援應務使上下游呼吸相通聯爲一氣以期有備無患仰慰

宸廑所有會同馳赴東昌由張秋分循河岸查勘形勢臣現至開州督備礮船並擬赴長垣一帶巡視防軍仍卽回駐大名相機調度各緣由理合恭摺由驛五百里馳奏伏乞

皇太后

皇上聖鑒再總兵陳國瑞所奏知縣楊育才本係苗逆主謀心懷叵測一節臣已密咨已革杭州將軍國瑞就近提營訊辦合

併陳明謹奏

請飭豫晉合力防河片

同治四年五月二十五日

再臣近日偵得髮捻各匪意見不合勢將分竄查兩江督臣曾國藩已定由徐州統師進剿皖楚邊境聞亦駐有重兵山東自提督劉銘傳進駐濟甯已革杭州將軍國瑞與處州鎮總兵陳國瑞各軍漸次整頓聲威日振該逆北渡不能南歸不得必思分股西向窺我完善之區昨據大名道范梁由營擒解賊探耿二小一名經臬司李鶴年訊供該逆欲由直豫交界之區伺間搶渡以入山西因思晉豫皆畿輔屏蔽賊若西渡擾及晉疆直隸斷難安堵卽京師不免震驚且該逆旣思由直入晉又安知不由豫道秦以入晉賊竄東南曾國藩之師猶可回顧若竄西

北都興阿楊岳斌各軍皆將有跋扈之虞此時豫晉之交兵力能否厚集尙難遙揣若待賊蹤逼近始議征調勢常不及曷若就現有兵力憑險設備以杜賊謀查自滎澤迤西至潼關以東皆瀕大河岸高濶深較易防守擬請

旨迅飭河南山西各撫臣及時調集兵勇合力防河並請

飭下陝西撫臣於豫晉交界之處熟審形勢擇要協防實於西北大局甚有裨益愚昧之見是否有當謹附片具奏伏乞

聖裁謹奏

日給船夫飯銀片

同治四年五月二十五日

再現在河防緊要各營兵勇必須乘坐船隻安設礮位往來游  
巡方資得力疊經 奏明在案茲據各營帶兵官以雇備大小  
船隻每船需用船夫十數名不等每名日給飯食銀一錢等情  
先後具稟前來 臣查現時銀價減落每銀一錢僅易制錢一百  
二三十文防兵所至均係荒僻之區食物昂貴若照例定銀數  
支給不敷口食係屬實在情形合無仰懇

天恩俯準照數支給俾資裹腹除飭糧臺核明給領並咨戶部  
查照統俟事竣彙案造報外理合附片陳明伏乞

聖鑒訓示謹 奏



賊匪南竄督造礮船疏

同治四年閏五月初二日

奏爲偵探曹郡賊匪現俱南竄臣仍暫駐開州督造礮船簡練兵馬以防回竄俟水師布置麤有頭緒再回大名各緣由恭摺由驛馳陳仰祈

聖鑒事竊臣於五月二十五日將會同崇厚馳赴東昌由張秋分循河岸查勘防務督備礮船各情形奏奉

諭旨並先於五月二十八日欽奉寄

諭一道均各欽遵在案現據各路探報前踞山東曹州一帶賊匪經提臣劉銘傳總兵陳國瑞於五月十七十九等日擊敗後由鉅野劉家口等處向考城一帶南竄曹郡現無賊股前報回

竄軍濮屬境實係土匪乘機出擾當經團勇以人數尙少卽時撲滅惟該逆飄忽靡常未便因其距直較遠遽鬆防務且探聞大河以南連日逃回被脅難民甚多其中良莠不齊鄰省官軍未便越境查辦惟有諳飭在防各營加意嚴防並添派委員分赴渡口認真盤查以免姦匪溷跡一面飭令在防各軍勤加操練以防回竄其曾國藩吳棠先後籌撥礮位水勇臣已遴派文武員弁馳赴濟甯迎提茲準國瑞知會吳棠所撥礮位因原來船身較大運河難以行駛另換划船運至沈家口入黃現復飭大名道另雇大船派員押往撥運前擬以民船改造礮船復加試驗民船工料均非堅實難以經久現仿照長江戰船體察黃



河水性由大名道督同委員等新購木料加工修造以期穩固  
便捷有裨河防河南撫臣吳昌壽因查看滑縣防軍就近來開  
與臣會商河北防務臣以刻下南岸情形緊要商屬南渡督籌  
防勦臣擬俟礮位水勇迎提到開親加查驗新造之船艚有就  
緒布置妥協再回大名駐紮理合恭摺由驛五百里馳奏伏

乞  
皇太后

皇上聖鑒謹 奏

--	--	--	--	--	--	--	--	--	--

劉陳械鬪片

同治四年閏五月初二日

再劉銘傳陳國瑞兩軍互相械鬪一案臣前接準該提鎮函咨情詞各執因相距較遠未能深悉底蘊當經飛函密致前杭州將軍國瑞山東撫臣閻敬銘就近查理該提鎮均係一二品大員受

恩深重當此攻勦喫緊之際自應各息私忿以維大局乃茲據差弁回稱該二軍尙駐長溝相持未動恐再滋生事端現又臣催陳國瑞懷遵

諭旨拔隊追賊並屬劉銘傳暫勿相較整飭諸軍以備防勦臣敬銘自己遵

旨馳赴濟甯妥爲理處免致貽誤事機至僧格林沁靈輓昨準  
國瑞來咨擬卽帶隊赴曹護送至濟再行北上臣前已遴派候  
補知府沈溶游擊滕自新赴曹致祭幫同照料並派候補道柏  
春參將穆克登布馳赴入直首站守候迎護並飭各地方官一  
體妥爲照料護送入都知關

聖鑒謹附片縷陳伏乞

聖鑒謹奏

淮勇乘輪船抵津疏

同治四年閏五月初八日

奏爲頭起淮勇乘坐輪船駛抵大沽海口並籌備防剿各軍情形恭摺由驛具陳仰祈

聖鑒事竊臣於閏五月初二日將暫駐開州督造礮船簡練兵馬各緣由 奏奉

諭旨欽遵在案查前因江蘇撫臣李鴻章揀派常鎮道潘鼎新統帶淮勇十營航海來直助剿經臣檄委候補道蔭德泰馳赴天津會同天津鎮道督飭地方官豫備車輛船隻妥爲應付前進茲據天津道李同文通商衙門委員候補知府周家勳轉據大沽稽查委員並文武營汛先後稟報本月初二日已刻探得

英國輪船名威有蠟駛抵大沽口外嘗自詢據該船通事聲稱  
調來淮勇十營每營勇丁五百名又餘丁三百餘名共計官弁  
暨正餘勇丁八千餘名統帶官常鎮道潘鼎新分帶官候補道  
吳秉權等二員又總兵吳從發等八員隨帶開花礮並洋礮火  
藥鉛丸不能計數共坐大輪船五隻小輪船十隻夾板船三隻  
輪船不日即可到齊夾板船約初六初七等日可到並據天津  
縣知縣楊國杞以前項輪船過大不能進口已雇船出口撥運  
各等情稟報前來當經飛飭多備船隻出口迎撥以期妥速且  
以該營勇丁軍火爲數繁多應需車輛船隻經費甚鉅若由省  
局籌撥恐有緩不濟急之虞業經先期檄飭長蘆運司暫行借

撥銀兩飭發該縣具領妥爲備辦以免貽誤仍俟全隊到沽另摺奏報伏查此軍素稱精銳且有開花洋礮等項行軍制勝最爲利器現探賊匪大股竄往皖毫遠隔東豫若令畱直防守未免置勁旅於無用似應於全軍到津後稍息士卒整理軍裝由水路馳抵山東臨清州登岸前赴東豫交界駐紮以壯聲勢設使匪蹤回竄亦可迎頭截擊以剿爲防或徑趨歸陳會同皖豫諸軍爲合剿兜圍之計總兵余承恩在直多年陳濟清久歷行閒帶隊均稱勇敢擬卽飭令簡練所部作爲本省游兵無事則分駐要隘有事則往來策應俾得首尾相顧呼吸可通刻下賊蹤較遠山東曹考一帶已有劉銘傳重兵駐守堪爲北路鎖

鑰如將水師礮船辦有頭緒則陸路防軍似可漸次裁撤以節經費前準吳棠奏撥水勇礮位現已派員迎提入黃新造礮船鳩工購料較南省爲難工竣尙需時日現仍將原雇民船酌量改作安置南來礮位卽飭該水勇妥爲駕駛一俟試驗新造之船穩固靈便堪以經久卽當商同崇厚閻敬銘等仿照辦理以資得力臣與臬司李鶴年悉心籌度擬以大名鎮道所部兵勇及直字六營作爲本省防兵余承恩陳濟清等作爲本省游兵而以潘鼎新一軍作爲出省會剿之師似此層層布置水陸兼籌可期有備無患所有頭起淮勇乘坐輪船駛抵天津海口並籌備防剿各軍緣由理合由驛五百里馳奏伏乞



皇太后

皇上聖鑒訓示謹 奏

明倫彙編 家範典 卷八

四

京饟改撥別省疏

同治四年閏五月初八日

奏爲奉撥京饟力難全數籌解懇

恩改撥別省湊解以免貽誤恭摺具 奏仰祈

聖鑒事竊臣前準戶部咨開具奏年內京饟限滿請

旨分別勸懲一摺奉

旨依議欽此恭錄鈔奏咨飭將原撥直隸旗租銀拾萬兩迅速解部又準咨催前項提解銀拾萬兩內除奏留直隸軍需銀五萬兩外尙有報解銀二萬兩飛催速解其餘銀三萬兩亦卽設法批解儻再延宕定卽指參等因當經先後飭司迅籌撥解去後茲據布政使唐訓方詳稱遵查直隸八項旗租自咸豐元年

以後順天所屬州縣改歸自行徑解部庫僅贖直隸州縣每年約徵銀二十八萬餘兩內除畱充駐防兵餼及徑解戶部等各衙門租銀並遇災歉蠲緩帶徵暨民欠外計每歲所收僅止十二三萬兩多則不過十六七八萬兩不等而奉部指撥

### 東陵

西陵新舊米折並密雲等十四駐防新案米折以及永定南北運河歲修搶修運腳備防等項爲數甚鉅此外軍需奉撥又復絡繹不絕近來更有年例向無撥過之款皆係迫不可緩通盤覈計以數歲所收之銀不足供一歲之用是旗租一款本屬收少放多因而入不敷出加以連年籌辦軍務按羅一空尙有積

欠各營饗精不下三百餘萬兩支絀情形殊難言喻前蒙

聖諭飭撥直隸旗租銀六萬兩協濟伊犁軍饗當將司庫匱乏難以籌撥情形據實備陳一面於無可設法之中先行借撥銀一萬兩委員解交其餘銀兩並請咨明改撥此次奉撥京饗因係要需已竭力湊撥實銀二萬兩解部下餘銀兩原擬陸續籌解無如現值籌辦防勦兵饗日增竭蹶倍形於前接濟又難稍緩除酌畱軍需銀五萬兩同其餘應發各款再由該司通盤悉心籌議或再請部協撥另行詳辦外所有餘贖兩次奉撥旗租銀兩委屬力難兼顧應請 奏懇

敕部改撥等情具詳前來 臣查京饗緊要非同別款苟或稍可

周轉不能不移緩就急竭力籌解無如近年司庫竭蹶本係實在情形值此防剿喫緊征調紛繁兵增餽絀萬分掣肘似難責以兼顧合無仰懇

聖恩俯準將下餘兩次奉撥旗租項下未解伊犁軍餽銀五萬兩京餽銀三萬兩一併

敕部改撥別省湊解俾免貽誤除咨明戶部查照外理合恭摺具奏伏乞

皇太后

皇上聖鑒訓示謹奏

防務已鬆撤畱各軍疏

同治四年閏五月二十七日

奏爲賊蹤較遠防務已鬆臣由開州查驗礮船回駐大名擬將各軍分別撤畱以節餽糈理合由驛恭摺具陳仰祈

聖鑒事竊查連接探報髮捻各逆均已回竄皖亳相距直境較

遠現準山東撫臣閣敬銘來咨籌餽治軍扼紮兗郡藩司丁寶

楨之軍駐守濟甯提督劉銘傳一軍由濟甯南下總兵陳國瑞

一軍亦由歸德進勦河南撫臣吳昌壽先後檄飭總兵張曜各

軍滾營前進已抵亳境兩江督臣曾國藩計已進紮徐州相機

調度聲威所播足以寒賊膽而鎮人心且現值伏汛經臨大河

水勢日漲浩瀚奔騰足限賊馬況亳州爲該逆老巢盤踞滋擾

已非一載審時度勢直隸防軍久駐河干疲老於炎風酷日之中殊爲可惜兼之庫儲支絀各省協饟欠解甚多轉瞬恭辦大差藩庫籌墊尤鉅以有限之饟需糜無益之防費不能不力求撙節臣與臬司李鶴年悉心籌度應將原調官兵酌撤歸伍現有練勇酌留備防查提標宣化鎮各營地居要隘應卽先行撤歸以重邊防其自山東張秋迤西分布各軍擬卽撤回直境駐紮以便隨時合操遴派總兵余承恩統領巡防可期得力仍飭各派幹練勇丁遠出偵探豫備不虞張秋以東各軍現經咨商通商大臣崇厚酌量撤留其直境沿河一帶前已督飭該管道府率同地方牧令隨時接捕懲辦現尙安謐仍飭令會同東



境各地方官互相稽查以靖隱患前造礮船比因北方工料均  
難應手嚴飭委員設法購備現已造成長龍二隻舢板四隻  
於本月二十一日在於開州所屬大韓莊河面演試雖黃河溜  
勢挾沙不能似江湖之輕利而駕駛尙屬穩便現飭大名道范  
梁督飭委員照式添造先將漕臣吳棠派來水勇礮位安設成  
營曾國藩前撥大礮百尊業已委員馳往迎提足數應用崇厚  
亦飭通永鎮總兵陳濟清製造礮船雇募水勇均可計日成軍  
有此礮船往來梭巡益壯聲勢各營原雇民船礮勇卽可一併  
裁撤大名道防河練勇亦擬酌量汰畱以節經費臣原擬馳赴  
長垣查看兵圍祇因亟須回大酌撤兵勇布置畱防事宜兼因

感受暑溼精神稍遜大郡醫藥較便藉可上緊調攝現派候補知府段廣瀛前往查看由臣分別勸懲所有江蘇常鎮道潘鼎新統帶淮勇十營撫標親兵一營業經全數抵津已與崇厚閣敬銘會商飭由水路先赴張秋暫駐聽候曾國藩調遣仍恪遵前奉

諭旨按月與東省分撥餵需源源接濟不致缺乏吉林黑龍江馬隊頭起已馳抵省城惟據吉林帶兵官營總富慶稟報所領半係騾馬且已疲乏擬卽設法撥換驢馬以資攻勦飭令暫駐曲周威縣勤加訓練以備南路調撥抑臣竊有慮者直隸歷辦道差不能不藉資民力刻值雨澤愆期秋收難免減色加之省

南各屬疊遭兵燹元氣未復生計尤艱亟須先期督同藩臬兩  
司酌核舊章體察情形籌商妥辦且出省已逾數月地方循例  
應辦公事不無積壓擬將留防各務布置妥協暫行回省次第  
清釐其軍中一切事宜仍隨時與李鶴年等策調度以期周備  
謹將賊蹤較遠防務已鬆臣由開州查驗破船回駐大名並將  
防軍分別撤留以節餼糈各緣由由驛恭摺具陳伏乞

皇太后

皇上聖鑒訓示謹 奏

臨桂李樹森同校  
南陵胡永福

劉武慎公奏稿

劉武慎公全集十

卷之九目錄

馬步勇隊口糧車價片

籌辦畱防事宜疏

請畱長車片

旋省現探賊情疏

遵查大順廣道及沿河州縣疏

撥減山東西協餉片

黃仁遺等來直酌給薪水片

防捕馬賊疏

兜剿馬賊疏

營員摘頂片

馬賊出入添將跟剿疏

萬祿等稟報馬賊情形片

覆奏督提鎮標兵分布各口片

防禦馬賊不力文武議處疏

請飭東撫會緝回梟片

稽查州縣捕快片

請飭熱河嚴訊賊目片

請催固本軍餉疏

分別畱調張秋防營片

出省巡防邊隘疏

遵籌剿除馬賊片

髮捻分竄蘭考水陸嚴防疏

征兵支給口糧片

遵查邊隘布置防兵疏

遵查提督調兵情形疏

差竣回省疏

張廳米價仍發七成實銀疏

遵派大員巡防邊隘疏

馬隊赴豫片

遵辦畿南團練片



馬步勇隊口糧車價片

同治四年閏五月二十七日

再查前因逆匪竄逼直疆先後調募各營馬步勇隊應支口糧等銀經臣附摺奏明悉照歷屆成案辦理惟查同治二年直省勦辦張宋二逆案內招募練勇經臣仿照楚營舊制以五百人爲一營營分四哨編列隊伍以資得力其口糧等銀亦卽參酌向章因地制宜少加核減並以長夫改用車輛綜計每營官勇月支薪水公費口糧並拉運軍裝車價共實銀二千七百六十二兩三錢又巡防馬勇內帶隊官弁照例按品支給糧乾其隊長馬勇字識馬夫糧乾工食復經分別酌減支給實銀均飭遵照按月支領在案此次防務緊要迥異尋常添集壯勇分駐

直東河干晝夜巡防艱苦倍著自應按照上屆酌減楚軍章程  
支給薪水口糧車價俾免缺乏而便轉運謹將酌減楚軍章程  
開具清單恭呈

御覽合無仰懇

天恩俯準照章支給以示體恤茲據軍需總局會同營務處糧  
臺具詳前來除咨部並飭造勇丁花名清冊隨時咨送備查外  
理合附片陳明伏乞

聖鑒訓示謹 奏

籌辦留防事宜疏

同治四年六月初九日

奏爲恭報遵旨回省日期並籌辦留防事宜恭摺具陳仰祈  
聖鑒事竊臣於閏五月二十七日將賊蹤較遠防務已鬆查驗  
礮船事竣回駐大名擬將防軍分別撤留以節饟需各緣由

奏奉

諭旨欽遵在案連日督同臬司李鶴年悉心籌度查大名鎮道  
兵勇在防日久疲老堪虞現將該鎮標兵酌撤五百名仍飭更  
番換防以息兵力該道練勇汰弱留強酌存馬兵六百餘名仍  
分駐開長一帶聯絡鄉團藉資彈壓並飭隨時密派兵勇於水  
套地方認真巡緝接捕伏莽以絕亂萌總兵余承恩新募勇丁

正惟公全集卷之九  
一千名臣親加簡閱均甚整齊應卽與候補副將崔福泰廣平府知府楊毓枏棗強縣知縣李秉衡所部各勇均歸該鎮統領分布各要隘勤加訓練以備不虞正定鎮游擊古禮治管帶標兵五百名前經臣逐加校閱年力精壯操防認真且距標較近風土相宜應仍留防所察看歷時久暫再行更調記名提督李榮發等委帶直字中軍千人現隨臬司李鶴年暫駐大名並留游擊唐有章吳永教張得祿各部馬勇往來游巡藉壯聲勢其省標官兵一千名應卽全數調回將省城新募勇丁分別遣撤以節經費新設水師礮船昨據大名道范梁具稟加工趕造本月中旬計可一律竣事查黃河水性湍悍下駛易而上泝難勢

不能如長江水師之操縱自如祇可分布河干與陸營表裏以資巡警而備捍禦茲接兩江督臣曾國藩來函亦以黃河溜勢與江湖水性不同礮船一項但求處湍流而不壞震大礮而不裂雖不如長江戰船之靈活而已足禦南岸之賊並可濟北岸之師等語與臣所見相同擬卽安設西路水師左右兩營每營配用長龍五隻舢板五隻快划四隻飭將漕臣吳棠派來游擊龔文林管帶清淮水勇二百名分爲五哨添募頭舵各工作爲水師左營並派守備袁多如選募沿河水勇二百名配齊頭舵各工作爲水師右營分設大小礮位往來梭巡並飭於大溜之中隨時練習務臻馴熟其東路防軍前經咨商通商大臣崇厚

分別撤留仍以署通永鎮總兵陳濟清統領以候補道劉策先副之計東西兩路水陸馬步各軍尙有萬人均卽飭歸臬司李鶴年督率調遣以一事權其月需軍饟爲數猶鉅業經商屬藩司唐訓方設法籌解仍由營派委大員綜理查候補道蔣春元廉明精細前經委辦隨營支應措置均能裕如應卽飭令妥爲經理該道曾在軍營辦事曉暢兵機並卽飭令幫同李鶴年將防軍事宜籌商規畫以資得力臣拜摺後卽於初十日起程回省所有恭報回省日期並籌辦留防事宜理合恭摺具陳伏乞

皇太后

皇上聖鑒謹 奏

請留長車片

同治四年六月初九日

再查此次調防各營官弁兵勇所需運送軍裝軍火糧餉車輛前因賊蹤飄忽防剿莫定而原駐之威縣本係偏隅加之鄰境山東驛路被賊竄擾商賈不前車戶遠避設有緊急無車可覓關繫匪輕當經派委員弁分赴各處雇得四套長車二百輛以備應用嗣因逆匪竄及水套防務緊急調撥各營分赴黃河北岸不分畛域嚴密防守因有此項長車得以輪流供送迅速抵防遏賊北渡現在防務雖覺稍鬆而賊匪狡猾異常趨向靡定自應仍留車輛以應急需惟此項車價係分赴遠處雇覓加之銀價減落物價增昂車戶苦累情形例價萬難敷用溯查咸豐

四年順天供送兵差案內每四套長車一輛每日給行價制錢二千文住價制錢一千文咸豐十年駐京海防糧臺雇備長車亦經援照此案行住價值給發先後奏明奉

旨允準在案茲查核例案體察情形所有此次雇備長車價值應請援照順天供運兵差並駐京海防糧臺雇備長車成案價值每車一輛日給行價制錢二千文住價制錢一千文給領俾敷餽養而免苦累等情由軍需局司道會同辦理行營支應候補道蔣春元詳請具 奏前來 臣查直東一帶駐兵地方或係偏僻之區或係賊擾之處商民遠避雇車爲難自係實在情形刻下防務雖已較鬆但賊匪飄忽靡定設有緩急各路官軍回



時進攻所需裝載軍裝軍火等項車輛事所必須若不早爲籌備必致臨時貽誤合無仰懇

天恩準將行營原雇長車留於軍前供用仍隨時察看防務緩急情形分別撤留所需車價並請援照歷屆準銷成案辦理除分咨戶兵等部查照並俟事竣核明行坐各價造冊報銷外理合附片陳明伏乞

聖鑒訓示謹 奏



旋省現探賊情疏

同治四年六月二十日

奏爲恭報旋抵省城日期並現探賊情恭摺具陳仰祈

聖鑒事竊

臣於本月初九日在大名營次會將起程日期並籌

布留防情形

奏奉

諭旨<sub>在案</sub>臣拜摺後於初十日起程經過沿途地方均已先後  
得雨梁黍秀實可卜有秋民情極爲安帖十八日行抵省垣查  
看東西南三面經藩司唐訓方會督省中道府廳縣添設護城  
牆濠益嚴守禦更壯觀瞻均可藉紓

宸廑至留防各軍布置既定現有臬司李鶴年在防足資督率  
緩急之間必能相機調度不致稍有疏虞臣仍當隨時與爲商

推總期有備無患以仰副

朝廷慎重畿疆至意頃據探報雉河圍解賊分兩路由歸陳向西南逃竄並有欲趨鞏洛之語李鶴年來稟以賊蹤靡定已諄飭直豫界上在防兵勇加意巡防並添委員弁分帶馬勇赴歸陳前路確探賊蹤隨時馳報臣亦函屬該司多撥馬隊於直豫沿河一帶更番會哨以聯聲勢並卽督飭新設礮船分泊河口一面操習一面巡查此時水陸馬步兵勇連屬河干軍威頗壯而大汛方至河流浩瀚與四五月內情形又自不同兩江督臣曾國藩派出大隊與豫省現有防兵前截後追該逆雖慣於奔突計惟有逸入西南山陬藉延喘息亦斷不敢再萌北渡之念

矣所有由營旋省日期並現探賊情各緣由理合恭摺具奏  
伊乞

皇太后

皇上聖鑒訓示再奉調黑龍江馬隊均經副都統安住管帶到  
省現在分起就道前赴曲周威縣駐紮操防察看該兵丁尙屬  
精壯惟吉林隊內器械尙多不全所乘半屬牝馬且甚疲乏現  
設法籌備更換俾資操防以期得力合併聲明謹奏



遵查大順廣道及沿河州縣疏

同治四年七月初一日

奏爲遵 旨查明大順廣道及沿河州縣尙堪勝任仍酌保賢能以備 簡用並慎選牧令以重地方各緣由恭摺覆陳仰祈 聖鑒事竊准兵部遞到同治四年五月十六日內閣奉

上諭從來除暴安良全在地方官實心經理庶能防患未萌著劉長佑查明現任大順廣道於吏治軍務辦理能否勝任如不得力卽著另揀賢能之員酌量保奏候旨簡用督同各該府州縣大加整頓保衛地方至附近河套州縣地方較爲難治必須得人而理著劉長佑於通省牧令中遴選材能幹濟者或調補或委署沿河各缺責令實心任事等因欽此欽奉之下仰見

皇太后

皇上廑念畿輔慎簡賢能至意臣身膺疆寄舉用人才是其急務敢不認真考察整頓吏治保衛地方且大順廣等府遠在省南近連山左向爲教捻各匪出沒之區禁戢撫綏均關緊要誠如聖諭全在地方官實心經理庶能消患未萌伏查現任大順廣道范梁官直有年歷著循聲由保定府知府升補通永道調補大順廣道平日留心吏治於綏境安民諸事頗能認真惟軍務本非所長前此督帶練勇駐紮開州防堵尙無貽誤措置究未裕如其應否量移之處出自



聖裁臣仍遵保堪勝斯任者數員另單恭呈

御覽以備

簡用至附近河套各州縣地方素稱難治該各牧令視為畏途  
 意存規避或亦在所不免第查現任開州知州楊詠春署長垣  
 縣知縣王蘭廣署東阿縣知縣張連瑞平時修埵恤災此次督  
 團禦賊均能不遺餘力頗得民心尙非庸懦備數之員臣仍與  
 藩臬兩司留心察看嚴切責成並一面於通省中遴選材能幹  
 濟者酌量調補委署各缺如能始終不懈有裨地方遵當奏請  
 恩施用昭激勸斷不敢因循遷就致有貽誤上煩

聖塵所有遵查大順廣道及沿河州縣各員缺並酌保賢能慎

選牧令各緣由理合恭摺 奏伏乞

皇太后

皇上聖鑒訓示謹 奏

撥減山東西協餼片

同治四年七月初一日

再據總局司道具詳直省本缺額之區年例

陵工營饗等項籌撥已形竭蹙以致遞年積欠今春省南辦防兵勇雲集月需饗項雖經設法豫籌按月解支無誤而悉索應付早已羅掘一空每月應協都興阿營饗銀雖已奏準暫行緩解第前安徽巡撫翁同書所帶直省官軍待饗孔殷催提甚緊不能不酌量解濟轉瞬又應恭辦

奉安大差修墊橋道一切事宜在在需費繁鉅更不能不先事籌備茲查直東交界東西兩路奏明留防各起兵勇並水師馬隊統計尙有一萬餘名加以製造礮船工料等項每月需費

尚屬不貲管帶淮勇之常鎮道潘鼎新一軍月需餼項奉文亦令直隸接濟但使有法可籌均屬義無可諉無奈左支右絀實苦應接不遑再四圖維殊深焦灼因思通商大臣前經奏請山東山西兩省每月協濟直隸軍餼銀各三萬兩業奉

諭旨允準飭撥且迭奉

寄諭直隸酌留官軍月需餼項令由直東兩省會商接濟

聖恩體卹周至自應一體欽遵今江蘇常鎮道潘鼎新所帶淮勇駐紮濟甯係在東省地面其月需直隸應解餼銀可否咨請山東省卽就應解直隸前項協餼銀內就近劃撥抵解潘鼎新營查收支放以期兩便下餘銀兩現在東省添調防兵甚多餼

需亦關緊要應請暫緩協解俾資周轉山西向本富饒近稱完  
善庫藏情形自與東省不同第內而部撥外而協濟挹注當亦  
非易易現在直東留防兵勇雖尙不少而通籌全局究較通商  
大臣奏請協撥時用款不無差別現在東省旣擬稍減晉省亦  
宜量爲通融用昭平允而全鄰誼擬將原奏山西省月撥銀三  
萬兩暫先停解一萬兩請自本年五月十三日奉

旨允準協撥之日起每月卽按二萬兩之數迅速委解來直切  
勿稍有短絀致誤軍糈應請一併 奏請

諭旨分飭遵辦等情前來 臣覆查無異合無仰懇

聖恩俯賜諭飭山東省將直省應協潘鼎新一半軍餉改歸東

聖訓卷之三十一  
省就近應付卽在應解直隸協饒三萬兩內劃撥抵除以期兩  
便下餘銀兩暫緩協解至山西省每月協直饒銀三萬兩暫先  
停解一萬兩其餘二萬兩應請

旨飭下山西省自本年五月十三日起按月如數源源籌解以  
供防饑毋稍延缺謹附片陳明伏乞

聖鑒訓示謹 奏

黃仁遺等來直酌給薪水片

同治四年七月二十日

再臣於五月內在大名軍營因防勦喫重請調湖南候選道員楊澍陳鳴志各帶得力將弁來直聽候差委欽奉

諭旨飭遵在案嗣據臣舊部記名提督黃仁遺林志金總兵劉榮合何明立及副將歐陽繼盛江忠倬等由河南南陽府遞稟前來該將等於上年由江西浙江廣西撤營回籍至今年閏五月間知直省奏調將弁均願及時報效比因楊澍陳鳴志尙未定期起程適臣長子思詢北來省視行抵長沙該將等各帶得力弁勇十數人先後踵至彼時臣子尙未悉直省緩急因其報效情殷且係隨征多年得力將官未便力阻遂爲措備路費稟

由湖南撫臣發給護牌取道河南前進臣以該將等既入豫境未便遽令折回隨經函商臬司李鶴年候補道蔣春元俟該將等到營設法安置去後昨據李鶴年蔣春元以該將等及各弁勇業經到營查明記名提督三員總兵三員副將十八員現擬均由糧臺酌給薪水以備差遣參將游擊十五員都司守備三十三員千把總一百八十弁現擬分兩哨添入直字中軍作為奮勇前隊照給口糧請另派員管帶等因會稟前來臣查該各將弁聞風遠來不知直隸防務已鬆未免涉於冒昧第念其忠勇奮發出於愚忱而查詢沿途行走亦甚安靜現值髮捻各匪輾轉豫境防軍未撤緩急需人臣疊次請



旨飭催直隸實缺鎮將速回本任並請各省保送凱撤得力將  
弁來直差委迄今仍屬寥寥該將弁等均係久歷行陣似可暫  
予留營令與直軍協力操防以收指臂而備揀用除各弁勇業  
經編入營伍俟撤防時再行酌量妥爲遣歸外其提鎮副參人  
員擬懇

天恩俯準一併留於軍營聽候差委

臣仍遵前奉

諭旨悉心察看堪否補用隨時奏明分別辦理斷不敢瞻顧情  
面稍事遷就所有臣舊部將弁來直投效現在留營各情由理  
合附片陳明伏乞

聖鑒訓示謹 奏



防捕馬賊疏

同治四年七月三十日

奏爲飭屬防捕騎馬賊匪情形恭摺仰祈

聖鑒事竊本月二十七日準山海關副都統長善咨會喜峯口  
防守尉錫昌呈報七月十九日辰刻突有騎馬賊匪一百餘人  
執持火槍刀械闖關而入又據查邊防禦吉忠阿等報稱十九  
日巳刻有馬賊百餘人奔入孩兒嶺當時派兵追擊卽已遠颺  
同日並據三屯營游擊萬祿稟報馬賊二百餘人持械在灤陽  
三岔口一帶遊駛於二十日卯刻率兵開槍迎擊將賊衝散現  
向西南竄逸等情臣查該騎馬匪膽敢結夥持械闖關直入近  
京地方肆行滋擾實屬愍不畏法各路員弁果能實力迎防何

致任賊紛竄當經飛札灤州臨榆遷安及永平承德等各府州縣暨照札通永鎮及山永河屯等各協副將一體多派弁兵勇丁實力勦捕趕緊兜拏並飭將現竄情形稟報查核頃又準軍機大臣字寄同治四年七月二十七日奉

上諭萬青藜卞寶第奏馬賊聚眾入口請通飭嚴拏文謙奏馬賊竄薊籌辦勦捕並擬派兵丁梭巡大道各摺片覽奏殊堪駭異著劉長佑嚴飭通永鎮督兵會勦等因欽此伏查該賊匪於十九日闖突進關二十等日卽至遵化薊州一帶奔竄勢甚飄忽誠恐暗地勾結分股肆擾而內地亦難免無窩留通氣之人亟應趕緊設法勦捕跟蹤追拏復經嚴飭通永鎮親督弁兵會

同文謙等派出之兵合力擒捕另派兵丁數十名自通州起至薊州大道一帶聯絡巡緝以遏賊氛並分別咨飭署直隸提臣徐廷楷及各文武員弁等力行保甲激勵民團選派兵役合力兜剿誠恐該匪等竄入東西兩路大道肆行搶掠前經派弁帶勇查緝後因省南軍務喫緊調赴防所現已照舊調回仍令在東路一帶會同各州縣實力巡防茲復派涿州營參將田慶和督帶前次所練馬勇回駐涿州於西路一帶晝夜巡邏遇有馬賊卽令奮力剿擊一面飛飭各屬確查馬賊究有幾股頭目何人係由何路竄入何地窩藏飛稟核辦並嚴飭守口各員弁嚴防關隘實力堵拏不準再任逃竄如查有縱令出口及怯懦不

聖訓 卷之五

三

力之員卽當從嚴參辦所有防捕情形理合恭摺具奏伏乞

皇太后

皇上聖鑒謹奏

夫爲  
隘以  
聖鑒  
飭通  
兜拏  
喜峯  
旨分  
之旗  
熱河

出沒靡常肆行滋擾已非一日然以前皆係結夥數人或十餘人乘閒偷越邊牆伺隙搶掠一經兵役追捕卽復竄逸向未有聚至數百人明目張膽闖突關隘橫行無忌有如此次之甚者必須實力勦辦以破賊膽而靖地方臣已咨署提臣徐廷楷並飭通永鎮在於抽練兵內各選派馬步兵三百餘名遴委得力將弁管帶卽於所轄汛地就近會勦一面飭天津鎮陳濟清於副將劉祺劉景芳二員內派委一員管帶現駐東路之馬勇二百名並派涿州營參將田慶和管帶西路馬勇一百五十名回駐永清東安地面聽候調遣先於臣標抽練兵內調馬隊二百名派署後營游擊陳啟棟守備郝靜管帶星夜馳赴永東遵勦



一帶探明總理神機營事務工部尙書臣文祥所帶京兵進止  
相機隨同剿捕仍飭各州縣會合各路官兵四面圍剿以期及  
早殲滅惟頃接文祥咨會賊進寒山口似欲出小喜峯口北竄  
復飛飭三屯營游擊及各該處文武嚴行堵截倘有窩藏之家  
亦卽趕緊搜捕又準山海關副都統長善來咨以委弁探聞口  
外哈達一帶馬賊尙多行蹤無定等語伏查直隸東北邊牆自  
山海關至古北口一帶綿亘七八百里大小關隘不下四五十  
處且坍塌之處甚多內設旗綠二營防守者僅止三四處綠營  
派弁駐守者亦不過十分之二三其餘各口皆係各營汛派兵  
稽查鞭長莫及防察難周臣於上年曾經派員周歷查看嚴檄

地方文武認真守禦並奏請

敕下熱河山海關密雲等處都統轉飭所屬官兵一體協同巡查現在該馬賊既敢恣意闖突尤當加意防守轉瞬恭辦

山陵大差 蹕路所經倍宜嚴肅卽如此股馬賊已經撲滅而各處邊牆缺口旣多處處可通難保不復生窺伺擬將先後派出之督提兩標及通永鎮馬步官兵卽在各邊隘常川會哨協同守口員弁嚴密防範一有賊蹤無論曾否進口卽行奮力追勦仍俟

大差完竣再行酌量留撤至 臣督辦橋道向有應派站道圍燈看道馬步緝捕等項官兵此次 臣出省時擬於常例派兵之外

再調南路馬步兵勇數百名以資巡防而期周密惟熱河八溝哈達等一帶地方既有馬賊出沒值此內地秋禾登場道路空闊過往行旅差使絡繹不絕巡防緝捕均關緊要相應請

旨敕下熱河山海關密雲各都統督飭員弁不分畛域實力勦捕認真堵禦以戢姦宄而清邊境是否有當理合恭摺具奏  
伏乞

皇太后

皇上聖鑒訓示謹 奏

五言古詩卷之三

七

營員摘頂片

同治四年八月初四日

再現據署東路同知鄧錫恩稟報此次騎馬賊匪約有一百七八十名賊目係楊五巴於七月十九日由喜峯口恃眾揪毆兵丁闖突入關並據該營等先後呈報前來臣查該營弁等雖因賊眾兵單猝不及防致被闖入究屬堵禦不力咎無可辭相應請

旨將署喜峯路都司松恩把總孟德摘去頂戴仍與三屯營游擊萬祿先行一併交部議處責令趕緊會同各路員弁實力追緝務將此股馬賊悉數殲擒以靖地方並飭將各關口嚴密巡防倘再玩忽或任令該匪等出口逃竄定行從嚴參辦除再飭

查如有堵遏不力及疏防搶掠之員并另行核參外理合會同

署提

臣

徐廷楷附片陳明伏乞

聖鑒訓示謹 奏

馬賊出入添將跟剿疏

同治四年八月初六日

奏爲馬賊任意出沒現在添調將弁跟蹤會剿恭摺 奏祈

聖鑒事竊 臣前將派調官兵剿辦馬賊情形兩次奏報在案茲

又迭奉

寄諭賊眾奔出鐵門關官兵追擊該匪傷亡十數人現已遠竄  
又賊目丁起瀧張從禮在於八溝地方邀集數百人結黨嘯聚  
著卽遴選能帶馬隊之戰將數員挑派得力馬步隊數百名馳  
往會同熱河兵弁痛加剿洗無稍懈怠等因欽此伏查此次馬  
賊麇聚闖突關隘雖有各路兵勇先後追擊尙未大加懲創誠  
如

聖諭難保不去而復來且八溝一帶尙有馬賊數百人聚散無  
定尤應痛加勦洗以絕根株但口外地方遼闊而邊牆關口又  
多必須防勦兼施方足以制竄突而靖地方臣查八溝一帶距  
古北口較近該處綠營均歸提標統轄現已飛咨署提臣徐廷  
楷添調本標抽練馬步兵二百名合前調之三百五十名卽交  
該標中軍參將趙喜義管帶該參將新從河南軍營回任係久  
經戰陣之員該標兵於口外情形亦較爲熟悉再由提臣加派  
勇敢將弁數員令其星馳出口前赴八溝一帶會同熱河弁兵  
奮力勦擊務將該匪等悉數殲除勿留餘孽並恐被勦紛竄復  
咨會熱河都統督飭旗營及河屯協副將並八溝建昌赤峯朝



陽唐三等各營將弁合力堵截四面兜擒至於邊牆一帶仍飭前派各標兵弁及東西兩路馬勇會同地方文武實力巡防嚴密堵禦臣俟臬司李鶴年回省擬卽酌帶南路馬步隊數百名定期出省先行馳赴永東遵薊一帶查看邊隘相機督飭堵剿一俟布置周密再行折回查勘橋道恭候

啟鑿斷不敢稍涉輕忽自蹈愆尤至山海關副都統長善原奏綠營汛地大半空虛閱操臨期僱募充數事畢卽行分散一節除俟確切查明再行據實具陳外所有現在辦理情形理合恭摺覆奏伏乞

皇太后

皇正慎公台集卷九  
皇上聖鑒訓示謹奏

萬祿等稟報馬賊情形片

同治四年八月初六日

再前據三屯營游擊萬祿稟報七月十九日亥刻聞有馬賊多人在灤陽三岔口一帶遊駛親督弁兵分路堵截二十日卯刻賊由塔子溝竄至燈糕店當卽率兵開槍迎擊因賊眾兵單將該游擊圍困經守備范維屏會同巡檢裘文韶等率領兵勇趕至夾擊將賊衝散地面並無疏失又據寶坻縣知縣章燦稟報二十二日探有馬賊百數十人竄入卽會同都司貴勝等督兵集團在城東南石橋村堵截賊正攔搶過客騾馱當率兵勇奮力迎擊打傷賊匪二十餘人槍斃一人並奪獲器械十餘件該員因追擊力猛衝入賊內把總劉永勝亦被槍傷適各民團並

駐防官兵一齊趕至內外夾攻該匪始往東南逃竄次日巳刻  
追至城南大窪地方分隊攻擊傷賊多人生擒一賊該匪往北  
而逸查點陣亡兵丁一名受傷者十一名將擒獲馬賊白永才  
研訊據供係朝陽縣回民賊首張三張玉夥眾一百七十八人  
進口等語又據署遵化州知州恭鈞稟報二十日申刻探有馬  
賊竄入州境煙遠店等處卽會營調集兵勇馳往堵擊賊匪聞  
風潛逃未敢久停並無搶掠滋擾因值交卸當卽趕回料理現  
已知會接任知州瑞慶嚴加防緝等情前來茲奉

上諭據長善奏馬賊入口後三屯營游擊萬祿出城迎擊眾寡  
不敵被執至遵化州屬之燈糕店經該處開店回民楊三巴等

說合始行釋放並有逼劫寶坻縣幫銀二千兩之事又有人奏  
賊擾遵化署知州恭鈞並不帶役堵禦轉給與酒食大張筵席  
任其飽颺而去等語著查明參奏等因欽此臣查原參各情覈  
與萬祿章燦先後所報勦賊被圍登時擊退以及恭鈞所稱當  
時追擊賊未停留情形均不相符是否該員等意存諱匿現已  
札飭通永道英良就近確切訪查如果該員弁等實有畏怯被  
執幫銀供給情事卽當據實參辦至萬祿與喜峯路都司松恩  
等前因被賊闖突入關業經 奏請分別摘頂議處今賊由鐵  
門關逃逸應俟查明何弁駐守並長善奏陳附近鐵門關等口  
亦有數十人百餘人紛紛竄入一節一併確查實情同不能堵

聖正德公全集

卷九

三

禦之員弁再行分別嚴參理合先行附片陳明伏乞

聖鑒謹 奏

覆奏督提鎮標兵分布各口片

同治四年八月初六日

再頃又承準軍機大臣字寄同治四年八月初五日奉

上諭麒麟慶奏查明馬賊入口現辦情形一摺馬賊由喜峯口竄入嗣經官兵迎擊復由鐵門關逸出搶掠關門槍礮來去自如肆無顧忌著迅遵前旨添派官兵將邊牆一帶各關口如遵化之鮎魚池冷水嶺山查峪沙寶峪馬頭峪羅文峪遷安之喜峯口鐵門關等處以及不甚著名歧出邊口擇要堵扼嚴加備豫等因欽此伏查東北邊牆遵化境內自馬蘭關起如鮎魚關即鮎魚池大安口冷背口即冷水嶺沙坡峪即沙寶峪山寨峪即山查峪羅文峪甘家峪秋水峪蔡家峪馬唬峪即馬頭峪洪山

口至遷安界共十二處內惟馬蘭關係總兵駐紮羅文峪有旗  
緣二營防守鮎魚關洪山口亦各專設營汛其餘皆係附近各  
營派兵巡察又遷安境內如龍井關柞子庵潘家口小喜峯口  
喜峯口鐵門關董家口青山口榆木嶺大嶺寨城子嶺擦崖子  
口白洋峪冷口河流口徐流口劉家口桃林口至廬龍界共十  
八處內惟喜峯口冷口駐紮旗緣二營龍井關潘家口青山口  
榆木嶺擦崖子口桃林口設立緣營汛并其餘亦係各營撥兵  
防查此次馬賊既在熱河哈達八溝一帶雖已調派官兵會同  
勦捕但遵遷二屬邊牆關口至三十處之多雖內有僅容樵採  
不通車馬之處然縣亘數百里額設汛兵散處則愈形單薄合



處則兼顧甚難惟有將此次派出督提並通永鎮三標兵弁分  
布遵遷二屬於各要口駐紮會哨巡邏互相策應嚴加扼守並  
將坍塌之處分別設法堵禦以期防範周密不致再被竄越仍  
由臣於查勘橋道之先前往察看相機布置除飛飭各帶兵員  
弁一體懷遵並飭查此次賊由鐵門關逸出搶去槍礮實在情  
形另行奏參外合再附片陳明伏乞

聖鑒謹 奏

Table with 10 columns and 1 row. The text in the columns is illegible due to the high contrast of the scan.

--	--	--	--	--	--	--	--	--	--

防禦馬賊不力文武議處疏

同治四年八月十九日

奏爲馬賊竄擾防禦不力之地方文武各員請

旨交部議處恭摺仰祈

聖鑒事竊此次馬賊一百數十人係七月十九日由喜峯口闖進關門至遷安縣屬之刀馬棧二十日至遵化州屬之煙園店二十一日至玉田縣屬之枯樹店二十二二十三等日竄入寶坻縣境內二十四二十五等日至薊州邦均鎮之陳家店及別山鎮並玉田縣之采亭橋折赴燕山口二十六日經過遵化州屬之南家莊炸糕店二十七日至遷安縣之灤陽地方二十八日折回三岔口由鐵門關逃竄經喜峯路都司松恩把總孟德

會同旗營帶兵出關追至十餘里之桃  
數名把總孟德骸受槍傷兵丁亦受傷  
窮追所有經過之地方文武不能實力  
亦未能督率嚴防均難辭咎至玉田縣  
鋪戶薊州亦查有搶擄及殺死村民之  
緝獲馬賊紀盛汶一名訊出首夥賊匪  
捕尙知媿奮應與雖未失事究屬防範  
處相應請

旨將永平府知府延福署東路同知鄧  
錦前署遵化州知州恭鈞調署玉田縣

吳夢曾寶坻縣知縣章燦署遵化營游擊恩隆玉田營都司文恆署薊州營都司李仲良署寶坻營都司貴勝一併先行交部議處周培錦一員於馬賊竄進喜峯口及出鐵門關未能先事備防會合旗綠各營聯絡鄉團實力堵禦又不飛速馳稟知會各處嚴行遏截尤屬玩泄業已撤任調省另行查辦並飭司委員接署現調遵化州知州瑞慶雖甫經蒞任惟賊匪竄回經過州境亦請

敕部照例議處恭鈞被參給賊酒食一節據通永道英良稟覆提訊紀盛汶據供並無其事章燦被參幫給銀兩一節及三屯營游擊萬祿有無畏怯被執情事現飭英良訊取紀盛汶確供

並飭再行分別密訪如果實有其事另行從嚴參辦至喜峯路  
都司松恩把總孟德前因未能防禦業已 奏請摘頂議處今  
馬賊復由該營所轄地面竄出雖已帶兵追擊並報受傷究屬  
不能堵扼應請再行交部議處以示懲儆仍嚴飭該文武員弁  
振刷精神督率兵勇激勵民團實力巡防認真緝捕倘再泄視  
仍有疏虞定卽從重參辦除飭取武職專汛各職名另行咨部  
查議外謹會同兼管順天府府尹臣萬青藜順天府府尹臣卞  
寶第合詞恭摺具 奏伏乞

皇太后

皇上聖鑒訓示謹 奏

請飭東撫會緝回梟片

同治四年八月十九日

再查鹽梟皆海濱無賴平日亡命橫行本無忌憚一旦烏合滋事自更張狂若不及早殲除一任猖獗其膽愈大其勢愈張恐遂不易收拾山東海豐縣回回營與鹽山縣之崔家莊接壤其回民向以販私爲業每在天津屬之滄南鹽慶等州縣河閒屬之吳橋東光等縣集鎮結夥灑賣且與滄州鹽山灘坨鄰近遇便聚眾扒搶商巡緝拏嚴緊往往結仇逞忿輒將商巡殺傷在商人以爲拒捕該匪等以爲報復動致戕傷多命實屬愍不畏法屢經前督<sub>臣</sub>咨會山東撫<sub>臣</sub>會拏該匪等一聞大兵將到亦卽遠逃避匿總未大受懲創兇燄迄今未熄前據運司轉據商

人晉源昌稟報本年閏五月閒山東回梟馮汝懷等糾眾搶灘商巡羣往緝拏匪卽持械抗拒殺斃巡役李奎升等二名拒傷李沅和等十餘名飭據鹽山縣稟報勘驗屬實卽經批飭運司移會天津鎮道飛飭地方文武並咨山東撫臣飭屬一體會拏在案茲運司委員候補知縣馬淮不候兩省兵役輒自帶勇往拏又被拒傷多名先後稟詳前來除再分別批札照會轉飭營縣協拏並咨會山東撫臣嚴飭海豐等屬上緊緝拏外查海豐地面與津標之甄河四黨口營汛接連然均不相近且汛兵僅數十名亦不齊事若酌撥鎮標官兵仍須另籌口糧因思東路留防兵勇現本無事且與鹽滄等屬均不甚遠擬卽飭令挑選



精銳兵勇三百名揀派明幹將弁管帶前往鹽滄一帶巡緝如遇大股梟匪卽令悉數擒拏送官究辦該匪等倘敢恃眾拒捕

在予格殺勿論應請

飭令山東撫臣作速嚴飭營縣多派兵役一體會緝勿任此拏彼竄以消亂萌而肅畿政理合附片陳明伏乞

聖鑒訓示謹 奏



稽查州縣捕快片

同治四年八月十九日

再各州縣捕快一項原爲巡緝盜賊而設平時宵小竊發卽責成該役等各處躡緝緣賊匪之出沒窩家之蹤迹斷難掩捕役之耳目然若輩惟利是圖地方官駕馭無方莫不陽奉陰違與賊通氣得規包庇並與地匪土棍狼狽爲姦窩留結黨無所不至甚有畏本官之追比縱使擾害鄰封坐地分贓置身無事而該本官亦因境內並未失事置而不問姑息養姦最爲惡習且近來各州縣無事則粉飾敷衍爲鎮靜有事則張皇取巧爲勤能不知禍常發於隱微變每生於不測自古弭患之法與其決策於臨時總不如豫防於先事也臣曾經通飭各州縣講求捕

聖訓 卷之五  
務竭力整頓禁捕役之象盜察地棍之窩姦隨在留心認真查辦並許紳民密稟舉發以免養癰貽患寬其以前失察之咎治以日後徇隱之罪現在口外馬賊橫行各該州縣於約束捕役嚴定賞罰尤爲目前切要之務除再嚴飭各州縣一體遵照外可否

勅下 盛京將軍熱河都統飭屬一律稽查認真防察使賊匪無包庇之人而州縣收指臂之助似於整頓緝捕之道不無裨益是否有當伏乞

聖鑒謹 奏

請飭熱河嚴訊

再現奉

寄諭玉田縣所獲騎  
名均有籍貫住址按  
委員嚴密緝拏等因  
名玉田縣四名香河  
二名已飛札該管府  
速掩捕如果實已潛  
供出哈達回民丁起  
役並因緝捕得力賞

所稱恐不爲無因此次賊目黃洛幅等敢於結夥猖獗難保不  
恃丁起雲等爲之護庇相應請

旨密飭熱河都統速提丁起雲等嚴訊追究盡法懲辦或責令  
將供出各犯悉數捕獲如再延縱卽治以通賊之罪庶可漸戢  
匪黨不致句結爲害是否有當理合附片陳明伏乞

聖鑒謹 奏

請催固本軍餉疏

同治四年八月十九日

奏爲畿疆操防緊要饒需支絀請

旨飭催各省將欠解直隸固本軍餉趕緊源源籌解以濟要需

恭摺 奏祈

聖鑒事

竊臣

前因遵籌全局擬請練兵募勇所需固本軍餉議

由廣東等省指撥協濟奏奉

諭旨允準嗣因報解寥寥迭經

臣

奏咨並奉

寄諭飭催無如各省積欠甚多籌解稀少現在各營兵丁先後  
加抽分飭訓練所需饒乾賞項及製備器械馬匹在在尙須議  
增而直省自春閒設防以來司庫早經告匱辰下東西兩路留

防兵勇尙近萬人加以淮勇協餉及添設水師製造礮船一切工料每月需用不貲直隸本係缺額之區下忙糧銀徵解需時實屬無可籌撥萬一缺乏譁潰堪虞查各省應解固本軍餉銀兩計自同治二年十月奉

旨準協撥起至本年六月止積欠已至數十餘萬兩但使稍可自給決不敢瑣瀆

聖聽無如出多人少實難周轉惟望前項協餉以資挹注茲據總局司道查明詳請 奏咨前來除山東山西兩省隨時撥定安翁同書軍餉欠數無多四川甫經撥解均應緩催湖北河南兩省前經 臣 奏請將欠項撥作僧格林沁軍營餉需曾否



解交應俟咨查覈辦其餘各省已開單分咨催解外相應請  
旨飭下廣東江蘇江西湖南福建各督撫查照咨催單開欠數  
嚴督藩司迅速如數籌撥分批委解來直俾濟急需理合恭摺  
具奏伏乞

皇太后

皇上聖鑒訓示謹奏



分別留調張秋防營片

同治四年八月十九日

再現駐南路張秋鎮防軍係署通永鎮陳濟清統帶茲查山東  
濟甯州已有江蘇道員潘鼎新淮勇一軍駐紮山東撫臣亦統  
率重兵在兗州府防堵張秋爲黃運合流之處新設水師礮船  
練習成軍足資扼守該鎮所統陸路馬隊共二百名業經調回  
其步勇三營共一千五百名現擬遣撤一營以節餼需仍留一  
營駐紮張秋鎮與該處水師均交道員劉策先統帶以重河防  
目下直東交界景德一帶鹽梟馬賊出沒無常兼奉  
諭旨嚴查教匪擬調回一營駐紮景州於直東界上巡查彈壓  
如南路有警仍可就近兼顧陳濟清已蒙

簡放天津鎮總兵暫緩赴任現在通永鎮係委遊擊阿洪阿暫  
時護理當此邊關防捕緊要必須督率得人庶免疏誤應否飭  
陳濟清暫回通永鎮署任抑另遴員奏請署理之處理合附片  
陳明伏候

訓示臣當咨會三口通商大臣崇厚分別辦理伏乞

聖鑒謹 奏

出省巡防邊隘疏

同治四年八月十九日

奏爲遵

旨先期出省巡防邊隘恭摺仰祈

聖鑒事竊此次騎馬賊聚至一二百人由喜峯口闖關突入內地滋擾雖已逸出未受懲創誠恐去而復來且查遷安遵化邊牆關口既多而與熱河平泉一帶壤地相接到處可通兼聞八溝哈達等處馬賊百十成羣四出剽掠已非一日若不趕早勦除並嚴考覈之規速定防捕之法恐成燎原之勢轉爲心腹之憂臣自顧才庸仰荷

天恩畀以畿疆重任凡於分內應辦之事以及心力能到之處

敢不殫竭愚誠亟圖整頓直隸邊牆自山海關起至山  
界止綿亘千餘里關口百數十處原設山海關密雲密  
處都統以綜攝之並設喜峯口冷口羅文峪古北口平  
石口六處駐防以維制之又於古北口駐紮綠營提督  
弁與各旗營互相守衛星羅碁布立法不爲不善防備  
周無如承平日久邊牆旣多失修而防守之法亦日漸  
事則安於故常有事則幾難措手臣於上年校閱營伍  
在西北各邊臣周歷勘查思欲稍加修葺而工鉅費大  
中外一家之說視爲尙非急務者至熱河一帶蒙民雜  
民尤多獷悍性成最易結黨曾經奏請防查而猶有以

事爲慮者乃馬賊既敢於闖突關隘肆行搶掠已不同於星星之火矣喜峯口乃駐兵專防之所而猶不能堵扼其他小口更易竄越則備禦之方有名無實更可知矣近來綠營征調頻仍雖有抽練之兵其勢未能散布關隘而邊防空虛每一念及實深焦灼茲奉

嚴旨倍切悚惶現值恭辦

山陵大差遷遵邊隘相距匪遙臣前次奏明酌帶南路兵勇數百名出省防剿正在辦理間承準軍機大臣字寄同治四年八月十三日奉

上諭文祥奏遵旨分別留撤官兵查明賊竄出口情形各摺片

所籌扼要分防之法布置甚爲周妥劉長佑所派劉祺劉景芳等馬勇三百五十餘名卽留於蹕路迤南擇要巡防直隸南路防務亦關緊要卽著毋庸抽調以免顧此失彼等因仰見聖慮深遠自當懍遵臣現止酌調記名提督黃仁遺所帶前隊奮勇二百名將弁十餘名定於本月十九日出省會辦惟厯屆查勘橋道均先叩覲

天顏此次臣出省後擬卽迎摺北上跪聆

聖訓指示遵辦卽赴各關隘會督嚴防並飭前派副將劉祺等所帶馬勇三百五十餘名在於蹕路迤南擇要駐巡互相聯絡惟是防勤於一時不如守禦於平日而欲絕盜之迹端在清



盜之源此後應如何內外備禦不分畛域各專責成並熱河與奉天錦州一帶地方遼闊盜賊日積月多應如何設法勦捕搜剔淵藪之處惟有仰懇

勅下部臣並各將軍都統申明定例及時講求認真整飭其邊口之散整及兵力之厚薄地方之緩急並處分之重輕如有與今昔情形不同者卽須斟酌損益擇要設備因時制宜以收一勞永逸之效臣亦當會同提臣與各鎮道參核形勢悉心籌辦再行縷晰陳奏以仰副

聖主綏靖邊圉有備無患之至意理合恭摺具奏伏乞

皇太后

皇上聖鑒訓示再臬司李鶴年於十八日旋抵省城面述南路  
防務均尙周妥臣出省後署中日行公牘卽飭該司代拆代行  
緊要事件仍封寄行次核辦藩司唐訓方定於二十一日由省  
起程查辦橋道亦經切屬該司督飭各員妥慎辦理臣將各兵  
勇布置既定仍當折回遵薊一帶覆加查看敬謹豫備合併陳  
明謹 奏

遵籌剿除馬賊片

同治四年八月十九日

再正繕摺開欽奉

寄諭文祥奏籌辦剿除馬賊務使淨絕根株一摺所籌甚屬周密著恩合阜保劉長佑麒慶阿克敦布廉至等悉心妥議如該大臣所奏辦賊之法實有把握卽著各派得力兵五六百名備調兵三四百名派善於緝捕之員管帶聽調等因欽此竊維天下之事多廢於苟安地方之患多成於隱忍自非切指其積弊所在力求夫補救之方則於事無實效而其患且潛滋遵閱文祥原摺具言剿除馬賊情形實爲今日補救積弊之良法而聖慮精詳旣飭臣等妥籌速奏合力舉辦並飭如另有妥善之

策明晰密陳欽奉之下莫名感佩除暴綏疆本臣分內之事愚慮所及何敢不陳謹就文祥摺內切要之處推廣言之近日馬賊橫溢固由緝捕之不力實由防備之先疏文祥摺內派兵備調遴員管帶並將駐紮遷安遵化官兵留防不撤是卽定制專守關隘分設營路之意自將備習爲苟安不但關隘兵單不能禦賊卽各營路官兵亦未必敢於擊賊臣愚以此次派定防備各兵宜照軍營培勦之法遴選熟悉戰守之員令於所守口上度地紮營除往來大道祇須認真查緝外其附近小口及坍塌之處或開鑿壕塹或砌築牆壘或添設礮臺窩鋪但以能限馬賊爲止兵力不足益以近處民力所費無幾功亦易成如此則

馬賊來路  
拏彼竄之  
備齊兵勇  
禦患聯保  
敵卽官與  
先除諱盜  
劫案件卽  
封立刻兜  
留難致滋  
之志敢於

後上下相信合力緝捕無慮眾寡之不敵益覺賞罰之易行矣  
愚昧之見是否有當伏候

聖裁至添設防兵必須酌加口糧修葺邊關亦須量給工價  
上年於此二事銳意舉行卒以經費難籌議遂中止前摺已具  
陳之此次應如何辦理俾事在必成法可經久之處請

飭下部核議遵行理合附片具奏伏乞

聖鑒謹奏

髮捻分竄蘭考水陸嚴防疏

同治四年九月初二日

奏爲接據探報髮捻各匪經豫軍兜剿分竄蘭考邊馬擾及大河東岸現飭水陸各軍加意嚴防情形恭摺具陳仰祈

聖鑒事竊

臣

於前月二十九日行抵薊州接準河南撫

臣

吳昌

壽咨稱髮捻各匪經提督劉銘傳等兜剿由通許向北敗竄等因比卽飛飭留防各軍暨各地方官齊集團勇協力防堵茲於遵化途次疊據臬司李鶴年總兵余承恩大名鎮道姜國仲范梁等先後稟報探得該匪被豫軍擊散於八月二十一日由河南考城縣賀村集沿隄東竄邊馬擾及東明長垣縣屬黃河東岸之李劉屯竹林集各河口經姜國仲派隊渡河迎擊各軍亦

先後出隊馳赴河干互爲聲援賊受創落馬數人餘悉向東竄  
逸各等語臣已飛飭余承恩姜國仲楊毓枬各督所部全隊速  
赴東長開沿河各處分段駐劄如遇賊蹤逼近河岸卽相機東  
渡穩慎迎勦記名提督李榮發候補副將李昌連統率直字中  
軍前後兩營勇隊移駐開州進東清豐進南之清河屯者河寨  
兩處又因在防馬勇先調北路巡緝乃飛咨副都統安住率所  
部黑龍江吉林官兵千名由曲周威縣馳赴大名分駐東長交  
界之二賢祠開濮交界之古雲集會合水陸各軍梭織巡查加  
意嚴防並留東路統領署通永鎮總兵陳濟清暫緩回任督飭  
所部水陸兵勇約會西路防軍暨東省兵團合力守禦復飭奏



留幫辦防務之候補道蔣春元會同各軍隨時察度情形熟籌  
妥辦並據李鶴年稟商布置情形意見相同查該逆被擊分竄  
飄忽靡定現在沿河馬步兵勇布置周密又經添設水師往來  
巡哨聲勢聯絡各將弁在防日久情形益熟訓練益精爲堵爲  
勦較前更有把握臣仍飛咨山東撫臣嚴飭沿河州縣會合直  
東官軍一體嚴防該省現有潘鼎新一軍聲威早著爲賊所懼  
亦必奮力截勦共掃狂氛足可仰抒

宸廑臣拜摺後卽馳赴喜峯口鐵門關一帶查閱邊防應如何  
籌議布置之處容再專摺具奏所有接據探報髮捻各匪經  
豫軍兜勦分竄蘭考邊馬擾及大河東岸現飭水陸各軍加意

嚴防緣由理合恭摺具陳伏乞

皇太后

皇上聖鑒謹奏

征兵支給口糧片

同治四年九月初二日

再此次馬賊入關滋擾疊奉

諭旨嚴飭勦捕當經調派臣標暨提標天津通永各營官兵前赴羅文峪鐵門關灑河橋各邊口分路駐紮往來巡防道路遠近固屬不一撤隊遲速尤難定期近來銀價減落諸物增昂該官兵所駐之地又係近邊曠野購食維艱如照例支給口分斷難果腹惟有仰懇

天恩俯準援照省南防軍無論相距本營在三百里內外一律按照征兵支給口糧以示體恤謹附片具奏伏乞

聖鑒訓示謹奏



遵查邊隘布置防兵疏

同治四年九月初六日

奏為遵查各邊隘並各防兵布置情形恭摺具 奏仰祈

聖鑒事竊

臣

於九月初二日自遵化州拜摺後輕騎前進周歷

羅文峪喜峯口鐵門關各處察看形勢均極險要無難堵守乃

因承平日久武備廢弛有守邊之責者但以缺口太多兵力不

足互相推諉

臣

目擊情形實深痛恨已將各員弁嚴加申飭分

別懲處令各就關口形勢麗為布置或鑿壕豎柵或壘石築牆

用力無多剋期可就已足為目前禦寇之資且新調防兵業經

工部尙書文祥擇要布防至周且密

臣

經過各處傳集帶兵員

弁復嚴切指示令其分巡會哨日夜嚴防不得稍有疏懈並於

接見各州縣時責令清查保甲整飭團防與在防官兵合力巡緝務靖地方至臣原調副將劉景芳參將田慶和等馬勇三百餘名續調記名提督黃仁遺林志金等馬步勇二百餘名均經遵

旨在於玉田三河以西

御道以南扼要分防仍可與遵化遷安各處防兵聯絡聲勢似此益加嚴密允堪肅清驛路仰慰

宸廑再欽奉本月初二日寄

諭遵已轉行山西太原鎮總兵蔣臨照迅赴新任臣現已折至遵化謹由馬蘭峪叩謁

山陵暨

文宗顯皇帝梓宮藉抒愚悃隨卽沿途查勘橋道遵於

啟變前三日祇詣宮門伺候

召見除咨商山海關都統暨直隸提督飭催所屬各關口一律設法布置暫資防守外理合恭摺具奏伏乞

皇太后

皇上聖鑒訓示謹奏

The image shows a large rectangular area with a thick black border. Inside this area, there are several vertical lines that divide the space into approximately 10 columns. The interior of these columns is mostly white, suggesting that the content has been redacted or is otherwise obscured. The overall appearance is that of a scanned document page where the main body of text or data has been removed for security or privacy reasons.



遵查提督調兵情形疏

同治四年九月二十六日

奏爲遵

旨確切查明署直隸提督徐廷楷奉調標兵辦理情形據實覆  
奏仰祈

聖鑒事竊

臣

欽奉同治四年八月二十四日

上諭署直隸提督徐廷楷於奉調標兵倉皇抽派並不將口糧  
發足且兵丁半多單弱均無號衣號帽馬匹悉屬疲瘦所帶火  
藥鉛丸亦屬無多殊屬不成事體其趙喜義所帶出口之兵是  
否業已起程亦未據詳晰呈報著劉長佑將該署提督辦理未  
能得力暨才不勝任各情確切查明據實覆奏等因欽此欽遵

確切飭查茲據該署提督徐廷楷覆稱前奉文派兵赴鐵門關  
巡防緣馬賊衝突追捕喫緊是以暫令各弁兵攜帶槍械子藥  
星速起程隨後卽將號衣並續撥子藥運送應用該官兵應需  
口糧赴省請領相距較遠當經籌款先給十日口糧並交遊擊  
常存備帶銀一百兩嗣又墊發銀六百兩至該標營馬厯來夏  
秋之時係在口外伊肯壩地方牧場放養此次奉調馬隊因存  
營馬不敷數遂將由省甫經領回之馬添撥二十騎遠道而來  
稍有疲瘦深恐乘騎未能得力旋於八月十七日將牧放之馬  
收回派弁星馳解防更換兵丁半多單寒實因庫款支絀饒銀  
未能按季支領又兼每名月食倉米二斗扣還米價所餘無多

以致衣履未周又奉派參將趙喜義帶兵出口會勦當於派防  
鐵門關官兵三百名之外另派官兵二百名交趙喜義管帶八  
月十七日起程前往二十一日準熱河都統麒慶以口外實無  
應行攻剿之賊所有派往之弁兵應卽撤回該官兵遂於二十  
六日歸伍等情前來臣覆加查察該署提督所稱撥兵赴防並  
墊發口糧各節均屬實情徐廷楷才力有爲勞績卓著早在  
聖慈洞鑒之中惟此次疏防馬賊辦理未能妥速業經疊奉  
嚴旨飭部議處本屬咎有應得臣不敢稍涉瞻徇所有遵  
旨確切查明署提督徐廷楷奉調標兵辦理情形理合據實覆  
奏伏乞

皇太后  
皇上聖鑒謹奏

差竣回省疏

同治四年十月初四日

奏爲恭報差竣回省日期仰祈

聖鑒事竊臣於八月十九日出省查閱關隘督辦橋道均經專

摺奏報在案臣兩次趨謁闕廷跪聆

聖訓復於行在蒙

恩召見

天語嘉慰感激莫名謹率所屬文武伺候

奉安

定陵禮成扈隨

回鑾後遵卽取道旋省於九月二十九日抵署沿途雨澤霑足

麥苗滋茂廬井同熙足以仰慰

宸廑豫省捻匪疊次擾近河岸均經水陸兵勇擊退現據探報該匪前隊已有南竄豐沛之勢但賊情狡詐飄忽靡常臣仍督同臬司李鶴年暨在防文武加意備禦以杜竄越至東路邊防事宜現與署提臣徐廷楷欽遵疊奉

諭旨速籌妥辦俟有就緒專摺奏

聞其原派巡防兵勇除將記名提督黃仁遺涿州參將田慶和北塘遊擊王清泰等所帶各隊分別調撤外其督提兩標暨天津通永兩鎮官兵現值冬令各關隘尙未一律布置應仍留原處暫資巡防所有差竣回省日期理合恭摺 奏報伏乞

皇太后

皇上聖鑒再潘司唐訓方亦於十月初一日回署辦事合併附

陳謹 奏





張廳米價仍發七成實銀疏

同治四年十月初四日

奏爲張家口駐防米價請仍改發七成實銀並請將豐鎮廳租銀就近截留由道飭屬採買以免賠累而濟兵食恭摺 奏祈 聖鑒事案查前準戶部咨開察哈爾都統阿克敦布等奏張家口駐防兵米積欠日久請量爲變通一摺同治二年十月二十九日奉

旨戶部議奏欽此欽遵鈔出到部據原奏內稱張家口駐防兵米欠放甚多請於山西豐鎮廳地租銀內每年截留銀一萬四千兩徑交口北道按直隸兵餉給發七成實銀章程採買供支經部議以前項銀兩因解直隸藩庫以致欠放纍纍令自同治

正惟  
二年起將租銀儘數解部另款存儲由部按有閏無閏之年給發五成實銀交口北道承領飭屬採買供支其前欠該駐防兵米仍由藩庫給發以清積欠等因奏奉

諭旨依議欽此欽遵咨行到臣當經行知遵辦去後嗣以該道久未具領又準部咨行催復經飭催速領在案旋據前署口北道博多宏武現任口北道國英先後稟稱張家口駐防兵丁每歲應需本色米一萬二千五百數十餘石遇閏之年加增米一千餘石每米一石例給價銀一兩運腳銀二錢五分向由宣化府分派保安宣化萬全懷安張家口廳等五州縣廳分領採買其價銀卽在山西豐鎮廳解存直隸藩庫牧廠地租銀內動撥

該州縣赴司請領由司給發採買運交張家口廳倉以供支放  
久經遵照辦理嗣於咸豐四年直隸議行鈔票改發半銀半鈔  
該廳州縣僅領五成實銀實在不敷採買以致歷年賠累率多  
畏縮不領節節延欠職此之由前經察哈爾都統奏請改給七  
成實銀良亦洞悉該廳等賠累情形勢不能不量加體恤庶令  
該廳等稍輕賠累或不致畏縮不前以期事有轉機兵無乏食  
今如部議按每石僅給五錢實銀是較之從前司庫所發更形  
虧折加以赴部領銀往返盤費車腳等項從何籌支况宣屬地  
居山陬年近中稔米價既較前益貴採買較前更難數年以來  
咸以賠累過多竟無員再敢領辦若不量為變通兵米積欠愈

多年復一年成何事體再四籌思祇可仍請查照察哈爾都統前奏按照兵餉折發七成實銀章程每石給領實銀七錢運腳銀兩仍照部議發給五成實銀以資撙節山西豐鎮廳牧地租銀向本作爲此項米價之用仍請就此項銀內每年截留實銀一萬四千兩就近解存道庫由道按每年應買米數核銀飭領採買俾該州縣廳採買較易兵食不致久延下餘租銀仍解部庫等情迭次具稟請 奏臣以此事前經戶部議 奏未便再有紛更復經飭司核議茲據布政使唐訓方議詳以此項兵米僅給實銀五錢委實不敷採買該州縣廳均各畏累延不領價該倉頻年無米兵丁困苦不堪該道議請變通辦理本有不得

不然之勢均係實在情形應請如議奏咨等情核覆請 奏前  
來臣查山西豐鎮廳牧地租銀本係作爲此項米價之用近年  
米價增昂若每石給銀五錢再除領銀盤費等項贖銀有限誠  
屬不敷採買該道等議請量與變通亦因承買無人兵米久欠  
事實迫於不得不然惟請每年截留租銀一萬四千兩不無浮  
多應令減去銀三千兩不論有閏無閏每年祇準截留實銀一  
萬一千兩有閏之年雖形不足無閏之年尙可有餘酌盈劑虛  
足堪敷衍合無仰懇

天恩俯念兵食緊要準照兵饗折發章程每石實發實銀七錢  
運腳卽照部議發給五成實銀並請準照該都統前奏每年截

留豐鎮廳牧地租銀一萬一千兩解交口北道庫由道核明飭  
屬採買供支各屬賠累稍輕應可立時採辦不致久延其餘租  
銀仍解部庫以重帑項是否有當理合據情恭摺具奏伏乞  
皇太后

皇上聖鑒勅部議覆施行謹奏

遵派大員巡防邊隘疏

同治四年十月十六日

奏爲遵旨擬派大員統帶弁兵巡防邊隘並現籌布置大概情形恭摺仰祈

聖鑒事竊前次遵查邊牆自羅文峪至喜峯口鐵門關一帶逐加查勘於應行鑿濠豎柵攔截之處均飭在防員弁察度形勢分別布置當經具奏在案因奉

旨入京所有鐵門關迤東各邊牆未及周厯查勘旋飭山永協副將沈萃鈿護理通永鎮游擊阿洪阿前往自榆木嶺至山海關詳細察看何處應增壁壘何處可開濠塹一俟稟覆到時即可酌定章程一律舉辦至原派防兵駐劄地方就東北形勢而

論似宜畧爲變動臣現將駐紮灤陽之通永兵三百五十名交阿洪阿接管移向榆木嶺地東擇要扼紮將駐紮洒河橋之天津兵三百名撥出一百名移駐灤陽並由鐵門關撥出提標兵一百名移駐董家口由遵化州撥出督標兵一百名移駐三屯營劉景芳所帶馬勇亦令分作兩隊巡防薊州玉田一帶查各駐兵地方相距均祇數十里聲勢尙堪聯絡臣仍飭該各將弁督率兵勇無事按期會哨有事互相應援惟欽奉

上諭不可無大員統率著選派得力之員擇要駐守居中調度等因欽此因思署提臣徐廷楷於東北情形較爲熟悉且實任通永鎮現署提督於各將士更易駕馭現在古北口內外地方



安靜徐廷楷赴防後擬仍飭該標中軍參將趙喜義回口以資  
鎮守近來馬賊均在八溝哈達錦州一帶出沒無定遷安縣爲  
東北邊牆適中之所應令徐廷楷暫駐遷安統帶各路官兵居  
中調度實力巡防如有馬賊竄近或訪有蹤迹卽行督飭剿捕  
其山海關迤北一帶亦飭副將沈萃鈿於會勘邊牆後順道回  
營隨同山海關都統督率旗綠官兵合力防守嚴密巡緝所有  
各邊隘應行開濠築口等事臣擬派南來熟悉戰守將弁數員  
飭令隨同署提臣審度地勢妥爲幫辦卽令在防各兵於巡哨  
之外就近搬運木石兼任壘砌開鑿之事仍隨時察看工程大  
小酌幫工價及犒賞銀兩以速成功至各州縣身任地方責無

聖訓 卷之九  
旁貸已嚴飭力行保甲整飭民團並欽遵疊奉

諭旨重獲盜之賞以獎勤能嚴諱盜之防以儆玩愒假捕盜之  
權以鋤兇暴治通盜之罪以保善良務期文武和衷官民一體  
有犯必獲無隙可乘以仰副

聖主綏靖地方再三訓誡之至意再應發防兵饒需現飭藩司  
源源籌撥勿令缺乏擬俟關外馬賊漸次肅清東北邊牆布置  
周妥再行撤防以後各隘口額兵之外有應行添撥弁兵移置  
營汛者容俟與提臣詳加察看籌酌妥善另行奏辦除分飭遵  
照外所有遵

旨派員統率以及現籌布置大概情形理合恭摺具奏伏乞

皇太后

皇上聖鑒訓示謹 奏



馬隊赴豫片

同治四年七月十六日

再前奉寄

諭直隸河防漸鬆副都統安住所帶馬隊卽著飭令統帶赴豫交吳昌壽調遣等因欽此當卽欽遵飛咨遵照茲準安住咨復已統帶吉林黑龍江馬隊官兵於本月十二三十四等日陸續起程前赴豫境聽候調遣正在奏報聞承準軍機大臣字寄同治四年十月十五日奉

上諭曾國藩奏官軍剿賊獲勝並請飭安住馬隊仍留直隸防河各摺片黃河水涸未可減戍所陳實爲根本至計卽著劉長佑札飭安住馬隊仍留直隸防守河邊不得稍有疏忽等因欽

此仰見

聖主深謀遠慮有備無患之至意惟安住馬隊已報起程核計此時行抵豫境現在黃河未凍礮船尙可駛行足資扼守值此豫省攻勦喫緊之時前項馬隊應聽河南撫臣暫時調遣以遏賊匪北竄之路一面嚴飭在防水陸將士加意嚴防仍俟察看情形如果必須調回再行遵

旨飭調回駐河干以固根本是否有當理合附片陳明伏乞

聖鑒訓示謹 奏

遵辦畿南團練片

同治四年十月十六日

再臣前準吏部咨奉

上諭御史陳廷經奏請派賢能督辦畿南團練著劉長佑督飭地方官吏勸諭所屬紳民實力舉行務期官民聯爲一氣兵團相輔而行以靖畿疆而禦外侮該御史所保之前任河南布政使賈臻降調巡撫山東候補知府鄭元善候選道裘德俊候選知縣張鐸前任總兵鮑雲翥守備李全有均著交劉長佑差委等因欽此遵卽飭令前任河南藩司賈臻在直豫交界各州縣督同勸辦團練聯絡聲勢並飭候選道裘德俊幫辦總兵余承恩營務以資得力業經附片 奏明在案嗣據降調巡撫山東

候補知府鄭元善稟報到營詳陳團練利弊深中窾要該員籍隸順德府於大順廣三府風土人情尤爲熟悉且老成持重識畧素優已飭令體察形勢邀集各府公正紳董會同地方官整飭團練實力舉行以補兵力之不足除檄飭遵照外合再附片陳明伏乞

聖鑒謹 奏

臨桂李樹森  
南陵胡永福  
同校



劉武慎公奏稿

劉武慎公全集十一

卷之十目錄

校閱省標秋操疏

吉林馬隊口糧片

派弁赴晉片

加廣天津學額疏

援案賞發兵勇皮襖片

酌保殲除馬賊員紳疏

直饒支絀請部撥銀疏

請催閩浙等省固本軍餉片

奉省馬賊竄擾朝陽疏

增兵出剿馬賊片

遵旨出省堵剿馬賊疏

劃抵潘營東饜片

請撤花馬池直軍歸伍片

馳抵三屯營現籌防剿疏

查閱永東邊防疏

提取洋礮到營片

分限清理交代疏

馬賊較遠居中籌辦疏

添足各口守兵片

遵旨回省疏

馬勇饒乾片

編查保甲疏

恭報回省日期疏

京控案件勒限清釐疏

欠饒轆轳改章年清年款疏

馬步練軍起支新饒片

豫捻北竄水陸防剿疏

北路防兵分別撤留片

卷一百一十五

河防加緊出省督辦疏

捻撲河干並北路邊防疏

羣捻搶渡增兵嚴防疏

校閱省標秋操疏

同治四年十一月十一日

奏爲校閱省標秋操營伍情形恭摺具 奏仰祈

聖鑒事竊照省標官兵例於每年秋冬校閱一次臣因抽練備防督飭將備訓練較前更緊仍應及時親加考校以示獎懲茲於十一月初一日起連日將臣標左右前後保定城守等五營弁兵調集教場配隊合操並挨次認真校閱其技藝較優操防較勤各員分別記功記拔內有弓馬稍生者均卽記過記革勒限練習俾知儆惕查所演速戰陣式並臣新添之兩翼三才五行各陣步伐進止均能合法大小銅礮及擡槍鳥槍分打套打聲勢聯絡舉止平穩鳥槍擡槍中靶在六成以上弓箭中靶在

七成以上其餘籐牌刀矛並各雜技俱尙靈便合用臣當場擇其出色者分別獎賞給頂以示鼓勵其記過記革者仍令勒限覆考如無長進卽行斥革並將專操幫操各官記過示儆臣仍隨時督飭將備實力訓練以期陣法嫻熟技藝精強營伍自有起色仰副

皇上整軍經武之至意除提鎮各標仍飭道府就近會同校閱分別功過據實呈覆核辦外所有校閱省標秋操營伍情形理合恭摺具奏伏乞

皇太后

皇上聖鑒再省城現畱保陽軍練勇一營此次調隨操演均尙

整齊可用合併陳明謹 奏





吉林馬隊口糧片

同治四年十一月十一日

再查吉林副都統安住統帶吉林黑龍江馬隊官兵一千名來直防堵該馬隊到防後請將月需鹽糧馬乾按照河南軍營章程分別給領當以豫省例支銀數直省無案可稽因思神機營調操馬隊亦有吉林黑龍江官兵在內是以咨準神機營將月支餼乾等數鈔單飭發照給嗣據該副都統以本隊官兵在威曲駐防與在 南苑操演不同緣彼處馬可牧放此處須買草料餵養計自到防以來將及兩月口糧等銀暫行按月支借每兵陸續領銀不足八兩加以銀價過微食物過貴人馬實難顧瞻呈由神機營咨行核辦前來彼時逆捻回竄曹濮省南防務

正當緊要該馬隊原係調來勁旅須令士飽馬騰方可攻勦得力當飭軍需總局妥速核議茲據該司道等悉心會商以直隸供支調撥各營馬步餵乾均係援照前大臣親王僧格林沁在海口設防奏定章程帶兵官弁按例定品級應支銀數支放馬兵每名月支餵乾銀五兩六錢步兵每名月支口糧銀二兩八錢本年神機營調赴河閒設防官兵亦照海防例案放給惟隊長與隊兵月例相等似無區別曾經 奏明隊長於應得口分之外酌加津貼銀一兩四錢此外並無另有加增成案茲該副都統咨稱防所銀賤物貴人馬不敷養贍誠係實在情形且該馬隊遠道調防又與本省防兵有閒再四籌商應請將奉調前

項馬隊月需鹽糧米折馬乾等銀悉照海防章程官弁各按品級支放其餘無品級之委官甲兵均於應得月支銀五兩六錢之外援照神機營兵調防河閒成案酌加津貼銀一兩四錢每名每月共支銀七兩再於每隊月給心紅紙張銀二十兩共銀四十兩一律給發全銀以示體恤他營不得援以爲例會詳請奏等情到臣時因前項馬隊官兵已奉

寄諭將赴河南未知在防時作何支借有無溢領須飭糧臺查覆以昭核實現據糧臺覆到該官兵臨行時悉按議加銀數找足始行起程此時逆蹤飄忽竄突靡常如果畿疆防務喫緊仍須將該馬隊調回自應及此議定章程亦免日後再事爭執

除飭糧臺移取花名清冊截清起止日期銀數彙案據實造冊  
報銷外所有吉林黑龍江馬隊酌加津貼等項緣由理合附片  
陳明伏乞

聖鑒謹 奏

派弁赴晉片

同治四年十一月十一日

再臣前奉寄

諭晉省防務需人自應添調得力將弁教演著於黃仁遺等員  
內揀擇知兵之員管帶技藝嫻熟弁兵一千名赴晉調遣等因  
欽此維時京東一帶巡防緊要已將南來弁勇調赴三河未卽  
選派赴晉至十月初閒撤防回省當飭記名提督黃仁遺挑選  
弁勇五十餘名派副將何明立王一枝管帶前往正起程時適  
湖南撫臣李瀚章咨送副將凌耀安向鵬舉隨帶弁勇十餘人  
來直詢知該副將等前在江南曾隸陳湜軍營因一併飭局照  
給行糧咨送赴晉茲接山西護撫臣王榕吉函覆各該弁勇均

已行抵太原俟臬司陳湜旋省妥商部署以咨訓練等語理合  
附片陳明伏乞

聖鑒謹 奏

加廣天津學額疏

同治四年十一月十一日

奏爲長蘆商民捐輸軍餉積有成數懇

恩分別加廣縣學竈學永遠定額以資激勸恭摺 奏祈

聖鑒事案查前準部咨咸豐三年大學士等議準凡紳商捐貲

備饗一廳州縣捐至二千兩者準廣文武學額各一名捐銀一

萬兩者加文武學定額各一名均以十名爲限嗣又準戶部咨

凡請廣學額摺內務須查明請獎原案及捐銀若干何次具奏

何時經部議準逐細聲敘方能核覆各等因先後通行遵照在

案直隸天津一縣水陸交衝商賈輻輳富庶甲於通省咸豐三

年逆匪由滄州撲犯當被該縣團勇擊退經前任長蘆鹽政督

辦防堵軍需節次勸據商民捐貲助饟歷今十餘年積算實屬不少茲據長蘆運司克明轉據綱商稟稱咸豐六年商人初次捐輸實銀三萬二千三十八兩六錢九分二釐是年六月二十二日奏奉

硃批戶部知道欽此旋於八月十四日戶部劄發執照又於七年二次捐輸實銀一萬八千四百二十兩一錢六分四釐八月初十日咨準戶部劄發執照又於九年三次捐輸實銀一萬九千一百三十兩九錢二分八釐是年八月十三日咨準戶部劄發執照又於同治元年四次捐輸實銀一萬五千八十兩七錢六分是年十二月十七日咨準戶部劄發執照以上四次



其銀八萬四千六百七十兩五錢四分四釐均蒙核準領照內  
應除撥歸山西等外省銀四千七百三十四兩九錢四分五釐  
又撥歸直隸外府縣銀六千七百十兩七錢一分四釐外實計  
蘆商在天津捐輸實銀七萬三千二百二十四兩八錢八分五  
釐擬請以七萬兩加廣天津縣民籍文武學永遠定額各六名  
竈籍文武學定額各一名其餘銀三千餘兩俟另案捐輸核準  
再行歸併續請等情轉詳請 奏前來 臣覆加確核均屬相符  
合無仰懇

天恩俯準援照各省廣額成案加廣天津縣民籍文武學永遠  
定額各六名竈籍文武學定額各一名以廣登進而昭激勸除

聖諭 卷十  
據詳咨部外理合恭摺具 奏伏乞

皇太后

皇上聖鑒訓示再商捐銀兩除撥歸山西本籍外尙有西商捐  
存銀四千八百三十餘兩該商等因寄住天津情願併歸天津  
加額又天津職員張錦文捐輸曾於咸豐八年請廣天津學額  
各四名係在此次蘆商捐輸之外合併聲明謹 奏

援案賞發兵勇皮襖片

同治四年十一月十一日

再據大順廣道范梁會同總辦糧臺候補道蔣春元具稟髮捻各匪回竄大河南岸屢欲搶渡北犯幸經陸路隊伍分布河岸水師礮船排列河中無分雨夜昕宵實力巡防迎剿該匪等無隙可乘遂卽折回他竄惟漸屆隆冬各該兵勇禦寒無具紛紛請發皮襖查係實情該道等再四籌商值此風天雨夜防剿喫緊之時若不賞發皮襖不但無以示體恤轉恐各兵勇畏寒退縮稍懈巡防有誤戎機所關非細可否援案每兵勇一名準給皮襖一件俾資禦寒等情飭由總局司道唐訓方等核議詳奏前來

臣查上次防剿張宋二逆案內調派各營兵勇曾於冬

金正州志卷之三十一  
令時按名散給皮襖所需價值彙案造銷奏奉

諭旨欽遵在案茲查髮捻各匪奔突靡常北路河防十分喫重全賴各軍用命實力堵禦以固畿輔藩籬惟是朔風凜冽士卒單寒岸闊路長一無遮蔽霜晨雪夜情實堪憐卽派赴東路各關隘巡緝馬賊各起兵勇駐紮邊圉地曠風高寒冷尤甚近來銀價減落諸物增昂各兵勇所領薪糧僅敷食用禦寒無具乏力添置委係實在情形自應俯如所請將各路兵勇一律援照成案按名賞給皮襖以期仰副

聖主軫恤士卒慎重邊防之至意除飭令委員分路採辦所需價值應俟事竣核實彙案造冊報銷並咨戶兵二部查照外理

合附片陳明伏乞  
聖鑒訓示謹奏



酌保殲除馬賊員紳疏

同治四年十一月二十一日

奏爲酌保前次殲擒馬賊奮勇出力之員弁紳團籲懇

恩施量予獎敘恭摺仰祈

聖鑒事竊照口外馬賊肆行業經欽奉

諭旨嚴飭在防將弁會同地方文武實力巡緝並飭各州縣激  
勵鄉團協同守禦惟官民一體固弭盜之良規而勸懲兼施實  
因時之急務查得遷安縣屬口外地方遼闊居民平素慣於捕  
獵技藝精熟處處聯莊結社團練最爲可恃同治元二年間該  
前縣令宋炳文曾經親歷各社邀集紳董飭令齊心捕賊發給  
告示巡籤申明格殺弗論之律曉以有功必賞之條於是人人

正德元年三月  
思奮是以二年二月初間馬賊三十餘人竄入內地。在盧龍縣境內行劫。拒捕殺傷差練復東。竄撫甯縣。搶劫過客車輛。拒傷捕人。經盧龍縣兵役堵截。竄至遷安縣口外馬圈子地方。該縣采炳文會同營汛員弁帶領兵勇。並知會各社合力兜捕。該匪開槍抗拒。竄入山溝。旁無出路。兵團堵住山口。時練長張永清、何紹先等首先殺入。各兵練奮勇。繼進賊。猶判死。抵敵旋見團勇愈聚愈多。自知勢不能抗。紛紛拋棄馬匹器械。翻山逃遁。兵練鼓勇奮勦。立時格殺悍賊于五巴等五名。生擒白泳山等十二名。訊明均係積年巨匪。屢劫多案。立時正法。並究出于五巴。本係咸豐十年曾在朝陽李瀛魁夥內充當頭目。抗拒官兵。漏



網渠魁尤爲兇悍奪獲賊馬三十二匹器械贓物多件其餘翻山逃出之賊落崖滾澗死者九名民團拏獲三名解送建昌縣訊辦先後稟詳有案此股馬賊三十餘人竄入滋擾殲擒二十九名剿除殆盡自經此次懲創以後連年賊蹤斂迹不敢遽入內地直至本年七月始有大夥馬賊竄擾之事是辦理之得宜全在官民平時恩信相孚聯爲一氣克收成效此其明驗也該兵練等雖經由縣酌賞而出力之員弁紳勇人等前於覆奏山海路游擊毛文藻被參摺內聲明遷安縣地方曾有失事是否該營等本管地面應再確查同團勇人等另行核獎在案茲查前夥馬賊係在遷安縣野雞坨迤東不知村名地方搶掠過客

一次野雞坨之東卽屬盧龍縣地面是該縣境內並未失事查吏部奏定章程內開獲盜人員如係舉發巨案拏獲著名大盜勞績與戰功無異詳敘情形請予破格獎勵應準指定應升官階專摺保奏又本年九月十四日欽奉

上諭如拏獲馬賊係著名巨盜及斬梟盜犯多名準其酌給翎枝升階破格獎勵等因欽此欽遵在案此案馬賊白泳山等竄入盧龍撫甯等縣搶劫擾害經前任遷安縣知縣宋炳文等帶領兵勇督飭鄉團合力追擊殲除積年兇悍巨盜二十餘名不無微勞核與保獎之例相符該團練等齊心幫捕亦屬奮勇出力值此巡防喫緊之際自應分別獎敘以示鼓勵合無仰懇

天恩俯準將知州銜前任遷安縣知縣擬補冀州直隸州知州  
宋炳文俟準補直隸州後以知府用先換頂戴建昌營巡檢沈  
祥麟以主簿用軍功五品頂翎遷安汛把總劉朝元署建昌路  
千總三屯營把總張國安均以千總儘先補用練長武舉姜渭  
川以千總歸標補用並加守備銜九品軍功何紹先馬兵任義  
生均以把總拔補何紹先並請

賞戴藍翎捐職從九品張永清以從九品不論雙單月歸部儘  
先選用並請

賞戴藍翎以昭激勸除札飭現任遷安縣查照成規飭令各鄉  
團協同兵勇實力防捕務期有犯必獲勿稍疎懈並飭沿邊各

州縣一體遵辦外是否有當理合恭摺具奏伏乞

皇太后

皇上聖鑒訓示謹奏

直隸支絀請部撥銀疏

奏爲直隸需餽繁鉅藩庫支  
聖恩勅部協撥銀兩以資接  
隸本缺額省分承平無事時  
年全賴部撥鄰省協濟銀三  
九年停止協撥已覺較前共  
因無意外急需尙可勉強支  
務需用浩繁兼之協濟外省  
緩就急暫顧目前繼而應接  
發款節節拖延各營俸廉餉

缺額俸工工料暨奉撥東三省俸饗等項銀兩計積欠三百八十九萬七千餘兩舊逋未了新欠續增愈積愈多補苴無術此藩庫久已匱乏之實在情形也該司到任後直省軍務告竣滿擬從此年穀順成糧租征解踴躍節用省賦以期逐漸清理無如本年春閒髮捻逼境大廣一帶調兵募勇所費不貲截至九月爲止支發兵饗勇糧及製造軍火等項不下五十餘萬兩以後尙需按月供支未能稍事緩待查藩庫每歲進項以糧租正耗當雜稅爲大宗餘皆零星小款無濟於事約計本年一歲僅能收銀一百九十四萬五千餘兩而本年一歲應發應解之款實應需銀三百一十五萬餘兩通盤籌畫計不敷銀一百二十

萬餘兩內如大名一帶防兵糧餉以及

東兩陵舊設員役暨

定陵新設員役俸餼米折豆草車價旗營俸廉兵餉等銀並協濟外省軍精爲數最鉅本年九月恭辦

東陵大差庫款控羅殆盡下忙糧租隨收隨放實屬無款籌撥欲抽釐則恐妨關稅欲議捐又恐礙京捐且杯水難以救車薪而涸魚殊憂竭澤思維再四寢食難安若不將支絀情形詳細陳明彼時貽誤急需其咎更無可諉擬合詳請 奏懇

天恩俯準援同治二年成案由部庫按月撥給銀二萬兩以濟目前要需並請將欠解奉撥京餉暨東三省俸餉以及協濟陝

甘新疆等處軍糧一併改撥別省免致延誤等情具詳請 奏  
前來 臣查直隸司庫情形本屬入不敷出而近來南路河防東  
路邊防饑需浩繁更有刻不容緩之勢該司籲懇協撥良亦出  
於萬不得已之思自應據詳具 奏合無仰懇

聖恩俯準

勅部籌撥銀兩協濟並請將直隸藩庫欠解奉撥銀兩改撥別  
省籌解俾得專顧 畿疆防務以重根本是否可行伏乞

皇太后

皇上聖鑒訓示謹 奏



請催閩浙等省固本軍餉片

同治四年十一月二十一日

再查各省應解固本軍餉原爲

畿疆抽練精兵而設前經

奏奉

諭旨分飭照解卽經督飭各鎮協營一體認真抽練所需餉乾  
賞項及添製礮械買補馬匹歲費不貲全賴各省照解供支其  
未到以前仍由藩司籌墊原期各省解到歸款乃自同治二年  
十月間奉

旨以後距今兩年有餘除各省劃撥暨批解外共積欠未解銀  
一百零六萬餘兩直隸本缺額省分又值厯辦軍需以後現計  
南路東路調防兵勇一萬數千餘名又兼淮勇及添設水師礮

船一切需費繁鉅再加練兵饟項有墊無歸日久月長如何能  
繼事既難於中止饒又塞於來源當此捻逆南張馬賊東竄苟  
一日不盡殲除卽一刻難疏防範況前準兩江督臣曾國藩咨  
云冬春防務重於夏秋祇宜增兵不宜減戍老成經國之言自  
應遵辦惟是螻螻萬口斷難枵腹荷戈而羅掘已空籌那無術  
該藩司雖責無旁貸亦祇仰屋徒嗟溯自前蒙

諭旨飭催僅準四川籌解銀五萬兩廣東湖南湖北山東山西  
或批解一二萬兩或劃撥二三萬兩不等杯水車薪無濟於事  
此外江西福建河南三省依然未解分釐河南軍務繁緊事尙  
可原江西福建情形較鬆似未便設詞推諉茲據藩司唐訓方

開單請 奏前來理合照繕清單恭呈

御覽合無仰懇

天恩勅下閩浙兩江兩湖兩廣四川各督臣福建江西江蘇湖北湖南廣東山東山西各撫臣務念 畿疆根本重地練兵設防需餽緊要查照單開欠解銀數迅速源源籌撥以資接濟再山西山東兩省尙有另案 奏準酌減每月協撥銀二萬兩及一萬五千兩亦僅解過一批兩批不等餘欠尙多應請一併飭催合再附片具陳伏乞

聖鑒謹 奏



奉省馬賊竄擾朝陽疏

同治四年十一月二十七日

奏爲奉省馬賊竄擾朝陽一帶遵

旨飭令提督擇要移駐相機調度並添派官兵出口會勦恭摺  
奏祈

聖鑒事竊

臣

承準軍機大臣字寄同治四年十一月二十五日

奉

上諭奉省賊匪約有二三千名於本月十九日闖進朝陽縣街  
肆行搶掠著於防守各兵外另行多撥馬步兵勇迅赴朝陽一  
帶會同熱河官兵勦賊徐廷楷駐劄遷安距邊較遠卽著該提  
督於三屯營喜峰口等處擇要駐劄相機調度防兵口糧多欠

著迅撥饟銀源源接濟如徐廷楷兵不得力卽著調撥勁旅數百名交徐廷楷統帶實力防勦等因欽此臣查奉省賊匪志在劫掠奔竄靡定現復闖入朝陽一帶自應選派得力將弁督帶精健馬步各隊前往助勦以期速滅此賊查有現帶防兵之副將劉景芳久歷戎行素稱勇敢現已添調天津鎮抽練精兵五百名飭交劉景芳管帶其原帶馬隊二百名並令該副將一併帶往馳赴朝陽會同勦辦所需行糧暫飭運庫籌墊以利進行至遷安縣雖非切近邊關但係適中之地建昌營在東三屯營在西若論此時賊竄朝陽應移駐建昌營惟於迤西一帶各邊口相距太遙若移紮三屯營則又偏重西面恐於東路防察亦

難周到現已咨會署提臣徐廷楷多設偵探覘賊所向究於何地緊要再行移駐並令該提督就近添調通永鎮標抽練精兵五百名作爲親軍督飭護理通永鎮游擊阿洪阿山永協副將沈萃鈿並管帶馬步隊之游擊陳啟棟守備鄧啟元等在於各關隘嚴密防範常川會哨勿令日久生懈所有沿邊大小各口亦經商同該提督督飭文武員弁酌度形勢或開塹築壘或豎柵置柵務速一律興工以防竄越之路其各口內外居民經該文武勸諭聯莊團練協同官軍認真守禦該紳勇等尙屬踴躍至防兵饑需屢飭藩司源源撥解目下邊防益緊供億紛繁擬於東路設立支應局由司庫籌撥饒銀派員經理查照軍營支

發章程就近應付俾免匱乏並由臣遴選明白勤幹之文武人員前赴提督行營勦辦巡防事宜以資臂助除分別咨札飭遵外理合恭摺具奏伏乞

皇太后

皇上聖鑒訓示謹奏



增兵出剿馬賊片

同治四年十一月二十七日

再正在繕摺聞又欽奉十一月二十六日寄

諭此股馬賊蹤迹飄忽勢燄鴟張沿邊隘口甚多恐徐廷楷一人帶兵尙不足以資固禦南路防務稍鬆著卽出省挑選得力兵勇親赴沿邊隘口擇要駐紮畿南防兵如可抽調酌量調赴北路所有南路防務交李鶴年督辦尋常日行事件卽由李鶴年代拆代行遇有緊要事件仍商同辦理等因欽此伏查南路捻匪雖已併歸豫省然該逆等避兵而行竄突無定沿河一帶仍須嚴防現值北路情形尤爲喫緊臣擬酌調記名提督黃仁遺所帶新設直字中軍前後兩營步勇千餘名同各營挑出馬

皇正惟公全集卷一

勇二百餘名一併星馳來省並飛調游擊張得祿唐有章都司

皮勝忠所部查道馬勇百餘名來省飭交記名總兵劉榮合統

帶先後起程臣即當親督各隊前赴沿邊各口察度形勢擇要

駐紮妥為調度督飭各員實力防勦所有南路防務遵

旨即交升任湖北巡撫臬司李鶴年督辦臣衙門尋常日行事

件亦委李鶴年代拆代行如有緊要事件仍由臣商酌辦理除

將出省日期另行奏報外理合附片陳明伏乞

聖鑒謹奏

遵

旨出省堵剿馬賊疏

同治四年十二月初二日

奏爲遵

旨出省堵剿馬賊謹將帶兵起程日期恭摺

奏報仰祈

聖鑒事竊

臣前奉

寄諭飭令帶兵出省防守邊隘仍派勁旅赴朝陽助剿當經欽遵將調派兵勇出省防剿大概情形附片 奏明在案伏查奉天馬賊蘊毒已久發之則變速而事小不發則變遲而事大今幸

宸衷獨斷嚴飭該將軍等加緊勦辦並

派大臣帶兵馳往督剿該馬賊果皆聞風三路並起竄越邊外

擾及朝陽赤峰等處其猖獗似出於意外其禍患實在於意中  
 熱河與奉天毘連雖經設立州縣並未議建城池且烟戶殷繁  
 足堪擄掠地方遼闊最易奔逃又係東四盟內蒙古各部地面  
 馬匹更便取資赤峰西與多倫諾爾廳接壤係宣化口北道屬  
 著名富庶之區馬賊素所垂涎如果向西奔竄亦屬在所宜防  
 今臣悉心籌畫沿邊大小關隘不下一百數十餘處路路可通  
 處處並重臣既仰蒙  
 天恩畀以畿疆重寄凡係所屬界內無論遠近均為責任攸歸  
 未容諉卸然綢繆全局事有重輕料量賊情勢難膠執既在在  
 宜佔先機仍步步宜防後變今臣定於十二月初三日帶兵起

程擬徑赴三屯營與提臣徐廷楷商定布置仍察看緩急親赴喜峰路迎東各口督飭巡防惟古北口爲熱河大道其開小口林立更爲緊要門戶擬令徐廷楷回署辦防以重北門鎖鑰至南路防務雖云稍鬆然值此河流合凍天險已成平陸事仍可虞曾國藩原有祇宜增兵不宜減戍之議今若抽調太空萬一逆捻知我北路有警分股乘虛撲來南北相去過遙首尾斷難相顧河北百萬生靈何堪再罹荼毒臣所以反覆籌思不勝長慮卻顧僅於防軍中抽調十之二三仍商之李鶴年酌量調補以固南面藩籬現計該馬賊分踞朝赤兩處不卽合股正爲牽制我兵不能併力攻勦而宣化一帶標兵仍宜備防迎西各口

現亦未敢多調臣昨由南路抽調之直字中軍兩營雖經催令  
趨程前進到防計須年底尙恐緩難濟急因先由省標挑出精  
兵千餘名派令游擊王朝棟滕自新等管帶隨臣赴防劉景芳  
所帶馬勇二百自應遵

旨飭赴文祥等行營聽候調遣惟查調往熱河助剿之兵必得  
馬隊相輔而行而直省各營馬隊無多得力之馬隊尤少擬令  
劉景芳仍將原調之天津兵一併帶赴文祥福興行營以免歧  
誤其能否再挑勁旅赴朝會剿之處察看情形再與文祥等函  
商辦理但期有益事機原可無拘彼此譬之兩人相格務須先  
自立穩再用餘力搏人今口外朝陽赤峰我之街巷也喜峰羅

文冷口等關我之大門旁門也口內完善州縣  
賊在街巷而盡室驅之設賊乘間入院勢將震  
脫其傷實多目今情形正復相同况邊牆因年  
塌今日之門垣已遠不如昔矣京東沿邊州縣  
遠不特口外有驚邊防亟須講求卽無事之日  
而固藩籬似不宜再援中外一家之說以自撤  
防後計惟有先將大小各邊口察度重輕防守  
一軍以資追勦而圖萬全並請

飭下理藩院飛速行知昭烏達卓索圖哲里木  
正副盟長趕緊聯兵會勦免令蔓延句結是爲

路月饒浩繁司庫羅掘已窮力難籌墊設或饋運不繼兵食何  
所取資此尤臣所日夜焦心者也餘俟接晤提臣籌商定局另  
再詳晰奏

聞所有臣遵

旨帶兵出省日期理合恭摺 奏報伏乞

皇太后

皇上聖鑒訓示謹 奏



劃抵潘營

再查直隸應協

顧查有前經通

兩經臣附片

下餘萬五千兩

諭旨山東協直

劉長佑仍當隨

宸謀周密不使

司籌撥在案茲

源源接濟藉以

列代真公全集

銀內按月劃撥萬五之數由該司自行領取等情稟商前來臣  
查潘鼎新營軍餼既奉

諭飭由直兼顧原不宜再事瑣瀆惟念此軍駐劄濟甯距直一千數百餘里月餼由直解往每難剋期趕到糧餼爲計口授食之需罄罄萬口又不能一日耽延今潘鼎新已蒙

恩簡放山東臬司其軍駐劄往來皆在本管地面茲據稟商請將東省協直餼銀撥歸該臬司軍營自行就近領取係爲領餼便捷起見且免彼此運解之煩洵屬兩有裨益合無仰懇

聖恩俯念潘鼎新軍營需餼緊急準其將東省協直月餼三萬兩銀內每月劃撥潘鼎新軍營一萬五千兩由該臬司自行支

領以資軍用卽將此項協饟按月抵除下餘一萬五千兩應照  
前奏暫緩協解謹再據情附片陳明伏乞  
聖鑒訓示謹 奏



請撤花馬池直軍歸伍片

同治四年十二月初二日

再查駐紮甘肅花馬池直隸派往官兵前於同治二年十二月

遵旨挑派二千名交前署提

臣

訥欽帶往嗣又續挑一千名取道

山陝會合進發糧餉軍火鍋帳均由直隸解濟兩年以來隔省  
長途饋運往往不繼風聞此軍饑疲已甚在彼亦不得力統帶  
之翁同書又復積勞身故軍心更形散漫查此起官兵多由提  
標宣化通永天津各鎮標及省標派往現在馬賊竄踞朝赤等  
縣所有自東至西沿邊一帶關隘均形喫重概須添兵扼守今  
此軍既師老力竭在彼亦屬無用徒糜糧餉不如撤回歸伍汰

其疲弱挑其精壯仍可訓練成軍以振軍聲以實邊備洵屬兩  
益合無仰懇

天恩俯念畿疆防務緊要速飭都興阿行令遣撤起程但得早  
日歸伍俾資分撥合再附片具奏伏乞

聖鑒訓示謹奏

馳抵三屯營現籌防勦疏

同治四年十二月十二日

奏爲馳抵三屯營會同提督現籌防勦各情形恭摺具陳仰祈  
聖鑒事竊臣於本月初三日自省起程初九日行抵遷安縣屬  
之三屯營中途疊奉

寄諭朝陽馬賊現復竄往東南台吉營子漸近法庫邊門飭將  
所派之兵如何探蹤截勦之處咨商文祥等妥籌進止界嶺口  
亦關緊要應撥兵一二百名前往駐守各等因欽此當卽欽遵  
咨會籌辦並飛催副將劉景芳趕緊出關聽候隨勦已據該副  
將稟報統帶原部馬勇及天津標兵先後起程出關不日可抵  
文祥福興軍營臣晤提臣徐廷楷詢悉界嶺口已派都司鄧啟

元管帶津標兵丁二百名馳赴防守其餘各口亦經勻撥官兵扼要駐劄雖備多力分頗形單薄而布置巡防均尙就緒俟續調各起兵勇到日撥出成營整隊數支度地分駐庶可相機策應堵剿兼施至各口挑濠樹柵及壘石下椿等工自經委員督催漸次即可竣事仍飭各州縣於所屬隘口加築窩鋪俾官兵棲息得所益專責成臣擬與提臣妥商後卽日先赴東路查看永東一帶防軍及濠柵等工此時熱河已無賊蹤古北口一路情形較鬆擬請暫留提臣仍駐澈河橋以資督率俟臣回防再行商酌去留現值防剿兼籌事務繁重尙須委派大員辦理營務查有通永道英良才識明敏辦事精詳堪以委派且防軍皆



在通永地面該道呼應較靈已札飭將北路營務妥爲經理惟馬賊飄忽靡定必隨時偵探確實方可相機防勦前經遴委員弁分路出探而沿邊各口與熱河之平建朝赤及奉天所屬各地方遠或六七百里近亦二三百里非沙漠草地卽山路崎嶇旣無驛站又鮮村居探報往來中途無人接遞勢必遲延遺失有誤戎機現擬按照程途遠近派令腹地各州縣選撥鈔書夫馬出口分股安撥文報可期通行第慮該夫馬出口後人地生疏將來調撥到齊尙須該地方官妥爲照料方免疏失合無請旨飭下奉天府尹熱河都統轉飭辦理於軍務不無裨益所有馳抵三屯營會同提臣現籌防勦各情形恭摺具陳伏乞

皇太后

皇太后

皇上聖鑒訓示謹奏

三

查閱永東邊防疏

同治四年十二月二十四日

奏爲查辦永東一帶邊防仍回三屯營日期恭摺具陳仰祈  
聖鑒事竊臣前次奏明馳赴永東一帶查閱邊防當於本月十  
三日由三屯營起程十九日馳抵山海關沿途擇要查閱計自  
遷安縣屬冷口起至臨榆縣屬九門口止凡著名關隘及險要  
各口均經親歷周勘並遴派親信弁兵分赴各小口詳細查明  
繪圖呈核所修濠柵牆塹工程漸次報竣聞有未能一律堅固  
之處當經分別賞罰並指示形勢明定章程嚴飭及時加工照  
辦所過各路舊設營寨建置得宜足以控制具見前人布置邊  
防至周極密茲就現有兵力撥出數隊分駐數營除喜峰口內

有署提督徐廷楷親部津海兵五百名駐劄九門口切近山海關有副都統長善所轄旗兵及山永協標兵駐劄無庸另撥整隊外其臨榆縣屬之義院口爲通奉天熱河大道內有石門寨距口二十餘里已派護通永鎮游擊阿洪阿管帶通永標兵三百五十名在彼駐劄撫甯縣屬之界嶺口爲通平泉州大道內有燕河營距口二十五里已派游擊王朝棟管帶督標兵五百名在彼駐劄遷安縣屬之冷口爲通建昌縣大道內有建昌營距口二十里已派游擊滕自新管帶督標兵五百名在彼駐劄無事以操爲防並令各以餘力幫修缺口有事以防爲勦仍可相機出口互爲應援其餘各口亦經酌量地勢軍情分派弁兵

或一二百名或五六十名至十名十數名不等各令專守一口  
認真巡防以上事宜均與徐廷楷長善面晤熟商意見相同此  
後即可隨時會督妥辦又臣經過沿邊一帶均有團勇出迎惟  
未經訓練不甚齊整當卽面加激勵並爲明定條示飭令地方  
文武及各委員督同練習務期齊心得力共固邊疆歸過永平  
府城接晤前署貴州巡撫韓超與之商辦團防所言悉中窾要  
已切屬各守令會同該紳及時辦理臣於查明飭辦後卽於二  
十二日旋抵三屯營適記名提督黃仁遺統帶勇隊三百名亦  
於是日到防當留暫行駐劄俟全部到齊再行調遣所有臣查  
辦永東一帶邊防仍同三屯營駐劄緣由理合恭摺具陳伏乞

皇太后

皇上聖鑒訓示謹奏

提取洋礮到營片

同治五年正月初八日

再臣前以口外馬賊分股肆擾邊防萬分喫重因思行軍之要火器爲先而洋礮一項尤爲軍中利器直省舊製洋礮均留南路軍營省中現無存儲查津郡義館委紳郎中高學淇曾有捐辦洋礮二十尊是否堅利合用當經咨商通商大臣崇厚並札天津道就近查驗籌款備製車驟子藥等件解營應用一面委員前往提取旋據署天津道文廉稟稱隨同通商大臣查驗該郎中所捐洋礮有鏗口糟鏽不甚合用者有質本笨重軍中攜帶不便者僅止十尊計重二三百觔不等試演尙屬堅利應需礮車暨合鏗礮子並驟馬等項業在運庫籌撥銀二千兩督同

委員趕緊配造茲復據該道並準崇厚先後報咨前項礮車等物現均一律造齊飭派弁兵管解外又配製堅利對子開花礮二尊添派津標熟悉演放開花礮之外委趙雲柱帶同礮兵八名一併咨送到營業經臣委員照數驗收另行酌撥各營應用所需工料等銀卽飭逐細造冊據實彙案報銷理合附片陳明伏乞

聖鑒謹 奏



分限清理交代疏

同治五年正月二十二日

奏爲直隸歷年交代擬請分限清理並將現辦情形恭摺具

奏仰祈

聖鑒事竊臣接準部咨欽奉

上諭戶部奏請飭直隸等省清釐交代一摺直隸省州縣交代各案前經譚廷襄酌定章程分別新案舊案立限清釐乃時逾多年並未依限結報各該州縣視爲具文任意積壓該管上司又復置而不問翫泄因循實屬不成事體著照該部所請所有直隸省各州縣交代仿照山東新章辦理將同治四年以前未結各案作爲舊案無論任數多寡統限三個月將未完銀數按

聖諭通志卷之十一  
三  
員造冊逐案報部同治四年以後卽屬新案應依例限結報二  
參逾限卽將該州縣奏參革職懲辦其新舊各案分別已未完  
結定限半年彙奏一次毋令不肖州縣暗虧國帑以肅吏治而  
裕饒源等因欽此移咨到臣伏查直隸州縣交代前經督臣譚  
廷襄酌定章程立限清釐以後乃各牧令狃於積習總不依限  
清結以致年復一年任復一任新舊層疊愈積愈多迨臣履任  
以來節經勒限嚴催並將翫泄各員擇尤分別奏參革職以  
及撤任調省督算俾知儆惕無如積重難返前案未清後案又  
積誠如

聖諭必須嚴行明定章程庶可藉資整頓當卽欽遵轉飭總局

司道參酌山東辦理章程認真查辦去後茲據該司道詳稱遵查直屬未清交代計自咸豐七年起截至同治四年十月底止統計交代九百九十七案內已算明者六百四十八案未算明者三百四十九案其算明無虧人員或後任已清前任未結或前後未結中清一任以致未能越次詳咨其算明有虧人員或有款可抵或殉難病故或有已回原籍者均由現任代算稟報究竟未清各款是正是雜抑係攤捐飭提原算交抵各摺並查造實虧款冊尙未送到礙難參追其餘未清交案亦經勒限嚴催非敢置諸不問此直省清理交代尙未奏報之實在情形也茲奉

諭旨飭令仿照山東新章辦理自應祇遵曷敢瑣瀆惟直隸情  
形實與山東有間款目旣多糾纏差務亦較繁重結報限期勢  
難過緊有不得不縷晰直陳者直隸交代之積壓由於州縣遲  
延者半由於庫款支絀者亦半衝繁之地每以墊款糾纏署任  
之員更恐因人受累以苛求爲推諉現任之員或以供應兵差  
籌辦團練地方緊要不克分身候補之員或隨營差委未遑顧  
及此由於州縣遲延者也直隸係缺額省分向賴鄰省協濟迨  
自停止協撥兼辦軍需各屬領款愈難撥給卽如墊支  
陵工豆草及缺額工料兵差經費等項照例準銷之款未能全  
數清發者不可枚舉咸豐七年後海防戒嚴嗣因捻教各匪到

處竄擾各州縣或募勇堵禦或接濟軍火加以各省調撤官兵地屬總匯通衢絡繹不絕司庫萬窘不能隨時給發該州縣實多動款墊辦而所動之款正雜不一內有已未奉部覆準之分又有準銷不準銷之別勢不能不少寬時日按款句稽以期核實溯查咸豐七年清理六年以前交代六百六十餘案於八年十二月間 奏結歷時幾及兩年今咸豐七年以後交代較前幾多一倍款目糾纏更甚於前且有殉難事故人員稟報代算之案難保無不實不盡現在責成本管府廳州秉公核算造報惟有一人前後履任數次者亦有一人歷任數州縣者並有一缺數人者若概限以三月結報勢恐趕算錯漏轉非核實之意

思維再四惟有將直屬交代請以咸豐七年起至同治四年十  
月底止作為舊案應自此次 奏奉

諭旨之日為始分別任數多寡一人一任交代不得過三箇月  
卽一人數任一缺數人者亦不得過十箇月核算清楚若正雜  
無虧僅止未清攤捐應令先行造冊結報並將未完銀數分別  
現任候補有官無官次第勒限清釐其中如有殉難事故人員  
未清正雜各款應豁應追專案 奏明核辦如此分清內結正  
雜外結攤捐則欠款不致牽混交案可期清結矣其同治四年  
十一月以後作為新案交代查照現辦章程嚴飭各屬依限交  
收結報逾違查參至直省交代委因連年籌辦軍務款目糾纏

非敢有意遲延可否援照上屆成案將同治四年十月以前歷任遲延處分奏懇寬免應請裁奪覆奏等情具詳前來臣復加查核委係實在情形合無仰懇

聖恩俯念直隸交代與山東省情形不同準予分立限期俾得詳慎清理並將歷任遲延處分概予寬免以示體恤之處出自逾格鴻慈再交代逾違牧令固有應得之咎而督催之本管府廳州責無旁貸此次立限清釐之後無論舊案新案如有逾違者卽將督催不力之府廳州每案記過一次依限清結者每案記功一次如此明定賞罰懲勸兼施庶事有責成免再藉詞延宕亦考核本管上司勤惰之一法是否有當合併陳明除飭司

分行各府廳州一體認真督算依限核辦外理合會同兼管順  
天府府尹臣萬青藜順天府府尹臣卞寶第合詞恭摺具奏

伏乞  
皇太后

皇上聖鑒訓示謹奏



馬賊較遠居中籌辦疏

同治五年正月二十二日

奏爲馬賊較遠北防稍鬆酌擬居中籌辦情形恭摺具陳仰祈  
聖鑒事竊臣前因分派防兵暨籌設馬撥濠柵勸辦永東團練  
各事宜均經奏報在案該守口官兵自分派駐劄後迭經委查  
尙能認真操防無敢疏懈奉天熱河兩路馬撥已據各州縣稟  
報選派夫馬馳赴派定站所輪遞當差濠牆塹柵近亦一律修  
報工竣尙慮或有未能完固之處復經遴派員弁分投查勘總  
期足資捍衛以固邊疆各屬鄉團自前署貴州巡撫韓超會同  
各地方官按照臣前示章程廣爲勸諭各紳民尙知慕義現已  
陸續舉行近日疊接關外探報馬賊自撫順城南被官軍痛勦

後各匪聞風遠遁由長春廳一帶竄至吉林伯都訥地方距山海等關約在二十餘里是該匪畏懼聲威不敢復肆鴟張其情已可想見並準工部尙書文祥函稱奉天肅清後已派各軍分防吉林邊界臣所派總兵劉榮合馬隊亦於十八日護饗起程出關是內有邊牆之守外有奉省之師防勦兼資不致遽虞竄越臣久駐此間與口外軍務無裨於地方公事有曠而相距省南尤遠設有緩急尙須與升任臬司李鶴年會商核辦文函往復遲誤堪虞據目下情形而論保定地處適中南北兩防皆可顧及臣擬暫行回省居中調度程途旣近信息易通將來何路緊要卽仍赴何路督辦似不致於貽誤轉得便於兼籌卽本署

應辦公牘亦可隨時清釐如蒙

恩準擬飭現辦北路營務處通永道英良仍留防所該道才具開展辦事精詳數月以來軍心翕服遵永爲本屬地面相距通州亦近一切公事尙堪兼顧卽飭會督在防將士各路團勇照常操練實力巡防至古北口一帶邊牆皆係提標汛地並擬請旨飭令署提督徐廷楷暫回本轄地面趁此近邊安靖之際將迤北關隘仿照東北各口一律挑鑿深濠築建牆柵庶面面悉臻安密可以益免疏虞再臣前準文祥函商令撥兵勇進駐朝陽東北一帶比以孤軍遠涉饋運維艱聲援易隔或於口外近處量紮一軍容俟熟籌函復去後現揣防河防口兩路交乘兵

力分已無多饒精久而益細審時量力實難再勤出塞之師且聞熱河旗綠官兵早由朝陽紮近邊門聲勢已壯而口外居民均知賊蹤已遠亦甚安帖設見士馬遠出轉恐難免驚疑臣與徐廷楷英良及在防文武僚吏悉心商度不如將擬派之軍分紮口內更嚴戍守藉靖民心緩急之時仍可調用似於軍民皆便內外可安所有馬賊較遠北防稍鬆酌擬居中等辦情形恭摺具奏是否有當伏乞

皇太后

皇上聖鑒訓示遵行再查在防馬隊先後調赴奉省助剿共四百餘匹存營騎兵無多因復新募馬勇百餘名並以步改馬楚

勇百餘名均交記名提督林志金統帶駐紮三屯營隨時操練  
以備調遣合併陳明謹 奏

三才圖會卷之四十一

三十一

添足各口守兵片

同治五年正月二十二日

再提標及宣化通永兩鎮所轄邊牆各口向設守兵每口十數名至數十名不等近年頻經征調大口或存十數名小口僅止數名防守難資亟宜添補當與署提臣徐廷楷悉心籌酌擬照各口原設兵額在各本標內挑選精壯兵丁補足分駐如查有緊要關口原設兵數尙不足數分布應再就各標內酌量添撥責令專守關口不應征調不派雜差總期經久無虞足資防緝該兵丁等應支月餼當遵前奏

諭旨全給實銀以示體恤此次挑補贖額俟前調征兵回標後以之抵補如此轉移辦理兵額既無增減邊防益徵慎固是否

有當伏候

聖鑒訓示謹 奏



遵旨回省疏

同治五年二月初一日

奏爲恭報遵

旨回省起程日期並現籌防軍事宜恭摺具陳仰祈  
聖鑒事竊臣前因北防漸鬆南防較遠擬暫回省居  
將提督及北路營務處分別奏請去留於本月二十  
諭旨俯賜允準遵卽恭錄咨行茲查署提督徐廷楷  
親軍酌裁後卽赴本轄地面查辦迤北各口工程該  
之澈河橋爲口內要路臣已商屬營務處通永道英  
楷起程後將原駐三屯營之直字中軍撥出一營移  
以重防守其餘各營仍紮原處均飭由英良會督操

久生懈尤宜勤探口外賊蹤確信隨時馳報由臣酌核辦理並經商文祥如有緩急一面咨會到臣一面飛檄英良遵辦俾免遲誤而利戎機各口牆柵工程原派候補道蔭德泰記名提督劉光文往來查催現雖陸續報竣尚有酌量增修之處應留該員等常川駐口以資監督臣將以上各層妥商後定於二月初二日起程回省惟念南北兩路防軍及派赴奉省兵勇約計一萬四五千入每月饗乾以及購辦軍裝馬匹等項需費浩繁時虞竭蹶應如何籌防節費兩無妨礙容與藩司唐訓方悉心籌畫以期仰副宸廑所有微臣起程回省日期並現籌防軍事宜理合恭摺具

陳伏乞

皇太后

皇上聖鑒謹奏



馬勇饟乾片

同治五年二月初一日

再查直省巡防馬勇與各營勇隊中之馬探月支饟乾有照從前奏定章程每名每月按六兩四錢五分給領者有按七兩八錢支發者多寡懸殊不足以昭平允現在各起馬勇均已飭調北來防勦馬賊必須丁壯馬健方資得力值茲銀價減落諸物增昂該馬勇等遠道從征所需饟乾若照海防章程每名月給銀五兩六錢實屬不敷食用茲據總局司道核議具詳前來

臣

查係實在情形且該勇等巡防偵探均屬得力合無仰懇天恩俯準自五年正月爲始無論馬勇馬探每名每月一律概給實銀七兩以示體恤而歸畫一除咨部立案外理合附片陳

明伏乞

聖鑒訓示謹 奏

編查保甲疏

同治五年二月十二日

奏爲編查保甲一律照章整飭恭摺具 奏仰祈

聖鑒事竊查保甲之設所以別良莠而靖地方果能稽查得法盜賊固無由潛蹤兼之守望相資團練亦易於集事直隸爲畿輔重地辦理尤宜認真節經臣札飭各該道府廳州督飭所屬州縣將保甲事宜查照順天章程遵

旨一律從新整飭逐細編查不準虛應故事並激勵鄉團聯絡聲勢務與保甲相輔而行以期有犯必獲無姦不除緩急有恃閭閻安堵仍俟查辦完竣報由該管上司親歷抽查以昭核實茲據各該道府廳州抽查完竣由藩臬兩司覆核會詳呈請循

例具 奏前來除仍嚴飭實力稽查如有翫泄從事敷衍塞責者卽行嚴參懲辦儻能實心經理著有成效者亦必分別 奏乞 恩施以昭激勸外所有編查保甲一律照章整飭緣由理合恭摺具 奏伏乞

皇太后

皇上聖鑒謹 奏



恭報回省日期疏

同治五年二月十二日

奏爲恭報

微臣

回省日期仰祈

聖鑒事竊

臣奉

命防邊前因匪蹤較遠

奏奉

恩準暫行回省居中調度已將布置情形及起程日期縷晰

奏陳在案茲

臣

於二月初九日抵省現將署中應辦案件趕緊

清釐並將各路防軍所需資糧與藩司趕緊籌畫調任河南撫

臣李鶴年不日交卸臬篆畿南軍務仍由

臣

督飭嚴防相機調

度近日南路探報髮捻各匪雖仍在楚豫之交而時值春融賊

情狡獪難保不被勦紛竄幸黃河開凍後礮船得照常駛行並

由大名道府勸捐添造礮船以冀益臻周密論直隸形勢雖南  
恃天塹爲藩籬北倚長城爲鎖鑰然欲收地利之實效端賴人  
力之設施臣惟有通籌兼顧督飭南北兩路文武員弁遠設偵  
探實力操防勤加巡察勿得稍有鬆懈如駐軍之處有應行損  
益改易之處亦當隨時度其緩急酌核辦理以期仰慰  
宸廑所有臣回省日期理合恭摺具陳伏乞

皇太后

皇上聖鑒謹 奏

京控案件勒限清釐疏

同治五年二月十二日

奏爲京控案件現在分別催審勒限清釐恭摺具奏仰祈  
聖鑒事竊直隸民人一經涉訟因至京甚便控案較多原與別  
省情形不同其中固有原審州縣訊斷懈緩承問草率不免屈  
抑者亦有刁健原告挾嫌貪賄聽人架唆屢控不休者全在地  
方官平時折獄持平案無留牘杜書差之擾累平雀鼠之紛爭  
則民心悅服而訟牒自稀無情者亦難施其譎張上年臣曾奏  
明將命盜案件分別新舊依限完納不準遲延積壓以清訟獄  
之原仰蒙

諭旨通飭遵辦自此次整飭後已將題咨積案六百餘起趕辦

正惟公全集卷一  
完竣新案一百餘起亦復接續依限辦理近來各屬招解之案  
不致如前稽遲卽自理詞訟亦飭隨到隨審隨審隨結不準稍  
涉拖延並定功過章程頒發各屬以審斷之勤惰課牧令之優  
絀於是京控之案因亦稍減於前然未結者尙多仍須趕緊清  
理現已欽奉

諭旨勒限完結勿得任意延宕並蒙

敕部嚴定章程凡有督催承審之責者敢不凜遵惟向來京控  
奏交之案均係提省審辦迭經臣隨時督飭臬司提訊完結如  
實有要證外出情罪虛懸難以按限完結者仍準咨部展限各  
衙門咨交之案如情節較重及牽涉官吏者仍行提省委審其

餘皆飭該管道府廳州就近提訊以免人證拖累各該上司或因證佐未齊或因原告逃匿相率遷延在所不免節經飭司嚴查催審去後茲據升任臬司李鶴年以同治二年抵任後查明以前各屬未結京控之案共計一百五十六起卽經遴員分往會同催審嗣據陸續訊結詳請奏咨銷案截至上年止未結者僅四十餘起其自三年以後續控之案除審結外又積至六十餘起現已分別開單委員查催並飭各府廳州嚴提速審起數少者予限兩月十起以上者予限三箇月二十起以上予限四箇月一律審結詳請咨銷如再蕪延或由州縣提解遲緩卽照吏部新定章程分別參辦以挽積習如果實係原告情虛避匿

延不到案希圖拖累亦飭照例詳銷以清塵牘等情具詳前來  
臣仍當隨時督飭嚴催速審無論 奏咨各案務令依限完結  
如再任意延宕苦累小民亦必據實查參以仰副  
聖主息訟安民再三訓誡之至意所有直隸省京控案件現在  
勒限清釐緣由理合恭摺具陳伏乞

皇太后

皇上聖鑒謹 奏

欠餽轆轉改章年清年款疏

同治五年二月二十七日

奏爲兵餽積欠過多搭放徒滋轆轉擬請酌改支發章程年清年款以清款目而恤兵艱恭摺 奏祈

聖鑒事竊照上年接準部咨各省積欠常年兵餽前經奏準行查僅據皖撫覆奏營制未復毋庸補發此外仍奏請改撥且有將各項新收請還本省積欠者年復一年含混轆轉雖有補發亦屬核算不清議令將額餽截至同治三年年底止有無積欠應否補發並實在欠發若干迅卽覆 奏俟覆齊由部統核情形酌辦等因於同治四年十月二十二日奏奉

諭旨依議欽此咨行到 臣卽經行司飭遵去後茲據藩司唐訓

方詳  
形不  
裁減  
延陳  
若竟  
遞年  
餘萬  
能不  
新饑  
直俟



愈多挹彼注茲無非移緩就急遂致舊欠未了新欠又增新舊  
糾纏款目繁瑣若再年年套搭欠饒永無結期將來奏銷愈形  
輻輳況當操防喫緊正須士飽馬騰方能振作尤不便仍以七  
折八扣給發致各營紛紛藉口自應早爲變通以便截清支放  
內除

兩陵甲兵馬蘭鎮兵及抽練官兵加饒均各另有定章應照另  
章查辦外其餘各營額饒擬自同治五年春季起各營新饒統  
按原定七成實銀按季撥發不再蒂欠其五年以前舊饒先行  
截清尾欠成數一俟庫款稍可周轉隨時補給俾各兵亦不致  
絕望至官俸養廉公費仍照舊章關支母事紛更如此量予變

通各兵有現饑養生操防可期得力而舊饑漸次清理款目亦免糾紛等情具詳請 奏前來 臣查直隸兵饑前次議分新八舊二搭放係因其時甫議抽練恐新兵不得現饑難以鼓舞其心是以與前藩司王榕吉籌商定議因有此奏 臣意原係專指抽練兵饑而言且係承接前摺奏準銀九票一之數而言實欲於鼓勵新兵之中仍寓以矜恤舊兵之意不料前藩司未能體會遂卽含糊敘詳 臣亦一時疏忽遽行據詳入 奏旣未將專指抽練兵饑一節聲明又未將係按九一成內攤分二八一節指出且有無滿營在內亦未聲敘明晰嗣奉部文行令就七成銀內分作十成再按新八舊二搭放始悟前詳聲敘諸欠分曉

第既經部臣議奏何敢再事瑣瀆當飭姑先遵辦乃是年藩司正署迭更奉行者既昧原議所由來承領者每疑得項之轉少而

兩陵及駐防各營均紛紛以七折八扣請示臣正擬奏咨更正又以南北防剿奔走未遑茲藩司亦以新舊套搭奏銷輻輳爲虞亟應如請變通除練兵加餼仍照另章辦理外其額定七成兵餼請自五年春季爲始按季照額給領不再蒂欠惟據詳從前舊欠竟此停發殊恐旗綠各營未必遵允第此時庫儲萬分支絀其勢實難兼顧但得少緩一步究可少寬一分擬俟南北兩路撤防後察看情形可停與否另行奏咨辦理除先分咨戶

兵二部查照仍飭遵奉部文速將積欠數目查開清單妥議歸  
結詳辦外理合恭摺具 奏伏乞

皇太后

皇上聖鑒訓示謹 奏

馬步練軍起支新餼片

同治五年二月二十七日

再查直省抽練馬步兵勇所需軍餼前經臣酌議定章奏請按照銀九票一支放並請由江蘇等省協撥固本餼內動撥接濟均已奉

旨允準嗣據前藩司以所設七軍應需餼乾內除兩軍練勇係屬新增應遵原奏按銀九票一支放其餘五軍均係抽練各營額設之兵本營原有七折實銀餼乾自應於應支本營額餼之外另行加增二成實銀一成票銀以符奏準九一之數其新增餼乾即在各省協撥銀內動支給領專款造冊報銷詳經臣咨部立案旋又據臣標中軍以此項抽練戰馬必須一律臚壯

劉武儀八全集

卷十

方可乘操得力例支馬乾不敷餵養議定每馬日給麩豆各四升十觔重草一束按時價核實估計其合乾銀一錢一分七釐稟經臣檄飭藩司查明委無浮冒不實詳請按月照給原議將例銷不敷另行設法籌補嗣因各軍戰馬事同一律並令將南北兩路調防馬隊均照此給發乾銀俾資餵飼在案茲據軍需總局司道詳稱查得前項兵勇現經各鎮協營認真操練著有成效各營馬步業俱奉文加抽所需饗乾均應按名增添第查各營馬乾按例春冬二季日支銀四分夏秋二季日支銀三分核與現支銀一錢一分七釐之數大相徑庭惟行軍制勝馬隊爲先必須調養於平時方可得力於臨陣此項抽練精兵原爲

捍衛畿疆而設操陣練  
亦馴熟若非臆壯力足  
四升十觔重草一束前  
不敷購買自未便拘泥  
正長況馬隊既經加抽  
例銷不敷銀兩由外籌  
請將馬乾一項除南北  
所有各軍練兵戰馬係  
饟仍由本營按季具領  
支乾銀應與新增二成

固本軍餼銀內及庫存節年地糧一成票鈔項下照數按季撥  
給領回散放將來專案估報造冊奏銷庶用款不致虛懸而馬  
匹亦免疲瘦以重操防而收實效會詳請奏前來除飭查取原  
續抽練兵數馬數並應以何日起支新餼之處分晰造冊咨部  
外理合附片陳明伏乞

聖鑒謹奏



豫捻北竄水陸防剿疏

同治五年三月初一日

奏爲豫省逆捻日漸北竄現飭在防水陸各軍相機防剿恭摺  
奏祈

聖鑒事竊

臣前準東河督

臣

張之萬咨會捻匪回竄須飭嚴防

並迭據探報捻逆張總愚一股自鄆城交界偷渡沙河卽由襄  
城洧川扶溝一帶日漸北趨行走甚速汴省西南十數里已見  
賊騎游駛當卽飛札南路在防各軍嚴加堵扼並飭抽撥勁旅  
馳赴東明駐劄以勦爲防本月二十七日復據辦理營務記名  
臬司陳鳴志署大名府知府楊毓枏等以探得汴省東西南三  
面賊蹤蔓延意圖東竄東明長垣邊界亦見賊騎現飭游擊龔

又林守備袁多如督帶所部礮船各歸汎地嚴密扼防並飭將沿河船隻一律提歸北岸該員等已駐紮東明縣城因兵力尙單復移飭記名提督徐士巍所帶營勇由沙堦堆拔隊進紮東明與原駐東明之參將常開運一營互爲犄角並調署清豐縣知縣李秉衡帶領所部直字左營移防開州等情稟報前來臣查賊蹤飄忽奔竄靡常雖有黃河之阻而地勢繇長必須防勦兼施首尾相顧庶無竄越之虞現已飛飭該員等卽督各隊穩紮東明相機防勦如賊勢尙重再由西岸增調精銳以資前敵并飛飭總兵姜國仲陳濟清余承恩等督同東西兩路水陸兵勇嚴防確探如有賊蹤竄徧河干亦卽淬厲士卒迎頭截勦與

豫東官軍互爲策應以收夾擊之功仍由臣飛咨河南山東撫臣迅飭與直交界各屬兵團協力助剿共遏北竄正在繕摺開  
欽奉寄

諭直隸與東境毗連州縣延袤數百里飭令嚴密設防等因欽  
此臣復欽遵嚴飭在防各將士妥爲備禦相機迎剿以固河防  
頃又據管帶水師守備袁多如馳稟二十四日賊竄竹林口等  
處是夜馬賊數百名直撲沙垆堆河口意欲搶渡北竄該守備  
卽移船東岸連放大礮賊始退至習村以南盤踞等情除再飛  
札陸路各軍趕緊兜剿並飭上下游水師實力扼防外理合恭  
摺馳 奏伏乞

皇太后

皇上聖鑒謹 奏

北路防兵分別撤留片

同治五年三月初一日

再昨準尙書文祥等咨會官軍追剿馬賊迭獲大勝殺賊逾半現仍派隊東進以期一股殲除等因臣查該馬賊受此懲創逆膽喪落其敗殘餘匪不難挖補淨盡所有前調北路防兵自應分別酌量留撤以節饟糈而資守禦除天津兵五百名已於二月內由署提臣徐廷楷咨撤外現擬將臣標先後調出馬步官兵一千三百餘名一併撤回此外兵勇仍留原處卽令原帶員弁照舊操防認真巡哨其各邊隘大小缺口建築牆柵挑挖深濠已一律報竣並飭北路營務處通永道英良就近派員驗收工程一俟詳到另行具奏又準徐廷楷咨稱各口守兵均經撥

補足額惟前奏於衝要各口酌添守兵爲邊防經久之計現擬在通永鎮標內撥出額兵一千名添入衝要各口與原設守兵合駐一處專司守禦並隨時修補牆柵各工俾免頽廢至各邊口兵數加多應否添設備弁以資管帶之處統俟與署提臣將各守兵添撥定局再行詳悉具陳恭候

聖訓飭遵所有北路防兵現擬分別留撤布置情形理合附片陳明伏乞

聖鑒訓示謹 奏

河防加緊出省督辦疏

同治五年三月十四日

奏爲賴逆回竄豫境勢欲東趨河防加緊擬卽出省就近督辦  
恭摺仰祈

聖鑒事竊臣於三月初十日將東路捻氛逼近河干現飭水陸  
各軍堵禦情形。奏報在案同日欽奉

寄諭賊匪全數北竄奔突靡定直隸防務緊要著劉長佑嚴飭  
各路防兵認真戒備不得稍涉大意等因欽此遵卽恭錄嚴飭  
在防各軍實力備禦去後茲據署通永鎮總兵陳濟清等稟報  
張逆被勦由鄆城竄踞梁山營初八初九等日分股擾及宋家  
樓沈家口等處意在擄船搶渡疊被該總兵等督飭師船開礮

擊退並親督奮勇登岸追剿立斃悍賊多名餘皆負創返奔又  
據南路營務處記名臬司陳鳴志稟稱張逆疊被南路官兵兜  
剿悉竄范縣壽張瀕河一帶勢猶猖獗總兵余承恩因慮賊窮  
走險咨請添隊協防該司陳鳴志現由開州帶隊馳赴東路會  
督堵剿旋據探報賴逆一股由皖省回竄河南項城太康通許  
等處已近汴省距東明杜勝營亦祇百數十里並據拏獲賊騎  
供出該逆亦思竄往山東等語查此股賊匪由楚皖繞回豫境  
沿途裹脅人數較多迹其行蹤尤爲剽疾蘭考一帶雖有豫省  
防軍惟賴張二逆勢將合股直隸河路縣長東西兼顧防務尤  
爲喫重臣於前摺聲明如果軍情加緊擬卽添帶調回北防之



兵出省督辦今既據報竄回竄難保不因我軍併力東顧窺伺河干亟須添調兵勇加意防範臣現擬於二月十九日先將調回省標馬步官兵酌撥數百名帶隨出省仍赴大名就近調度督率水陸各營嚴加堵扼相機截剿臣出省後所有署中尋常日行公文卽飭署藩司錫祉代拆代行緊要事件仍由臣隨時核辦除飛飭各路在防將士認真巡探勿稍輕忽外所有竄回竄並臣現擬出省日期理合恭摺具奏伏乞

皇太后

皇上聖鑒訓示謹奏



捻撲河干並北路邊防疏

同治五年三月十九日

奏爲捻逆疊次竄撲河干均經官軍擊退並北路邊防仍須兼顧恭摺仰祈

聖鑒事竊

臣

前將東省捻氛逼近河干現籌堵禦情形奏奉

諭旨如再有警報卽著督帶馬步各隊星速出省擇要駐紮相機布置等因欽此旋接各路探報賴逆回竄豫境勢欲東趨河防喫緊擬卽出省督辦於本月十四日又經恭摺馳陳在案十七日復欽奉寄

諭賴牛股匪由中牟疾趨向朱仙鎮一帶竄擾勢甚披猖直隸大名邊境與開封接壤尤須防其窺伺黃河希圖北渡著添派

兵勇與在防將士實力堵遏勿稍疏懈等因欽此遵復欽遵飛飭在防各軍一體凜遵嚴加扼守惟連日疊據總兵陳濟清等稟報張逆一股屢次撲犯河干自壽張縣南岸下接沈家口占踞村圍多處當卽督兵攻復二村初十日夜復督礮船出其不意攻克艾家堦堆村圍逆眾驚潰兵勇登岸追殺多名次日午後礮船折回下游賊猶往來窺伺又經水陸夾擊斃賊三四十名先後救出難民無數該逆始向西南逃竄又據總兵余承恩等報稱初九日賊騎在沿河窺探當經開礮擊退十一日夜該逆乘雨竄撲河岸難民紛紛呼渡當卽派撥小船救護難民一面督率礮船連環轟擊賊不敢近仍退踞壽張之劉家堤等處

十二日早該總兵督隊進攻礮斃匪黨多名生擒十餘名賊始  
南遁現在鄆城壽張等處已無賊蹤等情臣查張逆竄入東境  
以後屢受懲創兼之南駐重兵東阻運河北有黃河之險西有  
追擊之師如僅盤踞於荷定鉅鄆之處尙易制其窟穴所慮賴  
牛等逆旣欲東趨勢將滋蔓直隸河防自張秋至開長縣亘六  
七百里處處喫重必須加意嚴防臣原調北防之督標練兵尙  
未到省現祇酌帶兵弁百餘名於十九日出省馳赴大名周歷  
詳查何路應增兵勇何處應添礮船妥籌布置以期益臻周密  
並飭各路帶兵各員和衷商辦務使東西聯絡互爲應援防剿  
兼施不準稍形疏懈正在起程間又接北路委員探報本月初

五日見有紅黃藍三旗馬賊二千餘名由奉省竄擾清河門等處初七日經熱河官兵迎擊未能得手賊仍西竄已至朝陽縣東界燒鍋地等處現將前摺擬調之直字中軍兩營仍留北路並札飭通永道英良確探賊蹤所向會同記名提督黃仁遺等酌派馬步隊數百名出關協同追剿期於共殲醜類仍飭沿邊文武督飭兵團仍前布置一體認真巡哨以備不虞臣俟南路布置周妥如果賊已南趨離防較遠仍擬回省居中調度庶無顧此失彼之虞俟抵防後再將一切情形詳晰奏陳所有南北防務必須兼顧臣暨起程先赴大名督辦緣由理合恭摺馳奏伏乞

皇太后

皇上聖鑒訓示謹

奏





羣捻搶渡增兵嚴防疏

同治五年三月二十四日

奏爲張逆回撲河干疊經防軍擊退賴牛各逆復竄濮范合謀搶渡現在增兵嚴防恭摺仰祈

聖鑒事竊臣於本月十九日起程出省時曾將兼籌南北防剿

情由奏奉

諭旨欽遵在案旋接南路營務處按察使用陳鳴志由開州馳報十五十六兩日賊匪邊馬回竄州屬東岸之焦邱大寨司馬集等處意欲搶渡並有股匪百餘攜帶婦女假裝難民混至河口經署大名府知府楊毓相令守備袁多如把總李占元等督隊東渡將各匪先後擊退並捕獲姦細數名救出難民百餘名

又據總兵陳濟清等稟報十六日寅刻賊馬數百騎竄至壽張東岸之三官廟趙王河西該總兵與候補道劉策先卽督游擊曾明光等移船列陣施放連環槍礮斃賊數十名該匪退入近村盤踞午刻復出賊千數百名並帶劈山大礮擡槍洋槍分撲張秋東岸之劉家橋袁家橋各河口該總兵仍督副將劉祺等水陸弁勇並會同山東總兵趙三元所帶礮船分投迎擊賊猶開放槍礮冒死抵抗相持兩時之久適游擊馮友元從上游帶領師船駛至接應連發大礮立斃騎馬悍賊十數名餘悉卻走向沈家口以西遁去又據總兵余承恩稟報十七十八十九等日有紅旗白旗五色旗三股或四五百人或二三千人在於范

縣東岸之孫家窪徐家范家各渡口肆行焚掠驅逐難民並拉載木筏數十張放入中溜志在北渡該總兵與候選道裘德俊督同署清豐縣知縣李秉衡暨營官余載恩李春陽等各率所部進偪大溜迎頭堵截水陸槍礮齊發先後斃賊數十名奪獲擡槍刀矛等件其駕筏中溜之賊紛紛斃水上岸又經礮勇從旁溜繞出截擊生擒長髮賊數名落河死者數十名並探悉賴文亢牛洛紅各逆竄入鄆境與張逆句合由濮州臨濮一帶竄踞范縣舊城董家樓等處共圖搶渡各等情當卽飛飭該員等各督所部無分晝夜水陸嚴防見有南岸賊蹤務當協力堵擊一面添調大名正定兩鎮練兵共一千名馳赴濮范河口協同

守禦臣亦趨程前進定於二十五日可抵大名擬卽親歷稽查就近調度惟該匪此次竄入東境沿河滋擾與上年情形迥異賊眾亦視上年較多現在東南兩面兵力日益厚集足可制其衝突該匪進無所逞退無所歸偏近河干日久必思詭脫近已屢次竄撲又復勾結賴牛各逆逞其狡謀設使天尙不雨河水漸消更難保無併力搶渡之舉前奉

寄諭飭添派兵勇與在防將士實力堵遏仰見

宸謨深遠慎重畿疆至意臣查上年防河各隊約近萬人差數分布自籌辦北防後陸續由南調去馬步兵勇共二千餘名前擬調回直字中軍兩營助防河岸旋聞馬賊餘黨復竄朝陽屬

境卽經奏明停調以備出口會勘頃據偵探委員報稱前由清河門竄向朝陽股匪隨卽折回奉境並有在花營投誠之信迭據通永道英良游擊張得祿來稟相同是北路防務較鬆前次議留之馬步兵勇足敷巡防仍應將直字中軍兩營練勇調撤南來以資防勦餘俟馳抵大名後察看情形隨時奏報所有張逆回撲河干疊經防軍擊退賴牛各逆復竄濮范合謀搶渡現在增兵嚴防緣由理合恭摺由驛五百里馳奏伏乞

皇太后

皇上聖鑒訓示謹奏

臨桂李樹森  
南陵胡永福  
同校

劉武慎公奏稿

劉武慎公全集十二

卷之十一目錄

馳抵大名查閱河防疏

擒獲著名匪首獎敘疏

查閱開濮河防簡閱師船疏

河防既定回省辦理秋審疏

京東邊防較鬆疏

請假一月片

援案捐礮疏

遵調綠營赴新疆疏

因病籲懇開缺疏

賞假三月謝恩疏

遵保守河防邊員弁疏

馬乾仍照前議支給疏

緞疋庫絲斤改派南省片

豫捻回竄臬司督辦河防疏

力疾銷假並懇陞見疏

出征官兵歸伍片

擒匪南竄片

孝女請旌疏



陳明近年練兵情形疏

練軍加餉片

請撤回出關練兵片

分練六軍請增二軍疏

籌補入款樽節出款片

擒匪東西分竄片

推廣練兵章程疏

各五州之志

馳抵大名查閱河防疏

同治五年三月二十八日

奏爲據報東西兩路官軍堵剿情形並臣馳抵大名探悉賊蹤擬仍赴開濮查閱河防恭摺具奏仰祈

聖鑒事竊臣前在順德府城謹將張逆回撲河干疊經官軍擊退賴牛各逆復竄濮范合謀搶渡各緣由由驛馳奏在案當卽趨程前進於二十五日未刻馳抵大名府城接據總兵陳濟清等稟稱十九日早見有賊馬二三百匹在趙王河南岸馳走當派營哨開礮轟擊立斃悍賊數十名二十日卯刻逆眾數千人併力來撲計思搶渡該鎮迅督副將劉祺等帶領舟師分布河西至劉隄一帶開礮環擊並派奮勇登岸用竹矛迎刺匪眾紛

益正世公三集卷十一  
紛倒擠落水勢殊不支乃散匿村團負固不出我軍靠近南岸  
下碇向各村團盡力攻打自辰至酉轟破多處匪眾倉皇乘夜  
向西南竄去又據總兵余承恩稟稱二十日子刻見有馬步賊  
眾在河東村寨踞擾該鎮密派勇隊逼近賊卡暗伏一面督同  
署清豐縣知縣李秉衡等約會范縣文武各率兵勇圍丁渡河  
登岸同時奮擊斬獲髮賊多名救出難民男婦五十餘名口匪  
眾大亂奪路向東北狂竄追趕數里當將舊范縣等處收復又  
據開州南樂各屬稟稱探聞賴牛兩逆現已分股一竄東南一  
竄東北並據續報張賴各逆於二十一二等日先後竄往鄆城  
曹縣一帶濮范壽張境內已無賊蹤各等情臣查該逆等忽分

忽合狡詐異常突往突來行尤剽疾現雖被折竄而東南各路均有重兵堵禦甚嚴難保不去而復返亟應加意防守以備不虞除嚴飭水陸各軍協力實心仍前防守不得因賊蹤稍遠遽形疏懈外臣日內卽赴開濮等處將河道防軍親加查看並將續調兵勇酌度分布務期益臻強固仰慰

宸廑所有東西兩路官軍堵剿情形並臣馳抵大名探悉賊蹤擬仍赴開濮查閱河防緣由理合恭摺由驛具奏伏乞

皇太后

皇上聖鑒謹奏


擒獲著名匪首獎敘疏

同治五年四月初三日

奏為擒獲著名匪首之出力官紳籲懇

恩施量予獎敘恭摺 奏祈

聖鑒事竊查衡水縣蕭家屯匪徒王洛月即王貫珠與其弟王貫三本係市井無賴假名團練糾聚匪眾時出搶劫迨被控發聞拏逃匿至咸豐十年由山東潛回適因津通戒嚴即以投效為詞豎旂招眾率黨東趨擾及深冀河閒一帶焚掠殺人抗拒官兵勢甚鴟張幸值親王僧格林沁駐紮河閒勦辦土匪該犯等始震懾而遁旋赴勝保軍營朦混投誠得邀保舉同治二年張宋二逆先後倡亂王洛月等弟兄復在原籍仍以辦團為名

糾邀黨與偏脅村民多人雖無謀逆實據其心尤爲叵測前奉寄

諭飭拏經臣在營密飭該管署冀州知州高維翰不動聲色親往訪捕該署州先將其所集團練解散並派冀州訓導李昌時與衡水縣舉人劉埇敏等約會附近鄉團潛伏其後並知會州判高士瑛防守州城該署州高維翰隨帶練勇前往該村誘擒該逆自知罪無可追先期遁逸將其弟王貫三拏獲究追王洛月已逃至山東恩縣一帶復派親丁將其誘至冀州一併押解進省由臣督飭審明將該犯王洛月王貫三在省正法業經奏明在案其餘助惡夥黨王大汰等亦經先後被獲正法其平



日因被迫脅並受其愚弄者出示免其查究予以自新該匪等殲除後迄今地方安堵嗣奉

上諭御史汪朝榮奏王洛月餘黨尋仇搶劫官紳無敢過問團練始勤終怠令卽查明具奏等因欽此查冀州城內祇有職員劉朝傑錢鋪於同治三年十月初三日夜被賊竊去銀兩拒傷鋪夥已據該前州瑞慶稟報獲賊張大彪等二名審擬別無報有王洛月等餘黨因挾紳團拏獲尋仇搶擾之案並飭據衡水縣以王洛月弟兄明正典刑之後地方肅清查無餘黨潛匿滋事等情稟覆相符復查王洛月弟兄係臣密飭前署冀州高維翰等設法誘擒來省訊明正法並非紳團獲解劉朝傑係城內

鋪戶尤非辦團紳士其爲並非王洛月餘黨尋仇搶掠已可概見但查原拏王洛月等在事出力官紳能將多年稔惡著名匪首設法誘擒解省迅速殄滅不煩一兵之力得免後日之患自應量予獎敘以示鼓勵茲據總局司道會詳前來合無仰懇天恩俯準將前署冀州先用直隸州坐補清河縣知縣高維翰請旨賞戴花翎直隸州用候補知縣冀州州判高士瑛請加運同升銜州同銜冀州訓導李昌時請加五品銜衡水縣舉人劉琦敏請以知縣歸舉人本班儘先選用以昭激勸是否有當理合恭摺具陳伏乞

皇太后

皇上聖鑒訓示謹奏

大清高宗純皇帝實錄卷一百一十一

十一



查閱開濮河防簡閱師船疏

同治五年四月十八日

奏爲查看開濮一帶河防情形並至張秋簡閱師船及探悉現  
在賊蹤一併恭摺具陳仰祈

聖鑒事竊臣前於馳抵大名據報東西兩路官軍堵剿獲勝賊  
卽遠竄仍擬查閱河防緣由由驛馳陳欽奉

諭旨飭遵在案臣當於四月初三日由大啟程馳赴開州復道  
出豫省邊境至長垣縣之盧岡寨乘舟東下查閱沿河各營兵  
勇均瀕大溜駐紮備禦尙屬嚴密雖河面廣狹不齊淺深無定  
而水勢湍激迥異凡流是以該逆屢次竄撲經我兵節節守禦  
並將師船攏近南岸開礮轟擊該逆自難飛越臣仍激勵各將

士益加嚴密勿任日久懈生至初八日舟抵張秋之八里廟隨將各礮船調集該處逐加校閱衝風擊浪分合往還施放連環大礮均極靈便穩固水勇亦屬精壯實於河防尤爲得力是日適聞兩江督臣曾國藩山東撫臣閻敬銘由濟偕來查看沿河形勢已至沈家口地方去張秋不遠臣卽日移船至彼與曾國藩閻敬銘晤商河防事宜並於次日同坐師船泝流而上至劉家隄一帶查看形勢曾國藩以水師足恃屬再添設船礮藉省兵力其自濮范以至張秋直東防軍有尙須略爲更動之處彼此商度意見相同容俟閻敬銘籌定兵勇當由曾國藩奏明辦理惟近接探報張逆又有回竄曹單之信是該逆被擊忽分忽

合仍由舊路往來奔突河防更不容少懈臣當咨會閩敬銘暫照原撥兵勇合力嚴防至通商大臣崇厚撥防南路之洋槍隊日前已抵景州臣以河防既定津兵無多當經咨復崇厚飭令該槍隊仍回天津以備北路緩急並因臣遠在南路竊恐奉省馬賊被勦狂竄北路之防仍須豫計乃咨商崇厚以津郡離邊關不遠如果賊信較緊請其就近督師兼顧北路近接尙書文祥來函知關外馬賊勦擊殆盡仰賴

天威指日即可一律蕩平不特崇厚可以毋庸出鎮邊關卽從前副都統長善奏調總兵劉榮合之馬隊更毋須出關扼防臣現復馳回大名據報賊蹤既有回竄之信已督飭在防將士勤

探嚴防並飭各師船晝夜梭巡遇賊卽擊勿稍疏懈外所有  
臣  
查看河防簡閱師船及現探賊蹤緣由理合恭摺馳陳伏乞  
皇太后

皇上聖鑒訓示施行謹 奏



河防既定回省辦理秋審疏

同治五年四月二十七日

奏爲河防既定賊復遠竄

臣

定期回省辦理秋審事宜恭摺

奏祈

聖鑒事竊

臣

前於馳回大名後當卽查看河防並會籌分布擬

暫行回省辦理秋讞事宜一併由驛具奏欽奉

諭旨遵卽嚴飭在防將士並水師礮船認真堵禦晝夜梭巡不得稍形鬆懈以固邊防茲據各路探報張逆股匪前復回竄曹境並圍該縣城池經李昭慶由濟督軍擊退多所斬擒本月十六日劉銘傳督軍自考城折回會合夾擊大獲全勝斃匪尤多逆勢不支遂於十七八等日敗向東南奔竄現聞已入江南徐

密正世公全集卷十一  
郡地面有與賴逆等合股之勢劉銘傳等各軍現仍跟蹤緊躡  
各等情臣復查該逆忽分忽合總由舊路往來奔竄勢已窮蹙  
現在被擊南竄東境已無賊蹤臣前以秋審屆期必須及時回  
省勘辦且本年新案數倍往昔尤當加意簽商俾昭詳慎臣定  
於月之二十八日暫行回省與該司道等商辦秋審事宜定期  
會勘以免遲延至現在賊勢南趨防務較鬆臣已將續調之省  
標並大名鎮標練兵先撤歸伍稍節糜費除飭沿河水陸防軍  
仍各加意備禦勿稍疏懈一面籌添船礮增設水師以資得力  
外所有河防已定賊復遠竄現在定期回省勘辦秋審緣由理  
合恭摺具陳伏乞

皇太后

皇上聖鑒謹奏



京東邊防較鬆疏

同治五年五月二十日

奏爲京東邊防較鬆亟宜斟酌情形分別撤留以節糜費恭摺  
奏祈

聖鑒事竊照前因關外馬賊竄擾屢奉寄

諭令臣多撥兵勇實力防剿卽經欽遵催調兵馬馳赴沿邊各

口會同署提臣徐廷楛分撥布置業將整理各口濠牆添派營

務處支應局暨各路馬撥一切事宜先後 奏明在案茲於南

路行營接準文祥等咨會回京起程日期諗悉關外軍務漸就

肅清又經飛飭東路營務處就近斟酌情形作速籌議撤留去

後頃據營務處通永道英良稟稱邊外大股馬賊已滅縱有伏

羣正性全身  
拜現飭各屬整頓團練足助聲勢所有前調防兵自應遵照酌  
減今擬酌留通永鎮兵三百五十名分派石門路都司景隆蒲  
河營都司姬成功寶坻營都司貴勝各帶千把等官分布石門  
燕河建昌各路大小邊口再留提標兵二百五十名派游擊古  
禮治酌留千把等官分布喜峰路暨遵化營所轄各邊口以資  
巡防計其留步隊六百餘名俟守口額兵增補定妥再行全撤  
其餘六百名先撤歸伍至左翼馬隊二百四十餘員名仍交記  
名提督署通永鎮黃仁遺統帶駐紮三屯營右翼馬隊一百餘  
員名仍交記名總兵劉榮合統帶駐紮澈河橋計其留馬隊三  
百餘名內除劉榮合所部自成一隊其餘馬步卽歸黃仁遺一

人鈐束以專責成如有緊要事件該道近在通州仍可會督辦理所有北路營務處應請裁撤兵勇既少月支餉項無多卽交遵化州知州瑞慶就近接管前設支應局亦可裁撤偵探各員陸續調回軍報既稀前派各路馬撥均可撤回以節糜費等情核議稟覆前來臣查該道議覆各條均尙周妥自應分飭照行惟該道英良前經奏派營務處半年以來任勞任怨實屬才識幹練其餘在事大小委員均能勤慎從公現既事竣撤防可否容臣酌保數員附入南防案內以示鼓勵之處出自逾格鴻慈所有京東邊防較鬆裁撤各項並酌留官兵防守緣由除分行遵照外理合恭摺具奏伏乞

皇太后

皇上聖鑒訓示謹 奏



請假一月片

同治五年五月二十日

再臣秉質素強自咸豐四年在安徽軍營兩次大病後遂得肝氣證時作時止尙不爲患至今年春夏之交舊證大作竟致周身筋骨時常牽痛昨由大名防所回省途中又得咯血之證近雖服藥小效而右臂及兩腳跟掣痛尤甚精神漸減坐臥均難醫云病在心肝兩經血虛火動發爲諸證現值夏令非靜養不能就痊因念臣庸劣渥荷

聖恩久膺疆寄每以毫無報稱夙夜悚惶何敢稍耽安逸然欲力疾視事又恐病難速痊事益不治負疚滋深茲新授臬司張樹聲業經到任藩司鍾秀聞已交卸諒亦不日可到合無籲懇

奏正惟之之金

天恩賞假一月俾臣安心調養速求痊可之處出自

逾格鴻慈如蒙

恩準所有臣署日行公事擬交藩司代拆代行其緊要事宜仍

與臣商酌辦理俟假滿病痊臣即奏請銷假照常辦事理合附

片具奏伏乞

聖鑒訓示謹奏

241

援案捐礮疏

同治五年五月二十日

奏爲防軍需礮甚多擬請援案捐造以資利用恭摺奏祈  
聖鑒事竊照軍營擊遠命中每多得力洋礮前議東長開濮一  
帶籌添師船已據大名府籌款開局打造惟所需礮位除由通  
商大臣撥給八十餘尊外尙少數百觔至千餘觔洋礮二百餘  
尊又東北沿邊各口及衝要城堡亦須一千餘觔至數千觔洋  
礮三百餘尊工本旣重購辦良艱直隸疲乏之區祇有勸捐一  
法或冀尙可濟事伏查海口厯次勸捐洋礮援照咸豐九年海  
防案內前

欽差大臣親王僧格林沁奏準章程懇請獎勵均蒙

恩準在案此次南北水陸計需洋礮甚多勢不能再向通商大臣捐存項下分撥且海口應用亦關緊要安有多餘可勻自應仿照成案捐輸以期眾擎易舉合無仰懇

天恩俯念防軍要需準令照案辦理如蒙

俞允臣即咨由通商大臣發給執照轉給洋商前赴廣東香港各地方趕緊採辦陸續運送來直酌量分撥一面委員分投勸諭紳商廣爲捐輸除道府州縣四項並分發指省遵照部定新章概不收捐外其餘

封典虛銜翎枝文武各項實職官階仍照僧格林沁奏定捐礮章程核實妥辦容俟驗收礮位後隨時飭取各捐生履歷分

別彙案奏請 獎勵以昭激勸而廣招徠所有防軍急需洋礮  
擬請撥案捐辦緣由理合恭摺具 奏伏乞

皇太后

皇上聖鑒訓示謹 奏



遵調綠營赴新疆疏

同治五年六月初七日

奏爲奉

旨飭調直隸綠營官兵現將遵辦情形恭摺覆 奏仰祈

聖鑒事竊 臣於本年五月十八日承準軍機大臣字寄同治五年五月十七日奉

上諭新疆烏科兩城爲北路屏蔽現在伊塔兩城既經失陷若不迅調勁旅前往勦辦難保該逆不驍驍東犯大局益難收拾庫克吉泰前經簡放西安將軍現在行抵何處卽派該將軍督辦新疆北路軍務取道草地由烏科兩城進發神機營兵及直隸綠營官兵素經訓練勦賊必能得力卽著神機營王大臣劉

長佑商同將旗綠各營共湊調兵二三千名派員管帶由北路  
草地前赴科布多聽候庫克吉泰調遣所需軍火器械等件著  
該王大臣及該督妥籌應付以便進行等因欽此遵卽知會神  
機營王大臣酌核調派一面移行遵照茲又於六月初三日欽  
奉寄

諭前因回匪肆擾新疆各城勢甚猖獗當經調派神機營及直  
隸省官兵前往進剿旋以捻患未除京畿防務緊要降旨將神  
機營馬步各兵暫緩調撥並諭令神機營另行籌調茲據遵旨  
籌議具奏卽著富明阿調吉林馬隊五百名交副都統全福管  
帶特普欽調黑龍江馬隊五百名派副都統安住管帶廉至調



察哈爾兵五百名交參領達爾濟管帶劉長佑調直隸兵一千名揀員管帶均取道張家口前往科布多相機進剿均交督辦新疆軍務庫克吉泰統帶直隸兵如尙可添調並著劉長佑於一千名之外再行酌量添調等因欽此伏念神京爲天下根本而畿輔亦根本所繫必須居重以馭輕方可隔近以威遠防微慮患事勢宜然今奉

旨將神機營馬步各兵暫緩調撥仰見

聖慮周詳實爲慎重根柢之至計下懷曷勝欽服惟直隸亦因頻年徵調士卒迄少休息前派往甘肅花馬池官兵三千名迄已數年逃亡相繼饑疲不堪上年因奉天剿辦馬賊復調出馬

步兵二千餘名至今亦未回營南路捻匪東奔西突毫無定向防務又未可稍鬆此時勇丁半已裁撤數百里河防尙恃各營兵弁更番備禦目下大名正定二鎮其勢實難抽調天津通永二鎮除派赴奉省及本處操防外亦屬難以調撥臣標官兵因有南路軍務設有警信必須就近添調以期有備無患現在詳加察看祇有提標並宣化鎮標尙可派調惟提標分駐熱河及沿邊各營巡防甚爲緊要宣化鎮標又與張家口一帶唇齒相依核計抽練之兵均各存營無多卽有可揀調者亦皆係步隊以萬餘里草地並無車馬供應卽令整隊前行走必難迅速抵防之後恐成疲敝之師況該二標弁兵向係漢回雜處回居

其四在內地則相安無事毫無猜嫌若令進勦回匪其勢恐非相宜科布多慙有換防之兵在平日已各視爲畏途若因此全調漢兵又恐派撥不均難免藉口前次調赴甘省兵弁因內有回民統帶官慮其不便概令撤回另換轉致疑慮辦理已形掣肘若於通省各標分派調往則雜湊成軍心力未能齊一旦兵與將素不相習遇事必難深恃值此回氛滋熾

宸念焦勞籌饗籌兵以期慎固疆圉

臣受

恩深重亦憾不減此朝食何敢多方發難稍涉觀望但實在下情又不敢不罄陳於

君父之前除移飭提督並宣化鎮先行調派外所有直隸情形

如此可否改調之處理合恭摺覆 奏伏乞

皇太后

皇上聖鑒訓示謹 奏

因病籲懇開缺疏

同治五年六月二十一日

奏爲假期已滿病體未痊籲懇

天恩俯準開缺調理恭摺仰祈

聖鑒事竊

臣

於五月二十日因病請假蒙

恩賞假一月安心調理欽奉之下銜感莫名伏念

臣

才分庸愚

過蒙

恩遇黽勉從事夙夜未遑原欲趁此年力稍樹尺寸以答

天地高厚之恩故雖竭蹶圖維每形疲頓藉資醫藥已歷歲時

從未敢因病乞閒上煩

慈系無如蒲柳之質未秋先衰有負

生成彌增愧悚現在內外並醫咯血已止言語飲食亦俱照常  
惟右臂右腳依舊疼痛經絡之隱患未除行動終拘攣不適心  
煩慮亂頻頻觸動肝火若不就此醫痊恐日久漸成偏廢一月  
之假轉瞬屆滿視此病情難期速效畿輔爲根本重地事繁任  
鉅臣若以病軀戀棧萬一稍有貽誤負疚孤

恩益增罪戾惟有籲懇

天恩準其開缺調理並懇

簡放賢員來直接手俾臣得解任回籍就醫仰託

聖慈福庇或能及早就痊異時差遣需人仍當勉效犬馬以

報

主恩所有額懇開缺調理緣由理合恭摺具奏伏乞

皇太后

皇上聖鑒訓示謹奏

欽定大清會典事例





賞假三月謝

恩疏

同治五年六月二十七日

奏爲

微臣

感激

鴻慈專摺叩謝

天恩仰祈

聖鑒事竊

臣

昨因病難速痊具摺陳請開缺茲於六月二十六

日奉到

批摺軍機大臣奉

旨劉長佑著毋庸開缺再賞假三箇月在任安心調理遇有緊要事件仍著照常籌辦欽此跪讀之下感媿交并伏念臣以邊遠儒生遭遇

聖明叨竊至此涓埃未報疾痛遠生恐曠職以孤

恩思乞身而省過迺荷

鴻慈體恤寬予假期

臣

何人斯隕身莫報茲查新藩司鍾秀已

報起程尙須赴京

陛見始能到任所有

臣

署日行事件仍交署藩司錫祉代拆代

行其緊要事件謹遵

聖諭由

臣

自行籌辦

臣

病雖深中經絡幸年力正強或可不至

沈痼惟當廣求醫藥上緊調治儻幸仰邀

福庇早獲痊瘳

臣

卽隨時

奏請銷假照常辦公決不敢拘守

假期偷安旦夕轉致仰負

天地生成之德所有微臣感激下忱謹專摺叩謝  
天恩伏乞

皇太后

皇上聖鑒謹 奏



遵保守河防邊員弁疏

同治五年七月二十九日

奏爲遵保扼守黃河堵剿擒匪並隨辦邊防出力各員弁兵勇紳團分繕清單懇 恩獎勵仰祈

聖鑒事竊臣於同治五年四月初五日在河南滑縣行次承準軍機大臣字寄同治五年四月初二日奉

上諭劉長佑奏東西兩路官軍堵剿情形擬赴開濮查閱河防並請保防河出力人員各摺片覽奏已悉搶渡各匪疊經官軍擊斃分向西南東北兩路竄去當將舊范縣等處收復堵禦尙屬認真在防員弁兵勇紳團在事年餘均能奮力堵賊未便沒其微勞卽著劉長佑會同李鶴年擇尤保奏等因欽此復於同

治五年五月二十日以京東邊防酌量撤留奏奉

諭旨著照所請在事委員準其酌保數人歸入南防案内請獎等因欽此均經欽遵轉行在案伏查自四年正月欽奉

諭旨籌辦畿南防剿事宜遵卽分檄文武調集兵團先赴豫東界上擇要布防旋卽親赴威縣居中調度自春徂夏賊去復來擾逼直疆勢極猖獗沿河各屬人心均爲震動比遵疊奉添調兵勇越境會剿之

諭悉眾進紮河干自豫省之封邱縣界起至東省之齊河縣境止節節布防事局稍定復蒙

簡派三口通商大臣臣崇厚統帶槍隊及津海官兵駐紮東昌

合力堵剿並商同於東西兩路添設舟師領以南來將弁配以各處礮位分泊要岸扼守中流水陸兼資防剿並用河北人心於是大定然逆蹤飄忽靡常河防迄未敢懈卽如上年秋冬臣兩次出省巡防北路均蒙

諭派調任河南撫臣李鶴年暫行督辦其閒賊復回竄曹單擾及東長兼以河流冰合在在可渡各兵團冒冷衝寒日夜備禦勞苦殊難殫述今年春臣返自三屯適南路軍情又緊因奏明仍赴大名相機調度維時開東濮范壽張南岸又皆徧地賊蹤占踞村墟合謀搶渡當飭在防文武督率兵團過河截擊屢挫兇鋒收復范縣舊城並沿河圍寨多處該逆終不得逞仍卽

言死南奔此皆仰賴

宸算周詳

天威震疊是以將士用命畿輔又安猥蒙

聖恩不沒微勞準予獎勵莫不歡欣鼓舞感激奮興茲準崇厚  
李鶴年將先後在防出力員弁兵勇紳團開單咨送前來臣逐  
加查核或過河迎勦收復地方或扼要巡防擊退匪黨或保守  
城寨救濟難民或偵探賊情盤獲姦細均皆不避寒暑無間初  
終艱險備嘗勤勞倍著自應遵

旨擇尤請獎除將其次出力員弁紳勇存俟事竣彙獎及分別  
咨部酌獎外計此次單開文武二百六十六名爲數稍多且與



部定防堵章程未能盡合惟念上年防河各隊數逾萬人歷時又將兩稔且多半渡河越境以勦爲防收復城墟多所擒斬似與僅在本境防堵未經接仗者有別況根本重地僅恃天塹爲藩籬非各文武戮力同心潰裂情形不堪設想現值餘氛未淨滅戍無期若拘守定章恐不足鼓舞眾志合無仰懇

天恩俯準照獎藉以賞成勞而期後效均出自

逾格鴻慈至邊防文武員弁或出關遠探捕獲馬賊或帶隊扼紮實力巡防或監修牆柵認真經理或督辦團練協守邊牆均屬勤奮出力謹一併擇尤開摺彙入南防籲懇

恩施所有遵保扼守黃河堵勦擒匪並隨辦邊防出力員弁兵

勇紳團緣由謹會同通商大臣臣崇厚調任河南撫臣李鶴年  
合詞恭摺具奏伏乞

皇太后

皇上聖鑒訓示再查候補守備劉得福擬保千總把總劉得喜  
或以出探被害或以打仗陣亡均堪憫惻相應一併籲懇  
天恩飭部從優議卹以慰忠魂合併陳明謹奏

馬乾仍照前議支給疏

同治五年八月十二日

奏爲直省抽練馬乾請仍照前議支給期收實濟而免藉口恭摺覆 奏仰祈

聖鑒事竊

臣

前以直省抽練馬乾不敷餵養議定每馬日給乾

銀一錢一分七釐同治五年二月二十七日附片具 奏奉

旨

知道了欽此嗣準戶部議覆以定例直隸營馬春冬每匹日

支銀四分夏秋每匹日支銀三分前按銀九票一放給已屬從

優茲復按時價實放並不分別春夏且較例支馬乾增至二三

倍礙難率準行令仿照練兵給餵成數於例支外酌量加給據

實奏請再行議覆等因當經轉行總局司道議詳去後茲據總

局司道公同查議以例支馬乾冬春日支四分夏秋日支三分  
按此時銀價核計每匹每日約支制錢五十文及三十六七文  
不等盡餒空草尙屬不敷安能再令臆壯若日事乘操勢必逐  
漸倒斃何裨實用前議每匹日支銀一錢一分七釐並不爲多  
若照部議酌量加給爲數無幾斷斷不敷餒養現在銀價愈減  
物價愈昂營馬之不能不瘦且斃實係例支太少使然非盡營  
員剋減今練兵須兼練馬若馬不健壯豈能馳騁無疲與其少  
加而仍屬不敷不如多加而期歸實濟應請仍照前議按一錢  
一分七釐支給免致有所藉口惟兵餽旣係銀九票一馬乾亦  
按九一支放事尙可行且歸畫一請覆 奏等情具詳前來

臣

覆核無異理合恭摺覆奏伏乞

皇太后

皇上聖鑒訓示謹奏



緞疋庫絲斤改派南省片

同治五年八月二十四日

再臣接準部咨以緞疋庫奏派長蘆採辦絲斤奉

旨依議行令遵辦等因當經劄行運司採辦去後茲據運司克  
明詳稱絲斤爲內府要需苟可設法採辦曷敢稍事推諉惟直  
省非養蠶之區亦無繅絲之戶卽有南來商販貨色俱不純潔  
價值又復奇昂且斤數無多難以湊足成數近兩年直隸奉派  
絲斤均赴山東河南兩處湊辦聞已接羅殆盡若再往購恐致  
往返徒勞因思江浙等省現已肅清蠶桑之利自必照前興旺  
應請改派南省以歸便捷等情請 奏前來 臣覆查無異理合  
附片陳明伏乞

聖正世宗公集

卷十一

聖鑒訓示謹奏

Blank columns for the main text of the document.



豫捻回竄臬司督辦河防疏

同治五年八月二十六日

奏爲豫捻被剿回竄河防又緊現飭各軍嚴防並令臬司馳往會督籌辦恭摺仰祈

聖鑒事竊

臣

昨準河南撫

臣

李鶴年咨稱賴牛等逆屢被各軍

跟蹤力擊併股突圍奔竄東北咨請迅撥勁旅探蹤防剿並據省南各營縣迭報十七八等日該逆大隊竄踞考城荷澤境上其分股由東明縣屬杜勝集擾逼濱河之竹林柳園各寨經師船開礮擊退賊尙屯踞張王莊一帶開州東岸亦見邊馬各等情臣查該逆合股回竄勢頗凶悍然黃河天險節節設防豫省追剿之師與東省迎剿兵勇兩面夾擊自可無虞搶越第節逾

鑒正情公全卷  
秋分河水始涸且近日河套災民較多深慮潛與賊通句結滋  
患當經分檄水陸各軍嚴密巡查聯絡聲勢相機防剿一面商  
派總理營務臬司張樹聲前往大名會督籌辦正具 奏聞承  
準軍機大臣字寄奉

上諭賊勢剽疾異常開州東明長垣等處河防最關緊要清豐  
南樂一帶漏網兇徒恐有由賊中逃回者煽惑句結不可不慮  
著劉長佑飭令在事文武嚴密防範並添調精銳兵勇或卽令  
臬司張樹聲前往大名一帶就近調度以資得力不可稍涉大  
意等因欽此當復欽遵催令張樹聲酌帶馬步小隊趕緊馳往  
就近調度並嚴飭水陸將士協同各屬鄉團齊心守禦聯絡豫

東在防兵勇互爲聲援臣現在病稍就痊如果情形較緊卽當  
銷假親往督辦斷不敢拘泥假期稍耽安逸所有豫捻被剿回  
竄現飭各軍嚴防並令臬司出省前往會督籌辦各情形理合  
恭摺具奏伏乞

皇太后

皇上聖鑒謹奏



力疾銷假並懇陛見疏

同治五年九月初二日

奏爲力疾銷假照常視事並懇

天恩賞準

陛見恭摺仰祈

聖鑒事竊臣於夏閒因病請假蒙

賞假一月安心調理嗣以病難速痊陳請開缺復蒙

賞假三月在任調理欽奉之下感悚莫名遵卽廣求醫藥靜心

調養秋初偶患痢症元氣中傷以致收效較遲現在腳跟不復

掣痛脾胃亦漸復元惟臂患未除肝氣時發此係積年舊病一

時未克就痊伏念

聖恩高厚既不敢復申前請而時方多事身心又未敢卽安何容拘守假期徒增縈擾茲擬於拜摺後力疾視事仍隨時調理俾可長效犬馬上報

主恩第<sub>臣</sub>受任三年迄無寸效良由才識拘謹祇覺憂憊日增合無仰懇

聖慈賞準進京

陛見稍擴愚悃藉得跪聆

聖訓於地方一切事宜有所遵循幸免隕越如蒙

恩允<sub>臣</sub>卽於日內起程約計往返不過旬餘此時地方安靜臬司張樹聲前往大名督辦防務足可無虞<sub>臣</sub>署日行公事仍係

藩司代行遇有要件送臣行次核辦尙不至有曠廢所有力  
銷假並請

陛見緣由理合恭摺具 奏伏乞

皇太后

皇上聖鑒訓示謹 奏





出征官兵歸伍片

同治五年九月初二日

再查前準督辦甘肅軍務甯夏將軍穆圖善咨會抽撥直隸各標營官兵一千名派委副將趙有勝管帶來直於八月二十七日陸續到省當因此起官兵出征日久今遠道歸來是否一律精壯足資調遣經臣飭委臣標中軍副將冷慶清河道錫祉會同點驗茲據該副將等驗明此項官兵內有老弱不齊又有病羸受傷者詢據回稱或因在彼不服水土或因遠道跋涉感受風寒致染疾病其中雖有精壯之兵而看其情形頗有饑色稱因甘省糧食昂貴領饌不敷食用所致細加體察此等疲乏之兵若再令其出征不但難期得力且亦徒費饑需可否暫令歸

伍俾得養精蓄銳再候調遣等情詳請查據前來臣查該副將  
等所詳自係實在情形自應準如所請將前項官兵暫撤歸伍  
稍爲休養無庸調隨遠征除分別咨行照辦外是否有當理合  
附片具奏伏乞  
聖鑒訓示謹奏

擒匪南竄片

同治五年九月十三日

再臣前因豫省捻逆北竄南路河防喫緊當經奏明飭派臬司張樹聲先往大名相機督辦嗣據南路各營縣先後稟報該逆分股由考城竄至東明之杜勝集長垣東岸之于家堂連日窺伺河干並分撲竹林渡柿子園各處均經水師會同鄉團擊退其東明縣城亦經簡用臬司陳鳴志派提督徐士魏率精銳營勇駐紮該縣兵團協力固守該匪志不得逞於二十八九等日全股東竄直撲運河因被東省官軍截擊又復竄回曹州蔓延沿河一帶九月初三日東明縣屬之董家莊探有賊蹤卽經由豫調回之總兵余承恩會同該縣馳往堵剿該匪望風逃

走副將常開運率奮勇跟蹤追殺槍斃賊目一名殺傷賊匪多名奪獲騾馬牛隻並器械等件救出難民男婦十餘名口連日探報該匪經湘淮各軍追及仍向南路敗竄等情稟報前來臣查節近霜降河水益形消落近河州縣又多被水之區誠恐災民句結爲患且此股窮寇一經官軍夾擊難保不鋌險北竄河防益宜加嚴現在嚴飭水陸各軍聯絡聲勢實力堵剿並由藩司酌撥銀兩委員解赴被水州縣會同該各官紳將災民妥爲撫恤毋致失所臬司張樹聲已於本月初四日起程赴防其一切備禦鎮撫事宜均令該臬司就近體察情形妥籌辦理隨時具報所有逆匪折竄曹郡及我軍防剿緣由謹附片具陳伏乞

聖鑒謹奏

聖鑒謹奏

459



孝女請旌疏

同治五年九月二十三日

奏爲孝女割臂醫親援案懇

恩予旌以彰至性恭摺具奏仰祈

聖鑒事竊據靜海縣教諭毛德潤訓導計鵬紳巡檢陳文驥主簿崔祥烈典史林培豐聯名稟稱靜海縣知縣陳元祿之次女陳婉現年十七歲性好讀書事親至孝本年正月伊母錢氏患病陳婉事奉湯藥不懈二月十四日陳令因公進郡錢氏病勢危篤陳婉傍徨莫措泣禱神前潛割臂肉和藥以進嗣因血沾襟袖家人窮問始悉當卽敷藥調護陳婉恐爲母知飲食言笑一如平昔創口逾月始合至今刀痕宛然錢氏病竟獲痊至七

月初四日產生一子僉謂其女孝行所感轉危爲安伏查咸豐十一年同治四五等年甘泉縣監生汪如松刑部員外郎蔣鳳藻之妻蔣彭氏等因親病割臂或經巡城御史採訪或由同鄉官呈明都察院代奏先後奉

旨旌表建坊在案今陳元祿之女陳婉年方穉弱至性過人同城知之甚確理合聯銜具結稟請援案請

旌建坊以資風勵等情前來臣查靜海縣知縣陳元祿之次女陳婉割臂醫親孝心出於至誠既據同城官教諭毛德潤等具結公舉核與監生汪如松等之案情事相同合無懇恩準其旌表建坊以彰孝行除結咨送禮部外理合恭摺具



奏伏乞

皇太后

皇上聖鑒訓示謹奏

臣等謹將

奏



陳明近年練兵情形疏

同治五年九月二十三日

奏爲陳明近年練兵情形並遵奉新章上緊籌議舉辦先行恭摺具奏仰祈

聖鑒事同治五年八月二十九日承準軍機大臣字寄同治五年八月二十八日奉

上諭前據總理各國事務衙門奏請變通直隸練兵籌餉章程並購備馬匹舉行屯田各摺片當經交該部議奏旋經戶兵兩部會議具奏練兵章程十七條及廣東等省固本餉銀解部轉撥以供支應詳加披覽所籌尙覺周密均著照所請行經此次嚴定章程令在必行劉長佑前請挑練兵丁一萬五千名精勇

五千名迄今數年之久毫無成效若再任意延緩尙復成何事體著該督於半年內務將辦理情形詳細奏報毋得視爲具文敷衍塞責所練各營朝廷當隨時簡派大員前往校閱儻有訓練不精軍實不齊之弊必當從重懲處劉長佑受朝廷厚恩值此時事多艱諒不敢仍沿積習致負委任其舉辦屯田一節並著該督酌量辦理總理各國事務衙門摺片三件戶兵兩部會議摺單各一件均著鈔給閱看將此諭令知之遵

旨寄信前來跪讀之下惶愧交并伏念 神京爲天下根本畿輔爲切近屏藩必須居重以馭輕方可安內以攘外前閱總理衙門鈔奏籌慮周詳變通盡善老成經國計無重於此者臣猥

蒙

恩遇具有天良苟不竭盡心力圖維亦無以仰對

微臣

之負疚益深

天日但有不能已於言者若竟隱忍不言則

而

宵旰之殷憂奚解溯查二年秋前侍郎臣薛煥首倡籌餉練兵

之議臣在軍營遵

旨議奏彼時到直日淺地勢本未周知情形亦未洞悉其中疏

漏隔閡在所不免旋奉

諭旨若地方平靖議立久遠之法則改設營鎮因地制宜仍當

一切俱從標兵規制方爲妥善等因

聖謨廣遠敢不欽遵及細查標兵規制皆係星羅碁布有每營六七百名及百數十名者有每汛數十名及十數名者一經合軍駐操核與標兵規制諸多格礙且籌備一切爲費不貲是以僅將營哨隊伍略爲更定並刊發簡明圖說飭各就標屬營路分飭加意演練仍定以兩月合操一次責成道府會閱賞勤罰惰合軍駐操之議遂罷原爲免紛更期久遠也果能上下同心提挈順手未始不可逐漸整頓無如軍興十數年來征調頻煩營伍廢弛日甚營馬之調出者至今有去無歸存槽者又屆滿椿苦於無款買補軍械經征兵帶往十失八九所贖者類多殘缺又苦無款添修前督臣文煜任內曾經奏明添置旋以庫

款難籌停止臣初由營回省周諮博訪知營伍廢弛較前更甚而庫款支絀亦甚於前是不得不酌留勇丁以補兵力並候收有固本餽銀卽飭總局司道一面酌買馬匹一面打造軍裝器械次第分撥備操又值調兵前往甘肅將各標浦經抽出之精壯儘數調去並將總局甫經製存之軍械分成解交此奏定後未能卽練之實在情形也直隸全省兵額四萬一千七百餘名除馬蘭秦甯兩鎮守護

陵寢不計外尙有三萬五千餘名再除調赴甘肅兵三千名調留奉天兵一千餘名現又調赴科布多兵一千名再除歷年展轉征調漏報亡失迄未歸伍兵約有數百名再除通省大小營

汛衙門字識匠役約二三千名現計入操兵二萬六千餘名論額尙不爲少奈操卯久已不講驕惰習爲固然驟議練兵事同草創不得不以漸加增庶免務多難精之病前年秋冬已抽練兵八千一十名曾咨戶兵兩部有案嗣又接續加抽臣標已練足一千五百名提標亦練足一千五百名天津鎮暨所屬河間大沽兩協共練足一千七百九十名通永鎮練足一千三百一十名正定鎮練足一千二百名大名鎮練足一千四百名宣化鎮練足一千五百名共計已抽練兵一萬零二百名調往奉天科布多兵亦在此數比因南北設防奔馳鮮暇且計練兵猶不足額是以未續咨明至勇丁一項本較兵爲得力惟饟糈稍重



經費難籌勢不能不隨時添減臣調來楚勇自二年十月撤防後止留四營旋於三年秋閒陸續遣撤又留候補道余承恩常勝勇一千名迨余承恩回籍卽撥歸廣平府楊毓柎接統改名武安軍又留大名道祝塏河南勇一千五百名副將崔福泰輔衛營勇五百名又分駐東西大道副將劉景芳劉祺參將張得祿等馬勇二百數十名以上皆二年撤兵後所留其閒或留或撤旋撤旋募均經先後奏明有案現計南路防軍尙有馬步水陸各勇六千數百餘名核與原議募勇兩軍之數有盈無絀此近年辦理之梗概也然練兵非難籌餉實難兵之所以疲弱者亦緣餉項折減且又給放拖延不足贍活其身焉能鼓勵其

氣雖抽練之兵加給二成實銀而銀價太賤日食猶艱以致有材者率就他圖應募者半皆游惰諸虞掣肘正切焦心頃閱總理衙門及戶兵兩部籌議各條固已洞徹全局艱虞曲爲籌及臣復何憂臣起自田閒曾經攻戰於兵事粗識徑途其道無他全在將得其人而已查實任提督劉銘傳正定鎮實任總兵雲慶宣化鎮實任總兵張詩日皆係軍營宿將如果一一到任則指臂相助呼應皆靈原不難辦今諸臣尙在軍營到任計須時日現計六軍總統六員急切頗不易得只可就現帶兵勇及原留軍營各鎮將內挑選膽識較優之員協同訓練俾速成軍其現任提鎮應否更換均俟選擇得人 奏請

聖裁至六軍人數現練一萬二百名內除督提兩標及天津宣化各標調缺征兵並大名鎮練兵遵留本標不計外尙應抽練五六千人已咨照各標接續加抽並於馬蘭泰甯外標營汛酌抽千數百人以足六軍之數小九處駐防僅止保定滄洲兩處額設甲兵五百名此外東安固安采育寶坻良鄉霸州雄縣七處每處僅兵五十名勢難湊足一營現在咨商稽察左右翼大臣行查各處如不能挑撥成營卽一併由綠營酌量挑撥以免紛歧惟駐軍須擇寬敞地方舊日校場斷不敷用現經委員分往查勘儻無此官地卽須相度形勢另買民田修築營壘以便屯紮其餘經始應辦事宜甚多當督同總局司道妥速逐一籌

奏正惟公全集卷一  
議身再條列奏

聞恭候

訓示所有年來練兵情形並現奉新章遵辦緣由謹先恭摺具  
奏伏乞

皇太后

皇上聖鑒謹 奏

練軍加餽片

同治五年九月二十二日

再查現奉部議嗣後練兵加餽均照神機營公費支給其以前  
奏準加給二成實銀概應裁止但新章加餽須俟成軍分駐之  
日起支現計陸續抽練兵一萬零二百名尙應加抽練兵四千  
八百名原定冊報點驗後加卯合操卽準加給餽目下各兵  
未便停操其二成實銀自應照舊加給擬俟挑撥已定報明成  
軍日期再令查照新章赴部支領合再附片陳明伏乞

聖鑒訓示謹 奏



請撤回出關練兵片

同治五年九月二十三日

再上年添調津標練兵五百名出關助剿當經奏交總兵劉景芳同原部馬勇一併統帶赴軍現在奉省肅清劉景芳所帶馬隊既經通商大臣臣崇厚奏請撤回其步隊五百名亦應請旨飭交該總兵帶回以備選練又游擊陳啟棟管帶督標兵一百餘名應請一併撤回謹附片具奏伏乞

聖鑒訓示謹奏





分練六軍請增二軍疏

同治五年十月二十四日

奏爲遵旨分練六軍謹先將選將撥兵情形恭摺奏候

聖裁並請增廣二軍以厚藩籬而固根本事臣維兵可備而不

用法積久則弊生我朝兵制自畿輔近地安營立汛綦布星

羅措置可謂極周拱衛可謂甚密然且日久廢弛重煩

聖慮以兵勢之散漫而籌及合操以軍食之支絀而策及加餼

以器械殘闕馬匹疲短而更飭添補

廟謨深遠固已洞燭無遺臣渥荷

厚恩猥承重任其事既屬創始鉅細均應統籌茲先就撥兵選

將二事言之臣前奏直省入操兵尙有二萬六千餘名復除大

名鎮標兵三千九百名現顧河防勢難籌撥此外各標分駐海口邊關以及各路塘汛大小城守應撥之兵爲數已僅因將督標及正定鎮標先後抽練之兵儘數撥歸易州河閒兩處始敷六軍之數計遵化一軍現撥馬蘭鎮外標兵五百名通永鎮標兵二千名易州一軍現撥秦甯鎮外標兵六百名督標兵一千九百名河閒一軍現撥本協兵一千名正定鎮兵一千五百名古北宣化天津三軍均就各本標挑撥惟天津現尙欠兵一千名祇緣所屬之海口兵已撥歸礮臺河閒兵亦留存本軍而調赴奉天之兵與調練洋槍之兵一時均難歸伍其存營者爲數無幾又實不能再事挑撥已遵

旨咨催都興阿將留奉之五形隊速撤回津並於通永鎮近津營汛內酌撥數百名俾速成軍查兵額合則見多分則見少經此次挑賸各兵固應遵照部議隨時操練不得恃有重軍分駐稍涉懈弛然有不能不慮者兵數既減而營汛尙復如前分撥其勢斷不能編隊合操矣兵食已艱而支放尙復如前折欠其勢更不能另募精壯矣卽如督標與正定鎮標抽練之兵業已儘數撥出再除派供書識匠役城關監獄台站各差外其餘並無整隊何能團操而自保定以南大名以北中間七八百里又西至山西東至山東各邊界約千餘里並無成營成隊之兵設有緩急何以禦之現與總局司道各員再四籌商擬請增練二

軍擇要駐紮爲畿南增設一重藩蔽並可與河閒易州各軍互爲聲援雖與總理衙門戶兵二部原議微有異同要於通籌全局之中實屬拱衛 神京之意其一切營制應悉照六軍章程所需紮營工價及軍裝器械概由本省籌辦惟各兵加饗各員薪水公費仍請由部一律支發一俟南路撤防此兩軍所加經費胥歸本省籌給庶幾可期久遠相應請

旨飭部議覆施行至大名鎮標之兵現仍逐漸抽練俟河防撤後尙可復整一軍統由本省辦理斯藩籬厚而根本愈固矣至若選將一事則尤有難焉者夫練兵與帶勇不同統將與戰將尤異勇則臨時可募但取其果敢直前兵則平日相習必求其

折旋如志戰將以陷陣衝鋒爲主每多椎魯無知統將以訓練  
調度爲長必須智勇兼備雖曰不循資格安得如許全才計可  
勝統領之員現任提鎮實難其選惟人才須用而始見定限又  
迫不可延茲就耳目所及分別擬派 奏候

聖裁仍由臣隨時察看如不得力卽請擬派總期任用得人不敢稍涉遷就用副

皇上整飭戎行之至意遵化一軍擬調密雲都統定安爲總統  
易州一軍擬調候補道祝壇爲總統河間一軍擬調記名總兵  
劉景芳爲總統古北口一軍擬調正定鎮婁雲慶爲總統婁雲  
慶未到以前暫派署提督徐廷楷統之宣化一軍擬調大名鎮

姜國仲統之該鎮員缺緊要擬派記名總兵崔福泰署理大名鎮篆務亦能勝任天津鎮一軍擬卽調本任總兵陳濟清統之此數員皆久歷軍營熟諳戰略各統一軍必能自效惟以上各員祇徐廷楷現在古北口提督署任餘應請

旨分別飭調到營尙需時日擬先酌派文武大員分往各處以資教練如定安未到以前擬派候補道李廷瑞與通州協副將李炳業赴遵化督操祝壇未到以前擬派候補道蔭德泰與督標游擊阿洪阿赴易州督操婁雲慶未到以前擬派候補道楊詠春與本標參將趙喜義幫同徐廷楷操練姜國仲未到以前擬派候補知府李孟平與現署鎮額勒春會督操練劉景芳未

到以前擬先派記名總兵李昌連與候補道劉策先前往會督操練天津鎮陳濟清未回任以前擬派候補知府周家勳與現署鎮文瑞會督操練以上幫辦諸員或未經戰陣而熟習地方情形或曾歷戎行而頗能講求戰略如教練得力將來均可酌派翼長至南來將弁留直差委者尙有百數十人除委帶勇隊外餘悉分留南北防所聽候差委雖皆慣經戰陣卓著勞績之員然大半粗笨樸拙是以未敢派充總統翼長之任現擇其才質較優者數十人留於省局與挑出各標候補員弁同住一處朝夕觀摩講明戰法臣亦隨時考察庶可備緩急之用而漸收得人之效矣至各處營址已據委員陸續勘明繪圖詳覆均尙

合式祇俟該各守牧將勘出地畝應買應撥查辦定妥卽可派  
員分往修築營房惟轉瞬嚴冬地將結凍深慮難以施工臣仍  
當察看情形督飭辦理不任稍有藉延所有選將撥兵並請再  
增兩軍分備南路緣由理合恭摺具 奏伏乞

皇太后

皇上聖鑒訓示謹 奏



籌補入款樽節出款片

同治五年十月二十四日

再部議抽練六軍將各省協撥固本饒銀改解部庫支發口糧  
奏奉

諭旨飭遵於慎重畿輔之中猶寓矜恤司庫之意凡在臣工敢  
不竭盡心力共濟時艱然有不得不豫爲綢繆者伏查直省向  
爲缺額之區全賴部撥鄰省款項協濟自軍興以來部撥及各  
省協濟之饒前後停解遂將兵饒改爲七折各款亦搭票支發  
稍資挹注其額征進項一遇災歉緩征及民欠未完仍多不敷  
支用以致司庫例發各款均難按期支發嗣因邊警頻聞征調  
絡繹各省所調之東三省暨卓索圖察哈爾京營並本省綠營

之兵以及各路軍營所辦戰馬撥解軍火均在直隸地方經過  
供億之繁甲於他省所有各州縣支應一切兵差車輛廩給口  
糧腰撥等項每年增用之款約不下數十萬兩加之歷年辦理  
本省軍務兵勇口糧製造軍火器械復不下數百萬兩雖初由  
山東山西河南撥解協饒並奏撥天津關稅鹽餉復價兼蒙撥  
發部款統計歷年撥濟之數不及百萬而司庫已羅掘殆盡矣  
同治二年臣莅任後以直隸綠營廢弛日久議請抽練七軍加  
給二成兵饟因計司庫之支絀奏準山東山西河南江蘇江西  
湖北湖南福建四川等省每月各解銀五千兩廣東省每月解  
銀一萬兩每年共合計銀六十六萬兩作爲固本軍饟遂議將

各省協餉停解自二年冬季迄今僅解到實銀二十九萬餘兩  
合之劃撥各省用項十七萬餘兩共計僅收四十餘萬兩奈連  
年屬多早歉黃水爲災南路軍務未鬆北路邊防又緊西征官  
兵饑瘠時須接濟凡此例外之需所費難以數計刻下北防稍  
爲裁減而三路合之每月尙須銀六萬數千兩有奇雖曾籌撥  
鹽餉復價津關稅銀杯水車薪無濟於事仍不能不移緩就急  
動用固本餉銀爲暫時補苴之計今奉部議抽練六軍固本餉  
銀改解部庫口糧等項雖由部支發而司庫總覺出多人少挹  
注無從此次練軍除部議採製旗幟器械鍋帳軍火準奏請撥  
款辦理外其置備六軍地盤修築營壘搭蓋窩鋪及製造器具

等項經戶兵二部議由本省籌給核計所用尙須十餘萬兩況保正大順廣五府深定趙冀四直隸州地方遼闊爲畿輔藩籬並宜兼顧又不能不添操額兵加給練餼更兼南北兩防一時遽難裁撤所需各項經費司庫實屬萬分竭蹶儻若緘默不言因循遷就待至臨渴掘井早已坐誤事機臣與司道等悉心商議統籌全局欲作清源節流之請惟有將所入之款略爲籌補所出之款量加撙節如此酌盈劑虛於大局庶有裨益合無仰懇

天恩俯念直省庫款萬分支絀將鹽劬復價一款每月連前共撥銀二萬兩新關稅銀每月連前共撥銀二萬兩解交藩庫順

天府屬旗租亦請改解直省並請將年來欠解東三省俸饟欠解五年京饟新疆陝甘各項軍饟以及現奉撥各款一體免其撥解以資周轉而免貽誤茲據總局司道鍾秀等會詳請 奏前來是否有當理合附片具陳伏乞

聖鑒訓示謹 奏



擒匪東西分竄片

同治五年十月二十四日

再臣前因逆擒北竄河防喫緊當將我軍堵剿情形附片陳明在案茲復據臬司張樹聲等先後稟報該逆前次東竄搶渡運河經官軍擊退復分竄黃河之柳園等渡口均經直省水師副將龔文林等開礮轟擊立斃騎馬悍賊奪獲馬匹救出難民多人餘賊帶傷逃竄者頗多其大股循隄西竄至鄭州中牟一帶被官軍追及悉數南奔賴汶洸任住股匪因與張逆不睦仍折而東經過東明縣境分撲金隄集寨該團紳劉清珍等悉力守禦並督勇出寨衝擊當斃紅旗賊目二名又生擒賊目詹興發一名當卽訊明正法並揆獲偽官憑偽木印等件餘賊向東南

奔去現復由江南豐縣回竄山東之金鄉魚臺等處曹州東北  
又見邊馬其張總愚一股極意西竄聞已擾入秦境猶思越渭  
渡黃圖竄晉省各等情稟報前來臣查該逆東奔西突飄忽靡  
常今豫東湘淮各軍或跟蹤緊躡或分投夾擊該逆計窮勢蹙  
尤慮其鋌險撲河轉瞬沙淤凍結礮船難於駛行沿河各岸益  
當嚴密布置以備不虞除飭張樹聲陳鳴志等嚴督在防水陸  
各軍並就近酌添兵勇設法備禦實力堵剿不得稍形鬆懈外  
所有現探逆匪南趨被擊回竄仍當嚴固防河緣由理合附片  
具陳伏乞

聖鑒謹 奏



推廣練兵章程疏

同治五年十月二十四日

奏爲練兵章程尙須推廣變通以期經久恭摺具 奏仰祈  
聖鑒事竊<sub>臣</sub>於月前具奏近年練兵情形並現奉新章遵辦摺  
內聲明經始事宜尙多當督同司道妥速籌議另再條 奏在  
案伏查部議章程十七條極爲精詳現已遵照趕緊舉辦第事  
屬創始<sub>臣</sub>與總局司道體察情形其中有尙須量爲推廣變通  
之處如挑選旗兵一條<sub>臣</sub>因查左右翼九處駐防額兵無多勢  
難抽撥業於前摺陳明免派仍在於綠營均勻加抽又練兵需  
用軍器一條經總理衙門奏歸通商大臣崇厚設局製辦自易  
集事第所需器械較多爲期亦迫昨接來咨以關稅有限機局

未成刻難取辦爲慮亦係實在情形應仍由該大臣奏明設法辦理外茲據總局司道鍾秀等會詳前來謹將酌議八條恭呈御覽伏候

聖裁

一將領尤貴得人一條部議每軍五營設總統督練官一員全軍翼長一員步隊四營馬隊一營每營設管帶幫帶官各一員哨官五員隊長五十名管兵十名仍在額兵之內等語查營官以都守哨官以千把隊長以兵尙恐難資彈壓擬請將營官揀派副參游充之哨官以都守充之隊長以千把外委充之馬步各營亦擬量爲變通每營步兵四

百名馬兵一百名分爲五哨哨分四隊計二十五人設一  
隊長前後左右哨皆頭隊擡槍二隊鳥槍三隊刀矛四隊  
馬中哨礮隊輔以鳥槍刀矛籐牌以期馬步相衛分台悉  
宜

一營務當資文員一條部議每軍揀派州縣丞倅二員總辦  
文案二員經理糧餉軍火至聽差書手醫匠人等酌核辦  
理等語查每軍統轄五營事務殷繁僅派州縣丞倅四員  
尙恐不敷襄辦擬請增派雜職二員以資佐理至聽差書  
手醫匠人等固營中必不可少而親兵餘丁亦軍中所必  
需統領翼長營官若無親兵不足以資彈壓哨官隊長若

無餘丁勢必派兵服役兵無餘丁則看棚炊爨無人於操  
練戰陣亦難望隊伍整齊擬請每軍統領酌給親兵十六  
名文武翼長共酌給親兵十六名文案委員酌給書手二  
名聽差二名糧饟委員酌給書手二名聽差三名軍火委  
員酌給書手一名聽差三名管帶官酌給親兵六名幫帶  
官酌給親兵四名哨官酌給餘丁二名隊長正兵每隊二  
十五名共酌給餘丁三名每營擬給書手二名醫生一名  
獸醫一名各藝工匠六名親兵擬在正兵之外於各標額  
兵內挑選每月每名照正兵加支饗銀一兩五錢書手聽  
差餘丁醫生獸醫工匠人等均另行招募書手每名擬月

支饗銀四兩聽差每名擬月支饗銀二兩餘丁每名擬月支饗銀一兩五錢醫生獸醫每名擬月支工食銀四兩工匠每名擬月支工食銀三兩統歸各軍統領按月造冊報部請領

一約束尤貴嚴明一條部議本管官徇庇兵丁提鎮查懲地方官曉諭鄉民市價交易不得居奇等語查此次練兵分地駐紮務期歷久無弊除軍令營規另行條議奏咨立案分飭遵照外擬請責成駐操之地方官就近幫同稽查儻有兵丁在外滋事準由地方官查拏送營懲辦如統領營官或涉徇縱卽由總督分別參處以免袒護如有營旁民

人故意刁難該地方官亦不得稍涉徇

一將材宜豫爲儲備一條部議練兵所需將弁應隨時物色調營器使於原設外另酌額數遇缺分別酌量充補等語查儲備將材原以豫爲接替今日之儲備卽異日之統領營官必須才技出眾方稱斯選且旣酌給薪水尤不能濫竽其閒自應酌定額數以示限制擬請酌儲提鎮不得過十員副參游不得過三十員都守千把世職不得過六十員如難得其人任缺勿濫應於省城設局收儲可以隨時察看選擇仍每月造冊報部以昭核實

一駐軍宜擇地安置一條部議六軍棲止應踏勘形勢租買

民地辦理所有搭蓋窩鋪器具經費由省籌給等語查每軍分布五營並練兵放馬必須地基寬敞方能無礙農田經臣派委道府大員分投履勘會同地方官妥速辦理至搭蓋窩鋪尤宜工堅料實以期經久核計每軍自統領以下至匠醫人等需用大小窩鋪六百八十七間馬棚一百四十間馬槽一百四十座礮車棚二十五間並製造器具等項需費甚鉅應核實估計樽節籌辦惟現值隆冬地凍冰堅礙難興築擬請酌量變通屆期支搭棚帳暫爲安置俟春融一律辦理齊全

一戰馬宜先補足一條部議直省額馬咸豐六年銷冊實存

馬三千八百四十八匹應先行挑選  
敷設法購買等語查綠營馬匹每匹  
八兩零日僅得銀二分零實屬不敷  
且有滿椿倒弊缺額未經買補者白  
調缺額並守護

陵寢營備馬不計外先後在各標挑選馬  
固本項下撥款採買馬五百匹分給  
防務需餵孔亟不得不藉固本餵銀  
防軍戰馬數百匹致各標應用之馬  
實存額馬臆壯者不敷挑選計各標



標戰馬共挑出一千三十五匹除大名鎮戰馬防堵喫緊未便調撥外尙短少馬二千六十五匹已經籌款發價札飭多倫廳分起採買此項戰馬不比例馬應以三年滿椿總期一律臚壯無誤操防

一官弁宜酌給薪水一條部議各營官弁應給薪水公費其奏咨調營無額數文武各員弁按其原官品級每月酌給薪水銀兩咨部核給等語查調營員弁已於儲材條內酌定額數所有薪水擬請提鎮照統領分例支給副參游照管帶官支給都守照哨官支給千把照隊長支給均毋庸給予公費俟充補之日再按部章支領公費至營務當資

文員條內添派雜職二員擬請每月各給薪水銀十二兩  
公費銀十二兩以資辦公

一兵丁宜酌增口糧一條部議各兵口糧照神機營加練章  
程支給仍留底銀額饒七成實銀等語查六軍應挑馬隊  
三千名擬請均在各標馬兵內挑選卽照馬兵月支底饒  
計七成實銀一兩五錢零合加饒銀五兩月得實銀六兩  
五錢零足資飽騰無庸再給底乾以示撙節步隊兵應挑  
一萬二千名直隸步兵大小戰守額有分別必須合挑方  
能足數惟底饒未能一律同一操練口糧兩歧似覺偏枯  
擬請將挑練之兵仍按各員缺支領底饒遇有事故缺出

大小戰守均以本營練兵擇其技藝嫻熟者遞次拔補另  
再募備守兵足數以昭激勸而免向隅

以上八條雖與原議微有異同要亦精益求精詳益求詳之意  
此外如有未盡事宜臣仍當督同司道隨時籌商分別奏咨辦  
理所有練兵章程量爲推廣變通緣由是否有當謹繕摺具  
奏伏乞

皇太后

皇上聖鑒訓示謹 奏

臨桂李樹喜門校

南修胡永福門校

劉武慎公奏稿

劉武慎公集十三

卷之十二目錄

六軍採製器械軍火疏

捻撲河干片

再催花馬池防兵回直疏

練軍請設長車片

擊捻獲勝片

馬勇馬探饗乾請歸畫一片

先給馬勇饗乾片

黃河日漸北趨連築長隄疏

河隄以工作賑開除用款片

要犯解部審辦疏

練兵經費由部添撥疏

儲備將材片

馬蘭鎮兵減免挑練片

清理交代展限片

整飭保甲疏

直隸軍宜速成疏

練兵未可輕裁疏

秦甯鎮難撥練兵片

添設礮勇片

鹽巡緝私略爲變通疏

借款搶修金隄疏

遵旨入覲順閱練軍疏

藩庫借撥復價片

省城捐辦濠牆請獎疏

酌增硝劬價值疏

照舊搭放鈔票疏

1510



六軍採製器械軍火疏

同治五年十一月初二日

奏爲六軍採製器械軍火等項遵議核定確數請

旨飭部撥款以資備辦恭摺具奏仰祈

聖鑒事竊

臣前奉

寄諭抽練六軍遵將籌辦情形先後奏奉

諭旨欽遵在案復查部議練兵章程內開六軍需用器械務求

採製精良併旗幟鍋帳軍火等項均令核定確數奏請撥款辦

理其駐軍營基窩鋪器具等項由本省籌給備辦各等因經

督同司道悉心稽核除六軍營基擇買地畝約需銀五萬餘兩

搭蓋窩鋪棚槽五千餘間約需銀四萬兩營中各項器具約需

銀一萬三千兩其估銀十萬三千兩遵照部議由本省籌給備辦暨所需洋礮機器洋藥子粒等件由三口通商大臣崇厚奏明撥款辦理外所有擡槍鳥槍刀矛籐牌弓箭馬鞍旗幟鍋帳火藥鉛丸等項需用甚多當查各標原設器械多年失修誠如部議非調取一空卽破敗不堪適用前次抽練兵丁曾飭添製分撥各營旋經調赴甘肅奉天科布多各處征兵陸續帶往並撥給南北防軍前後數以萬計其餘存營器械執操又已三年不免復有損壞此次練兵器械務求精良方可臨陣得力未便拘以例價以致有名無實惟有督飭加工製造核實估計以資利用現在逐營挑選除堪用外尙應製造擡槍一千桿連佩帶

約需銀八千六百六十兩鳥槍二百四十桿連佩帶約需銀八千四百七十二兩馬槍一千桿連佩帶約需銀二千九百五十兩雙手帶刀一千把約需銀一千八百五十兩短刀一萬七千把約需銀一萬六千一百五十兩腰刀三百把約需銀三百六十兩藤牌三百面約需銀六百六十兩馬步長矛二千一百六十桿約需銀二千零五十二兩弓箭七百二十分連佩帶約需銀三千零九十六兩馬鞍二千一百盤約需銀一萬四千七百兩旗幟大小一千六百八十面約需銀二千三百五十八兩六錢帳房大小夾單四千一百二十二架約需銀三萬三千九百十七兩四錢號衣號帽一萬八千副約需銀二萬八千八百兩

鐵鍋四千口約需銀二千四百兩金鼓號令三十分約需銀三百一十八兩六軍逐日操演火藥火繩鉛丸不能不寬爲製備計每軍每年應用火藥二十餘萬觔火繩七十餘萬條鉛丸六萬餘觔共約需銀四萬四千兩統計估銀十七萬零七百四十四兩爲數甚鉅爲期甚迫亟應趕緊分別採辦以便成軍即可撥給執操臣與司道通盤籌畫焦灼莫名竊以採製各項雖部議準其核定確數奏請撥款辦理然使本省尙有一分可籌之處臣等必當竭盡一分之心何敢遽先請撥第念採買之費皆須隨時支發而司庫年來羅掘一空支絀日甚現雖悉力籌措正恐車薪杯水無濟急需再四思維惟有仰懇

天恩俯念練兵緊要

飭部查照原議先行撥發銀一十萬兩由臣咨部請領以應要  
需而免遲誤此外不敷之項臣當督同司道設法籌辦一俟採  
製齊全卽行彙單報部查核辦理以昭核實所有六軍應用器  
械軍火等項遵請撥款辦理緣由理合恭摺具奏伏乞

皇太后

皇上聖鑒訓示謹奏



擒撲河干片

同治五年十一月初二日

再臣前將逆匪被勦回竄仍飭嚴固河防緣由 奏奉

諭旨飭遵在案茲復據南路各營縣先後稟報賴任各逆前由  
江南豐縣回竄東省之金鄉嘉魚一帶四出焚掠經各軍追勦  
於十月二十三、四等日又復分竄曹郡各屬賊騎已至濮州之  
魯萬倉等地方直撲河干經直軍水師參將高振海等開礮擊  
退旋向開州屬之焦邱東明屬之司馬集等處窺知我軍水陸  
備禦甚嚴乃悉眾竄踞曹南之金隄集一帶其邊馬時擾沿河  
各村現據余承恩已帶隊往擊各等情稟報前來 臣查該逆循  
由舊路忽去忽來其意未忘北渡所幸目前天氣晴暖雖節逾

大雪而河水尙未成冰師船仍可往來行駛臣已飛飭張相聲  
陳鳴志等嚴督各路水師礮船在於沿河各要隘梭織巡防遇  
賊卽擊並飭陸路兵勇互相聯絡扼守沿河一帶濠牆實力備  
禦不準稍形鬆懈外所有現探賊匪竄撲河干仍飭水陸各軍  
嚴防緣由理合附片馳陳伏乞

聖鑒謹 奏



再催花馬池防兵回直疏

同治五年十一月初九日

奏爲再行請旨飭催將花馬池防兵迅速全數撤回以便分撥選練恭摺仰祈

聖鑒事竊臣前因各營兵丁不敷挑撥請將調赴甘省花馬池官兵二千名全行撤回俾資選練當經奏奉

批回另有旨欽此等因迄今已兼旬前項官兵能否撤回尙未奉到

明諭亦未接準穆圖善咨照惟查現在抽練六軍尙有天津遵化古北口三軍未能挑撥足額其天津一軍原在該鎮本標挑撥因有調防海口並赴奉省助剿之兵前經咨商崇厚都興阿

均稱勢難撤回復飭該鎮於所屬營汛均勻加抽現尙未據  
呈覆又遵化一軍原撥通永鎮兵二千名馬蘭鎮外標兵五百  
名前據署通永鎮稟稱或現顧邊防或出征他省存營之兵不  
及六成尙有巡緝遞解各差恐未能照數挑撥而馬蘭鎮一營  
亦據該鎮以守護攸關呈請減派前來雖經照會該各鎮勉爲  
派撥其能否足數尙待籌商至於古北口原派提標自爲一軍  
其閒雖有出師及撥防邊口之兵但其兵額較多本尙易於集  
事昨據該署提督咨覆因口外地面遼闊巡防緊要且準熱河  
都統麒慶咨稱現在馬賊雖稍斂迹竊恐汛兵一經抽調又啟  
賊匪窺伺之漸請於別鎮營另行勻抽等情臣現已咨商提臣

徐廷楷通融湊撥亦尙未準覆到伏查各標兵數合則見多分則見少散則不便團操聚則每難兼顧此天津遵化古北口三軍迄尙未能撥足之實在情形也查前調花馬池防兵二千名現在疲乏不堪難期得力與其強畱異地徒耗饟需孰若全撤回標藉資選練兵則可期整頓饟則不致虛糜於各要隘防守事宜亦免顧此失彼合無仰懇

天恩再行飭催穆圖善迅將前項官兵全數遣撤回直以便選募精壯撥歸各軍訓練實於營伍有裨所有請將花馬池官兵催令迅速全數撤回以備選練緣由謹恭摺再陳伏乞

皇太后

皇上聖鑒訓示謹奏

練軍請設長車片

同治五年十一月初九日

再查向來各營防堵均設長車爲營中拉載軍裝軍火之用如遇出征移營仍另添雇短車供送此次抽練六軍駐紮操演稍與行軍不同第赴部支領餼項赴省領運軍火若無長車諸多未便設有緩急更難迅速成行臣與該司道悉心籌議擬請六軍需用長車照防河各營量爲裁減每軍五營每營各設三套長車二輛爲支領餼項運取軍火之用以期便捷無誤操防如遇征調移營再另添雇車輛照例辦理所設長車無論行坐每套日給價銀二錢扣建核發由各統領按月造入餼冊一併報部請領以歸畫一茲據總局司道鍾秀等會詳前來理合附片

卷十二

陳明伏乞

聖鑒訓示謹 奏

擊擒獲勝片

同治五年十一月初九日

再臣前將賴任股匪回竄曹郡賊騎直撲河干擾及東明沿河村莊經余承恩帶隊往擊各緣由奏奉

諭旨欽遵在案茲據余承恩稟報十月二十四日帶隊至東明縣城東之西泰集見賊騎往來游駛當經我軍擊退追至東臺寺該逆馬步分股撲來我軍開放洋礮擊斃多名賊勢不支向東南奔竄余承恩仍督隊追擊至海頭集地方見有賊目執旗招眾抵敵經把總索振海等躍馬上前生擒回陣餘賊搶救復經外委許寶全千總袁得魁等殺斃多名又生擒馬賊二名賊眾仍向東南奔逃因天晚未及窮追統計斃賊數十名生擒髮

逆三名交東明縣訊明正法並奪獲賊馬三匹器械數十件救出難民二百餘人我軍陣亡勇目馬成一名傷亡外委慕永泰一名受傷勇丁數名並據各路探報該逆竄往東南曹定之交又經劉銘傳等各軍截擊大獲勝仗獎賊並獲馬甚多餘賊向南竄去勢極窮蹙各軍仍跟蹤追擊各等情稟報前來臣查該逆往來直東窺伺河干亟思搶渡北竄現經余承恩等奮力堵剿小有斬擒復被劉銘傳諸軍大加懲創其窮蹙情形已可概見諒不難一鼓蕩平第恐該逆敗極紛竄沿河防軍尤不可稍事鬆懈除飭張樹聲陳鳴志等仍當嚴督各軍加意備禦實力巡防並將傷亡弁勇分別撫恤另行核辦外所有余承恩擊賊



獲勝仍飭沿河各軍嚴密備防緣由理合附片具陳伏乞  
聖鑒謹奏



馬勇馬探饗乾請歸畫一片

同治五年十一月二十三日

再查調防各營馬勇馬探前因月支饗乾未能畫一似不足以昭平允若照海防章程每名月支銀五兩六錢此時銀賤物昂又屬不敷食用經臣議請自五年正月爲始無論馬勇馬探每月一律概給實銀七兩奏奉

諭旨著照所請該部知道欽此等因當經轉飭糧臺委員遵照辦理在案嗣準部議以各營馬探偵諜較勞應照準支給其巡防馬勇仍令每月按實銀六兩四錢五分發給等因伏查各起巡防馬勇前經臣調赴邊外防剿馬賊遠道馳驅備嘗艱險其勞苦與馬探無異且該勇等巡防剿捕尙爲得力若所食饗乾

轉較馬探爲少似不足以資鼓舞况奏奉

恩準後早已照數支發此時亦難紛紛追繳應請仍照馬探章程一律月支釐乾實銀七兩以昭平允據該司道等具詳前來是否有當理合附片陳明伏乞

聖鑒訓示謹 奏

先給馬勇餵乾片

同治五年十一月二十三日

再查前因練兵戰馬例支乾銀不敷餵養經臣 奏請每匹日給銀一錢一分七釐按照兵餵以銀九票一支放奉

旨允準在案原以此項戰馬與存營差操者不同必須餵養臚壯方期臨陣得力現在分設六軍紮營團操遵照部議陸續挑選各營額馬並現飭多倫廳先後採買戰馬共計二千六百餘匹所需乾銀未可一日缺乏若俟成軍之日再行起支恐此時餵養無資卽不免有疲斃之虞自應以點驗之日起按照前奏章程每匹日支乾銀一錢一分七釐先行由司籌給散放以資餵養內所挑額馬卽停支原營乾銀仍俟報明成軍之後再按

現在部定新章乾與饒合由各營總統督練官一併備文赴部  
請領庶秣飼有資馬匹可期一律臚壯據總局司道鍾秀等議  
詳請奏前來除咨戶兵二部查照外理合附片陳明伏乞

聖鑒訓示謹 奏

黃河日漸北趨連築長隄疏

同治五年十二月初二日

奏爲開州黃河日漸北趨畿疆慮遭浸灌情形危急速宜築長隄以保完善請

旨速飭河督親臨履勘商同三省會辦恭摺仰祈

聖鑒事竊據直隸布政使鍾秀詳稱直隸長垣東明開州清豐南樂暨大廣深冀等府州屬本有黃河故道至金章宗明昌五年全河大溜南趨北流閉塞直境始免水患咸豐五年自河南蘭陽銅瓦廂決口以後直隸之長垣東明開州遂被淹浸田園廬舍盡付波臣小民困苦流離十數年矣近數年來催飭各州縣修築隄埝民田稍獲保全不料今年七月河水來源極旺溜

勢洶湧異常趨重西北近年新修金隄概被衝刷情形十分危  
險被水之處既寬且重甚於往年災民困苦情形亦較往年尤  
甚據大名府楊毓枏開州楊詠春先後稟報由司遴委候補知  
州錫桂馳往勘覆並籌撥銀款帶往撫卹茲據候補知州錫桂  
開州知州楊詠春會稟上年河流五分入文留今年文留僅贖  
一分河寬水淺幾至淤塞州南鑪里展邱黑土寺等處衝開支  
流數道清河屯以東溜頭緊逼隄根十八郎一帶河底淤墊幾  
與隄平東西三十里險工疊出歷修之工衝刷實多官人店隄  
口四十餘丈水深六七尺不等雖搶築月牙套隄甚不可恃套  
隄內積水尙存丈餘及四五丈不等迄未消落十八郎張果廟



蕭家樓棗科等處水高於地隄身單薄設有潰決勢若建瓴莫  
知所底以上險工五段並自開滑交界之杜家寨起至開濮交  
界之陳家莊止工長九千六百四十九丈六尺九寸單薄處所  
均須加高培厚其險工及隄口一律廂用埽料方足以資捍衛  
統計土方料椿麻纜價值夯礮廂埽弁兵夫役口糧委員薪水  
書役工食一切經費約須銀三十五萬餘兩但黃流性急不比  
他河一切打隄廂埽築壩等法均須調派河工員弁承辦方能  
動合機宜每歲修防不能不設立專員經理再山東濮州所屬  
之葛樓一帶工程亦屬險要河南滑縣境內雖無漫水惟河道  
歲有變遷亦宜思患預防請咨商山東河南會辦等情由司核

明轉詳請 奏前來 臣查河流就下水勢使然黃河夾沙帶泥溜緩沙停積久勢必淤墊下塞則上壅南高則北瀉此理之常原無足怪溯自咸豐五年河南蘭陽汛決口以後於今十年長垣東明開州三州縣變爲澤國不但每年少徵錢糧十餘萬兩且重則賑濟輕則撫卹歲須多費銀三四五六萬兩不等值此經費支絀固無力堵築蘭陽舊口就時論事亦祇可順水修隄俾不致波連完善但有隄必致生險生險必須修防段落旣長工費過鉅法無可設款從何來此 臣所以日夜焦思而不安寢饋者也近年經 臣諄飭大名道府督飭各該州縣將古隄廢埝籌款修補業已十完八九倘可防守乃今年秋汛盛漲異常幾

於通工漫溢幸河防兵勇雲集該府楊毓枬時亦在防當同該  
州楊詠春督率兵勇夫役合力搶護未致橫決然大溜愈趨愈  
北大有仍循北宋故道之勢清豐南樂大名皆係路所必由深  
冀河天等屬地皆窪下一經漫溢勢必由深冀青滄就近入海  
數百年之生聚蕃植亦將同入渾流大局更何堪設想頃與在  
省司道再四熟商惟有上修長垣之太行隄及接築新埧下修  
開州之金隄中間無隄處所一律接築加高培厚因險設防是  
亦保衛畿疆急則治標之一法其事固不易辦其勢又不得  
不辦惟上游在豫下游在東滑濬居其中濮范觀館處其下若  
欲接修長隄斷非直隸一省所能辦理可否仰懇

天恩飭下東河督臣周歷履勘會同直東豫三省統籌全局合力興修再行設汛添員撥款備料庶可一勞永逸同慶安瀾而且河流環繞畿疆更可遏賊氛而資邊備災區幸甚全直幸甚再從前黃河由河南山東直趨淮徐歸海是以東河督臣僅管河東兩省自河流改道由直隸之長東開山東之濮范直趨利津歸海是卽東漢王景所濬舊道今旣擬順水築隄必須按年防治自應將直隸工並歸河督管轄作爲河直東三省河督以專責成並請

聖明裁示理合恭摺具奏伏乞

皇太后

皇上聖鑒訓示謹 奏

臣等謹將所請開列於左

臣等



河隄以工作賑開除用款片

同治五年十二月初二日

再查直隸連年軍需庫款支絀已極同治三年春因遵

旨培築隄埝無款可籌曾經 奏明將二年撫卹銀三萬兩改

作以工代賑分撥開東長三州縣以八成辦工二成辦撫奉

旨允準當經飭委候補同知李鼎等分投幫辦在案惟長垣之

太行隄開州之金隄最關緊要工亦最大奈經費不繼未能一

氣呵成若竟此中輟又恐前功盡棄當同前署藩司李鶴年前

藩司唐訓方再四酌商司庫既無可籌之款此外又無挹注之

方而渾流日漸北趨苟不力籌堵禦年復一年更於 畿疆大

局有礙前既 奏明改撫辦工以工作賑卽以每年撫卹銀兩

撥作工需

聖明軫念災區無不仰邀

恩允如有長用卽在下半年應撥撫卹銀內扣抵當由藩司籌款  
撥解以資工用計兩年內已撥給開州銀二萬六千兩長垣銀  
四萬兩東明銀八千兩撥存大名府庫銀六千兩共八萬兩同  
治三四兩年秋災案內 奏準改賑爲撫共應撥銀六萬兩全  
數撥抵外計長用銀二萬兩以每年開州一萬二千兩長垣一  
萬兩東明八千兩計之開州僅長用銀二千兩長垣實長用銀  
二萬兩東明尙有短發長垣太行隄業已修竣開州工完八成  
適本年盛漲異常轉被衝壞東明因與山東清河澤等縣間段接



壤山東迄未動工東明亦難興築其銀前皆扣存府庫嗣因捻  
逆疊次撲城該縣孤懸河外亦均領作雇勇口糧動用原擬在  
本年秋災撫卹案內按處扣撥清款不料本年水災更重哀鴻  
遍野自擊堪憐不能不另籌撫卹合無仰懇

聖恩俯念水災連年民窮已極準將前撥工用銀兩就款開除  
免再扣抵今冬及明春應須接濟之處仍令大名府督飭各該  
州縣體察情形赴司領銀妥爲撫卹庶免飢民別滋事端據藩  
司議詳請 奏前來理合附片具陳伏乞

聖鑒謹 奏


要犯解部審辦疏

同治五年十二月初二日

奏爲遵旨拏獲要犯訊供狡卸現在解部歸案審辦恭摺覆奏仰祈

聖鑒事竊

臣前奉

寄諭刑部奏逆犯陳大卽陳金玉又名陳瀛亭供有曾同該犯在賊營之楊三給伊送信稱說原籍冠縣之韓玉得起意謀反令伊至鄭州鎮舉事因人少未敢舉動楊三現在直隸雄縣籠窩稻窩一帶著劉長佑委員密拏解部訊辦等因欽此欽奉之下卽經委據候補知縣胡如川等帶同丁勇密往雄縣查得縣屬僅有道務村名細訪該村曾有山東人楊三於本年正月來

村傭工十月初間已推小車載錢串赴東省售易柿餅計日即可回村經該委員會同縣營添派兵勇購覓眼線迎頭探緝至文安縣地方與該縣差役一同將楊三拏獲解省臣因該犯楊三行蹤詭秘誠恐尙有夥黨在直潛匿卽將該犯就近發交保定府確切訊追以憑密速揆捕詎楊三僅稱係山東聊城縣朱家灘村人年二十五歲其村西屬冠縣所管東屬聊城縣管轄咸豐十一年間曾在聊城縣充當練勇因宋逆帶領夥賊竄擾縣境將其裹入賊隊有賊目陳大令其溜馬不允用鞭毆打後乘間逃出賊營卽在各處與人傭工屬實餘俱諉爲不知正在核辦聞準刑部催解前來臣查楊三旣稱被宋逆裹入賊營有

陳大令其溜馬情事其籍貫年歲又與在京拏獲之陳大原供  
約略相符現訊該犯不認與陳大送信謀爲不軌難保非恃無  
質證有心狡卸應卽解部歸案質究除委員將該犯楊三解部  
審辦外理合恭摺覆 奏伏乞

皇太后

皇上聖鑒謹 奏



練兵經費由部添撥疏

同治五年十二月十三日

奏爲練兵應需經費並增廣二軍餼項司庫無款可籌仍懇

恩施飭部照準前奏核辦恭摺仰祈

聖鑒事竊臣接準部咨議覆練兵籌餼各摺均經分別準駁先

後奏奉

諭旨欽遵在案伏念臣職膺專閫自無不當練之兵直省地額

甚鉅自無不可籌之饌不察其實而第舉其凡其勢固無不可

行者然練兵非難籌饌爲難部議已詳及之如司庫挹注不窮

則何所用其通融如臣取攜甚便則何須過爲顧慮無如直省

耗瘁情形迥非昔比明知司庫之難而故責之非臣所敢安也

明知籌款難卽練兵難而故諉之尤臣所不敢出也伏查直省  
每歲例支本多缺額向賴各省解款協濟嗣協饒停解將例支  
各款分別折減搭票支發每年尙應支實銀一百八十餘萬兩  
而地糧亦搭收鈔票僅歲徵實銀二百一十餘萬兩自開東長  
一帶黃水爲災歲蠲免銀十餘萬兩被水災黎復歲需撫卹銀  
數萬兩又東南兩廳地糧提作順天馬勇經費並各屬災歉蠲  
緩及民欠未完實僅歲入額徵銀一百七八十萬兩核計每年  
徵收可到九成無如各項例支尙難相準更兼十數年來軍書  
旁午各省徵調絡繹本省防勦頻仍工賑繁興大差疊辦例外  
支銷何止千百萬計雖經奏撥鄰省協濟並復價關稅等款無



異杯水車薪未能彌補百一此歷年支絀情形久邀

聖明洞鑒自奏準固本軍需卽將鄰省協餉概行停止以二年臘月爲始經臣奏明抽練標兵並酌留練勇計給發練勇口糧練兵二成加餉並添買馬匹製造器械軍火及各練兵馬乾操賞經費等項所收各省固本餉銀二十九萬餘兩悉已支盡無餘旋於三年秋間奉

旨將楚勇一軍遣撤仍留練勇一軍今尙分布河防頗稱得力現在北路邊防尙難全撤西路徵兵未回南路捻逆飄忽靡常河防未可稍弛三路合之月需餉銀六萬數千兩又各路兵差絡繹不絕直省地額雖鉅於例支尙有不敷於防費何能接濟

聖正世公集卷之二十二

三

統計每月奉撥復價洋稅等款尙不及防饟之半而臣前摺所  
開六軍需費將及銀三十萬兩現準部撥津關稅銀十萬兩得  
以及時趕辦一切其餘短絀尙多斷非徒手可辦該司道等悉  
心籌畫惶急莫名除順屬旗租遵照部議未敢瀆請外惟有續

懇

恩施準將鹽勛復價每月再添撥銀五千兩津關稅課再添撥  
銀一萬兩至前請免解之項內惟新疆甘肅兩處協饟均應遵  
奉

諭旨勉爲撥解其餘積年欠解東三省俸饟及五年京饟請  
旨悉賜免解俾得專顧根本大計於練兵斯有濟矣查原議此

次練兵事皆責實勢在必行事無把握而求責實未見其能責實也勢有扞格而責必行未見其必可行也臣蒙

皇上天恩專任以訓練之事老弱當汰也精壯當補也器械當整齊也馬匹當臙壯也技藝當隨時演習也是不當藉口添練以希圖加饒者也然營制廢弛由來已久使隨時可以演習則六軍之合操爲過計矣使就饒可以合操則六軍之加饒爲多費矣

朝廷知其然於是議合操議加饒良以欲除積弊非可徒執空言臣雖驚下敢不祇懍前者慮及南路空虛因有增廣二軍之請蓋以各標整隊業已撥歸六軍其餘分寄營汛或數十名或

三  
十數名應差且不暇何能加卯練習乎必欲加卯練習非紮營  
合操不可欲紮營合操非照新章加給餼銀不可緣兵在本汛  
不遇卯期尙可別營生計有無緩急可向親友通那一經調離  
本汛家口不能相隨地方非其熟習日得數十錢何以贍家何  
以餬口同營一樣窘苦營外又借貸無門壯有力者率就他圖  
則老弱充伍矣第此二軍月饟本省實無力可籌計惟籲懇  
天恩仍飭由部增給期與六軍一律如部中實難籌款擬請將  
此二軍暫緩紮營合操俟六軍練就防軍全撤再行分別辦理  
臣仍當將六軍挑贖額兵不時抽練盡臣力之所能及以期補  
救萬一仰副

皇上整飭戎行之至意夫不量力之所能而冒昧從事則後之  
償事可立見也明知力之所不能而隱忍不言則後雖追悔而  
無及也當艱難盤錯之時而仍襲因循遷就之弊設有貽誤轉  
無以仰對

聖明惟有覩縷直陳期與大局有裨據總局司道鍾秀等會詳  
前來所有增練二軍餼項及練兵應需經費仍請由部添撥並  
免解京外省各軍餼緣由理合恭摺覆陳伏乞

皇太后

皇上聖鑒敕部查照議覆施行謹 奏



儲備將材片

同治五年十二月十三日

再部中原議儲備將材自專指將領而言故其數可以約取且係備用而無職事故薪水可以酌減又限之以到營爲始方準支發薪糧則所以省虛糜而圖撙節也臣以爲人材儲之而始備亦養之而始成嘗有微末之弁一經激勵而卒建奇功粗莽之資有所觀摩而終成良將故必取之寬而後能擇之嚴也但此項將弁祇可另爲設局收攬而六軍所派自總統以至各哨長旣已皆有專司斷不可以額外備用之員派入幫同操練以撓營中之事權轉致生多少枝節添多少窒礙若因未派入營卽不準支給薪糧似失儲備本意亦非培養人材之道且令該

將弁等平日自備資斧以待臨時之用不惟其力有未逮更無以維繫其心查各軍總統翼長向例得設親兵而總督統轄六軍稽察各營事務至繁至重或平時隨從閱操或有事帶赴前敵豈可獨無指臂之資以備爪牙之用近來東南數省設有儲材館選鋒館等名目優養將士遇軍中需員之時則擇其官職材力相當者令其充補如有攻戰之事或派前鋒或派接應均能得力此所謂養一人而獲千夫百夫之用者也臣以所收將弁應在省城設局均準查照官階支給薪糧以資養贍仍定以百人爲限任缺弗濫計卽收足百人不過月需千數百金部中似尙易於籌撥或請由部每月撥銀一千兩其餘統由本省籌



給仍按月將支發數目報部查核毋庸裁減人數亦毋庸酌減  
薪水則士氣可鼓而緩急有恃矣又軍營親兵向來多係材勇  
出眾給有頂戴之弁如旗牌伴當傳號查哨等事均以此項弁  
兵充之故口糧均較各哨兵爲優今部議僅於底饟之外加給  
銀一兩是親兵轉不如哨兵井不及書手工匠殊不足以示優  
異臣前摺未及分晰應請

敕部更正於底饟練饟之外每月加給銀一兩其餘書手工匠  
人等卽照部議辦理是否有當理合附片具奏伏乞

聖鑒訓示遵行謹 奏



馬蘭鎮兵減免挑練片

同治五年十二月二十四日

再馬蘭鎮外標兵原奉部議照飭挑練旋準該鎮呈報照派挑  
足一營印經臣奏明在案嗣據該鎮以守護緊要呈請減免當  
以兵不操練亦於守護無益且駐軍地面較近原可兼顧守護  
與舊案裁歸天津海口遠徵久戍者不同屬令仍照前議辦理  
茲奉

諭旨以據景霖具奏曹牆黃六關汛等兵守護攸關請免歸軍  
合操飭令臣妥籌添撥具奏等因欽此敢不懍遵查遵前二營  
祇撥兵百餘名是遵化一軍尙未足數應仍在通永鎮標就近  
挑撥第前據通永鎮疊呈沿邊沿海汛守均關緊要所派抽挑

五  
五  
三  
三  
練兵二千名實難如數照撥經臣再三諫飭始據呈報挑足今復令添撥一營其勢有所不能因思天津一軍前因本標不敷抽調曾飭由通永鎮所轄之通州協北塘營共撥出兵三百名歸入天津合操現由奉省撤回津標洋槍隊兵五百名已準通商大臣崇厚咨稱將此隊移駐海口仍將大沽兵五百名撥歸天津合操是津軍僅尙欠一營俟將留奉之五形隊撤回即可足額所有原撥通協北塘兵三百名應無庸歸入天津卽以此三百人與遵蘄兩營撥出之兵併作一營是遵化亦可成軍矣至天津五形隊五百名尙留奉省應請  
旨飭催速調回津方免臨時貽誤又馬蘭鎮守護之兵亦請

飭令隨時認真選練以期得力是否有當理合附片具陳伏乞  
聖鑒訓示謹 奏



清理交代展限片

同治五年十二月二十四日

再查直隸舊案交代前經

臣奏奉

恩旨分限清理在案當經飭司設局委員分別調郡調省加緊督算現在月限已滿計其算清一千零三十案尙有未清二十三案惟自軍興十餘年司庫異常支絀各州縣墊辦各款多未給領核計爲數甚鉅而各州縣算清各案其虧內結銀數亦甚鉅必須逐一稽核撥抵分別放收方能剔清眉目從嚴參追但查應領

陵工

玉牒經橋大差及河工歲搶修費俸工工料兵差馬差腰撥勇

糧等項款目糾紛其中銀票成數參差同時交集提放殊慮膠  
轉舛錯此案自本年正月二十七日奉

旨之日起限其時旨在北防嗣赴南防旋又因病請假前藩司

唐訓方開辦未久卽行交卸署藩司錫祉爲日雖長究與實任

有異現任藩司鍾秀自到任至今僅止數月情形旣未周知款

項亦復叢集依限草率辦結實難信心無錯臣與該司等再四

籌商與其求速而或有疏忽不如稍緩而務極精詳除將尙未

結算及已結尙欠內結各款爲數較多各員由臣暫行撤任摘

頂扣補停委勒限完繳外合再仰懇

天恩俯念藩司到任未久交代款數繁鉅準再展限三箇月俾



令詳查撥放完結如有延欠不完另行從嚴參追以重帑項而  
歸實濟據藩司鍾秀等詳 奏前來合再附片具陳伏乞  
聖鑒訓示謹 奏



整飭保甲疏

同治六年正月十三日

奏爲編查保甲一律照章整飭恭摺具 奏仰祈

聖鑒事竊查保甲之設所以別良莠而靖地方果能稽查得法盜賊固無由潛蹤兼之守望相資團練亦易於集事直隸爲畿輔重地辦理尤宜認真節經 臣 札飭道府廳州督飭所屬州縣將保甲事宜查照順天章程遵

旨一律從新整飭逐細編查不準虛應故事並激勵鄉團聯絡聲勢務與保甲相輔而行期收實效仍俟查辦完竣報由該管上司親歷抽查以昭核實茲據各該道府廳州抽查完竣由藩臬兩司覆核會詳呈請循例具 奏前來除仍嚴飭實力稽查

倘有玩泄從事敷衍塞責者卽行嚴參懲辦如能實心經理著有成效者亦必分別奏乞

恩施以資激勸外所有編查保甲一律照章整飭緣由理合恭摺具奏伏乞

皇太后

皇上聖鑒謹奏

直隸軍宜速成疏

同治六年正月二十日

奏爲直隸軍宜速成計須早決微臣責無旁貸才實不勝謹據

愚悃仰祈

聖鑒事竊


臣

於同治五年十二月二十八日欽奉

寄諭本日又據總理各國事務等衙門奏遵議羅惇行請將國本軍餉用在京營及劉長佑請增廣二軍餉項並月撥薪水一摺直隸所練六軍爲保衛畿疆之用若將此項餉銀用之京營恐六軍之設又成畫餅該督前奏增廣二軍於地方形勢大爲無益惟必須餉項有著方不致流弊叢生該衙門等擬將原議六軍之數每軍先行酌練三營俟將來款項充裕再行補足卽

以減兵之饒練增廣之軍計每軍減練二營每月共應節省銀  
二萬餘兩俟該省請領到部時仍於節省項下撥給一萬兩以  
裕籌備實爲因時制宜起見卽著劉長佑統籌全局悉心核辦  
務期兵歸實用饒不虛糜方爲不負委任其儲備將材月支薪  
糧由部月撥銀一千兩卽照所請行餘著照該衙門等所議辦  
理原摺著鈔給劉長佑閱看至羅惇衍所陳十慮實爲練兵積  
弊已由該部將該尙書原摺發交劉長佑閱看著該督按照所  
陳悉心釐剔思患預防如有前項弊端卽行據實奏明毋稍迴  
護等因欽此仰見

聖懷虛受因時制宜自應懍遵核辦何敢稍涉成見伏念







威也原議每軍二千五百人兵力已不爲厚然尙與營制相符  
今每軍千五百人相距各數百里虛聲徒張弱形先露卽合六  
軍之力其果能禦侮乎抑果能壯威乎臣之愚見非敢謂兵不  
宜減亦非敢謂饒不必省但以事求有濟則不得徒尙虛聲謀  
貴有成則不得徒計近利遵閱總理衙門此次所奏是以前議  
有所格將使臣敷衍塞責也羅惇衍此次所議是以前議舉可  
罷將使臣仍沿積習也似此情形萬一各省饒銀稍有拖欠各  
軍將士偶有事端必且眾議沸騰交章彈劾追咎於計慮之未  
周歸罪於辦理之未善是不但六軍將成畫餅而練兵轉爲口  
實矣臣遵

旨練兵原無所用其顧恤第念前議出已數月各標將士頗有  
感奮之心在事人員均有振作之意卽外省疆臣亦多以此事  
關係根本於臣不無屬望而臣復不自揣方將招徠豪俊選任  
將佐恃爲緩急之用並擬俟河防漸撤再整兩軍以壯聲援今  
乃以逆料饟項之難繼頓改嚴定之章程朝論二三下情疑  
沮事無大小鮮能有成臣再緘默不言因循將事倘急切需用  
兵不足恃雖嚴治臣罪又何以謝天下後世乎夫更議爲省費  
也庸詎知費未卽省而議亦愈紛則以見其小而未見其大察  
其邇而未察其遠耳卽以近日軍事而論赴援之師或西或東  
輾轉經年尙無一定之向追賊之師或東或西顧瞻中道迄無

一戰之功其間坐費奚啻百萬司國計者從未慮及而統兵者亦遂相率遷延此因紛更而致虛糜者固不獨直隸練兵爲然也然則練兵之事議論雖已屢更章程仍宜早定臣現與司道通籌全局於節省之內再求簡易之方如每軍減去二營則人數較少擬將遵化一軍移駐三屯營易州一軍移歸保定府馬蘭秦甯兩鎮之兵概免挑撥則六軍皆可就原設教場紮營團操在各鎮無外汛空虛之虞在各兵無長年戍守之苦營址價值無須另籌練餉銀數亦可酌減且總統均係本鎮無庸添派翼長矣領餉可歸各道無庸另設糧臺矣文案責之稿書軍火責之都守無庸添派候補文職亦無庸添用書手聽差矣至河

開一軍原擬撥正定練兵千五百名湊足五營今既改爲三營  
應由天津就近撥出一營歸入河間而正定三營仍應留駐本  
鎮卽與大名鎮原練之三營作爲增廣二軍如此則費可節省  
而事較易成迹免張皇而謀仍經久其所需各項經費請卽照  
總理衙門此次所議由部分別給發如有不敷仍由本省設法  
籌辦惟是各軍相距較遠總督庶務繁劇恐難照料無遺擬請  
就原之統領中特派文武各一員總理諸軍營務以便分往督  
察於教閱調撥事宜較爲周密又半年之期將次屆滿今章程  
多有更動其辦理情形亦應展至夏初方能奏報是否有當均  
候

聖裁如事在可行卽請

旨嚴切飭遵俾得一意照辦期於有成抑臣更有請者臣仰蒙  
恩遇起自軍營練兵之事不敢諉爲不能且職任總督整軍是  
其專責值此寇氛未靖

宵旰憂勤苟有人心何敢稍存畏難之念第自度才識短淺疾  
痛猶嬰柔謹性成剛斷不足是以措置難孚乎眾論恩信屢失  
於諸軍若復侈言練兵恐一誤必至再誤合無仰懇

聖恩另簡賢能接任直隸總督臣亦不敢置身事外仍請在直  
幫同練兵以贖前愆此係微臣積悃所以未敢遽陳者因前奉

寄諭責效甚迫其時京外浮言不一而練兵之議適出總理衙

門故慨  
訓之奉  
非因本  
不旱而  
迴護前  
及亦有  
其弊而  
爲切要  
仰副  
皇太后

皇上整軍經武思患預防之至意至京營爲根本中之根本誠宜及時增練培國脈而固人心應請

飭部速籌鉅款毋徒以庫儲未裕爲詞致誤根本重計直隸固本軍餉用在京營源無不第查從前奏撥此項曾經聲請將各省協直之餉概行停撥並請隨同京餉解部轉給直隸在案是此項名爲固本實係協濟年來藩庫支絀請將此項撥用二十餘萬兩亦勢所不得而練兵加餉並購辦馬匹器械等項實祇用銀十萬餘兩羅惇衍謂坐費四十萬兩亦祇知其一未知其二局外論事大都如斯又如就餉練兵之說言之似易行之實難行之外省猶易行之直隸較難直隸營伍廢弛實由

於饑項折欠與外省經賊竄擾兵多散亡者有聞四年夏閒現任保定府費學會建議裁兵加饒臣意亦以爲然當飭司道核議並廣諮各標鎮將皆謂非便致不果行緣直隸近在畿輔天下通衢差事繁於外省盜賊亦多於外省大小營汛留之殊覺無益若竟裁去遇事無所責成轉致有所藉口卽如此次挑撥練兵各鎮將皆以取數太多離汛太遠有礙遞解巡緝等事紛紛稟商而馬蘭秦甯兩鎮守護緊要更無論矣羅惇衍祇知左宗棠就饒練兵之便抑知該省各府屬現俱留駐勇隊多則一營兩營少或一哨兩哨與直隸現在情形固有不同也計惟有俟八軍練成河防全撤然後察看各營汛地方之衝僻差事之



繁簡分別裁汰卽以節省之饜增練數營歸入八軍倘再得賢能善爲籌辦練足每營五軍之數以符原議則直隸營伍當有可觀矣此次所陳各情不無激切之語亦實臣所不得不言額

懇 聖慈俯察愚悃無任惶恐待

命之至所有直隸軍宜速成計須早定微臣責無可貸才實不

勝各情由謹恭摺具奏伏乞

皇太后

皇上聖鑒訓示再臣自三年起抽練標兵一萬二百名至五年九月議立六軍又添撥標兵六千二百名新舊共有練兵一萬

六千四百名其月支練饗均應照章加給二成實銀今以三營  
為一軍是八軍共兵一萬二千名其餘四千四百名未入八軍  
之數所有二成加饗應否仍前支給抑即一律停止之處臣未  
敢擅便合併聲明請

旨謹 奏

練兵未可輕裁疏 同治六年二月初九日

奏爲練兵未可輕裁籌餉仍須從省擬將易州河間二軍營制略爲變通以歸簡易並懇

天恩賞準入都

陛見恭摺仰祈

聖鑒事竊 臣 昨奉

寄諭直省練兵之舉悉照六軍原議兵數辦理並著戶部嚴催餉項免致匱乏等因仰見

宸謨剛斷慎重畿防不勝祇懍伏思練兵爲保固根本之要圖督 臣 有整飭戎行之專責極言之則爲十慮總言之則有二難

曰籌餼曰出人而已餼之難繼非唯部臣慮之臣亦早慮之臣之才不勝任非唯同朝知之臣亦自知之然以軍餼之難籌而遂謂練兵之當減以臣才之弗勝而遂謂練兵之無益二者皆非臣之所敢安也乃

聖明不以臣庸陋仍復嚴切責成臣進則有鹵莽之虞退則冒推諉之咎傍徨恐懼莫知所從惟當勉竭愚誠以冀補苴萬一而餼需支絀時局艱難有不能不妥爲以籌者臣前奏有六軍各就本標紮營駐操之請尙屬簡便易行本非拘執成見茲六軍悉依原議若再增兩軍月餼計固本一項尙有未敷部庫旣添撥爲難本省亦設措無力臣通籌全局仍擬先儘六軍辦起

以符原議章程但將易州河間二軍略爲變通要於簡易之中  
不夫增廣之意謹爲

皇太后

皇上陳之查古北宣化天津三軍原派均在本鎮駐操祇遵化  
易州河間三軍須調督標與正定通永二標之兵合紮成軍相  
距本標較遠現除遵化一軍與古北宣化天津三軍悉照原議  
安營毋庸更議外至保定府爲省會重地如將原練三營調歸  
易州則省城祇有兵四五百名正定府爲衝要重鎮如將原練  
三營調歸河間則府城祇有兵二三百名俱有難於兼顧之勢  
今擬將易州河間兩軍各就近地安營以兩營駐易州以三營

駐保定仍爲易州一軍以兩營駐河間以三營駐正定仍爲河  
間一軍營壘雖分聲勢相接可由總統隨時調取合操既資拱  
衛京師亦便控制南路如此則增廣二軍應請如臣前議暫緩  
選練於目前樽節饑需籌備形勢似爲兩便是否有當伏候  
聖裁至六軍營盤窩鋪前經奏明緩俟春融方可修築嗣因奉  
有更議是以未卽興工現雖仍就原勘營基分飭各委員前往  
趕辦計工竣尙需時日且各統領多未到營添買馬匹尙未進  
口應請自三月起至四月止陸續奏報成軍所有各處挑撥兵  
丁現已飭由各本標輪流調操並由省局先給鍋帳令其次第  
紮出以便團操臣亦擬三月初旬親赴各軍督辦一切伏懇

天恩準臣卽由行次入都瞻仰

聖顏跪聆

訓誨俾伸戀

闕微忱無任悚惶翹跂之至所有請將易州河閒二軍變通辦

理並籲請

陛見緣由理合恭摺具陳伏乞

皇太后

皇上聖鑒訓示謹 奏





泰甯鎮難挑練兵片

同治六年二月初九日

再易州一軍祇有泰甯鎮兵六百名近在轄境其餘一千九百  
名皆係督標之兵移多就寡頗形牽強前遵

旨派撥時該鎮以守護攸關礙難抽調亦屬勉強從事又該處

營址臣前委員查勘屬以稍偏州南遠於

陵寢近於省城爲主嗣據稟覆徧勘各處惟州屬五里河地方  
尙屬相宜查該處終去

陵寢較近逐日演習槍礮鉦鼓震動似無以昭嚴肅臣再四圖  
維現在旣擬請此軍變通辦理合無籲懇

天恩準將易州一軍竟改爲保定一軍則但於督標內增撥練

兵六百名仍照原議擇地安營團操其秦甯鎮之兵可免挑撥  
以重守護似爲周市愚昧之見是否有當附片具陳伏乞  
聖鑒訓示遵行謹 奏

添設礮勇片

同治六年二月二十二日

再查同治四年秋閒髮捻各匪回竄東境逼近河干直省防務萬分喫緊經統領忠勝營總兵余承恩議請每營於正隊之外添募洋礮勇丁三十二名派員管帶專司教練以資防勦旋據直字左右中並武安軍等營均請一律照辦稟經臣飭由前辦營務升任臬司李鶴年會同前辦糧臺候補道蔣春元核議以此項洋礮洵為軍中利器若不專設礮勇竊恐訓練未精無濟實用如令在於各營正勇內抽撥練習又恐勇隊較單臨陣不敷展布擬如所請每營添募勁勇三十二名選派領礮哨官一員專司教練以資得力統計忠勝前後兩營並直字左右中暨

武定軍等共七營計添哨官七員礮勇二百二十四名仿照奏定防勇章程議定每管礮哨官一員月支薪糧實銀九兩礮長四名每名月支口糧實銀四兩二錢礮勇二十八名每名月支實銀三兩六錢並準每營添雇四套大車一輛俾資轉運詳經臣批允飭遵均於四年九月初一日起一律照章支給並經臣專案咨部在案茲準戶部咨覆添募礮勇並未先期奏咨有案未便據咨率準行令專摺奏明辦理等因臣查此項洋礮勇丁係爲臨敵制勝慎重防勤而設所議薪糧銀數核與奏定防勇章程相符且余承恩前調赴豫隨帶礮勇曾經奏明有案今既奉部行令奏明辦理合無仰懇

天恩俯準將前項添募礮勇薪糧等項一併照章造報以昭覈實除飭造具花名清冊先行送部外理合附片陳明伏乞  
聖鑒敕部查照施行謹 奏



鹽巡緝私量爲變通疏

同治六年三月初三日

奏爲鹽巡緝私定例與現時情形稍有空礙擬請量爲變通以絕梟販恭摺具奏仰祈

聖鑒事竊查前準軍機大臣字寄同治五年八月初四日奉

上諭御史汪朝榮奏直東交界梟匪充斥請嚴飭緝拏等語梟

匪連年搶劫鹽灘拒傷官役實爲直東等省之患著照該御史

所指勒限緝拏等因欽此欽遵寄信到臣當經分別咨札飭遵

在案茲據臬司張樹聲查得梟匪販私搶劫不特鹺課攸關且

於民食有礙自應欽遵

諭旨嚴飭查拏願欲令緝捕勤奮必先變通緝捕章程庶巡役

躡躍直前無所顧忌而梟匪亦知所做畏不敢拒捕逞兇查定  
例鹽商雇募巡役令將姓名報明運司造冊送部如因緝私被  
鹽匪殺傷或殺傷鹽匪者依販私拒捕殺傷及擅殺傷罪人各  
本律例分別科斷若僅止報縣有名並未詳司造冊報部者各  
以凡鬪殺傷及與販私鹽本律例從其重者論等語原所以重  
人命示限制而杜殘殺也惟思該役等一經受雇充巡卽應責  
令緝私在鹽商雇募巡役自必隨時報明州縣而州縣轉報運  
司彙冊詳辦未免輾轉稽時是以商巡報部者較少如遇緝拏  
鹽匪在報明州縣有名者雖有緝捕之責但遇有殺傷仍應照  
凡鬪科罪勢必逡巡畏縮未敢上前捉捕而名已報部者亦因



乏人應援眾寡不敵未免心存退阻轉致鹽匪得以公然販私肆行搶劫拒捕殊非除暴安良慎重鹺政之道況州縣衙門差役追捕罪人與購覓眼線幫同緝匪因其均爲應捕之人如有殺傷不與平人同科今巡役緝私是其專責旣已報明州縣有案卽與在官人役無異祇因其姓名未經報部遇有殺傷仍按凡鬪問擬似亦未免向隅且邇來梟匪充斥動輒千百成羣橫行無忌若不將緝私之例量爲變通於鹺課民食大有關繫擬請嗣後直隸山東兩省各屬巡役除由鹽商私雇未將姓名報明州縣者仍照舊例辦理外其業經報明州縣有名無論已未造冊詳司送部如因緝拏鹽匪致被殺傷或殺傷鹽匪者各照

販私拒捕殺傷並擅殺傷罪人本律例科斷庶梟匪知儆不敢  
 抗拒而巡役緝私可期得力俟數年後梟匪稍戢仍復舊例等  
 情詳請具奏前來臣查直東兩省近來梟匪充斥肆無忌憚  
 疊經派撥兵勇會同緝拏而私販出沒無常曾未稍為斂戢該  
 司所議變通鹽巡緝私定例實為因時制宜起見是否有當理  
 合恭摺具奏伏乞

皇太后

皇上聖鑒敕部核議通行直東兩省各屬一體照辦施行再據  
 該司聲明近有天津縣巡役史汶成等毆斃鹽犯李傑一案又  
 靜海縣巡役韓泳瀆用鳥槍放傷鹽犯孫立亭身死一案各該

巡役姓名均未報部應擬罪名應請俟奉準部議通行之日另  
扣審限核辦合併陳明謹 奏

Table with 10 columns and 1 row. The rightmost column contains the text "新編" (Shinpen).

									新編
--	--	--	--	--	--	--	--	--	----

借款搶修金隄疏

同治六年三月十二日

奏爲開州金隄關係緊要擬請借款搶修暫圖補救恭摺 奏

祈

聖鑒事據布政使鍾秀按察使張樹聲清河道錫祉會呈稱黃  
河日漸北趨情形危急前經奏奉

諭旨飭令河督臣周歷履勘會商籌辦當經派委大名府知府

楊毓楫會同東河委員師長怡等切實履勘去後茲據大名府

知府楊毓楫稟稱河隄大工須俟河督親臨勘定方能估計定

議目下所急者惟開州金隄正當大溜下注縣延一線實爲全

畿大局攸關苟不及早加培一遇盛漲深恐潰裂四出勢將無

可如何現已沿隄履勘擇要估修擬將清河頭以東各隄工先行填與地平層土層礮礮堅實足爲負載之基將來加築隄身方能穩固而隄口亦免衝決再以水痕定水平其隄身舊出水痕四尺者加高一尺三尺者加高二尺遞次見淺卽遞次加高總較上年盛漲水痕通身加高五尺此外卑薄險要溝阮深廣之處一律加高培厚尋常盛漲足資抵禦約計椿料夫工恐前估三十五萬之數尙覺不敷將來興辦大工總須先籌動款或議開捐例或攤徵土方迨至議定試行正恐有需時日急何能待現在凌汛已過水小源微乘此興工事半功倍茲已定於二月內動工搶築工料一切非銀錢應手斷難一氣呵成應請

寬爲籌撥源接濟等情稟由大名道咨轉到司該藩司因查開州隄工極關緊要惟司庫厯經搜括實在無款可那不得已先在司庫收存天津道關稅銀款項下暫撥實銀二萬兩委員星馳解往藉應工需惟杯水車薪仍不濟事若待籌有動款又恐緩不濟急再四籌思祇有叩懇

天恩飭部先行借撥實銀二十萬兩俾資支應俟稍可周轉再行分批解部歸款等情具詳請 奏前來 臣查開州金隄關係

畿疆全局其勢不能不辦且昨接河 臣蘇廷魁來函亦謂開州一帶地勢南高北下支流漫水直抵隄根亟應將隄工幫寬加高築壩挑挖廣儲正雜料物以備相機修守核計椿樅麻料甄

石土牛夫工原估三十五萬兩並不爲多正恐尙不敷用目下  
經費支絀大工殊難遵辦暫顧目前則補築增培實亦萬不可  
緩該道府所請銀兩應卽作速發交河臣目擊情形自屬有見  
云然可見該府等及時興辦之請正係急圖補救之思且已據  
報開工夫工料物日費浩繁該藩司雖已撥往實銀二萬兩一  
經開發數日卽已告罄若再停工以待又恐前險未平新險又  
出必致欲省反費明知部庫亦非寬裕何敢違請借撥而事機  
所迫不得不據實直陳合無仰懇  
天恩俯念河工緊要準由部庫暫行撥借實銀二十萬兩俾資  
工用俟司庫稍可那轉卽行解部歸款不敢稍事宕延所有開



州金隄關係緊要擬先借款搶修緣由理合恭摺具 奏伏乞

皇太后

皇上聖鑒訓示謹 奏



遵

旨入覲順閱練軍疏

同治六年三月十二日

奏爲遵

旨入

覲並順道校閱練軍循例考覈營伍恭報起

程出省日期仰祈

聖鑒事竊

臣前摺聲明以三月初旬出省督辦六軍並請入都

陛見奏奉

諭旨欽遵在案查易州一軍改設保定內有原撥督標練兵一百名經遊擊陳啟棟管帶出關已準咨撤回直尙未到省此外二千四百名現已陸續抽撥成軍經臣飭令總統前直隸布政使唐訓方翼長候補道蔭德泰督標中軍副將冷慶等統率營哨隊長於二月二十九日將全軍出城屯紮卽擇東門外原設

教場地方先安帳房棲止一面修築營壘臣連日親往督操眾  
軍踴躍頗有震動鼓舞之氣通閱弓箭槍馬各技均在五成以  
上要以原練兵一千五百名爲較優其考核尤劣之弁兵立予  
當堂責革仍將其本管官嚴加申飭分別記過並發簡明營規  
責令照章勤加訓練以期日新月異至各練兵原領器械茲復  
詳加驗看委因執操已久損壞尙多竟須飭局一律新製分撥  
應用此保定甫經成軍之大概情形也復查本年輪應閱伍屆  
期現在南路河防較鬆省中應辦要件亦已逐加清楚臣定於  
三月十三日自甯起程校閱本標外營卽由涿州良鄉拱極等  
營取道入都瞻仰

天顏跪聆

聖訓稍伸依戀微忱仍由都分赴各軍親督操練並將提鎮各標營伍挨次巡閱秉公考覈不敢稍有瞻徇以期仰副

皇上整飭戎行至意惟練兵事屬創始一切整頓頭緒較繁此次周歷六軍未免多需時日所有邊遠營汛暨秦甯馬蘭兩鎮弁兵應請循照上屆舊章由臣照會各本鎮就近代爲校閱或將各汛弁調赴行次考驗伏候

訓示飭遵臣公出後署中日行公事及臬司招解之案飭委布政使鍾秀代行代勘藩司詳送驗看人員卽委按察使張樹聲代驗如有緊要事件仍包封送臣行次核辦所有臣起程出省

日期理合恭摺具奏伏乞

皇太后

皇上聖鑒謹奏

藩庫借撥復價片

同治六年三月十二日

再據藩司鍾秀詳稱直隸本缺額之區年例入不敷出加以地居輦下供億繁重在承平時全賴部撥鄰饒協濟或偶遇偏災猶蒙

恩賞經費以資挹注厥後協饒久停軍需疊起由今追溯已計十六七年不但來往征兵歲無虛日而彼時僧營勝營皆須按月協撥加以海口辦防直東辦防凡此額外糜費無非庫內搜羅又恭辦

文宗顯皇帝梓宮由熱河回京

東陵暫安並永遠奉安三次大差司庫已動墊一空本年復值

恭辦 莊順皇貴妃金棺及那貴人采棺大差各州縣應領橋  
道經費急如星火且大廣一帶防務未鬆三屯一帶留防兵勇  
尙需解饟接濟又有各營挑練兵丁加饟馬乾等項因固本饟  
提解部庫應需籌墊添設六軍製造各項雖有 奏撥專款而  
由司添墊籌撥者亦復不少開東長三州縣黃水頻渰蠲緩錢  
糧固不待言而年年籌給賑卹修築隄防一出一入藩庫又少  
二十餘萬兩刻下各營春饟暨  
兩陵俸饟均尙無款可發萬難再延因思運庫鹽劬復價年前  
似有贏餘可否 奏明撥借十萬兩以濟眉急俟上忙錢糧徵  
有成數卽行解還等情詳請具 奏前來 臣查藩庫枯窘亦係



實情惟運庫鹽劬復價除撥解防饑外餘存無多合無仰懇  
天恩俯念兵饑緊急準由運庫鹽劬復價項下暫先撥借藩庫  
銀五萬兩俟藩庫錢糧收有贏餘卽行解還歸款合再據情附  
片具奏伏乞

聖鑒訓示謹奏

皇清世宗憲皇帝御製

卷一

省城捐辦濠牆請獎疏

同治六年三月二十七日

奏爲直隸省城捐辦濠牆所有在事出力捐資官紳開單懇恩分別獎敘恭摺仰祈

聖鑒事竊照四年夏閒東省捻氛猖獗直境戒嚴督兵赴威

縣一帶籌防當以省城切近神京尤爲緊要門戶瀕行札委

前藩司唐訓方會督府縣五營妥爲布置該司唐訓方又欽奉

廷寄交派籌辦因查城外向無堡寨緩急無可扼守隨督飭官

紳相度形勢在於東西南三關環築堡牆挑挖深濠稟經於

奏報分防運河摺內奏明在案其時風鶴頻驚人心惶惑勢

不能再勸民捐經該司唐訓方一面分派委員經理其事一面

勸令各州縣量力捐輸俾充工用據報於四年五月間開工閱  
四月而工竣開具工程丈尺捐輸數目由軍需總局司道詳請  
奏獎到臣伏查該官紳等奉派督工均能晝夜辛勤任勞任怨  
洵屬實心任事卽捐資各州縣亦能共體時艱輸將踴躍俾鉅  
工賴以速成均屬好義急公惟查歷奉部議勞績章程似與所  
擬尙有未符之處當經臣照章駁飭茲據該司道等以現今差  
使旣繁升途又窄僅賴此虛名鼓舞尙可振作羣情若並此加  
銜等類一律加嚴實無以獎成勞而策後起請仍照原擬轉  
奏詳覆前來合無仰懇

天恩俯準將在事出力官紳

賞給獎敘其捐資各州縣應令自行赴部呈請核給獎勵以期  
便捷理合照繕清單恭摺具奏伏乞

皇太后

皇上聖鑒敕部核覆施行再此項工程係屬捐辦請免造冊報  
銷合併陳明謹奏



酌增硝

奏爲硝觔短

摺奏祈

聖鑒事竊照

寄諭京師火

委員分赴產

批數儻探買

端浮冒等因

該州縣以硝

因京局待用

明

勉強籌墊湊解淨硝五萬觔已委候補知縣安志彙解火藥局  
交收並據情咨部報銷在案前準戶部咨覆直省各州縣採辦  
硝觔原有準銷成案今據咨每硝一觔請銷價銀一錢二分運  
腳每百觔價銀一錢席每領銀八分繩每觔銀三分七釐五毫  
並請概給實銀免搭票鈔咨部立案等語核與準銷成案不符  
應令轉飭核實刪減報部核辦再查藩庫支發雜款章程係按  
銀票各半此項請發實銀免搭票鈔核與章程不符礙難準行  
又準工部火藥局咨開前因硝觔短絀令直省採辦數十萬觔  
僅據解到五萬觔其短欠硝觔當經疊催並勒限催解迄今仍  
未解到現在停工待料應再飛催趕解各等因又經先後行司



公同酌核並委員守催去後茲據總局司道會詳請 奏前來  
臣查前項採買硝筋本係額外添派年例派辦之硝雖定價僅  
止此數而每批賠墊若干部中無從深悉特各處各有舊章有  
分兩年攤賠者有分三年攤賠者有歸奉文之員一任獨賠者  
是以州縣一聞辦硝無不同聲嗟苦從前三年兩批所賠猶少  
近乃連年雙批所賠更多加以軍興未已慶陽屢請協撥各營  
操卯加勤東南等省又每委員來直採買用硝之處頻添產硝  
之處不旺硝戶居奇銀價減落各州縣所稟每淨硝一筋必須  
實銀一錢五六分核之時價委無浮濫惟部咨既令核實刪減  
自宜酌中定價量求撙節據該司道等議請每淨硝一筋準銷

價銀一錢所需運腳等項不準加增仍照歷屆準銷成案每硝  
一百觔給腳價銀一錢以一百五十觔爲一包用席三領蔴繩  
三條席每領準銷價銀八分繩每觔準銷價銀三分七釐五毫  
此項硝價及運腳繩席均係以錢購買應請概銷實銀免搭鈔  
票庶各州縣賠累無多採辦較易軍火要需可期無誤常年例  
辦硝觔不準援此爲例俾有限制除仍飭上緊辦解外所有酌  
議採買硝觔請增價值緣由合再據情恭摺具奏伏乞

皇太后

皇上聖鑒訓示謹奏

照舊搭放鈔票疏

同治六年三月二十七日

奏爲統籌直隸庫款全賴鈔票周轉擬請仍照舊章搭放以維大局而免虧累恭摺仰祈

聖鑒事竊照戶部議覆御史慶福奏請定銀鈔收放章程摺片內開據該御史請將鈔票祇用捐納搭收俸餉雜項搭放餘概免搭自係爲杜弊覈實起見查各省搭鈔久經停止惟直隸省現辦情形未能懸揣應請

旨飭下直隸總督順天府尹詳加體察如將收款內一成鈔票停止於該省大局有無窒礙迅速妥籌奏明辦理等因奏奉諭旨依議欽此欽遵咨行前來當經行司遵照去後茲據布政

使鍾秀詳稱據保定府知府費學會同各府並四路廳六直隸州具稟以直隸鈔票行之已久洵於庫款有裨查無書役重價折徵累民等弊擬請仍照舊章收發等情到司該司覆查直隸本缺額之區歲額入不敷出從前每於豫估兵饟案內附請部撥銀三十萬兩藉以協濟水旱偏災蠲緩帶徵猶蒙恩賞經費以資挹注自咸豐四年行用鈔票各屬糧租改收銀七票三一切放款銀票各半搭發八年以後奏改銀九票一徵收放款悉仍其舊嗣將旗租改徵全銀其一成鈔票即行停止歷年放多收少酌盈劑虛賴以周轉緣直隸搭放之數較多搭收之數較少其所以異於他省不能將一成鈔票遽議停改者

亦正爲此今若一旦議停止恐所難者不在改收而轉在改放  
溯自咸豐初年軍興以來征兵防饟司庫已羅掘一空約略動  
墊不下四五百萬兩各營舊欠俸饟各州縣未領俸工工料爲  
數又復不貲如收款全改實銀則放款亦須全發實銀此後歲  
短若干更將如何墊應況州縣未領鈔票交代案內均係互相  
交抵一經停止票已成廢若就款開除旣非所以體時艱若責  
令州縣賠補又不足以昭公允不特以前交案概須翻易更恐  
以後交案勢難交收再州縣領回鈔票無處搭用應解實銀其  
數反鉅展轉折損必釀巨虧事後參追空言無補此直隸鈔票  
萬難議停之實在情形也前於咸豐十年並同治二年兩次

奏覆銀  
諭旨準  
照舊搭  
如有浮  
覆加確  
可搭放  
局該司  
天恩俯  
按銀九  
局而免

尹臣胡肇智合詞恭摺具奏伏乞

皇太后

皇上聖鑒敕部核覆施行謹奏

臨桂李樹森  
南陵胡永福  
同校



劉武慎公奏稿

劉武慎公全集十四

卷之十三目錄

督辦宣化練軍疏

請部籌增練饗疏

古北口遵化練兵情形疏

水師擊退捻匪片

減解花馬池兵饗片

停貢饒綢片

臬司出省赴防疏

遵旨派兵赴防疏

金正 卷之三  
礮車用馬片

請飭東省抽兵防河片

捻竄遼東通籌全局疏

天河校閱練軍疏

李際昌請卹片

練軍防捻片

會奏早象已成備荒宜豫疏

派兵出境協助河防疏

剿捕梟匪片

馬隊追緝梟匪片

殲擒梟匪甚眾疏

練軍調防饜乾請照防軍疏

梟匪敗竄請緩神機營出境疏

梟匪訊供片

請緩鮮貢片

先辦上匪兼顧河防疏

水師移赴黃運片

官兵追擊梟匪片

鹽匪竄過滹沱河調軍會剿疏

請擬賑卹章程疏

春霖總統遵化練軍片

籌勦另股鹽梟片

督辦宣化練軍疏

同治六年四月二十四日

奏為督辦宣化練軍並查閱該鎮營伍各情形恭摺具奏仰

祈

聖鑒事竊

臣初八日

陛辭仰蒙

聖訓飭照神機營章程認真練兵遵卽於初九日由京啟程十二日行抵宣化署總兵崔福泰亦於日前接印經前署鎮額勒春業將練兵調齊在於南關外教場餘地一段支搭帳房分營駐操一面速議興工修築營房臣查看地勢寬平軍容尙整點驗兵馬器械均各足數惟兵丁間有老弱當場已汰除數十名

鑿正

餘飭

省局

飭令

定賞

五形

集之

循不

操演

分別

丁操

入練軍之官兵亦併逐一詳閱合操速戰舊陣步伐較爲整齊  
擡鳥槍中靶在五成以上馬步箭中靶在六成以上均已分別  
賞罰以示勸懲沿途附近營汛亦經順道查閱其距鎮較遠各  
營官兵現派該署總兵代閱據實呈報由臣核辦以期仰副  
皇上整飭戎行至意臣卽於十八日啟行入關二十三日抵古  
北口所有閱過宣化練兵及該鎮營伍緣由理合繕摺具奏  
伏乞

皇太后

皇上聖鑒訓示謹奏





請部籌增練餉疏

同治六年四月二十四日

奏爲固本餉項不敷支應六軍遵照原議請旨飭部籌增以資接濟恭摺仰祈

聖鑒事臣維練兵要於有成籌餉期於可繼此次六軍所加月餉及薪水公費等項通計固本一款出入未足相當目前部收較充尙供挹注恐數月以後或未能應期協解卽不免有匱乏之虞使直省力量稍紓原可設法添補無如司庫十分拮据所有製器築營等件曾經估銀二十七萬兩雖奉部撥十萬兩而屢次陳請添撥停解各款迄未邀準短欠尙多若復兼顧練餉本省實力有未能在部臣全局熟籌必已從長備豫惟現值

諸軍草創督辦喫緊之時臣愚不無過慮相應請  
旨飭下戶部查照原議將六軍不敷款項及早籌增按月接濟  
期於練務有裨是否有當謹繕摺具奏伏乞

皇太后

皇上聖鑒訓示謹奏

古北口遵化練兵情形疏

同治六年五月十五日

奏爲謹將古北口遵化閱伍練兵情形恭摺具陳仰祈

聖鑒事竊臣於四月二十二日馳抵古北口查看練軍營盤分  
紮已定地勢亦甚聯絡教場平曠足備合操點驗兵丁業經婁  
雲慶認真挑選汰去老弱百數十人其未及募換齊全者卽於  
此次勒限募足歸伍馬匹臚分高下不等火器刀矛等件新舊  
參半應俟省局製齊一律更換其操演新舊陣式步伐亦屬整  
齊第起伏備應之間尙須講求經臣親爲指點各將士頗有領  
會不難漸至精熟槍礮雜技以本標原練三營爲較優新撥二  
營未免生疏察看管帶幫帶各官及哨隊長材武多有可觀而

習氣太深多浮少實者亦復不免當經嚴加申飭分別撤委記  
過卽令該署提督遴員接替以資得力連日先閱練兵次閱存  
營兵弁計馬步弓箭中靶均在五成六成以上擇其較優量予  
獎賞仍將力弱技生之員弁當場責懲其口外河屯八溝等營  
仍照上屆成案由提督代爲校閱造冊咨送由臣彙案核辦臣  
卽於二十九日啟程五月初四日行抵遵化該處本無教場原  
勘營基內多旗地應租應撥由地方官妥爲經理現在營盤亦  
已紮就修築窩鋪兵民尙屬相安點閱練軍兵丁視古北口宣  
化兩軍較爲強壯軍械新舊不等與古北口一軍同馬匹疲瘦  
特甚當將該兵責成勒限喂養臙壯操演大陣部伍亦自分明

惟變動處未盡合法槍礮打靶不及五成刀矛雜技花法太多  
雖團操未久究屬該管官教練不勤已將前左右三營營官撤  
退另委其餘營哨各官亦次第記過示儆至此次抽閱官弁弓  
箭中靶均在六成以上其有通永鎮未入練軍之各弁兵或分  
駐較遠爲數無多擬俟該署鎮黃仁遺交卸總統事務後飭其  
查閱呈報以重營伍伏思練軍新政首貴統領得人今古北口  
一軍隻雲慶已於五月初三日起程南行臣謹遵

旨咨催署古北口提督鄭魁士迅速赴任一面諄飭翼長將練  
兵事宜妥慎經理不得以總統未到稍涉懈弛至遵化一軍黃  
仁遺暫行攝統邇又傷病舉發恐難責效現雖派有候補道蔣

春元駐遵會辦亦係一時之計應請

飭催密雲副都統定安於假滿後速赴遵化總統練軍俾專責成查密雲距遵化不遠該副都統於本營訓練事宜就近兼顧似亦甚便所有古北遵化閱伍練兵緣由理合繕摺具陳伏乞皇太后

皇上聖鑒訓示再三屯營等處留防馬勇臣於校閱練軍之便調適合操查看各勇技藝嫻熟馬匹亦皆臙壯合併陳明謹奏

水師擊退捻匪片

同治六年五月十五日

再<sup>臣</sup>於五月初八九日接據各路軍報並準河南撫<sup>臣</sup>咨會任賴股匪由新鄧北竄擾及襄葉許州復據逃出難民供稱賊有圖竄東省之意等語當以直東河防喫緊卽經分札沿河各營加意嚴防在案旋於初十日奉到

寄諭著飭張樹聲趕緊赴防認真督辦等因遵卽恭錄飛速行知並加函飭催該臬司迅卽出省督辦尙未據報起程日期茲由途次疊接南路各營縣探報該逆前股已於初八日駛至長垣東岸之竹林口經水師左營副將龔文林渡河開礮擊退現在東明縣屬之盧寨東明集等處均有賊匪盤踞各等情稟報

前來臣查該漢此次由鄂回窺臣計剿侯雖經水師擊退河防  
未可稍鬆除再飛催張樹聲星馳前往督飭水陸各營實力堵  
禦外誠恐我軍兵力單薄特飭該臬司酌量緩急添調兵勇嚴  
密防範仍檄省南各屬激勵鄉團聯絡聲勢一體防勦毋任稍  
有疏虞理合附片陳明伏乞

聖鑒謹 奏



減解花馬池兵餼片

同治六年五月十五日

再前奉

寄諭山西應解固本銀五千兩卽著趙長齡仍照舊章按月撥解花馬池軍營作爲直隸協解軍餼直隸尙應補解花馬池軍餼五千五百兩劉長佑仍當迅籌撥解藉應急需等因欽此卽經臣欽遵轉飭籌辦在案茲據總局司道詳稱遵查前奉

諭旨調赴甘肅花馬池之直隸官兵三千名所需糧餼曾經議定每月從寬籌撥銀一萬五百兩除將山西每月應協直隸固本餼銀五千兩就近劃撥外計直省每月尙應找解銀五千五百兩在案現在原調駐紮花馬池之直隸官兵三千名內除陣

亡病故及業經遣撤歸伍所存不過千餘名兵既無多餼亦應減以現存兵千餘名每月由晉省劃撥銀五千兩較之從前原調兵三千名月撥餼銀一萬五百兩核計有贏無絀應請嗣後

欽遵

諭旨卽以晉省劃撥之固本餼銀五千兩作爲直隸應解花馬池協餼其餘五千五百兩毋庸再行找解似已足敷支放至穆圖善原奏稱直隸應解該營協餼積欠甚多委因直省連年南北設防需餼甚鉅司庫周轉不及以致未能如數籌解刻下防兵未撤又增練軍用項愈繁庫款愈絀更難籌及積欠應請將歷年欠解軍餼一併免其籌解俟該官兵撤回時所有晉省應

解固本饒銀仍行解交部庫以供散放詳請具奏前來臣覆  
核無異除分咨外理合附片具奏伏乞  
聖鑒訓示謹奏



序貢饒綢片

同治六年五月十五日

再查直隸年貢方物內例有饒綢一項本係饒陽縣所產向派饒陽縣覓匠織造藍色綢二十五疋醬色綢二十五疋共五十疋於冬季送省驗收彙同餘品進呈歷年已久茲據饒陽縣知縣李傳徽稟稱前項綢疋係縣屬景尙口村所出從前織此綢者共有十餘家均在本村開機織造零星出賣並無開張鋪面他村既無人織亦無人賣溯自南省不靖絲價騰貴此綢亦遂料薄價昂無人購買各織戶俱賠累陸續關閉近年僅存一家每年採辦貢綢極形喫力去年該機戶等因資本消乏亦欲停工歇業經該縣查知勒令造辦始無貽誤今該二處機坊

賠累難堪又均關閉織匠星散招覓爲難請 奏明免貢前來  
查前項饒綢不過係北地土產其質地色澤較之江浙綢綾  
萬不及一本不適 宮廷之用今既因料缺價昂生業蕭條停  
機罷織勢亦不得不然若再勒逼供織誠恐不無擾累合無仰  
懇  
皇仁俯垂體卹暫準免貢俟將來絲旺料充機戶復業再行照  
舊辦貢謹據情附片陳明伏乞

聖鑒訓示謹 奏

臬司出省赴防疏

同治六年五月十九日

奏爲具報臬司出省赴防日期並遵 旨籌辦河閒景州等處

防務恭摺具 奏仰祈

聖鑒事竊 臣 行抵天津於五月十五日曾將遵

旨飭催臬司張樹聲赴大名督辦河防暨捻匪擾至河口當被  
水師開礮擊退各情附片 奏明在案本月十八日準軍機大  
臣字寄奉

上諭丁寶楨奏匪眾搶撲運河現由汶上進剿並嚴布黃防一  
摺劉長佑現在已否回省著卽飭令張樹聲專辦大名一帶防  
務河閒景州等處爲直東往來要道著督同唐訓方挑兵赴防

欽定四庫全書  
卷一百一十三  
勿稍延誤等因欽此伏查任賴股匪此次由鄂竄豫由豫入東  
異常剽疾現由戴廟衝突過河是運防已失所恃黃防更形喫  
緊茲據臬司張樹聲稟稱於十六日起程赴防督率水陸各營  
並添調大名練兵嚴密防勦現值修築金隄工役麇集經臣檄  
飭在工人員留心查察免致姦民溷跡仍飭沿河各州縣聯絡  
鄉團協同防禦大名一路布置較爲周密惟直東處處交通河  
間景州尤爲往來要道誠不可不豫爲設防臣愚體察情形竊  
謂賊旣東趨此時北路隄防專倚黃防爲重自東長以至濮范  
爲防河西路自張秋以達齊河爲防河東路西路有張樹聲督  
辦諒可無虞東路亦宜分駐重兵方資抵禦黃防無事則河間



景州不設備而自安黃防有失則河閒景州雖設防而已蹙是防河東西兩路更急於防景州河閒也臣即日前赴河閒督辦練軍該軍總統劉景芳籍隸景州情形較熟擬即將其全軍調紮該郡以操爲防一面督飭唐訓方精選督標練兵豫備軍行仍俟臣抵河閒偵探前敵情形再行飭令起程前赴景州駐紮如果軍情較緊臣回省後仍即星赴南路相機辦理並已商同通商大臣崇厚豫調兵勇以備東路之防除添派兵弁馳探確情另行奏報外所有遵

旨籌辦防務及臬司出省督辦緣由理合恭摺具陳伏乞

皇太后

皇朝通志卷之三十一  
皇上聖鑒訓示謹 奏

遵 旨派兵赴防疏

同治六年五月二十六日

奏爲遵

旨派兵先後赴防並飭相機進止恭摺仰祈

聖鑒事竊

臣承準軍機大臣字寄同治六年五月二十一日奉

上諭景州河開防務著劉長佑督同劉景芳唐訓方認真辦理

如能防至張秋齊河更爲完密等因欽此臣惟此次捻逆越運

狂竄直東處處宜防除大名一路已飭臬司張樹聲督率水陸

各營嚴密堵剿外其自范縣以東河路縣長現值賊蹤東竄防

務尤關緊要臣未便因上年曾國藩奏明兩省劃段分防致存

畛域當飭南路水師各營酌撥礮船多隻向張秋下游協力巡

防復派守備劉在巘先帶馬勇全隊直抵齊河來往偵邏以助

聲勢臣於二十二日行抵河間卽據探報捻匪悉數東趨黃河  
北岸情形稍紓時正定練兵三營先後來至河郡臣於校閱後  
隨檄總統劉景芳督率新練全軍於二十六日分起啟程前赴  
景德交界擇要駐紮以操爲防仍令該軍馬隊先赴河岸梭巡  
如有賊蹤回竄該總統卽率全軍徑趨齊河一帶相機堵禦至  
河間練軍全數前進後路頗形空虛現調唐訓方統帶保定練  
兵三營進駐河間照常操練如劉景芳統軍出境唐訓方卽移  
營景德界上以備策應再本日接準通商大臣崇厚咨開已據  
調撥洋槍隊五百餘員名洋礮隊六十餘員名進紮景吳交界  
統歸劉景芳調遣足資厚集所有派兵赴防緣由是否有當理

合繕摺具陳伏乞

皇太后

皇上聖鑒訓示謹 奏



礮車用馬片

同治六年五月二十六日

再臣接準部咨以六軍需用洋礮車馬乾前據通商大臣片奏擬照京營馬隊成案每月給銀三兩八錢係指到津排演駕試而言至分撥各軍後馬乾如何支給暨應用馬匹數目應令奏咨立案等因查練軍駕駛洋礮車馬數目前據總局詳明每軍礮車五十輛應用健壯馬一百匹六軍共需礮車三百輛應共用馬六百匹其月需乾銀亦經議明俟將來到軍後仍照通商大臣奏案每月給三兩八錢以歸畫一惟此項礮車原須駕馬三匹因價值較昂購買不易故每輛改用高大壯馬二匹以資操演若臨陣馳驅每輛仍應添馬一匹方可得力除咨部

查照外理合附片陳明伏乞

聖鑒訓示謹奏



請飭東省抽兵防河片

同治六年五月二十六日

再正繕摺聞承準軍機大臣字寄同治六年五月二十三日奉  
上諭張秋齊河等處河防劉長佑丁寶楨均當懍遵前諭嚴密  
堵禦毋令賊蹤搶渡其齊河以東至利津沿河北岸一帶並著  
劉長佑崇厚迅速籌撥直軍出境堵扼等因欽此仰見

聖慮周詳籌畫精密欽感莫名臣伏查河防自范縣以東至齊  
河約二百餘里現已酌調水陸營勇前往協防又派馬隊馳抵  
河岸上下梭巡方恐備多力分未能周妥至由齊河以下直抵  
利津已近海口縣長數百里該匪分竄偷渡在在所宜嚴防非  
有大枝勁旅實屬不敷分布臣明知東省現在情形防守省垣

以及各路追剿之師勢難兼顧而畿南所有之兵除先後派令  
赴防外計崇厚請調留奉之兵並津郡新練四營盡數赴防亦  
祇能備景吳一路策應且出境設防縣軍寫遠軍火糧餉轉運  
維艱而目今天氣亢旱民情慌懼腹地兵勇徵調一空亦無以  
資鎮靖臣查閱濟甯州探報稱劉銘傳一軍已抵曹縣是東省  
防剿之師儘可騰出兵力應請

敕下山東撫臣丁寶楨仍由該省抽撥兵勇嚴密防河以杜北  
竄臣仍與崇厚悉心籌議如力能周顧亦斷不敢稍存畛域重  
煩

聖廬除就近咨商山東撫臣辦理外用敢據實直陳是否有當

伏乞

聖鑒訓示謹奏



擒竄運東通籌全局疏

同治六年六月初二日

奏爲擒匪渡運東竄堪以就地聚殲通籌全局遠防不如近堵  
分堵不如合圍擬請 飭催各省合兵圍剿以除積寇而靖中  
原恭摺仰祈

聖鑒事竊擒匪肇亂十餘年流毒四五省我

皇上軫念中原

欽派大臣督師勦辦並諄飭各省督撫悉力嚴防然而賊勢日  
甚一日年甚一年者非戰陣之不力防禦之不嚴也有限之兵  
力日疲於奔馳無險之地形莫禦其衝突而擒匪長技不占城  
池不齎資糧乘虛飽掠數日千里加以游民叛勇勾結依附凶

燄日熾至於燎原近聞該匪擾及青州濱海完善之區恣其擄掠藉停喘息大兵踵至不冒險北犯卽乘隙南奔矣是追勦之兵苦無止境備防之兵亦無已時方今大河南北亢旱已久人心惶惶設有伏莽誘脅饑民乘機而起患更不可思議爲今之計惟有集數省防勦之兵嚴扼運河遏賊回竄然後以節制之師由西南節節逼進驅之一隅該匪渡黃不能浮海不得必輾轉就斃於青齊數郡之間臣愚請

飭派河南湖北江蘇安徽四省各調兵一萬餘人合堵運河直隸一省於派防黃河萬餘人之外亦加調兵勇數千助堵運河山東本省之兵不下數萬人除原設水師仍與直隸兵勇協防

黃河外陸路馬步各隊儘可悉數調回會同李鴻章派出諸軍分道進剿查運河自山東至江蘇幾及千里必須劃定地段各量兵力之多寡挨次分布方可各專責成擬請濟甯以南由江皖湖北三省之兵分段堵守濟甯以北由河南直隸之兵分段堵守仍須聯絡一氣互爲聲援遇有捻蹤竄近運河或經擊退尙在數十里內準其請奮渡河相機夾擊但不得貪功輕進有誤事機儻任一賊逸出查明何省所堵地段卽惟何省督撫是問至若進剿之兵應由李鴻章審度機宜與丁寶楨就近商辦但能逼賊東北不令再擾西南數月之間必可蕝事顧或謂圍剿之舉勞師糜餼必倍從前不知各省長年設防兵且日疲餒

且日紂賊至難以捍禦民間所失更多何若出境圍剿使寇氛不至民業可安饑似糜而實省兵雖勞而永逸乎又謂運河太狹難以扼賊客兵太多恐致妨民不知河面雖狹較之行營壕塹寬深有其過之自來營壘所在尙可因地以設險上年曾國藩與閻敬銘督軍防運捻匪明攻暗襲卒不得渡其明驗也數省之兵麇集一處約束頗難分布河干則汛守所在責任有歸自可無虞滋擾且運河附近居民頻遭蹂躪十室九空農田亦多荒廢卽有不肖兵勇亦不至爲害地方至於各省統兵之員不論文武應飭各督撫妥慎選擇仍歸李鴻章節制以一事權近接探報陝西捻股疊被痛剿其勢已窮將有東竄之意賊情



緩則思分急則思合往往如是應請

飭左宗棠所統四十營及潼關內外各軍悉力截剿勿使東向牽綴我師總之遠防不如近堵分堵不如合剿此股捻匪自趨絕地本有可滅之機而各省官軍久切同仇亦實有滅賊之力

竊惟

聖謨廣運早已洞悉機宜李鴻章責任剿賊必操勝算臣分應力防河岸何敢越位而謀然力苟能爲不敢不盡識有所及不敢不言謹將通籌全局擬請合兵圍剿各緣由據實密陳是否有當伏乞

皇太后

皇  
上  
聖  
鑒  
訓  
示  
謹  
奏

天河校閱練軍疏

同治六年六月初二日

奏爲查閱天津河間各標營伍並督辦練軍情形恭摺具陳仰祈

聖鑒事竊臣於五月十四日行抵天津查得該處練軍原留奉省一營尙未調回現在抽集四營駐紮郡城西關外灣兜地方經臣邀同通商大臣崇厚連日校閱當場挑出老弱兵丁多名馬匹驢分不齊器械新舊參半先閱五形新陣速戰舊陣大致與宣化遵化畧同槍礮打靶不及五成刀矛雜技花法太多已將武翼長及管帶幫帶各官申飭記過次閱羊槍隊蘆團勇操演各陣均臻純熟統閱官弁弓馬中靶在七成以上調到葛沽

靜海等處存營之兵槍礮打靶亦及分數均經核明賞罰有差至大沽各海口礮臺向由崇厚督辦已極完整本擬同往查看適奉

寄諭以河間景州防務緊要當與崇厚會商一切卽由津起程於二十二日馳抵河間先閱河協兩營次調閱正定三營部伍分明布陣整肅而適化天津較爲可觀槍馬弓箭中靶均在七成以上業經當場優賞惟擡槍中靶不及五成刀矛雜技未能一律熟嫻亦將各營哨官分別記過並將各隊老弱兵丁挑換數十名二十六日閱畢卽飭總統劉景芳督帶起程赴防仍飭前途步步爲營以操爲防足壯聲勢其馬隊五百名原派全赴

張秋齊河來往巡防嗣查馬匹到營未久疲瘦尙多責令該弁  
兵沿途小心餉秣輪替巡防以期得力至正定三營官兵皆由  
本鎮標挑出約計人數已逾五成此次業經調集合操其存營  
弁兵由該署鎮隨時查閱詳報辦理臣無庸再赴正定擬俟東  
路防軍布置定局卽由河閒回省所有天津河閒練兵閱伍緣  
由理合繕摺具陳伏乞

皇太后

皇上聖鑒訓示再大名鎮標先後抽練官兵千餘名現已調赴  
河防其外屬營伍值此巡防喫重亦未便調郡查閱應俟防務  
稍鬆再行核辦合并陳明謹 奏



李際昌請卹片

同治六年六月初二日

再據署通永鎮黃仁遺呈稱遵化練軍前營幫帶官參將銜江西卽補游擊李際昌現年二十九歲係湖南新甯縣人於咸豐六年投效軍營轉戰江西廣西等省身受重傷屢立功績洵保今職同治四年七月間投效來直隨赴開州防剿捻匪調至三屯巡緝馬賊均極出力本年三月間派赴遵化練軍幫辦前營事務凡紮營操陣教練技藝莫不認真經理於四月二十五日合演大操該游擊往來烈日中領隊指揮以致暑疫外侵傷病內作醫治無效隨卽嘔血身故呈請 奏卹前來 臣查游擊李際昌久歷戎行戰功卓著茲因積勞在營傷病身故實堪憫惻

合無仰懇

天恩俯準將參將銜游擊李際昌照軍營立功後病故例從優  
議卹以慰忠魂理合附片具 奏伏乞  
聖鑒訓示謹 奏



練軍防捻片

同治六年六月初二日

再<sup>臣</sup>準通商大臣崇厚商撥天津練兵三營飭該總統陳濟清  
揀派得力員弁帶赴武定沿河一帶扼紮嚴防已由該大臣會  
銜具奏在案茲據署正定鎮總兵劉景芳由留智廟防所呈  
報捻逆現竄青萊恐其被剿回竄該鎮已於五月二十八日派  
前隊分起啟程六月初一日親督後隊繼進直抵齊河一帶布  
置防剿保定練軍三營亦到河間<sup>臣</sup>一面飭催總統唐訓方督  
軍進紮景德交界以備策應理合附片具陳伏乞

聖鑒謹奏

卷之三十一																

會 奏旱象已成備荒宜豫疏

同治六年六月十一日

奏爲直隸旱象已成備荒宜豫謹先督司籌議梗概以資接濟而圖久安遵

旨先行會 奏仰祈

聖鑒事竊照 臣長佑前在天津行次承準軍機大臣字寄同治

六年五月十四日欽奉

上諭直隸爲畿輔重地近來日炎風燥朕屢虔誠祈禱尙未渥沛甘霖焦灼之懷形諸寤寐龐鍾璐所陳救荒之策自宜及早綢繆免致小民失所著萬青藜胡肇智劉長佑體察情形或開倉出糶或以工代賑或多設粥廠或勸捐接濟卽著妥籌奏聞

摺單鈔給閱看等因欽此遵

旨寄信到臣嗣又準戶部咨開議覆彭祖賢奏旱災較重請籌經費以備賑濟一摺奉

旨依議欽此鈔奏知照又閱邸鈔同治六年五月二十七日欽奉

上諭現在節逾夏至尙未渥沛甘霖民間播種無期災歉之形已見夙夜焦勞寢食俱廢急宜速沛恩膏以救民困著直隸總督順天府府尹卽飭所屬地方官清查戶口安插流民簡派公正紳耆妥議賑恤章程剋期具奏應需帑項卽由戶部頒發以供支放此外各就地方情形酌量辦理其各屬應征各項錢糧

及本節年緩徵錢糧並著該督查明奏請分別蠲緩等因欽此  
欽遵均經行司查辦去後茲據藩司鍾秀參酌辦災成案體察  
地方現在情形擬議措辦條款詳請具奏前來臣等伏查直  
隸地方上年冬雪本未普被今歲自春徂夏雨澤愆期屢經設  
壇祈禱雖陰雲密布而驟雨輒停農田迄未霑足加以風乾日  
燥天氣亢旱人心不免浮動況值東南多事若不急圖安撫鮮  
不窮極思逞患且不可勝言是救災恤荒最爲目下當務之急  
惟旱災以漸而成現雖節逾夏至早禾固已無望而相距立秋  
爲期尙早災分勢難遽定倘及今驟議普賑正恐浮濫滋多今  
時勢固非昔比而戶口實較昔倍繁內外庫儲不充經費能無

豫計直省所恃惟錢糧爲大宗尤慮不肖官吏姦猾愚民藉此生心觀望抗欠侵漁轉得施其伎倆蠲緩一事似又非急切所能定議向來定例夏災限以六月秋災限以九月本年二麥被旱只有涿州東安定興等三州縣稟報已批該管府廳委員分往勘辦其餘概未稟報昨據順屬及省南各屬稟報得雨者亦頗不少就目下情形而論似尙不致於全省被旱况天道無常而祈年望歲尤爲人情所同設日內得有透雨尙可補種雜糧無業貧民亦可傭作餬口未始不可稍資挽救祇以目下旱旣太甚民心惶惑不安市集糧價又復日漸增昂凡在大小臣工無不同深憂懼今幸

綸音下逮德意頻加遠近喧傳民已歡聲雷動

臣等

職司守土

敢不仰體

慈廛亟思未雨綢繆隨時補救茲據藩司鍾秀擬先催飭各屬  
開放常義二倉出借口糧其無存穀可借之處準就鄰封多處  
協撥散給以安民心再飭各道府督飭各屬官紳酌度地方情  
形設法多設粥廠以拯無地無業極貧之民再飭察看被旱輕  
重情形作速分晰勘報以定災分再慎選公正紳耆幫同清查  
戶口以杜冒濫再懇格外

天恩飭就通倉新到米內截撥漕米十萬石如有倉存豫東粟  
米亦請撥粟米十萬石查此項米石爲京倉正供未可遽請截

撥第現在賑撫緊要應請先爲通融借撥仍俟來年由南省籌備項下如數撥還並請由部庫撥濟銀數十萬兩豫備將來普賑展賑銀米兼放之用以上數條臣等往返籌商均係辦災切要款目前奉

聖訓周詳本已一一計及所請銀米兩項但使有款可籌諒必加恩俯允應請

飭部早爲籌計現在地方民情臣等惟有督飭藩司相度事機輕重緩急隨時賑濟擇便措施總期乏食窮黎俾可暫圖生聚以仰副我

聖上視民如傷有加無已之至意所有遵



旨籌議備荒梗概緣由合先會同恭摺覆 奏伏乞

皇太后

皇上聖鑒訓示施行謹 奏



派兵出境協助河防疏

同治六年六月十一日

奏爲遵

旨派兵出境協助河防圍剿捻逆恭摺仰祈

聖鑒事竊

臣

昨因捻逆東竄擬嚴扼黃運兩河請

飭各省合兵圍剿就地聚殲旋準軍機大臣字寄並鈔發安徽撫臣英翰具奏出境防河一摺奉

諭所籌均不爲無見著曾國藩李鴻章並各該省督撫等就現有兵力妥速籌辦等因欽此查臣前奏運防自山東至江蘇幾及千里江皖鄂豫四省當之仍由直隸加調兵勇數千相助堵守茲閱英翰奏稱南路所派皖軍業已星夜起程計其兵數殆

將二萬加以江鄂諸軍儘可防至濟甯其自濟甯以北臣已飛  
咨河南撫臣李鶴年速派兵勇赴防一面檄飭臬司張樹聲親  
督總兵余承恩劉祺江開泰等所部水陸兵勇共三千餘名由  
黃渡運前赴沈家口安山關一帶駐紮聽候豫軍到防護定地  
段畫界駐守猶恐兵力不敷復商調該臬司舊部樹字軍三營  
由運河入直歸該臬司統帶分紮連上項兵勇約五千人與豫  
軍接續分布統由李鴻章隨時調度此助防運河之大概情形  
也至黃河自開長濮范以達利津海口地面縣戶除東省原有  
水師及沿河營縣兵團外其自范縣至張秋臣現派前藩司唐  
訓方督帶保定練軍三營並續調遵化練軍兩營新募河閒練

勇一營分段布防自張秋至齊河派署正定鎮總兵劉景芳督帶河閒練軍五營並洋槍隊一營分段布防自齊河至利津派天津鎮總兵陳濟清督帶天津練軍四營商調洋槍隊一營分段布防仍與東省師船沿河營縣兵團互相策應至范縣以西陸路則派大名鎮總兵姜國仲督帶本標練兵一千二百名自長垣至開濮界上擇要分紮水路則派大名府知府楊毓耜督帶水師三營在於開長濮范一帶勻撥分巡並派大名道范梁會同山東候補知府鄭元善督集沿河各屬鄉團協助堵禦以期嚴密此專防黃河之備細情形也以上各項兵勇均嚴飭自認地段實力巡防毋任一賊逸出臣仍隨時察看何路情形緩

祭正廟公生集三

急與李鶴年丁

殲諸海濱所有

皇太后

皇上聖鑒再

開起程即日回

勦捕梟匪片

同治六年六月十一日

再<sub>臣</sub>於初四日回省後疊據順天府屬之大城霸州永清及保定府屬之安州蠡縣高陽容城祁州新城天津府屬之滄州鹽山靜海河間府屬之肅甯任邱並定州等處先後稟報鹽匪什百成羣或訛索鹽店或搶奪糧食經兵勇追拏非恃眾抗拒卽聞風逃走等情<sub>臣</sub>查梟匪結夥橫行久爲商民之害而此次訛索搶奪情形與平時梟匪實有不同現當東省捻逆竄擾直境防勦喫緊難保無土匪影射溷迹窺伺且值天氣亢旱人心浮動尤恐到處誘脅乘機滋事爲害滋深<sub>臣</sub>現飭省局司道揀派幹員酌帶練勇並飭補用總兵鄧在仁蔣良眷等督率北路撤

回馬隊前往各處勦捕一面分飭各州縣會營帶勇激勵鄉團協力堵拏盡法懲辦如遇拏獲大夥梟匪並擬於訊明後卽照拏辦土匪章程就地正法遇有格殺概予勿論是否有當理合附片具陳伏乞

聖鑒訓示謹 奏



馬隊追緝梟匪中

同治六年六月十一日

再臣正封摺間復準軍機大臣字寄同治六年六月初十日奉  
上諭據李鴻章奏運防旣固猶恐賊折而窺黃現在張秋大名  
一帶防務緊要著劉長佑酌度辦理等因欽此同日又奉

上諭近聞直隸地方夏間海嘯鹽匪勾結飢民肆行搶掠著萬  
青藜胡肇智嚴飭所屬各州縣實力巡緝將各該地方飢民隨  
時安撫劉長佑亦當迅撥兵勇分路兜拏並飭派出之將弁會  
同崇厚所練之兵勇齊心勦擊等因欽此仰見

皇上軫念畿疆安內攘外至意欽佩莫名查臣連日接據各屬  
稟報劫案頻仍誠如

聖諭緝梟馬勇外調以致該匪乘虛竄擾若不亟籌勦捕貽害滋深臣已派撥兵勇分路跟蹤追緝一面飛飭守備劉在獻迅帶所部馬勇馳回河間上緊勦捕又恐前項馬勇馳回不及復飭唐訓方劉景芳各於在防練軍內酌撥馬隊派員帶回河間確探匪蹤合力巡緝以資周顧又慮保正一帶未免空虛特調古北口宣化練軍各二營分紮保定正定聽候調遣兼資彈壓一面嚴飭各州縣將飢民妥爲撫卹並激勵鄉團添派勇役實力巡緝用戢姦宄而靖閭閻理合附片具陳伏乞

聖鑒訓示謹 奏

殲擒梟匪甚眾疏

同治六年六月十六日

奏爲據報勦辦梟匪殲擒甚眾仍飭上緊追緝務期悉數翦除  
恭摺仰祈

聖鑒事竊臣昨因梟匪肆擾於六月十一日將先後派撥兵勇  
跟蹤勦捕情形附片陳明在案茲據總兵鄧在仁同知恩廉等  
會稟六月十二日帶隊馳抵安平探得該匪聚眾千餘馬數百  
匹在安平以西之海灘村一帶搶掠該總兵等卽日會督馬步  
各隊馳往追勦十三日寅刻追及於晉州所屬之常營村匪眾  
列隊迎敵鄧在仁等各率所部奮勇上前槍礮齊施斃匪數十  
名見有頭目數人乘馬執旗麾眾死拒訖未稍卻總兵蔣良眷

單騎直入刺斃執旗匪目一人各弁勇并力衝殺復斃匪數十名匪勢不支紛紛敗走我軍追殺三十餘里斃匪二百餘名生擒三十餘名訊明就地正法奪獲騾馬七十餘匹拾礮鳥槍刀矛器械多件查點各隊陣亡勇數名受傷勇十餘名總兵蔣良脊右臂受矛傷一處仍整隊跟追分投投勦等因又據深澤東鹿安平博野晉州祁州各屬稟報是日匪眾被勦紛竄經該各州縣督勇集團分出截拏獲匪數名至數十名不等內惟東鹿深澤晉州團勇斬擒匪黨不下百餘人奪獲馬匹刀矛槍械不少餘匪無多分向東南逃散各等因臣查各州縣錄送獲匪供單均稱此股匪徒由山東至鹽山靜海一路經過十數州縣訛

索鹽店搶奪馬匹迨後愈聚愈多到處入村擄劫現在馬隊已  
有四五百人步隊已有七八百人誠爲腹地大患經此番痛剿  
殲擒幾半匪黨已形散亂除仍飛飭該總兵鄧在仁暨恩廉等  
督隊緊追昨又商同司道派總兵劉雲鶴統帶省局差弁並練  
軍礮隊取道安平一帶迎頭截擊一面嚴飭各州縣添派勇役  
聯絡鄉團協力堵剿遇有零星敗匪務須嚴密接捕淨絕根株  
仰副

皇上軫念畿疆除莠安良至意所有剿辦梟匪緣由理合恭摺  
具奏伏乞

皇太后

聖訓卷之三

皇上聖鑒訓示謹奏

練軍調防饒乾請照防軍疏

同治六年六月十六日

奏爲練軍調防所需饒乾請查照防兵銀數支給恭摺仰祈  
聖鑒事竊照此次捻逆由豫竄入東境河防喫緊當經臣派撥  
署正定鎮總兵劉景芳統帶河正五營練兵進駐齊河一帶相  
機防剿又派前藩司唐訓方統帶保定練軍三營移駐景德一  
帶以爲策應並督同通商大臣崇厚派撥天津鎮總兵陳濟清  
統帶天津練軍三營進紮武定沿河一帶會同防剿均經先後  
奏報茲因後路尙覺空虛復經臣檄調遵化宣化古北口練軍  
各二營分駐河閒正定保定以資鎮懾各在案查直隸省南防  
剿各營兵丁前經 奏明每馬兵月支饒乾實銀五兩六錢步

兵月支實銀二兩八錢奉部覆準有案至練兵章程馬兵每名實銀五兩四錢步兵實銀二兩四錢以練餼與防餼核計馬兵每月少銀二錢步兵每月少銀四錢伏查練軍既經調防卽與防兵無異若僅以原領練餼作爲防餼不敷之數不爲加增是同一防兵而餼乾數目兩歧殊覺偏枯除馬步隊長餼乾本已從優毋庸另議外其馬兵餼乾應請每名每月加銀二錢步兵口糧每名每月加銀四錢以歸畫一而符定章惟練餼係由部支領數有定額加增銀兩應卽由司在於地糧項下動撥事竣核實造報茲據總局司道會詳前來除咨部查照外所有練軍調防請照防兵餼乾支給緣由理合恭摺具奏伏乞



皇太后

皇上聖鑒訓示謹 奏

欽定大清會典事例

卷一百一十五



梟匪敗竄請緩神機營出境疏

同治六年六月二十二日

奏爲梟匪敗竄殘孽無多擬就直省現有兵團悉力追截請

旨飭下神機營備勦官兵暫緩出境恭摺仰祈

聖鑒事竊臣於六月二十日承準軍機大臣字寄同治六年六

月十九日奉

上諭劉長佑奏勦辦梟匪情形雖擒斬近半而餘黨尙多若不就地殲除恐其徧擾完善或竄入晉疆劉長佑著先事嚴扼毋稍大意等因欽此同日又據神機營遵

旨酌派官兵以備協勦恭錄

諭旨鈔錄原奏咨行到臣伏查此起梟匪由山東竄入鹽山靜

海一路沿途肆掠誘脅漸多臣未能先事豫防致煩  
聖慮惶悚實深業據安州蠡縣等處稟報情形奏明辦理在案  
嗣經派出兵勇於六月十三日在晉州地面將梟匪擊敗復經  
各團截殺多名餘黨四散檢查獲匪身邊均帶有金銀衣飾各  
大包委棄車輛無數旋據博野深澤東鹿無極定州藁城甯晉  
隆平等處陸續報稱均於十四日各路鄉團捕獲敗匪或數十  
名或十數名或數名不等內惟藁城甯晉隆平三縣稟係騎馬  
結隊竄入該境計其時刻先後三處卽係一股初抵藁城甯晉  
尙二三百人兩縣團勇均有斬獲該匪不敢拒捕奪路狂奔卽  
以是日亥刻由甯晉竄至隆平之岳家莊約贖一百數十人經

該縣督團迎勦拏獲匪犯二名餘向東南竄逸是匪勢已漸至  
瓦解不難悉力殲除現飭總兵劉雲鶴督同總兵鄧在仁同知  
恩廉等由正定趙州一帶分投追勦一面嚴飭各州縣激勵鄉  
團添派勇役將零星竄匪嚴密截拏務期盡絕根株毋任蔓延  
爲害又續調宣化遵化古北口練軍各二營已報先後由營起  
程計月內可抵河間正定等處以資鎮懾臣與司道再四熟商  
前項京兵似可暫緩出境免增勞費臣仍隨時察看情形咨請  
核辦不敢稍事拘泥自取咎戾除咨覆神機營知照外所有梟  
匪敗竄殘孽無多現飭兵團合力追截請將備勦京兵暫緩起  
隊緣由理合恭摺具奏伏乞

皇太后

皇上聖鑒訓示謹奏

梟匪訊供片

同治六年六月二十二日

再查閱獲犯訊供均稱總頭目楊三業經陣斃此外尙有散頭  
目多係山東冠縣館陶德州等處人氏現在該匪畏勦疾馳逕  
向東南竄去誠恐潛回原籍餘孽復萌且東省捻患方熾尤慮  
句結爲患當經飛飭直東交界各營縣節節截拏並行知該匪  
木籍一體嚴密查辦以期盡絕亂萌理合附片具陳伏乞

聖鑒訓示謹 奏





請緩鮮貢片

同治六年六月二十二日

再查本年立秋應進鮮貢內有昌平州備辦蘋果一千五百個沙果一千五百個香果一千五百個現已屆期當經轉飭照例採辦送省彙同餘品進呈茲據該州知州張銘稟稱本年天氣亢旱查看各樹均未結果實屬無從採備請奏明前來臣查此項貢果本係向例應進今年自春且夏雨少風多水果難以滋長自係實情合無仰懇

聖恩俯準暫予免辦俟來年雨澤應時果品蕃碩仍照舊例敬謹備辦呈進理合附片陳明伏乞

聖鑒謹奏



先辦土匪兼顧河防疏

同治六年六月二十七日

奏爲遵

旨斟酌情形先辦土匪兼顧河防恭摺覆陳仰祈

聖鑒事竊

臣於六月二十二日承準軍機大臣字寄同治六年

六月二十一日奉

上諭譚廷襄奏直隸鹽匪土匪蠢動擬請官兵緩赴東省防河  
迅將匪眾撲滅一摺著劉長佑斟酌情形就近將劉景芳暫  
行調回先將直境之賊辦竣再令赴防如劉景芳調回河防稍  
覺空虛著與崇厚妥商兼顧毋失事機原摺著鈔給閱看等因  
欽此查臣前在河閒行次遵

旨籌辦河防調撥練兵出境維時尙未得梟匪滋擾之報至六

通正續公案卷之三  
月初四日臣由河閒旋署始接據各州縣稟稱有成股鹽匪到處焚掠適總兵鄧在仁蔣良眷等奉調管帶馬勇到省當飭分路馳往追剿並添派省中練兵練勇以資策應業將該匪被剿敗竄情形疊次奏奉

諭旨欽遵在案譚廷襄原奏以十三日入直隸景州界是日晉州地面擊敗梟匪及連日各團剿捕各情事自尙未能深悉所聞安平束鹿股匪卽係由蠡縣高陽竄入鹽匪土匪勾結爲一並非另有一股現據各屬稟報有騎馬敗匪百餘人由廣平府屬境判命狂奔聞已竄至臨清所屬之下堡寺一帶地方勾結土匪復有三四百人經臣飛飭劉雲鶴督同各員弁由威縣進

勦並調總兵余承恩回軍撲捕不令蔓延爲患惟昨接大名曲周等縣稟稱風聞山東館陶邱縣新起教匪肆行搶掠三日以來已聚有四百餘人其是否卽係前股尙難懸揣擬俟查看情形如果另有股匪乘機並起卽將劉景芳一軍調回以唐訓方所部練軍三營練勇一營派赴齊河下游前往接替庶幾內安外攘仰慰

宸廑至新練六軍原議拱衛京師果能久駐團操相安無事豈不甚善前因捻氛渡運東竄黃防更形喫緊竊以募勇分防不但緩不濟急更恐經費難支臣疊奉

諭旨飭令調撥練軍前赴景州及黃河北岸一帶扼要駐防先

後遵照辦理在案是抽動練兵

朝廷固統籌全局

臣亦係保衛畿疆本屬勢非得已惟前派臬

司張樹聲協防運河一軍旋準李鴻章來咨令其暫駐張秋河

南撫臣李鶴年來函亦祇商令酌撥師船進泊沈口是皆深悉

直隸兵力或難兼顧不令遽赴運防頃據張樹聲稟稱運西防

兵已集而河北梟匪復張所部各營作何進止請示前來臣已

行令將總兵余承恩一軍就近調回剿匪其餘兵勇無多暫可

緩赴運防並經咨商崇厚一面咨會李鴻章李鶴年查照辦理

所有斟酌先辦土匪兼顧河防各緣由理合繕摺具陳伏乞

皇太后

皇上聖鑒訓示謹奏

臣等謹將各屬災區情形

奏

卷之三十一

三



水師移赴黃運片

同治六年六月二十七日

再正繕摺間復準軍機大臣字寄同治六年六月二十五日奉  
上諭劉長佑奏梟匪敗竄擬就現有兵團悉力追截並散匪竄  
向東南各摺片覽奏均悉直隸晉州等處梟匪經劉雲鶴鄧在  
仁等分投追剿並經各州縣團勇截拏陸續捕獲多名亟應悉  
力殲除盡絕根株等因欽此同日奉

上諭李鴻章奏催兵分紮膠萊河並調運防隊伍前往接應一  
摺張曜譚仁芳劉維楨張樹聲各軍著李瀚章曾國荃劉長佑  
李鶴年迅飭赴防等因欽此查梟司張樹聲一軍因河防較單  
鹽匪未靖刻難移赴運防業由前奏聲明在案現又經臣飭派

總兵劉祺統帶水師礮船移赴黃運合流處所協同豫軍聯絡  
防守似運防較已完密該臬司現駐張秋與運西豫軍僅隔一  
河仍可聲息相通互爲策應理合附片具奏伏乞  
聖鑒訓示謹奏

官兵追擊梟匪片

同治六年六月二十七日

再正封摺間接據總兵劉雲鶴報稱本月二十二日該總兵等馳抵威縣探得該匪二四百人邊馬擾至曲周之張蘆村離威縣三十餘里刻卽整隊前進該匪全股避兵西奔於二十四日

在平鄉縣屬西陽村一帶焚掠該總兵會督各隊倍道追勦於是日午刻甫抵平鄉又報該匪竄擾隆平縣屬之蓮子坑與該處鄉團接仗民勇多所傷亡該總兵等督隊疾馳二十五日寅刻追及該處匪眾見我軍猝至列隊抗拒劉雲鶴率同各將弁躍馬當先立將賊陣衝亂各勇槍礮齊施奮力衝殺斃賊百數十人該匪紛紛潰亂多棄馬匹竄匿穉穉深處經各將弁督催

馬勇四路兜剿復獲匪數十名生擒數十名奪獲騾馬器械甚多餘匪仍向秣稽深處判命奔竄該總兵仍督各隊分投接捕務期悉數殲除等情馳報前來臣查此股餘匪奔回山東句結教匪復聚至三四百人聞官兵追至仍敢回竄直境意圖報復聞之殊深憤恨頃據大名道范梁並山東冠縣知縣孫善述稟稱前起餘匪竄至館邱一帶卽有教匪傳帖入夥與各處所報大畧相同似此外並無另股教匪經此次重予痛剿伏莽聞風斂慝無難盡絕亂萌除飛飭該總兵等督隊搜剿殄滅無遺並檄行各州縣集團堵拏外理合附片具陳伏乞

聖鑒訓示謹奏

鹽匪竄過滹沱河調軍會剿疏

同治六年七月初三日

奏爲鹽匪被剿竄過滹沱河人數加多仍向東北狂竄現飭兵勇前截後追並催調各軍會剿各緣由恭摺仰祈

聖鑒事竊臣於六月二十七日會將鹽匪回竄隆平劉雲鶴等追剿獲勝並調余承恩督軍回剿各情形奏奉

諭旨此股敗匪雖僅三四百人誠恐饑民煽惑一經響應又成巨股著劉長佑督飭該總兵及調回之余承恩等乘此聲威迅速分投按剿務期殄滅無遺勿令再有蔓延等因欽此仰見聖謨深遠燭照無遺欽奉之餘莫名感佩正在督飭分投剿辦接據劉雲鶴稟稱二十九日由欒城拔隊冒雨前進探悉滹沱

河水勢陡漲料匪一時不能飛渡可以就地聚殲因先派副將歐陽繼盛率數十騎馳赴滹沱北岸遏其偷渡詎歐陽繼盛尙未趕到該匪已悉眾渡河並聞北岸先有土匪排船接渡情事該總兵憤極疾馳於初一日追至晉州始知歐陽繼盛於賊甫北渡追至州屬之紫圍村與匪接仗互有殺傷調駐正定之宣化練軍臣本飭令沿途探聽匪蹤相機截勦是日亦竟未能趕到匪眾盡向東北逃竄該總兵激勵兵勇躡蹤緊追殲其後隊匪黨多名初二日四鼓由祁州拔隊計將繞前截擊未刻至清苑縣屬之北河莊該匪馬隊約有七八百人判命抵拒我軍馬步並進槍礮齊施斃匪數十名該匪且戰且走復被各隊追殺

十數名至東劉村天氣將晚人馬困乏未能窮追請速撥隊攔頭截擊等語臣查該匪本係敗殘之餘膽敢竄至清苑邊境距省祇六十里其勢頗形猖獗當派保定馬步練兵六百名交副將劉季賢管帶馳往截剿並商派陞任保定府知府費學會督帶保陽練勇四百名會同前往高陽迎頭堵截均飭於初三日五鼓整隊起程探明截剿又遵化練軍兩營業於初一日進駐河間亦經飛飭選派大隊向西北一路攔擊頃報該匪已於初二夜由大莊向東北逃竄如省中派出各隊得與劉雲鶴等追兵及駐紮河間之遵化練軍同時並進三面夾擊定可得手惟該匪馬隊較多避兵而行派出各隊能否合勢尙難逆計臣現

飭催原調古北口兩營練兵由中途繞出新城雄縣一帶迎截  
並商同通商大臣飭催都司鄭明保所帶馬步兵勇移向大城  
任邱一帶迎截至余承恩一軍已報由張秋回至大名現仍飭  
催兼程前來併力會勦務將此股鹽匪殄滅無遺以靖畿疆仰  
慰

聖廕所有鹽匪被勦渡過滹沱河人數加多現在督飭兵勇前  
截後追並調軍會勦各緣由理合恭摺由驛馳奏伏乞

皇太后

皇上聖鑒訓示謹奏



請擬賑卹章程疏

同治六年七月初五日

奏爲遵

旨續擬救荒賑卹章程一面迅飭籌辦一面奏聞

恭摺仰祈

聖鑒事竊

臣等前次疊奉

諭旨以畿輔旱災較廣上廛

聖懷飭卹妥議章程奏請辦理當經

臣等飭據省局司道等悉

心酌議先將借倉糧設粥廠勘災分查戶口並懇撥漕粟米石

及撥濟部庫帑金等切要款目數條奏蒙

飭部議覆嗣經戶部議奏準撥漕米粟米各十萬石並由部籌

備銀二十萬兩欽奉

諭旨加恩俯允並令迅議章程督飭藩司等詳求辦法等因由  
戶部恭錄咨照前來臣等跪聆之下欽感難名伏思立法務取  
其詳而救荒更宜於速當此經費孔艱之際仰蒙

浩蕩恩施立頒鉅款凡在窮鄉僻壤孰不挾髓淪肌矧臣等疆

寄忝膺責司民牧敢不實力舉行及時挽救以仰副

聖主軫卹畿民至意遵復督同省局司道鍾秀等參酌成案體

察地方情形續擬章程十二條謹分晰繕呈

御覽伏候

聖裁

一分領米石以應急需查昨準部咨議覆臣等前請截撥漕

粟米石摺內稱救荒議賑民命所關急如星火此項米石  
係爲先事救荒之用請照數撥給奏奉

恩旨允準卽由臣等派員赴津領取等因前來現在京城省城

粥廠均已由臣等督飭舉辦並接據被災較重各州縣先

後稟報亦皆陸續舉辦粥廠既多需米甚費臣等往返函

商順屬擬先撥米二成直屬擬先撥米六成卽日分委妥

員赴津領取其餘二成俟查明災分輕重再行通籌全局

分別補撥以免緩不濟急顧此失彼之虞

一廣招商販以資接濟直隸屬境民鮮蓋藏一遇災荒立形

乏食此次仰荷

聖慈撥發米石已盡起災黎於溝壑但粥廠之久暫莫定大賑  
之需米尤多常義二倉現皆出借秋後歸補尙未可期洵  
不能不寬為籌備溯查道光年間曾有招商採買米石由  
海運津成案近聞奉省連歲豐收江浙米艘並皆雲集且  
均可由海道達津現經戶部 奏請

飭下三口通商大臣崇厚查明天津米商是否輻輳是部 臣早  
已籌慮及此相應請

旨飭下瀕海各督撫大臣查照戶部議覆給事中洪昌燕採買  
米石原摺廣為招商販運迅由海道赴津糶賣並於出口  
進口概免釐稅以廣招徠而濟災歉雖遠道販運若無救

於然眉但使源源而來多一分之米民自受一分之益其  
或有遲至來春開河始行入口者比時賑雖放竣而趁此  
收買以歸補常義二倉於畿輔積儲亦實不無裨益  
一並收雜糧以補不足北方糧食以二麥粟米高粱爲大宗  
次之則雜糧等物本年直隸被旱二麥歉收粟米高粱亦  
多未殖現雖連得透雨可以補種蕎麥雜豆而失時已多  
災區較廣將來普律大賑誠恐米石不敷因思高粱稌豆  
包穀等物均可充飢此次部議不收雜糧係指開設米捐  
而言若籌備放賑之需自不能不兼收並蓄藉補不足前  
會委員赴天津蘆臺一帶採買米石現擬飭令在於各海

口商船內遇有各種雜糧一併收買以備大賑酌量搭放  
之用

一借動款項以備採買凡轉運收米採買雜糧均以經費爲  
先前因旱象已形卽經諄飭藩司鍾秀籌撥銀六萬兩委  
員赴津採買茲因奉撥米石尙未領運來省又復飭由藩  
庫籌墊煮粥米價被災之後蠲緩相仍入不敷出實難再  
籌鉅款現雖欽奉

恩旨撥發帑金然誠如部議尙須留爲普賑之用臣等擬俟勘  
定災分議定章程再行赴部請領此時採買所需實不能  
不借資別款查有前奉部撥河工銀二十萬兩現因停工

尙未動用擬請暫將此項借動俾得及時採買仍再另籌歸款以爲移緩就急之計至現時開設粥廠其無倉存米石及鄰封無可協撥之處擬俟各府廳查明轉詳酌撥米石令其自行赴津領解閒有道遠陸運維艱者由司在於存公耗羨項下酌量借給銀兩買米煮放事竣準照市價核實報銷設法籌補

一速獎捐賑以助經費現在各屬災分雖尙未據勘定而賑款有數飢民無窮不得不藉捐輸稍資協助前者候補京堂彭祖賢原有條陳推廣捐輸之奏嗣經戶部籌議開設米捐奏請

聖正惟公全集卷之三十一  
三  
飭令三口通商大臣崇厚確查情形酌擬收捐章程具奏臣等  
自應查照辦理惟事以集腋而成人以觀感而勸若專在  
天津祇收米石則恐隘捐賑之途若必俟事竣核給獎敘  
更恐懷觀望之意茲擬通飭各州縣普律勸捐無論官紳  
士民商賈均聽銀米並納應請

飭下戶部仍照彭祖賢原奏頒發空白執照以便隨時填給俾  
各踴躍輸將其收捐章程仍俟崇厚奏定再行分別飭遵  
設局辦理其捐數較少者由臣等隨時給予匾額功牌以  
示鼓勵至本處紳富如有好善樂施捐設粥廠散放雜糧  
者俱準報明舉行仍核其所捐銀數一體給獎此外或業



主讓租或當商減利亦飭由地方官獎以花紅匾額其不願捐者悉聽其便均不得藉端抑勒以省擾累

一酌量平糶以濟民食直隸糧價向惟京東關外較賤自京城以南逐漸不同近則較之春閒幾增一倍省城如此各屬可知固由二麥歉收亦未必不因大商囤積富戶居奇所致而地方開設燒鍋耗糧尤甚查直隸一百四十餘州縣燒鍋煮酒者不下千數百家每於秋後收買大麥或數百石百餘石不等以生民養命之原耗於糟麴之用值此旱荒更形艱食擬飭各地方官查明各處燒鍋現在積存糧石暫免煮酒令其盡行平價出糶以濟一時地方殷實

之家所餘糧石亦勸令及時糶賣至刁民藉災生事倡率無知隨意攔搶號爲均糧惡俗刁風實不可長現經通飭各屬剴切曉諭如有此項弊端嚴行查拏禁止至外來商販米車責成經過地方保甲人等查明逐段護送不得遏阻以期到處流通

一米折兼放以便民用查散給賑糧向有銀米兼放之例米則大口日給五合月得一斗五升小口日給二合五勺月得七升五合卽照各項定數較準總量升斗驗烙發廠應用銀則每米一石折價一兩二錢自道光二年以後歷次辦災均照奏定章程按一兩四錢核給此次仍擬銀米兼

放惟窮鄉僻壤易錢爲難若竟散給半銀誠恐小民諸多未便且亦不無折耗應飭各該州縣照依舊章將領回賑銀按市價易錢補足底串先期核明每大小口各應領若干出示曉諭一面會同各賑廠委員連應給之米一併按名散放均不得假手胥役致滋攙和短少之弊遇小建月分統於折賑銀內扣除不必銀米兼扣

一核實散放以杜冒濫向來受賑貧民分爲極次家業盡絕眾口嗷嗷親族無依朝不謀夕者爲極貧向有微業稍可營生此次被災強能趁活者爲次貧均應查照定例分別大口小口編入災冊一體給賑至放賑之時按冊點查驗

票散放有無劣紳之侵冒土棍之把持均責成印委各員親身查驗以昭核實此外或身居災地田坐熟莊或田坐災區人居隔縣或田雖被旱家業尙可支持或別有經營不專仰食田地者均須查明毋庸給賑又有捏報詭名冒開戶口執票複領乘機混爭諸弊並應細心訪察概予剔除

一推廣賑卹以昭公溥查駐防食糧披甲綠營食糧兵丁例均不準食賑惟內有家口眾多糧饟不敷養贍仍藉種地營生者此次被災歉收情與貧民無異自應推廣

皇仁飭令坐落被災州縣會同理事丞倅暨該管管官逐一查

明月行編冊一體給賑至被災貧生例係動支存公款項  
每米一石折給賑銀一兩應責成各該學教官查明移縣  
詳司領回仍由學散放此外流寓衛軍竈戶如有因災失  
業無以爲生者並準查明在於坐落州縣村莊附冊領賑  
期無遺漏

一安撫流民以免失所本年被旱地方現雖陸續據報出借  
倉穀開設粥廠而屈計大賑爲期尙遠鄉愚無知有先已  
因災遠出趁食他鄉者有現因聞賑歸來輾轉道路者困  
苦流離情殊可憫業飭所在各地方官查照歷辦截留貧  
民章程一面查訊明確先令赴粥廠給食一面計其道里

酌給口糧遣送回籍交各本地方官妥爲安撫并準報明一體給賑免致向隅

一嚴切責成以除弊竇查災放賑頭緒紛繁不惟書役地保多係作弊之人卽本處紳衿亦恐未盡可信承辦印委各員自問縱可無他而稽察稍有未周卽易滋生弊端伏讀

疊次

諭旨一則曰毋任吏胥中飽再則曰毋致官吏侵漁

聖訓煌煌無微不燭臣等敢不督率僚屬實力奉行現飭各府廳州輕騎減從周歷所屬督同查勘約計被災分數先行稟報并飭印委各員凡區分貧民勘造災冊填給賑票散

放銀米等事均須分赴鄉村躬親查辦不得任里保之捏報聽胥吏之朦填其斗斛是否官頒銀錢有無剋扣尤須隨時隨處留心稽核臣等仍不時派員密訪或親往抽查如有不實不力致有遺濫貽誤災民者均卽從嚴參辦其認真經理毫無流弊者亦於事後分別核獎至派出試用候補以及教佐各員并隨從吏役均準照章支給盤費以便責成

一審酌時勢以籌全局部中定例災有輕重之分戶有極次之別而卽視此以定蠲緩之多寡放賑之等差且於被災之初有撫卹之舉加賑之後有酌借之條例意精詳法亦

周備惟今昔情形不同刻下各屬災分尙未勘定尙能續  
得時雨尙可少望有秋臣等審酌時勢擬俟勘報到齊通  
籌全局或遵照定例視災分之輕重定放賑之久暫或查  
照近年開東長成案無論極貧次貧普賑一月半月或以  
工代賑或以團代賑統俟屆期體察奏明辦理期於賑卹  
之中力求兼顧之法

以上十二條臣等逐加酌核彼此相商似皆辦災次第要務其  
應行趕辦者臣等業已一面分別飭辦其應由各處核辦者相

應請

旨飭下施行此外如尙有未盡事宜臣等仍當隨時悉心體察



酌擬奏

聞所有遵

旨續擬救荒賑卹章程理合恭摺具奏是否有當伏乞

皇太后

皇上聖鑒訓示謹奏



春霖總統遵化練軍片

同治六年七月初五日

再密雲副都統定安經臣奏派總統遵化練軍疊經奏奉

諭旨飭催赴營欽遵在案昨聞該副都統已赴密雲新任臣卽

備文加函商催赴營頃接覆函以本任密雲旗兵營伍亟須整

頓恐難兼顧遵化練軍屬卽另爲遴員奏派接統等語因思遵

化練軍尙係署通永鎮黃仁遺暫行攝統該署鎮自經臣奏參

之後與翼長通州協副將李炳業雖皆自知愧奮於選練事宜

較爲認真兼有候補道蔣春元會督整理較前諸有起色惟總

統究係暫署之員將意士情無所專屬恐督練究難有成今定

安又以不能兼顧力辭總統亟應遴員奏派接統練軍茲查有

記名總兵保定營參將春霖心地樸誠辦事穩慎前在天津督練槍隊著有成效疊次帶隊防勦紀律嚴明可否卽派該總兵春霖爲遵化練軍總統並卽接署通永鎮篆務之處伏候聖裁如蒙

恩準臣卽商同通商大臣崇厚飭將經手事件交代清楚刻日赴任接統以專責成至前署總統黃仁遺勇敢素著俟其交卸來省如防勦需人擬仍留軍營責令帶隊立功翼長李炳業材力有爲於練務亦已熟悉擬仍留練軍以觀後效均出自

皇太后

皇上鴻施所有改派遵化總統各緣由理合附片具奏伏乞

聖鑒訓示謹 奏

This image shows a blank ledger page with 10 vertical columns. The columns are separated by thin vertical lines. At the top right of the page, there is a header section with some faint, illegible text. The page is otherwise empty of any data or markings.

籌勦另股鹽梟片

同治六年七月初五日

再臣於本月初三日將鹽匪被勦狂竄現飭兵勇前截後追並  
催調各軍會勦情形由驛馳奏在案旋據劉雲鶴費學會等  
稟報該匪偵知官軍大至徑向安州東竄該員等現經督隊分  
投追截其能否會合夾擊尙未接據續報茲於初四日戌刻接  
據通商大臣崇厚來咨以甯津吳橋等處有鹽匪聚黨搶店傷  
巡現派副將文瑞李昌連各帶馬步練軍前往勦捕因恐兵力  
尙單商飭唐訓方就近撥兵協勦等因查與臣連日接據吳橋  
交河等縣所稟鹽匪情形大畧相同正擬咨商勦辦又據管帶  
馬勇之守備劉在巘申報七月初一日探聞交河縣屬之富莊

驛南家莊等處有大股梟匪盤踞卽會同汎弁帶隊前往勦捕  
將該匪殺斃二十餘名生擒二名奪獲騾馬槍械等件匪向東  
南正東一帶漫散奔逃等情臣查東路鹽梟出沒無定由來已  
久乃前股餘匪尙未翦除河閒屬境又有另股梟匪雖經臣與  
崇厚派撥兵勇分出勦捕第該匪等路徑慣熟一經官軍往捕  
則此擎彼竄散而復聚且恐與前股竄匪勾結合併滋蔓難圖  
非大隊兵勇四路兜截不能卽時撲滅前奉  
寄諭飭令將劉景芳一軍調回彼時臣因僅此敗殘餘匪派出  
兵勇足資勦辦不意另有股匪乘機並起畿輔重地豈容小醜  
肆行擬卽欽遵前奉



諭旨將劉景芳所統練軍調回河閒與先後派出各軍相機會  
勦務將各起匪黨剋日殲除其劉景芳所遺自齊河起至張秋  
止一帶河防現在前藩司唐訓方已督隊進紮張秋卽令該藩  
司將所部練兵三營練勇一營就近移向齊河接防如尙不敷  
分布再將現駐河閒之遵化練軍兩營調赴齊河似亦不致空  
虛如此一轉移閒庶內外防勦均可兼顧是否有當理合附片  
具 奏伏乞

聖鑒訓示謹 奏

臨桂縣志

卷一

臨桂李樹森同校  
南陵胡永福

劉武愼公奏稿

劉武愼公全集十五

卷之十四目錄

永定河漫溢疏

鹽匪被剿南竄出省督軍疏

省城民情安謐片

革職留任謝恩疏

剿匪獲勝分布防軍疏

劉雲鶴陣亡請卹片

追匪疊勝會商剿辦疏

梟匪被創京兵合剿疏

黃防禦要片

官軍會剿獲勝疏

生擒巨逆餘匪無多疏

餘匪被剿窮蹙疏

劉景芳專備北路片

司庫緊急借款周轉疏

永定河裏頭工竣疏

堵閉灰壩片

餘匪南竄請旨議處疏

疏防州縣議處片

茶馬釐捐扣抵駐防俸饗疏

直東各軍會辦梟匪疏

酌撤馬隊片

梟匪搶渡滹沱疏

增挑馬隊片

捻氛東偏分段防河疏

畿輔災歉請停京協各饗疏

匪竄東省已降復叛疏

馬隊先赴河防片

各營追擊梟匪連勝疏

編年通考卷之三十一

梟匪折向東南約會京兵追剿疏

永定河漫溢疏

同治六年七月十六日

奏爲永定河北三工河水漫溢請

旨將防護不力之道員廳汛分別革職及革職留任並將臣一併議處恭摺具奏仰祈

聖鑒事竊照永定河伏汛屆期節經臣諄飭加意防護茲據永定河道徐繼鏞稟稱永定河自入伏後山水陡漲七月初二初四等日連漲四次猛驟異常南三汛二十一號南四汛十八號北四上汛八九號沖刷蟄陷危險已極幸皆督飭搶護平穩不料七月初七八等日大雨傾盆連宵達旦河水屢次增漲至二丈餘尺全河宣洩不及到處岌岌堪虞初八日據報北三汛五

號危險溜勢逼注漫過閘隄閒段汕刷堵廂漂沒危急萬分該  
道往來工次督飭各廳汛趕緊挂柳塘護跑買土料冒險搶廂  
詎料雨勢愈大兩日兩夜未歇片時水又陡漲二丈餘乘之西  
南風大作水面擡高四五尺雨大風狂人力難施以致北三工  
五號隄身於初九日丑刻漫坍三十餘丈業經奪溜此次漫水  
係由減河順流而下被淹村莊無多亦無損傷人口現在趕辦  
料物盤築裹頭以防續塌稟請參 奏前來臣查永定河自徐  
繼鏞到任六年之久普慶安瀾實爲從前所罕有不期此次北  
三工五號隄埵遠有漫溢之事雖由雨大風狂水勢猛驟人力  
難施所致第該廳汛員弁未能搶護平穩實屬咎無可辭相應



請

旨將北岸同知程迪華借補北三工涿州州判知縣黃安瀾均一併革職仍留工效力協防署北岸協備劉昌安兼理都司尹光彩均革職留任永定河道徐繼鏞有管轄全河之責未能先事嚴防應請革職留任臣督率無方並請

旨交部議處再河工漫口臣應親往工次查勘督辦現因出省督勦鹽匪不克分身查有候補直隸州知州陸慎言諳練河工入亦勤幹已檄委該員馳赴永定河查勘漫口會同該道迅速盤築裹頭毋致愈刷愈寬並查明被淹村莊輕重情形應否先行撫卹妥議稟辦俾免失所除一面嚴飭該道等俟水勢稍平

可以進占卽行趕緊設法籌辦堵合外理合恭摺具奏伏乞  
皇太后

皇上聖鑒訓示謹 奏

鹽匪被剿南竄出省督軍疏

同治六年七月十六日

奏為鹽匪被剿已由滹沱下游南竄臣現擬出省親督各軍合

力夾擊以期迅速撲滅恭摺仰祈

聖鑒事竊

臣

前將此股鹽匪由安州東竄并因東路有另股鹽

匪遵將劉景芳所統練軍由齊河調回相機會剿各緣由奏奉

諭旨飭遵並復疊奉寄

諭以該匪竄擾固安永清令即迅圖撲滅等因嚴切責成臣敢

不懷遵將此股梟匪趕緊剿除以冀稍贖前愆伏查該匪自安

州東竄後沿途多有逃散經各起兵勇跟蹤緊追捕獲亦復不

少本月初六日劉雲鶴等追至永清屬之橫河西岸該匪意圖

過河由固安東竄我軍前敵馳往夾擊匪不得渡卽亡命折向西奔初七日酉刻追至霸州屬之李家口地方維時副將倪開珩參將姬成功等督遵化練軍由文安一路前往副將阿克敦何流恕等督古北口練軍由固安一路先後馳往保定府知府費學會督飭同知恩廉等帶保陽練勇由新城前往各路相距不過一二十里正在約會四面圍擊該匪復乘雨夜向南而遁經署河間協副將李昌連會督遵化練軍邀之於肅甯頗有斬獲臣復飛飭各隊繞道環擊惟因近日大雨時行途閒積水甚深該匪到處奪馬替換剽疾異常我軍馬隊尙可跟蹤而步隊每多落後臣日夜籌維莫名焦灼現探該匪尙有四五百人由

肅甯饒陽奔至武強屬之小範鎮繞過滹沱下游已向阜城衡水一帶南竄由帶隊各官先後稟報前來臣復查此股鹽匪無他伎倆祇因年歲饑荒到處窮民被其煽誘是以旋撲旋熾聚散靡常非四面合剿不足制其死命除將原派劉雲鶴費學曾等各起兵勇分別留防追剿外現在調回劉景芳一軍據報由防起程不日可抵河間已飭其與李昌連將各營練兵在於東南各屬分投堵剿又余承恩一軍據報行抵祁州現亦飭其確探匪蹤由深冀所屬繞前截擊北路永固霸保一帶已蒙飭派神機營官兵在彼駐紮防剿兼施該匪震懾聲威更可無虞回竄臣尙恐南路兵勇號令不一心力難齊定於十七日起

程出省親督各軍實力勦辦以期迅速肅事仰慰

宸廑至費學會等所帶勇隊現飭其分駐近省屬境派員管帶防賊回竄該府有地方之責近日省中籌賑辦防庶務繁重自應飭其回省以資襄助至前報甯津吳橋等處另股鹽匪經通商大臣崇厚會派各隊分往勦捕該匪均已逃匿無蹤現仍飭各該地方官激勵鄉團會合兵勇嚴密搜捕毋任潛滋竊發以靖地方所有鹽匪現復被勦南竄臣擬出省親督各軍會合勦辦各緣由是否有當理合恭摺具陳伏乞

皇太后

皇上聖鑒訓示謹 奏

省城民情安謐片

同治六年七月十六日

再省城自得透雨又於四關開設粥廠民情較爲安謐升任保定府知府費學會業於十五日奉調帶勇回省並經臣調有古北口練軍一營合紮城外足資鎮防其應辦災賑事宜經司道督同委員悉心籌畫亦已粗有端緒臣得一意出省督勦鹽匪所有署中日行事件與臬司招解命盜等案飭委藩司代拆代行代勘其藩司詳送考驗人員飭委清河道代爲考驗遇有緊要事件仍包封送臣行次核辦以昭詳慎理合附片陳明伏乞聖鑒謹 奏





革職留任謝恩疏

同治六年七月二十六日

奏爲恭謝

天恩仰祈

聖鑒事竊

臣於七月二十一日在正定行次接準吏部咨開同

治六年七月十七日遵

旨嚴議具奏本日奉

上諭劉長佑著加恩改爲革職留任欽此恭錄行知到臣當卽

恭設香案望

闕叩頭謝

恩訖伏念臣本儒生起自軍旅茲以區區小醜未能迅速殄除

良由臣調度無方勦匪罔效咎有應得議無可寬乃蒙  
聖德曲全不忍驟加擯棄

特予留任以觀後效仍責討賊以贖前愆

恩命頻加感慚倍切臣惟有竭盡血誠盪滅醜類以期稍答  
高厚生微臣成於萬一所有感激下忱理合繕摺恭謝

天恩伏乞

皇太后

皇上聖鑒謹 奏

勦匪獲勝分布防軍疏

同治六年七月二十六日

奏爲勦匪連次獲勝現飭兵勇約會夾擊並沿途分布防軍情形恭摺具陳仰祈

聖鑒事竊

臣

於七月十七日自省起程次日行抵定州清風店

因雨後唐河暴漲阻水兩日以二十一日馳抵正定探得梟匪在直東界上被兵團截擊約存三四百騎尙在直省之威曲山東之邱館等處往來奔竄本月十四日經東省兵勇在於邱縣之下堡村外迎擊獲勝並據管帶直字中軍總兵江開泰大名府知府楊毓枏等陸續稟報十七八九等日直軍追至邱縣之曹兒莊指揮屯陳家林等處均有斬擒先後獲賊六七十名當

因天黑收隊且高粱茂密橫潦截道礙難窮追未能痛加剿洗當經飛飭總兵余承恩劉景芳姜國仲江開泰等各率所部分途進攻專爲追剿之師與京兵及山東兵勇會合夾擊務將該匪殄滅淨盡其劉雲鶴原帶馬步各隊因窮追日久兵力就疲飭暫撤回衡水深州一帶稍爲休息藉資巡防臣由正定取道晉藁查勘漳沱河一帶形勢酌派宣化練兵兩營一駐藁城一駐晉州適總兵劉景芳派回河閒練兵一營甫抵晉州臣令其移駐正定與藁晉聯絡聲勢以固西北之防其東北一路已由劉景芳於河閒留駐練兵兩營景州留駐練兵一營吳橋留駐槍隊一營古北口練兵兩營一留保定一留深州並飭各地方

官激勵鄉團務須協同官兵悉力堵截毋任一匪竄越臣擬由  
深州仍赴威縣以便就近調度督飭會剿查梟匪人數無多專  
恃馬力奔突疲我追兵頗學捻逆伎倆又直東交界本多匪藪  
是以隨處相煽朝撲而夕然乘隙疾奔此截而彼竄以區區數  
百餘匪未能迅速蕩平不勝焦急蓋伏莽徧地則易於勾結高  
梁成林又難於深進臣已函致都統穆騰阿凡遇追賊入村及  
有秫稽之處均宜加意隄防未可乘勝窮追致墮姦計只宜誘  
之使出四面夾擊總可聚而殲旃所有布置防剿緣由是否有  
當理合繕摺具陳伏乞

皇太后

皇朝通志卷之三十三  
皇上聖鑒訓示謹  
奏

劉雲鶴陣亡請卹片

同治六年七月二十六日

再正繕摺閒接據總兵鄧在仁稟稱已革總兵劉雲鶴於十九日由臨清一路追賊回至威縣探悉賊在二十里外之馬莊卽派總兵黃名進副將王來欽等各選精壯馬勇二三十名同往掩擊並派副將倪開珩等選帶練軍步隊百餘名隨後策應正在出隊適署河閒協副將李昌連帶馬隊數十騎趕至亦卽商同前進是夜三更行抵馬莊賊已聞風遁去劉雲鶴督催各隊悉力跟追二十日午刻追至館陶縣屬之前石莊該匪見我馬隊無多步隊未到膽敢列隊回拒劉雲鶴揮眾施放槍礮躍馬衝殺前隊兵勇受傷落馬數人後騎稍卻劉雲鶴卽下馬督隊

步戰兩旁高粱地內伏賊突出刀矛攢刺劉雲鶴已受數傷猶督各將弁左右衝突并手刃悍賊數名以傷重力竭遇害陣亡各將弁兵勇亦傷亡二十餘名該總兵聞信督催步隊馳往援應賊已向東竄追之弗及始將劉雲鶴遺骸昇回等語臣查提督銜記名總兵劉雲鶴自咸豐二年應募軍營隨剿湖南湖北江西廣西安徽浙江各省每戰必先戰功卓著四年奉調來直帶勇防剿亦著勤勞茲以數百之眾追剿梟匪輾轉奔馳五十餘日兵力疲病過半猶復身率跟剿未敢片刻偷安前因餘孽北竄欽奉

諭旨革職留營該總兵感荷



天恩積爲愧憤并對臣派去差弁誓以不滅此賊不復見臣至  
今思之可勝慟悼臣此次經過藁晉各州縣細加訪察梟匪兩  
次被勦情形鄉民猶稱述爲快與前次所報相符今其人已戰  
歿臣具有天良無所庸其回護合無仰懇

天恩俯念該員從前戰陣之勞與今日死事之慘將提督銜記  
名總兵劉雲鶴開復革職處分并

加恩飭照提督陣亡例議卹出自

逾格鴻施除俟臣到營查明此次傷亡將弁兵勇及各帶隊人  
員有無退縮不相救護情事另行核辦外所有提督銜記名總  
兵追賊遇伏力戰捐軀各情由理合附片具奏伏乞

聖訓示謹 奏

卷一

十

追匪疊勝會商勦辦疏

同治六年七月二十九日

奏為追截竄匪疊獲勝仗仍飭各路兵勇緊追合擊並臣面與都統穆騰阿會商勦辦情形恭摺具陳仰祈

聖鑒事竊

臣

於七月二十七日行抵衡水承準軍機大臣字寄

同治六年七月二十五日奉

上諭梟匪分擾各處究有幾股劉長佑出省追勦現抵何處均著隨時具奏並著嚴檄劉景芳等攔頭迎擊一面會同崇厚穆騰阿派出將士相機合勦務當彼此知照庶可聲息相通至直省地方近遭荒歉各州縣村鎮又復罷市居奇官兵過境覓食住宿甚屬不易著劉長佑按照神機營原奏於京兵經過處所

責成該管地方道府隨隊照料以利軍行等因欽此並將神機營及穆騰阿原奏鈔給前來仰見

聖慮周詳曷勝祇懍查此股梟匪現據各路稟報實存三四百騎總在直東界上往來奔竄並無另起滋擾臣於二十七日在深州行次據探弁回報已故革鎮劉雲鶴部下蔣良眷陳希常等先係在邱縣奉派分路追剿聞主將被害星馳前進會齊全部弁勇整隊憤追誓死滅賊以二十四日追至平鄉地方未至馬疇橋五里探得總兵劉景芳派令前敵劉在巘之隊與賊接仗正在相持蔣良眷等督隊衝上首挫兇鋒殺賊十數名悍黨猶死力拒鬪各弁勇奮呼馳擊適總兵劉景芳江開泰副將李

昌連倪開珩等各率所部趕到爭先衝殺斬獲甚多賊遂敗潰我軍追殺三十餘里旋接總兵劉景芳呈稱二十四日卯刻守備劉在巘帶直字後營馬隊前驅追賊行至馬疇橋奮勇進剿殺賊多名轉戰至落馬坡因隊單被困受傷陣亡哨官隊長許占一等等同時陣亡七員名先是總兵劉景芳慮劉在巘前敵力單卽派山東候補知州劉景芬帶差弁二十名督同守備王芳所帶練兵馬隊一百餘名馳往救援亦幾被陷該總兵親督步隊隨後趕到槍斃齊施共斃賊匪百餘名奪獲賊馬七八十匹器械不計其數查點練軍馬步並未短少一人一騎餘匪紛向東南狂竄又接大名守楊毓柎陸續稟報二十五日子刻探得

賊匪竄至威縣之草廠村盤踞該守所駐曲周之香城固十  
二里當卽傳令潛師襲剿寅刻馳抵村外匪眾偵知連夜上馬  
逃跑縣丞石文英等督帶奮勇分路截殺該匪分路逃竄計其  
殺賊三十餘名奪獲賊馬二十五匹槍斃賊馬十餘匹將曉大  
霧迷目未便窮追二十六日午刻探得該匪在曲周之大屯打  
尖總兵姜國仲所領大名鎮標兵自侯村截出賊復向東南竄  
去縣丞石文英等督勇跟蹤追擊適各軍奉派追剿陸續俱到  
香城固總兵余承恩由正南追剿江開泰由西南追剿總兵劉  
景芳副將倪開珩等各帶隊在威縣堵剿余承恩所部分撥兩  
營在曲周平鄉兩處堵截東省兵勇分駐館陶邱縣東南境上

堵截賊勢頗形窮蹙各等語臣於二十六日接準都統穆騰阿咨送摺稿知其駐軍冀州并派馬隊分紮衡水因卽星馳前進於二十八日抵冀與該都統晤商防剿事宜知其已調步隊南來與馬隊分紮南宮新河威縣三處爲兜剿之計該都統并已定期前赴南宮威縣督剿臣以匪蹤奔竄靡定未便拘泥前奏一并赴威擬卽暫駐冀州察看情形再定進止頃報匪由威縣西北逃竄現在京營步隊尙未調到擬卽於保定古北練軍內各出隊六成親督前往新河一帶截剿至京兵所需糧餉軍火等件前經札委候補知府長啟候補通判蔭祿隨營照料已於本月二十四日到營一面飭催該管道府妥爲照料無誤軍行

聖訓全集卷一百一十一  
并飭催帶隊文武將勦辦情形隨時呈報該都統以便調度所  
有勦匪獲勝會商辦理緣由理合繕摺具陳伏乞

皇太后

皇上聖鑒訓示謹 奏



梟匪被創京兵合剿疏

同治六年八月初八日

奏爲梟匪被創乘間北竄現督各軍分路追截與京兵合力剿辦各緣由恭摺仰祈

聖鑒事竊臣於七月二十六二十九兩日謹將各軍剿匪屢次獲勝及籌商分防合剿情形奏奉

諭旨飭遵在案八月初一日接據補用總兵余承恩大名府知府楊毓枬等稟報該鎮等於前月二十七日先後追賊至館陶縣屬盧橋洛頭各村該匪恃有勾結尙敢抗拒我軍直前衝殺共斃匪三四十名奪馬十餘匹二十八日賊由館陶繞出威縣之辛莊又經署正定總兵劉景芳督隊截出斃匪十數名並獲

馬匹器械多件餘悉向廣宗西竄等語臣查該匪自七月中旬竄至直東界上各軍陸續趕到分投追截無日不與賊匪接仗雖未能痛予剿除而夥黨日有傷亡其窮蹙已可想見又值京兵進駐北路聲威大震臣慮該匪乘閒鋌走因爲各軍分定路數督飭以剿爲防各專責成並卽備文加函商請穆騰阿及統帶東省兵勇提督傅振邦查照合剿計當剋日收功詎該匪被創情急竟窮日夜之力由廣宗西北竄至任縣地方適余承恩所部副將常開運帶隊由隆平馳往截擊敗之於邢家灣復敗之於鄭家莊先後獲匪七八十名奪獲騾馬八九十匹由余承恩轉稟前來臣一面飭催該鎮全軍乘勝奮擊一面飛飭分駐

北路各營確探嚴防並即日親督練軍由冀起程馳赴新河邊賊折竄東北之路是夜劉景芳督帶馬步兵勇及洋槍隊亦抵新河臣以賊行甚速北竄堪虞令其取道衡水由東北一路相機繞截仍親督軍前往甯晉旋據探報該匪於初二日已由藁城雙廟竄越滹沱擾及無極余承恩之隊及駐藁之兵皆落賊後匪將仍尋舊路日漸北趨因念京兵步隊尙未南來比卽咨商穆騰阿暫緩調發以資鎮防並飭催劉景芳一軍速由衡水馳赴任邱大城一帶扼賊去路臣經過藁城查悉情形復諄飭劉景芳余承恩仍照前派路數分由東北西北繞前迎截不以跟追爲功頃聞穆騰阿亦已由東北前進更可就近調度諸軍

合力兜剿第該匪人少而悍其行甚速正恐我軍甫集彼復遠  
颺臣昨行抵安平已將後路追兵暫爲截留分布省南各屬以  
備邀擊如匪蹤尙在高陽安州一帶臣擬卽駐此閒相機調度  
仍隨時與穆騰阿會商勦辦務期速殲餘孽仰慰

宸廑至藁城爲該匪往來熟路前派大沽協副將珠爾杭阿督  
同副將慶祥分帶宣化練軍一營商同地方官擇要扼紮原爲  
防賊北竄起見乃此次匪至藁城雙廟地方該副將等並不嚴  
密堵禦致賊竄越雖據報稱於無極屬境追及匪蹤傷賊數名  
奪馬數匹疏防之咎實無可辭應請

旨將大沽協副將珠爾杭阿候補副將慶祥均卽革職以示懲

傲慶祥人尙樸  
聖裁所有梟匪  
摺由驛馳奏伏乞  
皇太后  
皇上聖鑒訓示謹



黃防緊要片

同治六年八月初八日

再臣於日前欽奉

寄諭黃防最關緊要劉長佑崇厚當加意嚴防等因欽此仰見  
聖慮周詳莫名欽佩伏查黃防兵勇前因梟匪南竄經臬司張  
樹聲稟由張秋撥出余承恩姜國仲等各營馳回助剿其齊河  
以東經崇厚督飭天津鎮陳濟清仍前布防並無調動嗣接探  
報捻匪搶渡濰河向西奔竄經臣飛飭在防各軍妥爲備禦一  
面檄調姜國仲楊毓枬等各率所部兵勇先後回防並留屬張  
樹聲如果河防喫緊尙須增戍卽速稟由臣營再撥兵勇往助  
防剿茲欽奉前因除恭錄分別咨行加意嚴防外理合附片陳

明伏乞

聖鑒謹奏



官軍會剿獲勝疏

同治六年八月十六日

奏爲官軍會剿獲勝餘匪負創南竄現飭前截後追並擬留兵

扼紮北路堵剿兼施各緣由恭摺 奏報仰祈

聖鑒事竊 臣於本月初八日在安平行營會將鹽匪乘間北竄

會督追截各緣由由驛馳 奏欽奉

諭旨飭遵在案嗣於十一日接據探報該匪由任邱竄向文安

臣卽嚴飭余承恩劉景芳暨副將李昌連都司鄭明保等分投

追截力遏北竄並卽於十二日辰刻隨帶小隊由安平冒雨起

程行至饒陽復據探報該匪因前路兵團堵截回竄大城東南

並有擾及河間阜城之信 臣一面行調分駐西南各營以次移

向東路探蹤截剿一面咨會穆騰阿就近督飭各軍前後夾擊  
十三日行抵獻縣始接鄭明保稟報初八日追賊至文安縣屬  
之虎狼廟會團迎剿傷斃匪黨多名奪獲馬匹器械等件餘匪  
向南逃竄余承恩稟報初九日追賊至大城縣屬之王字堡乘  
夜襲剿傷斃匪黨七八十名生擒二十餘名奪馬百餘匹守備  
常明運身受重創馬步勇隊亦傷亡數名餘悉向東北逃竄各  
等語臣以匪蹤尙在東北亟應馳往會督剿辦卽由獻縣馳赴  
河間迤北之二十里鋪疊據探報余承恩初九日接仗後正在  
追剿適聞穆騰阿暨劉景芳大隊繼至該匪勢蹙乞降余承恩  
許在收其馬匹器械可以聚殲商請穆騰阿分布隊伍準備圍

期該匪驚悉大隊環集卽奪路向西北逃竄劉景芳余承恩隨同穆騰阿督隊追至文安縣屬辛莊地方傷斃匪黨數十名奪獲匪馬數十匹餘匪始向西南逃竄現已竄至任邱高陽界上等語續據劉景芳余承恩等稟報其情形大畧相同臣復飛飭留駐西南各營悉力迎勦並飭保定河間兩軍各出隊數成從旁鈔擊仍咨會穆騰阿督飭余劉兩軍跟蹤緊追惟賊情愈急其行愈速又值秋禾滿地積潦在途各路追截之兵得手與否尙難豫料臣俟探定匪蹤所向卽速移營前往督勦務使該匪不能喘息不能裹脅勢窮力竭當可一鼓殲除至臣防患未豫督勦無方上煩

聖慮飭派京兵來直會剿並屢奉

寄諭飭令隨時知照穆騰阿合力剿辦臣具有天良敢不懷遵

督飭各軍隨同京兵殲除醜類綏靖地方第念該匪屢經痛剿

志在乘閒混逃苟延殘喘而地方平衍最易奔馳故忽北忽南

我軍稍有紆迴卽落其後臣竊謂此後追剿之兵宜少截剿之

兵宜多而京兵尤宜於堵截不宜於跟追不但水土未習情形

尙生也而以區區鹽匪致禁旅奔走南北亦似無以示威重

臣前在冀州曾與穆騰阿晤商及此該都統志在滅賊綏疆未

肯頓兵境上其實此股鹽匪避兵而行臨以京兵避之更速日

前京兵進駐威縣匪卽奔向西北此次京兵甫抵大城匪卽奔

向西南其望風畏避已可想見合無仰懇

天恩飭令京兵在於大城文安任邱雄縣各屬擇要分駐匪至  
急擊匪去勿追既恤兵力兼養軍威且使本省兵勇一意追截  
無虞北竄卽令該匪仍前鋌走亦可約會夾擊以收全功如蒙  
恩準臣仍當就近酌撥數營隨同駐紮以備分布並擬咨商通  
商大臣崇厚由津撥隊分駐靜海滄州一帶協同堵剿是否有  
當伏候

聖裁所有官軍會剿獲勝餘匪負創南竄現飭前截後追並擬  
留兵扼紮北路各緣由理合恭摺由驛馳奏伏乞

皇太后

皇上聖鑒訓示謹奏

生擒巨逆餘匪無多疏

同治六年八月二十日

奏爲防軍會同地方官截剿獲勝並生擒巨逆餘匪無多現飭各軍分路兜剿以期迅速撲滅恭摺具奏仰祈

聖鑒事竊

臣

於本月十六日曾將官軍會剿獲勝餘匪負創南

竄分飭追截並留兵扼紮北路各緣由由驛馳奏在案是日午後接據探報該匪於十四日由蠡縣竄赴肅甯將從武強武邑舊路奔向東南適總兵鄧在仁等馬勇經過肅甯出隊迎剿匪遂折竄安平之蘇村副將倪開珩等督隊追至該匪不敢迎拒奪路回竄又據副將何流稟報十五日巳刻探悉該匪回竄蠡縣高王村遂會同該縣督率馬步兵勇前往追剿匪已涉過

豬龍河膽敢隔岸相拒我軍槍礮齊施斃匪多名該匪敗走何  
流恕等渡河尾擊奪獲賊馬五匹揮隊緊追至蠡安交界之孟  
壩村匪復列隊出拒自午至申鏖戰三時之久我軍勇氣百倍  
傷斃賊匪二三十名奪獲騾馬十九匹該匪向西南敗竄時已  
天黑人馬俱極疲乏且高粱茂密未便窮追查點兵勇受傷者  
數名又據探報該匪十六日由祁州竄向晉彙界上欲循舊路  
仍過滹沱是日在南彭村住宿經管帶宣化練兵遊擊王永勝  
晉州知州陸邦燧偵知遂於四更時分會督兵勇激勵鄉團偃  
旗息鼓銜枚疾進當將該村三面圍堵僅留南首村口暗伏重  
兵以備截殺布置已定齊聲喊殺該匪騎馬持械果向南口判



命奔突維時伏兵四起開放槍礮繼以刀矛追殺數里殲滅悍賊七十餘名奪獲騾馬三十餘匹刀械百十餘件並經團紳谷獲麟協同兵勇生擒巨逆僧人左春佶等四名僅贖餘匪百餘名人各一騎並無餘馬向深澤無極一帶奔竄查訊該巨逆左春佶供認曾在館陶殺死總兵劉雲鶴當同其餘三名一併正法各等情稟報前來伏查該匪自經官軍會剿屢予痛懲夥黨無多其勢已蹙現在各軍四集巨匪被誅南奔未能北竄不敢亟應乘此聲勢合路兜剿以期悉數殲除嚴飭各軍暨各州縣一體遵照並咨穆騰阿會督辦理外所有防軍截剿獲勝並生擒巨逆餘匪無多現飭各路兜剿各緣由理合恭摺由驛馳

奏伏乞

皇太后

皇上聖鑒訓示謹

奏

餘匪被剿窮蹙疏

同治六年八月二十九日

奏爲餘匪被剿窮蹙意圖東竄青滄現被官軍截回仍飭各隊  
四路邀擊以期悉數殲除恭摺馳陳仰祈

聖鑒事竊

臣前將防軍截剿獲勝並生擒巨逆餘匪無多復飭

各軍分路兜剿各緣由由驛奏奉

諭旨飭遵在案查前據探報該匪自被防軍擊敗後向深澤無  
極一帶奔竄八月十八日竄至定州屬之李村店等處與鄉團  
接仗互有殺傷賊向西竄十九日有管帶正定練軍之固關營  
參將趙友勝同守備王芳督帶馬步練兵由深澤探賊追至定  
州卽將步隊駐紮西關聽調該參將自率馬隊官兵六十名與

守備王芳前赴迤西一帶查探匪蹤行至州屬小鹿家莊猝與賊遇該參將率同弁兵施放槍礮斃匪十餘人該匪見官軍隊單死力拮該參將與守備王芳外委白有志均登時力竭陣亡並同時陣亡馬兵六名受傷者十餘名迨步隊官兵與該州壯勇趕到始將該匪殺退向迤東之五女村竄去適管帶遵化練軍參將姬成功馳抵祁州偵知該匪在五女村住歇卽於是夜銜枚而進距村未遠賊隊將出我軍槍礮齊施傷斃匪黨三四十名奪獲馬匹器械多件餘匪飛馬向蠡博界上竄去等情臣度該匪必由饒陽肅甯一帶東竄飛飭劉景芳分隊扼紮並卽親督馬步小隊馳赴肅甯高陽界上截剿該匪偵知前路有

備乘夜北折任邱穆騰阿督隊截出匪又東趨大城其意尙欲誘兵文大彼得奔赴青滄結黨復逞當卽知會穆騰阿崇厚飭催北路大隊與余承恩等追兵合力夾擊一面督飭劉景芳帶隊由河間迤東相機兜剿其餘各營兵勇仍分布於任邱高陽肅甯蠡縣及西路祁深晉藁各屬以備邀截頃據崇厚派出帶蘆團勇隊都司鄭明保會同大城縣知縣彭瑞麒稟報二十三日該匪由任邱呂公堡竄至該縣屬境該都司等各帶勇隊追至姚家馬頭該匪焚橋斷後我軍繞向北路渡河迎擊於馮二莊接仗傷斃悍賊二十餘名奪獲馬十餘匹救出難民四十餘人該匪向東敗走正飭追剿聞又據劉景芳呈報探悉該匪

竄至上西河東岸恐其乘閒闖入青滄遂卽督隊折回東南取道劉莊橋迎頭鈔截該匪未能搶渡卽往東南逃竄該鎮督催馬步分隊由東面鈔出匪計已沮折向西南由張閣橋猛撲過去殺死團丁十餘人該鎮趕到擊匪落水死者十餘名維時管帶京營馬隊斌陞等馳至併力進剿斬殺頗多該匪往西逃竄我軍追至張興屯該匪將街口小巷均以車輛門扇填塞並於屋上紛擲甓瓦該鎮恐中其計卽將各隊環村分布京營馬隊亦分爲兩翼接應一面挑派奮勇弁兵百名伏行而進各隊鼓噪從之斃匪多名奪獲馬匹器械多件該匪向西竄逸時已深夜未便窮追查點我軍陣亡弁兵六名受傷十餘名另行查明

辦理先是余承恩所部同知余沛恩副將常開運帶隊經過河  
間臣以該軍前隊足數追勦匪蹤飄忽無常飭令余沛恩一營  
暫駐河間任邱界上常開運一營暫駐肅甯蠡縣界上至二十  
六日該匪由張興屯西竄余沛恩由二十里鋪追及於徐家村  
常開運復邀之於齊家營均各小有斬獲餘匪仍向西南竄去  
臣查該匪由西路逸出日夜狂奔意謂北路大軍全力西嚮彼  
得乘虛東入結黨復逞茲經各軍合力兜截其計已沮其勢益  
窮現雖回奔西南亦不過苟延殘喘除飭余承恩等跟蹤追勦  
並飭分布各營約會截擊不準再任紛竄外所有餘匪意圖東  
竄句結現被截回仍飭各軍四路邀擊緣由理合恭摺由驛具

奏伏乞

皇太后

皇上聖鑒訓示再總兵銜固關營參將趙友勝儘先遊擊正定左營守備王芳外委白有志勦賊陣亡均堪憫惜仰懇

天恩飭部將趙友勝照總兵例暨王芳白有志一併從優議卹以慰忠魂合併陳明謹 奏



劉景芳專備北路片 同治六年八月二十九日

再正繕摺開承準軍機大臣字寄同治六年八月二十六日奉  
上諭穆騰阿奏梟匪復竄任邱請飭官軍協防並請飭劉景芳  
分紮文安等處各摺片梟匪已折竄任邱經穆騰阿督兵進剿  
復向東面遠颺前據劉長佑奏稱賊趨無極深澤一帶何以折  
竄任邱如此之速且前稱賊匪僅百餘名何以仍未辨結任令  
肆竄著劉長佑嚴飭各軍將步隊嚴防要隘令馬隊迅速追剿  
並與穆騰阿防軍會同夾擊毋任喙息穆騰阿以任邱爲賊匪  
往來要路擬親督成章等馬步各隊駐紮該處並擬令薩凌阿  
分紮雄縣著卽照所請辦理劉景芳旣於文安等縣民情熟悉

卽著劉長佑飭令該總兵督率所部紮大城文安雄縣歸穆騰阿節制以資調遣該都統所稱任邱縣屬有匪徒勾結梟匪情形著劉長佑嚴飭該地方官乘有京兵駐紮該處設法密爲查拏以淨根株而絕蔓延等因欽此跪誦之下惶悚莫名查該匪被官兵追擊日馳二百餘里自深澤至任邱一晝夜已到其輕捷飄忽實難望諸官軍故雖殘孽僅存迄未迅速辦結臣勦匪無效焦憤萬分迭經嚴飭余承恩劉景芳等諸軍悉力追勦未許稍爲鬆勁日前劉景芳帶隊會同京兵自張興屯將賊截回余承恩所部於徐家村齊家營追及餘匪無多仍由蠡博一帶奔竄計前路何流恕王永勝各營駐紮均不甚遠前截後追

當可得手謹遵

諭旨飭令劉景芳督率所部卽駐文安大城雄縣等處專備北路歸穆騰阿節制調遣隨調回前派駐紫大城任邱界上之姬成功及朔州雄縣界上阿克敦各率練兵一營南來助剿以資得力至該匪避兵而行原無定嚮然於往來較熟之處勾結匪類誠難保其必無居民畏其報復未敢與之爲難地方官積爲苟安未能認真查辦亦皆在所不免臣督剿經過地方頗有見聞但得竄匪殄滅盡淨餘眾反側自安一面札飭各州縣嚴密查拏期絕蔓延並擬將查拏不力及防範不嚴之地方官分別參辦以儆頹靡是否有當理合附片覆陳伏乞

聖鑒訓示謹奏

司庫緊急借款周轉疏

同治六年九月初一日

奏爲司庫支款緊急懇

恩借動工需並懇 飭部照議撥借隨後籌還暫資周轉恭摺  
仰祈

聖鑒事竊據布政使鍾秀詳稱直隸額賦素稱短缺從前年穀  
順成尙慮入不敷出迨軍興十有餘年本省軍需各路協饟歷  
經按索庫款動墊一空年中糧租所入隨來隨去絕少存餘本  
無以爲緩急之備本年上忙遇旱徵解未能踴躍當經奏明借  
撥鹽筋復價銀五萬兩略資周轉滿擬挨至下忙或可補苴萬  
一不料天久不雨旱將成災仰蒙

軫念民艱

諭飭設法拯救卽經籌議章程 奏奉部議撥米頒帑司庫又極力籌那採買米石安設粥廠暫資安輯各屬地方現雖稟報得雨晚秋尙可有望而被水成災者計又不少旱潦交乘中歉難料蠲緩帶徵勢不能免下忙更不可恃加以梟匪竄擾軍用浩繁南路河防饑需急迫其年例支款夏饗尙未放竣秋饗又見交催現在通盤籌畫就止八九兩月中計非有五十餘萬兩不敷應付計司庫存款不足十萬杯水車薪如何濟事反復圖維祇有前奉部撥治河經費銀二十萬兩因春閒雨水不多僅由司庫籌撥銀五萬兩交大名府擇要加培暫可抵禦此款尙

未敢動前於籌賑案內雖經 奏明暫先借動採買嗣緣賑米已由司籌款採辦並另有奉撥漕米目前足資敷衍是以亦未動支現當支款蝟集急無可籌不得不移緩就急暫將前項河工銀二十萬兩借作各路防勦軍需及夏秋各季兵饗之用下餘不敷祇可懇請 奏明在於運庫無論正雜款內再借銀十萬兩以濟眉急至賑案奉撥銀二十萬兩原備將來普賑現值司庫萬難周轉可否先請撥銀十萬兩俾資湊借統俟錢糧解動續籌歸款等情請 奏前來 臣查直隸地居 輦下旣衝且繁近年兵差絡繹軍務頻仍額外雜支較前倍蓰而所恃僅止糧租兩項以資挹注若遇徵不足額必致短絀孔多刻下勦匪

軍需防河餽項以及各營到季兵餽環集待支刻不容緩現據藩司鍾秀所陳悉皆實在情形據請暫借治河經費接濟支發並請由運庫暫借銀十萬兩由部先撥賑銀十萬兩藉資湊借亦屬萬不得已之思但得下忙稍可周轉仍當趕先籌還合無仰懇

天恩垂念畿疆多事無款可籌

俯賜飭部照議撥借出自

逾格鴻慈理合據情恭摺具奏伏乞

皇太后

皇上聖鑒訓示謹奏



永定河裹頭工竣疏

同治六年九月初一日

奏爲永定河北三工漫口裹頭工竣暨灰壩過水變通擬議據  
實恭摺奏 聞仰祈

聖鑒事竊照七月初九日永定河北三工五號漫溢過水經  
臣奏奉

諭旨將該管河道及廳汛員弁分別革職留任並請將  
議處一面遴委熟悉工程之陸慎言馳往勘辦在案茲據革職  
留任永定河道徐繼鏞會同委員候補直隸州知州陸慎言稟  
稱查得北三工五號於七月初九日丑刻漫溢奪溜經該道徐  
繼鏞飭委石景山同知王茂堦等趕緊購料盤築裹頭據報於

七月二  
於七月  
經費催  
新進占  
下又復  
平自宜  
查勘量  
復至南  
溜壩臺  
河至水

十餘丈北面接築土埝進占十餘丈均已加廂邊埽簽椿穩固  
查看正河身現已斷流涸出嫩灘幸未淤高復又沿河逐一履  
勘詳察形勢本年伏秋盛漲雖屬異常浩瀚幸喜上游連設閘  
壩猶得分其流而減其勢卽如此次北三漫溢口門苟非灰壩  
分掣溜勢則汕刷必更寬深斷不能遽成旱口將來接築大壩  
進占簽廂合估土工料物費將不可勝計今幸大溜全歸灰壩  
北三漫口乾涸雖挑河補隄仍須工作而一彼一此難易懸殊  
復查南上二號以下河身並無淤墊閒有不能十分暢順之處  
祇須抽溝引水卽可一律深通計費亦屬無幾所有引河工段  
仍自北三工五號以下分段估辦如此變通籌畫因勢利導實

與河防全局有裨而樽節經費尤覺事半功倍再北三工漫淹各村水已漸消不致久淹爲患究有若干村莊以及輕重情形應由委員陸慎言會同地方官確切勘議稟辦等情會稟前來除嚴飭該道督飭廳汛員弁人等將北三工漫口工程妥速籌議興辦一面催飭委員即將被淹村莊輕重情形應否先行撫卹會同地方官勘議稟覆外所有委勘永定河北三工漫口裹頭工竣暨灰壩過水變通擬辦緣由理合據實恭摺具 奏伏

乞

皇太后

皇上聖鑒謹 奏

堵閉灰壩片

同治六年九月初一日

再據革職留任永定河道徐繼鏞稟稱前據南上汛霸州州同何承祐稟報南上汛灰壩過水卽經飭委署南岸同知余汝偕並派文武員弁馳往幫同經理一面力籌經費接濟七月二十一二等日據報設法進占挑溜仍歸正河乃二十三日以後連朝風雨水勢疊長幸有灰壩分溜宣洩搶護平穩而壩上水勢仍復湍激因思開壩原爲宣洩盛漲而設與隄埝漫溢不同第洩水過甚恐致衝卸不得不卽籌搶堵該道隨復會同委員陸慎言馳至灰壩工次周歷查看南北壩臺並未刷動測探龍骨海漫亦未損壞南北新進水占三十餘丈如果不惜重貲儘力

登正... 卷一  
搶堵原不難剋日堵閉第灰壩既閉之後則正河大溜必致全歸北三口門該處土性沙鬆不特兩壩裹頭邊埽墊廂不已且恐口門愈刷愈深跌塘過甚將來堵築需費更鉅再四籌計堵閉閘壩較之堵合大工其省力省費不啻倍蓰現與委員陸慎言熟商擬變通辦理現在北三漫工已成旱口先將層土層礮實力堵合俟下游引河全行完竣再將灰壩堵閉合龍所省實多且由灰壩過水壩外尙有減水支河不致泛濫旁溢較由北三口門過溜所淹情形亦輕況灰壩下有三角土龍骨海漫不致跌塘刷深是以正河亦無淤墊將來堵合較易經費亦減當茲籌款維艱但期得省且省可否將南上汛灰壩歸入大工項

下辦理俟北三工漫溢旱口工程補還原隄挑挖引河次第辦  
有端倪再將灰壩合龍使全河復歸故道似較便捷再查南上  
汛員有專管灰壩之責雖係例應過水之區究屬宣防不慎該  
管本廳督辦未能妥善該道統轄全河亦咎無可辭等情稟請  
附參前來應請

旨將永定河道徐繼鏞署南岸同知河工候補同知余汝偕南  
上汛霸州州同何承祐一併摘去頂戴以示薄懲臣查興辦大  
工全憑料物現值災荒之歲秸料無收卽此一宗已較往年昂  
貴數倍現據該道等會稟變通辦法係爲節省經費起見應準  
照行除仍嚴飭該道責令該廳迅將已做工程及壩臺龍骨等

聖訓卷之十四

三

處加意守護務保無虞外理合附片奏

聞伏乞

聖鑒謹奏



餘匪南竄請 旨議處疏

同治六年九月初十日

奏爲餘匪東竄窮蹙乘閒南遁臣與各鎮將勦辦遲延致匪紛竄請

旨一併交部議處恭摺仰祈

聖鑒事竊臣前奏餘匪無多於前月二十六日自張興屯回竄當飭各隊四路邀擊旋據探報該匪經沿途各營出隊堵截卽由蠡博安平境內竄奔深澤之固城村繞至南界河莊二十七日晚閒已至晉州之西旺村其行蹤飄忽晝夜馳三百餘里維時總兵余承恩劉景芳兩軍進抵邢州安平追趕不上臣猶以爲前路兵勇如能將匪截回有該鎮等軍攔擊必可乘機撲滅

乃二十八九等日經管帶宣化練兵游擊王永勝等由西旺東里等村節節追剿傷賊數名生擒賊目王四一名該匪折竄正西爲定州藁城鄉團所遏遂由新樂一帶仍竄祁州余承恩帶隊追截未及接仗其後隊常開運已先循蹤追抵晉州遂落賊後劉景芳在安平亦未會合迎擊致賊徑由祁州竄赴蠡縣兩鎮係專派追剿所部兵勇較厚此次賊由西路突出未能迎頭一擊接報不勝憤懣副將何流恕於三十日申刻偵知該匪回竄督帶古北口練兵由蠡博界上截出僅獲邊馬一名追至高陽之苗家營探匪遠竄亦卽收隊回防而副將倪開珩原派駐紮安瀾橋正當高陽衝要據稟於初一初二初三等日督帶

遵化練兵先後追賊及於劉閣莊楚安村苟各莊等處均小有  
斬獲初三日申刻追至呂公堡詢知賊去未遠劉景芳之隊陸  
續齊至當晚卽合軍跟剿並據參將姬成功同日稟報截賊獲  
勝等情查姬成功管帶馬步練兵五百名原派駐紮呂公堡據  
稱先在距堡五里之蔡村列陣以待時有倪開珩隨後緊追劉  
景芳大隊繼至賊正腹背受敵該參將旣與賊遇使馬步齊上  
將賊裹住此百餘殘匪諒可聚殲乃僅斃賊數名以步隊未能  
遠追殊爲可惜現在該匪經京兵及各營追截由河間東渡循  
岸南竄頃報已至武邑衡水地方原駐東南各營均落賊後臣  
由河間派出馬步小隊分由東西兩路邀截亦未遇賊竊料該

匪東西奔突均未得逞自必仍走直東界上意圖勾結臣已飛  
飭大名守楊毓枏等督飭兵勇由威曲確探迎剿並知會東省  
帶兵員弁嚴密堵截查南路秋禾現均收穫該匪無從逃匿剿  
辦或易得手臣暫駐河閒督飭各營分路南下相機追剿一面  
督同司道將保定正定河閒各屬妥為布防後仍擬移駐冀州  
威縣一帶親督剿辦伏思此股敗匪不過百十餘人顧任其奔  
突自如日久未能辦結實由臣調度乖方各鎮將防剿不力敗  
殘餘匪又復遠竄上煩

宵旰下擾閭閻憂澍之餘悚慚曷極相應請

旨將臣與總兵余承恩劉景芳均交部議處並將參將加成功

摘去頂戴以示懲儆餘由臣分別記過辦理如無後效再從重  
參處是否有當理合繕摺具陳伏乞

皇太后

皇上聖鑒訓示謹 奏

8  
正  
性  
之  
人  
之  
心  
也  
一  
也

疏防州縣議處片

同治六年九月初十日

再梟匪以敗殘之餘東奔西突急切未能剿除固由經過地方不無姦民暗中附助實由地方官不知振作積爲苟安如果各牧令盡能激勵鄉團齊心禦侮諒此百餘殘匪民力制之有餘何致重煩兵力月前欽奉

諭旨飭查經臣奏懇俟股匪驅除再行查辦在案現在餘匪雖已南竄而北路防堵猶未可鬆自應先將疏防失察之州縣擇尤參辦薄示懲創茲查有藁城博野蠡縣高陽等四縣任賊往來漫無防制屢經臣嚴切責成並分兵駐紮屬境而各該縣等未能督團帶勇會同官兵出城防剿亦未見於匪過地方查拏

姦民一人實屬罔知振作相應請

旨將藁城縣知縣陳金式博野縣知縣王養壽蠡縣知縣丁承  
衍高陽縣知縣張恩煦先行交部議處以示薄懲而免頽靡是  
否有當理合附片具 奏伏乞

聖鑒訓示謹 奏



茶馬釐捐扣抵駐防俸饌疏

同治六年九月十五日

奏爲張家口茶馬釐捐既未解部應請嗣後就近扣抵駐防俸饌以省月籌而免重複恭摺仰祈

聖鑒事竊據布政使鍾秀呈稱案查張家口察哈爾二駐防每年應需俸饌廉乾向由藩庫撥給咸豐十年閒因庫款支絀欠發春夏俸饌未給以致遞年積欠嗣因俸饌等項給領愆期官兵急不可待於同治二年秋季起經察哈爾都統臣奏動張家口茶馬釐捐銀一十三萬七千餘兩以應急需並迭奉部咨飭將抵撥五成官俸七成兵饌各若干均係何年何季分晰造報旋於同治四年九月閒又準察哈爾都統臣咨以張家口二駐防

官兵應領俸饗養廉等項請循舊由司籌撥並將歷年奏動釐捐就近在於季饗銀內照案酌量加留前司因查歷年欠發較鉅一時驟難清理卽按季籌給亦恐難以應期且歷年奏動釐捐爲數亦復不貲俸饗一日未能給發則釐捐卽難一日扣清恐輾轉核扣延宕無益擬將抵撥俸饗動過釐捐由察哈爾都統臣奏明就款作正開銷一面飭由張理廳遵照歷奉部咨查明動過釐捐細數按年分季造具抵撥清冊送司核轉其餘抵贖未清俸饗卽爲司庫欠發之項另再由司籌撥至現年饗乾並查照放饗定章自同治五年春季起按季給發不再帶欠俸廉循舊辦理積年欠饗暫先停緩俟司庫稍裕再行補給當經

分咨核覆去後嗣於同治五年閒準口北道分備冊領將張察  
二駐防官兵應需同治五年春夏秋三季俸饗廉乾等銀移請  
給發因庫款支絀未能照放隨將秋季冊領移回其五年春夏  
二季俸饗除扣款外計共應領五七成實銀二萬六千五百一  
十五兩六錢二分八釐票銀一千一百一十兩一錢八分一釐  
加平實銀六十兩八錢九分八釐先行分別撥給在案惟查同  
治五年七月閒察哈爾都統臣咨開以抵饗釐金放竣後又續  
行奏動茶馬釐捐銀二萬一千兩有奇接續開放本年二三月  
閒又準察哈爾都統咨會先後兩次奏動新收釐捐銀二萬七  
千兩有奇並準咨行以官兵俸饗廉銀自同治二年秋季起至

五年冬季止業經奏準以釐捐抵撥議將由司領回同治五年  
春夏二季俸饟等項移抵咸豐十年舊欠春俸夏饟有餘不足  
另行找算均經臣先後行知茲據藩司查覆張察二駐防官弁  
俸廉兵丁月饟等銀向由直隸省豫估案內按年題撥給領  
其在於張家口茶馬釐捐項下陸續抵放原不過暫時通融而  
釐捐又係應行解部之項並非年例應動專款且既由司庫具  
領似不宜再動釐捐以符原案今每於舊捐將次用竣驟以新  
捐接續抵放況既領俸饟又動釐捐並擬將領回現季之俸饟  
廉銀補還積年停緩之舊欠揆厥情理似覺一事兩歧若不早  
爲截清數目核實辦理事將何所底止現經按照張察二駐防

歷年豫估清冊逐一確核除咸豐十年春季起截至同治二年  
夏季止舊欠俸饗廉乾等銀應照現辦章程一律停緩應俟司  
庫充裕另行補給外計自同治二年秋季奏請動撥釐捐起至  
六年夏季止其應發張察二駐防俸饗廉乾等項除扣部平並  
俸廉應搭五成票銀已領者不計未領者應按照新章停發外  
實其應領俸饗廉乾五七成實銀二十萬九千一百五十七兩  
四錢二分九釐內經前後奏動釐捐共銀一十九萬八千七百  
三十二兩四錢尙計應領五七成實銀一萬四百二十五兩二  
分九釐應請卽以前次所發五年春夏二季俸饗等項共五七  
成實銀二萬六千五百一十五兩六錢二分八釐內照數分別

鑒正惟云云  
抵撥清款核計尙有長領共五七成實銀一萬六千九百五十  
錢九分九釐現在本年秋季俸饗廉乾已屆應放之期並卽移  
咨以此款長領儘數分別撥抵開放計當有盈尙可湊放冬季  
之項毋庸再動釐金此後張察二駐防俸饗廉乾等項卽請改  
由張家口收到茶馬釐捐項下按年奏動就近抵放未便再由  
藩庫支領以免重複仍飭張理廳遵照查明歷年動過釐捐細  
數按年分季造具妥確清冊呈道送司以憑報部查核其藩庫  
每年應發該二駐防俸饗廉乾等銀仍按年題估由司扣留  
入撥報部等情由藩司鍾秀詳請奏咨前來臣覆核無異除移  
咨察哈爾都統臣查照外理合恭摺具奏伏乞

皇太后

皇上聖鑒飭部核議施行謹奏

欽定大清會典事例

卷一百一十五





直東各軍會辦梟匪疏

同治六年九月二十五日

奏爲直東各軍會辦梟匪定計兜剿匪懼南遁現仍分軍追截

並臣親赴前敵督辦緣由恭摺具奏仰祈

聖鑒事竊臣前因該匪乘閒南遁請將臣與各鎮將交部議處

各緣由奏奉

諭旨飭遵在案當經臣飛飭余承恩黃仁遠江開泰倪開珩等

軍陸續南下追剿一面欽遵疊次

寄諭於滹沱上下流妥爲布置查滹沱河自西至東四百餘里

秋冬水涸隨處可渡西路原有正定練兵一營宣化練兵兩營

足資防遏東路自劉景芳所部奉調北往尙覺空虛因咨商崇

厚於調回津軍練兵內撥出兩營自武強衡水迤東沿河布防  
又慮津軍一時難到復咨商穆騰阿飭劉景芳酌撥兵勇暫駐  
獻縣武邑一帶以資兼顧臣部署稍定卽擬移駐南路親督勦  
辦疊據探報該匪由武邑新河晝夜奔馳旋由威縣繞竄臨清  
州屬之姜家莊搶渡衛河沿途俱有裹脅東軍跟追至清水鎮  
夜襲獲勝斃匪多名該匪捨命狂奔至冠縣達城鎮東軍馬隊  
追及復由館陶縣屬之秤鉤灣渡河西竄經大名府知府楊毓  
栢派出營勇探蹤截勦斃匪二十餘名奪獲騾馬器械多件追  
至河灣賊匪落水死者不少十三四日竄至肥鄉成安縣境被  
各該縣督團截擊互有傷亡該匪旋向東南敗竄十五六等日

竄至邯鄲沙河邊境經黃仁遺江開泰督隊追及該匪乘夜奔  
逃十七日追至廣平縣迤西與匪接仗甫施槍礮匪卽狂竄於  
曲周馬疇橋迤西新寨地方又經余承恩督帶馬步練勇與統  
領東軍前雲南提督傅振邦之隊合力截擊頗有斬擒先後稟  
報前來正在飭催乘勢兜剿接準傅振邦來函以餘匪三百餘  
人半係脅從且有新裹幼孩七八十人現與余承恩面商擬請  
設法誘撫計殲渠魁餘眾分別剿辦等語並據余承恩等來稟  
大約相同臣以此股餘匪往來奔突急切未能聚殲如能誘令  
入彀似可從權辦理但該匪狡黠異常若辦無把握轉不若乘  
此機會合力兜剿計可一戰而定當卽分別批答並差弁馳赴

各軍查催迅速勦辦去後臣猶慮該將弁等或有疏虞刻卽移營親往督勦適穆騰阿已飭劉景芳帶領本部於二十日來至河開卽催令徑赴衡水扼紮滹沱河岸相機進止臣亦於二十一日由河開起程二十四日行抵衡水縣接據差弁回稱各軍奉文後登卽約會期以二十二日夜四路進逼匪卽乘夜冒雨向南逃遁各軍仍分路跟勦等情臣查此次梟匪回竄曲周經兩省兵勇合力追截勢已窮蹙乃以計誘相商致稽進勦余承恩等均有難辭之咎惟念其連月追勦尙屬奮勉可否仰懇免其置議之處出自

逾格鴻慈至余承恩所部候選同知余沛恩候補副將常開運

紮營之處距賊較近於該匪宵遁未能探明登時進剿實屬咎無可辭相應請

旨將同知余沛恩副將常開運均卽摘去頂戴以示懲儆現在余承恩一軍由西北繞前截剿楊毓枏黃仁遺江開泰各營由西南分投追剿倪開珩姬成功各營由東南包鈔臣督馬步小隊並唐訓方撥回助剿之練兵三百人親赴前敵嚴督各軍視匪所向悉力追剿不敢稍任翫延自干重咎所有直東各軍會辦梟匪及臣親赴南路督剿各緣由是否有當理合恭摺由驛馳奏伏乞

皇太后

聖訓  
皇上聖鑒訓示謹 奏

酌撤馬隊片

同治六年九月二十五日

再四年夏開南北兩路防剿喫重經臣奏留南來鎮將弁勇共三百數十名合二年原留在營弁勇六十餘名總共四百餘名除陸續裁汰回籍及咨送晉省外尙存編歸中軍馬隊將弁一百餘人分歸河防步隊弁勇一百餘人本年五月閒因永東邊境防務已鬆議將駐防中軍馬隊三百名調省裁撤適值梟匪滋擾卽將該隊派歸劉雲鶴統帶并將收儲練兵局將弁編作一隊帶同出省追剿共計三百六十餘員名至七月劉雲鶴陣亡後臣將該隊調隨行營察看人馬不甚齊整本擬盡數遣撤因查隊中馬勇直東一帶民人較多現值地方未靖恐其離營

流而爲匪當飭黃仁遺來臣行營認真選汰共撤去南來鎮將弁勇八十八員名土著勇丁二十五名均經酌給行資派員管帶回籍現祇挑留南來原馬隊弁勇六十餘名本地馬勇八十餘名合黃仁遺續收步隊五十餘名共計二百餘員名於九月初始由臣營派令帶赴南路會同江開泰營勇跟蹤追勦該馬隊與江開泰營勇向歸黃仁遺統帶派作一路尙能得力仍俟梟匪事竣卽將此起馬隊一併遣撤咨送回籍是否有當理合附片陳明伏乞

聖鑒訓示謹 奏



梟匪搶渡滹沱疏

同治六年十月十二日

奏爲梟匪搶渡滹沱疊被官軍截擊仍向西南回竄臣現由趙州親督勦辦恭摺具奏仰祈

聖鑒事竊臣前由衡水行次將勦辦餘匪情形奏奉

諭旨飭遵在案旋聞賊竄隆平當卽取道晉藁督隊迎擊九月二十八日行抵藁城之美化鎮該匪已自柏鄉折回向邯鄲成安一路奔竄經大名府知府楊毓枬督率馬學孟部勇於初二日擊賊於廣平縣屬之西孟固村馬學孟督隊奮勇衝殺斃賊數名餘匪竄至元城縣地方被該處鄉團截擊逃至山東館陶縣屬之鄭村旋由鄭村東竄臨清州屬境至初四日突向

威縣以西逃竄時臣行抵平鄉當飭余承恩督同副將常開運帶隊由祁村馳往迎剿初五日卯刻起營約行三十里值該匪竄至邱縣廣宗界上余承恩卽督馬步各隊併力衝擊轉戰二十餘里殺賊五名槍傷十餘名生擒一名匪向西北敗去是日臣馳至曲周縣屬馬疇橋探聞賊已竄至鉅鹿縣屬袁莊地方當卽回軍追剿並飛飭參將姬成功管帶練兵隨同劉景芳力顧東北一路余承恩常開運統帶部勇繞從甯晉柏鄉備禦西北一路一面檄催黃仁遺倪開珩等軍速由威曲倍道進剿據報該匪由鉅鹿竄至甯晉之白候村相距滹沱不遠經常開運帶隊追及賊又折從趙州邊界繞出藥城常開運於初七日追

至欒城迤東遇賊接仗生擒二名該匪竄至欒城邊境直撲廟村河干經游擊陳啟棟欒城縣知縣陳金式會督兵團白岸轟擊該匪落水死者二人受傷十餘人匪折竄西南駛至定縣屬之雅莊經都司陳進福督飭練兵會合該縣團勇入勦捕轟傷悍賊一名落馬生擒二名匪眾奔至南三教堂稍喘息適常開運帶隊追及乘夜攻襲斃匪十數名奪獲馬匹械多件賊復西折竄至獲鹿之房村會余承恩常開運黃仁各隊陸續趕到黃仁遺首先衝擊槍傷悍賊一名賊陣已亂承恩親督勇隊合力奮擊殺賊二十餘名奪馬五十餘匹餘由元氏高邑一帶向南奔竄訊據獲犯供稱該匪實圖竄過

沱赴東鹿新集地方掠買皮衣被兵勇擊回等語現在總兵陳  
濟清所部練兵遵調行抵衡水飭即分防東北一路一面將何  
流恕姬成功等營調赴西北擇要布防計滹沱一帶益臻周密  
臣現由趙州石橋親督余承恩黃仁遺等軍緊跟追勦並飭南  
路楊毓楫嚴督勇隊探蹤迎擊務期迅滅醜類上慰  
宸廑所有該匪搶渡滹沱疊被官軍截回緣由理合恭摺由驛

馳奏伏乞

皇太后

皇上聖鑒訓示謹奏

增挑馬隊片

同治六年十月十二日

再臣現在親臨前敵督飭各軍追剿梟匪察看賊蹤屢被我軍步隊追及甫經接仗伺閒逃遁剽疾如飛步隊追之不及是以總未能痛加懲創且直境平原曠野路路可通雖設法派隊兜剿無如此擊彼竄堵禦爲難臣與在營文武審酌情形必須厚集馬隊合力追截方能制其死命現在防剿各軍雖有馬隊第分歸各營未免見單且與步隊隨同進止行走難期迅速終非制勝之計茲臣擬飭天津鎮陳濟清於本軍練兵內挑出精壯馬隊三百餘騎再於在防之遵宣練軍內挑出二百騎合爲一隊署正定鎮劉景芳於本軍內挑出精壯二百騎合該鎮原部

馬勇三百餘騎作爲一隊又總兵余承恩原部馬勇二百五十名續準添募馬勇一百五十騎并於大名鎮練兵內挑出馬隊一百騎作爲一隊又已革提督黃仁遺所部直字中軍前營馬勇一百數十騎河間練軍馬隊一百騎再於遵化古北各營練兵內挑出二百餘騎作爲一隊計其馬隊二千騎飭令該鎮等分起親自督帶視賊所向或繞前迎截或跟蹤緊追或彼此會合輪番迭進使該匪不得喘息再將步隊於賊蹤往來之區四處分布庶該匪不能恃其馬力任意肆竄以期刻就殲除是否有當理合附片具陳伏乞

聖鑒訓示謹 奏

捻氛東偏分段防河疏

同治六年十月十六日

奏爲捻氛東偏黃防戒嚴擬與東軍仍分地段各專責成恭摺

仰祈

聖鑒事竊

臣

承準軍機大臣字寄同治六年十月十二日奉

上諭捻逆騎馬飄忽日馳二百餘里北路黃防勢甚喫緊劉長佑崇厚當飭沿河諸軍加意嚴防不可稍有疏失等因欽此跪讀之餘敢不祇凜查該捻自膠萊河逸出盤旋淮沂境上本圖竄撲運河現聞運西防軍頗極周密該捻撲運不利難保不伺閒撲黃前接臬司張樹聲張秋來稟河北天險惟恃黃流九十兩月尙可無慮堅冰一合無險可資據詢土人船戶證以守河

員弁皆稱張秋歷壽張濮范上抵開長下及東阿河道紛歧中  
邊石凍僅去冬天久晴暖冰未堅凝餘則無年不凍凍必堅久  
撤以土草不特人馬可行卽方軌亦勝馳驟并聞武定上下各  
境亦然計自利津海口以迄蘭通不下千數百里近因梟匪內  
訌原派防河總兵陳濟清劉景芳余承恩等所部兵勇均已奉  
旨陸續調回在防東軍不滿二千直軍水陸不滿八千實形單  
弱查濮范以下地面原有東軍防守夏間蹙賊海隅始調直軍  
出境替防騰出東軍進剿今賊已自膠河逸出情形與前稍異  
擬請咨商東撫仍照舊議以范縣爲界直東劃段分守前來旋  
接山東撫臣丁寶楨來函亦稱冬令河防與夏秋事勢迥殊自



非巨萬之軍不敷分布商應如何辦理等情臣以直省梟匪未平現經兵勇悉力緊追由山東邱縣下堡寺一帶奔竄悍賊多半受傷勢頗窮蹙更得東路傅振邦一軍迎頭截剿定可早晚聚殲彼時卽移大軍添助河防但如丁寶楨張樹聲所述情形竊恐河面繇長斷非直軍所能專任當經咨會丁寶楨擬照五年奏分地段略爲變通自張秋以上至蘭通口歸直軍駐守張秋以下至鐵門關歸東軍駐守俟東軍到防後卽飭唐訓方所部練兵及劉祺水師移駐張秋上游以期周密日來未準丁寶楨咨覆固知直東此時均力有未逮然不得不勉爲其難北路藩籬爭此一綫臣不敢故存畛域亦不敢貽誤事機相應請

行防下山東撫臣丁寶楨迅撥兵勇防守張秋下游直省量力  
認守上游各專責成亦互相援應庶免疏虞除咨崇厚知照外  
所有河防喫緊直東分段防守緣由是否有當理合繕摺具陳  
伏乞

皇太后

皇上聖鑒訓示謹奏

畿輔災歉請停京協各饒疏

同治六年十月十六日

奏爲畿輔災歉庫款入不敷出奉撥京協各饒請

旨暫停撥解以資周轉恭摺仰祈

聖鑒事竊照直隸進款惟以糧租爲大宗非如他省另有釐金等項尙可設法補苴湖自軍興十數餘年厯經搜羅應付司庫久無存餘前因周轉不開曾經 奏明借動部撥治河經費並請另借運庫等銀以資湊動實已出於萬不得已之思現在南路河防未敢減撤追剿梟逆兵勇尙在行閒兵精勇糧日費繁鉅概皆刻不容緩地方旱潦交乘急宜分別賑卹各營路及兩陵領員環集悉待支領而永定河又出漫工亦須籌款興辦

以災歉之歲屆多事之秋實屬自顧不遑定荷

聖明洞鑒所有奉撥京饟吉林軍饟採辦東珠饟協撥新疆兵饟明知概不可遲實苦款無所出是以屢請改撥未經邀準此外尙有應還熱河道庫從前借撥銀兩現亦屢準飭催急如星火下忙現雖闕徵而年穀中歉未定錢糧遲早難期反復籌思殊深焦灼可否緩至明年容再陸續籌解庶時日稍寬或易設法那轉據布政使鍾秀詳請具 奏前來臣覆查無異理合恭摺具陳伏乞

皇太后

皇上聖鑒訓示遵行謹 奏

匪竄東省已降復叛疏

同治六年十月二十四日

奏爲餘匪竄至東省已降復叛回竄直境搶渡滹沱現仍督軍  
追截情形恭摺 奏報仰祈

聖鑒事竊梟匪前自正藁以南負創東奔當飭總兵余承恩黃  
仁遺等軍緊跟追剿並飛檄前路東南兵勇迎頭攔截適總兵  
劉景芳帶隊趕到趙州臣卽親督起程分由隆平唐山兩路前  
進途次疊準前雲南提督傅振邦函咨本月十三日該匪竄至  
臨清下堡寺窮蹙乞降匪首吳培基王克昌戴得功馬清和等  
自縛投首泣求免死願隨軍前殺賊贖罪並有附近紳民聯莊  
具保情詞哀懇經該提督移知直軍暫紮邊境自將匪眾帶赴

館陶河西已於十六日飭令呈繳馬械編列隊伍咨候山東撫  
臣丁寶楨會辦等語復據黃仁遺稟稱該鎮於十三日追至下  
堡寺親晤傅振邦勸令退駐威縣且謂直軍進逼賊必驚走至  
十七日復以招撫已定屬勿進兵以安反側各等情臣以賊情  
反復未可憑信函覆傅振邦仍宜察看情形約會夾擊不可自  
撤藩籬並飛飭余承恩黃仁遺楊毓枬等嚴備進剿去後隨卽  
督隊馳抵威縣正擬照會進兵掩襲據報該匪於十八日夜間  
已由河西逸出經副將常開運由張官寨整隊迎剿斃匪十餘  
名獲馬六匹該匪折回臨清屬境十九日午後竄至下堡寺迤  
東臣由威縣馳至督同常開運等併力截擊匪又繞從西南乘

夜向西北竄去旋準傅振邦來文當夜誘殺匪首吳三馬五二  
名悍黨三名餘悉驚遁等語查吳三卽吳培基馬五卽馬清和  
均山東冠縣人最爲兇狡今皆投首足寒賊心惟聞此番誘殺  
之後已散夥黨聞風惕懼復聚至四五百人並有欲出口外逃  
生之說臣於二十日自威縣回至鉅鹿督催各軍星馳跟剿並  
嚴飭滹沱北岸各州縣集團會兵加意備防頃據楊毓楫常開  
運等稟報我軍連夜由隆平甯晉追至藁城該匪折向東北從  
晉州紀莊河口趙水搶渡駐紮該處游擊王永勝督兵力拒亦  
受槍傷該匪悉眾向北狂奔各軍均卽渡河跟蹤追剿等情前  
來查該匪此次由東叛竄人數加多且志在逃生趨向靡定惟

有一面督同各軍分投追截一面催集各起馬隊剋期兜剿並  
咨會穆騰阿崇厚迅飭北路防兵合力夾擊以期迅掃狂氛至  
此次該匪由晉州紀莊搶渡滹沱實緣河水太淺各隊分防地  
段一時接應不及且官弁兵丁均有受傷可否仰懇

天恩將游擊王永勝晉州知州陸邦燿暫行摘去頂戴以示薄  
懲之處出自

逾格鴻施除將提督傅振邦收降未成情形咨由山東撫臣查  
辦外所有梟匪叛竄直境現仍督軍剿辦各緣由理合由驛馳  
奏伏乞

皇太后







馬隊先赴河防片

同治六年十月二十四日

再正繕摺聞欽奉寄

諭黃防極關緊要轉瞬河流水涸尤須節節設防等因欽此遵查直省現因梟匪回竄防剿兵勇尙難分撥惟河防緊要斷不敢稍分畛域致有疏虞臣前次奏明調派馬隊二千名分起輪番追剿梟匪現已勒限嚴催一俟日內調集成營當將劉景芳陳濟清兩軍內酌撥步隊槍隊數營先赴河防一面咨商丁寶楨崇厚再行妥籌布置以期仰慰

宸廑理合附片陳明伏乞

聖鑒訓示謹 奏

世宗憲皇帝集 卷十一

五

梟匪折向東南縛會京兵追剿疏

同治六年十一月初三日

奏爲梟匪畏剿繞由西北折向東南現督馬步各隊約會京兵分投追截恭摺由驛馳奏仰祈

聖鑒事竊

臣

於十月二十九日由高陽行次奉到

寄諭以傅振邦輕率受降貽誤事機劉長佑未能截剿致賊竄渡滹沱著將該督及傅振邦摘去頂戴暫示薄懲等因欽此同日在安肅行次又奉

上諭餘匪復聚至四五百人欲向口外逃生該督當奮力督剿務期就地殄盡以贖前愆劉景芳馬隊仍當遵奉昨日諭旨飭令該總兵與穆騰阿所部各營聯絡聲勢合力截剿等因欽此

臣 勦匪無方旋撲旋熾雖獲嚴譴不足蔽辜猥荷

聖慈高厚僅予薄罰感悚難名據報梟匪搶過滹沱由無極定  
州一路竄至附省地方經兵團截勦遏其東竄舊路乃於二十  
八日巳刻繞至安肅屬境該縣程光滢帶勇迎擊適省城派出  
兵勇同時趕到匪眾驚走定興是日黃仁遺劉景芳常開運馬  
步各隊先後追至涿新界上匪卽向固安東竄於三十日擾及  
霸州該州宋維光帶勇迎勦京營槍隊繼進該匪望南逃走復  
乘夜折回永清屬境等語臣初以各隊俱向西路跟追恐該匪  
仍由舊路東竄任邱大城等處因自帶馬步小隊取道東北以  
圖邀截比至武強陳濟清以曾奉崇厚照會飭赴河防請示進

止臣以梟匪業經北竄僅令迅督本軍馬隊三百名並臣所帶馬小隊一百名刻日馳赴肅甯饒陽一帶約會黃仁遺劉景芬等悉力追截臣於是夜行抵肅甯探聞匪蹤已至清苑西北情形喫重當卽督隊乘夜馳赴安肅三十日由安肅至定興傳聞匪又回竄新城因暫駐北河準備截剿旋報該匪已由固安向東竄去十一月初一日卽由定興歷新城徑趨霸州行至離州四十里之馬莊時已亥正接據前路各隊報稱匪由霸州回竄永清並有趨過渾河擾及東安之信當經專弁飛催前隊速由東北向南兜剿並咨行通商大臣崇厚暨天津道府迅撥兵勇嚴扼東路照會遵化總統春霖親督練軍於通薊一帶擇要嚴

防臣於初二日寅臣馬莊改道永清行次牛駝店適穆騰阿親督馬步各軍道經彼處臣與熟商勦辦事宜意見相同穆騰阿隨臣督軍前進臣於申刻行抵縣城接據差弁回稱黃仁遺等各隊均於初一日跟蹤過河分道追截臣仍飛飭各隊約會京兵協力圍勦不任稍分畛域現在各起馬隊陸續調到日內均可趕赴前敵合力追勦至劉景芳現患痔漏不任鞍馬馳驅現與崇厚穆騰阿商派該鎮統帶步隊槍隊前赴防河兼管總兵劉祺所部水陸練勇劉景芳原部馬隊臣令劉祺接統仍與穆騰阿所部聯絡聲勢合力截勦總兵余承恩所部勇丁前在河防尙爲得力茲擬俟其馬隊調到即將步隊調赴開濮一帶



協同防堵並飭隨時認真稽查所有梟匪由西北繞竄東南現在督軍勦辦情形理合恭摺由驛馳奏伏乞

皇太后

皇上聖鑒訓示再臣於前月二十四日自鉅鹿啟行因追勦喫緊趨程前進是以奏報稍遲今仍擬於拜摺後馳赴東安親督勦辦合併陳明謹奏



直軍任防齊河片 同治六年十一月初三日

再臣於日前欽奉

上諭黃河冰凍在即防守尤關緊要該督現將劉景芳陳濟清所部步隊槍隊數營先行撥赴河防著即飭令嚴密分守並與丁寶楨崇厚妥商布置以期周密等因欽此臣連日接準崇厚函咨商派陳濟清劉景芳兩鎮各率所部前赴河防似尙未知東省降局已變情事臣思黃防爲畿輔藩籬所關尤鉅東省既未遑兼顧直省自當勉爲其難目下陳濟清一軍正值追勦喫緊之時急切未便調動劉景芳舊病未愈移赴河防尙堪力疾支撐昨已行知張樹聲俟其到防妥商布置矣臣前奏直軍

防至張秋請將張秋以下仍歸東省撥兵設防非敢稍涉推諉  
有渝終始實因冬臘冰堅與夏秋情形迥不相同茲臣再四籌  
維儘直省現有兵力擬自蘭通口防至齊河爲度其齊河以下  
地面較短仍由東省撥兵駐守似尙易於爲力正臣覆商辦聞  
復接臬司張樹聲稟稱據奉李鴻章面諭黃防千餘里中間惟  
張秋至魚山河汊紛歧最易凍結尤爲喫緊但得直軍防至齊  
河勉力擔承此險卽擬將濟省以東請由東軍扼紮南岸以勦  
爲防較更妥協等語適與臣商崇厚之議大略相符除分飭  
在防各軍將打冰築牆各事宜妥爲趕辦仍咨商丁寶楨崇厚  
及時布置外是否有當理合附片具奏伏乞

聖諭訓示謹 奏

Blank manuscript area with vertical lines.

大清宣統元年

廿

臨桂李樹森  
南陵胡永福  
同校

劉武慎公奏稿

劉武慎公全集十六

卷之十五目錄

直軍任防齊河片

革職帶隊謝恩疏

妥馭將士片

廣東巡撫謝恩疏

調補廣西巡撫謝恩疏

附陳廣西情形片

匪首曾亞日等就戮疏

欽奉諭旨縷陳下情疏

藤縣逆首就擒片

會籌越南軍務疏

攻克舊街首逆就擒疏

勦辦河池下坳崗匪片

進勦越匪克復城巢疏

蘇逆解歸廣東訊辦片

勦降越匪殄擒瓊武股逆疏

拿獲著名匪目請獎片

永甯武緣勦匪片

越南海大肅清疏



西稅不敷原額疏

釐金撥濟軍餉數目疏

撥還越南銀兩片

南兵尙未接防疏

宣化等處剿匪情形片

黔防稍紓調營分防鎮安片

展緩軍政疏

Year	Jan	Feb	Mar	Apr	May	June	July	Aug	Sept	Oct	Nov	Dec	Total
1879													
1880													

1880

革職帶隊謝

恩疏

同治六年十一月初六日

奏為

微臣

感激下忱恭摺叩謝

天恩仰祈

聖鑒事竊

臣於十一月初六日奉到

寄諭前因直隸梟匪滋擾疊經諭令劉長佑速行剿捕以靖地方乃遷延日久賊勢愈張辦理毫無成效殊屬大負委任本日已明降諭旨將劉長佑卽行革職仍責令帶隊效力並命官文署理直隸總督矣官文未到任以前所有近省防務及地方一切事宜著鍾秀安爲辦理等因欽此欽奉之下感愧莫名伏念臣辦賊無效負疚滋深疊荷

聖慈曲予矜全不遽擯斥自應迅除餘孽稍贖前愆徒以識闇才庸勞師糜饗自分遷延之咎置諸重法亦所應得乃復叨鴻慈於格外猶準效力於行間臣具有天良敢忘

高厚惟有竭盡驚力誓掃梟氛斷不敢稍存諉卸之心自外生成之德所有臣感激下忱理合恭摺叩謝

天恩伏乞

皇太后

皇上聖鑒謹 奏

安馭將士片

同治六年十一月初六日

再臣遵查部下各營勇少兵多其統帶各鎮將均受

恩深重圖報未遑祇以南北奔馳士馬疲乏而臣復弱劣調度乖方以致師久無功實已同深愧憤茲幸

朝廷俯賜曲全責以後效並蒙

簡派大學士官文署理直隸總督軍政一新眾情倍奮臣隨在

行間自應將各將士妥爲駕馭以期同仇偕作速靖畿甸仰慰

聖廑至臣營親兵陸續裁撤現祇二十餘員名此外惟黃仁遺

江開泰隊內尙有南來弁勇二百餘名不在親兵之內前經

奏明俟梟匪事竣全撤回南其現在隨臣追剿僅保定練兵二

百餘名亦因奔馳日久尙須暫撤回省重加整頓茲欽奉前因  
擬卽將江開泰黃仁遺兩隊調赴臣營隨同進剿又余承恩所  
帶步隊練勇前奏擬仍調赴河防應俟其馬隊到時斟酌辦理  
均飭令妥爲管帶不任稍滋事端現在匪勢南趨臣卽當帶隊  
跟剿官文尙未到任所有直隸總督關防擬卽由營封固派員  
撥兵護送回省暫交藩司鍾秀接收以便辦理地方一切事宜  
是否有當理合附片具奏伏乞

聖鑒訓示謹奏

各營追擊梟匪連勝疏

同治六年十一月

奏爲遵飭各營追擊梟匪連日獲勝現在賊蹤

奏祈

聖鑒事竊

臣

於本月初五日在固安行次將匪

竄情形奏報後計該匪復循舊路由新城雄縣

南路各起練兵擇要分駐以備截擊

臣

亦卽親

後接據探報該匪於初五日竄至固安縣屬之

處經該村聯莊團勇與賊接仗互有殺傷適副

督所部先後追至合力兜剿該匪竄過清河南

拒我軍槍礮齊施斃匪二十餘名奪獲馬四匹

日匪向雄縣汜河口奔竄總兵黃仁遺倍道馳至槍傷斷後馬賊多名生擒二名獲馬二十一匹初七日餘匪竄至高陽屬之趙家莊李昌連帶隊截擊槍斃賊匪二十餘名生擒馬換莊等五名獲馬二十餘匹救出難民多名匪勢敗向西南現探由蠡博一帶竄至定州屬境已飛飭余承恩各軍迎頭截擊並飭陳濟清等軍實力窮追冀收夾擊之效一面飛飭南路各府州督率勇團擇要堵禦惟該匪尙在祁定一帶難保不被擊肆竄臣擬由西南一路前進督飭各軍相機堵剿並咨會穆騰阿其籌扼截以杜北竄迅圖掃蕩臣現在尙未交卸自應凜遵諭旨將剿賊事宜認真經理斷不敢稍存諉卸致負



天恩有干嚴謹理合將遵飭各營追擊梟匪連日獲勝現在賊蹤南竄情形恭摺由驛馳奏伏乞

皇太后

皇上聖鑒訓示謹奏



廣東巡撫謝

恩疏

同治十年五月二十二日

奏爲叩謝

天恩並起程赴任日期恭摺奏祈

聖鑒事同治十年五月初七日

臣

在籍接準湖南巡撫

臣

劉峴

咨開四月二十六日準兵部遞到軍機處封寄四月十五日內

閣奉

上諭廣東巡撫著劉長佑補授卽著馳赴新任毋庸來京請訓

未到任以前仍著瑞麟兼署欽此欽遵錄行到

臣聞

命之下感激涕零慚悚汗出當卽恭設香案望

闕叩頭祇謝

同治十年五月二十二日

天恩竊

臣

才識庸愚遭逢際

何

恩至重負疚實多前在直隸總督任內勦捕梟匪日久無功仰

荷

矜全僅予罷斥事竣之後復蒙

賞給頂戴帶勇回籍凡此

天高地厚之德久深鏤心刻骨之忱數載以來閉門循省愧悔  
交縈自問廢棄終身無可解免何期

聖慈再造昇以封疆

臣

雖至愚天良未泯何忍自甘暴棄重負

生成伏念廣東爲渤海雄區巡撫有綏疆重寄如

臣

駑鈍早在

聖明洞鑒之中實恐鉅任難勝前愆莫贖尙乞

恩賜訓誨俾有遵循臣惟當殫盡血忱益矢勤慎以期仰報  
鴻慈於萬一臣定於六月初八日由籍起程取道粵西乘船前  
赴東省較爲捷便除俟到省接任月行陳報外所有微臣感激  
下忱謹繕摺借用湖南巡撫關防具奏伏乞

皇太后

皇上聖鑒謹奏



調補廣西巡撫謝

恩疏

同治十年七月二十九日

奏爲叩謝

天恩暨

微臣

交卸廣東撫篆前赴廣西新任啟程日期恭摺仰

祈

聖鑒事竊

臣

於同治十年七月二十一日準兵部火票遞到軍

機大臣字寄同治十年六月二十一日奉

上諭昨有旨將劉長佑調補廣西巡撫該撫謝恩摺內本有取道廣西前赴廣東新任之語著於接奉此旨後迅赴桂林省城接印視事仍無庸來京請訓廣西地方遼闊伏莽甚多南太泗鎮等屬尤爲盜賊淵藪其附近越南邊境時有匪徒滋擾叛服

靡常該撫到任後於察吏安民及勦辦土匪一切事宜務須認真籌辦毋稍因循馮子材現在帶兵勦辦越南竄匪當與和衷其濟以期迅速咸功將此由五百里諭令知之欽此同日又奉到同治十年七月初一日

上諭黔省下游漸次肅清正等及上游軍務著曾璧光周達武酌度機宜知照馮子材等撥兵助勦劉長佑抵任後即著與馮子材和衷商辦以資得力等因欽此臣祇承

新命詳釋

恩綸察臣愚忠以用功不如使過

知臣驚弱以就熟較易圖新猶復



獎迪微長

垂慈訓勉跪誦之下感悚彌深當卽恭設香案望

闕叩頭謝

恩查臣前由籍取道廣西業於六月二十八日行抵廣東省城

接篆視事曾經恭摺具報計程尙在途中茲欽奉前因謹將

欽頒廣東巡撫關防太平橋監督關防並

王命旗牌等件於七月二十二日委員齎送兩廣總督臣瑞麟

祇領兼署臣卽於八月初一日由省河溯舟迅赴廣西新任伏

念廣西內多伏莽外控交夷隱患猶未盡除邊防尙須加密乃

蒙我

皇上指授機宜洞燭萬里凡隸窮徼皆感

解幪况臣在粵西有年久與百姓相習臣稔知粵西風土粵西

亦安臣教令此次復蒙

皇太后

皇上破格簡用調撫是邦臣若不知力圖振作刻刻以安民察

吏興利除害爲心不惟有負

天高地厚之恩亦無以對此廣西百姓且臣以一書生受

兩朝曠世知遇洵慙封圻曾經八載臣今年五十有四不及

聖主用臣之時竭犬馬以報

君父精神復留之何用惟臣才力智術限於秉賦雖殫極驚駭

而愈難報稱祇益悚慚此則不能不仰求

聖上憫臣禱昧隨時

諷勸提擻宥其愚以策其不及者耳臣又念荒服之寇可近擊

而不便窮追邊隘之師能協防而難於越勦誠以窮追則必深

入後路或致慮空虛越勦則必添兵饜需將倍形竭蹶其越南

竄匪及黔省上游應如何相機接撥以靖內而攘外之處臣現

與督臣瑞麟悉心商度倘有端倪並擬於過樁時就近函約廣

西提臣馮子材由南甯順流至梧會商妥辦倘提臣駐關督勦

未便暫離亦即轉飭前次奏派隨營襄辦之候補道華廷傑來

梧詢商臣仍當隨時隨手與提臣馮子材和衷一切認真籌辦

以期仰副

皇上靖邊綏遠至意除俟到任後將接印視事及遵

旨辦理情形續行奏報外所有微臣感激下忱暨交卸起程

日期理合恭摺叩謝

天恩再此摺係交卸後在東省拜發借用廣東巡撫關防由驛

馳遞合併陳明伏乞

皇太后

皇上聖鑒訓示謹 奏

附陳廣西情形片

同治十年八月二十二日

再廣西自金田構難永安突圍始祇潢池之亂民竟成滔天之  
巨寇迨尋禍本實由官邪以貪黷供媚上之資以粉飾爲固位  
之計因仍覆轍遂致燎原今幸大盜就平南疆略定而昔之被  
脅逃歸者有之昔之從逆投誠者有之方其遺散之初原無反  
側及至回籍之後亦冀更新無如村僻愚民動相讐殺況此夙  
非馴善尤易猜嫌因讐殺而遂犯刑章因猜嫌而復萌異志現  
如藤縣永安州之何梁二姓卽藉械鬪而搶劫平民近郡且然  
何論邊遠並聞不法之輩多以團總自居抗拒正供劫持良懦  
不加懲艾必貽隱憂查南鎮泗太非控連交廣卽接壤滇黔風

氣澆漓誠爲難治然而崔苻餘孽追伏靡常勢未鴟張計猶鼠首非如疇昔土酋之攻據城寨石逆之裹殺民人使道府能認真督查牧令敢不盡力使牧令能實行保甲姦宄何自而容顧法立弊生言易行難是欲消患未形斷非得人不可至廣西兵力半駐越南邊關其餘或戍滇黔界上或駐各府屬中零星抽調未能成軍臣就現在情形再四熟籌其邊關內外各軍應由提臣就近隨時整飭相機調遣以外各營擬於通省道府中無論寶缺候補擇其文武可用膽識較優者數人處以盤錯之任卽假以便宜之權於勦捕中藉察廉能於調撥時量加裁併庶於吏治軍政稍有所裨臣禱昧之見是否有當伏乞

皇太后

皇上聖鑒訓示再越南竄匪疊經提臣馮子材督軍剿辦甚爲得手惟鄧建新等股匪尙夥蘇軻漢亦叛服無常臣前已函約馮子材來梧就近和衷商辦以期安內攘外仰副

宸廑至地方利弊守令賢否與一切應辦事宜容臣條訪確查隨時奏請

恩訓合竝附片陳明謹奏

Blank ledger page with 11 vertical columns and a header area at the top.



匪首曾亞日等就殲疏

同治十年八月二十八日

奏爲援匪續行西竄官軍馳赴圍剿匪首曾亞日等悉  
並派弁拏獲內地要犯陳安甯恭摺由驛馳奏仰祈  
聖鑒事竊照越南軍務自官軍攻克長慶進剿鄧建新  
破香洧硝廠各賊巢並截擊青箕援逆全股撲滅均經  
會同前護撫臣康國器於七月三十日馳奏在案查  
自敗遁後潛約水東左結之賊分隊陸續來援前隊王  
甫經剿滅旋探得中隊匪首曾亞日復糾黨千人由板  
竄入北甯諒江府鳳眼縣界襲破上林社夷村距近北  
芒大路復據夷官探報情節相符總兵劉玉成參將陳朝

報卽派隊截勦於七月十五日督率柳鎮四營並飛調建立兩營馳赴上林社環村列陣匪出細審村闌四面堅牆詢之夷官僉云此村本所築堡壁穩固資糧頗饒歷經匪攻皆不能下不虞民與相持一日乃破慘遭屠戮容有孑遺殲辦劉玉成等下令浚塹佯示圍攻匪尙待援後隊援逆眾約千餘竄踞賴安黏山東枚等處卽一面分軍攔截一面督隊鑿壕嚴防逾十晝軍密布重圍後路絕援思遁無術始遣匪目董款劉玉成以該匪勢蹙乞撫勒繳軍裝二十六

百餘名繳到槍矛等件當將降人分哨管押隨挑各營勇隊三  
成並飭夷官導前入村搜捕餘匪分別村內良莠復獲真匪百  
餘訊據匪首曾亞日供稱委係曾亞治之兄亞治伏誅接充賊  
首隨同王大率黨赴援又據匪目黃文廣曾紀瑞何大成陳夫  
興黃永林鍾觀保等供認黨抗官軍逆情不諱劉玉成窺度該  
匪實係稔惡積猾援絕投誠我軍如進勅賴安難保彼不更圖  
狡逞否則乘隙脫走情事俱在意中非芟絕根株恐滋後患訊  
明後密傳口號立將股匪無分首從悉正典刑內有夷匪八名  
夷官領回梟示並無一賊漏網奪獲耕牛二百餘頭穀米山積  
一並點交夷官轉給村民認領夷官夷民莫不歡欣鼓舞洵足

彰

天討而快人心由各將領據情稟報前來伏查曾亞治雖前經鄉民礮斃其黨素稱兇悍滋擾越南多年此次伊兄亞日及匪目黃文廣等於圍攻夷村誘擒正法勦辦尙中機要惟賴安粘山東校等處踞匪尙多已飛札副將陳得貴部勇扼紮北芹會同上林社各軍分道攻勦並檄催越南官兵層層堵截杜賊旁竄臣等仍當嚴飭將弁務將東路肅清屆時再審察西路賊情分別勦捕以仰副

皇上綏靖藩服至意再臣子材疊據俘賊生供稱有內匪范三大陳九大卽陳安甯二名暗勾水東左結之賊由賊中攜帶銀

兩潛回廣東欽州那天墟等處並在西省上思州邊境招集無  
賴帶起水東以是賊夥日增愈勦愈眾且賊營軍火盡係范陳  
二逆往來北海採辦運濟等語查范三大陳安甯均寓籍欽州  
那天墟會於六月內私回招黨出入上思邊界臣子材當派差  
官馮紹瑛密往探緝至欽州大寺汛地面始得賊蹤適欽州署  
大寺汛把總黃紹功正在確訪密拏彼此會商圍捕於七月初  
六日各帶兵勇突入那天墟兜緝范三大聞風竟脫生擒陳安  
甯送營委員研訊各情交甯直陳不隱卽將該匪正法仍派得  
力差弁購綫計擒范逆並由臣長佑分飭南太鎮沿邊漢土各  
廳州縣一律嚴查內地通賊各匪探蹤掩捕以杜賊媒至欽州

署大寺汛把總高州鎮標效力武舉黃紹功以鄰弁出力會拏要匪實屬緝捕勤能可否以干總儘先拔補並賞戴藍翎以示鼓勵之處出自

天恩臣等謹會同大學士兩廣總督臣瑞麟合詞恭摺由驛馳奏伏乞

皇太后

皇上聖鑒訓示謹奏

欽奉

諭旨縷陳下情疏

同治十年十月初四日

奏爲欽奉

諭旨縷陳下情恭摺仰祈

聖鑒事竊

臣於同治十年九月初七日在梧州府城承準軍機

大臣字寄同治十年八月初七日奉

上諭粵西久遭兵燹地瘠民貧吏治廢弛地方官復狃於積習一味因循必須封疆大吏整躬率屬破除情面隨時大加懲創方足以挽頹風劉長佑向來辦事尙能認真惟情性過於寬厚若不濟以剛斷遇事優容使人知感而不知畏則不肯官吏巧於嘗試必致故態復萌劉長佑當振刷精神悉心整頓凡與利

劉武儀公全集

卷十五

三

除弊察吏安民諸務期於法立令行雖不必以操切爲能要不可以柔慈貽誤方爲不負委任該撫前在直隸所帶楚省將勇均不得力且多滋事此次入粵距湖南原籍甚近如有懇請隨同報效情事萬不可允其所請如須招募儘可就地取材經費既省約束亦易倘帶兵將領乏人著該撫於馮子材軍營商酌調派以資得力將此諭令知之欽此欽奉之下仰見我皇上軫念邊陲以安民必先察吏特頒明訓以剛斷可濟寬柔於申明鑒戒之中寓激勵裁成之意下忱感悚敬佩不忘伏查廣西自羣盜削平後大吏或狃於物安屬僚多習爲粉飾若不及時整頓日甚一日必致貽誤地方臣稟賦有偏才識



尤陋自問無可過人故嘗失之過寬自愧未能化人故嘗失之過厚至於是非之辨邪正之分苟爲見聞所及亦斷不敢自欺其心以上欺

君父茲幸仰邀

天鑒俯察愚忱祇當力矯其偏勉補其過爲官吏除積習爲地方圖久安求無負此不敢自欺之初心而已前由直隸帶回將勇均經遣散歸農近始有分投川黔各營者以其統將本係同鄉臣亦未能查禁臣籍寶慶府楚勇自道光年間隨勦以來歷保鎮將已奉撤歸無慮千數百人居閒日久生計頗絀臣此次甫奉

恩命懇隨自效者接踵而至比經婉爲開諭並無一人同來祇  
有府城團局因臣由山路入粵派來練勇十名護送前進到任  
後隨卽遣歸又查得廣西現有兵勇尙敷調遣臣前已奏明  
但當歸併整頓無庸另議開招且現有各營大半臣之舊部卽  
提臣馮子材所部將弁向隸臣部者尙多亦無庸另商調派臣  
愚猶有不能不鯁鯁致慮者臣籍距粵最近楚軍在粵最久從  
前營中員弁流寓粵省實不乏人而寄籍耕商及就館教學者  
不在此內固未必盡屬匪人亦難保皆爲善類臣到任後卽嚴  
行關防密加查察正恐有不肖官吏無知愚民遇事招搖藉端  
哄喝或冒爲臣親友或指爲臣將弁持論者甚或從而附會之

彼時防察不及辨白無由臣之獲咎愈益深重此蓋事情所恆  
有臣非敢故爲疑難之詞亦非敢豫爲解免之地惟有仍懇  
聖慈恩加訓誡俾有遵循無任惶悚之至所有欽奉  
諭旨縷陳下情理合恭摺具奏伏乞

皇太后

皇上聖鑒訓示謹 奏



藤縣逆首就擒片

同治十年十月初四日

再藤縣屬境之峯門大岸上下寨新地堡其地縱橫一二百里  
路徑崎嶇久爲賊藪尤以滿村之何先體爲亂魁而梁稅等則  
又金屯山之要匪何先體之悍黨也前經護撫臣康國器 奏  
奉

諭旨刻期攻剿遵卽檄委平樂協副將張鵬飛選用副將陳培  
桂會督參將曹福祿盧爵游擊侯勉忠都司梁效賢盧殿清吳  
彪各帶營勇分馳剿辦並札藤縣令趙準永安州牧況逢春平  
南縣令方宗冕督團會營扼要防緝在案詎何先體聞官兵進  
剿卽於大小東岸分布匪黨意圖抗拒盧殿清吳彪先至思排

各率所部分由大小東岸進攻迭將坡頭花明塘樓下祿等處  
巢寨攻破殲斃匪黨數十名擒獲何亞養等七名維時何先體  
已從上流偷渡回踞滿村盧殿清等帶勇跟追逼村回勦何逆  
復乘夜潛逃況逢春趕抵上楠探知河東颺匪半匿塘村卽督  
守備黃政球千總李耀成等率練環攻燬其柵門礮樓該匪棄  
巢遁入金屯又經勇練踵至連破土圍四座殲斃悍匪十餘名  
將滿村金屯匪巢先後攻克惟查首匪何先體梁挽等均尙在  
逃經臣復嚴飭各營及接壤各州縣設法緝拏去後張鵬飛陳  
培桂等商派千總吳如組外委庾應榮帶同團總梁華岱在於  
土營山等處將梁挽梁亞二何日榜三名弋獲復飭梁效賢約

同曹福祿帶勇由雙坪堡太坪墟進逼峯門將大岸上下寨新地堡各賊圍攻破殲匪八十餘人生擒黃茂智等四名又探得要匪黃三卽黃其泰匿於六力埔尾張鵬飛況逢春會督勇練前往兜圍礮斃匪首黃三解首送驗其塘村之沙郎五卽黃輔臣花明村之黃八麟頭村之鄧八等續經從九鄭立勳帶同眼線於三桂山一帶改裝掩獲何先體同悍黨遁入平藤交界之加漢山經李耀成鄭立勳等偵知帶勇馳捕何先體卽向藤蘿嶺冒死遁去我勇追殺其悍黨林祿唐滿二名生擒黃七卽拳摩七何若深二名隨據藤縣趙準平南縣方宗冕先後稟報何先體於九月十三日逃至平藤縣界上經平南團練劉茂發藤

縣團紳黃奇珍集練圍住盧殿清等亦帶眼線勇丁趕到共將  
逆首何先體拏獲並擒斬匪黨易价道等數名由況逢春等押  
解前來臣查該逆何先體自咸豐初年蓄髮倡亂被勦就撫近  
復糾黨攔河橫行劫殺深爲地方之害茲幸巨憝就擒實足快  
人心而昭炯戒其先後斬獲之金屯要匪黃三梁琬梁亞二滿  
村要匪林祿唐滿黃七沙郎五鄧八何日榜黃八等皆兇悍素  
著與何先體同惡相濟久捕未獲者除飭將何先體解省交臬  
司督同桂林府訊明正法梟示外其黃三林祿唐滿已於陣前  
伏誅餘匪梁琬何若深何茂智易价道等十數名均分飭永安  
州藤縣平南縣訊錄確供盡法懲辦並飛飭陳培桂曹福祿會



同況逢春趙準等將永藤交界各漏匪搜緝務獲一面妥辦善  
後事宜所有在事之員弁團紳不無微勞可否由臣擇尤附案  
請獎以示鼓勵出自

天恩再革生梁汝弼因與何先體尋仇械鬪其黨亦往往攔河  
截擄雖原情律罪似較先體爲輕然其聚眾強橫罔知法紀亦  
未便因該革生此次帶團嚮導稍事姑容臣已密飭盧爵誘擒  
送梧卽發交梧州府歸案定擬藉杜害萌又據融縣稟稱永甯  
州四十八弄之逃匪伍琬等現復竄往柳城余家上雷等村句  
結土匪余老四等滋擾地方各情臣已疊飭游擊黃興仁守備  
宋傑帶勇迅赴該縣會同文武兵練嚴行勦辦昨復添派都司

盧殿清吳彪兩營前往助剿以期速殲餘孽而靖地方理合附  
片陳明伏乞  
聖鑒訓示謹  
奏

會籌越南軍務疏

同治十年十月初四日

奏爲會籌越南軍務擬請先清海太仍扼邊要以固本根而資協勦恭摺仰祈

聖鑒事竊維用兵之要以計爲本以全取勝不忽近以圖遠不事外以虛內今之安南古駱越也非禹貢所及冠帶之圻由漢迄明屢征輒叛皆割棄不屬羈縻而已我

朝自黎維禔始內附稱藩表貢方物然其後黎莫構釁篡殺相尋二百餘年亦以越人相攻自古已然不足以煩中國也自同治八年吳終畏誅出關逃死踰域追勦勞師二年我軍於是有河陽安邊之役旣而吳逆授首餘匪就平九年秋在越充練積

年流寓之蘇四卽蘇嚨漢等因該國議欲以兵驅逐乘閒攻陷  
牧馬襲據諒山而夷官狃於招安十年正月該國王咨請委員  
赴諒會辦遣插臣子材亦欽奉督勦越匪之

命進駐龍州我軍於是復有牧馬長慶之役六七月閒劉玉成  
等自長慶追賊香海連克憐彬硝廠青篋上林尋復進擊賴黏  
雕勦洞卜威震夷落望風潰逃惟蘇嚨漢聲稱投誠餘黨尙懷  
反側還勦則致礙撫議深入則恐彼生心以此瞻迴未能遽決  
八月十九九月初五等日臣長佑臣子材各準督臣瑞麟函咨  
以蘇嚨漢首鼠兩端應卽一體勦辦查該逆等或棲遁廣安或  
盤踞北溪水潦饑饉鳥聚獸散及今離渙當易殲除如能乘積

勝之威自東徂西海太肅清可月日冀而臣等商數四並據  
廣東候補道華廷傑由龍州來梧面述情形覆度進止欲一勞  
永逸則宜直擣河陽念空內遠攻又當綢繆吾圍何則河陽距  
關二千餘里窮兵討捕約有數難叢林險阻洪潦縱橫騎步相  
持進退失便難一也水土惡劣霧露毒淫疾疫棄捐十常七八  
難二也空壘大舉邊無留屯逐塵追奔師乏援繼難三也千里  
饋糧樵蘇後饟曠日煩費餼運不給難四也醜類眾多夷兵積  
弱至則走險還則爲寇難五也獸鋌不顧雖困猶鬪一有挫失  
損重褻威難六也雉竄窮咀非滇則苗兵連不休殫糜歲月難  
七也黔邊日警腹地空虛宿兵不毛坐自罷敝難八也夫以

聖主大一統之義 宏無外之仁而臣等發難多方轉覺意存  
膜視第內度諸已力非有餘外度諸彼勞或無益前署撫臣李  
福泰請俟規服高平牧馬卽扼要防守遙爲聲援路遠之宣光  
等處應由該國自行辦理所奏似不爲無見臣等今擬督飭在  
事將領芟蕩海陽太原俟蘇邨漢等伏誅邊隅稍定卽迴師列  
守衝要申嚴關禁以尊

國體以固藩籬其河陽興化距邊較遠仍遵奉

前旨傳知該國自行攻勦如此則可分助越之眾協勦黔苗抽  
出關之營先清土莽不因徼外之寇而弛境內之防不圖難竟  
之功以弭未形之患強本輕末務出萬全是否有當謹會同大

學士兩廣督臣瑞麟恭摺具 奏伏乞

皇太后

皇上聖鑒訓示再候補道華廷傑前經奏派幫同臣子材辦理

關外勦撫熟悉邊地情形近因侵染瘴疫請假調理臣子材順

飭請臣長佑便道陳商仍令俟醫治痊可即赴大營照前襄理

一切以資臂助臣長佑即於九月十六日由梧州起程乘船赴

省合竝陳明謹 奏

客...  
...  
...

三三



攻克舊街首逆就擒疏

同治十年十一月初六日

奏爲官軍攻克舊街逆巢追賊東興首逆就擒恭摺仰祈

聖鑒事竊臣等於八月十九九月初五日準督臣瑞麟函咨

以蘇桐漢等不願刺字招局難成正在籌商勦辦聞旋欽奉同

治十年八月十六日

上諭逆首蘇桐漢遣黨赴廣東乞降業經瑞麟派委知府何世俊等前往查辦該匪是否真心反正瑞麟務當飭令何世俊等詳細察看不可輕率招撫致貽後患並著馮子材等就近體察情形倘該逆意存反覆卽行派兵進勦毋誤事機欽此仰見

聖明遠燭

謨斷如神制勝折衝懍遵

指授奮蘇逆股匪虜聚廣安眾約數千人心懷反側幸督臣前  
經分別出示勦撫兼施元惡必誅脅從罔治有願回籍悉予自  
新由是賊勢漸衰逃歸者眾惟蘇逆意圖狡窟尙敢負隅臣子  
材卽飛調總兵劉玉成參將陳朝綱千總楊瑞山等分由北麗  
北芹那楊三路並進直擣逆巢臣亦檄飭廣東大鵬協副將  
雷秉剛暨欽州文武各督兵練扼紮東興堵禦九月二十四日  
劉玉成等齊抵坑續邱善一帶距舊街二十餘里卽於是夜五  
鼓整隊進攻該逆見我軍合勢兜圍卽日棄巢敗竄當將舊街  
攻克乘勢追殺直抵海甯匪眾死散過半蘇逆竄伏靈山寺兩

猶率死黨屯踞各營踵至正擬繞道掩擒適廣東副將雷秉剛  
欽州知州陳起倬等探知賊情窮蹙逆勢已孤一面督勇嚴緝  
一面遣人招誘蘇幟漢因追師逼近無隙可逃乃於二十九日  
攜養子亞鄧暨悍匪數人奮死突奔東興爲雷秉剛等弋獲劉  
玉成等復三面追殺擒斬纍纍訊據生供蘇逆養子亞鄧潛逃  
不知去向並探得漏匪張世顯亦爲我軍擊敗竄入十萬山中  
餘黨紛紛逃回東界由各將領稟報前來臣等伏查首逆蘇幟  
漢久在越南最爲叵測去秋大軍凱撤彼卽襲踞諒山後雖受  
撫夷官實藉厚賞嘯聚羣盜盤踞廣安腹地莠民聞風蟻附內  
則爲粵邊肘腋之患外則與越匪表裏相援而舊街復近海洋

深恐勢成逋寇茲幸兩省合剿掃穴殲渠東路漸清稍紓邊患  
除仍飭陳朝綱楊瑞山兩營接捕遺孽訪拏逸匪其劉玉成一  
軍已調回太原與陳得貴等會剿西路瓊北二山股匪以厚兵  
力而殄逆氛所有此次出力員弁商由臣子材查明存記彙請  
恩獎理合將攻克舊街逆巢追賊東興首逆就擒各緣由謹會  
同大學士兩廣總督臣瑞麟恭摺由驛馳奏再臣長佑於九  
月十六日由梧州起程十月初十日抵省沿途查看民情安謐  
歲事順成足以仰慰  
宸念合併聲明伏乞

皇太后

皇上聖鑒謹 奏

臣等謹將所請事宜

謹

皇正地心之体三ノ三

勦辦河池下坳崗匪片

同治十年十一月初六日

再河池州三旺州同所轄之下坳地方逆首黃有仁匪目謝老  
宋莫四王顯貴等盤踞鎮南里籠旺崗等處糾黨劫殺控案鱗  
積前經護撫臣康國器札調游擊潘德言都司劉貴榮會同知  
州蔣祥西州同洪杰各督勇練勦辦在案查籠月崗匪目謝老  
宋籠登崗匪目莫四與黃有仁所踞籠旺各崗毗連東蘭州及  
興龍安定永順各土司界橫亘百有餘里皆懸崖峭壁深箐密  
林該逆恃其險固出沒無定劉貴榮等先飭團長覃中和親兵  
袁雲彩潛入籠月崗設法招擒謝老宋覃木保二犯而莫四等  
尙黨抗負隅潘德言移營下坳疊次猛攻均未得手會盤獲莫

逆匪黨李亞六一名供係被遺至永順搬匪約令七月初三夜  
回巢蔣祥西等乘機開導許其立功自贖屆期遴派勁勇帶同  
亞六夜赴籠登崗巢先通暗號該匪聞聲開柵各勇奮勢衝入  
斃賊二十六名莫四登時伏誅而黃有仁仍糾死黨燒破籠昂  
崗開佔踞籠旺籠潭魚崗各要隘險成壕憑高拒敵潘德言  
等督各弁勇負土填壕進札籠必崗直取三叉扼其前路並分  
營會紮甘昇迭克拉甘籠敦各崗遏其後路時黃逆悍黨王顯  
貴煽集東蘭興龍安定各匪千餘人力扼魚崗圖拒官軍副將  
潘其泰孔憲隆等稟請添兵助剿臣以山徑崎嶇非用眾之地  
飭就現有兵力相機剿辦去後九月初九日潘德言等三路會



勦苦戰兩日礮斃首匪韋老福及悍匪多名而魚崗籠要各卡  
匪殊死拒至十九日秦定基黃則誠等襲破籠新崗率勇攀籐  
先登潘德言乘勝從外卡攻入黃有仁由籠旺率眾來援我勇  
奮力擊走進逼魚筒火其巢並將籠角籠要籠馬各寨以次擊  
破擒匪日賴長王福保長腳王四等軍前正法餘匪分竄籠潭  
籠家壁復經我軍攻破斃悍匪三十三名十月初一日會勦黃  
逆籠旺老巢潘德言劉貴榮等分三路前進洪杰督練與裕字  
營勇從小徑緣上擊退山巔之匪舉礮爲號各營三面齊進破  
柵毀巢斃匪八十餘名追至後山又斃匪二十餘名黃逆率死  
黨奪路逃去初二日我軍及之於籠歸崗斃悍賊十餘名又及

之於籠富崗籠江崗斃匪五十餘名擒賊目王顯貴王連貴王  
木貴訊供黃有仁已逃入安定所轄梅崗地方卽一面移會該  
上司督練協緝詎籠瓦崗突有黃逆匪黨數百於初四夜五鼓  
來襲官軍各勇奮擊敗之追至籠瓦破其寨柵斃匪三十餘名  
擒匪目李貴生韋記二名與前獲之王顯貴等均就地梟示餘  
匪竄踞籠扶籠賓兩崗復經各勇擊破斃匪五十三名旋據安  
定土巡檢牒稱於籠達隘口將逆首黃有仁擒獲由蔣祥西潘  
德音等稟報前來查逆首黃有仁以首民怙惡不悛負險爲  
巢曾於同治八年殺死白士長等三十四命本年二三月間復  
與謝老宋莫四等先後攻劫鎮南里光巖里各村寨殺斃團長

原生革繼光武生覃雲光及練勇多名且招聚夥匪盤踞各崗  
深爲地方之害此次經潘德言等節節攻剿焚燬崗柵十餘處  
殲獎逆黨數百名首要各匪以次殲獲實足伸國法而靖邊  
塵除仍飭會同搜捕餘匪妥辦善後並檄思恩府轉飭安定土  
司迅將黃逆解省訊辦其在事出力員弁勇練擬由臣查明存  
記附案酌保所有剿辦河池州下坳崗集諸匪及擒獲逆首黃  
有仁各緣由理合附片陳明伏乞

聖鑒訓示謹 奏

Year	Jan	Feb	Mar	Apr	May	June	July	Aug	Sept	Oct	Nov	Dec
1937												
1938												
1939												
1940												
1941												
1942												
1943												
1944												
1945												
1946												
1947												
1948												
1949												
1950												
1951												
1952												
1953												
1954												
1955												
1956												
1957												
1958												
1959												
1960												
1961												
1962												
1963												
1964												
1965												
1966												
1967												
1968												
1969												
1970												
1971												
1972												
1973												
1974												
1975												
1976												
1977												
1978												
1979												
1980												
1981												
1982												
1983												
1984												
1985												
1986												
1987												
1988												
1989												
1990												
1991												
1992												
1993												
1994												
1995												
1996												
1997												
1998												
1999												
2000												

進剿越匪克復城巢疏

同治十年十二月十九日

奏爲官軍進剿西北越匪殲擒悍逆克復城巢恭摺仰祈  
 聖鑒事竊臣等前於十一月初六日曾將攻克舊衙逆巢追賊  
 東興生擒首逆蘇四等情馳奏在案方我軍之移師西注也  
 北路防勇僅有精字一營而前竄買市之阮四鄧仕昌馬二等  
 收合燼餘將由大嶺潛襲高平臣子材接據探報先後飛調參  
 將林日貴游擊李揚才副將陳得貴等各率所部滾營而前或  
 遏守高平或合攻買市或堵擊西路或扼紮太原是時總兵劉  
 玉成等又以蘇逆負隅回軍東剿於是敗匪何三陳四周建新  
 暨土匪黃三大黃文英劉六李司牛頭陳二等復占踞宣轄感

樂廠斯立安居等處乘虛狡逞回擾太原遂陷崇化通化白通  
文朗各府州縣蔓至都市溫良瓊山北山那婁各社太原夷省  
三面戒嚴九月十七日李揚才等三營馳抵布來宏諒等村壘  
柵未成賊已蠶至守備周炳林率勇力戰殪賊多名逆目鄧仕  
昌殲焉乘勝追抵買市逼賊而營旬日之間逆援踵至李揚才  
於二十八日豫飭周炳林蔡紹侯等三面設伏以輕卒詐北致  
賊空壁以逐回師擊之賊果潰奔陣斬逆目馬二擒梟五十餘  
名奪獲槍礮旗幟多件該逆旋於買市墟外據險益壘以老我  
師臣子材加調選字左營由牧馬馳往協勦時陳得貴一軍固  
守太原大慈偵悉各匪悍黨陸續分援買市遂於二十五日密

派都司劉應高蔡簡宸楊逢春府經歷廖景森等分帶選字建  
字等營進規溫良都市諸路三戰克之生俘賊目陳汝景卽牛  
頭陳二並悍匪梁二等多名奪獲偽印旗幟等件各賊奪路四  
竄我軍跟追及之於虔陽又及之於從化其餘匪復與黃三大  
黃文英等遁入從化府城併力抗拒十月初五日各營偪城環  
攻自午至酉未能還克乃鼓噪聲攻西北潛兵掩襲東南履薪  
登城周麾畢上俄頃城內火起黃逆率黨突出西門官軍截勦  
斃匪無數蔡簡宸廖景森楊逢春等督勇由東北西三門斬關  
殺入劉李二逆猶驅黨巷戰我軍上下包鈔該逆四百餘人悉  
數聚殲無一漏網初六日丑刻卽將從化府城克復救出夷民

男婦數百名口餘賊遠竄山西各軍仍回大慈都市而買市之  
賊自受創後高壘深溝堅守不出李揚才移壘壓賊之前復函  
會選字左營進紮銀山邀截其後該匪腹背受敵窮蹙失援於  
十二夜冒雨宵遁我軍跟蹤尾擊迭克銀山波賴匪巢追至野  
街板橋斬馘尤眾自太原以至買市均無賊蹤由各將領稟報  
前來臣等查阮四等乘我軍東勦滋蔓太原股黨鈎連此擊彼  
應陳得貴等以寡禦眾卒能審幾批卻入險摧堅迅拔城巢殄  
擒要逆實足紓邊患而肅

天威除留營仍紮銀山杜賊回竄其何三陳四周大等尙踞擾  
瓊山北山那婁等處已檄飭劉玉成陳得貴李揚才等剋期三



路會勘掃邊餘氛至此出力員弁可否由臣等擇尤開單籲請獎勵出自逾格

恩施所有官軍進剿西北越匪殲擒悍逆克復城巢各緣由謹會同大學士兩廣督臣瑞麟恭摺由驛馳奏伏乞

皇太后

皇上聖鑒訓示謹奏



蘇逆解歸廣東訊辦片

同治十年十二月十九日

再<sup>臣</sup>欽奉同治十年十一月二十三日

上諭蘇逆既經弋獲是否解至廣東正法仍着劉長佑等詳細具奏等因欽此查越匪蘇峒漢前經廣東副將雷秉剛等於東興地方用開誘獲<sup>臣</sup>等時以該逆係東軍計擒自應解歸廣東由督<sup>臣</sup>訊辦其報故於前次會奏未及縷晰聲明茲奉

垂詢無任惶悚<sup>臣</sup>於本月十四日接據瑞麟來咨知蘇逆已解至廣州飭發東臬司確審其散回內地人民亦分飭地方官妥爲約束至漏匪張世顯蘇亞鄧等仍由<sup>臣</sup>子材派弁密行購捕務淨根株以期仰慰

續世宗憲皇帝實錄卷一百一十三  
仁廛而消邊患合併附陳伏乞

聖鑒謹 奏

剿降越匪殄擒瓊武股逆疏

同治十一年二月初九日

奏爲官軍剿降越匪疊克城巢殄擒瓊武股逆恭摺馳 奏仰

祈

聖鑒事竊同治十年十月十六日 臣等曾將攻克從化買市各緣由具 奏在案維時敗匪黃三大之黨遁踞潞阮四等之黨遁踞蘇街白通通化何三等之黨遁踞樓上長舍新知而我軍陳得貴劉玉成李揚才等一由買市進規白通一由永安進規瓊武一由那宥進規板王後山十年十月十五二十二等日陳得貴所部之楊逢春劉應高蔡簡宸廖景森等先後攻潞瀝及白通通化兩城克之馘級三百殪悍匪百餘俘斬逆目謝素

庭阮文英盧有明追  
黃文英黃三大陸之  
派隊馳救力解城嚴  
丁芳劉應高出美爲  
騎賊十七獲馬匹二  
回蘇街而瓊山首匪  
知羅軒大道已爲該  
備宋遠明馮光賢千  
隨之後初五日黎明  
人瓊山震動李揚才

遂導軍勦板王後山生擒鍾三滿羅十八等瓊山北山武崖悉  
平何三潰而東走劉玉成振隊追之蔣榮昌林鳳鳴邀之長舍  
樓下又邀之香洧硝廠斬馘無數適守備楊瑞山擒解蘇幘漢  
弟亞王復由諒山調紮那陽杜賊旁竄並飛調副將陳朝綱同  
知陳以謨分兵兩路鈔擊何三被勦窮蹙乃殺馬塞奄蔑渭類  
之道以斷追兵自領死黨四百餘人由四莊山僻鳥道逃出諒  
山省轄之三星山據險爲巢其山三面陡絕一面臨河十一年  
正月初六日陳以謨督同參將陳秀成都司李石秀千總秦士  
壽麥鳳標軍功馮紹珠等環山攻堵令游擊唐榮廷率周仲汶  
降眾從中路仰擊該逆憑高抵拒正在相持陳以謨策馬大呼

各軍鼓勇齊進當將賊巢奪據陣擒首逆何三甯稅卽甯福興  
黃金卽黃裕勝等正法繳驗賊級三百餘顆餘匪逃至山腳千  
總陳肇堃軍功蔡紹侯督勇截殺紛紛投河淹斃並無一名漏  
網節據各員弁稟報前來臣等伏查何三全股撲滅東潮海安  
甯諒等轄俱無賊蹤除飭陳朝綱由那陽進兵平料冷洞及土  
思板溪平龍各村搜捕漏匪張世灝等以清東路餘孽其太原  
零星各匪統約二千餘眾仍責成劉玉成陳得貴兩軍馳往會  
勦迅速戡功至此尤爲出力員弁可否由臣子材查明彙請  
獎勵出自逾格

恩施所有勦降越匪疊克城巢殄擒瓊武股逆各緣由謹會同



大學士兩廣督臣瑞麟恭摺由驛馳奏伏乞

皇太后

皇上聖鑒訓示再臣等前奉

上諭著

臣

子材將進剿越南賊匪奪獲象隻發給夷官領還等

因欽奉之下遵卽轉飭總兵劉玉成傳知該國統督黃繼炎敬  
謹領收已於十年十二月十六日呈覆到臣理合附陳謹奏



拿獲著名匪目請獎片

同治十一年二月初九日

再廣東署欽州大寺汛把總黃紹功拿獲通賊要犯陳九大即  
陳安甯一名臣等於同治十年九月附陳以藍翎千總保獎在  
案其同謀之范三大及逆夥張三恆威即鄧恆惠梁大名卿等  
皆蘇幟漢黨中著名匪目經臣長佑臣子材疊飭沿邊文武派  
弁密捕並由左江鎮李起高懸賞一體會拏去後茲據南甯府  
城守都司韋如恆欽州營把總鍾金道方懋新外委陳士華暨  
上思州知州何應祥都司石鳳朝密派外委林鎮國監生陳邦  
政等分赴欽州那美那黎上思州淥允村平福墟地方將該逆  
犯等四名陸續擒解訊明正法均屬異常出力除何應祥另案

彙獎外餘弁可否援照黃紹功前案韋如恆請以游擊補用鍾  
金道方懋新請以千總拔補陳士華林鎮國陳邦政請以把總  
拔補韋如恆等六名並請

賞戴藍翎以示鼓勵而策後效出自

聖裁所有拏獲著匪范三大等緣由理合附片陳明伏乞

聖鑒訓示謹 奏

永甯武緣剿匪片

同治十一年二月初九日

再臣於同治十年十一月初十日欽奉

上諭永甯州四十八峯之逃匪伍稅等竄往柳城余家上雷等村結黨滋擾著飭令游擊黃興仁等迅速剿辦務絕根株欽此查匪首伍稅稔惡有年黨抗官軍在逃未獲臣抵任後接據雒容柳城各縣稟報該匪憑恃嚴阻頻出攻劫情形當飭黃興仁盧殿清吳彪暨四十八峯接壤之永融雒柳四州縣會督兵團入峯按捕各營四面堵緝該匪被困乏糧伊叔伍得喜等見兵勢已合陰爲內線遂斬伍稅解首送營當於平頭墟懸示遠近稱快其悍黨如韋勒底黎化成廖敏忠羅老發陶老三等或爲

賊中主謀或充先鋒行劫並經融縣知縣張毓麟柳城縣勇目  
鄧陽星於龍婆村觀音巖古蒙村地方帶練兜圍先後俘馘除  
檄飭會同該州縣文武分投入募查拏餘匪妥辦善後其韋勒  
底羅老發二犯已就地梟懸黎化成等三匪均俟訊明後卽行  
正法又臣接據左江道周星譽稟稱南甯思恩兩府轄境伏莽  
尙多近如武緣縣阮寺等村之李培雅蘇特木劉沅貞黃特廩  
林特五龍安縣隴密等村之李卜琼紅下扒梁三字盧成茂許  
善能宣化縣那美等村之陸文見黃色明等皆著名積匪各據  
堅巢賊悍黨繁句結滋擾雖經該各縣文武督練分剿兵力尙  
單道轄四營不敷調布並據武緣縣請兵助剿前來臣以永藤

首匪殲擒黔粵邊防尙固當於各軍酌調都司盧殿清吳彪守  
備方裕華等五營馳往勦辦並派才識穩練熟悉情形之前署  
思恩府事太平府知府葉葆元統領各營相機調勦以一事權  
所有四十八峯之匪首伍現伏誅並遴派知府接統營勇前往  
武緣等縣辦理勦匪事宜理合附片陳明伏乞

聖鑒訓示謹 奏





越南海太肅清疏

同治

奏爲官軍攻剿越匪海太一律  
越南派兵換守以示限制而  
聖鑒事竊同治十一年二月  
並督飭會剿太轄餘匪各緣  
斯立蘇街東園風薰義佐安  
地形牆闢爲最險固我軍於  
路前進劉玉成督楊汝廷林  
立風薰義佐安潤靈潭諸賊  
得貴亦督廖景森陳奇錦楊

汝廷宋遠明部勇踵至會合林汝貴蔡簡宸劉應高等趨野街  
下克蘇街斃悍賊多名追至左良敗之由是西北兩軍聲  
威聯絡而各路遁匪竄集左鷲增壘堅壁以圖死拒正月初二  
日賊以大股挑戰楊汝廷出擊賊偽潰把總覃士明追之中賊  
礮洞胸而殞賊復大至宋遠明楊逢春兩翼鈔之亦斃賊數十  
名陳得貴聞左鷲賊多而悍卽進軍夜板攻賊東南兩路劉玉  
成以覽箬未克亦調馮光賢移紮斯立令從九趙錦垂密偵賊  
出掠糧糈其巢馮光賢從後蹙之巢內之賊悉殲初五日鎮柳  
中營進逼左鷲西路初六日陳得貴親督大隊撲賊對面山麓  
各勇聞有傷亡殊不稍卻遂拔逆壘二殲匪無數忽飛礮貫傷

陳得貴右腕該將猶裹創力戰劉玉成復親督六營馳往晝夜迭攻該逆憑拒益力持至初七日甫將賊中六壘攻下層層圍紮火其老巢林鳳鳴廖景森等從西南角殺入蔣榮昌蔡簡宸斫後圍繼之斃悍匪七八百名當將左鸞克復餘匪奪路四竄兩軍分道乘之逐北百餘里初九日追抵宣光左大左真白苗地界始各收隊俘馘甚夥奪獲鉛藥器械馬匹米穀不可勝計據該鎮將等會稟前來臣等伏查太轄零匪經我軍兩路鈔擊盤克斯立等處逆巢該逆猶敢堅踞左鸞屢攻不下陳得貴裹傷血戰劉玉成等亦各督勇爭先遂將太原殘氛悉數掃蕩勦辦尙爲迅速所有此次攻拔堅巢肅清海太暨上年迭次勦匪

擒斬首要克復城巢芟除瓊武各股逆最爲出力員弁相應擇  
尤繕列清單籲懇逾格

恩施分別獎勵把總覃士明追賊中礮捐軀深堪憫惻擬請  
勅部照把總陣亡例從優議卹以慰忠魂此外在事文武容  
等查明勞績彙案 奏請獎敘再海陽太原各省現已肅清自  
當遵

諭回師扼要防守其距邊較遠之山宣興化閒有餘賊亦卽遵  
照前

旨傳知越南國王自行攻剿惟查太轄沿邊七八百里形勢險  
要久爲夷匪出沒之區不可無兵駐守除飭劉玉成等各統所

部暫扼太轄諸隘並照會越南迅卽調兵前來接戍以示限制  
而固邊防外謹會同大學士兩廣督臣瑞麟恭摺馳奏伏乞  
皇太后

皇上聖鑒訓示謹奏

THE UNIVERSITY OF CHICAGO

1964

1964

西稅不敷原額疏

同治十一年四月二十八日

奏爲粵西現徵西稅不敷原額懇

天恩再予試辦一年妥籌彌補恭摺仰祈

聖鑒事竊

臣

接準戶部咨議覆前撫

臣

蘇鳳文奏設廠徵收西

稅等銀一摺據兩廣總督覆奏並無窒礙所有廣東運庫欠解

西鹽道庫西稅秤羨等銀一百一十八萬一千九百一十七兩

五錢八分二釐應令該督剔清數目酌議籌補章程分限攤繳

惟見據廣西省送到秋撥冊內聲註此項西稅仍由鹽道委員

歸併梧卡徵收應令廣西巡撫將現辦章程徵收數目專案奏

報由部查覈辦理等因

臣

遵卽行據鹽法道劉楚英會同省局

司道具詳復查西稅銀兩於嘉慶十九年改由東運司徵收批  
解西省均屬按年移解並無積欠迨咸豐五年以後盜賊蜂起  
西省行鹽埠地均遭蹂躪商逃歇東運司旋復招商在梧州  
設局轉招水客拆運行銷徵收釐稅西省亦在抽釐濟饒嗣東  
運司以西省鹽釐過重水客力有難勝請將鹽釐酌減徵收西  
稅經前撫臣蘇鳳文會奏擬將東省來西鹽包入府河者自  
梧州歷平樂陽朔至省每包減去釐銀五錢入大江者自梧州  
歷濠江潯州亦減去釐銀五錢責成鹽道在於梧州府河設廠  
徵收遇鹽包入境按包徵銀二錢七分五釐抵解西稅坐平鹽  
規秤頭養廉耗羨等款並每包抽公費銀三分爲設廠委員薪



水書役飯食之用議自同治十年正月啟徵仍將所徵西稅等銀隨時撥充軍用卽由鹽道入於春秋撥冊分晰開報嗣前署撫臣李福泰抵任札飭司道會議畫一章程當經該司道等以西稅旣在梧州徵收若所減之釐銀五錢散歸各卡勻減仍屬事未盡一應將所減鹽釐全在梧廠減收由鹽道遴委委員赴梧會同釐卡委員監收毋庸另設稅廠以節糜費而歸簡便查西省遞年應徵西稅等銀八萬九千五百二十七兩五錢六分二釐除子鹽京羨等銀一萬四千七兩四錢一分九釐全歸東省籌辦撥抵外計由鹽道實徵西稅等銀七萬五千五百二十兩一錢四分三釐議歸西省減釐徵稅茲每包徵收稅銀二錢

七分五釐折實庫平坐平紋銀二錢五分非徵收三十萬二千餘包不能足稅羨舊額查舊額每年應徵西稅船頭入冊報撥充饒等銀四萬四千三十八兩五錢七分七釐又每年應徵秤頭鹽羨留作本省辦公等銀三萬一千四百八十一兩五錢六分六釐其應徵銀七萬五千五百二十兩一錢四分三釐茲覈梧州大江府江兩河現在每年銷鹽不及二十萬包缺額甚鉅因查粵東所設中柜南柜平柜等埠運鹽行銷西省之賀縣懷集南甯永淳各府縣前撫臣原奏尙未一併議徵西稅應請照章徵收以資彌補經委員前往確查業據會稟查覆當卽會議將賀縣仿照梧州章程均以淨鹽二百二十斤成包每包徵

收稅羨銀二錢二分以二錢爲正項以二分爲平頭紋水月抽  
公費三分懷集每包徵收稅羨銀一錢六分五釐以一錢五分  
爲正項以一分五釐爲平頭紋水月抽公費銀三分南郡下關  
卡仿照抽收鹽釐章程每包抽制錢一百五十四文以一百二  
十二文爲正項以三十二文爲公費上關卡每鹽一百斤仿照  
鹽釐章程抽制錢九十二文以六十文爲正項以三十二文爲  
公費所抽正項制錢隨時易銀覈實造報永清卡每包徵收稅  
羨銀三分六釐三毫以三分三釐爲正項以三釐三毫爲平頭  
紋水月抽公費銀一分均於十一年春開先後開辦茲據梧局  
監收委員冊報自同治十年二月二十五日開辦起至十一年

二月底止試辦一年期滿徵收臨全大江兩處稅羨銀五萬二  
十兩二錢五分尙不敷額銀二萬五千四百九十九兩八錢九  
分三釐惟賀縣懷集南甯永清各府縣自經兵燹之後元氣未  
復甫經開辦所徵稅羨能否彌補不敷之額難以逆料擬請再  
行試辦一年如額尙有不敷另行妥籌辦理詳請 奏咨前來  
臣查粵西酌減鹽釐徵收西稅現屆一年期滿據梧局委員冊  
報除徵收稅羨銀五萬二十兩二錢五分外尙不敷額銀二萬  
五千四百餘兩現議於賀縣懷集南甯永清各府縣一律徵收  
第甫經開辦能否彌補不敷額數尙難豫必相應仰懇  
天恩俯準再予試辦一年覈明是否足敷原額另行妥籌辦理

以重稅課再據該司道原詳現在按除伏莽堵禦黔苗勦辦越南夷匪需餼浩繁徵釐入不敷出所徵西稅等銀係屬減釐徵收應請隨時撥充軍餼至道庫年額應支各款亦應隨時詳報提支年終詳請 奏報合併陳明除咨戶部查覈外 臣謹會同大學士兩廣總督 臣瑞麟恭摺具 奏伏乞

皇太后

皇上聖鑒訓示謹 奏

Table with 10 columns and 1 row. The table is mostly empty, with some faint markings in the rightmost column.

--	--	--	--	--	--	--	--	--	--

卷之三

三

釐金撥濟軍餉數目疏

同治十一年五月二十八日

奏爲同治十年分廣西省抽收正釐撥濟軍餉及隨收公費數目恭摺上陳仰祈

聖鑒事竊照粵西軍務殷繁餉需匱乏歷經前撫<sub>臣</sub>督飭司道局員於桂林平樂梧州鬱林潯州柳州慶遠南甯等府州出入要口設卡抽收貨釐鹽釐以濟軍餉自咸豐八年十月開辦起截至同治九年十二月底止收支釐金數目均經節次恭摺

奏報在案嗣前撫<sub>臣</sub>蘇鳳文以西省鹽釐較重西稅無著於九年十二月內奏明減釐改徵西稅餘貨悉照定章辦理亦在案茲據釐金局司道詳稱同治十年分據各釐卡陸續造冊具

報合計共收正釐洋銀七十二萬八千九百七十八兩六錢二分二釐儘數撥充軍餉又隨收公費銀五萬八千三百一十八兩二錢九分查照定章開支各卡員役薪水雜費茲值一年期滿合將抽收正釐公費數目查照向辦分卡造具清冊詳請奏咨前來臣逐加查覈所開各卡收數比對票根印簿均屬相符除飭將正釐歸入軍需報銷案內覈實造銷並將隨收公費照章開支不準消涉浮冒一面先將報收清冊送部查覈外所有同治十年分廣西省實收正釐公費數目分別撥支緣由謹會同大學士兩廣總督臣瑞麟恭摺具奏伏乞  
皇太后



皇上聖鑒訓示謹 奏

臣等謹將所擬章程恭摺具奏

謹



撥還越南銀兩片

同治十一年五月二十八日

再前撫臣蘇鳳文片奏越南國繳還提臣馮子材兌給米價銀兩一案欽奉

上諭此係該國應領之款著蘇鳳文飭令太平府知府知照該國將前寄北庫銀三萬八千餘兩仍截存夷庫以示體恤等因欽此因該使臣阮有立等業將銀兩隨帶進關經前署撫臣李福泰恭錄

諭旨轉飭該使臣欽遵查照據該使臣具稟遵奉

上諭將銀寄留省庫庶回期得便遵領等情隨經前署撫臣附片奏明暨照會該國王在案茲查該使臣阮有立等業已京

旋抵粵臣遵卽札飭藩司將寄存原銀三十八隻內計三萬七千九百二十三兩八錢九分六釐照數提出發交該使臣等驗收領解回國除照會該口臣外謹附片陳明伏乞

聖鑒謹 奏

南兵尙未接防疏

同治十一年六月十九日

奏爲粵軍暫留太轄南兵尙未接防現在會商辦理情形恭摺  
仰祈

聖鑒事竊照同治十一年二月十五日<sub>臣</sub>等會將官兵進剿越  
匪海陽太原一律肅清各緣由馳奏在案旋奉三月初一日  
上諭山宣興化餘匪已知照越南自行攻剿遇有緩急仍當遙  
爲聲援以示體恤藩服之意劉玉成等所部暫留太轄扼守各  
隘卽著飭令該員等認真防範務臻周密俟越南接戍兵到卽  
行撤回等因欽此遵卽恭錄

諭旨轉飭總兵劉玉成等督令鎮柳選建十營暫紮左鸞一帶

一面照會越南派兵接防暨飛札太鎮兩郡確查邊隘詳晰繪圖由臣子材將現撤入關各營擇要布置尋據南官統督黃繼炎以太轄分防多歧稟懇量留兵勇復節據該國王咨呈相同查左鸞一帶水潦方盛饋運維艱在防諸軍勢難久駐而太轄沿邊遼闊山宣餘匪較繁遽撤恐棄前勞長戍終非了局屢催夷兵替守彼顧多方遷延往復斟商今將半載而議者有謂不戰則精銳易銷置防則勞費正等與其迴師內守不如悉眾進規然就現在兵力揆之彼中賊勢以守則尚可議裁以勦則猶須添募兵增則餼糈更鉅道遠則飛輓尤艱利害甚明智愚可決而臣等尤有慮者方今太鎮等府戶口耗額田野荒蕪城堡

鮮完關隘久廢所有漏網餘孽率皆表裏爲姦而越南積弱之  
餘戰旣不能守亦難恃動輒議撫賊勢亦橫我軍勝則棄械入  
關終爲腹地之患卻則豎旗添黨轉增荒服之憂蓋內無藩籬  
未能制賊之出沒而外無堵遏更難窮賊之去來也爲今之計  
惟有選練防軍慎固封守舊勇之疲弱者汰之邊隘之已隳者  
復之先求自強不求速效杜外匪之回竄息內姦之覬覦庶幾  
賊勢日孤兵力亦省思艱圖易較合事宜設有擾及近邊仍遵  
前奉

諭旨相機援擊用恤外藩尤覺進退有餘不至彼此交敝除再  
飛催該國迅速接防並飭劉玉成等先就戍所各營認真挑汰

俟軍還妥籌分布另摺會陳外所有鎮柳選建等十營暫留太  
轄及現在會商辦理緣由謹會同大學士兩廣督瑞麟恭摺  
具奏伏乞

皇太后

皇上聖鑒訓示謹奏



宣化等處勦匪情形片

同治十一年六月十九日

再南甯思恩兩府屬境伏莽尙多臣於十年十二月會將派員督勇分往勦辦各情形附片陳明在案嗣據左江道周星譽稟署宣化縣知縣王政慈會同勇字崑字兩營進攻邏曹老賴各村擒斬匪目李大產陸國邦龐月秀暨匪黨數十人屯黃那棟等村膽落乞撫相送匪目歸宗稔黃上莊班忠保等到營惟仲竈村匪首陸文見暨邏曹老賴逸匪竄入那美團黎團豆各村而那美最大王政慈與遊擊覃士雄千總李逢楨乘夜破其二壘匪首黃色明率黨守禦槍礮頻施陣亡把總羅成器並練勇數名周星譽抽調猛字福字兩營勇隊委都司覃東義分帶到

防廣東欽州知州陳起倬參將梁瓊亦派外委楊芳管解礮礮  
至營晝夜輪攻匪首黃色明中礮伏誅首民開柵內應李逢楨  
等督勇衝殺匪乃潰遁追至羅傘山殲其匪首蘇京傑並擒要  
匪蘇京由鄭周籠等十數名附近之那前團豆等村皆叩營歸  
誠署左江道王達材到任後會商左江鎮李起高督營按捕於  
大塘橫塘各村捕獲匪首潘才光潘必兆暨張道化蘇老岑廖  
若舟蘇保林等又於馱盧墟等處捕獲蘇特木偽軍師陳朗蔚  
一名匪目蘇大任顏寶中等五名均經就地嚴辦此宣化勦辦  
各匪村之情形也方那美諸村之未下也匪首蘇特木李培雅  
糾黨攻踞武緣縣之阮寺那工兩村知縣唐鳳翔飭守備蔣永

昌等添募壯勇乘夜襲克阮寺村殲匪頗眾隨卽進剿那工設  
伏誘擊斃匪目特四暨悍黨數十人該匪仍招黨固守周星譽  
派靖字營就近馳援該匪傾巢來襲都司陳春林潛出擊之武  
緣縣練長覃維雄等從後襲其巢匪眾駭遁追斬多名生擒著  
匪覃特秀羅特竹黃玉新等十餘名蘇特木等竄伏宣化大鄧  
村靖字營練長陸夢麟督隊偪攻中槍陣亡傷勇十餘人適猛  
字崑字兩營由那美撤回周星譽令王政慈會督進攻該匪潰  
竄追至宣永界上蘇特木中礮墜馬匪目盧日新林大伸雞樹  
咸等均卽就擒餘匪殲戮殆盡李培雅逃至喬畷經陳春林覃  
東義等帶線會拏卽時伏誅並於宣武界上哥蒙等村捕獲匪

首郭特率郭特輕按獲著匪潘金耀方特甯等數名餘村間牆  
礮樓一律平毀此武宣勦辦各匪首之情形也詎下旺匪首李  
卜琮糾合梁三字盧成茂紅下扒等二千餘人回踞隴密焚掠  
歸德洞吟二十餘村逼近隆安縣之下顏前署思恩府事太平  
府知府葉葆元先派安字三營與該處水陸各勇分防河岸並  
由臣子材加調游擊李揚才統帶常勝英惠等營馳往會勦該  
匪屢次搶渡均爲各勇擊退竄伏岷村龔踞土屬之理村舊城  
圍撲山巖各勇分道援擊連克理村舊城解山巖圍該匪併守  
隴密李揚才與都司盧殿清等各率營勇將附近匪巢先行攻  
拔乘勢進撲隴密克之陣斬匪黨二百餘人奪獲槍械無算仍

分路追勦擒斬李卜琼胞弟李特千偽軍師吳文朝先鋒李特  
明陳仗較黃亞興梁特繼等多名李卜琼紅下扒等隻身逃匿  
臣等以匪首未獲嚴飭帶隊員弁與漢土官紳協力圍捕並懸  
賞購線密拏旋據隆安縣團紳廖鍾麟等訪知李卜琼由定羅  
土司轄內逃回隴攘李揚才督勇前往捕獲解營訊辦又據隆  
安縣團紳梁永貞偵得匪首梁三字亦逃回那白山中葉葆元  
派勇會拏將該匪槍斃斬首送營驗明梟示此隆安勦辦隴密  
各匪首之情形也至鎮安地處極邊每有姦民交通越匪爲患  
據代理鎮安廳通判蔡達卿轉據團紳密稟吳亞終案內匪目  
許士才由河陽安邊潛回謀探虛實當經移營擒獲並查得那

旺巖之農付蘭梁伏隆馬浪寨之莫長喜浚銀村之農懶豐德  
雪村之盧成榮等皆糾黨踞險焚劫村墟歷經圍拏未獲適  
子材調派參將周邦鳳帶盈字營勇到防與蔡達卿會商勦辦  
仍遣局紳先往開諭農懶豐畏勦投誠餘竟抗不就撫乃派隊  
潛襲馬浪斬匪多名生擒吳長興父子卽合隊進偪那旺該匪  
憑閘拒戰傷我勇丁數名周邦鳳蔡達卿督飭各勇負薪縱火  
延燒洞左礮樓該匪冒烟突圍各勇兜擊斃匪甚夥生擒農付  
蘭梁伏隆莫長喜暨匪黨一百六十三名餘匪被焚幾盡次日  
攻破德雪村匪首盧成榮就殲並擒要匪韋萬珠等五名廳屬  
一律肅清此鎮安勦辦那旺馬浪各匪首之情形也又鬱林州

之北流梧州府之岑溪毘連東省高化羅定西甯等州本年三  
四月間土莽乘旱蠢動北流則有塘岸之羅三狗布謠倡亂而  
卡二里廖三祝大土華山羅亞鳳王亞葵大坡心鄒亞養李亞  
金萬埇村陳七陳亞秋糾黨應之知縣曾思沂集練往捕廖三  
祝大率眾竄化州尋爲高州兵練所滅該令督練疊攻塘岸生  
擒要匪謝四朱十九等並斃匪黨數十名團練李其進陳開運  
亦先後擒獲羅亞鳳陳七陳亞秋等解案旋移營新墟隨同署  
鬱林直隸州知州王廷綬會勦大坡心礮斃匪首李亞金暨悍  
黨十餘人乘勝直搗其巢殲俘匪首鄒亞養王亞葵賴石安等  
餘黨竄匿大容山守備陸文標率練追至斃匪百餘生擒匪首

賴石水鄒亞木暨匪目李亞二等十名並將陸川之分界墟牛  
隴堡各匪村以次毀平此北流勦辦塘岸大坡各匪首之情形  
也岑溪則因歸義鄉積匪曾亞歪五夥隨西甯匪首陳二典句  
串饑民分擾東境泗綸榘樟等墟疊經臣長佑飭調梧州協副  
將梁正源會督參將曹福祿游擊侯勉忠等管帶兵勇協同署  
知縣胡希瑗認真防勦旋報該匪已爲東省兵練擊散都司王  
闌富於雞嶺截獲逸匪陳佐德等數名訊出思孟蕾王新平  
等村有要匪曾松齡曾籠安蘇林蘇藹曾十二等當卽督隊將  
其捕獲並斬擒從匪二十餘人奪獲大旗槍礮多件其連城鄉  
匪首李萬集疊次糾黨出沒東省邊境亦經各員弁督隊捕獲



懲辦刻仍嚴諭團紳捆送餘匪一面編查保甲平毀賊巢此岑  
溪勦辦思孟連城積匪情形也臣等伏查該匪首蘇特木李培  
雅李卜琮農付蘭等迭踞那工隴密那旺肆行劫殺幾二十年  
尤爲思南太鎮大患至北流岑溪等縣亦因同治二年收復後  
境內赤子半屬首民雖經隨事創懲猶多怙終思亂今數月之  
內巨愆就殄逋藪略清除仍飭接捕漏匪妥辦善後外此次在  
事出力文武員紳可否由臣等擇尤附案彙請獎勵出自逾格  
恩施再鬱林州屬四縣前因春閒缺雨米值過昂當飭司局由  
省義倉撥穀二十萬運州接濟平糶該州已於四月得沛甘霖  
早稻補插過半六月可望成熟理合附片併陳伏乞

聖鑒訓示謹 奏

三

黔防稍紓調營分防鎮安片

同治十一年六月十九日

再柳慶等屬密邇黔邊疊據防軍稟報各寨苗酋現被官軍殄擒幾盡全境可望肅清臣等恐敗殘餘匪勢窮走險仍飭在防各營及附近鄉團合力嚴防數月以來尙無匪蹤竄越惟查小鎮安歸順州一帶毘連交趾卡隘紛歧而廳屬者合地方距夷地洞奔龍杠尤近該處白苗現竄保樂夷墟尙須撥兵相機堵剿查劉玉成等所統各營暫留太轄未卽入關其現在入關各營備多力分猶恐不敷防剿今幸黔防稍紓思南各郡剿匪事宜亦漸次告戢臣等擬分別緩急酌調數營前往鎮安屬境以厚邊防而資援剿合併附陳伏乞

劉武英奏

聖鑒謹奏

三十一

展緩軍政疏

同治十一年七月二十八日

奏爲廣西軍務未竣本屆軍政仍未克依限舉行援案懇  
恩展限以重考覈恭摺仰祈

聖鑒事竊惟五年軍政黜陟攸關必須舉劾允當方足以示懲  
勸前準部咨同治元年十一月二十一日內閣奉

上諭嗣後總督兼轄省分軍政考覈著由巡撫就近註考確定  
去留會同總督提督具題報部欽此廣西係總督兼轄省分本  
年屆當舉行軍政之期例應十月內具題到部自應遵照辦理  
惟查大軍勦辦越南夷匪海太肅清南兵尙未替防各營凱撤  
人關仍應列守邊隘黔省軍務雖將次告蒞時虞潰匪竄越粵

疆防軍亦未能盡撤且思南梧鬱各郡搜捕土匪籌辦方殷各營將弁非派令隨征卽飭防要隘一時實難檄調考驗提臣馮子材尙駐龍州於所屬各營亦未克分身查辦所有廣西省本屆軍政臣與提臣商再四實未能依限舉行伏查咸豐二年七年及同治元年六年歷屆軍政均因軍務未竣疊經前兩廣督臣暨前撫臣奏準展限在案現值軍務尙未完竣相應仰懇天恩俯準將本屆軍政仍予展限俟軍務告蕝各將弁回營再行照例檄調詳慎考校秉公舉劾以昭勸懲臣仍隨時嚴密查察各營內如有庸劣不職之員卽行據實參辦以仰副聖主整飭營伍至意所有廣西省本屆軍政未能依限緣由謹

會同大學士兩廣總督臣瑞麟廣西提督臣馮子材恭摺具奏  
伏乞

皇太后

皇上聖鑒訓示謹奏

南臨桂李樹森同校  
陵胡永福



劉武慎公奏稿

劉武慎公全集十七

卷之十六目錄

請放回籍片

展緩例貢片

剿捕叛苗越匪土匪疏

道員協助邊防片

匪首李青錠正法片

剿捕沿邊土匪疏

越南未能自強疏

殲擒逃逆援剿越南苗夷疏

驅除西隆等匪裁併越南防軍疏

暫停檳榔稅銀片

減釐增稅撥補足額片

武員月課疏

釐卡未便盡裁片

土豪拔扈瀝陳梗概疏

越南積弱不振豫籌保衛邊境疏

援剿越南黔苗請獎疏

募補額兵片

詢訪採辦大木情形疏

粵西盜案難復舊制疏

遵旨勦撫越南匪徒疏

粵西無從採辦大木疏

籌款酌修文武衙署疏



請放回籍片

同治十一年七月二十八日

再臣蒙

恩調撫廣西疊奉

諭旨廣西吏治廢弛已極當振刷精神悉心整頓臣於到任後虛心察訪竊見廣西吏治之壞不壞於因循實壞於蒙昧是非具在多爲意見所淆用舍之間每以私情是徇沈痼已久政治頗難然非及時痛予創懲深懼將來積爲鉅患臣受

恩至重補過未遑何敢稍存畏難之心不思救敝之術第念臣性偏寬厚識更迂疏年力漸衰謀爲較緩計到任已逾周載於吏治未有改觀敢云臂助無人亦實身先乏術早夜憂愧形神

俱疲日久遷延負疚滋重合無籲懇

聖慈矜簡精明剛斷賢員接撫西粵俾速講求治理整飭官方  
並懇

天恩矜臣之愚仍放回籍伏候

皇上另賞差事圖報涓埃臣爲廣西吏治需賢整頓不敢戀官

貽誤起見謹附片冒昧陳懇伏乞

聖鑒訓示飭遵謹奏

展緩例貢片

同治十一年八月二十八日

再粵西從前每年土貢例進桂麪百合粉金果欖千年健肉桂  
三七山羊血石羊膽葛仙米等件歷經各前撫臣恭進在案自  
軍興以後地方彫敝物產多未齊全節年仰蒙

聖恩准予暫行停進茲準總管內務府咨除奏明雲南貴州  
甘肅等省其餘軍務平定省分仍照常一律呈進等因現屆同  
治十一年貢期臣敬謹循例恭進惟三七山羊血石羊膽葛  
仙米四種係思恩太平鬱林三府州屬土物因兵燹之後出產  
甚稀日久無從採辦臣不勝惶悚惟有籲懇

天恩俯準展候辦齊再行按額彙進謹附片具奏伏乞

卷之三十一

聖賢

癸



勦捕叛苗越匪土匪疏

同治十一年十月初一日

奏爲勦捕各州縣伏莽叛苗並分勦越南州哖積匪會勦廣東靈山土匪各情形恭摺仰祈

聖鑒事竊同治十一年六月十九日臣等曾將勦辦各屬土匪

情形附片陳奏在案嗣據統領安字六營太平府知府葉葆

元偵知隆安匪首盧成茂紅下扒等自李卜琮被擒後各率死

黨數十人竄伏土田州當派都司盧殿清拔營馳赴燕崗副將

李揚才亦移軍榜墟分投躡緝旋報盧逆潛匿朔邏山盧殿清

等帶隊圍拏登時擒獲並經署百色同知麥文震獲其黨李特

林等數名訊知紅逆現竄東蘭州鳳山一帶仍由各營與漢土

各州縣購線密拏其岑溪匪首陳經謨曾亞歪五徐大花八怙惡多年今夏與廣東羅定州土匪句結滋事被剿逃回經梧州協副將梁正源署岑溪縣知縣胡希瑗等帶勇分投按捕該各匪首先後就擒其悍黨馮大眼四等五十餘名竄匿南洞北科等村亦經各營協同紳團悉數捕獲而永甯州漏匪韋之穩糾黨劫雜容中渡墟戕獎墟長黃瑞芝經巡檢鄭細略督練擊退獎賊二十餘人餘竄永福寨沙村潛匿隨委升用知府龍州同知鹿傳霖督同參將楊子吉帶勇前往查辦擒獲匪首韋之穩覃光彩覃光志著匪韋老敬周橋保共十餘名並督同永雒融柳四州縣將四十八寨大小寨口概行封禁撥勇巡緝以靖地

方又據署西隆州知州陸宗梁稟黔屬五台山匪首袁么句結江邊客匪龍老觀姜卡二等越擾巴累那貢迭襲南寨那隆等處均經鎮泗營勇協同鄉練擊退乘勢進擊巖裏及巴皓八腳各賊敗之斃賊目李平暨餘匪甚夥遂由江邊分入山箐兜剿攻燬隆燕坪客匪老巢姜卡二遁黔龍老觀等遂降惟查州屬革長甲內向爲苗土雜居該苗負險黨劫戕官殺客滋擾有年本年三月復有卸龍林營遊擊曾效忠在河馬被劫之案陸宗梁與署守備黃廷芳各督兵練由河馬進剿焚平寨敖家冲上下達果各苗巢生擒苗匪多名該匪敗踞石洞猶思憑險抗拒適署右江鎮總兵黃仲慶督兵馳至分路夾剿連破李子冲大

金正州志卷之二十一  
樹脚等巢礮斃多匪馘級四十三顆擒斬逆苗王琬王大陶八  
三名尋進攻竹箐隆丁二寨其寨糧足險固所缺惟水黃仲慶  
飭兵練絕其水路苗匪傾巢衝撲我軍乘勢奮擊因火其巢殲  
匪百餘馘級三十餘顆擒斬首逆王三楊么及餘匪李應濟等  
二十六名乃移師勦辦馬海賊巢四道並進逆眾披靡黃廷芳  
等帶隊鈔入賊聞斃賊二三十名擒斬頭目王琬楊有順二名  
追至猴場復殲匪百餘名苗目楊二等帶同各寨敗苗投營乞  
撫黃仲慶會同陸宗梁曉以大義給示歸農並據鎮安府屬署  
歸順州知州潘英章向武士知州黃植棠等捕獲著匪韋聽黃  
亞本等解案訊出匪首黃亞喜柵踞古木村劫擾知府趙沃派

勇會練探勦斬柵攻入獎匪五十七名獲生供黃亞稅等四名  
黃亞喜逃往下雷隴底墟被天保縣知縣梁瑞堂督團購獲又  
越南吡喃地方積匪龐仕發及弟世德密糾瓊武殘逆保踞巖  
險復圖嘯聚臣子材當派補用知府陳以謨等帶選字營勇自  
蘇街進僞匪巢設伏兜捕四月初二夜哨弁蔡君養等率勇焚  
闖獎匪多名龐逆兄弟於火光中各率死黨奪圍出敵同爲伏  
兵所殪隨繳驗首級並奪回越南通化府銅印一顆已派差齎  
發該國北甯統督黃繼炎收領又廣東靈山縣官屯塗水等村  
土匪緣阻米起釁劫署掠市聚散無常該縣與左江橫永毘連  
當由臣長佑移會左江鎮總兵李起高酌撥水陸各營馳往界

所堵擊並準督臣瑞麟咨送飭署左江道王達材督帶兵勇出境會剿七月十二日王達材進抵靈山探知涿水匪首潘端溪尚在糾黨拜會卽會同高廉道文星瑞出隊往捕東軍安勇擣官屯西軍崐勇兩營合攻涿水該匪拆橋拒守千總李逢楨率勇涉水直前攻擊斃匪十餘參將黨敏宣揮軍繼進伏匪四起正在鏖敵該道等各派親兵助之安勇亦擣破官屯開道殺入併力合擊斃匪多名生擒首匪潘端溪及匪黨三十名餘悉膽落遠遁查該縣別無大股匪徒王達材遂於八月初五日撤營回邕行至橫州查有吳村首匪莫錫盛施宏贊等多聚遁亡恣行劫殺並有靈山餘匪逃匿村中該村上下兩巢互爲犄角上

村陡絕四面礮樓不利仰攻王達材飭黨敏宣等乘雨夜聲攻上村別簡精銳暗襲下村出賊不備一鼓登牆生擒匪首施宏贊馬福隆及悍黨馬錦秀等二十二名餘匪聚殲殆盡而上村之匪仍然負固王達材密飭舊識莫錫盛之監生陳一昌入村招安說以聽勇入寨查拏靈匪準予免究往說數次僅都司覃東義帶勇二十名紮入適值秋節覃東義佯爲玩月周歷牆上賊不之備漸多趨下礮樓適有哨長鄭冠士來至牆外因屬奔告營中機有可乘王達材亟派黨敏宣督帶親兵獠緣而上周麾大呼牆下各勇乘勢擁上賊眾驚亂我軍遇賊卽殺銳勇倍加生擒首匪莫錫盛莫汝宗及著匪莫汝韜等二十一名靈山

逃匪甯文見陳大盛等十餘名均卽提訊處決並將兩村圍牆  
礮樓拆毀婦女分別安置給領迭由鎮道呈報前來臣等伏查  
匪首盧成茂陳經謨韋之穩等並案內渠惡韋聽黃亞喜皆曾  
充已誅逆首吳亞終蘇幘漢先鋒已飭就地梟示以昭炯戒龐  
仕發肆毒夷地疊陷城池一旦駢誅足伸國法而除後患至  
西隆苗匪自咸豐年閒卽附從髮逆焚劫村寨拒捕傷官屢出  
滋擾經臣長佑函會署右江鎮黃仲慶督兵痛勦州境犄安左  
江道王達材帶勇會勦靈匪生擒首要多名並移軍勦平吳村  
積匪辦理均臻妥速其出力員弁可否由臣等查明存記附案  
酌保之處出自



天恩除飭葉葆元梁正源等各督所部購拏隆岑逸匪暨行王  
達材督令橫州知州王滌心妥辦善後外所有勦捕邊近州縣  
伏莽叛苗及越南唃咻廣東靈山各匪緣由謹會同大學士兩  
廣督臣瑞麟恭摺由驛馳奏伏乞

皇太后

皇上聖鑒訓示謹奏



道員協助邊防片

同治十一年十月初一日

再臣等欽奉同治十一年七月初八日

上諭劉長佑馮子材奏官軍暫留越南現籌選練防軍慎固封  
守著俟大軍入關卽於邊境各要隘妥籌布置毋稍疏虞等因  
欽此伏查太平鎮安沿邊一帶關隘久廢城堡鮮完大軍將次  
入關亟應遴派幹練大員周歷履勘量加修補以重邊防並酌  
帶兵勇數營擇要部署協助堵剿查有候補道覃遠璉才識練  
達歷著勤勞於沿邊情形尤爲熟悉堪以札委辦理除飭該道  
迅卽前往會督地方文武整頓堡隘並就近幫同提臣子材籌  
布兵勇務臻周固外理合附片陳明伏乞

聖德太子傳卷之十一

聖德太子傳  
奏

Blank manuscript page with vertical lines.

匪首李青靛正法片

同治十一年十月初一日

再宣化縣匪首李青靛糾徒倡亂十有餘年業經就撫歸標更名清殿保至都司猶復陽奉陰違縱黨李培雅等分出劫掠控案鱗集臣長佑密飭署左江道王達材暨卸署宣化縣知縣百色同知王政慈誘致來省提案訊認不諱實屬罪不容誅當卽恭請 王令明正典刑該匪所得保案並照例咨部查銷理合附片陳明伏乞

聖鑒謹 奏



勦捕沿邊土匪疏

同治十一年十一月十七日

奏爲勦捕沿邊各屬土匪情形恭摺仰祈

聖鑒事竊臣等於十月內曾將勦辦各州縣伏莽叛苗暨越南積匪廣東靈山土匪各情形馳奏在案嗣據梧州協副將梁正源查有岑溪縣屬之周媚村匪首賴紹經稔惡日久經該署縣補用同知胡希瑗飭團誘擒未獲因商同該副將會督參將黃才貴遊擊侯勉忠各帶營勇逼村圍勦該匪勢窮潛招邊境匪徒乘夜偷送藥鉛接濟當被營勇截獲擒匪李亞全等數名越宿復有成股外匪分撲各營意在牽掣官軍援應內匪竄逸當經營勇擊散多所斬擒匪勢益窮梁正源等於次日悉力攻

入村內據其房屋過半匪猶判死抵禦傷我兵勇多名梁正源  
飭全隊縱火焚攻該匪判命衝逃我軍亦奮力截殺馘級五十  
餘顆生擒匪首賴紹經並悍匪梁彩崇等十一名焚死者不計  
其數所獲婦女分別給領脫逃餘匪仍飭留勇協團分投查拏  
旋據現署潯州府知府魏篤等稟報於桂平縣境內拏獲岑溪  
縣在逃匪首譚飛隴卽王安邦一名查係前在廣東羅定州糾  
眾滋事通飭緝拏之犯當令解赴岑溪歸案訊辦以儆兇頑橫  
州自勦平吳村匪巢後地方漸臻安靖惟距城較遠之古同村  
積爲匪巢抗拒如故經知州王滌心商同參將黨敏宣會督勇  
練四面環攻破其重圍殺賊四十餘名生擒匪首龍雨澤龍文



機龍雨雲並悍匪盧特有等二十六名餘匪逃匿後山復經技  
殺殆盡查點勇練亦有傷亡又據署鎮安府知府趙沃稟稱奉  
議州屬之多三村匪首楊鶯鳴及乃星村匪首何英仁逼脅良  
民聚黨滋事兩匪巢相距不遠勢成犄角經該署府趙沃會同  
副將李揚才參將李雲梯守備周炳林州判許叔僖各帶勇練  
併力攻破多三村該匪乘間逃入多吼村復圖死守而乃星村  
何逆見多三已破亦率黨併入楊逆一股趙沃等恐相持日久  
黨羽益眾勦捕益難卽派百長梁振基等帶勇豫伏匪巢後路  
以防竄逸復派把總田福志等伏於山坑左右俾資截擊李揚  
才李雲梯周炳林於夜四更三面合攻該匪以我軍力單勢卻

正世公全集卷十六  
悉眾出戰正在相持後路左右伏發槍礮齊施該匪大敗歸巢  
逼攻多時迄未得手覓得該巢被脅百姓黃成貴授以機宜使  
爲內應仍豫先伏勇數處並於各營挑選奮勇數十名各帶火  
包乘夜摸入匪巢大隊分途繼進抵多吼巢外匪猶未覺移  
時巢內火起趙沃李揚才等各督勇練乘勢直擣匪巢該匪且  
鬪且走死傷頗多餘皆奪路向深林逸去巢內搜得太平府原  
失銅印一顆新太協銅印一顆皆爲乾隆年間頒發計前後攻  
克多三多吼匪巢共馘級二百八十六顆生擒數十名惟焚屍  
山積均已焦爛楊鶯鳴何英仁兩匪首是否在內尙須確查辦  
理又據鎮安通判蔡達卿稟稱白苗竄近廳屬之那波大隘汛

該通判商同管帶盈字營林發秀大隘汛把總黃國進及團總黎文秀等調練會勇分布要隘嚴防外寇兼查內姦旋即拏獲土匪鄧志貴等八名供爲白苗招誘內地姦民充當先鋒積有年所茲由苗地潛回卽被營練拏獲並搜出洋槍苗旗等件長佑以鄧志貴等私入內地招匪助苗罪無可追當飭該署通判於訊明後就地正法示懲並飭會營督練嚴防密拏以除邊患惟據該署通判續稟轉據越南保樂州夷牧乞師赴援一節現值邊防喫重關內兵力不敷分撥已由臣子材於關外抽調營勇擇要邀截藉助聲援至沿邊郡屬關禁廢弛由來已久如招誘內奸附從外寇不獨鎮安各隘爲然卽南太所屬上思甯

明一帶往往有之經臣子材派出營弁拏辦多名並與臣長佑

通飭查禁照會越南各在案現在 奏奉

諭旨整飭關隘候補道覃遠璉所帶營勇將次到防臣等當督

飭該各文武申明關禁妥布防軍以期內安外攘仰副

聖廑所有此次勦捕各匪出力官紳可否仍由臣等查明存記

附案酌保之處出自

天恩除飭該各文武妥辦善後嚴緝餘匪並將多吼村所獲太

平府新太協銅印解省驗明繳部查銷外所有勦捕沿邊各屬

土匪情形理合會同大學士兩廣總督臣瑞麟恭摺由驛馳

奏伏乞

皇太后  
皇上聖鑒謹  
奏

卷之三十一

三

越南未能自強疏

同治十二年三月初十日

奏爲越南國勢未能自強廣西援軍難以兼顧恭摺密陳伏祈  
聖鑒事竊越南連年用兵國益貧弱夷官束手無策非出資議  
撫卽入關乞師以是威柄寢微版章日感法國蠶食於濱海黎  
裔虎視於橫山桶岡則白苗跳梁崙奔則黃英雄踞戎兵莫詰  
變亂繁興積爲苟安其勢幾難復振臣自入粵省確訪情形與  
提臣子材熟商進止擬俟海太事竣卽調兵勇入關就地設防  
相機援剿均經奏奉

諭旨飭遵在案嗣海太轄境悉予拓清而兵勇在防驟難凱撤  
復經奏請酌畱十營疊次照催派兵接戍迄今又數月矣不但

無兵接戍猶須悉眾分援臣每閱咨呈情殊可憫而內自度量力實未能先後會摺中已縷陳之茲更有不能緘默者伏查越南之患法國爲最黎裔次之白苗與黃英等似尙無足深慮近聞越南君臣輸款法國又云黃英各逆受職黎裔雖係道聽之言亦皆意中之事臣竊謂黎裔爲患越南受之法國爲患不僅越南受之今議以防爲勦無非爲越南謀而不欲以勦爲防實非僅爲越南謀也提臣子材果於任事暗於察言明知進勦之難而若嫌於無勇明知設防之便而又慮其罔功皆左右有亂聽聞故詢謀輒煩商牘現在事局甫定調度方殷適準來咨選思引疾臣鑒於前事商之同官勸其畱營暫爲調養仍約以旌



省面爲計商如其決計言歸再當遴員接辦惟中外並顧必文武兼資勝任之員實難其選查候補道覃遠璉鎮安府趙沃梧州府徐延旭皆夙悉邊情頗諳軍事督勦或不足辦防則有餘也至越南素爲恭順粵西實與比鄰苟可手援斷難膜視無如勤師至再莫竟全功卽欲畢力以圖能無內顧臣愚昧之見以爲拯敝扶衰必須大舉深入若合兩粵之力寬以數年之期步步設防節節進勦庶交夷可期復振而他族不至生心否則惟有慎固邊防嚴杜勾結如鎮安各營疊獲入關招黨之匪其明驗也整飭軍旅相機應援如提臣此次分撥出關截賊之師其明驗也臣不敢偏執已見有隘

皇仁第身任邊疆當力維全局除密飭確探越南情形並俟提  
臣回省安商去畱另行奏報外是否有當謹附驛密陳伏乞  
皇上聖鑒訓示謹 奏

殲擒逃逆援勦越南苗夷疏

同治十二年三月初十日

奏爲思恩鎮安各郡在逃首逆先後殲擒並分兵援勦越南苗夷各匪疊次獲勝懇

恩分別獎卹恭摺仰祈

聖鑒事竊臣等於同治十一年十一月曾將勦捕沿邊各屬土匪各情形奏奉

諭旨仍著轉飭各路兵勇及各該地方文武將逃竄餘匪悉數勦除欽此卽經欽遵督飭勦辦茲據思恩府知府常興署百色同知麥文震稟報首逆紅下扒自李卜琮梁三字等就殲後勢孤膽落往來奉議州土上林一帶該守等派隊購線四出緝捕

該逆逃匿雲南邊界剝隘地方經陽萬土州判岑潤青稟商麥文震派出千總麥肇貞各率勇練馳往兜圍卽將該逆紅下扒擒獲解府訊供自咸豐初年隨同李老仁等各處攻劫上年復與李卜琮等起旗糾黨抗拒官兵等情實屬罪不容誅當飭常興將該逆就地懲辦以快人心又鎮安府屬首逆楊鶯鳴何英仁自經該署知府趙沃會同副將李揚才參將李雲梯等攻破多三乃星各巢相傳該逆同燹火中曾飭該各文武確查嚴捕去後旋據趙沃麥文震李揚才李雲梯等會稟守備周炳林帶勇查緝至陽萬州境商同州判岑潤青添募土人入山接捕見有賊遺什物稟經趙沃李揚才等會督周炳林麥肇貞奉議州

判許叔僖各率勇練焚山窮按獲匪黨楊几貴等數名訊悉楊  
鶯鳴實匿山中趙沃等派勇分投按截次日午後叢林中突出  
數十人各勇練還開槍礮悉數殲之查認楊逆適在其內遂割  
取首級並各勇馘級二十七顆發交奉議州官紳分別梟示惟  
何英仁偵知楊逆授首日夜奔逃迄無蹤迹趙沃以該逆未除  
終爲後患復移會麥文震督飭岑潤青帶練密拏於雲南土富  
州探知下落星夜前往捕獲梟由趙沃麥文震等各派勇隊獲  
解回府訊明後亦卽就地正法梟首乃星村前以昭炯戒又據  
督辦邊防候補道覃遠璫稟稱營次太平訪聞昔年通賊戕官  
之營弁韋九廖四二人經前撫臣奏明飭拏有案現猶改易姓

名潛匿百色地方因密飭麥文震帶同認識該犯之差官設法查拏已於百色城內將該首犯拏獲解營訊明韋九改名潘標廖四改名陳四供認賊官通賊不諱卽於軍前斬梟懸示又泗城府屬近接黔疆苗患未除時虞竄擾署泗城知府梁炳漢以欲禦外寇須清內匪查得積年上惡桑美一名捕獲懲辦其黨羅亞秀羅亞常等逃匿馬海苗巢膽敢與三腳寨著匪楊亞色糾集黔省散勇二三百人闖入西隆之平里村署知州梁俊移會把總鄭文祥軍功梁作魁等督帶兵勇馳往勦捕匿踞村寨甚固急切難下該員等激勵兵勇益以鄉團攻至三更匪勢不支冒死衝出我軍奮力截殺斃匪數十名生擒羅亞常及韋亞

保楊老萬等十數人兵勇亦有傷亡次早拔隊進至三腳寨餘匪驚散無蹤當將楊亞色羅亞秀等老巢一律平毀仍懸賞覓線務獲羅亞秀以絕根株嗣據梁俊稟接準貴州安義鎮移會黔軍襲破五台山首逆袁么悉眾潛逃恐其奔入粵境等語正在會營集練擇要設防探報匪目姜卡二楊有貴各率黨數百人分竄州境之草雞窠羊角坳大肆殺掠刻卽約會署守備黃廷芳等督勇進紮祥橋村復接管帶鎮泗營李寬酋報該營會同黔軍已將獅子巖攻破擒斬甚夥餘匪現竄峯坳巖與積匪龍老觀合股等情梁俊等以龍老觀已降復叛必須及早殲除遂各督隊分路進攻該逆悉眾抵拒勢殊兇狠羊角坳滿姓練

丁因其寨主被匪殺害憤極圖報從山坳突出衝殺各隊勇氣  
倍加當將龍老觀擊斃並斬擒悍黨多名餘悉竄回峯洞巖堅  
守不出時姜卡二率黨來援亦經梁作魁等乘勢擊敗退回草  
雞碕梁俊會商梁作魁黃廷芳李寬等移營環攻該匪於巢內  
施放槍礮兵勇多有損傷自已至申驟難得手鎮泗營前軍書  
識杜紹桐請奮前攻梁俊許以重賞令率精銳各持茅草直逼  
開門黃廷芳等各揮兵勇吶喊齊進賊眾倉皇棄關而遁杜紹  
桐等破寨先入生擒該匪姜卡二父子並悍匪鄭侯得等二名  
各營兵勇均有斬擒其奔出各匪追殺殆盡當將草雞碕巖寨  
焚燬姜卡二等解交梁俊訊供正法現飭各該文武熟審機宜



務將在逃餘匪次第按除免滋後患此各郡殲擒各酋逆之實在情形也至關外白苗句結黃英股匪力攻越南保樂州擾近鎮安邊境經臣長佑咨由臣子材飛調副將陳朝綱於內地防軍派出守備陳德朝等帶勇兩營馳往應援該苗匪偵知大兵且至解圍遁去保樂夷州已告肅清詎夷匪劉六阮四周建新等由宣光竄過保樂闌入太轄波賴地方分股屯踞蘇街以爲犄角之勢臣子材飭副將陳得貴於畱戍太原十營內撥出兩營斷其後路仍令陳朝綱挑選精銳由內地馳往夾擊陳得貴以知縣廖景森一營紮通化以都司何文禮一營紮野市該匪勢感棄巢退竄參將劉應高攔頭奮擊陳朝綱自後躡之當將

波賴收復餘黨悉向蘇街遁去時蘇街踞匪潛出數百人由諸香社馳來接應經遊擊蔡簡宸與何文禮等前截後鈔斃匪頗多隨即約會各營乘夜進攻蘇街守備邱明德把總謝潤等身先撲進共殺悍匪數十人落河淹斃者無算各營勇分路追剿均有斬擒太原轄境仍無匪蹤又水匪黃琬等被海船擊敗尙有數百人舍舟登陸竄入北甯陸岸縣遵道社劉玉成派出營勇跟蹤追剿直至廣轄先安州該匪竄入板把村據柵相持迭攻未能得手損傷營勇多名遊擊楊汝廷身先眾勇斫柵猛撲中礮貫額登時陣亡從九品陳祖賡奮力上前搶回屍首復與副將蔣榮昌等率勇逼開築營斷匪汲道並令多負土草填闌

進攻擒斬匪黨數十人餘匪棄聞潰散北甯轄境亦無匪蹤此  
分兵援勦越南苗夷各匪疊次獲勝之實在情形也臣等伏查  
紅下扒楊鶯鳴等各首逆均係邊境巨匪日久稽誅先後奏奉  
諭旨飭令勦捕而越南黃崇英劉六阮四等匪及附近夷境之  
白苗該國未能痛創益無忌憚亦經先後奏明相機援勦此次  
各文武會督兵勇實力勦捕將各首逆次第殲擒並赴援保樂  
陸岸收復波賴蘇街在事人員尙屬效勤用命除泗城府西隆  
州在事文武應俟勦捕事竣另行核辦外所有此次殲擒首逆  
援勦獲勝及前次捕獲李卜琮梁三字盧成茂各案內出力員  
弁謹擇尤另單開呈合懇仰懇

天恩俯準分別獎卹以示鼓勵之處出自逾格

鴻施謹會同大學士兩廣督臣瑞麟恭摺具奏伏乞

皇上聖鑒訓示謹奏

驅除西隆等匪裁併越南防軍疏

同治十二年閏六月十九日

奏爲西隆西林踞匪悉數驅除防剿越南各軍裁併布置並疊獲首要匪犯各情形恭摺仰祈

聖鑒事竊臣等於同治十二年三月初十日曾將思鎮各郡首逆殲擒並分兵援剿越南各緣由具奏在案嗣據署泗城府知府梁炳漢稟稱西隆州屬峯坳巖自匪首龍老觀殲除後其兄龍老長仍聚匪添壘盤踞如故而草角坳賊匪楊有貴等亦分踞山巔相爲犄角並有黔匪黃會餘黨回踞弄徠村以圖牽制署西隆州知州梁俊以進剿峯坳草角必經弄徠乃約會軍功梁作魁李寬移營何家寨聲稱先攻弄徠該匪偵知連夜遁

去梁俊等乘勢進擣峯洞巖並遣哨長梁炳元農先華各率勇  
練繞出龍燕坪官莊亭分扼草角洞來路該匪初猶列陣巖前  
恃險抵禦嗣見我軍愈撲愈近銳不可當而草角洞援賊亦經  
梁炳元等擊退乃悉眾退守巖間各勇練連日逼攻多有傷亡  
急切未下適有潘家洞民人向興貴素善龍老長因啗令誘賊  
投誠而豫伏勇練於賊巢左右乘其開闢一擁而入賊眾倉皇  
亂竄生擒龍老長及匪黨陸社壽等八名馘級三十四顆餘匪  
向草角洞奔逃我軍自後躡之楊逆有貴率黨來援並從山頭  
拋擲木石阻我追兵各勇練冒險直前殊不稍卻該匪氣餒是  
夜五更亦即棄巢逃竄我軍追至紅水江邊乘其奪筏搶渡殲

弊甚多撲水死者不計其數初黃會等由貴州竄踞西林縣屬之毛草坪渭樂營盤山等處不過二三百人月餘聚至千人經梁炳漢諭飭代理西林縣事陳國安會同千總鮑良才各率兵勇前往剿辦先將營盤山攻破乘勝進攻渭樂因瘴霧瀰漫被毛草坪賊匪鈔出應援未能得手梁炳漢以西隆剿捕事竣檄飭梁俊督帶鎮泗新字各營馳赴西林會剿於三月杪進駐隆或場一面約會陳國安等會攻渭樂一面聲言直逼馬窩賊目金仕元慮馬窩有失悉眾據守梁俊卽密約隆林營守備黃廷芳哨長藍遇春團總彭志義等各率精銳星夜疾馳襲破毛草坪賊巢殺賊無數渭樂之賊退紮馬窩及上下壩因村民叩營

乞撫梁俊見其意殊叵測授計團紳先將金仕元誘出並其從  
匪八人立斬營前匪黨聞知傾巢出戰我軍分隊迎擊於黎家  
坳虜戰多時陣斬其先鋒龍大猷梁登雲等數名馘級三十八  
顆生擒賊匪二十四名墜巖死者無數其餘敗回馬窰上下壩  
負固不出梁俊等激勵勇練數路並進攻破馬窰賊巢傷斃匪  
黨百餘名乘勝將上下壩圍住該匪勢感潰逃梁俊陳國安督  
同李寬韋鶴飛等追至巖場匪皆棄械混逃經各勇練生擒三  
十三名馘級四十四顆餘匪殲斃殆盡此西隆西林兩州縣驅  
除踞匪之實在情形也越南海太久告肅清前經臣等遵奉  
諭旨會商旋師以防爲勦臣子材卽將全軍就防簡汰挑畱精



壯四千名併作十營餘俱清給餼項分起資送回籍隨調挑畱  
之鎮柳中左右三營回紮關外驅騾文淵芄封等處選字左右  
兩營捷字一營回紮關外索紅大嶺通攜等處以備援應英字  
左營常勝右營及勇字立字兩營於龍州歸順州擇要分紮以  
資鎮防均交總兵劉玉成統轄調遣節據副將李揚才暨守備  
楊瑞山陳得朝等於邊關內外拏獲靈山縣在逃首匪蒙慶安  
黃容林二名並拏獲越南首匪張大億及匪黨許亞三羅貴養  
梁亞美梁盈品李義黃勝黃五耶等十餘名先後報解到營訊  
供糾匪肆擾被勦潛逃不諱均卽正法示懲至督辦邊防候補  
道覃遠璫前據稟報行抵太平府城卽飭元字中右兩營分駐

鎮安要隘專防保樂白苗新勝一營分駐歸順專防越南鐵廠  
大嶺各隘新中新前新右三營分駐下凍憑祥各土州專防鎮  
南平而水口各關新左一營分駐土思州新字捷勇一營分駐  
下雷土州以杜越南祿州通賊僻徑且爲大鎮兩郡居中關鍵  
該各營將備先後稟報到防與臣子材派出各營聲勢均尙聯  
絡覃遠璉自率新後與親兵兩營往復警巡兼資策應其太平  
府屬關隘已據周歷勘明擇要修補現赴鎮安邊境查看情形  
分別稟辦署鎮安府知府趙沃隨同覃遠璉在下雷一帶履勘  
查有天保縣巨匪蒙艾會跟吳逆竄出越南近復潛回設館招  
徒當飭署天保縣知縣梁瑞堂會商遊擊徐玉貴帶勇圍拏槍

獎匪徒數人蒙艾身受多傷始得就擒又署歸順州知州潘英章查有吳逆先鋒楊亞階楊亞品二名亦由越南潛回意在糾夥復逞經飭團長孫世貴等會同勇役格鬪逾時將其拏獲先後解營訊明就地嚴辦此防剿越南各軍裁併布置疊獲首要匪犯之實在情形也查西隆西林接近黔疆匪蹤出沒無定如龍老長等本係敗殘之餘竟敢竄踞村莊分出滋擾而太鎮沿邊內外逸匪猶多如張大億蒙艾等漏網餘兇猶萌亂志茲經先後勦除捕獲洵足以快人心現仍飭各守令妥籌善後清查餘匪並飭沿邊各營扼要嚴防相機援剿以紓外患而安邊氓謹會同大學士兩廣總督臣瑞麟恭摺由驛具奏伏乞

皇上聖鑒訓示謹奏

臣等謹將

三

暫停檳榔稅銀片

同治十二年七月二十九日

再查南甯府廠向稅越南進關檳榔有閏之年額徵正稅銀五百五十九兩盈餘銀二千四百七十四兩一分二釐無閏之年額徵正稅銀五百一十六兩盈餘銀二千五百一十七兩一分八釐疊據各該前府具稟越南檳榔早已改由海道逕達廣東年來並無此物進關其稅久成虛額當經札飭設法招徠冀可照前徵收稅課茲復據前署知府沈康保及現任知府景雲稟經藩司確查此項稅銀久已無徵詳請具奏豁免前來臣復加密查越南檳榔一項實因連年邊壤不靖改由海道赴東較之搬運入關更為便捷南甯府廠檳榔稅課委係無從徵收飭

查該府釐卡近年抽釐底簿票根亦未收過檳榔釐金以此考證則檳榔稅項缺額自屬實在情形別無侵隱情弊南甯係著名苦缺著責令按數賠繳亦實力有未能合無籲懇

天恩俯準將南甯稅廠自同治三年起未徵各年檳榔正餘稅銀全數豁免以後額徵稅銀暫行停止俟越南夷匪肅清檳榔照常進關再行飭令徵解出自逾格

鴻慈謹附片具陳伏乞

聖鑒訓示謹 奏

減釐增稅撥補足額片

同治十二年八月二十五日

再粵西酌減鹽釐徵收西稅計由鹽道遞年應徵銀七萬五千五百二十兩一錢四分三釐自同治十年二月二十五日開辦起至十一年二月底止試辦一年期滿徵收臨全大江兩處稅羨銀五萬二十兩二錢五分尙不敷額銀二萬五千四百九十九兩八錢九分三釐議於賀縣懷集南甯永淳各府縣添設四卡續於十一年春開辦徵收以資彌補惟各該府縣自經兵燹之後元氣未復所徵稅羨能否彌補不敷額數尙難豫必經臣於上年四月二十八日 奏準再予試辦一年覈明是否足敷原額另行妥籌辦理在案茲據著鹽法道謝榮照會同釐金

總局司道具詳據賀縣等四卡冊報自十一年二月開辦起截至十二年二月一年期滿共實徵收銀一萬一千一百一十七兩五錢九分五釐三毫九絲覈計彌補十年應徵西稅尙缺額銀一萬四千三百八十二兩二錢九分七釐六毫一絲實因各該府縣地方彫敝水客販運不前並非各卡員徵收不力再四籌思實屬無可彌補查前此減釐徵稅皆出於水客之鹽現既稅額不敷擬請在於該年鹽釐項下撥補足額以重稅課由該司道會詳請 奏前來 臣查粵西減釐徵稅於添設賀縣等四卡之後所有同治十年額徵西稅尙不敷銀一萬四千三百八十二兩零實由地方彫敝並非徵收不力 臣前次奏明再行試



辨一年如有不敷另行籌辦今既無可挹注合無仰懇


天恩俯準在於該年鹽釐項下照數撥補以符足額而重正課  
出自

逾格鴻慈其十一年二月以後應徵西稅年額現飭該鹽道造

冊具詳另行據實奏咨合併陳明謹會同大學士兩廣總督

瑞麟附片具奏伏乞

皇上聖鑒訓示謹奏



土豪跋扈瀝陳梗概疏

同治十二年九月十一日

奏爲土豪被控抗審負嵎拔扈瀝陳梗概並現在籌辦情形謹  
先密陳仰祈

聖鑒事竊臣於八月內恭閱邸鈔有廣西候選州同莫蘭森遣  
抱告莫蘭茂軍功周學孟民人曾光華等以南丹土族莫雲義  
並其子孟伍等據險劫掠霸占莊田派捐肆殺多命兵勇往捕  
有委員莫如勤莫有葵受賄朦稟停勦並據貴州民人雷正邦  
亦以莫雲義越境強奪伊弟聘妻爲妾復強搶伊妻不從致被  
毆斃各等情赴都察院衙門呈控奏奉

上諭此案交劉長佑督同臬司親提人證卷宗秉公嚴訊確情

按律定擬具奏原告軍功周學孟民人曾光華抱告莫蘭茂該部照例解往備質欽此臣尙未接準該衙門恭錄咨行遵查南丹土州係慶遠府所轄遠處邊徼界連黔境其地山深徑僻民情狡悍莫雲義卽已故土州莫樹棠官族於咸豐年間勦匪出力疊保花翎候選知州初與同族莫芹圃有嫌互相傾軋漸至藉團恣暴爲害地方而其子莫五兇狡尤著臣上年節據莫蘭森等及雷正邦各以前情具控疊飭前署慶遠府知府徐灝現署知府朱爾輔就近提審詳辦莫雲義匿居巒洋山寨抗不到案差役莫可如何當就該府防軍內抽調遊擊潘德言所帶果勇兩營前往駐紮南丹忙場地方會同河池州知州蔣祥西兇

拏原冀懾以軍威自行投審詎莫雲義仍匿不出時莫樹棠應襲繼子莫繼業年未及歲該州印務係官母彭氏護理均被莫雲義誘匿寨中挾爲護符並於寨外添築濠柵意似叵測由潘德言等會稟前來臣批令先將莫繼業母子設法帶出適官母彭氏遣抱遞呈以該土州佐理不得其人請遴員前往彈壓卽經行司詳委府經歷陸壽嵩代土州事務臣密授機宜令該員單騎入寨誘致莫雲義到府見官以期就中成擒免致投鼠忌器乃該豪負嵎如故堅不下山並敢出言不馴迹涉跋扈僅以曾光華等家族被殺多命係徭人被逐復仇與伊無涉等詞寄稟申辯希圖緩捕似此狡黠自非用兵圍勦不足以除豪強正

籌辦閒接據探報貴州下江苗匪已撫復叛河池思恩屬境均  
距苗巢未遠應先其所急就近抽兵協防乃議以一營暫駐忙  
場暫資鎮壓仍密諭該府州與營員伺隙偵拏至今尙未得手  
莫彭氏母子亦未帶出此疊次提訊莫雲義設法偵拏之實在  
情形也惟查莫雲義逆情未彰積惡已稔連年辦團帶勇頗識  
兵機兇狡實甚其地山深箐密路徑崎嶇其巢層柵重濠異常  
堅固環以礮臺火器林立非增調勁旅熟審機宜莫能一鼓成  
擒且聞其與黔省苗匪聲氣相通月有堅寨築於苗巢之中以  
爲狡免三窟之計尤慮被勦窮促遁匿苗寨轉致重煩兵力臣  
與司道熟商適提臣馮子材由龍州旋省已將關外防軍派總

兵劉玉成接統經臣附奏在案因念提臣駐紮柳州與慶遠

相距較近且老於戎事威望較重於該處情形又爲熟悉昨與

面商勦辦事宜擬增調練勇二三營派員統帶由提臣就近督

飭相機進剿一面咨商黔中酌撥兵勇於交界地方扼要阻截

以防竄越並遏通苗之路庶可迅除巨惡用申國法而靖邊

隅此臣現籌勦辦莫雲羲之情形也祇以案經京控已見邸鈔

奉

旨飭提審辦謹將疊次查辦梗概及現籌勦辦情形先行密陳

是否有當伏乞

皇上聖鑒訓示祇遵再思恩縣在籍紳士湖南補用直隸州莫

如勤經臣派辦慶遠屬邊防並非委辦莫雲羲之案前次彈壓  
南丹委員陸壽嵩入寨開諭莫雲羲之時莫如勤曾屬忻城土  
紳莫有葵查探莫雲羲父子蹤迹隨時稟報茲莫蘭森等詞內  
謂莫如勤等受賄朦稟停鞫自係懷疑所致容臣督同臬司確  
切查明月行具陳合並聲明謹 奏



釐卡未便盡裁片

同治十二年九月二十五日

再粵西自軍興以來調兵募勇籌餉籌防饟項浩繁庫款支絀  
經前撫臣勞崇光奏明在於各府州縣設立正分各卡抽收釐  
金以濟軍饟按年將抽收總數據實奏咨在案伏查前奉  
上諭各省抽收釐金因軍饟孔急未能概行停止第恐局卡各  
員假公濟私額外需索藉飽私囊流弊不可勝言著各省督撫  
隨時訪察有犯必懲其有可以裁減局卡之處並著酌量情形  
分別辦理等因欽此當經欽遵督飭釐金總局司道嚴禁弊端  
妥籌裁減茲據該司道查覆粵西地土枯瘠絕少出產之貨且  
隨處灘路險惡商販亦稀全藉穀米爲大宗釐金勢難全免因

卽大加裁減並將百貨爲民所必需者分別減成免抽妥議章程列摺呈覆前來臣查廣西通省開辦釐金先後設立正分各卡八十六處從前抽收尙旺每年可得七十餘萬金近年鄰省漸靖道路疏通商販往來時形繞避抽收漸不如前故同治十一年分所收正釐公費較之十年分已少二萬餘金今議裁卡減釐自必更形短絀第欽奉

聖諭煌煌民生所賴自應欽遵酌量辦理期於籌饒之中仍寓恤民之意經臣飭令先後裁去分卡共二十七處通行遵辦在案惟粵西太鎮慶泗各府防軍未撤各屬查辦餘孽在在需兵所有地當衝要各卡一時未便議裁應俟伏莽悉除邊防全撤

再行 奏請裁併除仍隨時察訪督飭認真經理外相應附片  
陳明伏乞

聖鑒訓示謹 奏



武員月課疏

同治十二年十月二十九日

奏為遣撤歸標武員倣照江南考試月課酌定章程舉行遵辦  
恭摺仰祈

聖鑒事竊

臣

前準兵部咨議奏江西撫

臣

劉坤一片奏請定遣

撤營勇章程一案請

飭下兩江總督將原任督

臣

會國藩所定月課歸標學習武員

章程迅速報部一面鈔錄章程轉咨各省一體查照奏報等因

奉

旨依議欽此並準大學士兩廣督

臣

瑞麟轉準署兩江督

臣

何

璟鈔錄原奏咨會到

臣

當經欽遵檄行軍需總局會同藩司核

欽定軍機處

臣

議詳辦伏查原任兩江督臣曾國藩原奏推廣收標變通借補章程及議校技分班給獎酌委四條於愛惜人才之中寓鈴束智能之意馴良者既不至置諸閒散桀黠者亦得以戢其器陵可以儲將材卽可以消隱患所費無幾所裨實多誠爲安插遺撤將弁之良法粵西用兵最久保獎武職較多歸標候補者已不爲少而現在黔滇各省軍營及本省邊腹水陸各營大小員弁尤難數計將來陸續撤回諸須安插亟應倣照辦理以免失所依歸其歸標學習之承襲世職武進士武舉亦可令其隨同考校用資激勵臣悉心酌核原議各條本已盡善惟間有因地制宜量爲變通之處酌定六條移行各標鎮協營一體查照

臣已於九月二十八日先就省標考課因甫經開辦核計參遊都守千把人數尙屬無多均已認真校閱分別等第照章獎賞閒有弓馬生疏者責令立限學習不少寬貸以期技藝精嫻免蹈綠營疲弱之習至此項月課經費因粵西庫款支絀暫飭軍需總局按月墊支仍飭藩司設法籌款詳咨立案俾經久遠俟考課人數漸多另行列單陳奏所有臣遵將遣撤歸標武員考試月課緣由除分咨戶兵二部外理合繕具酌定章程清單隨摺敬呈

御覽謹會同大學士兩廣總督臣瑞麟廣西提督臣馮子材恭摺具奏伏乞

新刊增補皇朝通志卷之六  
皇上聖鑒訓示謹奏



越南積弱不振豫籌保衛邊境疏

同治十二年十月二十九日

奏爲越南積弱不振各匪乘機肆擾現仍督飭粵軍防剿兼施並豫籌保衛邊境情形恭摺具奏仰祈

聖鑒事竊

臣

於本年六七月內曾將粵軍分紮邊關內外扼要

設防相機授勅各緣由先後奏報在案數月以來查悉越南各匪多在宣光河陽一帶開有零股分出擄劫並未攻襲城池邊境尙爲安靖茲於十月二十二三等日疊據總兵劉玉成候補道覃遠璉稟報探悉法兵於初一日攻破越南河內省城官多被擄兵有傷亡並有黃逆崇英與陳四黎大各匪乘機攻襲太原山西姦民游勇蟻附鴟張之信北甯現亦戒嚴請示如何進

正等語當以洋人攻取河內無非辦理通商我軍似可無須過問該鎮道等務各申明軍律確探匪蹤審度機宜先防後剿用固邊圉兼恤外藩不得稍涉大意亦不得別滋事端檄飭去後伏查越南之患法人爲最臣於春閒密陳該國情形摺內已略陳之不期爲患如是之速也夫法人之欲圖越南本非一日法人之不忘粵西亦非一日矣前此占據越南六省其不遽爲併吞之計者維時吳逆未除羣盜蜂起取之無所利益徒與粵軍爲難迨巨寇旣除各匪漸形斂戢只黃逆崇英盤踞河陽較爲梟悍方與白苗交通尙未知其向背也因而有涂普義販運軍裝之舉藉以要結黃逆黃逆旣從各匪無不爭附法人之計已

得矣而猶未能釋然者粵軍  
各匪尙恐未能遽逞也因  
來粵遊歷之舉一則曰交界  
無與生衅旣可隱制粵軍不  
一意橫行而河內因以不守  
蓄意於越南之情事而所謂  
逆億之詞亞亦未敢瑣陳致  
宸聽第現在粵軍半駐關外  
將及北甯夷官踵營乞援自  
諭旨相機防勦不敢膜視外

致難辨識更恐越南各營假冒粵軍名色致啟猜嫌加以離營  
散勇沿邊游民或出入賊中或往來河內形迹混雜謠傳滋多  
皆足起衅端而撓事局臣已縷悉咨商大學士兩廣督臣瑞麟  
據實轉告法國領事及安參將等如遇粵軍於邊關內外堵剿  
越南各匪與法兵絕不相干俾釋嫌疑用全和議仍應請  
旨飭下總理各國衙門照會法國熱公使轉飭遵照免滋事端  
抑臣尤有不能不鯁鯁過慮者粵西太鎮南甯三府均與越南  
毘連卡隘紛歧綿延千里劉玉成覃遠璉兩軍共勇八千餘人  
合則見多分則見少該匪挾有奧援恃其利器較之從前倍形  
猖獗若竟分股內竄我軍備多力分策應不及難免疏虞內地

伏莽尙多羣起響應彼族從而生心則全粵爲之震動臣與司

道再四籌商擬請

旨飭由廣東撥兵數千卽由欽州逕出關外約會援剿或繞赴  
西省南太地方協同堵剿庶兵力足資分布可無顧此失彼之  
虞如廣東祇防欽州一路未能撥兵出境擬卽於楚粵界上增  
募勁勇二三千人奏調知兵大員統帶前往作爲邊關內外馳  
剿之師仍應請

旨飭由廣東查照前次奏撥之案按月籌解饒銀二萬兩以資  
接濟是否有當伏候

聖訓飭遵所有越南積弱不振各匪乘機肆擾現仍督飭粵軍

防勦兼施並豫籌保衛邊境情形恭摺由驛馳奏伏乞  
皇上聖鑒訓示謹奏

援剿越南黔苗請獎疏

同治十二年十一月十五日

奏為遵旨彙保連年援剿越南堵剿黔苗及各府州縣先後  
勦辦土匪尤為出力員弁紳團恭摺籲懇

天恩仰祈

聖鑒事竊提

臣

馮子材自同治十年正月遵奉

諭旨督軍馳赴龍州順殲宣隆土莽隨卽派隊出關克復牧馬  
夷省及長慶從化通化白通各府縣城迭克香洧硝廠青箕上  
林舊街銀山波賴瓊山武崖左彎蘇街多處賊巢殲除逆首趙  
雄才會亞治蘇懶漢等各股匪疏通諒山北甯饒道海陽太原  
各省轄一律肅清太平鎮安沿邊州縣亦皆防剿兼施不遺餘

力經前護理撫 康國器及 與提 馮子材會奏欽奉

諭旨準將出力員弁擇尤請獎在案又慶遠府屬之東蘭河池  
南丹那地柳州府屬之懷遠泗城府屬之西隆凌雲各州縣時  
有貴州苗匪竄越尋擾歷經調派營勇會同各該文武合力堵  
剿並越境擄平四寨苗巢擊敗李高脚巨股殲擒偽帥李宰彪  
苗目多名亦先後奏奉

諭旨俯準擇尤保獎又永融雒柳交界之四十八峯賓州屬之  
三葫古羅下周武緣縣屬之那工阮寺宣化縣屬之覃王那美  
隆安縣屬之隴淦隴密橫州屬之大塘古同甯明州屬之安馬  
小鎮安廳屬之那旺馬浪北流縣屬之大坡塘岸岑溪縣屬之



思孟連城周媚各匪巢並富川縣會匪盤科仔藤縣叛匪何先  
體貫縣客匪張平義黎特崧等節飭該管道府督屬調團會同  
派出各營次第掃除均隨時奏奉

諭旨俯允擇尤保獎各在案又從前勦辦右江股匪克復泗城  
歸順各府州城並解鎮安太平隆安各府縣城圍由前撫

鳳文奏奉

諭旨俟邊郡軍務告竣擇尤請獎在案伏查越南逆首趙雄才  
會亞治等糾合股匪兇焰復張陷彼多城搖我邊宇貴州逆首  
李高脚等句結生熟苗匪屢犯柳慶轄疆我軍或閒關赴援或  
協團力禦連年暴露均著勤勞而各府屬土匪皆係漏網兇頑

乘閒思逞經各該文武兵團隨時勦捕就地殄除亦不無微勞足錄至於右江股匪戡定有年艱險備嘗戰功具在久稽獎敘眾望尤殷今關外援軍漸次撤回以防爲勦黔邊防務較前亦紓各府州縣地方漸臻安謐由提臣及軍需總局司道將各案應保員名分別開單咨詳前來自應遵照疊奉

諭旨將各案在事尤爲出力文武分繕清單籲懇

恩施伏查此次單開人數本覺過多惟案積十數起時閱四五年合則見多分仍見少臣再三查核減而又減現在擬保員名較之原開各單不過十存一二廣西地方狃定尙在用人之時合無仰懇

天恩俯準照獎以示鼓勵出自

逾格鴻慈除將在事傷亡員弁查明彙請

賜卹並其次出力官兵紳團咨部酌獎外所有遵保連年援勦

越南堵勦黔苗及先後勦辦各股土匪尤爲出力文武緣由謹

會同大學士兩廣督臣瑞麟廣西提臣馮子材合詞恭摺具

奏伏乞

皇上聖鑒訓示謹 奏



募補額兵片

同治十二年十二月二十日

再查粵西各標鎮協營兵額自同治四年經前撫

臣張凱嵩

奏明裁減後因連年軍務未竣籌餉維難未能募補復額惟查  
省城爲根本重地自經裁減兵力較單緩急之間難資備禦又  
柳州爲省外重鎮轄境寬廣伏莽未清分設汛防需兵駐紮均  
不能不酌量募補經臣督飭藩司及省標三營參游詳加酌議  
卽在省城新撤防勇內挑選精壯二百名撥充左營額兵六十  
名右營額兵六十名桂林營額兵八十名合隊認真操練以資  
巡緝其提標五營並經咨商提臣馮子材共添募兵丁一百六  
十名除撥永福之黃冕鹿寨寨沙碓容之三门江洛垢等處分

防要地外其餘存城合隊操練以備調遣均飭按照省標提標原裁各兵成數分別戰守糧缺應需餼米若干造送藩司覈明籌款起支另行咨部備案其餘省外各營現因餼項支絀應俟庫儲稍裕察看情形隨時奏咨辦理所有臣因地募補緣由謹會同大學士兩廣總督臣瑞麟廣西提臣馮子材附片具奏伏乞

聖鑒訓示謹 奏

奏 聖 在 事 旨 在 事 旨 在 事 旨 在 事

奏

聖

在

事

旨

在

事

旨

在

事

旨

在

明園工程之用無論粵西庫項如何支絀總應籌款分途採辦速爲運京以濟鉅工當經檄飭藩司分札各府州設法採辦茲據該司文格呈詳遵已飛行各該府州籌辦去後旬日以來就近細訪在省官紳商賈均稱粵西木植向無柟柏陳黃松木其所產者僅有杉木油松無如地方自經兵燹二十年來山林材木焚燬殆盡近雖稍資長養而甫成拱把復爲土人取作柴薪則喬柯益鮮若照冊開丈尺除油松不合使用外卽杉木一項雖近接貴州一帶徭山或有遺株然能否中茲繩墨是否近水可以運送出山均難懸揣現復飛催各府州遴委明幹官紳諳練商賈分途購採先就出產情形按照冊式能否採辦何項木



植若干星速稟覆以便將水陸運送各事宜另行籌議具詳緣  
奉行原文飭將採辦木植丈尺根數務於今春三月內報明合  
將詢訪大概情形詳請先行 奏咨以免遲誤等情前來臣覆  
查粵西層巒疊嶂本屬產木之區軍興以來梁棟異材多遭兵  
燹所訪尙屬實情臣復細加察訪廣西向有木商販木作筏運  
赴各處發賣然皆散木凡材若限以徑長丈尺近年以來購求  
不易且以山路崎嶇陡仄河道灘堰彎環如何設法運送均稱  
未經辦過不敢臆度核與藩司呈詳大略相同除督飭該司等  
飛飭各府州設法採辦不準稍涉玩誤另行咨報總管內務府  
辦理並先將詢訪情形咨明外所有臣奉文督辦緣由謹會同

大學士兩廣總督臣瑞麟恭摺具奏伏乞  
皇上聖鑒訓示謹奏

粵西盜案難復舊制疏

同治十三年三月十九日

奏爲粵西拏獲盜匪案件遵旨體察情形悉心酌議未便遽復舊制據實上陳恭摺仰祈

聖鑒事竊臣接準刑部咨軍機處交出廣東道監察御史鄧慶

麟片奏同治十二年閏六月初六日奉

上諭御史鄧慶麟奏軍務肅清省分拏獲盜賊土匪請照舊例由該管上司覆核辦理抑或稍爲變通等語著刑部議奏欽此欽遵交出到部查各省辦理此等案件有循例解勘具題者亦有仍照舊章批飭就地正法者且有一省之中分別距省遠近或解勘或不解勘辦理未能一律茲據該御史以軍務肅清省

分拏獲盜賊土匪請照舊例由該管上司覆核辦理抑或稍爲  
變通等因具奏係爲慎重人命恐有誣枉起見惟是讞獄固不  
厭周詳而定制尤期於盡善至事關地方要務尤應斟酌辦理  
期無窒礙現在除雲南貴州甘肅外其餘各省軍務雖早已肅  
清第盜劫之風尙未止息每年此等案件合計總不下一百餘  
起距省寫遠各處長途解勘諸關緊要況奉天吉林黑龍江等  
處尤爲根本重地騎馬賊匪根株仍未能淨絕動輒什百爲羣  
肆行劫掠此輩兇悍異常抑且狡譎成性較尋常人命搶奪等  
案迥不相同尤未便久稽顯戮一或稍事延緩難保不別滋事  
端全在地方官認真接捕得以從權辦理立予正法使該處人

民觸目警心庶足以懲兇徒而安良善若遽由部一律改歸舊制竊恐窒礙難行設有未便轉非綏靖地方之意且各省情形不同亦難懸擬相應請

旨飭下各省督撫將軍都統府尹體察情形將拏獲馬賊土匪並夥眾持械強搶案件應否規復舊制或於成例之中稍爲酌量變通之處亦卽妥議章程迅速具奏再由部彙核辦理以重憲典而防流弊等因奉

旨依議欽此咨行到臣當卽欽遵行司悉心酌議茲據署臬司嚴樹森議詳粵西自洪逆滋事以來盜賊蜂起萑苻徧地近年頻加剽洗漸覺大致龐安而伏莽迄未悉清夥眾劫掠之風尙

難盡絕奪犯毆差殺傷團勇之案聞亦難免雖與奉天馬賊稍異而兇悍較之尤甚每據呈報盜案或攻毀村莊或戕殺事主或焚燒屋宇或擄人勒贖種種殘暴殊駭聽聞似此兇悍情形全在隨時隨地速拏立辦庶使觸目警心若遽復舊制照例招解聽候部覆不獨久稽顯戮無以稍示懲創且邊遠州縣距省動逾千里或二千餘里長途解勘在在堪虞值茲邊防孔殷姦徒伺衅各牧令正籌防勦又須護解匪犯實有兼顧不遑必致匪黨乘機截奪誠如部議非綏靖地方之意殊有窒礙難行臣復與該司博訪周諮詳加酌核粵西爲昔年肇亂之邦苗獠雜處獷悍成風殺人打單係其故習至今盜風未息伏莽猶多與

他省情形迥不相同且從前廣西匪盜流毒東南數省前車可鑒尤應從嚴整頓未敢以姑息爲慈祥擬請嗣後拏獲情重土匪及夥眾持械強搶拒捕案件仍應如前辦理就地正法以期遏亂萌而戢兇燄俟全粵肅清再行請復舊例至該御史原奏係因人命至重恐有誣枉不可不加意慎重粵西拏獲匪盜本已通飭錄供請示不許擅決今擬再加變通遇有匪盜等案由該州縣獲犯訊供後一面通報一面錄送該管府州就近親提覆訊核定罪名稟請批示再行正法倘供證未能確鑿案情尙有疑義卽不得概請就地懲辦致干查參庶於嚴懲匪盜之中仍寓慎重民命之意以期無枉無縱所有臣督同臬司悉心酌

議緣由是否有當理合恭摺具奏伏乞

皇上聖鑒勅部核覆施行謹奏



遵

旨勦撫越南匪徒疏

同治十三年六月二十一日

奏爲遵

旨現籌勦撫越南匪徒及越南近日情形恭摺具

奏仰祈

聖鑒事竊

臣於同治十三年五月二十一日承準軍機大臣字

寄五月初一日奉

上諭越南匪徒一經法國會勦難保不奔竄邊境著瑞麟等分飭沿邊帶兵各員隨時偵探嚴密設防爲勦爲撫務須認真籌辦不得稍涉輕率等因欽此欽奉之下仰見

聖謨廣運動策萬全

臣

等敢不竭力籌維相機辦理以期內固

疆圉外恤藩封伏查越南官兵能勦匪者莫如劉永福一軍卽

上年在河內與法人打仗之黑旗隊也越南各匪宜亟剿者莫如黃崇英一股卽上年在河陽與法人涂普義交通現在分擾西北之匪徒也臣窺法人之意所欲剿者必先劉永福所欲撫者必先黃崇英而又慮粵軍現畱高諒越南得倚爲聲援或未肯遽聽其言於所欲剿者剿之於所欲撫者撫之也因而有調回粵軍之議有招回匪徒之議並有與越南會剿之議蓋謂至是而粵軍不得不撤至是而或剿或撫越南不得不從矣夫粵軍出駐關外已四五年一以邊寄甚重勢當設防一以外藩乞援情難膜視初非兩國構兵之後始議進屯臣於復總理各國衙門與兩廣督臣函內已縷悉言之高諒密邇三關形勢最爲

扼要自經越軍收復之後夷情倚以爲安今一旦遽議撤回無  
論高諒隨失甯太益孤越南之兵不能併力西攻越南之匪必  
將分股東竄正恐粵西緣邊郡屬處處與匪爲鄰在在須兵列  
戍自此咫尺之外不得賊情亭障之傍悉成敵境前功盡棄而  
後患無窮則粵軍之未可遽撤也現在越南各匪大半漏網餘  
兇其撫叛無常前事可鑒年來句結漸廣聲息潛通狡詐情形  
百倍往日徒以防軍密布未敢擾逼邊關然其尋仇報怨之心  
則未嘗一日或釋今若漫無區別概準召回處置未能相安禍  
端卽肇於眉睫防維未能盡善戎患卽伏於隱微前準督臣咨  
送招撫章程極爲周妥臣復督同司道悉心商酌增設多條其

能否施行有無流弊則尤未敢深信蓋以

朝廷破格之恩不乞自疆臣不乞自藩服而出自他族之一言  
微特恩怨所歸得失立判已非所以尊國體而戢戎心則匪  
徒之未可遽招也至於法人與越南會剿各匪之議如果屬實  
粵西得以一意設防不復兼籌援剿既可紓越南之怨望更可  
釋法人之嫌疑計孰有便於此者而不謂法人創爲此議初未  
與越南會商其意惟在撤粵西之兵報河內之役且欲越南之  
自絕於中國併使粵西之自失其外藩也臣初聞此議不能無  
疑比經函商督臣但以未經奏奉  
諭旨亦無越南咨文爲辭乃數月以來越南國王及近邊夷官

遞呈文牘仍以撥援爲請並無與法人會勦之言而原駐粵東  
之法國領事與現在越南之督軍法官於督臣處亦迄無片語  
申覆是其情虛計沮已可想見則會勦之未可遽信也夫法人  
自以爲越南在其掌握獨無如劉永福一軍與之相抗旣未便  
遽指爲匪又未能遽加之兵而黃崇英遠在河陽中爲劉永福  
所阻與河內聲息不通粵軍分駐高諒又可扼其東竄之路計  
惟有聲稱會勦概許招安懈越南之軍情撓粵西之成局然後  
可以惟所欲爲耳臣嘗日夜籌維竊謂越南各匪一日不除關  
內外粵軍一不可撤粵軍於法人固不容別滋事端粵軍於  
越南必不可置諸度外但越南大局屢敗於撫今當一主於勦

而粵軍本計惟在於防今當以防為勦並可以勦為撫故不必  
 諱言勦以失越南之望亦不必惡言撫以滋法人之疑因其勢  
 而導之相其機以圖之期於越南尚有所裨而與法人更無所  
 忤斯可矣近據關外軍營探報法人原駐河內者漸次退出其  
 大小洋船亦皆退泊左金港口有云俟涂普義來時仍要進紮  
 省城又云勒令南官往勦劉永福讓出河路雖莫測其用意所  
 在而劉永福一軍近來聲勢頗壯黃崇英屢為所敗退據老巢  
 其黨句結白苗擾偏保樂距鎮安邊界僅百餘里比經飛飭劉  
 玉成由關外撥兵往助堵勦該匪望風引退復為滇省開化練  
 勇所邀似此機會大有可乘臣已商同司道遴委梧州府知府

徐延旭往督邊境團防兼辦收撫事宜又因候補道覃遠璉報  
丁父憂改委候補道趙沃交卸鎮安府事就近接統其軍該二  
員頗曉戎略兼悉邊情越南官民均所信服臣曾密授機宜令  
於到防後將越南軍情賊勢悉心體察隨時會商卽於防堵之  
中兼籌勦撫之策日前越南貢使過境復諭以粵省仰體  
皇仁不欲膜視該國如法人會勦之說竟屬子虛該國統帥得  
人能制各匪不至仍前狂竄粵軍雖經奏明不能深入亦必遵  
奉

諭旨相機應援等語該使臣深爲感激臣維越南君臣能否及  
時振作尙不得知粵西防軍現在勦撫兼籌能否得手亦難逆

料然揆度時勢越南果不爲他族牽制能任劉永福以擊黃崇英而粵軍於其可勦者勦之於其可撫者撫之黃逆雖有奧援想亦不難殄滅此係密籌梗概未敢稍涉張皇現仍明飭關內外各軍不得因法人暫退任從營中弁勇擅往河內致生事端亦不得因黃逆敗回各匪已許招安稍疏備禦頃據署左江道許其光稟遵札帶勇會同東省官軍查辦積匪漸次蕺事將來東軍進駐欽州兵勢旣合邊防益固爲勦爲撫更可協力通籌俟徐延旭等到防辦理畧有端緒隨時 奏報外所有遵旨現籌勦撫及越南近日情形理合恭摺由驛馳 奏伏乞

聖鑒訓示飭遵再 臣前奉



諭旨粵西官軍出境剿匪於該國有無裨益不至別滋事端著  
劉長佑馮子材悉心妥籌速議具奏欽此惟時越南與法人正  
在構兵各匪乘機肆擾臣已專摺馳報是以不復瀆陳旋因法  
人與越南正在議和事涉通商應由督臣主政遇有關係邊防  
之件亦惟隨時咨商辦理未敢率行議奏上煩

聖鑒合併陳明謹 奏

							1071
--	--	--	--	--	--	--	------

粵西無從採辦大木疏

同治十三年七月十八日

奏爲查明粵西地利物產無從採辦大木據實奏聞仰祈  
聖鑒事竊臣前準內務府咨現在奉

旨修理圓明園等處工程所有應需大件松木柁檁柱料暨楠  
柏杉木京中難於購覓奏請行文兩湖兩廣四川浙閩採辦大  
件木料每省各三千件作正開銷並將能否採辦何項木植若  
千件先將尺丈根數於今春三月內報明迅卽運京以求實濟  
等因奉

旨依議欽此欽遵咨行到臣遵經檄飭藩司查照冊開各項  
木植徑長丈尺飛札各府州督屬設法採辦並先將詢訪粵西

出產情形於三月十九日 奏明在案 臣於前次拜摺後疊次  
嚴切行催茲據藩司文格詳稱陸續接據各府州轉據所屬稟  
覆均稱冊開柑柏陳黃松等木粵西向不出產從前雖有杉木  
油松亦多不中繩墨兵燹之後山林盡被燬焚近雖稍有生發  
多未成材是以民間修補屋宇所需尋常檁柱等件久已訪購  
維艱茲奉飭辦大件木料多係徑數尺長數丈者其間雖有徑  
數寸長丈餘者查皆非需用柑柏黃松又窮於向不出產卽所  
需桅木原 求之杉木中如此丈尺亦爲近來所未有實屬無  
從採辦且粵西水路紆回石瀆林立尋常木筏尙難暢行大木  
質重且長就令換得遺株亦實萬難運出各等情由該藩司再

四訪察委員覆查屬實詳請 奏咨前來 臣查前項木植係爲  
欽工要需自應竭力購辦萬不容稍事違延無如細訪情形粵  
西地土瘠薄類多石山向不出產大木而山徑之僻河道之險  
挽運大件木植人力有所難施該府州所稟委係實情且檢查  
檔卷 京中歷辦各項要工粵西從無派辦木植之案則是荒  
陬物力久荷

朝廷鑒垂而兵燹頻經情形更非昔比此次內務府原奏內稱  
各省能否採辦何項木植若干先行報明其亦深知各省情形  
不同恐致拘泥延誤現既查明無可採辦實屬限於地利窮於  
物產惟有仰懇

天恩俯念粵西無從購辦大木

敕下內務府另行設法辦理以重要工而免貽誤謹會同大學

士兩廣督臣瑞麟恭摺覆奏伏乞

皇上聖鑒謹奏

籌款酌修文武衙署疏

同治十三年七月十八日

奏爲籌款酌修文武大小衙署等工以崇體制而資棲止仰祈  
聖鑒事竊官署爲出政之地必肅民以觀瞻土木非飾治之端  
必恤財而節省粵西僻在邊徼夙稱瘠苦之區物力艱難庫款  
匱缺官斯土者卽躬行節儉猶恐補救未周公私交困豈敢以  
烽煙漸息年穀稍豐遽興不急之舉無如此地爲倡亂之邦自  
咸豐初年以來兵燹頻經各府州縣相繼淪陷雖桂林鎮安兩  
府鬱林一州與百色博白兩廳縣僅能圖存而其餘則賊蹤所  
到村郭盡屬邱墟衙署多成灰燼倉廩監獄所存亦十無二三  
十餘年來附郭之民編葺茅茨以蔽風雨而官舍以工程較大

聖正性之三年... 卷一... 三  
驟難修復至今多在荒煙蔓草之間是以文武各官履任非儼  
寓民房卽借居佛寺當官有羈旅之憂在上無大觀之象而且  
囹圄已毀倉廩無存罪囚難免疏虞丁糧艱於儲積其關係誠  
非淺鮮近雖被擾較輕之州縣間有籌款補修亦不過因陋就  
簡興復者不及十分之二其倉廩監獄均尙缺然臣疊與在省  
司道再四酌商比因邊備方殷祇得先其所急勉籌經費將原  
設沿邊關隘擇要補修而於衙署等工姑從緩議茲據藩臬兩  
司會同軍需釐金總局具詳粵西本屬邊地苗獠犷雜處其  
間非若他省之軍民易於鎮撫文員無衙署則關防不密易啟  
覬覦武職無衙署則號令不威難資控制且監獄所以繫重囚



倉廩所以儲積粟各工實不可緩而巨費未易猝籌現當邊郡防軍需饑甚鉅廣東協款又已議停若將此項工程遽令廢者俱舉微論一時無此巨款而且兵火頻年林木焚燬殆盡實亦無可取材計惟有酌量緩急分年帶修以冀用材而材不匱勞民而民不擾庶彫殘之後元氣不致再傷前經詳明札飭各府州分別勘估切實查辦去後茲據各府州造具估修文武大小衙署及倉獄等工清冊前來按冊查覈其計估修衙署二百九十三處倉獄八十五處需用磚瓦木石麤細工料經費銀二十九萬三千六百餘兩復經該司道等大加刪減除其不急省之又省約尙需銀二十萬兩零擬請在於粵西捐輸釐金各項下

分作六年陸續籌款每年於撙節之中籌銀三萬三千三百餘兩酌發各屬將被毀無存之衙署倉獄等工漸次修復以存體制而肅觀瞻至此項動用銀兩統俟工竣歸入善後案內核實造報等情由該司道等會詳請 奏前來 臣維粵西大致麤安善後之圖首在講求吏治整飭營伍茲文武衙署未修復者二百九十三處倉獄未修復者八十五處若不亟籌舉辦則文武無治公之地措施難免失宜洵於吏治營伍大有關係現據該司道等等款分年帶修以萬不可緩之事用萬不得已之財所議尙爲允協如蒙

俞允應俟工竣之日據實造冊報部核銷所有 臣督同籌修緣

由謹會同大學士兩廣總督臣瑞麟恭摺具奏伏乞  
皇上聖鑒勅部核覆施行謹奏

臨桂李樹森同校  
南陵胡永福

劉武愼公奏稿

劉武愼公全集十八

卷之十七目錄

南丹紳民京控土豪審明定擬疏

任滿籲請 陛見疏

查辦田州官族片

巡閱通省營伍疏

審明知州擅殺罪犯疏

左右軍進剿越南匪苗疏

土田州歸流片

粵軍與南兵合攻河陽片

清復州縣糧額請獎疏

酌改營兵戰守成數疏

越南恭進香禮方物遵查成案疏

請豁梧潯短征正餘銀兩疏

請豁檳榔關稅片

議設汛防疏

貴州俸饟無銀可解片

攻破越匪老巢生擒首逆疏

1798/1799

南丹紳民京控土豪審明定擬疏

同治十三年十月二十

奏為南丹紳民京控土豪莫雲義等擾害地方殺人佔產遵旨審明分別定擬恭摺仰祈

聖鑒事竊臣接準都察院咨據廣西候選州同莫蘭茂九品軍功周學孟民人曾光華等各以惡逆漏誅肆行掠殺等詞呈訴一案於同治十二年閏六月二十一日具奏二十二日內閣奉

上諭此案著交劉長佑督同臬司親提人證卷宗秉公嚴訊確情按律定擬具奏原告軍功周學孟民人曾光華抱告莫蘭茂該部照例解往備質欽此並準兵部將原告周學孟等遞解到

鑒正州公案卷一  
粵臣當將該原告等札司飭發桂林府會同該局委員按照原  
控各情訊供一面委員行提應訊人證卷宗去後旋於十二年  
十月十七日承準軍機大臣字寄同治十二年九月二十八日  
奉

上諭劉長佑奏土豪被控抗審現在籌辦情形一摺廣西南丹  
土豪莫雲義藉團恣暴爲害地方其子莫五兇狡尤著屢被控  
告莫雲義竟匿居蠻洋山寨恃險負隅抗不到案該土豪稔惡  
多年漸形跋扈亟應捕拏懲治以儆刁頑劉長佑以該處地險  
寨堅驟難擒獲並聞其與黔省苗匪聲氣相通尤恐被勦窮蹙  
遁入苗寨重煩兵力該撫現已增調練勇二三營派員統領前



往勦捕馮子材熟習該處情形卽著就近督飭各營  
 務將莫雲羲弋獲毋令漏網並著曾璧光酌撥兵勇  
 地方以杜竄越毋任乘閒潛逃致與苗匪勾結莫雲  
 卽著劉長佑將被控各情逐一根究盡法懲治莫如  
 受賄朦稟等情仍著劉長佑查明辦理欽此臣查莫  
 負嵎業經臣派委總兵黃仲慶統領各營勇馳赴慶遠  
 署府朱爾輔籌商勦捕並咨會提臣馮子材就近督  
 勦旋據黃仲慶稟報督勇將莫雲羲誘擒附從均已  
 委員先後提解莫雲羲並莫芹圃莫蘭森及一千人  
 司督同桂林府知府鹿傳霖等確審分別擬議由署

樹森會同布政使文格覆審詳解前來臣親提各犯覆加研鞫緣莫雲義莫芹圃均係廣西南丹土州官族莫雲義疏遠無服爲人貪暴曾帶團勦賊迭保候選知州莫芹圃係屬近支久欲圖襲無便可乘亦因帶團得保縣丞與莫雲義交好咸豐年間土知州莫樹棠病故無子繼立堂弟莫樹榕代理州事該土州管轄一年未及歲詳委莫樹楷胞弟莫樹榕代理州事該土州管轄一十三哨地廣民繁土俗遇有公事派民出費當差莫樹榕爲人庸懦均聽門丁黃可珍經理多有苛派哨眾不服同治三年三月莫芹圃因見官男年幼乘機與莫雲義商謀屬將莫樹榕殺死許俟得代土官事成重謝莫雲義貪利應允隨與長子莫五

詐稱投效招集兵勇意圖乘便劫殺時有州同銜從九品莫蘭  
 森幫莫樹榕辦事莫樹榕察知莫雲羲蓄意謀害與莫蘭森帶  
 練往捕莫雲羲亦集勇拒鬪彼此互殺約獎五六十人莫樹榕  
 敗走莫雲羲乘勢趕到州廂縱勇焚掠按哨派捐如有違抗鈔  
 擄殺人官紳請兵勦辦莫雲羲帶長子莫五逃走僅獲其妻謝  
 氏並二幼子交莫樹榕審訊正法莫芹圃乘閒稟府將莫樹榕  
 參革委莫芹圃協理州事莫雲羲探知不服遣子旬約泗州鳳  
 山土匪回至南丹復仇適值苗匪亦竄州境莫芹圃逃避眾哨  
 無主仍接莫樹榕回州至拉隊地方身故經前署河池州李世  
 椿出示招安五年五月莫雲羲遵示將苗匪擊退具稟投誠李

世椿詳準官男莫繼業承襲戶委莫汝俊佐理並令莫雲義與  
官母莫彭氏撫孤莫雲義接彭氏母子同居莫汝俊旋亦病故  
莫雲義卽將彭氏母子挾往蠻洋山寨一切獨斷獨行不由莫  
彭氏等作主並因佐理病故恐另委人稟請以官母護印莫芹  
圃又赴府州求復佐理經莫雲義稟阻未行莫芹圃懷憾愆愆  
受害百姓紛紛呈控官差屢傳莫雲義修寨築碣抗不到案又  
虜勇丁無食開種附近荒田將莫蘭森之塘慕巴定拉崖固里  
龔里六寨六處莊田一併墾種八年莫蘭森招佃復業莫雲義  
並未霸阻是年冬閒莫蘭森倩母舅盧開林往莊收租與莫五  
賭博輸錢口角爭鬪被莫五殺死搶去其莊內牛馬穀米莫蘭

森疑是莫雲義主使赴州呈告旋值苗匪竄境集訊未到十年三月莫雲義隨同官軍將苗擊退並獲多匪送辦訊無通苗情事九月莫雲義自稱官母委佐州事出示派捐有曾光仁曾光義曾光禮曾光智並冉馮朱王楊文石等七姓避居山崗共許給銀一百四十兩莫雲義嫌少帶人拆屋用火熏崗攻入將曾光仁弟兄殺斃並殺冉馮等七姓多命財物豬牛婦女擄掠一空復將曾光仁等首級懸示粉頭場威嚇土民不敢抗捐十一年莫蘭森欲藉辦團斂費令團勇莫義莫二等赴村派捐所收無幾十二年六月有土民黎富昌抗阻莫蘭森聞知氣忿帶同莫義莫二前往毆打免致各村效尤抗捐莫蘭森等行至村外

黎富昌瞥見嚷罵莫蘭森喝令莫義等上前攢毆莫義莫二登  
時將黎富昌共毆斃命一同跑走曾光華黎莫氏等先後省控  
經臣分別批行嚴緝並派游擊潘德言駐軍忙場密飭府經歷  
陸壽嵩入寨誘致莫雲義投審送出官母官男莫雲義負嵎如  
故時有思恩縣在籍紳士莫如勤委赴慶遠府屬查辦邊防隨  
帶忻城土紳莫有葵路過南丹莫如勤知莫有葵與莫雲義素  
識遣赴蠻洋就便查探情形莫蘭森聞而生疑又因潘德言駐  
軍忙場未曾進勦卽以受賄阻勦等詞遣抱呈控並添砌莫雲  
義派丁送財莫有葵坐省夤緣等情希冀聳聽維時曾光華周  
學孟回州與莫蘭森會遇共談受害情由各皆氣忿起意京控

莫蘭森卽代曾光華周學孟做就呈詞並自作詞狀倩堂弟莫  
蘭茂作抱邀曾光華等結伴一同進京赴都察院衙門投遞奏  
奉

諭旨交臣督同提審由部將各原告遞解回粵臣業將查辦情  
形先行陳奏一面派調總兵黃仲慶會同署慶遠府知府朱  
爾輔帶勇圍拏旋將莫雲義誘擒並咨準貴州古州鎮將其子  
莫五拏獲派員前往會訊明確就地正法梟示一面派員提解  
莫雲義等並一千人卷到省行司督同桂林府等悉心研訊據  
各供認前情不諱詰無謀爲不軌及月有起衅別故矢口不移  
案無遁飾查律載殺一家非死罪三人者凌遲處死又例載殺

一家三命以上兇犯審問

聞一面恭請

王命先行正法又例載本  
意不行之犯俱擬斬立決  
定奪毋庸斷給財產又例  
使之人為首絞監候以下  
條援引他律比附定案各  
圖代理土州謀殺莫樹榕  
母藉印妄為實屬情同忒  
尚同時殺死曾光仁等弟



兇殘自應照律問擬莫雲義除句匪殺擄照強盜例止斬梟輕  
罪不議外應請革去知州依殺一家非死罪三人凌遲處死律  
凌遲處死該犯情罪重大臣於審明後照例恭請

王命派委桂林府知府鹿傳霖署桂林營遊擊胡陵將該犯網  
綁押赴市曹凌遲處死仍傳首犯事地方示眾以昭炯戒莫芹  
圃起意圖代土州商允莫雲義謀殺莫樹榕未成以致莫雲義  
帶勇拒鬪慘殺多命釀成地方巨案情節較重未便因所謀之  
人未殺仍照尋常謀毆定擬致滋輕縱惟徧查律例並無作何  
治罪明文自應比附定擬莫芹圃除圖襲未成輕罪不議外應  
請革去縣丞比照本欲謀殺一人而行者殺三人案內造意不

行之犯擬斬立決例擬斬立決候

旨定奪莫蘭森欲藉辦團派捐因土民黎富昌抗阻聞知氣忿帶同莫義等前往毆打因黎富昌瞥見嚷罵莫蘭森喝令莫義等上前攢毆致將黎富昌共毆斃命自應按律問擬莫蘭森除京控受賄朦稟各情失實輕罪不議外應革去州同銜從九品依威力主使人毆打致死者以主使之入爲首絞監候律擬絞監候秋後處決莫芹圃雖事犯在同治十一年正月初四日恩詔以前惟所犯情節較重且到官在後擬請不準援減曾光華周學孟聽從莫蘭森代作詞狀添砌委員受賄各情赴京呈告雖事出有因究屬失實惟該原告等均受莫雲義之害均請

從寬免其置議隨同莫雲義助惡各犯及毆斃黎富昌從犯莫  
義等並莫樹榕門丁黃可珍均飭嚴緝獲日另結莫雲義妻子  
均已伏誅其妾三人訊係擄佔民婦獲日查明給親領回該犯  
等所捐銀錢並無確據供已經花用免其著追莫樹榕代理  
土州乖謬失職業已身故應具訊無受賄營私之紳士莫如勤  
莫有葵均毋庸議南丹土州事務現委漢員候補同知冒廷章  
暫行彈壓俟結案後選擇佐理有人再令莫繼業復任土俗派  
費陋規嚴飭永遠禁革以除積弊該土州蹂躪之後民多失業  
現飭彈壓之員按哨清查莫蘭森莊田飭傳該親屬具領雷正  
邦京控各情現訊莫雲義堅不承認是否其子莫五所爲無憑

質訊俟咨提雷正邦到案訊明辦理所有失察之地方官職名  
查取至日另行送部無干省釋除全案供招咨部察核外所有  
臣遵

旨督同審明議擬緣由謹繕摺具 奏伏乞  
皇上聖鑒敕部核覆施行謹 奏

任滿籲請

陸見疏

同治十三年十月二十五日

奏為

微臣

在任三年期滿籲請

陸見恭摺仰祈

聖鑒事竊

臣

於同治十年七月二十一日在廣東巡撫任內欽

奉

上諭調補廣西巡撫蒙

恩飭赴新任

臣

欽遵交卸東撫篆務馳抵廣西於八月十七日

接印任事伏念

臣

驚庸如故補過未遑到任以來因地方伏莽

尚多鄰氛猶值及時督屬防捕轄境漸獲羸安惟越南匪徒乘

機復逞粵西邊郡內地布防藉為該國聲援以時解其黨與

於本年六月密陳關外情形及派員籌辦事宜已蒙

聖明洞燭嗣於八月十六日 奏明出省巡閱營伍由平梧潯  
州以次簡校於十月初一日行抵南甯就近與在事文武妥籌  
沿邊防務及一切勦撫機宜臣駐邕旬餘即取道上林賓州查  
閱柳州各營約計冬月中旬即可旋省竊念臣自違 京闕於  
今八年比思過家園徒殷傾向迨之官嶺嶠仍阻仰瞻區區愚  
忱積深歲月何幸近  
光之有自適當述職之屆期粵西本年秋收豐稔民氣安愉關  
內外防軍應辦事宜責令各文武恪遵奏案審度事機當能隨  
時妥辦合無仰懇  
恩施俯準臣北上

陸見俾得

天顏重覩

聖訓親承庶一切有所遵循實下懷無任依戀俟奉

批誦遵將巡撫關防循例委藩司護理卽當趨赴 闕廷跪聆

教誨所有微臣瞻戀下忱理合恭摺陳 奏伏乞

皇上聖鑒訓示謹 奏

多子道公先生

子



查辦田州官族片

同治十三年十一月十五日

再思恩府屬土田州官族岑鋹岑鉅獷悍性成自咸豐年間與署土知州岑森爭龔構釁分據田里互相械鬪疊經委員會同承審官查辦未能相安臣於上年飭署百色同知麥文震設法排解均覺帖然曾不數月故態復萌麥文震因請酌帶兵勇前往拏辦卽率岑森擒斬岑鉅及土酋顏文洛班如宿林卜丁等多名祇岑鋹與積匪麻景翠等逃匿無蹤當飭確探密拏勿任漏網遺患殊不意麥文震輕信岑森之言謂岑鋹已墜崖身死麻景翠亦被土練擊斃遽爾撤營停緝臣正在疑詰聞至今年八月據接署百色同知候補直隸州知州薛光宗稟報岑鋹現

率其子岑乃秀邀同麻景翠及土酋韋德遠黃布裳蒙明昌等各糾匪黨並招游勇千餘人在外三里地方肆行劫殺岑森莫能抵禦等情復準署右江鎮總兵潯州協副將達三咨同前由臣以田州距百色較近恐其分出滋擾當飭該員等迅督兵勇實力防捕並行左江鎮道就近酌撥營勇以資應援旋據署左江道許其光稟比接達三文報已撥道勇一營星馳前往並據統領防軍候補道趙沃亦於鎮安邊境撥勇兩營取道奉議逕趨田州該匪等聞風震懾退回內七里地方其新被誘脅之眾逃亡不少臣在省時與司道熟商岑鉉爭龔構釐倖逃法網仍敢糾眾滋事實屬罪不容誅而岑森本非親支人極庸劣平時

但知苛斂有事莫展一籌著卽撤去署任並勒交田州印信暫  
存思恩府庫責令帶練助勦以觀後效麥文震查拏未能切實  
卽應嚴參姑念從前緝匪尙有微勞且於田州情形較熟議先  
摘去翎頂責令備資赴營立功自贖由兩司詳準分別札行去  
後臣出省巡閱由平梧至南甯疊據田州各營文武稟報由州  
廂先後移營進紮內七里麻景翠韋德遠等竟敢盤踞那伏淶  
藍各村意圖抗拒連日督隊攻勦頗有斬擒惟各匪村堅險異  
常一時尙難得手臣以各匪假岑銓爭襲爲名劫掠報復比聞  
官軍將至卽節節退縮其非蓄意叛亂可想而知因就近出示  
安撫土民解散匪黨一時棄械歸里者不下數百人赴轅投懇

者亦不下數十人適督辦左江團防補用道梧州府知府徐延  
旭來南甯稟商事宜臣以該員素有識畧委令前往田州督同  
各營體察情形分別勦撫並商由左江鎮總兵李起高派出福  
字勇一營交該守帶往以資厚集昨據藩司文格畧臬司嚴樹  
森詳委候補知府柳增秀接署思恩府印務候補通判錢福貽  
接署百色廳印務均屬因地擇人堪以相助爲理諒此烏合之  
眾無難次第驅除惟聞岑鉉畏勦先逃尙匿慶遠府屬之鳳山  
土司其在內七里被勦游勇亦有相隨至鳳山者該土司韋崑  
年適與該司幫目三姓有仇殺之釁竟將此起遊勇一併招集  
勢漸鴟張查岑鉉與鳳山土司本係媼親與內七里最爲密邇

臣未出省時曾密飭東蘭州知州就近密探岑鋹蹤迹如果潛  
匿鳳山卽移會管帶果勇候補副將李雲梯帶隊馳往拏辦並  
經密飭該副將查照在案昨據慶遠府稟報著東蘭州知州候  
補通判翟宗達甫經遣調果勇前往能否就近將岑鋹及韋崑  
年一併勦除尙不得知臣現飭徐延旭迅督各營由內七里搜  
勦而前並飭泗城府梁炳漢添撥營勇於凌雲縣與鳳山連界  
之處扼要堵禦以期三路兵勇聯絡一氣用收夾擊之功臣維  
廣西各土官近多自相殘殺貽害地方而上田州尤甚臣愚以  
彼內亂頻作或其世澤就湮擬俟此次勦撫事竣體察情形如  
應改土歸流抑仍擇人承襲再當與司道及在事文武悉心商

議隨時具奏恭候

聖裁至麥文震及岑森如再不知愧奮仍當分別參辦斷不敢  
稍涉姑容理合附片具奏伏乞

聖鑒訓示謹奏

巡閱通省營伍疏

同治十三年十二月十五日

奏爲巡閱本省營伍情形及回省日期恭摺具 奏仰祈

聖鑒事竊 臣遵

旨巡閱營伍於七月二十四二十六等日閱過 臣標左右兩營及桂林營八月十六日起程由省由水路前往平樂查閱平樂協左右二營及富賀營麥嶺營次抵梧州查閱梧州協左右二營及懷集營復由梧州派流而上至潯州查閱潯州協左右二營次抵南甯查閱左江鎮標中左右三營及南甯城守營改由陸路出思恩至賓州查閱賓州營並至柳州查閱提標五營及柳州城守營各官兵十一月十七日旋抵省城其鬱林思恩上

思三里永甯義甯全州慶遠等協營官兵俱循向例委員代閱  
已據陸續呈報前來覈與臣閱過各營合操大陣並連環槍礮  
均屬整齊聯絡各官兵馬步箭及擡鳥槍中靶均尙及額刀牌  
雜技亦有可觀點驗軍裝馬匹亦皆無缺至左江鎮所轄太鎮  
各協營右江鎮所轄泗慶各協營因切近邊關或兼轄土屬現  
值撥兵防捕未便撤回應俟邊土稍安再行補閱統計通省營  
伍以省標提標左江鎮標爲上潯州梧州次之義甯平樂各協  
營又次之其官兵技藝優長者從重獎賞並記名升拔槍箭無  
準者當場棍責革伍閒有技藝稍生而年力尙堪造就者勒限  
學習限滿考驗有無長進再行核辦惟查員弁內梧州協右營



千總朱亮左江鎮標右營右哨千總李忠秀均久病不愈義甯  
協右營守備柳舒榮永甯營千總梁明魁均意存規避應一併  
斥革新太協右營守備呂復之右江鎮標中營左哨千總梁永  
祥均年力就衰應一併勒令休致賓州營左哨二司外委黃連  
彪臣標右營外委鄭柏東均因弓馬生疏應卽降爲馬兵以觀  
後效除咨部查照所遺各缺揀選拔補外理合將閱過本省營  
伍情形及回省日期恭摺具奏伏乞

皇上聖鑒再臣至南甯時防軍各統領均赴行次稟商邊事臣  
已面授機宜飭卽回防及時籌辦又沿途察看地方漸有起色  
民情尙爲安靜足以上慰

聖懷合併陳明謹奏

審明知州擅殺罪犯疏

光緒元年四月二十四日

奏為遵旨審明已革知州擅殺罪犯應死干總按律議擬恭摺仰祈

聖鑒事竊照前撫

蘇鳳文任內奏請將擅殺武弁之知州

劉深革職審辦一案同治九年閏十月十六日內閣奉

上諭蘇鳳文奏請將擅殺武弁之知州革職審辦等語廣西鎮

安協右營千總龐金源被控勾匪殃民等情歸順州知州劉深

並不稟候革究輒將該弁擅殺實屬荒謬劉深著即行革職提

訊從嚴懲辦欽此經前撫臣欽遵檄行前署左江道王達材督

飭前署鎮安府知府趙沃親詣歸順州密查龐金源弟兄為匪

刑式真公全表

七

實迹提齊人證解道錄供稟覆並委員押解劉深到省飭委桂  
林府知府鹿傳霖督同讞局委員審擬由布政使文格署按察  
使巖樹森會同審明擬將劉深照擅殺應死罪人律杖一百事  
在歷次欽遵奉

恩詔以前寬免杖罪並請開復原參革職處分仍以原官歸部  
選用等情會詳請 奏前來 臣查劉深籍隸江西泰和縣由監  
生報捐知州選授廣西永安州知州到省後疊因軍功保舉藍  
翎同知並以應陞之缺升用加運同銜同治元年到任八年調  
補歸順州知州飭赴調任該員沿途訪聞州屬果樂村武生龐  
金源與其弟龐金鏞素不安分爲人兇橫無惡不作咸豐初年

土賊倡亂龐金源奉文起團名雖督練實同土匪擾害百姓地方官無如之何咸豐三年龐金源下鄉打單勒索銀錢稍不遂欲燒殺搶掠受害之那足村民農寔穎等指控有案四年謀殺淪安村民楊方一家二命其家已絕無人告發同治二年逆匪吳亞終黃崇英盤踞州城龐金鏞與黃宗英結拜弟兄受天德王偽號人畏兇惡無敢控告賊退後龐金源以帶練得保拔補鎮安協右營千總其弟龐金鏞倚勢愈橫劉深到任出示招告卽據紳耆劉峩齡等呈控到州劉深派差密拏龐金鏞猶不斂迹九年正月又因逼索賄欠殺死張輝一命並擄其妻室財物現據張輝之母張陸氏呈報有案隨將龐金鏞拏獲審訊俯

首無辭並據承認楊方因與伊兄有仇是以糾匪殺害張輝因  
騙伊賭欠係伊起意殺斃劉深將龐金鏞收押移營將龐金源  
名糧開革解州質訊適值黃崇英股匪竄近邊境離州不遠城  
鄉謠言四起僉謂龐金源句來報仇民心惶惑紛紛搬避劉深  
禁阻不住派丁赴營催提經署鎮安協副將唐芳林於七月十  
五日派外委鄧廷揚提送龐金源過州劉深傳齊人證審訊龐  
金源一見劉深斥其不應將伊弟收押指面嫚罵不服審訊並  
稱爾有筆我有刀看是誰利黃崇英指日圍城如劉深將伊弟  
稍有損傷定不干休等語劉深見龐金源異常跋扈欲縱不能  
卽喝差役將龐金鏞提出連龐金源一併捆綁押赴城外斬首

鄧廷揚報知唐芳林趕救無及稟經前撫臣先將劉深撤任  
 奏參革職檄飭左江道轉飭鎮安府親詣查悉前情提齊人證  
 解到審訊錄供稟復委解劉深到省札委桂林府督同讞局委  
 員審擬由藩臬兩司會審明確議擬詳解到臣覆覈無異詰無  
 挾仇及起衅別故查律載罪人本犯應死而擅殺者杖一百等  
 語此案龐金源被控未入營時與其弟龐金鏞同惡相濟通匪  
 打單搶擄殺人現據訪查明確眾供足據本屬罪犯應死惟劉  
 深不照例稟詳輒行斬決實屬擅殺劉深合依罪人本犯應死  
 而擅殺者杖一百律擬杖一百事犯在同治十一年正月初四  
 日十三年十一月十五日兩次欽奉

聖正情公白集卷十一  
恩詔暨光緒元年正月二十日欽奉

恩詔以前所得杖罪應請准予寬免並請開復原參革職處分  
仍以原官歸部選用聽候

飭部覈議龐金源龐金鏞打單爲匪搶擄殺人罪有應得業已  
被殺身死應與救阻不及之外委鄧廷揚均毋庸議龐金源爲  
匪事在未得保以前現在營官無從覺察其從前失察爲匪之  
牌保飭傳革役並將違例濫保之官司查取職名另行送部除  
全案供招咨部查覈外所有審明議擬緣由謹會同兩廣總督  
臣英翰恭摺具奏伏乞

皇太后



皇上聖鑒飭部覈覆施行謹奏

欽此

臣



左右軍進勦越南匪苗疏

光緒元年四月二十五日

奏為粵西右路防軍由越南保樂州分投進勦破賊撫苗攻克縣府各城現飭會軍進圖黃逆並左路防軍堵勦各股匪徒各情形恭摺仰祈

聖鑒事竊臣於同治十三年七月內具奏現籌勦撫越南匪徒一摺欽奉

諭旨粵軍駐紮高諒既為越南聲援又可自固疆圉黃崇英股匪屢為劉永福所敗機會大有可乘劉長佑已飭徐延旭趙沃體察越南賊勢軍情著該撫隨時密授機宜以期於事有裨徐延旭等到防後如何辦理著詳悉具奏欽此欽遵轉飭辦理在

案惟時越南與法人正在議和候補道趙沃梧州府知府徐延  
旭亦到防未久勦撫尙無定局是以奏報稍遲上年十月臣閱  
兵至南甯該統領等同來行次稟商事宜臣復細加察訪面授  
機宜並將趙沃與記名提鎮劉玉成所統各營分爲左右兩軍  
俾專責成而資策應又因徐延旭改委督辦田州勦撫事宜所  
有邊境團防安撫等事均飭趙沃劉玉成就近兼辦旋據右路  
探報黃逆崇英派出匪目陳亞水馮二等分擾保樂州距粵西  
鎮安邊界不遠左路探報周建新陸之平鄧志雄各股匪分擾  
高平諒山兩省界上臣當飭該各統領務遵奏案相機防勦各  
匪亦漸次退回惟黃逆悍目陳亞水等恃有白苗助虐於保樂

境內分踞里社環築營壘顯有并吞該州之勢附近民人踵營乞援趙沃以保樂切近鎮安未便聽其淪滅自撤藩籬又以白苗獷悍異常必先設法招撫俾爲我用以孤黃逆之黨因移會左路防軍酌撥營勇填紮右路原防地段以顧後路兼絕賊援稟由臣批行到營適越南國王來咨仍述前奉

諭旨講速出師助勦而該國統督黃繼炎又已派出領兵梁俊秀帶練千人願充鄉導該道卽於二月初三日親督勇隊一由龍欄渡河進攻淪台社賊巢一由百都取道田篷進攻洞奔卽同文土州賊巢參將党敏宣黃義德率同把總田福志縣丞謝有道等於初五夜五鼓出隊四面進攻同文破其圍牆三重該

匪退伏內巢判死抗拒党敏宣等各挑奮勇多備火器肉薄仰  
攻移時巢內火起眾勇爭先殺入斃賊頗多其突圍逃出者復  
被都司党英華縣丞謝有道之勇截殺幾盡我勇亦有傷亡副  
將宋福慶莫雲成等同日由科棟整隊直趨淦台該匪因同文  
已破心膽先寒遙見我軍旌旗亦卽傾巢先遁山路紛歧追之  
弗及遂卽築營該社趙沃得報親赴同文飭各員弁招回苗民  
曲加撫慰均卽欣然順從詎匪目陳亞水等復由耆良卽底定  
縣添派黨眾分守茶平那畹仍遣人詣營乞降該道心知其詐  
佯爲許之密飭各營乘勢進勦莫雲成宋福慶率同領兵梁俊  
秀於那畹寨前築營甫定該匪悉眾來撲莫雲成堅壁不出誘

賊稍近縱兵擊之賊眾返奔自相踐踏死傷不少卽於是夜逃  
回底定党敏宣於攻克同文後招出苗酋龍兵頭等均願就中  
舉事接應官軍稟由趙沃許給花紅以啖之屆期各營圍攻茶  
平急切未下該苗酋連發暗號我勇直前斬柵入巢賊眾慌亂  
盡棄器械逃往山中茶平旣克弄河欏江各社望風乞降祇有  
普高匪巢界接滇疆山勢奇險牆柵甚固其黨尤多且悍党敏  
宣等密令龍兵頭募善於扒山之苗民數十人挑營勇趨捷者  
隨之各帶火箭噴筒暗伏巢後山上黃義德督同守備莫本明  
武生謝恩慶帶隊由兩旁山徑紆徐而下三面偪攻未能得手  
忽見後山火器紛擲巢內多係茅屋登時延燒殆盡匪眾無一

脫者由是江文牡丹各社苗民均棄械開柵以迎官軍苗酋李成兆並卽帶練引導官軍將附近之毛街匪巢登時攻破斃匪多名奪獲器械多件各營隨卽進紮那阮此二月初由保樂州進軍沿途連破賊壘招撫白苗之實在情形也續據諜報黃逆因官軍漸逼底定白苗皆有異心由河陽挑出悍黨千餘交賊目黃滿廖四領帶前來助守底定並有分股由間道鈔襲官軍等語趙沃申明軍律激勵將士一面諭令苗酋挑選練丁擇要設防用助聲勢一面檄催遊擊王正明管帶營勇由鎮廳馳來應援適苗酋李成兆亟思圖報自率苗練徑赴襄安府襲破附城礮樓三座該匪悉眾來爭李成兆力難兼顧已棄其二党敏



宣派把總田福志帶隊馳往助戰都司李石秀縣丞謝有道各率勇繼之當將礮樓二座奪回時底定匪眾增築新壘堅守如故黃義德等商同各營豫備排柵土囊夜深出隊於賊壘前面連紮十二營黎明賊覺併力圍攻我軍堅壁肅然臥鼓休息賊亦陸續引退趙沃以各營已紮賊壘之前利在急攻令王正明督同苗酋盤有先斷賊糧路又令各營更番出隊晝夜攻襲以困之賊果不支退回底定縣城十九夜三更朱福慶莫雲成等率元字新右兩營勇由東南兩面憑高施放火器乘賊驚擾斬關而進巷戰一時之久賊死傷枕藉皆向西北奪路混逃經党敏宣莫雲成所帶親兵新勝兩營之勇由右後兩路攔頭截殺

餘悉逃回襄安該副將等商留同知華本松酌帶勇練防守底  
定仍卽督營直逼襄安查襄安石城眾山環繞進攻頗難所恃  
附城礮樓早爲我軍占踞當令附近苗練多備竹梯分給各營  
於二十日夜全隊進攻城上槍礮齊施勇練屢前仍卻並有傷  
亡把總田福志奮不顧身率所部由礮樓前面豎梯先登謝恩  
慶李成兆等繼登各營勇同時並登分投廝殺賊且戰且走悉  
眾西城奪門衝出散入深林天黑路生遂卽收隊報經趙沃委  
員提訊生擒各匪據供陳亞水馮二廖四存亡未卜首匪林亞  
新於攻奪礮樓時中槍身亡當將各匪分別懲辦並設法安撫  
附近苗民飭各將弁探明路徑整頓隊伍剋期進取安邊府城

此三月內由那阮那晚會軍進剿攻克底定縣襄安府各城及現籌進取安邊共圖黃逆之實在情形也左路記名提督劉玉成一軍向在越南高諒兩省擇要駐防自上年以趙沃一軍分防高平該提督所部專防諒山嗣因黃逆分股擾偏右路趙沃抽調營勇由保樂前往剿撫其原防高平所屬牧馬通攜等處相距波賴蘇街匪巢較近商由劉玉成駐諒防軍就近兼顧均經臣批行遵照在案本年正月接據劉玉成轉據副將陳朝綱稟報有梁三朱成魁各股匪竄至諒轄白通州派社地方築柵盤踞並分黨攻打山巖該州官暨該社里長請兵援剿陳朝綱督同參將劉應高及千總彭瑞華黃雲高等由梅屯塘甲合隊

進勦先將攻打山巖之匪擊退乘勢偪攻派社立破外柵兩重賊猶憑險抵禦劉應高等身冒矢石斫關入巢各勇踵至斃匪多名餘皆潰散所獲牛馬等物悉數給還該社居民又據副將李揚才稟稱漏網匪首鄧志雄率黨竄至野市該市里長稟由都司陳福朝派勇幫同捕拏鄧逆度難抵敵逃回那郁寨僅獲偽軍師杜老一名劉玉成以該逆多年巨寇亟宜殄除飭李揚才督同陳福朝及千總韋祥祿陸見芬等率勇協練攻破那郁寨鄧逆隻身先逃當被勇練擊斃割取首級就地梟示頗快人心現在諒轄已無賊蹤劉玉成因右軍深入恐黃逆分黨擾出高諒致有疏虞卽照原議撥營移紮牧馬通攜地方並由關內

酌抽勇隊親督前往相機調度頃報已飭李揚才督常勝四營  
取道坡省洲疇直擣波賴匪巢派副將蔣榮昌守備林鳳鳴帶  
鎮柳中左兩營紮出平嘉阮那堵截北大竄匪又飭副將陳朝  
綱督同參將劉應高遊擊宋遠明等帶鎮柳親兵三營分由五  
台洞卜會擣鏗牢仍於各營原防地方留勇照常守禦此左路  
防軍先後勦捕諒轄竄匪及現調各營由高諒分投堵勦以絕  
黃逆黨援兼助右路聲勢之實在情形也臣維越南之巨寇莫  
如黃逆黃逆之近援莫如白苗今趙沃一軍深入苗疆節節勦  
撫黃逆已失所恃此外雖有陸之平周建新等各股匪分擾北  
太轄境尙可遙為聲援而劉玉成現飭各營數路並進以勦為

防北大各匪亦無能爲力且聞劉永福亦已進兵河陽屢復勝仗但能堵截西南兩面勿任乘虛他竄而沿河上下更無有礙軍行之處黃逆定可成擒周陸各股匪均可分別剿撫越南國勢漸振粵西邊防亦紓矣至趙沃調出各營自春初跋涉蠻荒冒受煙瘴攻堅躡險日夕靡遑用能克復三城使匪黨寒心苗民歸命勦辦尙爲得力所有在事尤爲出力人員及陣亡武弁合無籲懇

天恩量予獎卹以鼓士氣而速成功出自

逾格鴻施其餘各營與左軍先後出力將弁由臣查明存記彙案核保外謹將此次右路尤爲出力人員擬請獎卹銜名另繕

清單恭呈

御覽伏候

聖裁所有粵西右路防軍由越南保樂分投進勦破賊撫苗攻  
克縣府各城會軍進圖黃逆暨左路分撥營勇防勦北太股匪  
各情形理合會同兩廣督臣英翰廣西提臣馮子材恭摺由驛  
馳奏伏乞

皇太后

皇上聖鑒訓示謹奏

皇正世公之身即孝二十

三



土田州歸流片

光緒元年四月二十五日

再照土田州岑鏹麻景翠等匪糾黨肆行劫殺經臣咨行左江鎮道及統領防軍補用道趙沃就近酌撥營勇應援並委補用道梧州府知府徐延旭前往督同各營會商署思恩府知府柳增秀分別勦撫於上年十一月十五日奏報聲明如應改土歸流臣與司道及在事文武悉心商議隨時具奏欽奉

諭旨著卽督飭徐延旭等設法勦辦毋任貽害地方俟勦撫事竣再行體察情形妥籌具奏欽此欽遵在案臣維土田州在思恩府境內西界雲南土富州地廣俗悍械鬪成風世襲土知州岑氏係宋時隨征有功承襲土官以守其祀自前明以來叛服

無常明臣王守仁討平之仍以岑氏爲土吏目後復升爲土知  
州頒給銅印其命盜等案歸百色同知承審乃岑氏族眾支分  
爭龔仇鬪層見疊出嘉慶年間岑勛兩次爭龔至咸豐五年土  
知州岑乃青病故無子爭端又起於是岑裕基爭龔岑鉅岑鋈  
又爭龔官族附黨構禍土目乘勢殃民獷悍性成終難不變署  
土知州岑森又與岑鋈分黨仇殺土民流離轉徙日不聊生當  
以岑森不職撤革而岑鋈等招黨未散仍復肆行劫殺自徐延  
旭等前往督勇勦撫岑鋈懼於兵威與其黨麻景翠潛逃檄飭  
東蘭州文武在鳳山一帶兜緝無蹤餘匪亦紛然逃散第土民  
橫被焚掠其困苦情形視遭賊最久之區爲尤甚臣諭飭徐延

旭等宣布

朝廷德意隨地撫卹該土民等得見漢官凡軍行所到秋毫無擾遂接續接踵來營泣訴苦狀均願歸流官管轄不願復爲岑氏土民其望切改流甚避水火自應及早定計以救民生疊據徐延旭及該管道府稟呈情形臣與藩臬兩司悉心籌商該土州旣疊起爭端互相仇鬪自岑乃青病故後又無近支合例應襲之人如立遠支一人即可無爭亦何樂岑氏失其世守但立一岑而諸岑必爭土民不免仍罹於難其禍亂將相尋不已現據體察輿情稟請改流自是拔本塞源之計查土田州地方內外共分十里每里分三都每都分四圖每圖之廣十里二十里

不等多與百色廳奉議州緊相崑連今請改流擬於燕洞險要之地設立知縣一員作爲苗疆衝繁調缺俾令整飭化導一洗從前土官科派陋習其餘各里附近百色者撥歸百色管轄將百色同知升爲苗疆直隸廳卽以新設之縣屬之附近奉議者撥歸奉議管轄卽將奉議州州判升爲簡缺知州以資控制至岑氏一族其構禍逃亡者現飭密緝懲辦餘皆疏遠之族應如何處置俾免遷徙失祀及此外添設官員建立學校移添營汛兵弁修建城垣衙署與夫清查田畝地糧編查烟戶各事宜應檄飭徐延旭等就近悉心確查稟呈次第籌辦據藩司文格署臬司嚴樹森先將擬請改流大概情形會詳請 奏前來 臣查

粵西慶遠府屬之東蘭州鎮安府屬之小鎮安通判思恩府屬之那馬通判均因地方多故承襲不得其人先後改土歸流今土田州爭襲構釁地方糜爛甚於他處而查其親支又實無堪襲之人自可援案辦理以安黎庶除仍飭嚴緝岑鋆麻景翠及附勢助虐之人務獲分別究辦外相應請

旨將土田州知州革去世職其地改設苗疆知縣一員並將百色同知奉議州判二缺酌量升爲苗疆直隸廳簡缺知州就近分撥其地以資治理出自

聖裁如蒙

恩允其餘未盡事宜容

臣

督同兩司續行妥議分別

奏辦

臣

爲整飭邊境消弭後患起見是否有當謹會同兩廣總督臣英

翰先行附片具奏伏乞

皇太后

皇上聖鑒訓示謹奏

粵軍與南兵合攻河陽片

光緒元年四月

再臣於春初接據牒報黃逆聞粵中由保樂港  
內乞援初許辦銀若干卽發兵若干後亦中  
未便助逆失信也然彼族居心叵測臣仍密  
探密爲之防至河陽爲黃逆老巢與安邊只距  
滇省距滇邊界約百餘里今粵軍進逼安邊營  
攻河陽黃逆勢感黨孤難保不伺隙狂竄臣前  
督臣岑毓英於廣南開化邊境調兵會勦尙未  
軍擊賊普高其地緊接滇疆查問該處守隘各  
勦確信臣於拜摺後擬再行咨催如刻難出師

欽定四庫全書

兵勇嚴為設防又廣東欽州界連越南廣安海陽各省前經署

督臣張兆棟遵

旨派員帶有營勇駐境設防現在西省兩路防軍專意堵剿北

太宣光各匪猶恐海廣兩省接連諒山邊境或有另股匪徒乘

閒竄擾意圖牽制臣並擬咨商督臣英翰撫臣張兆棟飭知駐

欽營勇確探密防並卽相機援應以期共固邊疆是否有當理

合附片陳明伏乞

聖鑒訓示謹 奏



清復州縣糧額請獎疏

光緒元年五月十五日

奏爲清復宣化等州縣糧額出力官紳籲懇

天恩俯準分別獎敘恭摺仰祈

聖鑒事竊照粵西兵燹經地方彫敝田土荒蕪各屬應徵錢糧多半缺額而南甯府屬州縣爲尤甚亟應招墾清丈以復舊額臣督同前藩司遴委明幹之員分赴各屬會同地方官認真清查造繳徵冊如能辦有成效事竣將出力官紳彙請分別給獎以示激勵飭行遵辦在案現任藩司履任後查各州縣徵冊因被匪擾多有毀失而南甯府屬久陷於賊案冊俱成灰燼糧額尤屬難稽以致應納錢糧隱匿拖欠完者寥寥相習成風幾

不知完糧爲何事若再任日久朦混不但無可催科且於民風大有關繫是清查糧額實爲善後一大端竊經該司嚴飭各該州縣會同委員設法實力查辦以清正賦陸續據宣化隆安新甯橫州永淳等州縣會同查糧委員稟報督同團紳將各處田畝分別清查丈量侵占者飭歸本業隱漏者補造花名荒蕪者隨在招墾該員紳等竭二年之力始將糧賦清復舊額並將何戶應完銀米若干分晰造具實徵冊籍送司附列在事出力官紳分別請獎其桂平武宣縣錢糧賦額繁鉅前因徵冊散失亦多缺額經前署桂平縣知縣鹿傳霖署武宣縣知縣況逢春督率員紳清丈復額造繳徵冊並將在事出力員紳列摺送司請

獎據藩司文格署臬司嚴樹森查明應獎官紳分別詳請具  
奏前來臣逐加查覈該州縣等繳到徵冊各花戶應完錢糧悉  
與原額相符該地方印委各員會督團紳周厯村鄉徧勘原隲  
櫛風沐雨不避艱難先於被賊最重之區將失冊無徵之田按  
屬清復糧額現在催徵已有起色實屬辦理得宜尙有微勞足  
錄合無仰懇

天恩俯準分別給予獎敘以示鼓勵出自

逾格鴻慈相應繕具出力官紳清單恭呈

御覽其餘各州縣如有糧額未清者亦卽隨時督飭辦理以重  
正供合併陳明謹會同兩廣督臣英翰恭摺具奏伏乞

皇太后

皇太后

皇上聖鑒訓示謹奏

酌改營兵戰守成數疏

光緒元年五月二十日

奏爲酌改營兵戰守成數恭摺上陳仰祈

聖鑒事竊維粵西軍興而後各標鎮協營兵丁傷亡缺額且值庫款支絀兵饑難籌前於同治四年內經前撫臣張凱嵩奏明裁減兵額嚴覈虛糧並將各營戰守成數另酌分配以期兵饑兼籌欽奉

諭旨允準遵辦在案臣查左江鎮地處邊陲提標控制苗疆均屬重鎮原設左江提標各營兵額本係戰七守三分配同治四年裁兵案內核減戰兵較多留存額兵改配戰四守六實由兵饑萬難起見現在庫款仍形支絀惟左江邊防緊要提標鎮扼

黔苗現存額兵似宜酌添戰兵足數俾於營制有裨臣屢準提  
鎮臣咨商檄行藩司妥籌核議茲據該司文格議覆各營戰兵  
每名月支饌銀一兩五錢守兵每名月支饌銀一兩戰饌多於  
守饌當此庫款支絀籌撥維艱本難遽增戰糧惟左江提標各  
營原裁戰兵較多與別營不同自應酌量辦理擬請按現存兵  
數以戰六守四分配左江鎮中左右三營裁存戰兵二百八十  
二名守兵四百三十二名南甯城守營裁存戰兵一百一十二  
名守兵一百六十八名今按戰六守四分配左江中左右三營  
應存戰兵四百二十八名守兵二百八十六名南甯城守營應  
存戰兵一百六十八名守兵一百一十二名請飭各營將弁在

於現存守兵內挑選拔補以符戰兵六成之數其餘留作守兵  
提標中左右前後五營前於同治十二年 奏明於裁存守兵  
之外添補戰兵六十四名守兵九十六名實共存戰兵四百名  
守兵六百名今按戰六守四分配提標五營應存戰兵六百名  
守兵四百名亦請飭各營將弁在於現存守兵內挑選拔補以  
符戰兵六成之數其餘留作守兵核計左江鎮標三營以守改  
戰兵一百四十六名每年共增餼銀八百七十六兩南甯城守  
營以守改戰兵五十六名每年共增餼銀三百三十六兩提標  
五營以守改戰兵二百名每年共增餼銀一千二百兩統計各  
營每年加增餼銀二千四百一十二兩尙可由司分別設法籌

支並請飭左江鎮及提標各營將弁將挑補戰兵名數起支糧  
餵日期分晰造冊送司另詳咨部立案籌款撥支按年入冊請  
銷詳請具 奏前來 臣查該司議請將現存左江鎮提標各營  
兵數酌改戰六守四分配既於裁存兵額不復議增而於戰守  
成數較爲適當現值整頓營伍之時相應請

旨俯準酌改辦理以符經制而重操防除另行咨部備核外所  
有 臣酌改各該營戰守成數緣由謹會同兩廣督 臣英翰廣西  
提 臣馮子材恭摺附驛具 奏伏乞

皇太后

皇上聖鑒訓示再此次酌改戰守成數係因各該營原裁戰兵



較多操防不敷分配稍與營制未符亦不得不酌量議改其餘各營裁存兵數前係因地制宜分成勻配核與原額戰守成數無甚懸殊應請仍照裁定原案辦理合併陳明謹奏



越南恭進香禮方物遵查成案疏

光緒元年七月十一日

奏爲遵 旨查明恭摺覆奏仰祈

聖鑒事竊

臣

於光緒元年七月初五日承準軍機大臣字寄光

緒元年六月十二日奉

上諭劉長佑奏越南國王因奉到

穆宗毅皇帝遺詔擬遣使恭進香禮又齎進表文方物慶賀登

極各摺越南國備列藩封虔修職貢今該王阮福時以接奉

遺詔欲遣使遠來進香並因登極呈進方物具見悃忱著該撫

卽行查照成案奏明辦理將此諭令知之欽此遵

旨寄信前來等因到 臣 恭查道光三十年同治二年據越

南國王呈遞咨文專遣陪臣恭進

香禮並齋進慶賀

登極表文方物均經各前撫臣據情具奏先後欽奉

上諭著卽行知該國王令其不必遣使遠來進香其慶賀

登極方物亦毋庸呈進欽此欽遵轉行各在案茲該國王專遣

陪臣恭進

穆宗毅皇帝香禮並齋進慶賀

皇上登極表文方物自係出於至誠臣謹查明道光元年三十

年及同治二年歷次欽奉

諭旨恭候

命下欽遵辦理謹會同兩廣督臣英翰恭摺由驛覆奏伏乞  
皇太后

皇上聖鑒訓示再查越南近因法人議約通商並派出官兵隨  
同粵軍於宣光太原等省勦辦黃逆崇英及周建新朱成魁各  
股匪均未蕝事合併陳明謹 奏



請豁梧潯短征正餘銀兩疏

光緒元年七月十八日

奏爲查明梧潯兩廠同治四年至十一年短徵正餘銀兩經徵各員實在無力賠繳再行籲懇

天恩俯準豁免恭摺仰祈

聖鑒事竊臣前因廣西梧廠自同治四年正月日起至十一年十月初十日止應徵正稅除分別徵解提抵勒賠清款尙短徵盈餘銀二十二萬三千三百三十三兩零潯廠自同治四年正月

起至十一年十月十九日止應徵正稅除徵解提抵勒賠外尙短徵正稅銀九萬七百四十一兩零又盈餘銀二十三萬四千

八十三兩零查明經徵各員無力賠繳臣於同治十二年七

奏請豁免欽奉

月內 奏請豁免欽奉  
硃批戶部議奏欽此嗣準部咨以此次原奏所有梧潯兩廠同  
治四年以後應徵稅銀不特盈餘銀四十餘萬兩概請豁免卽  
正稅銀兩亦請豁免至九萬餘兩之多且摺內僅籠統請豁免並  
未將兩廠歷年實在情形詳細聲敘礙難率準其核給各員軍  
需墊款提抵銀一十一萬五千餘兩尙未奏咨有案無從查核  
亦未便準其提抵仍將各員短徵正餘銀兩在於各員名下分  
別追賠至以後應徵盈餘不容絲毫短少卽使虧短有因亦應  
將實在情形奏明辦理若明定章程準其減成賠繳恐啟侵蝕  
之漸仍令循照舊章辦理以符定制等因奏奉



諭旨依議欽此咨行到臣當經行司分別轉飭勒限追賠去後  
茲據藩司文格具詳據各該員劉楚英等以節年短徵銀兩實  
因商稀課絀前奉責令分別賠補設法措繳業已力盡筋疲其  
餘短徵正餘銀數實在無力再賠先後籲求寬免前來該司查  
梧潯兩廠額稅甚鉅頻年匪擾課源阻滯短徵缺額實非無因  
前將查明同治四年至十一年短徵實情缺額實數詳奏請  
豁茲奉部駁以未將兩廠歷年實在情形詳細聲敘謹再縷晰  
陳之梧潯兩廠稅課向以廣東雲貴貨物爲來源在承平之時  
商販絡繹徵收自易足額軍興之後行旅戒途梧廠課源藉資  
廣東而廣東貨物改由海運久已不涉梧江潯廠課源仰賴雲

貴而雲貴兩省疊遭兵燹百貨迄未流通短徵缺額實由於此  
就兩廠情形而論則潯廠爲尤甚蓋梧廠尙有桂平往來貨稅  
可徵潯廠惟恃南甯一路而當時邕江餘匪未靖潯屬伏莽猶  
多商販不前稅項彌絀故梧廠短徵正稅勉強責令賠足潯廠  
短徵正稅力實不能全賠尙虛懸九萬餘兩而各廠例定盈餘  
更屬絲毫無徵同治七年內奉部指撥梧潯兩廠盈餘協濟滇  
省兵饑曾經查明兩廠正稅尙形短絀盈餘實無可徵附片奏  
明在案廠稅爲粵西歲入大宗該司履任之初查核實徵銀數  
連年缺額卽已嚴察利弊力圖整飭無如粵被兵最早受害最  
深近年雖稱蠶安而元氣未復民生彫敝貨物滯銷稅課總不

能暢旺現在徵收尙無把握從前短絀可知委非在任各員經徵不力竊查例載各關徵額及盈餘定數儻有虧短議處勒完限滿不完革職監追自係承平無事之時經徵不力致有虧短故例議綦嚴若事處其變當有區別是以同治四年以前梧潯兩廠短徵正餘銀兩由於兵燹彫敝商稀課絀請豁奉部照準而各被兵省分關稅短徵請豁得邀議準者亦屬不少此次梧潯兩廠短徵前項正餘銀兩情事正復相同委非經徵不力由司詳請覆 奏豁免前來 臣復查各該員短徵廠稅正餘銀兩奉部核駁追賠自爲慎重稅課嚴杜虧短起見何敢援案瀆陳惟粵西時艱未已各員一賠再賠實有力難措繳之勢即使照

例參追而事處萬難轉覺情有可憫臣與藩司目擊情形不得不爲籲請除各員已徵未徵著賠提抵銀數前已分晰造冊送部外相應仰懇

天恩俯念各廠短徵有因仍準查照前次豁免成案將梧廠自同治四年正月起到十一年十月初十日止短徵盈餘銀二十二萬三千三百三十三兩三錢三分三釐溇廠自同治四年正月起到十一年十月十九日止短徵正稅銀九萬七百四十一兩八錢四分四釐盈餘銀二十三萬四千八十三兩三錢三分三釐概予豁免以示體恤出自

逾格鴻施至提抵銀一十一萬五千餘兩係各員墊辦軍需核

明例準支銷之款是以按數扣抵應請照準提撥歸入同治三年六月以後軍需報銷冊內彙案收支報部核銷此後梧潯兩廠應徵正餘稅銀遵照部議仍循舊章辦理嚴飭各員設法實力徵收期於足額儻短絀有因再將實情查明奏辦不得豫定減成賠繳章程以符定例合併陳明謹繕摺具奏並開列清單恭呈御覽伏乞

皇太后

皇上聖鑒訓示謹奏



請豁檳榔關稅片

光緒元年七月十八日

再臣前因南甯府廠自同治三年起應征越南進關檳榔正餘稅銀連年邊壤不靖改由海道久已缺額無征於同治十二年七月內附片奏請豁免並請暫停征收等情欽奉

硃批該部議奏欽此嗣準戶部咨以越南地方不靖尙屬實情第此股夷匪起自何年援剿邊防設自何日該撫均未敘及惟以歷年無從征收請將檳榔正餘各稅自同治三年起全行豁免閱時既有十年之久計銀則有三萬餘兩之多若概籠統請豁恐啟廠員私自侵蝕之漸且未將同治三年以前此項稅課已未征數目詳細聲敘應飭將南甯府廠檳榔稅銀在於經征

各員名下勒限按數著賠並將同治三年以前征解數目著實  
聲敘同治三年以後邊防情形按年詳查奏明報部核辦其以  
後額征檳榔稅銀暫行停止一節例制攸關礙難率準仍令該  
撫轉飭南甯廠員設法招徠實力整頓以符舊額等因奏奉  
諭旨依議欽此咨行到臣當經欽遵行司分別轉行勒追去後  
據藩司文格詳稱遵照部議嚴行勒追賠繳隨據各該員仍以  
越南檳榔早已改由海道運達廣東稅課缺額無力賠繳先後  
籲請寬免前來該司查南甯府廠向稅越南進口檳榔有閩之  
年額征正稅銀五百五十九兩盈餘銀二千四百七十四兩一  
分二釐無閩之年額征正稅銀五百一十六兩盈餘銀二千五



百一十七兩一分八釐自咸豐初年太平土匪鄧五稅鎮安土匪班世雄等相繼肆擾邊疆道梗商賈不通榔稅已無征收疊據各前府稟請詳奏豁免因稅額攸關不敢遽行請豁仍飭設法招徠實力征解所有同治三年以前正餘稅銀缺額無征經前司查各員有應領軍需墊款尙可提扣核明準銷銀數提抵過銀二萬七千六百四十一兩三分九釐已歸入同治三年六月以前軍需報銷案內列冊請銷在案其餘未完銀五千七百二十三兩五分一釐無款可提虛懸無著同治三年六月以後太鎮土匪依然紛擾七年越南夷匪接踵而起在於九封等處盤踞擄掠商販絕迹更無檳榔進關稅銀絲毫無征復據該府

以南甯缺苦時艱力難賠繳稟求豁免前司復遴員前往查察  
監收嗣據委員稟覆越南檳榔一項自咸豐年間因土匪擾亂  
改由海道赴東十餘年來始終並無檳榔進關委係無從征收  
不敢扶同捏飾等情在案臣與藩司覆加密查所稟係屬實情  
誠恐尙有不實不盡調查該府釐卡近年抽釐底簿票根逐細  
稽核亦未收過檳榔釐金以此考證該府廠檳榔稅銀委係缺  
額無征別無侵隱情弊南甯係著名苦缺各員亦實力難賠繳  
惟有再行籲懇

天恩俯準將南甯府廠未征各年檳榔稅銀全數豁免以後額  
征稅銀暫行停止俟越南股匪勦平商賈通行檳榔照常進關

再行飭令征解以重稅課出自  
逾格鴻慈謹附片具陳伏乞  
聖鑒訓示謹 奏



議設汛防疏

光緒元年七月十八日

奏爲議設汛防扼要駐守以靖地方恭摺仰祈

聖鑒事竊據平樂府協稟報修荔恭富各屬均有餘匪潛迹意在先據蓮塘老巢暗中勾引請派兵查緝而杜萌孽等情經臣派員酌帶兵勇分赴各屬密會地方文武捕獲首要各犯解府訊明懲辦臣查蓮塘在荔浦縣境內山勢奇險從前張逆羔友盤踞其中肆行滋擾攻勦數年之久始行驅除然其時伏誅者不過十之二三餘皆招出安撫陸續奔投滇黔軍營現在該處軍務告竣此輩紛紛散歸頑悍性成游蕩無業餘金使盡故態復萌若任其闖入蓮塘憑險嘯聚恐爲禍患更甚於前雖經緝

獲首要懲辦而餘黨尙未盡除正恐兵來暫避兵去潛滋究非  
 地方久安之計臣檄飭藩司會同軍需局妥議詳辦茲據布政  
 司文格等會詳據平樂協會同荔浦縣勘明蓮塘內之賀坳口  
 及雙江龍迴等坳最為扼要擬在各該處建立官舍兵房每處  
 撥兵二十名分駐巡緝所募之兵卽在該協前次裁減守兵內  
 募補六十名飭令該協造冊送司由司籌款撥給分晰登明造  
 報其管帶駐防官弁卽在於該協實缺及候補千總內輪派駐  
 紮督率巡防以均勞逸所需軍裝器械飭令軍裝局照數提給  
 以備操防應建官舍兵房飭由荔浦縣會同營員確估興修核  
 實造報由軍需局籌款給領歸入善後案內報銷具詳請 奏

前來臣查蓮塘地方專設汛防由平樂協營派撥弁兵扼要駐守無事則與附近團總留心查察有事則與本處農民協力捕防庶汛地有所責成匪徒無從託足於營制尙仍其舊而於地方大有裨如蒙

俞允其應起支糧餉卽飭藩司於奏銷冊內分晰造報以符定制所有蓮塘專設汛防緣由除咨部查核外謹會同兩廣督臣英翰廣西提臣馮子材合詞恭摺具奏伏乞

皇太后

皇上聖鑒敕部核覆施行謹奏





貴州俸饗無銀可解片

光緒元年八月二十五日

再臣接準貴州撫臣曾璧光咨準戶部咨酌撥各省乙亥年兵

饗一摺於同治十三年十二月二十日具奏奉

旨依議欽此相應鈔錄原奏清單移咨貴州巡撫一俟收到各款專案題報計單內開貴州省乙亥年實在綠旗官兵俸饗等項撥廣西潯梧兩廠盈餘銀五萬兩等因咨會前來並準戶部咨同前由當經檄行藩司亟應遵照撥解惟查粵西潯梧兩廠應徵盈餘銀兩自軍興以來商稀稅絀歷年均無徵收前奉部撥雲南俸饗經前撫臣蘇鳳文查明情形曾以無款撥解具奏在案至先後奉撥協黔兵饗臣督同藩司疊飭潯梧兩廠設

法招商實力徵解無如西省兵燹之餘元氣未復商販稀少該  
二府經徵廠稅近十餘年來微特盈餘絲毫無徵卽正稅徵解  
之數亦與定額懸殊尙須責令賠補臣於同治十二年將正稅  
盈餘分別奏請豁免雖奉部駁飭仍照章徵解而短絀情形  
早達

天聽並不始自今日況司庫歲入常供不敷所出應放俸饌積  
欠纍纍兼以越南邊氛未息內地伏莽未清分軍防勦支應浩  
繁倍形竭蹶又無別款可以籌墊所有自同治九年起奉撥協  
黔俸饌曾經貴州藩司及善後局文催均經由司先後據實咨  
復移請詳明改撥各在案茲復於兩廠盈餘項下奉部撥貴州

乙亥年俸饌銀五萬兩實屬無銀可解據藩司文格具詳前來  
除咨覆貴州撫臣查照外謹會同兩廣督臣英翰附片具奏  
伏乞

聖鑒飭部查照謹 奏



攻破越匪老巢生擒首逆疏

光緒元年九月十三日

奏爲廣西兩路防軍進剿越南股匪沿途獲勝收復各府州縣  
總社直破老巢生擒首逆現飭會剿餘匪收隊入關酌量撤留  
各情形恭摺仰祈

聖鑒事竊臣於四月內曾將右路防軍由保樂進剿攻克城社  
進圖黃逆左路防軍堵剿情形奏奉

諭旨欽遵在案嗣據右路統領鹽運使銜儘先補用道趙沃稟  
稱疊得探報首逆黃崇英尙伏河陽老巢因官軍兩路進剿屢  
挫兇鋒乃約他股匪首周建新率同死黨分拒左軍而自以黨  
眾爲右軍之敵沿途憑險立寨備禦甚嚴意謂客軍遠來勢難

持久而不戰師老自退其志猶可逞也趙沃偵知賊情計非節節攻勦不能達其老巢非面面圍不能遏其去路咨會左軍統領記名提督劉玉成一軍由北太省屬相機進勦互爲聲援並飭南兵堵截下游防其他竄自調所部各營分作三路由襄安府直下合擊河陽其派往襄安府之堂茄陌茄等處者爲左翼乃參將黃新春督同新字東字各營勇先後攻克灘頭菜園那青那甲等處賊巢於五月初二日進紮滄簏在河陽之東七十餘里其派往襄安府之燕子崗干禾等處者爲右翼乃參將党敏宣副將宋福慶督同親兵營元字營各勇先後攻克江黃官壩南天門陌心河各賊巢於五月初三日進紮萬行山在

河陽之西五十餘里其中路則派參將王正明副將莫雲成督同新後新右光字等營勇由襄安府猛集進紮滄池傍俚等處五月初一日攻克滄直賊巢正在移營進紮黃逆崇英突率死黨號集前寨股匪約數千人奮力直撲勢甚兇猛莫雲成等嚴陣迎敵槍斃多名勢猶未卻塵及日晡該逆收隊前山趕築營壘日夜相持苦戰趙沃得報飛調中路留防板環之參將黃義德都司党英華馮光賢各率營勇星夜馳援至則該逆已退我軍跟追數里頗有斬擒瞭見前面山林叢密恐其設伏誘我未敢窮追趙沃以黃逆親出督隊忽爾折還必有他變正疑慮聞探報黃逆見我中路有援未易得手偵知左翼新東兩營兵力

稍弱冀可乘虛攻襲且其後路陌茄等處留防僅有一營必難分援前敵乃欲勾引太原貞市股匪陸之平馬二等由崑崙隘竄出崇陰灘頭先躡左翼之後卽由左翼繞至中路的板環地方使我中路前營不戰自退等語幸趙沃豫調東新兩營添駐陌茄與原駐之侯勉忠一營相爲犄角又慮中路留防之勇赴援前敵後路空虛先以丁冠楨梁俊秀之南兵補紮板環舊壘仍一面嚴飭前後各營悉力戰守一面飛咨左軍督帶李揚才由太原派隊視賊所向跟蹤追剿五月十四日陸馬各逆果由崑崙隘竄出縱燒民房侯勉忠等督勇攔擊槍礮齊施傷斃多名賊卽回頭收走李揚才派出之隊斷其歸路該逆進退不能紛



紛旁竄拋棄器械馬匹無數侯勉忠既敗援賊知後路無虞仍率精銳趕赴左翼前敵適值黃逆率眾攻撲新東兩營相持之間侯勉忠揚旗突出勇氣愈厲黃逆度不得逞恐眾返奔徑回河陽老巢我軍追至谷隆馬王坪該處賊壘數座尙思依險抵禦各勇乘勢拔之遂駐其處自是三路營壘相望聲氣互通趙沃乃令同時並進會攻老巢五月十六日莫雲成黃義德等各帶小隊令土人引至山巔瞭望前途之天篤龍灘那倉地面賊寨林立問之土人每寨守者數百人或百數十人不等惟最後之大寨地名猛法乃賊目陳亞水所守人數頗多精銳在焉由猛法南去十餘里卽安邊地方設工二寨與可場老巢僅隔一

河爲黃逆盤踞之處防備甚嚴莫雲成等回營細商必先拔去各處小寨乃可專攻猛法是夜各挑奮勇多帶火器仍用土練引道一由天篤龍灘前進一由那倉山路繞出約定三更到齊分赴夾攻火礮齊發守賊倉皇失措判命紛逃莫雲成等斬柵直入連破天篤龍灘那倉賊寨十餘座斬獲無數餘匪敗歸猛法甫及天明卽令各營進紮其處十八日猛法賊目陳亞水遣其心腹到營呈請率眾投誠並能勾引黃逆左右反戈贖罪莫雲成等當面誓許隨卽函約左翼專攻那雞板河右翼專攻草鞋店洞大河中路專攻猛法安邊河陽三面齊攻使其救應不及易於成功是夜五鼓莫雲成黃義德王正明等以三成隊留

守營盤多立旗幟豫防詐襲各率七成精銳出攻猛法陳亞水率眾迎戰且前且卻旋向安邊敗走莫雲成等既拔猛法分兵據守仍卽催隊趕撲安邊黃逆正在巢內督匪開礮忽見望樓上豎立官軍旗幟知爲內變擁眾出巢陳亞水之黨倒戈相向與官軍內外夾攻黃逆不暇戀戰奪闌下船又見河陽老巢亦有官軍旗幟降眾紛出迎投不敢徑入僅與敗殘之黨覓路潛逃餘匪見兩巢皆破或赴河下奪船溺死於水或由左右衝出均經官兵兜殺尸橫遍野棄械滿途莫雲成等奮擊數時之久傳令收隊分駐安邊河陽陳亞水率領部眾伏道叩迎並獻出僞印及米糧軍火各項冊籍該將等面加撫諭仍責令隨同官

軍追捕黃逆以贖前愆同日左翼各營進攻那雞板河右翼各營進攻草鞋店洞大河自辰至午均未得手適中路敗匪陸續竄來賊知官軍已破老巢心膽皆落我軍倍加奮勇一鼓直前兩路賊巢同時攻克斬獲甚多餘皆獸奔鳥散棄械混逃各處土人擒送到營者亦復不少此右軍由襄安三路進剿削平各寨克破安邊河陽老巢之實在情形也趙沃聞捷趕赴河陽將巢內礮械鉛藥概交南官領收所存米糧除酌發各營充賞外餘俱分給該國兵練及附近苗民查悉黃逆初竄塞門爲南軍劉永福所敗旋竄羊摩沙又爲新撫苗酋黃文通所敗黨散路窮仍有回竄老山之信訊據獲賊供亦相同先後具稟到

臣臣

查黃逆崇英糾眾倡亂將近十年戕官奪城流毒中外近尤聞其勾通內匪意在覬覦私附外夷計圖報復而勢窮則深山匿迹兵退則死灰復然尤爲故智洵屬渠兇此次棄黨潛逃勢必不能遠去當由臣重懸賞格飛飭兩路統領各督所部暨南官兵練購線搜山務獲乃已旋據趙沃稟稱自奉札後激勵各營帶同苗練分入老山深處實力搜拏並飭南官通諭山內苗猺探蹤協拏不得引路饋糧違者同罪六月十三至二十日節接各營員弁捕獲逆日游品秀麥清華杜福生余長陸蘇林並僞元帥莫六僞軍師羅日精逆子黃亞留逆姪黃哥生逆妻黃蕭氏逆妾黃羅氏等各名口供稱與黃逆同避山內欲俟官軍退

後竄赴十洲以圖再舉近聞接拏甚嚴日徙數處各自衝散不知所在等語隨即梟首示眾七月二十二日南官梁俊秀帶勇在芳渡社擒得賊目梁三一名訊悉黃逆現因路生糧缺於二十一日仍回安邊後山趙沃即飭營勇士練於山之四面列陣合圍另派得力將弁以梁三爲眼線節節搜尋七月二十六日至芳渡社山內適有數人悄出窺探梁三認係賊中先鋒指示官兵大呼齊至見其先鋒共擁一人判走眾知所擁自係黃逆奮力趕到先鋒數人抽刀拒捕被勇殺斃當將黃逆生擒解營附近夷民擁觀如堵而積年受害認識該逆者更欲爭鬪割之趙沃提訊再三直認不諱當擬派員督勇解省訊辦適南官校

貴等稟稱該逆擾害越南土苗爲之趨附生民塗炭慘不忍言  
今幸生擒懇請就地懲辦稍紓積憤藉儆庶頑趙沃亦以邊境  
遐荒保無伏莽長途解送恐有疏虞遂勉從所請於七月二十  
九日就地寸磔梟首傳示錄供具稟到臣旋準越南國王阮福  
時咨呈所稱大略相同此右軍生擒首逆黃崇英及各賊目之  
實在情形也左路劉玉成一軍自勦辦諒轄竄匪後正在調度  
進取探報周逆建新暗受黃崇英之約出踞白通老巢專拒左  
軍其蔓延北太各省屬徧立寨柵者皆周逆悍目馬二陸之平  
朱成魁陳十四等黨眾蓋欲以之分我兵力彼得穩居老巢劉  
玉成前隨提臣馮子材兩次出關深悉黃周兩逆之狡悍非他

賊比與其合而難圖不若分而易制擬以數營由波賴通化進  
攻白通專撲周逆老巢更以數營爲遊擊之師星分棋布視竄  
賊所在而鵬勦之使其自顧不暇乃可制周逆之命而絕黃逆  
之援四月十六日飭副將陳朝綱督鎮柳數營由板考進攻大  
舍隴密賊巢先約南兵由安世繞出賊後兩面擊之逆目朱成  
魁陳十四等見腹背受敵棄巢衝出我軍跟勦數十里斬馘三  
十餘並於山內搜獲崩牙陳卽陳十四一名解營訊辦餘匪遠  
颺其附近香洧三和各巢聞風效順北甯境內已無賊蹤劉玉  
成飭總兵李揚才率常勝數營進攻原平縣屬之波賴股匪都  
司陳德朝領隊先行至離波賴十數里橫排地方適遇悍賊數



百在外打搦陳德朝列陣迎戰斃騎馬先鋒二人賊勢已卻我軍後隊繼至正欲追撲忽報深炎巖之賊出援波賴時近黃昏陳德朝鳴金收隊趕築營壘次日李揚才親督常勝左營親兵營專攻深炎巖之賊令前廣東香山協副將黃國安督同陳德朝率勇分攻波賴同時並進賊不能援麀至日中波賴賊巢先克深炎巖之賊亦卽出巢向通化逃去李揚才率隊追殺多所斬擒其波賴敗竄之匪係賊目譚福所領經黃國安陳德朝追及於北卜山前擒斬無遺訊據擒賊供稱前日橫排接仗轟斃之騎馬賊卽爲賊目周二譚福等語波賴深炎巖旣拔周建新知官軍乘勝必圖通化府城乃由白通挑出精悍往助戰守

李揚才督常勝五營馳赴通化築營城外周視牆濠高深且固  
仰攻旬日矢石雨飛各營皆有傷損而劉玉成以通化爲白通  
門戶不克通化不能規取白通迅圖周逆日夜申令督戰甚嚴  
五月初八日李揚才派黃國安陳德朝周炳林等各率營勇多  
備竹梯乾草於更深時潛伏城壕近處約放礮聲並起環攻周  
炳林緣梯先登手刃闖賊數名黃國安陳德朝等分投繼登各  
勇扒牆奪閘蜂擁齊登逆眾倉皇亂走周炳林督隊跟追右散  
忽中礮傷猶裹創忍痛策馬而前追至河邊水漲無船賊不能  
渡有溺斃者仍有折回死拒者各勇乘勢截殺餘賊不能入山  
是役擒斬數百人溺斃不知其數遂將白通收復當白通未復

之前太原股匪朱成魁趙花丹卽趙二李大卽李春奇等勢甚猖獗該省夷官文質等赴營請兵當派副將陳朝綱督鎮柳前左右後四營由北甯馳赴太原轄境探明賊蹤相機剿辦並派副將蔣榮昌帶鎮柳中營由原防平嘉地方取道永安社節節按剿而前與陳朝綱所督四營合軍進剿探報太轄之賊股數紛歧勢難進兵一處陳朝綱商同蔣榮昌宋遠明各領營勇分爲兩路仍留一營以爲後防兼資策應五月十三四等日蔣榮昌宋遠明由武崖洞喜兩縣屬進剿金鑛凌雲社踞匪轉出都市隨破姥上辰砂買市各巢五月十五六等日陳朝綱由大慈文朗兩縣屬進剿富明仙會竄匪隨攻趙逆花丹老巢破其卡

柵三處斬獲數十人趙逆率黨潰出奔往從化府陳朝綱督同副將劉應高等跟蹤緊追直逼從化賊巢維時李揚才之常勝五營已於攻破通化後調至白通與周逆建新連日接仗未能得手五月十九日夜李揚才督同周炳林陳德朝等隊分三面肉薄仰攻並以柴草堆積圍外賊恃黨眾垣堅判命抵拒逾時火發烈燄通明蔣榮昌宋遠明等正自買市兼程趕來望見火光從右側整隊直出蹈隙先登周炳林陳德朝等亦乘勢騰撲前關併力破入賊猶巷戰移時旋從後圍奪路狂奔我軍追至陽光地方因大河浮橋爲賊所斷卽收隊回營查點各營俘馘雖多並無周逆在內乃商留鎮柳中左兩營駐守白通接捕餘

匪李揚才卽督常勝五營紮後渡河追出芳園貞市仍卽分隊  
徧搜敗殘匪徒捕斬幾盡而周逆仍無下落其追徧從化各營  
連日圍攻弊賊不少巢內眾情懼乘夜潰逃分竄文朗縣之  
上涼下涼半江硝廠等社經陳朝綱派隊分勦盡破其巢隨卽  
轉出鳳尾下欖等社沿途均有斬獲自是太原北甯轄境亦無  
成股巨匪惟者巖之逆匪陸之平馬二議撫未成勢猶負固劉  
玉成令李揚才督常勝四營會同趙沃派出之新東忠字各營  
協力環攻期於剋日得手仍令鎮柳各營於原紮處所日出游  
隊按尋周逆蹤迹勿任遠颺先後具稟到臣時黃逆崇英尙無  
擒獲信息臣恐與周逆竄伏一處其勢復張爲患無已卽經嚴

卷之三十一  
三  
札左右兩軍會同購緝不得互相推諉貽害將來旋據劉玉成稟稱都司陳德朝回防白通時督同弁勇在枚臘社青雲山內按獲僞軍師黃天福卽黃三一名又哨弁李維嶽馮長福在鐵廠下關社等處按獲逆目鄧亞兒農亞唐杜復新三名匪黨十餘名均隨周逆逃走中途相失訊明後卽行梟示七月初九日有虔陽土人赴劉應高營中報稱周逆自白通敗後竄至叫條又聞官軍趕來勢蹙路窮黨與日少現伏虔陽僻處距營三十餘里劉應高卽派哨弁傅觀華柯正衡等帶隊與土人同往中途又獲梁亞貓一名訊係周逆先鋒出外探信劉應高釋令引擒周逆比至虔陽派隊分守小徑防其越竄自率傅觀華暨親

兵綫目共數十人於天將明時突入該逆臥處哨弁鄧俊寶手  
捽逆髮倒曳在地傳觀華等上前捆縛該逆掙起怒立抽刀亂  
斫各賊目馳來搶護與親兵正在格鬪劉應高喝令生擒已將  
逆從戮斃十餘人並僞軍師三名在內逆妻黃氏泣隨周逆就  
縛解營行至中途周逆因傷斃命提訊黃氏供認是實各降眾  
亦能辨識無疑隨將周逆之尸寸磔傳示遠近觀者同聲稱快  
此左軍劉玉成進剿獲勝收復北太轄境府州城社擒斬首要  
各逆之實在情形也臣查此次防軍出關原因越南君臣迫切  
請援且兩次咨呈恭述前奉  
諭旨臣固不敢以邊地有餘之兵力致負

聖朝無外之仁心而內度邊情外觀賊勢苟能除兇於屬國亦非無裨於粵疆蓋中外地既毗連則緩急勢有關係況黃周各逆本爲內地漏網之餘若氣燄日張保無他日首邱之志是以出師之請不敢畏難然自奉

旨俞允轉行遵辦以來早夜憂虞深懼調度或乖致於中外之閒多所違礙前與司道商度再四物有端倪比親至南甯接見兩軍統領時面授機宜共相策勵固切望其事之克濟而未敢必其謀之有成茲幸仰託

天威將士用命數月之間蕩除數股巨寇並將首要各逆次第斬擒誠足以彰國法而快人心廣



皇仁而綏藩服現查越南祇有陸之平與馬二收合餘匪負固者巖正在合軍圍攻不日可滅臣擬俟者巖報克後卽飭兩軍次第入關妥爲布置以固邊防仍量爲撤留以省軍餽其越南零星餘匪應由該國之兵自行搜捕不致重勞我師惟此次兩軍大舉深入冒險攻堅於暑天瘴地中又值米糧不繼往往枵腹荷戈幸能成功旦夕尙屬著有微勞所有兩軍在事尤爲出力人員及陣亡員弁合無仰懇

天恩量予獎卹以示鼓勵之處出自

逾格鴻慈其餘兩軍出力將弁及在事勦辦人員俟兩軍入關撤留定局由臣查明彙案核保外謹將尤爲出力員弁另繕清

單恭呈

御覽伏候

聖裁所有廣西防軍進剿越南股匪沿途獲勝收復各府州縣  
總社直破老巢生擒首逆現飭會剿餘匪收隊入關各情形理  
合會同兼署兩廣督臣張兆棟廣西提臣馮子材恭摺由驛馳  
奏伏乞

皇太后

皇上聖鑒謹奏

臨桂李樹森同校  
南陵胡承應

劉武慎公奏稿

劉武慎公全集十九

卷之十八目錄

送回匪巢法國礮匠片

改建鎮安考棚疏

田州改土歸流添設事宜疏

貴州游匪擾及懷遠片

雲貴總督謝恩疏

攻克越南者巖賊巢收隊入關疏

貴縣禁止偷挖銀礦片

遵赴新任疏

酌帶親兵調員差委片

行次黔省接印疏

通籌夷務慎重邊防片

請催巡撫提督到任並留鎮道片

勦辦騰越順甯各匪疏

密陳楊玉科簡放他省片

楊玉科請開右江鎮缺片

滇省困苦請仍準捐贖官疏

密陳善後難恃軍饟萬難疏

克復騰順兩城疏

徐承勳等請卹片

武職廉俸變通支食疏

川粵勇餵片

酌添兵餵並留練軍疏

武職月課章程片

員弁搜捕首要各逆片

皇正統公白身

類稿十一

送回匪巢法國礮匠片

光緒元年九月十三日

再查安邊河陽瀕臨洱江爲越南由海達滇必由之路臣因該國現與法國訂約通商故於趙沃由襄安進軍之時咨商督臣就近劄行法國領事查明有無法人往來該處務卽隨時知會並由臣照會越南國王如有法人來往宣太轄境務飭地方官隨時報知各在案嗣趙沃進克猛法問據首民暨擒賊供稱河陽巢內尙有法國摩囉哆等七人黃崇英留辦火器藉通聲援趙沃以其事原難深信其人須設法保全因密飭陳亞水就中妥爲照料並飭各營將弁於破巢時勿庸捕拏迨黃逆已遁河陽已復陳亞水轉據摩囉哆等七人稟稱甲戌年由河內來宣

遊玩被保勝土匪攔截只得投入黃崇英處今幸保全身命乞  
為轉叩統領賞給路票飭交南官送回河內等語趙沃察其情  
詞實堪憫惻當飭南官宣光布政使枚貴贊襄軍務呂春葳承  
領護送該南官亦欣然應允出具承領文憑即日僱備船隻派  
撥兵役將摩囉哆等七人及隨身什物一概裝載護送河內妥  
為交收趙沃仍由營酌給路費食物以示體卹摩囉哆等感激  
歡欣赴營叩謝後卽下船放行各等因臣查該法人身在賊中  
其如何來歷我軍不得知詢之南官亦不得知而趙沃於進軍  
之前豫為安置於破巢之後妥為送回辦理尙屬周妥除將詳  
細情形咨由督臣轉達總理各國衙門查照外理合附片密陳



伏乞

聖鑒謹奏

聖鑒謹奏



改建鎮安考棚疏

光緒元年十月二十八日

奏爲奉議州考棚被賊焚毀鎮郡閣屬紳耆請在府城改建俾資居中考試恭摺仰祈

聖鑒事竊查粵西鎮安府屬生童向在奉議州建立考棚每遇歲科學臣按臨考試嗣因咸豐年間賊匪竄擾考棚被毀未能修復每遇考試鎮屬生童皆赴南甯搭考跋涉維艱屢據該府屬紳耆農汝登嚴守訓等聯名呈懇將考棚移建府城以備學臣按臨居中考試經臣批行藩司轉飭鎮安府督飭各州縣籌議其修棚辦考等費是否集有實款不致臨時竭蹶學臣赴鎮程途有無阻礙爰速議覆去後茲據藩司嚴樹森覆核此案九

據鎮安府知府覺羅英銳督飭天保歸順各州縣議覆以奉議  
州城僻處一隅地方原不甚寬從前應試士子大半在對河田  
州街賃居兵燹之後該處祇存廟宇數間奉議雖有煙戶亦皆  
竹籬茅舍難避風雨考棚旣難修復民房又復零星非惟辦事  
各官無處棲身卽各士子亦無容膝之所且奉議開考提調各  
官俱應前赴該處辦公鎮屬地處極邊鄰氛未靖亦恐未能遠  
離兼以搭考南甯較奉議尤遠貧苦之士率因川資短絀未得  
入場尤爲可憫屢據該紳耆等具呈現將考棚移建郡城前於  
同治八年呈經前學臣批準按臨考試各紳董踴躍從公現已  
修葺完竣考費集有成數不致臨時竭蹶並經該府查明學臣

按臨由賓州赴鎮水陸程途均無阻礙擬請准予改建以恤寒士等情由藩司覆核詳請具奏前來臣伏查鎮屬生童堅請移棚郡城居中考試一切修棚考費均已集有成數學臣按臨查明程途亦無阻礙實由奉議兵燹之後考棚被毀民房零落官員士子無處賃居有不能不移棚郡城之勢與率改舊章者不同相應奏明請

旨俯如所請準在鎮郡建棚考試以惠士林所有鎮安閣郡紳耆皇請移棚郡城緣由謹會同兼署兩廣督臣張兆棟廣西學臣吳華年恭摺具奏伏乞

皇太后

皇正惟公治身

卷十二

皇上聖鑒訓示敕部議覆施行謹 奏

臣

田州改土歸流添設事宜疏

光緒元年十一月十五日

奏爲田州改土歸流遵

旨通籌全局將添設文武員弁兵額酌定糧賦俸廉銀米請頒印信各事宜恭摺仰祈

聖鑒事竊臣於光緒元年四月二十五日奏請將土田州知州革去世職其地改土歸流一案五月十一日奉

旨該部議奏欽此八月接準吏部咨查思恩府屬之土田州一缺原係土人岑氏後裔承襲今據該撫等奏土田州知州岑乃青病故無子岑氏族眾支分爭襲分黨仇殺土民流離轉徙日不聊生來營泣訴苦狀均願歸流官管轄不願復爲岑氏土民

應請將土田州知州革去世職其地改設苗疆知縣一員其恩府屬百色同知與鎮安府屬奉議州判二缺酌量陞爲苗疆直隸廳簡缺知州以資治理等語自應準如該撫等所請添設苗疆知縣一員百色同知改爲苗疆直隸廳奉議土州州判改爲簡缺知州並令該撫等體察情形通籌全局及一切未盡事宜詳細奏明辦理等因具奏奉

旨依議欽此咨行到

臣臣

欽遵督同藩臬兩司諄飭委員梧州

府知府徐延旭暨該管道府等將一切事宜悉心體察妥籌酌議去後旋據陸續稟呈前來臣與兩司等通籌全局查土田州地方內外其分十里每里分三都每都分四圖每圖之廣十里



二十里不等多與百色廳奉議州緊相毘連今請改流應於燕  
崗險要之地設立知縣一員作爲苗疆衝繁要缺管轄上隆下  
隆上恩下恩上田里及篆里之一二三都等處擬請名縣曰恩  
隆其餘各里附近百色者撥歸百色管轄將百色同知陞爲苗  
疆直隸廳卽以恩隆新縣之附近奉議者撥歸奉議管轄卽將  
奉議州州判陞爲簡缺知州以資控制新設之恩隆縣清查田  
畝丈量升科每年應徵地糧銀二千九百九十三兩五錢五分  
七釐應徵兵米一千四百三十二石八斗二升五合一勺添設  
訓導一員文武學額各四名廩生增生各二名四年一貢並添  
設縣丞一員駐防上田里平馬墟又分防下隆里巡檢一員上

恩里巡檢一員篆里巡檢一員典史一員其營制添設恩隆縣  
營守備千總各一員駐劄縣城把總一員分防隴田外委把總  
馬戰兵二名分防下隆篆里額設馬戰兵五名步戰兵三十七  
名守兵八十八名俾資守禦防緝又新陞苗疆百色直隸同知  
經管龍篆武隆下田里篆里之四都應徵地糧銀一千五百二  
兩五錢八分本色米一千七十三石三斗三升三合一勺八抄  
督徵陽萬土州判解廳轉運地糧銀二百三十八兩添設學正  
一員文武學額各四名廩生增生各二名四年一貢並設照磨  
一員該廳既已陞爲直隸廳毋庸再屬思恩府以符體制又新  
陞奉議簡缺知州該州原設有閩實徵地糧銀四百八十四兩

三錢八分七釐無閏實徵地糧銀四百六十三兩八錢四分一釐新編中田里地糧銀一千三十二兩三錢一分本色兵糧米八百一石七斗五升七合六勺六抄並添設吏目一員該州原定學額三名廩生增生各二名四年一貢擬請增設文武學額各一名其廩增各生均循原額該州仍屬鎮安府以符舊制據藩司嚴樹森署臬司周星譽分晰造冊會詳請 奏前來 臣覆加體察無異相應請

旨敕部分別議覆如蒙

恩允 臣 遵當按照新設文武各缺分照例遴員請補募兵如額督同司道協營嚴飭各該文武員弁講求治理勤慎操防一洗

從前土規陋習以奠民生仰副

聖朝軫念邊氓綏靖疆圉之至意其修建城垣衙署各事宜月行由司詳咨核辦應頒文武各員弁印信鈐記並歲需俸薪養廉兵饟銀米各數目現已分晰造冊隨案送部以備核覆至岑氏一族構禍逃亡者疊飭嚴密偵緝獲日另行懲辦餘皆疏遠之族年來疊遭禍亂蕩析離居情形均屬可憫核與附逆釀患者有間擬請準其各安耕鑿邀免遷徙出自

皇仁如有於改流之後另滋事端卽飭各該文武隨時拏辦合併陳明所有臣遵將田州改土歸流添設文武員弁各緣由謹會同兼署兩廣總督臣張兆棟廣西學政臣吳華年恭摺具

奏伏乞

皇太后

皇上聖鑒敕部核覆施行謹 奏



貴州游匪擾及懷遠片

光緒元年十二月十三日

再廣西柳州府屬懷遠縣界連貴州永從湖南通道各縣山徑叢雜向爲苗匪出沒之區原派候補副將楊子吉帶勇五百人擇要分防邊境尙爲安靜茲據該副將稟報貴州界上有游匪五六百人竄越大年河擾及懷遠縣屬之富祿墟經該處防勇奮力擊退斬獲數十人該匪敗回黔界糾集叛苗人數加多現竄黔楚粵三省交界水口地方堅築營壘假設名號四出焚掠勢漸鴟張請添調營勇合力堵剿並據該縣營文武會稟前來臣查此起匪徒多係散勇習於戰鬥勢頗猖狂若不及時驅除恐旬結日眾爲患滋大當經添調水陸營勇馳往懷遠並飭地

方官督集兵練會同該副將擇要嚴防相機逐捕一面飛咨貴  
州湖南撫臣迅撥兵勇約會勦辦務將該匪就地殲滅以靖邊  
隅謹附片陳明伏乞

聖鑒謹奏



雲貴總督謝

恩疏

光緒元年十二月二十二日

奏爲叩謝

天恩暨

微臣

交卸廣西撫篆籲懇

陛見恭摺具

奏仰祈

聖鑒事竊

臣

於光緒元年十二月十三日接準吏部咨開內閣

鈔出十一月初五日奉

上諭劉長佑著補授雲貴總督廣西巡撫著嚴樹森補授欽此

欽遵恭錄咨行到

臣

當卽恭設香案望

闕叩頭祇謝

天恩旋於本月十七日將廣西巡撫關防並

王命旗牌劄委

桂林府知府鹿傳霖署撫標中軍參將陳培桂齎送新任撫

臣

嚴樹森祇領任事訖伏念

臣

以菲材薄植仰蒙

先朝知遇之隆簡任封疆前後十有餘載效忠有志補過未遑  
茲復渥荷

皇上殊恩再晉兼圻重任慚悚感激莫知所爲查雲貴兩省地  
處邊隅界連藩服甫平寇亂未起瘡痍凡察吏安民籌邊講武  
一切善後事宜均關緊要總督職司兼轄責備綦嚴現在滇邊  
又有中外交涉事件臣情形不熟識慮尤疏深懼弗克勝任惟  
有顛懇

聖慈鑒臣依戀許其入覲

天顏啟臣愚蒙俾得跪聆

聖訓遵循有自隕越無虞臣不勝悚惶待

命之至再臣原籍在楚粵之交無論進京赴任均所必由之路  
擬求

賞假一月就近回里省墓臣拜摺後於二十二日由粵起程俟  
到籍假滿卽迎摺北上恭候

批諭又此摺係交卸後借用巡撫關防合併陳明所有微臣感  
激下忱暨交卸撫篆籲懇

陛見緣由理合恭摺具奏伏乞

皇太后

皇上聖鑒訓示謹奏



攻克越南者巖賊巢收隊入關疏

光緒元年十二月二十二日

奏爲廣西兩路防軍攻克越南者巖賊巢現將各營次第撤回調撥防捕各情形恭摺仰祈

聖鑒事竊臣於光緒元年九月十三日曾將進剿越南股匪直

破老巢生擒首逆各情形奏奉

諭旨仍著劉長佑督飭各軍卽將者巖攻克以綏藩服而固邊疆各軍入關後應撤應留著劉長佑隨時酌量情形妥籌辦理務使餽精可節而地方足資鎮守餘著照所議辦理欽此欽遵督飭左路統領記名提督劉玉成右路統領儘先補用道趙沃各率營勇合攻者巖以冀刻期戡事振旅入關嗣據稟報探得

者巖地勢依山臨水路險巢堅該逆陸之平馬二收合餘匪負固其間暗襲爲難仰攻不易經兩軍會商併力合擊劉玉成派總兵李揚才督同游擊陳德朝周炳林等所部常勝中左前右四營分紮者巖前右兩面趙沃派總兵陳正珀督同副將李玉書參將侯勉忠等所部新前新左忠東四營分紮者巖後左兩面自八月初旬起分投進攻李揚才督同周炳林攀藤附葛襲破石山頂並平山腳各壘邱戈山之賊飛奔來援經陳德朝率隊擊退乘勢平其後山一壘李揚才復勘得安馬一路水面稍狹督飭中營涉淺進攻陳德朝周炳林各率隊繼之惡戰移時斫柵三層賊始潰逃右軍李玉書侯勉忠等先於安馬左旁添

搭浮橋突出追殺至深母巖焚其外柵並奪其礮臺殲賊多名  
因巖頂飛石如雨侯勉忠都司倪開春均各受傷各營弁勇亦  
有傷亡隨卽收隊商同各營分路進紮圍逼賊巢此九月中旬  
以前兩軍分道進剿者巖之情形也各營進紮後軍勢已合賊  
膽已寒遂約定九月二十七日左軍以常勝前左兩營進攻隴  
買隴增鶴執山各處常勝右營由那陽直攻邱錦湖邊賊巢常  
勝中營由那殿對岸出擊隴章隴登各賊右軍以新左東字兩  
營直攻深母巖忠字營分攻巖左賊柵新右營分攻湖前賊壘  
屆期四面齊進環攻四晝夜賊黨憑險施放礮石驟難得手至  
十月初一日夜李玉書與參將覃東義各率奮勇伏於深母巖

邊約定暗號直前斬柵賊黨判拒力窮卽由巖尾遁走遂克深  
母巖侯勉忠乘勢力攻巖左守賊亦遂棄巢而遁李玉書等合  
兵尾追直登山頂連克賊壘六座是夜陳正珀攻拔湖前賊壘  
賊黨多退入湖中陳正珀卽乘筏渡湖直撲巢前大水間參將  
蔡簡宸亦由左旁山背渡湖而進同抵邱錦巢邊環施槍礮並  
分擲火包賊猶抵死迎敵迨巢內火起各勇乘勢斬柵賊勢不  
支悉向者巖竄去其時左軍陳德朝周炳林攻破那孟及隴買  
隴登鶴執山各壘卽於初二日黎明由者巖後山頂直埽而下  
右軍侯勉忠覃東義先派營勇伏於龍帳賊營柵外乘勢並起  
破柵直入連克龍帳及把郎各賊營是夜合撲者巖斬柵而入



因風縱火燒斃賊黨無數餘皆冒煙亂竄遂將者巖克復各營  
乘勝兜剿多所斬擒因天色未明萬山叢雜未敢窮追北九月  
下旬以後兩軍會合攻克者巖之情形也查陸之平馬二二逆  
以釜底游魂猶敢負隅抗拒致我兩軍八營竭兩月之力始獲  
蕩平者巖而該二逆仍然漏網在逃臣已嚴切責成劉玉成趙  
沃督飭各營查探實在下落合力追捕務獲殲除免貽後患至  
前次潰竄之趙逆花丹王逆明森業據劉玉成趙沃稟報由總  
兵陳朝綱党敏宣等先後擒獲解訊懲辦尙有逆首朱成魁覃  
四娣等聚集餘匪分屯滬阮良馬福靈等處亦經左右兩路派  
營由左丁苔關分投剿捕諒可不日殄除所有左右兩軍共二

十營前經奏明俟者嚴報克後卽飭次第入關酌留分布以重邊防而省軍餼嗣因奉議隆安來賓貴縣均有土匪蠢動貴州游匪又疊次擾及柳州邊境內地營勇不敷防捕由臣先後札調關外兩軍之勇共計十營分往各處其餘十營因越南國王及宣光太原官民赴營苦留尙在按捕者嚴逸匪及菩關潞阮各處餘匪亦據稟報將次蕨事計各營可以陸續撤回臣已於太平鎮安沿邊屬境審度形勢豫行兩軍統領一俟各營全數入關卽照指定地方分撥駐紮以固邊圉惟粵西辦理太鎮邊防並先後援剿越南賊匪將及十年各軍所需糧餼及軍火器具籌備不易運解亦難且防剿情形緩急無定隨時商辦具費

心力新任撫臣嚴樹森以事在臣任商請由臣核辦以示激勸  
臣查省內外總散各局人員歷年在事均著勤勞現值接捕內  
匪布置邊防在在需人之際自應酌予獎敘以勵眾志臣謹將  
兩軍先後存記尤爲出力員弁與省內外各局歷年籌辦出力  
人員月繕清單恭呈

御覽合無仰懇

天恩俯準照給獎敘以勸將來出自

逾格鴻施此外尙有各屬拏辦土匪出力文武應俟關外各營  
全數撤回查明其次出力員弁兵勇由新任撫臣核明彙案辦  
理所有兩路防軍攻克越南者巖賊巢已將各營次第撤回調

發防捕各情形理合會同兼署兩廣督臣張兆棟廣西提臣馮

子材恭摺由驛馳奏伏乞

皇太后

皇上聖鑒訓示再臣於十七日交卸後已另專弁齋摺恭謝

天恩此摺仍借用廣西巡撫關防合併陳明謹奏

貴縣禁止偷挖銀礦片

光緒元年十二月二十二日

再查貴縣隴頭鹿班山場從前開採鉛礦承商納課因礦苗不旺恐工丁滋生事端久經咨部封禁在案近年附近村人入山挖獲銀砂相繼偷挖者漸眾該山形勢高峻地界遼闊地方官查禁難週時有爭挖鬪毆之事稟經臣批飭嚴行封禁派員查勘由司議覆詳委官紳馳往會同地方官妥爲查辦如勘明礦苗已見勢難禁止偷挖應卽妥議章程承商試辦由司詳請題咨如事有窒礙恐滋後患卽當設法嚴行封禁乃該附近羣民間禁止偷挖由官查辦竟敢糾眾赴山阻撓臣已派撥營勇馳往彈壓該印委官紳辦理不善行司一併撤委遴委幹員馳

往會商安辦不準稍涉玩誤以靖地方謹附片陳明伏乞

聖鑒謹奏

遵赴新任疏

光緒二年三月初四日

奏爲假滿迎摺北上途次接奉 批諭遵卽折赴新任並報由

省起程日期恭摺仰祈

聖鑒事竊

臣

於光緒元年十二月十七日具摺恭謝

天恩懇請

陛見並乞假便道歸省各情由粵西專差齋遞進京並聲明假滿迎摺北上在案本年二月假期已滿 臣卽由原籍新甯起程於二十四日行抵湘鄉縣城適差弁齋回前摺 臣敬謹拆閱內開軍機大臣奉

旨前已有旨諭令劉長佑毋庸來京請訓著賞假一箇月回籍

省墓假滿卽赴新任母稍延緩欽此欽奉之下仰見我

皇上慎重邊寄體卹遠臣至意感佩莫可名言惟念滇黔事局

多艱臣之才力有限茲欽奉前因既未獲入京請

訓一切靡有遵循又無由伏

闕陳情五中倍形惶恐雖

恩深雨露在遠不遺而道阻山川每懷靡及惟有速赴新任不

敢稍涉遲延勉竭愚忱以期仰慰

慈廑現與湖南撫臣王文韶晤商定於三月初四日起程由長

沙乘船取道常德泝流入黔至鎮遠登陸以達滇省較爲捷便

除俟到任審度情形再當詳悉具奏恭請



訓示外理合將途次迎奉

批諭遵卽折赴新任各緣由恭摺附驛具奏伏乞

皇太后

皇上聖鑒再此摺借用湖南巡撫關防合併陳明謹奏



酌

再臣新

聲威前

營隨同

籌款接

一營勇

年解給

已遠且

從新籌

關切揆

到代真

調一二練達有爲切實可靠之員以資差委查有廣西候補知府王政慈候選知州李光舒丁憂在籍前任廣西歸順州知州潘英章均湖南人曩歲隨在軍中襄辦一切最爲得力王政慈潘英章官粵有年並著廉能茲擬調隨往滇酌量差委以收指臂之助除咨廣西撫臣查照調撥外相應請

旨飭廣西撫臣嚴樹森檄令王政慈等卽與魏鼎薰營勇同赴滇省聽候差委並卽寬撥勇餉交王政慈等領解前來尤爲妥便理合附片具奏伏乞

聖鑒飭遵謹奏

行次黔省接印疏

光緒二年五月初一日

奏爲恭報

微臣

在黔省行次接任日期具摺叩謝

天恩仰祈

聖鑒事竊

臣於三月初四日在湖南省城曾將迎奉

批諭遵卽折赴新任緣由附驛 奏報在案是月二十四日於

辰州府舟次接準兼署雲貴總督雲南巡撫 臣岑毓英來咨並

鈔寄奏稿盼 臣赴任至爲迫切亟思舍舟登陸兼程赴滇乃以

地僻農忙夫役不便只得挽舟前進於四月初五日始抵沅州

府城改由陸路入黔十五日至貴州鎮遠府城奉到三月十八

日

上諭雲南巡撫已簡放文格未到任以前並令潘鼎新署理矣  
滇省邊務未靖彈壓撫綏均關緊要劉長佑前奏業由湖南起  
程自黔達滇著卽迅速馳赴新任以重職守毋稍延緩欽此跪  
聆之下惶悚莫名伏思職守攸關何敢在途延緩而道里猶遠  
仍慮到任稽遲臣因馳函商之兼署督臣岑毓英擬在途次定  
期接任去後是月二十二日行抵貴州省城卽準岑毓英將  
欽頒雲貴總督關防一顆並

王命旗牌等件委運同銜補用同知黃紫誥記名總兵補用副  
將程友勝齎送前來臣於二十四日謹就行次恭設香案望

闕叩頭謝

恩接任訖竊臣以一介書生荷

三朝知遇愧兼圻之重領撫全局而忱懷善後之圖黔與滇均不容緩靖邊之策滇視黔尤不可疏自揣衰庸曷克勝此惟有殫竭精力與同官交相惕勵爲轄境計及久安以期仰副

朝廷軫念邊陲慎重職守至意所有微臣在黔接任日期除循例具題外理合繕摺恭謝

天恩伏乞

皇太后

皇上聖鑒再此摺例應專弁恭齋進京因在途曾奉催赴新任之

諭恐道理太遠摺弁到京太遲致煩

宸廑改由驛四百里馳遞臣拜摺後由貴州省城前赴雲南計

程尙需時日臣署日行事件仍應由藩司代拆代行緊要公文

封送行次由臣覈辦又臣由楚入黔經過下游各府屬民苗漸

次還集耕作亦各相安合併陳明謹 奏



通籌夷務慎重邊防片

光緒二年五月初一日

再雲貴兩省軍務初平姦宄未靖民生久困休養宜先舉凡察  
 吏安民及地方善後事宜在在均關緊要臣雖情形未熟智慮  
 不周而現任貴州撫臣黎培敬新授雲南撫臣文格皆與臣心  
 志相孚可期其濟惟雲南省屬有外夷交涉之事多歸總督承  
 辦如臣愚昧既無機警之性能窺見其包藏又無辯捷之才能  
 折衝於口舌而事非經歷責無可辭有不得不為之過慮為之  
 豫防者謹就管見所及為

皇太后

皇上密陳之雲南之夷務視他省不同他省之洋人傳教通商

刑部奏

三

歷年已久訂爲和約習見其聞但能各守而毋違即可相安於  
無事若雲南之夷務創議未成而微臣於此邦蒞官伊始上下  
之性情未習客主之疑懼方多剛柔與拒之間苟失其宜非結  
怨於部民卽啟嫌於彼族雖有能者拙於兩全況若臣愚安能  
兼顧此雲南之時勢所以獨難於他省也而洋人之所欲則更  
有異於他省者何以言之洋人之志在利藪而雲南素號窮鄉  
似違其志矣洋人之技在輪船而雲南又非澤國似失其技矣  
失其技違其志而猶多方設難期於通商而後已者臣知其貪  
心更熾而其機心愈深也蓋雲南雖稱瘠苦而五金並產據有  
礦山之利洋人覬覦已非一時雖無顯示之情而碼加理等各

案牽延反覆安知非故爲挑撥以要求於我也夫利在而置之無用與取之無方是自失其利也自失之利其能禁人之攘奪乎聞洋人之識地質者用以開礦力不虛勞而利可倍獲苟得其地而善取之貧乏之患恐不僅滇省一隅矣欲爲先發制人之計莫如覓洋人之能者厚給工資使爲我用抑或於江蘇福建機器局內擇中國之諳習洋法者就地製備器具攜帶赴滇如法開採則利由自取權不人操內以裕軍餉之源外以遏洋人之欲自強之策其在是乎夫今之論洋務者曰海防曰江防鑒於往事備其將來計誠得矣然彼涉重洋而來我據要津而守勞逸不同夷險有別苟非漫無所備不至任其所之若雲南

地處遐荒界連藩服如越南緬甸國原小弱勢復衰微越南割地於法人咫尺之間儼然敵國緬甸接壤於印度往來之便視若通衢彼自立之未能豈維屏之可寄夫藩籬不固莫禦外侮之侵而兵甲不修難爲小邦之庇臣擬俟餽項稍裕簡練勁軍扼咽喉之地備戰守之資與外藩近接聲援爲中國資其捍衛彼洋人雖懷叵測至於無利可貪無隙可乘之時而窺伺之心或亦因之稍斂矣臣爲通籌夷務慎重邊防起見是否有當謹附片密陳伏乞

聖鑒訓示謹 奏

請催巡撫提督到任並留鎮道片

光緒二年五月初一日

再臣於滇省情形不熟與洋人交涉尤疏月前由籍起程時原以外洋之事可就四川督臣李瀚章商度機宜妥籌辦理本省之事可與雲南撫臣岑毓英審酌時勢悉力維持迨途次疊接函牘李瀚章已由四川入都岑毓英亦請開缺回籍臣此行人地既生諮謀亦寡正恐入手事機稍有未協將來措置倍費周章微臣平時才力與滇省近時局勢皆在

皇太后

皇上洞鑒之中合無請

旨飭催雲南巡撫文格雲南提督胡中和均即由川赴滇接任

明史紀事本末

卷十八

並懇

俯準調補鶴麗鎮總兵朱洪章補授臨元鎮總兵李明惠暫緩  
進京先赴新任俾臣早獲同心之助遇事或無棘手之虞謹附  
片具 奏伏乞

聖鑒訓示謹 奏

勦辦騰越順甯各匪疏

光緒二年閏五月十一日

奏爲騰越練軍句匪踞城順甯府城亦被匪徒竄擾現在添調兵練派員督同勦辦並騰越官軍屢獲勝仗各情形恭摺馳奏仰祈

聖鑒事竊光緒二年五月十四日經署雲南巡撫臣潘鼎新將駐騰練軍藉端搶劫騷擾廳城以致南甸干崖匪徒乘機占踞調集兵團分投勦辦各緣由具摺馳奏在案惟時臣尙在途接準署撫臣潘鼎新署提臣楊玉科函牘並據各文武警報因念騰越界連緬甸爲滇省要害之地若不及早撲滅誠恐勢成燎原且騰屬之南甸干崖同時占踞永昌叛案尙未了清蓋達

匪徒盤踞如舊尤慮四處勾結收拾愈難臣甫入滇境到省需時情形既未周知懸算恐難悉協當經函復潘鼎新楊玉科卽照現在商辦情形督催該各文武妥速勦辦臣一面趨程前進於前月二十四日抵省卽與潘鼎新面商妥定在駐省練軍內挑派一千餘名並就地選募練勇一千餘名由楊玉科督率前往並札署騰越鎮謝景春總理練軍營務處候補道鍾念祖各帶練軍相繼進發勦辦去後旋據署龍陵營參將丁槐等稟稱自聞騰越之變當由永屬挑集團練並舊部弁兵四千餘人委令參將王萬鎰都司楊發榮等管帶前隊於五月初八日先發丁槐率隊繼進十一日行至龍江橋橄欖站丁槐以其地最扼



要卽令分兵駐紮復派兵連夜進駐大董地方適據報蘇開先已句結蓋達匪目王道士入城旋卽攻破附城之和順鄉肆行殺擄署騰越廳同知周惟巽被賊鎖禁城中都司周慶安尙無實在下落南甸土城失守其都司李維通逃赴北練守備鄭開元徑入騰城與蘇開先聯絡等語十二日未刻丁槐行至大董前署騰越鎮段瑞梅亦由北練率李維通守備楊廷相等前來因會商駐紮倪家鋪毛家村各處卽於申刻督隊直擣和順該匪初猶死拒我軍奮勇爭先砍柵而進該匪潰散退入騰城立將和順鄉克復殺斃黃巾匪黨六十餘人擒獲生供二十七名提訊生供稱王道士者妄言能封槍礮號稱如來大帝偽造方

印數顆其餘狂妄名色甚多等供當就軍前梟首示眾十四日  
王道士蘇開先率大股匪黨出城丁槐等督率兵練與賊戰於  
雙坡該道士手執黃旗指揮匪黨直前勢甚兇猛丁槐等鼓勵  
士卒爭先殺賊匪黨勢不能支仍卽潰散我軍跟蹤追殺馘級  
十二顆擒生供四名奪獲黃旗八面槍械十餘件十五日卯刻  
該匪悉眾出城分攻上綺羅倪家鋪毛家村等處我軍分投迎  
擊斃賊多名餘悉潰走我軍乘勢追至南門外伍寶街賊壘該  
匪判死抵禦槍礮環施參將王萬鎰奮勇當先直入賊壘中礮  
陣亡兵練憤極肉薄力攻自午至申傷斃匪黨甚眾始將伍保  
街賊壘克破隨卽派兵駐紮城根查驗擒斬匪黨數十名奪獲

軍械數十件我軍陣亡四名受傷十餘名此次殺賊破壘騰城逆焰銷沮各處匪黨聞風膽寒丁槐等因責令南甸都司李維通剋期攻取該南甸土城以贖前愆該都司自知愧憤由營帶隊馳往出匪不意立將該土城攻拔斬擒頗眾餘黨潰逃營蘇開先叛踞騰城之時永屬民人藉端滋事者楊本李朝李正科盛際虞等各糾黨數百至千餘人不等分竄東山施甸一帶地方該郡文武以蘇開先既叛踞騰城料必四處勾結不得不從權辦理以杜串通爰將楊本李朝盛際虞孫朝輔蘇八壽各頭目設法招撫令其立功贖罪黨眾亦經分別遣插惟李正科率其黨數十人詐稱就撫滋擾如常初九日竄至距城四十里之

瑞佛寺記名提督和耀曾聞報卽飭補用守備楊根長李潤帶  
隊前往圍捕該匪尙敢拒敵陣斃三十餘名當將李正科擒獲  
並擒匪黨四十二名全股撲滅無一名漏網提訊李正科並生  
供四十二名均直認不諱一併就地梟示以快人心永昌屬境  
已無匪蹤節經各文武稟報前來臣查永屬各匪旣經分別剿  
撫一律肅清雖有蓋達劉寶玉王道士等股匪與蘇逆合黨而  
我軍屢獲勝仗逼近騰城又將南甸收復方謂不日蕩平詎二  
十九日據蒙化廳同知夏廷燾稱順甯府有不法匪徒胡老  
義又號胡大人等乘騰越蘇開先起事人心浮動之時膽敢糾  
眾於十九日三更時分闖入府城搶劫衙署文武各官未知下

落等情臣伏查騰越順甯地處邊徼漢夷雜處又經變亂之餘散練游民所在皆有以故此倡彼和叛亂成風永昌之案甫平順甯之變又起自非大加懲創竊恐邊患日深現計各路調集練兵民團不下一萬數千人兵力不爲不厚且有署提臣楊玉科前往督辦諒此小醜不難剋日驅除惟軍餉支絀異常司局毫無存款卽所需軍火器械皆須取辦臨時棘手情形實爲他省所未見臣現在備文加函商催協滇各省寬爲籌撥迅速兌解合無仰懇

天恩飭下四川湖廣浙江廣東各省無論舊欠新撥寬籌速解來滇以濟急需臣不勝懇切待

命之至除咨催署提臣楊玉科督同在事文武速籌進剿務將騰順兩城剋期收復將蘇胡各逆就地殲除並行藩臬二司迤西道查明騰順兩城如何被匪占踞竄擾實在情形及各文武官員下落另行馳奏查辦外所有騰越練軍句匪劫官踞城順甯府城亦被匪徒闖入滋擾並添調兵練剿辦獲勝各緣由謹會同署雲南巡撫臣潘鼎新恭摺馳奏伏乞

皇太后

皇上聖鑒再參將王萬鎰進攻騰越城外伍保街賊壘身先士卒中礮陣亡實屬奮不顧身應懇

飭部將補用參將王萬鎰從優議卹以慰忠魂合併陳明謹奏

楊玉科請開右江鎮缺片

光緒二年閏五月十一日

再臣接準署雲南提督楊玉科咨稱轉準兵部咨光緒二年正月十七日內閣奉

上諭廣西右江鎮總兵員缺著楊玉科調補欽此嗣又準咨同日奉

上諭胡中和著卽速赴本任四川提督著聯昌署理欽此欽遵適署職從軍年久遍體疊受重傷先前時發時愈因軍務喫緊未敢請假此次傷病舉發較重祇以騰越邊務正當喫緊不能不力疾馳驅而邊地醫藥兩缺傷病遽難就痊擬俟騰越廳城肅清後卽請假回湖南原籍延醫調治一時不能赴粵到任惟

廣西右江係邊陲重鎮誠恐久曠職守呈請 奏懇

天恩準開右江鎮總兵之缺另行

簡員到任並請咨催雲南提督胡中和早日到滇以重職守咨

請查核代 奏等因前來 臣查該署提督楊玉科積勞日久傷

病不時舉發自係實情前在途次接準咨呈請速派員接署提

篆以便安心調治適報騰越練軍滋事附近府屬人心不靖署

撫 臣潘鼎新來函商催該署提督前往勦辦 臣以該署提督勇

略過人聲威最著於迤西一帶情形尤熟且現在提督任內自

應咨催前往督辦該署提督接準 臣咨亦謂轄境有事不欲以

傷病固辭已由省商調練軍前往督辦茲準前因除已咨催提



督胡中和迅速赴任外相應據情請

旨可否準將廣西右江鎮總兵開缺另行

簡放以免員缺久懸且可責成該署提督一意辦理迺西軍事之處出自

逾格恩施理合附片具陳伏乞

聖鑒訓示謹 奏

The image shows a large rectangular frame containing a grid of vertical lines. The grid consists of 10 vertical lines, creating 11 columns of varying widths. The lines are black and the background is white. The frame is also black. The overall appearance is that of a blank ledger page or a form with 10 columns.

密陳楊玉科簡放他省片

光緒二年閏五月十一日

再現署提督湯玉科帶練勦賊歷十餘年其勞績誠不可沒祇緣功成之後既膺顯秩又擁厚賞志滿意驕致滋怨謗迺蒙皇上洞鑒調離滇省

矜念前功卽以消弭後患

臣

於途次接閱邸報欽佩正深何敢

代請開缺再與軍事惟查騰越順甯等處變起練軍其頭目皆從前帶練之官其黨眾皆從前當練之人近雖有游民妖民勾結入夥實與尋常土匪不同楊玉科前在迤西勦辦時隨同帶練及當練者大率不出此輩是其情偽皆所周知勦撫隨施或易得手

臣

在途接到署撫

臣

潘鼎新來函卽以騰越之事應催

署提督前往勦辦爲言迨抵省城接見該署提督雖請卸署任  
請辭調任而於勦匪一事亦自任不辭竊意臣於此時若另派  
員往辦該署提督必中懷不安所部將弁必羣起猜疑而已叛  
之練愈難了辦未叛之練其事變更有不可測度者此臣與署  
撫臣權宜籌辦之苦衷不能不覲縷密陳者也仍擬俟調中和  
到滇時查看迺西軍事會否得手再爲商酌辦理至楊玉科人  
本勁悍駕馭頗難然才尙可爲心尤好勝現雖陳請開缺尙非  
決意投閒臣愚昧之見如迺西軍事能速告戢可否將該署提  
督楊玉科

簡放別省提鎮員缺俾得保全功名免貽後患之處均出自

逾格鴻施理合附片密陳伏乞

聖鑒謹奏



滇省困苦請仍準捐實官疏

光緒二年閏五月二十八日

奏爲瀝陳滇省困苦情形請仍準捐納實官以資補救恭摺仰祈

聖鑒事竊照雲南地處極邊民貧地瘠在承平時卽全賴各省協撥饒銀以資散放兵糈一有軍務除由部另撥鉅饒外無不請開捐輸藉資挹注是以前督臣林則徐辦理永昌回務前督臣恆春辦理貴州軍務均係設法勸捐照例給獎自咸豐六年軍興以後支用愈繁庫款愈絀前督臣吳振械駐節曲靖卽奏請照貴州章程開捐濟饒前督臣張亮基請由部先行頒發實官執照委員分赴各省設局勸捐節經奏奉

俞允遵辦在案至同治十二年十月內前撫臣岑毓英以雲南捐例有名無實奏請停止原以各省欠解協饒爲數甚多捐例一停協饒必可源源接濟臣到省後據署藩司倉景愉等詳稱卷查各省截至同治十二年十二月底自十三年正月起新欠一半滇饒如四川欠饒六十五萬餘兩解過銀七萬兩浙江欠饒七十一萬餘兩撥過銀三萬餘兩江西欠饒二十六萬餘兩解撥過銀二十八萬餘兩江蘇欠饒十萬餘兩解撥過銀六萬餘兩廣東欠饒十一萬餘兩解撥過銀八萬餘兩湖南欠饒七萬餘兩解撥過銀四萬餘兩湖北欠饒二十九萬餘兩解撥過銀十一萬餘兩統計七省共欠協饒二百二十二萬餘兩三四



年間雲南僅得銀六十八萬餘兩又乙亥年奉部指撥常年兵  
餉惟鎮江關五萬兩如數匯解到滇其餘浙江二十萬兩福建  
五萬兩東海關五萬兩分釐未解又丙子年奉部指撥常年兵  
餉浙江二十萬兩又丁丑年春餉二十萬兩匯解過銀四萬兩  
其餘江西五萬兩廣東五萬兩亦分釐未解統計乙丙兩年部  
撥八十萬兩雲南僅得銀九萬兩是停捐專望於協餉而協餉  
究不足恃也又自同治十三年秋至今未及兩年賓川州則有  
片角等處叛案開化府則有大窩子兩次叛案甯州則有那諸  
節者紅等處叛案鄧川州則有東山瓦廠夷匪叛案鎮雄州則  
有威信失守叛案雖幸皆次第削平而餉項不支無非剗肉補

瘡苟且羅掘不能不累及民間近日又有騰越叛弁鬧饑踞城一事是滇中大亂雖平而處處伏莽乘閒竊發每有一隅蠢動卽需糜費多金如現派赴剿騰越之師尙未出省已豫支銀二萬兩攜往軍前以後如時日稽延則支款不可勝計司庫無銀動須借貸此真岌岌不可終日之勢若不早計豫籌則一木難支深慮譁潰署撫臣鼎新前在藩司任內曾與司道會稟前撫臣岑毓英酌量變通章程議減兵餉暫停馬乾各項舊欠以抵捐歸還卹賞照部章折發半年以來所省當不下數十萬金而庫中仍毫無存項豈非饑源太竭雖極力節流未見成效查軍務甫清省分如安徽貴州甘肅廣西等處撥餉數倍於雲南而

開捐仍未停止爲今之計各省欠饟固應急催滇省開捐尤難驟止擬請查核具奏請

旨仍準雲南捐納實官並照前撫臣奏準成案開捐道府州縣四項其收捐章程亦卽援照甘肅捐米成案核辦應請

飭部先發實官執照二三千張由驛遞滇庶可委員分赴各省設局勸辦至於部飯照費均照定章隨案批解等情具詳前來竊臣履任未久何敢遽議更張而目擊其艱亦未便稍拘成見卽如現辦騰越一事練軍民兵同時並調其所需口糧及鉛藥槍械等項省局向無儲備均須取辦臨時故兵未行而饟已告匱賊未辦而兵已欲譁其尤可念者地方當糜爛之餘旣挨戶

以派民兵復按糧而出夫馬官非不知其苦也而迫於計之已窮民非相忘其苦也而迫於勢不得已若再因仍舊轍不思補救之方竊恐民不聊生相率爲盜勞師糜餼方且十倍從前也明知此時捐輸已成涓滴而行潦足資挹注較之舊并無禽者所濟已多臣與署撫臣商酌再三計無所出相應據詳籲懇天恩俯念邊土未安饗源早竭暫準援案開捐以濟急需不勝迫切待

命之至謹會同署撫臣潘鼎新恭摺具奏伏乞  
皇太后

皇上聖鑒訓示遵行再此次請開捐輸本非不得已之舉如蒙

俞允擬以三年爲限由臣等察看滇省物力民生稍有起色仍  
卽奏請停止又滇省現辦常捐僅以貢監虛銜等項抵捐從前  
欠款應請照常辦理片案具報合併陳明謹 奏



密陳善後難恃軍饑萬難疏

光緒二年六月二十七日

奏爲滇省軍務未盡肅清兵練終不可靠善後一無足恃軍饑萬分爲難謹將實在情形據實密陳恭摺仰祈

聖鑒事竊惟滇處西南之偏與交緬莽擗爲壤苗夷雜處俗尙  
驕陵叛服無常習爲故事故徵軍益戍元明以來無代無之自  
咸豐年開狃匪倡亂適值中原多故兼顧不遑歷任曷吏赤手  
經營兵饑兩缺不得不借資民練以圖效目前回漢判然兩途  
究竟漢多狃少故尙易蔽功然練勢已成兵權下替紛紛樹幟  
侈然以籌餉殺賊爲名釐穀民捐聽其苛派錢糧稅課任意私  
收是雖有勦賊之功不能掩其抗上虐民之罪一旦無事欲使

此數萬強梁之眾有功而不伐有勞而無怨循循守法深自引咎相安於窮乏瘴癘之鄉此士大夫之所難而遽以責之桀驁之武夫其可得乎不得已遂以勇補兵爲一時止沸之計昔日之練頭皆今日之將備昔日之練勇卽今日之弁兵其已入營者爲數無幾又無足饒以饜之日久則不無缺望其未入營者流而爲匪欲用兵力以制之營員皆其所同類地方牧令偶一過問輕則如騰越同知周維巽等被其拘執而緩其一死重則如東川府知府孔昭鈞威遠同知汪嗣吉順甯府知府徐承勳戕官踞城而毫不爲怪從前以民練勦逆獯獮滅而練不可制茲復以練兵勦練匪此練平而彼練益張叛亂相循威弧不識



溯自同治十二年大理杜猗剿滅之後不數月卽有烏索散練之變嗣後開化威信等處連年滋擾近日順甯胡占鼇以卸事守備聚眾戕官騰越蘇開先以永北營兵據城以叛忽兵忽賊防不勝防狃平已及三年兵亂幾無虛日故易勇爲兵之議在他省爲難事在滇省爲弊政也況吏治民風關係愈重每遇州縣缺出人皆視爲畏途卽強令赴任祇得隨聲附和以冀旦夕保全否則激成事端亦屬辦理不善因整頓而獲咎以隱縱爲循良吏治廢弛半由於此小民良善之家不堪魚肉訴之官而官不敢理與之拒而力不能勝黠者入其夥以圖倖全弱者亦困極而爲之役而老穉之轉於溝壑者不知凡幾風俗何由而

正人心何由而平乎臣劉長佑由粵西帶楚勇數百人僅以坐鎮省垣而不足臣鼎新隨同鎮將數人均未帶淮部舊勇現在迤西有事臣等若親往督勦或可早日奏功柰蒞事日淺徒張空拳若再任倚民團既無以制練匪之死命益以長其挾制之心再匹思維必得另籌大枝勁旅控馭蠻蠻遇事則痛懲一二以儆其餘決不藉力於驕橫之兵練漸以過其氣而立之威鎮副參游各官復照例陸續對調出省顯以分其勢卽隱以示保全從此潛移默化當可消患於未成然後良民得以安分樂業薄其稅斂開其利源數年之後休養生息庶幾漸復舊規倘仍事因循誠恐抗玩習成革心匪易而善後尤難臣等久在行間

得力將弁尙不乏人非籌兵之艱實籌餉之爲艱滇當隆盛之時賦稅正額照數全徵銀錫銅鉛五金並產而歲計不足猶求取於外省者數十萬變亂以後田地荒蕪礦廠填廢今昔情形十不及一而度支所出無一或減於當年事故多端經費倍加於常例左支右絀早在

聖明洞鑒之中上年欽奉

諭旨飭催各省督撫臣督飭藩司務當通力合作俾濟要需不得意存膜視欽此欽遵仰見

靡念邊陲無微不至伏查各省奉撥滇餉舊欠共計八十餘萬兩自同治八年截至十二年底止又新欠銀五百餘萬兩遷延

三載報解寥寥在 國家同此度支原無分乎新舊在滇省全資挹注惟仰給於鄰封說者謂滇省物產豐盈兵燹旣平宜可稍圖自立不知滇地山多田少每年條公正款共計銀二十餘萬兩水旱偏災又免三分之一各屬釐局水不通舟陸不通車肩販貿易年計抽銀二十餘萬兩已覺竭盡民力鹽課試辦兩年人民稀少銷路無多每年撥抵兵餉不過十四五萬兩統計本省入款多至五六十萬兩亦已極矣祇此勺水蹶涔而文武例支銀三十餘萬兩出其中綠營餼米銀七十餘萬兩出其中加以各處實發欠款及善後一切經費並不時緊要軍需又需銀五六十萬兩均出其中出入懸殊能無捉襟見肘耶至銅本

並無大宗專款亦於協餼內提撥數萬兩各省零星湊解工本甚微開採自難豐旺其所得者雞皮草皮小礦耳既無補於銅政轉有妨於滇餼是銅廠之有益於滇目前亦虛語也夫馭世之道不外恩威餽匱兵軍則恩威均無所用雖以中原富教之邦平定十年之久除綠營以外猶留勇營多寡不等茲以邊遠彫敝之區變故紛乘之際外無可指之餼內無可用之兵俯仰時艱莫名焦灼惟有仰懇逾格

天恩拯邊氓於水火

敕部速爲區畫可否於原協滇餼七省中無論新欠舊欠每月撥定餽數大省或二萬兩小省或一萬兩卽自奉

旨之日爲始作爲協滇新饒明定章程不至如前款之有名無實俾臣等招募湘淮舊部萬餘人從容布置藉以鎮中外而飭紀綱俟三年後滇事羸定卽奏請停止斷不敢稍涉虛糜致多貽累再臣鼎新前曾函商直隸督臣李鴻章酌派淮部數千人暫赴滇中藉資勦撫亦如陝西福建辦法事竣仍凱撤回防如其海防無事或可暫時抽撥則所請各省新饒亦可酌減合併陳明所有密陳滇省實在情形及片請籌撥兵饒以資善後各緣由謹合詞恭摺具奏伏乞

皇太后

皇上聖鑒訓示謹奏

克復騰順兩城疏

光緒二年七月初五日

奏爲騰越順甯兩城以次克復雲州永昌各匪一併驅除首逆盡殲邊境羸靖各情形恭摺馳奏仰祈

聖鑒事竊臣等於閏五月內曾將騰越練軍句匪踞城順甯府城亦被匪徒竄擾各緣由奏奉

諭旨欽遵在案自官軍攻克五保街賊壘逼近騰城匪首蘇開先王道士概將蓋達之匪引入城內於城外環築礮壘數十座爲負隅固守之計並潛往各處勾結黨羽搖惑人心是以順甯甫失不數日而雲州亦爲匪徒襲據永昌府匪首李朝前已就撫又復乘衅聚黨滋擾地方迤西邊境在在戒嚴臣等聞報當

卽咨行署提督楊玉科候補道陳廷珍會督各軍分投勦捕旋  
準楊玉科咨轉據順雲協副將李應舉稟順甯土棍高顯馬二  
陳小八高小耀顏得美楊椿壽等結盟聚眾於五月十九夜三  
更蜂擁府縣衙署放火劫囚順甯府知府不勦親率丁役上  
前抵禦身受多傷順甯縣知縣王希晉被賊拘禁守備張洪典  
史何宣猷逃出城外該匪卽將府城占踞以前署守備胡占鼐  
卽胡大義爲首顏得美陳小八等隨卽率黨於二十三日襲據  
雲州該州舊有土城近已坍塌練目楊四巡風在城內應文武  
官驟不及防悉被擒拏惟左營千總鍾仁秀遂投賊中李應舉  
隨卽調集兵練派把總李發春劉祿壽朱紹高外委余應忠魏



聯貴等領帶前隊千人於五月二十八日向雲州進發適報緬甯城東之紅花山有匪徒盤踞李應舉慮其勾結滋擾親率後隊兵勇五百人前往勦捕該匪望風奔逃追獲生供係匪首李三毛四句通雲州之匪欲襲緬甯幸已追散無虞牽制因議先攻雲州次及順甯並遣人密飭胡占鼇鍾仁秀從中接應時把總李發春等已至距雲州數里頭道水地方據紳民稟報雲州之賊聞官軍將至自相驚恐鍾仁秀與軍功吳致中暗約被脅民練百餘人於三十日夜半突入州署反戈殺賊楊四巡風殲焉該匪慌亂徑往順甯而逃鍾仁秀等跟追至順甯城東之舊街殺賊數十人餘皆退入城中適記名提督和耀曾卸署永昌

府劉鳳苞派出補用游擊禹光廷軍功劉洪玉等各率民練繼至聲勢益壯胡占鼇密地報知約期初四日內應該匪偵知卽於初三夜半由南門竄逃軍功陳杰李錦玉等會督民練擊斃匪目劉孝玉馮昭二名並擒斬戕害順甯府知府徐承勳之匪馬二一名李發春禹光廷等跟蹤追捕亦各有斬擒該匪徑竄順雲交界之雪山箐先是順甯匪目陳小八楊伸洪發等率黨五百餘人分擾錫腊該汛守備李寶書把總袁建中軍功魯達魯紹周等督兵衝殺斃匪數十名餘俱敗回順甯李應舉得報飭催乘勝會攻順城比見賊已逃竄亦卽隨後追躡與各路兵練同抵雪山箐該山叢林密箐寬廣數十里中有危峯峯巔古

寺一所該匪高顯等百餘人踰伏其中李應舉分派兵練四面圍攻十四日寅刻出賊不意奮勇齊登攻入寺門該匪槍礮環施刀矛並舉正在鏖戰後隊兵練由寺左穴牆而入該匪奪路狂奔投崖落澗者不計其數生擒高顯等數名逃出零匪亦經各卡兵練截殺幾盡此收復順甯府雲州兩城迨至雪山箐悉數聚殲之實在情形也又據記名提督和耀會永昌府知府朱百梅卸署永昌府劉鳳苞稟順甯匪首顏光美等勾結永昌府已撫之匪首李朝在順永交界地方復聚黨千餘竄擾羊邑枯柯蒲縹等處驛道阻塞不通初五日探知該匪竄至放馬廠謀奪潞江橋斷我援騰後路和耀會當飭守備王珍帶領兵練前

往勦捕該匪又竄蒲縹又竄羊邑往來飄忽訖無定向至初九日驟至城後之寶蓋山覬覦永城和耀曾督民練二千人擊走之其沿途被擒及乘閒逃散者不少於二十五日竄伏梅子山地方經和耀會添派補用游擊馬雙元李鳳呈補用都司杜秉陽督隊進攻獎匪多名李朝猶率黨判死抵拒至二十七日午刻我軍四面合圍李朝身受七傷登時伏誅其死黨數十人概行斬斃此勦滅永昌府已撫復叛匪首李朝之實在情形也又據前署騰越鎮總兵段瑞梅署永昌協副將丁槐先後稟稱蘇開先王道士自聞順雲之變逆焰益熾連日出城偪戰互有損傷段瑞梅等以偪城攻戰徒傷精銳會商分地穩紮合力堅圍

仍飭令各開明礮地礮約期攻勦賊見城圍已合勢蹙情急於  
初六七等日挑死黨數百猛撲我軍營盤段瑞梅等豫飭各路  
埋伏槍礮伺賊前進攔頭奮擊均卽潰敗入城王道士密約漏  
匪劉雲由野人山招黨數百赴援騰城經龍陵同知陳方選探  
悉情由當派軍功姚壽帶練堵截於該匪前隊甫至象達時卽  
將劉雲擊獲解廳訊辦其黨皆棄械而逃騰城之賊由是堅閉  
不出但迫令居民於城腳開挖長濠意在截我地礮丁槐等以  
非除城外各壘難開地礮乃會督大隊將東南城角石礮攻克  
乘勢毀其連環木巢二座次日又將雙鋪子川主廟及西北城  
角新橋河雲鶴寺各堅巢一律踏平先後傷斃匪黨甚夥擒斬

悍匪數十名奪獲大礮二尊槍械百餘件我兵亦受傷數名六月初一日總兵蔣宗漢督隊抵騰激勵各營擠紮城跟旬日之內掃除東南門外礮壘二十餘座卽飭各軍更番力攻不容撤隊十四日黎明於東北角先放地礮轟塌城上礮樓一座因土堦甚厚未能攻入隨將附城賊營一鼓踏平擒斬匪黨多名時東南西北各礮亦已開就署提督楊玉科進駐永昌與候補道陳廷珍商度機宜申明賞罰飭催各鎮將剋日進攻蔣宗漢遵卽傳諭各軍準備攻具於十四日丑刻先發東南角地礮轟倒城垣數丈總兵和述廷游擊周慶安李燦文署永北營守備木逢春管帶永昌民兵守備張顯榮等由缺口一擁直上該匪判

死搶護均被兵練奮力擊退傷斃悍匪數十名餘皆退踞民房  
該鎮將當將南門城樓奪獲正在分隊下城兜剿閒西南角地  
砲亦發該鎮將等又復督同總兵雷應山副將石炳元游擊龔  
連元蔣太富守備楊芬千總范彩等帶隊首先撲入該匪紛施  
火器堵禦甚嚴都司王慶元千總李恩秀中槍陣亡維時補用  
參將袁善龍陵營參將王誠都司宋德林等由東南缺口率兵  
繼登亦將東門鼓樓奪獲我軍大隊如潮而進該匪力不能支  
始行潰亂各兵練分投搜殺其斃逆匪數百名跳入湖塘淹斃  
者無算當將全城收復逆首蘇開先王道士狼狽奔逃該鎮將  
督隊追獲王道士身受重傷已不能言當卽梟首示眾蘇開先

明史紀事本末卷之六十一

三

及偽副帥梁麟魁鄭開元均已就擒拘禁營中並奪獲偽印二顆候示遵辦此各軍先後屆紮圍攻克復騰越廳城殲擒首逆之實在情形也並據候補道陳廷珍稟同前由伏查騰越廳城為鎮攝番夷中外關鍵之地順甯府又與永昌騰越有犄角之形此次蘇開先叛據騰城僅練軍數百人耳而王道士即由蓋達南甸率黨千餘人附之高顯馬二等與守備胡占鼇襲據順甯顏得美陳小八等與千總鍾仁秀襲據雲州以應之永昌府之李朝業經就撫復聚黨肆擾欲襲府城緬甯紅花山匪自李三毛四句結雲州匪黨欲襲廳城以應之而伏而未動狡焉思逞者所在皆有人心不免動搖臣等商同署提督楊玉科選派



鎮將添調兵練分投勦辦先將順甯雲州收復次將永昌緬甯各匪驅除始得併力一心攻取騰城然數月以來百計籌謀勞費不小已有萬難久持之勢茲幸仰仗

天威連克邊城盡殲羣醜熒熒之火不至燎原實臣等始念所

不及料現在咨會署提督楊玉科將各兵練應撤應留就近與陳廷珍酌度辦理並飭陳廷珍與署騰越鎮總兵謝景春會督地方官將城內外被擾民人妥爲撫輯漏網餘匪搜除務盡以期永息邊氛惟念在事出力員弁遠征荒徼苦戰瘴鄉暗襲明攻不無微勞可錄臣等謹擇其尤爲出力者開單擬保先行懇

懇

恩施以外管帶兵緣協同防剿各官紳及籌辦軍資支應前敵各委員可否由臣等查明彙案核獎以示鼓勵之處均出自逾格鴻慈除行藩臬二司委提該府廳州失事文武員弁來省查問分別擬議另行具奏並飭在騰文武會提蘇開先各逆訊明就地懲辦以儆兇頑外所有克復騰越順甯各城並剿除永昌等處各匪情形謹合詞恭摺由驛馳奏伏乞

皇太后

皇上聖鑒訓示再查首逆蘇開先原保儘先補用參將鄭開元原保儘先補用參將梁麟魁原保游擊銜儘先補用守備應請飭部一併註銷謹奏

徐承勳等請卹片

光緒二年七月初五日

再署順甯府事遇缺儘先補用知府徐承勳於本地土匪高顯等句結散練五月十九日夜潛入府城焚掠徐承勳帶役出署彈壓被賊殺傷丁役徐承勳右胎膊亦受重傷退入大堂仍督丁役放槍抵禦被羣賊擁入砍傷額角咽喉脊背等處徐承勳罵不絕口復被賊將下脣脰砍去骨肉二片登時倒地旋即身死徐承勳之妾陳氏見夫身死卽入府署後樓縱火自焚屍骨悉成灰燼又都司銜補用守備騰越鎮左營分防杉木籠汛右哨千總盧三清當王道士率黨攻破南甸土城該處土匪柴如富等句結野夷乘隙圍撲汛署賊眾兵單因軍火用盡該弁率

兵練等短兵巷戰於五月初五日力竭陣亡兵丁亦陣亡三名  
又游擊銜補用都司王慶元補用千總李恩秀於六月十五日  
夜進攻騰越廳城官軍由西南角用地道轟倒城牆匪眾判死  
拒敵該員弁奮勇爭先奪入缺口殺賊多名衝鋒陣亡隨據該  
文武稟報並由署藩臬兩司先後轉詳前來臣伏查該署府徐  
承勳罵賊不輟傷重身死洵屬見危授命大節凜然其妾陳氏  
見其夫受傷已死登樓自焚亦屬深明大義視死如歸至都司  
銜補用守備盧三清殺賊殞命都司王慶元千總李恩秀首先  
登城奮不顧身均屬爲國捐軀深堪憫惻合無仰懇  
天恩俯準將該員弁等

飭部照例分別從優議卹以慰忠魂並將該故守徐承勳之妾陳氏給予

旌表以彰節烈之處出自

逾格鴻慈謹合詞附片具陳伏乞

聖鑒訓示謹奏

Table with multiple columns and rows, mostly blank. Some faint markings are visible in the top right corner.

Handwritten or printed notes in the top right corner of the table area.

ETA

武職廉俸變通支食疏

光緒二年七月十六日

奏爲饑源久滯營制未復暫將武職俸廉分別正署變通支食酌擬章程恭摺仰祈

聖鑒事竊照滇省軍興多年營伍廢弛現在地方巖靖亟思規復舊章又因各省撥協各款起解寥寥以致司局空虛俸饌缺乏比據各標鎮協營署事將弁王永安等會稟武職人員署有官之缺請仿照文員暫準支食半俸半廉等情經前撫臣岑毓英批飭會議去後旋據署雲南布政使倉景愉會同善後局司道崔尊彝等詳稱會查定例武職候補人員委署無官員缺就缺支食廉俸至署有官之缺係於建曠項下開支半俸薪廉全

例馬乾等項例有專條該將弁等所稱建曠墊發俸饗無項開  
支究因外省協饗不到營中俸饗不能照額動放建曠亦未截  
存解司以致署有員之缺者無項支食若協饗源源接濟庫款  
裕如俸饗按季請領則正署均有支食至請例外籌給不但於  
例未協亦實無款可籌會議詳覆經前撫臣岑毓英以武員署  
有官之缺例由建曠項下支食半俸薪廉全例馬乾現在綠營  
俸饗積欠甚多建曠徒有虛名若俟俸饗發足建曠有款然後  
支食該署事員弁豈能枵腹以待應從權仿照文員暫準支食  
半俸半廉以資辦公俟俸饗發足再由建曠照舊支給以符定  
制由署撫臣潘鼎新前在司任詳定自光緒元年二月為始照



變通辦理凡現任人員委署別缺並因公差使及出師人員係有官之缺或委候補人員及現任人員署理者俱於署缺內仍照例支食蔬紅其俸薪例馬歸實任全支其養廉銀兩實任支食一半如無官空缺委候補人員署理蔬紅銀兩準其全支俸薪例馬養廉均準食一半其餘一半截存解司又無官空缺委現任人員署理者蔬紅銀兩準其全支養廉準食一半俸薪例馬半廉仍由本任支食署缺內半廉俸薪例馬截存解司似此變通章程舉行年餘係爲整頓營伍體卹將弁起見若驟然改照定例辦理則署事員弁未免向隅苦樂不均轉恐缺望生事相應會文詳請 奏報前來 臣覆核無異合無仰懇

天恩俯念邊省荒殘餽需奇絀營制初興正署武職俸廉暫準  
變通支食俟邊防事竣營伍復舊再照定例辦理除咨部查照  
外謹會同署雲南撫臣潘鼎新合詞恭摺具陳伏乞

皇太后

皇上聖鑒訓示謹 奏

川粵勇餉片

光緒二十二年上

再臣前準署四川提督雲南提督未靖擬由四川募帶舊部楚臣已商之護督臣文格卽由協臣前因維時騰越順甯匪勢正熾擾地方文武又均以額兵減小搖動因卽商胡中和再行添商文格將添募營勇之餉一知提臣胡中和原議募帶楚臣商臣尚未遞到也茲查胡中和

天恩俯準該提督胡中和再由川省添募楚勇一營並飭護督  
臣文格仍在協滇項下照撥新糧實於滇省局勢大有裨益又  
臣尙有舊部留粵補用副將文明迪所帶迪字營楚勇一營現  
已撤防回省前經咨商廣西撫臣涂宗瀛飭赴雲南並議於該  
省應解原調楚寶營勇餉項下劃撥銀數千兩以作行糧茲準  
涂宗瀛咨覆已飭該營由粵來滇並經酌給行糧配齊軍械俾  
速登程粵西之爲臣謀可謂不遺餘力惟是滇省軍餉異常支  
絀驟添營勇接濟無從臣與署撫臣潘鼎新暨省局司道籌商  
再四擬請  
旨飭下兩廣總督廣東巡撫查照川省成案於該省協滇項下

撥給迪字一營勇饑並就近解交廣西省局併入楚寶營饑項  
 隨時會兌來滇較爲妥便臣熟審雲南現在局勢必須添調外  
 省得力兵勇方能有濟不得不瑣屑瀆陳是否有當謹附片具  
 奏伏乞

聖鑒訓示飭遵謹

奏



## 酌添兵餉並留練軍疏

光緒二年八月二十二日

奏爲酌添兵餉以存營制酌留練軍以備邊防恭摺仰祈

聖鑒事竊查滇省自軍興以來因營伍空存外援罕至各路勦捕專用本地練丁迨肅清後各省協餉不濟練聚難散遂議改練爲兵復以兵多餉絀不敷支放又議抽兵爲練均經前署督臣岑毓英奏準遵行在案惟是營制屢更軍情不定其所抽者旣非舊改之練其所練者亦非現存之兵除調省團操數營餘皆有名無實而營員則日形繁冗軍紀則日漸紊淆意在節省餼需而不知其虛糜已甚意在安置將卒而不知其流弊已多臣到任後體察情形卽與署撫臣督同司道悉心妥議屬有

兵事未及議詳茲據雲南善後局司道倉景愉等會議查通省各標鎮協營兵餼前因庫款奇絀協餼解到寥寥未能照額支發因議將各營馬兵餼乾暫行緩發其步戰兵挑入練軍分布邊防並調省隨時操演豫備遣派所需糧餼照數支發惟將留營未挑入練軍之戰兵及不挑練軍之守兵餼項緩發七成先發三成自上年冬月照章辦理在案覆查現在每年動放三成兵丁月餼共該銀一十一萬零九百四十兩二錢六分抽調練軍月餼年共該銀一十五萬二千二百二十兩通省管帶練軍官弁薪水年共該銀六萬三百三十六兩又加通省提鎮將弁俸廉例馬蔬紅共該銀一十四萬零五百九十八兩三錢五分



六釐合計一年共應動放銀四十六萬四千零九十四兩六錢三分六釐惟各營僅存三成兵丁爲數甚少且上年所定章程守兵不抽練軍係照營制原額減七留三戰兵則係於抽調練軍之外將抽贖存營數內又復減七留三是未抽練軍之營尙存三成戰兵而已抽練軍之營存營戰兵不及一成矣是以各地方文武動以不敷防守爲辭其抽練之兵盡數調出城守防汛幾成虛設紛紛請將練軍發回辦理甚形掣肘自應酌添防守兵餼以期制兵練軍均有實際該司道公同酌議擬將通省戰兵守兵均按營制原額酌減一半統留五成其月餼悉照五成兵數籌發計比現在所發三成月餼每年加添銀一十五萬

三千一百四十二兩五錢七分四釐合之提鎮將弁俸廉及現發三成守兵月餼每年共需銀四十萬零四千六百八十一兩二錢一分惟兵餼既經議增則練軍自應議減查滇省肅清未久各處伏莽不時竊發如現議五成之兵責以防守則有餘用之堵剿則不足是練軍未能多撤而練餼尙須另籌也現擬酌留練軍十二營並將原定章程酌量改更力求撙節計每年尙需銀十餘萬兩雖較減七留三舊案銀數略增而似此戰守兼資緩急有恃尙可以求實際而免虛糜詳請核辦前來臣維此時軍情未定固不能再事紛更而從前營制未明亦不能稍涉拘泥且餼需之奇絀爲他省所未聞雖仰荷

聖慈俯準開捐撥協俾濟要需而兵饑既須酌增練餼又難多減其於因革損益之間亦極慘澹經營之意上與署撫臣惟當督同司道及各鎮將於度支力求樽節於營伍加意講求如獲入款稍充仍當漸復兵制邊隅麤靖並可酌撤練軍以仰副朝廷制節不過戒備不虞至意所有酌添兵餼酌留練軍各緣由謹會同署雲南巡撫臣潘鼎新恭摺具奏伏乞

皇太后

皇上聖鑒訓示再摺內專就酌改章程歲需兵餼練餼約計成數以外添調外省營勇所需薪糧及司中常年應支各款局中善後一切經費不在此數合併陳明謹奏



武職月課章程片

光緒二年八月二十二日

再滇省武職候補人員前經兼署督臣岑毓英奏請仿照江南月課章程辦理開單咨部並附片奏明每年月課獎賞約共需銀三四萬兩係善後局司道由釐金項下按月提發在案旋準戶部咨嗣後認真考試核實支銷每年給發不得過案三四萬兩之數以示限制其動支銀兩仍令於該年釐金報銷案內詳細聲註若停考月分不準給予獎賞以杜冒濫僥倖之弊並令自光緒元年起考驗完竣後將月課等第應給獎賞銀數分晰開具清單按三箇月報部一次以備查核等因準此當經札飭雲南善後局司道查明迅速妥議開單具詳以憑核

鑒正慎公台身  
辦茲據該局司道等會詳擬將酌定滇省考課獎賞銀兩每月  
以一千兩爲率明定額數銀數以示限制至未經收標人員以  
及現帶練軍與實缺署事各員均不準月課其提鎮各標亦不  
另行月課統歸省城考校以免紛歧至月課章程擬仍請分列  
一二三等考取明定額數無論人數眾多按以副參游一等取  
四員二等取十員三等取十六員都守一等取十五員二等取  
二十五員三等取四十員千把一等取三十員二等取五十二  
員三等取一百員按以副參游取三十員都守取八十員千把  
取一百八十二員共計取二百九十二員其賞銀均按等第分  
別支給其計每月不得過一千之數開具清摺詳請核定等情

前來臣查滇省原定月課章程實因儲養將弁起見惟月支賞銀至數千兩之多日久恐難爲繼且應課人員不論已未收標有無差委亦覺漫無限制難於考查茲據具詳更定章程於樽節經費之中仍收教養人才之效與部咨核實支銷明示限制意亦相符而約計每歲省銀二萬有奇並可以裒益練軍不足之數當卽於七月二十八日開課考試各將弁尙能恪守新章爭先歸標學習俟考試三月後再行開單送部查核外所有滇省酌擬課試武職候補員弁章程可否仰懇

天恩勅部立案之處出自

逾格鴻慈謹附片具陳伏乞

正德公集卷之二  
聖鑒訓示謹 奏



員弁按捕首要各逆片

光緒二年八月二十二日

再滇省太亂初平積匪尙多逃匿往往句結散練滋擾地方臣等於騰越順甯克復後節經分飭該管文武嚴督兵練實力按捕務盡根株旋準署雲南提臣楊玉科咨呈轉據卸署騰越鎮總兵蔣宗漢稟報逆首段式虎從前附和回匪受僞將軍之職殘虐邊民已非一日此次復與王道士蘇開先合夥陷踞騰越廳城旋分股竄據界頭龍川地方負險自固以爲騰越應援蔣宗漢派參將袁善游擊周開泰會同代理騰越同知吳自修署騰越經歷陳鴻勳各率兵練王文榜楊榮春張天明等跟蹤追至西山大廠地面該逆糾集死黨潛伏巖畔放槍抵拒傷斃兵

正德五年三月十一日  
練數名袁善等懸賞告奮四面圍擊當將該逆黨全行殲除割  
取耳級八十餘具生擒逆首段式虎解廳驗訊屬實卽行就地  
正法又據辦理營務補用道鍾念祖順甯府知府劉鳳苞稟稱  
逆首高鳳翔勾通胡占鼇等陷踞順甯府城焚燒府署肆行虜  
掠實屬罪不容誅前聞官軍將抵順甯卽率伊弟高老小逃匿  
順甯屬之二甲村鍾念祖等派都司俞慎修梁禹福守備俞光  
廷挑帶得力兵練馳往按捕該逆督同高老小糾餘匪多人負  
固死拒俞慎修等偪村圍擊當將高鳳翔高老小擊斃餘匪亦  
捕斬無遺隨將高逆兄弟首級傳示又據署開化鎮府何秀林  
蔡元燮會稟逆首姬洪與李開侯五等勾結越南敗逃苗匪分

竄大窩子大黑山邊界各寨夷民受害非淺迭經官兵進剿斬獲多名該逆等力絀先逃乘機復叛以致防軍未撤邊境時時戒嚴經飭駐防游擊陸春率軍功楊明馬德探實該逆在娘娘山歟黨屯糧近由龍堡小寨前往外域句匪爲患已至馬溪地方陸春等挑帶兵練二百五十名於五月二十三日列隊圍攻該逆捨命拒敵勢甚兇悍傷斃兵團九名幾至逃遁幸楊明馬德等率眾上前格鬪多時始將姬洪孛獲殲斃從匪十七名驗明李開侯五已斃在內餘匪捕斬殆盡隨將姬逆解府訊明錄供具詳核飭懲辦又鄧川州屬東山夷匪聚眾擄官肆行燒殺經官軍會剿攻拔賊巢格斃匪首羅起汝羅寬沅二名生擒項

合等十一名業經提省訊明分別懲辦內有朱汶明一名因傷重未能解省訊辦經前署督臣岑毓英先行奏報在案嗣經署提臣派弁押解該匪朱汶明到省發交臬司審訊供認聽從羅起汰書寫偽示代掌偽印隨同入城燒殺抗拒官兵擄擄州牧實屬甘心從逆臣會同署撫臣潘鼎新督同司道提審無異卽將該犯朱汶明押赴市曹斬決梟首以儆兇頑伏查騰越順甯開化各府廳接壤外域漢夷雜處伏莽猶多段式虎高鳳翔姬洪等膽敢憑恃險遠糾眾叛亂今均授首實屬罪惡貫盈除仍飭沿邊各鎮將加意巡防嚴緝餘匪以絕邊患外此次文武員弁兵練分路搜剿捕斬首要各逆實屬奮勉異常可否容臣

查明擇尤策案保獎以昭激勸之處出自

逾格鴻慈所有官軍分路捕斬首要各逆分別懲辦緣由謹會

同署撫臣潘鼎新附片陳明伏乞

聖鑒訓示謹 奏

臨桂李樹森同校  
南陵胡永福

劉武慎公奏稿

劉武慎公全集二十

卷之十九目錄

雲南民志未定暫緩通商疏

校閱兵練楚勇疏

楚勇月餉請飭川粵籌解疏

昭通蠻匪土匪竊發次第擊退疏

因病請假疏

假滿籲懇開缺疏

請準開缺回籍片

騰越逃匪散練勾結野夷侵掠土屬疏

寬賞假期謝恩疏

請曲全功將片

協饒不繼酌撤楚勇疏

勉力銷假疏

耿馬土司尋仇衅擾片

騰越等處擒獲漏匪片

巴蠻被擊就撫疏

收復耿馬土城土目就撫疏

李明惠從優議卹附祀片

臨安土夷各匪分出滋擾疏



查墾荒田以厚民生疏

抵銷處分謝恩疏

被劾各員請派大員覆查片

殲擒臨安首要各匪移軍納樓疏

請將把總武舉等處決片



雲南民志未定暫緩通商疏

光緒二年十一月二十七日

奏爲雲南軍務初平民志未定動輒滋事有礙通商擬請暫緩辦理期於中外有裨恭摺仰祈

聖鑒事竊<sub>臣</sub>等於光緒二年八月二十二日欽奉

上諭瑪加理一案現已結辦雲南邊界通商事宜俟英國派員到時卽著雲貴總督雲南巡撫選派妥幹大員前往該省邊界查看情形商訂章程隨時奏明辦理欽此欽奉之下仰見

朝廷綏遠睦鄰仁義兼盡自應懷遵妥辦用篤鄰交何敢稍涉遲疑上煩

宸廑第作事貴於謀始思患可以豫防雲南辦理洋務視沿海

欽定大清會典事例

沿江各省爲難剛柔與拒之間苟失其宜非結怨部民卽啟釁

他國

臣長佑

於到任時已附摺密陳之又滇省邊界通商應如

何相度形勢期於商務民情兩無妨礙或五年之內或期滿之時商定章程得有把握然後開辦總理各國衙門來咨亦詳言之矣而議者以洋人向來但於沿海各省設埠通商本屬便益今必於舟楫不通山川深阻之雲南開設碼頭事極勞費其用意殊不可測將來由此北通川陝東出楚粵彼可任其縱橫我已失所依據臣等則謂洋人素重信義而英國又海邦雄長與我修睦有年且感慕

德威當不至有他慮茲就數月以來察看雲南通省實在情形

於通商事宜有急切難以遵辦者不得不先爲我

皇太后

皇上縷悉陳之查雲南地處極邊迤西迤南均與外藩連界邊界以內除漢人外有土人回人又有各種夷人軍興以來互起仇怨爭奪鬪殺迄未小休在邊界以外者有土人有野人又有逃亡之漢人回人類皆獷悍成性剽掠爲生軍興以來關禁廢弛此輩出沒無定大爲居民行旅之憂此邊界內外有礙通商之實在情形也其腹地各郡屬戶口耗散田地荒蕪土著民人十存一二餘皆川黔楚粵四省之人其務農服賈十僅二三而游手十居七八每與本地散練首民及貧苦失業之輩燒香拜

會呼弟稱哥小則攔路劫殺大則入城焚掠一經剿捕四散無蹤此內地人民有礙通商之實在情形也雲南前辦軍務多用本地紳練由戰功保舉官職者實繁有徒往往恃眾橫行挾制官長而官之能者或矯拂以撻鋒其懦者惟優容以遠害以致上下猜忌法令不行此又地方官紳有礙通商之實在情形也以上數端皆雲南積年習氣臣等訪察得實迭經檄飭各屬文武及時整飭實力挽回誠以民俗之善敗爲吏治興廢所關卽不辦通商亦未便稍爲姑待第治之太急則益焚求之太苛則生變計必隨宜化導俟諸歲月庶可望有轉機今若遽辦通商竊恐輿情未洽橫議滋生良懦者易受其愚狡黠者藉售其詐

萬一查察有未周防護有不及致有同於前案或更甚於前案者其貽患於雲南一隅猶小其有撓於中夏全局乃大也且洋人固知前案之難辦也因而有免其既往之議又知後患之不易弭也因而有保其將來之議臣等竊謂洋人慮事往往以退爲進以與爲取結案以全和誼是退而與之說也結案而要通商則進而取之說矣結案而不責其既往是退而與之說也結案而欲保其將來則進而取之說矣然此皆在總理衙門意計之中知必有以豫防而默奪之臣等愚見惟患滇省官民於已往者不以爲倖免而以爲得計致使將來者不引爲前鑒或敢於效尤且已往者犯案係關外野人如禽獸然縱擒惟所欲爲

留正惟云台金  
若內地之漢回及各猥夷則難保無負隅抗拒之心矣已往者  
過境係遊歷洋官隨帶行李什物爲利甚微若洋商之珍重財  
貨往來輻輳更難保無乘閒攫取之事矣況乎官強民以所不  
願則怨言已深民知官有所難堪則忤違更甚迨至內變外患  
互起環生持論者方謂已往之失在意外卒能塞強鄰之口而  
全邊氓之命將來之失在意中遂至啟敵國之釁而貽中土之  
憂彼時雖將失察疏防之官從重處治而民情離叛事局潰裂  
已不堪問矣臣等不敢存偷安一時之見不敢有要譽百姓之  
心並不敢留事後諉過之地祇以舉辦之遲速關係中外之安  
危臣等緘默不言異日治以辦理不善之咎所不敢辭責以謀



慮不忠之名則不敢受也務懇

聖明察臣等之愚憫臣等之懦正值民志未定軍務初平之時

飭下總理各國事務衙門通籌會議照知英國公使將通商

事暫緩辦理遠則五年近則三年俟邊界內外官民上下稍稍

安定然後奏明會商妥辦不至別生事端雲南幸甚大局幸

甚如蒙

恩允臣等再當遴派明幹官紳前往邊界內外設法開諭俾漢

土回猥皆曉然於通商一事實出

朝廷不得已之苦衷但令彼此相安仍於中外有益其沿邊關

隘塘汛並令各營及時整頓布置巡防以期行旅無驚居民按

聖主綏邊柔遠之至意願或謂此議一出英人必有違言於事  
堵仰慰

局轉增波折臣等查和約內原有地方不靖外國人不得前往  
遊歷一條今雲南雖報肅清而邊裏各屬餘孽逞伏無常加以  
前項情形在在可慮洋人亟欲通商意在圖利亦斷無不思遠  
害之理且此次定議亦自光緒二年十一月十七日起以五年  
爲限由英國派員與滇省各官察看情形斟酌定期開辦通商  
是在彼尙無欲速之心在我不妨先以實告也臣等爲雲南時  
局起見實爲中外大局起見是否有當謹合詞恭摺由驛具  
奏伏乞

皇太后

皇上聖鑒訓示謹奏

卷之三十一

校閱兵練楚勇疏

光緒二年十二月二十八日

奏爲校閱省標六營官兵並駐省練軍楚勇各營伍情形恭摺  
仰祈

聖鑒事竊臣前因滇省營制屢更軍情未定請加足額兵五成  
酌留練軍十二營並先後由粵由黔調撥楚寶玉武迪字等楚  
勇三營來滇各緣由均經隨時奏明在案查滇省營伍廢弛  
有年臣自八月奏準酌加額兵後卽經分別咨行各標協營認  
眞選募加意操防並將酌留各營練軍遴員管帶嚴加約束以  
八營分防騰越普洱開化曲靖昭通各處以四營及楚寶玉武  
迪字各營楚勇駐紮省城內外飭令參酌楚淮各軍選練規條

陣式逐日訓練操演以爲各鎮協營標準惟規模甫定操習未  
久自應及時校閱俾各將備知所激勸庶營伍可望振興臣因  
會同撫臣於本月十三日飭將省標六營官兵並駐省練軍四  
營楚勇三營齊集校場操演大陣其隊伍整齊步伐嚴謹以楚  
寶迪字玉武三營爲最練軍四營次之省標六營又次之其起  
伏備應之間有未盡如法者臣等親加指示各營員弁亦能領  
會十四至十七日以次閱看馬步弓箭槍礮技藝省標六營正  
署將弁馬步中靶合計在六成以上候補將備千把及世職武  
舉成數亦如之六營戰守兵丁槍礮中靶合計亦及六成練軍  
四營與楚勇三營槍礮中靶六成至七八成不等刀矛雜技額

兵不如練軍練軍不如楚勇然亦各有可觀均經當堂分別獎賞給頂記拔其有弓馬較生及槍礮無準者亦卽分別記責記過勒限學習以示勸懲臣等復督同司道將各營兵勇逐加點驗均屬精壯足額軍裝器械雖未盡精良尙堪適用倘從此兵饑漸裕軍實漸充各營訓練益勤當不難日有起色至省外各標協營官兵及分駐各鎮練軍暨提臣帶赴大理楚勇現仍分別咨照督飭勤加教練勿任稍涉因循並擬派各道府就近會同點驗考校具結報查以昭核實臣明歲能否遵旨出省查閱營伍容再察看情形隨時奏明辦理所有校閱省標六營官兵並駐省練軍楚勇各營伍情形謹會同雲南撫

臣潘鼎新恭摺具陳伏乞

皇太后

皇上聖鑒訓示遵行謹奏



楚勇月餼請

飭川粵籌解疏

光緒三年二月十八日

奏爲滇省調到楚勇月餼請 飭川粵兩省月爲籌解以符原

案恭摺仰祈

聖鑒事竊據雲南善後總局司道會同署雲南布政使倉景愉詳稱查雲南提督胡中和由川先後招募楚勇一千名作爲提標親兵兩營應支月餼均照楚勇章程連旗幟號褂軍火鍋帳等項價值均於四川協滇餼內給領又 臣舊部楚勇迪字一營由廣西咨調來滇應支勇餼請於廣東協滇項下撥給經理四川督 臣 文格暨 臣 於光緒二年閏五月七月先後奏奉諭旨允準在案至八月十三日欽奉寄

諭戶部奏稱浙江等省欠解滇餉積成鉅款請自本年九月爲始四川每月提銀一萬三千兩廣東每月提銀二千兩作爲協滇新餉等語著嚴飭各藩司查照此次指撥數目按月協解俾濟要需其常年例撥兵餉仍著各歸各款掃數撥解等因欽此亦經臣恭錄分咨在案查原請川粵兩省撥解雲南提標楚勇兩營及迪字一營月餉係在未撥新餉以前原指協滇舊餉而言乃川省聲明七月十一日以後由滇起支而廣東迄今新舊餉項均未撥解分釐現在滇省軍務雖平而分布巡防舉辦善後薪糧經費需用仍繁就令各省協滇新餉全數解到尙多不敷若又將楚勇口糧仍在新餉數內劃扣則滇餉更形短絀實

屬萬難支持該司道等擬將前項楚勇三營月餼仍分別由四川廣東按月另爲籌解以符原案其自光緒二年九月以後川粵每月應協新餼仍請按月解滇以應急需等情詳請 奏咨前來 臣查該司道所詳均係實在情形當卽查照分咨茲準護四川督 臣 文格咨覆據布政使程豫詳稱川中竭蹶萬分前項楚勇月餼實在無款可籌詳請咨滇仍在川省現解協滇新餼內均勻分撥等因到 臣 臣查四川奉撥協滇新餼自上年九月起已按月如數解清提 臣 胡中和所募來滇楚勇兩營行糧軍械等項數在二萬二千餘兩以上亦準咨稱於協滇積欠餼內核扣在川省本已不遺餘力但使滇省稍可自給亦何敢爲無

聖明洞鑒之中而伏莽未清野夷環伺前項楚勇又未敢遽議  
撤裁再四思維惟有仍懇

天恩飭下四川督臣將由川募調來滇楚勇兩營所需月餉仍  
由川省按月另爲籌解俟滇省防務稍鬆或捐輸稍旺卽先奏  
明停止仍祇專解新餉以期彼此兼籌至由廣西調來迪字一  
營勇餉按大小建牽算月不過需二千金廣西業已奏明截至  
光緒二年六月二十四日住支臣前奏請由廣東撥給者亦以  
其舊有協滇欠餉且廣東督撫臣素顧大局於雲南尤爲關切  
但數月以來不惟迪營勇糧未準撥給卽協滇新餉亦未解到

分毫刻雖設法騰那暫將迪營支應而時形支絀實難通籌竊思此項勇糧連奉撥新饗每月爲數祇四千金廣東諒亦不難籌措相應一併請

旨飭催廣東督撫臣迅將自上年九月起應解協滇新饗並自上年六月二十四日起由舊饗內撥給迪營勇糧均卽趕緊補解來滇此後仍按月源源撥解以濟窮邊而符原案所有滇省調到楚勇月餼請由川粵兩省另爲籌解緣由謹會同雲南撫臣潘鼎新恭摺具奏伏乞

皇太后

皇上聖鑒訓示遵行謹 奏



昭通蠻匪土匪竊發次第擊退疏

光緒三年三月二十六日

奏爲昭通府屬江防戒嚴土匪乘機竊發經文武督集兵團次第擊退剿除殲擒首逆恭摺具 奏仰祈

聖鑒事竊滇省軍務初平散練游民所在皆有往往糾結滋事爲害地方上年騰越順甯剿辦事竣當經通飭各屬文武認真編查保甲整飭汛防數月以來尙無成股匪徒在境滋擾惟查迤東昭通府屬界連川省僅隔金沙一江彼岸半係巴蠻巢穴自來聲教不及每於水涸時乘閒渡江肆行搶擄亦經臣等飭由昭通鎮豫撥兵練沿江扼紮以防竄擾茲據署昭通鎮全祖凱轉據右營游擊劉奇義稟巴蠻於十二月初三日大股出巢

列代真八已集

上

在老木槽等處修造船隻意在搶渡並由西昌地方搬來槍手百餘名勢甚鴟張十四日該蠻匪分股前來搶撲經在防弁兵隔岸轟退尙未歸巢全祖凱卽挑帶中營官兵二百餘名於正月二十二日由昭親往督剿又據報上江之黃平寨鐘鼓樓一帶亦有蠻匪出巢欲乘下江蠢動之際由上江越竄全祖凱恐顧此失彼卽調署前營游擊王正昌帶本營官兵四百餘名分起馳往由上江約期會剿正月二十七八兩日將鐘鼓樓對岸蠻匪擊退歸巢全祖凱隨督王正昌等星夜馳抵下江之溜筒口小屋基駐紮二月初六日探聞大股蠻匪約千餘人日夜沿江伺伏有乘虛搶渡之意全祖凱分派王正昌帶兵過江由山



梁鈔擊劉奇義與都司王起龍帶練過江由下游鈔擊守備楊元楊斌帶兵由小屋基過江以備接應全祖凱親督大隊在滇岸豫備槍礮轟擊以爲聲援屆期各兵勇進至馬脛子山適值該蠻匪伏聚江隈守護船隻我軍四面喊殺匪眾驚惶紛紛前來拒敵鏖戰逾時小屋基接應之兵繼至擊斃蠻匪多名該匪四散奔逃當將賊船燒燬生擒匪目吳七十祖馬要格二名斬首三級釋放被擄漢民三名奪獲牛皮甲及矛桿多件我軍受傷七名又於十二日招撫蠻目吳七十和焦腳王子焦腳母雞等三名餘皆負創歸巢此昭通鎮在金沙江堵剿蠻匪之實在情形也當巴蠻未退江防喫緊之時昭通府屬之大關廳仁富

鄉突有土匪數百人乘機出擾焚掠村莊並襲踞涼山頂川主巖黃泥坡等處勢甚猖獗又有土匪數百由鎮雄州之伐烏關竄踞大關屬之河東鄉塋上樹旗立柵分出肆擾據迤東道貴齡大關廳王燾左營游擊馬步雲等先後稟報前來經臣批飭督兵集團悉力擊捕務將該匪盡數拏辦勿任蔓擾地方照會署昭通鎮全祖凱由防所就近移兵進剿復照會昭通鎮鄧有德督帶玉武營楚勇卽日由省拔赴該廳相機剿辦去後旋據全祖凱稟於得報後督同王正昌等帶隊由富官汛前進翼可與馬步雲等合力夾擊並飛移川軍達字營約期會隊以防竄逸十三日濫田汛把總馮順帶領兵團由黃泥坡分起進攻涼

山頂該匪持險拒敵馮順不避矢石帶奮勇由山後砍關而入該匪腹背受敵遂棄寨奔散生擒匪首鍾有生羅老二二名殺斃及墮巖死者甚多搶獲槍礮刀矛各件時馬步雲王正昌等帶隊踵至川主巖等處之匪料難抵禦亦卽乘夜奔逃馬步雲王正昌督令兵團分投追捕軍功彭家華段丕基帶練窮追在於桐子林地方捕獲匪首柳么妹卽楊海山一名格斃匪目柳瓢耳一名灘頭汛外委楊大祥捕獲匪目張洪順倪開元等七名餘匪或潛匿深林或逃出川境全祖凱仍飭馬步雲駐紮興隆逐日揆捕並知會川軍嚴緝逃匪以靖邊隅全祖凱正欲拔隊河東進攻陞上股匪十八日據雄魁汛把總陳洪勛豆沙汛

把總胡希廷稟十七日帶兵督團至聖腳窰上約會把總石恆  
豐等卽於次日五鼓出隊圍攻適該匪分股攻打吳家碓安家  
寨未回我軍乘虛攻擊槍礮齊施斃匪多名踞碓之匪傾巢而  
出該把總等見賊來兇猛約退里許適文生蕭鳳和等瞥見賊  
出卽率眾由聖腳攀藤而上將路口塞斷該匪退歸無路始各  
潰敗我軍乘勢夾擊墜巖落澗者不計其數攻寨之匪轉回救  
援亦被石恆豐等半路截殺殲除十之三四餘匪散逃斬首三  
十餘級擒生俱三名獲賊馬數匹旗幟軍械各數十件查點兵  
團亦有傷亡除匪目張洪順已於軍前正法外柳么妹及各匪  
黨解候訊明分別懲辦此剿滅大關廳屬各匪昭通一律肅清

之情形也。又廣南府屬那雞寨有積年匪首王喜就撫後猶怙惡不悛。正在密飭拏辦。聞茲據廣南府知府廖修明廣南營參將穆文陞稟該匪現已糾集二三百人住紮各山峒肆行搶殺。當於正月二十四日派把總顧彩帶兵集團前往拏辦。一面移知開化府迅派兵練協同捕拏。二月初二日寶甯縣李賓與守備謝敬彪各帶兵練馳抵樹科地方。督同顧彩等將老合石峒、猴孑山峒攻開擒獲匪目李小受一名、殺斃匪黨八名。王喜及其弟王六尙踞馬廠石峒。仍敢率黨分山拒敵。各兵練奮勇直前。該匪紛紛潰逃。其退入峒中者經兵練用柴草燒煙薰入。匪皆悶倒。立將王六並其養子王小二斬首。餘匪五六十名均卽

戮斃碇中惟不見王喜屍首正在懸賞購覓適有王喜火夫陳小矣來報王喜現帶死黨逃至開化界上租白山句結該處匪徒欲攻廣南以圖報復該府等札飭普廳堂經歷袁體先帶團由里大一路堵截兜拏並飭寶甯縣李賓帶團爲後路接應署廣南營守備謝敬彪督同外委劉正國黃文陞挑選兵練直偪租白山不分晝夜奮力圍拏該匪冒死抗拒槍傷兵勇數人匪首王喜幾於逃脫幸被槍傷額角經李昌佩將王喜擒獲旋即伏誅餘匪除槍斃外俱已潰散等情此廣南府文武勦辦積匪王喜之實在情形也臣等伏查該土匪等因昭通江防有警乘機肆擾彼此句結幾成燎原幸仗

天威次第撲滅首匪悉數被殲不至蔓延辦理尙爲奮迅所有  
在事出力各官紳可否由臣等查明存記彙案附請獎勵出自  
逾格鴻施除飭該各文武仍於所屬地方隨時查緝加意防維  
不得稍形疏懈外所有昭通江防戒嚴土匪乘機竊發派兵集  
團次第擊退剿除殲擒首逆各情形謹合詞恭摺由驛馳奏伏  
乞

皇太后

皇上聖鑒訓示謹 奏





因病請假疏

光緒三年五月初八日

奏為微臣舊疾增劇元氣大虧籲懇

天恩賞假調理恭摺仰祈

聖鑒事竊臣自壯年卽患肝疾每當春夏觸發尤頻前任直隸

總督時曾乞假調治以求效太速漸成行痹十餘年來時發時

愈尙無大傷迨去歲入滇以後水土畧殊氣候亦異舊患各症

雖發之較勤而治之尙易臣仍照常辦事未嘗稍自憂疑乃自

今正感受外邪始而風發頭疼繼而氣衝心悸投劑甫效他症

又生近則神志不定痰喘尤甚筋節走痛動作維艱較之舊時

所患增劇據醫家云肝失所養風溼流注包絡非安心調理則

氣血益衰痿蹙堪虞臣維蒲柳之資渥荷

雨露深仁未卽萎棄今年已六十違恤此身第念忝寄兼圻責任綦重若淹纏日久竟甘痿痺終覺有負生成惟有顛懇

天恩賞假兩月俾得及時調理以冀復元其臣署日行公事暫委藩司代拆代行遇有重要事件仍與撫臣會商辦理臣謹當速求痊可屆期銷假任事不敢藉病偷安所有微臣舊疾增劇請假調理緣由恭摺附驛具奏伏乞

皇太后

皇上聖鑒訓示再雲南距京較遠恭候

批諭尙需月餘臣擬於拜摺之日起扣假期合併陳明謹奏



假滿籲懇開缺疏

光緒三年六月十五日

奏為

微臣

假期將滿病勢有加籲懇

天恩開缺回籍調理

迅簡賢員以重職守恭摺仰祈

聖鑒事竊

臣

於五月初八日曾將舊疾增劇懇

恩賞假兩月調理在案原冀屆期痊可仍供職守以仰副我

皇上慎重邊疆委任

微臣

至意乃自拜摺後風濕留滯腰骸幾

至不能動作過服利導之劑元氣更虧遂致虛火上攻頭目旁

掣肩膊坐臥不安飲食亦減旋服補劑所患漸平而周身痛無

定所手足間有麻木偶遇緊要事件畧為思慮卽口苦舌乾言

語稍多喘促尤甚甚至夜不成寐不時自語卽偶一交睫而事

務紛紜往來胸臆月餘以來愈覺困頓難堪雖緣水土異宜失於調養事局大窘過於憂焦亦由臣質性愚魯才識凡庸見事既遲用心倍苦操術已拙用力徒多以致氣血早衰形神俱憊愧憤莫可名言竊臣以布衣荷

三朝恩遇之隆重膺疆寄尙冀桑榆之是效雖捐頂踵以笑辭無如痼疾已成醫藥難期速效若再勉強從事微特貽譏尸位無補涓埃且恐有誤事機負疚愈重再四思維惟有切實陳情籲懇

天恩賞準開缺回籍調理并

迅簡賢員前來接任俾臣早釋重負冀起沈疴則臣有生之日

無非戴

德之年

臣

無任惶恐懇切待

命之至所有假期將滿病勢有加懇

恩開缺緣由謹恭摺具奏伏乞

皇太后

皇上聖鑒訓示謹 奏

諸君の御覧に  
おかけを  
まことに  
おたがひ  
申す

三



請 準開缺回籍片

光緒三年六月十五日

再臣素性愚懦謬膺疆寄報稱毫無惟此不敢畏難委過之心至今未嘗稍懈想亦早在

聖慈洞鑒之中此次因病陳請開缺實非得已竊念滇黔兩省凋敝情形爲各省所無而滇省尤甚黔省自肅清後協捐各款歲入稍增地方官合力通籌一切善後事宜漸有頭緒就臣所見所聞亦可稍紓

宸廑滇省民皆重困實少生機文武官鮮知法度尤多積習臣容歲奉

命來滇明知凋瘵之民急宜安集軍政吏治在在均須講求如

臣愚懦識短慮長誠不足以振敝撥煩上慰

宵旰然猶冀勉竭愚忱開誠相與或可策以議成事由眾定因  
勢利導俾窮荒漸有興復之期而衰朽得效涓埃之報不圖蒞  
任已周一年未辦之事意存姑待已成之局力難久持實政未  
及於民間浮言或生於意外撫衷循省焦急日增臣之負疚在  
此臣之致疾者亦在此伏乞

皇太后

皇上諒臣之愚

矜臣之懦

鑒臣萬不得已之苦衷

賞準開缺回籍調理毋庸

再給假期如蒙

迅簡賢員來滇接任臣得少負一日之疚百姓卽早受一日之福矣謹附片瀝陳伏乞

聖鑒訓示謹 奏

三行世之金

三

騰越逃匪散練句結野夷侵掠土屬疏

光緒三年六月十五日

奏爲騰越邊境逃匪散練句結野夷侵掠土屬現經官兵分別  
剿撫各情由恭摺仰祈

聖鑒事竊騰越地處極邊上年克復廳城後餘匪游練逃入土  
屬及各野寨者不少疊飭沿邊文武設法防捕在案茲據署騰  
越鎮總兵謝景春稟據隴川土司多慈祥稟稱隴川所屬之崩  
竜山經野夷占踞十有餘年時出搶劫滋擾邊關行旅居民均  
受其害曾於上年冬間派練目許雙貴楊定山帶兵攻剿屢戰  
皆捷不料許雙貴遠萌叛志句結散練內外燒殺楊定山不能  
抵敵土司卽親自帶練扼紮蠻允防禦該匪等於二月二十二

日膽敢將景坎遮冒二寨襲破築壘盤踞句通野夷邊境洶洶道途梗塞懇發兵剿捕等情謝景春以隴川崩竜山距騰城二百餘里爲緬甸咽喉之所其地設有鐵壁關最爲緊要豈容該匪肆行侵犯貽患邊隅聞報後一面飭都司李蘭貴前往探查一面親督兵練於二月二十八日由騰起程次日行抵南甸據李蘭貴回營面稟情形相同並查明許雙貴係上年騰越漏匪謝景春因分飭副將謝景武李棠秀滕正富守備王珍等帶隊前進而自駐南甸居中調度三月二十二至二十六等日我軍先後進抵距崩竜三十里之蠻允探知該逆堅築三壘並句結附近野夷數十寨以爲聲援該土司屢請進剿以蘇民困謝景

武等以賊壘星散必須分投攻勦方無逃竄之虞稟由該署鎮飭派謝景武帶正右營攻取中壘滕正富帶副右營攻取右壘王珍帶兵練二百餘名攻取左壘十六日黎明同時並進該匪亦分出迎敵槍礮木石雨下正在相持李棠秀督隊猛進斃匪數名匪黨披靡入寨我軍逼壘環擊自辰至午該匪負固不出都司蕭紹霆率隊由後山高處施放噴筒火箭燎其茅蓬李棠秀乘勢力擊賊眾慌亂狼奔豕突我軍分隊尾殺斃匪甚眾遂將中壘攻克滕正富因右路山勢甚險賊壘較堅豫懸重賞激勵士卒攀懸而上該匪憑險抗拒礮石交下軍功楊得勝周克仁等先眾扒壘受傷陣亡滕正富與參將成如前各率奮勇冒

險直上手刃悍賊數名賊勢稍卻我軍併力衝殺立破其壘匪黨無一漏網左壘之匪見中右兩壘已破悉眾退伏壕內守備王珍督隊撲近該匪槍礮齊施傷亡練目趙貴等十餘名我軍稍卻復前攻撲愈猛拔椿填壕而進該匪棄壘潰逃被殲無算時方午正李棠秀等復合大隊乘勢埽平附近逆寨二十餘處直至黃昏始行收隊逃散匪黨均被團練擒送來營訊明就地懲辦惟許雙貴現尙未知下落隴川各野寨均皆畏威相率投誠謝景春以各逆寨時出擄掠素爲邊氓之害此次附從許逆勢更猖獗自應趁此軍威痛加剷洗惟查該處距騰較遠瘴疫最重未便深入現旣畏威投誠尙可予以自新之路猶恐夷



性反覆暫留守備王珍所部練丁二百餘名防守崩竈其餘各營概撤回騰等情並據迤西道熊昭鏡稟報前來臣等查滇省邊防久弛野夷出沒無定加以逃匪散練結夥橫行侵掠土司劫殺行旅無所不至亟應厚集兵練驅除醜類收復土疆祇以內地大亂初平力有未逮每遇該文武稟陳邊患惟飭其整頓營伍聯絡土練靜以鎮攝密爲防維暫勿用兵免致警威生覺至許雙貴以騰越漏網匪目逃入隴川土司不自悛改復敢勾結野夷肆擾邊關洵屬始終怙惡罪不容誅今幸一鼓蕩平野夷懾服實足以彰

天威而固疆圉除飭該文武確切查明該首匪許雙貴是否伏

誅抑係免脫務獲懲辦并飭迤西道會督鎮廳查勘沿邊關隘及各土司轄境應如何布置巡防興復舊制以除後患其此次在事出力及傷亡員弁均卽查明另行核辦外所有騰越邊境逃匪勾結野夷侵掠土屬現經分別勦撫各情由謹合詞恭摺具奏伏乞

皇太后

皇上聖鑒訓示謹 奏

寬賞假期謝

恩疏

光緒三年八月初十日

奏爲叩謝

天恩寬賞假期及

微臣

感激下忱調理近狀恭摺具奏仰祈

聖鑒事竊

臣

於六月十五日以假期將滿舊疾增劇陳請

賞準開缺回籍調理一摺於七月二十五日奉到

批諭賞假三箇月調理毋庸開缺欽此欽奉之下感悚莫名恨

不卽日就痊勉力祇事無如舊疾纏結反復靡常兩月以來加

意調治差幸痰喘稍紓神志稍定而腰骹作痛仍無定處筋骨

之閒幾至不相綜攝動作之頃常須過自束持蓋由元氣已虧

藥力有限現雖無增劇之患究難爲平復之期此

臣

所爲日夜

光緒三年八月初十日

臣

皇恩欲勉力視事而未能也茲幸

天恩高厚寬賞假期

鑒臣迫切之情責以從容之效臣何人斯受此

寵眷敢不自愛以效將來惟有上緊調治冀在假期未滿之先  
早就痊可銷假視事用慰

仁慈如再淹纏則是犬馬齒索力不從心仍不得不籲懇

鴻恩放歸田里總之微臣身輕地方責重固不敢偷安引疾自

外

生成又何忍諱疾戀官重滋罪戾所有微臣叩謝

天恩寬賞假期及微臣感激下忱調理近狀各緣由謹恭摺具

奏伏乞

皇太后

皇上聖鑒謹

奏

卷之二十一

三

請曲全功將片

光緒三年八月初十日

再記名提督前廣西右江鎮總兵楊玉科上年經臣奏蒙

恩準開缺留辦騰越軍務本係一時權宜之計該提督於騰越事竣後交卸雲南提督署任仍住大理府城嘗以料理家事卽回湖南原籍爲言其意則日望

朝廷賞錄前勞簡授實官方離滇省也臣察看其人才本有爲

性不好靜故於接見時諭以

聖恩高厚必將重用並於獎勸之中畧寓裁抑之意該提督均能欣然聽受惟賦閒日久則蕩佚易萌而隨從人多則驕奢難免且與現任提臣同住一城新舊真假之間尤爲猜疑所由啟

如此次議撤提臣胡中和所部楚勇實由撫臣偏聽該提督之  
言其餘地方文武爲所中傷者亦可想見臣密訪眾論實切隱  
憂惟有仰懇

天恩俯念該記名提督楊玉科勞績卓著勇畧素優可否於東  
南大省

迅賜簡放提鎮一缺俾知觀感可望保全如一時無可位置或  
特旨傳諭進京

陸見聽候簡用亦必知感知奮圖報將來而該提督一離滇省  
其舊部將卒心志亦定卽地方官民謗議亦消矣臣爲曲全功  
將藉安人心起見故敢冒昧密陳是否有當伏乞



聖鑒裁奪施行謹 奏

臣等謹將前奉 聖諭

聖諭

皇正惟之全集卷之十一

三

協饒不繼酌撤楚勇疏

光緒三年十月初一日

奏爲調滇楚勇協饒不濟酌量遣撤恭摺仰祈

聖鑒事竊

臣

於上年五月初入滇疆正值騰越叛練勾匪滋事

勢甚披猖之時羽書交警兵力不敷由

臣

先後奏調廣西舊部

候補知府魏鼎薰管帶楚寶營營勇六百名候補副將文明迪

管帶迪字營楚勇五百名新授昭通鎮總兵鄧有德管帶貴州

玉武營楚勇五百名均經陸續入滇軍威稍壯民志漸安騰越

勦撫之事旋卽告竣適雲南提

臣

胡中和由川入滇咨商

臣

與

撫臣潘鼎新隨帶楚勇一千名作爲提標親兵兩營駐紮大理

府屬大理爲迤西扼要之地漢夷雜處姦宄易生亟應重兵鎮

歷而楚寶迪字玉武等營分布操防均資得力惟各營月需餼  
項本省無力措籌臣與撫臣潘鼎新暨司道等悉心規畫除玉  
武營來自貴州該省力難兼顧應由滇省自籌接濟外其提標  
親兵與楚寶迪字各營本係川粵舊軍月餼無多四川兩粵之  
力尙堪合謀協濟當經臣與各督撫臣緘商再四由川省月協  
提標親兵兩營餼銀四千餘兩廣西月協楚寶營餼銀二千餘  
兩廣東月協迪字營餼銀二千兩皆以五年爲率五年之外察  
看滇省情形應否撤留再由自籌餼項奏奉  
諭旨備準在案乃年餘以來惟廣西協濟楚寶營餼按月撥解  
未嘗短少其四川廣東兩省應協營勇之餼未解分毫屢次派

員赴催亦無著落以致該營放饗之際輒由善後總局設法那  
借尙難如期如數支放無虧似此月饗虛懸日積月深將來更  
難彌補計無所施遂有司局會詳及時遣撤之議臣維滇省軍  
務甫平民心未定伏莽散練所在尤多往往一夫倡呼亂者羣  
起騰越往事其明徵也持此遠慮兵防未敢稍鬆而撫此窮鄉  
饑項又難自備況眾議以爲非便浮言因之日多臣雖徒抱隱  
憂難持初論已於八月前後百計張那勉給行糧并酌補舊欠  
月饗起將迪字營楚勇五百名提臣親兵營楚勇一千名盡數  
遣撤回籍沿途約束嚴明尙無滋擾除再由臣咨催廣東四川  
兩省補解新舊欠發該營月饗行糧共若干兩外所有調滇楚

勇協饒不濟酌量遣撤各情理合恭摺具奏伏乞

皇太后

皇上聖鑒訓示再準提臣來咨以迤西地方甫靖大理府尤爲衝要現雖由騰越抽調練軍三百餘人填駐郡城而緩急之間必得親信弁勇以供指使較爲足恃擬於現撤兩營內挑留小隊其口糧卽由本省按月照章撥給等因查係實在情形已商同咨覆照準辦理合併陳明謹 奏

勉力銷假疏

光緒三年十月初一日

奏為

微臣

舊疾漸痊勉力銷假恭摺仰祈

聖鑒事竊

臣以久抱沈疴上煩

宸眷兩番給假五月為期冀收效於桑榆不棄材於枯朽

臣雖

衰憊敢憚奮興連月以來加意調養筋骨痛定神志差安前之

氣喘舌乾等證亦未觸發雖步履未能得力眠食未能如常祇

緣心血尙虧脾陽稍弱再加培補或可復元是

微臣

之病不至

廢棄實

聖慈之體卹有加也夫蒲柳久沐滋培卽脆薄尙有回生之意

犬馬未填溝壑雖疲乏能無戀主之忱況

臣

精力稍可支持敢

畏艱難自耽安逸謹於十月初一日起銷假視事以祈仰答

鴻慈上紓

宸眷所有

微臣

舊疾漸痊勉力銷假各情謹恭摺具奏伏乞

皇太后

皇上聖鑒訓示謹 奏



耿馬土司尋仇衅擾片

光緒四年正月十四日

再順甯府所管耿馬土司本屬蠻荒附近邊鄙尋仇互鬪習以爲常查有土目罕榮高於同治年間與土司罕榮陞爭地起衅句結回逆馬二聚眾滋事占據耿馬土城擾及順甯邊界曾經前署督臣岑毓英派員帶兵前往勦辦匪眾潰散罕榮高與馬二均無實在下落亦經分飭查拏在案茲據順甯府知府劉鳳苞署順雲協副將李鳳祥先後飛稟罕榮高復由新地句結回逆馬二串通狁獠野夷及逃匪散練約有三千餘眾於上年十一月十五日分黨竄擾佔踞耿馬土城肆行燒搶土司罕榮陞寡不敵眾退至勦撒請發兵援應等情隨准提臣胡中和咨同

前由臣等查耿馬雖係土司外域實爲順雲藩籬且與永昌騰越沿邊接壤該逆等怙惡不悛仍敢串通野夷招集逃匪散練分出肆擾攻踞土城亟應防剿兼施以免竄越惟是邊遠之區又值荒歉之歲用兵不易籌餉尤難猶恐一時未能驅除內地人心不免搖動除咨會提臣分飭署騰越鎮總兵謝景春署順雲協副將李鳳祥暨在籍補用副將禹光廷已革參將周慶安派撥官兵民團分投堵剿並行善後局司道籌撥糧餉軍火委員解往濟用仍飭迤西道順甯府就近會督沿邊文武嚴爲備禦設法解散以靖疆圉而固人心外謹附片陳明伏乞

聖鑒訓示謹 奏

騰越等處擒獲漏匪片

光緒四年正月十四日

再逆首許雙貴上年句結野夷在隴川土司屬崩竜山築壘盤踞經臣檄飭署騰越鎮總兵謝景春督兵剿捕攻破賊壘殲擒匪黨甚眾隴川野夷相率投誠惟該逆許雙貴遠颺荒徼官兵未便深入已飭查拏各情由經臣等奏奉

諭旨匪首許雙貴尙無下落仍著嚴密查拏務獲懲治毋任漏網欽此欽遵轉行各文武認真通緝去後茲據該鎮並迤西道熊昭鏡稟報差探著名匪首許雙貴逃回原籍楚雄屬之尹旗聖飛函會商楚雄協副將李文益協同該鎮差派補用都司署千總張天明已革副將李棠秀等帶兵往拏該匪猶敢拒敵卽

被官兵槍傷就地梟首並生擒匪黨張廷貴鄧鳳山二名解省  
試辦當將該逆許雙貴首級發往犯事地方示眾以昭炯戒又  
據署騰越鎮廳謝景春蔡信義稟報查得漏網匪首周榮武謝  
祖發明小四劉保玉練目溫玉清邱吉魁等勾結野山游練四  
五百人盤踞線哄之龍虎山紮營列柵不時下山搶劫商貨殺  
傷護送民兵於上年十一月間搶擄緬甸屬之蠻暮所獲銀物  
甚多計將接搶蠻允及千崖蓋達土屬因缺糧食火藥該匪首  
等率黨下山分赴各寨按掠經留辦邊防革員都福辰李珍國  
探悉匪蹤會商坐探邊情委員梁鎰銓飛調夷兵土練三百餘  
名分投埋伏四面兜擊在厥陽芭蕉等寨擊獲匪首周榮武明

小四謝祖發及其黨從十四名解交騰越廳審訊就地正法又  
漏網逆首馬湯玉上年在騰越助蘇王二逆搶劫釐局攻打和  
順鄉復城之後該匪潛匿野山此次潛回龍江練猶復連合周  
榮武等謀爲不法經該鎮廳探確暗派兵差拏獲到案當卽訊  
明確俱照例正法又據昭通鎮府李明惠英瑞稟報會匪李老  
四等在郡屬糾夥滋擾良民受害當飭署中軍游擊向逢春嚴  
密查捕幸將該匪首李老四拏獲按出會盟圖記解府訊供確  
鑿按例正法又據該鎮府稟報轉據鎮雄州營會稟上年十月  
三十日匪首任三大等糾黨數百竄踞川滇邊界之洛亥郭家  
墳並蔓延三口塘花秋壩盤踞險巖接搶村寨勢甚猖獗該州

營飛飭威信州判董堃守備劉正甲督率汛弁兵團分路前進奮力圍擊該匪潰敗兵團乘勝追殺攻破賊壘殲斃匪黨甚眾生擒逆首任三大鞠么大吳鐵匠及要匪周二娃胡長生陳滿呷陳玉齋汪洪順等八名餘黨解散邊境一律肅清兵團亦有傷亡除訊明陳玉齋汪洪順二犯係著名匪首卽於軍前正法胡長生陳滿呷被兵團傷重斃命外當將任三大等四犯解州審辦又據署曲尋協副將李榮春署平彝縣知縣蕭培基稟報查有匪首王四毛牛向在該縣與貴州交界地方聚集匪類肆行搶劫經該管營縣會督平彝汛把總李佩玖挑帶兵差密捕至該縣屬之多羅垓內拏獲匪首王四毛牛解交平彝縣審訊

先後稟報等情前來臣等查匪首許雙貴等均係漏網餘孽久  
羈顯戮於地方肅清後復敢怙惡不悛糾黨分出滋擾邊隅實  
屬罪無可逭既據訊明就地正法實足以彰國法而快人心  
除將該犯張廷貴鄧鳳山任三大鞠么大吳鐵匠周二娃王四  
毛牛等訊取確供按律懲辦仍飭該管文武督飭兵役嚴密查  
拏以絕根株並將此事出力各員弁兵團由臣等查明存記彙  
案核辦外所有續獲逸匪分別懲辦緣由理合附片陳明伏乞  
聖鑒謹奏





巴蠻被擊就撫疏

光緒四年四月初七日

奏爲巴蠻混過金沙江擾及永善縣境業經防軍就地擊捕悉數殲擒暨現辦招撫各情由恭摺仰祈

聖鑒事竊雲南昭通府屬毘連四川僅隔金沙一江緜亘數百里彼岸半係巴蠻巢穴每於春冬水涸時乘閒偷渡肆行搶擄上年經防軍擊退祇因巢穴深阻未獲痛予創懲本年正月探聞蠻匪出巢復造船隻計將偷越滋擾經督飭昭通鎮轉飭防江各營員督率兵練沿江扼紮以防竄越旋據署昭通鎮總兵李明惠轉據委辦江防右營游擊劉奇義稟稱有大股蠻匪於窩羅灘對岸之秦家灣扛船下水聲稱剋日渡勢甚猖獗

劉奇義商同管帶練軍補用副將鍾九如各率兵練分由上下游過江掩擊陣斃蠻匪十數人槍傷數十人餘皆奔潰回巢我軍追至谷口將所遺蠻船打毀始各收隊回防等語當以蠻匪志在擄搶來則禦之去則備之飭勿汲汲進剿以免疏虞詎該蠻匪見防軍備禦嚴密勢難偷渡乃改裝漢民由川省雷波廳屬之那比渡石板灘等處混過數十人復有邊境匪徒勾引於二月初八日夜繞至大捲防營後山縱火驚營各營兵練堅守不動初九日天色將曙正在出隊抵禦對江蠻匪紛紛扛船下水搶渡過江劉奇義派把總張得富等率帶礮船攔江堵禦玉武營楚勇哨長副將尹光祥副左營練軍總哨副將房寶源於

防所聞報卽各帶隊馳來援應時蠻船冒死搶渡約有三四百人尹光祥房寶源列隊江岸悉力截擊當將抵岸蠻船三隻燒燬斷其歸路張得富等亦用大礮轟翻後至蠻船兩隻餘卽折回彼岸時後山之匪攻撲大捲防營甚急適副左營練軍哨長游擊昌世雄等率隊從營後截擊使登岸之匪不能相連該匪判命衝突刀矛相接撿刺有聲副將尹光祥房寶源俱被矛傷右脇及小腹各處兵勇亦帶傷甚多自辰至申鏖戰四時之久殲斃悍匪數十人割獲蠻首三十餘顆賊始敗潰我軍追至江邊撲水死者百餘名餘皆逃竄沙灣巖谷之中隨卽抽調防軍並附近團練連夜探蹤搜捕李明惠復加派玉武營楚勇飭縣

丞曾樹榮領帶  
名生擒四十餘  
名查點防軍陣  
帶傷四十餘名  
令隨往老林將  
擒一百十九名  
兵威馬合蘇等  
等喚至防營聽  
造辦船隻倡率  
黨遺散並所造

曲哈及蠻長阿六曲干等八名來營乞降稟稱已將船隻焚燬  
餘黨遣散惟韓玉成逃匿涼山一帶酋等亦將其寨堡焚燒並  
搜獲其弟韓么麻子解營懇將前次陣擒生蠻百餘名釋放歸  
巢如日後再有出擾情事酋等自願率眾攻擊並願留營爲質  
等供伏查巴蠻部落冗雜並無統率涼山一帶盡係生番人尙  
富饒罕出滋擾其附近川滇者卽爲外十三支地窄人多徧處  
中土四川如雷波馬邊西昌各屬生番熟獮錯雜而居其間有  
上糧納稅者卽名熟獮其不納糧者卽爲生番前此打仗所獲  
卽有雷波熟獮在內緣蠻俗好鬪性尤强悍每歲於秋收後卽  
行相約出擄習以爲常今該蠻長等旣已悔過服罪面縛投誠

雖屬忱於兵威乞憐搖尾而能加以恩信或可歸心等情由署  
昭通鎮總兵李明惠昭通府知府英瑞稟報前來臣查該蠻生  
居化外性本頑冥多殺無益茲稟稱既有悔懼之心自當仰體  
皇仁悉予釋歸以格異類果其不復出擾亦可稍省兵費藉安  
民生臣與署撫臣暨各司道熟商意見相同飭將該蠻長馬曲  
哈等留營爲質餘蠻妥爲開導悉數遣歸並飭將韓么麻子就  
地正法梟示江干仍責成該蠻長嚴緝在逃之匪首韓玉成送  
營究辦毋使漏網此次蠻匪改裝過江經游擊劉奇義等督率  
兵練奮力勦捕於數日內盡數殲擒辦理尙爲奮迅其在事出  
力及傷亡各員弁兵練合無仰懇

天恩俯準由臣查明存記彙案 奏請獎卹出自

逾格鴻施所有蠻匪偷渡滋擾業經防軍盡數殲擒暨現辦招撫緣由謹會同署雲南巡撫臣杜瑞聯恭摺具 奏伏乞

皇太后

皇上聖鑒訓示謹 奏





收復耿馬土城土目就撫疏 光緒四年六月十三日

奏為官軍收復耿馬土城土目罕榮高就撫順甯府屬邊境肅

清恭摺馳 奏仰祈

聖鑒事竊查耿馬土目罕榮高句結回逆馬二等竄踞耿馬土城官軍分投堵剿設法解散各緣由前經附片 奏明欽奉

上諭土目罕榮高膽敢句結回逆馬二串通狝獠野夷及逃匪散練至三千餘人分黨竄擾佔踞耿馬土城肆行燒搶該處與永昌騰越接壤亟應嚴行防剿著劉長佑杜瑞聯飭令總兵謝景春等分投堵剿並飭地方文武妥為備禦一面設法解散務期迅速撲滅毋任蔓延欽此欽遵轉行遵辦在案旋據署順甯

劉長佑奏為官軍收復耿馬土城土目罕榮高就撫順甯府屬邊境肅清恭摺馳奏仰祈聖鑒事竊查耿馬土目罕榮高句結回逆馬二等竄踞耿馬土城官軍分投堵剿設法解散各緣由前經附片 奏明欽奉

府周慶榕稟轉據已革參將周慶安稟稱奉委管帶緬甯兵練  
馳援猛撒因該土城兵力太單勢殊岌岌當卽督隊冒險衝突  
直入猛撒城內幫同守禦自臘底正初以來該逆不時攻撲均  
經悉力擊退先後斃匪百餘惟匪眾數千環城偪紮只可堅守  
實難出攻請添撥兵練前來會剿等情該署府隨卽增調民團  
土練札委卸署雲州事候補通判韋勳承管帶於正月二十四  
日由順甯兼程前進至二十七日馳抵猛撒城外先是軍功魯  
達等奉周慶榕諭令寄信土目罕榮高責其悖謬示以恩威至  
是官軍大至卽據罕榮高具稟情願投誠於二十九日自將圍  
攻猛撒之營燒燬率黨退紮猛董猛角兩處惟馬二與狽獠胡

蘆各野夷及內地逸匪尙踞耿馬城中深溝高壘似無退心該府卽與署順雲協副將李鳳祥商議密飭帶隊員弁定於二月初一日五更時由猛撒發隊並派定已革補用參將周慶安副將銜補用游擊潘耀東等共帶練勇六百餘名進攻耿馬之左候補通判韋勳承暨廩生李玉衡軍功魯達等帶練六百餘名進鈔耿馬之右副將銜補用參將馬中級暨守備丁銘土司罕榮陞等共帶練千餘名直由中路進攻初二日未刻行距耿城五六里地方該匪大隊出城拒敵勢甚凶猛鏖戰至酉刻各軍步步進逼奮力兜剿殺傷甚眾始將該匪擊退入城是夜三更正在督軍乘勢攻拔該匪料難抵敵棄城逃走當將耿馬土城

多正惟立台身 卷十一  
收復擒斬悍匪六十七名奪獲槍礮叉桿多件陣亡兵練五名  
帶傷三十八名其餘竄歸胡蘆一帶距邊較遠未便窮追隨卽  
出示安撫土民並議移軍猛角猛董相機勦辦續據罕榮高稟  
稱遵諭撤回猛角猛董後已將黨眾嚴加約束聽候開恩如蒙  
賞還一隙之地俾衣食有資永遠不敢滋事惟馬二日前單身  
潛逃不知去向一時未能擒拏並由軍功魯達等取具耿馬九  
猛十三圈各頭目切實甘結共保該土目罕榮高等此後永無  
翻異滋事各等語該府等察其情詞真切已允代爲稟請免其  
一死仍責令該土目迅卽設法誘擒馬二等歸案審辦各等情  
並據該各鎮道稟同前由 臣等查此次用兵實因罕榮高與罕

榮陞爭地舊仇非真有背畔漢官侵擾邊境之心然其眾至三四千人又有逃逆馬二等在內不旬日而耿馬失陷兩猛瀕危並分擾永昌土屬麻栗壩等處若非該各文武調發迅速開諭得宜幾至邊氛大起難於收拾在罕榮高糾眾尋仇屢煩兵力本有難逃之罪迨經示以

國威曉以大義卽能猛省前非撤退黨眾聽候查辦究與甘心叛逆者有閒且其時烟瘴已起糧饟尤缺亦實難於進兵而馬逆在逃未知去向責令該土目設法誘拏或易得手合無仰懇聖慈俯念邊土狂蠻宥其既往予以自新給還舊巢用觀後效如蒙

聖正性公全集卷之十一  
恩準臣等仍當督飭該文武隨時查察管束並勒令設法擒斬  
馬二等用贖前愆至此出力文武及陣亡各員弁可否容臣  
等查明彙案量請獎卹之處出自

逾格鴻施所有官軍收復耿馬土城土目就撫邊境肅清各緣  
由理合恭摺具奏伏乞

皇太后

皇上聖鑒訓示謹奏

李明惠從優議卹附祀片

光緒四年八月初二日

再提督銜調署雲南昭通鎮總兵臨元鎮總兵邁勇巴圖魯李明惠湖南新甯縣人於咸豐初年以勇目從臣轉戰湖南江西廣西等省先後克復城池殄除劇寇節經敘功請獎擢至記名總兵咸豐十一年奉

旨簡放永州鎮總兵同治二年經臣調赴直隸督帶楚勇旋率所部南歸赴湖北蕲黃一帶防剿髮捻各匪鄂境肅清仍回永州鎮本任次年聞訃開缺服滿後委署永州鎮總兵蒙

簡放鎮筸鎮總兵隨署湖南提督在任七年復以憂去光緒二年蒙

恩補授雲南臨元鎮總兵到任後調署昭通鎮篆務以督軍防江積勞成病於本年七月六日申報出缺臣查該總兵忠愨性成驍勇善戰尤能以少勝眾往往易危爲安如江西清江新城之捷湖南永州廣西柳州之役戰績尤爲卓著然皆於事前無所張皇於事後無所矜伐甚至兵疲饑匱艱窘難堪從未有愠愠之情見諸詞色其從容鎮定遜讓無私雖古儒將殆無以過計自勇目以至統軍每戰必先而創皆輕淺被困亦屢而卒鮮損傷先臣如官文曾國藩駱秉章胡林翼莫不亟加稱獎同以福將相推厥後臣提鎮皆能講求軍實有益地方未嘗措置偶疏一罣吏議其束身自愛在武職中尤所罕聞上年臣由粵



赴滇道出里舍見其沈雄氣概稍遜壯時竊意該總兵以鋒鏑之餘屬哀傷之後投戈已久伏櫪自甘而聞

命之日乃能激發志意不俟駕行此其報國之忱固先有鞠躬盡瘁不計利鈍者到臨元後因營政廢弛不辭勞勩次第修明去年冬月調赴昭通維時巴蠻偷渡金江意存搶掠該總兵督飭兵練力戰嚴防感受風濕時有目眩頭暈之證延至夏初毒暑中侵遂患瀉痢醫治罔效彌留之際尙惟以受

恩深重憾未圖報爲言伏念該總兵起自行閒備經艱險洊膺專閫彌矢慎勤心力俱殫始終一節茲以在任督辦防務積成鬱病身委邊城實與效命疆場無以或異在該總兵有生之日

口不言勞身後蕭然亦宜不計惟以從臣最久相知最深其忠  
愨之懷見諸實事未忍聽其就湮合無仰懇

天恩俯準將提督銜臨元鎮總兵李明惠

敕部照提督軍營立功後積勞病故例從優議卹並準其附祀  
本籍與立功地方昭忠祠以慰忠勤之處出自

逾格鴻施謹會同署雲南巡撫臣杜瑞聯附片奏陳伏乞

聖鑒訓示謹 奏

臨安土夷各匪分出滋擾疏

光緒四年九月十一日

奏爲雲南臨安府屬土夷各匪分出滋擾現派官軍前往相機辦理暨各州縣防期情形恭摺具報仰祈

聖鑒事竊查雲南臨安府所屬州縣土夷回民雜處其閒兵燹以來獷悍之俗未盡戢除經臣等隨時檄飭該鎮府認真查辦而劫殺之案仍不時層見疊出本年八月十四十六日先後據署臨元鎮總兵黃仁遺臨安府知府許廷桂稟稱該府屬納樓土族普保極普映春各招館驛回竜沙甸大莊等處回民千餘人分赴江外各土司地方焚殺搶擄意在樹黨立威爭襲土職七月初二日突入石頭寨地方偪紮圍攻當派熟習情形之把

總楊家誠朱聯升帶兵馳往彈壓解散該匪不遵開諭將樂善里踐踏成墟七月二十二日復擁眾襲破虧容大寨將代辦土職孫璽殺斃移攻漫芳等寨燒殺尤甚因復派幹弁帶兵分往館驛等處責成回教紳耆迅將出外滋事之人趕緊喚歸免其連坐能否遵辦尙未可知竊慮旬結日眾擾害日深請速撥兵剿捕等情臣等查該土目意存爭襲相率抗違竟各招引人肆行擄殺亟應撥兵剿捕以遏亂萌且查該府所屬如蒙自縣之楊阿幅龍奠坤石屏州之胡文聲阿迷州之普志長等皆怙惡不悛爲害鄉里疊經督飭文武設法拏辦輒敢抗官拒捕甚或劫獄縱兇若再姑容難保不旬結響應滋擾地方當經商派

駐省練軍兩營遴委候補道員許繼衡督帶前往會同臨安鎮  
府相機勦辦仍會銜出示飭令各屬夷民勿聽匪徒誘脅自取  
滅亡如能設法擒渠立邀獎賞去後旋據阿迷州知州光進德  
稟報蒙自匪首楊阿幅勾結開化水冲匪首沈開科及州屬東  
山匪目普雲等豎旗倡亂聲稱黨眾數千於十九日攻破田心  
魯革中和營等寨漢民死者甚眾雙水塘汛弁黃文彩王有升  
均尚不知下落二十一夜該匪大隊潛赴近城地方意圖攻襲  
該州會商弁紳帶領民團分途迎擊追至馬者哨山下該牧先  
於山上派練設伏鼓角齊鳴匪眾驚擾適外委賴雲亮帶領練  
兵二百名亦吶喊前進齊施槍礮該匪紛紛潰亂越嶺而竄旋

派民團於山下分紮五營犄角相應併飭夷紳陸太李開會合馬者哨夷紳普尙友駐紮山上以扼其隘探悉馬者哨以東匪徒甚眾開化邛北文報不通未能四路兜剿應請撥兵救援等因並據該鎮府稟稱接據阿迷州警報已挑派鎮標兵丁二百名揀委員弁管帶馳赴該州相機堵禦猶恐兵數無多請添發練軍會同勦辦前來查該匪楊阿幅曾率黨眾搶殺白普氏等五命踰伏大屯海島龍王廟中招誘亡命抗拒官兵屢經檄飭署蒙白縣知縣孟丕榮會商地紳設法誘擒散其黨羽該匪蹤迹詭異出沒無常竟敢糾集多人乘閒竊發若不及時翦滅深恐滋蔓難圖連日又據廣西直隸州屬彌勒縣稟稱阿迷州屬

局者儂人普寅與租舍夷人楊開窰房夷人高朋各率匪眾攻踞田心擾及賦草竜汛地經該汛弁督同民練將匪擊退復經該縣調派紳團分堵盤汛一帶渡口以防回窳又據廣西直隸州屬邛北縣稟稱楊寅楊天膽於攻破田心後率眾擾及該縣屬之樹皮龍溪等處當督鄉團奮力迎擊斃匪數名奪獲器械多件餘仍敗退田心地方各等因<sub>臣</sub>等查該匪志在搶擄雖尙在江外土夷地方第其黨尙眾其勢漸張難保不侵軼內地因加札飭催候補道許繼衡督帶原派兩營練軍趨程進發並添委候補知府王德誥候補同知吳自修知縣王毓熙等隨同前往以資調遣猶慮兵力不敷分布飭於甯州河西等處添募得

力練丁千餘人由省局照章籌給資糧統歸許繼衡督帶會同該鎮府調集兵團察看阿迷蒙自石屏納樓暨廣西邛北彌勒各州縣情形緩急勦撫兼施並飛行開廣鎮府州營各督兵練約會堵剿期於聚殲渠首不令烏合之眾蔓擾地方俟辦理就竣再行縷敘情形恭摺具報仰紓

聖廑惟是饑需奇絀調發之際倍形拮据臣等惟有督飭司道竭力籌謀以濟急需而維全局所有臨安府屬土夷各匪滋擾調派兵練前往相機辦理各緣由謹合詞由驛具奏伏乞

皇太后

皇上聖鑒訓示再據阿迷州知州光進德續稟二十四日調集



回夷紳團馬白珍陸太李開商同臨安鎮府派出官兵分路進  
剿於三轉灣地方殺斃匪黨十餘名追至沙石口匪目楊六率  
黨回拒復經兵練擊斃多名乘勢踏燬了口匪巢斃匪數十名  
斬取楊六首級一顆奪獲器械多件剿辦尙爲得手現仍飭該  
州官紳乘勝奮擊並飛飭許繼衡商同該鎮府卽由阿迷州進  
兵兜剿務將該匪就地殲滅以靖邊隅合併陳明謹 奏

正世の白雲

查墾荒田以厚民生疏

光緒四年

月

日

奏爲委員查墾荒田以厚民生而復國課恭摺仰祈

聖鑒事竊查滇省山高土瘠阡陌畸零往昔生齒浩繁野無曠土每年正供所入尙不敵大省一府之多軍興以來抽糧調練民之死於戰陣死於饑寒者不可勝數僅此倖免之餘生已失力耕之舊業同治十二年全省肅清欽奉

恩諭將歷年積欠錢糧概行豁免此後徵收成數飭令分別熟荒奏明辦理

皇仁浩蕩

聖慮周詳邊鄙遺黎罔不同聲感泣前撫臣岑毓英奏請丈量

熟田酌減原額約爲六成八成之數方謂休養生聚十年之規復無難豈期癘疫災傷滿地之流亡相繼舊荒如故新曠轉多各屬官民遂紛紛以前此文量所定成數未能完納爲詞疊經批飭覆查情形實屬災方待賑政皆出於催科民未加多地何由而改闢此前撫臣潘鼎新所以有一時難辦開墾之奏也伏思則壤成賦經邦首重於任農以食爲天因利莫先於治地況滇省凋殘景象觸目難堪荒廢田疇所在皆是若復因循姑待不思早日招徠則微特正額條糧永久虧欠卽核減成數亦必至於攤派包賠坐困官民而無已不僅此也疆理未復無以杜侵隱之端倉廩未儲何以備歉荒之歲甚至戶口不足徭役難

均游惰不懲姦宄莫辨則其爲患民生尙可盡言乎是善後之良圖不一而繫於墾荒之急務者甚多也臣劉長佑到滇之始訪求民隱卽欲開辦於先而軍務未平日不暇給臣杜瑞聯由藩司忝任今職凡歲人之盈虛民間之實耗時關內念責不容辭第慮舉事不難籌費爲難奏效非難得人爲難臣等固不敢因難以見阻亦不敢操切以求功查荒蕪之地迤西爲多東南次之前委道員鍾念祖前赴迤西近省之楚雄府屬先行試辦倘有條理適該道奉

旨補授鹽法道回省接任未能兼顧茲復改派道員劉鳳苞接辦迤西一帶加派道員翁壽錢由迤東潯江府屬以次開辦并

聖正惟允自皇朝卷十九

三

督同司道酌定章程通飭令守隨同委員先之以清查繼之以  
督勸佃如貧苦貸以牛種之費地非膏腴緩其陞科之限禁豪  
強之占奪與胥役之苛求總期因勢利導日異月新以期仰副  
皇上軫念邊氓之至意至於天時之豐凶無常人事之利鈍莫  
必能否一勞永逸所不敢言臣等亦但勉其心力所能求於地  
方有濟而已所有委查田畝招墾荒蕪以厚民生而復國課  
各緣由謹恭摺合詞具奏伏乞

皇太后

皇上聖鑒訓示謹 奏

抵銷處分謝

恩疏

光緒四年九月十一日

奏爲

微臣

被劾處分奉

旨準其抵銷恭謝

天恩仰祈

聖鑒事竊

臣

於光緒四年七月二十一日準吏部咨開光緒四

年六月初十日奉

上諭前因潘鼎新奏總督劉長佑袒庇楚勇等節當經諭令丁寶楨確查具奏茲據查明前撫所奏或事出有因或傳聞失實劉長佑於魏鼎薰李光舒等與各官往來徵逐未能隨時覺察殊屬疏忽著吏部議處欽此欽遵到臣當卽恭錄行知各該員

登武進公全集卷十九

五

等懷遵在案嗣於八月十六日復準吏部咨七月初三日該部  
具奏前事將臣照失於查察罰俸一年例議以罰俸一年奉  
旨準其抵銷欽此欽奉之餘莫名感悚伏念臣質原薄劣性復  
迂拘未孚明信於同寮適患沈疴於累月非才且病致慮事有  
未周好仁而愚或信心之太過此臣負咎之處亦臣被劾之由  
也夫出自同官敢謂其言之皆妄即科以重罰究為厥罪所難

辭乃蒙

曲鑒苦衷不加嚴譴

飭鄰封以密察僅繩疏忽之微愆經部議以覆陳仍荷抵銷之  
寬典在



聖主明如日月垂照無遺而微臣慄若冰淵戰兢曷已惟有力

求振作切戒疏虞期無重負於

生成勉圖報稱於萬一所有

微臣

感激下忱謹恭摺具

奏叩

謝

天恩伏乞

皇太后

皇上聖鑒訓示謹 奏



被劾各員請派大員覆查片

光緒四年九月十一日

再此次同案被劾各員經臣分別行知無不同深感愧惟查該各員被劾之由實緣臣患病自□所致其中梗概早在

聖慈洞鑒之中今臣仰荷

天恩既從末減飭經部議仍準抵銷而該各員爲臣任事緣臣

受過竟令名節有虧臣心殊抱不安然就該各員論之如候補

知府魏鼎薰候補知州李光舒雖暫革職仍交察看臣於該二

員保奏在前固未便瀆陳致涉回護臣杜瑞聯秉公持正自

必認真考察不令日久受誣至現任提督臣胡中和官蜀十餘

年上年奉

命調任雲南適值迤西用兵經臣奏準募帶營勇開缺鹽法道

沈壽榕先後官滇亦十餘年上年臣甫行抵雲南亦因迤西用

兵經臣札委總理營務其事皆因公而設其人皆歷練有爲且

經商之同官初非出於獨斷計該提督與該道員年餘以來凡

所謀爲在人耳目既無被訐之案亦無貽誤之端祇爲臣所牽

連致令不能相保並令莫由自明則是臣實有負於人將來誰

復肯爲臣用乎伏維

聖明在上賞罰予奪具有微權該員等起自軍營受

恩深重但當益加奮勉圖報將來惟是被劾之端實由株累而

獲咎之處似出吹求此該員等所以未能釋然而臣心亦因之

不無內疚也茲據胡中和沈壽榕各具咨稟前來閱其情詞尙  
爲切實雖皆急求剖辨並無稍涉怨誹竊臣係同案被劾之員  
原不敢率行代奏而該各員實有迫欲自明之隱又未便壅於  
上聞臣於前撫臣潘鼎新原奏暨四川督臣丁寶楨覆奏均未  
能詳悉然既稱前撫臣所奏或事出有因或傳聞失實且稱該  
各員等並無侵吞及串合各情事其於查覆已極詳明惟於胡  
中和加以含混支領等語於沈壽榕加以聲名平常等語均屬  
有關名節仍係得之傳聞相應籲懇

天恩俯鑒

微臣

用心之苦與邊境用人之難將現任提督胡中

和開缺道員沈壽榕魏鼎薰李光舒一併

飭交雲南撫臣杜瑞聯認真查核據實覆奏較之隔省委員查訪更爲確切可憑如以提臣與撫臣誼屬同官沈壽榕經撫臣

保舉卓異或慮不無瞻徇之處可否請

旨加派大員會同該撫臣查覆以彰公道而達下情均出自

逾格鴻慈如蒙

俞允不獨敬臣苦衷可以共喻於用入行政亦不無所裨益謹

附片具陳伏乞

聖鑒訓示謹 奏

殲擒臨安首要各匪移軍納樓疏

光緒四年十

奏爲官軍勦辦臨安各匪殲擒首要幾盡現飭接捕  
軍查辦納樓土目各情由恭摺具 奏仰祈

聖鑒事竊臣等於九月十一日曾將臨安各屬土夷  
滋擾現派官兵相機勦辦及各州縣防捕各情由由  
在案其時各匪首要盤踞阿迷州屬田心地方雖未  
城而其黨四出句結凡與該州接壤之區各種夷人  
勢漸蔓延臣等前奏因有由阿迷進兵兜勦之議然  
土目句結回眾乘閒出擾兼顧爲難正籌商閒接據  
府許廷桂署臨元鎮總兵黃仁遺稟稱自省中派出

鑿正惟立白集卷一  
抵臨又將奉發告示到處張貼納樓土目稍爲斂迹卽所招回  
眾亦有悔心江外情形較鬆似可從緩查辦並據候補道許繼  
衡來稟意見相同遂飭該道派候補副將李德濺管帶正中營  
練軍速赴阿迷會督該州兵練相機進剿並飛檄開廣各屬約  
同夾擊去後旋據許廷桂轉據阿迷州知州光進德稟報探悉  
該匪見官軍進紮魯格地方膽敢添築營壘希圖抵拒該州密  
派夷紳陸太李開等計誘匪目楊添令其擒渠自首於九月初  
一日該紳帶練導引官軍進攻田心匪首楊阿幅出巢迎敵勢  
殊兇狠我軍奮勇直前楊添從中接應當將楊阿幅及其弟楊  
小三擊斃並斃其悍黨十餘人匪眾大敗兵練乘勢破其營壘



大小數十座殺斃燒斃約匪數百名我軍只陣亡一名受傷十餘名是役軍威大震原被誘脅回夷各寨皆已就撫惟首匪普雲卽普寅收集餘黨退踞蓮花塘車白坭及開化府屬之水冲等處現在會督兵練逼前駐紮尙望添撥勁旅乘勝驅除等情許繼衡於接報後卽飭副將李德濊帶隊跟追仍移行開廣鎮府所屬各督兵團四面圍剿並派候補知府王德誥候補同知吳自修隨帶練軍會同雙水塘同知萬春署千總趙祥由該匪起事之草壩東山一帶相繼進發按剿而前兼資策應適報該匪由開化馬塘回竄架衣汛該署千總謝祥外委黃自新與團紳韓亮等督率兵練迎頭截擊斃匪百餘名生擒匪目李發楊

鑒正惟在自生... 相白志祿沙二胖等四名我軍亦有傷亡該匪勢蹙分竄打魚寨紅果樹白者木瓜黑等處李德濺等帶領兵練併力攻勦斬擒匪黨多名餘俱遁匿老烏海一帶地方該副將等派隊分往搜捕疊據生擒匪供普雲尙無實在下落又據王德誥於附近村寨拏獲普雲之妻普張氏及其子普中復普小三細加查訊於普雲蹤迹均屬茫然臣等以普雲等本係阿迷夷人楊阿幅由蒙自潛往該處邀同起事訪聞楊逆老巢伏匪尙多難保普逆不潛匿其中適據署蒙自縣孟丕榮稟稱查得楊阿幅雜洞龍廟兩處老巢共有匪黨百數十人當卽會集兵團先赴雜洞掩捕其家屬先已逃走僅於礮樓內拏獲匪黨五人訊悉匪目

李小偏王正均率黨竄伏龍廟意在負嵎旋督兵團圍攻並用  
開花大礮轟塌廟垣該匪膽落乘夜竄水遁去許繼衡現派副  
將鄧善端管帶正後營練軍前赴該縣會督紳團嚴拏李小偏  
等務獲解營懲辦等情核與黃仁遺許廷桂等稟報相同此臨  
安府阿迷州官軍先後進剿獲勝殲擒首要埽平巢穴暨蒙自  
縣查拏伏匪之實在情形也連日又據開化鎮總兵楊復東署  
開化府知府何昌光會稟阿迷匪黨竄陷長崗湯壩各寨逼近  
開屬當卽商調兵練分駐馬塘那江等處以資堵禦該匪勾結  
夷眾頻來攻襲經練軍總哨劉名崇左營都司梁禹福等督帶  
兵練戰守兼施疊有斬擒九月初三日馬塘一戰斃賊尤多乘

勢收復村寨數十處救出難民數千人並委千總馬維騏將被脅儂回一律招撫內有馬白猿人勾通外夷意在乘釁內犯復經安平同知潘英章查傳該管頭目陸學甫等到營諭令清查解散亦皆帖然就撫至江那匪首楊四麻子分黨竄擾開廣交界之迷巴底燒殺搶掠兇悍異常該鎮府等督飭管帶練軍李嘉谷及哨長沈中美趙秉忠等三面兜剿該匪不能抵敵被殺無算割取首級三十六顆中有李八十陸家依二名該處紳民認係著匪其餘所持白扇所唸黑書沿途拋散甚多悉數竄往樂竜里之接鶯坡海子中我軍跟蹤追至擣其巢穴匪眾驚駭鳧渡溺死甚多餘黨尙數百人將欲乘虛竄越石榴紅襲我營

汛都司翦聯陞及千總任愛堂帶兵截勦該匪且戰且走死傷多名被擒羅三楊文佐陳發甲陸文斗等四名劉名崇等偵知該匪逃往大小水冲因卽約會進勦匪皆望風逃走我軍追殺二十餘里至半甲地方餘匪無多紛紛四散當將匪首楊四麻子擒獲解城訊據供認隨同普雲竄擾不諱並供普雲在卡作地方與官軍接仗受傷身死亦未知確否又儂夷頭目沈開科初與普雲糾眾滋事旋經營弁馬維騏傳諭招撫該管夷人曾經稟明在案嗣據黃龍山團紳楊代榜架衣汛團紳韓亮等呈稱沈開科名雖招撫心實從逆應請拏辦免貽後患楊復東以各寨甫經收復不得不姑就羈縻昨聞該頭目尙住湯壩意存

首鼠因派劉名崇帶練潛往誘擒到城復據開化八里紳耆任  
元經等聯名公呈沈開科謀叛屬實與黃龍山架衣汛各紳情  
詞無異似未便稍事姑容再據署廣西直隸州知州延齡轉據  
邛北縣黃榜魁稟報阿迷之匪分股竄至該縣朵佳阿控等處  
肆行燒殺卽經督飭兵練將匪擊退小有斬擒該匪恃眾尙踞  
補左拉牛坡九月初三日添調兵練約會進攻該匪悉眾抵拒  
兩時之久死傷甚夥始傾巢敗走復經我軍追斬數十人該縣  
沿邊之膩革竜大百戶一帶匪黨悉數遁去洒溪漁了口上寨  
等處同時招安其竄至彌勒邊界各匪因該縣會同營汛調集  
鄉團沿江設防尙屬周密未能竄越現在該州各屬悉就救安

又廣南府知府廖修明廣南營參將李應龍會稟阿迷竄匪五六百名由開化之長嶺街襲破廣南屬之大新寨並分黨來攻小維摩經守備陸鳴皋率領兵練扼要堵禦陣斃匪黨多名斬取首級十六顆該守備亦受矛傷八月二十七日該匪全股逼攻該守備激勵兵練爭先衝殺斬取首級十八顆奪獲器械多件匪仍退踞新寨至九月初四日州營添派官軍相繼到防該守備懸立重賞誓必收復新寨各兵練上前奪擊槍斃前敵悍匪多名匪勢不支潰奔那基立將新寨收復邊境亦無匪蹤此開化府官軍疊次堵剿獲勝殲擒首要招撫回夷暨廣西州邕北縣廣南府維摩汛擊退竄匪之實在情形也臣等查臨安府

屬各匪業經官軍次第剿平現祇石屏州劫獄案犯胡文熾胡文聲等畏捕分逃尙未全獲建水縣納樓土目普保極普映春等糾眾負固尙未解散第據該府許廷桂轉據撤任石屏州楊華本稟胡文聲等越獄後紮營拒捕經該州自雇練丁會同汛兵鄉團逼紮圍捕將次得手該犯等棄營逃走已先後緝獲李三九胡老五二名訪聞胡文聲逃匿建水縣屬之葉官村現飭一體嚴拏或不致重煩兵力惟納樓壤地甚廣種類尤雜普保極等性成狡悍反覆無常非乘此軍威震懾之時切實查辦終爲內地後患現據許繼衡與黃仁遺許廷桂稟稱普保極所招回人馬二常已遵諭情願投誠自行解散普映春所招回人馬



金斗本係著名土棍該鎮府現亦派弁前往開諭計俟馬二常  
黨眾解散後該回目亦必相率投誠許繼衡擬將副將鄧善端  
所帶正後營練軍調回臨郡親督前往駐紮納樓邊界官廳地  
方相機查辦一面由該鎮府遴派員弁將馬二常回眾先行分  
別遣撤該土目援絕勢孤必將內變或可懸賞購線就中捕拿  
臣等督同司道悉心商酌來稟所籌辦法尙合機宜除分別批  
行該道府妥慎辦理隨時具報並飭各府屬將已獲首匪就地  
懲辦未獲著匪上緊緝拏仍查明被害村寨暨就撫民人分別  
妥爲緩緝外伏查滇省久亂之後伏莽尙多往往一夫倡呼羣  
起響應此次納樓土目小有蠢動而楊阿幅沈開科普雲等乘

閒竊發聚黨至數千人之多蔓擾至數郡縣之廣羽書飛報其  
勢甚張經臣等調集兵練激勵官紳戮力同心次第撲滅渠魁  
授首餘賊寒心此皆仰仗

天威先奪之魄故辦理諸能得手不致勢成燎原其各府州縣  
及各營汛尤爲出力官紳及陣亡兵弁可否容臣查明事竣彙  
請獎卹之處出自

天恩所有官軍勦辦臨安各匪殲擒首要幾盡現飭按捕安撫  
並查辦納樓土目各情由謹合詞恭摺由驛馳奏伏乞

皇太后

皇上聖鑒訓示謹奏

請將把總武舉等處決片

光緒四年十月十八日

再此案把總袁樹勳武舉朱履賢轉相商約割辦拖捆民人廖治泮聽從誣姦約人毆捆均屬同惡相濟情傷俱重法無可貸比例問擬絞候將來秋審係在情實之列該郡風氣强悍兵燹後軍士紳民罔知法紀動輒以聚眾抗官爲得計若不從嚴懲辦誠恐惡習難除於吏治人心甚有關繫合無請

旨飭部查核將擬絞之把總袁樹勳武舉朱履賢革去把總武舉與擬絞之民人廖治泮一併先行處決以儆刁頑之處謹附片陳明伏乞

聖鑒訓示謹 奏

卷之四

四

臨桂李樹森  
南陵胡永福  
同校

劉武慎公奏稿

劉武慎公全集二十一

卷之二十目錄

擬減楚勇薪糧改設練軍疏

嚴防越南賊匪片

拏辦鎮雄游匪片


邊兵分別撤留片

兵團擊散尋甸教匪疏

擊破姚關匪徒分別獎卹片

查閱營伍現擬出省次第疏

殲除各匪首片



議增洋藥土烟稅釐疏

昭通土匪襲城立時撲滅疏

遵查昭通土匪起事情形疏

熟審邊情敬陳管見疏

Year	1951	1952	1953	1954	1955	1956	1957	1958	1959	1960
1										
2										
3										
4										
5										
6										
7										
8										
9										
10										
11										
12										
13										
14										
15										
16										
17										
18										
19										
20										
21										
22										
23										
24										
25										
26										
27										
28										
29										
30										
31										
32										
33										
34										
35										
36										
37										
38										
39										
40										
41										
42										
43										
44										
45										
46										
47										
48										
49										
50										



擬減楚勇薪糧改設練軍疏

光緒五年七月十六日

奏爲滇省防軍不敷分布擬減玉武營楚勇薪糧改設兩營練軍以資撙節而慎邊防恭摺仰祈

聖鑒事竊查滇省練軍原設七千三百名

臣

長佑於光緒二年

酌留四千五百名編爲十二營合之調募迪字楚寶玉武三營

暨提督中右兩營各楚勇擇要分布足資防捕嗣以軍務稍定

饟需不繼

臣

等督同司道會議將迪字楚寶兩營提標兩營先

後奏請裁撤惟玉武一營留駐昭通亦經

奏明俟江防稍

鬆卽行裁撤並行善後總局查照辦理各在案茲據總局司道

詳稱遵查滇省原留練軍所以補制兵之不足也原調楚勇所

以補練軍之不足也今練軍分駐各處洵爲因地設防之計而楚勇悉數裁撤實乏隨時策應之師且查昭通府屬之鎮雄州界連川黔楨匪會匪恃爲狡窟順甯府屬之雲州界連緬甸野夷土目句結逋寇逞伏靡常均應派營捕防方昭周密初以騰越新復留防練軍二營尙可兼顧順甯一路後因提標楚勇裁撤已於該處抽派一營填紮大理矣昭通原有副左練軍一營然距鎮雄太遠又須兼顧江防矣此外所設練軍僅備各處不虞實屬無可抽調至玉武營楚勇於光緒二年到滇三年派往昭通勦辦大關匪徒旋因巴蠻滋事派往金沙江防勦均資得力茲以江防稍鬆議將該營楚勇一併裁撤實爲樽節饒需起

見然如鎮雄雲州等處情形喫重亦不能不先事綢繆擬請量  
爲變通裁減玉武營薪糧改設兩營練軍爲通籌並顧之計玉  
武營係楚軍營制原設五百人薪糧較優今照練軍章程改爲  
兩營共七百五十名核計月支銀米成數仍屬相當一俟改設  
成營即可分撥鎮雄雲州擇要駐紮則是加練而不加餼於邊  
防較爲周慎其不敷兩營人數及玉武營有不願改留或須選  
汰者均卽就地募補以符營制等情詳請核辦前來臣等覆加  
查核該司道所擬於慎重防務之中仍寓撙節餼需之意現在  
三迤邊防均關緊要似可照詳辦理俾臻周慎除將該營改設  
練軍名數及起支練餼日期咨部查核外所有滇省防軍不敷

分布擬減玉武營楚勇薪糧改設練軍兩營緣由是否有當謹  
合詞恭摺具 奏伏乞

皇太后

皇上聖鑒訓示謹 奏

嚴防越南賊匪片

光緒五年七月十六日

再<sup>臣</sup>等前承準軍機大臣字寄光緒四年十月十一日奉

上諭劉坤一張兆棟奏在籍總兵招募前往越南滋事籌辦防  
剿各摺片前據楊重雅奏總兵李揚才募勇出關滋擾當經降  
旨將該員革職拏辦該犯狂悖情形難保不在鄰近各省沿邊  
滋擾著劉長佑杜瑞聯黎培敬督飭所屬一體嚴密防範欽此  
嗣準軍機大臣字寄光緒五年三月初二日奉

上諭楊重雅奏馮子材親赴太原剿賊各摺片覽奏均悉宣光  
附近皆山與滇省接壤著劉長佑杜瑞聯先事籌維督飭地方  
官嚴密防堵不得稍涉疏虞欽此等因寄信前來並準兩廣督

撫提臣咨會到滇節經轉飭所屬嚴防去後旋據開化臨安各鎮府暨沿邊文武先後稟報安平廳屬之陵陘城汛麻栗坡牛羊九汛蒙自縣屬之蓮花灘蠻叛渡九卡均與越南水陸接壤自奉文籌辦邊防後嚴督紳管團練扼守隘卡會同營汛及現駐練軍定期巡哨以壯聲援隨時盤查以杜勾結等情稟報前來臣等伏查滇省軍務甫平臨安開化土夷猖匪猶未淨盡而越南宣光一帶向多積寇自李揚才入境後羣起響應侵軼堪虞現雖疊準粵省督撫提臣來咨官軍攻破者巖李逆勢頗窮蹙第困獸鋌走不可不防臣等仍再加派留駐臨郡之正中營練軍並原駐開郡之副前營練軍分紮蒙自安平各要隘與沿

邊在防文武附近紳團併力同心嚴爲備禦不容稍涉疏虞用  
慰

朝廷慎重邊疆至意除咨兩廣督撫臣廣西提臣查照會辦外  
所有滇邊分派兵團嚴防越南賊匪緣由謹合詞附片陳明伏  
乞

聖鑒訓示謹 奏





拏辦鎮雄游匪片

光緒五年十一月初六日

再昭通府屬之鎮雄州界連黔蜀素爲游匪出沒之區疊經檄飭該州營嚴密防捕茲於八月間據鎮雄州知州彭培之署鎮雄營參將岑自新稟稱州屬羅布垵五眼洞地方約有匪徒數百人聚散無常勢將擾近州城居民震動等情前來當經批飭會營督團實力防捕並飛檄管帶新副左營練軍尹光祥拔赴該州會同相機拏辦去後旋接該州營稟報經派把總岑自開並諭團首袁志遠等各帶兵團分往兜擊該匪率黨拒敵當被兵團格獎多名生擒匪目郎隴喜李老猩等十數名訊明分別懲辦餘匪悉經逃散等情並據昭通鎮總兵麟志迤東道崇巒

昭通府知府景維先後稟同前因除仍飭該文武等加意捕防  
並移會黔蜀交界各屬合力拏辦餘匪外謹會同雲南巡撫  
杜瑞聯附片陳明伏乞

聖鑒訓示謹 奏

邊兵分別撤留片

光緒五年十一月初六日

再<sub>臣</sub>等於前月據接開化鎮總兵楊復東開化府知府郭懷禮轉據在防員弁稟報李逆揚才已經粵軍在於越南者巖附近隴登山擒獲解營請示應否撤防前來正飭確切查探聞旋準廣西撫<sub>臣</sub>張樹聲提<sub>臣</sub>馮子材函告李逆楊材被勦勢蹙於九月初三日就擒屬實洵足以伸國法而靖藩封惟查該國積匪陸之平等尙未殄滅竄越堪虞除飭該鎮府將沿邊兵練分別撤留外理合附片具奏伏乞

聖鑒謹奏

皇清光緒二十五年

二

兵團擊散尋甸教匪疏

光緒五年十二月十八日

奏爲迤東尋甸州屬教匪挾嫌畏捕糾眾滋擾業經調派兵團就地擊散擒斬首要各情由恭摺 奏報並懇

天恩將尤爲出力陣亡紳團分別獎卹仰祈

聖鑒事竊據迤東道崇繕署尋甸州知州呂調陽稟報有教匪高春自稱小孔明在於倘甸白作村地方妖言惑眾該村武生舒景春聲稱必要報官驅逐該匪聞知氣忿糾集黨眾二三十人突於十一月十八夜四更後將舒景春全家殺害同村概被焚掠等情當飭該道等督帶紳團迅速拏辦並飛飭曲尋協恆泰及管帶練軍副將姜飛龍酌撥兵練協同防捕旋據該文武

等探報該匪現已妄立僞號誘脅鄉愚約計二三千人延擾十餘村僞天師張頌紫踞倘甸白作村築營造械僞孔明高春於十二月初三日率黨數百由閒道出撲州城當經補用游擊張自發補用都司周尙材各帶鄉團奮力迎擊匪卻復前適由曲尋協營調派之都司徐峻采守備趙光盛暨管帶練軍之副將姜飛龍各帶兵練先後趕到該紳團聲勢益壯張自發周尙材率隊衝鋒槍擊匪首僞孔明高春落馬匪眾上前搶護短兵相接張自發周尙材同時陣亡各官紳益深憤恨督率兵團併力衝殺斃匪數十名生擒十數名匪眾恇亂退至踞城二十里之小竹溝張所等村寨與倘甸白作村賊壘聯絡臣等接據前由

商同司道先派補用參將向逢春管帶正後營練軍由省城北  
路遠赴倘甸會攻白作村匪巢繼派補用副將夏有篤管帶副  
中營練軍由東路直赴尋甸會攻張所等處匪巢並飛飭鄰近  
州縣一體集團防禦以免竄越嗣於初七八九等日參將向逢  
春率部會團直撲白作村賊壘該匪率眾齊出補用都司李正  
起王天長趙玉堂等奮勇直前斬獲偽天師張頌偽丞相曹元  
偽副都督李堂等頭目格殺賊黨三百餘人槍礮轟斃無數先  
後擒獲活賊二十餘名斬獲首級四十一顆賊壘盡數踏破餘  
眾沿山竄走其占踞張所等村之賊亦經迤東道崇繕同時督  
飭兵團分路兜擊該匪望風先逃奔入至助村偵知白作老巢

已破盤踞該村判命拒敵初十日各路兵團齊集一鼓並進驅除殆盡其餘褻脅之眾均各棄械投誠先後經該文武稟報前來臣等查尋甸錯壤東川與蠻江腹背相倚最爲各匪出沒之所此次教匪高春等挾嫌滋事旬日之內褻脅至二千餘人輒敢妄立僞號窺伺城垣幸仗

天威迅就殲滅除仍飭該文武官紳接捕餘孽查明被害村莊妥爲招撫生擒各匪訊明分別懲辦外所有首先集團擊破匪巢尤爲出力之補用都司李正起王天長等及擊斃撲城匪首同時陣亡之補用游擊張自發等謹另繕清單籲懇

天恩俯賜分別獎卹用昭激勸其餘出力官紳傷亡兵團應否



由臣等查明竄案 奏請獎卹之處出自

逾格鴻施再此案衅起挾嫌變生長捕當經就地撲滅其專轄  
統轄各官仰懇

勅部免其查議所有教匪挾嫌以抽糾眾滋擾業經調派兵團  
就地擊散擒斬首要各緣由理合恭摺馳 奏伏乞

皇太后

皇上聖鑒訓示遵行謹 奏



擊破姚關匪徒分別獎卹片

光緒六年二月十八日

再本年正月初九日接據永昌府知府周慶榕署永昌協副將  
劉萬勝等稟稱上年十二月十八日夜突有匪徒三百餘人潛  
由鎮康夷地竄入保山縣屬姚關地方肆行焚掠姚關汛千總  
楊榮發團首劉常清比集兵團堵禦傷斃悍賊數名生擒數名  
奪獲賊馬數匹團丁閒有傷亡擊賊益力該匪勢蹙宵遁訊據  
擒賊供稱此次入關係龍保段五等糾眾肆擾等情臣等當卽  
咨照提督臣胡中和騰越鎮總兵李文益調撥大理騰越練軍  
馳往策應並札迤西道熊昭鏡轉飭所屬附近州縣營汛挑派  
兵團嚴密防捕去後嗣據永昌府協稟報該匪自敗去姚關後

光緒六年二月十八日

聖正情... 分擾蒲縹黃泥塘各處晝伏夜行蹤迹詭秘節經潞江汎外委  
楊鍾祥千總孫咏裳馮陞把總宋德隆等督率兵團兜擊十二  
月二十五日追及懶板橙地方賊匿林箐不出把總宋德隆獨  
帶兵團五十餘人奮勇深入刃賊二人傷賊四五人因眾寡不  
敵力竭陣亡楊鍾祥孫咏裳等督隊繼至賊眾稍卻兵團乘勢  
奮擊斃賊三四十人餘皆敗走保山縣知縣劉雲章復添調團  
紳董正性劉常清等連日追擊於摩倉魯土寨一帶亦續有斬  
獲正月初十日團紳楊芳賢率團丁擊賊於紅泥塘忽中槍子  
陣亡團丁畢二楊春芳同時戰歿各兵團勇憤百倍直前衝殺  
該匪且戰且走勢正窮蹙時值昏暮大雨如注我軍槍礮難施

賊遂乘隙逃竄由大沙壩砍竹爲筏偷渡潞江副將劉萬勝偵知賊蹤星夜督隊尾追並約會騰越鎮總兵李文益派出正右營練軍游擊謝丙峯前後夾擊正月十五日遇賊於曩中甲地方適騰越廳同知陳宗海調到龍江團首劉正東等所帶團丁馳來會捕槍礮環施斃賊無數生擒賊目張喬發儲慶二名被裹餘黨紛紛潰亂該副將等會督兵團乘勝搏擊復斃悍賊二十一名生擒二名投江死者三四十名搶獲子藥騾馬槍械甚夥訊據擒賊供稱首匪龍保被兵練追急投水淹死段五被官軍槍斃又據騰越同知陳宗海龍陵同知劉賜齡順甯縣知縣鄧瑤先後稟稱會同營汛兵團於各交界地方防捕竄匪迭有

擒斬所獲賊匪均解往永昌府歸案訊辦各等情稟報前來並  
準提督臣胡中和騰越鎮李文益迤西道熊昭鏡咨報相符臣  
等竊查姚關蒲縹毘連夷地山箐深密最易藏姦此次匪徒蠢  
動勢頗猖獗幸兵團迅集日夜奔馳遇賊卽擊得以剋日驅除  
除飭各文武轉飭潞江土司暨各處兵團務將潰逸餘匪嚴密  
搜捕並查明龍保段五是否均已伏誅據實稟覆察核外所有  
此次陣亡之永昌協左營左哨二司把總宋德隆監生楊芳賢  
合無仰懇  
天恩勅部從優議卹以慰忠魂其在事員弁兵團悉力擊捕不  
無微勞可否由臣等擇尤彙案請獎以昭激勸之處出自

逾格鴻慈謹合詞附片具奏伏乞  
聖鑒訓示謹奏





查閱營伍現擬出省次第疏

光緒六年四月十三日

奏爲奉

旨查閱雲南營伍謹將現擬出省次第恭摺先行具 奏仰祈  
聖鑒事竊 臣於光緒六年三月二十八日準兵部咨開內閣鈔  
出光緒六年二月初九日奉

上諭本年輪應查閱湖北湖南雲南貴州四省營伍之期湖北  
卽派李瀚章湖南卽派李明墀雲南卽派劉長佑貴州卽派岑  
毓英逐一查閱認真簡校如有訓練不精軍實不齊者卽將廢  
弛之將弁據實參奏毋得視爲具文欽此欽遵咨行前來 臣查  
雲南營伍自道光末年查閱以後皆因軍事未及舉行光緒二

年輪應查閱之期臣於奉

旨後亦因防捕方殷營伍未復奏懇

恩準展緩在案現在各路防捕情形稍紓通省營伍規模轉具  
自應及時查閱以肅軍政而固邊藩惟是鉅典久停成規寢失  
應辦一切尙需從新料理庶克照舊舉行且現值農忙深虞騷  
動轉瞬瘴發尤忌山行

朝廷功令綦嚴未敢稍形率忽因與撫臣及各司道熟商至再  
擬俟秋後先赴迤東查閱昭通開化東川曲尋等營次赴迤南  
查閱臨安普洱元新澂江等營再俟冬初始赴迤西查閱提標  
與鶴麗騰越及永昌順甯維西等營通計先後出省日期不過

半年當可竣事所慮臣之舊疾不時舉發能否照現擬程期次第出省尙不敢定除俟屆期另行奏報外理合將奉旨查閱現擬出省次第先期具奏伏乞

皇太后

皇上聖鑒訓示謹奏



殲除各匪首片

光緒六年八月初十日

再臣等於上年冬間曾將雲州匪首石炳元經官軍殲斃各情  
附奏在案惟查該匪黨尙多逃逸節經分飭該管文武嚴督  
兵團實力接捕去後茲據雲州知州張鈺會同駐防該處練軍  
營官副將陳德厚稟稱石炳元黨內頭目許元保鍾萬楊超林  
李大黑漢卽李開元等逃匿州屬東北鄉山箐結寨糾黨潛出  
劫掠該文武等於本年五月二十三日督率兵團攻燬匪寨先  
將鍾萬等格斃惟許元保分股竄往威信里三岔河口賊黨死  
拒維時耿馬土目罕恩慶罕榮高與土司罕榮陞互相爭鬪邊  
境匪徒蠕蠕蠢動臣等接據順甯府知府周範署順雲協副將

李榮春稟報當經批飭該文武妥速彈壓解散稟候核辦在案查該處與雲州接壤最易蔓延副將陳德厚偵知許元保勾結耿馬夷目謀犯內地遂於七月十一日分路進攻奮勇深入立將許元保槍斃餘匪墜巖死者無數奪獲槍矛刀械多件軍團傷亡數人又據迤西道熊昭鏡轉據趙州知州趙敬熙稟稱匪首李大雙柱李二雙柱弟兄在州屬景東蒙化一帶聚眾搶劫此等彼竄恃強拒捕該州會商署鎮南州知州汪嗣高及各營汛紳團合力圍拏先將該匪窩家李富春父子格斃該匪首遂率死黨十數人竄至景東廳屬了口地方七月初一日經兵團追及格鬪逾時始將李大雙柱弟兄先後殲除梟示犯事地方

生擒匪黨數名解州訊辦團丁亦有傷亡又據通海縣知縣馬錫蕃稟報該州盤獲哥匪艾得勝按出號片信件訊係匪首張達卽張仁壽指使散給天台山號片煽惑愚民聚眾斂錢謀爲不軌並稱張達現由臨安潛來省城又有匪首伍雲菴又名伍老道潛匿邇東各州縣散給號片招黨盈千等供臣等當卽錄稟密飭文武各員分途緝拏旋據總查保甲委員候補知府張邦傑補用總兵潘永勝等稟稱探悉該匪張達現匿板橋地方比卽帶練馳往該處督同汛弁孫永安四面圍拏該匪尙敢持械拒捕府經歷黎肇元身先兵練奪械回擊立將張達拏獲解交按察使飭取確供就地懲辦又據委辦營務處候補道許繼

衡稟稱準管帶正中營練軍參將李道滅移稱該參將接奉札  
飭後密飭差弁李春霖帶練前往迤東一帶探知匪首伍雲菴  
因派出匪目散給號片經嵩明州知州胡緒昌查獲稟辦遂由  
會澤縣屬之碧古壩逃匿平彝縣屬之德澤江該差弁隨卽會  
合鄉團嚴密布置當將伍雲菴擒獲惟慮長途護解恐有疏虞  
登時刃斃割取首級解驗各等情先後稟報前來臣等伏查該  
匪許元保李大雙柱張達伍雲菴等或收合餘燼或號召徒黨  
大爲地方隱患茲幸先後伏誅足昭炯戒除仍飭該文武嚴緝  
在逃餘匪解散被誘愚民外此次傷亡兵練及出力官紳現飭  
查明存候分別核辦所有殲除各匪首緣由謹合詞附片陳明



伏乞

聖鑒訓示謹奏



團紳縱匪謀殺提省訊辦疏

光緒七年三月二十八日

奏爲拏辦在逃匪目並審出縱匪謀殺之團紳請

旨立予斥革提省訊辦各情恭摺仰祈

聖鑒事竊臣等於光緒五年三月內曾將勦捕臨安開化各匪事竣內有在逃匪目王怔等現飭臨安鎮府會督官紳認真查緝務獲各情奏奉

諭旨覽奏均悉在逃之普雲王怔等仍著嚴緝務獲懲辦等因欽此當即欽遵轉行該各文武懍遵辦理並以王怔隸籍蒙自會飭該縣傳諭團紳游擊李懋功道員張來慶一體查緝在案嗣於六年三月內據前署蒙自縣知縣阮泰稟據該縣文生李

蔭棠具控伊父李懋功被張來慶窩藏匪目王怔謀殺等情正在飭催查驗緝拏聞旋據李懋功原派幫捕之軍功張斌於該縣晉雄地方將王怔捕獲送案當經該縣訊據供認五年臘月至六年二月疊次潛往張來慶處託其親隨秦老孫三始以可否歸家爲請繼則答以李懋功現奉札諭查拏甚緊等語繼以意欲謀殺洩憤相告則答以李懋功定於某日來此赴席等語隨卽商同武舉王禎祥等各帶刀械於初七日黃昏潛赴張來慶門口覷定李懋功由張家辭出行不數武將其殺斃各自逃匿等供由該縣錄報前來臣等以案關縱匪謀殺亟應確訊嚴辦又以匪目在逃被獲未便日久稽誅因飭臨安府知府許廷

桂就近提案督同署蒙自縣知縣阮泰建水縣知縣章于錦訊據王怔供認前情不諱旋經接署蒙自縣知縣王德中傳諭張來慶赴府交出秦老孫三二人到案質訊之下情多瞻顧供尙游移而在逃之武舉王禎祥又屢緝未獲王怔供詞因亦不無翻異適許廷桂撤卸在卽未肯深究僅將訊出秦老卽把總秦鴻貴孫三卽把總孫春發與在逃之武舉王禎祥稟由司詳咨革在案至六年十二月新授臨安府知府劉毓珂赴任臣等面授機宜飭卽提案覆訊始據秦老孫三供認疊次爲王怔代回張來慶並爲張來慶轉告王怔各情屬實復據王怔供認始聞李懋功查拏甚緊不能歸家因而起意報仇繼聞李懋功定於

日內來至張家因而約人截殺核與該縣原稟錄報各節一  
一 照合劉毓珂於訊明後卽傳張來慶到案質證初猶飾詞支吾  
旋卽自認知情未能力阻等情稟由臬司詳請核辦前來臣等  
查張來慶本係市井無賴帶練隨營得保官職如逆匪楊阿福  
王怔等皆其舊時練日憑恃勢力恣意橫行臨郡官紳無不知  
者當楊阿福踰據龍廟時疊經地方官諭令設法誘擒并由同  
郡紳耆留屬就地解散張來慶陽奉陰違藉詞搪塞旋聞省中  
派兵將抵臨郡乃縱令該逆等潛竄阿迷句結夷人普雲等分  
擾附近州縣迫楊逆伏誅王怔奔回土官村舊巢復經地方官  
與營員諭令協同捕拏張來慶復縱令逃往江外上年春閒李

懋功探聞王怔已由江外潛回蒙自稟經省局與營務處加札  
飭拏乃張來慶不但不與會拏反與王怔交通往來一任其左  
右親信陰相勾結竟戕殺李懋功於杯酒之餘莫敢誰何現據  
錄供詳報前來已行司飭府即將匪目王怔先行就地懲辦仍  
傳首滋事地方示眾以昭炯戒並即將張來慶及秦老孫三押  
解來省相應請

旨勅部即將張來慶所得二品頂戴分省補用道勤勇巴圖魯  
保案撤銷以便從嚴訊辦惟查張來慶兇黨甚眾詭計尤多實  
非尋常案犯可比應否容臣等於訊明後先行正法免滋事端  
之處伏候

聖裁臣等爲綏靖地方起見不得不據實陳明所有拏辦在逃  
匪目並審出縱匪謀殺之團紳請

旨卽予斥革解省訊辦各緣由謹合詞恭摺具奏伏乞

皇太后

皇上聖鑒訓示謹奏



久病籲懇休致疏

光緒七年四月二十日

奏爲

微臣

衰年久病重任難勝籲懇

天恩賞準休致恭摺仰祈

聖鑒事竊

臣

於光緒三年九月內正在力疾銷假閒奉到

上諭滇省大難甫平凡軍民利弊及地方善後事宜亟應悉心妥籌實事求是劉長佑向來辦事認真卽著振作精神力籌整頓以副委任欽此欽奉之下仰見

皇上求治方殷

用人惟舊旣

責之以後效復

鑒正惟  
卷二十一  
勗之以初心臣何人斯蒙此

寵眷苟其病不至廢敢忘報稱之心卽其年已就衰豈憚奮與  
之志隨於是年十月力疾銷假及今又越三年雖於公事照常  
辦理實無日不在病中無時不深憂惕所幸同城寮案尙能諒  
臣之衰邊境士民不至侮臣之老臣得藉藏鈍拙倖免愆尤然  
年來精力日益耗悴欲及前屆任滿循例展  
覲之時面陳苦急求卸仔肩比奉

批諭毋庸來京迨至去春又聞西北事局未定徵兵遠省設防  
近畿林下廢閒尙思奮袂而起況臣來自行閒現膺疆寄未效  
前驅以敬愼敢思退處於寬閒區區愚忱竟未上達今聞和議

已定防務已鬆滇黔轄境安謐如常民夷均能樂業而臣自揣  
衰病實有難於振作者敢爲

皇太后

皇上直陳之緣臣自道光二十九年以拔貢生奉委帶團隨剿

湖南會匪於粵黔界上是爲臣效力軍營之始厥後髮匪猖獗

圍攻廣西省城臣隨故安徽撫臣江忠源創募楚勇出境援剿

自是轉戰於南北各省歷十餘年乃卸兵事咸豐九年十月復

率楚軍援粵補授廣西按察使旋補廣西布政使十年三月升

補廣西巡撫雖尙視師在外要爲臣身服官之始自是而兩廣

直隸至於雲貴亦歷十有餘年中間惟由直隸帶勇回籍遣撤

登正惟少三集卷二十一  
三  
稍資休息餘皆在營在官之日統計前後已足三十年矣所與  
同時將帥往歲實寮至今多已物故而臣蒙

朝廷福庇且得延命在官今已六十四歲衰老被病髯鬢少黑  
牙齒無存步履無力近來飲食亦爲差減當其事簡身閒尙覺  
起居不適遇有繁劇接見多人思慮過度便覺頭眩舌乾竟夕  
不寐以致地方公事格於見聞疏於計慮者有之憚於艱難安  
於固陋者有之雖無顯然貽誤之端實乏慊然稱心之事夫臣  
以一介庸愚渥荷

三朝知遇每有除授聞

命卽行未嘗舉以避賢豈謂才堪勝任蓋由年力方壯志氣未

衰本其感激之忱迫爲報稱之計故才雖鄙陋尙思力矯其偏  
卽事有艱虞未敢稍憚其苦此臣可自信於往日而特難自勵  
於將來者也臣於所屬文武遇有年力就衰人員矜恤之餘加  
以策勵策勵不效終於撤參豈其明於責人而竟暗於責己且  
高位易以速謗晚節難以修名如臣衰頹雖久未親承  
恩矚而每念

聖慈訓誡之詳地方責任之重未嘗不焦灼懷來慚愧汗下若  
復因循顧戀溺職曠官脫有心力不如措置失當便爲上負  
皇太后

皇上如天之仁亦且有失

顯皇帝

毅皇帝知人之哲臣將何以自處何以對人就令

寬典可邀歸心可遂致議者原其一時之過失咎其當日之繫  
縻或更因其一節之疏虞而惜其半生之辛苦終覺徒貽後悔  
有負初衷也是以不揣冒昧披瀝悃忱伏惟

皇太后

皇上鑒臣之愚

憐臣之老

軫念滇黔兩省疆寄之重

俯準微臣休致並

簡賢員來滇接任則臣有生之日無非戴

德之年臣無任惶悚待

命之至所有微臣衰年久病重任難勝籲懇

天恩賞準休致各緣由謹恭摺由驛具奏伏乞

皇太后

皇上聖鑒訓示謹奏





糧道請 簡別省片

光緒七年四月二十二日

再雲南糧道崔尊彝在滇最久情形熟習辦事勤能惟管局多年不無招怨之處倘令久於其任誠恐以一眚之失致棄有用之才查該道於上冬 計典保薦卓異如奉 題準例應由部調取引

見倘察其才具尙屬可用可否仰懇

天恩遇有別省相當缺出酌量調補則一轉移間似於公事人才兩有裨益矣謹附片密陳伏乞

聖鑒留中謹 奏



勦辦黑蠻並雲山土匪片

光緒七年四月二十二日

再<sub>臣</sub>等於上年夏間接據東川府知府蔡元燮稟據府屬巧家同知胡秀山牒稱光緒六年四月二十一日有四川西昌縣屬黑蠻箠力甫糾匪數百人偷渡金沙江將巧屬二坪子馬腩子緜花地各村房屋燒燬百餘間殺斃男婦四人戮傷三十三人擄去大小男婦一百二十三名口牛馬牲畜千餘頭居民財物劫掠一空隨卽渡江宵遁等情查該處本係僻壤接近蠻巢向由該府廳稟給勇糧軍火飭該紳團自行設防此次蠻匪乘閒掩襲致遭焚擄情形頗重<sub>臣</sub>等接據稟報卽經批行該府營弁該管鎮道速飭所屬文武督率兵團認真防禦一面移行四

川甯遠府嚴飭該管土司查出擄去民人財物一併歸還並將  
被擄村民妥爲撫恤去後續據該府營稟探聞下江各處黑蠻  
現尙造船多隻勢將大舉過江擄掠請飭撥練軍協助防堵時  
下游昭通府屬永善縣沿江一帶防堵巴蠻尙在喫緊當飭分  
防尋甸之正左營練軍派隊五成由該營官候補游擊徐峻采  
帶赴東川商同該府廳擇要進紮正在布置間忽於十月二十  
四日蠻匪數千人分由小牛欄么米沱等處乘夜渡江圍攻固  
洪地方擄及五甲大竹箐各村擄去男婦二百餘人東川營參  
將王維金聞信卽帶營兵百名前往追捕並派前署昭通鎮前  
營游擊王正昌暨分駐巧家之署守備張致和各帶兵練馳抵

江干徐峻采亦率練軍趕至環施槍礮匪多死傷爭渡覆舟溺  
斃二三十人餘皆踉蹌登岸退回老巢至本年二月徐峻采探  
悉江外各處蠻匪現復有傾巢出犯之勢時在防兵練備多力  
寡臨時稟調又有緩不濟急之虞因令軍功蔣仕選就地召募  
民兵二百名用助堵剿二月二十一日夜匪果大股出巢鼓楫  
渡江徐峻采等伺其半渡縱兵截擊該匪等背水死戰我軍奮  
力擊捕格斃蠻匪數十人轟斃溺斃約百餘人割取首級三十  
二顆生擒活蠻四名奪獲蠻船二隻刀矛器械無數兵練帶傷  
四十八人陣亡五名現在該匪尙屯對岸隱恃江外旣係鄰封  
我軍未能越境故匪勢日益鴟張徐峻采等已行知四川該管

土司阿都副長官都鎮江親赴江干彈壓尙未接據稟復並據東川府營文武稟同前由臣等查江外蠻匪出沒無定實屬防不勝防惟查西邑黑蠻向來設立土司鈐轄與別種野蠻不同臣等現據該各文武先後稟報情形咨商四川督臣轉飭所屬鎮府就近妥籌辦理以恤邊氓一俟辦有頭緒再行奏報又雲州土匪陳春生兄弟聚黨負嵎抗官拒捕焚掠近村知州張鈺會商管帶新副右營練軍副將陳德厚於本年正月二十九日夜乘該匪出掠北鄉大芒磨村親督汛弁兵團前往會拏該匪等竟敢嗾黨拒敵練軍間有傷亡副將陳德厚首先入村手刃匪首陳春生汛弁兵團賈勇繼進立斬匪黨五十六人餘皆逃

竄陳春生之弟陳慶生陳二搨皮一名陳遵模率死黨傅小春等遁入小猛郎之羊圈箐木瓜村該處有軍功孟清賢素習邪術平日符咒治病鄉愚多被誘惑本年正月該軍功倡造謠言妄談氣數語甚悖逆共推陳春生爲大頁陳慶生爲偽先鋒傅小春爲偽主將其餘各授偽職伊乃自命爲仙匪眾皆尊爲軍師約於二月初五日分路入城陳德厚等訊據生擒匪黨供稱不諱立即分軍馳往掩捕當將該匪陳慶生傅小春殺斃並擒斬悍目唐二陳小定黑格玉等多名小猛郎各箐盜藪一空惟陳二搨皮仍與孟清賢逃匿馬泗河箐該處地勢險峻難以仰攻因於十三日下午在山箐四面舉火該匪撲救不及空寨而

出且拒且走我軍已於山下整隊截擊當將該匪孟清賢刺斃其燒斃殺斃及墜崖自斃者無數僅陳二搨皮一名判命狡脫旋經署順雲協副將楊建勳緬甯通判首成臺派出兵役緝獲訊明就地懲辦現在匪黨一律殲除計練軍民團先後陣亡十七名受傷二十四名疊據迤西道順甯府協及陳德厚等稟報前來伏查蠻夷土匪因閒竊發卒煩兵力所有在事出力及傷亡各員弁兵團容臣等查明彙案核辦理合將擊退江外蠻匪及勦捕雲州土匪各緣由合詞附片具陳伏乞

聖鑒訓示謹 奏



攻破虜

奏爲官軍勦

各情形恭摺

聖鑒事竊照

穆文陞稟稱

曾由軍功游

具控到府正

知儂茂先稟

月徑赴普梅

頑悍恐其妄

別式真公已

文武厚集兵團實力防堵一面設法解散黨眾誘拏王澤寬究辦以除邊患去後旋據該府營稟報該匪王澤寬於本年二月自陵境折回復傳集各寨夷民分踞紅石巖舊莫寨各處增修營壘搬運糧草漢土民人不免驚惶因就近商請署開化鎮總兵鄧榮升派令副將黃恆泰等管帶副前營練軍兩哨會同參將穆文陞所帶兵團紮營板榔村二月十五日進攻該匪偽先鋒營格斃匪黨十數人割取首級八顆該匪首王澤寬嗾黨拒敵穆文陞被賊槍傷口頰兵練陣亡三人帶傷十餘人隨即收隊回營查該匪偽先鋒營占住寶竜地方與各匪寨相爲犄角實形勝所必爭穆文陞等於二十五日督隊猛攻立將先鋒匪

營攻拔隨派土同知儂茂先帶練駐紮寶竈以拒賊衝二十六  
七等日我軍分路鈔剿更番進撲多有斬獲二十八日至三月  
初三四等日陸續將該匪者賴牛角寨等處賊營踏平殲斃匪  
黨數十人奪獲旗幟槍械百數十件我兵陣亡二人帶傷十餘  
人該匪王澤寬退踞舊莫老巢負固不出密挽江那縣丞廖煥  
章赴開化鎮府前代爲乞撫該總兵鄧榮升知府郭懷禮以賊  
寨險阻急攻則難猝拔緩辦則易就擒稟請卽委廖煥章前往  
開諭散黨繳械赴營就撫臣等以該鎮府所稟不爲無見飭卽  
委速辦理無任狡展貽誤事機嗣據該各文武稟報該匪首王  
澤寬鼠施兩端並非真心就撫隨檄鄧榮升前往廣南督同剿

辦並先由該總兵添派管帶副前營練軍記名總兵李嘉谷與該鎮中軍游擊丁槐各率所部兵練於四月初一日齊赴板榔節次拔營紮近賊巢四面環攻至四月初六日夜先將該匪巢外碉卡一律掃盪乘勝直擣舊莫老巢該匪判死抗拒鏖戰逾時黃恆泰冒險奮越各兵練鼓譟從之遂將匪巢攻破殺斃匪黨數十名割取首級五十餘副奪獲槍械旂幟無算維時天甫黎明烟霧四塞該匪首王澤寬竟乘軍亂之際伺閒脫逃蹤迹無獲副將黃恆泰把總黎仕凱均於破巢時受傷陣亡並傷亡兵練六十餘名呈報前來臣等以王澤寬現尙在逃終爲後患當經飛札該鎮府等迅速商派得力兵練探蹤掩捕購線誘擒

務獲該匪首解省懲辦現據庭中杰稟稱昨五月初四日續報據探於五曹地方探得王澤寬不時到者太阿哈斗月各村寨行蹤詭祕該處林深箐密向爲逋亡淵藪現已商調兵團馳往各要隘相機兜拏務獲解辦並據開化鎮鄧榮升稟同前情臣等伏查該匪王澤寬誘脅土夷私越陵境猶復始終抗拒官軍罪在不赦茲幸剪除匪黨掃平巢穴該匪首雖隻身潛竄殘喘偶延現經躡蹤捕拏計不能倖逃法網除飭該地方文武將被脅民人被擾村寨分別撫綏外所有此次陣亡之留川補用副將黃恆泰補用把總黎仕凱相應請

旨飭部議卹以慰忠魂其餘出力員弁兵丁及陣亡各兵練俟

擊辦匪首後由臣等查明分別核辦理合將官軍勦辦廣南府屬土匪情形合詞恭摺具陳伏乞

皇太后

皇上聖鑒訓示謹 奏

楚軍全撤截止口糧片

光緒七年六月初八日

再前雲南提臣胡中和由川來滇時因騰越順甯等府屬均有匪徒滋擾邊事未靖由川募帶楚勇一千名來滇作為提標左右兩營親兵照楚軍支給勇餼嗣因協餼不濟酌量遣撤當準提臣來咨以迤西地方甫靖大理尤為衝要緩急之間必得親信弁勇指使擬於現撤兩營內挑留小隊二百名其口糧由本省按月照章撥給經臣等先後奏報在案茲因提臣胡中和丁憂開缺回籍所部親兵二百名概係切近鄉鄰咨請裁撤隨帶回籍等因當行司局照咨裁撤其應領口糧截至本年三月底止以清款項而節餼需現在迤西地方靖謐如常大理府城

添撥練軍駐紮合提標城守各營官兵足資防捕軍民亦均相  
安所有前提臣酌留楚勇業經全數裁撤截止口糧各緣由理  
合附片陳明伏乞

聖鑒謹 奏



土族句夷占城委員解散疏

光緒七年七月初七日

奏爲耿馬土族句結野夷爭占土城先後撥兵防捕委員解散並現籌辦情形恭摺陳仰祈

聖鑒事竊雲南順甯府屬耿馬土司有族人罕榮高罕恩慶與土司罕榮陞尋仇爭鬪當飭該文武妥速彈壓解散於六年八月間附 奏在案續據稟報罕榮高罕恩慶各帶土練夷匪分占耿馬及猛撒猛永各土城並稱有順雲協差弁黃福源從中唆助等情臣等恐該土族句通外夷侵越內地一面飭催該府協會督兵圍於該府屬界上嚴爲備禦一面飭催候補副將陳德厚管帶新副右營練軍於該土屬界上相機捕防並飛飭署

順雲協副將李榮春務將差弁黃福源上緊查拏去後旋據李榮春稟比聞該土族等分踞耿馬各城並據土司稟稱黃福源同在城中隨即帶領親兵由營起程經過萬年莊復約同新副右營總哨鄧沛酌帶練軍馳往猛永設法解散維時該土司已逃往猛止該土族與黃福源亦均不在猛永該副將當傳城內土民面爲開諭分別解散安撫取結回營仍遵札派弁緝拏黃福源務須解究等情並由提督迤西道轉報前來而順甯府知府周範因土司前稟及各探報有該協差弁在內遂以李榮春不卽會督兵練聲罪進剿率帶親兵赴永解散又未將罕榮高罕恩慶及黃福源捕獲一人自係知情縱容稟請究辦正在批

飭查究聞復據李榮春亦以該府查驗土司號紙該土司苛派  
土民差費致生事端與之互訐臣等以該府協各懷意見恐誤  
事機且查黃福源實係該協差弁該府原稟不爲無因當將李  
榮春撤任摘頂檄委迪西道熊昭鏡前往查辦時黃福源已由  
李榮春派弁拏解到府罕榮高亦散黨退回猛角祇罕恩慶尙  
踞耿馬未退因卽委員督同官兵士練悉力圍撲斃匪多名當  
將耿城收復罕恩慶乘間奔逃熊昭鏡恐追捕過急非避死緬  
國卽求援野夷一時斷難得手但飭在防官兵督同土司設法  
捕拏並傳諭罕榮高捆獻罕恩慶藉以自贖隨卽傳訊李榮春  
據供甫到署任未查舊案曾據罕恩慶稟轉懇各上憲改襲耿

馬土職並據罕榮陞稟轉飭罕恩慶速回猛永土城都司黃福源久在緬甯前任曾委查探馬二此次加札仍赴各猛查探屬實訊據黃福源供認奉札往查各情無異其初由省城到順甯罕恩慶曾向商辦改襲之事後由緬甯往猛永罕恩慶又向託帶送信之人屬實餘均不肯承招該道以該將弁被訐各情雖皆有因尙無實據稟請提省訊辦臣等亦恐該道不無瞻徇因飭順甯府將李榮春等一併解省督同兩司嚴加查訊茲據錄供議詳核與迤西道原訊各情大略相同一時仍難定讞請示核辦前來臣等查該將弁被訐各情既非無因卽罪有應得已另片 奏參伏候

聖裁至欺馬土司承襲之事從前辦理原不無權宜而現襲土  
司等乘隙子承父職自無疑義祇因其人過於庸懦於各土族  
既不能服之以法又不欲聯之以恩致令互相猜忌爭奪不休  
在彼同守操戈起伏無常原未敢擾及內地而土屬頻遭蹂躪  
邊防備費綢繆自不能不熟計豫籌以弭後患適據管帶練軍  
陳德厚密稟該營進紮猛撒查悉罕榮高退回猛角尙知畏懼  
隨派該營幫辦文生陳同善前赴遮邁查探情形罕恩慶遣丁  
迎遞呈詞並自向陳同善訴稱遵諭散黨投誠乞照罕榮高前  
案給地安置等情該副將意在誘擒許爲轉稟所辦尙合機宜  
當經批令會同道府就近妥商會稟核辦至十一月臣長佑閱

兵至大理府城陳德厚由營來見據稱罕恩慶所招野夷及游民散勇業經悉數遣散報查屬實惟自揣罪在不赦再三開諭未敢來營可否暫予安置徐圖查辦抑或添調大軍數路並進將該土族等痛予驅除並將該上司照例安置奏請改設流官永除後患等語詢之迪西道熊昭鏡意見亦同因飭回營再加察看另候示遵臣長佑回省後與臣瑞聯細加商確改流必須用兵勞費在所不惜惟該處密邇外夷水土極爲惡劣派往官軍尙難深入新設官吏豈能安居分地可息爭端且可令勢弱力單易於防制但虞辦理不善如罕榮高分地之後仍滋事端可爲前鑒順甯距省千數百里行文商榷往復需時此事辦已

逾年未便再有延緩頃又據陳德厚稟報罕恩慶現在遮邁隨身祇數十人時值瘴發並無變動似亦不無悔悟之心惟論以隨同赴營始終不免畏縮請示如何辦理前來等督同司道悉心籌議改流既多未便應作罷論惟罕恩慶畏死乞撫堅不赴營若遽進軍捕拏必致逃匿異域且恐罕榮高中不自安仍與罕恩慶內外勾結日尋干戈該土司難以自存卽邊境日益不靖似不若因勢利導爲欲取姑與之計查罕榮高於光緒三年經署順甯府知府周慶榕代稟乞撫並請給還舊業比以瘴癘盛興兵難久駐姑允所請責令擒斬逃逆馬二以贖前愆乃該土族罔知感奮猶復糾集夷匪幫同罕恩慶爭占土城實屬

恬惡不悛姑念該土族於官軍進至猛撒隨卽退回猛角遵諭散黨尙可從寬免其拏辦仍應勒令於前給兩猛地方劃分一處給予罕恩慶承受爲業庶於包容之中仍寓削奪之法一俟奏準卽委廉明大員會同地方官前往查明界址妥議章程如該土族均知悔悟與該土司共敦親誼不起爭端數年後尙可爲該土族陳請量給職銜俾得共延世祚倘再執迷生事卽當調集大兵將該土族悉予殄除爲一勞永逸之計臣等因該土屬屢生事端慮貽邊患不得不將現籌辦法縷悉陳明是否有當伏乞

皇太后



皇上聖鑒訓示再現在土屬無事先後調集兵練以次撤歸僅  
留練軍一營駐防邊界合併聲明謹 奏



團紳縱匪謀殺分別懲辦疏

光緒十

奏爲遵 旨訊明團紳縱匪謀殺分別懲  
聖鑒事竊 臣等於五月內曾將拏辦在逃  
匪謀殺之張來慶請立予斥革提省訊辦  
諭旨張來慶著卽革職提省審訊明確卽  
遵札行署按察司督同雲南府審訊分別  
石峻會同署布政司李德莪詳稱遵提張  
貴孫三卽孫春發到案悉心研審卽據革  
係伊舊時練目其初集眾滋事伊未遵諭  
後潛回蒙自屢至伊家初託秦老等代求

復奉札查拏告之後隨秦老來見稱欲謀殺報仇伊卽以李懋  
功某日來此赴席告之屬實又據革弁秦老卽秦鴻貴孫三卽  
孫春發供認向隨張來慶當練時常給事張家上年王恁由江  
外潛回先後來見張來慶央求庇救及欲乘機截殺李懋功等  
情均係伊等代爲傳話屬實餘均與臨安府原訊各供無異該  
司等查勘張來慶縱匪滋擾授意謀殺實屬居心叵測罪不容  
誅秦老孫三交通匪目與知陰謀均有難逃之罪詳請分別核  
辦前來臣等覆加察核訊供各情均已明確未便稍事姑容致  
生他變當卽遵

旨將張來慶提禁正法並卽出示徧諭臨安府屬地方見者聞

者同聲稱快惟秦老卽秦鴻貴孫三卽孫春發皆係張來慶親信之人與王恆往來較密雖訊供尙無同謀加功情事而查其平日行爲均非善類現仍牢固監禁俟緝獲在逃之王楨祥王是怍等到案再行質訊分別懲辦至副將銜補用游擊李懋功前在軍營卓著戰績此次奉札捕匪被戕身死情形甚慘核與效命疆場者無異擬請

旨飭部照陣亡例賜卹以昭激勸所有遵

旨訊明團紳縱匪謀殺分別懲辦各情由謹合詞恭摺具奏  
伏乞

皇太后

皇正世公全集卷二十一  
皇上聖鑒訓示謹 奏

瀝陳衰病片

光緒七年七月初七日

再臣於三月二十八日曾將衰病乞休各情由 奏奉

批諭劉長佑久膺疆寄辦事實心朝廷深資倚任該督仍當勉力從公以圖報稱所請休致著毋庸議欽此又於四月二十日

奉 慰

聖懷摺內陳請入京叩謁復奉

諭旨毋庸來京欽此跪聆之下感悚莫名伏念臣本無才略具

有天良憶自壯歲從戎卽以此身許 國餘年可假慮後效之

難收

聖恩無遺

引七

嘉實心之有素以臣愚昧蒙此

優容就令殫盡血誠莫酬

高厚何況病非殘廢敢憚奮興臣惟有恪遵

諭旨勉力從公以圖報稱於萬一惟是感激方殷志雖足以帥

氣而衰辱交迫力每不能從心如臣舊患微疴時發時愈尙不

爲苦惟風溼留滯經絡骨牽疼骹筋酸軟漸成行痺之症行

步拜起動輒爲難雖在上緊求方而風土異宜醫藥未便能否

及時得力所不敢知當此氣血兩虛之時臣固不必躁率以求

痊操切以圖治然使病深纏結職曠因循無以上答

天恩下副物望則又不若乞骸歸里免覆餗之重愆或得卸任



入都邀

聖慈之垂察也至滇黔民情敦樸生業自勤久亂之餘人皆思治政令所及漸知信從臣愚尙可備員在人自易奏效知煩

聖慮合併陳明所有微臣感激

恩遇之忱與慎重地方之見謹附片切實再陳伏乞

聖鑒訓示謹 奏

三十一日

廿

請將李榮春等革職片

光緒七年七月初七日

再記名提督委署順雲協副將李榮春湖南郴州人由貴州台拱營參將經臣長佑調補雲南武定營參將隨即委署曲尋協副將在任辦理防捕尙爲得力嗣因順雲邊境伏莽較多改委署理該協副將尙爲因地擇人起見乃該將於到任之始不查舊案復輕聽旁言干豫耿馬土族罕恩慶爭襲之事率行轉稟又失察差弁黃福源受託情事輒於派查逃逆馬二時聽其帶同罕恩慶送信之人前往猛永致生事端實屬荒謬塗有違制禁游擊銜補用都司黃福源廣西柳州人帶勇隨征在滇多年於順雲邊境情形尤爲熟悉李榮春到任後查悉該都司曾

經前任派赴各猛查拏馬二遂卽加札飭仍往查詎該都司在  
順甯府時卽受罕恩慶之託商辦改襲並許事後重謝迨由營  
奉札往查馬二又復隨帶罕恩慶送信之人同至猛永並受夫  
價銀兩實屬藉差行詐引惹釁端查該將等原被順甯府及土  
司稟許重情雖皆訊無證據第就所供情節揆諸此案緣由該  
將等罪已非輕法無可貸相應請

旨將記名提督武定營參將已撤署順雲協副將達春巴圖魯  
李榮春游擊銜補用都司黃福源均卽革職黃福源並發近邊  
充軍以示懲儆而肅營制所遺武定營參將係題補之缺應請  
由外揀員擬補又委署副將係臣長佑專政此次委任非人亦

有應得之咎並請交部議處合併聲明伏乞  
聖鑒訓示謹 奏

U.S. NATIONAL ARCHIVES

11/18

議增洋藥土煙稅釐疏

光緒七年七月初七日

奏爲遵

旨議增洋藥土煙稅釐謹就滇省情形籌議徵收梗概先行覆  
奏仰祈

聖鑒事竊臣等於光緒七年五月二十九日準兵部火票遞到  
軍機大臣字寄光緒七年五月初九日奉

上諭左宗棠奏禁食鴉片請先增洋藥土煙稅捐以收實效一  
摺鴉片流毒中國爲害甚深近因民間吸食愈多銷路愈廣於  
國計民生大有妨礙朝廷軫念時艱何難申明禁令齊之以刑  
惟慮陷溺旣久輿販吸食之徒日眾空文禁制旣屬徒法難行

而訟獄滋繁又將別增擾累左宗棠所奏擬加徵稅釐參用罰  
懲遺意冀可漸挽頽風不爲無見各省原定洋藥釐捐本較洋  
稅爲重乃總計所收釐金竟遠不及進口之稅是承辦各員奉  
行不力減成折收任令姦商隱匿偷漏巡役包庇分肥所致情  
弊顯然現照左宗棠所擬每洋藥百觔統稅釐合計共徵銀一  
百五十兩內地土煙價值較低稅釐準照洋藥推算徵收亦尙  
平允此項係取之於吸食鴉片之人與華洋各商並無干涉著  
南北洋大臣福州將軍各直省督撫粵海關監督將各關口及  
各地方情形詳細體察將稽察徵收章程悉心妥議於一月內  
覆奏候旨定奪此事務必行該大臣等當熟籌辦法期於大



局有裨實爲至要原摺均著鈔給閱看將此由五百里諭知南  
北洋大臣福州將軍各直省督撫並傳諭粵海關監督知之欽  
此欽奉之下仰見

朝廷勤求上理力挽頽風念徒法之難行務變通以盡利冀時  
艱之共濟更

問察以無遺臣等職任封疆敢不竭慮熟籌以期有裨大局當  
經恭錄

諭旨鈔錄原奏札行藩司會同善後釐金兩局司道欽遵查照  
迅速議詳 奏覆去後茲據署雲南布政使李德莪會同兩局  
司道詳稱查鴉片流毒中國爲害實深始爲商販居奇非稍有

力者不能吸食近日價值日減食者愈多查禁雖嚴難以盡絕  
故目前設禁之法莫善於加釐稅釐稅加則價值自昂價值昂  
則吸食自寡此以不禁爲禁猶愈於以禁爲禁也滇省地方荒  
僻向無洋商亦無進口洋稅近年洋船往來緬甸越南各國其  
口岸距滇省邊界雖不甚遠從無洋煙販來貿易蓋因滇省向  
產土煙其價最廉滇民瘠苦亦無力吸食洋藥故自設釐卡以  
來並未收有此項釐金惟本地栽種罌粟由來已久軍興以後  
種者漸多固由邊民生計維艱見利忘害之所致亦因滇省天  
氣向無盛暑嚴寒農務之興遲於他省而罌粟則種於冬初收  
於春末於農務尙無甚礙故禁令亦覺稍寬自臣等蒞任以來

屢經嚴飭各屬禁種罌粟近日栽種漸稀惟沿邊寫遠之區及各土司地方尙未一律盡絕所出土煙其價值隨時漲落初無一定所收釐金向歸貨釐統算並未另立煙釐名色約計土煙百兩抽釐銀不及一兩茲欽奉

諭旨令照洋藥釐稅按其勛重價值議加該司局悉心酌議查滇省土煙銷路本隘年來鄰近各省亦有出產故商販漸少價值愈低所收釐金爲數亦眇今欲於加價之中隱寓禁煙之意自當比較洋藥新章酌量加增惟各府情形開有不同須俟查覆到日方可酌中定價俾利推行等情由司局詳請先行覆奏前來臣等覆加籌議該司局會詳尙係實在情形因思此次

議加鴉片稅釐原爲參用罰懲雖取諸中外販運之人實出自  
直省吸食之人立法出於至公寓意尤爲至厚在與國猶樂成  
其美豈中邦不力挽其頽惟是土藥稅釐其徵收分數本可照  
洋藥推算其收徵次數似難照洋藥推行蓋洋藥之進口有定  
而土煙之出境無定洋藥於進口之初照章加徵於進口之後  
不復加徵矣土煙於出本境之後照章加徵於入他境之時又  
須加徵矣且洋藥之價旣經議定各省可歸一例土藥之價雖  
亦議定各省仍難強同今就一省而論收成有豐歉之年販賣  
亦有衰旺之候所收豐而販賣亦旺雖加徵尙不覺其重所收  
歉而販賣亦衰雖不加徵而已覺非輕自非各就地方體察情

形酌中定議恐徒有加徵之名仍無加徵之實且慮有失議加之深心而莫得議加之妙用也臣等識見龐疏不得不加審慎除俟查明定議再行奏請

聖裁外理合將遵旨籌議加徵土藥稅釐梗概謹先具摺覆奏伏乞

皇上聖鑒訓示謹 奏

卷五十四

卷五十四

五

昭通土匪襲城立時撲滅疏

光緒七年九月十七日

奏爲昭通土匪滋事謀襲郡城經該文武等督率兵團立時撲滅現在委員督軍前往查辦情形先行由驛馳報恭摺仰祈聖鑒事竊查雲南昭通府屬界連川黔道路叢雜山深箐密向爲擯匪會匪及各教匪出沒之區疊經臣等檄飭該郡文武嚴密防捕並派副左及新副左兩營練軍駐紮永善鎮雄等處準由鎮府隨時調遣協同兵團備禦巡防在案茲於九月初五日接據昭通鎮總兵麟志臣通府知府景維稟稱探有外來匪徒出沒山箐潛謀滋事稟請等辦等情臣等當飭該鎮府會派員弁督率兵團認真查緝並飛飭察看情形緩急酌調練軍會

巡哨因地布防去後續據該鎮府會稟探得該匪潛集灑漁河一帶勾結黨羽勢將蠢動因飭署恩安縣知縣陳葆餘同中營游擊張宗久率帶兵差於八月二十三日前往查辦忽於二十七日寅刻探報土匪卯招詳陸松山等勾結匪黨一千餘人數路並進來襲郡城等情該鎮府當卽飛調候補副將涂開科等帶兵二百餘名出城堵剿一面督同在城官紳各率兵圍分布四門防禦該匪已至城外揚旂執械直撲郡城西北二門經副將涂開科等率眾迎擊維時天尙未明變起倉猝賊勢披猖虛實莫辨涂開科等眾寡不敵勢甚危險該鎮府親督參將林春芳游擊朱名祿千把鄭榮毛文應謝文斌顏桂芳辛開陽王應



泰張致和程大益朱兆麟袁廷蘭胡希廷等分出策應力戰逾時涂開科奮勇爭先手刃悍賊數人並將匪首卯招詳格獎各將弁紳團乘勢奮擊殺斃甚多賊始敗竄惟匪首陸松山猶率餘黨判死拒戰涂開科等正在相持適游擊張宗久知縣陳葆齋趕至攔途截擊城外紳團將各街口堵住該匪左衝右突奔逃無路首夥悉就殲除其遠在城外山上準備接應之匪尙數百人一時望風退散該各將弁紳團四路追捕殺斃尤多當兵團未集眾情忽遽之時有匪數十人混迹入城欲赴文武衙門放火內應隨經兵團查悉捕斬無遺查點郡城內外匪尸共三百六十餘具奪獲器械無數惟中軍游擊張宗久中軍把總程

正州志卷之三十一  
大益額外楊來本宋綬受傷太重同時陣歿差弁兵役均有傷  
亡昭通鎮麟志右手昭通府景維左膀亦各於督戰時受有微  
傷等情並將搜獲該匪偽示附呈前來臣等當卽檄飭該鎮府  
激勵兵團捕拏餘黨一面發給諭札剴切開示務在解散脅從  
安撫良弱以靖地方並令將該匪等由何處糾集起事由何處  
分股撲城暨游擊張宗久等受傷陣亡情形均卽查明剋日據  
實詳報核辦一面由省札委候補道許繼衡督帶副中營練軍  
馳往該府會督查辦所屬地方現在有無復聚股匪在境滋擾  
其積年著名擯匪會首現尙有無負嵎抗官實迹均卽分別捕  
拏務除後患至此大該鎮府暨各員弁雖將襲城匪徒登時撲

滅究未能先事豫防統俟查覆明確將該鎮府等應否分別請處及該將弁紳團擊賊出力受傷陣亡應如何分別獎卹之處據實具奏請

旨外所有昭通府土匪滋事謀襲郡城當經督率兵團將首夥殲除及現在委員帶兵查辦大概情形先行恭摺馳陳伏乞

皇太后

皇上聖鑒訓示謹 奏



遵查昭通土匪起事情形疏

光緒七年十一月二十七日

奏為遵

旨查明昭通土匪起事情形現在督軍協團拏辦首要各匪將次竣事該府文武可否照例減等分別議處在事出力官紳兵團可否分別獎卹恭摺覆陳籲懇

天恩仰祈

聖鑒事竊臣等前據昭通鎮總兵麟志昭通府知府景維會稟昭通土匪滋事經該文武等督率兵團立時撲滅臣等當即檄飭該鎮府捕拏餘黨並令將該匪由何處糾集起事據實詳報一面委派候補道許繼衡督帶副中營練軍馳往該府會同查

辦各情形先行由驛 奏報並飛咨川黔督撫 臣轉飭沿途文

武派兵協捕各在案茲於光緒七年十月十一日欽奉

上諭劉長佑等奏昭通土匪滋事立時撲滅現在派員查辦一

摺據稱雲南昭通府屬突有外來土匪卯招祥陸松山等潛迹

灑漁河一帶勾黨千餘人分路襲破郡城並有匪徒混迹入城

欲圖放火經官軍攔截捕勦首夥悉數殲除等語著劉長佑杜

瑞聯卽飭官軍暨地方文武迅將餘匪搜捕淨盡並將積年著

名匪首悉數捕拏毋任勾結爲患此股匪徒究竟如何起事務

將實在情形詳悉查明具奏不得稍涉掩護餘著照所議辦理

欽此當卽欽遵轉行昭通鎮總兵麟志昭通府知府景維候補

道許繼衡遵照辦理去後續據許繼衡暨該鎮府先後稟稱竊查昭通界接川黔道路分歧民人稠雜會匪損匪及各教匪不時出沒肆行搶擄雖經隨時防捕而賊蹤詭祕往往刊印號片散給鄉民令其出錢入會否則危言恐嚇不能安居鄉愚無知致被誘脅曾經該鎮府派員彈壓出示開諭隨飭團紳追繳號片以千百計均即當眾燬銷本年八月查有匪首卯招祥陸松由辛蘭軒等潛遞昭通之弓背河灑漁河等處造言散片勾結黨羽該鎮府一面會稟通報一面商派游擊張宗久署知縣陳葆蘇前往查拏並諭令繳片散黨概予自新詎該匪誘脅既眾狡焉思逞詐繳號片多張懇官免究竟敢藉詞嗾黨分由小路

乘虛直犯郡城城中姦細數十百人將赴各衙門放火接應幸  
兵團已集該鎮府督令分投擊捕當將襲撲郡城各匪悉數殲  
除游擊張宗久甫經整回匆促遇賊挺矛力戰身數受傷登時  
陣亡此昭通土匪起事緣由並立時剿滅之實在情形也嗣查  
該府屬積年著匪當時聞風驚散隨處伏匿者尙多經該鎮道  
派委員弁督兵協團分道接捕並飭令紳管相獻首要各匪計  
在府城內夕搜獲匪首楊厚安何正清朱青山及匪目趙金芳  
毛文雲等二十八名又在黑石窪灑漁河各村寨捕斬首匪劉  
建囑一名捕獲匪首辛蘭軒卽辛壽山及匪目孔容虎納五十  
一李四杜龍恩等五十四名均已訊供分別懲辦嗣準貴州撫



臣林肇元咨並據署威甯鎮總兵林從太署貴西道顏培鼎稟探有昭通積匪逃匿威甯邊境卽經督率兵練捕獲僞元帥馬老四陳喜二名又續獲匪首馬苗子馬二二名均經訊明就地正法現在昭屬安靖如常所有前駐滇邊川黔兵練已咨明調撤回營仍飭照章隨時會哨務將漏網各匪合力拏辦以免勾結而靖邊隅臣等伏查此次昭通土匪滋事雖經昭通鎮總兵麟志昭通府知府景維先期覺察稟報並卽派員前往查辦乃竟未能彈壓解散致該匪侵犯府城該城文武均有應得之咎而昭通鎮總兵麟志係專閩大員先事漫無備禦署恩安縣知縣試用同知陳葆蘇奉委下鄉查辦臨事罔識機宜尤屬咎無

可辭第念變生倉猝該鎮府等尙能督飭兵團將該匪登時悉  
數撲滅並將匪首卯招祥陸松山立斬陣前居民未遭擾害猶  
屬深知愧奮臣等現已將該鎮府及知縣守備先後撤任片  
附奏在案至該府城內外紳民於匪徒襲撲府城時立集齊團  
出擊協同官兵滅賊保城及委員督軍駐境查辦復隨同搜捕  
著匪多名實屬深明大義忠勇可嘉合無仰懇

天恩將昭通鎮總兵麟志昭通府知府景維署恩安縣知縣陳  
葆蘇昭通鎮中營守備邢鍾秀等照例分別減等議處並將首  
先督率兵團擊捕賊匪尤爲出力官紳及臨陣傷亡官紳兵練  
先子分別獎卹其餘隨同擊賊及陸續捕斬首要各匪出力官

紳兵練俟事竣由臣等查明彙案核辦均出

逾格鴻慈除將首先尤爲出力官紳擬請獎卹各銜名繕單敬

呈

御覽飭遵外所有查明昭通土匪起事情形現經委員督軍拏  
辦首要各匪將次竣事各緣由謹合詞恭摺覆陳是否有當伏  
乞

皇太后

皇上聖鑒訓示謹 奏



孰審邊情敬陳管見疏

光緒七年九月十七日

奏爲孰審邊情敬陳管見恭摺仰祈

聖鑒事

臣

聞智者見事於未形賢者防患於未萌至於患之已

萌形之已見而猶長慮卻顧冀倖無事則將來之變不可勝窮其用力愈勞其受害愈大不如乘其始萌始見挫其鋒而伐其謀用力少而收效遠也臣以爲邊省者中國之門戶外藩者中國之藩籬樹藩籬所以衛門戶衛門戶所以固堂室藩籬陷則門戶危門戶危則堂室震伊古以來聰明神武之君及漢唐雄略之主力可以囊括宇內而猶存要荒之君長列邊境之蠻夷者凡以設藩屏以禦殊族樹股肱而奠神州也故我

聖祖皇帝親征漠北

世宗揚威青海

高宗勘定金川邊平回準闊地二萬餘里而猶存近海諸國西自緬甸東至朝鮮不欲芟夷而郡縣之者所以屏蔽山海捍衛神京也諸國修貢奉職府無虛歲傳世嗣位皆俟

寵靈正朔所加爵命所及世爲不侵不叛之臣其間親莫如朝鮮順莫如琉球恭莫如越南朝鮮爲盛京之門戶越南更與滇粵爲唇齒視琉球之遠在南海形勢更重泰西諸國自於印度及新嘉坡檳榔嶼設立埠頭以後法國之垂涎越南者已久開市西貢據其要害同治十一年復通賊將黃崇英規取越南

之東京聚兵合謀思渡洪江以侵諒山諸處又欲割越南廣西  
 邊界地六百里爲伊駐兵之所臣時在廣西巡撫任內雖兵疲  
 饑絀餘盜未平卽遣將弁出關往援法人不悅訐告通商衙門  
 謂臣包藏禍心有意敗盟賴

毅皇帝聖明洞鑒諒臣愚忠乃得出師助勦內外夾擊越南招  
 用賊渠劉永福以折法人沙酋之鋒廣西援兵分爲兩路左路  
 則提督劉玉成一軍趨太原北甯以次進勦右路則道員趙沃  
 一軍由興化宣光等處分擊賊黨直抵安邊河陽破崇英等巢  
 穴盡殲渠魁奉 國威靈將士用命幸得保其東境故法人寢  
 謀不敢遽吞交趾者將逮一紀然臣每詢諸邊境商民知法人

志在必得越南以窺滇粵之郊而通楚蜀之路夙夜惴惴懼其  
狡焉思啟所恃條約已定 國威日崇開埠之外當無異志乃  
昨八月二十九日接到兩廣督 臣張樹聲來函云法國海軍卿  
請於其主增加越南水師經費又中寄橫濱書報稱於七月初  
九日見英倫西歷七月二十三日我六月二十八日發來電報  
云法國下議院議準籌借二百五十萬佛狼爲越南東京海灣  
水師經費軍餼旣儲師行在邇十四日復見橫濱巴得利法文  
報云法海軍卿格羅愛現在逐日籌畫東京用兵之事所派統  
兵將軍本報館已知其名俟突尼斯案一結即可起程 臣逃聽  
之下不勝惶駭竊嘆法人果蓄志而遂謀嗜利而背約也又聞



造此謀者乃法人伯朗手般在越南西貢爲巡檢司開埠之後  
 招徠土夷客民衆至百萬民情相洽物產日增東埔寨所招商  
 民亦二百萬運米出洋歲百萬石所徵賦稅入西貢庫藏者歲  
 計佛狼二百五十萬牧埔本荒蕪開成通衢車路方軌溝渠修  
 濬越南素奴視東埔人今東人感法恩德願以六百萬口獻地  
 歸附故伯朗手般以越南情形告其總統今富良江一帶法人  
 已駛船開市議滂上流以達瀾滄江通中國之貨結檣方諸夷  
 以窺滇粵邊境築西貢至東埔寨鐵路以避海道之迂繞越南  
 四境皆有法人之迹政治不修兵賦不足勢已危如累卵今復  
 興兵吞噬加以東埔之叛民勢必摧敗不可支拄臣案同治十

三年法提督僅鳴礮示威西三省已入於法越南國王許於紅  
江通舟地險已失所立條約惟不肯予以東京國勢岌岌恃此  
爲犄角今復奪其東京卽不窮極兵力圖滅富春已如贅旒不  
能自立而況豺狼之性有不可測者乎臣以爲法人此舉志在  
陷取越南全境無疑旣得之後或請立領事於蒙自等處以攘  
山礦金錫之利或取道川粵以通江漢據泰西諸國通商口岸  
之上游計狡志邪未有涯涘況滇中自同治以來平定逆回或  
殲或降其餘黨之桀黠者類多潛竄越南嘯聚山谷或南奔洋  
埠爲法人役使不免告以軍情虛實邊地情形故時有夷人闖  
入滇境以覘形勢倘法人遂覆越南則逆黨必借兇箠導之內

寇以逞其反噬之志今雲南地瘠民貧銅政未復疆宇孔棘兵饑維艱聞警憂惶罔知所措或以爲西人惟利是營惟通商是亟則吐蕃求互市而戎馬踐於汧渭之郊先零盜牛馬而烽火徧於河湟之上不能徇其一時之風聲習俗而以爲不我寇掠也我國家惠養黎元覆幬無外邊關四啟荒裔來廷雖德擴列聖之仁而運承百王之敝訂盟海上給以金錢假以租地而夷性荒忽不知禮義日在照臨之中而不知感已擅中土之利而不知贖狃怵睚眦寢以驕悖法人之惡罪不勝誅然臣以爲此非法人之罪而東夷日本之罪也何者春秋之法罪必誅其首惡書縞葛之戰所以誅鄭伯之首犯王靈也書齊侯之滅紀

所以誅桓公之首敗王略也下至友邦之國六國禦秦先敗縱約者則伐之日本以嶽岑小島孤懸海中名微俗陋會厠朝貢之列自西人通商乃願領蹙頞以從諸國之後設公司於滬上本非有英法之富布德之強

朝廷寬以待之冀其安靜帖服聯諸逆之盟好乃鴟義不悛首敗盟約同治之末弄兵臺灣與生番造孽以耀武西夷嘗試中國

毅皇帝貸而不誅光緒二年遂滅琉球夷其宗社夫中山王世受

天朝職命爲我屬國見滅外夷義在必討同爲與國恣其暴虐

卽以西人所立萬國公法而論亦罪有必問而英法各國相視不發無起而問其故者則以蠻夷之性本無仁義見中土沃饒之利久生戎心惟以國威尙震莫敢先動有爲戎首者則視其禍福安危以爲進退國家旣釋倭人而不誅則有以知中國之好安而惡戰國家旣不問滅琉球之罪則必不問滅越南之罪故法人遂憫然自肆翦我藩籬闖我門戶臣知法人此舉

皇上聞之亦必赫然震怒恭行天罰然卽出援師禁侵暴所向克捷而法人猶得藉日本爲辭無以懾其驕悍之氣不若及法師未出東京未滅之時先討日本以復琉球則時雨之師足以

下俘囚之涕九伐之法尤足以攝夷逆之心是不戰而存越南也其或怙過不悛出師問罪亦名正而罪當臣極知

皇上以息兵養民爲心不欲勞師遠涉而諸國桀驁如此尤而效之日引月長藩籬盡去亦終不能弭兵而省費所用之兵賦將有伯什於今日者故臣願

皇上奮其天斷亟正倭人之罪而杜諸夷之奸也夫兩利相權則取其重兩害相權則取其輕日本賴中國通商以爲國計今其財力已自虛耗峻法黷武民怨其上數戕其官吏已有亂萌非如法國財富民強將吏趨仇也日本內侵江浙必候風潮帆船所指皆有定處非如越南之錯壤滇粵緜亘山谷隘不勝防

也及此時而不日本之討坐待越南之亡則美國久誅朝鮮必起而掠之英人已通緬甸必劫而持之暹羅與緬人構釁法國將誘而服之倭人以為莫我討則又將求臺灣而牧之俄國與新疆交界其壤未定又將窺我之瑕而侵越之因利乘便同時並舉則不惟滇粵之憂而欲求如今日之但謀東征亦不可得也遑言安坐而無事哉故臣以為寢兵而禍大不如急征而患小也頃者琉球遺臣潛來中國畏倭人之勢不敢控告匿名斂迹泣於天津而日本使臣乃敢以獷氣強詞於通商衙門饒詭置辯無禮已甚臣遠在邊隅不勝憤懣逮聞俄國和約已成私心慶幸以為北邊既安可以移防北之師出而東討旋聞有

旨裁撤防軍

皇上深仁涵育已赦倭罪而不問臣愚卽思以夷情入告求伸天討猶冀他國之不相顧而起則息兵亦所以懷遠不謂俄防始撤之時卽爲法兵伺隙之始不正日本之罪何以折法國之謀不止法國之姦何以肅諸國之志伏乞

皇上先暴日本之罪惡於天下布告西人絕海上通商之東使倭人已可坐困

簡大臣宿將有威望者起東三省之兵出松花江以臨庫頁島別命一軍出朝鮮以扼其西而後選明習韜略嫻熟水師之將由甯波定海率舟師趨長崎以攻其南倭人離貳已久必當自



潰卽負嵎抗拒而我朝師武臣力必無撓敗之虞或慮來擾海濱則東南沿海久設練軍亦自有防禦之具琉球臣民喜復疆土必將有助順之師憑

廟算之長海外有截則

天戈遠震四夷戢兵朝鮮暹羅緬甸諸國可免蠶食不獨越南也若慮兵端一開挑釁諸國則倭人法人背萬國之公法卽聚西人於海上而議之亦不能巧爲解說黨惡而崇寇以中國全力誅一日本何患不濟春秋傳曰師直爲壯曲爲老國家以睦鄰之道興問罪之師諸國聞風無敢置喙或有懲元世祖日本之役及明嘉靖倭寇之患者以爲東夷伉勁勢不可撓則不

知元世祖好勤遠略所用者騎兵非義兵也明倭寇之殺掠江浙鬻始妖僧羅海爲亂者漢姦非今之逆夷也以順討逆罔不克以義攻驕無不破臣願

皇上熟思而審行之也且自同治以來講求洋務設立海防習水師修礮臺購鐵船造槍礮費帑藏以百萬計而曾不得一日之用亦安知兵力之果精與否彼四夷之環坐而觀聽者又烏知 朝廷寬大之德而不以爲懷安之計耶況自南海議和以來三十餘年矣未聞守其前議不進而要求口岸之設歲進而日加諸國之釁循生而迭起其虛立公法不能自守明矣卽欲長保和約亦必有以固其藩籬示以武略而後不爲外夷之所

輕甘於從我之約束昔漢有閻槃伊吾之勝而後匈奴無焉者  
之使唐有李晟西川之捷而後南詔有點蒼之盟能戰而後能  
守能守而後能和本末先後古今一體若復隱忍相安匿罪不  
討頓兵竭饒歲月告流宿將彫謝諸夷日驕拒之則敵益眾聽  
之則病益深兵食愈繁禍亂愈甚則何如先發而弭未來之患  
懲一而戢諸國之謀耶臣以菲材受國厚恩老病之餘精力  
衰耗先後引疾皆蒙

聖旨慰留嘗憾曠職邊疆無以報

三朝之殊遇遐陬引領阻於見聞現在倭人能否悔悟或朝  
廷已有成算皆弗克知惟受任邊方密邇外寇不敢聞而不告

聖正惟公在集

三

臣不勝激切悚惶之至所有熟審邊情敬承管見緣由謹恭摺

密奏伏乞

皇太后

皇上聖鑒訓示謹奏

臨桂李樹森同校  
南陵胡承福

劉武慎公奏稿

劉武慎公全集二十二

卷之二十一目錄

細審夷情豫爲防制疏

籲懇開缺就醫片

特參掩捕匪首踰限未獲員弁片

東南兩巡防捕大概情形疏

密陳法人情形片

懇請修覲片

遵旨通籌相機弭患疏

派軍出關片

遵 旨陛見片

耿馬土族安插妥竣疏

遵催防軍出關疏

邊患已深事貴豫籌片

請撥槍礮軍火片

交卸督篆北上疏

臨安等府殲除首要各匪片

仍懇開缺就醫疏

開缺回籍謝 恩疏

謝 恩遺疏

細審夷情豫爲防制疏

光緒七年十二月二十八日

奏爲細審夷情豫爲防制遵

旨密陳仰祈

聖鑒事竊

臣

等於光緒七年十一月初五日承準軍機大臣密

寄十月十五日奉

上諭總理各國事務衙門奏法人謀佔越南北境並欲通商雲南擬籌辦法各摺片覽奏均悉越南向隸藩服爲滇粵兩省屏蔽法人據其西貢一帶現復以東京捕盜爲名添置兵船並欲由紅江通商雲南計殊叵測該國積弱已久若任其侵削則滇粵藩籬盡爲他族逼處後患不可勝言務當詳加揆度合力圖

維庶可弭衅端而安邊境並將如何辦理情形隨時詳悉密陳  
欽此欽奉之下莫名敬悚仰見

皇上軫卹藩服慎固封圻之至意臣等承乏邊方敢不勉竭駑  
鈍思所以弭衅安邊上紓

宵旰竊意防禦之道以慎密爲先控制之方以利便爲要法人  
居中爲變尙在未動若合水陸內外並防則防禦之中有控制  
之勢越南水路距澳門五十餘更惟廉州協營汛地與之連界  
海面向無師船往來近年招商輪船運米越南則往來甚熟李  
鴻章請於商船往越之際添派兵輪同往游弋與曾紀澤請撥  
師船數艘移近南服所見相同要須假市糴之便以漸移入東



京借護商之名分泊順化等處既可以遠壯聲威使彼有所嚴  
憚更可以近探動靜在我得以豫防再派得力大員隨機密諭  
越王並令動息相聞則越南君臣縱不能奮發自強亦不忍輕  
背

大德至陸路則廣西現有防軍駐紮越南邊境助之緝捕若於  
現有之營添調勁卒於毘連之地潛設要防是備禦在無形之  
中與兵輪有相應之勢不至啟法夷之疑議即可爲越國之聲  
援昨接慶裕來函現已議增防軍與臣等所籌正合若雲南僻  
在西南於越南交界地方從未設有防軍倘遠畫疆列戍轉孤  
越人之勢卽如丁日昌所云添設關卡堵塞谿徑亦恐外人得

以藉口尤虞內匪乘而生心第事變無常未可逆料若竟不爲  
戒備一旦變起倉猝始謀調兵遠赴則無以爲綏藩之計更無  
以爲固圉之方臣等至愚亦惟有藉辦土匪爲名於臨安開化  
廣南各郡增募練軍遊員統帶無事則勤加訓練以資巡防有  
事則相機應援以便調遣以現在情形而論但能如此設防惟  
念法夷自據嘉定六省以來越南四境皆有商埠教堂恣其橫  
行無所阻礙所願忌者惟該國羣盜久據要津今羣盜勢亦稍  
衰故欲惻然除之以并其國自非中國提挈越王必無以圖存  
然法夷脅其君臣漁其財利已非一日取越與否非有甚異其  
所以處心積慮者乃在通商雲南先以圖越爲嘗試中國庇之

則求開市雲南寢取越之說中國置之則且全據越境爲漸進之謀此時稍失權衡卽貽他日無窮之患臣等再四審度以爲待其旣吞越境爲守邊之計不如乘其始動爲弭衅之謀滇粵三省與越接壤東西首尾山洞相連幾二千里叩關造釁莫可端倪要害與其勞費滋甚分之則患勢弱合之又恐防疏若及此時弭衅於外則自三江口以至海陽一帶東西僅數百里其西北境之宣光興化兩省現有該國副提督劉永福駐守以中國兵力爲之禦敵東京兵聚而力省以視防守滇粵之邊勞逸懸殊利害相遠然遽以兵屯禦河內則有啟釁自我之慮待其已變而始出境相援則有鞭長莫及之憂伏念越南爲我藩臣

及同治以來粵省疊次遵奉

諭旨爲之出兵助剿四夷所共知聞苟明示以綏藩之意則可直用其禦敵之謀願

皇上令總理各國事務衙門召集各國駐京公使並令南北洋大臣召集諸國領事秉公會議開示信義宣

列聖之寬大以動其心舉眾國之公法以破其詐各國公使暨領事豈無一二守正之人辨其曲直卽法人之狙猾亦豈願以失和棄好捐津滙各口之利源幸而從之則戢兵不用之術也苟其不從則法國啟釁之罪也曲在法國釁在法國則可以宣示其用兵之意而彼不得以爲藉口之端用防邊之力於關外

而我不受其害移防邊之師於江邊而彼不得議其爭一朝有警朝發夕至然後可以救護其東京而無失緩之慮也顧廣東自廉州而西白龍尾玉山門諸處海岸迂險非十日不能抵海陽又四五日始能至東京惟水師則自廉州冠山前發舟順風二三日可抵其海東府雲南之廣南開化雖與連境要皆其西北邊隅山谿險峻軍行難速若取道臨安府之蒙自由蓮花灘而南旬日始達其水尾等處又須八九日始至其東京惟自廣西入境皆可七八日達河內請以廣西兵二萬爲中路之師而廣東雲南各以萬人爲犄角若以廣東水陸之師自廉州而入雲南之兵出洮江而東而別以輪船守廣南順化港口斷其首

尾法人必無自全之理至劉永福籍本粵西為賊首吳亞終之  
黨後與黃崇英構隙臣在廣西巡撫任內曾於越使回國時言  
其可用以辦賊後果就撫為該國副提督曾以兵力拒戰東京  
今駐兵保勝州與滇邊河口相接應請

皇上密諭越王信用其人給其兵食並由臣等潛為聯絡喻以  
忠義亦可以效指臂而助聲威第滇粵三路之師相去千里行  
有遲速勢難刻期並進轉致疏虞非一其事權不能用命擬請  
皇上於南北洋大臣內

特簡一員駐廣西為之督辦廣東雲南之軍並歸節制庶幾事  
權歸一聲息相通東西並進乘勢赴機可無違律失機之慮如

南北洋大臣一時未便移動或卽

命兩廣督臣爲總統大臣其形勢較爲利便於調  
是否有當均候

聖裁自諸夷通商以來江海衝要皆爲所伺其未  
南一隅若其遂據越南進規滇粵則楚蜀之藩籬  
之外患益深事關天下大計臣等愚昧亦不敢不  
誠惟雲南自平定叛回以來土曠民窮財力殫絀  
境其未經勦撫之黨往往逃出西貢趨附法夷臣  
皆宜防豫舊制額兵僅復五成外惟練軍五千以  
尙形不足此次籌援出境務必增兵十數營方資

所出爲數較多相需尤迫應請

旨飭下現協滇饒各省源源撥解以資接濟勿復仍前延緩並  
飭四川督臣於現協各款外另行增撥若干按月籌解來滇庶  
可以充軍實而備緩急伏乞

皇上訓示遵行臣等才識淺闇中夜屏營芻蕘之見是否有裨  
萬一謹於奉到

諭旨後卽行遴委員弁潛赴沿邊內外察看形勢訶探消息並  
函達總理各國衙門及廣東督臣廣西撫臣咨詢情狀商度機  
宜俟接準各員弁稟報有無應先布置事件或接準總理衙門  
及粵中督撫函牘應如何會商協辦再行隨時密陳外所有臣



等遵奉

諭旨細審夷情豫籌防制各緣由謹合詞恭摺密陳伏乞

皇太后

皇上聖鑒再臣等片請留補用道員沈壽榕暫緩赴部並添調各員實因辦理邊務必資熟手又增募練軍之議亦因事機緩急難定不得不豫籌及此容審察情形陸續選募成軍後再行奏報合併陳明謹 奏



籲懇開缺就醫片

光緒八年正月二十六日

奏爲

微臣

舊疾漸加力難振作任期再滿念切瞻依籲懇

天恩賞準開缺就醫仰卽循例 陛見恭摺仰祈

聖鑒事竊臣於光緒七年三月二十八日曾將衰病乞休緣由奏奉

上諭劉長佑久膺疆寄辦事實心朝廷深資倚任該督惟當勉力從公以圖報稱所請休致著勿庸議欽此欽奉之下仰見天恩高厚

聖訓周詳感戴莫名悚慚無地維時

孝貞皇太后哀詔到滇未及彌月悲愴方切叩謁無從而區區

下忱更有不能自安者誠念

慈麻端佑康頤昭豫莊誠皇太后聖躬調攝遲報大安

皇上孺慕肫誠末由仰慰屬在臣子憂懼同深何敢自便私圖

再陳退志計自四月內續陳病狀以後欽遵

批諭加意調治至今又將一載祇冀精神稍振日不足而月有  
餘何期智力俱疲老將至而耄先及雖公事尙無貽誤而病軀  
實未復元方計本年夏初重逢任滿或得入都展

覲伏 闕陳情乃甫屆新春舊疾叢發肩背作痛牽連右臂右

骸行步拜起動輒爲難加以去秋咯血旬餘脾陽未復痰嗽不  
安數易醫方迄無成效似此衰病加甚未敢再事因循竊臣謬

以菲材沐

三朝之知遇

溫論鑒萬田

強幹之員

尸位素餐

恩負答是以

皇太后

皇上俯鑒

賞準開缺

軫念邊省

疆

身簡賢員來滇俾臣早日交卸回籍就醫則暮景桑榆皆出自生成之德即邊氓禾黍亦孰非

迪簡之恩臣之愚忱非徒私計若以言為過慮力可勉為現當述職之期彌切趨

朝之願伏乞

聖恩賞臣

陛見庶幾衰羸情狀近邀

臨照之光亦且遲暮年華重慰就瞻之志臣無任欣感待

命之至所有微臣舊疾漸加力難振作任期再滿念切瞻依願

恩賞準開缺卸即循例

陛見各緣由謹恭摺具奏伏乞

皇太后

皇上聖鑒訓示謹奏

室正惟公名信之卷二二二

フ



特參掩捕匪首踰限未獲員弁片

光緒八年四月十二日

再廣南府屬逆首王澤寬負嵎拒捕經官軍擊破巢穴驅除黨眾該逆首乘間竄逃比經檄飭署開化鎮總兵鄧榮升會督廣南府知府庭中杰廣南營參將穆文陞酌派得力官兵紳團探蹤掩捕務獲究辦於上年六月初八日 奏奉

諭旨著卽飭令該處地方官迅將逆首王澤寬嚴拏懲辦毋任漏網等因欽此均經轉行欽遵辦理去後嗣據署開化鎮總兵鄧榮升等稟稱逆首王澤寬日久逃匿疊經委帶兵團分投探捕未能得手先後請委在籍之儘先補用副將李朝相鶴麗鎮左營守備儂興忠等協同廣南營參將穆文陞千總馬應麟等

懸賞購線設法捕拏並經勒限兩月務獲解案至本年正月勒限已逾復據該總兵轉據該將等稟稱探悉匪首王澤寬尙匿暮雨竜紅石巖各處地方該處夷民素畏該逆首威力互相容隱加以地僻路歧搜捕不易尙須就中添雇夷線合力圍捕免致遠颺等情臣等以該總兵所稟尙係實情姑照所請稍展限期責令不得再延致干參究乃該將等罔知愧奮期限久逾逆首未獲仍敢藉詞搪塞實屬疲玩無能雖據聲稱現在舊莫地方按獲該逆同逃親屬數人亦尙未據解案究辦亟應治以玩延之咎由該總兵鄧榮升稟參前來臣等查該府營辦理王澤寬一案初則遽施攻擊繼則輕聽招安迨該逆勢窮逃匿責令

捕拏該守將等又復各懷意見相率推延期限屢逾逆首尙難  
獲案實屬咎無可辭相應請

旨將雲南廣南府知府庭中杰廣南營參將穆文陞廣南營左  
哨千總馬應麟先行摘頂撤任並將補用副將李朝相鶴麗鎮  
左營守備儂興忠摘去花翎以示薄懲仍勒限兩月如能將王  
澤寬捕獲解案究辦卽當據實奏懇

恩施倘仍前遲逾應將該總兵暨該守將等一併從嚴參處是  
否有當謹附片具 奏伏乞

聖鑒訓示謹 奏

--	--	--	--	--	--	--	--	--	--

東南兩迤防捕大概情形疏

光緒八年四月十二日

奏爲滇省東南兩迤現辦防捕大概情形恭摺陳仰祈  
聖鑒事竊臣等前以雲南邊郡伏莽本多更有會教各匪暗相  
煽惑易生事端奏請增募練軍數營以資防捕在案伏查滇省  
東南皆與越南暹羅南掌各國連界首起臨安次則開化又次  
則廣南以次而東接於廣西鎮安泗城所屬州縣土蠻錯立回  
漢雜居疊據署臨元鎮總兵黃仁遵臨安府知府劉毓珂稟稱  
納樓土族普應昌抗不遵調負嵎逞強當經派撥弁兵前往掩  
捕該土族敗竄紅木沖箐等處搜捕未獲越南土匪朱二韋三  
等攻陷莫邊府猛萊州等處與臨安沿邊之猛蚌猛梭及槁吾

地方逼近該處夷寨不免驚惶署開化府知府蕭錫齡稟稱越南土目李相盤踞馬白關外之馬鞍山窩留有罪賊殺無辜六社土日莫敢與抗邊民團練終日防堵有礙農功並有土匪干汝朝搶殺多人築營自衛廣南府知府庭中杰廣南營參將穆文陞稟稱越南土目阮亮聚黨復仇鉤連山西省之張劉二頭領往攻保樂並分股占據邕丹地方等情臣等恐該各郡屬人心不靖滋生事端當飭候補道沈壽榕前赴臨安就地選募練軍八營以資調遣旋據沈壽榕及委查邊務候補州同陳晟文先後稟稱陸之平匪黨在太原水巖等處經廣西官軍分剿擊破悉向西南山洞逃竄臣等查該匪等所竄之地皆鄰滇邊至

阮亮所踞之河陽卯丹距廣南之普梅汛僅二三百里李相所  
踞之馬鞍山距開化之馬白汛僅十五里其朱二韋三等所攻  
之猛萊及所踞老撾地面皆與臨安之納更卡吾土司及猛蚌  
猛喇猛烈諸土舍南北毘連並聞有餘匪散練會教各匪潛入  
上屬夷落勾結情事該道新募練軍一時尙未齊集不敷分布  
請將原設練軍酌調數營擇要分防相機兜捕等情臣等查該  
各郡屬防捕正在喫緊先由普洱東川抽調練軍兩營並由省  
城續撥練軍兩營爲移緩就急之計惟念省城內外鎮撫亦關  
緊要不得不再募練軍四營遴員督帶駐省操練以資巡防並  
備東南策應之資臣等伏查雲南前因饟需不足議復制兵五

成僅敷城守汛防巡邏之用卽設立練軍十四營分駐各郡亦  
僅備尋常緝捕屯戍之用合計兵力本較他省爲最少而分給  
饟糈亦較他省爲最輕如其久戍窮邊尙須酌量議加以示體  
卹又滇省從前討平各匪多用民團土練其軍裝礮械亦多就地  
製備本不及他省之精良年來整舊添新亦僅敷尋常操防  
之用今各項皆須購製費已不貲而沿邊各屬城堡碉卡又須  
從新補修一切經費勢更難省若不及早籌措有著之饑緩急  
莫恃關繫匪輕現據善後局司道詳稱滇省年來辦理善後一  
切需費浩繁而各省協饟解到寥寥早已入不敷出現又增募  
馬步兵十二營每月官弁薪水鹽菜口糧及月操軍火其需銀



二萬零五十九兩又應製旗幟號  
計銀二萬四千八百四十五兩總  
五千五百五十三兩此外應行修  
舉行所需工費一時雖未報齊約  
核均係實在情形無論如何撙節  
欽奉

諭旨著由四川官運局每年撥銀  
誦之下莫名欽感雖照局詳核計  
源撥解滇省力求撙節在目前或  
加察核應否添撥再爲據實陳請

大雖經奏奉

諭旨飭部咨催至爲嚴切而各省事局並處其難或竟未能兼  
籌此又臣等所不能不深慮者四川督臣丁寶楨素顧大局於  
協滇各款籌解較勤此次部撥加多而滇省相需尤迫相應請  
旨切諭四川督臣將現擬之款與原撥各款一併如數籌解勿  
以力難兼顧盈此絀彼致實用仍有匱乏之虞其各省歲協新  
饟常饟本以濟制兵舊練所需亦不得任意推延庶可以贍邊  
腹之軍而備緩急之用臣等愧乏良籌遇事上煩  
宸廑下累友邦撫衷實有不安第以事會所乘智力俱竭不得  
不據實瀆陳除遵

旨咨催四川官運局撥協軍餼及一面趕緊增募練軍分屯邊  
郡另行咨報外所有滇省東南兩迤現辦防捕大概情形理合  
恭摺具 奏伏乞

皇太后

皇上聖鑒訓示謹 奏



密陳法人情形片

光緒八年四月十二日

再法人謀佔越南北圻通商雲南<sub>臣</sub>等細審夷情豫爲控制一摺奏奉

諭旨該衙門議奏欽此<sub>臣</sub>等以邊防緊要於前摺拜發後卽委候補道沈壽榕招募練軍前赴沿邊各郡擇要布防並督同地方文武及隨營委員商辦備禦事宜疊據稟覆漸已就緒旋準總理各國事務衙門咨鈔議奏雲南增募練軍一節自應責令卽行認真辦理會同粵省聯絡聲勢並隨時咨商南北洋大臣通籌熟計總期於滇越接壤要區水陸兼防屹然成一重鎮又添練防軍亟應寬籌餉項應由戶部酌籌有著的餉俾資接濟

均奉

旨依議欽此等因臣等伏查法人侵噬越南釁非一端蹈瑕抵隙不奪不止該國君臣積弱已久勢不能支臣等前摺是以有三路合剿之議而事會遷延陰謀日亟彼族兵輪火器已陸續由海防馳入東京當卽函咨廣西撫臣慶裕遴員往催劉永福迅旋保勝汛地並委通判韋勳承開道前往現駐諒山黃桂蘭軍營確探永福行止聯絡聲勢去後三月二十六日沈壽榕稟稱蒙自縣之廣商接得東京飛信法人於初八日已將東京攻破該處官兵多有傷亡又於十五日行牌北圻各省聲稱安撫民人刻下商船未敢前進等語核與委探候補知府陳之梅先

後來稟大略相同臣等以法國兵已深入滇邊備禦尤宜加嚴當由省城內外抽撥練軍數營馳赴臨開等處以資厚集並卽派員增募練軍數營駐省操防兼備策應均經行令該道及各鎮府遵照去後本月初五日奉到

上諭慶裕奏法人圖佔越南北圻意在侵軼滇疆請飭豫爲籌備一摺法人冀由越南以達滇省覬覦通商之利自在意中該省防務較粵省爲尤要亟應加意綢繆以期有備無患該督撫務當先事防範不得稍涉大意法人如果由保勝窺滇並著酌量情形妥籌因應期於固疆圉而杜釁端原摺鈔給閱看將此由四百里諭令知之欽此欽奉之下莫名感佩敢不悉心籌畫

以紓

宵旰之勤惟疆圉之固在臣等之實力經營弊端之生由彼國之狡謀變詐查西夷通商自沿海各口外其長江一帶口岸已至宜昌相距滇境僅夔涪瀘敘之隔若於雲南再設口岸則已據岷江上游窟巴蜀南境與江漢各口聲息相通如僅營謀商販貪採洞礦所奪者不過一時之利所蹙者不過滇民之生苟或規取形勝拊楚蜀之背而興江海之戎則長江三千里屏蔽已去關係大局良非淺鮮故以今日之上窺紅江而論當其衝者惟一雲南以他日之進謀川省而論受其病者更不獨兩粵也今廣西出關之防軍南至太原而無救於東京之破酌撥沿



海之兵輪往彼游弋而尙遲於瓊海之行彼已威脅越人計收保勝是控制之術已無可言而因應之方正宜豫定擬請

皇上飭總理衙門與南北洋大臣熟審機宜折衷

宸斷應如何剛柔互用與拒隨宜俾臣等確有遵循便於因應如一時議無定局而彼族遠徧邊關察其情詞尙無暴慢則當告以未奉

朝旨不敢擅專倘迹涉憑陵意存要挾則惟有淬厲士卒與之力持不令入關一步此臣等所爲因應者當否伏候

聖裁昨初八日沈壽榕稟稱有法人數輩欲由臨安元江至大理騰越以入緬甸該處漢夷土民紛紛議論志在拒絕請示如

何辦理前來當飭該道均應查驗護照是否相符分別放行攔止其地方士民議論紛紜雖皆出於義憤亦當諭以條約宜守不得率意徑行該道歷練頗深自可審度事機妥爲辦理所慮法人蓄謀已非一日其尋衅亦必多方臣等洋務生疏於洋情亦多扞格與之力爭抗辯固慮易起衅端卽或曲意婉商亦恐難弭衅隙現在法人未入北圻我軍因地布防彼自無可藉口若法兵旣取保勝我軍畫疆設備彼必從而生心故就目前局勢而論祇望黃佐炎能保北甯劉永福能守保勝我軍卽可分道並出如前摺覆陳所云則固圉綏藩可期兼顧且不須力戰但與久持而法人自必知難而退矣此又臣等所爲杜衅者此

外則非愚蒙思慮所能及仍祈

聖明裁奪飭下該衙門該大臣等速議請

旨飭遵

臣

等無任籲禱之至除增軍備邊各事宜另摺縷陳外

所有遵

旨酌量情形實力妥籌各由謹合詞附片密陳伏乞

聖鑒訓示謹 奏



瀝請修覲片

光緒八年四月十二日

再臣前將舊疾漸加力難振作任期再滿念切就瞻等情奏奉諭旨雲貴地方緊要該督任事有年素稱得力著將應辦事宜認真整頓不必來京陛見所請開缺著勿庸議欽此欽奉之下感悚莫名自應慎重地方力求整頓何敢固執前請上瀆

聖聰然區區下懷仍有不能自己者前請開缺請

陛見因病而請實因地方而請因病勢加重而請實因地方緊

要而請也臣之病始於廣西任內而實增於雲貴地方憶臣受

任雲貴之時軍務甫平人心初定辦理善後種種為難皆在

聖慈洞鑒之中臣力疾從公與兩省撫臣暨各司道悉心籌辦

於地方庶事幸無貽誤唯臣病則日復一日有加無已今且漸  
成篤廢而地方情形較前更爲緊要若再戀官尸祿於事局未  
能整頓臣罪無可逃其如地方何也竊臣賦質本健性尤耐勞  
督軍十年居官廿載自問才力百不如人惟不敢愛身不肯避  
事初心如此老猶未衰至若病已近於疲癯痛復切於手足一  
思慮則舌乾口苦一行動則氣喘痰鳴此同城文武所共見亦  
兩省軍民所共知者也若竟因仍怠廢臣心既有所不甘如欲  
奮發有爲臣力實有所未逮是以中夜磅徨罔知所措未敢固  
執罷休之請猶思一伸展 覲之懷也緣臣自同治六年蒙  
恩陞見以後迄今十有五年依戀之忱歷久倍殷亦至老彌篤

而地方緊要事件更有不能盡宣諸奏牘者現在兩省人民尙稱安靖滇省東南兩迤防捕事宜均經遵

旨會籌委員妥辦部署漸臻周慎合無再懇

天恩準臣循例修覲得邀

慈鑒藉展愚忱如蒙

皇太后

皇上察臣年力尙堪有爲於緊要地方不致貽誤則

恩命飭回本任仍當策蹇來滇勉圖報稱計程往返不過半年  
倘荷

聖明答臣旣衰憫臣無用俾釋邊疆重寄不令晚節終虧或別

資差使俾駕輕無僨事之虞或暫許養痾俾愈後備將來之用  
則臣桑榆之晚景悉出自

高厚之曲全感戴

鴻慈曷有涯涘謹披瀝瀆陳伏乞

聖鑒訓示謹 奏



遵旨通籌相機弭患疏

光緒八年五月初五日

奏爲遵

旨通籌相機弭患宜速定計各緣由恭摺覆陳仰祈

聖鑒事竊臣等於拜發前摺後甫四日卽奉到三月十五日

上諭總理各國事務衙門奏法越兵端已起亟宜通籌邊備以

弭後患一摺據稱張樹聲函報二月十四五等日突有法國兵

船由西貢駛至海防聲稱攻取東京等語越南孱弱已甚果法

人意在併吞該國萬難自全北圻各省與滇粵毘連若法人盡

占北圻則藩籬盡撤後患將無窮期惟事體重大應如何策出

萬全之處著就現在情形參以該衙門所奏再行通盤籌畫悉

案正惟公自奏 卷二十一  
三  
心受議迅速覆奏候旨施行法國意在由富良江通商雲南保  
勝一帶實扼要之地防務尤緊著劉長佑杜瑞聯懷遵慶次諭  
旨嚴密防維相機因應以杜窺伺而固邊疆等因欽奉之下仰  
見我

皇上備豫不虞謀定後動之至意卽應欽遵迅速覆奏迨細閱  
總理衙門原奏所議與一等前摺意見大抵相同又以越國自  
三月初八日失東京後尙無緊要探報情形有未周知是以未  
卽覆陳一切連日接據統領防軍候補道沈壽榕轉據查探邊  
情委員候補州同陳晟文候補知縣王德中等稟稱探聞法人  
破東京後退駐輪船每日添兵並潛招羣盜懸賞五萬金購劉

永福十萬金取保勝州又法領事於破城後至商政衙門劫掠一空傳文知照各商出入貨稅另有新章現仍調取陸軍造成拖解爲西取保勝之計現在越王派兵部侍郎陳廷肅接署河內總督遣吏部尙書阮正等抵山西與黃佐炎等等商事件各省巡撫布按大半同黃佐炎劉永福之議願與決戰連日調取保勝各營軍械東赴山西等情嗣復得廣西撫臣慶裕先後畱寄統領防軍提督黃桂蘭報稱劉永福馳赴山西與統督黃佐炎等商畫禦敵之策道經諒山來見該提督曉以忠義感激奮發據稱分兵赴北甯助守保勝有伊防軍萬不使法人得逞惟兵力不足望

天朝爲援其河內探報云法人恐援兵猝至當釋所獲之河內  
巡撫交還城池倉庫巡撫不受稱法人違約弄兵以死自誓乃  
轉交該國按察使宗室阮霸復將東京城用火藥盡行轟毀以  
免越人復聚且省兵力分守其輪船或東下海陽或分駛廣南  
西貢俟添兵既集從事上游等情臣等伏查法人已焚掠東京  
狡謀操縱越南諸臣決計主戰亦熟審利害之見山西爲上通  
雲南扼要之地該國官軍能於該省悉力抵禦微特滇粵邊防  
可保門戶卽越國大局亦尙有振興之期而粵督與總署所議  
區畫北圻一策更可乘勢早圖以杜窺伺然越國受制已久人  
心惟怯此次決戰山西期於必勝稍有撓敗不堪設想蓋該省

有失則法人西入三江口不獨保勝無復障蔽而滇省自河底江以下皆須步步設防益形勞費且越臣主戰者雖多而中無所恃必有疑懼之意改圖和議一授以保勝則滇邊接連通商之議自此曉曉或進至興化則法人氣驕敗逃之將更難處置以事機而論中國有萬難坐視之處且不可待山西有失始爲事後之援臣等至愚亦以前摺尙未奉到

批諭不敢輕動但令沈壽榕於戍邊各營酌撥隊伍往來該國境上遙爲聲援並令沈壽榕查看竄近滇邊土匪情形分派兵練前往擊捕以爲出師進規地步藉以固彼人心壯彼士氣如該國附近滇邊各省前來乞援擬卽查照廣西防軍移紮北甯

之例進駐宣光興化兩省爲遠防不如近堵之計且可隨時策應就地規畫一如總理衙門所奏不可坐失事機以成不可收拾之局侍講張佩綸所奏扼險以伺利便當否仍候

聖裁臣等現仍函致廣東督臣將原議區畫北圻詳晰見覆並函告總理衙門以滇省不可通商情形請斟酌機宜據實陳奏爲先定之謀又函詢廣西撫臣以劉永福與該國經略等商議之策已否有定並約招降陸之平等以免外叛滇粵兩軍當聯絡聲勢之意一俟得有機要卽當奉

命出關不敢稍涉遲疑以致貽誤總之非滇粵併力以圖不能救越國之殘局非水陸同時並舉不能阻法人之貪謀非

聖心決策於先不能收捍邊保小之實效臣等於初覆奏摺內已縷陳之惟

朝廷迅賜裁示前張佩綸奏稱滇粵邊防宜責粵督治水師爲奇兵廣西雲南治陸師爲正兵扼險以伺利便其時法人尙未興兵而先事之防若彼今河內旣失法人出入海防如涉無人之境苟欲區畫北圻先杜窺伺非移水師巨艦於安邦神投海口不足以爲控制而昨接兩廣督臣張樹聲來函云東省輪船祇能駛行淺洋擬購備新式堅船而庫儲匱竭尙須籌款集事臣等竊意二十年來購製輪船鐵甲原以備緩急之用今越南之安危決於旦夕尙待籌款購備何以拯目前之患乞

皇上敕下津滬浙閩各口輪船分撥瓊海前赴該國以期爲指  
臂之助或卽如張佩綸所奏與越人相聯絡以遙爲兩路聲援  
簡擇銳師揚旌渡海則法人亦當有投鼠之忌此臣等之所望  
定於

聖斷者也至滇省爲緬掌貢道與越南向無交涉事件視廣西  
之使命常通者有閒卽以現在防軍而論臨安開化各邊與該  
國東京太原相距甚遠惟保勝與河口僅一水之隔而劉永福  
久未回營臣等屢經委員前往開諭該營將弁不得要領且臨  
安自蠻耗以下開化自古林箐以下巉巖邃谷種夷雜居草木  
盛長溪深水熱煙瘴鬱蒸道多蠱毒士卒居止輒嬰癘疾將來



進紮於該處水土未審能否相宜若

聖裁已定三省出規北圻則滇兵擬由廣南之者賓汛開化之馬白汛等處南出宣光或者瘴癘稍減庶於粵軍有輔車之勢而該國得以收借一之功且法夷孤軍深入四面皆敵自用兵阿非利加以來中實疲敝其忽攻忽輟實以觀中國之進止但得

皇上赫然奮其威怒以三省水陸之兵入該國北圻屯駐助彼聲威必將乘我釁之未開與越人爲改盟之計抑或慮彼疆之終梗於滇邊寢通商之謀杜窺伺於無形固邊疆於未擾不獨邊軍不至於戰卽邊地亦不勞於防推測夷情灼然可見乞

皇上俯賜察奪爲先機弭患之謀臣等才識庸愚智慮短淺屢  
奉

聖明垂問反覆詳思亦更無遙制之方出奇之策除飭令沿邊  
各軍嚴密加防悉心布置及甯商總理衙門兩廣督撫臣外謹  
將遵

旨通籌相機弭患各緣由合詞恭摺具奏伏乞  
皇太后

皇上聖鑒訓示謹奏

派軍出關片

光緒八年五月初五日

再<sup>臣</sup>等正在繕摺聞復於五月初四日承準軍機大臣字寄四月十四日奉

上諭法人圖佔越南已攻破東京又將城池交還南官意殊詭譎恐復用佔據南圻故智修改新約迫越南以必從事機甚爲緊要張樹聲所稱中國備兵之策惟有令滇粵防軍守於域外仍以剿辦土匪爲名藉圖進步卽當乘時合力經營毋落後著廣東兵輪各船應剋期整頓出洋藉壯聲勢前諭劉長佑等增軍備邊該督等諒已辦有就緒保勝一帶防務最爲緊要所有籌防各軍卽當選派將領統帶進發扼要分布遙爲聲援毋僅

作閉關自守之計欽此欽奉之下仰見

聖謨廣運無遠弗周臣等此次覆陳早歸

洞照之內伏讀至再欽佩莫名當卽恭錄分飭在防各軍去後  
竊思法人詭計在於全佔越南北圻以侵滇粵邊境此時劉永  
福抽調保勝防軍分布興宣各省足扼其前廣西關外援軍進  
紮北甯諒山足躡其後法人進退已失其機所慮永福勢孤未  
能挫其凶燄粵軍深入無以資其應援若遵此次

聖諭再以廣東兵輪駛至欽瓊一帶或更游奕於海口河內地  
方用助下游聲勢以雲南防軍出關扼要分布遙爲上游聲援  
則在我有首尾相顧之能卽在彼有腹背受敵之慮法人知難

因而見阻意中事也否則轉爲要挾之端宜思豫防之計何以言之緣廣西官軍頻歲出關以赴越人之急早爲法人所知若廣東雲南之師同時入越向所未經雖皆有詞可託難免法人滋疑至向總理衙門往來詰問藉以要求亦意中事應請皇上飭下總理衙門嚴詞峻拒遏其陰謀務使智力俱窮內外無閒乃爲善全之策臣等拜摺後遵於在防之新募練軍十二營內議留四營分守邊要以八營馬步調集一路另派得力將領統帶出關假會勦域外土匪之名爲先佔北圻上游之計至其駐軍處所保勝一帶本爲要區但與河口地方僅一水之隔節短勢促展布未能自如且與前敵之越軍難於策應與下游

之粵軍難於接連然遠長驅直入與興宣越軍相為犄角與太甯粵軍互為聲援則距邊太遠轉運維艱又與河口等防軍呼應不及均非所宜臣等現惟切屬出關將領在於適中之地便於兼顧之間審度情形以規險要惟是出境禦侮沿邊設防計非厚集兵力不足以彰

國威查雲南練軍章程前經臣等議定以三百七十五員名為一營卽十二營計之尙止四千餘人合之已不爲多分之更形其少且防則自開廣以達臨普各郡沿邊近二千里山川雖險路徑紛歧留駐四營不敷分布而派出關外八營亦恐兵事一交尙須加隊援應不得不豫爲之謀臣等再四籌商擬再增募

練軍八營及時訓練用備調遣是否有當謹附片密陳伏乞  
聖鑒訓示謹 奏





遵 旨陸見片

光緒八年六月初十日

再臣於前次續陳病狀不敢固請退休重乞 恩施俯準進京

展覲一片於五月二十二日承準軍機大臣知照奉

旨留中欽此旋於五月二十八日欽奉

上諭劉長佑著來京陸見雲貴總督著岑毓英署理欽此同日

又奉

諭旨本日已有旨令劉長佑來京陸見岑毓英署理雲貴總督  
劉長佑著俟岑毓英到任後再行來京欽此欽奉之下感激涕  
零伏念臣再起田閒歷官邊省述職之期逾數次

覲光之志未一伸雖身繫夫疆陲久神馳於

闕下况值病軀未愈頻年之積苦莫名何期

聖鑒無遺萬里之孤誠若揭幸入都之有日欣接任之得人此  
蓋伏遇

皇太后

皇上推如天愛物之仁曲成不遺夫薄脆

法惟帝知人之哲善任尤重夫遐荒如岑毓英者年力正強情  
形最悉以爲臣代不啻易朽木以堅材而人地之宜又若駕輕  
車於熟路且其聲威夙著遐邇咸孚又不獨邊務之相需臣心  
之竊慰也臣一面片備函牘咨催岑毓英迅速起程來滇接任  
仍一面將沿邊防捕事宜妥爲布置不敢稍涉大意以期仰副

宸廛惟臣病正在調理聞於前月內復感外邪引動脾痰肝風發爲頭目暈眩肢體酸疼之症時以邊務緊要力疾辦公未敢請假調治月餘以來頭目漸清肢體痛減而左臂舊患如常右骸大筋疲輒行坐拜起尙需扶持擬俟岑毓英到滇交卸篆務定期就道釋重肩以調養稔苓當易見功仗福庇以遒征寒暑或難爲厲但得經時漸愈即可按站前行趨叩

闕廷跪聆

聖訓所有

微臣

欽奉

恩諭實準來京

聖鑒謹 奏  
陛見及感激下忱謹附片具陳伏乞

耿馬土族安插妥竣疏

光緒八年六月初十日

奏爲耿馬土族爭襲構釁遵

旨派員會同地方官前往畫界安插業已辦理妥竣在事出力  
官紳士職可否分別給獎恭摺覆陳籲懇

天恩仰祈

聖鑒事竊臣等前將雲南順甯府屬耿馬土族罕榮高罕恩慶  
句結野夷爭占土城先後撥兵防捕委員解散並現籌辦理情  
形奏奉

諭旨覽奏均悉卽著劉長佑等派員會同地方官將畫界安插  
事宜妥爲籌辦務使各安生業永息爭端倘仍敢抗違滋事卽

當懾以兵威以期一勞永逸母稍遷就欽此欽  
查罕榮高雖經退回猛角而罕恩慶尙據遮溝  
日久必生事端當卽於光緒七年八月札委雲  
鏡帶同候補知府余澤春候補鹽提舉方士銘  
燾試用鹽大使鍾肇貴前往順甯府督同該府  
暨土目等到案推誠剴諭務令釋去前嫌分給  
俾各遵守以期久安飭令就事妥籌辦理去後  
熊昭鏡稟稱遵札帶同各委員於十月二十八  
商同該府知府周範出示開諭一面札調該土  
案殊該土司罕榮高罕恩慶等藏匿不出因飭

鍾肇貴周炯持諭徑赴遮邁查辦復被該土族等嗾令野人在途攔阻該道慮聲息不通反滋疑畏因覓遣土夷等爲之先導隨派同知郝映奎通判謝光燾並調永昌紳士分省知府段朝元等分途馳赴直至臘月初旬始齊抵遮邁往返勸諭無如罕榮高不通漢語被罕恩慶愚弄一切均任其摒擋並調派犴狴野夷千餘人隨護恩慶於臘月底出至遮邁經委員等嚴加訓斥該土族罕恩慶尙恃眾強矯語涉驕恣該道隨派順甯府知府周範候補知府余澤春帶同候選州判熊承鋆右甸經歷韓銑以及差弁等星夜繼進動以禍福危言並查得耿馬西南極邊另有地名四圈地係罕氏祖母所得木邦賠奩不在九猛十

三圈之內當許給與此地諭令遵照安插詎該土族罕恩慶總以分應承襲希望甚奢竟不聽示諭率黨直回猛董而去時值臘盡春來瘴癘漸盛該印委各員深入夷地染受瘴疾隨從人等多有病亡勢難久駐該土族亦恃春夏瘴深故意狡延該道因勉諭各員苦力堅忍並念恩慶所恃者惟一榮高而榮高不通漢語所寄示諭皆被恩慶攔截隱瞞適訪得榮高素所信服之內戚一人因詳書諭帖旁註夷字令其賫往密付榮高並切爲開導榮高始如夢覺知爲恩慶所弄當卽遣派親信頭人齎稟前來請罪該委員等卽以榮高所佔遮邁爲耿馬土城扼要遮邁不復則耿城不安當飭令榮高分出遮邁作爲安插恩慶



之地後再令該土司罕榮陞以四圈地與恩慶易回遮邁榮高旋卽親出情願遵斷退出遮邁與該土司罕榮陞以擋壩河爲界維時罕恩慶聞罕榮高已聽安插自知孤力無助亦卽奔出遮邁哀求鄰封代呈情願安插遮邁之地該土司罕榮陞當以前議四圈地與易遮邁亦各歡欣聽從並邀同鄰封出具永安切結隨卽派知縣蔡之模伍春濬履勘繪具圖說明立規條刊刻界碑並出示綏輯流亡三數日間移歸耿馬土城及猛撒者已六百餘戶該道卽飭令各委員帶同各土司及罕榮陞罕榮高罕恩慶齊抵順甯親申誥誠分別犒賞發給罕榮高執照暫令管猛角猛董及毗連野夷之滲短地方與該土司罕榮陞以

欽定四庫全書  
欽定平定回疆方略卷一百一十一  
三十一  
攬壩河爲界所有土司年納順甯府差發銀兩令其均攤各自  
赴郡呈繳並載明俟五年後委實相安再行詳請奏咨給予土  
把總世守職銜至罕恩慶分插之四圍地飭由耿馬土司給與  
執照並載明該地人民服管不服調等語仍責令與該處附近  
之孟定鎮康兩土司隨時約束俱各遵依帖服取具該土司土  
族及鄰封土司切結具報前來臣等伏查耿馬罕族構釁多年  
微特白相魚肉邊民亦遭蹂躪前經撥兵防捕雖各畏罪退回  
惟該土屬毗連外域中雜野類難保不潛匿勾結滋生事端此  
次經臣等遵

旨派委迤西道熊昭鏡督同印委各員前往妥籌辦理該土族

始雖私存奢望未遽聽從繼經該道相機開導亦卽各受範圍  
悉聽畫界安插邀同鄰封土司出具切結永保相安辦理尙屬  
妥善惟念該員等身入夷地時逾半年當此春深瘴發各能堅  
忍疾苦竭蹶從公卒使安插事宜一一辦理完竣以靖邊圉而  
息爭端不無微勞足錄所有在事尤爲出力之二品銜雲南池  
西道熊昭鏡等另繕清單恭呈

御覽俯準分別獎勵用昭激勸其次先後在事防捕安撫出力  
官紳士職及受瘴病故隨從人役可否容臣等查明彙案酌請  
獎卹之處均出自

逾格鴻慈所有安插耿馬土族辦理告竣各緣由謹合詞恭摺

御正世之...

具奏伏乞

皇太后

皇上聖鑒訓示謹奏

三五

遵催防軍出關疏

光緒八年六月初十日

奏爲遵

旨飭催道員酌帶防軍出關進紮相機應援並審度現在情形暫緩增募各緣由恭摺具陳仰祈

聖鑒事竊臣等於五月初五日曾將欽奉

諭旨擬撥防軍八營另派將領督率出關並擬增募練軍八營補防邊境等情附奏在案當飭統領防軍候補道沈壽榕就現在邊防各練軍內審度形勢於何處抽調何營由何路進取駐紮何處速籌稟覆聽候核辦旋據沈壽榕稟稱滇越毘連東西首尾近二千里以開化府爲適中最要之地臨安廣南兩府次

之山川雖險道路雜出除山深徑僻漢少夷多煙瘴盛行地面  
另委熟悉夷情之參將尉遲東曉顏雲芳等深入夷寨選集丁  
壯量修碉卡酌給鹽糧督飭自爲守禦外其道路最熟商販往  
來之處如開化府屬之河口古林箐馬白汛賭咒河木廠江銃  
董幹各隘以總兵金仕耀李嘉谷游擊劉奇義所帶三營分紮  
廣南府屬之普梅者寶各汛以總兵王維金參將岑自新兩營  
分紮臨安府屬之蠻耗水田窰頭及臨開接界之新現塘橋頭  
砦大窩子各隘以游擊龍文藻李雲知縣李豔枝三營分紮又  
以游擊李洪茂所帶馬隊一營分巡沿邊各路偵探動靜副將  
蔣啟綱一營駐臨安府城用備緩急策應此因地設防分布練

軍之實在情形也昨奉前因飭就現防之練抽調出關之師卽以新募之軍添紮舊防之處是應遵照調齊及早進取惟新募者刻未開招出關者期難久待若必如數調出深恐邊地空虛轉非慎密設防之策茲就各防軍內先撥駐紮蠻耗之龍文藻一營由河口汛而出沿邊巡探之李洪茂馬隊一營由馬白關而出均赴保勝前路扼要駐紮以爲出關前隊此後如何抽調應否增募以益兵力仍候裁酌示遵等情前來臣等細思調出之軍實形不足留防之軍亦非有餘必如原議以兼資卽應及時以增募第增軍不難增饗爲難現在各省原協之饗多係虛懸川省指撥之銀亦難速到若使邊情緊急原不敢意存節饗

率議減兵而疊據探報法人攻破河內省城旋即退還頃兵  
口日與南官聚議四月下旬雖有輪船數艘駛至山西對岸  
在窺探亦無舉動隨即退還下游等情是其主戰主和雖無定  
局而法則退舍以求成越則嚴兵以扼要審度時勢已視從前  
稍鬆臣等前請增募八營除業經檄委臨安府紳士分省補用  
知州王嘉樂楊蔭奎二員照章各募一營外所餘六營不得不  
暫緩開招以節餼精查現在留防之軍雖非有餘而視調出之  
軍已多數倍當經批飭沈壽榕加調防軍二營相繼出關即以  
王嘉樂楊蔭奎二營由沈壽榕就近調赴防所補紮舊營復於  
近省現駐練軍三營內抽調副將謝敬彪一營由開化之古林



籌南西嶺出禁越境館司地方與前派由河口馬白出禁之馬步兩營接連聲勢又先據善後局營務處司道會詳越南北圻水道四達宜江以上灘險天成非得水陸之軍相輔進禁不足以應事機而資捍蔽擬請於三岔河口創造水師一營先踞上游擇要分泊隨時操練等情當經選派熟習水師之總兵鍾九如及得力員弁隨帶匠工礮械前往試辦倘有端緒計先後調派出關之軍馬步水陸共有六營雖視原議尙少兩營而以現在時勢揣之兵力已不爲薄惟是提兵出境大局攸關雖以捕盜爲名而地非熟經事同創舉必須布置盡善於人地始克相安尤須因應得宜於事機乃無貽誤正擬商派沈壽榕親督各

營出關進紮承準軍機大臣字寄五月初二日欽奉

上諭卽著飭令道員沈壽榕帶兵出境與廣西官軍聯絡聲勢以勦辦土匪爲名保護越南卽所以屏蔽吾圉欽此遵卽恭錄飭催沈壽榕剋日出關帶領各營於保勝以前適中之地擇要分紮並須開諭越國以釋猜疑聯絡粵軍以彰聲勢刻下法人雖無動靜而夷情詭秘瞬息不同未可稍涉疏虞將來應否添調防軍增募新練一俟察看緩急酌量行止仍將到越籌辦情形隨時密稟以憑奏報用副

朝廷軫念邊疆綏植藩封之至意再查雲南原設練軍章程本爲裁減制兵五成卽其糧餉以資供給月支銀米合計銀一千

六百兩雖視他省練軍章程未免減少然於無事之時常駐之處尙堪敷用一遇征調不得不酌加行糧厯辦有案此次調赴關外分駐邊隅多係瘴癘之鄉荒僻之處食用所需倍形昂貴當由善後局詳照前章於到防日起除常支饟銀外每營每月加給饟銀五百餘兩以示體恤合併陳明所有遵

旨飭催道員酌帶防軍出關進紮相機援應並審度現在情形暫緩增募各緣由謹合詞恭摺具陳伏乞

皇太后

皇上聖鑒訓示謹 奏

卷之二

四

邊患已深事貴豫籌片

光緒八年七月十九日

再<sup>臣</sup>等於六月初十日將遵

旨飭催道員酌帶防軍出關進紮相機應援並審度現在情形暫緩增募各緣由恭摺具陳在案旋於十二日承準軍機大臣字寄光緒八年五月十九日奉

上諭丁寶楨奏遵旨飭催藩司赴任並令酌帶舊部兩營入滇一摺滇省邊防緊要前據劉長佑等奏已派道員沈壽榕帶兵出境相機籌辦唐炯素稱知兵著準其酌帶舊部兩營赴任該藩司經朝廷特簡所有滇省一切應辦事宜著劉長佑岑毓英杜瑞聯飭令悉心規畫妥爲經理欽此仰見

聖謨宏遠燭及纖微念邊防之孔亟知佐理之需才欽奉之餘曷勝感忭謹當恪遵

諭旨商酌機宜情事不敢張皇布置期於嚴密旋據沈壽榕稟稱於七月初七日出馬白關初八日抵越南宣光省安平府之都竜社度地紮營副將謝敬彪一營於六月杪先抵保勝旋由水道前赴館司游擊龍文藻劉奇義李洪茂等所帶馬步各營亦經飭由賭咒河馬鞍山等隘陸續出紮越南境上其餘各營均照前駐紮嚴爲備禦兼資應援其南西河水師礮船甫成數號一俟船械齊備再令於紅江一帶相機駛泊用備巡防此沈壽榕帶兵出境分布水陸各營之實在情形也又準四川督

丁寶楨六月初七日咨稱札派石柱廳同知于德楷管帶安定中左兩營勇丁刻日由川起程前赴雲南交唐藩司統帶調遣該藩司於到任後懍遵

聖諭切念邊防定於七月二十四日出省已由駐省之鎮邊左營練軍內酌撥小隊帶隨前往臣等並檄飭統領沈壽榕暨營務處留滇差委道員湯聘珍轉行在防各營將領一體遵照聽候該藩司隨時調遣免誤事機其川省調來之安定兩營計唐炯事竣回省當可抵滇應否調赴邊境擇要扼紮抑或暫駐內地相機應援屆期自可商酌辦理另行奏報此藩司唐炯舊部兩營甫經由川起程赴滇及該司酌帶小隊出省之現在情形

也前接廣西撫臣倪文蔚咨稱提督黃桂蘭八營分出四營加以太平府之平字勇一營以革職留營道員趙沃統領由小鎮安出境辦理越南之襄安同文一帶防務等因臣等查趙沃進紮地方相距滇省開廣屬境均不甚遠聲勢易於聯絡緩急可互爲應援是該道在粵無異在滇臣等前請調赴雲南軍營差遣之處雖蒙

諭旨亦可無庸催調矣茲又接到該撫臣六月初五日來函內稱方當欽遵

諭旨飭厲戎行申儆禦備而越國不思自立法人遽許行成後患之來莫可思擬然起止由彼旣未相聞我亦可若爲不知示



以鎮定現在西省各軍仍令照常駐紮確探嚴防竊意滇省各軍一時亦難撤退惟當隨時知會相機辦理其固邊疆等語與臣等意見相同曾將滇中現在情形會函致復矣至疊據查探邊務委員稟稱越南國王因劉永福與黃佐炎屯兵山西有礙和局已將黃佐炎斥革勒令退兵撤防劉永福由山西回至保勝所帶舊部不滿千人加以商販鮮通資糧難繼憑險而守勢頗孤危所恃滇粵官軍相繼臨境聲援可借一時尙無他虞臣等已密飭沈壽榕查照粵軍辦法有以繫其心而資其力仍令安其土以守其官在越國固有說以謝法人卽法人亦無辭以議中國似與前奏赴機弭患之

旨尙覺相符茲復於唐炯出省時再三商屬妥慎辦理該司老成歷練必能悉心體會動出萬全也惟昨接通判韋勳承由河內鈔呈法國議院會商越南事件意在盡據北圻規入滇省不惜兵費以成眾謀臣等思邊患已深而兵機未露職當效命而事貴豫籌與其持之北圻已失之餘不如謀之彼兵未動之始臣等已照鈔該國會商事件函達總理各國衙門豫爲籌商隨時見覆仍應請

旨飭下該衙門王大臣會議或婉諭法臣折之以義或密授力略禦之以威俾臣等有所遵循以爲進止謹附片陳明伏乞

聖鑒訓示謹奏

請撥槍礮軍火片

光緒八年七月十九日

再滇省現在辦理邊防所用軍裝軍火多係就地製造足供平時捕防之用不逮他省工作之良查近年直隸江蘇所設津滬各機器製造局倣造槍礮各物其工極精所儲亦富四川現亦創設機器局製造火藥價廉功倍甚爲合用合將滇省所需槍礮火藥等項開列名目請

旨飭下直隸江蘇四川等省由津滬兩局分撥槍礮等項其火藥一項專由四川局撥用以濟要需如奉

旨允行再由滇委員分途剋期前往迎提其由津滬兩局分撥槍礮等項原用工本銀兩卽由江蘇欠解滇省協饌項下撥抵

其由四川局撥用火藥原用工本銀兩卽由該省欠解滇省協  
饗項下撥抵兩稱便益據善後局營務處司道會詳前來臣等  
伏查辦理邊務行伍急宜整頓器械尤須講求相應據情請  
旨飭下直隸江蘇四川等省分撥槍礮火藥等項以資利用除  
將滇省營務所需各項名目繕具清摺恭呈  
御覽外所有請撥槍礮軍火緣由謹合詞恭摺具陳伏乞

聖鑒訓示謹 奏

交卸督篆北上疏

光緒八年八月二十二日

奏為微臣交卸督篆起程進京各日期恭摺附驛具報仰祈

聖鑒事竊臣前奉

恩旨俯準進京

陛見當將感激下忱附片瀝陳並經恭錄各催福建巡撫臣岑

毓英速赴雲貴總督署任各在案茲署督臣岑毓英業於八月

二十一日行抵雲南省城臣即於二十二日委署雲南府知府

鄧華熙署雲貴督標中軍副將錫瓚將雲南總督關防並

王令旗牌文卷等項齎送署督臣岑毓英祇領接任所有地方

一切應辦事宜連日悉心會商意見相同該署督臣熟習邊情

別式真不令集

昌

深孚眾望定能與巡撫臣杜瑞聯林肇元和衷共濟仰慰

宸廑臣於交卸後整理行裝定期九月初三日由雲南省城起

程北上雖舊患各證尙未就痊當於途中加意調治以期早日

到京無任望闕欣感之至所有微臣交卸篆務起程進京各

日期除恭疏具題外理合繕摺附驛陳報伏乞

皇太后

皇上聖鑒謹奏

臨安等府殲除首要各匪片

光緒八年八月二十二日

再滇省地接邊夷民俗犷悍兵燹之後積匪尙多逃匿往往句結滋擾地方經臣等隨時檄飭該管鎮府及派出駐防各營練軍認真查辦地方賴以稍安光緒七年五月內據署臨元鎮總兵黃仁遺臨安府知府劉毓珂稟稱該府屬瓦渣司土族錢漢章謀殺瓦渣土目錢濱兄弟佔踞土署招聚徇夷各匪肆行搶殺該鎮府派令試用按經歷趙澤霖試用從九品張芝梁千總馬英邦管帶練軍前往開諭解散相機捕拿該匪竟敢糾黨距敵殺傷練丁經該員等設法解散匪黨並將匪首錢漢章誘擒到營訊明斬訖一面激勵兵練撲入土署陣斬悍黨寇福壽梁

天順毛獨眼等十數名餘匪逃竄亦經捕斬多名附和各寨均已投悔瓦渣地方一律肅清又據署澂江府知府陳燦署廣西直隸州知州王鳳池等先後稟稱訪聞逆首張小保李小九等造作妖言煽惑夷眾在圭山寺殺牲會盟製造旗械議取羅平師宗等處城寨經廣西營游擊覃修綱署知州王鳳池等差探確實協團前往捕拏該匪等偵知有備陸續逃匿署知州王鳳池帶領丁團馳赴督捕堡擒獲匪首潘有周王端公二名從匪五名搜出槍矛旗幟多件游擊覃修綱督兵協團前往路南州屬之暮舍圍拏匪首張小保等該匪率黨拒捕戮傷鄉團多名兵團併力奮擊立將該匪張小保王建中格斃並向張小保身



邊搜出印信符章搶奪旗幟刀矛多件又擒獲老楊李小九各  
匪就近分解路南廣西各州訊辦旋據署羅平州知州馬錫蕃  
署曲尋協右營守備潘正昌稟稱在州屬魯那馬祿沖等處拏  
獲此案逸匪周國輔李開朝王紹禹等一併解往廣西州訊明  
分別究辦該地方文武復前往各寨開諭夷眾現在亦已安謐  
如常又據鶴麗鎮總兵朱洪章稟稱該營革除親兵胡桐甫張  
正倫蔡玉貴等與外來匪徒勾結入會當卽傳訊該革兵等據  
供七月間有陽德鳴由麗江到鶴住在王有林家其約入會並  
有外匪鄒昌隆張步雲帶來號片三千張邀約散給游匪向登  
榮等先後各領號片入會等供當卽會商鶴慶州知州黃維中

蜀正惟公白集 卷二十一  
將該革兵胡桐甫蔡玉貴張正倫等就地懲辦隨派兵役將鄒  
昌隆王有林拿獲並移知麗江府知府積壽派員緝獲匪首張  
步雲陽德鳴二名揆出號片信件解至鶴慶均已訊供正法復  
派把總蘇文榮往姜營地方緝拿向登榮等詎該匪向登榮竟  
敢持械拒捕經兵團將其格斃割取首級解驗其餘被惑鄉愚  
亦經該府州出示準其繳片免究居民幸無驚擾又據東川府  
知府蔡元燮委辦江防坐補東川營參將王維金署巧家廳同  
知王治普等先後稟稱巴蠻屢次滋擾內地皆由內姦安成賢  
勾結爲患查安成賢結巢聚黨會營拏辦未易得手因飭派革  
員前會澤縣典史許登錄前往計誘該逆隨卽率帶百餘人前

來聚紫梅家洞與參將王維金所紮營盤尙距二里該參將察其情形難以力制當卽飭令總哨補用都司周忠凌外委林開龍練目龍正陽各帶勇丁分伏營盤內外仍派許登錄等往約該逆來營計事該逆帶領隨從甫進營門卽被都司周忠凌用洋槍將其打倒逆黨正欲護救伏軍齊出逆黨潰散當將該逆安成賢首級割下梟示江干所獲旗幟軍械一併解廳驗收又據東川府知府蔡元燮東川營參將梁勝章署會澤縣知縣樂理瑩稟稱訪聞者海地方土匪李得春號召亡命製造軍火器械於十一月二十一二等日假稱遊團僞下傳單剋期起事該地方文武探知密飭州同李嘉聰文生樂耿光調帶團首楊明

煥等會同者海汛把總党萬凱挑帶兵團迅往圍拏該匪倚山  
爲礮死力抵敵並有匪黨李四百桿趙二百桿各帶匪徒數十  
分股來援李嘉聰党萬凱等督同兵團立將李趙二匪擊斃並  
斬獲匪黨多名該匪首李得春仍率黨固守施放槍礮傷斃團  
丁數人兵團復用火彈拋進適中賊巢藥桶轟倒房屋賊匪墜  
入火中不少兵團乘勢並進始將逆首斬獲並斃匪十餘名生  
擒二名查點兵團陣亡二名受傷二十五名當將逆匪李得春  
首級及生擒各賊並搜獲礮械等件解驗八年正月間又據署  
昭通鎮總兵鄧日勝東川營參將梁勝章東川府知府蔡元燮  
稟稱訪有巧屬土著之柯逢春在於川滇交界之法窩崇禮鄉

等處遍傳號片開山做會句結頗眾該地方文武商派千總董義莊新祥外委趙鳳齡帶領兵團協同練日胥萬和等前往圍拏孰意該匪柯逢春竟敢帶領痞匪數十人逞兇拒捕殺傷團丁三人兵團奮勇直前始將該匪柯逢春格斃割取首級解驗餘黨盡行解散又據東川營參將梁勝章署會澤縣知縣劉馨遠稟稱夷匪祿添洗招集黨羽盤踞巖洞時出搶掠屢經緝拏未獲近偵知又欲赴魯甸一帶行劫該參將梁勝章卽會派署率橋汛千總莊新祥法納汛外委莊重華等帶領兵團前往截拏署知縣劉馨遠會同署中軍守備鄭浩坤親率兵役繞截歸路該匪果率黨執械意欲偷過江底兵團上前喊拏槍中該匪

首祿添洗坐騎滾跌倒地立即就擒餘匪四散遂直抵賊踞巢  
洞搜獲槍械軍火等項當將匪首祿添洗及其黨苟九元等解  
回東川訊明分別懲辦又據署騰越鎮總兵朱洪章騰越同知  
陳宗海委辦騰越釐金候補通判黃啟泰稟稱由緬甸入騰越  
商路被野山匪首早凍概行挖斷肆劫貨馱殺斃商人當即商  
派熟悉夷地之開復都司李珍國選募從丁百餘人並率大幫  
馬腳隨同卸辦騰越釐局候補同知吳晴琦前往拏辦旋將該  
匪早凍擒獲該匪黨羽甚多欲於途中截奪當即飭令就地正  
法以洩眾忿匪黨亦皆散歸山中行旅往來已無阻滯又據營  
務處候補道許繼衡稟稱上年昭通土匪滋事逆首馬宗汶在

逃當飭在事文武員弁嚴密查拏旋據署魯甸通判蕭仁愷軍功馬如璋武舉邱建勳帶領團丁跟蹤追捕於本年二月間在阿迷甯州交界之沙甸地方將該逆馬宗汶拏獲當飭解省懲辦各等情先後稟報前來臣等伏查該匪錢漢章張小保陽德鳴安成賢柯逢春李得春祿添洗早凍馬宗汶等或結盟叛亂或糾眾搶劫大爲地方隱患經該各地方文武認真緝拏懲辦先後伏誅足昭炯戒除仍飭該文武嚴緝逸匪以絕根株而安良善外所有該各鎮府拏辦各匪出力官紳及傷亡兵團可否仰懇

天恩準俟臣等查明彙案酌請獎卹以昭激勸之處出自

聖訓世宗憲皇帝集卷二十一

四

逾格鴻慈合將殲除首要各緣由謹合詞附片陳明伏乞

聖鑒訓示謹奏



仍懇開缺就醫疏

光緒九年四月二十日

奏爲

微臣

病難速痊仍懇

賞準開缺就醫恭摺仰祈

聖鑒事竊

臣

自光緒七年以來因年衰久病疊次奏懇開缺就

醫均未仰蒙

恩準隨於上年夏間陳請展

覲冀荷

聖慈鑒及衰病俾釋仔肩旋奉

上諭劉長佑著來京陛見欽此欽奉之餘感繼以泣秋間署雲

貴督

臣

岑毓英到滇

臣

交卸篆務卽力疾登程不期行抵湖南

常德府侵冒風雪舊疾增劇比經湖南撫

臣

據情代奏蒙

恩賞假兩月得以就地醫治今年正月舊疾小愈隨卽啟程由

湖北荊州河南鄭州取道北上復因舊患臂痛及吐血等症不  
無翻覆恐難按站到京並經河南撫臣附片代陳各在案本月  
十一日行抵都門二十三兩日蒙

恩召見垂問雲貴地方情形及臣近時病狀感佩莫名祇因  
聖懷軫念邊陲憂勤正切未敢面申前請然臣之衰病侵尋難  
勝鉅任與雲貴之政務繁重端賴幹員不特下懷知之亦必  
洞鑒及之也再四思維合無仰懇

天恩俯準前請開缺就醫出自

逾格鴻施臣年六十六歲如獲及時調養舊疾漸除不致遽填  
溝壑或可勉效桑榆所有微臣病難速痊仍請開缺各情由合

再瀝忱懇無任激切屏營待

命之至伏乞

皇太后

皇上聖鑒訓示再

臣

現在感冒未能呈遞繕牌合併申明謹

奏

The image shows a document page that is almost entirely black due to heavy scanning artifacts or damage. There are several vertical white lines that appear to be the boundaries of columns in a table. On the right side, there are some faint, illegible markings that could be the edge of a page or some text. The overall appearance is that of a severely underexposed or corrupted scan of a document.

開缺回籍謝

恩疏

光緒九年四月

日

奏爲叩謝

天恩仰祈

聖鑒事竊

臣

於本月二十日曾將病難速痊籲懇

賞準開缺就醫各情恭摺具

奏二十二日恭讀邸鈔內閣奉

上諭劉長佑奏病難速痊懇準開缺就醫一摺劉長佑著準其

開缺回籍調理俟病痊後再行來京陸見欽此欽奉之下欣感

莫名伏念

臣

猥蒙

三朝逾格之恩歷膺五省封疆之任天良具在每思圖報乎涓

埃夙疾已深實慮貽譏乎尸素所以自陳苦急力請罷休既屢

疏於在官之年復瀆及乎展

覲之後也自是屏營以待悚懼不安乃蒙

曲賜矜全

重申策勵俾釋仔肩於此際仍期奮勉於將來臣果何修蒙此  
異數擬俟感冒稍愈料量歸裝隨卽南返鄉閭就醫調治倘得  
餘年可假舊疾有瘳

雨露能滋不藉稊苓之效江湖雖遠敢忘

廊廟之恩自當泥首

宮門求

賞差使斷不自耽安逸有負

生成所有微臣感激下忱謹專摺叩謝

天恩伏乞

皇太后

皇上聖鑒謹奏





謝恩遺疏

光緒十三年六月二十四日

奏爲老病垂危旦夕待盡恭具遺摺叩謝

天恩仰祈

聖鑒事竊

臣於咸豐元年以拔貢生隨同故安徽巡撫

臣江忠

源勦賊廣西及江西湖南湖北安徽等省浔保知府經故協辦

大學士四川總督前湖南巡撫

臣駱秉璋奏委募勇勦辦地方

股匪事竣隨以道員援勦江西仰蒙

文宗顯皇帝特達之知擢授廣西臬司廣西藩司廣西巡撫同

治元年三管漸就肅清復蒙

穆宗毅皇帝擢授兩廣總督調補直隸總督備員五載以臬匪

滋擾未卽蕩平部議革職

特旨賞給三品頂戴旋又

賞給二品頂戴臣感悚交縈罔知所措何期

朝廷棄瑕錄用重領粵疆光緒元年渥荷

聖慈擢授雲貴總督沐

鴻施之逾格彌蚊負之堪虞誓殫血忱少酬

高厚而年力衰耗疾疾交侵疊經瀝疏乞身未邀

俞旨嗣因入都展

覲伏

闕固陳始奉

溫綸準其開缺回籍調理並奉俟病痊後仍著來京

陛見之

諭

君恩始終罔替臣心夙夜難安自抵里後趕緊醫治原冀沈痼稍除再圖犬馬之報十一年八月復患咯血幾瀕於危幸而服藥得宜苟延殘喘本年六月感觸暑熱眩暈異常服藥迄未見效現復大汗大瀉委頓在牀一息奄奄勢難復起臣年已屆七十亦何惜此餘生惟受

三朝豢養之恩竟死牖下不克再出盡瘁爲憾伏念

皇上親政伊始中外屬觀

宵旰之精神卽薄海人心所默繫惟願

隆孝道以光

天德勤

聖學以懋

日新人才之真僞必分言路之公私必辨海氛略靖武備及時

講求庫款尙虛用度尤宜撙節但得

廊廟有喜起之歌

國家臻富強之業則臣雖死之日猶生之年伏枕哀鳴不勝感

戀恭具遺摺叩謝

天恩專丁賞送湖南撫臣代進伏乞

皇太后

皇上聖鑒謹奏

臣等謹將

奏

臨桂李樹森同校  
南陵胡承福同校

劉武慎公稟牘

劉武慎公全集卷二十一

目錄一

援江軍事稟江撫外湘撫概行分稟

稟江西文中丞統軍赴援

稟文中丞進剿壘勝收復萍鄉

稟文中丞熟籌攻剿各情

稟文中丞擊敗援賊

稟文中丞克復袁州府城

稟文中丞克復新喻各情

稟文中丞羅坊獲勝

稟文中丞太坪失利退守新喻

稟文中丞新喻破賊

稟文中丞復克羅坊

稟耆中丞進逼臨江攻圍各情

稟耆中丞地道未成憑濠圍剿

稟耆中丞各路攻剿獲勝

稟耆中丞派攻淦城獲勝

稟耆中丞臨江新淦防剿各情

稟耆中丞截擊瑞逆獲勝

稟耆中丞辭水師統領及峽江獲勝

稟耆中丞擊敗出犯城賊



稟者中丞賊援入境堵剿獲勝情形

稟者中丞擊敗城賊

稟者中丞賞假回籍就醫

稟者中丞附城築壘籌攻各情



稟江西文中丞統軍赴援

咸豐六年正月二十七日  
稟稿未盡

竊卑府於上年臘月初七日在湖南郴州宜章縣屬黃沙堡營次祇奉前署撫憲陸札並鈔片當將現在未便遽赴江省應請俟稟銷原委卽日帶勇前來助剿各情馳稟在案嗣奉湖南撫憲駱札飭由郴赴醴防堵並候調遣等因奉此遵卽於正月初六日督勇馳抵醴陵擇要駐堵十一日旋奉札調輕騎赴省面授機宜十九日在省接奉撫憲駱札開案照前奉

寄諭飭令江西補用知府劉守督軍馳援江西經本部院札調該守來省聽候面授機宜現在江西待援甚殷應卽飭令該守統領所帶楚勇二千名並同知蕭啟江原帶湘勇都司田興恕

守備梁開國原帶虎威勇守備黃三清原帶祁陽勇概歸該守  
統帶調遣一切進止機宜均聽節制派撥打仗情形及請領鹽  
糧軍火器械均由該守稟報以一事權等因奉此遵卽於二十  
三日由省折回醴陵原營一面稟請籌給鹽糧軍火器械等件  
並一面札飭各營弁勇豫備起程出境竊查楚軍赴援之路惟  
袁州適居總要如先規復袁州則直擣臨江可收夾擊之力卽  
分援吉瑞亦可無牽制之虞現在派援各勇曾經分駐瀏醴邊  
境與袁州所屬萍鄉萬載緊相毗連卑府擬俟籌備周妥卽日  
飭催各營一由瀏陽進攻萬載一由醴陵進攻萍鄉兩路相距  
未遠聲勢尙堪聯絡務期節節接勦逼近袁州然後合力併攻

立圖克復庶不致此期彼竄而懸軍深入亦可無虞鈔截矣是  
否有當伏候鈞裁賜示祇遵卑府碌碌庸材何堪統領重任惟  
有竭盡愚忱激勸眾勇以期迅除小醜仰慰憲廑所有現在奉  
札統領各勇籌商赴援及剋日起程出境各情由理合肅稟馳  
呈再卑營自湖南起程各營所需鹽糧路費鉛藥暫於南省請  
領惟一入江境離楚漸遠斷難越省支領且南省歷年防勦經  
費支絀本難望其源源接濟伏懇憲恩迅飭江西總局籌備勇  
糧設法委解下營藉資軍食合併陳明除稟

欽憲外謹稟



稟文中丞進勦疊勝收復萍鄉

咸豐六年二月 日

竊職道於正月二十七日曾將統領各營籌辦赴援並刻日起程由萍萬分勦各情形馳稟在案二月初四日職道親督楚軍二千餘名進紮萍邑黃花渡地方因西南小路可鈔我軍之後遂留黃守備三清祁勇四百餘名暫駐醴界復派田都司興恕梁守備開國所部虎威勇八百餘名暫駐萍境之油塘鋪是日袁州府紹守帶同萍邑萬令把總余步鼇董鵬飛等督催各勇於黃花渡趕搭浮橋初六日辰刻職道親督楚勇由黃花渡前往葡萄嶺一帶相度築營地勢並派虎威勇清祁勇各出隊三成以備接應萍鄉縣萬令宜春縣錫令亦各帶勇爲之嚮導行

抵離萍城十里之青山鋪前職道分派各勇列隊山坳隨卽歷  
看地勢據探勇回報有賊數百悉伏山後小路等語當派守備  
梁開國千總石有周殷開選鄒世堂鄧在富等各帶勇數十名  
前往偵邏該逆突出衝擊梁開國石有周等走上山口賊不敢  
前我勇奮力撲去當斃賊二十餘名餘卽退入巢內正擬督催  
各隊徑撲賊巢忽城內擁出大股約有三四千人分三路來撲  
梁開國石有周等且戰且誘至青山鋪地方職道親率侍勇尹  
明保李德昌王長壽等與萍邑虎勇余謀忠向朝洸朱煥章等  
由中路迎擊槍礮齊施刀矛並舉該逆紛紛退向山坡欲助左  
右兩路併力來鈔旋派百長許繼衡李道達林志舉等率青旗



楚勇與黃三清祁勇由左路迎擊百長李明惠鄧在富翟國彥等與田興恕虎威勇由右路迎擊百長漆盛年江孝義等率紅旗楚勇於烏石鋪嶺上頓住梁開國身先眾勇衝賊左隊手刃大旗紅衣賊目一名許繼衡等分督各勇復從松林截出與梁開國等合擊黃三清祁勇繼之殺賊百數十名時右路之賊其前隊正在山腰競施槍礮其後隊猶欲傍山來鈔我後虎威勇目沈宏福與楚侍梁熊彪等不避矢石衝上山頂幫辦李承立督催白旗楚勇亦從右路旁擊該逆勢蹙多從陡崖墜下死者甚夥眾勇奮力廝殺兩路直逼城根時已申初正在傳令收隊賊復悉眾出巢計將乘我之倦守備梁開國虎威勇百長劉義

方王高來楚勇百長石有周李光祝鄭金華黃盛嶽等返旌回  
擊將賊隊衝爲兩斷職道率同幫辦李承立分發江西從九陳  
鈞和仍催各勇分路追擊復大敗之旋以離營稍遠且力戰三  
時之久只得撤隊回營其計斃賊三百餘名割回首級七十五  
顆奪獲擡槍小槍旗幟刀矛等件此二月初六日督隊察看地  
勢與賊接仗獲勝之情形也初七日催令田興恕梁開國所帶  
虎威勇均由油塘鋪拔營移駐黃花渡職道親督楚勇黃三清  
祁勇卽由黃花渡進紮葡萄嶺初八初九兩日袁州府紹守率  
同萍鄉萬令宜春錫令並袁州協都司桂英千總馬章榮把總  
余步鼈董鵬飛各帶兵練亦先後進紮葡萄嶺地方初十夜傳

諭各營派隊五成定於十一日卯刻分路進剿屆期正在督催  
出隊該逆已蜂擁前來意在分撲各營職道當派幫辦李承立  
督同百長李明惠翟國彥等率白旗楚勇與萍鄉虎勇出擊左  
路幫辦劉長健督同百長許繼衡鄒世堂李道遠等率青旗楚  
勇黃三清率祁勇從營後出擊右路職道親督百長殷開選鄭  
金華漆盛年等率紅旗楚勇與宜春勇袁州兵出擊中路見有  
黃衣賊目押令賊黨於葡萄嶺峽用連環槍礮向我勇轟擊鄭  
金華漆盛年等身先陷陣當將持令賊目槍斃馬下並生擒偽  
百長一名賊前隊猶死拒不退職道潛由路旁屋後督催守備  
伍乾典百長石有周黃盛嶽等率黃旗楚勇由田隴橫鈔過去

該賊後隊敗退首尾不能相應黃衣賊目與匪眾迫欲退走已被我勇前後圍住時左右兩路之賊經李承立劉長健等沿路追擊擒斬甚多餘俱望山潰奔嗣因前隊已被圍剿隨即回頭衝突欲來救護眾勇分投截殺槍礮之中雜以刀矛賊眾紛紛倒地仍欲判命來救適田興恕梁開國帶領虎威勇萍鄉萬令宜春錫令署袁州協都司桂英把總余步鼇余謀忠軍功向朝沈宋煥章等各帶兵勇同時趕到職道即令分路接應該黃衣賊目被圍愈急與其黨悉匿賀家民房猶於牆壁鑽穴暗施槍礮並率老長髮百數十名躍立屋上拋擲甓瓦火彈楚勇百長李光祝鄭金華虎威勇百長沈宏福劉義方王高來清祁勇百

長唐三祚王安邦等身冒瓦礫短刀直入殺賊多名該逆驚亂  
紛擲火器延燒門壁其冒火衝出者悉被我勇截殺該賊目見  
火勢偏身脫卸衣帽口咒數徧撲火身死賊黨二百餘人俱成  
灰燼時各路之賊見該處火起知賊目被焚心寒膽落始各拋  
棄器械鼠竄入城我勇環攻逾時頗形飢乏隨卽鳴鉦收隊是  
日約斃賊千數百名生擒七十餘名割回首級三百八十顆奪  
獲擡槍二十一桿小槍三十二桿大小黃旗四十三面刀矛金  
鼓鉛藥無算此十一日賊來撲營我勇接仗大獲全勝之實在  
情形也職道於是夜會商紹守蔣副將等因念該逆經此痛擊  
勢極窮蹙自應乘勝進攻迅圖克復當傳令各營五更造飯黎

明出隊攻城四更時遙見城外火光四起據探報該逆敗退後土匪逃散甚多且因賊目被殲眾皆膽寒已將城外各巢自行燒燬勢將他遁等語職道當令各營乘月督隊前往黃守備與楚勇百長李明惠殷開選鄧在富朱維德等由城西路進攻田都司梁守備與袁州協桂都司萍邑萬令宜春錫令暨拔貢黃敬熙廩生張可坊武舉辛文魁等各率兵勇由城北小路截出該逆望風驚潰自相踐踏我勇追殺其後隊二百餘人奪獲槍礮旗幟鉛藥馬匹等件餘皆向袁州大路逃去時已午正二面諭令萍鄉萬令回城駐守卽一面傳知各勇收隊回營此十二日乘勝追剿克復萍鄉城池之實在情形也十三日接據管帶

湘勇候選同知蕭啟江管帶長勝軍把總楊恆陞稟稱該丞於  
初九日紮駐萬境之株樹潭初十夜探報賊已離此不遠隨卽  
會商於十一日出隊正在察看情形分布各隊遙見株樹潭南  
岸有賊千餘由樹林直趨平岡又有賊千餘人繞出河邊欲鈔  
我勇歸路復有賊二千餘人由市口渡橋飛奔而來鈔出我營  
之後百長把總周崇高軍功周蘭書把總秦華祀率四哨勇於  
平岡上與賊相持該丞急馳平岡助戰忽山下有賊千人蜂擁  
而至乃麾令軍功彭文德羅全新率兩哨勇暨親兵併力抵住  
適幫辦易鴻陸率把總朱桂秋千總鄒上元兩哨勇聞戰馳至  
分路鈔擊賊始潰奔該丞因賊分路甚多派令把總胡中和劉

喜益等四路接應親率外委周友勝黃開榜軍功王文友外委  
李世顏軍功王九思等由上面渡橋直趨市口分派外委黃鵬  
飛李忠楷軍功楊恆德等向平岡上助戰適橋邊之賊爲把總  
楊恆陞等擊散奔走平岡軍功屈連元率勇鈔前截擊楊恆陞  
與周友勝等從後追殺賊死無算該丞與易鴻陸追敗山下之  
賊鈔出樹林前路周崇高等復由平岡將賊擊敗追入樹林之  
內楊恆陞分左右翼鈔之賊被圍紛竄我軍節節追逼節節鈔  
擊賊逃者無幾逾時賊忽擁眾鈔撲營壘適該丞先派李續禋  
等率勇從市後繞出蕭啟淮劉大馥等乃各率三成隊從營中  
殺出四面進逼賊欲逃無路殺斃溺水死者不可勝紀此次疊



番圍擊約獎賊千餘人生擒五十餘名奪獲長矛四百餘桿藤牌二十面鳥槍三十餘桿擡槍四桿黃旗二十餘面此又十一日蕭丞等督勇於萬載株潭與賊接仗大獲全勝之實在情形也職道竊思萍萬之賊均經痛勦自應乘勝跟追直取袁郡惟查萍萬兩邑路徑紛歧沿途市鎮均有賊據猶恐我軍深入賊或鈔出我後致有顧此失彼之虞職道現擬分派各營漸次進紮以期節節控剿一俟兩路會合然後併攻袁州庶賊受制於我而我不受制於賊矣除將生擒逆匪訊明正法暨奪獲槍礮刀矛旗幟等件暫緩解繳並各營受傷各勇名等第另單開呈外理合將各營先後起程進紮日期暨初六十一日兩路疊獲

全勝克復萍城各情由據實具稟再職道原奉湖南撫札管帶  
楚勇二千名合計各營共勇四千餘名嗣由萍萬兩路進剿不  
敷分撥先後稟請增募楚勇共五百餘名除容繕清冊送呈外  
合先聲明謹稟

稟文中丞熟籌攻剿各情

咸豐六年八月

日

竊職道於八月初一日祇奉欽憲札開照得湖北援江之師普參將吳丞曾丞劉令等於六月三十日抵瑞州城外初三初五初九十二三十七等日均接仗獲勝惟孤軍深入究嫌單薄且恐頓兵堅城各縣賊蹤往來而江楚之道復梗茲擬於瑞州附近紮一老營分遊兵一支馳剿奉新靖安安義建昌義甯等縣袁州附近紮一老營分遊兵一支馳剿分宜新喻峽江上高新昌等縣兩支遊兵與兩處老營之兵勇更番替換以均勞逸其袁州之遊兵可直巡至瑞州營盤為止瑞州之遊兵可直巡至平通界上為止如此辦理庶江楚常有可通之路劉道一軍

仍於袁州城外駐紮牽綴袁賊不能竄擾他處其同知蕭丞都  
司劉培元田興恕守備楊恆陞等卽日拔營馳赴分宜新喻峽  
江上新昌等縣飄忽往來不駐一處遇賊卽擊江楚交通之  
機關係極大除咨明南撫部院及分別札行外爲此札仰該道  
卽便遵照等因奉此旋據蕭守啟江等稟奉前由卽應刻日拔  
營啟行竊恐深入新喻峽江賊復竄擾瀏萬等縣卑府等未敢  
擅動合無仰懇俯賜批示等因竊職道自六月中旬與蕭守各  
營進逼袁州攻城打仗均屢獲勝嗣因該逆負固不出我軍仰  
攻較難得手已屢約蕭守等分兵旁擊以孤賊勢旋據生擒賊  
供及各路探報該逆因城內蕪穢叢積傷病過多且油鹽食物

久已缺乏計將築寨東南以便棄城逃走等語職道函商蕭守擬各分營逼紮東南可以斷袁城之接濟復可以聯我軍之聲援計在旬日賊必內潰正籌辦間適奉欽憲札遵卽一面轉飭各營一面再與蕭守熟商進止時袁逆已由東南兩門搬運竹木重整舊巢而東南附近居民備遭慘毒均紛紛赴營求救職道當派隊伍會合蕭軍悉力夾擊賊隨縮退入城次日我軍兩路乘勢進紮東南賊恐截其去路復於城外一帶距城南約半里許沿街各鋪戶內均有賊眾屯聚計將便於逃走而情形實屬狡悍十一日卑營與蕭軍同時並進燬其巢穴奪其器械截殺悍賊共二百餘名此後城外絕少賊蹤職道仍令各營輪派

勁勇日則分出梭巡以絕其往來夜則更番驚擾以疲其氣力  
計乘此時得以克復此城痛勦此孽似於全局較有轉機然賊  
情之有無變動猶難逆覩而我軍之進止機宜悉凜勝籌如出  
旬日賊尙負隅卽分一軍馳勦旁縣務期遇賊卽擊相機而行  
使江楚道途不梗袁瑞聲勢相通藉可仰慰憲廑於萬一所有  
奉到欽憲札飭現遵籌辦各情由理合據實具稟

稟文中丞擊敗援賊

咸豐六年九月二十八日  
此下各稿多有蝕字仍之

再職道於二十五日繕就前稟適接探報分宜援賊約三千餘人復由昌山冒雨疾趨已至彬江勢將直入袁郡又接蕭守甬稱東路浮橋尙未搭就該營勇不得渡應請西南各營多撥勁勇馳往東路堵截等情前來職道當傳各營加隊三成分投前去時大雨如注該逆偵知南路厚田有勇屯紮惟東路下浦浮橋已斷蕭營勇不得渡遂分小股繞向厚田與我勇決戰以圖牽制其大股直出□□後兩隊旗□□野中隊輜重挽運輶途進且甚銳我勇□□馬山一□□家嶺下伺賊將近奮起出擊賊遽驚亂□□□□潤橋邊背水而陣用槍礮回擊我勇左衝

右突所至披靡該逆抵敵不住紛紛涉河死傷無算一騎馬賊持令上前麾眾轉鬪當被我勇刺斃下馬餘皆抱頭鼠竄所有油鹽鉛藥衣服食物拋棄殆盡時厚田股匪亦經我勇擊退追逼大路東路之勇乘船而渡者亦數百人相與合力追殺賊屍枕藉道旁二十餘里以天色薄暮未及窮追初援賊甫至下浦城內亦擁出三四千人一股頓天井窩意在迎合外援且以拒我厚田之勇一股陣南塔前岸意在牽制西路之勇而乘間以撲南營適職道先經傳諭各營俟賊撲近營濠始開壁掩擊賊以是敗去乃邀天井窩股匪冒死合攻正危急間西路之勇大至從旁鈔擊又大敗之賊始悉縮入城時方酉正我勇亦收



隊回營各路共計斃賊三四百人受傷者甚眾奪獲槍礮刀矛  
旗幟鉛藥油鹽衣服馬匹不計其數是役也眾勇日夜巡守冒  
雨力戰實屬倍常勞苦幸託大人威福大獲全勝視此袁逆絕  
望必將內潰職道□□□乘勝攻□□□克復城池所有二十  
五日截賊外援□□接仗大獲全勝各情由理合續具蕪稟伏  
乞俯賜鑒核謹稟



稟文中丞克復袁州府城

咸豐六年十一月初十日  
此稿亦多蝕字

竊職道於九月二十八日曾將由萍抵袁一路□□攻克並二  
十五日擊退分宜援賊奪獲輜重各情由馳稟在案偽指揮葛  
逆乃邀同臨瑞一路股匪約萬餘人於十月初四日分三路入  
援職道會同蕭守設伏邀擊於司陂下浦敗之斬首千餘級奪  
獲旗幟器械無算該逆收合餘燼退屯合山築寨自固旋於十  
三日復分道入又爲我軍所敗十六日我軍進攻合山一鼓破  
之二十四日我軍進攻分宜該逆棄城遁我軍追十餘里而還  
□□援賊□□□□□□□□無日不出死鬪計圖牽制我□□  
□□援皆□□□□□□□□□□獲甚眾初職道偵知城賊

侍衛李能通乃密哀於宜春舉人易言颺職道責令獻城未幾  
 事洩廣賊欲害之李能通遂於二十七日率數人先降自是其  
 黨踰城出降者絡繹不絕職道乘其內亂李能通密  
 約其餘黨為內應十一月初一夜李能通之黨偽總制李逆偽  
 將軍楊逆先出告計已諧是夜職道先派南路各勇厚  
 田並約蕭守設伏東路之下浦以防竄逸五鼓西路各勇架梯  
 攻城廣賊正在拒戰李能通之黨潛啟城門卑勇一湧而入廣  
 賊巷戰久之蕭軍亦由東北登城廣賊  
 點黃逆以死黨百餘人殿並

之黨悉頭裹白巾投降其□□□□□伏而潰我軍殺至天明  
賊亂而復整併力死戰我軍奮擊破之窮追數十里盡殺之其  
竄伏山谷者又爲團勇接殺殆盡此招降李逆克復袁城生擒  
渠魁剿滅黨眾之實在情形也是日約共殺賊六千餘名卑營  
斬取首級二千七百餘具生擒三百餘名內僞檢點一名僞官  
二十餘名降出三千餘名奪獲槍礮刀矛旗幟子藥馬匹及僞  
幟僞器□□□□竊袁逆異常狡悍而又憑恃堅厚之城我軍  
若以力攻必致損傷精銳計惟絕其救援斷其接濟使之智窮  
慮極而後可以徐圖乃與蕭守會商延紮東南以截賊潰□□  
□□□□□□□□□□□□□□□□□□□□□□  
屢爲我軍擊破不能入城□□□□□□□□□□  
岌□□□□

不崇朝而克復城池非託大人福威曷克致此雖經曠日持久  
老師費財然幸擒厥渠魁殲其醜類免致狼奔豕突蹂躪地方  
且使鄰郡股匪聞之亦爲寒心並有攜志查現在袁郡一律肅  
清職道本擬乘勝進取臨江以通江省之路唯吉安賊蔓延  
實爲臨江後患且吉屬西通湖南北連袁郡若卑營遠爲深入  
又恐掩襲之虞現  
湖南撫憲飛調周總戎曾丞兩軍分道趨吉職道擬俟其進抵  
該境卽提全軍進分宜新喻並飭蕭軍由上高新昌會攻臨  
江務在戮  
憲廬除  
省並妥爲

遣散降眾外所有□□□來屢次擊退賊援招降李逆及本  
月初一日攻克袁城生擒黃逆初二日追滅逃賊並現籌進兵  
各情由理合肅稟





稟文中丞克復新喻各情

咸豐六年十二月二十日

竊職道於前月初十日曾將十月閒屢次擊退援賊招降李逆及十一月初二日克復袁城各情由馳稟在案時以善後事宜多未就緒而各勇鹽糧積欠已久請領未到驟難移師前進旋於二十日接據分宜汪令稟稱新喻賊目偽將軍朱一點率眾二千勢將上竄請兵防剿等語職道當派各營楚勇出隊四成馳赴分城並催蕭軍進屯洋橋互爲聲援二十三日三更賊果悉眾來犯一股進界首一股進界橋界首之賊抵離城五里白田地方楚勇及分宜飛虎軍協勇並分新汛兵擊破之界橋之賊亦爲汪令親兵及團練所敗二十四日職道派老白旗老紅

旗老藍旗新白旗新紅旗新青旗楚勇拔營進紮分城東路白  
田地方嗣因勇饑陸續解到稍助行資袁郡捐團亦稍就緒乃  
派員親詣各鄉催捐閱團並留清祁勇五百名助守袁城職道  
於本月初三日率老青旗新藍旗楚勇膽勇及投誠李能通義  
勇一千名由袁起程初四日行抵分城謀報朱一點退踞新喻  
分股扼守寶山初七初八兩日派各營勇先後進紮距分城二  
十餘里之界首正在築營謀報賊至遣騎覘之見賊列隊寶山  
嶺上約八九百人旋即收去是夜傳諭各營四更造飯五鼓出  
隊進勦寶山股匪投誠李能通率眾先進職道督楚膽勇隨後  
策應行近寶山賊先嚴陣以待李能通督義勇直突其陣楚膽

各勇鼓譟從之賊槍礮一施遽行敗退我勇併力窮追至離新城里許之大頭山城賊悉據山巔欲爲接應義勇逆擊之殺傷無算賊猶死抗拒候選知縣劉坤一亟麾楚膽各勇繞向山之左右以出賊後賊勢不支乃敗入城中義勇跟尾追入賊遂出東門而走楚膽各勇從城外邀擊賊走過河欲斷浮橋楚膽勇一擁上橋賊於對岸開放槍礮子驟如雨正在相持義勇從下游渡河賊首尾受敵始行敗退追甫數里賊復據隘轉鬪楚勇膽勇義勇悉力奮擊追二十餘里而還職道當令各勇駐守新城旋於初十一拔營進紮現在吉師連獲勝仗進圍郡城惟俟蕭軍進徇上高卽當會約兩路直擣臨江迅圖克復以慰

憲廩是役約殺賊百數十人生擒五名斬取首級五十九具奪獲旗槍等件甚多我營勇陣亡三名受傷四名所有前月二十三日在分宜擊賊獲勝及本月初九日攻破寶山克復新喻及現籌勦辦各情形理合肅稟

再李能通隨降之黨其二千餘人當經稟請南撫準免一死以昭大信並令隨營助勦立功贖罪等因奉此遵卽派員逐加點驗除將疲弱不堪及本地被脅者分別遣散外尙有精壯千餘名現已編定隊伍籌備軍裝交李能通妥爲管帶其日需口糧均於本地捐項內撥給合並聲明謹稟

再職道赴江援勦克萍以來峽江把總周吉祥新喻把總張金

彩外委郝大榮均隨營效力自援軍由分進勦周吉祥自備資糧募勇百餘名張金彩郝大榮均帶本汛兵丁隨同克復新喻縣城先是援軍駐紮分城張金彩及該縣令俞潘教諭陽維城傳集該縣紳士來營請札諭令密結鄉團現在隨同辦理善後尙屬認真合並聲明除稟湖南撫憲外謹稟



稟文中丞羅坊獲勝

咸豐六年十二月二十八日

竊職道於本月十四日會將由袁州分宜進紮及初九日攻破寶山克復新喻並現籌勦辦各情形馳稟在案二十日接奉曾部堂札開前據蕭守稟稱現奉南撫部院批示劉道一軍進駐分宜新喻蕭守由上高進勦兩路會攻臨江當經批飭迅速遵照進勦在案惟據前廣東羅定協周副將同知銜曾丞稟懇酌撥數營分勦吉安查吉郡城池高厚賊黨強悍自非厚積兵力難期克復除調游擊劉培元合併曾丞一軍千總伍化蛟歸於劉副將一軍即日馳往吉安協勦並咨明南撫部院外合併札知札到該道即便遵照一體轉飭施行等因奉此竊職道於進

紮分城後迭接周將曾丞公牘私函以賊眾我寡商調蕭營前往助剿等情當經職道一面與蕭守籌商卽一面稟請南撫旋奉批飭卑營進新喻蕭守徇上高以圖併攻臨江藉可控制吉瑞嗣又奉札以清字營勇留袁助防以鳳字營勇赴吉助剿各等因當卽遵札轉飭千總伍化蛟督率所部刻日啟行茲奉前因復經商蕭守並轉飭劉副將遵卽於二十四日由上高赴吉矣惟查蕭守原駐上高營勇合計僅三千餘人茲復撥去劉將一軍兵力似嫌單薄且□□一帶賊勢蔓延尙須稟懇南撫憲添撥勁勇前赴蕭營以資厚集庶可節次搜剿會攻臨江也再職道自克新喻後卽於十一十二等日移紮該縣城外督同



官紳辦理善後一切事宜十五日探報新喻敗賊尙屯離城五十里之羅坊當卽督令各營出隊五成於十六日卯刻進剿藉以周覽地勢辰刻行至陽岡有賊數百列陣前路各勇齊聲擁進賊遽敗走適天大雨未便窮追隨卽收隊回營十七日迭據探報及地方稟稱有偽五十五檢點陳逆由撫州新來帶賊四五百人又臨城與上新各路陸續添來賊三四千人聲言將由羅坊轉向水西來襲等語職道因思新邑初復亟應驅除賊迹庶可安定人心然卑營距羅坊尙遠與其趨戰數十里外不若俟其來犯可以痛予剿除至十九日探悉該逆尙在羅坊營築卡寨職道恐其守定難圖遂於是夜傳令各營出隊六成三更

造飯四鼓出隊派老白旗老藍旗新紅旗新青旗由左路繞向  
羅坊前面截賊去路新白旗老青旗巴邱勇由右路河岸進老  
紅旗新藍旗膽勇義勇由中路田隴進並派本地廩生劉韻帶  
團勇數十名在前嚮導新喻縣俞令把總張金彩外委郝大榮  
帶同汛兵隨後接應比至距羅坊數里地方賊已偵知以一股  
出羅坊前背水爲陣拒左路之勇以一股出羅坊後分拒中右  
兩路之勇鼓角齊鳴勢甚猖獗劉坤一麾中右兩路勇一同並  
進時天初明薄霧未收賊向我隊邊施槍礮各勇直前□□□  
及溪畔吆喝上前賊旗靡反奔當被我勇追斬十餘人先是賊  
於羅坊街口堵塞溪水橫十餘里祇一橋可通至是走過石橋

沿溪排列一字槍礮齊施子驥如雨劉坤一督令軍功戴盛寬  
匹馬衝過手刃二賊親勇鄧新發蕭世俊胡亮范與能謝騰勝  
曹光文等從之乘勢追進街上悍賊約百餘人猶復轉鬪戴盛  
寬等復擊殺多人崔文光率膽勇般開選率新藍旗楚勇由街  
左入鄭金華率老紅旗楚勇黃承綱率新白旗楚勇何益發李  
長齡率義勇由街右入賊悉渡浮橋惟以百餘人斷後義勇頭  
目何益發李長齡甯正魁與楚勇百長郭成璋李光龍親勇胡  
亮鄧新發□□□先登橋大隊繼進卽將斷後之賊盡殲諸  
河前隊之賊齊入□□甚眾乃斷浮橋以阻追兵我勇結橋渡  
河併力追殺十餘里沿路賊尸相枕最後騎馬賊目數人率眾

轉戰崔大光黃承綱李光龍龍玉堂策馬突擊當殺賊目二人  
 生擒賊目一人賊眾大潰我勇分途追逐擒斬無算其街前河  
 岸之賊見街後賊敗至浮橋欲來策應鄧在富率老青旗勇亟  
 從左路鈔出賊恐首尾受敵乃沿河潰走伍秀進率老青旗勇  
 蔡呈祥率新青旗勇楊立交率新紅旗勇鄒世堂率老青旗勇  
 數路鈔至殺賊數十人賊退至離羅坊五里嶺上列隊拒戰百  
 長鄭榮華身受重傷猶與虞德乾高光政翟國彥曹澤漢黃盛  
 嶽劉光文等悉力逆擊之斃賊甚眾蔡其祥□□復率所部  
 沿河繞向嶺後賊遂大奔我勇且追且殺至二十餘里而還查  
 羅坊賊眾實不下萬人我勇乘夜往擊計程七十餘里自寅至

未愈進愈厲其獎賊四百餘名生擒一十五名內賊目一名斬  
取首級一百五十六具奪獲大黃旗二十一面中黃旗一十七  
面大紅旗三十四面大鐵礮一尊擡槍十七桿小槍二十桿刀  
矛四百餘件賊印三顆偽憑三紙藤牌八面黃傘二把並黃衣  
黃帽等件無算祁勇陣亡二名受傷九名此二十日進剿羅坊  
大獲全勝之實在情形也是日各勇收至羅坊時已薄暮職道  
以賊蹤尙近恐其回竄當派劉坤一督同各勇卽駐羅坊二十  
一二二十二兩日各營先後由喻進紮是處離臨城計六十餘里  
職道意以上高肅清卽當約會蕭守各營併攻臨郡以圖克復  
惟近會城□吉瑞之中且爲援軍後路防守猶難稍懈而該縣

除汛兵四十名別無兵勇雖經飭留峽江把總周吉祥自募巴邱勇百餘人在城駐紮殊不足以資堵守查袁州人心漸定城中原駐營兵二百餘名宜春練勇三百餘名尙資巡防所有原留黃都司祁勇一營應卽調赴新喻協助堵守藉爲後路策應悉關憲廩合併陳明肅此具稟

稟文中丞太坪失利退守分喻

咸豐七年二月二十六日

竊職道於初二日曾將由羅坊先後移營進紮黃岡各情由馳稟在案嗣聞蕭軍已進鶯歌嶺遞獲勝仗乃於初八日先派八營進紮太坪前五里地方初九日臨逆來窺我軍擊走之十三日職道率後四營進紮正在築營臨逆大至我軍分三路迎擊槍斃數十名賊遂敗潰我軍追至近城擒斬四百餘人奪獲旗幟器械甚眾十五日臨逆復來誘戰職道嚴飭各營俟賊逼近營盤始準出擊日中賊稍引去乃分途追襲賊追至中亭列陣拒戰我勇奮擊斬其先鋒十餘人賊遂驚潰前隊之勇追至近城後隊之勇列陣接應日晡前隊勇甫收隊賊果來追復爲後

隊各勇擊退十七日黎明長藍河內賊船沂流而上直抵江口  
職道乃令後營之勇以火攻之焚其戰艦八艘遂順流而下我  
勇乘機循赴北岸擊之賊死傷無算多棄旗鼓登岸而遁餘退  
至洛湖復爲右營之勇所邀擒其水手七人尙未收隊陸賊漫  
山而來直撲右營我勇開壁擊之賊殊死鬪自辰至未賊始敗  
退我勇追之擒斬無算連旬接仗尙屬得手詎意是日賊數較  
前增倍且凶悍異常嗣接劉游戎函稱吉逆竄出三四千人來  
援臨江又據謀報撫建援賊四萬餘人由新淦吉水進屯沙湖  
前隊已抵臨城將於日內大舉前來決一死戰等語職道以賊  
數日增賊勢日盛而我勇不滿五千誠恐眾寡不敵乃飭各營



增修濠牆爲守禦之計並飛調駐喻之清祁勇駐分之飛虎軍  
前來助剿適峽江復陷喻城戒嚴黃都戎未便撤防管帶飛虎  
軍之盧弁又因病不能來正在籌商賊於二十日辰初悉眾而  
來約五六萬人橫陣十餘里我勇堅壁以待賊如潮而進先攻  
右營新紅旗新藍旗新白旗勇開放槍礮擊之賊死無算猶復  
冒死向前職道亟令老紅旗老白旗新青旗勇出中路老藍旗  
勇膽勇出左路計可牽制賊勢俾不併力右路賊亦分途迎敵  
我勇奮擊斬獲甚眾賊甫卻復前相持未決時右路之賊分股  
繞赴營後紛擲火蛋火箭入營老青旗勇往返救應河岸伏賊  
約四五百人遂襲老青營職道與幫辦劉坤一率親勇往來督

盤正世公台集卷二十一  
戰且受重傷營總鄧世堂鄧在富蔡呈祥黃承綱鄭金華百長  
虞德乾夏永寬龍玉堂向鵬飛等各督所部血戰旋見右營火  
起賊四面並入我軍慌亂職道知事不濟乃抽刀自刎爲親勇  
救護突出重圍賊眾來追膽勇營總崔大光義勇頭目何益發  
李長齡百長舒進堂任加貴楚營百長李盛魁楊立交鄭榮華  
徐上健親勇戴盛寬曹光文李邇光等回馬轉戰擊斬悍賊數  
人適盧秀峰率飛虎軍數十名前來接應賊不敢偏乃整隊退  
保分諭實力堵禦一面籌給糧食趕造軍裝再圖進取第各勇  
需饟浩繁供億殊多拮据且棚帳槍礮傷失甚多驟難製辦伏  
乞憲台恩施格外俯念急需趕解貲糧俾圖後效惟職道赴援

無狀致陷營壘雖眾寡之不敵究進止之失機應請從嚴究處  
以肅軍令至於陣亡弁勇及被戕各員弁勇丁人等容俟查明  
具報所有先後移營進紮太坪前路及初九十三十五十七接  
仗獲勝二十日眾寡不敵營盤被陷現在籌辦各緣由除稟會  
部堂南撫憲外謹稟

卷之三十一

三

稟文中丞新喻破賊

咸豐七年三月初七日

竊職道於前月二十六日會將十五十七兩日擊賊獲勝及二十日營壘被陷退保新喻分宜各情由馳稟在案嗣經職道調齊各勇進屯新喻城外並派幫辦劉坤一李承立前往督帶職道一面在於分宜籌給貲糧製造軍裝器械二十七二十八兩日羅坊之賊連次來窺喻城我軍出擊該逆不戰而退職道以軍心甫定軍器未全且天氣陰雨而羅坊距喻城又五十里嚴飭各營不得輕進今月初四日辰初諜報羅坊之賊約二千人至距喻城二十里之水西劉坤一等以我軍挫失之後不可示弱正在部署各營前往掩擊又報賊一股由右路進一股由中

路進已抵距城十里之順化鋪李  
勇出中大路迎敵劉坤一督同義  
中路之勇甫出城八九里賊已嚴  
宋得啟王安邦親兵楊方珍朱仕  
勇協勇張兩翼繼進賊槍礮並施  
總崔大光幫帶王高來等策馬衝  
勇鼓譟從之僞總制趙逆僞將軍  
興德楊方遵張宜道曾交輝謝三  
眾槩並進刺殺趙逆搜獲僞印僞  
潰我勇追十餘里斬獲甚眾沿途

賊沿河而上見我勇大至乃沿溪列陣撤橋自固我勇開槍礮擊之賊旋起旋伏冒死不退嗣見中路之賊已潰乃隨之而敗我軍涉水而渡追及水西擊殺數十人盡獲其輜重賊退至水西下里許之松山與中路賊合騎馬衣黃賊目五人併力督戰營總鄢世堂漆盛年盧凌漢百長楊立交郭成章義勇頭目何益發李長齡百長任加貴等直陷賊陣殺其先鋒三人義勇楚勇飛虎軍從山左右繞向賊後賊勢不支乃皆敗走我勇追至距羅坊十里地方以天暮將雨而還是日殺傷之賊約二百餘人斬取首級一百零五具內偽總制趙必得一名生擒六名內偽司馬李才興一名奪獲偽印一顆偽憑一紙偽條六紙黃綢

袍一件黃馬褂一件黃號褂十七件大綢白旗五面大綢藍旗  
九面大綢黃旗三面中黃旗九面中白旗十三面中藍旗七面  
小黃旗二十一面小令旗十一面擡槍七桿小槍十九桿藤牌  
七面刀矛二百餘件馬一匹我勇受傷四名訊生擒賊供臨逆  
會合新淦之賊從羅坊移屯水西計圖就近來撲卑營龔據喻  
城進窺袁郡並可牽制北路援師幸託大人福威有此一捷軍  
聲稍振逆膽頗寒職道擬俟軍裝備先期羅坊之賊以次進  
屯黃岡庶與蕭軍聲勢連絡再圖進取以紓憲廛所有初四日  
賊來窺喻我軍迎擊大獲全勝各情由理合肅稟



稟文中丞復克羅坊

咸豐七年三月

竊職道於初六日曾將初四日臨逆來撲喻城我軍迎擊大獲全勝情由馳稟在案由是臨逆大股退屯黃岡太坪一帶惟羅坊有零賊數百至初九日卑勇揚隊該處賊卽望風而北各勇逐之尾殺數十人而還嗣蒙南撫憲飭解槍礮棚帳鉛藥等件先後到分職道以軍裝物備乃令幫辦劉坤一李承立督同駐喻各營前往距羅市十里之楊家橋相定地勢定於十七日移營進紮職道卽率駐分兩營進喻以便策應十六日晡謀報臨逆復由黃岡太坪上竄羅坊並會合吉水新淦之賊屯聚楊家橋一帶約萬餘人將於十七日悉眾來攻等語劉坤一李承立

乃會商各營三路設伏以期痛剿十七日黎明老藍旗新藍旗  
左青旗新青旗新白旗由中路進伏於順化鋪老紅旗新紅旗  
飛虎軍及新招新營膽勇由右路進伏於水西清祁勇義膽勇  
及新招協勇附勇由左路進伏於水北賊知我軍已出乃於楊  
江橋列陣以待劉坤一李承立令中路之老藍旗新藍旗勇右  
路之老紅旗勇飛虎軍進以誘之兩陣甫交我軍詐敗賊分途  
來追中路之賊將近順化鋪新白旗新青旗左青旗鼓譟而出  
賊殊死鬪唐三祚宋德啟率清祁勇何益發汪世雄率義勇從  
左路橫擊之斬其先鋒數名賊驚退至嶺上憑高拒戰膽勇協  
勇附勇復從左路繞出嶺後賊腹背受敵拋棄器械而走我勇

逐之擒斬無算時右路各勇尙在與賊力戰楚勇營總鄢世堂百長劉光文郭成璋各率所部從中路馳往助之賊勢不支且戰且退祁勇義勇復從中路楊江橋沿溪而出邀其歸路賊窘轉向水西浮橋渡河漆盛年率新紅旗勇盧凌漢率飛虎軍逆擊賊死甚眾初賊踞羅坊楊江橋時來水西淫掠百姓憾之刺骨至是地紳胡鶚薦劉韻等潛派團丁先斷浮橋賊不得渡乃背河而陣我勇三面圍之騎馬賊目二人帥眾左右衝突度不能免乃悉赴水死惟浮度數人鄢世堂從下游涉河追斬之中路賊退過楊江橋以十餘騎斷後崔大光率膽勇追近羅市賊復轉鬪崔大光匹馬陷陣手刃數人適各勇繼至賊遂驚潰我

勇追出羅市而還次日水西百姓報河中賊尸浮出四百餘人  
是役也賊挾輜重而來志在必克並據生擒賊供已派僞監軍  
楊逆來守新喻以次進圖分邑幸託福威獲茲大捷挫其凶鋒  
現在餘孽退屯太坪揚言僞檢點程逆定於日內親來決戰職  
道已於十九日由分邑率老青旗老白旗兩營馳赴喻城並函  
催王道一軍前來會剿務期一鼓殲除仰慰廛念十七日之捷  
殺傷之賊及溺死者約七八百人斬取首級二百一十五具生  
擒三十餘名奪獲龍虎大旗九面大黃旗三十一面大白旗二  
十七面大藍旗三十五面中黃旗六十七面先鋒旗二十九面  
黃號褂二十八件黃帽六頂檯槍十九桿小槍二十一桿藤牌

九面火藥六桶刀矛鐵尺鋼叉共三百餘件馬四匹轎四乘其餘衣服被蓋食物五十餘車我軍陣亡百長一名陣亡勇七名受傷三十一名除另具清摺齎存南省外所有十七日我軍剿賊大獲勝仗復克羅坊各情由理合肅稟



稟耆中丞進備臨江攻圍各情

咸豐七年五月

竊職道前月曾將初一初五日與王道進紮及分勇防勦峽江各情由馳稟在案初六日王道進紮八角亭離城七里許當正南路蕭守進紮橋頭離城四里許當正北路職道於正西路福星亭前相度營基初七日率各勇進紮該處離城約六里許連日派隊誘戰賊仍堅伏不出乃與王道蕭守及安肅劉道會商進攻十四日天雨少息王道攻其南蕭守攻其北職道攻其西樟鎮水師環攻東南該逆惟於城上施放槍礮各勇亦用槍礮對擊至未刻收隊突西門出賊二千餘計乘卑營之後各勇回旗擊之斃賊多名並槍斃騎馬賊目一名餘悉敗退入城是日

卑營勇受礮傷者亦十餘名以後連日大雨未便再戰竊思賊之長技在於堅守自我軍進紮以來不敢出城一戰其勢蹙力窮固自可見惟城上添修礮臺多備滾木礮據被創賊探供稱城內貲糧俱足未肯逃竄嗣樟樹營勇復獲賊探三名按出偽文欲邀下游之賊分擾江省希圖牽制以解瑞臨重圍則其決意死守老我援師亦可想見第我師阻於堅城與其併力仰攻致令徒損精銳不若開濠環守俾得聚而殲擒現經安肅劉道派撥戰艦駐紮永泰足斷新淦之賊由沙湖過河之路並決通橫河令三板戰艦得以繞攻南城若再於南路河邊紮駐一二旱營則水陸聯絡一氣援賊難以飛渡惟此閒兵力頗厚王道



一軍卽不調回湖南亦當分駐新淦是以卑營亟須再進方可乘勢開鑿長濠而王道一軍亦便移調他處嗣據游擊李承立稟稱該游擊於十一日派隊至峽江縣城河東之賊正在西岸擄掠我軍突至賊紛紛爭渡被勇追殺及溺水死者不少自是峽江遂無賊蹤泗溪廖墟之賊自我軍駐紮洲頭亦聞風竄往新淦等語後路防守自可無虞職道因札駐守新喻之老黃旗勇與協勇權駐羅坊而調清祁勇與職道家中募來新勇來臨助剿二十二日天雨始息精捷勇老白旗勇膽勇義勇各派隊四成前往師子山瀟水橋胡家嶺鑿築新營已後西門賊出數千前來牽擾職道飭令各勇堅陣不動趕築新營該逆見我不

前且伺天將雨悉眾撲來江忠義等率同各勇分路迎敵頗有擒斬時北門有賊千餘亦爲蕭守擊敗未刻始各收隊回營二十三四兩日職道率老白旗勇精捷勇膽勇義勇先後進駐新營清祁勇新楚勇亦相繼而至均紮城外平崗環繞西南兩門南距王道新營約半里許得與水師互爲聲援西距蕭守各營亦不過四五里彼此易於接應當卽會商王道蕭守各營興工開挖長濠零賊不時出擾輒被我勇捕獲先後約二十餘人旗幟小槍亦奪獲多件本月初三日與王道安肅劉道及蕭守各派隊乘夜攻城卑營勇前隊過濠時城賊數百潛伏濠邊計欲驚我前隊突遇我勇前至紛紛驚潰入城拋棄槍械火器等件

各勇乘勢追偪城根施放火箭噴筒城上周圍槍礮不絕各勇  
攻至天明始收隊回是後職道及王道仍督飭各勇將長濠加  
工開鑿連日訊據逃出難民供稱城賊自我軍進偪內外信息  
卽已不通每遇官軍進攻城中實形驚懼等語職道復於離城  
二十里之丁家渡搭造浮橋委弁駐守不時派隊梭巡防範益  
加嚴密惟新淦對岸仁和墟一帶與淦賊僅隔一水時有零賊  
往來該處百姓俱未薙髮姦細最易混迹職道原派李游擊駐  
防洲頭之勇距該處尙遠難以兼顧因飭令於初六日由洲頭  
移紮仁和上可防守峽邑下以連接水師一面函知安肅劉道  
派令戰艦泝河而上遙爲聲勢庶幾西岸肅清賊中內外更益

隔絕初七日城賊於南門外添修礮臺卑營鑿濠各勇向前擊  
之斃賊多名斬取首級六具賊悉縮退初九辰刻城賊大股四  
出旗幟招搖偪濠搦戰各勇出隊迎擊未及交鋒仍退縮入城  
現在長濠不日告竣職道一面懸立重賞於卑營內購有善地  
道之勇相度地勢開取地道如獲成功旬日外臨城可望克復  
否則修成長濠內賊不能出外賊不能入窮阻既極必有內潰  
之勢仰仗大人福威冀得迅復要城或不至曠日持久勞師糜  
餼也所有兩次進紮及攻城開濠並李游擊移駐仁和各情由  
理合馳稟

稟耆中丞地道未成憑濠圍剿

咸豐七年五月二十八日

竊職道於十七日會將乘夜偪紮接仗獲勝各情由馳稟在案  
十八日新營完竣精捷勇義勇各於營內開鑿地道該逆偵知  
將各城大礮移置南門連環開放礮子重至數十斤輕亦不下  
數十兩新營牆壘被衝塌隨卽補築旋商同王道於康令戰  
艦撥礮數尊安置新營與之對擊該逆勢窮日以精悍出城搦  
戰以疲弱加鑿城濠旣欲疲我兵力又思截我地道職道因飭  
各營更番派隊列於新營左右一遇賊至卽自率親勇往來督  
戰雖雨夜未嘗稍弛數日內各營均有斬獲十九二十兩日疊  
接吉軍來函以該處情形喫緊亟應分兵馳往應援等語竊念

此間長濠未竣地道未成各營勇日夜不遑備形勞苦似未便  
分軍他往然吉郡賊援既至兵力既單王道一軍自當於賊多  
兵少之處馳往援剿乃內抽卑營原駐仁和之勇一千名定於  
二十一日來臨王道亦定於是日率全軍往吉二十日夜半城  
賊悉眾出西門勢將越濠義勇清字勇與職道親兵前往堵剿  
忽南門出賊二股一由河邊繞進一由大路徑撲新營管帶飛  
虎軍盧凌漢管帶老白旗翟國彥管帶精捷營王一枝賈啟琪  
與義勇百長任佳貴等各率勁勇伏於營外伺賊近前大聲疾  
呼齊施槍礮賊紛紛驚潰親勇百長戴盛寬李昌連督同各勇  
亦卽馳往助戰西門之賊同時驚退各勇奪獲火箭火罐短刀

噴筒等件並掩殺老賊數名至五鼓天大風雨義勇新營礮臺傾圮該逆乘隙來撲火罐火毬紛擲營內該勇受傷過多正在慌亂陳周典率新藍旗勇馳入義勇營中協力助守江忠義率親勇從左路出擊盧凌漢率親勇與膽勇從右路截之職道亦督親勇與老白旗清字勇由西南前進該逆不能抵敵擠陷城濠者甚眾皆爲我勇所殲約計斃賊百數十名義勇取賊首級五顆奪大黃旗四面膽勇取首級四顆奪中黃旗一面精捷勇取首級二顆奪小槍三桿新藍旗勇奪藤牌一面小槍一桿柳桂勇取首級一顆奪令旗二面比天明收隊各營官合詞稟稱以城賊日夜來擾眾勇無時休息傷者病者日益加多卽昨夜

兩戰幸而獲勝賊猶將判死來爭今湘勇又全軍拔去賊心難免搖動賊若乘此猛撲新營恐難保其無失且城外重濠深已二丈有餘我軍地道由高入低深不過是就令不爲所截而土薄力小不能轟塌城牆則是徒勞無益更防意外之虞等語職道因念此次偪紮城跟圖開地道自職道王道及各營弁勇蹈危冒險畢慮殫精祇冀迅速成功殲除醜類無如機未發而形先露賊得多方阻截致令無聞可乘而二十夜兩次大戰之餘將士頗有難色又值王道全軍赴吉策應兵力一時未免見單事難必成正恐一有疏失轉傷銳氣旋於王道啟行之時面其商推卽加派隊伍並函約蕭守與安肅劉道於是夜環城攻擊



時密令新營各勇將軍裝器械運入老營並乘夜雨  
四更後始整隊而還謀事無成實深慚憤現惟督飭  
長濠寬深一律計偕諸軍憑濠而守相機而攻如王  
退賊援乘勢渡河徇取東岸各邑或瑞城旦暮克復  
撫建則臨賊勢孤望絕我軍亦不至曠日久持矣二  
刻李明惠漆盛年帶老青旗新紅旗勇由仁和墟來  
其暫駐湘勇原營擬俟天霽卽紮近濠邊便於戰守  
侵晨賊於煙霧中發喊開槍漸逼長濠職道傳諭各  
三成捲旗疾進分路度濠遇賊便擊當獎其先鋒賊  
三日早天復大霧賊潛出悉伏濠邊惟東北一路槍

派隊四成令由西北馳進以備接應甫至濠邊忽賊旗攢簇吶  
喊而前江忠義李明惠王一枝翟國彥等各率所部衝過長濠  
義勇柳桂勇先後繼進槍矛並施賊且戰且退我勇愈進愈逼  
追殺直至城濠約計斃賊四五十名割取首級七具奪獲大黃  
旗一面所有十八日至二十三日城賊屢撲新營截阻地道我  
軍禦賊接仗連日獲勝及調回防勇來臨助守各情形理合據  
實具稟

稟者中丞各路攻剿獲勝

咸豐七年閏五月十六日

竊照職道於本月初三日曾將前月二十七日城賊出撲南營  
我勇接仗獲勝及連日揚隊並現撤各勇情由馳稟在案嗣查  
長濠牆卡修築完固令各營派隊二成卽於濠上搭棚駐守並  
委派員弁日夜巡查以警疏懈該逆每於四五更時隔濠施放  
火箭我軍柝守如常賊不敢犯初四日安肅劉道函約閏端午  
日合攻臨城夜五鼓水師先攻東南槍礮聲急江忠義黃三清  
陳周典李能通等各督勇潛趨城下望見城上火光紛馳東向  
勇皆暗度城濠拔椿架梯計圖襲取忽城南隅賊卡開放大礮  
周城響應火彈輒石紛擲如雨各勇退伏濠外惟用槍礮連環

益正州志卷之三十一  
三十一  
三十一  
轟擊李明惠漆盛年各率親勇十餘名由河岸撲入城南賊卡  
燒其哨棚三座並奪取左隊大黃旗一面時天將曙城守益密  
環攻逾時始各收隊先夜壘據李承立函報淦城另添股匪有  
從上下游分渡西岸先撲仁和官營之信職道念仁和勇僅千  
人上距峽城三十里下至界埠亦三十里使該逆從兩處分渡  
正恐顧此失彼有礙防勦大局正擬商撥戰船移泊界埠相助  
堵截旋接水師營康令與管帶建武軍吳紳函約初六日會同  
仁和楚勇進勦新淦職道當卽飛知李承立等豫派隊伍屆期  
會勦去後臨賊見我南路戰船悉出外河時以零股渡河掠取  
食物勢漸猖獗職道一面函商安肅劉道設法巡防仍一面於

遂傳令各營派隊五成豫備接仗惟令善水者百餘人多執旗幟從上游徐渡該逆突於南門擁出二三千人一由大路馳來一由河邊繞入意以我勇大隊已過中洲彼將乘虛撲營兼可邀擊渡河各勇比近長濠欲前仍卻卒不敢渡陳周典盧凌漢崔大光各率勇由中路迎擊李明惠唐三祚漆盛年各率勇由河岸迎擊甫過長濠齊施槍礮賊稍退復整隊前拒李明惠等捲旗詐退該逆蹤至濠邊親兵百長李昌連戴盛寬督開劈山礮連斃先鋒賊十數名餘賊返奔李明惠等與親兵百長戴盛寬等越濠追殺大路之賊分股來助江忠義督同王一枝賈啟琪與翟國彥王高來等各率所部由西南鈔出該逆應接不及

近河各營派勇浮渡設伏中洲伺賊出輒掩擊之初九日樟鎮  
旱營進紮中洲與城對峙該逆悉力往撲並以礮船橫遮上流  
計彼便於返而我難於往午後職道巡濠至河邊見賊猛撲中  
洲之營卽麾新紅旗百長李榮忠率勇百餘浮渡往援將及半  
渡該逆分股來截並移船向我頻開大礮眾勇一鼓登岸當斃  
執旗賊一名賊眾判命奪屍刀矛相接勢殊凶狠李明惠督同  
百長李盛魁等策馬渡河直衝賊隊賊悉縮向渡口適撲營股  
匪亦被該營之勇擊退兩路追逼河中賊死傷不計其數自此  
城賊不敢徑渡卽渡一無所掠意益憤甚乃於十二日先以數  
十賊渡向中洲上搖旗吶喊詈罵不絕職道知該逆意在誘我

各勇鼓噪從之直逼城濠旋見西門卡上又出賊千餘飛馳來戰義勇營總李長齡何益發楊松柏等迎頭擊之賊不得前猶橫陣城下以槍礮抵拒塵至申正賊眾擁擠入城被我勇槍斃矛刺死傷不少收隊後查點我勇亦有傷亡此十二日城賊蓄計來誘我軍接仗獲勝之情形也十三日職道知賊必再出密令各勇列隊長濠伺賊近前先施槍礮繼以刀矛務期痛戮一番庶攻取易於得手午刻城南隅有賊數百列陣高岡旗槍排比屹立不動其大股二千餘人自西而南徑至濠上各勇誘之再三始於牆隙開放槍礮賊知我軍有備退伏濠旁或依田畔亦用槍礮回擊義勇精捷勇老白旗勇與職道親兵分道馳出

將賊衝爲數起內騎馬賊五人往來督隊散而復合者至再賈  
啟琪率本營百長權光燦鄧福新及親兵百長李德昌等躍馬  
直入身均受傷猶復衝突自若賊勢不支望西門走將至城卡  
有廣賊七八百人多執五色方旗前來接應各勇悉力抵住受  
傷頗多李明惠唐三祚各率部勇折向西南恆字營虎威軍亦  
由西北分隊馳至逼城痛擊賊死無算至酉初始收隊而還此  
十三日城賊再出我軍進剿獲勝之情形也次早接李承立函  
復初六辰刻由仁和出隊界埠吳紳之勇將次近城淦賊千餘  
人出城拒敵正在相持康令戰船飛棹往助楚勇惟前隊得民  
船五隻由上游東渡餘皆列隊西岸遙爲聲援是日各勇斬獲



頗多而楚勇未殺一賊旋接吳紳康令苗來再約十二日併攻  
淦城至是仁和楚勇悉乘戰船渡至東岸與各勇分路環攻賊  
惟堅伏城中不敢迎敵至午正始出賊百餘人各勇誘之不前  
齊聲擁進賊仍鼠竄入城是夜楚勇與水師仍駐界埠探報城  
賊於我軍收隊後逃出數百似將棄城他走等語當卽商派鄔  
世堂郭雲漢等各帶勁勇與水師同渡以圖暗襲初賊偵知我  
軍復渡舉城驚亂並有縋城逃走者移時鼓角齊鳴槍礮並發  
我勇攻至天明始收隊過河辰正遙望建武軍鼓行而來陣於  
城外楚勇與水師移船欲渡突城內出賊七八百人趨戰甚急  
楚勇百長李士恩蔣得勝等率老紅旗老藍旗勇會同水師催

棹先登賊恐我軍鈔截後路復由城內添出大隊馳來迎敵李士恩范基祿李堯傑等率勇力戰斃賊先鋒數人餘猶冒死抵住前隊之賊恐後隊難以抵敵又復回旗向我合力鏖戰承立率親勇數十人督同百長夏永寬郭雲漢等卽由河岸繞赴城下大呼破城殺賊賊遽慌亂楚勇與水師乘機衝殺賊始敗退入城約計斃賊百數十人斬取首級十五具奪獲大小黃旗五面白旗三面小槍六桿刀矛無算我勇亦有受傷者現又派隊三成與康令水師留駐界埠相機會剿其餘收回仁和老營等語此仁和防勇初六十二三日會剿新淦獲勝之情形也竊思新淦爲臨賊往來要路此次連日會剿淦賊之鋒已挫卽臨

賊之勢益孤而駐臨諸軍於十二三兩番大戰殺賊又以數百計據投出長髮供稱城中賊黨不和賊心不固今長濠旣成中洲之路亦經堵截不久必將自潰等語職道現將前造浮橋移搭營後以便應援兼防竄逸如臨城日內再無變動或淦城日內可以克復尙須分營添紮中洲使該逆不能出城一步不能漏網一名則各處據城賊匪亦應聞而知懼不敢再萌死守之念也所有各路攻剿連日獲勝實在情形理合肅稟



稟耆中丞派攻淦城獲勝

咸豐七年閏五月二十四日

竊職道於十六日曾將連日在臨在淦二縣獲勝各情由馳稟在案嗣據李游擊稟稱十四日商派鄧在富鄭金華郭雲漢等帶老紅旗老藍旗各隊四成由仁和進駐界埠十五十六等日會同水師渡河勦賊均有斬獲惟東岸尙需添軍助勦方可得力等語時守備崔大光以臨賊堅伏如常各勇憑濠而守足資調撥請派勇數百往淦助勦職道壯其氣令與盧凌漢各率所部二百名益之以祁勇二百名親兵百名潛由沙湖東渡出賊不意先以建武軍誘敵遠出各勇始從旁擊之十七日申刻啟行十八日黎明臨城東北礮聲甚急職道令各營出隊濠邊忽

南門出賊千餘揚旗而前各勇伺其將近均用槍礮迎擊賊前而復卻旋卽引退遙見渡河之賊爲中洲各勇所敗亦紛紛奔回李明惠督所部勇排列槍礮於南岸對擊復斃賊多名辰正收隊是日崔大光盧凌漢等至離淦城四里塔下地方一面安插各勇卽一面歷覽地勢並知會水陸各營十九日鄧在富鄭金華郭雲漢率楚勇與水師先渡河東賊從西南分股迎敵力戰逾時建武軍已近北門賊開城鼓噪而出崔大光盧凌漢郝勇百長周顏遠蕭清漢宋德喜親兵百長戴盛寬各率所部從左右突起賊遂驚潰各勇乘勢截擊追逼城跟崔大光督各勇架梯登城抽矢仰射忽腰受槍傷登時暈倒城賊大股撲出各

勇悉力抵拒始將崔大光救回盧凌漢以城上礮子如雨落仰  
攻不易令各整隊退向平岡賊眾忽從東門擁出越嶺而來戴  
盛寬率親兵回旗轉戰各勇吶喊從之斃賊先鋒數名祁勇百  
長蕭清漢陣斬旅帥一名並奪取偽印一顆餘賊仍奔回城是  
日約斃百餘名斬取首級十五具奪大黃旗三面中旗七面職  
道以戴盛寬腿受兩傷復派親兵二成令李昌連帶往助戰二  
十一日黎明各勇出隊進攻復以建武軍往東門挑戰賊恐我  
軍鈔截乃分兩路出約二里許百長周顏遠宋德喜李昌連率  
勇從中大路截出盧凌漢率本營勇及膽勇從左邊嶺腳鈔出  
賊復大奔鄧在富鄭金華與康令國器急率勇登岸合力追殺

賊之陷於泥田及擁擠不能入城者皆斃之是日斬取首級五  
十七具奪大小旗十三面擡槍八桿小槍十一桿二十二日辰  
刻各勇正在列陣賊大股齊出東門旗幟徧山較前倍形兇悍  
李昌連率親兵周顏遠宋德喜等率祁勇與建武軍從中大路  
迎敵盧凌漢率飛虎軍黃仲光等率膽勇從左路繞向嶺後鄧  
在富鄉金華郭雲漢帶所部及水師從右路河岸繞向東門該  
逆依山列隊屹立不動移時鼓角齊鳴蜂擁前進我軍槍礮齊  
施當斃騎馬賊目二名賊猶冒死抵住盧凌漢令百長滕國能  
分領數十勇從山後邀擊賊後隊驚走前隊亦亂各勇奮力衝  
殺賊多拋棄旗槍落荒而走時已戌初各勇飢疲未能乘勢攻



城是日復斃賊百數十名斬取首級六十具內飛虎軍百長擒  
斬僞旅帥一名奪大小旗二十一面僞印一顆此十九二十一  
二十二等日撥勇助攻淦城迭次獲勝之實在情形也先是二  
十一日夜職道以淦城猝難攻克各勇馳戰七十里外路有重  
河之隔鏖戰數日倍形艱苦而勇目崔大光及各營百長多有  
受傷因檄令暫回休息二十三日盧凌漢等遂收隊回營據稱  
二十二日之戰賊數較前倍增探悉樂安援賊數千於二十一  
夜潛入淦城幸我勇用命以少敵眾並獲勝仗等語職道竊思  
樂安之賊卽王道在藤甸沙溪擊敗之餘復爲卑勇所敗其氣  
已挫喪必無能爲惟賊數驟添將成負隅更恐屯聚東岸與臨

吉爲犄角之勢職道一面留知王道一面休養士卒另行設法  
勦辦如此城速下則臨逆之勢益孤而望益絕諒不難於得手  
也所有連日派隊在淦攻城獲勝情由理合肅稟

稟書中丞臨江新淦防期各情

咸豐七年六月

日

竊職道於前月二十四日會將連口會攻新淦獲勝情形馳稟  
在案嗣接康令函稱淦城添賊二千餘人在於東門外築營五  
座爲負固之計若不乘其新集一鼓破之將來根深蒂固更難  
動搖等語職道以所籌亦是仍派盧凌漢率飛虎軍唐三祚率  
清祁勇王仲光何流述率膽勇翟國彥率老白旗楚勇鄒世堂  
率親勇前駐界埠飭令會商仁和長排原駐楚勇康令水師及  
東岸建武軍相機進剿不得輕進六月初五日蒞謀報初四日  
盧凌漢等會商各勇渡河擊賊並約建武軍由後夾擊初五日  
黎明各勇登舟始接建武軍緘復不出時飛虎軍清祁勇之舟

金三正 卷之二 十一  
五五  
已抵東岸各勇只得畢渡飛虎軍清祁勇從塔前進攻賊右營  
老白旗親勇膽勇從岳王廟進攻賊左營老青旗勇老紅旗勇  
從沙洲進依城列陣以遮城賊之援且爲西路接應郭應漢率  
所部從上游渡陣於坡上牽制南路之賊以便乘虛襲城賊見  
我勇渡河周營結爲方陣復於嶺上排列一字約數千人盧凌  
漢率飛虎軍王仲光率膽勇張兩翼而前直突其陣賊屹立不  
動唐三祚率清祁勇繞出陣後賊遽驚亂我勇乘之擒斬十餘  
人追至營前營中之賊悉銳來拒我勇正在難支翟國彥率老  
白旗勇鄰世堂率親勇繼進槍礮齊施擊斃騎馬賊目一人餘  
眾死傷無算賊復敗退忽城中擁出賊二千餘人徑襲我勇之

後鄧在富鄭金  
轍子如雨下鄆  
嶺上之賊繞出  
陣徐退賊悉眾  
十餘名賊卻而  
轍擊賊殺數十  
其親兵十餘人  
飛飭康令水師  
營初六月派劉  
日回稱新淦之

千餘座於南城外港中編木爲篳志在西渡並查離城十里之  
宜江口一帶灘淺易渡等語與所接各路探報亦同是日又接  
獲臨逆寄僞國宗石逆及僞指揮將軍等密書並臨城國說屬  
其分道赴援一由進賢豐城聲言取南昌陰分發胆加而下以  
解瑞圍一由峽江出阜田安福以窺袁州一由羅坊出新喻水  
北取上高以斷援軍後路其餘則由新淦上下潛渡向臨使我  
腹背受敵等情職道察其語意多屬誇張且不以賊半爲王  
道所破餘孽亦何能爲第以大局攸關不可不備一面由舉營  
再抽勁勇五百名於初九日馳赴宜江口協同原駐各勇防堵  
一面函屬吉安黃守撥勇往守峽江並函知統領江軍安肅劉

道及瑞郡各營嚴爲之備嗣又接據仁和諜報淦賊勢漸猖獗並有渡河決戰之語職道復會商蕭守調田參將帶所部勇五百名擬於日內前往界埠以資厚集此初五日進剿淦賊及現在籌防之實在情形也臨逆自前月二十五日黎明由南門出城水陸並進爲新紅旗老青旗新藍旗擊退擒斬數十人以後堅伏不出嗣聞外援已抵新淦於初八初九連日四出誘戰計圖牽制我勇免使往遏淦援我勇每伺其近濠開壁擊之數有斬獲初九夜職道以賊知我軍旣分計必悉眾出犯第爲長濠所隔必沿河岸而來乃飭各營戒嚴以待初十五鼓大霧彌漫賊果由南門出先以礮船泊於對河其陸賊約三千人由河岸

下沙洲銜枚疾進其前隊已過長濠蟻附登岸楊立德率勇連  
開大礮擊賊數十人近則以矛刺之賊尸相枕猶復冒死向前  
我勇極力抵拒適李明惠率老青旗勇唐三祚率祁勇何流恕  
率膽勇陳周典率新藍旗勇馳救賊勢不支多棄旗幟器械而  
走我勇追斬十餘人其由西門而出者先以數人來覘江忠義  
嚴飭各勇勿動賊意該營出禦南門之賊遂逼長濠勢將乘虛  
而入江忠義令陳大運率勇以小槍排擊當斃大旗賊數人餘  
眾悉還福壽門之賊暗用槍礮伏於城濠甫前卽卻計誘我勇  
近城何益發李長齡初令義勇嚴陣以待不得力追旋見楊恆  
升率勇由西北門橫岡下繞來李長齡乃率義勇由大路前進



槍礮一施卽揮勇僞退賊追過嶺恆字營勇擊之賊遂驚潰其折而北者爲果勇所敗復折而東又爲劉道水師所敗此前月二十五日至本月初十日迎剿臨逆獲勝之實在情形也竊臨逆負嵎自固忍死以待外援若能克復淦城則臨逆望絕必將內潰唯卑營往淦剿賊中隔大河進退實形不便業經函約吉軍會剿並邀王道回援俟得復函再議攻守之策至卑營及蕭軍各勇圍臨三面現在巡守長濠開挖地道在在需人茲復防剿淦城合計先後撥勇二千五百有奇兵以分而較薄現聞龍泉旣復則吉安兵力有餘伏乞迅飭黃守無分畛域撥派重兵會攻新淦否卽扼守峽城以防援賊竄越則於大局裨益良多

至盧凌漢從征兩載屢著戰功茲復爲國捐軀臣深堪憫惻可  
否仰邀議卹之處出自逾格鴻施所有防勦各情形理合肅  
稟

稟耆中丞截擊瑞逆獲勝

咸豐七年六月二十八日

竊職道前以新淦援賊日聚日多曾經會銜稟請憲台迅調重兵進剿撫郡以牽援賊並咨明總局在案嗣因吉軍失利退保安福吉逆擾及阜田袁屬大震來營請援日數十至職道正與安肅劉道蕭守會商二十一日晡遞接諜報瑞逆於十九夜逸出數千繞向新昌上高勢將過臨趨吉以合新淦之援等語當經職道派勇千人出黃岡羅坊蕭守派勇千人出英岡嶺灰埠分途邀擊該逆前隊約七八百人由灰埠走水北晝夜狂奔二十一日逕出羅坊戕司官沈慶安渡河而東我軍邀之不及職道飛飭新淦西岸防勇戒嚴以待李承立聞警於二十二日黎

明派鄭金華鄧在富率仁和墟防勇遮於大路調翟國彥率長  
排之勇李盛魁劉盛調任加貴率宜江口之勇前來策應並屬  
康令以戰艦嚴防江路該逆覘知有備遂由閒道逕趨仁和襲  
營守營各勇併力拒戰適翟國彥李盛魁任加貴率勇來援背  
水而陣鄭金華鄧在富亦卽回救繞出上游遏其去路賊殊死  
鬪我勇兩面夾擊賊計無所出競撤民房門壁浮渡時水方盛  
波濤洶湧溺死甚眾浮至中流者康令復以大礮擊之落水並  
生擒數人其餘岸上之賊悉爲旱勇所殲惟從市後衝出二百  
餘人翟國彥劉盛調等率勇追至烏口擒斬甚眾並殺其騎馬  
賊一人次日李承立復派隊過烏口搜捕十餘人賊之縊於林

間及自殺者相望二十三日謀報賊後隊爲上高各勇所敗尙  
有一千餘人由傅家墟將抵黎墟職道卽令原勇千人待於羅  
坊蕭守旋率本部來助二十四日蕭守進水北時賊已出水西  
卑勇馳往掩擊賊復由水西上竄我勇逐之擒斬數百人繼恐  
新喻有失乃疾趨至喻城以待是夜賊由新喻北路直上沿途  
逃匿僅餘三四百人二十五日我勇追至寶山聞賊已橫出白  
眉渡走往吉界職道以賊旣遠颺而各勇奔馳頗殆檄令轉由  
喻城渡河繞出新淦西岸揚兵而還是役先後其斃賊一千五  
六百人斬取首級二百一十五具生擒五十二名奪獲馬二匹  
僞印一顆大小旗幟二百八十面黃號褂三十件擡槍十五桿

小槍四十七桿其餘藤牌刀矛無算我勇陣亡十一名受傷五  
名此二十一至二十六日各路邀擊瑞逆之實在情形也竊自  
吉軍失利臨軍後路堪虞而瑞逆又適竄出計圖往邀賊援以  
壞江省大局幸各路邀擊大半殲除所有餘孽無多諒亦無能  
爲役惟淦逆大集溧江永泰地方皆有大股盤踞探報該逆造  
船數十銳意來援而吉逆披猖又將由阜田出犯分新二邑茲  
幸瑞師派到兩營職道現在與劉道蕭守會商飭令擇要堵守  
但令遏其援賊則瑞臨指日可圖伏乞大人迅調重兵進剿撫  
郡以牽制淦援則西岸更易爲力所有連日派勇各路截剿瑞  
逆獲勝及現籌各情由理合肅稟

稟耆中丞辭水師統領及峽江獲勝

咸豐七年七月十九日

竊職道於初十五等日接奉湖南撫憲批札吉長兩營水師暫歸該道統領等因奉此查前月吉軍失利劉將培元從九文翼卽飭水師來臨一歸安肅劉道統領均經劉于瀆稟明憲臺暨湖南撫憲在案嗣奉憲臺批飭該各水師概歸統領江軍安肅劉道統帶並籌給口糧等因奉此亦經安肅劉道遵照辦理稟明在案茲奉湖南撫憲批札前因竊查水師情形非所素習誠恐調度未善轉致貽誤事機且戰船所需等項多與旱勇不同尤難供其缺乏再四思維惟歸安肅劉道統領則事資熟手並免兩歧除已據實稟覆湖南撫憲外伏乞撫憲轉咨湖南仍

飭各營水師概歸安肅劉道統領實爲妥便職道原爲事資熟手起見不敢稍存推諉均候撫憲飭遵至日前峽江告警職道當與蕭守會商統領江軍劉道酌留長營礮船六隻暫泊峽江以助防剿旋因統領湘軍王道將由藤田回援札調吉營水師全赴峽江亦經統領江軍劉道調遣矣再峽江楊令前因東岸賊勢滋蔓吉逆又復披猖逼近峽境日來卑營請兵職道以瑞軍刻難前進乃以新募廣勇二百名撥赴峽江助堵並派劉牧坤一同往該邑察看情形籌商堵剿十四日該牧回稱前月瑞郡撥守分邑之寶前營同日到峽駐紮近城此路當可無慮惟阜田一路當賊之衝非得重兵難以堵禦等語十五日接據峽



江楊令稟稱東岸之賊自初一日爲我軍擊退後旋於初五日邀集大股約千四五百人盤踞沿河宋方等村及石上一帶復於小埠築營並擄民船勢將西渡卑職以兵力過單未便渡河掩擊唯飭卑勇合同水師晝夜戒嚴嗣因連日大雨河水暴漲該逆所踞各處四面皆水戰艦可通謀報該逆大半竄往八都其宋方等村石上一帶並守營之賊僅數百人卑職恐河水勇退卽商請吉營水師於初十申刻直擣石上賊巢卑職率同旱勇由上游渡河夾擊賊出迎敵我軍水陸並擊斬獲多名賊勢不支退伏村內我軍縱火焚之賊多投水自盡卑職卽揮各勇乘勝進攻連破宋方等村及埠上營壘擒斬數十名奪獲黃馬

五三  
御僞印僞憑及旗幟槍礮各件次日復派隊渡河按捕餘匪七  
名並將賊所擄船及所造木牌罄行燒毀賊由是稍斂不復肆  
行猖獗等情前來謹據情轉稟仰慰靈庠

稟耆中丞擊敗出犯城賊

成豐七年七月二十四日

竊職道於初三日曾將前月二十八二十九會攻臨城各情由稟明在案初十日蕭守因賊在於城下沿濠築牆出隊往擊職道當卽派隊策應賊旋折向西南各勇邀之力戰移時賊遂敗退入城是日我勇受傷五名時河水未退職道以賊覬覦浮橋船隻已久恐其乘夜來劫乃商請統領江軍劉道撥派礮船四隻潛由橫河進泊內河西岸十三夜月色迷濛東岸樹木陰翳半遮江面賊船八隻由此汭流而上已過天符廟前計圖乘我不備前來擄船探卒回報守橋之伍乾英一面知會礮船戒嚴以待一面率所部及守長濠各勇伏於西岸旋見賊船鼓柁渡

河南及中流礮船駢頭而出開礮擊之賊大驚欲退旋見彼眾我寡亦開礮對擊伍乾英率各勇於西岸排開擡槍子如雨驟賊仍轉由東岸而下復爲江軍邀擊自是以後賊常夜出前來驚營職道嚴飭各勇謹守長濠不時親往巡警十八日黎明聞北路礮聲轟烈乃令卑營列陣西南以牽制賊勢嗣據蕭守函稱北偏城牆因雨倒塌數丈我勇正在力攻等語職道當與劉牧坤一江令忠義督催卑勇填濠而入攻西南門賊堅伏不出惟嚴守城堞開放槍礮紛擲火器李長齡率義勇徑薄城下豎梯欲登賊以死抵拒攻至日中乃與蕭守同時收隊是日我勇陣亡二名受傷十六名二十日五鼓賊傾城而出先攻田將營

盤職道令各營嚴鼓勒兵出壁列陣嗣見賊眾多向北路乃令何益發率義勇進攻西門賊遂分股迎敵北路之賊旋爲我軍所敗悉退西路職道義勇力不能支卽督口勇繼進江忠義亦率所部來助忽開忽合槍礮呼噪之聲動地賊死傷無算猶復併力拒戰精捷營百長陳大運以大刀陷陣手刃數人賊勢稍卻各勇乘之賊遂敗潰我勇追斬十餘人賊退至城下一執大旗頭目率眾轉鬪何益發與親勇范繼勝等數人誘令近前輒以小槍擊之連斃十餘人賊乃悉退入城是日我勇陣亡二名受傷三十五名約斃賊百餘人斬取首級十七具奪獲黃旗三面小槍二桿二十一日五鼓賊出西南兩門排開槍礮我軍堅

壁不出天明賊已退去此數日內接仗獲勝之情形也竊賊負  
隅自固以待外援茲聞淦逆不能渡河瑞城已於前月克復賊  
情洵懼誠恐官兵日眾彼更無路求生所以日出鏖戰夜來驚  
營計俟我疲彼即潰圍而出職道嚴飭各勇固守長濠以防衝  
突卽一面開示降路解散其心務圖迅復城池所有數日打仗  
獲勝情形理合肅稟

稟者中丞賊援入境堵剿獲勝情形

咸豐七年九月初一日

竊職道於十四日曾將阜田股匪分擾新峽地界請迅飭瑞軍馳來會剿緣由會同安肅劉道卽選蕭守馳稟在案嗣於十五十六日各路警報阜田之賊分股出犯一由上坳攻峽江一由下坳窺新喻一由中坳出羅坊峽新兩路曾經撥勇駐堵惟羅坊距營較近甚屬空虛乃飭劉牧坤一沿途號召團丁以資守禦十八日該牧由太坪至黃岡協同紳士糾集丁壯萬餘方議守備之策忽於日晡接據謀報峽江於十七日失利竇前長右兩營退屯羅坊其中坳之賊時已逼近地方大震該牧以團練未經戰陣且無槍礮難期得力馳函來營請援職道派清祁勇

四百名蕭守派果勇六百名恆勇八百名隨同該牧於十九日  
黎明馳至羅坊協同寶長兩營堵守時賊前隊已到羅坊東岸  
大肆焚劫我勇喘息未定且不測賊虛實未便渡河掩擊惟於  
河岸列陣撤斷浮梁是日夜賊大至上下十餘里烽火燭天該  
牧以兵力尙單而寶長又係新挫恐不足恃多來告急先是職  
道以賊深入稟奉憲札派普將全軍來援至是復與蕭守遣使  
往促普將先遣前隊馬步三千人於二十日至羅坊軍聲稍壯  
時峽江之賊俱集羅坊東岸沿河樹立營柵三十餘座眾約數  
萬普軍前隊以與賊夾河而營不便接仗乃於二十一日移營  
羅坊下二里許之鐵樹嶺右劉牧以清祁勇果勇恆勇難以孤



立亦令移營鐵樹嶺左是日午後賊於羅坊上下結浮橋二所  
卽以千餘人渡河築營清果恆勇出隊往擊頗有擒斬賊遂敗  
退過渡我勇當將下游浮橋燒斷甫行收隊賊復結橋來追並  
於對岸排開槍礮我軍冒死轉鬪賊來益眾橋忽自折賊溺死  
者百餘人對岸之賊以舟來救我軍泅水斬首十數名奪獲大  
旗三十餘面尙在相持適普軍燒斷上游浮橋前來助戰賊遂  
引去是日約殺賊百數十名斬取首級十七具奪獲大小旗幟  
二十七面我勇陣亡三名受傷三十二名是夜賊於原處復架  
浮橋次日黎明普將率後隊千餘人前來方在相度地勢添築  
營壘賊悉眾渡河重重列陣十餘里相望並於對岸沿河列長

蛇陣出我營之後劉牧令恆勇嚴防後路果清兩營迎敵左路  
普軍新到後隊尙未晨炊亦卽出營與先到各營迎敵中右兩  
路賊眾如潮而進河岸大路之賊與果清兩營最近先以火攻  
果勇清勇鳴鼓進兵恆勇亦來助戰斬賊先鋒十餘人賊前者  
旣退後者復進我勇亦更番迭戰追至羅坊街口擒斬七十餘  
名奪獲大小旗幟三十餘面賊擠入河死者甚眾中路之賊分  
股來鈔清果恆勇卻而復前併力抵拒普將亟麾中右馬步並  
進當將各賊擊退追至田隴賊亦以馬隊來拒其步賊乘勢轉  
戰愈擁愈多我軍力不能支且戰且退果勇退至營前以死抵  
拒而賊馬隊已衝過營後縱火入營遂與各營一時俱陷劉牧

隨清祁勇與普軍退英岡嶺果勇恆勇逕歸臨營清祁勇陣亡  
六名受傷四名劉牧親勇陣亡二名受傷五名時賊勢披猖人  
情洶懼黃岡太坪團約盡解居民搬徙一空兼之饑道旣斷民  
質全無各勇嗷嗷朝不謀夕城賊知有外援日出苦戰我軍腹  
背受敵萬難支持議者皆請退保英岡嶺暫避賊鋒以圖再舉  
謂爲萬全之計職道竊思圍攻臨郡半載有餘今幸功在垂成  
豈可一旦委棄且我軍卻退賊勢益張如火燎原何時撲滅無  
論未復之城不能收卽已復之城亦難守從此東南大局不堪  
設想矣惟有併力決戰冀得轉危爲安乃一面傳集紳民諭令  
輸將以足軍食一面激勵弁勇勉以忠義以固眾心且爲之曉

譬利害申明賞罰由是人人自奮皆欲致死於賊並於二十二  
日夜飛調仁和一帶防勇回臨以顧根本二十三二十四二十  
五三日留三成隊守濠以堵城賊並請安肅劉道派隊前來助  
堵職道率隊七成四鼓出隊會同肅軍分途前進於離營二十  
里之秧田中亭一帶嚴陣以待援賊知我有備畏縮不來惟於  
黃岡太坪焚燒民房煙瘴上蔽天日職道亦以離營頗遠未敢  
輕進時湘後營先後抵英岡嶺王道舊部亦到分宜雖經屢次  
緘請來援而又爲賊牽制未聞啟行二十五日晡生擒賊探訊  
供援賊已由羅坊悉數下竄太坪連營十餘里約四五十座計  
將紮穩營盤來與官軍決戰等語旋聞城逆亦於福壽門塞濠

拔樁以圖接應外援夾攻官軍職道以賊援逼處勢不久持若  
俟其根深蒂固而後悉眾前來內外合勢我必不支惟乘其築  
營未完而掩其不備使賊馬不及駕人不及餐眾多則倉卒難  
齊營闊則散漫不整亟以大軍乘之或可得志乃傳各營授以  
方略並遣劉牧往商蕭守三更該牧回報蕭營幕僚稱蕭守仍  
令明日揚隊原處以待湘後營及王軍之援職道以機斷不可  
失若必待援兵遷延一二日吾營已爲墟矣遂於四鼓督令各  
勇分途前進志在必死江忠義率精捷勇李明惠率老青旗勇  
何益發率義勇從中路進鄧在富率老藍旗勇陳周典率新藍  
旗勇翟國彥率老白旗勇陳崢嶸率游勝軍從右路進漆盛年

卷二十一  
率新紅旗勇鄭金華率老紅旗勇盧秀峰率飛虎軍王安邦率  
清祁勇由左路進王高來率新膽勇石有周伍乾英率奇勝軍  
繞河岸進黃開亮率水師泝流而上以爲聲援職道率親兵四  
路策應平明行抵距太坪五里地方蕭軍亦由秧田右路前來  
甫行成列職道親赴其軍獎勵將士屬其一同進剿並與田參  
將約以火箭爲號卽來策應時賊正在造飯突聞官軍大至卽  
出排陣霧列雲屯旗幟戈矛如林森立見我軍進卽排開槍礮  
子驟如雨時大風揚塵天色昏暗人馬皆驚職道飭令各勇嚴  
陣勿動俄放火箭鼓角齊鳴各勇一擁向前無敢先後呼噪之  
聲震動天地蕭軍擊其右卑軍擊其左當將賊前六營攻破賊

旋以馬隊來鬪職道卽令各勇列於兩旁齊開槍礮馬悉反奔  
自相踐踏賊遂大潰惟左路賊退至太坪街市極力抵拒鄭金  
華漆盛年盧秀峰麾勇繞出街後賊乃敗走李明惠劉光實潘  
忠實江忠義何益發鄧在富李昌連陳周典親兵劉通周范繼  
勝等策馬追逐各手刃數十賊各部勇從之乘勝進攻賊營數  
十座一時皆爲灰燼賊均拋棄器械而走人馬擁擠陷入溪港  
甚眾其走匿鄉村與渡河者皆爲朱孫祿團丁及黃開亮之水  
師石有周伍乾英之奇勝軍所擒我軍追過太坪斬獲無算賊  
人眾行緩以馬隊殿後我勇連日奔馳頗形勞頓追近黃岡乃  
收隊而還是日約殺賊三四千名先經飭令不準斬取首級惟

生擒三百二十名計燒賊營四十餘座所有賊營布帳除焚燬外當收回八百九十架奪獲馬驢十八匹大銅礮四尊劈山礮一尊擡槍二百六十桿小槍五百七十二桿大旗八百面中旗一千三百面小旗四百二十面其餘一切器械無算職道以賊眾尙多卽於是夜函約蕭守各派隊四成於四鼓出隊追剿並馳函英岡嶺分宜新喻各營遣兵分途窮追復飛飭新淦團丁邀擊以期悉數殲除二十七日各團擒送逃賊數百人訊悉多係所擄吉水峽江百姓當經分別釋放日晡各勇回營接捕零賊數十人據稱賊之大隊已轉阜田沿途逃散數千崔大光由新喻遣兵邀擊劉金碧由新淦遣團丁邀擊斬獲各數百人此



十七日以後援賊盡竄羅坊普軍於二十二鐵樹下失利及卑營會同蕭軍於二十六日破賊太坪並現在派隊追剿各路邀擊之實在情形也城逆於十八日黎明悉眾攻田軍營盤職道亟令各勇逕走小北門以鈔賊後賊遂敗退爲田軍所創二十一日賊復出攻田營江忠義率精捷勇何益發李長齡率義勇邀擊於小北門賊敗入城精捷營陳希祥等追入賊卡斬賊先鋒數名槍礮斃賊無算二十三日晡城賊知有外援悉眾出西南兩門直撲長濠時各營僅留隊三成李明惠率之出擊衝入賊陣手奪賊槩十餘件斬其先鋒數名賊殊死鬪適職道率隊七成由中亭回營馳往助戰賊遂敗走二十四二十五二十六

二十七等日城逆時出苦戰計圖牽制官軍接應援賊俱被我  
各營留守之勇及安肅劉道派來之勇併力擊退數有斬獲合  
計我勇陣亡五名受傷七十二名此十八日以後與城逆接仗  
獲勝之實在情形也李承立駐防仁和於十六日聞賊援來攻  
峽江遂於十七日五鼓派鄧在富鄭金華各率所部馳往應援  
未至而謀報賊另股出蓮花是夜遂屯謁口時寶長兩營折退  
羅坊賊勢猖獗李承立以兵力過單乃悉調長排宜江口一帶  
之老白旗勇及游勝軍義勇前往分堵火田烏口王子山三處  
十八日賊竄火田十九日賊竄王子山均經我軍擊退二十日  
賊道復派李明惠帶隊五成由臨往助二十二日夜因聞羅坊

普軍失利乃飛調李承立等帶勇回營以固根本於二十三日  
晡到臨二十六日隨同破賊至崔大光所帶膽勇及陽字營果  
後營到喻數日卽聞賊援分竄上坳來窺喻城陽虎臣崔大光  
等各派隊七成渡河前赴南路堵禦旋以賊援大隊已到羅坊  
乃回守喻城嗣聞援賊由羅坊分股上竄距喻城僅十餘里陽  
虎臣崔大光等又移營東城外以資堵剿並求援王道舊部此  
仁和各勇堵剿峽江之賊旋回營同破太坪之賊新喻各勇先  
防上坳之賊繼堵羅坊之賊之實在情形也竊自五月援賊大  
集新淦誓欲渡河以援臨郡當經職道等各派勁兵前赴新淦  
西岸沿河設防以與吉軍連絡旋因吉軍退保安城當經職道

請撥重兵防堵阜田一路以扼各郡咽喉比以未克瑞城實屬  
無兵可調所幸吉安傅逆志無遠圖東岸賊援又爲王道一軍  
牽制未敢遽來嗣聞王道病歿所部退歸援賊由是前無所阻  
後無所撓得以一意西渡雖婦人孺子村夫牧豎皆知賊援必  
來來必從阜田逕出羅坊以襲臨軍後路此時瑞城克復一月  
有餘瑞軍休養爲日亦久職道會同蕭守稟請迅調瑞軍星夜  
啟行由新喻以堵援賊豫爲曲突徙薪之計先後書數十上至  
於私緘敦促瑞軍無日無之其情詞迫切幾於泣秦廷乃移  
文往來迄無定議迨至然眉已急而後普軍馳來一戰輒潰使  
賊長驅直入逕抵太坪軍情洶洶皆有自危之勢職道以大局

爲憂又以成功難棄力排眾議勉強支持激厲兵弁判一死戰人莫不以職道爲孤注而盡此一擲幸託大人威福與夫

國家之靈將士之力一戰而捷轉危爲安然地方老少多被殺掠房戶多被焚燒慘目傷心難以言狀民則何辜重罹此毒實屬咎有攸歸且賊雖敗退而餘眾尙多不下三萬若不乘其新挫痛予創懲彼必重振復來以圖報復現經職道會同蕭軍各派隊伍跟蹤追剿惟城賊勢窮狂鬪卑部實難遠出伏乞大人迅飭瑞軍會剿阜田盡殲此股之後即可合圍吉安則大局真有轉機矣至卑營勇弁此次堵剿賊援以少敵眾無不一以當百實屬忠奮可嘉倍常勞苦可否仰邀鴻恩俯準職道擇尤開

保以示鼓勵之處出自逾格恩施所有賊援入境卑勇堵勦各  
路獲勝情形理合肅稟

稟耆中丞擊敗城賊

咸豐七年九月

日

竊職道於十三日會將陽字營勇助剿獲勝及峽淦水陸各勇堵剿情形轉稟在案城逆自知外援敗退仍然堅伏不出前月二十九三十等日有賊數人踰城出降訊悉偽指揮聶逆於前七月在南門外頭受擡槍子傷因無醫藥至是身死其眾三千人分隸逆子偽經歷及各偽將軍等供查臨城惟聶逆最悍其眾又強今該逆就斃而眾已分城中必更洵懼職道乃密購內應以潰其腹心並與蕭軍及江軍每更番攻城以疲其氣力該逆力屈勢窮亦頗有面縛輿櫬之意十一十二兩日因聞新淦一帶礮聲轟烈城逆以爲外援復至乃於十二日黎明傾巢而

出陣於西南北三門計圖覘我虛實職道令各勇先伏長濠以待日晡城賊漸近長濠乃鳴鼓出擊老青旗老紅旗新紅旗新藍旗擊南門之賊飛虎軍清字勇奇勝軍由旁夾攻精捷勇義勇老白旗老藍旗擊西門之賊廣勇由旁夾攻賊見我勇數道並進其鋒莫當乃悉引退江忠義率精捷勇追至西門卡前斬其先鋒數十人李明惠率老青旗勇漆盛年率新紅旗勇追至南城濠外賊忽轉鬪李明惠率勇力戰刀矛交刺賊死傷無算乃退入城我勇甫行收隊賊復來追江忠義李明惠等乃就城坡左右各分兩翼並伏槍礮於坡後伺賊追至坡上則開槍礮擊之賊稍卻退則兩翼並張而進賊復大敗而去十四日賊出



如前我勇亦如前部署賊憊於十三日之敗不敢近濠其出西門者則依城結陣其出南門者則悉列廢壘中時以數人前來搦戰我軍輒擊殺之相持既久李明惠等率老青旗新紅旗勇出列濠外以綴南門之賊使不得返顧潛令老紅旗及清字勇飛虎軍由河岸繞向南門斷賊歸路賊見我軍從河岸進不敢戀戰而退劉坤一督李明惠漆盛年率勇逐之清字勇亦從河岸衝上賊退至濠邊排開槍礮子如雨驟我軍旋伏旋起槍礮甫施刀矛並進賊亦憑恃巢穴甫卻復前江忠義及百長徐士杰等率精捷勇擊西門之賊陳崢嶸率廣勇繼之賊初屹立不動開放排槍我軍冒死而前徑衝其陣賊卽披靡入城旋一

黃衣賊目率眾復出江忠義持矛直前各勇鼓譟從之殺賊無算賊復敗退城中職道乃鳴金收隊還營兩日合計殺傷賊二百餘名我勇陣亡三名受傷五十七名所有十三十四兩日擊退城逆情形理合肅稟

再十五日接據峽江楊代令稟稱賊屢敗後猶復屯聚距峽城十五里之烏口一帶計圖下竄卑職商請吉營戰艦分泊下游一帶港口以資堵禦十一辰刻謀報湘後營寶營遣兵由洲頭蓮花進勦等語卑職當告下游戰艦開礮轟擊以助聲威並飭卑勇於近城各隘設伏斷賊歸路賊旋爲湘後營寶營之勇所敗退走峽城伏兵羣起擊之賊遂驚潰一股走至河岸欲奪民

船東渡大半爲吉營水師所殲其投河溺死者尤眾卑勇頗有  
斬獲惟陣亡胡得勝二人等情前來合行轉稟



稟耆中丞賞假回籍就醫

咸豐七年九月十五日

竊職道於前五月祇奉札開接到

廷寄以江省各勇均歸統帶足成萬人當經瀝情懇辭幸蒙大人稔知其才之短並諒其言之誠

奏寢其事俾釋蚊負之虞感激私忱誓以死報何敢復萌畏難之見重負憲恩奈自夏徂秋病日增劇加以前月援賊猖獗大局幾危職道夙夜治兵至廢眠食雖仗

國威二十六日一役破賊太坪而解嚴之餘精力頗疲心神漸耗因思軍行閒不容髮萬一貽誤事機則雖粉骨碎身究屬罪有難追祇得仰懇大人垂念時艱非病軀所能勝任兼以久從

劉武真公全集

卷二十二

三

征役之苦亦宜暫予休養之時如謂現在圍勦方殷未可乞休  
遽去則俟臨城克復之後江省大局稍舒卽請遴委幹員代領  
部眾計彼時各郡兵力有餘卑營楚勇應卽淘汰酌留若干於  
營中選其素有威望者領之以隸他營必能得力職道請假數  
月回籍就醫一俟稍瘳卽當泥首崇階恭候遣策夫善御者不  
盡馬力而況職道以駑駘之資馳驅戎路於茲七年已屬罷不  
堪用若再策之前進將來必有竭蹶之憂慄慄自危不得不瀝  
情陳請伏乞大人俯賜體卹賞準假期並乞附片  
奏聞俾疴之軀得以重沾恩育圖報將來無任激切顛懇惶  
悚待命之至肅此具稟

稟者中丞附城築壘籌攻各情

咸豐七年十月初九日

竊職道於前月二十一日曾將十六日設計誘賊出城各勇迎擊獲勝情形馳稟在案該逆由是奪氣屢次遣人求降職道計欲誘之出城姑許待以不死降期已定適謠傳偽翼王率眾來援前隊已過撫建城逆覘知遂復游移不決職道以賊情狡悍自非威以兵力卽降亦難速成萬一援賊復來則事又形掣肘乃會同水陸各軍晝夜力攻該逆憑恃巢穴堅伏不出謂我無可如何職道復商知蕭守各挑勁卒過濠築壘以逼城中卑營精捷勇義勇令各爲一營其餘老紅旗老青旗老藍旗老白旗新藍旗新紅旗楚勇及飛虎軍令合爲三營初六夜四鼓職道

督率各勇仍築壘於西南郊坡上賊覺來爭我勇且戰且築初  
七天明壘成俯瞰城中賊之動息皆知擬俟牆濠完善卽將日  
前吉安府黃守撥來銅大礮數尊移置新營晝夜轟擊賊必不  
支是日巳刻賊悉眾出西南並多昇大礮安置城跟向我新營  
連環點放江令忠義游擊李明惠督翟國彥李長齡漆盛年等  
分途抵禦時北路各營亦出隊濠外槍礮齊施獎賊多名餘悉  
縮退至晡僞指揮易逆出城乞降情詞甚爲迫切當經諭令先  
繳器械旗幟次放所擄百姓出城其餘部眾各彙一冊註明年  
貌籍貫分降於東路劉道北路蕭守卑營西南兩路以便安置  
且服眾心惟賊情叵測不可不防職道一面親往新營督同各



勇嚴行守禦飭令老營出隊長濠以便策應所有附城築壘擬  
立奮勇新營及現籌各情形理合肅稟

臨桂李樹森  
南陵胡承福  
同校

劉武慎公稟牘

劉武慎公全集二十一

目錄二

稟者中丞降賊被戕籌攻各情

稟者中丞水陸擊賊獲勝

稟者中丞城賊飢甚迭被擊敗

稟者中丞臨江克後分處降酋

稟者中丞交卸營務回籍就醫

稟者中丞銷假赴營接理軍務

稟者中丞各營據情請撤

稟者中丞派營駐堵瀘溪

稟者中丞馳赴新城堵剿

稟者中丞分堵各隘再難遽汰

稟者中丞瀘溪駐防失利

稟者中丞堵剿獲勝現籌各情

稟者中丞分路進剿再獲大勝

稟者中丞擊賊獲勝籌防各情

稟者中丞迎剿廣賊獲勝

稟者中丞江軍克復崇仁

稟者中丞剿賊獲勝調軍到防

稟者中丞痛剿竄匪江境肅清

稟耆中丞營勇多病懇撤回楚

稟耆中丞移駐撫州仍懇遣撤

稟耆中丞瀝陳撤勇情形

稟耆中丞遵札拔管回楚

稟駱中丞遵撥留勇

稟耆中丞補給欠饟

稟會侍郎防勦石逆暫難赴調

稟駱中丞交勇江李赴省

稟耆中丞湘撫札留驟難回江

稟駱中丞遵統各營起程

稟駱中丞赴永迎勦

稟駱中丞援永獲勝

稟駱中丞永州解圍

稟駱中丞菱角塘大勝

稟齋中丞降賊被戕籌攻各情

咸豐七年十月二十七日

竊職道於十七日會將連夜逼攻城下情形馳稟在案時東路賊勢甚熾聲言西渡援臨職道會商東北兩軍嚴密巡邏斷賊聲息劉牧坤一又請揭示於豐城樟樹峽江新淦一帶言臨逆刻日出降已將器械旗幟獻出並放出老弱婦女二千餘人誠恐有狼子野心於出降之時乘機竄逸仰各團丁嚴密查拏等語使援賊聞之遲疑不進我軍得以併力攻城偽檢點程瀛張發紀旋於十八日晡遣瀛弟鴻及所掠宜春舉人柳成傑齎送降書來營情詞哀懇十九日盱復遣偽總制陳保泰來營候令職道飭令分降於東路江軍北路蕭軍以便安置並許嚴禁侵

暴以安其心是夜仍遣陳保泰還城宣慰次日黎明職道與劉  
牧坤一親至南郊外察看賊情程瀛卽率其黨僞元帥指揮將  
軍總制等出城羅拜伏地請死並議以張發紀投蕭軍聶昌海  
投江軍伊自願投舉營隨獻僞印三百餘顆遣僞元帥陳本支  
僞總制許見幾等隨解來營約於日中先繳軍資次放老弱婦  
女出城其各部眾定於二十一日同時出降職道許之旋卽還  
營日中僞元帥甯正魁率賊二百餘人出降泣訴程瀛還入城  
門突爲廣賊所殺其所從僞官均爲廣賊監禁城中大亂廣賊  
現在分守四門禁人出入等語職道以程逆素得眾心今爲廣  
賊所殺其黨必不服從當卽出兵急攻冀可得其內應我軍初



逼城下該逆堅伏不出劉牧坤一江令忠義商令各勇稍退以誘之小南門之賊踰濠來追陳周典率新藍旗勇李明惠率老青旗勇彭定泰率定字勇轉鬪破其土城奪獲器械數十件並曳出大礮三尊翟國彥率老白旗勇鄭金華率老紅旗勇黃盛怡率精捷勇崔大光率膽勇何益發率義勇鼓譟並進賊大披靡新藍旗老青旗勇定字勇方欲乘城而入旋見東門賊眾來襲我勇之後城上礮石槍子紛如雨下我勇損傷甚眾乃退是夜復約東北水陸各軍四面攻之卑營精捷勇老白旗勇老青旗勇縱火焚其南門城逆以死抵拒職道以賊援日逼不乘城中人心未定之時力圖克復將來更形掣肘乃於二十一日懸

立重賞募敢死之士部分攻城授以方略並約東北兩軍互爲  
策應是夜五鼓老白旗老藍旗勇攻東南角奇勝軍隨後策應  
老青旗老紅旗新紅旗勇攻小南門定字營隨後策應精捷勇  
攻正南門之右新藍旗飛虎軍攻正南門之左職道率親勇隨  
後接應膽勇義勇攻正西門之右新膽勇游勝軍攻正西之左  
劉牧率營務處親兵隨後接應翟國彥率老白旗勇鄧在富率  
老藍旗勇先發江忠義李明惠鄭金華漆盛年各率勇繼進當  
用柴草塞濠賊覺來禦王一枝黃盛怡郭承璋劉光文唐榮全  
鄭榮華劉盛調李榮忠李士恩等冒死向前毀牆而入賊退至  
內濠併力抗拒陳局典盧秀峰何益發陳崢嶸黃仲慶崔大光

伍乾瑛等各率所部進攻賊亦分途拒戰然礮轟擊陳周典率黃光龍李長齡率任加貴崔大光率何流恕等與精捷勇百長周詩端陳運彬老青旗百長李盛魁新紅旗百長楊立交等奪濠門而入盡獲守禦之具各勇鼓譟呼聲動地賊遂慌亂悉退內濠我勇乘勝進攻前者既退後者繼之正在曳草欲塞內濠城賊傾巢而出更番迭戰時天已明職道知城難破徒傷精銳乃鳴金收隊時老白旗老藍旗勇正在與賊相持彭定泰督令定宇勇前往連開劈山礮擊殺賊十餘人賊乃縮退是夜賊出補牆浚濠各奮勇然礮擊殺賊死無算計兩日夜約殺賊數十餘人奪獲大礮三尊擡槍十七桿小槍二十五桿大小旗幟三

十面其餘守城之具甚眾我勇陣亡十四名受傷四百五十七名竊我軍圍勦臨郡將近一年程瀛投書乞哀其議屢梗嗣因援絕饑空城中勢窮力屈故投誠李能通楊匯得以招之於外被擄宜春從九選用徐斯匡舉人柳成傑等得以說之於內程瀛由是翻然改悔情願投誠先遣其弟鴻及偽總制將軍等來營復親獻出偽印三百餘顆並約二十一日分門出降其意實有可信不謂突爲廣賊所殺以至事敗垂成推原其由則因廣賊懲於袁州之事口從心違而偽將軍易自能與程瀛夙有怨嫌陰嗾廣賊乘其不備而刺殺之而已代領其眾程瀛旣死其黨僞元帥陳本支甯正魁僞將軍汪永清僞總制許見幾等率

賊三百餘人亡命出城由是城中人情益加洶懼第制於廣賊不得自拔來歸職道計欲乘亂急攻又慮損傷精銳現在安撫降人使日往城下招呼其黨並會商蕭守因勢利導招降張逆易逆使殺亂者以自贖罪仍一面豫備攻具力圖克復城池仰慰廬念所有降事將成忽變及連日乘勢進攻並現在籌辦各情形理合據實具稟

再精捷營百長外委陳運彬素性奮勇每戰必先此次冒險衝過城濠登時陣亡深堪憫惜可否邀請卹典出自憲台恩施合併陳明



稟耆中丞水陸擊賊獲勝

咸豐七年十一月二十三日

竊職道於初十日曾將城逆連日出撲新營各勇迎擊獲勝情形馳稟在案是夜四鼓賊船數隻泝流駛上來奪浮橋邏卒歸報伍乾英卽率守橋之奇勝軍及定字勇百人嚴陣以待瞬息賊船遂抵橋畔縱火燒橋我軍然礮擊之斃其先鋒數人賊乃順流而退時卑營守濠各勇及江軍之平江勇一時並起兩岸夾擊賊死傷甚眾嗣據降賊供稱賊欲渡河東走恐爲兩岸之勇所邀於是懸賞銀五十兩奪取浮橋計圖藉以速濟又可阻西岸追兵職道乃移浮橋上游並請江軍派戰艦協同守禦賊計無所施由是降者益眾均供城賊知無生路猶延頸以望東

岸之援職道會商江軍劉道及蕭守詐爲迎勦援賊之狀誘賊  
出城以便痛勦先於十七夜令沙湖水師時開槍礮其聲達旦  
並以卑勇數十人各執黃旗伏於中洲十八日黎明江軍揚兵  
大出俄而黃旗悉起若與官軍交鬪卑勇旋由浮橋東路而進  
城賊望見信以爲眞歡呼動地悉眾出西北門西門之賊逕攻  
義勇新營李長齡等堅壁不出賊意我軍旣分且卻遂逼外濠  
我軍排開槍礮賊死無算勢形卻退義勇乃開壁出擊初職道  
令投誠陳本熾甯金魁率新安勇伏於義勇營後至是突起夾  
擊斬獲數人賊殊死鬪陳周典率新藍旗勇盧秀峯率飛虎軍  
亦來助戰賊三面受敵敗走入城義勇新安勇十餘人追至城



門賊復轉鬪正在相持適李明惠領親兵數十人黃仲慶率新  
膽勇百人來助直陷賊陣義勇新安勇乘之賊遂大敗多棄器  
械旗幟而走是日殺傷賊百數十人斬取首級五具奪獲擡槍  
一桿小槍九桿黃旗十一面所有初十夜賊艇來奪浮橋於十  
八日賊來撲營均被我軍擊退各情由理合肅稟



稟耆中丞城賊飢甚迭被擊敗

咸豐七年十一月

日

竊職道於二十二日曾將連日擊賊獲勝情形馳稟在案嗣據降賊供稱每日發米三兩復減至二兩近又減至一兩和草食之眾因飢甚皆怨懟張易聶三逆殺程瀛背降議易逆惟詐爲冀賊僞文宣示於眾謂外援且至以固人心等語職道以吉水賊援旣經擊退稍舒東顧之憂而義勇所開地道又旬日可成惟令各勇戒嚴以防衝突務期盡滅此賊以洩經年圍剿之憤二十九日天霽賊出西城掘草何益發楊松柏各率義勇數十人渡濠逐之賊以彼眾我寡列陣拒戰甯金魁陳本熾卽率新安勇往助橫矛躍馬所向無前賊乃潰退我軍追至城門僞指

揮易自能悉眾出鬪義勇新安勇奮力擊賊死傷無算乃折而南適江令忠義游擊李明惠鄧在富等率老青旗老白旗老紅旗新藍旗老藍旗精捷勇飛虎軍義勇皆出迎擊賊退依城下時卻時前計誘我軍近城彼得以槍礮擊我精捷營百長王順慶徐生德分領本部及各營槍礮伏於陣後賊出卽擊殺其衣黃騎馬賊數人其餘死傷甚眾賊乃悉退入城惟以數十人在外搦戰職道乃令各勇以次收隊賊復來追劉牧坤一麾親勇及義勇新安勇各數十人轉鬪復殺其先鋒三人是日奪獲黃旗七面擡槍一桿小槍三桿藤牌一面當夜三鼓城賊四名踰濠來降供稱賊於是戰陣亡二十一名受傷九十餘名並告現

在城中糧盡食馬易逆傳令將於明早前來襲營勝則發米二兩敗則仍發米一兩等語職道卽令各營勒兵以待五鼓賊果出西門將繞向新營之後我勇初然巨礮擊之易逆猶復匹馬當先率眾直入俄而我軍鼓角齊鳴數道並出賊知有備卽行退走職道親勇新膽勇及甯金魁之新安勇越濠急追江忠義李長齡各領槍礮從南路橫出邀擊賊救死扶傷而入是日約殺賊數十名奪獲大黃旗一面刀矛十餘件我勇亦有傷亡所有兩日擊賊獲勝情形理合肅稟



稟耆中丞臨江克後分處降酋

咸豐七年十二月

日

竊前十月偽檢點程瀛決計投誠先遣其偽元帥陳本熾等護送偽印出城程瀛旋爲廣賊所殺偽元帥甯金魁等率其黨二百餘人斬關而出後數日內程瀛餘眾陸續踰城出降者復數百人職道當將降眾挑選精壯三百人立爲新安勇以招城中屢次隨同攻城無不爭先殺賊先後陣亡受傷數十名實屬共知感奮惟查甯金魁去歲在袁曾從李能通投誠旋於羅坊叛去茲復來歸法無可赦職道業於克臨後將該逆寸磔以警兇頑至陳本熾人甚樸誠奮勇可否免死令其管帶新安勇隨征以觀後效之處伏乞批示飭遵其該勇口食現經於本地捐輸

内等給理合肅稟



稟者中丞交卸營務回籍就醫

咸豐八年正月

日

竊職道於初十日到營後卽將請分釐局並委解孫逆各情由肅稟在案是日奉到湖南撫憲批示以職道秉性醇良因久履行陣積勞致疾屢據稟請給假暫資調攝情詞極爲肫摯未忍過拂其意自應準假三月以期速痊所有楚膽義各營卽暫交劉牧坤一權爲攝理其應如何撤留歸併之處卽由職道一面稟知一面飭知劉牧可也等因奉此查職道於上年五月九月內曾經兩次肅稟懇給病假當蒙鈞批所謂給假回籍之處應候臨郡克復後來省晤商可也等因奉此本年正月職道遵詣憲轅祇承溫語慰留並諭以接領兵勇尙待擇人其體恤深仁

真無所不至職道自分圖報未能何  
綿下情憂惕早在憲臺慈鑒之中縱  
遇茲得劉守坤一代領各營該守中  
士所信服必能總理機務仰慰塵懷  
面定期於二月初一日由營起程回  
首轅下叩謝鴻慈再赴營中勉供驅  
劉守代領及職道暫假調病各情由  
鑒原無任激切感謝之至再進勦東  
應隨征職道現與劉守商妥除酌留  
千人外餘悉派隨東渡相助攻勦合

稟者中丞銷假赴營接理軍務

咸豐八年六月

日

竊職道於四月二十日在湖南原籍新甯縣奉湖南撫憲札職道假期將滿現據攝理軍務劉守稟稱感受風溼身熱頭昏委頓床褥賊氛逼近經理乏人請飭該道勿拘假限星速回營等情飭卽遵照刻日起程星速赴營等因奉此時職道尙患腹洩未能刻期就道隨於五月初六日在籍束裝由水路起程至五月十六日始抵南省奉南撫憲面諭以劉守病體業經稟報痊愈撫建兩郡已於四月二十四日先後克復吉郡攻剿情形亦頗得手江省大局可期肅清惟各郡初復善後方殷楚師未可遽撤且刻下應否援浙正在籌商應卽暫回撫州老營

經理一切再候調遣等因二十四日由南省赴營途次復奉南  
撫憲札以職道銷假赴江自應換給關防以昭信守並奉鑄發  
援江統領布政使銜江西卽補道齊普圖巴圖魯劉行營關防  
一顆到職道奉此當卽領收兼程前進於六月初八日午刻馳  
抵撫州營次接管軍務劉守卽於是日交卸職道擬於十二日  
由營起程赴省晉謁崇階叩謝鴻慈恭請鈞示所有職道在籍  
起程及抵營接管軍務並換用關防各日期緣由理合肅稟

稟者中丞各營據情請撤

咸豐八年七月初六日

竊七月初一日祇奉憲臺札開案查前準湖南撫院咨欽奉寄諭前諭耆齡飭令蕭啟江張運蘭王開化等馳援浙江該員等皆係曾國藩舊部所帶勇丁得曾國藩調遣可期得力本日已明降諭旨令曾國藩馳驛前往浙江辦理軍務著駱秉章卽傳旨該侍郎迅赴江西督率蕭啟江等星馳赴援浙境等因欽此當經咨行欽遵在案茲查張道運蘭王守開化一軍自吉安拔營進剿撫建先後克復樂安宜黃南豐三縣並建昌府城聲勢甚盛此時福建賊勢披猖江閩壤地毘連自廣信以至甯都計程千餘里犬牙相錯路徑分歧若分布兵勇自守疆圉旣恐

百密一疏日久生懈且供億無已民力難支倘卽能以張道一軍乘勝越境赴援約會閩兵合力夾擊以剿爲堵不但江西永除後患閩省賴以保全卽會部堂大兵入浙亦無後顧之虞然張道等一軍係欽奉

特旨隨同赴浙援剿之師本部院未敢遽議留江應候會部堂酌核如必須調浙則應另籌一軍由建昌援閩以免此路空虛查有劉道長佑所部弁勇駐紮撫郡堪以調撥究竟應否卽以張道等進剿閩匪抑改調劉道前赴剿辦以署建昌府黃守秉珍之寶勇各營駐紮新瀘要隘以爲援軍聲應之處除咨商會部堂示覆外合行札知爲此札仰該道卽便遵照毋違此札等

因遵此仰見大人綏邊恤鄰慮周全局且蒙不遺薄植仍許隨  
征自應仰體憲懷祇候驅遣以圖報稱於萬一惟職道自六月  
十八日叩辭回營據各營總勇目均以從征日久應請撤歸等  
情具稟前來竊職道自六年正月統帶各勇赴援江西所有進  
止機宜無不仰勞塵念今幸袁臨撫建相繼克復全省將次肅  
清此皆由大人德威並播以故各營將士咸知感激所向有功  
然久役思歸人情所同卑營弁勇隨勦三年艱辛備至茲以援  
江差竣堅請裁撤其情亦覺可矜且聞浙江事勢稍舒援閩之  
舉有蕭張兩軍足資分撥而職道一軍久頓撫郡卽虛糜之可  
惜更積欠之堪虞是以於六月二十五日會將援江差竣卑營

應否撤歸等情馳稟湖南撫憲在案茲奉前因自應據實稟請  
憲示並懇咨商

欽憲迅賜裁奪深爲公德兩便合肅奉稟



稟者中丞派營駐堵瀘溪

咸豐八年七月十六日

竊職道於七月十五祇奉札飭分營赴瀘溪遵卽於駐撫各營  
派撥老藍旗勇飛虎勇義勇共計二千餘名飭令候補參將鄧  
在富守備盧秀峯何益發李長齡等管帶赴防定期七月十八  
日拔營起程前赴瀘溪擇要駐堵竊查卑營前因吉郡未復曾  
留三營駐守臨江克撫之後復撥兩營駐守崇邑茲又遵撥四  
營相去撫臨各數百里旣不能互爲應援更難於遙爲照管此  
皆實在情形早在大人洞鑒之中應懇飭準調回分防各勇俾  
得併趨一路其於堵剿必能得力是否有當伏候裁奪示遵至  
卑營日需米糧向由地方官紳籌辦接濟此次派防各營仍懇

憲臺迅飭瀘溪縣令廣爲籌備以資軍食實爲公便除飭該參將等迅速赴防相機堵剿隨時稟報外理合將遵派四營起程日期據實稟明

稟者中丞馳赴新城堵剿

咸豐八年七月

日

竊職道於七月二十三日復奉憲臺札開咸豐八年七月十九日準

欽命辦理浙江軍務前任兵部右堂曾咨開竊照本部堂督率張道運蘭等營馳赴浙江辦理軍務在長沙時曾經札飭該道等進駐河口聽候調遣在案昨本部堂行抵湖口復行札催該道等迅速料理援營以便督率進剿所有札稿相應鈔錄咨會查照等因到本部院準此查前據金谿縣稟瀘溪鐵牛關防兵不多業經札飭該道酌撥壯勇數營先行前赴瀘溪防守鐵牛關隘俟張道等拔營有日該道親統全軍移駐新城相機剿辦

在案茲老湘營既經會部堂催調前赴河口所有新城瀘溪一帶防守緊要合行札催爲此札仰該道迅速拔營馳往新城嚴密堵禦勿稍遲誤切切特札等因奉此遵卽傳諭駐撫各營定期於二十六二十七兩日拔營起程馳赴新城相機堵剿以期仰慰憲廑惟卑營日食米糧向由地方官紳籌辦接濟此次仍懇札飭新城縣令及附近各屬廣爲籌辦以濟軍食實爲公便再卑營棚帳久經霉爛前請暫發二百籠尙未發解下營茲再懇飭局添發棚帳二百籠合前共給四百籠俾利軍行此外尙欠棚帳二百餘籠若赴湖南請領往返尤爲需時職道現在豐城樟鎮等處自行製辦容另稟報理合將遵札前赴新城防堵

由撫拔營起程日期據實稟明

再查新城爲達閩要路關隘過多必須厚集兵力庶資堵剿所有卑營原派駐守崇仁之老白旗勇新安勇業經調回同赴新城用助堵剿合併聲明



稟者中丞分堵各隘勇難遽汰

咸豐八年八月初八日

竊職道於七月二十四日會將親統全軍由撫拔營起程各日期具稟在案八月初二三日卑勇先後到新營於城南五里之大雲瑕是處直達黃土關旁通德勝關及巖溪楓掃毛家等隘地勢尙爲阨要疊據探報邵郡之賊分股竄泰甯與西南界之邱家隘黃家隘相近路通新城亦通南豐詢之地紳謂宜堵樟村一路現擬另撥兩營以備之光澤之賊悉數竄禾坪與東南界之杉關羊殺隘相近路通新城亦通南城詢之地紳謂宜堵洵口亦擬再撥三營以備之此兩路離大雲瑕營盤均五十里猶可互爲聲援此外小隘甚多防不勝防惟有隨時偵探相機

堵剿以期仰慰廬懷耳初四日復奉憲臺札開準湖南撫部院  
咨如必欲以該軍留江調遣請自八月初一日以後所需餼項  
概由江省發給南省不能再爲籌濟相應咨覆查照施行等因  
準此查建昌現值軍務喫重劉道一軍自應留江防剿惟各營  
勇共計七千餘名江省庫款支絀萬難供給應令劉道精選五  
千人駐紮新瀘餘勇一概撤回楚省以免兵多饑絀準咨前因  
合就札行毋稍違延切速此札等因奉此竊職道自六年赴援  
以來先後增至八千人上年克復臨郡撤去奇勝軍一營今年  
克復撫郡撤去游勝軍一營此外各營均經嚴加裁汰共止挑  
去疲弱百餘名又以此次由籍隨來老勇補之時已奉有防堵



新瀘相機援閩之諭故未便再議裁減也且兵多饑絀必統兵者先受其累職道從戎八載詎無見聞前在撫州堅請裁撤固謂虛糜可惜亦惟積欠是虞迫奉湖南札示許以吉郡克復月札調回而新瀘之役勢已難緩用敢不揣冒昧以饟糈一事稟候憲裁誠知湖南不能再爲籌濟江西驟難承此鉅款也職道奉札時尙擬俟兩省咨商定計然後拔營起程祇緣張道一軍旣赴河口光澤股匪漸逼新城更不得不督飭各營刻期前進蓋欲顧全局自難泥常格也今各營已進駐新城賊且擾及關隘遽欲減去二千之眾微特兵力單薄不敷堵禦正恐軍心搖動有誤事機職道祇求有濟何敢貪多惟有據實稟懇憲臺俯

賜鑒諒留則均留撤則均撤或暫準全數留江俟吉郡克復另撥防兵仍將卑營撤回或容職道察看事勢緩急隨時裁汰以示樽節均俟裁奪飭遵實爲公德兩便所有卑營先後到防分派堵禦並奉札汰留營勇刻難遵辦各情由理合肅稟敬再稟者日前接準省局咨奉憲批該營所需食米卽由局飛飭新城等縣仍照前章分辦接濟各等因奉此竊查建郡各屬惟南城新城局面較大以外廣瀘各屬向係貧瘠近益凋殘卽令勉強籌解恐難接濟軍食頃據新城縣翁代令回稱新邑疊經賊擾物力已窮連日督同各紳催辦米糧已形支絀今南城黃令來函每月祇能辦米二百餘石將來軍食從何支給等語

正焦灼聞又據駐防瀘溪鄧參將等稟稱該處米糧時形匱乏昨以待哺甚迫函託金溪縣令就近籌解以濟軍需而該縣又以未奉明文不敢擅動爲詞現在賊蹤逼近各勇枵腹堪虞應請迅飭遵辦各等語查卑營米糧向係就地籌解今各隘賊氛甚近防剿正嚴而各縣互相推諉粒米未見解來殊屬不顧大局應懇憲臺再飭南城及廣南各縣悉力籌辦並飭臨川金谿等縣毋分畛域就近協濟俾軍食充足得以一意進剿實爲公便再月前請領子藥帳棚迄今尙未解到合併聲明



稟耆中丞瀘溪駐營失利

咸豐八年八月初十日

竊職道於初七日會將遵統全軍進堵新城並奉札飭汰留營  
勇各情由馳稟在案是日辰刻接到駐瀘各營於初六日堵賊  
獲勝之信適西鄉局紳報稱秦甯股匪約萬餘人擾近樟村地  
方杉關一路情形稍鬆當催副將李明惠帶同老青旗老紅旗  
新安勇各營馳赴樟村並派參將李篤勝率新紅旗隊五成繼  
之逾時鄧參將等專勇稟報鐵牛關股匪雖經兩次擊敗現尙  
屯聚關上此地山多路歧請速撥一二營馳來助剿等語職道  
一面專札飭令嚴加堵禦一面派隊親督應援正起程聞據探  
報鐵牛關之賊於初七日卯刻悉眾衝來各營勇分路迎擊斃

賊多名餘仍敢向關前正在乘勢追殺有另股賊從小路鈔出  
大路賊復轉鬪我勇腹背受敵多所損傷以致潰退等語旋據  
鄧參將等來稟亦同前情竊職道自初三日抵新築營甫定卽  
接樟村飛鳶兩路警報日夜籌商堵禦倍常焦急茲駐瀘營勇  
失利致賊竄入皆由職道布置未善咎有難辭第建屬輿連閩  
省約數百里中間大隘十餘處小隘百餘處山徑叢雜處處可  
通而邵建各屬股匪飢不得食決計竄江實有防不勝防之慮  
如現在賊竄瀘溪本擬率勇馳往援剿以杜滋蔓乃樟村之勇  
既難調回草橋之賊又將逼近而且新城百姓聞賊至瀘輒多  
驚懼口需糧米採辦維艱正不得不勉爲鎮定所慮貴溪金谿

南城等縣距瀘均祇百餘里南城現有寶勇千餘南勇數百駐紮郡中貴溪一路聞張道後隊尙未移營均可暫資堵守惟金谿一路未免空虛現雖嚴飭鄧參將等速爲整頓以圖再舉然新挫之後殊難深恃業由營徑調江守率精捷勇兩營守備劉盛調率新藍旗勇一營由臨江前來相機堵剿尙乞憲臺迅調勁旅助防衝要職道俟新城情形稍鬆卽當親率數營跟蹤痛剿以期盡滅此賊也除俟查明傷亡弁勇另行稟報外所有駐瀘各營堵剿閩賊先勝後敗致賊竄入及職道現在新城分防各隘不及援瀘應請另調兵勇堵守各路實在情形肅稟馳呈伏乞大人俯賜察核至職道調度未善致賊闖入瀘溪應請參

鑑正慎及台身  
卷二十一  
三

辦以肅軍令合併聲明



稟耆中丞堵剿獲勝現籌各情

咸豐八年八月十七日

竊職道於八月初十日會將瀘溪防勇潰退新城情形尙緊應請迅調勁旅堵禦瀘賊各情由馳稟在案十一日探報邱家隘得勝關兩路之賊悉退秦甯當將分防樟村之老青旗老紅旗兩營調赴硝石計由硝石閒道出瀘溪金谿一帶相機截剿並得於精捷勇新藍旗勇共收夾擊之功十二日戌刻參將李篤勝等率新紅旗一營督同老青老紅兩旗營行抵硝石而邵郡大股賊匪已越黃土關毛家隘分屯邱源方坪兩處時駐新之勇僅老白旗膽勇與親兵三營兵力殊形單薄因一面飛調老紅旗老青旗由硝石折回卽一面傳諭駐新三營準備堵剿十

四日午刻守卡各勇回報賊前隊已至熊村另股繞出中站距  
縣城均四十里詢之局紳舉人鄧雲初附貢李國斌等謂宜堵  
司前以扼兩路職道卽派游擊翟國彥崔大光各帶隊六成馳  
往司前仍自率親兵繼之比至水口嶺遇新義軍外委羅拔元  
報稱熊村股匪有百餘人繞至長陂經該勇截殺數名奪取旗  
槍數件餘仍退回熊村請速督大隊追剿等語職道以是處路  
徑紛歧令翟國彥崔大光與親兵百長李昌連隊目文德備唐  
松柏等分左右兩路且探且進右路之勇進至長陂前面見賊  
數百由熊村來翟國彥文德備等躍馬衝殺當斃執大黃旗賊  
目二名賊眾稍卻仍橫陣高岡以拒之我勇大隊緣岡擁進賊

勢不支悉向橫村奔去時日已暮未便窮追收隊至河塘副將李明惠率親兵數十名由營前來以備策應詢悉李參將等帶同各勇業由硝石回營現令靜候調派等語因念此賊未經大挫勢必復來遂令李明惠與翟國彥崔大光及親勇百長李昌連等各率所部即駐司前以便詰朝進剿職道仍趕回營中部署調回各勇令其四鼓造飯五鼓出隊由司前分路前進以防鈔襲夜三更遞接千總鍾志德及局紳探報熊村股匪復由金阮一帶邀集黨眾約萬餘人有分三路撲營攻城之信李明惠翟國彥崔大光等於寅刻率隊前進至熊村天將曙賊眾傳餐未畢猝起抗拒翟國彥率本部勇及親兵直撲中路槍礮齊施

賊眾紛紛倒地猶復力拒市口適李明惠與李昌連等率勇由右路進崔大光與陳吉昌等率勇由左路進同聲吶喊已鈔出熊村市後賊眾驚亂翟國彥等乘勢衝入市口各勇併力廝殺賊始分三路走出各營勇亦分隊尾之追過數里中左兩路之賊併歸一路憑橋力拒勢殊兇猛千總陳吉昌身先眾勇衝過橋頭手刃悍賊數名因中賊小槍登時陣歿該部勇搶救尸首賊即悉眾撲來翟國彥與親兵唐松柏謝上品等率眾苦戰賊仍退走又追數里月股賊由山上馳來救援正在相持崔大光從旁截出當斃騎馬賊二名各勇鼓噪從之賊眾拋棄器械不敢返顧其自相踐踏及擁擠落田者均為我勇所殲餘賊退過

黃土關右路之賊經李明惠及李昌連等跟蹤追殺亦由毛家  
隘一路逃去職道由營督率老青旗新老紅旗三營勇分途策  
應亦各有斬獲未正齊至關下因離營太遠遂令收隊回營是  
日約斃賊千餘人內僞將軍鄧元有一名生擒四十餘名斬首  
三百餘級奪獲擡槍小槍百餘桿旗幟四百餘面騾馬四十餘  
匹並僞將軍印一顆僞官憑一紙其餘刀矛器械無算查此股  
賊匪蓄計竄江雖經痛予懲創難保不再萌覬覦且據生擒賊  
供該逆約有數萬業由邵武一路陸續來關計將再攻建昌赴  
援吉郡等語職道現駐新城之勇三千餘名除留守樟村勇三  
百餘名外僅勇二千八百餘名賊若分股闖入各隘卑營兵力

殊形單薄聞瀘邑之賊已竄安仁一帶得老湘營迎頭截擊撫  
屬聯丁又已齊赴金谿斷其歸路該逆前後受敵諒不難於殲  
除所有卑部之精捷勇新藍旗職道業已飛調徑赴新城以資  
厚集計在二十一二日方可趕到本日午刻接據探報賊有復  
出黃土關擾及邱源蓉洲等處並聲稱大隊齊至將由各隘小  
路分出新城職道以是處路徑太多不能分隊遠擊現惟偵探  
確情準備迎剿如能仰託威福將此股竄賊再予痛懲則建郡  
各屬悉可安堵矣除將各營陣亡受傷弁勇另摺呈核外所有  
十五日出隊堵剿大獲勝仗及現在籌防各情形理合據實具  
稟

稟者中丞分路進剿再獲大勝

咸豐八年八月二十一日

竊職道於十七日會將十五日出隊堵剿大獲全勝及現在籌防各情由馳稟憲鑒在案旋接探報該逆敗退黃土關仍邀集黨眾約二萬人屯聚熊村中站董家坳等處並聲稱分路出新城攻撫建等語職道因連日大雨未便出隊惟添派偵探嚴守卡隘以防竄逸至十八夜天稍霽聞該逆有由熊村中站前來誘戰月以大股由三都墟繞出襲攻城營之說當卽傳集各營總派定路數申明紀律五更造飯戒嚴以待十九日卯刻探報賊尙未動隨卽督令各勇整隊進剿崔大光翟國彥陳本熾親兵百長李昌連戴盛寬等各率勇由中路先至河塘遇賊前隊

甫施槍礮賊隨縮退追至何家洲口山路甚狹賊猶退走不休  
職道恐該逆有伏令翟國彥等率勇暫頓山坡旋派崔大光率  
部勇由左路石陂一路接勦而入隊至妙法有賊三千餘人捲  
旗疾趨計在鈔截中路崔大光督同百長何流慶黃淳鴻等躍  
馬衝出疾呼殺賊賊遽驚卻依山橫陣頻開槍礮崔大光派百  
長何流慶等分隊環擊自率親勇從中衝殺斃賊先鋒十數名  
賊陣潰亂悉奔熊村初賊見我軍徑趨中路欲以左路之賊鈔  
出我後而右路大股即可由董家坳出襲營盤適李明惠李篤  
勝等率勇由三都至董家坳見賊悉據坳上是處山徑曲折不  
便衝突李明惠先用劈山礮連環轟擊賊死傷頗多退向坳下



各勇乘勢逐之賊且戰且退愈殺愈多於長陂前面冒死抵拒  
勢較兇猛各弁勇奮力衝撲受傷十餘名李明惠率百長李榮  
忠蔡瑞祥及親兵數十人從旁橫擊大呼賊敗李篤勝督各勇  
鼓噪從之賊乃返奔時職道與卽選知縣席寶田督同親兵與  
老白旗勇新安勇暨候選訓導李培所帶之同心勇均由中路  
進長陂拊賊之背該逆勢蹙退向熊村仍欲依巢拒戰李明惠  
翟國彥李士恩陳本熾鄆世堂與親兵百長李昌連戴盛寬唐  
松柏等各率勇三面撲去賊從市後分路奔逃追甫數里崔大  
光從左路擊敗之賊亦奔聚此路有騎馬賊目十數人屢次回  
旗轉鬪旋爲各勇所殲餘賊紛紛竄至關下時已申正我軍始

整隊回營是日斃賊約千餘人斬取首級八百餘顆生擒五十  
三名內師帥羅喜一名奪獲擡槍小槍共一百八十五桿騾馬  
二十餘匹大小旗幟六百四十面刀矛器械二千餘件籐牌二  
十面並偽印五顆查點各勇共受傷三十六名除另摺附呈外  
理合將十九日分路進剿再獲大勝情形據實稟明

再撫建交界一帶地方人心大壞自瀘溪官軍失利之後南城  
縣之四都八都十四都臨川之大路游東館等處土匪蠶起藉  
口聯丁實欲助賊瀘溪衝散各勇翻山而出爲該處殺害百數  
十人在營請假回籍沿途多有被害搶掠者不可勝計當瀘溪  
告警之時閩賊大股竄入黃土關卑營兵力頗單子藥無多六

次派親勇飛調臨江防勇來援皆爲該處阻絕千總林貴發自  
省局解子藥來營亦至該處阻不得前竊瀘溪之役該勇等米  
盡飢疲苦戰遇伏二千之眾陣亡數百各勇情非無可原卽兵  
勇敗亡自有軍政豈可令其不明不白死於鄉民之手職道當  
飭南城縣黃令蔡委查辦一切該令委竟以該勇腰牌號褂多  
失迹涉疑似更不受盤詰狡焉以逞以致格殺爲詞且云此後  
當兵民相安職道爲之憮然該勇等敗亡之後腰牌號褂固難  
遽信爲兵亦何得遽指爲賊况審察情詞自可得實何至以疑  
似之閒而疊次橫殺至百數十名之多耶至持送公文親勇確  
有職道行營公文護票並確有職道親勇腰牌號褂由營請假

者亦確有行營護票復何疑何似而阻之執之殺之搶之耶若云該潰勇等不受盤詰狡焉以逞以致格殺則職道弁勇在十四都親見該勇等連索受戮尙得擬諸格殺之例耶該勇等敗挫治以軍政自無可辭若該令委以不受盤詰之罪罪之恐該勇不任受也職道謬膺戎任仰體

皇上好生憲台恤民至意凡自賊中逃出者從寬免罪卽於陣間生擒審有被脇情由亦分別釋放數載以來未敢輕戮一人不謂該鄉民之殺兵勇如是之毒該地官紳又如是之膜視也夫兵以衛民兵擾民者必誅而民乃安民以養兵民殺兵豈不誅而兵可安天下又願有截殺官兵阻絕官軍文報子藥而猶

謂之民耶查該處係卑營後路軍饗子藥文報均所必經若一有風聲該處卽紛紛如此深恐貽累大局現在卑勇之送公文者不數日而卽回營矣南省軍饗之近撫者聞此聲而仍回臨江矣該地方巨寇旣平仍復同於異域職道一軍實切懸處之憂合無仰懇憲臺俯賜察核其如何辦理之處聽候裁奪



稟耆中丞擊賊獲勝籌防各情

咸豐八年八月二十三日

竊職道於二十一日會將十九日擊賊情由馳稟在案嗣探熊村之賊退屯仲源荒坪中站之賊仍至礮下朱广並擾及規源一帶職道乃部署各營於二十一日黎明出隊老紅旗膽勇新紅旗由司前出石陂右路擊朱广礮下之賊老白旗新安勇及親兵由司前出石陂左路擊規源之賊李明惠率老青旗排隊河塘嶺上以備接應並防熊村一路職道仍帶親兵百餘人於司前駐堵右路至朱广見賊列隊村莊營總李士恩躍馬直入百長許其錫蔣得勝等率勇從之斬殺百數十人許其錫中槍登時隕命各勇爭進不止賊遂敗走至礮下仍橫陣左右高岡

旗幟林立李士恩及幫帶夏永寬各率勇分路衝上賊另股由  
洞口鈔出冀襲其後李篤勝率新紅旗崔大光率膽勇適至併  
力衝殺百長何流慶李榮忠等大呼直前斬悍賊數人賊乃大  
潰各勇沿途追殺直至中站左路翟國彥陳本熾李昌連戴盛  
寬等至規源有賊數百人在該處擄掠見我勇至越嶺而走我  
勇追至嶺上殲其後隊數十人以山壁削立未便窮追又時已  
申正離營路遠始收隊回營是日斬取首級二百零六顆殺賊  
約四五百人奪獲旗幟二百餘面馬六匹擡槍小槍二十餘桿  
刀矛軍械甚多陣亡老紅旗百長一名勇六名受傷十五名查  
此股盤踞該處崇山峻嶺路徑崎嶇我勇迭次趨戰往返將近



百里未免太勞擬休養數日察看賊情再行進剿一面飭局紳  
鄧雲初李國斌督集東西兩路團練扼要堵守杜其竄逸惟據  
生擒賊供僞石大小國宗及余僞經畧由浦城崇安會合邵武  
之賊約數萬人一出黃土關一竄太甯建甯意將再圖撫建等  
語查此股賊目係李林周譚各姓均屬廣匪連日擒斬各賊廣  
匪亦居大半旗幟多花色卽賊中所謂花賊子其爲撫建竄賊  
無疑至建甯太甯與甯都廣昌南豐毘連職道一軍鞭長莫及  
建郡南路未免空虛此時閩賊饑困欲以全力回竄江西防範  
未可稍疏老湘勇果字營似應仍分一軍回駐撫建相機堵剿  
以固江西大局俟吉安克復兵力有餘再議進取是否有當伏

乞俯賜裁奪職道中有所見不敢不陳除將二十一日陣亡受傷弁勇另摺呈核外所有二十一日出隊擊賊獲勝情由理合據實具稟

稟耆中丞迎勦廣賊獲勝

咸豐八年八月二十七日

竊職道於二十三日會將二十一日出隊擊賊獲勝情由具稟  
在案二十二日探熊村中站之賊悉至石陂河塘打館意欲前  
來新城我軍戒嚴以待二十四日辰刻賊果分三路來中路自  
呂公嶺至塘下左路自石礫嶺至楓樹潭右路自中洲灣至大  
雲墩計以中路誘戰左右兩路鈔出我後職道乃令老青旗老  
紅旗迎擊中路膽勇老白旗新安勇迎擊左路新紅旗迎擊右  
路職道督親兵駐膽勇營前高阜準備接應中路至河前賊已  
近橋老青旗勇用劈山礮擊之賊判死前進副將李明惠帶親  
兵十餘人橫矛絕河而進砍殺數人賊乃卻走至田閒賊回戰

甚力李明惠復躍  
青旗老紅旗各勇  
之賊潰右路之賊  
典帶新紅旗一由  
旗吶喊向前決戰  
隊遂不能支於是  
相擁擠踐踏李明  
棄旗幟器械而遁  
游擊崔大光翟國  
殺賊三四百名斬

旗幟三百七十五面擡槍小槍百餘桿藤牌十一面刀矛器械無算再查此股賊匪實係廣碼全股萬餘人有贛州花旗子數千人賊目李僞隊將卽邵武賊渠因廣碼與翼賊不睦福建又無所得食乃棄邵武悉數竄出黃土關十九日敗伏後奔回關前爲該處兵練所阻乃抵死來新城查自五年廣匪竄入江右以來殘破數十州縣流毒二千餘里淫擄兇惡較長毛爲甚此時進退維谷若獲聚而殲之實足大快人心但該逆素稱獷悍又當鋌而走險故雖迭經痛剿猶復瞽不畏死刻下臨江防守之勇及在撫重整各營計不日可到職道惟當激勵將士奮勉同心滅此巨寇仰慰憲廑除將二十四日受傷各勇另摺呈核

通鑑正統本卷二十三

外所有二十四日賊窺新城我軍大獲勝仗情由理合具稟

稟者中丞江軍克復崇仁

咸豐八年八月二十日

敬稟者八月二十三日接據統帶精捷勇卽選知府江忠義稟稱卑府於十三日曾將接聞鄧參將瀘溪失利分軍赴援留勇防守及另募新勇各緣由馳稟在案卑府於是日正欲起行適舊病復發兼防所一應事務有需料理當派營總守備徐良垓率隊望撫先行十五日接該守備留稱吉匪已由八都竄過七琴將近撫境卑府乃率親勇星夜起程趕至橋東與徐良垓等會合探悉吉逆已到蕉阮當督各勇折往豐屬之洛湖橋適百長陳正珀帶各探勇解到賊謀李亞賓回營詢稱偽檢點賴姓偽丞相何姓自吉河下游登岸帶有六千餘眾除婦女老幼其

能打仗者約有二千餘人至七琴與官兵一仗搶奪子藥器械甚多昨十五日與吉安追兵接仗蕉阮又斃官兵四五十名復添軍械數十件現擬下竄等語比經正法隨督各勇望蕉阮進發傳令五鼓進攻旋據探報該逆聞我軍候至已竄公背十八日我軍馳抵距公背十餘里地方陳正珀早於該處殺斃賊謀二人得悉吉賊又於是早竄過公背對河去矣查該地右達宜黃左通崇邑卑府隨繞出崇仁之白陂墟擬即迎頭痛勦一面派百長劉榮合確探賊蹤比至離崇城十里地方時已二更劉榮合回稱近城一二里煙戶寂無人聲惟途遇難民詢悉賊約五六千人今午已抵城下駐防之平江勇千餘一戰而潰遠退



鄉村城池登時失陷卑府因卽就地駐紮復派把總陳開宇潛入城中探賊果在城中紛紛攪擾隨查卑營除連日冒雨星夜疾馳感患病症及押解軍裝各勇其在前者僅有四百餘名實屬眾寡懸殊頗難前進惟出其不意併力一戰或可得手乃傳令五鼓出隊該邑向有官民兩城中隔大河通以拱橋我軍應由官城之北而入隊至離城里許賊已排陣官城外以待當派營官徐良壘率百長守備劉榮合千總鄧芝林帶勇由左路進都司銜守備鄭長希把總江忠寬帶勇由右路進卑府自率親勇與五品銜千總李昌堯把總陳正珀由中路進各勇槍礮齊施斃賊五六十名該逆抵敵不住退進官城我軍乘勢追入賊

隨奔過拱橋判命堵住彼此鏖戰逾時千總李昌堯外委伍澤鈞軍功賈良新周述禮爭先直入同時陣亡卑府督率陳正珀劉榮合大呼疾進各勇從之撲過拱橋又斃賊百數十人其溺水死者甚夥陳正珀劉榮合身受四傷猶力戰不退卑府亦頭帶矛傷賊遂奔民城我軍四面鈔截賊即棄城而遁各勇追至五六里地方賊復回旗轉戰徐良垓等奮力上前又斃賊七八十名賊乃紛紛而潰時值大雨收隊入城是日約殺賊三百餘名割取首級八十五具生擒二十三名搶獲騾馬五匹擡槍小槍二十九桿旗幟二十三面其餘刀矛軍火無算查點各勇陣亡八名受傷十二名此卑府分軍赴援撫郡繞道追剿吉匪克

復崇仁之實在情形也卑府伏思吉逆竄逸於七琴蕉阮兩戰而吉安追兵失利於崇邑一戰而平江勇千人又敗所獲軍裝已備萬一久踞此間勢必裹脅愈多則不特重煩大兵圍剿而撫郡亦岌岌可虞其有關江省大局良非淺鮮卑部以四百餘名之勇敵賊五六千之眾殺賊數百之多逆匪膽落暮夜竄逃崇仁得以保全在事弁勇實屬倍常出力可否仰邀保獎之處出自恩施再撫州案內擬保都司五品銜千總李昌堯擬保把總外委伍澤鈞軍功賈良新周述禮力戰捐軀深堪矜憫應懇轉詳議卹以慰忠魂除將斬取首級及奪獲各項軍裝解繳外所有自臨分軍赴援撫郡繞道追剿吉賊大獲全勝克復崇仁

縣城緣由理合稟陳憲鑒伏乞批示飭遵等情前來據此查吉  
匪竄踞崇仁該營勇能以少敵眾迅復縣城大獲全勝具見該  
守謀勇兼資將士奮勉洵堪嘉尚此次該營最爲出力弁勇可  
否仰邀憲恩允準保獎之處出自逾格鴻施除將傷亡弁勇另  
單開呈外所有江守十九日追剿吉安竄賊大獲全勝克復崇  
仁縣城情由理合轉稟

稟耆中丞勦賊獲勝調軍到防

咸豐八年八月二十九日

竊賊道於二十六日曾將二十四日擊賊獲勝情由馳稟在案二十五日辰刻大霧四集探報賊復分三路來而左路較多職道乃令副將李明惠帶老青旗伏於河前準備中路參將李篤勝游擊陳周典伏於涂家嶺後準備右路游擊崔大光軍功陳本熾帶膽勇新安勇伏於左路山後游擊翟國彥帶老白旗親兵百長戴盛寬李昌連等帶親兵由左路河岸迎擊甫至橋畔該逆蜂擁上前勢甚兇狠翟國彥屹立不動祇用槍礮連環施放賊屢卻復前忽見膽勇新安勇由山後繞出乃大驚亂各勇乘之斬殺數十人餘賊奔歸中路復爲李明惠部勇所要奔陷

泥田悉就殲擒時右路之賊已望風遁去矣是日斬取首級六十八具奪獲擡槍小槍二十五桿大小旗幟一百二十面二十六日辰後職道與卽選知縣席寶田帶親兵三十餘人至左路山岡相度地勢見河岸樹林內旗幟隱見約有賊二三百人中路李家山下亦有零股時聚時散內有騎馬賊五人至塘下一帶招颺旗幟適副將李明惠帶親兵數十人由河岸巡哨至此見塘下有賊徑渡河擊之賊望而返走李明惠遂至李家山後突出賊數百人李明惠阻一小澗令親兵結隊以待賊不敢逼職道與席寶田隨帶親兵至河岸接應並以牽制林內之賊一面傳令親兵營老青旗老白旗膽勇新安勇派隊前來逾時李

明惠收隊至塘下各營隊伍已陸續趕到賊猶結隊於呂公嶺下李明惠率各勇仍往擊之槍礮層施賊死傷甚眾猶復憑險力拒親兵趙順祥龍賡美老青旗勇李起發等持矛直前刺殺數人眾勇鼓噪而進砍殺無數賊乃越呂公嶺而奔老青旗幫辦徐志近百長李盛魁范繼勝等追至嶺後有騎馬賊目數人督眾回戰李明惠率數十人由沖口繞出賊後賊遂大潰賊目數人悉爲我勇所殲左路林內之賊見膽勇新安勇由河岸進悉退石磔嶺上我勇上嶺追擊被賊礮傷數人陳本熾何流慶麾勇直前守備何通勝衝至嶺上殺賊數人賊仍驚奔職道以各勇鏖戰已久令其收隊回營是日殺賊二三百人割取首級

七十六具內渠帥李旺保郭先爽二名師帥源接宗一名獲偽渠帥官憑二紙將軍官憑一紙師帥官憑一紙奪獲大小旗幟八十五面擡槍小槍三十四桿我勇受傷二十六名陣亡八名竊查該逆經迭次痛剿猶警不畏死日來索戰其窮而且悍亦可想見我軍連日斬殺皆其前敵兇狡計當少熄職道以各勇連日苦戰倍形勞乏兼之不服水土病者十居六七因飛調防臨各營前來助剿茲守備劉盛調縣丞唐顯烈帶新藍旗千總李長齡帶義勇前隊已於二十七日至新城知府江忠義帶精捷勇前隊亦於二十八日至此職道令其修築營壘休養數日卽分路進剿擣賊巢穴務期殲除此股仰紓憲除將傷亡各



弁勇另摺呈核外所有二十五二十六兩日擊賊獲勝及精捷  
營新監旗義勇到防日期情形理合具稟

三ノ五ノ九ノ一ノ二ノ三

三ノ

稟耆中丞痛剿竄匪江境肅清

咸豐八年九月初十日

竊賊道於初三日會將三十初一兩日截殺熊村竄匪大獲勝  
仗情形馳稟在案嗣探該逆聚集黨與尙踞新城南豐界上迭  
據擒賊供稱該逆計由南豐廣昌竄出贛州仍回廣東等語職  
道恐其死灰復燃貽害地方乃傳諭各營攜帶行糧盡力窮追  
並戒追及之時勿取首級勿拾輜重盡殺乃止初三日卯刻職  
道督同知府江忠義副將李明惠等率各營勇起程是夜駐紮  
橫村擒獲細五人知賊由西城橋梅源兩路分遁圖踞南豐又  
恐我軍於初一日橫村接仗後已由閒道先趨豐邑故尙在湯  
坊一帶觀望未前初四日我軍一由西城橋進一由梅源進未

刻齊至湯坊賊已折向傅坊一路矣旋令各營整隊逐之賊在  
傅坊屠殺豬牛傳餐未已我軍前隊適至賊見新易白旗以爲  
鄉團而易之蜂擁爭出崔大光翟國彥唐松柏戴盛寬等大呼  
直入擊殺悍賊百數十人賊驚縮退入坊冒死抵拒李明惠江  
忠義等率勇鈔出坊後將賊包裹坊內之賊悉就殲擒內黃將  
軍一名何軍師一名均經訊明就地正法時已申正令各營勇  
卽駐該處尋土人詢之離此處二十里甘家隘卽南豐與閩省  
建甯交界地大股賊尙聚隘下因逆首人懷意見去向仍然未  
定是夜微雨五更天霧大起各營乘霧分三路趨甘家隘中路  
李明惠江忠義督同崔大光等追逼賊蹤賊始得知槍礮齊施

鼓聲大噪賊潰奔赴隘口是隘山壁斗絕賊眾擁擠進不得越眾勇乘勢遇賊便斫無不以一殲十翟國彥李士恩劉盛調陳本熾戴盛寬等復由左右兩路蹙之賊拋戈延頸受戮三四里中積尸如麻餘賊抵死守隘陣亡精捷營隊目藍翎軍功王大廷唐炳興義勇藍翎軍功黃恆山李才盛等精捷營百長徐士巍新藍旗百長曾建祿膽勇何流恕黃仲光等均受重傷江忠義崔大光率勇由山頂繞出隘後劉盛調陳本熾李士恩戴盛寬等衝入隘口復追殺二十餘里餘賊由山徑遁走時已申末各營收隊回駐隘下初六日復駐橫村初七日始整隊回營是役殺六七千人內僞頭目數十人僞丞相一名奪獲僞指揮印

一顆偽將軍印二顆騾馬四五百匹擡槍小槍七十八桿大小旗幟一千四百五十六面其餘軍械無算各勇跋涉百六七十里並日窮追飢不得食備形勞乏而賊自熊村竄後連日翻山越嶺足無停趾道僵死者相望或自經林木間又破膽之餘時自相驚以爲官軍且至卽四山亂竄以故自熊村至隘口百餘里中叢林僻徑零星三五之賊所在皆有其年久長髮均爲鄉民殲之無遺亦有伏匿數日餓久而死者此賊受戮之慘實足大快人心在防將士以三千之眾敵數萬冒死回竄之賊自前月以來苦戰彌旬狂鋒乃挫追剿竄匪仍不遺餘力先後斬擒幾至二萬大股逆賊殲除殆盡江境肅清所有在防出力員弁

勇丁可否仰邀憲臺酌予保獎之處出自逾格鴻施除將傷亡  
弁勇另摺呈核外理合將連日追賊殲除幾盡餘匪回竄閩中  
江境肅清及在事尤爲出力員弁勇丁應請酌予保獎各情由  
肅稟馳呈





稟耆中丞營勇多病懇撤回楚

咸豐八年九月十五日

竊職道於初九日會將連日追剿竄匪殲除幾盡江境肅清各情由馳稟在案職道於初七日收隊後聞

欽憲移節建郡初九日由營前往迎謁得悉大軍定計由建人  
閩將來節節按剿建郡邊防自可無須多兵目下吉安克復寶  
勇湘後營皆百戰勁旅李鎮全軍又自浙江回省兵力有餘足  
資分布職道一軍自應遵照南撫憲批示俟吉安克復撤回本  
省以恤久役以節糜餼且查卑營自赴新城水土不服瘧疫大  
起軍中病勇十居七八旦夕呻吟死亡相繼卽或幸免亦成疲  
瘡道里云遙旣遣回之不忍餘丁日少又更換之無人而各將

士自六年正月赴援以來瓜期屢更人有歸志職道自維菲材  
覩此情形倍增焦灼若非急行裁撤不惟多費餼精兼恐有負  
委任惟有稟懇憲臺俯念卑營病亡日多將士久役思歸此時  
新城情形已鬆一俟

欽憲進兵後卽準卑營全撤回楚實爲德便至可否另行酌撥  
兵勇前駐新城防守之處出自鈞裁職道無任激切籲懇之至  
伏乞批示遵行

稟者中丞移駐撫州仍懇遣撤

咸豐八年十月初十日

竊職道於九月三十日會將卑營勇病亡日多再懇撤回情由馳稟在案是日接準總局咨開奉憲批卑營全撤回楚礙難準行等因職道聞命之下深切悚惶正擬據實瀆陳時以病疫傳染愈速死亡愈多眾情悽惶真有刻難稍待之勢祇得就近稟明會部堂請準暫移善地稍資休養旋奉札開本部堂現派張道一軍由杉關入閩新城情形已鬆該道所部病勇日多自應暫移建昌將息以示體恤飭卽帶領全軍來郡等因奉此職道遵於初三四五等日飭令各勇分起拔營赴建一路病勇扶持無復軍容抵建後正在催築營壘據各將弁合詞稟稱眾勇等

舊病未愈新病又生此閒醫藥維艱未便駐紮應請移駐撫州  
較易調養等情前來職道察看情形實爲狼狽當卽據情稟懇  
會部堂蒙批飭遵在案遵於初九初十等日復令各勇移駐撫  
州竊查卑勇自染瘧疾精銳死亡而外多成疲癯此時汰弱留  
強實覺無強非弱且邁此病患人各寒心若再強留何濟於用  
自非回籍重整深恐難期得力目下蕭張兩枝勁旅分途援閩  
會部堂自駐建郡後路可保無虞卑營留之無益不留亦無所  
損而職道目覩各弁勇病亡日多憂思成疾淹纏至今尙未全  
愈是以不揣冒昧重懇憲仁俯準前請撤回湖南俾將士稍行  
休養報效有日無任悚惶待命之至所有現奉會部堂批准卑

營回駐撫州暫爲將息仍懇俯準前請撤回湖南各情由理合  
肅稟伏乞垂鑒

新正書局印行

五

稟書中丞瀝陳撤勇情形

咸豐八年十一月十九日

竊職道前以病勇過多不能成軍應請全撤回楚各情由稟奉  
憲臺批示在案嗣於十一月初四日在省接奉憲札以饒郡情  
形喫緊應添勁旅以資協勦仰將選留之勇遴委幹員帶赴饒  
郡堵勦一面親赴湖南選募勁勇三千名星馳回江攻勦景德  
鎮逆匪等因又於十一月十三日亥刻接奉湖南撫憲札開前  
據該道稟稱該營勇丁自赴新城水土不服瘧疫大起病勇十  
居七八旦夕呻吟死亡相繼餘丁日少更換無人請咨撤回等  
情旋又據該道稟稱奉曾部堂札飭將所部病勇暫移建昌將  
息柰眾勇舊病未愈新病又生醫藥維艱未便駐紮現復移駐

撫州惟精銳死亡而外多成疲癯此時汰弱留強實覺無強非  
弱邁此病患人各寒心若再強留何濟於用若非回籍重整難  
期得力等情均經咨明江西撫部院在案茲又據該道稟陳病  
勇傳染日甚勢難強留若駐撫將息病者不能望痊疲者久懷  
歸志遇有調遣貽誤堪虞仍請撤回俾可重新整理再圖後效  
等情查該道所部弁勇自六年赴援江西戰功最著迭據稟陳  
軍中病疫情形極爲懇切念之惻然且其精銳多損疲病日增  
留之亦屬無益自應撤調回南再圖整理以收實效所稟係屬  
實情現在回竄江西股匪業經該道稟迭次痛剿聲威已振曾  
部堂大軍改由建郡新城一帶分道赴閩江西尙可藉勦爲防



自應俯如所請暫將全軍撤回俾資休養以三  
整理以期克收實效合行札飭爲此札仰該  
弁勇速卽回南分別汰留隨時具報毋違切  
此伏思職道一軍憲臺札飭選留南撫憲札  
宜遵照而事勢實難兩全復據各營總稟稱  
弱之餘並有思歸之志且零星湊合心力不  
誠恐有誤機宜仍懇稟請全撤再圖報效是  
本係實在情形而饒郡防剿喫緊正資兵力  
心未安若勉強留則於事無濟寸衷焦灼  
情稟請憲臺俯賜酌核批示祇遵不勝悚惶

卷之三十一

三

稟耆中丞遵札拔營回楚

咸豐八年十一月二十七日

竊職道於十九日曾將先後奉到憲臺並湖南撫憲札飭現在  
難於辦理情形具稟在案先是職道由省回營旋奉湖南撫憲  
札飭全撤回楚十四日即馳至建昌祇述憲意面懇會部堂並  
將各情稟請示遵十八日回營二十日接奉會部堂批示據稟  
已悉該道所部各勇既多係病患之餘勉強選留誠恐轉滋貽  
誤自可遵照南撫部院札飭全撤回楚另募新勇以期得力候  
即咨明江西撫部院飭遵至饒郡防剿喫緊該道所慮極爲周  
密日昨江西撫部院亦曾函商及此查瑞金一帶蕭道一軍  
足資勦辦本部堂現擬令張道一軍馳赴景德鎮會勦以紓北

路之急已調其速回建昌面商矣仍候江西撫部院批示繳等  
因查張道一軍素稱精銳以之回剿必能淨掃賊氛以紓憲廩  
卑營自可無須選留擬卽日內率領各軍拔營回楚遵當選募  
勁勇速加整頓聽候憲臺暨會部堂南撫憲調遣再圖報效所  
有奉到會部堂批示現調張道回剿景鎮卑營擬於二十四五  
等日分起拔營全撤回楚情由理合具稟

稟駱中丞遵撥留勇

咸豐九年正月十二日

竊職道於除夕接奉憲札現在江西信豐之賊竄陷江西南安府分竄廣東南雄州其南安府屬崇義縣已於本月十二日失守賊蹤切近桂陽縣界除已調派官軍前往防剿外惟東南一帶邊界均與江西廣東毘連亟需防剿該道及江守所部弁勇前以歲晚凱旋暫行休息茲值軍務緊要急需調遣亟應先將精銳各勇逐一挑選暫交道銜劉守同前札飭召募勇丁一併管帶來省訓練以備調遣合行札飭爲此札仰該道遵照速於所部弁勇內挑選精銳勇丁交道銜劉守管帶來省聽候調遣該道與該守俟開年後仍迅速選集勁旅勤加訓練由該道統

帶來省聽候另札飭遵仰將遵札辦理緣由先行稟復查核毋違等因奉此竊卑營各勇前奉鈞札選留義營二百餘名新安營一百餘名其餘均經在於醴陵撤回度歲現在征衣甫解又值新年一時遽難號召惟查職道舊歲駐軍撫州時因病勇過多當遣副將李明惠回籍募勇數百名操練以備調撥挑補茲奉前因遵將所留義勇新安勇合三百餘名撥付劉道外復於李副將新募勇內挑選二百名歸入劉道新營至江守本部所留二百五十名多係廣勇若合劉道新勇一切恐不相習另成一營兵力又覺太單因與江守熟商暫留該勇趕緊召募先足一營俟劉道進剿需用卽擇營總管帶同進以資厚集職道於

開正後亦一面募勇在縣訓練聽候調遣所有遵札辦理緣由  
理合稟覆

香田七郎ノイニシクニシテ

ノ



稟咨中丞補給欠饗

咸豐九年正月十二日

竊職道於八年十一月二十九日會將各營勇起程回楚日期具稟在案十二月十二日行抵醴陵當將各勇暫爲安插隨即親赴省城晉謁湖南撫憲旋奉撫憲札開據該道稟稱前因病勇日多死亡相繼難望速痊疲者又懷歸志精銳日少疲瘥日增稟蒙札飭暫將全軍撤回職道遵卽督帶起程無如病勇過多跋涉兼旬行走不能迅速病重者沿途陸續死亡新愈者復因勞而轉劇卽前此未曾患病勇丁近因扶持病勇傳染亦多目覩情形深堪憫惻稟請委員查驗聽候示遵等情據此查該道所部勇丁自出境援江已歷三年克復府縣各城戰功卓著

遇險不避有功不居最爲難得茲據稟勇丁病苦情形覽之惻然矧當雄師唱凱之時正臘鼓迎年之候若復聽候委員查驗轉不足以示體卹而勵軍心仰該道卽傳所部將士概行遣撤各回原籍加意調醫庶期迅速痊愈如有需勇之處再候札飭遵行原領軍裝器械移繳省局點收毋違切切等因奉此遵卽傳諭各營總百長於十八日在醴陵將各勇悉數遣撤仍令嚴加約束帶回原籍其前欠口糧除由南省設法墊給外餘皆約定今春再行補給各勇等素孚職道恩信並能仰體憲德帖然聽命無有異詞竊卑營勇自六年赴援以來攻城打仗辛苦備嘗在新城患病情形尤爲可憫之至值此用人喫緊未可頓易

前言令生缺望尙乞憲仁迅飭省局將卑營前欠口糧核明籌解益見德意周溥在遠不遺俾職道不至失信各勇有事易爲驅策均深感激之至除俟將卑營前欠勇糧及續收釐金酒米結算冊報外所有卑營勇奉南撫憲札飭全撤並懇補給前欠勇糧各情由理合肅稟

卷之三十一

三十一

稟會侍郎防勦石逆暫難赴調

咸豐九年正月十二日

竊職道自上年十一月十七日叩辭轅下親聆訓詞感佩之餘  
倍深依戀是月二十九日由撫州起程至十二月十二日抵湖  
南省仰託福庇各營勇分起遣歸沿途尙屬安靜十八日職道  
由省起程至二十八日始抵新甯原籍於除夕奉撫憲札以江  
西南安股匪竄陷崇義擾近楚疆令劉道坤一率原募千人並  
於新撤各勇中挑選精銳刻日帶赴省垣又令職道與江守開  
正後速爲選募以備緩急職道自慚庸懦屢荷裁成日夜思隸  
大軍圖報萬一比在省時得讀憲臺致中丞書猶於職道等多  
所期許並有引而近之之意苟非木石能無感激第以事有變

遷境多阻隔如桂陽一路  
調遣否則急梓鄉之患恐  
張道一軍聞於臘月初旬  
軍現駐何處江西下游必  
備之耶蕭道一軍曾否由  
並有欲據茶陵之說果爾  
必遠邀皖省之賊以圖牽  
以爲大軍宜移駐吉安一  
聯絡聲勢使賊進不敢深  
疲困約會夾擊石逆雖悍

全也愚昧之見是否有當伏乞鈞裁再前承諭改更營制到省  
時已覓得湘勇章程一紙現與劉道江守商酌更改務求妥善  
俟更定後再爲稟聞





稟駱中丞交勇江李赴省

咸豐九年二月十四日

竊職道於二月十一日曾將遵募新勇在籍訓練及應請坐糧銀兩各情由具稟去後旋奉二月初四日憲札前因江西之賊竄陷南安府城崇義縣城切近楚邊需勇防剿當經札飭該道挑選精壯勇丁暫交劉道坤一先行帶省在案昨據劉道稟稱於正月二十三日先帶弁勇分起赴省均未到省茲據彭參將定太稟稱南安賊匪迭分大股衝過文英正月二十六日卯刻賊匪數股前來隨派隊堵剿斬賊數十名各兵奮力堵擊至已初時忽探紫鞍腦等處無數黃旗衝來正在堵剿忽熱水後面一股截我軍歸路又一股由集龍高岡衝來被賊圍住兵勇鏖

戰半日並未飽食堵住多時無奈賊匪過多力不能禦軍裝盡  
失退至桂陽並探得劉鎮培元一軍亦經敗北等情查該匪人  
數甚眾勢甚披猖難保不乘虛攔入亟應調集大軍馳往勦辦  
合亟飛札爲此札仰該道遵照刻卽督同江守忠義李副將明  
惠選召曾經戰陣精壯勇丁除劉道坤一原募一千名外仰該  
道合前札所召共募足五千名刻日挑募整齊統帶起程相機  
勦辦所需軍裝器械卽派員赴省請領應用仰將遵辦緣由先  
行稟報查核軍務萬緊毋稍片刻耽延切切等因奉此職道卽  
會商江守李將趕緊選召刻日起程惟查各勇現因鍋幟未備  
春雨過多大半寄屯城市其曾經點驗入營編列成隊者僅二

千餘人亦以旗幟號褂及應用器皿尙未製就驟難整隊成行  
茲奉前因亟應將會經入營成隊之二千餘人旗幟號褂及應  
用器皿刻期辦就並那給資斧交江守李將於旬日內管帶起  
程星馳赴省其餘各營亦卽趕緊選集催辦軍裝定於三月初  
趨程繼進以期合力防剿仰慰憲台綏靖邊境至意至軍情變  
動未可逆計卑營各勇應否齊赴省垣抑或徑趨防所仍一面  
沿途祇候鈞示除派守備尹祥發赴省補領槍礮子藥外所有  
遵札趕緊辦理各緣由理合肅稟馳呈

卷之三十三

三

稟耆中丞湘撫札留驟難回江

咸豐九年二月

日

竊職道於正月十二日會將遵撤各勇回籍並懇補給前欠勇糧各情由具稟憲臺暨會部堂南撫憲各在案二月初八日酉刻在籍奉到憲臺札開照得前因景鎮官軍失利饒防喫重需兵協勦業經札飭該道將所部病勇親身管帶回楚另募生力勁勇三千名星馳來江勦辦並咨明湖南撫院查照在案刻下景鎮雖添江道一軍協同攻勦而逆勢仍尙披猖我軍亦未得手現在望援甚切該道所募之勇會否招齊迄今未據稟報合亟飛札飭催爲此札仰該道立即遵照趕緊招募足數星馳統帶回江聽候調撥事關軍情緊急萬勿再延仍將募足起程日

期飛馳稟覆切速切速特札等因奉此竊卑營自上年臘月全撤後祇留義勇新安勇與中營親兵共數百人當隨職道回至新甯於除夕復奉南撫憲札開現在江西信豐之賊竄陷江西南安府分竄廣東南雄州其南安屬崇義縣已於本月十二日失守賊蹤切近桂陽界除已調派官兵前往防勦外惟東南一帶邊界均與江西廣東毘連亟需防勦該道及江守所部弁勇前以歲晚凱旋飭令暫行休息茲值軍務緊急要急需調遣亟應先將精銳各勇丁逐一挑選暫交道銜劉守同前札飭召募勇丁一併管帶來省訓練以備調遣合行札飭爲此札仰該道該守遵照速於所部弁勇內挑選精銳勇丁交道銜劉守管帶來

省聽候另札飭遵仰將遵札辦理緣由先行稟覆查核毋違等  
因奉此職道一面將義勇新安勇並前派李將明惠回籍新募  
之勇撥交劉道坤一管帶起程一面會商江守李將等從新招  
募擬俟選練齊集卽行統帶赴省伏思職道援江以來深荷大  
人培植各營弁勇無一不被恩施原擬開正後選集勇丁仍赴  
江西以備驅策惟念湖南援軍四出本省甚屬空虛當茲烽警  
遽傳人心惶懼不能不遵札辦理以舒目前之急茲奉憲札前  
因除稟請南撫憲咨商外理合將現在遵辦驟難回江各情形  
據實稟覆





稟駱中丞遵統各營起程

咸豐九年二月二十四日

竊職道於二月十四日會將選集各勇交江守李將管帶起程其餘各營趕緊選召陸續前進緣由馳稟在案茲於本月十五日申刻接奉憲札此起逆賊人數既眾勢極披猖已闌入桂陽亟應迅速勦辦前飭該道募勇五千名一時如難齊集仰將現已招募之勇先帶起程其餘勇丁卽由該道選派委員加意選募務期一律精銳以奏膚功仰將遵札先將帶勇起程日期速卽稟覆軍務萬緊毋少違延切切此札十七日又奉二月初十日札開江西南安大股逆匪率眾竄犯桂陽縣境郴桂一帶所屬地方均形喫緊亟應迅速勦辦以免蔓延查布政使銜劉道

謹厚諳練謀勇兼資堪勝統領之任所有調往防剿之卽選劉道坤一一軍知府江忠義一軍游擊黃三清一軍都司陶藻一軍守備洪定陞一軍亟應派歸該道統領節制調遣以一事權而速戎機所有營務事件較繁查劉道坤一江守忠義勤幹英勇堪以委辦營務處該統領未到軍營之先一切事宜卽由劉道坤一暫行攝理除分札各營官遵照外合行札委爲此札仰該道遵照將發來統領兵勇布政使銜齊普圖巴圖魯關防一顆祇領開用所有調度一切機宜統歸該道悉心辦理隨時馳稟查核仰將遵札統領緣由先行稟覆等因奉此以職道微才膺茲重寄聞命之下深切悚惶惟有益竭駑駘激勵將士務靖

邊患用慰廬懷現遵將入營成隊之楚前營楚左營精捷左營精捷右營約二千一百人飭令李將明惠游擊江忠朝管帶分起於二十三日起程職道及江守率領楚中營精捷中營一千人分起於二十五六日起程均由東安祁陽取道衡州相機勦辦其續招之右營副中營副前營亦委妥員管帶陸續起行惟各勇倉猝成行槍礮器具所缺甚多沿途借用尙恐不敷軍情緊急實深焦灼守備尹祥發所請槍礮子藥務懇迅飭由衡州祁陽一帶迎交卑營或另委幹員運送前來各勇口糧銀兩並懇憲臺量給若干分撥各營庶得士馬飽騰一意進勦至江守營務處關防同日祇領開用合併稟明所有收到統領兵勇

關防及各勇起程日期理合肅稟

稟駱中丞赴永迎勦

咸豐九年三月初四日

竊職道於前月二十四日曾將各勇起程日期馳稟在案二十三四日李將明惠游擊江忠朝起程後二十六日職道與營務處江守督中營右營勇千人精捷中營勇七百五十人繼進途次迭奉憲札飭催赴援均經祇奉遵行茲李將江游擊於前二月十九日已抵祁陽職道與江守亦於本月初二日午刻趕到查祁陽距永一百里距衡一百八十里職道原擬行抵此間察看兩郡緩急以爲進勦之地日昨抵祁探聞賊至新田甯遠並擾及甯境之柏家坪離永城僅一百二十里連接護永州鎮侯將永州府楊守馳函請援祁陽劉丞亦堅請分兵進勦甯遠因

思永州據衡郡上游甯新股匪漸次逼近防勦誠爲喫重而衡郡乃省垣門戶又爲全楚腹心如常未事勢未舒卑營亦驟難他嚮正籌商間接據探報並王守勳函稱郴州城已收復各屬均無賊蹤察看情形衡郡足可無虞賊勢將全注永若兵不速進勢恐難支乃定計初四初五全軍直赴永城游擊江忠朝率精捷左營精捷右營於巳刻起行江守忠義率精捷中營李將明惠與席合寶田率楚左營楚右營於未刻起行職道率中營親兵亦於初五起行擬卽由永屬之白水嶺進趨甯遠查此賊自入楚境未予痛懲斯時下游兵力漸集該逆改計竄永其意仍在乘虛若職道出其不意由永直迎其頭諒易得手營務處

劉道與蕭道及湘勇各軍由郴桂分尾其後三面蹙之此賊當可就茲殲除但恐逸入粵境與賀縣之賊合股則後患方長職道惟竭盡綿薄鼓勵將士誓滅此賊以舒積憤以副憲懷至卑營由永進勦所需勇饟應請飭照湘勇舊章由局按月籌給或飭各屬無論何款就近撥解以資接濟之處均候批示飭遵所有衡郡無警賊注永州卑營改由永州迎勦賊匪各情由理合肅稟





稟駱中丞援永獲勝

咸豐九年三月初七日

竊職道於三月初四日曾將永郡情形喫緊改道由祁赴永情形具稟在案先於初三巳刻接王守來函始定計赴永申刻游擊江忠朝帶精捷左右兩營正在起行接侯鎮楊守白水嶺防勇失利之信職道以賊已過險必乘虛直入永郡勢將不支隨飭江守帶精捷中營於酉刻趨程前進計先據城以待李將明惠席令寶田帶楚前營楚左營亦於是夜繼進初四天曙江守率勇至離城二十里之接隴橋賊已逼城四處碁布星羅矣我勇夜行八十里勢難再趨之戰江守與席令乃就地相度營基督勇修築一扼由永竄祁之路一爲城內聲援巳刻李將率勇

亦至江守因購人入城告以援至至酉刻侯鎮楊守專人出城  
詢悉城內人心尙固城跟多石無開地道之處本日賊匪撲城  
城上用礮斃賊數十人江守當卽復甬入城屬其固守以待是  
夜大雨如注初五未刻雨猶未息近城數十里賊蹤蔓延我勇  
路徑未諳礙難輕進是日職道在祁令中後兩營冒雨起行自  
以單騎於未刻行抵接隴橋營次查東南北三門未燒房屋已  
爲賊眾占踞並築修土牆卡房隔斷內外爲困城之計惟濱河  
大西門小西門尙可伺閒出入下首白蘋洲上首南門渡賊皆  
以數十人守之水路亦不可通職道欲於正北一路移營再進  
踏破該逆營卡以通城中之氣而東北角毛家橋仙人橋梁木

橋楓木鋪羅家橋天字地一帶二十餘里係賊由甯遠來路街  
屋村莊賊皆居之離營均不甚遠若我軍進紮之後賊由是以  
鈔我後首尾受敵勢將不濟初六日辰刻職道與江守席令率  
精捷右營及親兵列隊烟竹鋪青山嶺上扼正北七里店一路  
百長王順慶劉光文等帶精捷中營列隊砍山嶺上扼右邊寶  
塔下河岸一路李將率楚前營由左邊鳳凰嶺擣天字地一帶  
賊巢百長楊秀琪陳述芳等帶楚左營江忠朝徐良埭帶精捷  
左營由嶺左右翼之李將至嶺下馬衝張家見賊或數百人或  
數十人其十餘起旗幟隱見林木間突張兩翼來敵李將率親  
兵直衝其中營總李榮忠百長劉通周等分左右迎之擊殺先

鋒賊多名楚左營自嶺左上乘其後斃賊數十江忠朝徐良垓  
自嶺右望東北路徐徐包去賊遂敗走職道與江守見李將合  
戰甚急而右邊河岸無賊乃令營總陳希祥帶精捷右營及精  
捷中營急由中路橫出與江忠朝合勢適楚中營楚後營自祁  
至職道亦令其由鳳凰嶺一路接應李將追賊至天字地賊愈  
聚愈眾內黃裱賊數人督戰甚力每卻走數十步卽回旗轉戰  
李將率李榮忠等再接再厲於馬上發洋槍斃數悍賊追過一  
嶺則整隊復追賊每一轉戰必多所死傷黃裱賊目無一脫者  
迨至梁木橋江忠朝已督隊由街右進賊各鳥獸散我軍追殺  
無算所有天字地梁木橋仙人橋楓水鋪羅家橋一帶賊巢均

經踏破職道與江守見我軍戰逾三時之久恐其飢疲江守乃率親兵至前面嶺上鳴金收隊各營均整隊徐歸是日約殺賊三四百名斬取首級二百七十八具奪獲擡槍二十六桿小槍五十餘桿大小旗幟一百十二面馬十五匹黃馬褂六件我勇陣亡十名受傷七名竊念此賊乘虛竄永計取上游以窺衡湘逆謀狡計久在憲臺洞鑿之中幸永郡官紳竭力固守卑營前奉成算取道祁陽得以就近援勦惟賊中所謂前三旗者已有二旗在此其一旗聞亦陸續踵至每旗數約萬人人數眾多槍礮不少卑營幸仗德威獲此全勝足以壯軍聲而寒賊膽第城圍未解實深焦灼因與江守熟商挑選精捷二百人交都司王

順慶千總鄧芝林管帶由蔡家埠渡河繞至西岸柳子廟偷渡入城協守初六日子刻起行此時計已入城人心諒可少安多持數日卑營或步步進紮或再行痛勦定當掃此狂氛以紓慮廬至該逆颺忽靡常聞在上游多取木排聲言於寶塔下搭橋恐此計遂成永圍固日見其急若渡河西竄其爲禍更不可言前曾商屬按察使銜江道在籍募勇千名以備不虞未知曾否募集伏乞憲臺札飭該道照辦再懇飛調水師數十號來永用助堵勦均候憲裁除將陣亡受傷各勇另單呈核外所有初六日出隊大獲勝仗及現在籌辦情由理合肅稟

稟駱中丞永州解圍

咸豐九年三月十一日

竊職道初七日曾將勦賊大勝及現在籌辦情形具稟在案初六夜探報敗匪仍至梁木橋天字地等處初七日職道督同江守加令李將等率各營勇分路進勦賊縮退城下我勇揚隊於離城三四里地面賊伏不動職道及江守李將相度營基爲步步逼進之計收隊時有賊二十餘人從山背繞出爲參將翟國彥所殲奪其旗幟槍礮數件夜據都司王順慶千總鄧芝林稟稱該都司等帶勇業由柳子廟渡河時賊欲於白蘋洲邀之各勇獎賊數名賊不敢逼當由大西門入城協守等語初八日職道催各營進紮烟竹鋪前面離城十里各勇列隊山岡賊仍伏

不動惟左路有賊數十人在鄉擄掠被精捷勇追殺十餘賊並  
奪取黃旗十面申刻探報營左之梁木橋木頭嶺羅家橋並有  
賊屯聚職道竊念逆賊日以另股牽制我軍不獲併力攻剿迅  
解重圍永城受困已六七日登陴日久人心難免懈弛賊計詭  
譎多端或覓有地道或伺隙潛入萬一永城不守榔桂賊勢更  
張衡湘必然搖動關係大局非淺且該逆堅伏示弱意在待援  
非及時痛剿賊黨日眾勢將難支職道與江守席令激勵士卒  
部署各勇初九日卯刻藍翎知縣唐顯烈率楚後營李將率楚  
前營由七里店北大路徑擣北門賊壘槍礮雨施賊傾巢而出  
冒死抵住前者旣斃後者復進李明惠唐顯烈身先陷陣賊勢



少卻河岸之賊復蜂擁以鈔我後游擊江忠朝督同守備徐良  
瑛陳希祥率精捷左右營至奮力擊之斬悍賊多名江守率親  
兵及精捷中營由中路截出副將余星元參將楊恆陞亦率勇  
渡河助戰職道與席令督親兵百長唐松柏戴盛寬鄭連陞等  
率勇自中路選進各勇以火箭火蛋擲燒營盤北門及河岸之  
營同時火起賊遂潰向東門我勇競前追殺城外尸積如麻參  
將李篤勝翟國彥率是左右營截其左竄之路王順慶鄧芝林  
亦從南門出擊賊繞赴浮橋人馬紛紛擁擠落水其窮蹙赴水  
死者更不可勝計一股千餘自東門繞赴南門於河岸爲月陣  
唐顯烈率勇追及該逆前卻數四兇悍異常江守督勇至亦爲

宋正德... 卷之三十三  
月陣圍之渡河賊三四百人於嶺上搖旗吶喊意欲回救職道  
令親勇扼浮橋催各營槍礮助江守轟擊須臾該逆千餘人悉  
赴水死東南兩門外賊營亦卽時燒燬城圍遂解城上懽聲如  
雷先是木頭嶺梁木橋之賊千餘人窺我軍出隊卽從後來襲  
營盤左營百長翟國拔率營勇迎擊賊張兩翼進翟國拔中槍  
倒地遂毀左路營二座中營及精捷營均各固守騎馬賊數人  
黃旗十數面直衝中營適職道長子思詢自籍帶中營楚勇及  
副中營來營聞礮聲甚急率二十餘人馳至擊之親勇賴錫光  
當獎執旗賊一名中營書識李子濤精捷營幫辦縣丞江忠華  
百長守備陳大運亦出營接戰正中副中兩營勇絡繹至賊始

退向左嶺上思詢令幫帶鄭金華夏永寬曾昭憲等分左右進  
槍礮並用賊遂敗走各勇追殺百餘人職道聞信回救則賊已  
擊散矣是日殺賊四千餘人溺斃賊二千餘人生擒三百餘人  
除將難民發遣外餘皆訊明正法我勇陣亡□□名受傷二十  
七名查此賊自犯桂陽未受大創卑營此次獲勝逆匪死者不  
下六七千保全永州府城挫其兇鋒阻其詭計皆憲臺威靈不  
振將士奮勉用命有以致此也據賊供石逆定計南安欲以十  
大旗十萬眾分五起犯楚會寶慶以取荊州爲據全蜀計故圍  
永州者其前隊之二旗三旗二萬眾也二旗僞軍畧蕭華已受  
顯戮此起諒不能復振該逆受一次痛斃卽剪一枝黨羽不過

數大仗石逆即可就擒矣現探內五旗宰制陳逆率一四五旗於日內至此駐菱角塘香爐山誓決一死爲蕭逆報仇卑營於今日移紮城北據城阻水以待察看該逆動靜定計勦辦此次擊賊大勝迅解永州府城圍所有出力人員可否仰邀獎敘之處出自憲恩陣亡之藍翎守備王榮光力戰捐軀情殊可憫應請照都司陣亡例議卹以慰忠魂除將陣亡受傷弁勇另單呈核外所有擊賊大勝逆首就戮永州圍解情形理合馳呈再祁陽爲衡湘門戶職道前已札飭段丞勇七百駐該縣防守惟此股匪人數眾多處處蔓延祁永河防非水師不濟務懇憲臺飛調師船數十號分駐祁永以資堵禦謹稟

稟駱中丞菱角塘大勝

咸豐九年三月十四日

竊職道於十一日會將初九日勦賊大勝永州圍解情由具稟  
在案隨探續至之一四五旗賊屯聚香爐山菱角塘一帶招集  
二三旗敗匪連營十餘座深溝高壘該處村莊並爲賊踞聲言  
必破永州爲蕭逆報仇卑營初十日移紮城北爲待賊之計另  
殷賊千餘人復擾至楊家巷郵亭墟等處職道乃首商副將余  
星元參將楊恆陞游擊余斌元令於十二日列隊天字地遏楊  
家巷賊回竄之路職道督同江守李將率各營勇進勦菱角塘  
大股賊匪行抵仙人橋令李將率楚前營藍翎知縣唐顯烈率  
楚後營由右路進游擊陳周典率副前營繼之參將翟國彥率

楚左營游擊鄭金華率中營楚勇由左路進都司銜守備戴盛寬率副中營繼之守備徐良瑛率精捷左營守備陳希祥率精捷右營由中路進都司李金暘率和字營游擊李盛魁率楚右營繼之職道及江守率中營親兵精捷中營並精捷親兵隨後應援行四里許賊橫隊山岡與我軍槍礮對施翟國彥鄭金華與親兵百長唐松柏鄭連陞等緣山腰進撲左路賊巢賊眾蜂擁出拒有勇從後拋擲火彈燒其三營賊回救不及退向衝口欲合中路之賊併力來戰適陳希祥已逼中路賊巢李金暘亦率勇由樹林截出左路賊潰中路之賊亦縮退入巢固守礮聲不絕李將率百長蔡瑞祥等從旁擊破賊卡鈔出賊後親兵百

長唐松柏鄭連陞越濠而入賊始棄巢而走各勇逐之不數百  
武有黃褂騎馬賊數十人見右路各巢尙在拒守大呼回戰勢  
殊兇猛李將與守備徐良塹陳大運把總李錫回都司李金暘  
千總唐松柏等率勇抵住屹如山立賊屢次衝突多所死傷猶  
不遽退逾時左路賊巢火起游擊陳周典卽選知縣唐顯烈等  
各率勇攔頭廝殺中路回戰之賊隨卽退走我勇追過山坳三  
路敗賊俱至有馬隊賊約四五百各持刀槍駢途斷後李將督  
同各營弁勇併力苦戰斃其騎馬披數十名馬隊返奔自相踐  
踏賊死愈眾追及河岸江守復督中營親兵精捷中營與各營  
勇同時蹙之賊人馬紛紛落水河水幾爲之塞一黃褂騎馬賊

目爲精捷勇毛金玉所殺按獲僞翼府前三旗大軍畧圖記一  
顛時已未正乃鳴金收隊而歸是日約殺賊二三千人溺斃千  
餘人奪獲騾馬八九十匹擡槍六十四桿小槍一百八十二桿  
大小旗幟三百七十面被擄難民帶鎖連索俱得脫出臨時至  
有倒戈殺賊者先經職道宣布憲德戒各勇臨陣遇短髮逃生  
者勿得妄殺以故難民得脫者共千餘人俱遣回原籍查點我  
勇受傷二十人陣亡四人續探賊於我軍收隊後仍屯油榨嶺  
一帶離菱角塘三四里楊家巷郵亭墟股匪在彼焚劫鄉民籲  
救紛紛而祁陽以賊蹤漸近告急之使日三四至正籌商開楊  
奈兩將畱至欲先趨祁陽職道當至該將營面商一切並畱催



其由楊家巷郵亭墟襲賊之後本日卯刻該將拔營去訖適奉  
憲臺以該將等三營歸職道節制之命職道當飭該將等由郵  
亭墟跟蹤追剿如賊果下竄即可與段丞何將收夾擊之功旋  
探菱角塘敗匪於十二夜由了髻嶺竄至糠子坪一帶一可回  
竄甯遠一可橫竄祁陽職道定於十四日辰刻率各營至楊家  
巷以邀該賊竄祁之路至現在觀音灘之賊由甯遠祁陽新田  
交界之初日洞竄出其爲桂陽州續起股匪無疑職道察看情  
形如此股敗匪盡往祁陽自當回祁會剿乃扼其由祁竄永之  
路伏懇憲臺迅飭下游各軍一由郴桂躡其後一由甯甯祁陽  
攔其前三路並進此賊旦夕可滅是否有當伏維憲裁除將陣

劉武慎公全集

卷二十三

亡受傷弁勇另摺呈核外所有十二日勦賊大勝盡破賊營及  
現籌辦各情由理合馳稟

臨桂李樹森同校  
南陵胡永福

劉武慎公稟牘

劉武慎公全集二十四

目錄三

稟駱中丞賊陷東安

稟駱中丞添軍援新甯

稟駱中丞回援勝負情形

稟駱中丞遣防武岡各情

稟駱中丞會籌勦辦

稟駱中丞岷山等處迭勝

稟駱中丞截擊龍潭等處竄匪

稟駱中丞邀擊長湖等處竄匪

稟駱中丞赴援寶慶

稟駱中丞派營回援新武

稟駱中丞改由東路援寶

稟駱中丞進軍嚴塘催籌餼糈

稟駱中丞移營籌進情形

稟駱中丞連破撲營賊眾

稟會侍郎援勦各處軍情

稟駱中丞追賊獲勝

稟駱中丞勝賊東安

稟駱中丞休息營勇裁汰挑補

稟駱中丞遣援粵西

稟駱中丞保獎團紳暨卹殉難諸人

稟駱中丞督軍興安

入粵軍事稟湘撫外粵撫概有分稟

稟駱中丞桂林圍解

稟駱中丞進軍籌辦各情

稟粵西曹中丞遵札勦辦

稟駱中丞請卸臬篆留營勦賊

稟駱中丞起程赴營派查蔣軍

稟曹中丞饒懸無出

稟江西中丞補給欠饗

稟曹中丞收復雒容飭籌軍饟

稟曹中丞江劉兩軍撤留

稟曹中丞飢軍進剿情形

稟駱中丞賊陷東安

咸豐九年三月二十三日

竊職道於十四日會將菱角塘剿賊大勝情形具稟在案是日職道督同江守李將出隊至離郡四十里之楊家巷詢悉該處及郵亭墟一帶敗匪聞我軍至已由馬鞍嶺回竄收隊後探菱角塘敗匪亦竄往白水嶺一帶永城頗爲解嚴正擬回駐邴陽督同各軍剿滅觀音灘股匪察看賊情再行剿辦十五日探報另起大股賊匪由道州竄至苦株山離永州東安均七十里職道一面飛函李令嚴加戒備一面商同楊守侯將趕搭浮橋豫備迎剿十六日午刻李令函至賊於十五日至離城二十里之下廠墟職道與江守熟商賊蹤飄忽若由東安直趨寶慶或與

卷之二十四  
祁陽之賊合股北竄則各處驚動勦辦更難定計由蔡家埠渡河出井頭墟白茅市扼其北竄之路卽以進援東安留都司李金陽之和字營參將李篤勝之楚右營一千人守永州是日未刻李將率楚前營副前營游擊江忠朝率精捷左右營知縣席寶田唐顯烈率楚後營冒雨起行十七日職道督同江守等率親兵及楚中營副中營楚左營精捷中營起行先是賊圍永州兩岸渡船多沈於河存者無幾各勇人眾擁擠加以風雨波濤兩日夜不能畢渡李將等前隊於十七夜抵井頭圩江守及參將翟國彥踵至路遇長字營勇自賊中逃出供稱此股賊匪係賴裕興率右一二三四旗賊數約三萬自桂陽州繞嘉禾甯遠



道州等處邊界以出東安圖竄寶慶等語十八日江守李將等整隊前行天大雨不止遂紮都塘鋪未刻職道率各營勇亦陸續至十九日復整隊行遇賊於白芽市該處地勢扼要鋪屋極多賊欲先據以抗援軍參將鄒世堂守備陳希祥等帶勇逐之賊棄器械走殺老長髮賊數人並奪獲擡槍黃旗刀矛等件賊於都塘鋪擺列大隊江守以營壘未定戒勿輕戰乃於離城十五里之草鞋街相度營基催各勇修築探悉賊已圍徧縣城並於五里牌連營九座倚山傍水高壘深溝圖絕外援卑勇自籍赴援馳驅數載未嘗一日稍息茲又冒雨跋涉正宜少息其力是夜李令遣人聞道出城告城中萬分危急職道以

東安城小而陋萬難固守恐其旦夕不保二十日辰刻天雨少  
霽乃督各營分路進撲賊巢李將率楚前營副前營知縣唐顯  
烈率楚後營由河岸出左路江守率精捷左右中營由柳溪鋪  
出中路參將翟國彥率楚左營游擊鄭金華率楚中營守備戴  
盛寬率副中營由唐家嶺出右路職道與席令率親兵接應賊  
伏巢中偃旗息鼓於牆穴頻開槍礮各勇漸撲漸近賊始蜂擁  
而出我軍槍礮雨施斃悍賊無數巢後賊列大隊層層應接鏖  
戰兩時之久擬保藍翎六品軍功百長李回光受礮子傷登時  
陣亡游擊江忠朝身受礮子重傷各勇亦受傷不少該處山深  
路狹左右不能相應江守李將等見地勢不利且各勇飢疲乃

收隊回賊遂乘我之後江守李將身自斷後翟國彥鄭金華唐顯烈戴盛寬徐良埏等回馬力戰親兵百長唐松柏范爾愛賴錫光等皆率勇接應始將賊擊退是日殺賊百餘人我勇亦陣亡七十名受傷七十一名收隊後各營將士集議以賊已據險我難急與爭鋒請選勁勇乘夜入城協守一面移營再進與城犄角乃連日陰雨未便進紮而城圍周匝兩夜竟無聞可乘至二十二日申刻城遂失陷卑營馳救無及閣城文武官紳兵勇同時殉難約千餘人逃出團勇詢悉賊在東門鄧姓民房開挖地道帶勇紳士唐麟及李令督修子牆未就賊登孔明臺攻北城唐麟馳往北門賊地道轟開東門城數丈各勇堵口殺賊百

餘名賊冒死爭入城遂不守職道赴援無狀閣城忠義遭此荼  
毒痛憾奚如應請憲臺將職道及在事各員嚴行參辦東安城  
池卑小賊難久據不北走寶慶必西走新甯卑營駐此足扼北  
竄一路刻下賊勢頗注西面萬一賊以一枝牽制我軍以一枝  
闖入新甯各勇人動室家之念不戰而氣自奪且由新甯而武  
岡寶慶地勢較平無險可守一方又將糜爛江道所募勇一千  
五百人二十一日進紮離白茅市之星亭市原擬會合進援東  
安昨已回軍分紮碓窠冲雷劈嶺兩處而鹽井八十里山李家  
山各隘口防勇無多職道函屬局紳集團助守誠恐聲勢單薄  
難禦強寇新甯城無重兵致爲可虞職道已催營務處劉道速

來東安俟劉道來此卽派江守分軍回守新甯如事勢少棘江  
守卽全軍回新職道扼此觀釁而動務期殲除此賊爲閤城忠  
義共洩此憤頃聞江華難民逃出供稱余賊子安率後二旗初  
六日破江華二十二日來東安是該逆數起全駐此閒職道惟  
當謹遵憲示穩紮穩打仰慰憲臺綏靖地方至意六品軍功新  
城案內擬保藍翎李回光力戰捐軀可否照例議卹之處出自  
憲恩至李令殉難東安現無印官職道已飭紳士唐大銘前任  
蘆洪司巡檢田陞堂督辦團練暫資彈壓所有東城殉難文武  
官紳商由永州府查明具報請卹除將二十日卑營陣亡受傷  
勇丁另軍呈核外所有卑營赴援無狀東安失守應請嚴行參

欽定四庫全書  
卷一百一十四  
辦並現在籌辦各情由理合具稟

稟駱中丞添軍援新甯

咸豐九年三月二十九日

竊職道於二十三日會將東安失守不及救援自請嚴參並籌辦各情馳稟在案二十四日營務處劉道派來新楚勇千人到白芽市職道當飭江守先派徐良埭帶精捷勇左營馳回新甯守城二十五日劉道帶義安兩營繼至職道復飭江守忠義帶精捷勇中營回新以資厚集二十六日接據統帶寶勝軍江道緘報賊於是日辰刻竄至新東交界之營房嶺江道派守該處之黃盛嶽蔣先富勇二百名敗退賊遂竄往新甯之三渡水一帶當派陳希祥帶精捷勇右營即日移赴碓窠冲與寶勝軍合相機邀襲或即繞回新甯以固根本惟查此股竄新之賊係偽

宰制余賊所帶由江華來徑趨新邑人數甚多現在營房嶺一帶尙絡繹不絕江道與陳希祥之勇爲賊所阻未審能否繞道回新又據謀報余賊分股由全州犯新甯之八十里山等處是新甯四面受敵江守帶回之勇僅千餘人兵力甚嫌單薄萬一新城不保則賊得以憑恃險阻句通廣西之賊爲禍更烈且恐余賊卽由三渡水分股竄武岡直竄寶慶兩處則益滋蔓難圖職道一面緘催田鎮軍由寶郡直上新甯迎勦或卽來堵白茅市以便卑營全軍回援一而部署各營於二十七日進攻東安牽制賊勢是日黎明鄭金華帶楚中營李長齡任加桂帶義勇陳本熾帶新安勇由右路進戴盛寬帶副中營翟國彥帶楚



左營繼之唐顯烈帶楚後營鄭榮華帶新楚後營由中路進李士恩帶新楚前營營務處劉道帶親兵繼之李明惠帶楚前營副前營由左路進職道帶親兵繼之初右路李長齡任加桂陳本熾鄭金華各帥所部上山俯瞰賊營賊卽來爭以一股上山繞出山下我勇乘高奮擊賊殊死鬪互有損傷戴盛寬急率本部勇逆擊上山之賊環開槍礮賊死甚眾乃退下山翟國彥亦率本部勇遮擊山下之賊陳本熾率勇馳下助戰賊力不能支多棄器械而走中路唐顯烈鄭金華右路李明惠陣於賊營對面隴上各令數十人逼營誘戰賊堅伏不出惟分股從右嶺半而來計襲我勇之後鄭榮華令百長姚世文鄭長連等擊卻之

職道乃麾各勇進攻唐顯烈鄭榮華張兩翼進圍中路賊營李  
明惠進圍左路賊營中路營後伏賊突出逆戰唐顯烈縱兵奮  
擊賊敗入營我勇追近營前賊排開槍礮子如雨驟唐顯烈鄭  
榮華恐其損我精銳乃令各勇退以誘之李明惠見中路勇退  
恐兩面受敵亦退歸原陣賊果悉眾來追李明惠回馬轉戰陣  
斬賊先鋒數人各勇鼓譟相從賊悉潰退李士恩先伏林內俟  
賊追過田隴突起邀之槍礮環開不絕賊甫卻復前李士恩匹  
馬陷陣所向披靡唐顯烈鄭金華復率勇追擊擒斬多名各勇  
正欲進圍賊營忽城中衝出大股從左路河岸繞來旗幟鮮明  
其勢甚銳營中之賊復出死拒職道亟帥親勇前往策應營務

處劉道及席寶田等各率親兵馳來督戰百長唐松柏林柏等  
身受重傷猶復策馬突陣各勇益奮併力向前賊遂驚卻退陣  
營外時天陰欲雨職道乃收軍回營是日約殺賊三百餘人斬  
取首級七十五具奪獲大小黃藍旗幟三十一面擡槍七桿小  
槍九桿籐牌十三面海角二個我勇陣亡十一名受傷七十三  
名除分別開具清冊外所有月股賊竄新甯職道先後派精捷  
勇回援及二十七日進剿獲勝各情由理合肅稟



稟駱中丞回援勝負情形

咸豐九年四月初七日

竊職道於二十九日會將丹股賊竄新甯先後派精捷營勇回援及二十七日進剿獲勝各情馳稟在案正擬力攻迅圖克復詎賊於三十夜棄城西走全州職道於五鼓聞報當率各勇急追十餘里擒斬數十名誠恐賊由全州八十里山一帶復竄新甯與余賊合一面傳飭地紳保正尋葬李令尸骨掩埋百姓鄉勇骸骨卽一面移營回援新甯並緘催田鎮仍由東安進兵防賊轉竄初二日黎明職道行至東新交界之營盤嶺接據江守忠義江牧忠淑緘報新甯之賊由楊溪村引去職道恐其分竄贛郡武岡卽與營務處劉道率後隊出三渡水藍廟一帶時前

隊已過雷劈嶺令其出黃龍清江橋一帶均可相機邀擊復緘請田鎮折回寶郡江道江守兩軍則屬其留守新甯縣城以防全賊窺伺是日晡卑營行抵三渡水謀報竄寶之賊前起已至楊田後起留據藍廟計圖拒我追兵初三日五鼓職道與劉道亟督各勇馳往藍廟掩擊賊聞我勇猝至縱火焚街而走時李將明惠陳本熾等率勇已抵街口斷賊爲兩一支退入街市以死拒戰相持至一時之久李明惠麾勇連開劈山大礮殺賊先鋒數十名賊乃敗潰一賊目往來督戰我勇刺之落馬羣賊力救以出據生擒賊供爲僞檢點傳逆時火勢正熾賊從街左右潰出適鄭金華率中營勇李長齡任加桂率義勇至乘勢逐之

賊勢益蹙  
支下竄陳  
破之斬獲  
呼陷陣出  
親勇遮擊  
進槍礮子  
壘是日約  
道總制一  
七十名奪  
旗九十七

初四日李承立率新楚勇翟國彥率左營楚勇來會沿途捕獲餘匪數十名是夜忽見戀山尺木等處火光燭天正在驚疑旋接探報復有河北股匪潛由上游渡河在於彼處縱火職道卽於初五日往勦尙未出隊賊已同來攻營列陣營之前後左右星羅碁布約三萬餘人卑勇堅壁不動伺賊逼近槍礮互施乘勢出擊該逆死傷相藉甫卻復前時卑營牆濠尙未完善加以地方穀米被賊焚掠一空各勇自初一日由白茅市拔營至此多未飽食連日苦戰均極飢疲相持至於日晡賊益逼營斷我汲道勇心頗搖職道知勢難久守且急切難望外援乃令各勇悉眾而出四面突圍決戰我勇志在救死無不奮勇直前所向



披靡正在分途追逐賊分股乘虛襲破營盤卑勇退無所歸只得回駐白沙現在趕辦軍裝以圖再舉竊卑營兵力本不爲單惟緣各勇枵腹對敵且藍廟一帶山谷叢昧使賊得以逞其詭謀致有此失皆由職道辦理失機督率不力咎有攸歸應請軍前正法以肅戎行其營務處劉道坤一李將明惠營總知縣唐顯烈副將銜參將李篤勝參將翟國彥都司李士恩戴盛寬等亦請嚴參究處俾在營將士知所懲警除將初三陣亡受傷弁勇開具清摺其初五日陣亡受傷容俟查明開報外所有初一日收復東安初三日擊破新甯竄匪初五日營壘被陷請正軍法各情理合肅稟



稟駱中丞遣防武岡各情

咸豐九年四月十四日

竊職道於初七日曾將初一日收復東安初三日擊退藍廟竄  
匪及初五日營盤失陷各情馳稟在案嗣卽一面製辦軍裝一  
面淘汰疲弱其拋棄器械及不歸部伍者均經分別究處以飭  
戎行初八初九兩日遞據謀報下游之賊分竄桃花坪職道恐  
其乘虛窺伺武岡乃令江守忠義率所部勇前往守禦卑營各  
勇擬於日內啟行由西鄉一路追剿並屬江守卽由武岡相機  
前來會合惟據謀報賴逆在全句合賀縣等處之賊竄至石板  
橋一帶眾約五六萬人是處距新甯八十里山僅十餘里守隘  
各勇以眾寡不敵來請益兵職道前據賊供石逆會約各賊會

攻寶郡今賴逆會合廣賊竄逼新界則其欲由新甯武岡下竄  
可知現在江守一軍旣赴武岡江道勇守縣城未便出外堵剿  
而卑營弁勇亦不無桑梓之慮無不願留職道祇得暫令各營  
於近城一帶築壘並派勇數百名前往八十里山助守要隘俟  
全州賊復遠颺卽當移營追剿竄寶之賊所有卑營重整及籌  
辦各情理合稟明

稟駱中丞會籌勦辦

咸豐九年四月十九日

竊職道長佑於十四日會將營勇復振及留防全州竄賊各情馳稟在案職道忠濬於初十日會將赴援東安旋回新甯勦賊各情馳稟亦在案十五日職道長佑所派往防八十里山之勇甫抵盆溪村賴逆率賊已入縣境約萬餘人我勇以眾寡不敵退回營盤十六日職道長佑忠濬正在會商往勦賊旋由盆溪閒道竄入新寨村縱火延燒民房勢甚猖獗職道等當卽出兵馳往邀擊擒斬四十五名其賊大隊見我軍至悉眾遁往上富下富兩村並燒斷馬頭龍潭各橋以拒追兵是夜職道等傳令各營五鼓出隊窮追又以十七日竟日大雨而止十八日營務

處劉道率勇追至小木田時賊已遠颺沿途捕獲零匪二十餘  
名嗣因天雨如注收隊回營是日職道忠濟亦遣勇出長湖村  
赤竹村一帶遏賊旁竄職道長佑料賊由石門竄武岡誠恐江  
守一軍單薄先令翟國彥率左營勇馳往助守隨即會江道同  
往武岡應援十九日正在啟行又接謀報賊目黃金亮復由賀  
縣全州竄入益溪村職道等以賊計我軍往追竄武之賊彼即  
來襲新甯縣城乃一面號召各鄉團練一面部署各勇定於二  
十日分途進剿俟將黃逆此股撲滅撥勇扼守要隘再為援武  
援竇之計惟武岡竇慶現在待援甚迫岌岌可虞且卑營子藥  
饒項爲賊所阻不能前來各勇待哺嗷嗷實屬萬分掣肘然不

先勦此股痛予懲創無論卑勇赴援實武後顧堪  
孽尙多亦將相繼窺伺職道等惟有同心戮力激  
勦辦仰慰廑念至可否由省添撥兵勇馳援實武  
顧此失彼之慮伏候憲裁所有賴逆由新竄武蓄  
職道等先後籌辦各情理合會銜具稟

五  
日  
地  
方  
志  
卷  
之  
一  
一  
一

五



稟駱中丞岷山等處迭勝

咸豐九年四月二十三日

竊職道等於十九日會將賴逆甫由新竄武黃逆旋由全竄新及職道等先後籌勦各情馳稟在案二十日自寅至午大雨不止未便出隊寶勝軍營總劉盛調帶所部勇二百餘名前往岷山偵賊行至該處適與賊遇賊初驚退過橋我軍追斬數十人陣於北岸與賊對施槍礮一面回營請兵賊旋大至前來奪橋我勇以眾寡不敵且戰且退甫二三里適親兵營總鄒世堂率數十人至依險拒戰賊不敢逼職道長佑與劉道坤一在營聞警卽率各勇前往迎擊時賊悉至岷山正在解裝見我軍復至乃於蓮花山列陣屋羅棋布眾約五六千人營務處李將明惠

與中營營總鄭金華副中營營總戴盛寬親兵百長陳飛熊新  
楚營百長廖逢聖姚世又等各率銳卒陷陣所向披靡賊眾擁  
塞路頗崎嶇多擠人河溺死其賊日每遇險隘輒率死黨轉戰  
我軍屢擊破之擒斬殆盡餘賊悉潰我軍追進街市破其巢穴  
奪獲車仗輜重無算賊退依橋頭死拒適新楚營百長李元茂  
等由栗坪間道繞出賊後賊恐腹背受敵退過橋南踞牛皮坳  
我軍以賊已據險兼日已暮乃縱火焚橋收軍回營是日職道  
等各營約殺賊五六百人斬取首級一百零五具生擒五十名  
奪獲大小各色旗幟三百面大銅礮一尊九節礮二尊擡槍二  
十七桿小槍四十五桿籐牌九面騾馬十五匹偽憑三十紙內

偽大經畧蕭壽璜一紙偽印十七顆內中軍宰制印一顆及一切偽器物甚眾職道長佑營陣亡勇一名受傷勇三名職道忠濟營陣亡七名受傷十三名旋接十八日所派往南鄉邀賊之寶勝軍回營稟稱賊於是日分股在於山塘一帶燬燒民房我勇馳往掩擊殺賊數十名生擒二十一名餘悉遁去等語職道等以此次股匪既被痛勦必不敢久踞益溪岷山當仍由新寨竄往武岡合股乃派營務處劉道率新楚義安勇王一枝漆盛年劉盛調率寶勝軍由官塘羅基塘出大飄坪遮擊職道長佑率右營副中營勇中營親兵由岷山追襲並派李將明惠率前營副前營鄭金華率中營席寶田率後營出狗崽隴以資策應

劉道等甫抵官塘謀報賊前隊已過大飄坪劉道等急督各勇前進羅基塘賊遙見我勇卽上山列陣時劉道等勇尙未到齊未敢掩擊亦陣對門嶺上賊愈出愈眾自大飄坪至東門頭列長蛇陣橫亘十餘里其輜重則由陣後絡繹而過劉道潛令弁勇繞斷上游寺山橋遏賊去路並與王一枝等督率各勇進逼賊陣賊亦堅陣以待相持未決適李明惠鄭金華席寶田等帶勇由狗崽隴突出從嶺上馳下奮呼直入賊相顧駭愕劉道與王一枝等亟麾義勇安勇新楚勇寶勝軍七道並進鋒不可當賊勢不支一時並潰眾勇力追賊尸相枕十餘里其餘拋棄軍械軍資而走繞從中沙洲小橋過河鄭金華策馬挺矛刺殺數

十名追至橋邊賊逼轉鬪鄭金華黃光龍等身被數傷李明惠  
陳本熾劉盛調等數騎並進賊仍卻退一黃袍賊目從騎數人  
狼狽渡橋其餘多赴水死過河之賊沿岸列陣並斫斷橋我軍  
時已飢疲乃整隊回營是日各營約殺賊一千四五百名斬取  
首級七百六十具生擒一百九十名奪獲擡槍二十五桿小槍  
七十八桿籐牌十九面騾馬二十一匹大小各色旗幟四百七  
十面偽印二十三顆偽憑十九紙及一切資裝甚眾職道長佑  
營受傷勇四名陣亡勇二名職道忠濬營受傷勇三名陣亡勇  
一名正擬於是夜四鼓由長湖村閒道再往邀擊職道長佑並  
擬於二十二日移營赴援武岡嗣據生擒賊供此股竄賊係石

逆前五旗右三旗聞黃金亮滿金科亦在其內後有另股尙屯  
益溪其全州股數甚多不日亦由此路而竄等語各路探報皆  
同並有會攻新甯圖害我軍之說職道等仍於二十二日督率  
各勇一由飛仙橋進以追前去之賊一由羅基塘進以堵後來  
之賊並約彼此相機接應行抵該處問悉前賊已於二十一日  
夜悉眾遁向武岡其後賊則仍屯益溪未動我軍乃收隊還嗣  
據謀報後賊在於白沙一帶添搭浮橋並往邀全州大股職道  
等恐後賊乘夜潛竄各挑奮勇前往新寨村一帶設伏復約二  
十三日率隊馳往遮擊第以股匪遞出不窮我軍爲其牽制不  
能遽援實慶武岡所幸田將江道防勦均屬得力屢獲大捷從

此勇氣益壯必能支持仰慰憲廬職道長佑俟此閒事勢稍緩  
卽當飛馳赴援除將各勇陣亡受傷分別開具清摺外所有二  
十日二十一日擊賊連獲大勝及現籌辦各情理合會銜具稟





稟駱中丞截擊龍潭等處竄匪

咸豐九年四月二十八日

竊職道等於二十三日曾將二十日二十一日在岷山大飄坪  
兩處邀擊竄匪連獲大勝各情馳稟在案職道長佑本擬於二  
十五日移師馳援武岡詎二十四日接據謀報前二旗前三旗  
賊竄踞石田計復出大飄坪職道忠潛及劉道坤一率勇由官  
塘進職道長佑率勇由岷山進並派李將明惠由大把嶺進重  
重設伏以待賊抵大飄坪口先令數騎來覘虛實見伏卽退據  
險爲陣職道等以賊旣知覺乃揚兵大出直前誘戰嚴陣不動  
持至日晡職道等鳴金收軍佯爲回營之狀潛率各勇分屯連  
村飛仙橋地方賊謂我軍已歸卽於二十六日黎明絡繹而進

我軍伺賊前隊已過大飄坪仍由兩路馳往邀擊賊見我軍復至卽止列陣職道等縱兵突戰斷賊爲兩賊前隊徑走出龍潭劉道坤一李將明惠追之擒斬甚眾賊目僞提督以悍賊殿且戰且退陳周典姚世文等各帥所部由寺山橋馳出賊前邀之賊來奪路策馬當先併力衝突姚世文等身受重傷以死拒戰李長齡陳本熾復從後來攻賊首尾不支越田而遁陷入泥淖悉爲我軍所殲餘賊盡棄器械輿馬而走至龍潭浮水渡河溺死甚眾其達岸者遍體俱溼解上下衣而走我軍從下游渡追斬數十名後隊賊竄石田職道長佑忠濬及席牧寶田帥各弁勇追至苦竹塘賊尸縱橫十餘里相望初賊退至王家坳騎馬

賊數人帥眾轉鬪鄢世堂王一枝唐顯烈百長李正植等身先陷陣斬賊先鋒數十名生擒偽侍衛夏元有一名眾勇鼓譟從之賊復敗走是處重巖疊嶂賊爲我軍所迫散匿其間親兵百長范爾愛陳飛熊等率勇追殺各手刃賊數十名餘賊退至中石田適前一旗賊至沿溪列陣悉力抵禦唐顯烈與親兵百長唐松柏等率勇數十人衝過溪橋賊眾挺矛亂刺唐顯烈身受重傷猶復奪矛刺賊斃其先鋒數人鄢世堂戴盛寬亦率勇繼至賊始紛紛潰散時已申正各勇飢疲是以未便窮追是日約殺賊千餘名奪獲大小各色旗幟五百七十面擡槍四十三桿小槍八十七桿偽印三十五顆偽帽九頂其餘一切軍器軍裝

多立情之合集 卷二十一  
甚眾我勇受傷□□名陣亡□□名職道等以天氣溽暑各勇  
連日苦戰乃令收隊回營至營未久謀報僞宰制陳逆率前一  
旗賊合先敗賊乘我收隊悉眾復出新寨村職道等聞報亟令  
出隊往剿各勇以數戰均獲重賞無不踴躍行至新寨村日已  
昏暮賊陣於南我軍陣於北相拒半里許烽火相照柝聲相聞  
時賊飢困多入民房夜三鼓陳本熾率所部數十名直入賊巢  
見賊輒砍賊倉卒不知所爲我勇盡殺之職道復令各勇於嶺  
上排開槍礮賊眾驚亂連夜遁去自相踐踏遺棄器械軍裝遍  
滿田隴五鼓各勇追至龍潭賊正在渡河見追兵至擁擠爭先  
溺死尤眾浮尸蔽江我勇乘勢掩擊已渡之賊沿河列陣以拒

追兵陳本熾李長齡鄢世堂漆盛年等率眾橫流而渡擊殺百餘人內僞將軍一名賊遂驚潰拋棄旗幟填塞道路陳本熾等下馬挺矛追過五里圳刺賊數百名是日約殺賊數千人斬取首級八百五十具生擒老賊百二十名救出郴桂衡永一帶難民六百餘名均經釋放給予路票其乘勢解散者不計其數奪獲騾馬三百餘匹各色旗幟二百七十餘面大鐵礮一尊九節礮三尊擡槍二十七桿小槍二十餘桿僞印九顆僞帽五頂其餘一切矛刀鍋帳鹽米食物甚眾我勇受傷一名陣亡二名竊查由新竄武之賊除賴逆一股先行偷竄外其右三旗及各前旗賊接踵而至知我有備不敢近城計在田閒乘虛使我鞭長

不及幸託福威我軍馳往邀擊迭獲大勝雖餘孽尙眾而心膽已寒且盡失器械資裝彼亦無能爲役現據賊供及各謀報賊悉屯新武交界之安心觀以賴逆解圍而去不敢經道武岡其全州八十里山一帶亦無股匪續來唯滑溪禮溪尙有餘匪竄擾職道忠濬當暫守縣城督辦團練職道長佑刻日率營務處劉道坤一李將明惠各軍由武岡馳援寶慶並擬先與江道忠義翟將國彥會剿安心觀賊無使復振爲我後顧之虞除將各勇受傷及陣亡開呈清摺外所有二十六二十七兩日擊破前一旗右三旗竄賊及籌辦各情理合肅稟

稟駱中丞邀擊長湖等處竄匪

咸豐九年五月初一日

竊本司長佑職道忠濬於二十八日會將二十六二十七兩日擊賊連獲大捷及籌辦各情馳稟在案是夜探報梅溪口尙有落後股匪仍由石田村將竄新寨村又據長湖上富赤竹三村紳士來營稟稱二十六二十七官軍擊敗之賊由小木田竄擾山塘一帶團勇迎擊失利各等語本司職道當卽會商以營務處劉道之新楚勇安勇義勇及本司長佑之後營中營親兵邀擊新寨之賊以職道忠濬之寶勝軍及本司長佑之前營右營中營各勇進擊山塘之賊二十九日五鼓劉道坤一率本部勇銜枚疾進以義勇安勇伏飛仙橋以新楚勇伏馬頭橋本司長

佑率中營親兵後營勇繼之李將明惠率前左右中各勇進長湖村職道忠濬率寶勝軍繼之新寨之賊甫過大飄坪義勇潛尾其後行至馬頭橋對河賊見我勇來追卽依山結陣義安勇亦爲二陣以待賊見我勇甚單先來突陣其鋒甚銳我勇伺其逼近乃開槍礮擊之子如雨驟擊殺數十名賊乃怯退復擲矛於地招我手搏以激怒我李長齡陳本熾嚴飭各勇堅陣不動正在相持鄭學德廖逢聖等率新楚勇由上游渡河鼓譟而出賊驚欲遁義勇安勇乘勢奮擊陣斬數十人賊遂敗潰時新楚勇已馳出賊前賊來奪路我軍夾擊之賊尸相枕餘眾突圍而去我軍力追賊屢帥眾轉鬪新楚勇百長鄭學德羅盛高李澤



明歐陽繼盛廖逢聖姚世文陳大榮義勇營總李長齡任加桂  
新安營總陳本熾等策馬爭先賊不能振新安勇柯興格執大  
白旗出入賊中刺賊數十名人莫之辨賊退近龍潭爲河所阻  
以死拒戰適唐顯烈率後營勇中營親兵由河北岸而上賊恐  
斷其出路爭先渡河我軍從而擠之賊溺死無算其達北岸者  
復爲我軍追及五里圳擒斬百餘名嗣據擒賊供稱此股係各  
旗中所挑精銳以之殿後約二千餘人無老弱輜重而旗幟器  
械甚多故拒戰甚力其擒斬均屬長髮此邀擊新寨之實在情  
形也職道忠濬進抵長湖村部署各勇李將明惠率前營勇李  
盛魁率右營勇從中路南風鋪進鄔世堂率中營勇戴盛寬率

副中營勇從左路郢山進王將一枝及漆盛年劉盛調率寶勝軍由右路峽山口進時賊正絡繹而來分出鈔掠見我勇至卽整眾迎戰右路騎馬賊三人往來馳驟以誘我軍百長黃盛岳李春秋率銳卒十餘人伏林薄中伺賊騎過突起刺殺之賊眾來救權可修林貴發等麾兵掩擊擒斬先鋒十餘人賊遂敗退中路李盛魁率右營勇先陷賊陣賊殊死鬪李盛魁乃開劈山礮擊之斃賊數人前營勇復從嶺上馳下助戰賊勢不支盡棄器械而走我軍追過南風鋪朱家坪之賊悉眾來援我軍斂兵據險賊不敢逼乃分股繞出陣後鄢世堂已擊退左路郢山三路馳來遮擊職道忠潛由右路令王將一枝率寶勝軍中營橫

出朱家坪劉盛調漆盛年率左右營橫出楊梅出衝賊數段中路李明惠李盛魁乘勢縱兵掩擊賊紛竄山谷我兵及團勇捕斬甚眾此進勦山塘竄賊之實在情形也是日合計殺賊一千二三百名斬取首級六百五十具救出難民不計其數奪獲大小各色旗幟四百餘面擡槍十一桿烏槍四十七桿營槍三十九桿其餘一切軍器軍裝無算我勇陣亡□□名受傷□名除分別開呈清摺外所有二十九日兩路擊賊大獲勝仗各情理合肅稟



稟駱中丞赴援寶慶

咸豐九年五月初十日

竊本司長佑於五月初一日會將前月二十九日在長湖新寨兩路擊賊獲勝情形會同江道忠濬具稟在案初二日夜謀報此股鼠賊經江道眷將等截剿已繞道西鄉之煙村高橋沙田一路本司當卽會同江道忠濬於初三日各選輕銳馳往邀擊至初四日卑營李將明惠等收隊回稱我軍行至渡橋地方覘知煙村尙有餘賊數千正在蓐食當與寶勝軍分兩路前往掩襲賊見我軍突至不戰而走我軍追斬數十名收其輜重而還是日江道忠義由武岡回新其定援寶之計議以此股賊蹤雖盡趨寶郡以南其意實欲由寶而西遂其竄蜀之計本司等各

營若徑由新趨寶則無以遏賊西竄亦難回顧武岡且新甯四鄉被賊蹂躪殆徧焚掠一空軍行難於謀食不若武岡完善之地尙多米糧猶易取辦乃屬江道忠濬以寶勝全軍留守新甯本司率劉道坤一李將明惠各軍於初六日由新移營初七日抵武岡州駐東門外一面商請本地官紳知州汪敷敏訓導周大健防堵總局首事李代希張經鎔等籌辦米糧旋一面派留本司右營協同蔣都司大勝等各勇守城其餘各營及江道忠義之精捷營於初十日由大東路步步爲營俟抵黃橋鋪紫陽河一帶察看賊情再爲定計進取除初二日江道翟將截賊獲勝情形業由該道等徑稟外所有留守新武兩城及由武岡大

東路赴援寶郡各情理合具稟

知五丁論原卷之三

四



稟駱中丞派營回援新武

咸豐九年五月十九日

竊本司於初十日會將留守新武兩城及由武岡大東路赴援  
寶郡各情具稟在案初十日天雨不止本司督勇由武岡州城  
起行十三十四日親兵營中營副中營前營副前營左營後營  
各勇先後至黃橋鋪十五日劉道所部之新楚前後營新安勇  
義勇至十六日江道帥所部精捷左右中營勇亦至惟劉道以  
病尙留雙井鋪本司與江道熟計一面委弁在紫陽河搭立浮  
橋一面在桃花坪以下相定營基刻期渡河進紮十七日巳刻  
諜報塘田寺之賊竄至新甯白沙離城十餘里另股紛紛渡河  
延紫金秤寺一路似欲上竄武岡午間接劉道函稱該道途中

聞新甯警報詢悉城內人心頗加驚惶卽日由雙井鋪率親兵數十人馳回新甯以資彈壓並請飭所部弁勇同赴新甯救援本司以賊之分擾新武所謂攻我必救牽制我軍使不得一意進取也新甯賊所仇恨取之不遺餘力按察使銜江道一軍非素練之師雖暫資守禦若大股圍攻必見不支閣營將士家屬同在城中咫尺相及無坐視危亡之理至武岡守城兵勇李將篤勝一營外汪牧所召皆新集之眾殊難深恃賊不得志於新將求逞於武兩處有一不支則賊勢益見蔓延若由新武長驅而西且本司等全軍進紮並無後勁亦非萬全何以杜其竄逸今劉道旣馳救新甯所部自應同赴救援新武城守之事卽可

委之劉道一軍無事則兩處分駐以壯聲勢有事則併力策應以期萬全新武既固我軍後路無虞即可一意前進俟新武境內肅清寶郡南路賊蹤稍斂劉道一軍仍可前來會勦當於是夜札陳本熾帶新安勇李長齡任加桂帶義勇隨劉道回援新甯李承立帶新楚勇前後營回駐武岡均於十八日辰刻起行本司與江道催各營添修營壘穩紮二三日察看情形再行進紮仰遵憲示駐軍西路遏賊竄逸不敢少誤機宜所有現紮黃橋鋪及劉道回駐新武以資兼顧情由理合具稟

皇正心公三季一

三

稟駱中丞改由東路援贛

咸豐九年五月二十五日

竊本司於十九日會將移紮黃橋鋪及劉道回駐新武以資兼顧情由具稟在案正欲拔營進紮聞二十二日接趙道田鎮周鎮商稱十七日官軍與賊接仗勝負相當賊築壘於五里牌東路隔斷郡城四面受圍倍形危急商請卑營繞赴東路會合洪橋諸軍併力剿辦等因伏思卑營由西赴援原冀與東路各軍共成兜剿之局遏賊竄逸今趙道周鎮兩軍同入圍中被賊阻截東路兵力單薄不惟郡城危急衡湘亦復可虞而賊自入永境連不得志於堅城勢且進無所依退無所據蓄恨次骨全力致死於寶志在必逞長圍既成四出鈔掠將坐食境內之粟以

做一城與我爲久持之勢西路與城尙隔一河我軍僅擇要駐紮少制一面之擄掠無救郡城之危迫若由神灘渡直擣北塔下亦可破其長圍但恐南路之賊分出以撓我後首尾受敵一軍孤懸必至不濟竊計賊徒二十萬縱橫二百里四路分應聲氣不聯賊聚我分在在受其牽制不若諸軍併力勦辦內外齊舉與賊決數大戰逆焰始可就熄局勢始望轉機賊眾而無所依據一敗之後卽難收拾我軍乘其竄逸盡力追躡設法解散或不至流害地方卑營改赴東路之議趙道等不爲無見但新武一帶全恃卑營爲藩蔽武岡金秤寺巖口鋪兩路之賊駸駸上竄幸有吳丞由沅州帶幹靖鎮壯勇一千八百人駐紮楊柳

坪離州城六十里猶可遙爲聲援新甯之賊盤踞東岸我軍憑河而守昨復有賊由抵平過河之報城池雖保無虞而淫擄焚殺四鄉受其荼毒慘不可言本司馭兵無狀以致賊勢猖獗貽害桑梓愧憤無地正恐卑營一去之後西南鄉村難保不盡被蹂躪目擊瘡痍實形不忍本司接趙道等函與江道籌商一日夜卒以大局所關勢難兼顧且冀郡圍迅解逆焰早熄西南兩路自能安堵遂定改赴東路之計一面移令按察使銜江道營務處劉道汪收於新武兩城挖壕儲穀爲守禦計並令長子思詢同游擊鄭金華帶楚中營勇六百人於二十五日回新助守與前守武岡之右營李篤勝一營五百人留駐新武以一千一

百人合劉道所部足成三千之數卑營前隊卽於二十五日由龍潭鋪渡河取道新化界上以赴東路俟抵東路軍情再爲稟報惟卑營饑糈不敷綏甯解來銀一萬兩劉道在武岡支去一千兩餘九千兩於二十四日到營本司及江道勻分各勇夫始能成行尙乞憲臺飭局迅撥銀兩委員解至東路俾得接濟實爲慰便所有本司等接趙道田鎮周鎮等函郡城危急改由東路赴援情由理合具稟



稟駱中丞進軍嚴塘催籌餉糈

咸豐九年六月初七日

本司於五月二十五日會將改由東路赴援寶郡情由具稟在案正繕寫間本司偶患喉症頭痛身熱飲食不進乃少駐延醫調治二十八日始力疾就道繞新邵界上由麻溪渡河初四五日本司與江道先後抵吳主簿駐紮之嚴塘連日大雨不止各勇冒雨兼程軍裝盡溼因屬暫爲歇息雨止卽行進紮是日吳主簿來謁詢悉東北大槪情形次日日本司卽與江道往柳家橋各營會商適劉守楊令朱將來此均以城中米糧已乏盼援極切應由東北角分路進紮會合水師依照城中暗號內外夾擊破其長圍但大東路現無兵堵賊蹤延擾已過洪橋設繞至東

北路後則援師又在圍中或成相持事必不濟且此閒事權不一心力難齊本司接見諸將皆以爲言伏乞憲臺迅催總統李道由東大路前來裨克迅速奏功本司一俟東路疏通卽遵憲示渡河移紮西北與成兜勦之局惟此路居民搬徙一空米糧拮据軍士朝不謀夕現雖分遣局紳四路採辦並增米價以招商販未審能否應急尙懇憲臺札催新化縣動用正款解米三千石來營以資接濟所有卑營行抵嚴塘現在籌辦情形並請迅催李總統由東大路前來情由理合具稟

稟駱中丞移營進紮情形

咸豐九年六月十九日

竊本司於初七日曾將駐紮嚴塘及籌辦情形具稟在案維時卑營原擬由釀溪進紮因大東路虹橋崔堂鋪悉有賊蹤柳家橋諸軍勢難輕動由釀溪一路進兵必受賊鈔乃與江道吳主簿定計以吳主簿及田鎮自籍募來之勇護劉鎮水師同駐釀溪而卑營由嚴塘進紮離葉家亭二里之寺門前連日大雨不止十三日始移營斗嶺下十四日派精捷中營精捷右營精捷左營楚左營副中營築壘於寺門前派親兵營正前營副前營後營列陣河岸劉守楊令朱張彭三將吳主簿等各列隊左右山岡防賊來擾是處地多沙石不便鑿築黃昏始克竣事未攜

鍋帳前往乃派隊留守十五日本司督親兵正前副前後營趕築營壘午刻各營同移寺門前未刻接奉憲臺札開總統李道未至東路各軍暫由本司節制俟李道來寶仍歸李道調遣等因奉此遵卽札行各營在案十七日吳主簿丁守備進紮釀溪劉鎮水師亦進泊釀溪下查寺門前與柳家橋釀溪相距均不過八九里聲氣尙易聯絡比卽懸立賞格約會水陸刻期大舉而各路團防函告總統李道將至宜堅壁少待本司查看東北近城一帶山箐叢密沖口極多賊主我客不利速戰石逆近日將各路悍賊抽歸此路河岸石山亭下添築賊壘數座守禦益嚴援師非再進再逼移近賊壘未易與城中收夾擊之功當與

江道劉守楊令等會議定計卑營現移四營於葉家亭對岸當再移紮黃婁劫吳主簿即可移紮百合山劉守楊令等亦於柳家橋前面相定營基爲進紮之計本司一面移會李道催其由大東路前來或直趨龍安橋或分由范家山趨柰湖山李道一至援師約近三萬當連營自東北角延紮至東南角使此路悍賊在我圍中然後左右並舉內外齊攻使賊首尾不接前後交困重圍定可立解逆黨定易殲除至李道營務處趙李二鎮屢促劉守等軍退駐虹橋本司以寶城危急劉守等業穩紮此間未可輕退且李道至後各軍仍宜逼進往返徒稽時日已飭劉守等暫遵本司原議辦理寶城被困已極賊意唾手可得必不

肯委之他竄總統李道前來自宜併力先破該逆長圍閣城始  
有生機兵勇萬餘始有用武之地比時賊卽他竄兵勇厚集不  
難分路追攝倘寶城不守賊勢披猖一時斷難收拾衡湘一路  
亦有防不勝防之勢所有卑營進紮寺門前及現籌再行進紮  
情由理合具稟

稟駱中丞連破撲營賊眾

咸豐九年六月二十九日

竊本司於十九日會將進紮寺門前及現籌再行進紮情形具稟在案是日正前副前楚左楚後四營移紮葉家亭對岸探報北岸之賊分出襲破草鞋街牛山鋪團卡本司飭弁於釀溪趕造浮橋欲乘虛破其巢穴旋聞該逆仍縮回北岸老巢二十二十一二十二等日江道督各營勇至高家沖一帶砍伐樹木周覽地勢並設伏谷口以待竟日賊伏不出二十三日各營勇進紮高家沖惟後營留駐老營柳橋劉守等軍已於二十一日移營東大路之半邊街相距入九里聲勢尙可聯絡隨以百金購勇夜穿賊壕入城告李道已至援師大集準備夾攻先是李道

行抵藍田本司馳函備告此間情形並商進兵事宜二十五日  
李道單騎兼程自藍田來本司高家冲營次面商一日議由范  
家山出小東路與卑營及半邊街兩路聯爲一氣將東路悍賊  
裹入官軍長圍使賊膽自寒而由釀溪渡河猛擊以通城中之  
氣則尤出賊不意適浮橋經劉鎮吳主簿督辦成功李道西渡  
之計益決是日賊數騎至前面嶺上本司知該逆探明路徑明  
日必率大股來犯飭各營準備二十六日天明時賊列隊蔡家  
壩嶺上左右冲谷皆滿本司與江道以賊之長技在伏又慣於  
遠處鈔裏我軍空壁逐利卽從後來襲營壘乃令左路之精捷  
右營右路之楚左營副中營均堅壁勿出左路之精捷左營精



捷中營本司親兵營右路之正前營副前營各派隊三成伺閒  
出擊戒勿深追已後賊尙不動而半邊街與賊接仗礮聲頗急  
本司與江道乃令參將鄢世堂帶親兵營勇三哨守備徐良瑛  
帶精捷左營勇二哨前往策應賊見我軍蜂擁而出頃刻旗幟  
分布各山上悍賊百餘直至營前田隴江道令親兵出擊進退  
數四斬其先鋒悍賊數名賊敗走騎馬賊十餘人仍督眾至田  
塘分股趨營左嶺下圍撲營壘適知縣唐顯烈帶後營勇自老  
營至主簿吳國佐帶義字營守備丁永升帶新虎威軍自漁溪  
至由左路進擊李將明惠帶正前營副前營自右路進擊江道  
督同都司劉盛合守備陳大運等率親兵及精捷中營勇自中

路進擊刀矛並舉槍礮互施賊分路迎敵鏖戰逾時死傷甚眾  
大敗向山而走鄢世堂徐良燧等自半邊街馳回邀擊殲賊多  
名少閒賊復邀半邊街接仗之賊同來助戰左右十餘里中山  
谷田隴皆遍其勢甚厚本司令義字營勇後營勇伏於營左新  
虎威軍伏於營後各營靜以待之賊漸逼近撲至營前陳希祥  
林柏等各刺數賊兇鋒猶銳本司與江道督各營勇以槍礮轟  
之賊倒地者無算復大敗而走我軍追殺五里許時已黃昏仍  
未深追是日斃賊二三百名奪獲擡槍小槍十一桿大小旗幟  
三十餘面新虎威軍百長千總劉九盛精捷營隊目把總蔣得  
祿衝鋒陣亡唐令顯烈身受矛傷十一處其餘各弁勇陣亡十

二名受傷二十八名是夜擒賊供稱石逆以援師日逼調余傅  
賴各賊限三日破官軍營壘本司知賊不得志而去必仍以全  
力來犯乃甬商李道由釀溪督隊策應兩路欲將該逆痛予懲  
創二十七日卯刻賊列隊自河岸至棉花塘嶺上層接不絕李  
道督隊至伏於營左義字勇新虎威軍勇及後營勇均伏營後  
左路之賊至嶺下者親兵營開劈山礮轟斃騎黃馬賊一名執  
大紅旗賊二名賊不敢近本司數派親兵於山下誘之賊眾甫  
前仍怯逾時數騎馬賊目率悍賊數百由沖口直撲右營左首  
鼓聲人聲震動山谷百長千總陳希祥帶槍礮隊排於山腰俟  
其近前轟之立斃先鋒賊二名眾驚狂奔大股賊遠從樹中繞

至營後遙見旗幟知我有伏漸從林中縮退本司與李道以此處箐深樹密不便馳驟乃未出擊惟河岸之賊漸逼左營副中營壕前李將明惠督都司陳玉和帶隊出擊吳主簿丁守備等各帶隊助戰槍礮層施賊死相望亦遂敗走李道隨即收隊回釀溪是日斃賊百餘人我勇亦受傷二十名陣亡八名二十八日黎明李道渡資進勦本司亦列隊百合山黃婆坳一帶以牽賊勢賊復以大股圍攻半邊街營壘本司與江道派隊前往接應未後賊敗走時則西岸火燭大起田家渡賊壘已爲李道攻破矣城中之氣一通局勢旣活官軍益得展布賊聚精銳連日復受斃於槍礮之中天厭該逆不日即可撲滅此後軍情本司

與李道自當妥爲措置除此匪寇以抒憲廛除將陣亡受傷弁  
勇另單呈核外所有二十六二十七兩日賊來撲營我軍大獲  
勝仗情由理合馳稟



稟曾侍郎援剿各處軍情

咸豐九年七月十一日

竊本司八年十二月自江右全軍回楚途次以病勇過多遵撫憲札示將各營勇悉數遣散抵里後旋奉撫憲飭開正後月募五千人訓練成軍以資調遣二月十五日後奉撫憲札開南安股匪闖入桂陽勢甚披猖飭卽星馳赴援等因遵卽督同卽選道江忠義總兵銜卽補副將李明惠等率各營新募勇先後由籍起行所有三月內迅解永州重圍三獲大勝四月內藍廟剿賊失利退駐新甯截剿自全州回竄大股賊匪五獲大勝及分撥營務處江道忠義一軍先後保全新甯武岡兩城各情形諒在憲台電鑒之中嗣以新武肅清按察使銜卽選道江忠濬一

軍二千人留守新甯本司督營務處卽選道劉坤一及李將明  
惠各軍自新甯馳赴武岡會合江道忠義一軍共定援竄之計  
留楚右營勇五百人助守武岡五月十一日由武岡大東路進  
擬出竄西一路與竄東各軍共成兜剿之局兼可遏賊西竄不  
使有害大局十五日行抵黃橋鋪諜報賊偵我軍已出復由竄  
慶南路分股萬餘上竄已至新甯黃龍白沙地面意欲撲縣城  
等語本司卽令營務處劉道率所部二千人馳救新甯與按察  
使銜江道共圖戰守並屬其兼顧武岡以重西路之防使卑營  
無後顧憂得以一意援竄卑營正擬由桃花坪一帶進紮旋聞  
寶城自賊築壘於東路五里牌內外隔絕勢形危急本司知城



中兵勇既眾米糧必缺斷難久持卑營以分見單若由桃花坪直擣神灘渡北塔下破其長圍南路之賊必分撓我後一軍孤懸事必不濟其時李道未至趙道周鎮同入圍中東路官軍亦復單薄難期進取不若兩路併力然後相機勦辦易於得手本司與江道遂定計東渡復令長子思詢帶中營勇六百人回新合之劉道所部二千人右營勇五百人足成三千一百人以厚其力本司督各營勇於二十八日自黃橋鋪起行繞出新化邵陽界上六月初四日由麻溪渡河初六日行抵嚴塘虹橋一軍已於初二日失利惟劉守嶽昭楊令安臣等五千餘人尙駐柳橋本司一至聲勢始壯城中閒使出詢實米糧尙可支二十餘

日因霖雨彌旬未獲進紮十三日天霽乃移紮斗嶺下十五日移紮寺門前距城二十里二十一日柳橋諸軍移紮東大路之半邊街距城二十五里二十三日卑營移紮東北路之高家冲距城十五里二十五日李道由藍田單騎來本司高家冲營次會商進兵事宜議由小東路進兵與卑營及半邊街聯爲一氣將東路悍賊裹入圍中賊膽自寒而由釀溪渡資猛擊以通城中之氣則尤出賊不意本司先飭弁於釀溪搭造浮橋爲進擣北岸計適已告成李道西渡之計益決二十六二十七兩日石逆以東路援師日逼盡調西南北三路悍賊不下六七萬併力來犯本司飭各營伺其逼近用礮轟之該逆卻而復前我軍靜

以待動賊每進撲一次必死傷數十人久乃敗去兩日斃賊約  
近千人惟以林箐太密懼中該逆詭計未及遠追二十八日黎  
明李道渡資進剿本司列陣百合山黃婁坳以牽賊勢賊復悉  
眾圍攻半邊街營壘本司派隊前往接應未後賊敗走時則西  
岸火燄大起田家渡賊壘已爲李道攻破二十九日兩岸賊壘  
李道一掃而平城中饑道大通全軸遂活此皆大人威靈李道  
勁旅故得此奇捷也現在本司與李道定議將城跟官軍分調  
四千人出堵西岸李道全軍於初九初十兩日渡資而東日內  
由雀塘橫出渡頭橋則賊大半在我圍中然後約會進擊逆賊  
剿滅有期再竄擾新甯股匪迭經劉道痛剿初三日仍竄回寶

慶南路九鞏橋劉道率所部及左營右營勇日內可來此會合  
至卑營勇數本司原募勇四千六百人長子思詢六月間在新  
甯隨同劉道剿賊增募郴桂勇五百人營務處江道部勇二千  
人營務處劉道部勇二千人合共九千一百人合併陳明除將  
嗣後軍情隨時稟報外所有自籍起行先後剿辦及現在進援  
寶郡各情由理合具稟

稟駱中丞追賊獲勝

咸豐九年七月二十日

竊本司於二十九日會將二十六七兩日獲勝情由具稟在案  
寶城西北肅清後本司與李道定計抽城跟四千人分扼西岸  
李道渡資而東將賊漸裹入圍與卑營共成兜剿之局連日卑  
營列隊洋溪橋前面該逆堅伏不動李道東渡後卑營十五日  
進紮百合山黃渡坊水湄山一帶江道三營紮過洋溪逼賊益  
近是日營務處劉道自新甯派藍翎從九劉培一參將李承立  
帶新楚勇新安勇義勇至本司令其暫駐高家沖老營是夜三  
更時江道派人往驚賊營賊槍礮亂施五更乃息十六日未刻  
本司帶親兵至前面山岡周覽賊營戴盛寬謝上品率數十勇

衝至賊壕賊開放槍礮旋於牆垛上添樹旗幟本司知其外示  
實而內虛日內必遁矣一面函約李道刻期會剿一面與江道  
計議是夜派參將鄒世堂都司陳希祥權光燦各帶勇三成伏  
於賊壕之外初更後人馬露甚偵之則賊眾擁擠悉向巢後潛  
遁鄒世堂陳希祥紛拋火蛋噴筒并射火箭延燒賊壘賊驚狂  
奔陳希祥等襲殺其尾數十人奪馬七匹立將東路賊壘一律  
燒燬本司與江道商定追賊之路以賊竄南路由五峰鋪竄東  
安祁陽或旁出衡州者李道當擊之由九鞏橋竄東安新甯或  
旁出武岡者卑營當擊之是夜飭劉道派來四營折回桃花坪  
防武岡一路卑營長子思詢派帶中營勇柳桂勇一千一百人

由新甯繼至行抵北塔下亦飭其折回桃花坪以昭鄭重五鼓  
各營傳餐畢江道李將督同參將翟國彥鄔世堂遊擊陳周典  
陳玉和都司陳希祥徐良埭權光燦守備戴盛寬等率勇由東  
塔出南門南路賊壘正在火起賊已爲田鎮勦敗江道亟督各  
勇協同田軍併力追勦追至九鞏橋白楊鋪一帶各營勇均有  
斬獲約計殺賊四五百名生擒僞將軍李定發僞通傳許以祥  
等四十五人奪擡槍小槍二十四桿是日本司率侍勇至南門  
見賊去未遠恐該逆前隊於上游偷渡西岸乃折從臨津門浮  
橋渡河沿河而上巡至九鞏橋對岸之次木山詢悉賊大股悉  
從九鞏橋上竄河內船隻亦復稀少乃回營料理一切江道與

鄢世堂翟國彥陳希祥徐良壞權光榮等卽督各勇在九鞏橋  
白楊鋪一帶住宿劉道新楚勇百長歐陽繼盛率精銳百餘人  
隨至三鼓起躡賊蹤而進峽山鋪黃塘賊之未動者皆爲我軍  
所殲行至白倉見街屋村莊炊煙四起大股賊正在覓食江道  
令翟國彥陳希祥等分數路進賊見我軍突至驚愕不知所爲  
各勇奮力追殺約五里許有騎馬賊數十人回旗轉戰餘賊亦  
欲從山上分隊來鈔陳希祥翟國彥等督勇屹立頻開槍礮斃  
騎馬賊數名餘仍敗走不復成陣惟向四山狂奔至有伏地求  
死者追至□□嶺離白倉二十里沿途賊尸枕藉餘皆棄軍器  
由東安花橋一路遁去江道收隊回白倉已三更矣是日各勇



往返百里殺賊三千餘人生擒二百餘名內僞統戎僞將軍等  
十餘人奪獲騾馬八十餘匹擡槍小槍九十餘桿大小旗幟三  
四百面僞印二十餘顆竇慶南路鄉民受賊害最深恨賊刺骨  
覓官軍追賊各集山下吶喊長髮賊被衝散逸至山上鄉民卽  
殺之兩日殺賊約數千計被擄得脫者亦數千計我軍所獲僞  
印僞旗後左兩旗字樣居多余傳兩逆當自此不復振也江道  
回白倉探悉賊分股數千由塘田寺上竄恐其分擾新武十九  
日辰刻率隊由白倉至陽田本司於十八日自洋溪橋拔營起  
程二十日辰刻行抵陽田復探得該逆由一渡水已至東安白  
芽市該逆日夜狂奔不已恐又遠竄跟追不及遂於該處住紮

等候鍋帳聞石逆十九日至蘆洪市恐其由蘆洪市走東安則舉足便入粵界一出楚境勦辦尙費手力且由楚而粵卽可由粵而黔而蜀實爲大局隱憂本司管見石逆如出祁陽則自投羅網當先遏其竄粵之路設長圍以困之若走粵西則李道全軍自宜越境勦辦了此大寇仍宜以勁旅由貴州迎勦而前蜀省方保萬全愚昧之見未知當否惟憲台俯賜裁奪卑營現擬由一渡水碓窠沖前進如前隊賊已遠颺則駐軍白芽市遏後起賊由東安入粵之路一面探定祁陽無賊全住蘆洪市一帶則請田鎮由蘆洪司速躡其尾此次石逆大股全注寶郡當本司由東安赴援時寶城岌岌有不保之勢幸仗大人威靈

指授機宜增調勁旅重圍得解逆黨迭受殲戮南省億萬生靈  
實受其福卑營援勦寶城著有微勞除精捷營出力員弁應請  
憲台準予開保外卑部各營總百長前在藍廟失利應得處分  
會奉札飭查辦因新甯五勝該營總百長等尙爲愧奮出力未  
經申明分別參處此次寶城解圍在事出力可否準作抵銷免  
其查辦其最爲出力勇丁可否酌保歸入永州解圍案內請獎  
之處出自鴻裁再卑營上年新城大捷二月內曾開單呈請保  
獎未另開呈稟江撫憲伏望憲臺垂察迅賜核辦俾微功不至  
終棄卑營員弁得以鼓勵所有十六夜寶城圍解卑營七十七  
八兩日追勦賊匪大獲全勝情由理合具稟



稟駱中丞勝賊東安

咸豐九年七月二十八日

竊本司於二十日曾將十六夜寶城圍解卑營十七十八兩日  
追勦賊匪大獲全勝各情形馳稟在案是日江道忠義精捷兩  
營李將前營副前營劉道坤一新楚前營與本司右營副中營  
均由楊田移紮稻田二十二日卯刻劉道率新楚後營義勇營  
至楊田探得楊田竄過之賊聞官軍踵至卽由碓窠沖營房嶺  
奔向東安江道卽率精捷中營及稻田各營進紮一渡水本司  
亦於本日率中營親兵進至稻田先是探報白倉竄匪將及蘆  
洪司江道以卑後營勇隸籍東安商派席令寶田卽率該營由  
楊田越嶺以圖邀截是夜初更接據席令函報本日賊過蘆洪

司忽見我勇旗幟自後繞出卽紛紛驚走該勇乘勢逐之共殲賊二百餘名奪獲旗槍各數十件計賊前隊當抵白芽市等語本司當卽商同江道劉道派各營出隊三成星夜馳往二十三日午刻隊至碓窠沖爲大雨所阻二十四日卯刻本司與江道劉道冒雨趕至碓窠沖李將明惠等已督各營勇馳赴白芽市又因大雨不息火器盡溼未能奮追僅殲其尾賊數十名生擒僞撰文一名軍師一名當卽訊明正法是夜雨止李將等駐紮柳溪鋪燕桂堂二十五日寅刻卽率前隊分路進追甫至五里牌有賊數百尙在蓐食各勇掩至追殺直抵東安城邊忽城跟擁出賊二三千人冒死轉拒孔明臺河街上各出賊二三千人

馳來鈔截李將等以隊伍尙未到齊與參將翟國彥遊擊黃仲  
慶卽率親兵蔣福百長楊秀棋等悉力抵敵堅陣於唐帽山寶  
塔下荷葉塘一帶時本司與江道劉道督催後隊陣於左右村  
莊該逆惟附城山坡對施槍礮至未刻暴雨如注賊縮城邊我  
勇以鍋帳未到營壘未成亦卽收隊旋據擒賊供石逆尙在東  
安夾河村莊俱屯有賊意欲在此處多擄糧食休息數日俟天  
色晴明卽往粵西又據逃出難民供在東安者係各旗把尾之  
賊石逆昨已走至柳埠聞官兵追至復從柳埠調轉二三千人  
等語本司恐該逆久踞此間以圖抗拒因與江道劉道熟商於  
二十六日一面督隊五成分途進勦卽一面飭催勇夫於草鞋

街修築營壘賊意我軍料彼遠颺必將深入天未明時卽於荷葉塘寶塔下兩路重重設伏黎明李明惠與營官黃仲慶戴盛寬等督勇由左路進參將李承立翟國彥與營官李士恩鄭學德李長齡陳本熾率各勇由右路進游擊陳希祥徐良埭劉盛合率各勇由中路進離城約二里地賊伏盡起勢極兇狠李明惠翟國彥李承立陳希祥等率眾奮擊傷斃悍賊數十名賊仍縮退城根以死拒禦日中本司與江道見尙堅持令各勇佯爲收隊以誘之未幾賊馬數十騎馳來乘我各勇屹立不動槍礮環施當斃賊馬二匹併奪獲先鋒大紅旗一面餘悉返奔我勇追過唐家隴因大雨將至始令整隊回營是日巳刻蕭道各營



亦至白芽市本司等以賊勢不支必乘夜他遁因與蕭營游擊  
黎得盛等商派哨探定計跟勦五鼓探報賊遁江道劉道李將  
等各率營勇與蕭軍及孔令團勇各路追勦沿途斬獲甚眾內  
有僞將軍楊家庭一名先鋒馬繼昌一名卑勇追至二十餘里  
見賊前列大隊兩旁林深箐密計賊必然設伏又值天氣陰雨  
乃收隊還營竊石逆敗竄粵西勢必糾合賀縣等處之賊以厚  
聲援我省界與粵境毘連仍應嚴爲之備且粵西地方貧瘠石  
逆必不久居迭據生擒賊供若不由豫歸皖則必由黔入川本  
司竊以入川之謀實爲石逆本志而取道黔地其路較夷將來  
計必出此查由粵竄黔須繞新甯之正源各崗城步之欄牛八

寨與粵境之五排等處該處民獠雜居人情獷悍若賊煽誘其眾則益滋蔓難圖不可不早爲慮現在我省兵力厚集其應如何追勦駐防并移會鄰封扼要守禦之處伏乞迅賜施行惟卑營半載奔馳頗形疲乏加以感冒暑溼染疫更多現查各營各哨約十之三甚者十之四五沿途臥病多未歸營本司擬暫休軍境上一面淘汰一面訓練務使將卒整齊以期得力如荷俯念該勇弁等勞苦日久值茲事勢稍緩之時全數撤回以節糜費抑或挑留一半均出鴻施所有卑營前赴東安連日追勦竄賊麤戰獲勝及籌辦情由理合具稟

稟駱中丞休息營勇裁汰挑補

咸豐九年八月十六日

竊本司於八月初一日會將卑營前赴東安連日追勦竄賊鏖戰獲勝及籌辦情形馳稟在案十一日奉到憲台札開寶慶大股逆賊已盡竄廣西業飭劉臬司蕭道等越境會勦本部院前以賊在全灌一帶道州等處防範未可稍鬆誠恐乘虛闖入當經札飭何副將及趙道等軍馳往道州扼要住紮防勦去後現據永州鎮府會稟賊匪前隊由蓑衣渡過河往上枕頭鋪文村由道州大路進發其中隊後隊在廟頭黃沙河蕭道於二十六日已抵白茅市等情又據李副將會稟廣東乳源仁化之賊與嘉應連平竄出之翟許二逆會股一竄乳源之什街一竄英德

之大灣復分竄陽山之青蓮圩黎頭圩嶺背塘擄掠等情查嶺  
背塘等處均有路直達宜章而什街等處亦可直達臨武此時  
石逆大股擾及全灌一帶切近道州邊界江華永明各屬亦應  
嚴防道州現僅何副將一營勢甚單薄該逆與粵東各逆本屬  
勾通若由道州江華永明等處取道甯遠藍山即可與乳英之  
賊會合勢必兇燄復張勦辦更屬費手除札總統藩司銜李道  
就近確探賊情相機防勦外合行札飭爲此札仰該司遵照由  
黃沙河全州取道入粵確探賊情相機運籌勦辦仰將籌辦進  
勦情形隨時飛稟查核等因奉此本司自維庸懦渥荷恩遇值  
此巨寇未平鄰封告警自應迅督各勇馳往援勦以仰副憲台

不欲以鄰爲壑之至意惟念卑營各勇自今春倉卒選集轉戰  
永寶各郡屬方訓練之未遑又病痛之交作自非稍爲休養逐  
加裁汰斷難驅之遠征且查各營帳棚旗幟號褂等件均應更  
換方利軍行本司現與江道劉道會商一面抽撥銀錢裁汰病  
弱卽一面挑補足額隨時訓練除應換旗幟號褂等件俟省饟  
到後由營自行趕辦外合應領夾單帳房仍乞由局委解下營  
以便迅速成行再廣西地方瘠苦又經賊蹤蹂躪一切食物必  
倍行艱費卑營勇糧若仍照前在本省時每月只給三分之一  
必至窘苦不能立軍應懇憲台矜其庸懦於緩急多寡之間俯  
賜查核飭局源源接濟實爲公德兩便同日又奉鈞札以江道

忠義稟懇賞假調養該營勇丁可否全撤並請飭發勇糧前來  
除批該道英勇奮厲血性過人本部院素所深許此次馳驅永  
邵之間戰功卓著新武守城殺賊勞烈尤彰茲據稟積勞致疾  
籲懇給假前來念其情詞肫切不能不俯允所請仰卽給假三  
月安心調理以冀速痊時事方艱全賴羣材共奮一俟病愈卽  
當赴省銷假聽候調遣以慰懸念所部精捷勇本歸劉臬司進  
勦毋庸另派管帶之員所欠饗項由省局委解仰統領劉臬司  
一併知照繳印回外合亟札飭札到該道卽便遵札辦理等因  
茲準該道咨稱現擬挑留勇丁兩營飭令陳希祥等帶隨征勦  
合併聲明

再本司於八月初十日接準總統李道移開案奉撫憲札飭寶慶各營官軍業經本部院奏委做道總統惟做道本部由鄂赴援寶郡尙需時日做道未到以前所有寶東之劉守陳令朱副將楊副將彭參將張都司余遊擊朱都司吳主簿等營應歸貴司節制調遣做道到寶後仍飭聽候節制調遣等因在案現在湘省肅清賊匪竄粵西業經撫憲飭令貴司與蕭道台何副將各營追勦並令趙道台一軍前赴道州所有李趙兩鎮應暫駐祁陽周總鎮所部及陳令吉後營廖王兩守備長勝軍均移永州劉守楊副將余副將余遊擊彭參將張遊擊朱都司楊令各率所部暫駐東安做道於本月十一日率援軍及新募之福

正德公全集卷二十一  
中禧中元左貞左並朱副將吉右營仍回寶慶聽候督撫憲調遣而吳主簿一軍應令仍歸貴司節制調遣除分別移行外相應備文移會請煩查照施行等情本司察看該主簿體貌雖豐精神不足該營勇積勞多病亦係實在情形可否準其就近調養暫緩赴粵之處出自逾格恩施理合轉稟



稟駱中丞遣援粵西

咸豐九年八月二十一日

竊本司於本月十八十九兩日遞奉憲札以粵西省情形緊急  
催卑營刻日赴援等因奉此竊本司前因卑營病勇甚多十居  
五六務須淘汰挑補方可啟行且軍裝朽敝不堪當從新製換  
鹽糧積欠已久宜如數補清當經稟明憲台隨即趕緊辦理奈  
天氣酷暑疾疫繁興先病者甫經出營後病者又復滿榻昨解  
到卑營餼銀僅二萬兩補給所撤各勇餘已無多其新添者又  
將嗷嗷待哺且江道劉道兩軍赴省請餼尙未回營值茲出境  
應援實無以充囊橐至於號衣旗幟倉卒猶未辦齊茲奉前因  
只得先將未病各勇足成數營定期於二十八日由全州前進

其  
正  
情  
公  
台  
集  
卷  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

其餘各勇俟整飭成營卽以次就道伏乞大人俯賜體恤飭局  
迅速補發卑營及江道劉道積欠餼項以備貲糧並所請棚帳  
如數運解到營以資更換所有遵札定期移營及籌請各情理  
合具稟

稟駱中丞保獎團紳暨卹殉難諸人

成豐九年八月二十六日

竊查今年竄擾湖南各旗股匪除石逆張逆所帶中旗逕由祁陽竄圍寶郡外其餘前後左右各旗均由新甯繞出武邵新甯各村團練始以援軍尙未回縣自備資斧競來守城繼以城中已有重兵各回各村結堡自守凡賊所過之境該處鄉團無不併力堵剿卽在婦女孩童亦擲瓦礫奮擊往往敗賊擒賊甚多有時賊率大股而來該鄉團勢不能支致被屠戮者亦不可勝紀且卑營及江道劉道各勇於前四月邀擊竄新寨村之賊五月六月追剿踞白沙之賊各村團丁屢次隨圍打仗奮勇向前甚爲得力而陣亡者每不乏人賊因新甯民人連年在外當勇

此次團練又嚴由是恨之刺骨見屋卽燒貧富不免遇人必殺老弱不分甚至剝皮抽筋極其凶慘掘屍焚骨毒及祖先每於堅壁清野之處該逆力無所施則說以甘語誘令順從並啖以重賞使之饋饜該鄉團旣惡爲逆又燭其姦每給之入堡乘勢殲除或得其賂金來城獻納其被賊獲者無論男婦士民類多不屈比至於死猶罵不休其黠者則伺閒而逃或殲其防守之賊並有引賊同出與來投誠數月之間爲數不少此皆本司等所共見共聞而非故侈張其事者也伏惟大人勸俗化民必先節義褒功卹死不遺賤微如新甯縣之團練禦賊雖無殊效足錄要其戮力同心互相捍衛亦有可嘉應請於各村團紳團勇

擇其尤爲出力者酌保數人以資鼓勵至於男婦不屈而死丁壯打仗身亡其忠烈之氣卽求之搢紳弁勇中亦不易得可否準本司等確切查明呈懇憲台奏請

優卹準於本處建立祠宇以昭潛德以慰英魂卽以崇風化均候批示飭遵再守城人員辦局紳士均屬著有微勞前經江道忠義請獎已蒙批准茲遵查開銜名歸入永州案內伏乞俯賜  
察核



稟駱中丞督軍興安

咸豐九年九月初四日

竊本司於八月二十七曾將起程日期及增調楊字營老湘勇兩營隨同赴粵勦辦情由具稟在案嗣接省局兩次饒到當將病勇遣回隨於應募各勇中挑補足額逐加整理二十八日辰刻本司親率親兵兩營中營副中營左營後營及精捷兩營冒雨起行右營及營務處劉道四營李鎮正前副前兩營亦飭於初一初二等日陸續起行本司於初一日行抵全州探悉賊分股竄踞義甯永福桂林西南兩門尙有大股賊屯聚當卽催隊起程前進初三日至興安紫蕭道五里牌老營擬在此駐俟後隊及軍裝到時卽進紫靈川縣與蕭軍犄角探定賊蹤約會勦

辦務期迅殲醜類仰慰大人綏靖鄰封之至意所有遵札赴粵  
二十八日起程初三日行抵興安飭催後隊情由理合具稟



稟駱中丞桂林圍解

咸豐九年九月初二日

竊本司於初四日曾將進駐興安及飭催後隊各情馳稟在案嗣於初二日進屯靈川縣南門外李將明惠率正前副前兩營亦於是日趕到查靈邑九屋墟潭下墟等處之賊以援軍絡繹而至悉眾遁歸義甯時省城西南賊勢尙熾粵撫憲日催赴粵本司以省城可恃兵力亦不爲單石逆大股現聚義甯該處路通興全距靈尤近若卑營徑長驅赴省則後路空虛賊必分股轉竄靈川上守甘棠渡下守大溶江不惟援軍饒道不通卽省城米糧無從接濟將有坐困之勢如郝寶故事矣不若由靈徑擣義甯攻其必救則省城之圍自解乃於初七日單騎赴省面

與粵撫憲蔣藩司及蕭道熟籌均以爲然正在定計賊旋於初九日解圍而遁并據謀報義甯之賊亦漸引去本司當與蕭道等會商以賊既不逞於粵省必將西竄柳州由黔入蜀否則南竄平樂仍回江西一面派諜卒確訶賊蹤卽一面馳歸靈川部署各勇以便進兵適劉道坤一率所部義勇於初八日來營兵力較厚俟接探報此賊去向卽當拔營前往邀襲也所有本司與劉道先後進屯靈川及初九夜省城解圍現在籌辦各情理合具稟

稟駱中丞進軍籌辦各情

咸豐九年九月十七日

竊本司於十二日曾將初九粵省解圍及確探賊蹤移營追剿各情馳稟在案嗣據謀報石逆大股先後由白沙走至隆橋踰馬嶺以竄荔浦縣擾及修仁永安一帶本司當派各營於十六十七等日以次啟行進軍永福就近察看情形相機剿辦竊賊搆逆以來所需貲糧軍火往往取之官軍其蟻附甚多者亦以得肆擄掠今石逆屢爲官軍所感竄越兩省未得一完善之城眾極飢疲志多攜貳將來由黔窺蜀由粵轉吳恐亦未有定計而潯柳各處股匪盤踞多年自謂萬安之地今聞石逆窮竄不惟不能相下抑且不能相容石逆旣鮮外援又失舊部棲身無

益正世公集卷二十四  
所駐足無時豕突狼奔終歸澌滅本司擬商蕭道專詞石逆所向以一軍躡其後以一軍邀其前併力夾攻務在必獲如石逆計無復之或於永安等處暫謀巢穴則當用閒以翦其羽翼出奇以潰其腹心並須商令粵軍分綴柳潯諸賊毋使牽制援軍俾得併力石逆旣破然後乘勝以圖柳潯當可傳檄而定矣伏乞大人一面飭催田軍入黔扼守邊防斷賊西竄之路一面咨會廣東江西各省嚴行堵禦誠使石逆不能出粵西一步則其勢益窮本司等得乘其倣觀其變而圖之仰託福威或者易於戡事所慮賊蹤狂竄所向無前援軍鞭長莫及則勢將復振爲禍不可勝言並懇咨催曾欽憲兼程入蜀以固上游現在

悍賊惟餘石達開陳玉成二人石逆因不逞於吳楚故思繞赴四川以取建瓴之勢而陳逆亦得藉爲聲援蜀省若固石逆不得施其詭謀必將輾轉就斃於粵楚之地卽陳逆亦孤立耳夫用兵固有後先審勢須知輕重兼營泛鶩迄無成功可引爲戒愚昧之見未審有當伏候憲裁所有十六十七等日移營前進永福及籌辦各情理合具稟



稟粵西曹中丞遵札勦辦

咸豐九年九月二十九日

竊本司於二十二日奉到憲札以石逆分竄南路之永安西路之雒容西南之永福等處飭本司會同蕭道分途追勦二十四日復奉札開將藩司一軍難於深入兼顧又以賊有由粵入黔之勢催飭本司等馳赴長安中渡兩路各等因奉此仰見大人調度有方機宜悉協本司遵卽一面加派勇丁前往長安一帶偵探一面會商蕭道當據蕭道面稱業奉曾欽憲檄調赴鄂不能久留粵中等語該道想已稟明憲台矣本司不敢因蕭軍去留未定藉口一軍孤懸遷延時日一俟探卒回報當卽移營由義甯相機前進唯是粵省各處土匪盤踞咸思乘我之虛蔣藩

司現駐荔浦地方祇可防堵西南二面而東北路賀縣之賊難免不伺閒而來今卑營旣去此閒而蕭道又將赴粵不惟粵省根本可慮卽楚省邊防亦空矣管窺之見正擬稟覆聽候鈞裁茲又於二十七日祇奉憲札恭錄

上諭本司與蕭道兩軍統歸大人節制調遣欽此欽遵竊本司久託福威幸承驅策敢不勉竭駑駘之力上慰塵懷第卑營所需口糧子藥槍礮帳房應否仍由楚接濟更換伏乞咨商南撫另札飭遵且楚省積欠卑營口糧百有餘日前經委員請領現在尙未回營眾口嗷嗷待哺子藥帳房亦屬急需已由南省運解到永可否容俟接到子藥帳棚口糧卽行移營前進均候批



示飭遵所有遵札勦辦情由理合稟覆



稟駱中丞請卸臬篆留營剿賊

咸豐九年十月初一日

竊本司於九月二十八日會將舉營擬由龍勝入黔邀截各情  
齎呈鈞鑒在案嗣於二十九日祇奉粵撫憲札恭錄

上諭以本司補授廣西按察使聞

命之下竇切悚惶竊本司一介書生九年戎馬遞蒙大人培植  
洊升臬司常思畢竭駑駘稍圖報於萬一至於吏治實所未諳  
而況承乏行閒正在援勦孔亟何能察吏按獄以期無曠乃官  
當卽趨叩粵撫憲力陳不堪情狀乃以出自

特簡不許擅辭并選初三吉期敦促本司接印視事五中慙迫  
莫知所爲唯望大人俯念本司非從政之才恐忝厥職有討賊

之責弗羈以官代懇

聖恩另簡賢員以副任使俾本司仍得仰供驅策則雖捐糜頂踵亦感憲德於無涯矣至本司一軍本奉憲檄跟追石賊入粵現在石賊由永甯至融縣橫出羅城賴傳各賊分由雒容至柳州渡河計於慶遠會合藉柳賊爲藩蔽拒我追兵查由粵入黔之路南丹獨山較爲坦平而河池泗城亦在在毘連黔界又查泗城一路可通普安自賊中逸出者均稱賊志欲由黔滇兩處窺蜀援軍隔於柳賊不能直躡其後或改道先趨黔蜀爲遮截之計或另行勦辦他賊大人全局在握必有權衡本司自應靜候調遣如受廣西臬司之任一有他調卽不能赴唯懇遴員接

管營務庶呼應靈通於援勦大局無礙南省年來四出應援所向有功皆由帶兵員弁均係湖南紳委遵奉憲臺成算得協機宜今本司以廣西臬司而統湖南兵勇稟承各殊實不相宜非得大人仍將本司奏留軍營自必委員接手軍務方免差池至粵中瘠苦不能供億多軍前任藩司蔣益澧一軍原精銳可用因饑項不敷上年柳州患病以後遂難復振此時或以本司之故將援軍并留粵中數千人鉅款從何取給在粵中事情未見有益而卑營目前卽有坐困之勢據本司管見目下川黔若有重兵遮截大人塵念鄰封乘此援軍厚集掃靖粵寇本司等當先除賀縣之賊以次削平潯柳不惟可斷石逆之路亦稍舒南

省南顧之憂將來川黔有事并可由廣西進兵與四路大兵共成兜勦通籌全局未始非目前勦辦之一法然進兵事宜必得如援江成例本司等一一稟承憲示俾免隕越成功始可坐期區區愚忱惟幸垂鑒焉所有祇奉

上諭補授廣西臬司初三日接印視事仍懇奏留軍營以專勦賊之任及現籌各情理合具稟

稟駱中丞起程赴營派查蔣軍

咸豐九年十月二十六日

本司遞荷

皇恩憲德補授臬司署理藩篆受任綦重報稱益難現在石逆竄匿一隅土匪盤踞各郡自應迅圖克復乘勢殲擒仰慰

皇上軫恤邊隅之深衷用紓憲臺綏安疆圉之至意本司一面派營務處李鎮明惠督率各營於十五十六兩日以次啟行進屯永福一面將兩任內事件清理先後交張道華道接署印務隨即於十九日起程赴營俟到永福察看柳賊情形前往勦辦其蔣道一軍原駐荔浦本司派營務處劉道坤一會同署右江道蔣守澤春馳赴該營查點淘汰酌留若干擬即分駐馬嶺平

樂一帶防堵南路股匪惟與卑營相距太遠本司難於兼顧劉道辦理全軍營務處亦難遠離且所部二千餘人早已拔營出省該道赴荔差竣仍應速回本營至接管湘勇現已稟請廣西撫憲札派蔣署道留營統帶以資熟手將來局勢稍定或即調歸一路或另委員接管自可隨時稟商辦理也再卑營原勇八千餘人月需餼銀五萬餘兩今勇可留粵勦辦餼不能就粵取資卑營進止實深顧慮前經具稟未奉鈞批伏乞俯賜鑒原迅頒訓示實爲公德兩便所有本司交卸印務於十九日起程赴營劉道前往荔浦查點蔣道營勇暫交蔣守接管及卑營勇餼應請飭遵各情由理合稟明



稟曹中丞饒懸無著

咸豐九年十一月初九日

竊本司於十月二十七日曾將接奉南撫憲批示及定二十八日由永福拔營前進並懇飭局趕辦糧米源源運解各情由稟候批示在案本月初六日復奉南撫憲批謝世貴已飭赴該營矣所請該營口糧現在欠饒過多勢亦難以支給該臬司全軍入粵奉有酌留

諭旨仰卽通盤籌畫稟商廣西撫部院定奪等因奉此伏查本司原統各勇共十五營嗣因奉援粵省稟準增調謝都司楚勇五百名足成一十六營該營勇自九月十八日到粵日需錢米均由本司設法墊給始克隨同前來茲奉前因卑營勇饒無論

舊管新增均不能向湖南領取籌思再四惶懼實深本司自赴  
臬任後屢經稟明憲臺以此後勇饒無著進止難定爲言旋奉  
疊札飭催進剿未敢稍涉遷延茲已拔營漸近柳境進剿在卽  
需饒更殷旣不能仰給於湖南又未獲因糧於本省在目前已  
有窘苦之狀恐將來不無潰散之虞本司受

恩深重惟有待罪何敢畏難第以事關軍情不得不先爲慮及  
尙望俯加鑒亮始終成全如湖南不能全數應付應請迅賜咨  
商酌量協濟并明示以後卑營勇饒著落何處月給若干作何  
領解方免匱乏俾本司有所遵循各勇不致失望實爲公德兩  
便否則惟有及早裁撤免致潰散耳所有續奉湖南批稟卑營

勇饒無著應請飭遵各情由理合再肅無稟



稟江西中丞補給欠餼

咸豐九年十一月十九日

竊本司於本年正月內曾將卑營勇於八年十二月十二日奉  
湖南撫部院札飭全撤緣由馳稟前撫憲并懇補給前欠勇餼  
各在案嗣經善後總局會同釐金總局以積欠卑營勇餼尙多  
擬於袁郡解到撥存七成釐金銀兩內酌撥由省委解赴楚給  
發等因詳奉前撫憲批示如詳辦理旋蒙飭局撥解銀五千兩  
由楚省轉解來營業經兌收吞覆去後竊查本司所部新舊各  
勇俱截至八年十一月二十四日遣撤之日止其應請薪水口  
糧銀一十五萬七千八百八十一兩三錢五分又在袁臨撫建  
各處打仗傷亡弁勇醫藥卹賞共應請銀二萬一千四百八十

兩又在樟鎮添置帳棚并長字定字等營撥借銀米銀三千五百零三兩三錢三分以上共應請銀一十八萬二千八百六十三兩六錢八分除收領局饒釐金地丁錢漕捐輸各項庫平銀七萬七千四百四十兩零四錢五分一釐暨提扣陣亡病故遣撤各員弁丁勇薪水口糧銀一萬零九百二十二兩九錢七分又本年九月內續收袁州撥來釐金銀五千兩外尙應補請庫平銀八萬九千五百兩零三錢五分九釐爲數甚鉅爲日旣久今春重集各勇赴援永寶時均以舊饒久懸新饒易竭爲詞經本司曲爲撫慰并移新補舊始克拖延至今又值楚饒不繼粵饒無著舊項未能清結新欠又且加多其支絀情形實難言狀

現委同知銜卽選知縣李樹藩齎呈清冊來豫會算報銷合無  
仰懇大人俯念士卒苦情暨本司窘況迅賜飭局會核清楚卽  
將積欠卑營勇饗庫平銀八萬九千五百兩零三錢五分如數  
兌足委員協同本司委員速解來粵以便散給各勇而行實爲  
公德兩便肅此具稟

卷之四

四



稟曹中丞收復雒容飭籌軍餼

咸豐九年十一月二十三日

竊本司於初九日曾將卑營勇饒無著勇食日艱及各處賊情馳稟在案是日日本司派營務處李鎮明惠率所部由黃冕前進鹿寨本司隨於初十日率各營繼進土匪廖明盛等聞大軍至稍稍引退張應標等多願投誠各處團練亦無不嚮應競請自效本司一面招諭張應標等令其立功贖罪一面飭大鎮團總林其瓊於十一日收復雒容頗有擒斬並奪獲扒船五隻當由本司賞給銀牌功牌該團益見踴躍十六日仍派李鎮先率前後左右八營進駐雒容惟因米糧不敷各勇閒日一食而雒容地境籌辦尤難乃留中軍及精捷新楚義安各勇暫駐鹿寨原

處適劉道坤一到營籌商進剿事宜總以各勇待哺嗷嗷難望  
得力本司竊思柳郡三面皆河該賊惟恃水戰若不乘此冬月  
水涸之時急圖克復轉瞬春雨連綿山水暴發賊得弄兵潢池  
施其長技以制官軍攻剿誠非易事且自永福以至鹿寨路途  
險隘溪澗甚多子藥饟銀亦虞阻滯伏乞大人嚴飭總局設法  
趕辦米糧或由永福多雇民夫水陸並運務期源源接濟庶士  
馬得以飽騰則奏功自速矣否則饔飧不繼庚癸頻呼不惟不  
能進攻柳州卽留屯雒容鹿寨地方亦難於久持也所有先後  
進軍鹿寨雒容及各勇需米甚急各情理合肅稟

稟曹中丞江劉兩軍撤留

咸豐九年十一月二十七日

竊本司於本月二十二日曾將卑營米糧不繼難於進剿各情由馳稟在案二十四日商留劉道暫駐鹿寨本司親督四營繼進雒容途次接奉湖南撫憲四次批稟該臬司現蒙

恩命補授廣西所部勇丁雖奉

旨酌量留粵現在如何辦理情形未準廣西撫部院移咨無從懸揣本省現欠各營勇餉八十餘萬兩所欠該營勇糧已飭省局竭力籌畫尙未能迅速清給也等因奉此竊本司原因勇餉無著疊次稟請憲台咨商湖南並懇鈞裁明示著落之處迄今月餘未奉批飭而湖南撫憲四次批稟又復如此本司五中惶

惑莫知所措現查卑營欠饑已久數月以來僅營務處江道劉道兩軍各領到楚饑若干兩經本司熟商抽撥始克稍爲分潤然各營弁勇因日食維艱不無私相疑議之處深恐饑懸太久眾志益離將來貽患必不可問又查江劉兩軍均以

上諭有酌留之旨楚饑值難繼之時屢請撤歸情殊迫切此時柳郡未復石逆在前僅本司所部五千餘人孤懸此閒真有勦不勝勦防不勝防之慮而況江劉兩軍一撤本司所部人心必多搖動潰散之形真可逆觀是本司於江劉兩軍不敢遽撤又不敢固留卽於本部各勇不敢不留又不敢遽進若非迅頒批示實屬無所遵循一旦兵潰賊張本司一身固不足惜其於粵

西大局何伏乞俯察愚苦咨商定局並速賜批示俾得一意勤  
辨圖報憲恩無任激切屏營感禱待命之至所有續奉南撫憲  
批稟勇饒仍無著落及江劉兩軍應否撤留各情由合再肅稟



稟曹中丞飢軍進剿情形

咸豐七年十二月初十日

竊本司於初七日在洛溝營次接奉憲批該司所統湖南援軍

旨留粵追剿所需勇餉仍應由楚省撥支節經本署部院奏明  
行知並咨移湖南撫部院及函催在案現在本署部院於十一  
月初一日拜發之摺已欽奉

硃批另有旨不日即可恭奉

上諭駱部院素切公忠亦必兼籌並顧維持大局本署部院尙  
恐楚餉或有不繼該司以此爲慮先令蘇道諄屬該司迅速進  
兵並由粵餉勻撥協濟昨據軍需總局呈報已委員齎銀前赴

黃筓採辦米糧源源籌解是該  
稟江道劉道兩軍各領到楚饑  
有之饑星馳進勦何至以勇饑  
議定而後徵發有是理耶老師  
執其咎該司以書生投筆從戎  
稱爲名將茲復渥蒙

恩命旬月之餘陳臬開藩

昇以討賊重任全師在握宜加  
容勇弁藉口疑議搖動江道劉  
旨酌留又豈得自行請撤該司



徒事張皇一任部下離心思散殊所不解至該司全部八千人益以蕭榮芳赫勇志同軍及隨處添調團練計眾萬餘不爲不厚迺稟稱五千餘人孤懸不敢遽進且以兵潰賊張爲虞尤不知是何情狀本署部院與該司艱危共濟接稟之下尋繹再四不勝焦灼仰卽督飭各將弁剴切曉諭各軍激勵奮興迅由維容進剿以奏膚功不得徘徊瞻顧專論饒而不論兵致負重寄本署部院罄忱忠告肺腑相規惟該司諒之勉之其該司所部究竟有勇若干人共分幾營係何文武員弁管帶是否得力可用江道劉道兩軍又各統勇若干全營每月實需饒銀若干向由楚省如何給領並卽詳細開列清摺送呈以憑核明再行奏

咨催發仍候督部堂批示繳等因捧讀之下無任悚惶第以本司區區苦衷未蒙矜鑒仍有不能不詳辯者竊本司部勇與江道劉道兩軍合計八千餘人月需口糧五萬餘兩向由湖南支給自蒙奏歸太人節制調遣湖南卽以粵西能籌兵必能籌餼爲辭自奉補授臬司之

命湖南又以稟商大人籌撥口糧爲辭本司明知粵西現在支絀萬分不能不仰給湖南一面稟懇大人咨商仍一面徑由本司祈請公牘私緘相屬於道迄今兩閱月有餘矣不惟本司遞奉湖南撫批並無諾詞卽蒙大人鑿次咨商亦未聞有定議如果米接濟各勇不致噉噉則亦何妨徐待而舉營各勇每日

需米三萬餘斤每月需米六十萬斤此係在省扣算原議由省  
運解到營乃甫到永福卽以夫少不能接濟及過永福後又以  
船少不能接濟約計每月不得半月之糧伏乞大人飭查卑營  
出省若干日運解到營之米若干斤則能否接濟可知矣前由  
本司委員赴局領錢四百千早經採辦米糧現蒙飭撥花銀五  
百兩計買米五萬斤尙不敷各勇三日之食以此遂謂士飽馬  
騰恃以無恐何言之易易也劉道江道領到之饑必先酌發該  
勇然後抽撥亦屬不多查南省饑項約兩月之久可到一批而  
此兩月之內或由帶兵官設法墊給在各勇弁亦私有欠負每  
次饑到勢必取償實得者不過二二兩而又值此隆冬製辦衣

被各有家計留寄些須現在不唯無以分潤卑勇卽該道本部亦將告罄矣本司因目下已屬艱難將來又無著落五中惶惑誠如憲批然於庚癸頻呼之時猶復多方慰諭極力拊循飭令移營前進奉到憲批之日李鎮明惠已率前隊十營會同志同軍焮勇進逼距柳州數里之雀山屢次邀擊賊艇圍攻賊巢頗有斬獲本司率中營親兵及精捷勇劉道率新楚義安勇以次進窺容洛溝爲固後路糧道計何曾停兵待饑必饑定而後進兵以致老師糜餽遷延貽誤也夫師不宿飽行軍所忌卑營自黃冕鹿寨以來卽米糧不繼常累日一食各勇每至飢不能忍多持頭巾衣服換米換錢苦楚不堪言狀本司心有餘痛而仍

驅之使前明知枵腹荷戈恐難得力而事至計無所出亦不得不貿貿然以行耳在本司遞荷

皇恩憲德補授本省藩司

昇以討賊重任固屬責無旁貸義不容辭至江道劉道之勇皆爲湖南援軍奉

旨酌留並非全留之謂該道等卽援此

旨堅請撤歸湖南以本司臂指需人未便遽行調轉而如各其饒項本司亦不敢強留本司誠恐該勇撤回則本部僅五千餘人不無孤懸之慮至現在勇數若干早已報明總局何忍以多報少藉茲逗遛本司雖極愚昧亦計不出此也凡事前不豫爲

綢繆事後亦難於補救兵潰賊張現在誠爲過激之論將來恐爲先見之言伏乞大人無以爲過慮而忽之也本司投筆從戎於茲九載自分庸懦無以圖報涓埃唯此不敢避難就易之心生平差堪自信茲以本省之官勦本省之寇事難諉之他人勢難待諸異日亦何所用其徘徊瞻顧故自入柳境凡一切戰守勦撫事宜無不悉心籌畫竭力施行計圖早克柳州則廣西局勢鬆活矣唯念勇糧無著米食不敷萬一以此貽誤則本司一人固不足惜而全省局勢益不可支不得不瀆稟大人及早計之耳蓋用兵必先籌饒固不可專論饒而不論兵亦不可專論兵而不論饒本司兵已抵柳自當激勵將弁力圖克復仰慰靈

廬至於饑項仍懇大人咨商湖南作何協濟其餘仍歸何協濟  
給均候速行定奪批示飭遵並乞嚴飭總局源源籌解米糧俾  
無缺乏當茲攻剿喫緊需饗孔殷斷非空言所能濟事如以饑  
項不繼致有他虞則本司不能獨任其咎理合稟覆伏乞俯賜  
矜鑒

臨桂李樹森  
南陵胡永應  
同校



劉武慎公真牘

劉武慎公全集二十五

目錄四

稟勞制軍軍逼柳郡饒項支紬

稟駱中丞原饒暫緩截止

稟曹中丞營逼柳郡獲勝情形

稟曹中丞水陸勝賊情形

稟曹中丞克復柳州府城

稟曹中丞勦辦積匪截勦艇匪

稟曹中丞艇匪敗回象境

稟曹中丞大埤等處獲勝

稟駱中丞進剿太平獲勝

稟曹中丞破賊太平截擊艇匪

稟曹中丞派援柳郡擊賊太平

稟曹中丞石壁獲勝柳郡解圍

稟勞制軍給餼暨撥水師

稟曹中丞銅鼓嶺擊艇匪

稟曹中丞攻剿灘頭匪巢

稟曹中丞東泉柳郡擊賊

稟曹中丞連破灘頭銅鼓賊壘

稟勞制軍進偪柳郡饜項支絀

咸豐九年十二月十八日

本司質類駑駘力疲奔走謬邀

恩遇補授藩司圖報未遑悚慚交集月前曾將交卸篆務督勇  
進勦暨軍饜無著各情形疊稟憲台未審已邀鈞鑒否竊念粵  
西兵饜兩絀不自今始然前此力全危局數有成功者皆賴大  
人開誠布公知人善任有以致之也今局勢支絀方倍於前日  
而一切措置多不逮前日又以本司之迂腐濫置其閒治兵旣  
非其長籌饜尤爲所短而況地方之情形未熟上下之交接未  
深其不能有所裨益明矣然深恩未報重任難辭苟有可爲何  
敢自棄惟望俯賜憐察進而教之俾免隕越爲幸耳卑營勇饜

原由湖南支給自入粵西局面稍更饑事遂無著落昨接湖南公牘私函意以粵西能籌兵自能籌饑並有楚饑已於十月截止之信在湖南值悉索之餘原難再恃其應付而粵西甫遭寇擾丁糧無幾釐金頓減每月所入概予卑營猶屬不敷值此巨寇在前羣盜四出欲停兵以待饑則事不可欲裁兵以節饑則勢又不能惟恃空言撫慰各勇今日望楚饑明日望川饑無以示信恐轉滋疑而且日食米糧時虞不足自出省以來各勇有一日纔得一飽者有一口不得一飽者昨由省局籌撥錢數百千爲就地採辦之費無如日食浩繁立形匱乏而離省漸遠離賊漸近辦米固難解米亦難是以師行難速未遇賊而已有進

退維谷之形也現在卑營前隊已紮偪柳郡之高沙其後隊分駐雒容及洛溝等處沿河艇匪疊經擊退已多下竄城中崔廖張梁各逆雖猶負固亦正驚慌張應彪張亞代陳中林等現已投誠陳戊養伍十二周德等均願就撫看來柳郡城池或不難於收復惟是石逆尙踞慶遠餘黨多在柳境潯州賀縣賊勢方張柳城修仁並有積匪水陸旣須並進防勦尤宜兼施蕭道啟江一軍奉

旨追勦旋卽調去而蔣前司益澧被議解兵所留舊部遽易統帶恐亦難如從前得力是本司懸軍深入臂助無人顧彼則失此顧此則失彼將來勦辦更多棘手也憲台兼籌並濟恩普德

洋本司幸隸仁併敢布愚悃伏祈慈鑒不韋

稟駱中丞原饒暫緩截止

咸豐九年十二月十六日

竊本司於十二月十五日已刻接奉廣西撫憲札行湖南撫憲咨開據貴局司道呈詳查劉臬司原帶楚勇及接帶精捷勇並統帶劉道坤一新老楚勇共九千五百一十五名現在酌留若干未準咨會無從查核惟劉臬司既補授廣西臬司蕭啟江亦奉奏準留粵所有劉臬司統帶各勇及蕭道啟江湘勇四千五百名其口糧等銀請自十一月初一日起就近歸於西省按月接支至本年十月以前積欠饒銀仍由南省籌解找清各等因轉行下營奉此伏查本司自赴廣西臬任卽以卑營勇饒能否仍由湖南照常籌給稟請憲台暨廣西撫憲在案旋奉

上諭蕭道一軍留粵追勦本司所部酌量留粵時勇糧尙無著  
落正擬稟商酌留以節經費未幾蕭道全軍奉調赴皖而舉營  
已進至理定賊蹤密邇未便遽議撤留卽劉道一軍屢請撤歸  
經本司轉稟廣西撫憲亦以勦辦需人未允所請本司自愧庸  
懦恐孤憲恩祇望勇饑一事咨商定局自當一意勦賊不敢藉  
延茲奉前因舉營十月以後之饑尙無著落卽有川饑五萬年  
內可到而原在本省水陸各勇積欠較多早將此項懇擬分數  
其分及舉營者不過十之二三耳至於東省籌撥之饑現亦未  
有定議其有無緩急猶難深恃本司深入此間情形未熟籌畫  
無方值茲勦辦喫緊各勇日食猶形匱乏若楚饑一經截止必



至不能立軍務懇大人俯賜矜全恩準籌撥卑營十一十二兩  
月勇饒委解下營其劉道江道李鎮各軍俟柳郡克復後事勢  
稍紓應卽酌量裁撤以節饒需所有本司轉奉廣西撫憲札飭  
卑營勇饒應懇暫緩截止各情由理合肅稟



稟曹中丞營偪柳郡獲勝情形

成豐九年十二月二十二日

竊本司於前月二十三日曾將十六日派李鎮明惠率八營勇由鹿寨移營前進雒容各情形馳稟在案本司嗣於二十四日率中營親兵副中營楚勇精捷左營中營繼進雒容派劉道新楚各勇留屯鹿寨並招降匪目張應標陳中琳張亞代等飭令各率壯丁防堵三門江江口兩路二十五日本司率勇出三門江派李鎮率勇進洛溝相度形勢適洛溝市有賊百數十名並有賊艇十餘隻泊洛溝岸下李鎮先偵知之令各勇設伏以待自率親兵前往誘賊計可悉數殲擒賊知有伏惟依岸口拒戰李鎮乃揮伏兵繞出市後自率親勇奪路而入陣斬五名生擒

四名賊多棄器械爭走上船抽刀斷纜我勇追至岸下撲水奪  
船賊亟開礮我勇陣亡二名受傷二名李鎮令各勇退依岸側  
用劈山礮擊殺賊數十名賊遂揚帆而遁本月初一日李鎮率  
正副前後左右中九營由雒容進駐洛溝初二日黎明賊艇十  
餘隻並聯竹筏順流而下洛溝各勇以槍礮沿河邀擊子如雨  
驟賊仍退上柳州我勇奪其小艇三隻竹筏數張初四日劉道  
派隊三成捕獲大埠匪目數名初六日即率所部四營進紮雒  
容初七日本司率中營親兵及精捷勇進洛溝李鎮率前隊各  
營即於是日進駐距城十餘里之雀山蕭副將率志同軍煇勇  
來會駐歐陽村賊艇見官軍日偏計洛溝已虛即乘間東遁遁

本司率勇至洛溝派槍礮循岸擊之賊死傷甚眾我勇亦被賊礮擊傷一名初八日李鎮會同蕭副將率各勇進距城四五里之黃村李鎮駐左路蕭副將駐右路各勇正在築壘賊傾城而出悉趨左路李鎮伺其備近令各勇分三路迎擊賊判力死鬪管帶中營勇遊擊鄭金華管帶副中營遊擊戴盛寬管帶後營唐牧顯烈等大呼陷陣所部弁勇鼓譟從之斬賊先鋒十七名賊遂驚潰我勇追擒九名奪獲大中旗十七面小槍五桿我軍陣亡百長一名陣亡勇四名受傷十九名是日各勇營壘悉就初九日修治長濠並於左右岸設立水寨自是賊艇不敢上下初十日賊騎五人逕抵長濠外搗戰我軍堅壁不出惟潛伏槍

礮以待賊旋大至呼噪動地我軍度其衰竭先開劈山礮擊殺賊騎二名賊驚懼欲退我勇開壁出戰鼓角齊鳴數道並進賊悉披靡我勇追斬二十餘名槍礮擊斃無算奪獲大鐵礮一尊大旗三面長矛數十桿籐牌二面自是城賊堅伏不出十一十二三十四五十六等夜我軍更番攻城賊眾驚擾多縋城而出遁向柳城我軍遞有受傷本司竊以賊勢萬分窮蹙人數亦屬不多所以嬰城固守以拒官軍蓋恃柳州三面皆河賊艇頗眾轉瞬春水盛漲彼得施其跳梁長技並可邀象潯艇匪上援擾我後路斷我糧道不乘此時克復柳州將來攻勦更難現今本司飭令各營挑選銳卒於十八日附城築壘以便潛開地

道並於河岸造搭浮橋派勇渡河斷賊接濟該逆見官軍圍攻日偪於城上排開槍礮旋從西城外突出數百人計圖鈔襲當被蕭副將督勇擊退斃賊多名各勇亦閒有受傷者副左營百長周學韓在城下中礮陣歿深為可惜然營已偪紮賊何能為仰託威福此城當可速拔惟是成功不可豫必而後患務須早防萬一柳郡延至明春山水暴發則象潯賊艇難免上竄且柳城縣尙有賊船數百勢必出江口以入雒容永福小河為我後顧之慮雖經本司於雒容洛溝留設防兵究恐水漲之時河面寬濶陸兵不能制水賊伏乞大人機謀密運調度有方自必先為慮及應乞飭令現泊省城東門外馮登礮船俟春雨一發六

塘至蘇橋之河路可通卽由永福移赴雒容縣境之江口以扼  
上下游之衝要並懇先行咨商督憲及崑提軍於明正將現泊  
梧州之廣東水師進攻潯州牽綴賊艇無使上竄柳州卽柳州  
克復之後卑勇由陸移攻潯州與崑提軍水師可收夾擊之力  
是否有當伏候憲裁除將打仗陣亡受傷弁勇分別開具清摺  
外所有卑勇以次移營進偏柳郡接獲勝仗及籌辦各情理合  
具稟



稟曹中丞水陸勝賊情形

咸豐十年正月初八日

竊本司於去年十二月二十二日曾將卑營進逼柳郡屢獲勝仗及籌辦開隴搭橋並請飭派水師前來助守各情馳稟在案是日劉道坤一派義勇百長李永堂帶來開隴熟手八十名本司飭該勇等於城北奮勇營次度地興工並飭中營楚勇營總鄭金華副中營楚勇營總戴盛寬等於柳郡上游擇灘水淺處造搭浮橋卽將該營移駐橋頭以資守護惟因全無船隻鐵錨纜索等件乃編竹爲梁聚石爲柱是處水勢衝激致難猝就二十三二十四等夜柳城縣賊艇十餘隻運米數百碩以饗柳郡之賊於四更時分銜尾而下我勇偵知卽伏槍礮於橋上岸側

連環開放子如雨驟賊死傷甚眾仍退泊柳城本司恐賊復至  
催促戴盛寬鄭金華等趕緊造搭嚴密巡防旋據報象州武  
宣賊艇百數十號沂流上竄聲言來援柳州其前隊扒船已抵  
江口三門江等語本司飭令劉道於二十六日派任加桂率義  
勇易胡恩率新安勇出三門江李士恩率新楚前營勇鄭學德  
率新楚後營勇出江口自率親勇爲兩路策應三門江賊艇以  
灘淺難進悉退江口正在北岸擄掠聞官軍至驚走下船解纜  
南渡我勇追至岸下開劈山礮擊之賊至中流亦開礮對擊李  
士恩等令擡槍伏於岸側施放擊殺賊十餘人賊遂揚帆而下  
劉道以江口河面寬濶且距營太遠乃於三門江留劈山礮二

尊擡槍十餘桿以資守禦是夜柳州城賊各持巨斧於夜半來斫浮橋當爲戴盛寬等擊退並擒斬數人二十七日柳州賊艇十餘駛下南岸賊數百名翼之以行本司亟令右營營總謝世貴左營營總翟國彥副前營營總蔡瑞祥等各率所部槍礮沿河遮擊賊知難越仍退城下賊爲我軍所扼上下饒道不通惟恃東門對河一都米糧接濟本司札飭一都民人劉元督團駐石鵝寨並招降曾三美等以斷賊糧賊乃分眾據守通一都之鯉魚巖且出重價購買每斤米至三四十文之多一都地方頗寬人多趨利爭以米糧及一切食物饒之本司遞經出示嚴禁終不能止因飭劉元曾三美等率團往攻鯉魚巖兩獲勝仗擒

新不少惟以是巖屹立河干路極險峻又以河中賊船環列阻  
我進兵屢攻莫破初劉道委員黎星階張維美等與三門江團  
總陳中琳招降鯉魚巖內之賊黃順范中和等至是細問該處  
情形得悉巖後有閒道可以襲取劉道馳函來商並請派兵接  
應本司許之劉道於除夕親至三門江部分新楚義安各勇以  
黃順范中和爲嚮導而質其妻子由三門江渡河銜枚疾進繞  
道三十餘里四鼓馳抵鯉魚巖時城上及船上燈火甚明柝聲  
相接范中和引義勇新安勇從巖後攀緣而上黃順引親兵直  
搗賊巢賊始驚覺倉猝拒抵親兵百長何流恕身受重傷率眾  
冒死向前義安勇從巖上呼噪而下劉道令新楚勇陣於河岸

鼓角齊鳴城上守陣之賊及河中船上之賊不知官軍多少堅伏不出巖賊大懼不知所爲悉力固守劉道令黃順等前赴巖口宣布禍福賊乃求降惟請稍緩以便賺出在城眷口劉道勒令先行交出頭目李五等八名及其巖內家眷人等隨同來三門江餘眾果於是夜傾巢出降本司隨飭劉元團丁移守鯉魚巖並派志同軍二百助之城賊由是接濟悉斷極其飢困第以無路逃生只得忍死以待本司督催義勇趕開地隴復懸重賞挑選敢死士羅揚吉曾得貴龍得勝等於初日夜潛伏城跟鑿洞裝藥密飭奮勇伏於洞側其餘各勇多備雲梯均伏營外以便乘勢攻城惟飭正副中營精捷營陣於左右河岸防賊逃逸

初六日五鼓火發因藥力太小僅轟缺丈許而城身未塌副左營營總黃仲慶何通勝後營哨長易熊飛營務處哨長何流恕陳希回等帥奮勇前隊爭先登城本司與劉道李鎮帥奮勇後隊繼進正左營營總翟國彥副右營營總謝世貴正前營營總蔡呈祥副前營營總權華魁正後營營總唐顯烈及統帶煉勇志同軍蕭榮芳各率所部豎梯仰攻初賊見我軍附城築壘知開地道遂在城中備木桶數百內外密排竹籤至是人持一桶堆塞缺口兩旁翼以精悍之賊其城中老弱婦女悉令登陴守禦環開槍礮紛擲輒石卑營奮勇龔定國等執旗從缺口冒死躍登何流恕何得明宋明亮吳獎錫等數十人從之逆擊城口

之賊殺傷無數賊死拒不退並於城樓側樹柵安礮橫擊我勇中傷過多始退下缺口其各路攻城之勇亦被槍礮滾木甄石傷者不少時天已就明賊拒益力本司乃收隊回營先是柳城縣河內有賊船數十偷運米糧接濟柳州之賊其眾盤踞城內並分股四出鈔擄以致東泉一帶百姓不時驚擾該縣何令屢來請兵本司於初四日派中營副中營勇分出柳城東泉柳城賊聞兵至悉上船遁匿伺我軍收隊仍率眾出本司復於初六日令副營官鄭長瀄等引銳卒數百人捲甲疾趨日中行抵距柳城數里之平村見有賊船十餘隻沂流而上我軍排開槍礮邀擊賊船停泊河心亦開礮迎擊正在相持適何令率練丁百

餘名來會並覓漁舟數隻鄭長濬分兵登舟多帶噴筒火蛋往  
燒賊船賊懼遂遁我勇追奪扒船三隻生擒賊數名是夜賊由  
柳城多邀賊船來戰鄭長濬於河岸密伏槍礮鏖戰終夜賊始  
敗退比及天明諜報柳城賊已遁去矣鄭長濬乃派勇排解所  
奪賊船及何令所覓漁舟回營此節次勦辦之實在情形也現  
在地隴將成本司精選銳卒重懸賞銀並飭劉道於所部內挑  
奮勇數百名前來助勦務期迅拔此城盡殲羣醜仰慰憲懷除  
將迭次受傷陣亡員弁開具清摺外理合具稟



稟曹中丞克復柳州府城

咸豐十年正月十二日

竊本司於初八日曾將節次勦辦水陸各賊馳稟在案嗣卽催督義勇趕開地隴精選銳卒二十餘名申明賞罰責以必克是日晡接據謀報象城賊艇八十餘號大舉來援已抵江口及獨根山一帶先由獨根山南岸起旱運解鉛藥入城等語當與劉道籌商添撥兵勇馳赴三門江防堵去後旋又接密報城賊在內開濠穿我地隴並據開隴義勇百長李永堂等稟稱在隴內聽得城中有鑿土聲本司恐其穿透與營務處劉道李鎮熟商卽於是夜三鼓裝藥三千餘觔四鼓令李鎮督同管帶左營副將翟國彥及各營總引銳卒密伏隴外其餘各勇隨本司與劉

道繼進並知會蕭將榮芳率志同軍赫勇劉元率團勇夾攻黎明舉火城崩三丈餘聲如雷震煙瘴蔽天輒石飛半里許惟城身仍未全塌李鎮翟副將及各營總哨長率銳卒一擁登城其鋒甚銳本司與劉道亦卽督勇鼓譟從之以登初賊偵知我軍於東北角開隴乃築土城並於城牆及各街口樹柵自固至是見官軍入城遂悉退據土城及各柵內施放槍礮各勇分途力攻縱火燒其木柵奪路而入擒斬數百人土城賊亦隨潰各勇追至西門適蕭副將率志同軍赫勇豎梯入城斷賊去路賊復轉鬪李鎮等督勇奮擊賊尸枕藉餘眾走向南門我軍追至門口賊首僞元帥馮天善及各頭目率眾復戰其街市匿賊亦出

助之卑營營總哨長及蕭副將等爭先陷陣各勇亂槩並進刺殺馮逆生擒頭目偽將軍李火秀梁慶等數十人餘眾亟奔出城自相踐踏在後之賊爲我勇擒斬殆盡城內匿賊亦被各勇按殺我勇追出城外賊多赴水溺死餘走上船斷纜順流而下我勇循北岸用槍礮擊之劉元與志同軍哨長洪日高亦各率勇循南岸夾擊賊船多沈我勇浮水共奪賊船大小三十隻尙餘二百餘艘下灘行駛本司復派勇數百名馳至洛溝與原駐各勇併力邀擊先洛溝各勇知賊船必由此竄乃造搭浮橋並於洲上築壘設礮攔截賊船比賊至洛溝見江路已斷其勢益窘乃以先鋒數十人各持利刃乘輕舟前行斫橋餘船乘勢衝

過我勇環開槍礮  
十五名餘船竄至  
透出水面舟礙難  
南岸我勇復乘小  
悉登岸將餘船二  
洛溝三門江等處  
擒五百餘名所燒  
號大小銅鐵礮一  
八十餘桿大小各  
憑甚眾卑營受傷

十一名此初九日克復柳州城池及截勦賊船之實在情形也竊柳州水陸股匪乘眾固守計在忍死以待外援將來春水盛漲防勦不易爲力茲託大人福威地隴告成將士用命得以迅速克復羣醜就殲其竄匪賊船旋爲各處防勇截勦遺孽實屬無多從此各賊膽寒勦辦當易得手本司擬定各勇休養數日卽當分兵上擣太坪下勦江口務將柳郡境內一律肅清一俟善後事宜辦理就緒卑營或跟追石逆或移攻象潯再行請示飭遵惟柳郡三面皆河上下賊船尙眾必須水陸設防方可得力本司現今蕭副將派志同軍兩營入城駐紮伏乞大人速飭水師前來以資調遣至柳郡久經賊踞良民類多遷徙莠民大

聖正惟公白集卷二十一  
半脅從自宜加意拊循極力整頓地方庶有起色本司一面商  
同蘇道朱道解散餘匪招撫流亡一面札催馬平縣趙令入城  
辦理善後查柳州府蔣澤春現在馬嶺軍營未能赴任當此勦  
辦喫緊應懇遴委明幹知府前來暫行署理俾趙令及各縣令  
諸事有所稟承不至卻顧是否有當均候憲裁除將初九日陣  
亡受傷各弁勇開具清摺外所有初九日克復柳州及洛溝三  
門江各勇截勦賊船並本司現在籌請各情理合具稟  
再前稟繕就訊據生擒賊高作霖供稱官兵登城時首逆五營  
主帥崔昌尙在西門督戰後官兵從東門截住去路崔逆與僞  
瑞龍令王山公衝突不出當被官兵戮斃等語本司當派親兵

帶同高作霖入城察看尸首去後旋據高作霖與親兵由城內  
割取二逆首級回營訊據各賊及本城人民指認無異現已將  
崔昌王山公及李火秀梁慶等首級梟示城外以儆兇惡而快  
人心合併聲明





稟曹中丞勦辦積匪截勦艇匪

成豐十年正月二十四日

再太平牛嶺各匪知官軍克復柳郡必將移師擣彼穴巢遂於十五日悉眾出巢擾及古木墟十六日卯刻卑營出隊四成馳赴古木賊已遁去正收隊時接據探報該匪於十五夜五鼓已悉眾竄東泉鎮該鎮僅卑營派護米局親兵百餘名何代令新募壯勇百餘名倉猝禦敵勢殊不支經何代令王委員與親兵百長都司潘忠實鄭長希練目甘遺徽等督同各勇冒死抵拒刺斃悍賊七名奪獲大旗二面賊始敗退嗣查護局親兵陣亡四名受傷九名該地練丁亦有傷亡等語查此股積匪狡詐異常若任其分股出擾邀合艇匪截我饒道則進止轉多支吾因

商知蘇道於十八日親督中左後右副左五營進紮東泉頃報  
各匪聞官軍將至漸次縮退太坪老巢是處山多路歧中阻深  
澗附近數十里居民蓄髮久爲賊用勦辦頗難因一面督飭團  
練用助堵勦仍一面廣爲開示解散脅從務期掃穴擒渠以除  
民患而慰憲廛至運江一帶艇匪絡繹上竄約有二百餘艘雖  
經飭令張貞虎張應彪等督團堵禦並擬由雒容分營駐紮江  
口然恐雨多水漲僅恃陸勇不能抵禦仍懇迅賜酌撥師船前  
來助堵使柳郡人心不至動搖本司全軍亦得一意前進跟勦  
石逆實爲公便合並稟明

稟曹中丞艇匪敗回象境

咸豐十年正月三十日

竊本司於月之二十四日曾將楊委員督同各團截剿艇匪何代令會同各勇收復柳城及本司現督營勇進紮東泉籌辦太坪股匪各情形馳稟去後旋據探報象潯賊艇二百餘號復上連江江口一帶灣泊等語本司聞報當派駐防雜容四營各挑礮隊一成札飭委員黎星階帶赴江口等處督團堵剿復派守備羅寅前往六都白沙催集各團練勇以便夾攻艇匪二十四日接據黎委員稟稱奉札馳赴楓木村督催張貞虎張應彪等團練時白沙江口駐泊賊艇百餘艘聞官軍突至乃解纜下竄各勇丁夾岸追擊直至運江二十五日督率張貞虎及吳載熙

等各團追勦奪獲長龍船一隻大礮一尊板艇二隻擊斃賊匪  
十餘名生擒一名又據委員羅寅稟報齊集六都大新馬欄木  
範柳冲巖村新村龍村等團合力夾攻艇匪環河開放槍礮子  
如雨驟擊殺賊匪十餘名復據長洲團總張應彪六都團總姚  
文榮大新團總駱獻可潘峻德稟同前由姚文榮等擊殺艇匪  
二名奪獲黃旗二面駱獻可等殺賊匪數名奪紅旗二面所有  
上駛賊船均經官軍及各團勇擊敗退回象境白沙江口運江  
沿河一帶肅清各等情前來本司查此次各團夾擊上竄艇匪  
甚屬踴躍洵堪嘉尚自應獎賞以示鼓勵除由本司查明分別  
賞給功牌花紅銀兩已據實轉稟外再本司於二十六日率同

署雒容縣馮令前至江口查點團練察看形勢當卽傳集各團  
總諭以聯團協堵之法並令黎委員前赴麻子灘銅盆角查看  
地方是否扼要擬卽酌撥營勇與張貞虎投誠丁壯合築營壘  
以資堵禦去後仍由江口回至雒容二十八日始抵柳郡老營  
伏查此股艇匪上下游奔無非因沿河一帶團務廢弛得以恣  
其擄掠若乘此時整飭團務益以官勇扼要設防賊必不敢再  
進卽進亦無所擄掠無難合力驅除也除已委員督辦並出示  
給札飭令各團遵照合併稟明



稟曹中丞大埤等處獲勝

咸豐十年二月初三日

竊本司於前月三十日曾將出隊江口約會各團進剿艇匪肅清江面及現在籌辦防期各情由馳稟去後旋據襄辦營務處唐牧顯烈翟副將國彥稟稱二十八日探悉太坪股匪分屯大埤砂坳等處是夜會商各營五鼓造飯出隊六成遊擊劉盛調帶右營勇遊擊黃仲慶帶副左營勇由右路進遊擊鄭金華帶中營勇唐顯烈帶後營勇由左路進翟國彥帶左營勇由中路進賊見官軍將進河邊悉眾出寨堅拒橋卡並於兩旁高山列陣以待左營哨長潘大宏率勇百餘與劉元鄉導勇數十名衝擊橋卡賊眾稍卻猶復前來抵拒適右營副左營勇由山後鈔

出槍礮齊施斃賊多名又連發火箭噴筒焚燒賊藪賊方驚顧而中營後營勇及何代令練丁亦從下流涉淺擁過扼其去路左營勇奪橋而進復分隊逐之賊勢益蹙越嶺亂竄各勇跟蹤追殺約十餘里因前路山徑紛歧未便窮追時已申初始收隊回營是日共斃賊百數十名割取首級五十七具生擒十一名奪獲擡槍五桿小槍二十桿籐牌九面大小黃邊旗四十餘面查點我勇陣亡二名受傷四名查此股匪徒據險倚眾分屯村寨方謂官軍難於深入今受此痛創賊膽已寒軍心益壯仰託威福當可擣穴擒渠本司業於本月初一日由柳郡馳赴沙埠一面督飭各營乘勢進剿一面催集各團練合力堵禦並開示



被脅村寨薙髮歸團概不問罪仍擬初三日由沙埠轉至東泉督令精捷兩營及附近各團於新村山背一帶相機堵剿一俟各路布置稍定卽應單騎晉省面請訓示遵行所有唐牧翟副將在大埠砂坳進剿太平股匪全獲勝仗及本司前往各營督辦各情由理合稟明



稟曹中丞進剿太坪獲勝

咸豐十年二月二十日

竊本司於二月初三日曾將唐牧翟副將在大埤砂坳進剿太坪股匪全獲勝仗及本司前往各營督辦各情形馳稟在案嗣本司自初二日由大埤起程晉省十六日回營疊次接據營務處李鎮稟稱初二日自柳郡督隊追剿賴逆直至大塘該逆前隊去遠僅擒斬後隊十餘賊沿途村莊被賊焚掠我勇覓食無從只得收隊回營初五日接奉函示飭令馳赴大埤督催各營進剿太坪股匪爲進取慶遠之計遵於初六日帶領親兵由柳郡起程途次接據精捷營營總函報是日卯刻進剿山背先攻矮寨詎該逆半伏山腰巖內半踞山頂穴中我軍奮勇上前山

頂木石紛下山腰巖內槍礮頻施各勇受創頗多猶復更番前進用火箭火彈縱燒山腰寨柵該逆焚死及墜巖死者約百餘人惟山頂賊穴尙未攻破時已黃昏始收隊回營是夜初更於東泉營次又接翟將等函報本日辰刻探報太坪賊千餘人屯聚白馬巖下意在阻截官軍當卽商同各營出隊六成分路掩擊斃賊數十名奪獲器械百餘件餘賊皆奔回老巢我軍因離營太遠亦未窮追初七日唐牧翟副將等函商東泉各營兩路進剿適報太坪逆黨六七千人延紮石壁塘矮寨股匪現修理寨柵等語時新楚前營義安各勇與副右營先後進駐沙埠次日日出隊石壁該逆悉眾迎戰參將鄭金華遊擊李士恩把總劉

元等各率勇由中  
盛調黃仲慶率右  
副右營謝都司復  
內賊首陳戊養一  
名賊隊益亂各勇  
牆壁堅固驟難得  
勇概行掃除兩路  
勇間有傷亡初九  
勢進紮迅圖殄滅  
營仍駐紮沙埠精

及副左副右六營移進石壁正在修築營壘該逆分三路蜂擁而來明惠督令各營出隊四成分路迎敵槍礮齊施刀矛並舉右路之匪登時敗走中左兩路猶復併力死拒鄭金華謝世貴劉元等躍馬直前眾勇鼓噪從之獎賊先鋒十餘名餘皆潰奔明惠以新營未就戒勿窮追甫經收隊該逆竟敢四出尾來我軍回旗轉戰賊仍卻退惟左路副右營因哨長謝光照身受重傷判死救護被賊鈔截傷亡多名十一夜四鼓探悉賊欲乘夜來撲營盤當令各營勇堅壁勿出祇派中營小槍手數十名伏於營前半里地方五鼓賊甫至我勇開放排槍賊自驚潰拋棄器械不少黎明復傾巢而來明惠商派副左營勇擊左路副右

營勇接應中營勇擊中路左營勇接應後營勇與劉元鄉導勇擊右路新楚營勇接應先令中營親兵數十名人執一旗前往誘賊該逆漸次近營約半里許各營開壁出擊賊眾卽退明惠恐賊情狡詐令各勇列陣緩追時有騎馬賊十餘人率眾撲來我軍開放劈山大礮擊斃賊馬倒地賊眾擁救各勇逐之追殺將近賊巢忽從左路擁出千餘賊欲鈔我後我軍稍卻賊勢轉猛明惠與營總鄭金華謝世貴黃仲慶率哨長朱玉龍熊萬春胡定高等悉力抵拒正在難支適李士恩率新楚勇從右路截出刺一賊落馬並斃大旗賊二名賊始縮退時已申正乃整隊而還十三十四兩日賊均伏巢未出明惠因商同各營設伏誘

賊以期痛予勦除至十五日卯刻賊仍分股前來我軍先派四營於左路石山下及各竹叢中層層設伏繼派四營分作數路布陣營前該逆知我有備漸次縮退依山結陣誘之再四賊眾欲前仍卻相持兩時之久鄭金華率部勇衝出排開槍礮斃賊多名一騎馬賊以紅旗麾眾來戰鄭金華且戰且退將至石山傍伏多勇吶喊齊出賊遂敗走追殺里許約斃賊百數十名我勇受傷四名收隊後接到委員蕭逢漢函稱周德部眾二千餘人均經薙髮就撫昨與安樂股匪接仗獲勝定於十六日進紮離太坪十餘里之古木地方應請官軍屆期出隊以牽賊勢等語明惠卽於是夜商派隊伍五鼓造飯黎明分路進勦該逆見



我軍甫至約出數百人往來誘我各勇屹立不動賊亦不前至已刻悉眾出巢搖旗吶喊我軍仍然屹立祇用槍礮連環施放賊眾紛紛倒地漸退入巢是日斃賊甚眾我勇並無損傷各等情據此除由本司隨時批示飭令督同各弁勇乘勢攻勦並擬卽日親赴石壁新營察看情形設法勦辦外所有李鎮等先後進勦太坪疊獲勝仗各情由理合據實轉稟再本司自十六日由省起程十九日行抵洛溝老營二十日卽由東泉前赴石壁合並稟聞

再卑營勇自去臘圍逼柳郡搭橋開隴防勦並用實屬倍形勞瘁今正克復柳郡適太坪股匪擾及東泉本司以該匪恃眾據

險窮兇極惡數載於茲若弗乘勢驅除不獨爲柳郡肘腋之患  
兼爲官軍後顧之憂因於正月十九日親率五營由東泉進紮  
沙埠旋據地方官紳稟稱新村山背一帶路徑紛歧便賊鈔襲  
因添調精捷兩營移紮東泉並調副右營與新楚前營移紮沙  
埠以固後路兼助攻勦均經稟明在案昨十九日本司行抵洛  
溝老營查知各營勇積受寒濕多生病疫加之連日接仗受傷  
亦多乞假者日數十計此皆由本司拊循無狀有辜憲恩然現  
在饑糈維艱諸多掣肘將曲意慰留則莫資醫藥將概準回籍  
則誰給行糧日擊情形實深焦急務望俯念軍中窘苦迅賜籌  
撥銀兩俾得隨時支給暫濟急需無任感禱待命之至

再十七日戌刻本司道經鹿寨得遇蘇道詢悉潯州艇匪藤包  
麻等現帶扒船七八十隻停泊象州聲言合股上竄再圖柳郡  
並有悍賊數千計由六排桐木出截官軍後路等語旋據黎委  
員稟報亦同現雖撥派義安營勇四百餘人及張貞虎團勇百  
餘人駐堵運江該處團練亦屬踴躍誠恐河水泛漲該逆水陸  
並進勢難堵禦懇憲台速撥勁勇馳往麻子灘擇要駐紮扼  
賊上竄並飭催蔣守前赴柳州本任籌辦善後事宜俾卑營得  
由柳城一意前進節撥勦進圖慶遠實爲公便

再太坪頭目周德向與陳保劉八陳戊養合股滋事昨聞官軍  
進勦該逆頭目卽分紮和睦墟密邀團紳劉正業代懇投誠自

願立功贖罪本司以陳劉各逆尙在負嵎亟應設法解散黨羽以孤其勢因令委員蕭逢漢前往開導許以自新嗣據蕭委員稟稱該頭目周德率眾二千餘人業經薙髮來歸昨與安樂股匪開仗獲勝已乘勢進紮古木地方請給軍裝器械並酌撥口食以便隨同官軍夾擊太坪等語本司以該頭目實心歸順自應妥爲安置因一面製辦誠勇號片派弁解給仍一面由營酌撥銀兩暫資口食擬俟攻破太坪掃除陳劉股匪再稟請示遵酌量撤留理合稟明

稟曹中丞破賊太坪截擊艇匪

咸豐十年三月初二日

竊本司於二月二十日會將李鎮等先後進剿太坪疊獲勝仗及本司由洛溝老營前赴石壁起程日期各情由彙稟在案時猶在洛溝營次接據李鎮稟報本日督隊進剿甫離太坪里許賊眾橫陣山坡並伏左右村內中路有騎馬賊三四十人往來挑戰我軍開放劈山大礮當斃兩賊落馬賊眾爭來救護復斃賊十餘人各勇乘勢撲去兩路賊伏俱出附近巖寨齊聲吶喊李鎮督同營總鄭金華李士恩哨長楊秀棋鄧國定等各率勇分路迎敵賊殊死戰鄧國定衝入賊隊中槍陣亡楊秀棋身受矛傷猶復與營總戴盛寬躍馬衝突各刃悍賊數人餘賊由是

畏縮入巢我軍亦卽收隊等語二十一日本司帶親兵百餘人由洛溝行抵沙埠二十二日卯刻抵石壁新營隨卽周覽地勢細察賊情查太坪四面皆山路徑歧出附近巖寨多係賊巢左通四十八寨右通大埠洛崖均有股匪與太坪相爲犄角非分路進剿則鈔襲堪虞因於二十四日派三營勇從右路進紮方田以絕外援兼扼旁竄之路仍與李鎮督五營勇從中左兩路進攻賊巢該逆依巢結陣欲前仍卻我軍漸次逼進齊施槍礮賊亦以槍礮回擊李鎮明惠副將翟國彥遊擊鄭長希等策馬直入賊眾披靡各勇鼓噪從之悉逼土城南門忽東西兩門擁出賊各千餘從左右鈔來本司派鄭金華帶隊從右路迎擊謝

世貴帶隊從左路迎擊賊多迎槍倒地返奔入巢各勇團攻逾時約傷斃賊百數十人收隊後時已申正賊復悉眾往撲方田各營本司令三營堅守勿動令中左各營出隊三成由山冲捲旗疾趨計鈔賊後唐牧顯烈遊擊戴盛寬見山冲隊出卽開壁縱擊賊眾紛紛狂奔我勇兩路追逼土城生擒賊匪三名時近黃昏傳令收隊賊猶悉銳尾來戴盛寬等率槍礮隊據隘回擊子如雨驟賊傷甚眾餘悉踉蹌入巢是夜訊據擒賊供稱太平逆首係陳戊養陳保劉八王滿蔡四龔保成王軍長等七人王軍長派守西路各巖以防周德餘俱駐紮土城劉八王滿現被官軍礮傷搬入巖內養治其黨亦多隨去土城各匪甚屬驚慌

等語本司擬於二十五日派中左各營乘勢進紮旋因天氣陰  
雨山霧迷濛未能速進正焦急間接據委員黎星階稟報象潯  
艇匪四五百艘於是日乘風駛上將及運江駐防各勇出隊堵  
截槍礮環施當斃艇匪多名詎前隊各艇轉棹退下後隊各艇  
揚帆復來對岸團勇抵敵不住匪遂從南岸進泊新墟並有旱  
匪數百繞出運江後路各勇力難兼顧始收隊退紮馬關其張  
貞虎范中和之勇卽令退守江口等語比卽飭催雜容各營加  
派隊伍前往運江與志同兩營及六都團勇夾岸截擊以遏上  
竄柳江之路先是探報匪艇上泊木範本司以原派防勇兵力  
尙單且悉紮東岸難以堵禦因函商蕭副將酌撥營勇由六都



出棊運江對岸之水山並飭趙令催集六都各團協力堵剿去  
後旋據趙令稟稱郡城新復人心未定且蔣守到任無期城中  
戰守無具應請酌留蕭軍暫資鎮守等語因念下游防堵誠爲  
喫緊而郡城初復何可空虛時蕭副將已派志同兩營前赴運  
江矣本司一面函屬蕭副將暫將駐城三營留守郡城一面飭  
知趙令稟候憲示至二十六日探悉艇匪水陸並進已過江口  
並有分股竄入小河之信卑營防勇退守雒容志同兩營亦折  
回洛溝蕭副將因聞穿山尙有旱匪復調兩營由洛溝折回郡  
城查江口以上惟三門江尙爲扼要遂嚴飭雒容各勇以六成  
隊守營以四成隊往堵三門江惟洛溝僅中軍一營兵力太單

乃由東泉派精捷勇一營同往駐守二十七日辰刻該匪艇銜  
尾而進以旱匪數百循岸焚掠勢甚猖獗營總任加桂鄭學德  
陳本熾率各勇開放槍礮斃匪多名艇行自若逾時旱匪悉銳  
來戰陳本熾身先眾勇悉力衝突始將該匪擊退而匪艇已盡  
數上竄洛溝矣中軍營總鄢世堂精捷營營總劉榮合先於洛  
溝下游排列槍礮迎頭截擊斃匪頗多嗣見匪艇愈來愈多已  
有十餘艇竄向上游該將恐其登岸鈔襲遂收隊回守營盤至  
申刻匪艇聚泊洛溝隨即登陸來攻營盤並焚燒附營房屋鄢  
世堂劉榮合等以營中兵力單薄惟堅守壁壘伺匪近前以槍  
礮擊之夜分賊稍退縮本司聞信飛飭雒容東泉各營加隊馳

救並派親兵四哨回營助守酉刻接據探報雒容三營於辰刻  
出隊赴援時該逆正在圍攻兩營陳本熾鄭學德等率眾衝出  
兩營勇亦開壁夾擊賊眾返奔紛紛登舟旋有旱賊數百人從  
墟上回旗抗拒槍傷我勇數名鄢世堂鄭學德陳本熾劉榮合  
等且戰且退將及營前適精捷營續添隊伍與本司親兵疾呼  
馳至賊仍縮退申刻新楚義安勇收隊回雒賊屯紫山上舊壘  
並扛洋裝大礮數尊安置兩營前面連環轟擊兩營鍋帳鮮有  
全者幸各勇傷亡雖多戰守愈力屢次出壁衝擊殺賊亦多惟  
該逆團團圍紫兩營水米難通卽東泉沙埠石壁各營糧道亦  
塞眾心實形惶恐本司與李鎮熟商再四若弗移兵往救則郡

城勢甚可危若遽分營回援則太坪賊必復熾因派正左正右副前副右四營於四鼓出隊五成交副將翟國彥都司謝世貴蔡瑞祥等帶領前往甫至東泉探報匪已遁去緣是夜三更天大風雨鄆世堂等各挑奮勇數十名掩撲賊壘賊眾驚走五鼓遂遁鄆世堂劉榮合蔡瑞祥督同各營勇跟蹤追勦殲擒陸路尾賊十數名並奪獲小扒船數隻至巳刻始收隊回營查此股艇匪半係柳郡敗匪因潯匪不與合股遂邀同原泊象州水賊蓄憤上竄計圖報復其悉眾圍撲洛溝兩營意在斷絕我軍糧道阻隔柳郡聲援並聞欲爲太坪股匪牽綴兵力今幸兩營無恙全局猶安非仗大人威德遠布曷克臻此本司擬於初一日

親赴洛溝慰勞各勇察看情形自當酌撥營勇赴援郡城惟據  
蕭副將趙署令來稟郡中糧米無多子藥亦缺本司擬由營中  
設法籌解以濟急需伏望迅賜酌撥師船由雒容小河進泊江  
口既可以固我軍之後路更可以絕該匪之歸途並懇飭局籌  
撥銀錢子藥速解來柳俾資接濟而勵眾心本司惟當商同蕭  
副將協力勦辦務殲此匪藉紓廩懷所有卑營連日進勦太坪  
疊獲勝仗並艇匪上竄各勇沿途截擊力爭要隘堅守孤營及  
現在籌辦援勦各情由理合據實彙稟伏乞大人俯賜察核再  
參將鄔世堂遊擊劉榮合此次守營擊賊經三晝夜雖未截住  
艇匪寶屬不避艱危應請記功優獎以示鼓勵合併稟明



稟曹中丞派援柳郡擊賊太坪

咸豐十年二月十三日

竊本司於初一日曾將卑營先後進剿太坪疊獲勝仗及股匪圍攻洛溝各勇堅守孤營力爭要隘請將鄔參將劉遊擊記功優獎並現在籌辦援剿各情由馳稟在案初二日行抵洛溝接據蕭副將趙令稟函知匪艇悉泊水東一帶並有股匪藏聚廣東會館等語初三日辰刻本司率正左副右正副前營勇及中軍營精捷營各隊五成出隊鳳凰山後計在誘賊登岸得與蕭軍收夾擊之功詎該匪狡詐悉伏對岸船中訖無動靜我軍始收隊回營初四初五初六連日天雨泥濘未便進剿疊接蕭副將趙令等函告城中米糧缺乏子藥無多本司因懸賞覓勇令

乘夜雨肩運子藥米糧入城初七日天氣稍霽卽督各營勇悉  
伏鳳凰山老營先以馬隊數十人步隊百餘人至水東銅鼓嶺  
往復搦戰移時有賊百數十人亦於河邊搖旗放槍衝之卽去  
誘之不前意俟我軍撲近河邊彼得排開大礮傷我精銳本司  
見該匪不肯登岸就戮且大雨將至仍令各勇以次撤轉到營  
時已酉初矣探報該匪船隻多泊對岸祇有戰艦大小二十餘  
艘常泊廣東會館之後其匪黨不時出沒館中等語連日趙令  
來稟亦以廣東會館逼近城跟恐賊就彼開取地洞爲慮本司  
因飭各營挑選奮勇共二百餘名潛往水東掩擊會館之賊並  
令多帶火器鋤鏃以便毀館燒船隨卽函知城中蕭副將酌派



營勇就近策應卯初各勇分路撲去館中之匪悉出抵拒營總  
陳本熾鄔世堂等各率勇奮力衝擊斃賊數名除匪悉退下河  
正擬毀拆會館突從河下擁出匪黨數千餘判死來爭船上大  
礮頻開子如雨驟勇傷多名猶皆冒險力戰逾時大雨如注賊  
不稍卻中軍哨長劉玉升躍馬陷陣手刃大旗賊一名各勇乘  
勢撲近河邊劉玉升身受礮傷登時落馬各勇搶護尸首賊遂  
悉眾回戰適蕭副將督焮勇志同軍馳來策應傷斃匪黨十餘  
名追至河下而還先是本司因洛溝距城尙遠接濟難通援勦  
不易擬撥正左副右兩營與中軍一營移紮歐陽村以便就近  
援勦兼通城中接濟李鎮等以正左副右兩營原紮石壁實通

賊巢未便抽空爲賊窺破於是擬撥正前副左營勇各兩哨補  
駐正左副右舊營延至初九日兩營鍋帳始克移來又以霖雨  
重霧未能剋日進紮歐陽村致賊艇久泊城下日夜籌商莫名  
焦急昨日探報又有匪艇十餘隻業由郡西上竄是否欲與大  
埠水路各匪共援太坪抑或欲從柳城一帶掠取資糧雖經飛  
飭何代令督催沿河各團合力堵截並飭東泉沙埠各營勤探  
嚴防然該匪如果竄擾柳城邀集黨眾分出沙埠則石壁方田  
各營前後受敵勢更難支猶幸運江江口等處艇匪無多象州  
城池亦經符代牧督團收復下游局勢較前稍紓本司仍飭委  
員黎星階及地紳陳文熙韋大榮等催集沿河團練豫備截擊

禁絕資糧並飭委員蕭國瑞於三門江橫瀨灘一帶設法攔截河道如該匪糧絕勢孤一經擊退失據當可悉數殲除此連日分營回援出隊進剿及籌辦截賊之實在情形也太坪股匪疊被痛創其黨多散其勢已窮自聞艇匪竄入柳境日以百餘人或數百人往來營前山上窺我虛實初二日匪知我軍業經派隊回援初三四兩日輒敢分股竄近營壘我軍堅壁示弱賊勢益張每夜三四更卽於營旁放槍至初五日卯刻該匪傾巢而出以大股圍攻方田三營以小股牽制石壁各勇李鎮明惠令石壁各營仍然堅守自率正副前營馳往方田接應甫出沖口賊眾驚愕三營勇同時衝出奮力合擊約斃賊七八十名各路

賊悉返奔並有遁向巖砦者李鎮督同遊擊李士恩戴盛寬候  
選知縣劉長景率勇追殺直至太坪賊巢正收隊間巢內鼓角  
齊鳴復出千餘賊分路尾來我軍回旗轉戰槍礮環施又斃賊  
二三十名餘仍縮退入巢初六日賊因石壁營勇疊次往援方  
田遂於方田沖口徧豎旗幟而以大股來窺石壁營盤中營營  
總鄭金華副左營營總黃仲慶堅壁如故賊不敢前至午刻有  
騎馬賊十餘人衝至中營外濠鄭金華督開劈山大礮當斃兩  
騎倒地各營勇大呼出擊賊眾奮死逃走被勇追殺多名奪馬  
一匹方田之賊亦不擊自退初七日辰刻大坪窮寇邀集大埠  
洛崖股匪及各巖砦被脅男婦復犯方田已逼三營濠塹石壁

一路亦有千餘賊列陣山前李鎮當派勇三哨多執旗幟從沖  
內徐徐而進親督大隊卽從方田後路疾趨掩擊賊眾披靡副  
中正後新楚前三營勇分出截勦多所斬獲有騎馬執旗賊數  
人沿路督眾轉鬪疊經我勇槍礮擊退時石壁之賊尙思馳往  
救應遊擊鄭金華黃仲慶與李道本鄭連升等率勇追擊賊多  
棄械混逃兩路追逼太坪該匪閉柵不敢復出我軍乃鳴鉦收  
回是日約斃賊百餘名生擒五名奪獲器械旗幟等件甚多訊  
據生擒匪供太坪各逆勢窮欲遁因聞扒艇已到柳郡官軍分  
兵回援陳戊養陳保定計要破官營方與扒艇同攻柳郡等語  
本司以連日該匪攻撲我營志在必逞猶恐各勇勞乏難於持

久因令正前副前兩營隊伍於初八日五鼓仍回石壁初九日賊果悉眾先攻方田各營李鎮帶勇前往助戰尙在相持石壁中路復出大股橫陣山前左路村莊並有伏匪黃仲慶李道本各率勇分投迎擊賊且戰且走將近村莊賊伏盡起黃仲慶李道本悉力抵禦勢殊難支適周德率前隊至石壁馳往策應各勇合力衝破賊陣追殺甫近太坪賊馬隊復向我勇衝來勢更兇猛鄭金華率中營勇從旁擊之一賊迎槍落馬餘眾仍然卻退時方田股匪亦經李鎮明惠唐牧顯烈遊擊戴盛寬等擊敗紛紛逃走莫敢回顧我軍兩路合勢勇氣百倍追殺賊匪更多割回首級四十五具奪獲旗槍七十餘件查點各勇亦間有傷

亡此太坪股匪連日撲營我軍出擊屢獲勝仗之實在情形也  
查太坪旱匪與柳江艇匪遙爲聲援無非欲牽綴我軍使不得  
併力一處若天氣晴霽我軍兩路均可進擊一處得手則賊膽  
俱寒矣惟卑營饑瘠維艱柳郡窘迫尤甚雖經本司悉心撫慰  
設法支持常有顧彼失此之慮伏望大人俯賜矜全指示機要  
並飭局中酌量緩急籌給資糧以固眾心而保危局無任激切  
感禱之至除將卑營先後打仗傷亡弁勇開摺附呈及蕭將趙  
令守城擊賊詳細情形應由該將等徑稟外理合肅稟





稟曹中丞石壁獲勝柳郡解圍

咸豐十年閏二月初一日

竊本司於十三日曾將連日分營回援出隊進剿並籌截擊太坪股匪連日撲營我勇出擊疊獲勝仗各情由馳稟憲鑒在案嗣接李鎮稟報初十一十二十三十四等日天雨不止未便進剿賊亦伏巢不出十五日辰刻太坪逆匪悉眾出石壁先於右路各巖寨搖旗吹角計圖牽制方田各營左路亦有賊五六百人橫陣風門巖下明惠見賊眾漸逼漸近當派正前營出隊八成列陣於中營右坪派中軍馬隊親兵伏於副左營後明惠與鄭營總金華督同各勇從中路迎擊誠勇繼進時副前營勇與劉元勇從右路橫沖截出馬隊親兵與左營勇從左路村莊

鈔出該逆奔潰左路之賊亦潰我勇乘勝追勦多所斬獲追近  
土城賊復反噬各勇排開槍礮子如雨驟斃賊益眾時已申正  
明惠合各勇徐徐收隊是日約斃賊百餘名斬取首級二十六  
具奪獲先鋒賊馬一匹藤牌二面我勇受傷十餘名陣亡七名  
此十五日石壁接仗之實在情形也十六日辰刻賊復分股牽  
綴方田各營大股直出石壁層層列陣對面山腳旗幟林立縱  
橫十餘里明惠傳商各營準備隊伍堅壁以待逾時賊分三路  
漸逼營盤以馬隊十餘騎馳騁搦戰當令副左營勇迎擊左路  
以中軍親兵繼之正中營勇迎擊中路以誠勇繼之明惠親督  
正副前營勇迎擊右路並設伏橫沖相機截勦傳商已定各營

勇列隊營前頻施槍礮該逆更番衝突迄不得前明惠與權營  
總率前營百長由右路出擊鄭營總率中營百長由中路馳進  
各勇鼓噪從之中右兩路之賊勢不能支退歸大隊明惠令各  
勇陣於平隴自率親勇數人向前誘戰賊知有伏縮退入巢我  
勇亦未便窮追先是左路股匪約會石巖山寨及各畀匪土碼  
數百人直逼副左營下意欲乘隙襲營黃仲慶與中軍李道本  
百長賴錫光等率勇分兩路馳出合勦賊死抗拒李道本身先  
陷陣施放洋槍擊斃騎馬賊目一名賊眾搶護屍首殊無鬪志  
黃仲慶賴錫光等率勇乘之殺賊十餘名左路股匪望風敗走  
各勇拾取軍械甚多此十六日石壁二次接仗之實在情形也

明惠連日出隊察看情形賊數較前倍增查係新添王滿一  
及西村巖崗各起土匪如敢悉眾出犯仍當相機痛剿惟苦雨  
彌旬營後石澗山水暴漲浮橋摧折挑運米糧甚屬維艱營中  
弁勇有日得一飽者有日不得一飽者緊與賊持何能枵腹日  
柳郡被圍甚急艇匪滋擾漸寬大軍遠駐勢難兼顧不如乘隙  
回扼沙埠分營援柳兼就軍糧等語本司以所議尙合密函許  
之十七日微雨大霧明惠密飭各營二鼓造飯三鼓移營各留  
勁勇二成擊柝如故並留馬隊爲之斷後渡過浮橋賊不稍興  
至沙埠天甫明遂令誠勇回駐東泉以防山觜令正中副中兩  
營駐紮上雷便援柳郡明惠率正前副前正後副左新楚前五

五營駐紮沙埠舊壘以扼太坪正在修築壕墻有騎馬賊十數人探到莫家村當經原駐沙埠之右營劉營總率勇擊退此李鎮率太坪各營回扼沙埠之實在情形也柳郡艇匪分泊東西兩岸計絕城中資糧自十三日卑營進紮歐陽村日夜護解糧米並無阻塞至十七日南岸志同軍兩營因食盡援絕退紮竹鵝該匪遂悉數圍住北路一都土匪接踵而來而歐陽村三營猶未之知也是日城內兩營勇夫從洛溝領取米糧歐陽三營各出隊五成前往護送甫至新濠該匪數道擁出鼓角齊鳴中軍營總鄒世堂等一面飭所運米石折回營盤卽一面督率營勇分投迎擊左營營總謝世貴中軍哨長李興發鄭長希等策

馬上前賊乃退踞濠內與我勇對施槍礮鄭長希等屢次衝過濠卡賊眾冒死抵拒正擬加派隊伍併力衝擊忽銅鼓嶺後擁出股匪欲來鈔截只得且戰且退幸營中加隊時來策應始將該匪擊退我勇整隊回營十八日卯刻本司親帶親兵百餘人並新安精捷兩營各隊三成由洛溝前赴歐陽午刻由歐陽督集各勇進至黃村該逆悉伏濠內我勇誘之至再有賊百餘出濠迎敵當被我勇槍斃一名餘仍卻退本司麾馬隊親兵逐之將至打魚村左右賊爭來截我勇上前占住濠卡排開槍礮斃賊數名馬隊乘勢衝出賊不敢前我勇亦卽收隊是夜天復大雨蕭副將趙署令縉勇出城告以糧絕適蘇道由鹿寨發來米

三千勛尙存營中因懸重賞覓敢死數十人囊負入城並飛催  
正中副中兩營乘夜來柳助勦十九日辰刻遊擊鄭金華戴盛  
寬等各率前隊冒雨馳至歐陽隨卽同赴黃村修整舊營該匪  
蜂擁出濠勢殊兇猛鄔世堂率中軍勇由右路迎擊翟國彥率  
左營勇由中路迎擊謝世貴率副右營勇由左路迎擊本司率  
親兵在後接應鏖戰逾時中左兩路賊俱敗走惟右路各勇尙  
與賊持本司派都司何通勝督同馬隊親兵前往助戰賊猶屹  
立何通勝衝鋒過甚中礮陣亡各勇稍卻本司督催鄭金華戴  
盛寬率築營勇馳往策應賊始退過長濠時已申正大雨又至  
營牆旣未補就鍋帳猶在中途營總鄭金華身受重傷各營勇

飢疲亦甚只得仍回歐陽二十二十一兩日大雨不止勇病愈  
多加之欲炊無薪欲餐無米日催移營進紮幾至威賞俱窮而  
郡城被圍已久危在旦夕所解米糧莫供一粥所存子藥莫資  
一戰本司焦思無計惟有呼天而已至二十二日雨小止雒容  
局又解到米數千斛當派中軍正左副右三營出隊五成結陣  
濠邊派正中副中兩營移紮黃村舊壘志同軍營總何元鳳劉  
揚亦各率勇先後回至長塘本司爲之抽補軍裝撥給食米令  
其合成一營同紮黃村是日賊初出隊與我軍相持濠上嗣見  
三營紮就遂自縮退然自此賊悉登岸概將篷帆移置附城營  
內並更番列隊環守老濠城中粒米不能運入矣二十三日日本



司派各勇往修濠邊舊營計可就近援勦至巳刻賊從右路徑撲志同軍各營勇馳往接應該匪甫卻復前力爭不退本司督馬隊親兵陳周輔林柏等直前衝擊各勇鼓噪從之賊乃敗退時近黃昏我軍亦未及進紮收隊後遊擊李士恩由沙埠率新楚前營至歐陽本司旋即傳諭各營五鼓出隊以正中副中營勇進扼右路以中軍副右營進扼左路左營與新楚前營及志同兩營進紮濠邊舊壘次日辰刻日出霧收賊始驚覺而各勇已據濠牆各營亦將次修就矣巳刻賊分兩路徑撲左右濠卡戴盛寬鄭長瀉鄢世堂鄧榮喜等各率勇憑濠施放槍礮該匪死傷甚多猶復蹲伏濠後不時出撲均經各勇擊退移時右路

股匪盡趨左路一由銅鼓嶺前面撲來一由銅鼓嶺左首繞出緣是處濠墻先爲賊毀而銅鼓嶺逼近河岸又爲該匪必爭之地本司當派營總鄔世堂親兵哨長賴錫光等督合各勇一面抵禦賊隊一面增修濠牆殊該匪更番衝撲勢極兇猛噴筒火彈紛擲過濠我勇受傷雖眾力拒如故槍礮之中雜以磚石斃賊尤多少頃有戰艇十餘隻由水東駛下向銅鼓嶺後頻開大礮本司恐該逆上岸鈔襲復派都司林柏率親兵數十人樹幟河岸並於蘆葦中暗施槍礮該艇匪疑我有伏旋卽回泊水東陸路股匪亦隨時縮退時正左營新楚前營志同軍營均已紮定本司以銅鼓嶺賊所必爭未可空虛因令中軍營派勇三哨

副左營派勇三哨乘夜進紮三更賊復從河下來窺銅鼓嶺新營鄔世堂派奮勇出伏濠內伺其近前開槍擊之賊自驚退二十五日卯刻接據城中密稟知連夜無米入城軍民均無固志因商派志同軍與副中營越濠紮營冀通糧道各營勇均出隊六成從左右兩路逼進老濠該匪伺我軍近前輒敢橫陣濠內排開槍礮戴盛寬何元鳳等以老濠寬深驟難衝過擬卽紮營濠上以期步步逼進正在相度營基有賊五六百人從中路由濠搗戰左右兩路亦各有賊二三百吶喊前來何元鳳等督勇迎擊槍斃數賊餘卽返奔時城內亦出隊夾擊直至校場本司急麾左右兩路之勇鼓噪而前賊隊遂亂祇以西北各關久經

砌塞濠下既徧插竹釘濠上又密排槍礮我勇受傷不少始令  
收過新濠旋據探報該匪現亦加修壕牆並築礮壘本司恐其  
修築堅固倍難攻擊當懸重賞挑選奮勇誓奪老壕以解重圍  
翟國彥鄭長瀆李士恩鄆世堂等各率勇先由左右兩路撲去  
戴盛寬何元鳳劉揚等各率勇捲旆徐行該匪不料我軍向晚  
復出急趨左右悉力拒戰忽中路大隊疾呼擁至於壕上對施  
槍礮即於壕下拔取竹釘該匪力難兼顧勢更張皇戴盛寬何  
元鳳督各奮勇奪壕而入刀矛亂刺斃賊多名右路賊巢分股  
來助中路賊復反噬與我相持壕上本司令大旗親兵從旁衝  
過城內各勇亦至合力夾擊賊乃棄械混逃時左路壕上之賊

已爲李士恩等擊敗當將巢內篷帆盡行焚毀矣右路股匪恃  
壕內水深難過尙以死拒翟國彥鄭長瀆等各督勇繞向水淺  
之處奮力擊之右路賊亦敗走附壕賊巢亦皆焚毀至戌正始  
收隊回營是日兩戰約傷斃賊三百餘名撲水死者不計其數  
擊沈賊艇十餘隻奪獲旗幟刀矛槍礮百餘件城中接濟由是  
大通本司以賊未遠去恐其復萌覬覦乃派令副中營志同軍  
於五鼓進紮城邊次早兩營隊至老壕該匪猶紛紛登岸欲來  
阻截本司當催各營派隊五成分路出擊蕭副將亦督隊出城  
槍礮齊施賊仍敗走各勇乘勢逐之共殺賊百數十名餘匪登  
舟退泊南岸副中志同兩營卽日紮定柳郡陸路已無一賊矣

此先後撥營赴援柳郡疊獲大勝立解重圍之實在情形也現  
在督催各營於水東一帶修設礮臺擬派各營用劈山大礮連  
環轟擊如該逆勢窮逃竄仍當督飭各勇循岸跟追惟洛溝僅  
新安一營精捷半營兵力較單現派正中營勇回駐助守又太  
坪股匪有由山背出窺東泉之信該處原駐精捷兩營誠勇兩  
營茲復由沙埠撥回正前一營以資厚集沙埠留正右正後副  
前副左四營兵力雖不甚厚然其地有險可據且與東泉相距  
祇四十里尙可互爲聲援除將太坪柳郡兩路疊次接仗傷亡  
弁勇月摺附呈外理合據實肅稟

稟勞制軍給饗暨撥水師

咸豐十年閏二月十五日

竊本司於三月初一日祇奉鈞函荷訓誨之周詳亦體恤之備至仰見大人公忠爲

國一視同仁非惟本司銜感靡涯西省百萬軍民實受其福正欲馳稟肅謝三月二十日接奉憲台札開云云等因欽奉之下益見

皇恩憲德有加無已本司惟當淬厲士卒圖報高深旋於二十九日奉到湖南撫憲札開奏請擬於無可設法之中每月勻撥銀二萬兩解粵支發本司一軍勇糧此項銀兩將來作爲湖南解粵之款由粵彙冊報銷湖南作正開除等因遵此查卑營饗

精每月五萬有餘前經西撫憲飭省局月給銀五千兩茲合湖南奏撥之項每月只得二萬五千兩此外二萬六千兩尙屬虛懸無薄值此勦辦喫緊各營四處分布且積欠較深一時驟難議撤而各勇自攻勦柳州以來水土不服瘴癘自起病無藥歸無資顛連困苦日甚一日雖經本司宣布憲仁加意撫慰目前無饑絀兵譁之事而兵饑相懸其勢何能久持撫此情形莫名焦灼夫西省籌謀無術固早在憲台洞鑒之中而湖南筋力就疲亦難供鄰邦無厭之請此外川陝各省奉旨飭撥協濟然道阻且長緩急有無究難深恃惟有恭懇大人垂念西省軍務喫緊勇饑不敷恩準東省每月酌給若干再行



咨商湖南每月增給若干卑營勇饒有著得以一意勦賊誓掃餘孽仰副憲懷至艇匪負嵎多年欲求掃盪必水陸並用始可收功伏望迅賜飭撥得力水師二三營自桂林前來助勦肅清柳江順流而下進規潯梧可取建瓴之勢且水師得力陸軍亦可節次議減以省饒精事半功倍實西省今日軍務之最急是  
否有當惟候憲裁所有懇恩核定東省酌給饒銀并咨商湖南增給饒銀每月協濟卑營勇饒及迅撥水師前來助勦各情由理合具稟

皇元世宗本紀卷之五

五

稟曹中丞銅鼓嶺疊擊艇匪

咸豐十年閏三月十六日

竊本司於本月初一日曾將李鎮等進勦太坪回扼沙埠及本  
司赴援柳州疊獲勝仗立解重圍并籌辦各情馳稟在案先是  
二十八及二十九等日因該匪尙泊南岸商同蕭副將各派隊  
伍於水東一帶修築礮臺更番轟擊傷斃匪黨甚多三十日該  
匪伺我復出輒敢移艇北岸並分股登陸設伏低窪之處參將  
鄔世堂戴盛寬等各派奮勇覓賊伏所在拋擲火彈賊甫擁出  
我勇槍礮齊施城內各勇亦由河街馳來夾擊約斃賊三四十  
名餘悉退回艇上還泊南岸閏三月初一日天將曙有匪艇十  
餘隻順流駛至銅鼓嶺下鄔世堂等疑該匪逃竄卽出隊追擊

該匪亦卽泊艇中洲連開大礮未幾而南岸各艇悉數前來分泊銅鼓嶺左右兩岸用礮夾攻營盤鄔世堂當令各勇收隊憑壕守禦詎該匪從下游蜂擁登陸撲近三營前面本司當由歐陽村督親兵馳往策應賊始驚退翟鎮國彥李參將士恩各率勇分出逐之該匪悉眾退據河邊舊壘時蕭副將部勇亦至合力衝撲賊殊死據我軍因受傷過多至申初收隊回營本司察看該匪人數倍增志在復逞一面令副中營勇乘夜紮出頭塘仍一面飭周德精選奮勇馳來助勦是夜賊於河邊補修舊壘并安置洋裝大礮數尊轟擊銅鼓嶺營盤礮聲雷動竟夕不休營總鄔世堂鄧榮喜督同各弁勇併力固守匪黨迭次撲向內

壕均經該勇擊退次早該匪分股繞至頭塘欲劫營市副中營  
勇忽從大路截出正左營亦出隊繼之殺賊二名生擒一名餘  
匪悉退午刻周德率誠勇三百餘名至歐陽傳餐甫畢卽令卷  
旗息鼓從河邊魚貫而前本司督親兵二百人繼進距賊巢約  
里許布陣未定賊來逆戰周德葉高舉率誠勇奮力撲去直逼  
賊巢賊多出巢登舟棄械塞途旋覘我軍人數尙單仍然冒死  
轉鬪從九蕭逢漢與親兵哨長賴錫光陳周輔等督勇抵禦賊  
眾屢卻復前少頃黃村各勇與蕭軍俱至賊勢不支退伏巢內  
我軍三面環攻至酉初乃還先是傳諭城內與黃村各勇同時  
並進以爲正兵本司督親兵與誠勇由河邊伺隙撲出以爲奇

兵嗣因賊中偵知先由河邊來戰而誠勇又勢難中止以致正兵未至奇兵先出未能迅掃賊巢經誠勇割取賊首七級奪獲賊旗五面副中營勇割取賊首一級奪獲賊槍三桿是夜賊攻銅鼓嶺營盤益急該營弁勇受傷不少因商派蕭副將酌撥軍勇百名夜往助守並飛飭雒容新楚後營義安營與沙埠之副正營各挑奮勇百名星夜前來駐紮銅鼓嶺左舊壘以扼賊吭初三日卯刻匪艇數十泝流而上翟國彥帶本營槍礮循岸截擊在前三艇匪多死傷登時退下餘艇揚帆駛上將泊副中營後都司李正植復督劈山礮擊之該匪亦用大礮對擊逾時始移艇上泊灘頭詎下游巢內之賊見我軍截擊匪艇槍礮聲急

輒分股出撲正左副中兩營本司飭各營勇出隊迎勦仍督親兵誠勇由河岸掃去該匪見我軍大至卽漸次縮入巢內惟用槍礮抵拒適游擊鄭長瀆帶中營勇百餘人由洛溝巡哨至此遂與義勇繞出賊巢之後巢內賊頗慌亂各勇亦乘勢撲近忽河下突出匪黨數百人鄭長瀆中槍落馬義誠勇受傷亦多巢內之賊復分出來鈔該各勇勢難抵禦且戰且退幸新楚後營副左營奮勇與本司親兵王得勝陳周輔賴錫光黃明進等上前接應該各勇隨卽整隊回營申刻探報太坪股匪已有數百人擾及山背似有出窺東泉之意因令周德於是夜率所部勇仍回東泉用助堵守去後旋督新楚後營副左營義勇營各奮

勇乘夜紮營并令翟國彥李士恩李正植三營各派勇夫助之自是賊不敢環攻銅鼓嶺矣惟上游十餘艇穩泊頭塘歐陽之中計將分出剽劫斷我糧運初四日辰刻本司親督歐陽營親兵二百人就近進勦令副中營出隊河岸以備策應初岸上賊只有百餘人見我勇至輒縮向河邊是處故多旱港荒草塞途便於設伏親兵哨長賴錫光黃明進等列隊平岡先以火彈拋入港中火起風烈將及泊艇之處該匪紛紛登岸約四五百人奔來迎敵親兵大旗郭承鳳鄧生業段榮升等從旁躍馬衝擊副中營復沿河岸鈔來賊眾勢威登艇斷纜移泊對岸本司以艇匪漂泊靡定難以力爭若將岸上各巢盡行剗平則各艇可



不擊而自退乃函商蕭副將懸立重賞於赫字志同五營內挑  
選奮勇四更出隊往撲賊營仍令黃村各營均派奮勇以爲後  
勁屆期該勇等潛逼賊巢施放噴筒火彈焚其草棚二座該匪  
環列死守排開槍礮迄不得入收隊後賊復從河岸來襲銅鼓  
嶺營盤副右營幫帶鄧榮喜中軍哨長李興發鄭長希等先伏  
壕內伺賊近前大呼擁出賊遽驚退并有擁擠落水者初五日  
賊又於中洲添設洋裝大礮橫擊銅鼓嶺礮子著處營牆洞穿  
鄔世堂亦於城內扛取大礮築臺安放屢中賊艇斃賊頗多中  
洲洋裝旋即移去午刻探報上游匪艇還泊北岸并有零匪上  
岸劫掠糧米當派親兵二百餘人馳往掩擊該匪先於泊艇之

處築有短牆數段伺我勇至悉伏牆下暗施槍礮都司林柏守  
備賴錫光黃明進等步步逼近紛擲火彈該匪分兩路撲出欲  
來鈔截親兵亦分兩路抗拒賊傷已多曾不稍卻副中營哨長  
曹光文等率勇百餘人循岸疾趨該匪恐其乘虛燒艇仍伏牆  
內林柏賴錫光等衝撲過猛均受槍傷時近黃昏始傳令收隊  
是夜本司親督義勇新楚勇左營勇更番出隊攻襲賊營均未  
得手初六日商令各營先將槍礮手層層布置各以數十人上  
前誘賊賊意屢欲焚劫營市本司密令各營伺其出追卽向該  
處返奔移時賊果出隊紛來將近營市我勇輪開槍礮三面環  
擊匪多迎槍倒地有黃馬褂賊目十餘人率眾數百皆裸體被

髮各執火槍飛奔來戰翟國彥李正植督開劈山大礮當斃黃  
馬褂賊目二名賊眾猶判命衝突管帶義勇游擊任加桂新楚  
前營哨長千總鄧連陞各率奮勇首陷賊陣廝殺多名賊皆披  
靡敗走入巢時已午正本司見我勇飢疲令暫回營葺食仍專  
弁商知蕭軍添派隊伍乘勢合攻賊巢未幾賊由巢內復出百  
餘人往來搦戰我軍亦祇以數十人誘之賊疑我怯愈來愈眾  
一股直趨正左營前一股繞出副中營側翟國彥李正植各率  
勇上前迎敵蕭副將亦督煉勇志同軍分路助戰新楚前營勇  
與副左義誠各勇從旁擊之該匪前後受敵槍傷既多隨即引  
退各勇鼓譟乘之追數百武巢內賊目持刀麾眾督令回戰我

勇前隊佯退後隊槍礮疊出層施賊死傷甚眾衝突益猛任加桂張勝伍姚世文葉高舉等與焯勇志同軍各數十人奮力爭先刀矛相接賊皆辟易不敢復前時灘頭艇匪約三四百人蜂擁上岸計將夾攻副中營盤亦經李正植分派營勇擊退本日各路接仗先後斃賊約百餘名奪獲旗幟刀矛甚夥計自初一該匪移艇登岸我軍無日不戰惟是役足挫兇鋒然各營勇弁受傷各數十名合日前數仗各營勇皆傷至百餘人加以病疫繁興十居六七其情形甚屬可憫而值此防剿喫緊又別無生力兵勇堪資調撥只得傳諭各營暫爲休息藉慰勞苦日內該匪亦無動靜惟灘頭零匪不時出沒欲肆剽劫經本司調撥親

兵與副中營勇上下巡防途中尙無阻塞至十五夜探聞該匪已將巢中大礮扛回艇中因傳諭各營仍選奮勇乘夜潛襲賊巢因雨中止十六日卯刻賊竟直趨新楚副左義誠各勇營前翟國彥李士恩等督各勇列陣以待該匪衝撲再三均經各勇槍礮擊退傷斃匪黨多名副左營勇斬取賊首三級奪獲藤牌二面少頃賊復悉眾往撲副中營盤灘頭艇匪亦登岸列隊以圖牽綴李正植帶隊四成出營抵禦槍礮之中雜以刀矛該匪愈來愈眾我勇愈戰愈力鏖至兩時之久傷斃匪黨無數灘頭艇匪欲來助戰適本司派親兵百餘人繞出河岸該匪恐截歸路比卽折轉副中營復出隊邀之殲其尾隊賊二名并奪刀矛

十餘件此自閏三月初一日匪艇由南岸移泊銅鼓嶺下倚水  
 築營卑營勇與蕭軍先後出隊攻勦獲勝之實在情形也查該  
 匪自初六一戰死傷不少一都土匪大半散歸據各營總稟稱  
 十六日接仗賊中槍礮較前稍減似此賊勢益窮必將他竄本  
 司自當悉力追截痛予勦除第刻下江流泛漲最利舟行我軍  
 徒恃陸勇實難驅除水賊前奉憲札業經咨請督憲由東省調  
 撥師船未審曾否撥到尙望憲台再賜咨催縱此股艇匪仰仗  
 德威就此殄滅將來柳江防堵亦不能不藉資師船也愚昧之  
 見伏候鈞裁除  
 本月初一日至十六日先後勦賊傷亡弁勇  
 另摺附呈外理  
 肅稟

稟曹中丞攻勦灘頭匪巢

咸豐九年閏三月二十九日

竊本司於十六日會將卑營與蕭軍先後出隊攻勦獲勝及籌請各情馳稟在案灘頭之賊每於黃昏時伺我軍收隊輒敢出行鈔掠本司乃調東泉誠勇四百人安營於歐陽村頭塘適中之瓦窰以資防守十八日辰刻本司帶親兵數十正督誠勇鑿築營壘河岸賊數百蜂擁而來本司麾親兵迎擊槍傷數賊李正植亦帶副中營勇前來策應賊且前且卻適把總劉元投效勇數百至歐陽村前面本司令其自右路橫出截殺賊遂敗奔頃仍回旗死鬪劉元帶勇衝突各親勇及誠勇復截出其左獲賊多名賊始敗退入巢時銅鼓嶺河下之賊亦分股繞近副中

營前面當經翟鎮蕭將等擊退午後誠勇營壘築就本司收隊  
回營此後十九至二十三等日天雨泥濘不便進兵鄒世堂於  
二十二日用洋裝大礮擊破中洲賊船四隻餘艇移泊洲尾二  
十四日本司飭誠勇由營前徑撲灘頭賊巢副中正左兩營繼  
之劉元勇循河岸右路進本司親勇繼之賊列陣巢前連施槍  
礮我軍亦槍礮對擊子如雨下賊倒地紛紛旋縮入巢憑壕開  
礮我勇誘之不出大雨隨至始收隊回營河下之賊見左路礮  
聲甚急分股出撲翟鎮蕭將等亦分路擊之賊死甚眾敗向河  
岸各勇尾殺數十賊取首級二十餘具二十五日翟鎮蕭將等  
分撲賊壘賊於河岸置陣橫亘二三里欲俟我軍進撲卽由是



以襲我後蕭將帶隊先擊河岸之賊翟鎮鄴將等各營亦分路併進槍礮刀矛一時并用賊勢不支入壘施放大礮河下賊艇亦以大礮相應鉛子淋漓各勇環攻移時卒不得入二十六日各勇誘賊出戰賊迄不動午刻突由副中營一路撲來戴盛寬徐徐引退賊爭進趨利翟鎮蕭將等自黃村斜出邀之殲其前隊賊五六十名割取首級三十餘具二十七日賊仍橫陣河岸翟鎮蕭將等亦堅陣以待本司與席守寶田率親勇及元宇營馳往助戰當令哨長黃明進賴錫光率親兵直穿其陣劉元同投誠王義德之勇八十名由河岸下游橫掃其尾頃刻鼓角齊鳴翟鎮蕭將等四路并進賊首尾不接死傷甚多賊艇齊開大

礮各勇未獲窮追維時賊壘偃旗息鼓本司知其有備又時已未正各勇飢疲乃收隊回先是左路灘頭之賊於我軍接戰時搖旗吶喊而出當被誠勇擊退二十七夜本司令翟鎮蕭將等四更傳餐五更直撲賊壘各勇一鼓而入賊出不意且戰且走各勇乘勢掩殺兩壘一時火起賊倉卒溺死甚眾時已黎明正欲將壘剗平詎艇賊大股由河岸鈔出勢殊兇猛翟鎮蕭將等急出迎敵賊仍於舊壘排列槍礮各勇復環攻久之收隊而回此各營自十八至二十八連日勦賊獲勝之實在情形也本司查看該匪人眾不過數千而勇悍善鬪頗非他賊所及且槍礮甚精常伏低窪之處我軍追近輒墮其術本司飭各營接戰時

擡槍小槍派作前敵刀矛繼之夾以劈山大礮層層施放漸逼  
漸進每仗槍礮對轟常逾數時之久十六一仗以後我軍雖聞  
有傷亡而該逆就誅日或數十名或百餘名不等凶燭亦漸滅  
矣惟卑營赴援柳州以來受傷幾五百名加以病疫繁興軍士  
益形狼狽解圍而後相持又復一月老師糜餽焦灼莫名幸春  
漲稍退漸可設法驅除本司惟當淬厲士卒殲此窮寇以期仰  
慰憲廑所有十八至二十八連日勦賊獲勝情由理合具稟



稟曹中丞東泉柳郡擊賊

咸豐十年四月初二日

竊本司於前月二十九日會將卑營自十八日至二十八日連日勦賊獲勝情由馳稟在案先自太坪之賊於二十六七日蟻聚山背一帶本司知艇逆勢窮必以脣齒輔車之說慫恿該逆計將窺伺東泉襲我糧道當飭東泉沙埠各軍戒嚴以待二十九日辰刻逆黨百餘人由山背直至東泉隔溪之馬鞍山誠勇數十人逐之該逆退至巖口未刻大股賊二千餘人蜂擁而至軍功劉漢率誠勇三百人堵禦溪橋精捷勇派隊助之鏖戰片時互有傷亡忽另枝賊由上游偷渡繞至誠勇營後誠勇已空壁出戰抵敵不住賊乘勢直撲精捷營壘劉榮合林志金等堅

壁固守憑壕施放大礮斃賊多名賊環攻久之旋收至隔溪附  
近村莊屯紮時李鎮養病東泉急率親兵入營助守本司當令  
劉元帶勇於三鼓馳往應援周德帶勇二百繼之一面飛飭分  
紮洛溝之精捷勇乘夜回東泉老營并飭沙埠各營由間道直  
擣山背以牽賊勢三十日卯刻賊列隊馬鞍山騎馬賊百餘率  
眾過河由墟前圍攻精捷兩營層層密布林志金令各勇伺其  
近前用劈山礮及擡槍小槍連環轟擊賊前者旣斃後者復進  
勢殊兇猛辰刻劉元率眾馳至匹馬當先直衝賊陣李鎮知外  
援已至督同劉榮合林志金等鳴鼓而出適蔡瑞祥率正前營  
二哨勇自沙埠亦至內外夾擊賊勢不支紛紛斃水而走各勇

追過溪橋賊屢回旗轉鬪皆被擊敗前後殺賊數十人賊受傷死者不計其數劉元槍斃騎馬賊目一名奪獲旗幟器械多件初一日賊復列隊馬鞍山李鎮令元字勇及誠勇伏於精捷營後誘其過河迎擊賊游移不前李鎮知賊已膽寒飭各營三路進兵賊望而卻走各勇追至巖口始行收隊初二日林志金劉榮合劉元等出隊至巖口則賊已由山背遁回太坪矣初賊犯東泉時分股至板橋楓木翼牽沙埠一軍使不相救援唐牧顯烈派後營勇於二十九日進擊頗有斬獲惟把總張生居衝鋒過甚中槍隕命初一日唐牧復督副前正右及後營勇進剿賊望風而靡追奔十餘里旋與山背之賊同歸太坪此賊犯東泉

各營大獲勝仗之實在情形也柳江左右岸之賊於三十日寅刻奮力出撲本司知該逆現得東泉信息必致死力爭當飭各營靜以待動俟其敝而乘之賊卽環攻副中誠勇兩營副中營總李正植誠勇委員蕭逢漢戒各勇示弱不出槍礮層施賊死甚眾已刻賊已飢疲本司令親兵揚旗鼓噪而前翟鎮李游擊等亦率眾掩擊副中誠勇兩營各開壁出戰賊遂大奔各營擒斬悍賊數十名初二日賊窺誠勇營壘單虛分兩路來鈔幫辦李良喜身受數傷親兵哨長賴錫光段榮升等率眾掩至左衝右突斃賊多名賊乃敗退復爲正左營勇煉勇志同軍所邀此又柳郡連日接仗情形也本司察看柳江之賊所以忍死不去



者望太坪諸賊爲之聲援耳茲該逆不得志於東泉又不敢求  
逞於沙埠柳江之賊望絕計窮諒不能坐以待斃本司惟當督  
勵將士盡力勦辦期於仰慰憲廑除將連日傷亡弁勇另單呈  
核外所有賊犯東泉官軍大獲勝仗及柳郡連日勦賊情由理  
合具稟



稟曹中丞連破灘頭銅鼓賊壘

咸豐十年四月十二日

竊本司於本月初二日曾將卑營自閏月二十九至本月初二連日勦賊獲勝情由馳稟在案初四日本司購人乘夜梟水以火蛋延燒西路賊艇二隻賊眾大擾初六日卯刻委員蕭逢漢軍功周德等率誠勇進撲灘頭賊壘賊列陣壕前槍礮對擊誠勇勇目劉漢等左衝右突賊陣迄不爲動蕭逢漢令各勇佯敗以誘之賊蜂擁而前親兵及副中營勇從旁鈔出誠勇亦回旗轉鬪獎僞先鋒悍賊十餘名賊驚奔走入巢各勇越壕逐之紛擲火蛋噴筒灘頭賊壘三座一時火起賊紛紛下水溺死甚眾各勇斬取首級十三具並燒大小船艇各一隻是日翟鎮帶左

營勇及志同軍進撲銅鼓嶺下賊壘賊悉眾出戰翟鎮等督同各勇槍礮層施賊死傷相望中軍鄭長希李興發等亦開壁鳴鼓而出賊勢不支各勇從後掩擊斃賊七八十名斬取首級二十具初七日本司飭各營於卯刻乘勝齊撲銅鼓嶺下賊壘賊橫陣河岸親兵誠勇副中營勇三路進攻賊亦分投迎敵鏖戰逾時翟鎮率勇突出銅鼓嶺下破其第一巢賊縮至第二巢判死力拒蕭副將率焮勇志同軍繼之又破其第二巢適李興發等自銅鼓嶺後繞出第三巢之賊同時潰出燒死溺死不可勝紀維時河岸之賊尙與各勇相持本司率親兵馳至哨長賴錫光大旗陳周輔等躍馬衝出賊陣賊眾披靡翟鎮蕭將等亦分

路馳來助戰賊遂大潰河岸賊卡數處亦皆火起賊急泊向對河翟鎮等連施劈山大礮擊沈賊艇數隻是日斃賊約百餘名奪獲旗槍棚帳等件甚夥此初六初七我勇連踏賊營大獲勝仗之實在情形也旋據生擒賊供稱自閏月至今死傷過半餘賊紛無固志惟爲旱賊陳保邀留現於柳城以上掠糧並候太坪之賊前來接應等語本司察看太坪之賊自東泉受挫其勢已不能振連日沿河圍練多出堵截擄糧之賊被殲不少潯賊僞司馬朱逆百餘人運子藥回船至馬平東鄉爲軍功鄭孟衡所殲並盡奪其船隻礮位生擒匪黨四名該逆挫敗之餘孤絕無援逃竄在卽本司現飭翟鎮蕭將等於河岸扼要處所增修

營壘安置礮位日向賊艇轟擊仍準備隊伍一俟賊艇下逸節  
沿河岸轟擊以期悉數驅除本司部署營務定於十五日輕騎  
前赴西省擇期接印所有初六初七踏破兩岸賊營大獲勝仗  
及現在部署營務擇期赴省各情由合肅具稟

臨桂李樹森同校  
南陵胡永福

劉武慎公尺牘

劉武慎公全集卷二十六

尺牘上

以年次未盡十之一

上虞敬亭丈

道光三十年

我邑大難旣平各村宜趁此嚴加整頓一番方可爲長久之計  
現在邑侯戚公尙屬嚴明各村紳士儘可請立團規互連保結  
庶匪徒復還愚人不得被誘正人不致受累矣一鄉有一鄉之  
正人一村有一村之正人各嚴各鄉各防各村各爭一鄉一村  
之氣節聲名各保一鄉一村之身家性命我邑雖僻不難變爲  
樂土也去冬言及此者頗多不知近日能行否茲並詢之

致左季高幕府

咸豐七年

初六日金步高齋呈公牘並附一函計入台覽十一日接誦初  
六日手書敬悉壹是茶防永防皆不可緩中丞公前調余江兩  
軍亦權宜救急之計其實得璞兄一軍彼兩軍儘可不來未審  
王璞兄初八日曾否起程盼望之下用深焦急論此時勦臨全  
局自須守住峽江而以一軍斷新淦援賊之路我軍與樟鎮水  
師通氣則臨逆出沒不能自由勢將坐困此處當吉撫建之衝  
非重兵斷難得手況敝營新挫之後必須與璞軍同進紮穩打  
數勝仗方可徐商分扼援賊之策今午接黃南兄信欲璞兄至  
分軍扼永豐以絕吉援蕭濬兄信欲璞兄至分軍出上高以清  
臨江西北不思臨江近城地勢寬敞用眾之地添璞山一軍兵



力亦非甚厚何能遠顧永豐鶯哥嶺一路在城西北援賊之來必由新淦爲臨南路弟與璞兄紮至黃岡一帶在城西南頗受其衝而賊之在西北者聞我軍復至必且折回西南濬軍之力似可稍紓且黃岡嶺與鶯哥嶺相距不過四五十里兵力旣厚自可策應若竟能斷新淦來路則西南營盤亦不受衝矣紛紛之論惟老兄熟籌詳示爲荷賤軀日患泄數次精力頓減以致尙稽分宜莫名焦急祇望璞兄速至則仔肩稍寬瑞城速下則局勢易轉耳峙兄忠義英果一時無兩猶見吾宗大有人在老兄之賞識信不虛也敬之慕之惟應愧死力疾率泐不盡欲言

復左季高

咸豐九年

二十四日奉到十二日復示詞意懇到感佩何可言喻惟勉爲其難以副後望云耳倣軍留粵斷無久用楚饗之理弟此時局勢實難自立老兄固能諒之中丞公與總局諸公亦必不忍置之也席研香計已抵省當可面陳一切矣此閒首席祇能籌兵未能籌饗近於兵事亦不肯出一籌各郡屬有請兵者概飭統兵官調撥堵剿並不計其力之能與否是大可憂也承示將有都門之行似亦無須汲汲設出幕卽可以息謗而入都竟可以辭世耶老兄去留關係非小幸稍躊躇至於息謗之道不過於論事之處聽言之閒稍加慎密在幕宜然在都亦宜然想大賢修省有素無俟鄙人之瑣瀆也十年知好敢布區區

致王人樹

咸豐九年

兩奉手教以連日出隊未及裁復良用歉然敝營於初九日進  
勦盡破城外賊巢殺賊數千溺死無算餘黨有從浮橋逃過西  
岸者亦有從甯遠來路去者正擬督隊跟勦探報另股賊援已  
至遂與味根兄商催各營移紮近城西北一帶扼要以待如託  
威靈將此股援賊再予痛懲則我省全局之幸也惟聞此賊仍  
於上游搭有浮橋其大隊悉屯爐山菱角塘一帶逆首陳宰制  
因僞經畧蕭萼昨伏顯戮誓決一死爲蕭報仇如永城再不能  
破卽率眾由邗趨衡等語弟昨函屬奈楊兩軍仍紮西岸與李  
金暘共堵西竄之路今晨敝營移至城前奈楊兩軍已先我渡

河並不駐紮西岸殊屬可怪之至弟現商定俟在此閒一二仗  
賊勢果窮我軍卽分軍西渡以遏之所慮此時西岸空虛祁陽  
雖留有敝勇五百安勇七百恐難遏其凶鋒且賊旣搭有浮橋  
非水師斷難爲力王總戎不知何時可到如已抵衡乞爲促之  
若遲來恐於冷水灘蔡家埠搭橋浮渡則水陸皆賊彼之聲勢  
相聯而我軍在賊圍中事更難濟矣弟無長策惟竭力以圖之  
尙望指示方畧俾得迅除窮寇勿貽後患是所切禱

致文式巖方伯

咸豐九年

再承垂詢此閒兵饑事宜具見關注逾恆曷勝感激某素庸懦  
往時以紳士奉檄援剿不獨饑事無庸顧慮卽兵事亦皆有所

秉承然猶功少過多時煩廛念茲乃以勞乏之餘遽膺重用  
兵既非所長籌餼尤爲所短而又地方之情形未熟上下之交  
接未深數月以來直如盲人帆海俛俛何之惟懼顛覆大公祖  
其何以教之也粵西兵饑兩絀不自今始第上年祇有本境積  
匪防剿甚易爲力今石逆大股盤踞慶遠各處股匪因之益張  
外郡請援者日數至則籌兵更難矣上年祇有蔣薌泉一軍本  
省釐金月得四五萬兩尙資接濟今做軍人數倍加潯梧之路  
梗塞不通各處釐金日形減削則籌餼更難矣夫兵事之難尤  
可勉爲而餼事之難實形棘手現在做軍已至柳境日需餼銀  
無從取給日食糧米籌辦萬難而外營水陸各勇其窘苦情狀

更有不堪問者某於此時欲裁兵以節饑則勢有不能欲停兵以待饑則事有不能憂思獨結進退兩難祇望始終成全暫準接濟自當淬兵勵士畢慮殫精以期無負厚期稍酬恩遇明知楚饑拮据非同疇昔然離苦之中惟呼慈母想大君子宏濟爲懷必不忍拒此無厭之請也

致張小浦先生

咸豐十年

佑自六年春謬領征車赴援江右奔馳戎馬三載於茲至八年冬始克蕝事凱撤南旋滿擬歸山藉圖休息乃征衫甫卸羽檄頻催以石逆由南安闌入楚疆奉顙門中丞飭令挑集新勇星馳援勦桑榆之故何敢推延於二月閒成軍由籍起程轉戰永

寶各郡屬幸叨福庇獲解城圍八月復奉援勦粵西十月祇奉  
綸音陳臬開藩恩加不次尋以石逆窮竄慶遠柳潯土匪鴟張  
亟需勦辦於十九日交卸印務率師出省進取柳郡屢獲勝仗  
正朔九日地道告成克復城池俘馘二千餘人匪首悉就擒斬  
三月移師進勦太坪墟積匪正在得手詎象潯艇匪乘虛上竄  
圍攻柳州聞報回援幸一晝夜而三克捷城外賊營盡行踏毀  
斬殺甚眾轉危爲安越數日賊復冒死依水紮營於東西兩岸  
又經我勇痛創破其巢穴勢極窮蹙敗向對河弟以陸勇而制  
水賊一時驟難撲滅兼之此地糧饟兩絀羣盜如毛勦辦殊費  
手力耳敝部八千餘眾月需饌銀五萬餘兩除湖南每月協濟

二萬外別無可恃之款眾勇嗷嗷負欠數月近來病疫繁興醫藥無資更形困苦先生其將何以教之清和之日於龍城營次接準部咨晉撫西粵比將營務部署二十二日回省接印視事才輕任重兢惕良深值此賊氛四起兵饟兩籌事之爲難徒增焦灼尙冀不遺在遠惠賜南鍼俾有遵循是所跂禱

上駱箭門師

咸豐十年

長佑夙蒙栽植屢荷陶成援粵以來復承逾格關垂協濟軍饌感泐實無涯涘刻下蔣道一軍由平樂進勦連獲大捷陶村清塘公會一帶以次廓清昭平解圍軍威大振惟巨逆陳金剛等久踞賀邑實爲粵西肘腋之患吾楚藩籬之憂長佑飭令蔣道



乘勝進攻幸將賀城外賊營盡行踏破逆勢極其窮蹙前承惠  
飭劉道不分畛域越境會勦先克富川可勝感佩茲賀縣又有  
可圖之機長佑已咨催劉道督師再進冀與蔣道進規賀城緣  
陳逆狡詐異常不乘此時進圖勦滅必將另邀股匪牽制我軍  
且賀縣界連三省非合軍圍勦又恐勢窮潰逸滋蔓難圖再四  
思維惟有仰懇垂念賀賊有滅之機迅賜飭催劉道一軍來賀  
會勦無任感激祈禱待命之至石逆爲各處土練所敗近由慶  
遠竄向南甯聞前隊已渡橫水惟原竄羅城一股或指爲賴撥  
皮或指爲曾宰制於前月杪悉眾由融縣渡河擾及永甯柳城  
雜容各界計在塞我柳郡糧運以便合圖郡城而土匪龔保臣

黎得玉王采茂等復各率眾爲之先鋒又有陳保劉八蔡四謝八陳戊養廖明盛由西岸下竄柳郡艇匪因而旣散復聚勢更鴟張長佑舊部近因病疫繁興饒需告絀未能分投兼顧業由省派撥陽勇桂勇共千五百人由永甯雜容兩路前往助勦仰仗福威將柳郡水陸各匪次第戡除當可分軍西渡躡石逆爲東南除此巨寇也

再石逆大股竄向賓南其分黨又已由融縣竄向柳城是湖南西路之防尙緩可否惠飭駐靖江道一軍由懷融前來會勦以靖邊患之處均候鈞裁

復蔣薌泉方伯

咸豐十年

奉到手翰得悉一切土惡巫義隆等既獲梟示從此匪黨斂迹全境可望肅清矣貴營兵勇病疫繁興自係實在情形弟前此促其進剿下郢因聞制軍有添撥兵勇來西會剿之信而西省此時局勢非仗麾下得勝之師疏通河道亦實難於支持也營勇病多自不能不稍爲休養以示體卹尙望作速整理乘勢進取爲要石逆餘黨眾約三萬一由永甯至義甯之楓山一由中渡出永福之黃冕楓山之賊大半投誠其餘黨由靈川竄出大蓉江弟當派隊伍督令投誠各勇跟蹤窮追沿途擒斬甚多黃冕賊匪經李孚吾鎮軍督率柳州營勇追剿大獲勝仗擒斬千餘名弟復派令姪鏡秋兄督催各勇馳往夾擊該逆窮奔義甯

仍星夜竄出靈川頃聞各勇亦已追及諒此餘孽斷難漏網也  
謝副將一軍俟其收隊回省再加整頓卽飭趨赴行營賀邑善  
後事宜前已商派蘇虞階觀察前來接辦茲因督辦安撫約在  
秋節後方可蒞事也閣下心存大局眾所深知省中疑議弟實  
未之前聞

復王少鶴員外

咸豐十年

江左糜潰之餘得曾滌帥挺身力任左季翁佐之當有起色浙  
事稍紓江北更穩若安慶指日恢復長驅東下金陵亦不難底  
定也駱篋門先生有入蜀之  
命湘南局面當爲一變十年籌畫四面撐持鄰封猶賴之楚人

能勿思耶做部轉戰柳境將及一載祇以潯州艇匪往來上下各處土匪起而附之我軍向無水師宜乎用力多而成功少也猶幸士卒用命陳保就殲周德歸命土匪多散艇匪亦縮退武宣現在新募水師橫鎖江口並撥陸師夾水築營以助堵禦柳郡足可無虞矣石逆自慶遠窮竄南甯復經兵練痛擊敗退思恩賓州精銳多損黨羽亦攜僞軍制余忠扶等血戰殆盡內五旗張志功等率眾來歸僞大國宗石鎮吉爲安定土練所擒其黨潰奔黔境尙在獨山一帶似此賊勢日衰窺蜀之本計當亦不戢而自銷弟現擬分軍將太坪長安零匪以次翦剔一面長驅南渡並號召鄉團以圖石逆如獲就此殄除大憝則東南之

幸也。鄴泉此次復出軍，威頗振。五月內攻克賀縣，近得東師於懷集，封開各屬分投堵剿。鄴泉一軍得以一意進圖下郢矣。頃接辛翁書，復由東撥勇來梧，會剿府江一通西省全局。皆活潑郡，或亦無難廓清。惟是軍精支絀，兵瘴繁興，山陝之饑固屬空懸。湖南之饑復形減少，鄙意請將山陝應解粵省之饑移解皖北，卽以湖北應解皖省之饑撥解粵西，彼此較爲便易。未審能邀

俞允否？勞制軍力籌全軸，素所感佩。月前已撥解東饑三萬接濟鄴泉軍營，稍蘇涸鮒。此後如能源源解濟，則幸甚耳。

復趙玉班觀察

咸豐十年

石逆之走貴州廣順者是其前隊竄南甯思恩者是其後隊而其分擾融永者又實係後旗之賊合沿途裹脅土匪約有二萬餘人弟現調數營由義甯追截計與綏靖防軍約會夾攻如能趁此窮蹙之際聚而殲旃一大快事東匪竄近連州郴桂戒嚴凱章兄奉調東下有楊立甫兄諸軍堵禦當可無虞吾楚自江忠烈公以後將才蔚起其捐命疆場者奚啻千百英風浩氣凜凜如生固已光爭日月炳耀鄉邦矣茲讀詳奏各稿請於忠烈諸公專祠之外復建表忠祠並設立求忠書院益見吾楚官紳景仰蓋臣忠義之風聊爲俎豆馨香之報而其兼爲忠嗣計者更詳且盡也謹當稍竭緜薄以襄義舉並將所寄三十分轉達

敝部各營官百長俾其量力捐輸諒無不踴躍從命也

致曾沅浦

咸豐十一年

四月十七奉到三月二十五日手教祇聆種切狗逆計窮心急  
疊次悉銳來援經老兄沈謀靜慮戰守兼資練潭之捷益足張  
軍威而寒賊膽皖省克復指顧可期大江南北行將以次掃清  
矣滌公移節東流足以兼顧吳皖吉州之賊聞已爲鄉團所逐  
其勢殊不及五六年之橫似尙易於驅除加以左軍肅清景鎮  
餘孽回竄婺源則章江東南西三面仍然無恙卽令瑞臨不靖  
而湖南尙可移東路之防兵與左軍約會夾擊其或鋌走九江  
亦必敗殘餘賊無能爲厲矣楚北軍情日內未得確耗然有李



希翁全軍回援劉靖兄復由荆襄東下而大軍與多都護之師  
又足以截其去路計賊必仍由豫楚界上遁走當不至有蔓延  
也此閒軍務實因土匪歧出多所牽制刻難收功兼之饑精空  
虛緩急不能應手卽如弟部楚勇欠饗已逾一年而湖南廣東  
協饗雖疊次咨催奏催仍然分釐不解萬餘人待哺嗷嗷形同  
餓殍其暫免譁潰亦云幸矣又何能責以死力耶鄴泉應調之  
遲速總視潯郡之克復爲期頃報渠軍進至藤縣已兩獲勝仗  
家峴莊由柳督軍轉戰而前亦已駐定象州探悉潯匪勢殊慌  
亂不日兩軍約會逼攻或亦易於得手矣貴州荔波股匪初由  
黎平竄靖州旋由通道竄龍勝彼處猺練憑險截擊乃翻山潰

出桂林靈興一帶峴莊自柳州派勇三千人馳來堵剿沿途爲  
溪水所阻至興安始獲追及賊蹤縱多所斬獲卒難遏其他竄  
惟望味根等吾兩軍於楚邊迎頭痛剿聚而殲之或不至再爲  
江西之患也

致江薏臣

咸豐十一年

正擬肅束奉迓適接賜書具承獎飾愧甚感甚昨因黔匪擾及  
桂林駐省之兵僅資守禦遂於柳州調回數營使之跟追尙嫌  
其薄用以兜勦力實未能欣悉大軍不分畛域進駐全州虎威  
所臨賊膽已破比屬翟子英易虹橋諸君督率各勇由靈興一  
帶相機追剿冀與大軍收夾擊之功乃以天雨不休河水暴漲

致有稽遲而此賊亦幸我兵未至且行且止殊爲恨人昨接子英書各勇設法渡畢探報賊尾尙在高山田正擬整隊馳往追截適雄師鼓行前來士卒之氣倍形奮迅現已商同由柏子鋪分投進剿不日當有捷音云云第念興全灌交界之處山徑紛歧逆賊勢窮慣走偏僻小路我軍進剿時仍須先發確探隨地布置以防埋伏鈔襲詭計想兄台智珠在握定能謀出萬全無俟鄙人之瑣瀆也承示軍餽萬難自係軍中通病已屬敝糧臺勉措銀五百兩現由貴勇帶去二百兩再由全州撥交三百兩涓涓之滴聊沃釜焦尙希曲爲諒之

致勞辛階制軍

咸豐十一年

四月二十二日奉到三月初一十四日賜書於此開用人理財利弊所在指示極爲周詳佩甚定番股匪初由黎平往攻靖州不克乃襲陷通道由古宜翻山出義甯沿途爲猺練所阻殲擒不少時省中兵勇僅數守禦劉峴莊由江口撥四營冒雨趨行邀賊靈川未能得手其夜賊卽東渡我軍追至欲渡無舟乃由溶江繞赴嚴關適江味根派勇三千人自全州來會與賊戰於高山田仍然不利頃報賊已由灌陽竄去其志在假楚入江又無疑矣石逆達開尙在上林各土匪附從者多叛去者亦復不少徐引與郭承修在彼辦理稍有端緒茲又委陳瀚前往助之石逆惡貫滿盈或可就此殲除岑容之匪蔓擾信宜乃勢所必

至將來潯州餘孽窮竄東境其事亦在人意中然賊果盡失巢穴其黨日分其勢必孤無論在東在西剿辦較易嘗謂髮逆積惡十年流毒數省皆意存畛域者階之先生一視同仁公忠夙著稍有人心應其諒其無他矣蔣軍轉戰而前已距大烏墟不遠益以東師水陸繼進當可直擣潯州劉峴莊一軍由江口分路進紮已破石瀧賊巢祇俟赴省追賊各勇回至象州亦當步步進剿與蔣軍收夾擊之力所慮者湖南廣東兩省協饑今均未解過分釐營中貧苦日甚一日士卒之氣不無少沮耳皖賊分股竄蕪黃並擾及隨棗一帶武漢戒嚴荆襄亦爲震動賊意在牽制皖北諸軍以解安慶之圍李希庵自桐懷全軍回援籛

公復分軍自荊州壓下度不至有蔓延也江西積數年之休養仍不能稍固疆圉滌公饒源自此竭塞間有退紫東流之信幸左軍樂平之捷聲威大振景鎮賊退婺源撫建亦復瓦全惟由吉安趨臨瑞一股勢仍猖獗吾楚東路之防又爲喫緊矣

上曾滌生閣帥

咸豐十一年

五月二十三日奉到四月二十九日復示敬悉賊由饒廣趨撫建大軍饒源必塞眾志易搖長佑亦早爲慮之季翁能以新軍當積寇以孤軍禦羣兇使賊不敢逼饒廣並不敢圖撫建饒源如舊軍心益堅此固季翁之兵威亦皆先生之福也狗賊伺閒襲斬黃又擾及隨棗其意無非欲解安慶之圍李希庵舒都護

勢不能不回援而沅翁能堅持靜鎮環攻如故使狗逆計不得逞希庵得以一意顧鄂此固先生之威靈而實沅翁之力也竊意此次賊雖取勢於千里之外而我又何止制勝於千里之中看來東南大局大有轉機邊遠勞人實深慶幸想先生必不以此言爲諛也薌泉於三月初由東返梧四月內進軍藤縣彼處股匪歧出尙須轉戰而前劉峴莊現亦部署水陸各勇由象州武宣進發與之會勦祇望鄰省協饗稍爲撥濟當不難剋期奏功矣承示極望增兵惟憂缺饗將來克復潯州薌泉應調赴皖應帶原勇若干仍候鈞裁大約帶勇愈少則起程愈速然非尊處明示定數恐渠總以多爲貴也貴州定番股匪亦係石達開

散黨此次由靖州折竄桂林意實欲尋舊路入江西峴莊由柳  
州撥勇四營馳回堵截各屬團練悉出助勦追至灌陽楚兵亦  
抵界上賊首余成義自殺其副舉眾乞降現已概爲安撫分別  
遣留其亦先生解散歌之明效歟

致蘇虞階

咸豐十一年

連日乍晴乍雨行路頗難念本日兩接楚軍營稟報各降  
眾似尙未出灌境自精捷勇招去以外現存不過四五百人想  
台從到時或遣或留定易蕝事矣惟恩建兩鄉團藉阻降眾劫  
殺官兵殊出情理之外招降本今日要着屢奉  
上諭諄飭各省督撫及統兵大員欽遵辦理在案其非粵省官



兵之過亦非楚軍將弁之罪明矣且此次股匪實屬勢蹙乞降  
並自殺首逆出獻又何嘗因楚軍招之而來弟得鄒鎮蕃報卽  
批令商同地方官紳暫爲安插並屬各營總仍須約會團練嚴  
爲準備以防意外之虞又何嘗是楚軍專攬其事如謂官兵從  
前不能取勝官兵又豈有意取敗死者傷者無非爲求勝而傷  
無非爲求勝而死也如謂團練獲勝官兵不來助滅此賊試思  
官兵縱不願因人以得功獨不願因人以得財見賊已敗故意  
落後必無是理且查楚軍初在界首因水漲不能過渡繼在石  
塘因無米不能過行其情亦實有可原也如謂未見告示猝帶  
降眾過境團練不能釋疑昨據灌陽陳令稟報曾經關會州城

文武請其傳諭各國並經商屬管帶全勇之營官沿途先爲勸導是亦可以無疑矣且降眾縱不可過境官兵亦必須回營豈有明知爲兵故指爲賊先脫其號褂繼奪其軍裝終至割其首級似此行爲又尙得謂之團練乎楚軍自九年來粵死於鋒鏑死於瘴癘者今已過半而其存者欠饑至四百餘日衣食不給醫藥無資窮苦萬狀不忍聞見然猶復跋涉長途觸冒鋒刃不卽譁潰不敢騷擾是亦可以告無罪於地方矣今恩建兩鄉如此欺凌不但無以處各營之弁勇且並無以處弟矣老兄素得全民全民亦深德之此事務望分神體察妥速處置是所切禱

致左季高京卿

咸豐十一年

不奉音教忽忽月餘嚮慕之忱與日俱積當賊之直趨饒廣分  
擾撫建志在撓我後路斷我饒源使之回援不獲進取其勢亦  
岌岌難支矣而老兄以新集之師禦慣戰之強寇以數千之眾  
挫巨萬之先鋒卒使滌公得免後顧章門得無他虞祁門諸軍  
仍得併力東征分援北岸微老兄之力其誰與歸耶此閒軍務  
節節爲之殊費手力薌泉於三月初由東返梧四月內進軍藤  
縣屢獲勝仗彼處賊蹤水陸歧出尙難直抵潯州昨已會督東  
省水師由藤平轉戰而前並約同峴莊一軍從象武南下與之  
夾擊如天之福潯州速克廣西事尙可爲也峴軍自今春大破  
艇匪後其前隊已抵象州本可乘勢徑趨潯郡以獨山定番之

賊相繼入粵分營回顧致滯師期現在定番股匪悉眾投誠各路追兵當可以次撤轉剋期會剿矣惟此軍饟精久匪病疫仍多營中得力之人漸就散失鄰省協濟之項盡屬虛懸日擊情形不勝近憂遠慮耳石達開與賴裕新陳亨容各率數千人分距上林賓州句結土匪以爲藩蔽弟先後派人招撫土匪聯絡鄉團計在不煩兵力務殲渠魁近日稍有端緒未審果能如願否賓上一帶十數年來土匪充塞米糧無出瘴癘更多亦實非兵力所能及也

與翟子英

同治九年

再細詢令弟知轄境民俗雖強軍政猶簡吾弟年力富盛正宜

及時講求武備審察邊情其於考補缺額尤須留心勿忽爲要  
早晚無事請淑昆兄將史鑑中功臣名將可法事蹟隨意摘錄  
或讀或講記之思之最足以增長識略策勵精神較之聽雜劇  
賭博蒲縱酒戲談所益多矣我輩受

恩深重惟思竭力圖報切勿稍耽安逸虛擲光陰也

復總理衙門

同治元年

前在潯州軍營接奉賜函以廣州城內查辦賊匪曾邀英國撥  
船幫辦未經知照法國該國駐京公使頗有煩言屬爲查辦並  
承示嗣後查匪等事不必借助外國倘有必須知會之件亦須  
兩國一律辦理不可顯分軒輊等因具荷指示周詳撫馭務歸

平允曷勝紉佩亟應循照妥爲查辦維時潯州軍務未得接替  
赴任需時且此事係勞制軍經辦自必有因當卽先行密函切  
致勞制軍查復旋接復函內稱廣州查拏會匪黃金籠等案內  
英國撥船協同防守原係英國羅領事自願撥來相助並非出  
自中國相邀至法國領事其先並無願撥之言是以中國未便  
輒向法國借助且英國撥來船隻未及旬日旋因內地安靖概  
已撤回香港現在法國亦無異言至拏辦會匪黃金籠等一案  
並經先後奏報有案等語弟到任後查係實在情形接見法國  
領事官亦未據再提及此事似可毋庸置議惟查法國初與英  
國同入粵城並駕齊驅原相朋比迨事平後其心未免相忌其

勢遂兩不相下故遇事每欲抗衡在  
自應概予羈縻誠如來示不可顯分  
後遇有交涉事件總當熟審機宜持

致總理衙門

同治元年

現據法國李領事伸陳以伊國駐京  
教習內地官兵等語因查案卷未有  
各請核示遵辦惟查法國此舉亦因  
辦有成案故請援照辦理似不能不  
稱法國已派定武弁一員兵丁十五  
性情急迫一經到省必須速爲安置

弁兵到日卽查照前辦英國成案酌量選撥旗營官兵前往會同練習一切薪糧等項悉照定章支給以示持平而免藉口但粵省旣邀英國人教習每月薪糧已屬不貲今又邀法國人教習照支薪糧所需增鉅且撥出官兵陸續添派日益加多無所底止經費支絀籌畫維艱而事關中外要需又不容稍有延誤與其臨時竭蹶何若先事綢繆可否將內地撥往練習之官兵酌減定數以五六百名爲度其教習日久已經嫻熟之人卽令回營自行操練另換新手前往補額練習如此立定限制似亦變通之法是否有當尙祈酌示俾得循照辦理爲荷

與李季吾

同治三年



接閱前函知吾弟未與壽泉觀察同赴獻縣衡水看操深爲怪之頃聞壽泉觀察於查看貴本部永清營勇時吾弟亦未同往殊不可解各營勇日久生懈既有委員來營查看吾弟正可藉此申明振作何得置不理會兄不委別員獨委張道因渠係同鄉且曾住過軍營略知楚軍舊習使吾弟及各將弁易與周旋乃竟不體會此意使各營弁勇皆有慢心此舉不幾虛設乎兄與通省提鎮各標均派道府就近按月會看一次無不鄭重其事楚勇爲兄親戎弟又以久任總鎮奏派全軍統領何得玩視操防爲此邦士人所輕爲同鄉諸人所輕也耶吾弟卽不忘永州亦當思所以善還永州吾弟卽不思直隸亦當思所以善去

直隸且東南賊勢尙在蔓延我輩軍功起家斷難安坐不動而況

君恩未報抱愧方深又何敢自負微勞輒思安逸耶楚軍惟我兩人得官較早在任較久此數年中果能事事可封

君上事事可對兵民事事可對楚軍同人乎茲姑不具論弟年小兄十餘歲精神力氣亦當十倍於兄就前日兄作巡撫弟作總鎮而論所任之事孰難孰易就今日兄作總督弟作統領而論所辦之事孰勞孰逸此不但我兩人知之楚軍無不知之兄醫藥相隨於今八載精力日減百病叢生然猶不敢自惜不欲自棄思勉其力所能爲盡其分所當爲豈戀爵祿固寵榮哉亦

祇以

君恩未報不敢告勞耳吾弟年力有爲功名福澤未可限量卽令受勞受怨爲

國家再辦十數年事纔是兄現在年歲彼時世界太平身家安樂享受仍是縣長也勉之望之敬聽勿忽

上劉峴莊叔

同治三年

八月十三日古北口行次接奉七月十三日手書十四紙備聆種切欣慰奚如溥事曷有變動經吾叔慘淡經營千磨百折始獲收功方之文成不多讓也回省不接篆固可以一意休養亦可以愧天下偷安恬寵之小人佑於此甚服吾叔之卓識爲不

可及矣王逆旣除思南餘孽得鴻橋霖生諸君分出埽蕩當易  
歲事兩江旣通稅釐日益楚軍饟糈自不至如曩歲之爲難每  
念前此死於鋒鏑死於瘴癘及因飢苦而流離道路輾轉溝壑  
之楚人輒爲之寢食不安茲託威福克竟全功擬於潯柳兩郡  
建祠以祀死者請商之月卿中丞以爲何如奏明建設更覺正  
大其經費若何佑應出若干惟吾叔示遵京中舊館現已工竣  
因地址太狹擬就近購地加修新館承慨捐之項遵卽墊出矣  
佑於七月中旬出省閱伍九月初三日回署征塵甫滌積牘紛  
如無補涓埃徒勞粟六吾叔其何以教之

致湖南石襄臣方伯

同治三年

再新甯縣地處偏隅俗安樸質人知讀書之可貴而不汲汲於功名故歷來登科顯籍者寥寥可數而好學勵行之士代不乏人藉以維教化而厚風俗乃自軍興後士人競尙武功不修文教而宰斯土者非出於捐納卽來自軍營學官習尙因循書院有名無實以致文教不興民風日靡窮鄉回首心竊憂之大公祖蒞楚以來宣猷布化百廢俱興尙望垂念偏遠小邑撫之以賢父母董之以名師儒振興而作育之俾不至日安固陋日趨浮薄則受賜多多矣新甯缺不甚苦學官亦不至憂貧惟書院脩脯膏火微嫌荒薄容當致函邑中親友悉力捐增也屬在部民敢抒鄙臆惟我公鑒之無任感禱之至

上會滌生關帥 同治四年

再啟者此股賊匪步隊不過數千人馬隊實有萬餘北地平行利其馳突故數月之內竄越五省官兵日夜跟追未獲一予痛創始猶謂其避兵而行也此次渡運後盤踞大河南岸逾旬日矣再無生力重兵及時會剿恐勢焰愈張裹脅愈多必為中原大患直隸百事習於偷安而武備尤甚上年奉

諭抽練標兵一切幾同草創近始得步卒八千人騎兵七百人嚴督訓練稍有改觀然欲驅之以禦狂寇則仍不敢恃非兵不可用實將未得人也客秋閱伍後奏請飭催實缺鎮將回任至今年正月無一回者適賊蹤回竄豫省擾逼大河亟須調兵設

防因復陳請尊處暨江楚各省揀調得力鎮將來直差委佑自問庸闇不能知人善任故人亦鮮樂爲之用者第念根本重地保衛需人未敢稍事因循貽誤大局我公大道鈞陶英才林立畿輔之安否久系蓋懷後進之能否亦在洞鑒刻下狂氛逼境防剿綦嚴務望於現在留營鎮將中惠分數員俾速來直其業經回籍者亦請酌量調取北來爲畿疆儲干城之選於佑有指臂之資感荷鴻施實無涯涘

致范楣生

同治四年

弟定蒲月朔日督軍赴開與麾下晤商防河事宜頃因各路探報南岸賊蹤漸趨東北商之各僚友皆以弟宜仍駐大名相機

調度爲言茲已奏明暫緩赴開其西路河防仍由老兄與冷姜  
崔古各鎮將會督辦理刻下布置想均周妥區區之意不能無  
慮者一在僧軍新潰兵民不免驚慌一以設防日久人心易生  
懈怠一以在防各軍職分相埒事權未一彼此意見或有參差  
以我兄之沈謀遠識善氣和衷萬無慮是尙望鎮之以靜激之  
以義動之以誠期於大局有濟則幸甚矣弟明日再派劉參將  
馬隊百餘騎赴開濮一帶巡防如有必須親來策應之處仍當  
率楊守全軍與督標馬步大隊馳來與諸軍從事也

復萬藕胎兩京尹書

同治四年

昨準大咨並讀手翰以解勘搶犯種種爲難諭仍暫照新章辦



理查近來盜賊肆行愍不畏死

朝廷除暴安良定以就地正法所以儆兇頑而清閭里法至善也如果情真罪當受法者俯首無詞執法者問心無歉從此盜風漸熄自可永遠遵行如各州縣中玩視捕務規避特參曲致深文出此入彼每有疑義輒援此條博取能聲希圖了案設遇真正人命有名逃兇反至莫展一籌任聽漏網謂其前茲毫無枉抑質諸惻隱之念實覺有所未安此所以商諸臬司有解省勘擬之議也今承函示長途解犯疏脫堪虞聽候審題稽遲爲累亦曾與子和廉訪籌議及之但案關駢戮不厭精詳解省一層又多窒礙擬飭各州縣凡遇此等案件嗣後卽不解省亦須

審正慎公台集卷二十一  
三  
申解本管府廳覆鞠核擬爲途不遠既免疏虞研訊有加亦昭  
詳慎果係賊證確鑿者卽仍按照新章辦理當亦不致久稽顯  
戮也鄙見所及高明卓裁

致山東鄭協吾明府書

同治四年

連日接準僧營幫辦軍務陳鎮暨曹州保鎮各函稱大軍勦賊  
失利情形並接冠縣孫明府函稱閭中丞於二十八日自莘縣  
拔隊前赴東昌布置防務卽回顧省城等語查疊據各路探報  
賊勢日趨東北刻下濮范張秋壽張等處河防萬不可鬆閭中  
丞果否回省尙未接準來咨用特專函飛詢卽希閣下星速示  
知並將張秋等處設防情形詳細見告以便相機布置望切並

切

復營務處李子和廉訪

同治四年

疊奉手書備聆種切僧營之潰關係大局頃奉

寄諭以大名等處河防爲重其調派統兵大臣各節日昨我處  
疏內亦頗見及如會中堂富將軍劉軍門先後北來天津洋槍  
隊吉林黑龍江馬隊均能速來大局當無礙也刻下欲遏賊竄  
祇有未分畛域不避嫌疑併力防河爲上策弟擬奏請東省嚴  
堵運河豫省由西南進軍曹州弟仍督省標宣正兩標武安軍  
各兵勇分駐壽張張秋兩處計自清河河頭至張秋共駐兵八  
隊每隊相距不過二十餘里中間有東省兵團可互爲策應加

益正惟公全集卷二十一  
三  
以我處各起馬隊往來巡哨更可聯絡聲勢惟東路頗嫌空虛  
天津海口兩營擬飭仍回景州益以劉祺新募之前營劉景芳  
原帶之馬勇共得一千五六百人足備一路不日地山星使大  
隊繼至兵力更厚於各路矣貴處與糧臺惟有移駐大名可以  
就近商辦一切直左營勇亦可隨來另候調遣至威縣本適中  
之地未便遽令虛懸擬俟提標官兵到時補駐城中鄙見如是  
高明以爲何如張得祿派在張秋壽張一帶巡防頃據稟請添  
募馬勇已準其募足百騎俾成一隊並飭歸陳鎮就近調遣陳  
鎮薄兵而愛勇猶是帶勇人習見未除兵隨將轉安在兵不如  
勇耶且畫河而守有險可憑雖弱足以禦強請明白開示毋失

兵心如賊眾趨重東路劉祺前營募就尙可調赴彼處助防也  
甲三東人彼中情形固所熟悉來威時可屬速赴壽張濮范等  
處會督辦防余蔭軒昨亦附片奏留未審能邀準否

致開州楊雱香刺史

同治四年

前月二十四日自貴治起程行數十里道出先賢仲子墓前下  
輿瞻謁豐碑林立古柏參天甚盛蹟也惟游人無知隨意登眺  
遂致墓上履蹟成蹊禮有之適墓不登壘於友且然何況先賢  
是亟宜嚴加禁止以昭誠敬又墓前之龕頂欹傾神碑露處四  
圍之垣墉頽敗牲畜自來是並宜整理而修葺之既而出饗堂  
前聞東楹書聲琅琅若不知窗外有游人也者比以片雲上黑

未及致詢迄登輿悔之而行已數里矣其賢裔讀於墓廬者耶  
抑家貧勵學之士奮志潛修者耶卽其安靜亦足嘉尙是又宜  
詳察其里居姓氏獎勸而裁成之夫培補古蹟作育人材皆守  
土者之責也閣下孜孜治理凡上所云皆望及時留意以爲興  
教敷化之一助並希詳細覆知藉慰鄙懷

復曾滌生爵相

同治四年

承示區分營界選擇將材及轉饟造船各事宜綱舉目張規畫  
宏遠捧讀之下欽佩奚如長佑壯歲從戎受教日久深愧才識  
舛陋無補時艱今蒙溫誨勤拳實事求是敢不畧陳一二以副  
咨詢竊思廣野平原利於騎戰以今揆昔稍有不同該匪馬步

州大無突專兵塗倉可交

壞震大礮而不裂二語老謀名論確實能先得鄙心已錄示監  
造各員俾同循誦奉爲師法惟是河水每交冬令澈底成冰人  
騎皆可徒行船隻均爲凍合屆時設有緩急亦須及早計籌或  
將水勇移駐北隄或於南岸添設防軍之處統求裁奪俾可遵  
循此間防務較鬆各軍尙未能全撤現將在防兵勇分別簡汰  
酌留數營飭派余鎮陳鎮爲東西路統領陳鎮駐紮東昌張秋  
一帶近扼河防余鎮駐紮濮范以西回顧大名等處至開長封  
滑接壤有原派大名鎮道在防已久無須更張昨於回駐大名  
卽將以上各情陳奏並以

陵差漸近一切事宜須與藩司面商妥辦於摺內附及約計初



四日可奉

批旨如蒙

俞允卽當料理啟程知在盡懷特此附及

復高州鄭樸臣總鎮

同治四年

近年以來兵制之廢弛極矣

朝廷簡擢功臣畀以重鎮原冀其訓練修明折衝禦侮並非以  
高爵厚祿爲諸臣養尊處優計也高廉地界越南濱臨大海素  
爲藏姦之藪甫當平定之時吾弟正宜講求武備以鎮人心來  
書猥以苦困爲詞亟亟求去抑思兵興以來英豪輩出迄今未  
博一官者不知凡幾吾弟仰荷

國恩業已建牙三載但當思盡忠補過勉奮

九重果能實力實心無忝職守自無不渥邀憲眷特荷

主知兄於季春出省督師籌防河朔雖僧邸有隕星之變而畿  
疆無七豎之驚刻下賊蹤遠竄皖亭擬酌留馬步坐鎮畿南月  
中當可料理旋省也

復總理衙門

同治五年

前月二十日接奉公函以甯晉縣民張洛待被教民控告一案  
時已數月迄未訊結令即提省勒限審訊等因捧讀再四具見  
曲費調停力圖緩靖非止轉圜於既事實欲弭釁於未形佑雖  
不才敢不體此其以前情事前已畧陳梗概諒荷鑒及茲又遵

屬添派明幹委員將張洛待父子一千人證全提到省教民池  
金蘭等亦來投質當卽飭司督同印委各員勒限加緊審辦原  
期及早審結俾可相安無事頃據臬司將現審供情詳覆前來  
佑詳細閱核張洛待愛子情深請人除病斷無假意且與教士  
教民素無仇隙何肯害人性命置自己燒房於不顧謂其受人  
指使本不近情現將伊父子熬審十數堂委無謀害之意亦無  
主使之人最後供及鄉村婚娶例用鞭礮紙礮伊因子婚買備  
是否伊子風顛病發偷將鞭礮紙礮傾出火藥藏放桌下教士  
等遺落火點轟然亦未可定似此頑童風顛作弄卻亦事所容  
有其子張書琴現雖未承但病時糊塗病好自不記憶將來問

確當可就此歸結教民指控之胡金蘭等指控之張胡仙等現俱提集環質或會因爭論地基涉訟或會因不出戲錢口角事已早過怨已早平委無唆使張洛待謀害之事質之張洛待亦稱與張胡仙等蹤迹甚疏不若與李洛來父子鄰居情好之篤豈肯聽其唆使取罪鄰好而教民等朋從類聚西議東謀今日一呈明日一稟由甲及乙由乙及丙株連蔓引刺刺不休卽艾教士亦屢有函來無非指某爲主使某爲知情屬令拘傳追究在教民奉教士爲靠山而教士又仗教民爲謀主此或有怨彼或有仇陸續揣測愈拉愈多直欲將平日之小怨小嫌稍有睚眦之人趁此一網打盡以洩其忿計已傳過多人問過多次均

與張洛待毫無牽涉且又毫無證據委員若不嚴事推求立即  
咎其徇徇但欲斟酌理又安能憑空周內今續據指控多人  
若不允其傳致必更藉口有詞然遠道一一行提拖累固不待  
言而往返需時訊究需時斷難剋期了結此係近日催辦之實  
在情形也再教民藉勢逞威以肆其毒平民吞聲飲恨情何以  
堪今入教者固已不少究不及不入教者之多抑之愈甚恨之  
愈深變故之興每由激逼地方官雖極力防維終恐眾怒難犯  
該教士偏信教民之愆惡祇知一味憑陵該公使偏信教士之  
虛誣祇圖百方欺壓要知不平之氣鬱久思伸將致不遜之端  
發出愈烈彼處既在中國行教何如彼此取和歷久相安爲安

此案鄉民久受訟累深盼早結央求教民轉求教士該教士以  
主教推託及往求主教董若翰又稱事已上聞須由伊國公使  
在京商定伊等方敢遵允而鈞留云主教之心不甘即公使亦  
未能強制是其裏外互推用意已可想見已飭承辦各員妥為  
設法斡旋能得由外辦結固屬大妙謹將現辦情形加留縷陳  
以備尊處開導並候裁示除公牘咨復外肅此肅復

致總理衙門

同治六年

畿輔練兵之舉初奉大教期以勢所必行承命以來殫精竭慮  
而智識短絀時事艱難疊次奏報情形諒已悉歸洞鑒昨讀羅  
大司農十慮一疏深算老謀極為切中願佑之才不勝任匪獨

羅公慮之佑亦自知之但以佑材力之弗勝致阻

朝廷之大計則非佑之所敢安也夫練兵大事也籌饟又難事也  
以饟之難籌而輕議兵之當減固不免削足適履然以兵之當練而不顧饟之無著又不免空拳徒張今六軍悉照原議辦理若再增兩軍月饟計固本一項實有未敷似不若就六軍原數而稍爲變通要於簡省之中仍不失增廣之意謹就管見縷陳大概惟高明裁擇焉查佑前奏有六軍各就本標駐操之請緣古北天津宣化三軍原派均在本鎮駐操只遵化易州河間三軍須用督標與正定通永二標之兵合紮成軍相距本標較遠現除遵化一軍與古北宣化天津三軍毋庸更議外至保定

府爲省會重地如將原練三營調歸易州則省城只有兵四五百名正定府爲衝要重鎮如將原練三營調歸河間則府城只有兵二三百名均有難於兼顧之勢今擬將易州河間兩軍各就近處安營以兩營駐易州以三營駐保定仍爲易州一軍以兩營駐河間三營駐正定仍爲河間一軍各處相距均不甚遠仍可由總統隨時調取合操旣資拱衛京師亦便控制南路如此則增廣二軍之議仍俟南路撤防本省力量稍紓從容選練或兵勇並用以便隨時變通常無不可前奉寄

諭有通籌全局力除流弊等因故復計議及此可否卽請酌示以便奏請飭遵如六軍須照原議安營則省南實未免空虛似



增廣二軍必不可少頃奉

諭旨此二軍月餼飭部仍照原議籌撥是否由部查照六軍章程按月增給之處均望明示爲禱至佑才力有限勝任實難茲

蒙

聖訓嚴切責成惟當勉竭愚忱不敢稍涉推諉惟冀指授機宜俾資遵守庶幾獲免隕越不致重煩盡念感甚幸甚再易州一軍祇有秦甯鎮兵六百名近在轄境其餘一千九百名皆係督標之兵移多就寡頗形牽強如允其變通竟改爲保定一軍則但於督標內添撥練兵六百名而秦甯之兵可免挑撥以重守護似爲兩便可否仍候鈞裁肅仰惟霽鑒

致總理衙門

同治六年

梟匪漏網餘生往來亂竄未能剋期辦結憤愧殊深日前匪由晉藁界上西竄定州新樂復東竄高陽任邱寶緣余劉各軍未克約會兜剿兼以賊馬剽疾瞬息已數十里各路兵勇或尾追而前無阻攔或迎截而賊已他竄未得遇仗職此之由惟初三日蔡村之役倪開珩緊追於後姬成功橫遏於前又有劉鎮大隊相助使姬參將督率馬步奮勇齊上多牽賊半時之久諸軍會合足以了事乃復任賊奔逸尤爲可惜此次賊由東路南竄長佑早經慮及飛檄劉鎮仍卽由東截出詎該軍未能照前迎剿並其原派分防衡水等處之練兵亦調移北路而各起追兵

又以賊必仍前折回西南致匪得以乘閒逸去長佑調度乖方各鎮將防勦不力誠難辭咎第念自匪北竄忽東忽西追逐之勞以余軍爲最然究未能約會諸軍速殲餘孽因而一並請處督其過又未嘗不憫其勞也細詢經過鄉村均稱真正梟匪不過六七十人連裹入拉馬五六十人共止百數十騎現在南路秋禾盡穫已督催諸軍緊跟追勦並檄大名楊守督隊探蹤迎擊聞東省兵勇已進紮邱館界上各匪舊巢勦辦當易得手知關盡念謹以布聞再此股敗殘餘孽不值招撫且其窮兇極惡亦斷無可以招撫之理第兵不厭詐可否以計誘就殲之處仍希指示機宜是深懇禱

復張振軒臬使

同治六年

重陽前一日接奉惠書並與荃帥往還手札一一誦悉黃河守凍之難甚於守運所議直東分段誠時勢不得不然已據來函咨商荃釋兩帥應候酌覆辦理近聞釋帥議撤運防欲驅捻西渡再圖進擊或亦慮賊走險返撲黃河之意則直軍之未能力顧全河釋帥想已早鑒及之不至疑爲推諉耳梟匪只百十餘騎東西奔突均不得逞現在乘閒南竄仍回東省舊巢數日間聞已增至三百多人勢將句結復熾來示謂地方官猶以並無潛匪爲詞諱飾之風牢不可破寇氛何時得靖耶直省州縣則竟視勦賊爲不相干涉遇賊過境但以稟報請兵了事一若守

士衛民於已無與焉者此與各路將弁以追賊不及截賊不遇  
爲事之固然同一可怪頃已參劾文武數員用示薄懲矣目下  
匪已渡衛自以遏其西竄爲先着已函致余鎮楊守亟備西路  
並屬令俟南清一帶兵團布置完密卽圖規守衛河扼賊北渡  
一面進兵追剿較更穩善聞東省兵勇已進駐館邱與楊守一  
軍聲勢相倚余鎮暨黃江倪姬等軍均已陸續追去此次能於  
南路合力兜擊速殄餘氛亦庶幾桑榆之收也旌麾駐鎮河干  
直東一帶伏戎足令聞風斂迹尙乞就近督飭畿南各員弁嚴  
密防剿迅奏膚功是所跂禱弟俟察看情形尙擬拔營前往督  
辦專肅布覆

復張振軒臬使 同治六年

二十日接奉惠函一一指畫誦詳計慮深遠敬佩無似臬匪現已回竄前議移軍協防濮范一路如指暫緩商調固當無妨黃河守凍情形自非直東照舊分防斷難周妥昨又加函詳致樞帥矣兵力之厚運倍於黃堅冰之危黃甚於運卽望商之荃帥將樹字正副左三營先調來直以資厚集其正右後馬步四營刻下銘軍相倚正殷應俟察看情形並看東省咨覆何如再爲調取若臬匪能於半月內辦結似本省亦可騰出兵勇協助河防尙祈高明酌之臬匪竄至曲周縣屬之新寨村黃仁遺等軍跟追甚緊傳軍門兵勇及倪江姬各隊陸續亦到匪勢窮蹙因

請余鎮營乞降而未繳馬匹器械其頭目亦未到營顯係藉  
為停喘之計接報卽飛飭余鎮等速行圍剿切勿輕信墮其  
中諒早晚閒必可得手也

致李少荃宮保

同治六年

捻逆屢撲運防均為雄師所蹙計畫先定撻伐大張拊背  
實操勝算茲聞該捻折回北竄自係撲運不動將圖返而撲  
北路藩籬爭此一綫其勢有尤難於防運者或謂宜撤運上  
軍以紓黃防弟固未敢附和然謂僅恃直軍之力足障全黃  
尤未敢謬承昨接振軒廉訪及丁穉帥先後來函具述河冰  
合守凍難周自屬實在情形所有直省防河諸軍近因剿辦

匪多已陸續內調若將全黃千數百里專責直省當之力實有  
所未逮當經咨商穉帥擬照舊章畧為變通直省多認地段自  
張秋以上至蘭通口歸直軍駐守張秋以下至鐵門關歸東軍  
駐守明知彼此均有為難然時勢迫切仍不能不勉力措拄迄  
今未準穉帥咨覆旋奉

寄諭以河防喫緊嚴切責成當將前議據實直陳請

旨飭交直東分辨矣梟匪因官軍追急多半受傷現竄至下堡  
寺詣傅軍門乞降已據帶至館陶造冊點名呈繳馬械並力阻  
直軍退駐威縣然賊情狡詐卒難憑信弟已親督各軍進紮直  
東界上將圖伺變進剿而東省撫局已變該匪仍由館陶河西



逸出憤懣實深捻逆竄至齊河掠船搶渡幸爲東軍擊退聞已  
駛向青州惟匪勢飄忽難保其不乘閒返撲也

致總理衙門

同治六年

梟匪前由正藁以南壘被兵圍截回負創東奔勢極窮蹙當飭  
余黃等軍緊跟追勦適劉景芳之隊奉調亦抵趙州長佑卽親  
督起程分由隆平唐山兩路前進途次接山東傅提督信該匪  
竄至下堡寺詣東軍乞降並有該處父老聯呈六十餘村代爲  
哀懇保不復叛已於十三日造冊點名帶至館陶河西勒繳馬  
械等語復據黃仁遺稟報該鎮於十三日跟蹤追及經傅提督  
勸令退駐威縣且謂直軍進逼必至將賊驚走各等情長佑以

盜正州公全集 卷二十一  
賊情未可憑信當留覆傳提督仍宜嚴備進剿以防反覆不可聽賊畏逼之說自撤藩籬一面飛檄余黃各軍在於交界嚴陣以待隨卽帶隊馳至威縣正擬照會設法兜剿據報該匪於十八日夜聞已由河西逸出並準傳提督會同東昌龔守來文當夜僅據誘殺匪首吳三馬五二名悍黨三名餘悉驚遁於十九日午後竄至下堡寺之方家營經長佑督軍截擊匪又折向東南乘夜繞從西北奔竄追趕不上查吳三卽吳培吉係匪中主謀馬五卽馬清和係匪中領隊兩姦授首餘賊寒心惟現在求生之路旣絕走險之志愈堅其黨夥已散歸老巢聞風惕懼兩日之間復聚至四五百人此間馬隊日內可以調集一俟選列

成軍分枝追截定易得手彼時無論餘孽能否殄除儘可將步隊酌撥數千移戍河防爲守凍之計矣長佑現由威縣回軍鉅鹿督飭各隊緊躡追擊前路晉藁沿河一帶近已加築堤牆兵團亦頗嚴密尙不致虞其竄越知關蓋念謹以奉聞

致文博川宮保

同治六年

九月二十二日獻縣行次接奉手教知前肅公函早邀台矚茲以速殲餘匪爲期復以妥遣外勇爲屬塵懷大局曲鑒愚衷指示殷勤莫名感佩竊以募勇良非得已近來營勇習氣更壞朝秦暮楚此去彼留賊盜滋多往往由此直隸畿輔重地敢不仰體鈞意豫爲防維苦勇甚於苦賊外閒亦有所聞謗議之來但

當引咎前將各弁勇分別懲辦大加裁汰亦謂可以肅軍令而  
饜人心茲承示及謗議猶滋悚慙奚似竟有不能不剖陳於知  
已之前者弟自二年來直奏調楚勇四營分駐省垣時軍務已  
平外閒頗有重勇輕兵之議因於三年夏閒全數遣回其本省  
之勇亦以次裁減止留巡道馬勇三百名河防步兵二千名至  
四年春閒南路防剿喫重疊奉

寄諭增兵添勇始派余承恩劉景芳崔福泰等其募土著壯勇  
四千餘名維時又有南省選送將弁來直之諭湘中舊部聞風  
奔投先後奏留三百餘人官多而勇少皆布置於馬步勇隊之  
中其步隊隨戍河干從未遠調其馬隊自關東撤回分駐遵遷

邊境尙覺相安今年春五月甫議裁  
半出防遂派劉雲合統帶此起馬勇  
官民均無異詞迨追賊至霸州以還  
被圍誤殺之後則物議更多矣嗣查  
口被追勢蹙盡棄輜重勇以爲得之  
爲攜之在勇忘其取之自賊其各管  
查辦事容有之而不知者以爲弟有  
官有所挾而縱之此鄙懷所不能已  
載賊道經甫遭賊害之郝村其民人  
均極輸服然始則挾彼賊之恨以爲

之罪以爲官無異於賊其中情僞自己顯然而不知者竟將彼  
村被賊之事迹作爲殺官之證據並謂歐副將畏法投誠卒罹  
此禍此鄙懷所大不能已於言者也夫兵勇良莠不齊恃眾倚  
強攫取民物誠難保其必無而此起馬勇大名永平之人居多  
其强悍素著約束尤難第人各一騎日夜馳驟又值酷暑傷病  
相望謂其爲害甚於梟匪似亦未可深信竊意此次謗議之興  
不盡出於民人失意之文武與有力焉弟固明知之而不敢不  
隱忍之也此起馬勇劉雲合陣亡後卽調隨行營暫作小隊並  
未派出追剿嗣經黃仁遣挑留百數十騎於九月中旬始令帶  
赴南路與江鎮開泰營勇合力追截其暫時未能全撤之故昨

亦附摺陳明矣外來之勇不如土著之勇士著之勇不如抽練之兵洵爲至當之論今春張臬司以河防緊要堅請咨調舊部樹字營勇商之少荃業經許可弟至今不敢提催頃又將來示轉告張臬司前議當可中止也現在直隸雖無成營外勇而余劉兩軍大半直東界上之人近日情形不無隱慮惟盼臬匪速除捻蹤漸遠謹當速爲抽薪之計免貽滋蔓之憂也練兵規模甫定旋即調動事不從心大率類是此次察看各起練兵其步隊穩重可靠勇營罕有比者惟馬隊多不得力不但馬匹難勝馳驟亦兵技過於生疏也臬匪此次回竄直境人數稍增要皆新裹之眾無足爲慮前月杪擾及柏鄉勢漸北趨弟由衡水取

道晉藁督隊南下甫抵隆平余鎮隊亦至任縣探悉匪蹤又向  
東南奔走弟今日抵鉅鹿暑爲停頓覘賊所向卽當督催各軍  
悉力兜剿以期迅掃殘氛至弟辦賊未效治兵不嚴罪過日增  
重煩塵系懷慚欲白不覺費詞尙祈俯賜鑒亮並時有以教督  
之幸甚

復羅椒山大司農

同治六年

二十七日義渠方伯來至保陽奉手教於昨議練兵一疏曲賜  
鑒原規以古人公而忘私之誼更進以君子和而不同之道莊  
誦再四感愧莫名總理衙門六軍之議責效太急窒礙實多初  
閱咨鈔此閒僚屬無不以籌款爲難特事關重大責有攸歸待



罪之身惟有懍遵舉辦而已此次減兵省餼之議固由我公之密陳十慮實因長佑之請增二軍細繹總理衙門原摺似已毫無定見若數月之後外間辦理偶有閒言必將再議減兵減兵不已至於減員減員不已至於減餼而身其事者卒致手足無措行止兩難是故不得不於節省之中再求簡易之方所擬章程計已鑿及並非堅執前議與公齟齬實慮再有更議徒滋紛擾也大疏十慮識周謀遠切中事情讀之無不心折惟欲將固本軍餼留練旗兵並謂長佑坐費餼項兩事愚昧之見實有不能不亟於剖陳者計自總理衙門議將固本一項撥入部庫此閒請撥關稅請撥復價並請倍京餼協餼皆迫於萬不得已大

部應亦數見而厭聞之矣長佑於此時不言萬一事有變動竟將此項撥歸京營又將何以對僚屬乎前次練兵月餼加給二成實銀爲數無幾祇有器械馬匹從新製備所費較多然扣至上年秋季尙不滿十萬兩長佑練兵無效卽銖兩皆屬糜費何敢計及多寡覲顏瀆陳第念長佑以庸劣之資因緣際會待罪畿疆得不遽爲有道君子所鄙棄用是硜硜自守於一切毀譽得失舉不欲以自撓其懷卽如練兵一事自四年馬賊闖入永東中外譏彈至今未已僚屬或爲之動色長佑皆置若罔聞至我公以理學大儒爲時名臣論列所及朝野視爲輕重區區之意深慮天下後世以一言爲長佑罪轉失大君子維持大局裁

成後學之盛心是以不勝矯矯之情致有嘵嘵之辨頃聞大教始覺爽然人之度量相越詎不遠哉尙望開布公誠啟發憤悱無遽置諸不屑教誨之列幸甚幸甚

致王子壽 同治六年

中秋日接手書尙未作會於十七日再讀示函並另件均已領悉梟匪經余軍痛剿之後本可將計了辦以議論不一又復翻局竟與璧卿前次所辦情形相同十二日一戰非有劉鎮槍隊余鎮馬隊事局決裂幾不可問南竄餘匪祇百數十人其行較前更速原駐西南各營幸未持動頃報何流恕倪開珩之隊於安平蠡縣一帶先後截出賊勢益蹙如常開運王承勝陳進福

各隊再從無極彙城合力截剿或可就地驅除否則仍須向直  
東界上再作計較也兄擬暫駐此間督催北路各隊仍照原派  
路數分投追去並擬將璧卿所遺各隊畧爲淘汰重加整頓俟  
慎庵到時卽令接統隨兄南下再調江鎮一營同行便可照二  
年辦法與諸軍往來行閱或易收效耳日昨請將京兵留駐北  
路以資堵剿藉養威重未審得邀  
允準否

致王子壽

同治六年

匆匆別袂未罄欲言頃誦手書具承關念鹽匪一百七十餘人  
馬二百一十餘匹仍由彙城趨渡滹沱實出人意料之外而余

劉兩軍纒經檄催繞前截勦京兵步隊亦經飛咨穆都護止其南來而今均落賊後區區梟匪豈天意尙不欲滅耶兄初六抵安平因聞匪蹤尙在高安一帶故在此小住將後路追兵分布於賊所往來之路蓋恐我軍盡趨北路匪又乘閒南下也此次摺報僅將珠慶兩副將參革倘再闖入順境卽當自請治罪並各統領亦不能不薄予儆戒矣親兵差官眾人側目已久兄本擬一併撤回祇以此局未了左右未敢乏人而璧卿舊部北人十居七八且多係無業游民撤之恐遂流而爲匪是以尙欲慎庵來營畧爲整頓令其帶赴河防將來就彼遣撤較爲便當此意可轉達方伯暨幼亭觀察爲要

復馮翠庭軍門 同治十年

前月二十四祇承大咨遲至旬餘逡巡未報良以茲事體大愚慮短淺徘徊兩可未審所從竊維麾下肅清海太卽擬班師嗣以夷兵延未接戍商留劉鎮以待換防蓋出權宜誠非得已今誦來諭以爲懸軍久戍精銳坐銷終歲事防勞費正等因欲及時蒐募更圖大舉一芟羣醜以靖遠藩斯誠伏波據鞍之雄定遠綏邊之畧卓識閱議足以開豁茅塞激發壯心然揆諸管蠡猶有不能不鯁鯁過計者夫以粵西貧國籌餉至難撥兵出關後先三載東鄰協饒近已告殫此閒度支亦形竭蹶如令驟議增募至四十營悉索靡供轉虞誣潰况大軍深入匪眾敗奔就

令窮追安能盡殄有一兔脫將復鴟張更使越人援爲口實又疲師於外內備終虛竊發滋繁所宜深慮且前經會 奏曾發八難朝議夕更實恐

聖明垂詰無以置辭諸多未安不能不告又昨準 制軍咨錄越南國王原文內有萬不得已請留兵駐防太原以便下國一意進勦其語意似不若從前之堅執鄙意仍請麾下查照

前旨分飭關外諸將迅催南兵替防以次撤回一面簡汰疲弱修整邊牆藉節饟需而固封守如慮鎮安歸順沿邊一帶密邇夷苗又有黃逆盤踞其閒大軍備多力分莫資防勦擬於腹地酌撥七八營遴員督帶前往用助邊防兼資援勦至此迭經

鑿正惟立台身  
夕二二二二  
一  
諮酌往復淹時若再候還雲恐勞

宸注擬卽謹就現商辦法具摺會陳所有遠近邊防究應如何  
部署尙乞飛賜卓奪見覆施行

復馮翠庭軍門

同治十一年

敬復者正月人口祇奉鈞函識遠慮周可勝欽佩竊念我軍進  
止與麾下商之熟矣以防爲勘定議年餘而駐太之師未卽入  
關者無非仰體

朝廷德意不忍膜視外藩耳來函以逆首黃崇英等糾黨益眾  
南官阮文祥等詣營乞師關外諸營勢多牽掣關內眾勇更慮  
虛糜誠不若悉眾出關爲一勞永逸之計弟智慮短淺奉書懼



然商諸同寅並有難色是以奉復稍遲而管見所及有不能不爲麾下縷陳者

一粵西用兵二十餘年民物凋殘至斯已極祇以伏莽未淨邊警時聞因而調勇集團幾無甯日抽釐捐餉羣起怨咨似宜及時內修稍爲休息之計彼南夷之顛危誠爲可念而吾粵之耗悴尤覺可虞也

一粵西各標協營兵未復額塘汛多虛饒無全銀操防久弛以致搶匪肆起劫案頻聞於此而欲悉復舊制以專責成非將邊腹現存營勇酌量裁減其勢必有所不能

一大轄十營早應入關初因南兵接戍無期奏準緩撤繼聞各

勇水土不服議爲量移爲彼國謀正不能不爲我軍謀也來函謂關外并無善地與其嬰病坐困不若陷陣衝鋒勇敢有加令人神壯第念賊情狡猾爲麾下所深知若竟望風遠逃旣難悉眾以窮其所往猶須駐軍以待其復來而且收復之地節節留防前事已可概見俟至欲歸不得欲戰不能恐亦不無坐生疾病之時矣

一太原爲北甯門戶我軍一撤賊且隨至疊次奏催南兵接防意蓋爲此卽昨函商定期移營亦無非示以必撤令其速自爲謀也今南官猶託詞以留我而賊眾或多方以撓我如來函所慮則是不戍太原誠爲可虞久戍太原亦難深恃誠不若移紮

近關一帶遇有緩急關內之師尙可隨時策應藉爲南兵聲援  
卽令水土之惡無異太原而距關非遙進退之間較爲捷便矣  
一現在鎮太二郡雖未與賊爲鄰而鎮屬距賊巢不過百餘里  
太屬亦時有賊黨出沒其閒似此情形防勦原未可偏廢來酋  
以夷匪迹同流寇志在鯨吞將有防不勝防勦不勝勦之患果  
爾則莫若仍遵奏案及時整飭邊防一面選練精兵擇要扼紮  
一旦有警則如麾下此次派隊出關截賊波賴往來莫測操縱  
自如於彼國不爲無功而我師不至勞敝其法甚爲得之  
一此次覃道帶勇分出太鎮原因關禁久弛賊黨勾結可虞而  
大軍又有酌量裁汰之議一時或難兼顧奏奉

諭旨飭令幫同布防是覃道此行無論其能否知兵未便委以進剿之任而覃道以外無論文武能獨樹一幟奮遠謀以收速效此時亦難其人若數月之後邊防既固眾議亦諧必欲大舉出關則非麾下莫克肩此重任亦非麾下莫克竟此全功

一現在兵力較厚原可以剿爲防來函以防與剿勞費正等且一意設防不復議剿則前功盡棄而後患無窮自是至當不易之論顧防與剿二者皆有日久必敝之道而防之敝補救猶易剿之敝收束頗難如麾下前次提師出關蕩除羣醜勞勩之盛中外震驚然未及一年仍煩部署再更寒暑凱撤猶稽由是以觀一勞永逸之說亦未必真有把握也

一現在南路新舊各勇月需餉銀約四五萬兩全恃各卡釐金與東省協餉湊解接濟乃上年釐金短徵至數萬兩東省協款僅準撥解銀一萬兩似此情形卽照原議以防爲艱已覺竭蹶未遑而猶勤師遠舉以收歲月難計之效可不卜而知其鮮濟矣然越南在外藩最爲恭順與兩粵又爲近鄰誠如來函豈可概從膜視計惟有合兩省之力更寬以數載之期庶勢集而功易成不致老師糜餉矣此皆拘滯之見知無當於機宜或重違乎盛意乃內自揣量且廣爲咨詢議難強同事宜速斷弟與麾下來自軍營無畏難之心有知難之候用是不辭煩數轉質高明有無可採之言尙祈速賜裁示

致左季高爵相

同治十三年

辱手答關愛殷勤無渝曩歲感佩盛德何時  
賀適有私感未能手肅幸見原也一別十餘  
無一得之獻一臂之助以報知己慙愧奚加  
之功惟我公發其謀於始而要其成於終有  
二公所莫與京者然此十年中艱苦飽嘗心  
於二公者樂觀其成且重虞其憊也熟視  
趣適行閒其風格實倍從前又有以知其精  
爲我公慶可爲吾鄉慶更可爲天下慶也承  
卽當引年歸里此在親交固所深願而

朝廷何能舍公公又何能忘

朝廷現秦隴全清指揮大定自可從容調燮以慰中外仰賴之  
忱綠野優遊尙饒歲月正無庸汲汲也大世兄齋志以沒里黨  
惜之其實造物所靳雖聖賢無可如何願公勉抑私情益勤晚  
節幸甚幸甚長佑於上年夏冬之仲老妻少子相繼云亡哀暮  
心神倍形耗頓祇爲事局所迫勉強支持深恐補過未能孤恩  
愈甚我公又何以教之粵西境內幸獲麤安惟安南羣盜未除  
尙須重兵戍邊以防爲勦近有法夷覬彼孱弱欲肆侵陵並時  
尋衅於粵事多棘手每用撫膺知系塵懷附以奉告再照事例  
應稱晚生長佑受教有年許以齒敘未敢遽循通套有負平生

江終賦國丘利由之



恐我軍遽撤各匪或乘其後致棄前功因議酌留十營由太原北甯回駐高諒地方以防爲勦亦經奏準有案昨接總署函稱法人竟以粵西近復派兵出關遽相責讓總署未及查明奏案卽以派防土匪備援越南答覆法人懷疑竟謂粵西必欲留兵高諒不是實意茲準咨函等因自應卽飭各營速撤入關第我軍原留高諒擇要防邊曾經奏明在案並非法人在越南構兵之後始因派軍出關且上年冬月越南貢使到京齎遞越南國王奏疏以各匪肆擾請兵赴援欽奉

諭旨飭與提督悉心妥籌尙未覆奏而越南與法兵會勦各匪現在越南國王亦尙無咨請粵軍撤回關內明文若遽照達領

事伸陳所敘辦理既與先後奏案不符且恐貽越南口實擬請  
劉覆達領事再爲妥商或由東省會奏請

旨或照會越南國王取具咨覆再行議撤粵西絕無成見諸祈  
衡奪示覆是所企禱至達領事伸陳河內逃匪如悔罪願回內  
地準由西省回籍保來等情前承代籌分別查辦之法長佑當  
以河內逃匪人數共有若干是否真心悔罪其入關後於邊境  
紳民能否相安應檄各帶兵官及地方官審度情形分別妥辦  
迄今未據確切稟覆該官紳等總以逃匪不容鄉里紳民難與  
相安大抵各屬皆然且各匪投誠真偽莫辨所稱籍貫姓名尤  
難憑信無人認保貽患堪虞現復督同司道檄飭各地方官妥

議熟籌迅速稟覆核辦並將現準咨函及奉復緣由飛飭關外統領劉鎮知照矣專肅奉覆

復東撫張友山中丞

同治十三年

春間連奉賜函極蒙洞悉粵省邊防緊要及法人用意叵測各情形指示周詳感佩無既比因法國駐東領事達伯理接游統兵信函伸請澄泉中堂咨移西省速撤高諒防軍並謂法兵嗣後遇有身帶兵器之人不分係屬何人立即殺斃其關外逃匪並議遣令入關遞籍安插長佑籌維大局以所請撤軍一節關係非輕逃匪遣令入關雖可設法查辦而後患亦不可不慮當與澄泉中堂往返密商一時事局未定尙稽申覆茲於三月二

十七日載奉尊函鈔示照會法國原文敬聆壹是其於撤軍遣  
匪兩事尤承廑念殷殷銘感益難言喻竊念粵軍出關援剿之  
師十年冬閒卽擬全撤入關以防爲勦曾經會奏有案嗣因關  
外各匪勢復鴟張越南疊次乞援礙難遽撤且恐各匪或乘其  
後擾逼邊境致棄前功因議酌留十營由北甯太原回駐高諒  
扼要設防相機援剿亦經奏準有案是高諒防軍並非二次派  
出乃法國於上年越南構兵參將安業爲山西黑旗隊劉永福  
所戕遽疑粵軍係二次派出且謂粵軍欲留高諒不是實意洵  
屬誤會粵西前次奏明恐越南官兵及越南土匪有假冒名色  
一層實爲法國易於辨識免啟猜疑而設茲閱照會內有如遇

粵軍豈能別耶等語獨不思粵軍原駐高諒距河內數百里而遙本與法軍無涉且已申禁弁勇不往河內則是法兵於河內轄境遇有名色近似粵軍者非越南官兵卽越南土匪也而猶以不能辨爲疑此非誤會直是詐言矣今春以來疊據統領防軍總兵劉玉成探報關外著匪黃崇英與劉永福糾黨爭鬪互有傷亡近聞波賴平嘉股匪有分竄高諒轄境之信鎮安廳交界之保樂夷州亦有黃逆分股勾結白苗逼城攻劫長佑已檄劉玉成督軍嚴密防勦以杜竄越並飭督辦邊防道員覃遠璉移駐龍州督飭關內防軍相機策應是撤軍之議未能遽允業經詳晰函達澄泉中堂矣至逃匪遣回內地一節東省酌議查

辦章程業已會銜出示曉諭第流弊不可不防長佑密飭邊郡  
地方會營察看情形審慎辦理近又遴委練習邊情之梧州府  
知府徐延旭前往太鎮郡屬籌辦團練招撫事宜如能操縱自  
由不復有所牽掣或亦中外獲益之事也越南與法國聞已議  
和退還數省而河內仍有法人駐紮洋船時有往來聲稱不日  
必爲安業復仇迄今尙無舉動達領事所云越南國王不欲別  
國弁兵駐紮境內近接越南國王來咨尙以股匪實繁有徒乞  
兵援剿則達領事之說不足憑信已可概見至劉總兵軍中探  
報尙勤祇因粵中先有不往河內轄境之約故偵探不能遠出  
所報亦閒有參差未敢瑣屑錄呈俟有確報再行馳達合肅奉

覆

致趙慶池徐小山兩觀察

同治十三年

重陽前一日平南舟次接閱來函擊賊已有成算進兵猶有難  
詞足見慮事周詳甚佩甚慰此次議勦利在乘機似未便過於  
審顧第如函中所言進止之處分合之間亦實有不能不熟爲  
計者鄙見似宜就分府設防相機援勦二義切實講求則進止  
分合可以豁達無礙蓋分府是欵局相機是活局如分府已有  
定議則是兩軍設防各有界限即可各專責成至於相機或各  
就所防地面進勦或繞出所防地面進勦惟在隨時相機而行  
彼此均可無庸拘泥所慮美卿武人函牘往來未能遽曉耳好

在兩兄先後可至太郡誠於此時商約美卿入關晤商一切並  
將佑此次籌辦本意約畧告之此次奏稿與所奉寄論尙未  
行知恐不慎密無他意也渠  
必傾心聽受不至遽起猜疑渠與小兄或有微嫌  
於慶兄當無別意似宜設言左  
軍由所防地面進剿則左軍自爲剿亦自爲防右軍只照常設  
防遇有賊蹤竄近可剿則剿仍自以剿爲防並設言左軍不由  
所防地面進剿而必於右軍地面經過則左軍能剿不能爲防  
右軍更宜加意設防倘須出隊策應抑或分投堵截仍是剿不  
廢防又要明言機貴神速尤貴慎密有時彼此不及移會進止  
未便聲張務各曉諭軍中知事在赴機初無他意庶幾各行其  
是亦相與有成如此開布公誠虛衷商推就令所部心志各殊



未能盡喻此意而緩急之際或不至顯有參差矣至若晤商既定或卽會稟存案或與聯銜札行各營免致時易境遷有渝原議雖近權術尙合事宜祈兩兄審擇行之昨接劉軍探報山西總督黃繼炎札催劉永福乘勢直攻安邊河陽務擒首逆不惜重貲劉永福答以俟九十月水落卽行前進等語餘與日前小兒所報大畧相同似此情形殊不宜過於顧慮再事游移幸速奮英謀以應機會是所切盼再此次會商後察看美卿尙無他意可與共事將來進兵卽約渠親督牧馬芄封兩營另作一路或分前後隊相繼前進於事情局面更爲兩全也均希酌之

致趙慶池觀察

同治十三年

聖正情之全真

前函封發數日接到本月二十四日手書並公牘慰悉壹是黃

逆退伏河陽其黨各懷異志似此機會大有可乘麾下由牧馬

折道保樂查看情形必可得其要領矣賞費多寡原雜豫定可

由軍中隨時酌度省局無不相諒也黃崇英或萬兩或萬元奏明有案如周建新陸之平

鄧志雄等二千事機緊要不妨在邊境酌抽團勇量給口分以資調遣紀律不

如營勇而趨捷或過之且恩信素孚更當踴躍用命助成大功

也美卿部下關內各營亦可擇其得力者商調一二暫資策應

否惟麾下酌之機會所在固宜就地籌辦仍須隨時會商高明

當早見及也田州久無報到想亦無甚緊要惟聞岑鉉尙匿鳳

當早見及也田州久無報到想亦無甚緊要惟聞岑鉉尙匿鳳

山果否與麻二同出就撫尙不得知如與鳳山韋逆合股抗拒

則尙須移兵會剿多費時日耳

如鳳山事於年內可了果左營即於明正可來所願功成指顧

正無須此一旅耳

滇軍會剿一節專函商之必能如願但恐往返需時

未能應手也龐大中係何處人亟應嚴拏重辦既誤事機由省札行南官未免有礙局面希與美卿就近行查可也

復東撫張友山

同治十三年

日前接奉惠書以接到總署密函越南一事法人既請法國添兵復請中國撤兵若遽將高諒官兵撤回恐我兵退一步法兵進一步似亦不可不防現在高諒防兵應否撤退並鎮南關外一帶如何扼守屬為商商弟處統籌全局妥酌辦理等因查徹

處三月杪接總署密函亦深以法人請撤兵遣  
函致尊處大畧相同竊謂高諒爲邊郡藩籬法  
關匪細且關外酌留十營弟前次奏明係由北  
諒以防爲勦並非法人與越南構兵之後始行  
關外著匪黃崇英等糾黨肆擾粵西邊郡特以  
夷官時以援勦爲請以鄙見度之法兵與南兵  
高諒防兵固應議留卽會勦之局已成高諒防  
迭飭統領關外防軍劉鎮玉成暨督辦邊防單  
禦以固邊圉兼爲越南聲援至逃匪遣回內地  
查辦章程業已會銜出示曉諭第流弊不可不防

各屬察看情形審慎辦理業經縷覆總署並經先達澄泉中堂  
在案嗣又行據軍需總局就查辦章程續議詳細條目並飭原  
委督辦左江沿邊團防之梧州府徐守延旭就地會商期臻周  
妥免有他虞閣下識遠慮周公忠夙著尙望不遺鄙陋錫以指  
南是深跂禱之至近日法人仍時至內河法船多泊左金港口  
傳聞不日撥兵注保下開設稅廠亦未知其意向何在也專肅  
奉覆

致英西林制府

光緒元年

頃承大教彌挹謙光就維望實加隆嘉祥滋致敬慰敬頌茲謹  
啟者昨據右路統領趙道密稟我軍三路並進漸逼安邊探悉

河陽城內尙有他族數人爲黃逆製造軍火竊慮一經攻勦萬難保全他族翻覆無常或致藉端生衅擬祇分兵遏賊他竄無庸會勦河陽請示前來比以會勦原有成議今旣進抵安邊相距河陽只二三里若遽議停勦不但前功可惜更慮後患無窮且他族匿迹賊中我遠來無從查悉卽未能保護亦於我何尤正等商開接準總署公函並鈔示各件往復紬繹竟與趙道所稟事宜遙相應合雖照會專指滇省不及粵西而越南現無滇軍只有粵軍安知他族非故爲含混思以窮總署之反詰因而撓粵軍之成謀乎總署函件想尊處亦早接到其末幅以勦爲防數語卽西省此次移師會勦之主名而不期此中曲折滯礙

有出於言思擬議之外者亦足見今日事局之難也佑現切屬  
趙道不進克安邊後審度情形妥慎辦理務除惡首而弭衅端  
並經咨達臺端請將粵軍現在宣太會剿黃逆各情由照會法  
國領事轉行現駐越南法官一體知照無非豫爲地步以防吠  
啞之加其中詞意未盡妥協尙希裁定施行至此事將來有無  
枝節所不敢知而兵已深入機更可乘實有疆不及收舟不得  
泊之勢自慚迂拙徒切傍徨惟望惠錫南鍼俾免隕越無任感  
禱之至再粵西用兵越南今將十載其間事局屢變在閣下或  
有未及深知者竊爲約畧陳之咸豐年間吳逆凌雲倡亂南太  
地方幾同割據至同治初年調兵進剿吳逆旋伏冥誅其子吳

亞終擁眾滋擾如故節經官軍痛勦乘閒竄出越南各匪翕然  
附從勢殊猖獗於是馮提督有統兵援勦之舉八年亞終就戮  
餘匪分別勦撫僅黃逆崇英率黨竄踞河陽粵軍久役力疲旋  
卽凱撤祇因降眾不願隨同入關越南復不善於駕馭乃相率  
爲賊其勢復張於是馮提督又有統兵援勦之舉至十年秋間  
佑由東省調撫粵西訪問關外有兵賊不分之謠越南上下不  
無違言因議粵軍久役關外之非便莫若緣邊列戍以防爲勦  
藉省勞費而固本根先後奏陳均蒙

俞允時粵軍半駐太原北甯各省代守城社馮提督以越南無  
兵接防恐我去賊來前功可惜爲言因奏請裁撤十營仍留十



營改歸劉鎮統帶由北太移紮高諒距關較近可以防勦兼施而猶慮裁撤之勇復聚爲賊仍由內地調撥十營奏派覃道統帶分駐邊郡以資鎮壓並酌撥經費修補關隘爲固圉計中間與提督辨論防勦利弊已不啻筆禿唇焦矣十二年冬法人與越南有隙竟欲遷怒粵西屢向督院總署謂粵撫包藏不測請速撤兵入關並有越南不願粵軍助勦法國當助越南勦匪之說佑以粵軍由北太退紮高諒原爲防勦可以兼施且在兩國未經構衅之前於彼族初無干涉咨商督院總署堅不欲撤法人亦不復言惟以越南各匪多係兩粵民人堅請督院會同粵撫出示招回並欲總署奏飭遵辦佑思招撫之難已有前鑒復

派梧州府徐守延旭督同地方官紳妥慎查辦旋因各匪首鼠  
兩端其議亦寢客夏續準越南咨呈前由貢使齎表乞恩已奉  
俞旨飭由粵西籌辦現在黃逆屢爲南軍所挫退回河陽請速  
撥兵助剿共除邊患時佑雖已密陳會剿機宜然猶未敢遽許  
也適閱兵至邕郡趙道劉鎮徐守均赴行次稟商邊事稔知黃  
逆勢蹙黨離機會大有可乘而黃逆時有分股擾近鎮安邊界  
因飭趙道督軍由保樂前進劉鎮督軍由高平繼進其意惟在  
殲除黃逆而已黃逆除則各匪無能爲厲而粵軍可悉數入關  
然後汰弱留強以節軍餼安邊保境以固人心此佑與司局諸  
君日夜焦思未敢遽已者悉關廬注縷悉布陳閱後仍須祕之

近來沿海各邦爲洋人刺探者最密且速佑確有所知非敢以浮言奉瀆也

致趙慶池觀察

光緒元年

本月十八日布咨一函計尙在途二十四日接讀端午日手書領悉種切我軍三路並進計早圍逼安邊南軍距河陽應亦不遠矣黃逆計窮援絕不逃卽降惟麾下相機圖之河陽城內有無他族此時矢在弦上只合置之弗問但能激勵士卒約會南軍剋日進攻迅殲黃逆一面馳書報捷卽一面撤隊入關他族無從尋衅於粵軍亦無從加禍於南國矣承示於攻克安邊後卽分兵上下游以遏黃逆竄路以絕黃逆外援而埽穴擒渠可

讓功於南軍免召禍於他族深謀遠慮度越尋常而鄙懷竊有  
未安者南軍來人原有天兵速進彼亦前進之說萬一偵知我  
軍不欲與之夾擊因而懷疑生怯致令窮寇伺隙奔逃或向他  
族乞師圖報則西省與南國受禍將無已時就令南軍不怯黃  
逆亦不逃而機會一失日久遷延他族或於其間別有阻撓我  
軍意在弭蚌勢必班師不但前功可惜且爲屬國所輕則是不  
會勦不得不速會勦仍不得也頃與司局籌商再四卽日備文  
咨商西林制軍請其就近照會他族告以我軍係恪遵奏案勉  
從南國之請會勦黃逆共除邊患與他族通商之事無涉距他  
族駐軍之地甚遠如他族中有經過用兵地方者須先行知會

以憑照料免生事端云云在他族無知雖難以理喻而我軍地步占穩彼亦無可置詞也至軍情變動無常見可知難仍在麾下悉心審度因時變通數千里亦實無從懸揣也近日各營疾苦亦少閒否念念左軍有分營進扼貞市芳園之舉果爾則下游糧路亦通兩軍聲勢亦合夏至後少雨多晴彼中天氣或不甚懸殊進剿當易爲力也功成有日務望申禁各營不得稍有騷擾致貽他族口實是所切禱

致趙慶池觀察

光緒元年

接五月望日公牘並手書慰悉種切河陽賊勢日蹙其力守險要虛張聲援皆意中事我軍此時穩打穩進自是要著第三路

兵尙未合情勢易見全恃各將士同心戮力曉然於可進不可退可勝不可敗之故庶人自爲戰戰無不克也收用苗練可羈人心可助軍勢其或撤或留或少或多省中初無成見在麾下權宜料辦可耳前月二十七八兩日奉復兩箇計可先後達覽其大意以機苟可乘則合兵急擊迅殄渠魁不必過於疑慮否則如來書所商於上下游多方蹙之仍就近相機援助勿令南軍失望亦是兩全之法然鄙見總以能速會剿及早凱旋爲善之善者想成竹在胸必有權衡也滇軍不能會剿前箇已詳告之昨接總署信法專尋衅於滇其勢誠未便舉動致滋口實美卿親督各營由太原進剿其氣頗壯近亦有信到尊處否如照

原議分營趨貞市等處兩軍聲勢聯絡則收功更易也侯游擊營勇似可調赴前敵其後路之防或以他營稍疲者易之亦更番變休之意惟麾下酌之宜光轄境近日有無法人來往宜屬南官之在我軍者密地查覆免致墮彼術中蓋其不能釋然於滇卽未必能釋然於粵幸隨時留意爲禱

復趙慶池觀察

光緒元年

六月十八日未刻接到左軍劉統領函報黃逆於前月十八日棄巢逃竄右軍已入河陽並寄來南官黃繼炎咨呈原件有黃逆現逃南角距保勝未遠之語正在盼望捷音適接手書與左軍南官所報大畧相同殊慰殊慰此次我軍冒險深入原爲共

除黃逆起見當其乘夜潛逃南軍何以全無偵探全無布置殊  
覺可怪現在黃逆是否尙匿河陽前路亦有南軍堵截否我軍  
亦已探蹤追剿否竊計黃逆遠棄老巢狂奔力竭能及此時前  
截後追或可尙易殲擒且陳水畏罪投誠既爲內應自必以擒  
獻首逆爲功能設法激勸令其引兵追捕亦不難於得手也倘  
探明黃逆遠竄南軍未能堵截陳水尙在游移僅恃各營窮追  
恐亦徒勞無益似不若及時整理凱撤入關之爲愈也惟麾下  
裁之又來書有飛函左軍攔頭截擊之議自是正辦而美卿函  
稱已從南官所請回剿北太餘匪祇有李副將揚才數營跟追  
白通潰匪徑趨貞市芳園之說未知已否會麾下以圖夾擊否



前聞貞市等處有馬二蒙日昌各股匪刻下有無動靜尙不至  
與周逆潰黨合股復逞否南官原件鈔寄一閱文內所指陳瑞  
當是陳水之訛其詞氣頗有不足於彼能追斬黃逆則浮議自  
消耳

復劉美卿總兵

光緒元年

月之望八日接讀初三日復函慰悉種切黃崇英與周建新等  
被勦勢窮棄巢狂走其黨羽逃散幾盡乘勢逐之必可以次成  
禽所慮者南軍不能堵截或任其逃入東京我軍未便窮追彼  
得徐圖再逞其爲後患更無已時耳麾下與慶池志同謀合其  
應如何分兵追截設法擒捕之處定能悉心商辦無俟鄙人之

過計矣前接慶池函報云貞市買市尙有馬二蒙日昌各匪二  
三百人盤踞其閒刻下曾否驚走尙不得知白通濱匪逕趨彼  
處難保不與合股如先期移會右軍分營夾擊則可悉予蕩除  
矣太原餘匪轉竄北甯意在逃生亦未必不思復逞來示已分  
營馳往扼其去路可以免廣安等處之擾更可以固高諒兩省  
之防所籌尤爲周妥惟北轄距河內較近仍望密屬各營確探  
洋人動靜豫爲之防南軍旣不能剿又不能防屬以嚮導偵探  
之事或不至諉爲未能也軍行不擾民得安堵卽是制勝克敵  
之道願與諸將弁益加勸勉軍聲所由張卽皇風所由暢也南  
官咨呈亦已閱悉內稱陳瑞當是陳水之訛昨慶池來函言其

率黨內應與陸志平情事相同或卽所謂串通官軍者也原件附還仍希管收手此布臆

致英西林制府

光緒元年

七月初三日馬守備至奉復函具承指示開益良多固徵識畧之宏具見公忠之篤莊誦再四欽佩莫名此次趙道劉鎮相繼進軍適值彼人機猶未動各匪勢已就衰故得鼓行而前窮極采阻其有無成效尙不可知猥蒙獎藉殷勤祇增慚悚耳此事已承照劄彼人必有一番議論老兄智珠在抱隨宜應之彼技自窮矣總署尙在相持之際承示亦照做處所商專函馳復則於外面情形較爲詳悉或不至多費唇舌也前月接到趙道函

五五州公三集卷二十一  
報我軍於猛化連日惡戰破其堅巢黃逆退守安邊眾無固志  
前隊各勇乘勢攻之遂克安邊直趨河陽黃逆奪路狂奔現向  
西南竄去又接劉鎮稟報督軍進克白通繼克從化周逆建新  
失其老巢與各匪目分竄太原北甯等處佑已飭催各軍確探  
匪蹤悉力追截務殲首逆用竟全功惟是南兵太弱既不能剿  
又不能堵令人徒增焦急耳

臨佳李樹森  
南陵胡永福  
同校

劉武慎公尺牘

劉武慎公全集卷二十七

尺牘下

致趙慶池觀察

光緒元年

正盼念閒接讀手書並公牘備悉各路攻剿情形既喜其捷更憫其勞並旬日以來過疑過慮之處一旦釋然矣南國兵練尙能堵截竄匪亦甚難得之事黃崇英僅帶十餘人遯入深山斷難久延喘息須趁此時懸賞購線撥勇晒緝較易得手黃文通既樂爲我用且與崇英深仇可令其與陳水分投拏辦賞費不足惜也前次復函並公牘計可陸續接到此時兩軍聲勢聯絡惟麾下與美卿悉心商酌能於此次淨掃各匪固屬中外之福

否則祇將黃周二逆及時殲擒我軍即可凱撤入關爲休兵固  
圍之計矣承示於事竣後將各營挑留歸併分防合剿所慮甚  
周容徐圖之他族之在匪中者既經查明僅止一人卽發交南  
官送回東京亦可省事所慮者如麾下前書發難或藉此一人  
橫生枝節致費調停好在此人適在陳水部落於我軍未至河  
陽之前全股就撫並無殺戮之事且招撫之議出自法人曾經  
奏明有案他族雖狡應亦無從置詞也至發交南官之時務令  
此人於陳水處出具隨眾就撫他族原只一人切結又令南官  
於軍中出具承領此人轉送東京印文如此步步踏實將來卽  
有爭論亦無難於折服矣商之高明以爲何如另摘錄英制軍

復留一紙所商辦法能否照行仍希審酌千萬不必拘泥並不  
可漏洩至要至要又假冒彼族者究係何處民人亦應確查妥  
爲安置勿任再往彼中致生事端其應否於送交之一人結內  
敘明均請裁酌爲要

復趙慶池觀察

光緒元年

七月二十八日酉刻接讀手書慰悉種切自得進克河陽之報  
陸續寄去函牘何以尙未接到殊覺可怪卽此次麾下來書係  
六月二十五日發至昨已一月五日矣亦甚不可解也日前外  
聞謠傳黃逆已竄十洲前函撤軍之議大半由此而起然果黃  
逆難獲不如速撤回妙誠所謂得好休  
時便好休也總局又云潛入河內並有營勇不遵約來苗民句

劉式真公全集

卷二十一

二

匪報復之說今乃知其皆謬也饒銘社老山係何省地面距河  
陽尙不甚遠否既經訊明黃逆在此山中禁絕獠人之接濟懸  
出鉅萬之賞金又合中外兵力四面圍拏檻獸釜魚斷無可以  
僥免之路矣即令服毒山中亦不難  
覓得屍首盡法治之板涼渭川那坑各股匪經  
麾下分撥營勇迎頭截擊現均敢回太轄自應由右路各營相  
機剿捕務竟全功前已檄催並據稟覆照辦矣南官黃繼炎還  
請移師進剿十洲殊不說事惟議撫一層察其情詞果無詐飾  
卽如來示因勢利導事尙可行摩羅唆等立有合約與前書所  
商辦法頗有暗合之處如於發交南官時再取切實文結則更  
臻周妥耳陳榮坤所部編立營伍酌給口糧前書亦議及之並



由總局移會辦理此時定可遞到此書到營計黃逆必已成禽  
我軍當以次奏凱矣尙望速備公牘詳悉聲敘以憑入告是所  
切禱萬一黃逆尙未就獲南官堅請留兵似可派黨副將聽其度地  
駐紮使南兵得藉爲後使酌帶勇隊及陳榮坤部下得力者  
若干名伺賊乘間復出設法捕拏或易得手惟審酌圖之

復趙慶泗觀察 光緒元年

月之望後承惠三函均已領悉黃逆被勦勢促棄巢散黨欲逃  
無路卒爲我軍所擒比得捷音合省官紳同深額慶本擬飛章  
入告仰慰

宸廑祇以函中所敘情形未能明晰令總局由六百里專函奉

答欲悉其詳不日當達軍中一俟留復到日卽當以實奏聞也  
陸之平已撫復叛與馬逆共據者嚴左右兩軍合力圍攻辦法  
甚合右軍因侯營又欲議撫意頗不平昨於來稟中已據理駁  
斥矣復讀來書無論何軍只要妥爲了辦數語極爲得體想磨  
下與美卿共矢公忠必不爲浮言所動也我軍暫留二三月盡  
除餘孽永息邊患用意至深且厚第現在英法二國皆有事於  
越南屢向總署饒舌以滇粵兵更不應久駐關外爲言且越南  
官民急則乞師緩則厭客早在意中而各營將士恃功陵轍藉  
端煩擾恐亦在所難免與其久駐別生事端誠不若及早凱旋  
以全體面也此信到時者嚴應已克破陸馬或撫或擒亦有定

局兩軍便可以次撤回無庸過爲疑慮矣萬一陸馬尙在逃匿只合酌留一二營協同捕拏以免藉口然亦須於營官遴其曉事而不貪利者留之庶可了事而不致生事也至各營撤回原防應如何更動布置之處統俟續有稟報再爲酌之長佑業於二十二日出關今科關事平順賤體亦輟適如恆附以告慰

致趙慶池觀察

光緒元年

月之朔日布答一函計尙在途初四日酉刻接讀賜書所籌邊關內外善後事宜周詳之至修復關隘一事誠知其難然果因時因地設法辦理或於邊防不無小補鄙意經費尙可力籌辦理之人殊不易得耳申明關禁一事昨已行司轉移左江鎮道

擬仿遵辦此事無須籌費地方文武能實力奉行內姦外匪無從勾結矣安撫降款一事上年議有章程二十四條已屬迅速卽查照錄移惟遣送口糧照遞解人犯支給未免太少儘可酌量議增以示格外體恤之意兩路營勇分別資遣一事此開所議辦法此時何營應撤何營應留尙未定爰所商辦法仍須總之與來示大致相同先後兩次檄調營勇雖爲地方防捕緊要起見於因地因人便於遣散一層未遑明言麾下與美卿軍門亦必見及也留營關外暫資鎮防俾南官得所憑藉辦理善後一切自是美意第粵軍勞費已久洋商又變多端不及此時撤兵入關微特財力有未逮艸隙不及防更恐內地伏莽暗長潛滋他族乘機有所侵軼致貽

舍已芸人之謂則更爲不值耳麾下再思以爲然否昨接越南  
咨呈堅請暫緩撤軍亦已詳悉照覆如陸馬二逆就擒開館滬  
坑各匪以次掃蕩彼國應亦無所藉口矣陸馬既有實落開館  
等處勢亦窮蹙務望申明賞罰激勵營勇士練及時捕獲以竟  
全功

復廣西涂朗軒中丞

光緒二年

得十月二十二日惠書通悉近政仰見勤勞惟藍生翠尙未擒  
獲易道刻難回省捐局開辦無時頗以爲念耳承轉寄越南國  
王一柬已領到復牋露呈仍希督照轉遞爲感彼國朝政不修  
致有邊患如能仰賴大力外震武師使荒服生靈不致重有他

難藉得轉弱爲強足資藩蔽則粵西幸甚寔亦大局幸甚矣法  
國查探路徑一節現雖照約飭遵能否與蠡獯頑夷兩無妨礙  
尙不敢必滇中通商之事業已以人心未定滯礙尙多懇請展  
緩舉辦首背明條寔非得已未卜仰邀

俞允否王守政慈至月前始克到省得被祥輝計未及月而稱  
述盛德不已足徵感格之深矣此復卽頌勳安謙稱仍希萬勿  
再施爲禱

復越南國王

光緒元年

去年河陽之役寔賴

大皇帝威德流聞將士用命亦由貴國王精誠所積布置得宜

我師深入宣興所向克捷兇逆就殲本部堂藉得靖邊保鄰無負我

大皇帝遣將恤藩之義而已迺於前月二十四日由粵西涂中丞轉寄瑤函尙蒙齒及誦之愜然涂中丞信義素著大局爲懷近復奏調蘇提督簡練諸軍仍駐沿邊各隘以爲貴國聲援亦無非仰體我

大皇帝軫念外藩推恩荒服至意貴國王能於此時勵精圖治自致富強是則本部堂所深望亦粵西沿邊生靈所甚幸也復此露呈尙希電照並頌福祉不宣

復直隸劉景韓觀察

光緒二年

迺西叛黨已於秋前次第剪除邊邑居民近獲安堵現復裁汰  
練軍開通饒路善後諸事或可次第舉行惟西人注意來滇業  
有成議竊念貴鄉大難甫平民物凋敝加以猖獗雜處積不相  
容若令彼族闖入其中難保不生事端爲地方累現擬以人心  
未定疏請展緩俟元氣漸復當亦不以癰疥爲虞來示先派官  
紳臨邊勸諭深爲切中機宜準是以行亦非倉卒所能舉辦智  
慮所周誠爲先得我心矣將來回籍有時必當以謀及萬全爲  
鄙人分憂夙夜也南旋何日盼望彌殷肅此再頌禮綏不具

復丁子開司馬

光緒三年

前復手緘忻經慧照接披來示備悉各因想自立能堅固不至



與波上下竊觀仕宦一途互相傾軋流俗所同故毀謗之來亦  
往往賢者不免惟潔已抱公自行其是積之既久自當有涇渭  
之分無論他人影響之事固不得輕置雖黃卽在我不白之衷  
亦何可流爲忿訐如云不避怨尤自見辦事認真然第不避可  
也因而與之相怨相尤則過矣細閱上總局各稟似於禮義不  
訥何恤人言之旨尙欠體會且釐差特小試之端如上游信任  
一年期滿再留一年原無不可否則卽日撤委自問無愧亦復  
何所容心若必俟一年期滿云云是亦非鄙人之所知也弟邇  
來舊病大作寢處失常兩月以來惟親藥鼎坐廢公事甚覺難  
安業於請假後續求開缺如荷

聖慈垂憫許放還山靜養餘年斯稱良幸留中語稍切直以非  
交淺知不病其言深亦欲以平時所得者證之於吾兄不託之  
冥心養靜爲泛泛語也此復諸惟玉照不宣

致文式巖護督

光緒二年

博川相國之喪關係天下安危與吾道消長之機聞之不勝悲  
愴來示謂朝廷少一正人吾輩少一知己信矣追思其相識之  
真相期之厚不以利鈍爲取棄不以遠近爲親疏致令迂腐小  
儒忘形畧迹迄未以一紙奉候起居此其感傷豈有窮期耶生  
近數十年知我者曾文正外獨此公一人今忽溘逝謂之何哉  
國恥未雪一語忠憤懷然能令懦夫興起果何由仰放以開地

下之顏似不能不其相黽勉也頃閱邸鈔其世兄似祇一人其  
已未成立有無孫枝均不得知訃音未易到此擬致弔賻亦未  
審應付何處便中尙希示知爲禱知同痛恨手此以當晤言

上峴莊叔

光緒三年

正月杪接讀手教知前寄數函均達台覽比因行期匆迫未卽  
肅復甚歉於懷就維興居多福爲頌爲慰佑於二月望前由家  
起程各親舊念其衰老遠宦相隨餞送中道不免旬留至二十  
一日始由郡城進發行次湘鄉奉到

批諭飭速赴任因就省垣商撥協饌萬金並調取文案委員二  
人於上巳日附駟奏報起程並片奏由粵西撥楚寶勇一營所

需薪糧卽由粵西解給約以五年爲準途中連接滇中來函並就諮滇人之官楚者皆云目前大患一在庫款匱乏一在將卒驕悍而洋人通商開道之事不與焉佑此次本欲將大概情形附片奏明猶慮見聞未確語涉張皇疑有畏難之意且俟到滇再爲縷悉陳之近聞邱鈔胡軍門飭回本任楊總鎮調補廣西右江足見

朝廷已有權衡於防制將卒一節似易辦理惟籌餉之事佑實拙謀彼中錢糧課稅爲數甚少此外惟有請協濟開捐輸兩端就目前而論所可靠者亦惟有川廣湖數省將來商議就緒仍當奏明辦理我权力顧大局天下皆知其關愛長佑之處更不

待言其應如何辦理方有實濟尙希早賜明示爲禱昨晤左子  
 栗世兄言乃翁定於花朝前後出關真可謂蹇蹇王臣矣劉克  
 菴此次聞

命卽行君臣朋友之義斯爲兼盡亦湘人所同深嘉慰者也粵  
 西事局頓變祇盼兩司速到或可悉力助扶佑繫念舊游未能  
 緘默昨已據實附奏矣梧州閩姓一案得老叔幹旋其閒真是  
 造福無量承鈞屬已轉致嚴中丞及徐守恪遵辦理矣粵軍在  
 關外者聞已全數撤回但太鎮沿途一帶必須酌留營勇以資  
 鎮防兼可隨時援應在粵時已有定議移行在案未知近來尙  
 肯兼辦否佑精力日見其衰遇事尙可勉強支持現在隨侍者

思謙一人同行者有思翊李展如兩人均堪分任其事業於月  
之七日解纜西行連日北風舟行頗遲擬到辰州便當登陸前  
進不欲稍有遲滯也后希兩叔體氣尙佳家事亦平安如舊肩  
叔與各親友送至白沙而別希陶叔與又卿暨各親友送至邵  
郡而別皆於佑此行心焉重之佑其可不自重以求無負此行  
乎

致郭筠仙侍郎

光緒二年

此次騰越變練其魁皆二三品將官性成亢悍復習爲貪殘少  
不遂意犯上作亂惟所欲爲鄧川甯州事變甫平而騰越南甸  
繼之騰廳城陷未半月而順郡雲州繼之雖曰叛練其實皆叛

將爲之此輩概置不用則猜忌更深用之則禍患終無止境於此欲求消弭之法惟有貴部查照定例凡鎮將各員應迴避本省均於接近省分查缺對調卽外邊有時不能不從權請補之處在貴部儘可隨補隨調使此輩知例原應調旣由內則猜忌之心不起而禍患之端可消其造福邊隅真無涯涘也惟我公裁之

復李小泉制軍

光緒三年

連日雷雨交作河水陡起丈許盡九日之力始由常德至辰正深焦急之際適由駙六百里遞到手教並承鈔示各摺片申誦再三更增浩歎瑪加理一案





算仍希爲

國爲民及時見教爲荷弟到辰後卽擬捨舟由陸前進無如正值農忙夫役必坐俟四五日方能就道再四思維究與水程之遲速相等是以仍卽開帆俟到沅再行登陸維是彼中艱窘情形計已早達洞鑒今幸節麾蒞蜀弟適承乏黔滇緩急所需仁鄰是賴其常年撥協之項尙未周知且俟到滇後審酌情形咨商辦理想閣下大局爲懷於弟尤關愛有素無俟瑣詞之懇禱也

致李少泉節相

光緒三年

久未奉書問候懷仰實勤祇緣所治僻左聞見皆在事後又因

年來衰疾交攻雖勉自束持終無萬一之裨足以告慰是以伸  
紙自慚欲言屢止德量含宏想蒙見諒滇中將悍兵驕民刁饒  
紕爲外省所罕見罕聞而且地連中外交涉漸多設難正未有  
已今以衰鈍之軀望其兼籌並顧真如疾疢彌年而欲以一丸  
銷之其可得乎故拜

命之後卽疏請展覲冀得伏

闕陳情量移閒散藉可道出保陽快聆大教比聞令兄篠帥亦  
奉往滇查辦之

命人皆我慶謂將躡賢者後塵奉法順流規隨有日是以不自  
揣量膏然而行乃甫抵湘鄉卽奉無庸來京之

諭泝流由沅甫入辰溪又接篠帥來函知爲

新命所迫弭節入川兩情莫遂自愧緣慳現於四月廿四日在  
黔省接印任事計到滇當在出月中旬矣自維衰鈍把握終無  
南望滇池實深惴懼果何由吏肅民安內和外輯使六詔三迪  
羣如磐石我公器量宏深海旬皆歸變理自己洞燭無遺尙望  
爲國爲民時加策勵俾駑蹇之馬不致終疲無角之駝得以耳  
奮則幸矣再弟近日體力漸虧精神難於周密心氣亦欠和平  
地方善後事宜尙有兩省文武同心並力以收其濟之功惟中  
外交涉之事多歸督署專辦如弟愚鈍旣無機警之性能應變  
於臨時又無辯捷之才可折衝於當境誠恐措施未當因之啟

聖貽患地方頃已就管見所及大概情形附片密陳倘荷

聖明有所採擇其中利弊所在與夫先事之資一惟明公詳示而曲成之滇事棘手之處半在武職半在練紳要皆漸積使然篠帥竹報中想已詳言之然武職猶可調動練紳頗難裁制潛移默奪之術非旦夕所能收功且俟到滇後體察情形縷悉佈達並望授之方畧以振發愚柔爲荷

復總理衙門

光緒三年

六月十八日接奉大文並鈔示奧公使函件敬悉一是比經切飭該地方文武認真查辦原因事關中外交涉務須委曲求全未敢固執前言與爲爭辯昨據騰越鎮越西道查復到省猶恐

其聽信該府廳營汛先入之言復飭據省局司道公同核議會  
詳前來長佑等悉心揆度殊多窒礙有不能不縷悉瀆陳者查  
洋人經過前次野山因穢褻野夷鬼門彼此爭論幸把總汪永  
聞知設法解救方免無事曾於洋人甫出境時函告尊處在案  
不謂該洋人已抵印度之後忽稱被野夷劫去銀物等情如果  
實有其事何不先向滇省官吏理論乃經由該國公使赴懇貴  
衙門豈不以地方有司耳目較近虛實未易混淆京師距滇萬  
里爲可欺以其方耶又安知洋人不先內愧於心懼中國詰以  
挑釁野夷之咎彼將無辭故憑空設一疑案以先發制人耶姑  
無論銀物之失真僞尙未可知卽野夷果索銀以爲收崗洋人

果出銀以圖贖命亦事勢所或有洋人與野夷自甘心授受於  
滇省何與乃失之野夷而欲收之滇省其視滇省爲何如也夫  
以滇省之大卽擲二百餘金以給洋人未必吝此小費但恐此  
端一開曉曉者將伊於胡底耳若謂中國有官在新街則荒謬  
尤不近情彼直以緬國所轄之地指爲中國設官之所此事何  
可欺誑似不難直斥其誣他若稱汪永爲王詠書早凍爲澡洞  
自係翻譯之訛不足置辯者也至約載洋人游歷中國地方照  
章護送並未聞載有供張此次攝政義由川入滇一切夫馬供  
應儼同星使實爲前此所未有是滇省官吏方思見好於洋人  
而彼族無厭猶復藉故滋事卽以今之所謂萬國公法言之曲

直顯然可否明告該公使轉諭攝政義自知過失毋執前說以敦睦誼之處祇候尊裁至此後洋人游歷如仍經過野山勢難保其相安無事應如何設法勸阻如竟不能勸阻應如何商定章程彼此遵守免致橫生枝節貽害邊隅致乖全局統祈酌核示遵臨楮無任悚仄之至

復總理衙門

光緒三年

月之二十日接誦鈞函承示此次攝政義改道從滇實由屢函勸致今若以野山不歸滇緬所轄再與陳說不但不肯依從反將以違約爲詞所最難忍者遇有阻止前進之事每言中國如不能制只好自行往辦中國必不過問也所稱如此能無髮指

嗣後遇有游歷到境仍當盡其在我設法保護云云具徵盡畫  
委曲求全何敢曉曉復瀆第事勢實有窒礙之處與其貽誤於  
後不若審度於先彼族每傳會約章以游歷爲窺伺且尋釁生  
事不一而足旣難理喻勢禁亦惟恪守約章以彼之矛陷彼之  
盾或可戢其狂志固我藩屏俾邊圉獲一日之安查約載游歷  
中國地方並未聞游歷中國之外國也亦未有游歷中國之外  
國而必須中國官吏爲之保護者也彼旣稱欲赴印度是以外  
國人游歷外國也陸行則克什米爾俾路芝阿富汗水程則孟  
買孟加拉麻拉打薩處處可通何難由彼來往今必迂道中國  
以思逞志於徼外野夷曲在彼矣漢過不先狝夷怒夷之不轄



於滇亦猶狽狗布魯克巴之不受制於西藏使其可以兵力脅服則中國緬甸與印度當早圖之何至今日尙成甌脫彼如曰自行往辦此固虛張恐喝之詞倘真徑行之亦可照會彼國假道印度不得以威武紛紜闖入內地優我邊氓致生他衅至西藏喇嘛居藏地者勿論也散處雲南麗江邊界所在多有其護持其教不過如彼族之欲傳其教耳彼族教師布列各直省者中國人未嘗持孔孟之教強之使從何至以中國不能馴伏藏番相誼讓且彼縱能至西藏豈能越狽狗諸部徑趨印度耶此理勢所必難保護者也此番攝政義之行安全無恙實屬僥倖萬分竊恐異日奧國人尋行舊路或他國人循例而來萬一不

能如此番之幸免無事雲南官吏責無可逃以此致多煩圖書  
時局其何以堪管見以爲似宜豫知各國公使申明舊約如果  
游歷中國所轄之境自當照章辦理若行經徼外野山約所不  
載一切遏止以弭邊釁以全邦交幸甚蠡測所及用備芻蕘手  
肅密陳

與龍松岑

光緒三年

兩接手書慰悉種切病懶久不作答至爲歉然承告以刊訂尊  
先公遺集次第就竣足徵紹述之勤令我嘉美不已屬撰敘言  
俟奉到成編潛心捧讀但得領會緒餘卽當勉抒所見用彰先  
德而慰孝思不敢以不文辭也往粵迎養之舉出於至性至情

就鄙見所及與其往返勞費并煩兩地之懸仍不若商諸二三  
令弟就粵陳情借差奉送較爲妥便惟足下酌之小兒總以健  
脾養胃爲主婦人總以平肝養血爲主女子十二歲以上總以  
女工爲主知不以愚言爲老迂而笑置之也愚體氣差勝往年  
公事亦較順手餘詳老四書中茲不多及惟順時珍愛及時學  
修爲望不宣

致黎簡堂中丞

光緒二年

茲懇者滇省氣候隔并旱澇成災米價日增人心惶遽刻下已  
覺難支來歲之荒更不可以設想論者謂救荒之政莫如乞糶  
於鄰然若蜀若粵遠在數千里外就令任其取求已難恃爲緩

急是滇之最爲親近專待拯援者要非貴省莫屬也況聞下游  
豐亨有慶而邊陲接壤便於轉輸因與同官商議擬派委員前  
往採辦並調練軍分紮迤東道上遞爲轉移至自貴省達於滇  
邊驛道尙遙崇岡阻塞若令顧夫給價遠送到滇轉運之資倍  
於採買仍非力所能及可否仰仗關垂不分畛域飭令沿途各  
屬員慨捐夫馬抽撥勇丁一體幫運之處出自仁施弟等不敢  
妄擬惟念黔滇爲唇齒之邦休戚相關非同他比而公又平生  
至交塵懷大局篤念友邦爲弟等之所深悉故敢徑商并忘非  
分如蒙惠諾則全滇坐困之民皆拜曲全之德弟等銘感更何  
可言至於事成之後經過地方或準報銷或予獎勵統候卓裁

示覆卽當先日

奏聞不敢忘其盛美也惟公垂察不盡欲言

致丁穉璜制軍

光緒三年

近接仁鄰得聞賢者設施廣大深遠輒爲之稱美不置景仰不  
忘而因事避嫌久疎音問想蒙鑒諒不以爲疑也昨準大咨并  
鈔示覆奏一稿反復循誦感與愧并弟叨竊過優才非其任衰  
病交迫力不如心故不憚再三乞休以爲推位讓能之計而  
天恩曠蕩僅予假留并簡賢明相助爲理誠初念所不及知豈  
同寅所能見信彈劾之章或由是歟然不意其吹毛求疵之太  
甚株連波及之太多也苟非

聖人在上聰聽不偏賢者相知秉公按覆則弟等之  
尙可仰邀寬典乎伏讀大疏辨析詳明能令挾嫌者  
而於弟之治已教家蒞官行事罔不謬採虛譽深信  
弟之感銘何可言謝至於諸君處分輕重不同雖由  
要皆偏愛鄙人之至意曲全事局之苦心弟雖至愚  
卽他人亦無不諒者惟胡軍門沈觀察各有不能自  
不諒也蓋以爲人之立身植品不患其得罪於小人  
棄於君子邪正不同公私有別也故得罪於小人者  
猶謂求全之毀而見棄於君子者聲名有損將無解  
以悚愧交縈追求申理各具咨稟欲弟與鶴田中丞

鶴田節府初開有詞推諉弟則累人於前未便負人於後況躬自厚而薄責人君子束修之道達下情而宣

上德人臣職分所爲用是不揣冒昧再疏瀆陳并鈔呈兩君咨稟額懇

聖慈準將胡沈兩員亦照大疏所擬魏鼎薰李光舒之例併交鶴田中丞或更加派大員會同查察據實稟明能否仰邀俞允抑或因之致愆均非所敢計也區區之心統希朗照

復鄒咨山院長

晉省奇荒近所罕見海內同爲賑助轉溝壑者尙數十萬人來示謂宜遷都於此此

朝廷大事我輩豈能輕議北魏都平城偏安百有餘載論其形勝固亦天府之國然歷觀前代以遷都而永其祚者惟東漢及東晉及南宋爲然然皆從顛覆後據其所有之地號召天下及其既定因而建國焉而實不得謂之遷外此惟明成祖遷燕京傳十餘世及其後流寇亂天下廷臣多勸南遷懷宗至以身殉國而不從其議誠以祖宗基本所在固未可委而去之也況今之疲於轉饟府庫空虛縱有新都爲

宗社利而九鼎之重固有不能如鳥集鳥飛兔興馬逝灘然而至者哉但以外夷雜居內地誠慮爲患將來

聖人苟建議遂之以玉斧畫海門爲界不使異服混於中原貨



泉歸於絕島又得陰陽變理水旱無災萬物樂其生百神效其  
順則

國家久安長治之基雖萬世不敝可也時艱方甚徒抱杞憂有  
感斯言並論及此未知高明以爲何如

復謝子受觀察

光緒四年

正深懷想復奉來書藉審局量宏開履絢多吉望雲引慰不啻  
晤言捐事至今所獲有限邇復賑捐並舉分之見少理有固然  
以粵東繁富之區因是亦多窒礙窮邊之困知何日始能紓也  
吾弟接辦以來以勤任事以惠勵人以廉正已復廣張羅於或  
近或遠辨持籌之爲公爲私智慮俱周精神畢萃頃將來函發

示總局無不佩服長才鼎立之形知必不讓人獨擅矣崔倅既無益於公容俟商檄回湘省另候差委吳丞已由滇局飭銷兼辦捐輸差事矣其餘應行增減之處統俟度量情形斟酌辦理期於局務有所裨益勿以任勞任怨稍存將就之懷斯則屬望之殷所欲先舉誇之人前者也

峴莊叔

光緒五年

去秋拜到大槓累幅連篇眷逮周摯卽欲手書爲報而衰懶因循日久不就方歉於懷臘月初三日復奉十月二十二日手教藉悉恩假以來身心俱泰德施所及遐邇胥安敬慰敬頌希叔舉丈夫子與修弟邑試冠軍之信同日得聞可謂家門盛事邑

志之修刻不容緩佑以一官再起不克始終其事切盼希叔出而成之昨接覆書意仍謙讓且以未奉公命爲辭殊負邑人之望在老叔友于情篤體諒意周或此事不免過勞且防招怨乎而鄙意是非褒貶邑侯裁之採訪校讐多士司之希叔但總其成爲之編纂縱有勞怨不乏分任之人況其才思敏捷物望同歸亦斷不至勞與怨也務乞老叔一言督成其事則斯文幸甚閣邑幸甚不獨區區私心紓其內願矣郡志經鄒芝山諸君倡議補修已有端緒但苦經費難籌函商及姪屬轉達於尊處其應如何設法俾成盛舉惟老叔有以教之李揚才前隨粵軍久役關外於越南之國勢輿圖知之最熟意可乘虛襲取也今彼

國既有所備抵禦於前則馮軍自後攝之中外夾攻其勢必蹙  
能於進退失據黨附不堅之時擊之成擒誘之就撫皆易了事  
否則氣燭日張南服邊隅之患正未可知此間自奉

寄諭遵飭沿邊地方隨時偵探遠道傳聞究多失實如蒙便示  
一二尤鄙懷所盼禱也西事之順爲曠古所罕聞左帥誠雄傑  
矣然非

廟謨堅定排棄羣言何能收效若此聞自報捷以後關外諸君  
未嘗有所戰伐祇就南北八城畫地分軍責以屯田之役所可  
慮者白逆窮附俄人甘作逋逃之主伊城久屬俄國恃爲奇貨  
之居是非詰以兵戎啖以利欲未必卽爲我有所謂功虧一簣

者此耳至善後行省之議尤非巨款莫辦聞其舊債正多新饒無着目前已形拮据更從何處措此百數萬金爲久長之計乎又弟精力漸衰家居旣少佳趣滇南之行亦以遠勞見憚念之不忘聞詳姪改調釐差視前稍勝仁暉所及銘感何如亦惟勗其謹飭自持勿稍疎忽而已詢兒久役塞外相伴無親故令謙兒往省窮南北之遙歷寒暑之節始得安達其處兄弟相依老懷爲之差慰昨聞左帥書來欲以彼處局務令其接辦俾詢兒得替入關量典一郡彼其宏獎後進皆欲有成之意可謂至矣惟此子自揣材質不合時宜又慮兄弟相違非其本志婉切辭之姪亦甚以爲是并於復函懇謝也滇中人事旣和天時斯順

秋稼所獲數倍於常人心賴以安輯卽土夷之蠢動者懾以兵威尙能隨時撲滅現就其捐輸所入抽撥數成趕辦墾荒建學諸要政以爲善後務本之計也承念手麻之患得鎮江膏藥貼之隨卽就痊但不免久而復發發則易麻爲痛自右肩胛以至手腕指頭節節如刺坐臥不安甚至執筆執筆亦覺爲難計自去秋以來發已數次或三五日不等昨復感發十餘日方藥屢更尙未全愈老病如是尙復何所作爲有裨時局擬俟春杪夏初循例請覲之時設法乞休以免曠廢之爲得也手肅卽請台安

復劉景韓觀察

光緒六年

再誦手牋知以河工過勞督辦既綢繆乎堙塞復安輯乎流離  
救災目前防患日後濟人實惠自不同修行虛聲所謂河潤九  
里京師蒙福者利賴所宏何必讓前賢獨步也貴省沿邊各處  
尙屬敕平去臘尋甸保山屬境突有匪徒滋事均卽翦滅未至  
蔓延鄉思所縈竝堪告慰

覆峴莊叔

光緒六年

秋冬兩奉手教知前肅一書已邀賜鑒復承疊寄邸鈔申報聞  
之見之曠若發蒙比以查閱在途未遑裁答至今歉然歲事將  
闌不審台履何若伏維曷福在躬大猷幹世跂瞻之下禱頌增  
虔姪於七月中旬趕將省標校閱料量出巡適接家書知又弟

病竟不起傷哉此懷何以自遣計得滇行別日豫計歸期約在  
一年之後而事未如願心未或忘者正爲此一弟尙存耳而今  
已矣悔恨何如古人有兄弟之喪解官以去者姪欲援此陳情  
而二三友人規以大義且謂閱兵大典疏報在先未便因私見  
阻乃就例假期後強起一行周歷三迤險巖瘴鄉幸皆無所苦  
患至封篆前日回抵省署惟是內懷悲慟外瘁形骸眠食有差  
鬢髮爲之加白自顧衰頽在官無補然使蒙  
恩放棄得遂歸田而影隻形單無復當年情事且有動增其傷  
感者德涼命薄進退維艱吾叔將何以開益之姪憶前歲家書  
曾以娛老之方婉規又弟實不料其家事家人重違其志而篤



其疾以促其年也。詣兒初意留家爲之經營醫藥，嗣聞姪有閱兵之行，重以又弟再命始作滇行。到未月餘，遽聞凶耗，深以奉事不終爲恨，而出省在卽隨侍，乏人又不得歸，執其喪，因以緘召思訓速歸代之，不期先日出京，中途患病，遲遲其行，致令此緘相左，能否趕到家中，躬親喪事，尙不得知，更何以爲念也。俄事近復何如，當此

主少國危，委曲求全，未始非策，但恐彼意有在，特以議和一層緩我之計，懈我之心，而終不免於戰事，則猝發其機，實墮其術耳。前聞

禧聖福躬日就安豫，誠薄海臣民之幸，惟時局日艱

主憂日切頤養甚非易易吾等受

恩最重安坐一隅涓埃未報又未便遽申歸志其爲負咎當復何如詢兒假守涼州期將瓜代一切幸稱平適謙兒決計辭差未邀批允大約以隨同入都爲便於脫身之計耳知念并告惟爲

國珍衛不宣

覆峴莊叔

光緒七年

去臘小年後二日肅函馳答計荷鑒存三月初六日接誦正月二十九日手教一函及疊寄邸鈔申報各件仰見垂眷殷殷開益種種并悉訓兒歸便惠貺多珍感謝何可言狀俄事紛擾年

餘近得轉圜就理誠爲大局之幸。叻侯此行實不辱命。要非上承

廟算下託兵威不足以沮彼陰謀。易其初議而有此一舉強者既服弱者何爲倭事相持當更易於了結。惟了結後中國邊防仍不可懈。東三省與台灣各處誠如來示其最要者所冀內外交修自強有策勿以無事爲福。忘其未雨之思則更幸矣。姪以衰病侵尋之體公私交拂之心鬱鬱在官實非得已。茲幸俄事有定轉圜安歸志浩然遂有自請休致之疏於月前拜發矣。或疑年未七十於例不符不免徒干訾議鄙意殊不謂然。人臣去留不外度時量力力有弗逮強之爲難時有可乘失之足惜

且與其曠官以負咎無甯違例以陳情如蒙

天恩曠蕩賞準放歸雖其親故凋零家風寒素而重肩得卸閒  
氣不生心既託於寬閒魂夢亦爲之清適以視在官之日苦樂  
何如知老叔必心許之謹以疏稿鈔呈乞賜教益爲禱

復兩廣張振軒制軍

光緒七年

承示日本何子義星使來書及輪濱法報各件仰見忠謀遠慮  
度越尋常海上風雲無不歸其運量猶復虛懷下問更徵廣益  
集思欽佩無似竊意越南之禍等於琉球而法人之謀詭於日  
本蓋琉球孤懸海島倭雖竊據不過徹我藩籬越南近接疆圻  
法若并吞必將闔我門戶故琉球容可不問而越南在所必爭

也然春秋法嚴首誅元惡法人之罪倭人實首倡之若置倭罪不問法轉得以藉口而我無以屈之昨聞倭事當在宥延所以不及緘商而有力請討倭之一疏也謹以疏稿鈔呈台覽若計不出此而欲提挈越南禦其外侮無論兵端未啟釁隙易開而揆勢度情亦有不能代謀不能專擅之處則惟有修我軍實慎固封圻盡其職分之所能以待事機之可乘而已兩粵多驍勇之士物產繁富足以招致而培養之加以我公部勒簡練之法不難立成勁旅雄視海疆用爲緩攘交修之資而收操縱自如之效鄰封藩服庇賴實多弟衰病之軀智慮日短愧無一得裨益高深差幸轄境稍安秋收不歉得以藏拙養老堪慰塵懷

復總理衙門 光緒七年

本月十二日奉到十月二十日鈞示具見智慮周詳教言剴切  
祇悉之下莫名欽悚長佑等承乏邊方毗連越境未接鈞諭已  
切隱憂才識庸庸毫無成算而仰體謨明盛意又不敢緘嘿自  
居再四籌商諸形礙窒圖其萬全實非淺見所及惟有將現在  
情形細加推勘冀勉隸一二以質高深其說之是非仍求明鑒  
訓示焉蓋事必審其有不可行者而後知可行之術越南孤懸  
海表積弱已久法夷通商東埔侵據嘉定等省邪教薰轍莠民  
羶附欲其一旦發憤自強決無可望卽誠以無再受盟約亦恐  
力不能抗至於防邊自固滇粵首尾二千餘里防者兵分而易

弱攻者眾聚而力强一處疏失諸戎皆驚出入山谿援軍難速  
欲相度營壘早據要害而先事守邊是明委南藩於不顧蚤夜  
籌度顧慮百端竊思諸夷通商中國亦嘗以條約爲餌駐華之  
使內而京師外而各口不止一處其閒持論守正豈無一人貴  
署召諸國之使與法臣質辯令其折衷至當或

皇上別簡大臣至津滬各口與諸國提督領事官舉眾國公議  
之約以考其信否宣

累朝寬大之德以明其利害度其愧赧必謀寢兵蓋一人議之  
於彼而正論難伸不如諸國議之於此而陰謀易屈也議之不  
從則不惟法人之貪忍可惡卽各國之險譎可知越南旣翦諸

邊可慮與其環起可戰於後不如捍患而禦於先卽求貴署與  
南北洋大臣定議分撥各口輪船先據紅江上游別以戰船分  
泊瓊州島廣東灣諸處卽聲言恐盜之竄入內地咨令各省酌  
派援軍雲南以兵防宣光省廣西以兵屯諒山省廣東以兵分  
布廉欽及海陽省而密諭越南分防要害俟其有變則三路之  
師皆赴河內省以扼其衝各船駛入香江灑江新州港以遏其  
後此禦之之一說也若慮禦之不必有其功則擬用沮之一策  
何者彼之取越南以捕盜爲名則正可借捕盜之名以相制越  
南爲我外藩往者吳亞終李揚才之亂皆由廣西出師助勦中  
間黃崇英竄擾又適經長佑以兵殄滅均中外所共聞者此次



寇盜何至煩遠國加兵則請

朝廷宣諭越南爲之治盜而別以精兵分防要害婉謝法人退兵不用在彼雖復多詐在我甚爲有辭越南君臣臚奕已久法人所忌者惟在羣盜今密招渠率聯爲聲援則存賊卽所以拒法越南之副提督劉永福者籍本廣西與賊將黃崇英同爲吳亞終之黨亞終既敗崇英私通法夷永福與之相仇越使過廣西時長循曾屬其用永福以拒賊旋聞受撫屢立戰功今駐兵保勝州與滇南接壤倘

朝廷密諭越南信用其人而令其招撫賊蒙覃四第等翁志同力中國稍爲仗助俾不窮潰則越境西北可藉爲藩捍賊不亡

卽越不亡  
通意永福  
也若慮禦  
不如寢兵  
修關隘以  
欲通商而  
沮之似宜  
南易取越  
審於不可  
亂歲饑經

沿邊夷種較多從前定亂之際各回寨皆係招撫未加懲創其狡黠者聞多竄入越境趨入外夷法人一旦鴟張則滇邊之內訌甚爲可慮而通省制兵僅得五成所設練軍亦止五千以之分布沿邊各郡每形不足倘遇調撥出境尙須再增數營或十數營以資得力之處想邀察照現惟遴員潛往越邊履勘地形偵探動靜並於羊城添設坐探之員遇緊要文報商由粵西閒道遞滇期於事機可免遲滯所陳淺陋是否合宜遙想老成元勳盛德威信孚於中外必有嘉謨碩畫紓邊患以慰聖心伏望垂示昭晰俾邊疆將吏知所遵守曷勝企禱之至

復廣西慶蘭圃中丞

光緒七年

法越之事前奉

寄諭一道又接總署專函祇悉之餘不勝焦慮弟等愚陋忝任邊疆愧無深識遠謀裨益時局而事關中外策貴萬全值釁隙之未開更機宜之難必商摧至再未遽奏陳惟就現在情形豫籌辦法先覆總署一緘於前月下旬付驛馳遞矣並欲舉以奉商適奉惠書先賁宏謨遠畧迥異尋常敬佩敬佩此間僻在邊遠聞見每遲不審關外探報近復何如想尊處布置既周消息易得緩急之際必更有操縱自如者尙乞時惠數行卽由右江一帶逕遞滇邊以期迅速弟等昨復商派委員前赴羊城坐探並飭滇南近粵各屬添設健夫專送往來文報其自百色東下

以達梧州桂林兩路尙乞惠飭通知遇有緊要公文從速傳遞俾得聲息相通事機易赴無任感禱之至並將致復總署信稿鈔呈台鑒

致兩廣張振軒制軍

光緒七年

九月二十九日遞呈之函計已達左右前奏於十月十一日入

覽奉

旨留申旋於初五日奉到十月十五日軍機遞寄

上諭一道並鈔摺各件計尊處早已遵奉籌度法夷之謀弟知之久矣往者承乏廣西於黃崇英之亂嘗出師助剿以沮法人之勢浸淫醜毒遂以至於今日豺虺之性率土所恨昔之通賊

以謀越者今則殄賊以滅越何者越人孱弱已久爲積威所劫不復能以兵力相抗拒其未遽滅者正賴羣賊以爲爪牙法人所惡者亦不在越南君臣而在羣盜盜旣滅而越南隨之故今日之增餼治兵卽以滅盜者取越耳論者未察其情而以爲託名捕盜卽遣使通意越南君臣禁以勿再受盟約夫豈知此次出師乃是一術兩用越南之亡無俟再舉哉聞

命以來私心惶駭伏思諸夷猾夏久以條約爲餌

朝廷亦冀其安帖軫隣遷就月異歲不同至今而姦計盡露不可彌縫顧猶隱忍瞻徇以求萬全諸夷稔知其情狃利而棄信南島一案尤所窺測故嘗熟思審處以爲懾服諸夷無如討倭

一策者今既寢而不行矣法夷因利乘便席捲交州進據紅河以臨滇粵之邊又將何以爲計將予以通商歟則山海之要津川楚之門戶非可以自徹藩籬將與之相拒歟則東自欽州西至蒙自幾戍二千餘里老師罄餽歲月絳曠所費兵賦不可屈指先事而守邊則又明委越南於不救益生戎心弟與閣下受國厚恩身任疆寄想亦夙夜虔此至熟也竊以爲需者事之賊也決者勝之機也法人合林之心路人所知

國家事勢至此亦萬無中立之理何也越人僂僕徼御已數十年邠夜誘煽民去大半卽督責版庸亦萬無自強之望諸盜雖桀黠而黨分力弱亦不足以當獷夷之鋒若恃和約以相辯難

則  
欽使在彼與法外部言論往復相持已久迄無明效卽其面諾  
又豈足憑徒泊輪船於海口藉游弋以壯聲威而彼國之船久  
已駛入內江亦不足以奪其氣揆今之勢惟有明拒暗助兩策  
而已明拒之策必俟其兵機已動而後可方今法師未集邊釁  
不可自開然待其旣集而始議徵兵勢又有所不及爲今之計  
宜以四路備兵廣東一軍駐欽州可由那龍隘入海陽省廣西  
一軍駐憑祥州可由鎮南關入諒山省雲南一軍駐臨安府可  
由蒙自縣入宣光省而以輪船分入海潮江香江兩口水陸布  
置聲息相通俟法夷一有舉動



朝廷先遣大將馳往越其勢並以海船駛行分衝及今富春未亡尙可憚之則不戰自屈也法今財賦雖虛人心尙奮度橫山而南直擣西貢朝廷方在修睦越人又日復接到十月二十日外人窺伺之漸凡在臣深識遠畧以紓

宵旰之憂如弟柯昧竊謂

廷議志在拯救而又不欲張皇則莫如存賊而禦夷以僞攻僞  
聲言黃李餘匪未靖暗助之策蓋存盜可以禦法卽捕盜亦不  
必借力於法也方今越南餘匪尙在未靖聲言越王不能撲滅  
中國有內侵之憂往歲吳亞終黃崇英等及李揚才先後爲寇  
皆由廣西出兵助勦今日之盜何獨不然自可謝去法兵勿勞  
血刃而密招渠師令其翕志以重兵駐甯平等處以爲富春河  
內之援分移駐口之兵輪屯泊白鶴江洮江以據富良江之上  
游彼以阻遏啟釁爲辭我以揆捕安邊爲說彼以捕盜而圖越  
我卽以捕盜而存越且卽以存盜而制法是賊不亡卽越不亡

寇能往我亦能往駐越之力尙省於防邊之師治賊之名較勝於助越之號而無患乎無辭以相對也今越之副提督劉永福其初與黃崇英皆爲吳逆亞終之黨吳逆滅後其黨始分黃崇英陰通法人獨據紅河上游之利永福力不能爭就撫於越驍勇善戰屢挫法師弟曾授意貢使轉達越王重用其人以爲自強禦侮之計聞其人尙愿樸籍本廣西懷鄉慕義曾喻以隨方效用不必急歸現屯保勝州分防興化宣光一帶此人卽法夷所忌今亦必懼法之相圖若由弟等示以大義聯爲聲援必能忠勇奮發然亦須

朝廷密諭越王用爲腹心然後不至於疑貳並諭沿邊諸軍察

看情形隨時暗爲資助方不至於窮匱由此之道既非攘夷之上策或亦紓患之淺謀若慮越人恃我之救援事事求助於我或慮法夷知我之私庇事事不欲以聞於外則不能救人以力而但授敵以隙又不如閉關謝使靜若無事聽越人之相爭不通一介行李待其吞噬越境之後欲脅制通商而無所藉口中國亦不勞一兵一粟以購輪船機器槍礮之費爲他日邊防之用優游暇豫尙無近憂以視救越而不能出關拒法而不能聲罪其得失之相去固倍徒也弟老矣精力衰耗才識淺短滇省荒瘠無以備軍實長慮卻顧中夜焦思未知所見然否懸揣閣下必有成算苟有緩急敢不勉竭駑鈍然此開僻在一隅海上

機宜與

朝廷政令皆苦聽覩至遲所擬數端亦尙瞽之見治下庭戶南溟賓旅蕃部舉動緩急咸所周知尙冀垂示一切俾知遵守樞廷及南北洋大臣處並望密爲商榷以決事機進退之失間不容髮計不早定必貽後憂以閣下夙相知心故不覺言之詘詘再此後滇粵文報往來擬改由廣西以資迅速殊方引領專俟賜音

致兩廣張振軒制軍

光緒七年

九月二十九日肅復一函黏單排遞計達典籤前月二十五日復由專差齎去函件約需開篆前後始得呈鑒法越之事近復

作何舉動劄剛呈使電報何如能以口舌折衝不煩兵力固屬  
萬全否則庇弱禦強計將安出知總署必有豫籌之者尊處賓  
旅往來亦得時間確耗否此間僻在邊遠中外時事非數月無  
所見聞山駟紆遲本無足怪然使密要之件遲滯太久深以失  
機爲虞昨與鶴田中丞商派前署蒙自縣令丁憂候補知縣王  
令德中趨赴戟轅面陳鄙念坐探夷情特以採辦軍裝名其差  
事王令籍隸廣西爲少鶴通政之猶子又弟癸酉會考所得士  
也居心誠樸辦事精詳又能審度事機不輕宣洩遇有法越要  
事尙乞隨時諭知俾得從速申報發矇啟瞶皆拜大君子之賜  
也至駟遞文件由粵達滇向必繞道楚黔殊嫌紆折此後擬改

由廣西百色廳一路逕達滇省百色以西各屬業經通飭地方  
添設健夫專資轉送其自百色東下經過轄畧尙望通飭知之  
免有延閣無任感禱之至

致兩廣張振軒制軍

光緒八年

長佑坐老西南籌邊鮮術所賴宏才遠策以懾不庭夜績分光  
竊以自喻羣夷交煽以來殆踰三紀以

國家師武臣力故雖大盜未平莫敢先動而今南北二邊不免  
窺伺者臺灣之亂不懲故有琉球之役琉球之亡不問故有越  
南之謀蟻穴不堙將潰隄岸是以前疏請討倭夷之罪以戢諸  
夷之姦閣下嘉獎過深籌度至熟長言永慮夙夜同之然此實

切近之圖非迂遠之計漢擊焉者而後威行西域魏平統萬而後箠服北庭況在島國鱗堂潛謀環伺得失之機閒不容髮與其有事而戰於南交已不若未事而揚威東海矧夫畫疆自守以孤越人來蘇之望哉至於簡練精銳以待援應此固豫防之道先事所宜頃已添設六營擬駐臨安開化邊境而安危之計撻伐之謀則猶望決於

廟謨長駕遠馭日者張侍講一疏洞見利害已奉

上諭寄示妥議覆奏其間水陸布置皆俟協商昔元光之詔邊軍曰將吏新會仁壽之破林邑則步騎並行事在改弦要須謀定後動閣下深明大畧目擊時艱冀聞梗概以知措置垂詢越



南水道一節滇邊僻在荒徼古籍亦有未詳班固知麋水壺水  
之人尙龍谿而不知龍谿之爲蘭蒼水酈道元知葉榆水由交  
阯入海而不知西隨三水入尙龍谿近世五臺徐氏以柬埔寨  
水爲瀾滄江謂暹羅默南河發源雲南之李仙把邊等河邵陽  
魏氏謂默南河爲瀾滄江越南疆域考又以安江以西之潦瀨  
江爲九龍江羣言淆誤皆由不知默南河之爲漫路河也夫河  
底李仙二江在瀾滄江之東北勢不能絕瀾滄而南入暹羅九  
龍江東徑老撾境爲黑江勢不能越三關而西趨南海今細校  
滇志旁咨邊吏則漫路河出順甯南境募迺猛朗土司之閒南  
至猛養之東與孟連河合而南流入暹羅北境海國圖志謂緬

甸北隅之彌南河發源雲南歷暹羅之曼谷國都出海正謂是  
水特未確指所出之地耳此水諸書異名地理備考謂之美能  
河外國史畧謂之墨南河其與彌漫音皆相近暹羅都城名爲  
曼谷尤爲漫路之微大抵益州徼外山洞攢錯行師出境水陸  
皆險西南大川流遠而勢隘默南河在暹羅北境不通商舶瀾  
滄江自出越南三江口始復深廣其中經歷蠻夷中原之士罕  
涉其域故言人人殊也三江口漢志謂之龍門水其深百尋輪  
船溯富良江而上至是而止又西入宣江而至滇邊之河口新  
街等處則灘險紆曲惟江船小艇可以來往法夷規入滇境乃  
沿是水卽河底江由蒙自陸行至省不過八百里其上游過臨

安元江而北距省三百餘里若瀾滄則僻入西南申經老撾諸  
猛地雖會李仙江入越非達滇省之孔道矣茲於奉

諭密咨外附三江越南二圖以質左右肅此布復統祈荃照

致廣西慶蘭圃中丞

光緒八年

去冬敬布一緘計已達於左右南邊動靜何如至勞碩畫昨得  
廣州函報知彼族具舟集饗荐食匪遙而

廷議遲遲未奉

詔旨行軍措饗布置良難頃雖招募六營前駐邊境而靜揣大  
勢夷船苟入宣江上游則滇粵邊關在在皆勞守禦不如水陸  
夾擊遮之海口爲擣亢擊虛之策已詳告張振軒制軍俾函商

北南洋大臣移水師鐵甲進屯瓊海然事變無常行止難定越南一失北圻便須禦之境上而法夷傳教彼土煽惑已眾各口駐兵皆以百計近且潛入內地誘納漢姦昨廣州函報復稱其招撫陸之平以攻劉永福之平黨羽甚眾若爲所用則羣盜皆折而入於夷邊民之嗜利者又從而附之彼既有鄉導之足用我更無險阻之可憑雖有智者無以善其後昔劉芳入匈奴而北邊騷動張元奔西夏而秦隴創痍況以陰謀狡噬之外夷而用此羣不逞之徒哉節下部曲出境已多臨賊最近伏望迅遣才辯之士密招陸之平覃四第等約與拒夷啗以高爵重利卽已受法夷之招亦可遴彼鄉里親故潛探密諭若得其降服而

陰與官軍相應爲效已多此機難失尙祈留意其餘賊黨李亞生等亦宜招撫不可討捕蓋越多一賊卽法多一敵我招一賊卽法失一臂至於邊民無賴叛附外夷者

國有大禁並請得撫循而誅罰之諭地方官嚴加約束不可輕也劉永福歸芒街後刻下已否回保勝乞飭員弁出上思州確探蹤迹密商戰守之機若已回營則弟處可以遣人通意頃復派韋丞勳承由開廣徑赴粵邊防軍坐探動息商酌邊情請轉飭統兵各官妥爲查照滇中僻壤聆音每遲一切機宜仰煩殷注鵠候還章曷勝盼禱

致沈意文觀察

光緒八年

再法國兵輪駛到東京倘蓄意來窺其勢甚速現未奉總署議復不便進兵爲扼險之謀此時惟有陰結劉永福許以暗助令其力持庶有以阻彼之詭謀更無從咎我之肇衅但劉永福方懷疑忌必得有謀而能言者前與計事始可資爲我用而委員陳晟文人太謹厚實恐未能幹辦昨與中丞細商不若由尊處改委陳守之梅親赴保勝密爲授意使之深明事機盡釋疑慮必能認真捍禦保全轄境爲我籬藩或前說出自僞傳渠尙未來保勝亦可令其子走使前催及時準備竝希密飭韋倅於行抵粵軍時探明陸覃等匪實在下落與彼中統領設法招撫免爲外人句結貽患將來此亦唇齒相維之議不得已而降格以

求者也閣下智能燭遠究應如何辦理知能審慎以圖惟望酌奪并以見示尚此再布即頌勛祉

復統領防軍沈意文觀察

光緒八年

交人受制於敵如東溼薪誠慮翦焉傾覆等於琉球然南島限以滄溟交州鄰於滇粵今之形勢邊患較深自去冬以來已籌守禦而以地瘠饑絀未克成軍又恃屬國之集議行人之抗辭遷延至今邊聞越警變固逆覩而勢難先發也廣東財賦雖足惟欽州一隅與玉山接壤自非合兵瓊海難望轉輸粵西則藉口彼族通商之謀爲謝賈雲南之語雖有出關之士馬要非拯亂之雄軍此次滇省籌防乃在自爲振厲然窮極兵力亦但及

邊境而止河口以外則勢有不逮非借劉永福扞蔽則一旦叩關伺隙事多棘手昨得廣東探報聞永福掃墓後卽以上月起程歸汛未審今已達保勝否前所遣之員應著令密商確報其越南土匪之逼近臨安開化邊境者並令密查股數設法招撫或爲永福爪牙或爲我軍指使勿令窮附法夷導之內向乃爲至要宣化典史王敬邦曾與永福面談詞氣慷慨亦暫無退避之志也臨沅一帶久經兵亂頑獷正多守土之吏與臨邊之將皆當正身秉法以消亂萌驅逐蜀民一事保無使良善受累狡黠生心誠望足下分別辦理並嚴諭將吏無得驚擾以廣招徠參將馬柱於日內入都引見劉萬勝在籍未回其劉奇義龍文



藻二員均已札飭募練赴防近日可到臨安誠居中要地聯重器械所繫匪輕刻下有老成坐鎮足資彈壓若其外防緊急旌旆臨關則老夫當扶疾南來策勵將士所望從容審畫聯絡土夷堵禦卡隘以爲三軍之助無煩後顧以損清神也

復兩廣張振軒制軍

光緒八年

續奉探音聆悉一切彼族兵械鋼船陸續進發當尋盟之歲爲思啟之謀交陞之危已在旦夕臨安商旅傳言三月初八日已破東京雖未知信否而異日之邢遷紀滅灼然無疑豺狼之心何厭之有雖未與中國開釁而已覺邊境生塵夙夜殫思殊少善策前爾海口合擊之議至今諒已不及所奉

廷旨又但有鎮守一層雖有韓白之師徒興江黃之歎又況如滇省之財力匱乏乎前已派員統兵六營駐臨安開化廣南邊境茲復抽調各鎮練軍並擬續募數營以備緩急而河口以下非內地兵力所及保勝能扼其衝突則可以爲我之扞蔽倘踰保勝而西則已迫我之籬藩頃覽劉永福稟詞義形於色雖有朔風之志尙無懼敵之心倘其執銳前驅則法人自不敢越雷池一步惟其兵力稍單加以賊黨乖異弟處與貴省似皆宜稍爲資助以期禦敵境外弟前遣員往探聞尙未回營河內旣摧虜氛甚急尙冀閣下就近喻遣早還汎地則紅江之上流可守卽沿邊之烽火無驚又陸軍各股匪自經粵軍擊捕現均竄近

滇邊鄙意乘其敗逃之餘設法招撫使爲我用免致逃入外夷  
似於固圉恤鄰均有所裨尙祈密飭防軍統領及早圖之此間  
偵探委員亦已密授之意未識能與粵軍商同辦理否北南洋  
大臣如有計議及此一切動靜仍乞不時示悉爲感

復總理衙門

光緒八年

長佑等職繫遐陬心殷左右自越圻告警早布蕪函冀聆訓詞  
以開禱昧旋於三月初七日接到貴衙門恭錄

諭旨及議奏之章仰見公忠弼亮碩畫周詳本月初三日後奉  
到三月十三日由川省撥給練饌之

旨方當續聞越事抽調練軍期固邊疆以釋

聖武通志卷一百一十一  
朝廷塵念頃接緘示慙悚滋深垂示各節自應遵行此聞已遣  
候補道沈壽榕前駐臨安增募設防亦已牒有端緒據探報法  
人已攻取東京分兵畧地乘勢進圖保勝自在意中頃聞劉永  
福已由粵西回至北甯其山西太原興化等省亦各調兵防守  
北甯爲該國大統督黃佐炎駐紮地方其人忠勇性成長佑前  
在粵時嘗所聞知劉永福之官越由彼拔擢意氣相投此次河  
內被陷兩人義憤必有計畫倘於北甯山西等處得一勝戰俾  
夷人受創則保勝可以安枕卽能於保勝力挫賊鋒滇邊亦可  
無驚否則法人進據保勝越南全局莫可挽回而滇省邊防更  
爲緊急尤可慮者劉永福與法爲讎誓不兩立一經敗衄不西

奔滇卽東走粵法人入境索餽則衅端自此始矣此不可不深思而長計者也張制軍區畫北圻之策洵屬偉論與長佑在粵西時不欲撤高諒太原之防所見相似此議可行惟不宜緩如貴衙門裁定賜示滇省卽可遵辦但須黃統督及劉永福與之力持半月兼旬滇省始得部署一切何者北圻西入之路重在興化自富良江窺保勝必道於此一爲法人所據則滇兵出邊無由展足而商船停歇卽保勝之饟源亦虛得越軍與之相拒於北甯山西之間則法人不能奄至興化而宣江一帶形勢皆爲我有保勝之軍銳氣自倍然必兩粵之兵牽制其後與滇軍合謀並舉斯法人有進退維谷之勢不敢肆行粵軍密邇北甯

當可授黃佐炎等以意旨也至通商一節事關大局其如何因  
應之處總須由內定議奏奉

諭旨疆臣方可遵行然雲南向未通商與沿海沿江各省情形  
迥不相同蓋滇本貧瘠又經兵燹賴開採客工販鬻小利以爲  
生計若一旦夷船運貨機器入山則民力皆虛生理盡蹙卽不  
與法人爲讎已自有劫奪爭殺之事況沿邊土蠻回漢種類錯  
雜獷悍性成偶有睚眦動輒械鬪非文誥所能喻亦非法令所  
能馴昨聞臨安開化接到越南商號函報云法人已佔河內將  
由紅江通商滇省城鄉士民紛紛議論誓必合力拒絕觀此情  
形恐法人至境謹譁並起不獨商不能通衅不可杜而地方官

民意見不洽教會各匪乘機煽亂內外交關轉有不可收拾之處雖責有攸歸而禍已難解有不得不豫爲縷陳者務乞貴衙門斟酌機宜據實陳奏爲先定之謀以弭無形之患庶可紓朝廷南顧之憂至滇省地處僻遠距東京二千餘里水陸險阻得報每遲前次奉覆甬內已經敘明粵東地近探確自必密陳速報足慰廑注是以未克隨時布達茲承示及遇有緊要當卽飛速呈報以副盛懷刻下邊情疊出日有探聞仍乞早賜教言知所舉措肅此奉覆

致兩廣張振軒制軍

光緒八年

昨聞合肥相國省親鄂渚北門鎖鑰借重我公足慰中外之望

前次

諭旨及總署函中皆舉閣下區畫北圻之策誠爲偉論但應如何措置始協機宜尙乞詳晰示知俾無歧異此間布防情形及酌籌因應之件詳於日前陳奏一摺與復總署函中鈔稿咨呈卽希察照疊據探報法夷攻取河內畧地西上滇邊防務因之戒嚴然自開廣以至臨安東西毗連近千餘里山川雖險路徑紛歧既有防不勝防之處而兵單饒絀瘴雨蠻煙更慮獨力難支久戍不便爲今之計仍盼強鄰合力如原議以東省兵船駛至河內與西省關外陸軍聯絡聲勢以躡其後劉永福早回防所整飭勁旅以扼其前使不得一意向滇而滇得內修邊備外



出援師爲永福策應則彼族雖橫而當此腹背受敵進退維谷之時或亦知難而自阻矣此不待力戰而綏藩固圉兩事可兼全者也質之老謀以爲是否又聞陸覃諸賊曾向廣西關外軍前乞撫未就不審確否或係黃提督遠阻邊關勢難專擅之所致然使若輩窮而附法永福撓而敗謀爲患正復不淺刻聞陸覃諸黨尙在山西宣化之間弟處遣員往探並與粵軍合議及早招安或不受招安之名而但激以忠義資以軍糧許以獎勵使之轉而擊法似亦以毒攻毒之方尙冀尊處密飭粵軍一體照辦無任盼禱此閒軍火礮械尙在不充應就粵中購製而需價頗鉅籌費彌艱擬就貴省協滇餼項及應補迪字營勇餼二

萬兩抽爲採辦之費務求關念急需轉商澤生中丞諄屬東藩  
司隨時撥給王令德中及請饒委員黃牧炳熙等照領購備從  
速解滇以備應用至所需採辦軍火之執照亦祈尊處迅賜填  
發該委員等以備查核無任感禱除備公牘另達台端外肅此  
奉懇

致總統沈意文觀察

光緒八年

委員辦糧一事總局諉之糧署糧道諉之各屬相率宕延含混  
申報鄙懷因之作惡數日現已商之鶴帥飭速委員齎銀往辦  
矣陳晟文藉差移累地方而地方官亦卽置身事外均可大怪  
河口坐探似以陳守爲宜其人心地明白於邊關內外情形較

爲熟悉卽  
卓見想亦  
軍防備洵  
圖則微特  
似於區畫  
在各督撫  
省各就越  
成聲威益  
誠而法無  
紅河最當

旨以事機不可坐失則進兵路數駐兵地勢必須豫爲諮謀弟  
現屬文案處周令寓書陳守卽由河口前赴宣光興化等省查  
看情形繪具圖說以便臨事赴機較有把握又查宣光省屬尙  
有陸之平覃四第股匪興化省屬尙有葉成林文二股匪均飭  
該守查探明確設法招撫於禦邊遏寇皆有裨益質之老謀以  
爲是否

致廣西倪豹岑中丞

光緒八年

弟等忝膺疆寄恆苦拮据乃民困漸蘇而邊塵又動亦欲竭其  
駑鈍先事豫防故嘗函達總署爲水陸夾擊之策而鞭長莫及  
議寢未行彼族兇狂遂已傾其舊都摻括財物漁奪其商稅招

納其亂民南望龍編良以憤慨昨二十四日復奉到蘭浦河帥前月二十五七日兩函並錄黃提督前後探報知該提督於河內陷後進駐北甯以保饒道且以梗其誘賊之路深得機要法人以輪船東下海陽仍當是觀釁而動之計去冬總署所奏移兵輪至該國游弋此際似更不可緩此間探聞法人招募越民潮勇以圖畧地劉永福既開道回防其兵力若何能否堅守興化伊至山西與該國經畧及黃統督商議防剿之事如何措置已否相聞黃提督暗助軍火之說自可以增長越人之氣激厲永福之心惟賊黨陸之平等勢窮必變恐爲彼用雖拒之於前尙可收之於後弟等曾遣員出邊誘納未知已有端緒否閣下

韜鈴在握轉移而約束之亦足以孤敵人之勢也滇省荒亂餘勉具軍實前委沈道壽榕督領六營分駐臨開等郡昨以警又增撥數軍往備調遣惟蠻耗以下之河口等處煙瘴正兵勇往者半多病故已命其東紮古林箐等地以爲聲援而制軍有區畫北圻之議鄙意亦正如此一俟奉有

諭旨卽行東出宣光以據上游蓋饒源之通塞以北甯爲圭形之輕重以山西爲要倘越兵不能遏之山西一入三江口宣洮二路之險與我其之滇邊不能安枕卽粵邊亦屬徒防滇軍路隔千里水陸險巇非聯絡粵軍不足以爲控制而閣宏猷盛望又弟等所倚爲輔車者前已派韋丞勳承往粵營

探並就商一切祈密飭黃提督審度機勢聲息相聞其內外一切機宜仍乞不時函示以開蒙昧滇雖僻遠尙當屬囊韉以從事也

致左季高相國

光緒八年

四月中旬旬接到二月十九日清江舟次惠教數行知公未償素願許訂同心而其兢兢自持款款念舊之意溢於楮墨感佩何如弟之德業勳名無能望公千一而欲全晚節不負初心知與賢哲有同契焉然柱石之躬關天下去留輕重非弟可比況公年長於我任重於我而精神之強固又實數倍於我此殆天所眷顧以上翊中興自成偉績者正未有艾故祝公留相之言弟

不敢違物望而遂弟歸田之願弟仍望公之玉成也法人兵機  
之動意在全佔越南北圻以窺滇粵邊境此時越將劉永福率  
師分布於紅江上游足扼其前廣西關外之軍進紮北甯諒山  
足躡其後誠如日前

諭旨再令廣東兵輪駛至海口河內用助西軍聲威雲南防軍  
出關遙爲南軍策應則在我有首尾相顧之勢卽在彼有腹背  
受敵之虞法人雖橫當亦知難而自阻矣

復總理衙門

光緒八年

四月十二日奉上一函諒邀鈞覽旋於四月十九日接到三月  
二十九日尊函並鈔寄電信及法館問答節畧伏誦之下具悉



辰猷切摯勝算周詳既熟審於敵情復遠籌乎邊備旋卽奉到  
三月十五日

上諭並鈔示貴衙門具奏法越兵端已起亟宜籌邊弭患一摺  
仰

廟謨之遠燭服蓋畫之先機當卽密察邊情迅議覆奏疊據查  
探委員稟稱河內陷後該國經畧及黃佐炎劉永福等在山西  
籌商事件主戰者多劉永福調取保勝各軍東下竊意法國陰  
謀勢無中止山西地方爲北圻鈐要越臣主戰不獨保中國之  
門戶亦以全北圻之堂輿而張振軒制軍與貴署衙門所議區  
畫北圻一策更可乘勢早圖以杜窺伺惟慮永福孤軍無援越

人積弱難振中國不可坐視且不可待山西有失始爲之援擬以滇粵併力水陸兼營入告正在繕摺聞復欽奉四月十四日上諭令滇粵防軍守於城外仍以勦辦土匪爲名藉圖進步廣東兵輪各船刻期整頓出洋滇省籌防各軍卽當選派將領統帶進發是長佑等覆陳之議早歸

聖明運量之中遵卽飭催在防將領抽調練軍數營出關於宣興適中之地擇要屯紮期於內足以資捍蔽外足以助聲援卽於五月初五日附片復陳復思法人傾陷河內忽進忽止本存觀望之見今既有永福調宣興之軍禦之於前廣西進駐北甯之軍牽之於後而又廣東兵輪揚威於海口滇省防軍布壘於

上游彼揣知中國之意不僅閉關自守則恐腹背受敵難以遂其貪謀不改圖變計與越人爲舊制之盟必恫喝詭辭於中國思要挾之術何者廣西之軍駐紮高諒等省出邊捕勦事已數年彼所習見廣東雲南之師向未入越此際水陸並進同時出邊在我雖以捕盜運糴爲名在彼必以遼後跋前爲懼難免不轉詢貴署藉口首戎所望決計正辭卽以條約相詰難無使騰口置辯則詐力俱窮而覬覦可止矣至越南興宣各省屬皆有土匪竄伏城寨相距滇省臨開邊境遠近不一其名號亦各不同是否卽係法報所稱黃旗黑旗各股匪前已飭統領防軍沈道壽榕查看情形酌撥兵練相機勦撫以爲出師進規地步法

人不能責粵軍之捕盜即不能詰滇軍之出邊以矛陷盾正不得執越人之私約以例中國且

朝廷開誠以待之渠使狙詐以應之揆之於義不可不示以限制之方劄剛電信有無端緒想正論亦復難伸不懲不止也

復總理衙門 光緒八年

五月初七日會將遵

旨抽調防軍出關分布遙助聲援不僅閉關自守各情肅覆一函發後即於次日奉到四月十七日鈞函以現在喫緊關頭在在與越南毗連各處凡屬雲南邊境亟宜迅調重兵布置嚴密並承鈔示貴衙門與劄剛往來電信查滇省與越毘連東西透

迤近二千里水道之可通舟楫者雖止三江而陸路紛歧到處皆是卽就現有之練分爲沿邊之防四千餘人已嫌其少昨復

遵旨擬調出關又及三分之二迨迨邊鄙眾僅千餘更有防不勝防之慮而就中水土惡劣蠱瘴盛行爲各夷所雜居非漢兵所耐戍者又復不少苟在我不有罅隙之處卽啟彼以覬覦之心就令挽救將來而口舌之力爭者淺不若慎修邊備而兵戎之顧忌者深長佑等所以不憚籌饟之難而重爲增兵之議也擬俟新募之練稟報成軍仍令分紮沿邊補防舊處卽夷多漢少地面亦經另派熟習夷情能耐煙瘴之將弁數人分赴各夷山寨

挑選丁壯部勒成軍審度地形建修礮卡無事則各安生業不  
事招徠有事則量給貨糧共爲守禦疾病不作而勞費不多較  
之抽調防軍尤爲簡便惟自河口西上陸路不通而在宣江下  
游灘險爲重皆宜有備乃可無虞並屬出關將領於南西河一  
帶脩造三板戰船練習水師得與陸軍相爲策應能令番船難  
於進窺此滇邊內外籌布防禦之現在情形也昨接粵軍統領  
黃提督桂蘭寄沈道壽榕書稱法夷攻陷東京不遽鼓行西上  
實因劉永福督率所部阻扼前途永福慷慨有爲方以力保北  
圻爲任而自聞滇省防軍不日出關之信勇氣倍增盼望彌切  
請爲轉致等語則乘此機勢助其聲威俾得戰勝於前爲法所

憚則北圻之門戶自固卽滇邊之關鍵益嚴否則趁法越之相持爲滇粵之進步各從近處分占北圻諸省隱成犄角之勢陽爲壁上之觀亦足牽制其詭謀以符區畫之原議至於通商一節非邊民之所便更非大局之所宜四月復函已縷及之查越南保勝與雲南河口僅隔一水如欲以此爲限則東可以至開廣西可以入臨普路徑歧雜仍屬漫無津涯昨經奏明擬於保勝興宣適中地方擇要駐軍以資兼顧能否如議規畫尙難豫期所望滇粵之軍計諸勢集能以兵力遏併越之勢卽不待以邊防限通商之謀況此時未露其機緘在尊處宜豫爲防制區區愚慮尙冀鑒裁茲將滇粵邊界接近越南北圻謹繪成圖附

說篇末並於滇省釐金局卡所在縷晰註明用備查核

復署直督張振軒制軍

光緒八年

弟屢疏乞病未蒙

俞允勉從事徒益焦勞饒絀兵單心驚郝柝而緩藩固圉責任匪輕總署前函曾詢以閣下區畫北圻之策歎為偉論當經函覆以三省合援之說並細陳滇省民貧俗悍不可通商情形又曾通意慶倪兩中丞屬其密招關外羣盜勿為賊用不虞彼族果陷東京越人之不競自昔然矣而滇粵藩籬周防不易因以遠防不如近堵出軍越境之說入告正在繕摺適奉四月十

四日



上諭滇粵各軍守於域外廣東兵輪剋期出洋乃令沿邊將領  
勒兵出關擇要進駐弟雖有母僅閉關自守之

旨而總署十七日來函又但以嚴密設防爲詞是水陸軍聲僅  
爲遠禦法人之進止又但視越兵之重輕與閩下所陳區畫之  
議似尙有閒邊城掉首未知攸濟況廣東兵輪及滇省防軍同  
時並出與廣西諸軍久屯越境者有別難免法人不藉爲口實  
以爲要挾之端閣下密邇樞廷尙冀時抒讜論力遏戎心倘有  
商榷機宜卽希飛函密示內謀可定外侮潛消山海阻修良殷  
盼禱

致廣西倪豹岑中丞

光緒八年

四月二十四日及三十日疊奉慶蘭浦河帥手書並鈔寄提督黃桂蘭探報具悉法人狙詐伎倆及越臣籌備情形滇邊亦時有探聞但不及此之詳晰耳刻下河帥想已北行五管諸軍俱歸使節嘉師萃於關南卽

聖武揚於域外此次移駐北甯尤據勝勢是以上蒙

溫諭褒許機宜更得南海舟師揚舲浪鬱水陸設險滇粵同仇則捕盜之兵卽禦戎之策未必虎狼帖耳亦當鯨鱓戢鱗弟等久偵戎心曾經密奏延頸

朝命未克治兵入春以來倉猝召募逮聞越警遠調防軍倉庫缺儲饟糈告絀沿邊山箐商運尤稀而靜念南藩勢難坐視遂

請以三省進兵爲越國之助正在繕摺欽奉四月十四日

上諭卽飭沿邊將領迅速出關民喜來蘇士銜義憤惟念駐兵保勝則有鞭長莫及之虞徑出宣江則有饒道不通之慮而所承

諭旨方藉捕盜爲名正不可遠去賊巢顯形敵壘然距粵軍太遠又不能聲息相通已密諭各軍於東西適中之地擇要立營務期於前敵之越兵可爲策應於北甯之防軍可接聲援仍望示知部曲俾兩軍音耗時聞庶幾首尾相應邇來防營稟報已否更得夷情廣東兵輪何時西渡均乞不時畱示以便遵布事宜是所盼禱

致總理衙門

光緒八年

五月十三日肅上一函想達尊鑒嗣即遵

旨飭令沈道壽榕親督馬步防軍陸續出關於該國興宣一帶  
擇要進紮與粵軍聯絡聲勢商度情形相機籌應方冀南軍力  
戰迅挫兇鋒彼族畏威潛消詭計於以紓

九重之慮釋鈞軸之憂固圉綏藩無待再計豈非至善不意法  
越和議遽成越王分諭各省撤防並許讓法人通滇一路昨據  
沈道遞到五月二十九日劉永福來稟稱越王曲意從約撤防  
散團將永福之兵遣駐別省其統督北圻軍務大臣退至熟練  
屯議於屯合江口修造洋樓許以興宣等處入滇之路永福力

孤勢迫稟求內援旋接到廣西倪豹岑中丞五月二十三日來  
畱探報情節大畧相同彼族豺狼之性蜂蠆之毒祕謀操縱已  
非一端乘河內之無備而攻之視北圻之有備而緩之防撤備  
失則又將乘閒而攘之是謂老謀而託名於和約其所以籠絡  
越王而沮抑南官者巧矣獨惜越王以千乘之國山海之雄又  
值滇粵諸軍出境之援應而不計他日傾覆之虞苟免目前迫  
脅之患開城捲甲俯首從約但畏悍夷之勢不顧

天朝之威可謂大惑不解況該國南圻半爲夷踞富春一隅危  
於累卵所恃北圻陵跨險阻密邇滇粵舉畱爲雲尙隱然有敵  
國之勢一旦徹其千里之防棄其三江之險則南圻濱海之地

孤懸於外有如贅旒吞噬之禍翹足可待而彼猶恃和約以爲  
紓禍之謀誠乃國非其國前此所云綏藩國者已不足語矣至  
於越防旣解法人通行不獨滌宣江而上可以入滇抑且踰麗  
江而北可以窺粵沿邊數千里防不勝防進退無常誘脅不一  
已足以制越人之命而勞中國之師況乎地據腹心變生肘腋  
異日之與滇粵接壤者乃法而非越哉此則捍邊固圉之策亦  
有未易籌者劉永福出自降酋爲彼邊將尋仇敵愾誓不並立  
乃束於該國王之命進退失據其乞內地之援而求假三尺之  
檄蓋亦不得已之情滇粵三省增兵備邊提兵出境原以助其  
聲威遏彼詭計今該國撤兵讓地貽我以寇竟似以我之徵調

[REDACTED]

奏正德公台身... 恩違制之愆強敵陰謀必無改圖中止之理而乘

命中朝揚兵境外又何可因寇氛漸近仍爲閉關自守之謀所  
尤慮者彼族志在商務而又憚於兵威乘此越南和議初成道  
路開通之際先從貴署議及通商而彼之兵船且上駛宣江直  
抵保勝其未能如前示所云不至漫無津涯爲患猶後而現在  
內外各軍進止莫由自決卽撤留亦覺兩難邊氓無知或羣生  
怨憤餘匪交訐將別滋事端目前之患已有不可勝言者伏維  
元勳碩望當必有弭患綏邊之至計尙乞早爲裁示以便遵行  
翹首邊陲無任盼禱並錄呈沈道所寄劉永福來稟一紙敬祈  
垂察



復廣西倪豹岑中丞

光緒八年

四五兩月疊寄蕪函計達典籤驛傳迢遙每有後時之慮本月  
初九日接準大咨加調趙道分統數營出防保樂俾粵滇兩軍  
易於聯絡而趙道在粵無異在滇旣徵契賞之相同更見設施  
之獨密傳示寮屬感佩同深頃聞再誦手教斐忱純篤碩畫淵  
深尤殷欽佩南藩不振早在意中及疊奉

諭旨滇粵防軍絡繹出境霜戈鐵甲萃於上游方謂越南君臣  
有所恃而不恐能稍力持於河內則宣洮可以無驚豈意兵未  
一交勢先自潰遽從和議曲徇敵情散其諸省之兵界以三江  
之路彼以爲假道開關寇已貽於中國不知眾離險失國已危

於贅旒劉永福含憤吞聲退歸保勝寇深勢蹙萬難自存目下情形自當密籌援濟俾爲暫時藩蔽無使虜知昨據統領防軍沈道壽榕稟報劉營情節亦是如此然永福勢孤保勝地近一有挫失後患無窮而諸夷動靜之機實在此一舉以三省之軍聲諸將之義憤乘其未入邊地鷹隼擊亦可以伸

天討而沮戎心閣下嶽嶽懷方義形於色弟等亦熟思事變未敢畏葸苟安然諸夷通商內地以來已審知中國事勢故常借內廷之議以塞疆臣之口一戰未畢則爭之總署謂釁自我開徒廢前功更沮後效不如稟承

廟謨請裁總署則謀之既定事乃有成而益見前此赴機弭患

之

諭自已深籌遠計早操勝算於無遺敝處現飭防軍將領妥籌  
密布外另函馳達總署專俟復章得有機要便當迅商閣下併  
力以圖用固邊陲而維大局幸甚幸甚先此密覆不宣

致總理衙門 光緒八年

六月三十日驛遞一函計達鈞覽邊陲僻遠變動無常冀得早  
聆鈞誨以為備應遙想碩望淵謀必已具有成算正在祇候之  
下適接倪豹岑中丞來信云方當飭厲戎行申儆禦備而法越  
業經議和立約蓋越懾凶燄暫為目睫之圖法蓄狡謀終存觀  
釁之見敵未受創方多隱慮粵省各軍仍駐防所意謂滇軍出

列代真公全集

卷之二

境可作聲威越之議和既未相聞在我亦可若爲不知示以鎮  
定藉遏他圖所論敵情洵屬深識旋據候補通判韋勳承由河  
內稟報探得法官會議進兵之事主戰者三百零八人不從者  
僅八十二人覽其所議主戰者恐諸國蠶食南圻欲先跨北圻  
自占地步不從者以中國數平越亂勢必相援雲南礦產方衰  
得不償失無如夷情嗜利貪進者多窺其用心必將由紅水江  
以通滇省卽目前計不及此而北圻一失羣盜無逃命之所劉  
永福無託足之區滇粵邊民安枕無日防軍遠役裁撤無期興  
言及此可勝焦慮昨據沈道壽榕稟稱於本月初七日率師出  
馬白關前駐宣光之都竜社其前隊已於前月進紮館司唐藩

司亦於月之二十四日赴邊查勘情形以期布置嚴密無稍疏虞惟現在邊患雖深而兵機未動勢難中止謀貴萬全非得貴署稟承

廟謨密商夷使無以沮其邪謀固我疆圉此間一切進止靜俟鴻裁外錄呈章委員勳承探報一紙均乞察核

復廣西倪豹岑中丞

光緒八年

規畫北圻之議本發自張振軒制軍總署商要未定計自奉諭旨嚴督出關滇邊各營已先後進發並接大咨知趙道沃一軍亦由鎮安直趨保樂地面首尾犄角本可力遏虜氛適越王志志乞和戰爭暫息使其遂退兵修好豈不甚善而彼族陰謀

挾持既撤北圻之兵復許紅江之路邊城密邇難免覬覦劉永福曾密稟乞援存之乃可借爲屏蔽以形勢而論雖不可顯爲之助而需用之器亦當陰爲之援彼族久踞北圻難免不煽誘羣盜其近粵匪首仍望善策招徠至中國赴援連師出境外藩講睦不復相聞我自可託爲不知以嚴邊備黃提督舊駐之軍本不以兵端爲起止兩省新屯之卒亦可控險要爲先防流覽教言深所傾服昨接裕中丞來函知吳提督全美所領兵輪六艘已至瓊廉海上狡焉之寇或者內憚

天威竟收螳臂若夫叩關涉境如何因應之處尙俟總署成謀以爲進止前月十六日已馳函詢度月內當有覆章弟衰病之

餘窟於籌畫岑彥卿宮保月內聞可抵滇賢哲合策斯鄙人之至願也

復彭雪琴尙書

光緒十一年

久疏音敬懷想爲勞頃奉鈞函驚從天上飛來值籌策之未遑猶手書以寄意莊誦一過感佩俱深就維威燁旁達中外同欽衰病之軀亦惟以手加額而已法夷志吞全越窺我邊陲前在粵西心竊憂之且與總署詳論之上年兵端方啟身尙在滇先後率有議論想公亦有所聞明知身在病中於時無補苟有所見不得不言何期遷延至今驟難收拾乎身居荒僻絕少見聞道路謠傳紛紛徒增憂憤茲承示及一再致誤之由固緣鬼計

之多端亦實吾謀之未協望空搔首能無慨然所恃老謀碩畫  
部署裕如屹立如山盤安如石俾外人不敢正視藩服不遽淪  
亡於以上紓

宵旰之憂下慰生民之望而衰朽之人亦得優游閒息於光天  
化日之下幸何如也年衰運蹇無可述者且恐有瀆清聽手此  
布復順敏勳安惟為

國為民珍衛不宣

臨桂李樹森  
南陵胡永福  
同校



劉武慎公札諭

未盡

劉武慎公全集卷二十八上

諭柳州團練

札飭各鄉團協勦石逆

諭賓州團總謝必魁

曉諭黃三匪黨

諭容縣紳民毋信巫童妖言

諭潯州紳民

諭安土客人等

諭南甯紳民

諭新果勇營

重撫粵西嚴行關防示

諭頭二卯錢照常行用

札議墾荒復汛

赴滇督任札沿途府縣

禁濫派夫徭

諭柳州團練

爲舊習宜除前愆宜鑒事照得廣西賊匪之難平多由於團練之不睦始則土團與客團爭客團復與土團爭其勝者未必卽能打賊而不勝者已被脅而爲賊矣繼則土團與土團爭客團復與客團爭其不勝者或不盡爲賊而勝者且不異於賊矣何者不勝者團小練弱方謂從賊可以報仇而淫擄焚殺因之無所不至其勝者團大練強方謂仇家卽爲賊黨而淫擄焚殺皆可爲所欲爲夫至於不問曲直是非只論大小弱強是彼此相尋於淫擄焚殺之中盜賊何由驅除地方何由安靜有團真不如無團矣查柳州各屬均有團練而數年來盜賊橫行水陸充

斥非眾團之力不能辦賊實眾團之志不欲辦賊也然其所以不欲辦賊者皆由彼此私鬪不念同仇向背無常時虞嫁禍遂至良田沃壤久陷賊中筐帛囊金盡爲賊斂執迷不悟貽害實深本部院甚爲惜之年來潯柳克復皆由天心厭亂人心思治致十數起積年猾賊以次掃除地方輒就安靜該各團思從前受害之慘知地方致寇之由應如何聯絡聲勢保衛鄉閭乃訪聞各屬鄉團仍有挾嫌啟釁漸致爭鬪者若非痛除舊習難免復蹈前愆除已行司遴委官紳前往各屬查辦外合亟出示曉諭爲此示仰各屬團紳練丁一體遵照此後務各捐除小忿共鑒前非內匪則公同驅除外匪則協助堵剿庶幾安居復業共

樂清平倘再有仍前各懷意見互啟爭端或外匪既至不能聯  
團堵剿或內匪將作不肯報團驅除一經查明定卽究辦其各  
其體本部院安民善俗之心勿以斯言爲紙上具文則地方之  
福也切切特示



札飭各鄉團協剿石逆

爲札飭事照得石逆達開竄擾數省窮奔廣西往來南甯思恩地方實有輾轉就獎之勢本部院奉

命追剿初至柳州以各兵勇資糧不繼水土不服致滯師期繼以潯州水陸之賊屢犯柳境石逆叛散之黨紛奔楚疆我軍分道驅除迄今未遑南下幸各屬鄉團共舉義旗屢摧賊幟致積年巨寇等諸檻獸釜魚節據督辦團練張藩司彙請獎勵已經分別保舉欽奉

俞旨錄知在案然賊黨已孤而元凶未滅困獸猶防其鬪死灰肯令復燃本部院既慮各團始勤終怠莫收全功又慮各團爾

盜正慎公全集卷二十一  
詐我虞難期其濟因剴切開諭徧懸賞格加委郭代協承修會  
同徐署守引前來督辦冀與各紳耆熟籌妥議乘機再舉設法  
掩擒以奏膚功而靖腹地乃各鄉團未喻其意或以大兵未來  
猶存觀望或以內匪未戢多所推延或以本團素強足以自固  
或以紅團就撫必有近憂似此執迷所誤非淺亟應選派得力  
紳董協同開導會督舉行查有武緣縣團練花翎都司林源海  
深明大義屢著奇功遠近鄰團素所畏服堪委協辦該處剿匪  
事宜爲此札飭札到該紳即便稟商徐守郭協并會同守備章  
有富等督集鄰近各屬團練破除積習明示機宜須知官兵能  
殺賊亦能擾民望兵勇不如督團練土匪能害民亦能殺賊督



團練不妨廣招來且一團足恃曷若合之眾團更可以圖久安  
眾團可疑若使歸之一團尙何虞乎後禍又況禍宜解不宜結  
捐小忿而成大功得失利害固是較然事有經亦有權棄前愆  
以收後效用舍措置仍在我也方今

皇仁浩蕩凡屬匪黨悉準投誠如能立功並加獎勵該各團紳  
練丁應亦早有所聞惟石達開極惡窮凶難逃天網屢奏

諭旨飭催乘勢勦除蓋以此逆不除非廣西郡縣之患乃天下  
大局之患也今廣西真有能滅石逆之力真有可滅石逆之機  
而石逆又自有取滅之道不及時圖之將來裹脅日多蔓延益  
廣兵力仍然難到匪志因之益堅在紅團或可以苟全彼白團

亦難以孤立矣該都司於傳諭之後察看情形便宜辦理如各  
白團勇於赴義誓殲渠魁固應破格獎賞如各紅團志切歸誠  
助除外寇亦卽曲子保全本部院仍飭令統領劉道作速分兵  
會同左江鎮臺前來策應倘再有固執臆見從中阻難許該都  
司據實稟究慎勿瞻徇致誤事機切特札

諭賓州團總謝必魁

爲專札諭知事照得粵西郡縣被匪蹂躪糜爛不堪而賓州爲甚詢厥由來皆由本處團紳不明大義圖報私仇以致黨與各分劫殺不已而外來之匪亦得乘其內釁肆彼姦謀今日助南團攻北團明日句李姓攻張姓究竟彼此兩敗徒然貽害地方本部院深爲惜之昨據郭代協回省稟覆該團總謝必魁克自振拔不甘沈淪業經整頓團防誓攘外寇並能捐釋仇怨其圖大功似此勇於赴公深堪嘉尙之至除札派都司林源深隨同徐守郭將前往查辦外合再給諭仰該團總知悉務卽督同團練勦辦石逆或設計誘擒或乘機掩殺或入黨內應約期團攻

如該處黃三李金貴宋扶敢等自願出團擊賊均著該團總由  
爲開導概予招徠事竣論功獎賞給護歸團斷不令有一夫之  
失所也本部院安撫爲懷推誠開諭前在柳郡辦理勦撫想已  
共有見聞該團總幸勿再涉遲疑有負期望切切特札

曉諭黃三匪黨

爲剴切曉諭以求民隱而蘇民命事照得粵西自軍興以來莠民之梗化猶多良民之被害無已豈盡關人事哉抑天心之劫數使然也惟當此創深痛極之時使在上者無哀矜之心在下者無感悔之念上下交病徒以殺而止殺則殺無已時亂無已時天心何日轉劫數何日平也本部院哀民無辜受劫已久有父子兄弟而不免流離有田園廬舍而莫安作息徒使連年奔竄同類傷殘奪食奪衣尙有飢寒之慮營集營窟終多敗覆之虞回想至此有何益乎方今

朝綱振興

國威遠播近復

疊頒恩詔於豁免民間積欠錢糧外諄飭各省遇有被逼爲匪者悉準投誠免罪是以怙惡者漸次伏誅脅從者半多解散天心既有厭亂之日民心豈無思治之理吾粵自上年石逆遠遁陳開被擒全省漸可肅清我民自當陸續安集轉禍而爲福矣乃黃三等既經就撫由本部院據情奏明準其立功自贖近聞其黨復出滋擾實屬反覆無常豈真絕滅天良終無悔罪之念耶抑或失信不堅恐因疑見罪不得已而復起事耶本部院現已調集大兵本擬直擣賊巢殄滅餘孽然細查情形恐有隱衷未達終不忍不教而誅爲此札委張道先赴該處地方督辦團

練宣布我德意訓飭我士民保固我疆圉開誠布公曉以大義  
卽藉以激發天良爾等果能回心向化相率來歸不特寬免前  
愆更當重加獎勵在本院示誠示信決不食言在爾等勿貳勿  
三亟宜猛省從此解兵不用旣可體上帝好生之心庶幾樂業  
相安卽以造蒼生無窮之福天心賴以轉劫數賴以平是在知  
時者之早爲熟計也倘仍執迷不悟坐昧事機本部院親統大  
軍不日抵潯督飭勦辦戈矛所指玉石俱焚勿謂言之不早也  
切切特諭毋違

登正惟之集 卷二十一



諭容縣紳民毋信巫童妖言

爲剴切開諭事照得淫祀爲例所必禁妖言更法所難容如容縣劉二十者本係巫童慣爲鬼役乃因地方久旱祈禱方殷假託神靈肆行煽惑而盧嘉金等附會其說於大容山愆慝立祠鄉愚何知巫言是信非鬼而祭舉國若狂前據劉署令稟稱有恃眾拒捕之事曾準派兵彈壓嗣據各紳耆赴訴以集工建廟爲詞亦經縣確查本部院不欲深求該民人應可共喻矣乃遷延日久傳聞異詞人眾口多殊難深信第恐劉令或執成見未悉輿情因飭陳令重之舊官用宣教令頃聞迎神之眾不減於前建廟之人相聚如故其梧潯鬱林各屬士女亦輾轉傳播奔

謁巫師視此情形有乖風化惟念容縣人文頗盛民俗亦良父  
老之賢明者何難申誠其子弟紳士之端謹者何難開悟其鄉  
鄰彼造言惑眾只劉二十一人耳獨無能持正論以闢其謬乎  
彼藉端斂錢只盧嘉金等數人耳獨無能秉公論以發其姦乎  
劉大娘乃里巷俗稱何以遽崇廟祀大容山爲邑中雄表何以  
任建淫祠意者明知其非而不肯違眾抑或莫辨其詐而終執  
迷亟應明示從違廣爲開諭爲此示仰容縣暨梧潯鬱林各屬  
民人一體懍遵速停修廟之工迅罷迎神之會劉二十如無妖  
術盧嘉金果無別情公同送官訊明尙可分別結案慎毋聽一  
人之狂悖其觸危機慎毋逞一時之矯誣大干明禁本部院不

憚告戒之煩該民人其急猛省毋忽切切特示



諭潯州紳民

同治元年三月  
則闕如

從原本有年月者著之無

爲諭爾紳民各安生業毋誤從逆致蹈刑誅事照得人孰無天性豈必自甘爲匪徒人孰無身家豈肯自罹於法網其敢於從逆者必有所激而然也查潯州自咸豐七年被逆匪陳開等盤踞郡城附近州縣大半皆淪於賊爾百姓慘遭荼毒殺其父兄擄其妻子劫其財物焚其室家種種苦情實屬神人共憤上年七月本部院分遣各軍水陸大舉并賴爾等互相團練助我官軍齊心進剿因得一鼓克復本部堂方擬招集流亡拊循瘡痍妥籌善後事宜爲爾民謀生聚之計留駐湘軍搜捕餘匪黃三以積年巨寇率眾投誠本部院體

朝廷好生之心予以自新之路詎該首民未能約束黨與叛志復萌遠近互相煽惑致各村各莊有轉旗從匪者推其轉旗之故豈因賊勢甚張不得不爲苟全之計耶豈因官兵未集不得不偷旦夕之安耶抑豈因兵勇屯駐日久派錢捐米承辦者不無逼勒之處以致激而生變耶不然爾等具有天良旣自愛其身家必自愛其性命何致反順效逆致蹈不測之誅耶現在湘軍援浙分派楚軍前往換防陸續雲集本部院定於月內親督諸軍星馳視勦爾有冤抑我其寬之宥之其有能舉一旗殺一賊者立加旌賞其有能保一團守一鄉者立予優獎卽黃三黨眾降而復叛如能及時悛改相率來歸亦必從寬解釋并卽妥

爲安插本部院愛民如子素以恩信相孚來粵數年凡有各處匪徒實心歸順無不立時解散如柳州各屬水陸積匪陳戊養張士安李大保等大小十餘股及獨山定番兩股髮逆數萬人均經先後招安未嘗殺一降人并有挑留在營立功自贖者爾百姓諒所深知方今

朝政清明

天恩普被各省設局招撫天下聞風響應率皆革面洗心惟願爾等仰體

皇仁肅除舊惡本部院不日節旄臨蒞察看地方受害情形分別撫戢并擬將同治元年以前積欠錢糧奏懇豁免以示體恤

倘或自安頑梗甘被脅從則是不可以理論不可以誠感一旦  
大兵臨境玉石俱焚悔之何及本部院勤求民隱不憚再三開  
導爲此通諭各屬紳民人等互倡大義會集村團同心堵禦毋  
受匪人煽惑致蹈刑誅實於爾民有厚望焉懍之慎之切切特  
諭



諭安土客人等

同治元年六月

爲禁造浮言以安土客事照得粵省各縣屬向有土人來人之  
目眈域過判已非大道爲公近年以來土客構怨積不相容強  
弱有分則彼此迭爲侵佔以致兩圖報復迄無了局本部院督  
師勦賊方擬事成後爲此輩清理積案妥爲調停俾該民人解  
釋前仇同敦睦友乃訪聞有等匪徒散布流言謂大軍在此亦  
有用土逐客之意希圖恐嚇藉遂陰私可惡已極合行出示嚴  
禁爲此示仰土客人等一體知悉爾等嗣後勿得造言生事互  
起猜嫌本部院一視同仁無分來土但能同仇殺賊均爲好義  
良民卽曾被賊脅從一經回心向化亦可概予寬宥決不固執

鑑正情公白集卷二十一  
已見偏聽人言於爾等刻事吹求也其各凜悉勿違切切特示

諭南甯紳民

同治 年七月

爲大兵將至夕行曉諭紳民集團助勦並開導從匪愚民及早  
歸團事照得南甯各屬素稱淳樸并無土匪近查有無知愚民  
聚黨滋擾日以鬪殺爲事搶掠爲生豈無天良始因各村意見  
不和挾仇起事豈無國法繼因距省太遠不復知有官兵以致  
負固橫行積久不變本部院帶領楚軍歷吾楚皖豫諸省出入  
鋒鏑閒十有餘載矣撫有粵西以來日擊生民凋敝情形益深  
軫念爲莠爲良誰非赤子興兵進勦實不忍言卽如貴縣黃三  
妄聽陳璧山唆哄招集大口扒周倉康黎大雲黃狗兒等侵害  
潯屬百姓逼近郡城五月親督大軍抵潯猶復出示招安與以

山真公全集卷之二十一

三

自新之路該逆黨無知抗拒不服月之六日分派各軍會同附近村團前後兜剿攻破平田村嶺頭鋪賊營二十餘座擒斬千餘名該逆混逃沿途拋棄槍礮刀矛旗幟不知其數我兵追至獨流江該匪淹斃無算日內各團練丁搜捕潰匪擒獲來轅不下數百人當委員分別訊明凡情有可原者立即開釋現在分兵進攻貴縣老巢不日即可殲滅行將挑選勁旅萬人南來剿辦爲此曉諭南甯各屬紳民知悉務須齊集練丁籌備兵米一俟大兵到日約會各團掃蕩羣匪如有悔罪投誠者準其先行薙髮歸團各村不得妄行殺害如仍怙惡不悛一俟大兵臨境立予痛剿決不姑容其各凜遵切切特示

諭新果勇營

諭新果勇營官百長及隊目散勇人等均悉照得爾等洗心效順奮志圖功經過地方極爲安靜而且屢次出隊擊賊奮勇異常本部院實深嘉慰已擬加調兵勇前來助剿立盼功成指日同膺

懋賞近聞爾等遇有徵調不甚踴躍且多以口糧短少爲詞此或散勇中一二無知之徒任意閒談該營官百長及各明理之勇想必不肯出口也查爾等初入營時何曾向蘇道翟鎮請過鹽菜卽移營之後又何曾向吳道方守求過口糧本部院察得爾等急欲立功並察得爾等難以度日故不必定要爾等開口

卽於米糧之外每名酌給鹽菜錢文又不必定要爾等成功卽照志同軍章程增給口糧銀兩其所以信用爾等體恤爾等者亦不爲薄矣而爾等轉以口糧不敷遽請再增亦何不諒本部院之心耶廣西軍饑爲難爾等所知今於梧柳各軍月需鉅萬之外又添出該營糧米等項在軍需局中也要多費一番打算才得按時接濟分則見少合則見多爾等或未知深思耳且聞爾等眾口一詞欲照楚勇章程是徒知楚勇口糧之大而不知楚勇虧欠之多也楚勇自入粵西積欠月饑至今一年有餘若按日扣算每勇每日尙不得現銀二三分是其名雖較爾等爲多其實較爾等更少矣況口糧章程原無一定有先無口糧而

後得有口糧者亦有初得小口糧而後得大口糧者必須兵勇  
得力饑項日充儘可隨時增加以示鼓勵今爾等初奉章程準  
給口糧不知大加奮勉爲將來增饒地步輒敢藉詞違令各存  
怨望之心是未議口糧以前尙知效力旣議口糧以後轉滋浮  
言有是情理乎本部院從戎將近十年帶勇常至數萬於軍中  
甘苦情偽無不周知故各營中不無愚頑之人本部院無不推  
誠相待卽先後投誠如義勇膽勇忠勇安勇滇安勇新安勇新  
勝勇果勝勇集安勇以及順字彪字秀字結字各勇相隨日久  
轉戰云遙雖口糧各有不同而賞罰均係一體爾等入營半載  
應亦有所見聞茲據陳楊兩將官爲爾等請增口糧前來除已

批飭該將官並軍需總局酌量議加另札飭遵外爲此給諭該營官百長及隊目散勇一體遵照此後務須講明大義整頓營規以盡忠報國爲心以殺賊安民爲事勿因小勝而驕勿因小挫而餒勿因一時缺饟而遽出怨言勿因一事拂情而遽違軍令不經訓練不成勁兵不受艱辛不成名將爾等皆係良民且多大族要思以令名光宗祖以好事貽子孫如能同心協力掃穴擒渠名於此成利於此就將來或在此處拔補官職買置田廬固屬便當之至卽或欲回原籍補敘官階興復家業亦可由此處分咨各省查照施行本部院一片婆心諄諄告誡爾等尙其互相勸勉毋視爲紙上空文可也切切特諭



重撫粵西嚴行關防示

同治十年

爲嚴行關防事照得瞻徇多則眾情動形扞格人地習則宵小  
易生覬覦覬啟而指撞者將乘閒以逞其機扞格成而招搖  
者或多方以售其詐是以善察不如慎法道在謹於厥初塞流  
不如清源弊貴防於其漸本部院自咸豐元年提師援勦曾未  
兩載游撫是邦惟時石逆浪奔土匪麇集桂郡以外絕少完區  
邊氓則淪陷已深庫帑則空虛實甚方官民之交困爰勦撫之  
兼施何德以起瘡痍何術以安反側亦惟是甘苦與眾共而未  
嘗厚於所私好惡與民同而未嘗偏有所入用克頓定羣醜小  
息民勞雖全境廓清志焉未逮而歷年艱苦人所周知茲復仰

荷

新恩量移舊治桂性老而愈烈泉味酌而彌清識重來之使君  
父老具在訪當年之宦迹故吏猶存應共諒此初心固無煩於  
文告第百粵三湘本係接壤少延邇密邇扶夷冠蓋往來閒  
屬軍營舊部商賈輻輳或遭親故同鄉賢否未能周知防閑不  
得不豫雖經嚴束子弟慎選幕僚家丁祇備趨承書吏不稍假  
藉猶恐營私之輩作偽偏工以依草附木之浮蹤爲捉影捕風  
之騙局或冒稱內戚魚質而龍文或裝作差官虎威而狐假愚  
者莫辨其僞方且倚爲內援黠者明知其誣轉欲資以罔利除  
一面密訪嚴拏外爲此仰官吏軍民人等知悉本部院苞苴久

絕鉅細親裁雖厚而惟恐失於寬雖和而不敢渝其介情法必  
衷諸至當奉三尺爲提衡黜陟悉秉乎大公無一毫之偏徇該  
官吏軍民人等其各勤爾職業勿妄營求慎爾檢防勿輕請託  
或敢行險僥倖非義私干直道而行有  
國典在懷之慎之切切特示



諭頭二卯錢照常行用

諭爾軍民聽我告語我莅是邦於今兩度補過爲心恤民是務  
早夜兢兢未事先慮卽如錢法議變已屢勉順眾情未敢急遽  
頃因附郭顯有私鑄當經鹿守帶勇往捕首從就擒兼獲器具  
律例綦嚴無可寬恕愚民貪利犯法不顧非禁私錢難於開悟  
惟有新錢遠近散布一體使行已非旦暮取其便民原無膠固  
乃有販商與彼行鋪擡價居奇取倍常數日食維艱民無所措  
爰命守令再三開諭頭二三卯照常參互已覺相安並無牴牾  
復有姦頑有心違忤謂禁私錢別無生路鼓惑愚民藉口赴訴  
冒犯官長闕官署豈皆本心爲人所誤官視斯民何殊嬰孺

法紀所關斷難曲護今諭爾等安分守素姦謀訛言慎毋輕附  
禁用私錢並無他故期與吾民同其好惡錢貴流通新老隨付  
市有公道此挹彼注私錢既消官錢漸裕與民更始利興弊去  
官不民欺民無官阻敬聽無違重熙可遇

札議墾荒復汎

爲札飭議詳試辦開墾藉復塘汎以勸農弭盜整頓地方事照得本部院上年巡閱營伍經過平梧潯南各府畱心查看民生物力漸可復元惟自思恩府之遷江縣至桂林府之永福縣計程五六百里本係正站每多荒田沿途絕少人烟徧生榛莽其荒涼景象竟與賊盜未平時無甚異同而游惰之民逋亡之輩往往依栖兔穴勾結狐羣起伏草閒肆行搶掠大爲地方之害自非招集民人開墾田地不可非移撥營汎修復堆臺尤不可第招墾不難借資爲難撥汎不難增饜爲難將思其難以圖其易莫若就原設塘汎選募兵丁計口授田給以牛種籍仍其舊

益部州志卷之三十一  
而饌不議增產既有恆而兵皆著實自可各就汎地以耕代防  
更可聽彼餘夫因廩爲市且爲講薙草糞田之法而道路無不  
治講疏渠引水之利而橋梁無不修有兵以衛農而居民樂得  
同耕於野有兵以禦寇而行旅樂得並出其途費省而成功多  
一舉而數善備誠善後之要務爲及時所宜圖者如果試辦有  
成推而廣之有裨地方何可限量至於經費如何籌備如何支  
放田畝如何清查如何給領兵丁如何選募塘鋪如何設復牛  
種農器如何支給溝渠陂池如何疏浚山頭地角樵徑牧場如  
何分別公私相安無事以及有主之田何以責令認墾無主之  
田何以杜絕爭端同一墾也何以較量勞逸酌予限期同一田



也何以辨別肥磽取還資本何以定科則之上下何以定起徵  
之後先何以使作息有常無妨巡緝何以使耕穫之暇兼治道  
途何以填給執照俾無私佃私賣之弊何以申明法令使無旋  
壘旋荒之虞合行札飭籌辦札到該局司官吏悉心商議縷晰詳  
覆以憑核辦特札

Table with 10 columns and 1 row. The right edge contains vertical text: 卷之三十一

									卷之三十一
--	--	--	--	--	--	--	--	--	-------

赴滇督任札沿途府縣

光緒二十二年

爲札知事照得本部堂欽奉

批諭速赴新任茲於三月

日由湖南沅州府整裝登陸按

站前進並無隨行眷屬亦無前站委員所帶行李無多僕從亦少行轅員弁兵勇均經照章給發薪糧沿途所需夫馬皆照民價自行雇募上下火食亦係自行備辦無庸地方供應惟尖宿公所應由該各州縣酌派丁役照料仍不得稍涉鋪張並不準辦送酒席此係本部堂歷任各省行轅舊章該各府州縣應亦早有所聞查雲貴地方久經兵燹物力維艱尤宜概從簡靜以示體恤除傳沿途驛站官吏知照外合行札知爲此札仰該府

卽便轉行所屬一體遵照倘有隨轅人役假冒名色向該沿途  
州縣需索毫釐許卽據實稟究或該州縣辦差家丁勾通隨轅  
人役私行溜知違例供給差過之後任意開消一經查出亦卽  
分別究懲均不得稍有徇隱致干未便該府亦宜認真查察慎  
勿視爲具文切切此札

禁濫派夫徭

爲飭定夫徭以恤民力事照得滇省久經兵燹物做民窮方墾植之未遑忍供賦稅正創瘼之待起勉應差徭目擊情形心滋憂閔惟是該省山川多阻舟楫不通一切差務往來均須夫役運負僱夫之外閒用民夫自昔遵行尙無他累近因差繁役重禁弛弊生大小衙門文武員弁無論公事私事概用堡夫民夫並有本籍練紳虛銜功職上省上府過縣過州但取公局紙條並無官府牌票亦皆按站概令出夫而駟書號差與鄉約里長指一派十假公營私勒索則酷若風霜追呼則急於星火以致耕者輟耒織者投機忍泣而相從跋涉食不充腹衣不蔽體稍

遲則更受鞭笞其有力不任勞每出資以雇替又或丁不充數  
乃折價以求償應夫者已怨徹神天派夫者竟視同犬馬良由  
相沿成例漠不動心遂至貽害在民伊於胡底本督部堂下車  
伊始訪知此等苦累念之倍切憫傷彼軍興之時或可從權辦  
理今民困已極自應照例革除移署撫部院署提督查照並  
行省局司道各鎮協營一體行查會同嚴禁外爲此出示曉諭  
各官吏軍民人等嗣遇差務到站必有牌票可稽所載人夫悉  
符定例卽宜照數應付不得藉禁推延倘係局條並無官票明  
爲私役例不應差該各文武官紳及各書差兵練均宜恪遵憲  
令惻念民艱不得濫派夫徭不許勒折夫價務期駟路不以夫

徭爲苦庶幾邊氓得安作息之常本督部堂自此次刊榜曉諭  
仍不時委員稽查倘有陽奉陰違再踵陋習一經訪聞告發定  
予重懲本督部堂爲恤民力起見官紳人等自必共體此心法  
令具存毋違特示

This image shows a blank ledger page with 10 vertical columns. The columns are separated by thin vertical lines. At the top of the page, there is a header section with several rows of text, which is mostly illegible due to the high contrast and graininess of the scan. The page is otherwise empty of any data or markings.



劉武慎公官書 未盡

劉武慎公全集卷二十八下

畿輔練兵營規

營制

隊伍

旗號

器械

馬匹

軍火

糧餉

坐營

禁約  
操演  
陣式  
技藝  
行營  
軍令  
責成

畿輔練兵營規

營制

每軍二千五百人分爲前後左右中五營設總統官一員文翼長一員武翼長一員每營五百人分爲前後左右中五哨設管帶官一員幫帶官一員每哨一百人分爲四隊設哨官一員每隊二十五人分爲五伍設隊長一名每伍五人內擇老成明白者一人爲伍長

每軍統領親兵十六名內總藍旗一人總紅旗一人文翼長親兵八名武翼長親兵八名管帶官每員親兵六名內藍旗一人紅旗一人幫帶官每員親兵四名哨官每員餘丁二名隊長合每隊正兵

其餘丁三名

每軍經理文案州縣官二員書手二名聽差二名經理糧餉州縣官一員佐雜一員書手二名聽差二名經理軍火州縣官一員佐雜一員書手一名聽差三名

每營書手一名醫生一名獸醫一名鐵匠三名木匠二名裁縫一名各帶全副應用器具

### 隊伍

每營中哨第一隊洋劈山礮車四輛每輛礮二尊礮兵六名共礮八尊礮兵二十四名隊旗兵一名是爲五伍第二隊同第三隊洋開花礮車二輛每輛礮二尊礮兵六名共礮四尊礮兵十

二名又鳥槍兵八名長矛兵四名隊旗兵一名共一  
爲五伍第四隊鳥槍兵八名長矛兵四名金鼓旗兵  
游兵四名頭旗兵四名隊旗兵一名每隊均以五伍  
爲率

每營前哨第一隊擡槍十二桿兵二十四名隊旗兵  
隊鳥槍二十四桿兵二十四名隊旗兵一名第三隊  
名長把刀兵十名藤牌兵四名隊旗兵一名第四隊  
匹馬上小槍兵八名弓箭兵八名長矛兵八名隊旗  
各隊均以五伍二十五人爲率雖所用器械大小不  
有參差仍須照一二三四五編定次第以便約束後

哨均同

凡隊伍編定各兵均聽伍長約束伍長以下聽隊長約束隊長以下聽哨官約束哨官以下聽營官約束營官及各哨以下均聽翼長總統號令約束翼長仍聽總統節制總統仍歸總督節制

凡軍中公文總統行翼長概用墨筆照會總統行營官概用硃筆照會翼長上總統用咨呈營官上總統用申呈翼長行營官概用墨筆照會營官上翼長概用咨呈其餘悉照常行體制無庸更改

凡編定隊伍各兵卽須謹記本伍次序緊隨伍長之後伍長帶

領各兵按照本隊各伍次序緊隨隊長隊長帶領各伍下兵按照本哨各隊次序緊隨哨官哨官帶領各隊下兵按照本營各哨次序緊隨營官無論場操出征總須依照原伍不許一人錯亂平時駐紮亦不許攙越

凡營伍編定由統領點驗成軍卽查照原送底冊按營哨隊伍次第彙造各兵年貌箕斗籍貫三代姓氏存歿何年月日入營食糧現習何技由何營汛撥入詳注清冊其營哨隊各官弁卽分列於各營哨隊之首亦敘具簡明履歷照造二本一本存營一本呈送總督備查如有開除收補均卽隨時呈報於冊內更註每屆年終另行造送

凡各營兵丁遇有缺額應行頂補者隊長卽日開手本呈哨餘  
丁內有奮學武藝者準儘先補額否則另募土著精壯良民要  
無市井游滑習氣者仍知會地方官查取里鄰保結限三日募  
就哨官送營官驗中申送統領覆驗後給與腰牌發交該哨隊  
歸伍入操統不得曠缺過五日仍令原募隊長及同伍兵出具  
保結存案如有匿報名缺及私自頂補員充者查出分別治罪

### 旗號

每軍統領關防一顆纛旗一面大方旗八面令旗四面大令十  
二枝耳令十二枝紅旗一面藍旗一面均由總局製備呈由總  
督頒給刊刻關防須編列字號大令中只寫某軍總統督練官



令蓋以總督關防左旁寫某處全軍自蓋本軍關防即將開用  
關防日期分報備查

每營營官除金鼓旗號令旗頭旗門旗悉歸中哨外纛旗一面  
大三角旗四面耳令十二枝紅旗一面藍旗一面專爲平日操  
演巡查傳令之用遇有應請大令者呈候統領核辦若遇調發  
由統領發給大令一枝

每翼長營官均有關防鈴記由總局刊就移送總統轉給翼長  
營官

每翼長一員大方旗四面小三角令旗四面每幫帶一員中三  
角旗四面每營哨旗五面隊旗二十面馬隊伍長腰旗二十面

每營哨隊旗幟均用黑色中營旗上用黃布作圓補左營用藍  
 布右營用白布前營用紅布後營用淺灰布均作圓補綻於旗  
 上大書某軍某營某哨隊字樣各營中哨旗頭即穿旗桿袋用黃  
 布前哨用紅布後哨用淺灰布左哨用藍布右哨用白布惟各  
 營中哨游兵概用五色方旗總統暨文武翼長并各管帶幫帶  
 官大旗綢布色面均隨用每旗一面隨備鐵絲燈籠一盞藍油  
 布罩一個

凡各軍旗幟初次製備兩分以一分為常操之用以一分為大  
 閱出征之用嗣後每年更換一次以舊者為常操之用以新者  
 為大閱出征之用

每正兵一名給號帽一頂號鞋一件短袖大襟青布身紅布鑲邊前後圓補用漂白布中寫某軍某營某哨某隊均一年更換一次

每親兵一名給號帽一頂號鞋一件色式同正兵統領翼長下者前後圓補寫某軍總統親兵某軍翼長親兵管帶幫帶下者寫某軍某營親兵

每正兵一名給腰牌一面用堅木爲之長四寸寬三寸厚三分陽面當中寫某軍某營某哨某隊右旁寫姓名年貌籍貫習何武藝左旁寫哨官隊長銜名陰面中寫某年月日給烙用鐵鑄印花均由總局製給以歸畫一如有事故更換由總統移知總

局另換新牌給領仍將原牌繳回總局須豫製空白牌隨到隨  
卽烙印填發以免稽延

每書手聽差醫匠餘丁一名給腰牌一面如正兵腰牌式分別  
填寫烙印給領以便稽查更換亦如之

器械

每營洋劈山礮車八輛騾八頭洋開花礮車二輛騾二頭輪軸  
鞍轡均全每車礮二尊應用器具火藥火繩鉛子配帶齊全火  
藥每出六兩小操備三出大操備二十出出征火藥每尊隨帶  
二十斤備帶六十斤鉛子火繩均隨數備足  
每營擡槍四十八桿鳥槍一百一十二桿馬槍三十二桿火藥

火繩鉛丸大小藥角藥管九龍袋通條引針一切配帶照數全  
 給每出火藥擡槍八錢鳥槍馬槍均二錢二分小操均備三出  
 大操均備二十出出征火藥擡槍每桿隨帶二斤備帶六斤鳥  
 槍馬槍均每桿隨帶一斤備帶二斤鉛丸火繩均隨數備足  
 每營長矛四十八桿長把刀四十口藤牌十六面鋒利腰刀十  
 六把馬上長矛三十二件馬弓三十二張皮箭筒三十二個出  
 征每弓另備弦一條箭二十枝

每營旗鼓敝車一輛望梯車一輛銅號二枝大匾鼓一面銅班  
 鑼二面三套大車二輛

每營夾帳房十架單帳房一百架鐵鋤鐵斂鐵錘鐵斧各一百

一十把鐵鍋六十口大鉛壺六十把水桶六十擔木盆六十個  
椰瓢六百個

每中軍夾帳房十四架單帳房二十架銅鍋十口鉛壺十把水  
桶八擔木盆八個椰瓢五十個

凡礮車定以每年修整一次先由營官翼長驗明估定工價呈  
報給領其平時修整由各營哨官自行經理拉礮車騾馬滿椿  
期限及賠補分數均準戰馬之例

凡各兵所領軍械不拘大小均須編刻營哨隊伍號口於上以  
防遺失不書名以便更代

凡各兵所用各樣器械隨時自行修整如實因日久損壞無力

自製者稟明哨隊長將原領器械繳驗轉報另製給用遺失糟蹋者仍責令賠償

凡一切火器每次放過卽行洗晾雨後初晴亦洗晾一次如有收架不謹并不洗晾致有損壞者本兵罰賠仍記責隊長幫賠

### 馬匹

每營戰馬一百匹鞍韉韉全備如兵領騎均定以三年滿椿如有剋減草料喂養不善一年內倒斃者責令本兵自行賠償三年內倒斃者本兵認賠三分之二哨隊官賠三分之一三年內倒斃者本兵賠半哨隊長賠半均勒限十日內買補報部如遇有病證不能醫治報明統領驗實變價更換隨時報部

刑部直人全長

七

凡各兵承領馬匹應月造口齒毛片清冊於入營後由翼長會同營官逐一點驗分別臆分等第滿臆爲上等半臆爲中等仍交各兵自行喂養瘦弱尙堪騎喂者爲下等不堪騎喂者爲劣等責成該哨隊長督飭加意喂養驗過一匹卽注於冊嗣後每過一月會驗一次秉公列等如比原驗臆分無減者記功超進一等者立賞退一等者記責退兩等者立責每過三月總統驗看一次各壯馬原臆不退及將瘦弱喂至臆壯者營官哨隊長均分別記功總統三次驗過臆壯不減者記名拔缺三次驗無起色者本兵開除名糧營官哨隊長分別記過凡各營馬隊原備戰陣之用并非給本兵代步務須加意愛惜



時其水草節其勞逸喂養臙壯可期臨陣得力平日除操演排  
壓外如有非時馳騁及雇借與人騎乘者查出一併重治出征  
所馱本兵器械飲食亦不得過二十觔

凡馬廠各槽櫪須責成隊長督率各兵隨時修理打掃廠內拴  
馬亦須照隊伍排定棚間挨次勻拴如有任意攙越希圖寬佔  
及聽其倒塌不堪者本兵棍責隊長連坐

凡排壓馬匹須於營前空地鑿圓馬道一條或教場兩旁亦可  
中豎哨旗一面各哨馬隊逐日輪流跑壓務使人馬相習臨陣  
自然應手

凡各營每日放馬定以平明一次日斜一次每次不得過一時

如有任意遠放或久放不收以及放不以時或寄放別處者查出均重責放馬收馬均由號令官鳴鈺數聲如未鳴鈺亦不得任意收放其縱轡馳騁誤傷行人者重則取辜擬罪輕則勒出醫藥之資仍從重棍責其踐食居民莊稼者除棍責外仍查估所損莊稼責令賠償隊長連罰

### 軍火

每軍月操應用洋礮火藥由天津給發應用擡槍烏槍馬槍火藥均按照操卯核定確數并隨備鉛碼火繩等件共需工料若干由省局按月撥給銀兩統歸各本標派員監造仍按月報明統領由統領或翼長驗明成色筋重封存本標庫中由經理子

藥委員隨時取給各營備操如有偷減工料成色太低分兩不足由統領參辦遇有徵調需用子藥多寡難定除由營備帶外一面稟申統領移知省局寬爲撥解行營應用如并未稟明或管解遲滯臨事缺乏貽誤者分別揭參

凡存儲軍火等件責成該委員擇地收貯一防火燭二防潮溼務要加倍小心慎之又慎如有失誤損壞分別徹參外仍責令照數賠償

凡各營按十日赴總統處領軍火一次各哨按五日赴營官處領軍火一次須先製備藥升數個核計十日五日分操合操數目較準營官領取到營先將頭五日應用軍火分給各哨轉給

各隊屆期始將後五日應用軍火照數分給如有疏失減少等弊查出分別懲責着賠

凡各兵領到軍火等件務各小心收貯如有失誤及溼壞者從重棍責私自售賣者插耳游營均仍勒令照數賠償若遇出征加倍懲治

凡應備火箭火彈噴筒及拒馬鐵鍊蒺藜等件該經理委員隨時檢點或請領或製備均須一一完足以備出征之用

### 糧餼

每營步兵四百名月餼每名二兩五錢合計銀一千兩步隊長十六名月餼每名三兩合計銀四十八兩馬兵一百名餼乾每名月支五兩合計銀

五百兩馬隊長四名饑乾每名月支六兩合計二十四兩哨官五員薪

水每名月支十兩合計五十兩哨隊餘丁七十名月饑每名月支一兩五錢合計銀

一百零五兩書手二名工食每名月支二兩五錢合計銀五兩醫士二名

工食每名月支四兩合計銀八兩各藝工匠六名工食每名月支三兩合計銀

十八兩管帶官薪水月支二十兩幫帶官薪水月支十五兩共

親兵十名月饑每名月支三兩五錢合計三十五兩管帶以下公費合給銀

六十兩每營月支共計銀一千八百八十八兩

每月每軍總統薪水公費銀一百八十兩文武翼長薪水公費

銀一百二十兩其親兵三十二名月饑每名月支三兩五錢合計銀一百十

二兩差委州縣四員薪水公費每名月支四兩合計銀一百六十兩

佐雜二員薪水公費每員月支二兩合計銀四十八兩共書手五

名工食每名月支三兩五錢合計銀十七兩五錢共聽差八名工食每

名月支二兩合計銀十六兩通共月支銀五百五十三兩五錢合之

五營全軍每月應支銀九千九百九十三兩五錢計文武員弁

一百四十四名正兵餘丁雜流合二千九百九十五名

每月餼項由各軍統領備具文領清冊派經理糧餼文委一員

添派委當武弁一員徑赴戶部請領均於先月十六日取齊投

文候戶部開放後卽各小心押解回營稟明翼長驗收轉報統

領仍派該委員監鑿逐一包封注明某月某項餼銀若干兩大

小若干封限至下月初一日一律送呈統領公所初二日傳諭

各管帶官領眾兵齊集教場挨次排定聽候統領當堂點驗按名給領每發一營須先取一封秤兌或隨便抽兌如有分兩不足通行照算罰賠仍徹銷差事記過注冊

凡各兵平日各用米二升炒黃研爲細末用油紙包好收貯如倉卒奉調出征卽各隨身攜帶非被圍至緊及追賊甚急不許取用臨行由各哨隊長點查忘帶者記責

### 坐營

凡駐營地方前面要做亮無樹林村鎮遮礙後面要依山傍水樵汲並備而又有出路者爲佳如山勢迤邐不絕人馬可以登臨或雖陡峻而有急水衝決之患及四面受敵之地皆不可紮

或<sub>三</sub>每<sub>二</sub>式<sub>一</sub>及<sub>二</sub>凡<sub>一</sub>子<sub>二</sub>底<sub>一</sub>愈<sub>二</sub>段<sub>一</sub>



凡各營兵房每兵五名住一間每哨連哨官隊長餘丁共二十  
五間馬棚五間中哨礮車騾棚九間營官親兵雜役共十二間  
中營添總統翼長親兵各項差委員役共五十間各官馬馬棚  
五間挨順哨隊次第按圖分住毋許揀擇爭佔初次修築查取  
承修員弁保固結限內坍塌者責令賠修平時小有傾圮滲漏  
責成各兵隨時自行修補

每營前後左右四哨各分紮一面中哨分紮甬道兩旁管帶官  
居中幫帶官居後親兵雜流隨之中營則營官移紮兩旁而總  
統居中文翼長居左武翼長居右各親兵跟役隨之軍火居總  
統之後文案居文翼長之後糧餉居武翼長之後各書手聽差

隨之

各營門須以堅木排釘爲之每扇寬三尺二寸高與牆平門內作甬道一條直達中帳門外留實地一丈暫不挖壕以便出入若出征時紮營重地門前仍須挖壕另置吊橋

每門每晝夜由營官輪派五人把守不許刻離晝則嚴查出入夜則謹司啟閉不拘何官何人均要由門出入違者分別記過記責不服盤查者稟明究辦若出征紮營每門晝派四人夜派八人

每日聽中營放醒礮開門定更礮閉門各哨隊餘丁早晚出營買食物二次不得過一時早晚汲水二次不得過四刻如有別

故須稟明隊長違者記責

凡各哨隊均有餘丁以備買辦樵汲各兵均不得無故非時出營如果因事暫出必須稟明隊長於哨長處掛號給籤守門兵驗明收籤放出按籤上限定時辰回營取原籤照入繳呈隊長轉繳哨官銷號如并未掛號領籤擅自出入者記責并不查問攔阻者同閉門後回營者立責夜閒無令擅自開門者同各營由總統發給照驗出入信籤五十枝每哨分給八枝本日出入人數準此均限定時刻回營起更後點查其有因差遣及告假回家本日不卽回者由把門兵丁驗收繳回其餘十枝存營官處凡親兵雜流及外來人役均由營官給籤放出

凡各營兵丁有親友來探望者守門兵問明來歷告知本兵立即稟明隊長轉稟哨官掛號方準領入去時由本兵領至營門方準出去仍即稟明銷號如未經報營擅自入營者即時逐出本兵仍捆打

每隊須於去營三百步外各開廁坑一處營內每哨合開一處專備夜間之用日閒出營登廁無庸掛號只將腰牌摘下挂在門上事畢即回各認取腰牌入營如遇四刻不回者守門兵即將其腰牌送其本哨官處查究徇隱者連坐

每夜各營前後左右四哨各派三人循牆巡更中哨派三人赴中帳守夜以防火燭竊盜等事如有偷睡迷更者記責致有失

誤者立責

凡統領所發號令有應傳諭通營共知者營官立時傳知哨官哨官傳知隊長隊長傳知伍長伍長傳知各兵不得稍有遲逾訛錯若一時聽記不全還許回來問明傳畢即各稟覆聽統領於兵中抽問如有遲逾訛錯挨次查出分別究辦

凡統領有機密號令逕傳某營某人者不許另告他人其稟白機密事件員弁亦逕赴中軍面稟違者均以洩漏軍機治罪如有恃強要問者從重懲責

凡兵丁有事故由伍長回明隊長隊長轉稟哨官哨官轉稟營官營官轉稟統領事可由隊長了辦者哨官一面據情轉稟營

官一面飭令隊長辦理可由哨官了辦者營官亦一面據情咨呈翼長一面飭令哨官辦理可由營官了辦者翼長一面照會營官辦理一面據情轉呈統領事畢均卽稟覆

凡兵丁有犯營規或有屈抑不白之事伍長不據實稟明隊長隊長不據實稟明哨官哨官不據實稟明營官營官徇隱不爲轉呈翼長翼長徇隱不爲轉呈統領查出分別究辦

凡兵丁有事不由伍長稟明隊長徑自稟哨官營官者從重棍責隊長有事不由哨官轉稟徑自稟營官翼長哨官有事不由營官轉呈徑稟翼長總統者均棍責幫帶官遇有切已要件準其借用管帶官鈴記遞稟或由管帶官據情代稟亦可平時不

得單銜稟事如違從重記過

凡各兵家中離營較遠遇有紅白事故由隊長哨官給報營官轉報統領準給長假七日逾限者革除捏報者責革隊長哨官分別究處平日省親等事每月每哨準給短假四人二百里內不得過三日二百里外不得過五日逾限不回營者革除名糧離營較近者不在此內每月每哨亦不過四人統以一宿爲限如違開除名糧凡遇合操日期不準請假

凡各兵遇有病患伍長立刻報知隊哨長轉報營官卽日撥醫診治如有遲誤者挨次查明究辦其有病勢沉重自願回家調治者哨官卽日驗實報明營官覆驗轉報統領準給假二十日

軍功例卷之二十一  
回家調養逾限未愈者暫將名糧開除另行募補俟本兵病好  
查看氣力尙堪入操遇有缺額準其儘先頂補限內全愈不卽  
回營當差者棍責假捏患病希圖偷安者責革驗病不實扶同  
徇隱者連坐

凡各兵有逃走病故者伍長卽刻報知隊哨遞報營官轉報統  
領卽日開除名糧其逃走者罰扣原保隊伍長及同伍兵丁口  
糧之半勒限緝拏逾限不獲原保人分別棍責發落所扣口糧  
存案充公其在營病故者責令該管哨官隊長眼同點查所遺  
衣裝財物詳報給付本兵家屬承領敢有隱瞞剋留者從重治  
罪



凡各兵有冒名頂替者查出正身替身俱皆棍責所雇之人卽收營充兵分支本兵口糧一半作爲工食遇有缺額驗中頂補凡各營哨官隊長兩月準告假一次不得過三日每次均只準一人不得同時告假翼長營官三月告假一次翼長不得過五日營官不得過三日總統回衙門辦事每月只準五日如係候補者每月準假三日一應委員及雜流人等準兩月告假一次亦不得同時委員不得過五日雜流不得過三日違者分別記過記責

凡文職道府至雜職遇有升補必須赴任者俟接手有人卽準離營武職遇有升補如非緊要地方仍無庸赴任

凡自統領以至營官哨長各有親兵餘丁足敷使令不得占役  
正兵一名其因公差遣者亦復置簿登號發給信票以備稽查

### 禁約

凡紮營日久附近必有買賣街各兵購買食物務照時價公平  
交易如有虧折價值恃強勒買者插耳游營仍由地方官選派  
公正民人一名作爲市保遇有刁難百姓飭送地方官查處不  
許由營拘問

凡各營弁兵不許吸食洋煙押寶鬪牌擲骰如有犯者立即責  
革并將失察之本管營哨隊伍各官長分別懲處先行查出呈  
首者免坐

凡各營弁兵不許擅入城市及附近村莊稍滋事端如有摘取人蔬果作踐人禾稼砍伐人樹株強借人什物者分別輕重捆打插耳游營持械傷人者軍法從事

凡各營弁兵不許恃強凌弱以眾暴寡侵害百姓如有姦淫婦女擄掠財物燬人房屋掘人墳墓者不論傷人與否均以軍法從事

凡各營弁兵如有干犯本管官長及酗酒忿爭挑唆是非造言生事倚勢嚇詐者均分別輕重責革

凡各營弁兵如有擅出號令私改旌旗捏造謠言惑亂人心結盟拜會鼓眾挾制者均以軍法從事

凡成軍以後各兵新製上下衣服均用灰色大布餘丁亦然惟親兵用藍色以別之概不許穿用紅樣雜色衣履巾帶致難辨識違者相打

凡兵丁與百姓因事爭競口角鬪毆者不論曲直本管官先將本兵懲責再聽地方官秉公斷處

凡本營弁兵自相鬪毆者不論曲直先各從重懲責然後再察所由理曲者加倍重責

凡別營弁兵互相爭毆或犯事同一起者亦先各自懲責然後再送翼長提同彼營同犯弁兵秉公究辦不許各營擅自拘問每營每日由營官派勤謹隊長一名持巡視旗一面在於營外

附近村莊城市買賣街各處巡查如有違犯軍令禁約者卽送幫帶官處稟商營官照例處治仍由統領月差巡視旗一  
派妥當差弁二人總巡如查有扶同隱飾藉端訛索者一併  
送翼長處究治

凡近營十里內外如查有煙館賭局娼寮及賣娼妓女等處  
卽稟明統領由營派員會同地方官嚴行驅逐其醫卜星相  
道及雜說書唱戲乞丐諸色人等一概不許於近營地面停  
如查有外來行蹤詭秘形迹可疑之人卽拿送地方官究辦  
出征紮營所在尤須嚴密查拏

### 操演

每月逢三六九日操擡槍鳥槍并車礮逢一四七日操雜技并馬上各技皆翼長與營官看操總統隨意抽看逢二八日分操小陣逢五十日合操大陣總統看操翼長同看

每月三六九日操過擡槍鳥槍車礮後各哨官仍分操雜技一四七日操過雜技馬隊後各哨長仍分操本哨槍礮皆幫帶官與哨官同看營官隨意看

總統於每月逢五操陣之日點五營名翼長於每月逢十大操之日點五營名營官於每月逢二操陣之日點五哨名幫帶於每月逢八操陣之日點五哨名哨官逢三六九一四七日點本哨名隊長每日一更後點本隊名

凡遇操期中營發頭號各營接聲發號馬步兵丁均各吃飯豫備中營發二號各營接聲發號馬步隊伍均出營挨次擺列候中營發三號始各發號整隊赴教場以前營爲頭起次左營次右營次後營次中營以次登場不許任意爭先

到教場後各按部伍坐地靜候不得喧嚷除營官幫帶官哨官彼此往來商量不禁外其隊長伍長及各兵丁均不準擅離一步

總統出營放礮三聲各兵均起立整肅隊伍候總統到教場放礮陞帳各營官幫帶哨長上臺參謁聽發放畢各回汛地將所奉諭令傳知各隊長伍長轉傳各兵一體知悉靜候臺上號令

# 出操

五營操畢坐歇片時卽各挨次排列教場西邊候總統按冊點名各弁兵均自西而東仍以次站定不得稍有攙越點畢傳集各營官幫帶哨官隊長退回汛地申明營規及本日看過陣式技藝是否合法孰優孰劣當場詳細指示分別功過翼長看操之日亦如是各官弁聽發放畢各歸營哨前面站定臺上發歸隊號放礮三聲總統先回翼長次之送畢各營哨隊仍按左右後中次第整隊回營不準稍有喧嘩錯亂

凡有因事故不能應點者須先期由隊哨長開呈營官轉報以備稽查如未經呈明誤點一次者棍責誤點二次者革退一營



誤點至六名者營官記過一次各哨官分別記責一哨誤點至三名者哨官記責各隊長分別棍責

凡操陣時隊伍不整步伐不齊言語喧嘩者隊長當場棍責哨官摘頂幫帶官記過二次營官記過一次

凡操陣時有失火者該隊長立將失火兵丁查出交哨官送至看操官前發跪候操畢發落

凡槍礮火器一應配帶入操忘帶一件者記責二件以上者當場棍責

每次合操一哨之中記責至十八發跪至五人棍責至三人以上者哨官記大過一次隊長記棍責一次一營之中記責至十

五人發跪棍責至十人以上營官幫帶均已過一次

陣式

凡遇操陣之日候看操官升帳發放畢聽臺上放礮一個發平號三聲各營豫備布陣馬隊自後分路鈔出去大隊約二百步橫列一字或平分三層或左右交操防賊突衝號止鳴鼓各兵視各頭旗所向步步跟著不疾不徐布成陣式鳴金一聲鼓止馬隊仍分兩路撤回陣後再鳴金一聲各兵撤隊準備向前迎敵俟賊至五百步內槍礮可至之地聞發天鵝號聲先開大礮再近發天鵝號一聲放擡槍鳥槍賊至最近嚴鼓吶喊藤牌刀矛出陣接戰均聽金鼓更番進止要如真正對敵一般靠定陣

脚不可一步慌亂

馬隊或由陣中直前突衝或由陣後鈔出追截均分左右兩大股又分爲三層第一層鳥槍二層弓箭三層長矛聽中軍發天鵝號聲鳥槍兵策馬向前放槍一出回頭裝上子藥再放一出退至長矛隊後中軍再發號一聲弓箭接上連放三矢回頭復放一矢收至鳥槍隊後中軍又發號一聲長矛接上直前刺殺出入三合收至弓箭隊每層相離數百步以便更番進止一陣操畢馬隊均退回陣後或收入陣中均宜下馬再聽號令進止一一堵牆爲平原曠野制敵之善陣於乘勝追賊及獲勝收隊時爲尤宜追則賊止亦止賊行亦行收則賊來卽止賊去卽行

無進銳退速之患無先勝後敗之虞如正在追賊聞中隊鳴金三聲各隊頭旗向後一颺是要收隊回營均卽轉身立定再聞發平號三聲始各按隊徐行照原布陣勢以後爲前更不變動又如正在收隊聞中軍忽發天鵝號一聲是賊去復來各隊卽回旗立定再聞鼓聲仍各上前擊賊至若正在鏖戰聞發天鵝號聲中隊頭旗向後一指必是後路有賊馬隊卽時分列後空處與左後尾隊礮車平排左後尾隊均卽回旗向後立定中隊亦分六成橫列陣後與左後尾隊相連以遏衝突此萬全之道也

一兩翼陣行則爲陣止則爲營視賊來路前後兩端可以互爲

首尾如遇前路有賊卽於中隊內分出五成橫列陣首大礮之間以便應敵馬隊緊跟陣尾站又如後路有賊先令馬隊收入陣中分左右站定次派中隊五成橫於陣端與左後隊齊又如賊從左右兩路同來夾攻馬隊又宜分列陣之兩端視何路賊勢稍卻卽馳出壓下賊若轉鬪仍各勒回陣之兩端又如兩路賊隊同時卻退我軍馬隊亦只宜向一路馳追以防賊詐慎之慎之

一三才陣體兼動靜有虛有實可變諸陣形勢有如賊在前路前右兩隊爲正兵中隊與左後二隊皆出奇設伏相機策應賊在後路左後兩隊爲正兵中隊與前右兩隊亦可出奇設伏

孫子兵法卷之三  
相機策應賊在左邊中隊與前左兩隊爲正兵右後兩隊可備  
策應賊在右邊中隊與右後兩隊爲正兵前左兩隊可備策應  
又如賊在四隅前左右後皆爲正兵中隊親兵游兵仍可相機  
出奇惟中隊派出策應之兵少則三成多不過五成馬隊分列  
四隅礮車之後相機進止

一四方陣卽陣卽營可戰可守以逸待勞以寡敵眾以靜制動  
以整擊散在北方最爲相宜第外陣不可太疏亦不可太密除  
槍礮刀矛各起隊伍以次排列勿稍鬆懈外其中閒空行仍要  
分明庶可進退自由內陣不可太虛亦不可太實除軍火行糧  
各項車輛分段安紮勿稍錯雜外其周圍餘地仍要通暢庶可

往來無阻馬隊在內陣之外外陣之內亦須均勻排列不得有礙往來再此陣布定無論賊蹤遠近如內面派有小隊欲出挑戰或直往追賊及偵探樵汲等事中軍發令應由何門放出卽在何門立起門旗夜則懸小燈於門旗上以便照驗又如有自外面投遞文報或解送資糧等物者先由巡捕官查明來歷報知中軍聽候傳令由何門放入然後立起門旗巡捕官帶領進內倘未經傳令豎旗擅自出入及不由陣門私出入者軍法從事巡捕官及縱容出入之弁兵均分別治罪

一五形陣分之可以自爲戰守合之可以互相策應方正殊勢體用畧同一則四隅實而當中虛一則四隅虛而當中實皆有

陣間容陣之意而方形尤利於自固正形尤便於出奇各隊  
之向背離合全在臨陣時確審賊情隨時變動至礮車馬隊分  
列陣間仍須各留餘地以利轉動而免阻隔如有軍裝車輛必  
須收留陣間或圈入各隊內者均照此法安置不準稍有錯雜  
左右對陣先動者爲客後動者爲主總要號令分明進止齊一  
每陣將大隊分作前後兩層每層將擡槍鳥槍雜技或五或十  
拉成直行相間排列不可太密大纛旗鼓號令在前後兩層之  
中中隊小槍雜技游兵親兵以次分列均要勻整周圍仍留餘  
地以便往來左右兩陣相距約三百步遇大閱時閱兵官從兩  
陣中間經過各將官率眾兵跪接傳令起立齊聲答應各將旗



幟收捲候閱兵官升座督練官請發令武翼長持令旗於臺堦上左右各一颺兩陣均發齊隊號三聲翼長再持青旗向左一招左陣卽發催隊號三聲中隊纛旗舉起各哨隊旗均卽展開點鼓進隊約五六十步右陣發探馬十數騎至左陣前約五六十步隨卽勒轉頭二三騎各持白旗一面馳回陣前均各下馬陣內發催隊號一聲出奮勇小隊二成向前麾旗挑戰左陣發號開槍打進步連環右陣小隊伏地避槍徐徐引退左陣鳴鼓發號出奮勇小隊三成逐之右陣小隊且戰且追離本陣約五六十步陣內鳴鼓發號開槍一輪左右小隊均伏地如前左陣馬隊從兩旁繞出鈔襲右陣之後右陣兩旁齊開大礮後隊亦

卽回旗開槍抵禦前隊槍止右小隊突起直前左小隊稍退復進右陣鳴鼓發號再出小隊四成上前助戰大隊繼進左小隊且戰且退至離本陣約五六十步陣內鳴鼓發號亦添小隊三成上前策應右小隊屹立抵住大隊亦暫止勿動急揮馬隊將左陣之馬從兩旁壓下左小隊見馬隊壓回亦卽退入陣內右小隊追至左陣前面約五六十步左陣開槍打退步連環追至原處右陣之馬壓至陣後左陣馬隊退依陣旁前隊槍止後隊回旗開槍兩旁亦排開大礮右陣馬隊收回本陣兩旁陣內發收隊號三聲小隊收至陣前站住大隊始順旗向後卽以後隊作前隊挨次徐行約五六十步又發收隊號一聲大隊回旗站

住俟小隊收至陣前大隊再順旗徐行收至原處又發收隊號一聲大隊回旗照前紮定小隊均卽收入陣內各歸各行合陣放得勝槍一輪左陣亦接放得勝槍一輪翼長取令旗向左右各一按兩陣弁兵俱坐歇聽令翼長繳令督練官請收令閱兵官退座如臺堦上於發令時用白旗向左一招卽是右陣先動起止進退均照前式

### 技藝

凡操馬上小槍弓箭均於馬道左分別遠近立靶三個操馬上長矛須於馬道兩旁分立活靶三個第一靶在左旁第二靶在右旁第三靶又在左旁靶各相去二十步內外

凡操馬槍以馬走極快三靶俱中者爲超等第二第三靶連中者爲上等第一靶與第三靶一中或第一靶與第二靶俱中爲中等馬快而第二靶一中或第三靶一中與馬不快而三靶俱中者均爲中等兩槍不著不響者爲下等三槍不著不響及落馬者均爲下等

馬上弓箭長矛均以馬走迅疾三靶俱中者爲超等中二靶者爲上等中二靶而馬不快馬快而僅中一靶者爲中等兩靶落空者爲下等三靶全空及失掉弓箭長矛或落馬等均爲劣等凡操擡槍靶以一百六十步爲準以五桿爲一排鳥槍靶以一百步爲準以十桿爲一排無論連環進退起坐高下諸法以裝

放快便舉止安閒手前後穩頭目不閃三發俱中者爲超等中  
二發者爲上等雖中而頭轉手搖者爲中等兩槍不著不響者  
爲下等三槍不著不響者爲劣等

凡操藤牌刀矛雜技總以手足有力下著勁舉止靈便步伐  
嫻熟者爲超等手足有力步伐不錯者爲上等靈便而步伐未  
熟或手足不甚著勁者爲中等舉止遲鈍步伐生疏者爲下等  
力弱而笨步伐錯亂甚至跌倒者爲劣等

凡各項技藝列在超等者當場給賞上等均賞中等者無過下  
等記責勒操劣等者當場棍責仍勒操

凡校閱各項技藝每月訂冊一本於各名下空列五等分等既

定者以硃筆點之下次再校仍如原等者不賞進一等者酌賞  
超進一等者優賞其中等以下者一次原等免責二次原等記  
責三次原等兩次併責四次原等重責記革五次原等革除名  
糧不願責者每次追銀充賞三月總校歷居超等上等等者分別  
總賞記拔

凡比較冊每屆三月彙查一次各營哨隊所部俱賞無罰者爲  
超等營官哨官隊長均從優獎賞所部賞數八分以上者爲上  
等分別酌賞所部賞數六分以上者爲中等無過賞數不及四  
分者爲下等分別記過記責賞數不及二分者爲劣等分別參  
責

## 行營

凡遇奉調出征或全軍皆行或指調二三營統領查照奉文事理立刻傳知各營官營官傳知哨官哨官傳知隊長隊長傳知伍長伍長傳知各兵不許片刻遲延各兵得令卽各檢點應帶軍火器械再候號令整隊起程亦不許片刻遲誤如有臨時假捏患病告假及以軍火器械短缺損壞呈報希圖躲免者均以臨陣規避論軍法施行

凡軍行中營發頭號各營接續發號各兵傳餐收拾停當聽中營發二號各營接續發號整隊出營至寬處紮定中營發三號礮響三聲主將出至紮隊所在各營官稟請本日進止再聽發

號啟行以後尖宿處所啟行皆如之

凡軍行以整肅爲主各隊長在前領隊各哨長在後押隊均須挨次勻行分起前進不許任意爭先落後錯亂攙越違者棍責凡出征在二百里內外除備帶軍火糧餼及各兵行李用車裝運外其各人應用器械均須自執配帶隨身步兵整隊徐行不許坐車馬兵隨隊行四騎六以節馬力

凡每日軍行各營須派趨健精細哨官各一員在前清道決不許一人一騎攙入隊伍別處報事人役亦只準於前隊報文候令不許擅自領見主將防賊假冒如遇有樹林村莊坑窪橋梁處所必須詳細瞭望確切探明防賊埋伏



凡每日軍行各營又須派老成廉謹哨官各一員在後查點如有病兵罷馬落後者卽送所在地方官調養糧餼軍裝車輛遲滯者催趨前進見有遺落器械物件收送中軍招人認領兵丁故意在後滋事者拏送中軍處治

凡軍行在途及尖宿處所總統翼長營各派親信弁兵分投巡查如有違犯軍令騷擾地方侵害百姓或向州縣需索車輛廩給等事均卽拏送主將從重懲責插耳游營贍徇者同罪

凡每日行營夜號由所在主將臨時定擬二字密傳營官遞傳哨官隊伍長通行傳知各兵夜巡遇人低聲呼上一字來者卽低呼下一字應之差者登時拏問以防姦細漏洩暗號夜號者

新忘記暗號者棍責

凡軍行次忽聞中軍放礮一個或發天鷲號聲必是猝然有警各營均卽整隊立定相地布陣聽主將號令施行如遇賊伏突至不及取稟中軍號令卽由營官一面督隊穩戰一面專奔馳報

凡行軍住宿處所取稟中軍號令到時各兵暫駐村鎮之外先派幫帶官隨帶哨官一二員借定民房候主將傳令安歇方入村鎮止宿仍按各營哨隊伍聚紮一段其巡更放哨稽查營混禁止騷擾均視坐營號令更加嚴緊若距賊不遠必須在外度地紮營方可備禦夜警

凡安紮野營或挑築濠牆或用拒馬木鐵蒺藜布置成營均視距賊遠近及駐紮久暫爲之無論風雨寒暑隊伍一到必須立刻成營方許休息

凡野營旣成於各隊餘丁出營樵汲限四刻回營做飯飯後每營派五人爲一路授以夜號出營五里外放哨各帶鳥槍一桿火箭五枝如探有賊蹤放鳥槍一響火箭一枝無賊之路不許輕放次早均回營稟覆

每日定更後卽關閉營門禁止喧嚷每隊派二人巡更每門派八人把守遇有報事人役令在十步外立定問明來歷將文書信物由門健接收稟知中軍有令放進者方許入營否則只於

營外聽令有闖營者格殺勿論

凡與賊對壘安營每夜將起更時擊鼓三通各哨須派隊一成持械站牆各項親兵均於各管官帳前站定聽令五哨哨官齊赴營官帳前請發夜令營官面諭後再赴幫帶官處請發更籌俟礮響鳴鑼三聲牆上隊徽親兵亦各歸柵巡夜兵丁卽傳籌巡更如但傳令箭而不唱者謂之暗令營官每晚將派出查夜哨官一員聽令親兵二名開單送呈主將處懸牌帳前以便傳問

凡行營牧放樵汲以及晚閒放進外來人役均須派一成隊伍各執器械站牆子作守營之勢然後開門各哨官收取更籌仍

繳幫帶處如距賊甚近則派二成隊俟閉門傳鑼然後仍各散歸隊伍

凡行營稽查出入盤詰姦細以及傳發號令稟白機密均須比平時加倍小心如有犯者亦加倍重懲

### 軍令

凡行軍野宿與賊對壘之時如有巡視不謹瞭望不真哨探不的更點失時夜巡失號止宿失火以及無故驚呼奔走妄言賊至搖動人心者均插耳游營因而誤事者軍法斬首

凡兵以鼓進以金退旗左則左旗右則右號有齊隊催隊收隊之聲有布陣變陣行陣之聲均須領會純熟臨事不至舛錯

凡各營臨戰管帶及幫帶官以一員領兵衝鋒以一員押隊督陣哨隊長各率所部聽指揮進止如有退縮脫逃者斬

凡臨陣決戰營官領哨長哨長領隊長隊長領伍長伍長領兵但有一兵退走者并斬伍長全伍退走者并斬隊長全隊退走者并斬哨長全哨退走者并斬營官

凡臨陣決戰各兵護伍長伍長率兵護隊長隊長率所部護哨官哨官率所部護營官營官陣亡者部下哨官通斬哨官陣亡者部下隊長通斬隊長陣亡者管下伍長通斬伍長陣亡者管下兵通斬如亡者部下尙能斬獲賊目者免坐部下受傷者亦應免坐多有擒斬者仍論功照賞中礮陣亡者不在此例

凡兵丁有陣亡者本管隊伍長及同伍兵各罰口糧一月給恤  
亡兵之家斬獲相抵及受傷者免罰斬獲倍者仍照賞

凡臨陣對敵務須彼此相救如一隊被圍別隊不救一哨被圍  
別哨不救一營被圍別營不救因而失陷者其營官哨隊長均

斬

凡各兵戰勝賊營所遺財物每隊只許留一人看守俟收隊均  
分如有願戀爭競不乘勝追賊以致敗賊復回因而誤事者均  
以軍法斬首其留後看守兵丁敢有隱匿者亦一併斬首

凡戰勝之後聽中軍發號卽各歸隊立再候令到何營先收何  
營居次何營在後候中軍鳴金始各以次收轉其當先出力兵

參辦陣亡者查明照例請卹  
丁聽各營哨官憑公呈報給賞不許混自爭功報不公者從嚴

凡行軍一切禁令一名有犯連坐伍長各伍俱有或數在五人  
以上者連坐隊長各隊俱有或數在二十人以上者連坐哨官  
各哨俱有或數至四十人以上者連坐營官

### 責成

軍火糧餉各有專司馬步兵丁各有專習矣而營哨隊伍乃綱  
領之所在節目之所分是亦各有專責逃走竊盜不詰首疾病  
患難不呈報責在伍長濠牆不完整器械不鮮利馬匹不臚壯  
責在隊長武藝不精熟隊伍不分明責在哨官旗鼓不嫻習進



退不齊整責在幫帶號令不明通營陣不嚴肅責在管帶是在各官弁隨時整飭遇事講求不可以日久而忽之也

統領專督教練兼主調度全軍之所尊仰諸將之所稟承其事既繁其任至重稍有率忽弊卽叢生偶有疏虞害且立至務須開誠布公信賞必罰心術根於仁恕紀律務要嚴明商推軍情惟期集思廣益無陵轍驕盈之概施發號令必求因時制宜無鹵莽滅裂之虞精白乃心整躬率屬庶部下悉皆悅服局外亦免譏彈矣

翼長綜理營務贊畫機宜所以和將意而達士情也統領有所商推務須揆時度勢酌理準情籌畫精詳數陳剴切固不可涉

專擅之嫌亦不可存推諉之意將士因事稟白或有氣質未化見地未到者必反覆開導曲爲裁成或有窒礙難行隱衷莫白者必詳細訪詢婉爲轉達俾將識士心士用將命軍政無不舉矣

營官分管管帶專司訓練此日備衝鋒之選他時卽爲決勝之資無論大操小操均要耐得煩勞按期校閱無論練軍練技均要不憚瑣碎逐件講求或當場指點比較優劣或暇日教習考驗惰勤事事躬親時時申警練一兵可得一兵之用練一日卽有一日之功

賞以示勸罰以示懲軍中尤爲緊要絕不可以平日之恩怨作

此時之愛憎有應賞應罰者明白曉諭立見施行使閣軍皆知所以應賞應罰之故則賞一人而人人思奮罰一人而人人知警固不在盡以金帛與之刀鋸加之也

兵可百年不用不可一日不備從前操練爲難猶得藉口饑糈今則優給口糧又復仍留底饟既不令枵腹從事亦可藉養贍室家若復仍舊因循不思力圖報效一旦有事全無挾持不惟帑項虛糜抑且身命莫保不惟無以報

國家抑且無以對百姓所望不避勞怨勤加督責軍實常備不拘何時徵調皆可卽刻成行軍令常申不論長年戍守總是一團銳氣有備無患斯之謂也

兵凶戰危古人所戒況北地平原千里無險可扼非節制素嚴其何以臨禦大敵出奇決勝今禁約既周軍令頓備坐營悉行營之規場操皆臨陣之事平日所習如是臨事所恃卽在是固不能爲士卒寬亦不能爲將弁宥惟期節節相制人人恪遵身可棄而節不可改命可判而令不可移萬眾一心斯百戰百勝矣

軍中相制威嚴尙已然必情意相聯乃可收指臂之效倘死亡疾病漠不關心勞苦飢寒絕少體恤甚至任意役使等諸廝養之奴剋扣月糧視爲應得之物待之者旣刻薄寡恩尙安望報之者奮勇出力乎夫士卒雖愚最易感動愛之教之若子若弟

則雖與之赴湯蹈火亦所甘心況堂堂戰陣進有爵賞之榮死有蔭卹之典有不如手足之捍頭目子弟之衛父兄者哉

設官所以牧民養兵所以衛民文武雖殊而其爲民則一也然或則自行伍爲材或則視書生爲廢物平時已有扞格之勢一遇兵民交涉偶有爭端一則徇庇兵丁一則袒護百姓兩不相下盛氣憑陵遂至釀成事端固結難解且有同軍文武反目相譏同事將官操戈相向其爲貽害何可勝言此次紮營團練實爲強固根本之計所望文武協和兵民輯睦各泯畛域之見共懷禦武之忱斯乃所以敵愾同仇公忠體

國也

將官承宣威德表率弁兵宜事事以身作則從爲

國爲民上着想已則偷安何以責部曲之勤苦已則畏死何以責部曲之立功已愛貨財何以禁部曲之需索已好聲色何以禁部曲之姦淫已則威福恣作何以禁部曲之騷擾已則剛愎不仁何以禁部曲之殘害已則鑽營取巧何以禁部曲之逢迎已則嫉功忌能何以禁部曲之傾軋事事如此設想時時以此自警庶幾人言可息軍政聿新訓練有成輔衛日固  
畿輔之慶亦邦家之光也

此次新立六軍聚處教練原爲整飭營伍拱衛

京畿而設其日給饟乾章程不但照在營操兵有加并照出省

征兵有加不但照各省練兵有加且照本省練勇有加此真朝廷格外鴻恩一時曠典各將弁兵丁均宜仰體

德意及時勤操如果操練有成儼然勁旅平時足以備患有事足以立功將來徹歸原伍支領一切縱不能概照新章定可邀恩準給全饗是聚則有逾格之賞散則有常贍之資從此直隸營伍永無廢弛饑餽永無折欠皆此次團操一舉之力也本部堂慎始慮終千言萬語無非爲將弁兵丁設想故於篇末及此其各勉益加勉毋負

國家厚恩及本部堂告誡期望之意爲要

臨桂李樹森  
南陵胡永福  
同校



劉武慎公遺文以年次未盡

劉武慎公全集卷二十九上

目錄

求心齋記

劉孝子碑文

家廟成祭文

書教諭語錄

劉梅尉明經陣亡輓詩序

祭光祿公文

廣西武鄉試題名錄序

粵西昭忠平寇錄序並凡例

劉武慎公全集

書詢兒陳文恭公手札節要讀本後

課耕亭跋

新修白公渡亭記

羅君墓誌銘

王公麓屏墓誌銘

祭舅父鄭公文

祭祖文

夫夷周氏重修族譜敘

劉武慎公遺文 未盡

求心齋記

歲在丙辰又卿構家塾落成以書來屬爲之名予惟賦性庸拙學道未能年來輾轉兵間尤疏講習愧無心得以揭示來茲卽欲竊取其名未能開陳其義於後學奚補焉適讀陽明先生文集得此銘又復尋繹簡明真切先得我心因節求心二字以名其塾并錄此銘於額亦冀後之學者鑒茲明訓反求諸心而實致其力毋徒勤記誦之功求工於文藝之末庶心可常存學有實獲仰希先哲不外是矣咸豐七年仲冬月長至日識於臨江營次



劉孝子碑文

今

天子龍飛之三年年穀順成民風丕變東南賊數次第蕩平是  
惟

太后聖慈

皇上仁孝天人協應蔚爲中興適予承乏畿輔再越寒暑矣兢  
兢懼弗稱職惟以察吏安民章志貞教正人心厚風俗爲先務  
秋閒眾官紳以重修西關劉孝子祠墓來告孝子名紀志乘至  
性動人因急捐金助成之旣而請爲文樹碑以榮孝子予固不  
文竊以忠臣孝子其精神自足以垂不朽又何以文爲再辭不

獲乃喟然而興曰世閒之第一事孰有如孝哉其第一等人又孰過於孝子哉顧論孝於微賤無知之人難論孝於窮苦無告之人尤難嗟乎劉孝子一賣菜人也視當世之名公鉅卿通儒文士奚啻霄壤乃其任天而動奉親之外不知艱難貧困爲何苦不知恩愛利名爲何心生而養竭其忱歿而葬盡其禮祭則廬墓泣血常若有終身之哀迄今數百年後過其里拜其墓者猶相與感慨追思留連不置而昔之所謂名公巨卿通儒文士何以不盡與孝子同傳也予於是更恍然於政教之有由立而表揚風勵之不容已也燕俗近古而鄉閒不無忤逆之事豈其生皆梟獍不堪化誨耶夫亦政教之不行莫由感其心而復其

性也莫凶橫於寇賊而弛兵以過境者惟恐相驚莫殘忍於虎  
狼而殺鹿以衛樹者若助其孝潛移默化有不期然而然者况  
吾民同具秉彝之良苟有以表揚而風勵之又安見其不聞風  
而起捫心而悟乎諸君子修祠樹碑之盛心殆亦有見於此乎  
噫觀夫此孝弟之心可以油然而自生矣教孝教弟之苦衷亦  
可以殷然而無倦矣爰卽書此泐石以應眾官紳之請並欲以  
此激勵頽風稍佐我

皇上孝治天下之新政而系以銘銘曰

抱陽峯之青環此倚廬兮宛水之湯湯和此啼鳥兮孝子之純  
孝可激頑夫兮嗚呼當時擁高牙而媚權閹者義子乾兒今曾

不若禽蟲也經千秋而天爵自尊者乃獨讓此賣菜之傭也  
同治三年甲子督直使者新甯劉長佑序



家廟成祭文

維年月日嗣孫等虔備牲醴致祭於先祖考妣之神主前曰  
於穆祖考積厚流光歲在乙丑邦族平康爰立家廟圖壠之  
陽神靈是妥祀事肅將歷年既久考禮加詳今歲仲夏鳩工  
相方復遵往制增修前堂越時五月南至日長眾工告竣廟貌  
輝煌庭宇上下秩序彌彰先祖蒞止位正中央以妥以侑俎  
豆馨香億載子孫永永蕃昌尙饗



書教諭語錄

李蘭卿太守重刊是書於粵自謂幾於家有其書距余官粵時纔廿餘年訖未見是書亦未聞有是書豈兵燹之後失傳耶抑官是邦者無復留心政教寔以遺亡耶孔子曰入其國其教可知也余於斯能無愧乎是書體用賅備不止爲教士說法陳怡軒司馬於徐嘯六太守處得其原刻亟付梓以貽同志余始得披讀既慕退谷先生之能本所學以爲教而尤嘉怡軒之欲卽所教以爲政因取是書更印多帙徧布所屬俾有教人之責者各守一編以自考所學而共修其教庶教成而政無弗舉予有厚望焉同治丙寅年冬月劉長佑識於保陽之清遠軒



劉梅尉明經陣亡輓詩序

咸豐七年春余由袁州進兵規復臨江同年劉君梅尉來參軍事不幸與於太坪墟之難越日整隊再戰我軍奮呼先登賊大潰自是復名城盪巨寇而君不及見矣悲夫余在兵間十餘年舊時部曲及幕中賓佐往往積功至開府以君之材使其尙存必有以自拔而竟止於此嗟乎功名之際固有幸有不幸哉君之鄉人爭爲詩歌弔君將彙付梓而乞余爲序杜少陵弔馬將軍曰去年江南討狂賊臨江把臂難再得別時孤雲今不飛時獨看雲淚橫臆又咏石壕吏曰存者且偷生死者長已矣誦之尤使余歎歔涕下而不能已也同治六年三月寶慶劉長佑序

劉梅尉明經陣亡輓詩序



祭 光祿公文

維

皇上御極同治九年歲次庚午季秋月丙戌朔宜祭日甲申男  
長佑率孫曾等謹以牲醴庶羞致祭於

誥贈光祿大夫顯考劉公寶泉大人之神主前曰竊惟吾父  
存順歿甯棄塵廿載紀壽八旬典型具在色笑如親人思厚德  
今昔同聲表揚令名疊荷

恩綸積善餘慶祐啟後人衣裳濟濟子孫繩繩安貽百世福芘  
一門茲當秋季八秩嘉辰几筵既設鉶豆具陳菊醅蘭膳似舊  
逾新九京非邈千載猶生吾父之澤吾父之靈應借吾

母含笑來歆尙饗



廣西武鄉試題名錄序

欽惟

皇上御極之元年海宇久安民物康阜

詔開恩榜嘉惠士林於是各直省舉行乙亥

恩科文武鄉試既竣文闈旋開武射臣蒙

恩命巡撫廣西例充主試謹率同布政使臣嚴樹森署按察使

左江兵備道臣周星譽提調官二品頂戴儘先補用道臣許其

光監試官桂林府知府臣鹿傳霖進學政臣吳華年所錄武生

武監生試以馬步射刀弓石擇其發矢有酌膂力方剛者屬闈

內試默寫武經品次甲乙取中陳桂梁等三十九名謹拜手稽

首颺言簡端臣維周人以射御賓興已有用武取士之意漢人以兵法召募遂有用武取士之名迨及唐時創爲武舉宋則軍謀諸科精其選明則鄉會兩試示其程史冊相傳升庸漸廣賢豪輩出樹立相高我

朝酌前代之規模仿文科之體制試以數藝分爲三場馬步射以觀其技能刀弓石以覘其勇力而又必習夫戰取進攻之策具夫龐奇福艾之姿其立法彌精其取材彌眾而其爲教乃彌深焉臣起自軍營備經戰伐蓋深見夫接刃交兵之際非技能不足以制人衝鋒陷陣之時非勇力不足以帥眾至於出奇策者每因古法而神明建大勳者類且過人之儀表尤閱歷之不

爽信選舉之可憑況廣西山水特佳鍾毓多驍勇之士干戈久  
困激昂成忠義之風或持戟以遏賊氛或集團以助兵力卒能  
削平禍亂早紓桑梓之憂是以奮發功名足備幹楨之選今者  
皇威遠播俊乂旁招值多士之雲蒸報三軍之月捷巨憝難逃  
於徼外敷天維我武之揚英雄盡入於彀中邊地際人才之盛  
臣恭逢斯會務拔其尤矢慎矢公勉副尙賓之典中規中矩庶  
幾君子之爭尤願登是科者藝惟進德勇更知方化武斷之餘  
風處爲良士奮折衝之壯志遠企前賢以副微臣報  
國之心更上

聖主得人之頌豈不休哉是所望耳惟時官斯土者頭品頂戴

新授兩廣總督臣劉坤一兼署兩廣總督廣東巡撫臣張兆棟  
廣西提督臣馮子材左江鎮臣李起高署左江道臣凌昆署右  
江鎮總兵臣達三右江道臣啟莊皆得備書兵部侍郎兼都察  
院右副都御史巡撫廣西等處地方提督軍務加節制通省兵  
馬銜齊普圖巴圖魯劉長佑謹序

粵西昭忠平寇錄序

職官之傳史職也事實之紀志乘也若所傳不限以人所紀止  
在一事補國史所不及資志乘之傳聞則各省忠義之錄寇事  
之述實有合於闡幽光示勸戒之旨焉咸豐十一年

詔各省設局採訪殉難忠節而兩湖江皖皆有成書金陵大寇  
起於粵西今人談寇事者必推其源於粵卽各省記載之書言  
寇事者必溯其始於粵居是邦者反不能舉其名記其事可乎  
咸豐九年余率師躡賊來粵時石逆竄突各府騷然張皇一族  
跋靈柳慶之間旣奉撫粵之

命復有潯江之役瀕危躡險僅乃克之而將弁士卒之死亡蓋

不勝其慘矣辛未秋再奉撫粵之

命幸值無事漸求治安回思昔日效命疆場諸人肝腦塗地骨委原其狀歷歷在目而其人之姓名事實已若存若亡蓋生者僅存而死者泯然矣心竊傷之因舊存有昭忠錄稿本遂遴員設局重加纂輯誤者更之缺者補之欲忠烈之姓氏不盡泯沒可差慰此心於百一至羣盜年月之紀亦在畧存當日事實間有據案纂錄書及余事雖缺畧不詳余不再置一詞蓋二書原以存死者之名非以傳生者之名也書成名曰粵西忠義錄粵寇紀畧所應錄紀者何止於此而所錄紀者則止於此未知有裨於國史志乘爲何如而闡幽光示勸戒則余之本志不以

此爲名又余心可自質矣

光緒元年冬撫粵使者劉長佑謹序

凡例

一忠義粵盜二書乃前蘇中丞命楊刺史劍潭纂輯並用傳例  
雖經草創未爲成書茲忠義錄就原稿復加較訂增補粵盜  
紀畧改用編年紀月例自道光三十年金田賊起爲粵盜之  
始光緒元年關外凱撤爲粵盜之終粵盜始末並散見於忠  
義錄一書而忠義之事實粵盜紀畧亦書焉

一忠義各傳編次有三曰文職曰武職曰團紳死事編次亦有  
三曰陣亡曰遇害曰病故其事蹟詳明者始纂爲傳事蹟無

可考及無事可書者僅列名於卷末列名者或無官銜籍貫或無死事年月皆原本未經查出無從查補祇仍其舊至兵丁團丁勇丁死者甚多礙難備錄

一忠義錄止錄本省殉難諸人有在粵立功而死於他省者概未列入

一昭忠錄原稿各傳止列職官團紳各傳乃從各邑紳耆記載擇其死事慘烈者補入其未經呈請及無底冊送局採擇者無從考查故缺畧焉

一忠義列傳有專傳有並傳有同時死事姓名附傳末者附傳已有名卷末列名不再錄



一賜卹賜諡加銜首原稿照請卹案錄入其缺畧而有案可稽者閒爲補入無案可稽者仍其舊

一粵西羣盜如毛攻劫紛紛不可勝紀各官所辦盜案亦不可勝紀茲止就著名大盜陷城殺吏克復城邑及有關於地方之治亂者畧紀其事實年月均照文案及紳耆記載書之

一粵西創亂之初妖異迭見茲惟擇天變之大者書之瑣屑者概不錄

一各府州縣經亂後案卷散失本邑紳耆記載送局採擇者甚屬寥寥二書止以原稿爲憑有案送局者擇補未經採訪不免遺漏



書詢兒陳文恭公手札節要讀本後

是書日讀數則仁民愛物之心油然而生所謂仁人之言其利溥也謙兒以頭空紙選鈔兩漢勅詔因今思古亦可見經世之文罔非實意所流寓用能感人心而厚風俗進而求諸詩書君臣上下教典所垂道不外是矣詢兒能熟讀深思其裨益豈淺鮮哉書曰學于古訓乃有獲詩曰古訓是式威儀是力詢兒其勉旃



課耕亭跋

祠前舊有小亭翼然池上先民從樸未有名其亭者雖近城郭  
頓有林泉之趣時當長夏池荷盛開閒有遊人觴詠其閒若平  
時往來休息無非田里之人聚坐接談亦無非稼穡之事憶少  
壯嘗隨父老入祠祈報祭酺合釀並有餘歡而長幼秩然惟以  
歲事之無常人力之宜盡互相勸勉洵善俗也兵燹以來閭里  
蕭索風俗漸不如前卽斯亭亦將有頽廢之虞歲戊寅家肩吾  
與仲弟又卿撫今思昔同爲慨然商諸里人集貲重修因名其  
亭曰課耕寓書來滇屬爲題額佑喜其興復前規敦勸本務之  
意並識數語於後已卯二月日劉長佑謹識



新修白公渡亭記

自縣治渡江而東曰白公渡水經所稱夫夷水也水自西南來繞縣城東北流合都梁水故北自邵陵武岡南踰嶺至全州興安行者咸出斯津曰白公者以秦武安君名史記昭襄王二十九年大良造白起攻楚拔郢燒彝陵遷武安君因取楚巫黔中郡新甯爲黔中南境或嘗取道於斯歟父老又云以昔賢白善居此而名然迹無可徵今俗所祀白公神則固非武安君也其津舍故居東岸舟子楸杙所在夕而泊焉自縣治南渡者出郭門二里許臨江無廛市平沙荒葦露立而俟其自城東來者道尤遠行者病之光緒丁丑里中鄧君九成始謀之余請爲亭於

江之西岸余卽嘉其議首助之金邑人之仕於滇黔者集資共  
如千金明年九成歸自滇復自捐金鄉人好善者又醵金其襄  
其事構屋三楹楹相嚮而序其中有權有楯可以休坐內建祠  
宇祀 關帝增置渡船俾渡夫停泊於是以待行者朽櫓之役  
數月而畢以書至滇告余並請爲之記余以爲事無鉅細惟徃  
於一已之所適者爲不可用人日處於廣廈細旃之上緩食而  
徐步一旦涉於榛蕪游於塊塉則唯恐去之不速至其掉孤颿  
浮江海出入於狂風駭浪之中傾檣折楫則求處於榛蕪塊塉  
之地而不可得故夫商旅之在外也見店舍之湫隘則思戶庭  
之寬苦舟車之疲乏則憶茵榻之適而至於荒江待渡閱其無



人雨夕霜晨狐嘯鬼嘯則有求如店舍舟車之容膝而不可得者豈非境之安危隨時以遷而不必其所居之有廣狹美惡乎則斯亭也卽視爲行者之店舍舟車可也卽其所謂戶庭之寬茵榻之適遠莫能及則以爲於此乎存焉可也然行者之病此一須臾耳過後則或忘之誰則揣其境之安危而必爲之求其心之適則非出入於閭關險阻之中而深驗乎民生利害之故者固不能以千萬人須臾之所不適爲不適而籌度至是也九成于役四方將出而從政求斯民之所疾痛而拯救之則其不自狃於所適者方大一亭之適人猶其小也且武安君東破韓趙南攻楚魏勳名震宇內其遺迹著於巫黔以名斯渡而後人

不之祀乃獨祠 關帝則以 帝之心如日在天中無物不燭  
自起則以一己之功利爲樂不惜迫敵於危阨卒於險未嘗有  
一念及斯民之疾痛而身度其安危也烏虜有私己之心雖破  
軍克敵如武安君不足貴有安人之心則雖一津一舍之小足  
以爲仁九成其無自域哉余故樂記其始末而並爲之導其志  
如此

光緒七年歲在辛巳冬十月邑人劉長佑記

通議大夫羅君墓誌銘

光緒四年冬羅子雲碧自蜀運餽至滇手其先人 贈通議君  
行述稽首涕泣致其兄景之言曰先君子沒二十有九年矣二  
兄皆早世景等幼懵無知誌壙之石不備長又不肖無能揚闡  
先德雲碧幸得出入門下從役畿南黽勉一職需次於蜀惟公  
實與先人同里聞稔知其行事久思走狀乞文以道遠未獲請  
命茲幸趨節署覲顏色願矜小子喁喁之誠賜一言以光諸幽  
余受而識之未暇爲也越三年雲碧已補授新津縣知縣復遣  
使以書來請余老矣久居西南闊遠先人墳墓歲時里巷之樂  
斷不復得因憶往昔嘉慶道光閒吾邑多隱君子以仁讓考於

鄉或窮而蹈道不自曝耀余多及見者通議君質行仁厚亦數立義聲鄉邑間道光戊申縣令李公修治城隍以君董其役表植巡功昕夕不勅明年己酉李沅發之亂余從總督裕公軍中君亦奉知府張公命率鄉兵助剿逮余以朝考入都聞寇事且定庸詎知君遂積勞以沒耶自君之逝余亦馳驅南北聞君二丈夫子病亡輒爲之太息及今三十年間而君兩幼子已兄弟競爽能自樹立又以歎賢者之必有後也君諱如鵬字振翼一字翥亭先世家江西明季始遷甯甯曰汝芸其曾祖也曰大恂其祖也曰士焜其考也母曰太孺人君其中子也昆季皆早逝乃廢學以帶鬻爲養營肆城南人惡其不欺爭嚮之殖以漸豐

則聘師課子綦嚴仲子曇克承其訓爲名諸生號能文族黨中子弟稍敏者君必贊之學或餽以錢粟婚葬不舉者必以其力拚之鄉里稱其長者嘗語人曰心所欲爲者皆已分內事若僅以自養天豈獨貽以安噫此所以不學而踐古人之行乎配徐淑人亦有婦德嘗屏節齋用以助君周卹親舊故其沒也君悼之甚淑人生後君五歲同縣諱志勗公之長女也事舅姑能如其志教子女言食皆有法度以道光庚戌二月壬辰日無疾而終君之卒卽以三月癸丑相去二十有一日年四十有九厝於石橋村祖塋之次咸豐庚申十月壬申日乃合葬於松風亭牛形山徐淑人之墓君始援例爲國子監生以修城功議敘從九

品職光緒丁丑雲碧以四川候補知縣五品銜加級請

封

如例

覃恩贈通議大夫配徐氏淑人生子四長雲華議敘

從九品職次曩縣學優廩生候選訓導俱早世次景候選縣丞  
季卽雲碧女子三長適鄭次適李三適李孫三必誠必恭必傳  
女孫三所適皆士族自余奉

命移督雲貴由廣西取道里

中往時高年舊德大半淪逝君更早卒歸村之美後生或不聞  
無以知吾鄉舊俗之善故不憚爲述而銘之辭曰

越城嶠北泉醜扶陽萬嶂錯石竹柏之英鍾爲羣彥植節裏臺  
烏知百年陶浴所在駢趾赴義以鞏彝倫素履潛德君其一人  
身則化居心溺於學以穀其子是殖是穫或稊而隕有稗而穉

義以爲種終遺樂歲凡百樹善弗溉則萎來者不信請親茲辭  
光緒七年歲在辛巳冬十有一月己卯同邑劉長佑撰





奉政大夫吏部主事王公麓屏墓誌銘

公諱家勳字國光號麓屏姓王氏王氏盛於漢晉文學功勳焜  
耀史冊宋明以來代有名賢爲天下最著望族曰太原曰郎邪  
其郡系也公出太原爲太原王氏宋有大理評事王明遠公由  
江右遷湖南新化縣賈王氏始遷祖傳二十餘葉中多潛德邑  
里稱焉公承積慶之世生秉異姿七歲知好學讀書敏悟未冠  
器識淵然親族之長咸屬望之甚厚益自勵遂以制科舉孝  
廉成進士官京師歷吏部主事管文選司兼驗封司行走則例  
館纂修清正在公推情恕物一充會試收卷官一充會試對讀  
官一充會試彌封官念場屋艱難見試卷違誤或文字小紕繆

指示之俾自全不能者悵然惜之由是試人多感公意一統志成直隸附貢生潘祖裕以勞敘官當得尉不拜請改教職公值事謀諸大曹時捐例新開通文就例僉曰可哉疏入得

俞旨已判行矣越二年有援前事議格者當事觸冢宰陰忌謂予奪兩歧將中傷之又不遂遷怒及公或謂子辭必辨不聽遂鐫級而當時僉議六曹悉不問人爲扼腕公曰自老母南旋遊子之心與白雲俱飛今天所以成吾志也同人爲畫扁舟歸養圖浩然而歸此非不難少降就以俟補復又非不可納金自贖而公意決矣囊橐蕭然相識者贖之乃治行一時名卿大夫如曾文正公呂文節公袁端敏公黃宗伯陳中丞黎侍御馮宮詹

周閣學何編修徐內翰約數十人皆惜公去競爲文詩以美之  
祖道都門外車若干兩漢人祖二疏千載相望是可以光澹退  
矣夫人臣進退之際有定理無定論秋風蓴鱸世高其行皓首  
郎署人多其守去就殊而皆是者道存焉耳故拂衣抗俗存心  
家國者不爲而懷祿墮節之夫反借以自覆三黜不去非柳下  
惠亦賢人耶孟子之言進退曰和曰清必其人乃當之吳季札  
論達節守節必其人乃能行之夫處戴盆望天之勢當室怒市  
色之時卽欲委蛇濟世不亦遠乎易曰介于石不終日子曰知  
微知彰萬夫之望公庶幾焉常人之所流連顧盼而不能遽舍  
者而賢士君子如脫屣誠內外輕重不侔也公次子政慈從余

知 識 樓 八 卷 出 目 百 年 於 翠

君子之光大人否亨資川之湄白日佳城後有作者敬仰先生



祭舅父鄭公文

嗚呼古道誰敦人情叵測飲食遊嬉管鮑同席苦樂何常覲面  
秦越黠者效之愿者孫辟强者報焉柔者緘默天道無私神明  
有赫殃慶之加百不一失慟吾 舅父愿謹性成寬柔自克菽  
水之歡壘簾之協門內雍和身無失德壯事經營義不計值急  
難是周私累日益人或感之公無德色人竟負之公無迫責惟  
公厚道不急產殖天佑善人充閭慶溢有子克家懋賞同錫階  
出蘭蓀亦皆秀特美報方來雖貧何惜公方陶然恣其游息靜  
觀人世不介胸臆任運委心一朝永訣江口流澌橋邊雪積閭  
里同悲春停歌寂遺愛在人詎始今夕 佑等庸庸相慚寄宅間

侍不勤情文多歉舅氏五人公居其末碩果之存今亦繼歿言  
念及此悲傷何極不腆庶羞泣陳靈側舅父有知尙其來格



祭

祖文

以第四子思訓爲叔父 廷贊公後

嗣孫長佑率子姪謹以牲醴庶羞敢昭告於 歷代先祖考妣之神主前曰喬木蟠深枝雖繁而並茂眾山羅列脈似斷而仍連是以式穀載詠於毛詩爲後特詳於戴禮撫子承祧自昔爲昭茲因叔父 贈光祿大夫廷贊公壯年棄世叔母

贈封一品夫人劉蔣氏勵節撫孤乃從弟復歿於軍中惟弟婦相依於母氏重幃共苦一綫誰延長佑等謹屬至親實有難安之隱而訓兒素爲鍾愛權承垂老之權乃蒙遺命殷勤願以是子承繼茲諏吉日書立嗣闕戚族在庭先靈在上幽明一氣實鑒此盟伏惟螽斯衍慶千秋延俎豆之馨瓜瓞綿長百世紹箕

喪之慶謹告

國正初之冬

三

夫夷周氏重修族譜敘

邑之舊縣前有巨族曰周氏其先蓋出於紫陽宋諫議儀吾姻家上舍朝述其苗裔也周氏自唐末由江西遷紫陽三傳而其族始大厥後子姓益繁枝葉扶疏散處於邵陽新化武岡數百里閒而自武岡徙夫夷者曰一斐君是爲上舍舊縣之始遷祖然是時周氏尙未有譜錄也夫夷周氏之譜實成於嘉慶乙丑國學生璋而其稿則創自前明諸生曰添秩者蓋歷二百餘年而草已屢易成譜罔若是之難也迺今距前譜之輯又六十餘年矣世系存歿久而懼其墜軼於是上舍復集其族續修之而乞余言以弁其首於厚紫陽一僻壤耳而諫議三世掇巍科至

今鄉里無賢不肖皆嘖嘖豔稱其事顧此亦近代故族所時有  
不足爲周氏榮惟公祖孫父子並以忠義顯名俎豆鄉賢名宦  
異夫世之徒以文章博科第容容保富貴者箕裘健美誠不可  
及吾意紫陽世澤深遠其子孫必有蟬聯崛起爲名臣以食明  
德達人之報而自宋雍熙以來公後固代不乏賢而卒幽潛巖  
穴不少振耀何也今上舍父子旣兢兢於收族敬宗奉先德爲  
矩矱而其族亦多耆碩自好之士相與潤色家乘搜訂闕遺由  
是父勉其子兄勉其弟益穆然於木本水源之思立朝則法諫  
議之敢言夔襄之善政居家則慕德州之服叛安順之勸民斯  
爲無愧諫議之後而人世之青紫榮名固不必詭遇而已恢恢

乎其可券已上舍瞿然曰善乎吾子之以是爲朝述願也請書  
之譜以爲諫議公之後世世子孫勗

卷之二

三

臨桂李樹森  
南陵胡永幅  
同校

劉武慎公詩存三十二首

劉武慎公全集卷二十九中

目錄 聯語增

盡

癸亥新正試筆

甲子元旦試筆

乙丑元旦試筆

乙丑除夕

丙寅元旦試筆

丁卯元旦試筆

戊寅正月四日喜雪口占

己巳正月三日試筆後舟錄

劉武慎公全集目錄

庚午正月新正初四日口占

庚午新正初十日試筆口占

辛未八日試筆

壬申新正試筆

癸酉正月初二日試筆

乙亥新正月初二日試筆口占

丙子新正試筆口占

丙子新正試筆續韻

丙子除夕

戊寅



戊寅除夕停筆

己卯元旦試筆

庚辰新正初二日試筆

庚辰除夕口占

辛巳元日試筆

辛巳元日試筆再成

壬午元日試筆

壬午除夕口占

乙酉新正三日試筆

謙兒植菊數百盆當盛開時予大病初痊對之欣然幾忘

其衰因作詩誌之

次韻希陶叔九日畱別七律一首

丙戌元日試筆

六十九歲生辰誌幸

丙戌除夕醉後口占

丁亥新正試筆

聯語增 未盡

輓曾文正公

輓李青階親家

輓江達川親家

晚易虹橋觀察

又代

臨江昭忠祠聯語并跋

輓楊樹屏同年

輓楊亦廬山長

輓左文襄公



武慎公詩存 未盡

癸亥新正試筆

奉節東來近浹旬  
欣看萬象早回春  
海邦自昔稱雄傑  
疆吏尤宜善撫循  
政有寬嚴思並濟  
民無夷夏可同仁  
堯天聲教宏漸遠  
從此邊隅不起塵

甲子元旦試筆

元運剛逢甲新猷  
正及辰

九天光復旦萬象  
氣皆春爲卜年豐  
屢還聞月捷頻瞻  
雲欣日近稽首拜

恩綸

乙丑元旦試筆

朝拜歸來露氣融  
漸看日上瑞雲紅  
晴烘簫鼓知民樂  
塵靜郊圻卜歲豐  
盟約舊堪彌外侮  
聲威今定懾西戎

至尊猶自勤宵旰  
吾輩尤應慎始終  
已許同心熙庶績  
尙思交儆策全功  
菲材竊喜依

光近持報

明時只樸忠

乙丑除夕

三載郊畿擁節旄  
關河周歷敢辭勞  
南防未掃鯨鯢穴  
北伐誰施虎豹韜  
雄鎮三屯仍舊壘  
勤師千里仗同袍  
欣看邊圉兵初

集快報陪京寇已逃自是

天威懾遐邇金鏡響徹塞雲高

丙寅元旦試筆

年來春早至黍谷律吹溫卜歲知民樂宣威仗

主恩塞垣雄且傑車馬靜無喧關外師先捷飛章慰  
至尊

丁卯元旦試筆

饑臘偏慳雪迎春卻喜晴祥風來近甸旭景滿重城甯復恆曠  
慮從知泰道成崇朝

龍德布膏雨洽羣生

卷二十一  
戊辰正月四日喜雪口占

盼雪逾殘臘春初雪亦佳薄葦資醞釀細潤遂根菱碧宇塵都  
淨青陽律自諧綬豐今有兆定恢  
聖人懷

己巳正月三日試筆後再錄

入春幾半月改歲亦三朝未覺祥風至還看瑞雪飄自天深醞  
釀滿地盡瓊瑤轉瞬陽和布園林景倍饒

庚午新正月初四日口占

歸來兩見故園春勉自扶持老病身風景依稀猶似昔相逢多  
是少年人



庚午新正初十日試筆口占

歸臥家園已兩年靜觀身世且翛然  
親人花鳥機同息  
覓我詩書樂自全  
往事都如風過水  
餘生猶及日中天  
老來疏惰無他願  
贏得經畬舊業傳

辛未人日試筆

春來廿日寒猶重  
十客登門九閉關  
雪擁但宜終日醉  
花遲休怪化工慳  
在家禮數難忘舊  
投老心情只愛閒  
里閭歡騰簫鼓暖  
坐看佳氣滿南山

年前臘後春旋至  
雨雪連旬天豈慳  
老圃花容資醞釀  
小渠水已動潺湲  
流光過眼皆陳迹  
造物無心若等閒  
陰沍外消陽內

長天開淑景徧人間

壬申新正試筆

祈年先雨雪旣濕恰宜晴

帝澤由來溥邊塵自此清瓊瑤明遠岫簫鼓徹重城  
五筦欣重領彌虔向日誠

癸酉正月初二日試筆

天子富春秋乘乾一紀周雲祥書首祚風動徧遐陬  
化自重闈肇賢選九野求

當陽光

祖緒錫極煥

皇猷

溫詔連番下邊垂次第收無才慚素飽何以效忠謀

乙亥新正初二日試筆口占

春到欣占一日晴更當新歲話

昇平天花有喜卿雲縵秋水無波皓月生

綸綍及時宣

德意管絃隨處動歡聲拜呼未覺

君門遠願誦臺萊祝

聖明

丙子新正試筆口占

新歲雪初霽故園梅乍開  
恰宜停宦轍聊復酌鄉醅  
暫得歸林趣彌殷望

闕思

聖恩今更渥臣力敢云疲

丙子新正試筆續韻

宦迹原無定鄉心總不移  
遂園風景好小住謝塵羈  
有弟孱猶健諸兒駿亦才  
不須問家事嬉戲共童孩  
門戶有新舊園林無損增  
寒花不作態好鳥若爲朋  
曩歲被

恩命愴然辭壠塋何期移節便重得展微誠

250  
我生觀進退有意無意間穹寓原空闊積雲自在還

丙子除夕

去年今日還園裏骨肉團圓舉家喜今年幾處勤陟瞻離家都  
在數千里男兒有志趨功名衰暮豈猶味足止遙知子仲停杯  
時聊復分甘弄孫子

戊寅

元朝拜舞

紫宸裏郁郁紛紛祥雲起

德動天容神降祉益祿益富益年齒邊氓安樂自今始衰病亦  
能健步履同官躋堂復濟濟既協而和恭近禮非才無補方隅

理老至未卽歸田里日夜慄慄曠官恥方將苦衷上陳啟何期  
無端成萋斐驕溢傾覆小人技敢希往哲述原毀仰惟

聖朝相曲體我本窮鄉措大爾與人無競求在己家無餘貲遺  
子弟一經相傳已舊矣日昨迎年獻春醴適得舍弟書一紙上  
言兄壽躋順耳道遠未能侍杖几下言長孫已生子四世一堂  
六親喜讀之且慰且自揆藐躬何德以當此惟當益矢惓忱勤  
愷悌願得

國恩家慶永永無窮已

戊寅除夕停筆

今夕似何夕新年催舊年壯時誰與守老景或相延報

國孤忠在思家別夢牽  
倘多閒歲月鼓腹樂  
堯天

己卯元旦試筆

饑臘天無雪  
迎年雨又晴

聖恩原溥徧

朝政自清明  
老病尙何戀  
愚忠亦已傾  
會當

許修覲伏

闕再陳情

庚辰新正初二日試筆

垂老尙臨邊  
因循又四年  
無才濟時局  
知足思昔賢  
休怪歸期

誤庶幾晚節全故園花正發回首景依然  
未肯初心負何堪老病纏乞身徒有疏伏

闕竟無緣

帝念人求舊臣維路避賢敢辭瀆

宸聽叨竊已多年

庚辰除夕口占

兩地家書同日到壘吹簾應老懷開獨傷予仲音塵渺悔未抽  
簪及早回

節樓依舊歲筵開親友兒孫笑語陪遙憶遂園太枯寂更誰亭  
畔看寒梅



辛巳元旦試筆

元朝閉閣敢偷閒身本多憂老更辱未有遠謨紓

聖慮曾無善政釋民艱歸田屢疏成虛願竊位頻年倍赧顏安  
得陳情向

帝闕廁身閒散附朝班

辛巳元旦試筆再成

饑燼剛過雨迎年恰放晴民皆歌復旦春已到邊城官閣梅花  
盛衢樽柏酒盈老夫猶兀坐入耳盡權聲

壬午元旦試筆

邊城七載尙婆娑難得民安時更和老至又逢新歲月春來仍

滿舊山河仰占日麗雲成彩遠矚霞蒸海不波述職重逢應我  
許願慶湛露蓼蕭歌

壬午除夕口占

適因老病解征鞶非爲前途風雪寒滇海七年雙鬢白湖江萬  
里寸心丹鬢借親友傾樽數更得兒孫侍坐團回憶故園轉惆  
悵梅開雪盡有誰看

乙酉新正三日試筆

春氣年前覺春光此際延園林自深靜雨雪何連絲柏酒寒堪  
禦梅花凍更妍會當放新壽人物盡欣然

謙兒植菊數百盆當盛開時予大病初痊對之欣然幾忘

其衰因作詩誌之

芙蓉開過菊猶鮮移列階前並几前  
枝判高低如有態花分濃淡其爭妍  
漫誇晚節希先哲且喜清香似昔年  
病去身完眞再世舉尊對此樂陶然

次韻希陶叔九日留別七律一首

經年一晤漫言歸況值秋霖冷透衣  
老至行藏惟自適閒中趨避有誰非  
關懷最是原鴿詠別興還同雲鴈飛  
愧我病衰伏窮街幾回相約復相違

丙戌元日試筆

元爲萬善長春爲一歲首元日值立春  
歷象良非偶問孰主宰

是元化在其手出震始而亨奉若天時後

今上富春秋聰明自天受懿訓秉

慈闈允矣

聖人母憂勤廿年餘懷保協坤厚庶績用成熙四鄰慎封守不  
須鞭笞勞已覺蛟鱷走卽此驗中興民康物亦阜熙熙春臺登  
黃童與白叟嗟予老病身分應解組綬歸來忽三年杜門惟思  
咎晚節竟何如初心已多負棲息尙安便舊有園數畝課讀並  
養花世事休挂口地僻少過從寥寥親友兒輩憚遠遊謀生  
忘拙否甘旨隨所宜孫曾環左右因無大憂嗟當歌或鼓缶日  
月不可稽今已六十九歲改若再生春回起衰朽載進五辛盤

載飲屠蘇酒雪贖園中梅風颺池邊柳及早布陽和自今歲其  
有覓紙仍題詩頌爲

聖人壽

六十九歲生辰誌幸

聖恩高厚許歸田四載園居得自便守拙已成終老計偷生將  
屆古稀年藥堪祛病身還健酒可消愁神自全更喜兒曹能養  
志相攜童稚舞庭前

丙戌除夕醉後口占

迎春餞臘尋常事今我居然七十翁屈指故人殊落落驚心去  
日太恩恩看花雪裏頭增白舉酒燈前面暫紅幸有兒孫能養

志小園團聚樂無窮

丁亥新正試筆

年去年來事畧同古稀今見遂園翁得閒因病甯非福既耄思  
愆亦是功憂

國占豐餘臘雪出門攬趣待春風無求便是長生訣何處追尋

黃石公

聯語附

輓曾文正公

贊道是儒臣戡亂是勳臣輔治是賢臣品碩重三朝論定蓋棺  
何止名齊韓范

孤陋不鄙我隔闕不忘我躑蹠不棄我舊官仍五嶺緣慳執紼  
空教淚灑湘灘

挽李青階親家

自幼而壯而老視吾兄弟誼若同懷邇來骨月凋零相對增悲  
方期各自護持看兒孫早晚有成胡獨怱怱先我逝  
平生非俠非豪薄彼利名勇於赴義中更家園索寞恆情難遣  
猶復仍前慷慨與親舊解推弗懈洎今歷歷繫人思

輓江達川親家

同援皖北君志獨伸同宦嶠西君譽獨多展布正無窮傷心直  
道難容抑鬱以死

相聚故園我生何幸相違末路我計何左居遊亦有數回首鄉  
關伊邇悵憾莫名

輓易虹橋觀察

不見近十年客冬書使遠來存問殷拳竟成永訣  
此生真一夢曩歲軍營從事馳驅艱險徒付長歎

又代

斯世正需才胡令久滯瘴鄉齋志以歿  
老天豈無意且得篤生哲嗣食報將來

臨江昭忠祠聯語并跋

五日內轉敗爲勝破巨寇克名城恃有諸君靈爽助



百戰後雖死猶生作明神捍災患常令父老歲時思

丁巳春予統楚軍由袁州進規臨郡營次太坪賊援大至苦戰三日夜我軍力竭退保分宜時二月二十日也越五日謀賊將窺袁州家峴莊遽領前隊遏之渝水軍威重振遂薄郡城石逆復率眾十數萬至太坪我軍大破之乃克臨郡軍中咸謂太坪死事忠魂所助立祠祝焉今十年矣祠移建郡中規模視前完整足垂久遠爰撰聯語并誌其畧

輓楊樹屏同年

不負平生言比值急流能勇退  
可爲後輩法最欽晚節有餘香

輓楊亦廬山長

經師人師遽成定論

直友諒友重晤何年

輓左文襄公

臥病久無惊悅予夢入江城舉酒爲懽竟夕具談家國事  
歸休原有約喟爾盟渝海滋出師未捷老天遽奪棟梁身

臨桂李樹森  
南陵胡永福  
同校

劉武慎公雜記 未盡

劉武慎公全集卷二十九下

武慎公遺事 增錄

蔭渠先生事畧 未盡

游滇日記 未盡

撫粵紀畧 未盡

The image shows a large rectangular frame with a thick black border. Inside the frame, there are several vertical lines that divide the space into approximately 10 columns. The interior of the frame is mostly empty, suggesting it was intended for a diagram or text that is not present in this scan. The lines are slightly irregular, characteristic of a scanned document.

武慎公劄記附錄

未盡

賊未北竄之前一日在河邊更番迭戰互有傷亡相持至夜均未收隊三更後忠烈已睡復起謂某曰明早賊必北竄渡口雖經打塞仍須得力兵勇奮力截擊免賊拔樁搶渡且各營派定之隊天明始去恐落賊後君可前往河邊就隊內挑選奮勇乘夜潛往渡頭以備攔截時某正在作書未就雖經答應尙未動身忠烈恐某不無難意遽曰我軍列隊處距營只里許沿途有兵勇巡邏隨帶一二人可以往來某知其意卽帶一僕步至河邊挑得奮勇二百餘人時已五更卽令潛蹤馳往渡口惟見河下賊船燈光如晝鼓角喧闐不時用大礮向我隊轟擊竟不知

渡口已經打塞者某回營將睡聞下游槍礮之聲已接屬不絕

矣此雖瑣事亦見當日謀事未敢怠慢云

此論初次解廣西圍事姚炳奎註

唐家司之戰忠烈與秦定三督軍由閒道直撲賊營賊眾慌亂欲走旋因他路官軍未能應期廕至日中傷亡勇目數人前隊稍卻賊卽乘勢鈔來某於途次聞警率護解軍資勇夫數十百人馳往接應督同哨長李篤勝倪長智蔣大勝等於山市路口用擡槍回擊斃賊前敵多名又有餘丁於兩旁竹林內擒斬賊匪數人賊始引退

是日收隊時某與三哨長因恐賊復來追故紆其行忠烈見某僕驚問所在僕放聲大哭正在遣人尋覓聞某與三哨及勇丁

十數人步出山坳眾皆驚

賊由蓑衣渡棄舟登陸竄至永州東岸適江水大漲不能飛渡偵知後路追兵且至乃悉眾竄道州由雙牌鋪至濂濤灣計程七十餘里皆傍山臨水路極險隘賊至其中互相駭盼有驚吳投水者柰前路並無一兵堵禦使賊從容過去又離州城數里有斜陂渡向設浮橋官軍由此退守州城不卽將橋撤去道道兵踵至賊已將橋撤散並將上下游船隻盡數擄至水南追兵設法搭橋渡軍擊賊而州城已破賊營亦屹立城外矣以各節忠烈傳中記載頗詳方畧亦大致相同書此以備參考可也渡名舊作斜陂濂濤灣亦名連刀灣未知孰是茲據當時軍報

之名

全州初陷有被脅鄉愚掠取財物自城中逃出爲楚勇捕獲者約五十餘人送營訊辦時營中尙未派有問案之員忠烈督戰未遑乃屬某在營提訊某隨訊隨釋僅留二人繫於帳前忠烈陽問何以概行釋放保無倖逃法網之人某以手錄供單呈閱忠烈笑謂曰我於回營後竊聽審訊數人竟與老吏無殊此二人可殺無疑亟命差官請令某復請知照官軍委員會訊從之次日和鎮軍派員來營訊供無異乃殺之此雖瑣事亦見忠烈與某尙非率忽從事

道州賊分股竄陷江永忠烈遺其季弟忠淑與余提督所部敗



殘官軍同往剿辦並有本處團勇隨軍助剿均未得手某與忠烈同在道州城外老營未赴江永至六月二十五日道州賊棄城走某適患欬力辭回里就醫瀕行忠烈摯語挽留並屬忠淑偕某隨後徐行某重違其意力疾同至郴州

某到營每以軍必選練爲言至是忠烈屬某選勇丁五百人自管帶至隊目以次連結具保旗幟號褂等項均與他營楚勇不同疊次攻戰較爲得力云

賊中道地將成張中丞商調楚勇百人準備搶護缺口忠烈派哨長徐以祥領之捍禦甚爲得力斬獲登城賊首數十級隊長

伍坤宣奪先鋒金黃大旗一面

此論長沙守城解圍事姚炳奎註

時賊尙開有地洞數道忠烈建議派兵勇下城開壕橫截之楚  
勇哨長徐志近身先眾勇縋城而下督同開鑿每日受傷勇不  
少徐志近亦受傷兩次

武慎公遺事

蔭渠先生行畧

峴莊手錄

公生有異稟口能容拳眉目間有威棱徧體黝色兩股黑癍隱起如鱗甲

公幼多力手足勁捷十餘歲時夜讀聞樓上窸窣有聲仰視見有賊踰牖欲出公一縱登樓急持其足賊反顧則所識里人也公憐而釋之

公性嚴重自幼不好戲弄稍長循循禮法口無妄言聞人談及閨閣或涉狹邪必正色斥之往往同堂浪謔見公至卽斂

公負笈嶽麓書院嘗數載不歸山長丁伊輔先生亟稱之自公

與江忠烈公陳穀吾先生先後馳譽長沙人始知新甯尙有讀

書人

公好獎勵後進余補弟子員後從公肄業嶽麓所作課卷必先就公正之公盡心教訓以余素負氣尤委曲裁成卽平日爲人亦多所規戒余不能忘也

公初從同祖伯兄容之先生受讀後則與仲弟又卿同窗教學相長怡怡一堂又卿問學有成皆公之力自丁艱後家居授徒與又卿相爲切磋余亦得以請業請益頗稱樂事

江忠烈公由廣西永安州軍營以書招公公以行止商之於余余力勸駕公與江忠烈公季弟幼陶偕行時營中所獲賊黨不

無草菅公必詳悉定讞全活頗多忠烈每稱公有吏才

咸豐五年公解邑圍策馬赴城令余回楊溪村馳書報捷省垣  
此次新甯城守兵不滿百民盡登陴婦女則饋食運磚石已歷  
七晝夜再遲一二日必不支矣解圍後城中與營中爭功將士  
大譁余亦不無憤激語公曰子亦爲是言耶是何足較

咸豐七年公統軍援江西進紮太坪墟距臨江府二十餘里公  
入營下輿其帽頂忽墮地城賊屢來搗戰伺我軍出卽退旋聞  
石逆達開僞弟國宗僞禱天侯大股來援並以僞書誘李能通  
內叛公知賊熾飭各營增壘浚壕以待而賊悉眾來攻橫陣十  
餘里我軍正欲出隊而賊已從右路沿河繞出營後縱火入營

煙焰障天右路潰中左兩路亦潰公見事敗卧地不起余曰此非死所叱親兵掖公上馬閒歸本營已虛無人余入棚內亦不見一親從尋公則已出營余隨之出前營行則見賊已登弔橋抽刀斷繩乃沿壕趨右見公在壕外半身卧地數親兵曳之以行猶聞公呼以馬來以馬來時有賊十餘人距公數步擁矛而立若有禁制之者

此次之敗損傷文武員弁及勇夫甚多幕友脫者無幾顧幸早退一兩日遲則僞指揮聶逆由峽江縣率悍黨二千橫出羅坊截我後路則無噍類矣

公進圍臨江僞石國宗率眾數十萬過河將出羅坊以攻我軍

之後而解臨江之圍余以公營絕地勸暫解圍以避賊銳公復書云甯死必決一戰余乃由英岡嶺回營營外市易已散各營將領多失常度惟李孚吾與江誠恪數人神采毅然視前轉勝公則治軍書如平時二更卽寢寤睡達旦每日以老弱守長壕禦城賊公躬率精銳前往營後十餘里地列陣以禦外援時賊所盤據之處昏霧接天咫尺莫辨不測賊多少亦不知賊遠近故軍心尙定若有神助也

羅坊大勝是日斬擒雖不多而賊之過河溺死者數萬浮尸蔽江而下臭聞十餘里臨江營中幾不能食各營奪獲器械貲財甚眾有得金玉溺器者其麤重衣物數月舉之不能盡左文襄

案正史卷之三十一  
所謂奇險之中有此奇捷湘撫追問解圍退營之議出自何人  
查明解省嚴辦公匿不以聞而撫檄催查甚厲且疑出蕭浚川  
余不得已自首引罪事得寢

公在江時事事務存退讓蕭浚川諸君習以爲常余在撫州與  
蕭浚川分收崇仁之米計其網利以危語脅之江西糧道李黼  
堂出而調停余故與之斤斤計肥瘠多寡不少假借蕭浚川浩  
然嘆曰蔭帥真盛德也

同治元年四月余辭公赴廣東臬司任公旋赴潯州勦辦貴縣  
黃逆鼎鳳股匪與東省近消息常通余初任吏事頗厭其煩上  
公啟中有不若在戎馬閒尙可快心之語公復書謂我輩居官



當以盡心之處爲快心之處余奉爲座右銘呈之勞萃階制軍亦稱是有體會者

公於同治二年正月調補直隸自是與余無甚交涉公事惟於同治八年過保定時見曾文正公謂直隸官紳士民於公有去後之思入都文文忠極爲公稱屈又余督粵時西省州縣稟繳所產絲棉尙稱公撫粵西教民蠶桑之遺澤也

公帶兵十數年未嘗戮一偏裨卽勇夫之有罪者亦多屈法宥之自非攻城對仗於賊不輕殺一人仁心仁聞人知之賊亦知之

公寬嗜好凡克城鎮所得寶劍名馬及他珍玩之物公從不留

盼人亦無敢以此來獻者

公性渾厚圭角泯然如玉壯武諸公之矜才使氣者與公水乳交融公每與余言及則贊不絕口不以已律人也

公在江營凡文檄多屬余爲草公覆核時見有一語溢分傷物者輒削去之

游滇日記

歐陽備之手錄

丙子歲三月二十五日舟泊沅陵江次晚飯聞制軍云天下每有甚不可解之事湘鄉楊虎臣總兵今六十餘矣子孫羅列皆衣冠中人而楊草笠麻鞋日手一竿垂釣或有言及中興用兵諸人者輒掀髯痛罵當軍書旁午之候楊以一軍往來楚豫間如羅忠節以下皆不爲之用雖曾文正公亦不能折服之每見人皆不屑爲禮而獨聽命於余飛札一呼無不立至見面時則恂恂惟謹不露才不異言左中堂嘗從容謂余云楊某傲岸不羣非人所能節制君操何術而使之俯首如此此可見公之盛德服人蓋自出山時而已然矣

二十七日宿浦市聞制軍言新田張主政順德事蓋公嘗與王壯武公分軍解圍張請會同報捷意在爭功二公未許張主政徧以書訴當事他日張石卿中丞謂制軍云君雅量過人何獨與張某不和公答云不同則有之無不和也張公嗟爲君子四月初四日晚至洪江飯時聞制軍初出山辦理江忠烈文案於解江西圍時手書片紙貼城樓上示諸勇弁以某處當守某處當防張小浦中丞巡城見之以問江忠烈公此何人籌畫也江以公對張甚稱揚時太和教匪乘隙起異圖警報傳至省會張中丞令公與羅忠節澤南李忠武續賓往勦親送出城登公之舟舟小不能容膝問隨身服物則舊篋一肩而已遂行馳至

太和公以楚勇羅以湘勇連營與敵並爲部署深溝高壘他日賊傾巢來而行遂以破賊賊以萬計而官兵不問皆有葦索數丈問何以持此則以受此縛也此咸豐三年事公之立功初五日上岸住寶慶會館早飯時間從駱中丞索參遣勇丁段東軒齎書爲東翁手封四枝付段帶回段於飯具以事對其人索觀之謂可拆封一與易也段計與勇目爲伍安能坐致

至安仁縣中有親故在彼市藥者因託之售既而營中蹤迹得之移札安仁縣掩捕獲段並信及參左謂公必殺之非僅因其盜物也以信中有機密語爲縣令所見故深恨之也公亦以非置之法不足以警其餘次日復謂左云吾此次需參服之欲以永命也而人因此喪命殊失此中本旨言次雜以誑諧段遂不死仁人之言動人竦聽

初八日聞制軍昔在嶽麓時有友人喜食牛肉偶值丁祭先日聖廟門外繫一牲牛公過見之喟然長嘆而去適其友繼至亦嘆息不已旁觀者叩公云君何見此牛而興嘆也應之曰吾以其不能久殷觶可憫也又問某子嘆云何某曰吾惜其太

瘦耳噫此雖笑柄然而心術由此分矣

二十二日制軍言生平與江忠烈公神交在兵間時嘗得其陰助袁州之役夢寐中彷彿見頎然而長者促余起傳令出隊時方四鼓軍士皆竊怪及行列已整而賊果銜枚至矣某處之役亦然則軍士皆恍惚見之咸豐五年粵賊圍困新甯以萬計公率三營救援初馳至壁壘未成會大雷雨賊猝至遂北隨整軍再戰大破賊於城隅賊爭渡江溺死者數千人流水爲腐復有生被縛至者供云渡水疾奔時數十里外猶見有藍幟官健遠遠尾追而公所率軍實未出郭蓋江忠烈公用兵時旗幟皆藍也





撫粵紀畧

王子壽  
手錄

公雖到粵不久卽陳臬開藩而其實仍在軍營直至曹署中丞  
催受撫篆然後回省入居署中卽出示關防禁杜弊竇事無論  
大小文案必親自過目過手宜速行者皆飭以時趕辦例文亦  
立限照轉弗任稽延公餘偶暇祇作字觀書以自遣無姬妾之  
奉無玩好之娛有求墨寶者罔弗應廉俸之外絕不苟取絲毫  
公服之需亦惟力求樸素淡泊儉約悉由性成而公夫人在署  
猶日督僕婦種蔬紡紗諸少君皆大布之衣問安視寢外惟以  
讀書爲事從不爲鄉人幕友薦一乾館有影射招搖者知之卽  
立刻遣歸家人皆月給工食嚴禁需索陋規宅門出入皆派吏

挂號而夜自按簿稽查出不以時者則責逐之戰輟之內綱紀肅然

粵西被兵日久民不聊生凋敝情形傷心慘目公於旌麾所過固無不惻然憫之轉念邊遠之區殘破更甚尤日塵瘡痍未復痼癥在抱之懷隨處嚴禁兵勇之抑騷州縣之賤削差徭之濫派團總之苛求道旁父老扶杖而觀者必降輿召至前訪詢疾苦有疾視其上申訴貧劣者立予撤任查辦夫馬船隻之需皆飭由省局籌款派員供支豫行出示通知如官吏藉端科斂準百姓赴轅控呈有犯必懲不僅以文告了事其受害最重之處爲奏請蠲緩錢糧至數十州縣之多

僚屬因公請謁皆隨時接見雖微員末弁亦俾盡其詞以覘其所長舉劾必公差委必均取人以心術品行爲主課最以操守爲先獎賢勸能密疏保薦而絕不令知才力有爲而未諳政治或誤被糾彈者多委曲誘掖終成全之謹愿年老無大過而難以策勵或猶有老親者皆諷令自退仍周其窶困惟貪酷庸劣之員則不少寬假

臨桂李樹森  
南陵胡永福  
同校

後序

大清同治龍飛運際中興賢豪蔚起其事功之彪炳學術之  
崇隆論者首推駱胡曾左而忠誠樸慤予竊心服新甯  
劉武慎公蓋文正與兩文忠皆起家科第翔步木天或  
由侍郎奉

命辨團破賊或由巡撫節制一方或由方面領軍出剿得位乘  
權故羣材景赴卽左文襄亦以名孝廉久厯幕府夙擅  
宏通迨羣公推薦

徵命甫下遂以京卿統師治寇是四公者緯績旣著鴻文自宣  
其名言大議固已風行寰海矣夫論事必求其細觀人

必知其難凡其所憑藉者高故其徵名也易遠其所仰  
戴者眾故其響應也易宏此古今鑒材之藪也若武慎  
劉公籍未列於鄉科聲未通於遐邇徒以遠邑拔萃生  
攄其義憤志切同仇乃集鄉兵召團勇以寡弱之師制  
方張之寇卒能保護鄉邦樹功鄂皖方是時也逆焰燒  
天狂鉦沸地賊已蔓延兩楚連陷三江公復奉檄出援  
江西所部勁卒不滿五千而持重果毅規畫盡善遂克  
堅城摧悍賊身經數十戰雖瀕於危而軍莫能撼終將  
江境肅清振旅歸楚大府上其功始由太守晉職觀察  
蓋艱難幹濟層累屈折始積功至於此也繼值石逆與

另股由江粵分道竄楚公奉胡文忠檄率師辦賊援永  
援寶所戰克捷湘境保全復以廉訪使奉檄督師赴援  
廣西桂林圍解遂克柳州所有積匪艇匪潯匪以次盪  
定始由兩司開府西粵總制粵東時捻逆肆亂蝟集北  
方畿輔重地已被分擾公奉

簡命制軍直疆旌旆臨蒞卽外設鄰防內清股匪而直境賴以  
無恙後以梟匪蠢動鑄職罷任實與共事者不合非玩  
師之罪也歸湘後家居三年

朝廷思其功復擢任廣東巡撫旋因廣西伏莽未靖越南告警  
調公重撫桂林蒞節後安內攘外擘畫精詳粵越竄匪

遂爾綏定時滇患甫平善後各務迄無規模

朝廷乃擢公滇督節制邊疆公從容坐鎮民志遂安當是時也  
越南衰弱無政無兵久爲法人虎視潛謀鯨吞公長顧  
遠慮知後來近邊屬國必爲外夷蠶食故嚴首惡之誅  
請伐始滅琉球者之罪老成謀國洞見幾微讀公熟審  
邊情一疏及復總理衙門各則至今猶令人撫卷太息  
服其智慮之淵深籌策之審當也癸未公奉

詔入都

溫語褒嘉以病乞休不數載終於家舉凡節終之典報祀之隆  
均有立功各省疆臣爲之請



奏已足昭

朝廷厚卹蓋臣之盛美惟公崇論宏議人罕全睹殊歎於懷  
竊惟樹堂於公任直督時曾荷甄引入襄戎幄公後爲  
滇督樹堂所建議亦蒙採錄歲光緒十七年四月公壻  
龍君繼棟出公遺書見示且稱樹堂爲公故交知公往  
事宜爲刊佈播示後人爰敬謹捧閱亟付手民俾傳休  
烈因不揣謏陋拜手稽首而爲之序門下士永昌劉樹  
堂謹撰

孫正愷公全集

三